

MISSALE

S. ORDINIS PRÆDICATORUM

AUCTORITATE APOSTOLICA APPROBATUM

ET REVERENDISSIMI PATRIS

FR. MARTINI STANISLAI GILLET

EJUSDEM ORDINIS MAGISTRI GENERALIS JUSSU

EDITUM.



IN HOSPITIO MAGISTRI ORDINIS

MCMXXXIX

CLEMENS PAPA XII

AD PERPETUAM REI MEMORIAM

EXPONI Nobis nuper fecit dilectus filius Thomas Ripoll Magister Generalis totius Ordinis Fratrum Prædicatorum, quod alias emanarunt a felicitis recordationis Innocentio Papa XI Prædecessore nostro ad instantiam tunc in humanis agentis Antonii Cloche ejusdem Ordinis, dum viveret, Magistri itidem Generalis, litteræ in simili forma brevis, tenoris, quæ sequitur, videlicet : Innocentius PP. XI. Ad perpetuam rei memoriam. Cum, sicut dilectus filius Antoninus Cloche, Magister Generalis Ordinis Prædicatorum, Nobis nuper exponi fecit, ipse Missale, Breviarium, Diurnum, Martyrologium, Rubricarium, Processionale, Psalterium, Officium beatæ Mariæ Virginis, Kalendarium perpetuum, et reliquos Libros chorales, quibus personæ utriusque sexus dicti Ordinis utuntur, in alma Urbe nostra, prævia debita approbatione, propediem typis mandare intendat ; vereatur autem, ne alii eosdem libros postea, nec ea, qua decet, sedulitate, et castigatione edi curent, Nobis propterea humiliter supplicari fecit, quatenus in præmissis opportune providere, et ut infra indulgere, de benignitate Apostolica dignaremur. Nos igitur specialem ipsi Antonino Magistro Generali gratiam facere volentes, eumque a quibusvis excommunicationis, suspensionis, et interdicti, aliisque ecclesiasticis sententiis, censuris, et pœnis, a jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium duntaxat consequendum, harum serie absolventes, et absolutum fore censentes, hujusmodi supplicationibus inclinati : Universis, et singulis utriusque sexus Christifidelibus, præsertim vero Typographis, librorum Impressoribus, et Bibliopolis utiliter existentibus, sub excommunicationis latæ sententiæ, in nostra vero temporali ditione commorantibus etiam quingentorum ducatorum auri de Camera, ac amissionis typorum, et librorum omnium eidem Cameræ applicandorum, absque aliqua declaratione incurrendis et exigendis pœnis, interdicimus, et inhibemus, ne Missale, Breviarium, Diurnum, Martyrologium, Rubricarium, Processionale, Psalterium, Officium beatæ Mariæ Virginis, Kalendarium perpetuum, aliosque Libros chorales præfatos, vel eorum aliquos, aliquamve partem posthac in perpetuum, absque expressa, et in scriptis accepta dicti Antonii moderni, et pro tempore existentis Magistri Generalis dicti Ordinis facultate, cujus exemplum in principio, vel fine cujusque Librorum hujusmodi impressum una cum præsentibus nostris Litteris semper addendum erit imprimere, aut ab aliis impressa vendere, seu venalia habere, vel proponere quovis modo audeant, vel præsumant, mandantes universis, et singulis venerabilibus Fratribus, Archiepiscopis, Episcopis, et aliis locorum Ordinariis, eorumque Vicariis in spiritualibus generalibus, seu Officialibus, ac in Statu nostro Ecclesiastico Legatis, Vice-Legatis, Gubernatoribus, Potestatibus, et aliis Officialibus, ceterisque, ad quos quomodolibet spectat, et spectare poterit, ut quando, et quoties pro parte dicti Magistri Generalis, seu nomine dicti Ordinis requisiti fuerint, prædicta contra inobedientes quoscumque, etiam per censuras ecclesiasticas, et alia opportuna juris et facti remedia auctoritate Apostolica exsequantur, et observari faciant, invocato etiam ad hoc, si opus fuerit, auxilio brachii sæcularis. Non obstantibus Constitutionibus, et Ordinationibus Apostolicis, necnon, quatenus opus sit, dicti Ordinis, etiam juramento, confirmatione Apostolica, vel quavis alia firmitate roboratis, statutis, consuetudinibus, privilegiis quoque, indultis, et Litteris Apostolicis, in contrarium præmissorum quomodolibet concessis, confirmatis, et innovatis. Quibus omnibus, et singulis illorum tenores, præsentibus pro plene et sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum, hac vice duntaxat specialiter et expresse derogamus, ceterisque contrariis quibuscumque. Volumus autem, ut eorundem præsentium Litterarum transumpta, seu exempla etiam in ipsis Libris impressa, manu alicujus Notarii publici subscripta, et sigillo personæ in ecclesiastica dignitate constitutæ munita, eandem prorsus fidem ubique locorum in judicio, et extra faciant, quam ipsæ præsentēs facerent, si forent exhibitæ, vel ostensæ. Datum Romæ apud S. Mariam Majorem sub Anulo Piscatoris die XIV Augusti MDCLXXXVIII. Pontificatus Nostri Anno duodecimo. J. F. Albanus. Loco † Anuli Piscatoris. Cum autem, sicut eadem expositio subjungebat, ipse Thomas Magister Generalis Litteras Innocentii Prædecessoris hujusmodi, ne ulla ratione, seu arte infringi, eludi, aut labentis temporis decursu labefactari valeant, sed ut eo validius subsistant, ac exactius serventur, quo multiplici firmitatis vinculo sæpius fuerint ab hac sancta Sede constabilitæ, Apostolicæ confirmationis Nostræ præsidio communiri summopere desideret ; Nobis propterea humiliter supplicari fecit, quatenus in præmissis opportune providere, et ut infra indulgere, de benignitate Apostolica dignaremur. Nos igitur ejusdem Thomæ Magistri Generalis votis hac in re, quantum cum Domino possumus, benigne annuere volentes, cumque a quibusvis excommunicationis, suspensionis, et interdicti, aliisque ecclesiasticis sententiis, censuris, et pœnis, a jure, vel ab homine, quavis occasione, vel causa

latis, si quibus quomodolibet inmodatus existit, ad effectum præsentium dumtaxat consequendum, harum serie absolventes, et absolutum fore censes, hujusmodi supplicationibus inclinati, præinsertas Innocentii Prædecessoris Litteras, et in eis contenta quæcumque, auctoritate Apostolica, harum serie approbamus, et confirmamus, ac, quatenus opus sit, innovamus, illisque perpetuæ ac inviolabilis Apostolicæ firmitatis robur, vim, et efficaciam adjungimus. Præterea omnibus, et singulis dicti Ordinis utriusque sexus personis, nunc, et pro tempore existentibus, sub privationis vocis activæ, et passivæ, ne aliis quibuscumque Missali, Breviario, Diurno, Martyrologio, Rubricario, Processionali, Psalterio, Officio beatæ Mariæ Virginis, Calendario perpetuo, ceterisque Libris choralibus, vel eorum aliquo, aliquave parte, quam iis, quæ in alma Urbe præfata, vel de expressa, et in scriptis accepta ejusdem Thomæ moderni, seu pro tempore existentis Magistri Generalis Ordinis prædicti facultate, et licentia, cujus exemplum in principio, vel fine cujusque Librorum hujusmodi per extensum impressum, una cum præinsertis, aut præsentibus Litteris semper additum sit, typis mandata, seu impressa fuerint, deinceps perpetuus futuris temporibus uti; Superioribus vero dicti Ordinis cujusvis gradus, dignitatis, ac præeminentiæ existant, sub suspensionis ab Officio, quod obtinent, ac perpetuæ ad idem, vel quodcumque aliud simile, vel dissimile in futurum obtinendum inhabilitatis, præmis eo ipso, absque alia declaratione per transgressores respective incurrendis, ne dictorum Librorum, vel alicujus, seu partis eorum aliter quam ut supra dictum est, impressorum usum præfatis personis sibi subdatis permittere audeant similiter, vel præsumant, eadem auctoritate, tenore præsentium præcipimus, et mandamus. Decernentes, ipsas præsentis Litteras semper firmas, validas et efficaces existere, et fore, suosque plenarios et integros effectus sortiri et obtinere, ac ab illis, ad quos spectat, et pro tempore quandocumque spectabit in omnibus, et per omnia inviolabiliter et exacte observari; sicque, et non aliter in præmissis per quoscumque Judices ordinarios, et delegatos, etiam causarum Palatii Apostolici Auditores, ac sanctæ Romanæ Ecclesiæ Cardinales, etiam de latere Legatos, dictæque Sedis Nuntios, sublata eis, et eorum cuilibet quavis aliter judicandi et interpretandi facultate, et auctoritate, judicari et definiri debere, ac irritum et inane, si secus super his a quoquam quavis auctoritate scienter, vel ignoranter contigerit attentari. Non obstantibus præmissis, necnon omnibus, et singulis, quæ in præinsertis Innocentii Prædecessoris Litteris concessa sunt, non obstat, ceterisque contrariis quibuscumque. Ceterum volumus pariter, ut præsentium Litterarum transumptis, seu exemplis, etiam in ipsis Libris impressis, manu alicujus Notarii publici subscriptis, et sigillo personæ in ecclesiastica dignitate constitutæ munitis, eadem prorsus fides, tam in judicio, quam extra illud, ubique adhibeatur, quæ eisdem præsentibus adhiberetur, si forent exhibitæ, vel ostensæ. Datum Romæ apud sanctam Mariam Majorem sub Anulo Piscatoris die XIX Septembris MDCCXXXVI. Pontificatus nostri Anno septimo.

PRO D. CARDINALI OLIVERIO

P. L. JACQUET.



NOS FR. MARTINUS STANISLAUS GILLET

SACRÆ THEOLOGIÆ PROFESSOR, TOTIUSQUE ORDINIS
PRÆDICATORUM

HUMILIS MAGISTER GENERALIS ET SERVUS

Universis et singulis ejusdem Ordinis Patribus, Fratribus ac Sororibus
salutem, et in Sacris agendis pietatem

DESIDERIO ultimi Capituli Generalis anno 1938 Romæ celebrati, libenter obsequentes, quod in plurimorum, præcipue Missionariorum, votis jamdudum erat, Missale scilicet minore forma redactum, Vobis, Patres et Fratres dilectissimi, emendatum atque auctum, et Nostra auctoritate approbatum, læto animo exhibemus, ejusque usum Patribus et Fratribus Nostris permittimus. Non obstantibus quibuscumque.

In quorum fidem, his litteris Officii Nostri sigillo firmatis manu propria subscripsimus.

Datum Romæ ex Ædibus nostris apud Sanctam Sabinam, die 2 Februarii, in festo Purificationis B. M. V. anno 1939.

Loc. ✠ Sig.

FR. M. S. GILLET,
MAG. GEN. O. P.

Reg. Gn. pag. 45

FR. DOM. DELALANDE O. P.
a Secretis

DE ANNO ET EJUS PARTIBUS

ANNUS menses habet duodecim, hebdomadas duas et quinquaginta, et diem unum; dies vero trecentos sexaginta quinque, et fere sex horas: tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt; hinc annus ille intercalaris, Bissexthus, vel Bissextilis dicitur.

DE ANNI CORRECTIONE EJUSQUE NECES- SITATE, AC KALENDARIO GREGORIANO

QUOD dictum est, annum continere trecentos et sexagintaquinque dies, et fere sex horas, intelligendum est, sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas; et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem: qui causam dederunt, ut Æquinoctium vernum sedem suam mutaverit.

Cui malo occurrens Gregorius XIII non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582 præcedendo recesserat, quod a Concilio ad xii Kalendas Aprilis fuerat constitutum, et xiv Lunam Paschalem suo in loco reposuit: sed viam quoque tradidit et rationem, qua caveretur, ut in posterum et Æquinoctium vernum, et xiv Luna Paschalis a propriis sedibus nunquam removerentur.

Ut enim Æquinoctium vernum ad xii Kalendas Aprilis restitueretur, statuit, ut dicti decem dies in mense Octobris ipsius anni 1582 eximerentur, ut post quartam diem Octobris sancto Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepererat, in momento temporis fuit correctus.

Ut autem in posterum idem error vitaretur, ne a xii Kalendas Aprilis Æquinoctium vernum recederet, statuit idem Gregorius, Bissexthum quarto quoque anno (uti mos est) continuari debere, præterquam in centesimis annis; qui quamvis Bissextilis antea semper fuerint, qualem etiam esse voluit annum 1600, anno correctionis proximum, post eum tamen qui deinceps consequentur centesimi, non omnes Bissextilis essent, sed in quadringentis quibusque annis primi quique tres centesimi sine Bissexto transigerentur; quartus vero quisque centesimus esset Bissextilis, ita ut anni 1700, 1800, 1900, Bissextilis non sint, anno vero 2000, more consueto dies Bissexthus intercaletur, Februario dies 29 continente; idemque ordo intermittendi

intercalandique Bissexthum diem in quadringentis quibusque annis perpetuo conservaretur.

QUATUOR TEMPORA

QUATUOR Tempora celebrantur quarta et sexta Feria ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post festum Exaltationis sanctæ Crucis.

DE NUPTIARUM CELEBRATIONE

MATRIMONIUM quolibet anni tempore contrahi potest. — 2. Sollemnis tantum nuptiarum benedictio vetatur a Dominica I Adventus usque ad diem Nativitatis Domini inclusive, et a Fer. IV Cinerum usque ad Dominicam Paschatis inclusive. — 3. Ordinarii tamen locorum possunt, salvis legibus liturgicis, etiam prædictis temporibus eam permittere ex justa causa, monitis sponsis ut a nimia pompa absterneant.

DE CYCLO DECENNOVENNALI AUREI NUMERI

CYCLUS decennovennalis Aurei numeri est revolutio numeri 19 annorum ab 1 usque ad 19; qua revolutione peracta, iterum ad unitatem reditur. Verbi gratia, anno 1577, numerus cycli decennovennalis, qui dicitur Aureus, est 1; anno sequenti 1578 est 2, et ita deinceps in sequentibus annis, uno semper amplius, usque ad 19, qui Aureus numerus cadet in annum 1595 post quem iterum ad unitatem redeundum est, ita ut anno 1596 Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniat, composita est sequens tabella Aureorum numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus numerus cujuslibet anni post annum 1582, reperietur hoc modo.

6	7	8	9	10	11	12	13	14	
15	16	17	18	19	1	2	3	4	5

Anno 1582 tribuatur primus numerus tabellæ, qui est 6; secundus autem, qui est 7, sequenti anno 1583, et ita deinceps in infinitum, donec ad annum, cujus Aureum numerum quæris, perveniat, redeundo ad principium tabellæ, quotiescumque eam percurreris. Nam numerus, in quem annus propositus cadit, dabit Aureum numerum quæsitum.

MODUS BREVIS COGNOSCENDI
AUREUM NUMERUM CUJUSQUE ANNI

NUMERO anni de quo quæris, adde unicam unitatem 1. Exempli gratia : anno 1833 adde 1 : summam inde conflata divide per 19; quod superest, erit Aureus numerus ipsius anni : si nihil superest, erit Aureus numerus 19.

DE EPACTIS ET NOVILUNIIS

EPACTA nihil aliud est, quam numerus dierum, quibus annus Solaris communis dierum 365, annum communem Lunarem dierum 354 superat : ita ut Epacta primi anni sit 11, cum hoc numero annus Solaris communis Lunarem annum communem excedat; atque adeo sequenti anno Novilunia contingant 11 diebus prius, quam anno primo. Ex quo fit, Epactam secundi anni esse 22, cum eo anno rursum annus Solaris Lunarem annum superet 11 diebus, qui additi ad 11 dies primi anni, efficiunt 22, ac proinde, finito hoc anno, Novilunia contingere 22 diebus prius, quam primo anno : Epactam autem tertii anni esse 3, quia si rursus 11 dies ad 22 adjiciantur, efficietur numerus 33; a quo si rejiciantur 30 dies, qui unam Lunationem Embolismicam constituunt, relinquuntur 3, atque ita deinceps. Progrediuntur enim Epactæ omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aureo numero 19 respondentem, quæ est 29, adduntur 12, ut abjectis 30 ex composito numero 41, habeatur rursum Epacta 11, ut in principio. Quod ideo fit, ut ultima Lunatio Embolismica, currente Aureo numero 19, sit tantum 29 dierum. Si enim 30 dies contineret, ut alia sex Lunationes Embolismicæ, non redirent Novilunia post 19 annos Solares ad eosdem dies, sed versus calcem mensium prolaberentur, contingerentque uno die tardius quam ante 19 annos. De qua re plura invenies in libro novæ rationis restituendi Calendarii Romani. Sunt autem novemdecim Epactæ, quot et Aurei numeri, respondebantque ipsis Aureis numeris ante Calendarii correctionem eo modo quo in hac tabella dispositæ sunt.

Tabella Epactarum respondentium Aureis numeris ante Calendarii correctionem.

Aur. num.	1	2	3	4	5	6	7	8	9
Epactæ.	xi	xxii	iii	xiv	xxv	vi	xvii	xxviii	ix
	10	11	12	13	14	15	16	17	18
	xx	i	xii	xxiii	iv	xv	xxvi	vii	xxviii

Quia vero cyclus decennovennalis Aurei numeri imperfectus est, cum Novilunia post 19 annos Solares non præcise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum, utamur 30 numeris Epactalibus ab 1 usque ad 30 ordine progredientibus, quamvis ultima Epacta, sive quæ ordine est trigesima, notata numero non sit,

sed signo hoc *, propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis numeris variæ decem et novem Epactæ, prout Solaris anni, ac Lunaris æquatio exposcit : quæ quidem decem et novem Epactæ progrediuntur, ut olim, per eundem numerum 11, addunturque semper 12 illi Epactæ, quæ respondet Aureo numero 19, ut habeatur sequens Epacta respondens Aureo numero 1, ob rationem paulo ante dictam. Id quod sequens tabella perspicuum faciet, quæ continet Aureos numeros, et Epactas inter se respondentes ab anno correctionis 1582 post deductionem 10 dierum, usque ad annum 1700 exclusive. Quamvis autem vulgares Epactæ mutantur in Martio, re ipsa tamen in principio anni mutandæ sunt, una cum Aureo numero, in cujus locum hæ nostræ Epactæ succedunt.

Tabella Epactarum respondentium Aureis numeris ab Idibus Octobris anni correctionis 1582 (detractis prius decem diebus) usque ad annum 1700 exclusive.

Aur. num.	6	7	8	9	10	11	12	13
Epactæ.	xxvi	vii	xviii	xxix	x	xxi	li	xlii
	14	15	16	17	18	19	1	2
	xxiv	v	xvi	xxvii	viii	ix	x	xi

Itaque si Epacta quocumque anno proposito inveniendi sit, quærendus est Aureus numerus illius anni in superiori ordine illius tabellæ, quæ illi temporis, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certe hoc signum *. Ubi ergo illa Epacta vel signum * in Calendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito temporis congruente,tribuendo primum Aureum numerum illius tabellæ illi anno, a quo usus tabellæ incipit, et secundum Aureum numerum sequenti anno, etc. Eodem modo reperietur Epacta sine Aureo numero, si prima Epacta tabellæ tribuatur illi anno, a quo ejus usus incipit, et secunda Epacta sequenti anno, etc.

Exemplum : Anno correctionis 1582 Aureus numerus est 6; nempe primus primæ tabellæ, cujus usus incipit ab Idibus Octobris dicti anni 1582, detractis prius x diebus. Erit ergo tunc Epacta xxvi, quæ sub Aureo numero 6 collocatur, fietque Novilunium die 27 Octobris, et 26 Novembris, et 25 Decembris. Item anno 1583 jam correcto Aureus numerus est 7, cui in eadem tabella supposita est Epacta vii, quæ toto eo anno in Calendario Novilunia indicabit : ut in Januario die 24, in Febuario die 22, in Martio die 24, etc.

Alia Tabella Epactarum respondentium Aureis numeris ab anno 1700 inclusive usque ad annum 1900 exclusive.

Aur. num.	10	11	12	13	14	15	16	17	18
Epactæ.	ix	xx	i	xii	xxiii	iv	xv	xxvi	vii
	19	1	2	3	4	5	6	7	8
	xviii	*	xi	xxi	iii	xiv	xxv	vi	xvii

Alia Tabella Epactarum respondentium Aureis numeris ab anno 1900 inclusive usque ad annum 2200 exclusive.

Aur. num.	1	2	3	4	5	6	7	8	9
Epactæ.	xxix	x	xod	ii	xiii	xxiv	v	xvi	xxvii
10	11	12	13	14	15	16	17	18	19
viii	xix	*	xi	xxii	iii	xiv	25	vi	xvii

Ad tollendam dubitationem de usu hujus novæ tabellæ Epactarum, ostendemus rem exemplis. Anno 1700 tribuatur Epacta ix, quæ sub Aureo numero 10 collocatur, fietque Novilunium 22 Januarii, 20 Februarii, et 22 Martii. Item anno 1701 tribuatur Epacta xx sub Aureo numero 11 collocata, quæ toto eo anno in Calendario Novilunia monstrabit : ut in Januario die 11, in Februario die 9, in Martio die 11. Et sic deinceps per ordinem annis progredientibus, redeundo ad principium tabellæ, quotiescumque eam percurreris. Rursus anno 1710 Epacta non signatur numero, sed hoc signo *, quod collocatur sub Aureo numero 1, et in Calendario toto eo anno Novilunia indicabit, nimirum in Januario die 1 et 31, in Martio (nam in Februario nullum tunc Novilunium, cum in eo signum hoc * non reperiatur) die 1 et 31, in Aprili die 29, etc.

Postremo, anno 1916 Aureus numerus est 17, sub quo in ordine Epactarum tertiæ tabellæ, quæ proposito anno congruit, reperitur Epacta 25 non antiquo numero, ut aliæ Epactæ, sed vulgari numero scripta. Ubi cumque ergo anno 1916 in Calendario Epacta 25 vulgari numero scripta reperitur, ibi Novilunium fit, ut in Januario die 6, in Februario die 4, in Martio die 6, in Aprili die 4, etc. Quotiescumque enim Epacta 25 respondet Aureis numeris majoribus quam 11, quales sunt posteriores octo a 12 usque ad 19, sumenda est in Calendario Epacta 25 vulgari numero scripta; quando vero eadem Epacta respondet minoribus numeris quam 12, quales sunt priores undecim ab 1 ad 11 inclusive, accipienda est in Calendario Epacta xxv antiquo numero scripta : atque hoc solum contingit in Epacta 25, in aliis numquam; quod ideo fit, ut anni lunares solaribus annis perfectius respondeant. Ob quam etiam causam in sex locis Calendarii duæ Epactæ, scilicet xxv et xxiv sunt adscriptæ.

Tabella litterarum Dominicalium ab Idibus Octobris anni correctionis 1582 (detractis prius decem diebus) usque ad annum 1700 exclusive.

c	b	A	f	e	d	c	A	g	f	e	d	c	b	A
g	f	e	d	c	b	g	f	e	d	c	b	A	g	f

Usus hujus tabellæ hic est. Anno correctionis 1582 post Idus Octobris (detractis prius x diebus) tribuatur littera c primæ cellulæ, et sequenti anno 1583 littera b secundæ, et anno 1584 dentur litteræ A g tertiæ cellulæ, et sic deinceps aliis annis ordine aliæ cellulæ tribuantur, donec ad annum propositum perventum

sit, redeundo ad principium tabellæ quotiescumque eam percurreris. Nam cellula, in quam annus propositus cadit, dummodo minor sit, quam annus 1700, dabit litteram Dominicalem propositi anni. Quæ si unica occurrerit, annus erit communis; si vero duplex, Bissextilis : et tunc superior littera Dominicam diem ostendet in Calendario a principio anni usque ad festum S. Matthiæ Apostoli; inferior autem ab hoc festo usque ad finem anni.

Exempli gratia : Sit invenienda littera Dominicalis anni 1587. Numerata ab anno 1582, quem tribue primæ litteræ c, usque ad annum 1587, tribuendo singulis cellulis annos (computando geminas litteras quascumque, superiorem et inferiorem, pro una cellula) cadetque annus 1587 in litteram d, quæ sextum locum in tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus sit investiganda littera Dominicalis anni 1616; numerata ab anno 1582, ut dictum est, usque ad annum 1616, redeundo ad principium tabellæ, postquam eam percurreris, perveniesque ad duas hasce litteras c b, septimo loco positas. Est ergo annus ille Bissextilis, cum duplex littera occurrat, superiorque littera c Dominicam diem indicabit a principio anni illius usque ad festum S. Matthiæ, inferior autem b in reliqua parte anni.

Tabella litterarum Dominicalium ab anno 1700 inclusive usque ad annum 1800 exclusive

d	b	A	g	f	d	c	b	A	f	e	d	c	A
c	f	e	c	b	A	g	e	d	c	b	g	f	e

Alia Tabella litterarum Dominicalium ab anno 1800 ad 1900 exclusive.

f	d	c	b	A	f	e	d	c	A	g	f	e	d	c
e	d	c	b	A	g	f	e	d	c	b	A	g	f	e

Alia Tabella litterarum Dominicalium ab anno 1900 ad 2000 exclusive (annus 2000 erit Bissextilis).

A	f	e	d	c	A	g	f	e	c	b	A	g	f	e
g	d	c	b	A	g	f	e	d	c	b	A	g	f	e

Usus hujus tabellæ talis est. Anno 1700 tribuatur unica littera inferior c, primæ cellulæ, relicta littera d superiori, quia annus ille 1700 non est Bissextilis, sed communis, et littera d fuit Dominicalis præcedenti anno 1699. Anno sequenti 1701 tribuatur littera b secundæ cellulæ, etc. Item anno 1704 tribuantur geminæ litteræ f e, quintæ cellulæ, et sic deinceps aliis annis per ordinem aliæ cellulæ tribuantur, donec ad annum propositum pervenias, redeundo ad principium tabellæ, quotiescumque

eam percurreris : nam cellula, in quam annus propositus cadet, dummodo minor sit quam annus 1800, dabit litteram Dominicalem propositi anni : quæ si unica occurrerit, annus erit communis; si vero duplex, Bissextilis : et tunc superior littera Dominicalem diem indicabit in Calendario a principio anni usque ad festum S. Matthiæ Apostoli, inferior autem ab hoc festo usque ad finem anni.

DE INDICTIONE

INDICTIO est revolutio 15 annorum ab 1 usque ad 15, qua revolutione peracta, iterum reditur ad unitatem, initiumque sumit quilibet annus hujus cycli a Januario in Bullis Pontificis. Et quoniam Indictionis frequens usus est in Diplomibus et scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est : initium tamen sumit ab anno correctionis 1582.

Tabella Indictionis ab anno correctionis 1582

10	11	12	13	14	15	1
2	3	4	5	6	7	8
9						

Nam si anno 1582 tribuas primum numerum, qui est 10, et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem quæ quæritur.

DE FESTIS MOBILIBUS

QUONIAM ex decreto sacri Concilii Nicæni Pascha, ex quo reliqua Festa mobilia pendunt, celebrari debet die Dominico, qui proxime succedit xiv Lunæ primi mensis, (is vero apud Hebræos vocatur primus mensis, cujus xiv Luna vel cadit in diem verni Æquinoctii, quod die 21 mensis Martii contingit, vel propius ipsum sequitur) efficitur, ut si Epacta cujusvis anni inveniat, et ab ea in Calendario notata inter diem octavum Martii inclusive, et quintum Aprilis inclusive (hujus enim Epactæ xiv Luna cadit vel in diem Æquinoctii verni, id est, in diem 21 Martii, vel eum propius sequitur) numerentur inclusive deorsum versus dies quatuordecim; proximus dies Dominicus diem hunc xiv sequens (ne cum Judæis conveniamus, si forte dies xiv Lunæ caderet in diem Dominicum) sit dies Paschæ.

Exemplum. Anno 1605 Epacta est x et littera Dominicalis b. Et quoniam invenimus Epactam x inter diem 8 Martii et 5 Aprilis inclusive positam esse e regione diei 21 Martii, a quo inclusive si deorsum versus numerentur 14 dies, invenimus xiv Lunam die 3 Aprilis, quæ est Dominica, cum e regione illius sit littera Dominicalis b. Ne igitur cum Judæis conveniamus, qui Pascha celebrant die xiv Lunæ, sumenda est littera Dominicalis b, quæ sequitur xiv Lunam, nempe ea quæ e regione diei 10 Aprilis collocatur : atque eo anno Pascha celebrandum erit die 10 Aprilis. Item anno 1604 Epacta est xxix, et duplex littera Dominicalis d c, cum annus ille sit Bissextilis. Si igitur ab Epacta xxix, quæ e regione diei 1 Aprilis ponitur inter diem

8 Martii et 5 Aprilis inclusive, numerentur dies 14, cadet xiv Luna in diem 14 Aprilis. Et quia tunc currit posterior littera Dominicalis, nempe c, quæ post diem 14 Aprilis, id est, post xiv Lunam collocata est e regione diei 18 Aprilis, celebrabitur eo anno Pascha die 18 Aprilis.

Ceterum ut facilius omnia Festa mobilia inveniantur, compositæ sunt duæ sequentes tabulæ Paschales, una antiqua, et nova altera. Ex antiqua ita Festa mobilia reperiuntur. In latere sinistro tabulæ accipiatur Epacta currentis, et in linea litterarum Dominicalium sumatur littera Dominicalis currentis, infra tamen Epactam currentem, ita ut si littera Dominicalis currentis reperiatur e regione Epactæ currentis, assumenda sit eadem littera Dominicalis proxime inferior. Nam e regione hujus litteræ Dominicalis omnia Festa mobilia continentur.

Exemplum. Anno 1606 Epacta est xxi et littera Dominicalis A. Si igitur in tabula antiqua sumatur littera Dominicalis A, quæ primo infra Epactam xxi occurrit, reperiatur e regione hujus litteræ Dominica Septuagesimæ die 22 Januarii, dies Cinerum 8 Februarii, Pascha 26 Martii, Ascensio Domini 4 Maii, Pentecostes 14 Maii, et festum Corporis Christi 25 Maii. Dominica autem inter Pentecosten et Adventum eo anno erunt 28, et Adventus celebrabitur die 3 Decembris : et sic de ceteris. Item anno 1605 Epacta est x et littera Dominicalis b, quæ in tabula reperiatur e regione Epactæ x. Quare sumenda est alia littera b, quæ proxime infra Epactam invenitur, e regione cujus invenies Septuagesimam die 6 Februarii, diem Cinerum 23 Februarii, Pascha 10 Aprilis, etc.

Notandum autem est, quod quemadmodum in anno communi, cadente littera Dominicalis e regione Epactæ in tabula antiqua, sumitur eadem littera proxima infra Epactam, ut diximus : ita quoque in anno Bissextili, si alterutra duarum litterarum Dominicalium tunc currentium e regione Epactæ reperiatur, assumenda sunt aliæ duæ similes litteræ proxime inferiores, ut Festa mobilia inveniantur.

Ex tabula vero Paschali nova ita eadem Festa mobilia reperiuntur. In cellula litteræ Dominicalis currentis quærat Epacta currentis. Nam e directo omnia Festa mobiliaprehenduntur. Ut anno 1609, in cellula litteræ Dominicalis d, tunc currentis e regione Epactæ xxiv, quæ eodem anno currit, habetur Septuagesima die 15 Februarii, dies Cinerum 4 Martii, Pascha 19 Aprilis, etc.

Sed sive antiqua, sive nova tabula Paschali utamur, inveniendæ sunt omnia Festa mobilia in annis Bissextilibus per litteram Dominicalem posteriorem, quæ nimirum currit post festum sancti Matthiæ Apostoli, ne scilicet ambigamus, utra duarum litterarum pro hoc, aut illo festo indagando accipienda sit : ita tamen, ut Septuagesimæ et diei Cinerum inventæ in Januario aut Febuario addatur unus dies. Quod ideo fit, quia ante diem S. Matthiæ currit prior littera Dominicalis, quæ in Calendario posteriorem semper sequitur : post festum autem S. Matthiæ in Febuario, licet posterior littera currat, additur tamen tunc dies intercalaris, ita ut dies 24 Februarii dicatur 25, et dies 25 dicatur 26, etc. Quod si dies Cinerum cadat in Martium, nihil addendum est, quia tunc et

littera posterior currit, et dies mensis propriis numeris respondent, cum dies intercalaris Februarii sit additus. Imo nisi per posteriorem litteram investigarentur, non inveniretur recte Septuagesima in anno Bissextili currente Epacta xxiv vel xxv et littera Dominicali d c, ut in secundo ac tertio exemplo perspicuum fiet pro annis 4088, et 3784. Exempli gratia : Anno 2096 Bissextili Epacta erit v et litteræ Dominicales A g. Si igitur per posteriorem litteram, quæ est g, Festa mobilia investigentur, reperietur Septuagesima die 11 Februarii et dies Cinerum 28 Februarii. Si autem addatur unus dies, cadet Septuagesima in diem 12 Februarii quæ est Dominica, et dies Cinerum in diem 29 Februarii quæ est FERIA IV. Pascha autem, et reliqua Festa in eos dies cadent qui in tabula expressi sunt. Item anno 4088 Bissextili Epacta erit xxiv et litteræ Dominicales d c. Si igitur per litteram c, quæ posterior est, inquirantur Festa mobilia, invenietur Septuagesima die 21 Februarii, et si addatur unus dies, cadet in diem 22 Februarii quæ est Dominica. Dies autem Cinerum cadet in diem 10 Martii : quare nihil additur, etc. Rursus anno 3784 Bissextili, Epacta erit xxv et litteræ Dominicales d c. Ergo iterum per posteriorem c reperietur Septuagesima die 21 Februarii, hoc est, addita una die, 22. Quod si per priorem litteram d in utroque horum duorum annorum agendum esset, nihil efficeretur, cum infra Epactas xxiv et xxv littera d indicet Septuagesimam die 15 Februarii, quod falsum esset, cum eo anno posterior littera c Pascha offerat die 25 Aprilis, ac proinde Septuagesima die 22 Februarii celebranda sit, ut liquido constat, si a die Paschæ

Dominicæ retro numerentur usque ad Septuagesimam.

In priori porro tabula Paschali antiqua reformata Epactis ad sinistram præposuimus Aureos numeros eodem ordine, quo ante emendationem Kalendarii collocari solebant, ut ex iis Festa mobilia invenirentur. Hoc autem idcirco a nobis factum est, ut Pascha, ceteraque Festa mobilia, a Concilio Nicæno usque ad annum 1582 quilibet indagare possit. Eodem autem prorsus artificio, ex Aureis numeris ita distributis Festa mobilia eruuntur, quo ex Epactis. Sit enim explorandum, exempli causa, quando Festa hæc celebrata fuerint anno 1450. Quoniam eo anno Aureus numerus fuit 7 et littera Dominicalis d, si Aureus numerus 7 in sinistro latere accipiat, et prima littera d infra eum occurrens, reperietur e regione hujus litteræ d Septuagesima die 1 Februarii, dies Cinerum 18 Februarii, Pascha die 5 Aprilis, etc.

Adventus Domini celebratur semper die Dominico, qui propinquior est festo S. Andreæ Apostoli, nempe a die 27 Novembris inclusive usque ad diem 3 Decembris inclusive, ita ut littera Dominicalis currens, quæ reperitur in Kalendario a die 27 Novembris usque ad diem 3 Decembris, indicet Dominicam Adventus. Ut, verbi gratia, si littera Dominicalis est g, Dominica Adventus cadet in diem 2 Decembris; quia ibi est littera g in Kalendario, etc.

Ad finem tandem tabularum Paschalium apposita est tabula temporaria multorum annorum, e regione quorum omnia Festa mobilia inveniuntur; quæ quidem tabula ex tabulis Paschalibus excerpta est, ex quibus infinitæ aliæ erui possunt pro quibuscumque annis.

TABULA PASCHALIS ANTIQUA REFORMATA

Aur. numer.	Cyclus Epactarum	Litt. Dom.	Septuages.	Dies cinerum	Pascha	Ascensio	Pentecostes	Corpus Christi	Dom. p. Oct. Tr.	Dom. I. Adv.
16	xxliij	d	18	4	22	Aprillis	Maii	Maii	26	29 Nov.
5	xxij	e	19	5	23	1 Maii	10	21	26	30
13	xxj	f	20	6	24	2	11	22	26	1 Dec.
2	xlx	g	21	7	25	3	12	23	26	2
...	xxliij	A	22	8	26	4	13	24	26	3
10	xxviij	b	23	9	27	5	14	25	26	27 Nov.
...	xxvj	c	24	10	28	6	15	26	25	28
18	xv	d	25	11	29	7	16	27	25	29
7	xliij	e	26	12	30	8	17	28	25	30
...	xliij	f	27	13	31	9	18	29	25	31
15	xlij	g	28	14	1 Aprilis	10	19	30	25	1 Dec.
4	xj	A	29	15	2	11	20	1 Junil	25	2
...	x	b	30	16	3	12	21	2	24	3
12	lx	c	31	17	4	13	22	3	24	27 Nov.
1	vliij	d	1 Februarii	18	5	14	23	4	24	28
...	vij	e	2	19	6	15	24	5	24	29
9	vj	f	3	20	7	16	25	6	24	30
...	v	g	4	21	8	17	26	7	24	1 Dec.
17	lv	A	5	22	9	18	27	8	24	2
6	liij	b	6	23	10	19	28	9	24	3
...	lij	c	7	24	11	20	29	10	23	27 Nov.
14	l	d	8	25	12	21	30	11	23	28
3	...	e	9	26	13	22	1 Junil	12	23	29
...	xxlix	f	10	27	14	23	2	13	23	30
11	xxvliij	g	11	28	15	24	3	14	23	1 Dec.
...	xxviij	A	12	1 Martii	16	25	4	15	23	2
19	xxvj	b	13	2	17	26	5	16	23	3
8	xxliij	c	14	3	18	27	6	17	22	27 Nov.
...	...	d	15	4	19	28	7	18	22	28
...	...	e	16	5	20	29	8	19	22	29
...	...	f	17	6	21	30	9	20	22	30
...	...	g	18	7	22	1 Junil	10	21	22	1 Dec.
...	...	A	19	8	23	2	11	22	22	2
...	...	b	20	9	24	3	12	23	21	3
...	...	c	21	10	25	4	13	24	21	27 Nov.

TABULA PASCHALIS NOVA REFORMATA

Litt. Domih.	Cyclus Epactarum	Septuagesima	Dies cinerum	Pascha	Ascensio	Pentecostes	Corpus Christi	Dom.p.Oct.Tr.	Dom. I. Adv.
D	23.	18 Jan.	4 Febr.	22 Mart.	30 Apr.	10 Maji	21 Maji	26	29 Nov.
	22.	25 Jan.	11 Febr.	29 Mart.	7 Maji	17 Maji	28 Maji	25	29 ...
	15. 14. 13. 12. 11. 10. 9. ..	1 Febr.	18 Febr.	5 Apr.	14 Maji	24 Maji	4 Junii	24	29 ...
	8. 7. 6. 5. 4. 3. 2.	8 Febr.	25 Febr.	12 Apr.	21 Maji	31 Maji	11 Junii	23	29 ...
	1. * 29. 28. 27. 26. 25. 24.	15 Febr.	4 Mart.	19 Apr.	28 Maji	7 Junii	18 Junii	22	29 ...
E	23. 22.	19 Jan.	5 Febr.	23 Mart.	1 Maji	11 Maji	22 Maji	26	30 Nov.
	21. 20. 19. 18. 17. 16. 15. ..	26 Jan.	12 Febr.	30 Mart.	8 Maji	18 Maji	29 Maji	25	30 ...
	14. 13. 12. 11. 10. 9. 8.	2 Febr.	19 Febr.	6 Apr.	15 Maji	25 Maji	5 Junii	24	30 ...
	7. 6. 5. 4. 3. 2. 1.	9 Febr.	26 Febr.	13 Apr.	22 Maji	1 Junii	12 Junii	23	30 ...
	* 29. 28. 27. 26. 25. 24.	16 Febr.	5 Mart.	20 Apr.	29 Maji	8 Junii	19 Junii	22	30 ...
F	23. 22. 21.	20 Jan.	6 Febr.	24 Mart.	2 Maji	12 Maji	23 Maji	26	1 Dec.
	20. 19. 18. 17. 16. 15. 14. ..	27 Jan.	13 Febr.	31 Mart.	9 Maji	19 Maji	30 Maji	25	1 ...
	13. 12. 11. 10. 9. 8. 7.	3 Febr.	20 Febr.	7 Apr.	16 Maji	26 Maji	6 Junii	24	1 ...
	6. 5. 4. 3. 2. 1. *	10 Febr.	27 Febr.	14 Apr.	23 Maji	2 Junii	13 Junii	23	1 ...
	29. 28. 27. 26. 25. 24. ..	17 Febr.	6 Mart.	21 Apr.	30 Maji	9 Junii	20 Junii	22	1 ...
G	23. 22. 21. 20.	21 Jan.	7 Febr.	25 Mart.	3 Maji	13 Maji	24 Maji	26	2 Dec.
	19. 18. 17. 16. 15. 14. 13. ..	28 Jan.	14 Febr.	1 Apr.	10 Maji	20 Maji	31 Maji	25	2 ...
	12. 11. 10. 9. 8. 7. 6.	4 Febr.	21 Febr.	8 Apr.	17 Maji	27 Maji	7 Junii	24	2 ...
	5. 4. 3. 2. 1. * 29.	11 Febr.	28 Febr.	15 Apr.	24 Maji	3 Junii	14 Junii	23	2 ...
	28. 27. 26. 25. 24.	18 Febr.	7 Mart.	22 Apr.	31 Maji	10 Junii	21 Junii	22	2 ...
A	23. 22. 21. 20. 19.	22 Jan.	8 Febr.	26 Mart.	4 Maji	14 Maji	25 Maji	26	3 Dec.
	18. 17. 16. 15. 14. 13. 12. ..	29 Jan.	15 Febr.	2 Apr.	11 Maji	21 Maji	1 Junii	25	3 ...
	11. 10. 9. 8. 7. 6. 5.	5 Febr.	22 Febr.	9 Apr.	18 Maji	28 Maji	8 Junii	24	3 ...
	4. 3. 2. 1. * 29. 28.	12 Febr.	1 Mart.	16 Apr.	25 Maji	4 Junii	15 Junii	23	3 ...
	27. 26. 25. 24.	19 Febr.	8 Mart.	23 Apr.	1 Junii	11 Junii	22 Junii	22	3 ...
B	23. 22. 21. 20. 19. 18.	23 Jan.	9 Febr.	27 Mart.	5 Maji	15 Maji	26 Maji	25	27 Nov.
	17. 16. 15. 14. 13. 12. 11. ..	30 Jan.	16 Febr.	3 Apr.	12 Maji	22 Maji	2 Junii	24	27 ...
	10. 9. 8. 7. 6. 5. 4.	6 Febr.	23 Febr.	10 Apr.	19 Maji	29 Maji	9 Junii	23	27 ...
	3. 2. 1. * 29. 28. 27.	13 Febr.	2 Mart.	17 Apr.	26 Maji	5 Junii	16 Junii	22	27 ...
	26. 25. 24.	20 Febr.	9 Mart.	24 Apr.	2 Junii	12 Junii	23 Junii	21	27 ...
C	23. 22. 21. 20. 19. 18. 17. ..	24 Jan.	10 Febr.	28 Mart.	6 Maji	16 Maji	27 Maji	25	28 Nov.
	16. 15. 14. 13. 12. 11. 10. ..	31 Jan.	17 Febr.	4 Apr.	13 Maji	23 Maji	3 Junii	24	28 ...
	9. 8. 7. 6. 5. 4. 3.	7 Febr.	24 Febr.	11 Apr.	20 Maji	30 Maji	10 Junii	23	28 ...
	2. 1. * 29. 28. 27. 26. 25. ..	14 Febr.	3 Mart.	18 Apr.	27 Maji	6 Junii	17 Junii	22	28 ...
	25. 24.	21 Febr.	10 Mart.	25 Apr.	3 Junii	13 Junii	24 Junii	21	28 ...

TABELLA TEMPORARIA FESTORUM MOBILIIUM

Anno Dom.	Litteræ Dominic.	Aureus Numerus	Epactæ	Septuagesima	Dies Cinerum	Pascha	Ascensio	Pentecostes	Corpus Christi	Indictiones	Domn. post Oct. Trinit.	Dominica I Adventus
1939	A	2	x	5 Febr.	22 Febr.	9 Apr.	18 Maji	28 Maji	8 Junii	7	24	3 Dec.
1940	g f	3	xxj	21 Jan.	7 Febr.	24 Mart.	2 Maji	12 Maji	23 Maji	8	26	1 Dec.
1941	e	4	ij	9 Febr.	26 Febr.	13 Apr.	22 Maji	1 Junii	12 Junii	9	23	30 Nov.
1942	d	5	xliij	1 Febr.	18 Febr.	5 Apr.	14 Maji	24 Maji	4 Junii	10	24	29 Nov.
1943	c	6	xxiv	21 Febr.	10 Mart.	25 Apr.	3 Junii	13 Junii	24 Junii	11	21	28 Nov.
1944	b A	7	v	6 Febr.	23 Febr.	9 Apr.	18 Maji	28 Maji	8 Junii	12	24	3 Dec.
1945	g	8	xvj	28 Jan.	14 Febr.	1 Apr.	10 Maji	20 Maji	31 Maji	13	25	2 Dec.
1946	f	9	xxvlij	17 Febr.	6 Mart.	21 Apr.	30 Maji	9 Junii	20 Junii	14	22	1 Dec.
1947	e	10	vlij	2 Febr.	19 Febr.	6 Apr.	15 Maji	25 Maji	5 Junii	15	24	30 Nov.
1948	d c	11	xix	25 Jan.	11 Febr.	28 Mart.	6 Maji	16 Maji	27 Maji	1	25	28 Nov.
1949	b	12	*	13 Febr.	2 Mart.	17 Apr.	26 Maji	5 Junii	16 Junii	2	22	27 Nov.
1950	A	13	xj	5 Febr.	22 Febr.	9 Apr.	18 Maji	28 Maji	8 Junii	3	24	3 Dec.
1951	g	14	xxij	21 Jan.	7 Febr.	25 Mart.	3 Maji	13 Maji	24 Maji	4	26	2 Dec.
1952	f e	15	liij	10 Febr.	27 Febr.	13 Apr.	22 Maji	1 Junii	12 Junii	5	23	30 Nov.
1953	d	16	xiv	1 Febr.	18 Febr.	5 Apr.	14 Maji	24 Maji	4 Junii	6	24	29 Nov.
1954	c	17	25.	14 Febr.	3 Mart.	18 Apr.	27 Maji	6 Junii	17 Junii	7	22	28 Nov.
1955	b	18	vj	6 Febr.	23 Febr.	10 Apr.	19 Maji	29 Maji	9 Junii	8	23	27 Nov.
1956	A g	19	xvij	29 Jan.	15 Febr.	1 Apr.	10 Maji	20 Maji	31 Maji	9	25	2 Dec.
1957	f	1	xxix	17 Febr.	6 Mart.	21 Apr.	30 Maji	9 Junii	20 Junii	10	22	1 Dec.
1958	e	2	x	2 Febr.	19 Febr.	6 Apr.	15 Maji	25 Maji	5 Junii	11	24	30 Nov.
1959	d	3	xxj	25 Jan.	11 Febr.	29 Mart.	7 Maji	17 Maji	28 Maji	12	25	29 Nov.
1960	c b	4	ij	14 Febr.	2 Mart.	17 Apr.	26 Maji	5 Junii	16 Junii	13	22	27 Nov.
1961	A	5	xliij	29 Jan.	15 Febr.	2 Apr.	11 Maji	21 Maji	1 Junii	14	25	3 Dec.
1962	g	6	xxiv	18 Febr.	7 Mart.	22 Apr.	31 Maji	10 Junii	21 Junii	15	22	2 Dec.
1963	f	7	v	10 Febr.	27 Febr.	14 Apr.	23 Maji	2 Junii	13 Junii	1	23	1 Dec.
1964	e d	8	xvj	26 Jan.	12 Febr.	29 Mart.	7 Maji	17 Maji	28 Maji	2	25	29 Nov.
1965	c	9	xxvlij	14 Febr.	3 Mart.	18 Apr.	27 Maji	6 Junii	17 Junii	3	22	28 Nov.

KALENDARIUM PERPETUUM

FESTA MOBILIA

Dominica inter Circumcisionem et Epiphaniam : SS. Nominis Jesu. Totum Duplex I classis.
 Dominica infra Oct. Epiphaniæ : Sanctæ Familiæ Jesu, Mariæ et Joseph. Totum Duplex.
 Feria V post Dom. Sexagesimæ : Translatio S. Catharinæ Senensis, Virg. O. P. Totum Duplex.
 Feria VI post Dom. Passionis : Compassio B. Mariæ V. Totum Duplex.
 Pascha Resurrectionis. Totum Duplex I classis cum oct. solemnissima (*priv.*).
 Feria IV infra hebd. II post Oct. Paschæ : Solemnitas S. Joseph Sponsi B. Mariæ V. Conf. et Ecclesiæ universalis Patroni. Totum Duplex I classis cum oct. solemn.
 Feria IV infra hebd. III post Oct. Paschæ : Dies octava S. Joseph C. Sponsi B. Mariæ V. Solemnis. Ascensio Domini. Totum Duplex I classis cum oct. solemnissima (*priv.*).
 Pentecostes. Totum Duplex I classis cum oct. solemnissima (*priv.*).
 Festum SS. Trinitatis. Totum Duplex I classis cum oct. solemn.
 Festum SS. Corporis Christi. Totum Duplex I classis cum oct. solemnissima (*priv.*).
 Feria VI post Oct. SS. Corporis Christi : Festum SS. Cordis Jesu. Totum Duplex I classis cum oct. solemnissima (*priv.*).
 Sabbato post Oct. SS. Corporis Christi : Festum Purissimi Cordis B. Mariæ V. Totum Duplex.
 Dominica I Octobris : SS. Rosarii B. Mariæ V. Totum Duplex I classis cum oct. solemn.
 Dominica ultima Octobris : Festum D. N. Jesu Christi Regis. Totum Duplex I classis.

Festum Dedicationis Ecclesiæ Cathedralis sub ritu Totius Duplicis I classis sine octava secundum ordinationem Diocesis celebrandum est. Item Festum Tituli Ecclesiæ Cathedralis, et Festa sollemnia Patronorum principalium (et æque principalium) Oppidi vel Civitatis, Diocesis, Provinciae et Nationis.

JANUARIUS

Cyclus Epact.	Litt. Dom.	Dies mensis.	
•	A	Kal.	1 Circumcisio Domini. Totum Duplex II classis.
xxix	b	iv	2 B. Stephanæ de Quinzanis Virg. O. P. Semid. Octava S. Stephani Protomartyris, Memoria.
xxviiij	c	iiij	3 B. Zedislavæ Berkianæ Matronæ O. P. Semiduplex. Octava S. Joannis Ap. et Ev. Memoria.
xxvij	d	Prid	4 Octava SS. Innocentium MM. 3 Lectiones.
xxvj	e	Non.	5 Vigilia.
25. xxv	f	viiij	6 Epiphania Domini. Totum Duplex I classis cum oct. Solemnissima (<i>priv.</i>).
xxiv	g	vij	7
xxiiij	A	vj	8
xxij	b	v	9
xxj	c	iv	10
xx	d	iiij	11
xix	e	Prid.	12
xviiij	f	Idib.	13 Octava Epiphaniæ, Solemnissima.
xvij	g	xix	14 S. Hilarii Ep., Conf. et Eccl. Doct. Duplex. S. Felicis Presb. et Mart. Memoria.
xvj	A	xviiij	15 B. Francisci de Capillas Mart. O. P. Duplex. S. Mauri Abbatis. Memoria. S. Pauli primi Eremitæ Conf. Memoria.
xv	b	xvij	16 B. Gundisalvi Conf. O. P. Semiduplex. S. Marcelli I Papæ et Mart. Memoria.
xiv	c	xvj	17 S. Antonii Abbatis. Duplex.
xliij	d	xv	18 Cathedra Romana S. Petri. Totum Duplex. S. Priscæ Virg. et Mart. Memoria. Ante non erit Septuagesima.

Cyclus Epact.	Litt. Dom.	Dies mensis.	
xlj	e	xiv	19 B. Andreae a Piscaria Conf. O. P. Semiduplex.
xj	f	xiii	20 SS. Fabiani Papae et Sebastiani MM. Duplex.
x	g	xii	21 S. Agnetis Virg. et Mart. Duplex.
ix	A	xj	22 S. Vincentii Mart. Totum Duplex.
viii	b	x	23 S. Raymundi Conf. O. P. Totum Duplex II classis. S. Emerentianae Virg. et Mart. Memoria.
vii	c	ix	24 B. Marcolini Conf. O. P. Semiduplex. S. Timothei Ep. et Mart. Memoria.
vi	d	viii	25 Conversio S. Pauli Apostoli. Totum Duplex.
v	e	vii	26 B. Margaritae de Hungaria Virg. O. P. Semiduplex. S. Polycarpi Ep. et Mart. Memoria.
iv	f	vi	27 S. Joannis Chrysostomi Ep., Conf. et Eccl. Doct. Duplex. S. Juliani Ep. et Conf. Memoria.
iii	g	v	28 S. Petri Nolasco Conf. Duplex. S. Agnetis secundo. Memoria.
ij	A	iv	29 S. Francisci Salesii Ep., Conf. et Eccl. Doct. Duplex.
j	b	iii	30 B. Mariae Mancini Vid. O. P. Semiduplex. S. Martinæ Virg. et Mart. Memoria.
*	c	Prid.	31 S. Joannis Bosco Conf. Duplex.

FEBRUARIUS

xxix	d	Kal.	1	S. Ignatii Ep. et Mart. Duplex.
xxviii	e	iv	2	Purificatio B. Mariae V. Totum Duplex II classis.
xxvii	f	iii	3	S. Blasii Ep. et Mart. 3 Lectiones.
25. xxvj	g	Prid.	4	S. Andreae Corsini Ep. et Conf. Duplex. Anniversarium Patrum et Matrum. 9 Lectiones. Ante non erit Cinis.
xxv xxiv	A	Non.	5	S. Agathae Virg. et Mart. Duplex.
xxiii	b	viii	6	SS. Vedasti et Amandi Epp. et Confessorum. Memoria.
xxii	c	vii	7	S. Romualdi Abbatis. Duplex.
xxj	d	vi	8	S. Joannis de Matha Conf. Duplex.
xx	e	v	9	S. Cyrilli Ep. Alexandrini, Conf. et Eccl. Doct. Duplex.
xxix	f	iv	10	S. Scholasticae Virg. Duplex.
xxviii	g	iii	11	Apparitio B. Mariae V. Immaculatae. Totum Duplex.
xxvii	A	Prid.	12	SS. Septem Fundatorum Ordinis Servorum B. M. V. Duplex.
xxvi	b	Idib.	13	S. Catharinae de Ricciis Virg. O. P. Totum Duplex II classis.
xxv	c	xvj	14	B. Nicolai Palea Conf. O. P. Semiduplex. S. Valentini Mart. Memoria.
xxiv	d	xv	15	B. Jordani Saxonis Conf. O. P. Duplex.
xxiii	e	xiv	16	B. Bernardi Scammacca Conf. O. P. Semiduplex.
xxii	f	xiii	17	B. Reginaldi Conf. O. P. Semiduplex.
xxj	g	xii	18	
x	A	xj	19	B. Alvari Cordubensis Conf. O. P. Semiduplex.
ix	b	x	20	
viii	c	ix	21	
				Post non erit Septuagesima.
vii	d	viii	22	Cathedra Antiochena S. Petri. Totum Duplex.
vi	e	vii	23	S. Petri Damiani Ep., Conf. et Eccl. Doct. Duplex. Vigilia.
v	f	vi	24	S. Matthiae Apostoli. Totum Duplex II classis. Locus bissextilis.
iv	g	v	25	B. Constantii a Fabriano Conf. O. P. Semiduplex.
iii	A	iv	26	
ij	b	iii	27	
j	c	Prid.	28	B. Villanae de Bottis Matronae O. P. Semiduplex.

In Anno bissextili Februarius est dierum viginti novem et Festum S. Matthiae celebratur die 25 Februarii et bis dicitur Sexto Kalendas Martii, id est die 24 et die 25; et Littera Dominicalis, quae assumpta fuit in mense Januario, mutatur in praecedentem: ut si in Januario Littera Dominicalis fuit A, mutetur in praecedentem, quae est g. etc. Festum vero B. Constantii celebratur die 26, et Festum B. Villanae die 29.

MARTIUS

*	d	Kal.	1	B. Christophori a Mediolano Conf. O. P. Semiduplex. S. Albini Ep. et Conf. Memoria.
xxix	e	vj	2	B. Henrici Susonis Conf. O. P. Semiduplex.
xxviii	f	v	3	
xxvii	g	iv	4	S. Casimiri Conf. Simplex.

Cyclus Epact.	Litt. Dom.	Dies mensis.	
xxvj	A	iiij	5
25. xxv	b	Prid.	6
xxv	c	Non.	7
xxiiij	d	viiij	8
xxij	e	vij	9
xxj	f	vj	10
			Post non erit Cinis.
xx	g	v	11
xlx	A	iv	12
xviiij	b	iiij	13
xvij	c	Prid.	14
xvj	d	Idib.	15
xv	e	xvij	16
xiv	f	xvj	17
xiiij	g	xv	18
xij	A	xiv	19
xj	b	xiiij	20
x	c	xij	21
lx	d	xj	22
			Ante non erit Pascha.
viiij	e	x	23
vij	f	ix	24
vj	g	viiij	25
v	A	vij	26
iv	b	vj	27
iiij	c	v	28
ij	d	iv	29
i	e	iiij	30
*	f	Prid.	31

B. Jordani a Pisis Conf. O. P. Semiduplex.
 S. Thomæ Aquinatis Conf. et Eccl. Doct. O. P. Totum Duplex I classis.
 S. Joannis de Deo Conf. Duplex.
 S. Francisci Romanæ Vid. Duplex.
 B. Petri de Jeremia Conf. O. P. Semid.
 S. Gregorii Magni Papæ, Conf. et Eccl. Doct. Duplex.
 S. Patricii Ep. et Conf. Duplex.
 S. Cyrilli Ep. Hierosolymitani Conf. et Eccl. Doct. Duplex.
 S. Joseph Sponsi B. Mariæ V. Conf. Totum Duplex I classis.
 B. Ambrosii Sapsedonli Conf. O. P. Duplex.
 S. Benedicti Abbatis. Totum Duplex.
 B. Isnardi de Chiampo Conf. O. P. Semiduplex.
 B. Sibyllinæ de Biscossis Virg. O. P. Semiduplex.
 S. Gabrielis Archangeli. Totum Duplex.
 Annuntiatio B. Mariæ V. Totum Duplex I classis.
 S. Joannis Damasceni Conf. et Eccl. Doct. Duplex.

APRILIS

xxix	g	Kal.	1	Impressio SS. Stigmatum S. Catharinæ Sen. Virg. O. P. Duplex.
xxviiij	A	iv	2	S. Francisci de Paula Conf. Duplex.
xxvij	b	iiij	3	
25. xxvj	c	Prid.	4	S. Isidori Ep., Conf. et Eccl. Doct. Duplex.
xxv xxiv	d	Non.	5	S. Vincentii Ferrerii Conf. O. P. Totum Duplex II classis.
xxiiij	e	viiij	6	
xxij	f	vij	7	
xxj	g	vj	8	
xx	A	v	9	B. Antonii Pavonii Mart. O. P. Semid.
xlx	b	iv	10	B. Antonii Neyrot Mart. O. P. Semiduplex.
xviiij	c	iiij	11	S. Leonis Magni Papæ, Conf. et Eccl. Doct. Duplex.
xvij	d	Prid.	12	
xvj	e	Idib.	13	B. Margaritæ de Castello V. O. P. Semiduplex.
xv	f	xvij	14	B. Petri Gonzalez Conf. O. P. Semiduplex. SS. Tiburtii, Valeriani et Maximi MM. Memoria.
			15	
xiv	g	xvij	16	
xiiij	A	xvj	17	B. Claræ Gambacurtæ Vid. O. P. Semiduplex.
xij	b	xv	18	
xj	c	xiv	19	
x	d	xiiij	20	S. Agnetis de Monte Politiano Virg. O. P. Totum Duplex II classis.
lx	e	xij	21	S. Anselmi Ep., Conf. et Eccl. Doct. Duplex.
viiij	f	xj	22	B. Bartholomæi Mart. O. P. Semiduplex.
vij	g	x	23	S. Georgii Mart. Simplex.
vj	A	ix	24	SS. Coronæ splinæ Domini. Totum Duplex.
v	b	viiij	25	S. Marci Evangelistæ. Totum Duplex II classis.
iv	c	vij	26	Ultimum Pascha.
			27	BB. Dominici et Gregorii CC. O. P. Semiduplex.
iiij	d	vj	28	B. Hosannæ de Catharo V. O. P. Semiduplex.
ij	e	v	29	B. Ludovici M. Grignon de Montfort Conf. O. P. Duplex.
j	f	iv	30	S. Pauli a Cruce Conf. Memoria. S. Vitalis Mart. Memoria.
			31	S. Petri Mart. O. P. Totum Duplex II classis.
*	g	iiij	32	S. Catharinæ Senensis Virg. O. P. Totum Duplex I classis.
xxix	A	Prid.	33	Apud illi Ord. cum oct. solemn. Ante non erit Ascensus

MAIUS

Cyclus Epact.	Litt. Dom.	Dies mensis.	
xxvlij	b	Kal.	1 SS. Philippi et Jacobi Apostolorum. Totum Duplex II classis.
xxvij	c	vj	2 S. Athanasii Ep., Conf. et Eccl. Doct. Duplex.
xxvj	d	v	3 Inventio S. Crucis. Totum Duplex II classis. SS. Alexandri, Eventii et Theoduli MM. Memoria.
25. xxv	e	iv	4 S. Monica Vid. Duplex.
xxiv	f	ij	5 S. Pii V Papæ et Conf. O. P. Totum Duplex II classis.
xxij	g	Prid.	6 S. Joannis ante Portam Latinam. Totum Duplex.
xxij	A	Non.	7 S. Stanislai Ep. et Mart. Duplex. Apud III Ord. Octava S. Catharinæ Sen. Virg. O. P. Solemnis. S. Stanislai Ep. et Mart. Memoria.
xxj	b	vij	8 Apparitio S. Michaelis Arch. Totum Duplex.
xx	c	vij	9 S. Gregorii Nazianzeni Ep., Conf. et Eccl. Doct. Duplex.
xix	d	vj	10 S. Antonini Ep., Conf. O. P. Totum Duplex II classis. SS. Gordiani et Epimachi MM. Memoria. Ante non venit Ignis.
xvij	e	v	11 B. Alberti a Bergamo Conf. O. P. Semiduplex.
xvij	f	iv	12 B. Joannæ de Lusitania Virg. O. P. Semiduplex. SS. Nerei, Achillei et Pancratii MM. Memoria.
xvj	g	ij	13 B. Imeldæ Virg. O. P. Duplex.
xv	A	Prid.	14 B. Ægidii Conf. O. P. Semiduplex.
xiv	b	Idib.	15 S. Joannis Baptistæ de la Salle Conf. Duplex.
xij	c	xvij	16 S. Joannis Nepomuceni Mart. Duplex.
xij	d	xvj	17 B. Andræ Abellonii Conf. O. P. Semiduplex.
xj	e	xv	18 S. Venantii Mart. Duplex.
x	f	xiv	19 S. Petri Cælestini Papæ et Conf. Duplex. S. Pudencianæ Virg. Memoria.
ix	g	xij	20 B. Columbæ Virg. O. P. Semiduplex.
vij	A	xij	21 Ante non erit Corpus.
vij	b	xj	22 S. Servatii Ep. et Conf. Duplex.
vj	c	x	23
v	d	ix	24 Translatio S. P. N. Dominici Conf. Totum Duplex.
iv	e	vij	25 S. Urbani I Papæ et Mart. 3 Lectiones.
ij	f	vij	26 S. Philippi Neri Conf. Duplex.
ij	g	vj	27 S. Bedæ Venerabilis Conf. et Eccl. Doct. Duplex.
j	A	v	28 B. Mariæ Bartholomææ Virg. O. P. Semiduplex.
e	b	iv	29 BB. Guillelmi O. P. et Soc. MM. Semiduplex.
xxix	c	ij	30 B. Andræ Franchi Ep. et Conf. O. P. Semiduplex.
xxvij	d	Prid.	31 B. M. V. omnium Gratiarum Mediatricis. Duplex. S. Angelæ Mericiæ Virg. Memoria. S. Petronillæ Virg. Memoria.

JUNIUS

xxvij	e	Kal.	1 BB. Alphonsi Navarrete O. P. et Soc. MM. Duplex.
25. xxvj	f	iv	2 BB. Sadoc et Sociorum MM. O. P. Semiduplex. SS. Marcellini Presb. et Petri Exorcistæ MM. Memoria.
xxv xxiv	g	ij	3 B. Petri Sanz Ep. et Soc. MM. O. P. Duplex. Post non erit Ascensus.
xxij	A	Prid.	4 S. Francisci Caracciolo Conf. Duplex.
xxij	b	Non.	5 B. Jacobi Salomonii Conf. O. P. Semiduplex.
xxj	c	vij	6 S. Norberti Ep. et Conf. Duplex.
xx	d	vij	7
xix	e	vj	8 S. Medardi Ep. et Conf. Memoria.
xvij	f	v	9 BB. Dianæ, Cæciliæ et Amatæ Virginum O. P. Semiduplex. SS. Primi et Feliciani MM. Memoria.
xvij	g	iv	10 B. Joannis Dominici Ep. et Conf. O. P. Semiduplex.
xvj	A	ij	11 S. Barnabæ Apostoli. Totum Duplex.
xv	b	Prid.	12 B. Stephani Bandelli Conf. O. P. Semiduplex. SS. Basilidis, Cyrini, Naboris et Nazarii MM. Memoria.
xiv	c	Idib.	13 S. Antonii de Padua Conf. Duplex. Post non venit Ignis.
xij	d	xvij	14 S. Basilii Ep., Conf. et Eccl. Doct. Duplex.
xij	e	xvij	15 SS. Viti, Modesti et Crescentiæ MM. 3 Lectiones.
xj	f	xvj	16 SS. Quirici et Julittæ MM. Memoria.

Cyclus Epact.	Litt. Dom.	Dies mensis.	
x	g	xv	17
ix	A	xiv	18 S. Ephræm Syri Diaconi Conf. et Eccl. Doct. Duplex. SS. Marci et Marcelliani MM. Memoria.
viii	b	xiii	19 SS. Gervasii et Protasii MM. 3 Lectiones.
vii	c	xij	20 B. Hosannæ Mantuanæ Virg. O. P. Semiduplex.
vi	d	xj	21
v	e	x	22 B. Inocentii V. Papæ et Conf. O. P. Duplex.
iv	f	ix	23 Vigilia.
iii	g	viii	24 Nativitas S. Joannis Baptistæ. Totum Duplex I classis cum oct. simplici. Post non erit Corpus.
ij	A	vij	25
j	b	vj	26 SS. Joannis et Pauli MM. Duplex.
*	c	v	27
xxix	d	iv	28 S. Irenæi Ep. et Mart. Duplex. Vigilia.
xxviii	e	iii	29 SS. Petri et Pauli Apostolorum. Totum Duplex I classis cum oct. solemni.
xxvij	f	Prid.	30 Commemoratio S. Pauli Apostoli. Totum Duplex.

JULIUS

xxvj	g	Kal.	1 Pretiosissimi Sanguinis D. N. J. C. Totum Duplex I classis. Octava S. Joannis Baptistæ. Memoria.
25. xxv	A	vj	2 Visitatio B. Mariæ V. Totum Duplex II classis. SS. Processi et Martiniani MM. Memoria.
xxiv	b	v	3 S. Leonis II Papæ et Conf. Simplex.
xxiii	c	iv	4
xxij	d	iii	5 S. Antonii Mariæ Zaccaria Conf. Duplex.
xxj	e	Prid.	6 Octava SS. Petri et Pauli Apostolorum. Solemnis.
xx	f	Non.	7 B. Benedicti XI Papæ et Conf. O. P. Duplex.
xxix	g	viii	8
xxviii	A	vij	9 SS. Joannis O. P. et Sociorum MM. Totum Duplex II classis.
xxvij	b	vj	10 Septem Fratrum MM. Simplex.
xxvj	c	v	11 BB. Ignatii Delgado, Dominici Henares O. P. et Sociorum MM. Duplex.
xv	d	iv	12 S. Joannis Gualberti Abbatis. Duplex. Anniversarium sepulchorum in Cœmeteriis nostris. 9 Lectiones.
xiv	e	iii	13 B. Jacobi a Voragine Ep. et Conf. O. P. Semiduplex.
xiii	f	Prid.	14 S. Bonaventuræ Ep., Conf. et Eccl. Doct. Duplex.
xiij	g	Idib.	15 S. Henrici Imperatoris Conf. Simplex.
xj	A	xvij	16 Commemoratio B. Mariæ V. de Monte Carmelo. Totum Duplex.
x	b	xvj	17 B. Ceslai Conf. O. P. Semiduplex.
ix	c	xv	18 S. Camilli de Lellis Conf. Duplex.
viii	d	xiv	19 S. Vincentii a Paulo Conf. Duplex.
vij	e	xiii	20 S. Hieronymi Æmiliani Conf. Duplex. S. Margaritæ Virg. et Mart. Memoria.
vj	f	xij	21 S. Praxedis Virg. 3 Lectiones.
v	g	xj	22 S. Mariæ Magdalænæ. Totum Duplex II classis.
iv	A	x	23 B. Joannæ Urbevetanæ V. O. P. Semiduplex. S. Apollinaris Ep. et Mart. Memoria.
iii	b	ix	24 B. Augustini de Bugella Conf. O. P. Semiduplex. S. Christinæ Virg. et Mart. Memoria.
ij	c	viii	25 S. Jacobi Apostoli. Totum Duplex II classis. SS. Christophori et Cucuphatis MM. Memoria.
j	d	vij	26 S. Annæ Matris B. Mariæ V. Totum Duplex II classis.
*	e	vj	27
xxix	f	v	28 B. Antonii ab Ecclesia Conf. O. P. Semiduplex. SS. Nazarii, Celsi et Pantaleonis MM. Memoria.
xxviii	g	iv	29 S. Marthæ Virg. Simplex. SS. Felicis, Simplicii, Faustini et Beatricis MM. Memoria.
xxvij	A	iii	30 B. Mannis Conf. O. P. Duplex. SS. Abdon et Sennen MM. Memoria.
25. xxvj	b	Prid.	31 S. Ignatii Conf. Duplex. S. Germani Ep. et Conf. Memoria.

AUGUSTUS

Cyclus Epact.	Litt. Dom.	Dies mensis.	
xxv xxdv	c	Kal.	1 S. Petri Ap. ad Vincula. Totum Duplex. SS. Machabæorum MM. Memoria.
xxiij	d	iv	2 S. Alphonsi Mariæ de Ligorio Ep., Conf. et Eccl. Doct. Duplex. S. Stephani I Papæ et Mart. Memoria.
xxij	e	liij	3 B. Augustini Lucerini Ep. et Conf. O. P. Semiduplex. Inventio Corporis S. Stephani Protomartyris. Memoria.
xxj	f	Prid.	4 S. P. N. Dominici Conf. Totum Duplex I classis cum oct. solemni.
xx	g	Non.	5 S. Mariæ ad Nives. Totum Duplex.
xix	A	viiij	6 Transfiguratio Domini. Totum Duplex II classis. SS. Xysti II Papæ, Felicissimi et Agapiti MM. Memoria.
xviiij	b	vij	7 S. Cajetani Conf. Duplex. S. Donati Ep. et Mart. Memoria.
xviij	c	vj	8 B. Joannæ de Aza, Matris S. P. N. Dominici. Duplex. SS. Cyriaci, Largi et Smaragdi MM. Memoria.
xvj	d	v	9 B. Joannis de Salerno Conf. O. P. Semiduplex. Vigilia.
xv	e	iv	10 S. Laurentii Mart. Totum Duplex II classis cum oct. solius Mariæ.
xiv	f	iiij	11 Octava S. P. N. Dominici. Solemnis. S. Tiburtii Mart. Memoria.
xiiij	g	Prid.	12 S. Claræ Virg. Duplex.
xij	A	Idib.	13 SS. Hippolyti et Soc. MM. 3 Lectiones.
xj	b	xix	14 S. Eusebii Presb. et Conf. Memoria. Vigilia.
x	c	xviiij	15 Assumptio B. Mariæ Virg. Totum Duplex I classis cum oct. solemni.
ix	d	xviij	16 S. Joachim Conf. Patris B. Mariæ V. Totum Duplex II classis.
viiij	e	xvj	17 S. Hyacinthi Conf. O. P. Totum Duplex II classis. Octava S. Laurentii. Memoria.
vij	f	xv	18 B. Aimonis Taparelli Conf. O. P. Semiduplex. S. Agapiti Mart. Memoria.
vj	g	xiv	19 B. Æmillæ Bicchieri Virg. O. P. Semiduplex.
v	A	xiiij	20 S. Bernardi Abbatis et Eccl. Doct. Duplex.
iv	b	xij	21 S. Joannæ Franciscæ Fremiot de Chantal Vid. Duplex.
iiij	c	xj	22 Octava Assumptionis B. Mariæ V. Solemnis. SS. Timothei et Symphoriani MM. Memoria.
ij	d	x	23 B. Jacobi a Mevania Conf. O. P. Semiduplex. Vigilia.
j	e	ix	24 S. Bartholomæi Apostoli. Totum Duplex II classis.
*	f	viiij	25 S. Ludovici Galliæ Regis Conf. Duplex.
xxix	g	vij	26
xxviiij	A	vj	27 S. Josephi Calasancii Conf. Duplex. S. Rufi Ep. et Mart. Memoria.
xxvij	b	v	28 S. Augustini Ep., Conf. et Eccl. Doct. Totum Duplex II classis cum oct. solius Mariæ.
xxvj	c	iv	29 Decollatio S. Joannis Baptistæ. Totum Duplex. S. Sabinæ Mart. Memoria.
25. xxv	d	iiij	30 S. Rosæ a Lima Virg. O. P. Totum Duplex II classis. SS. Felicis et Adaucti MM. Memoria.
xxiv	e	Prid.	31 S. Raymundi Nonnati Conf. Duplex.

SEPTEMBER

xxiiij	f	Kal.	1 S. Ægidii Abbatis. 3 Lectiones.
xxij	g	iv	2 S. Stephani Hungariæ Regis Conf. Simplex.
xxj	A	liij	3 B. Gualæ Ep. et Conf. O. P. Semiduplex.
xx	b	Prid.	4 B. Catharinæ a Raconixio Virg. O. P. Semiduplex. Octava S. Augustini. Memoria. S. Marcelli Mart. Memoria.
xix	c	Non.	5 Anniversarium Familiarum et Benefactorum O. N. 9 Lectiones.
xviiij	d	viiij	6 B. Bertrandi a Garriga Conf. O. P. Semiduplex.
xviij	e	vij	7
xvj	f	vj	8 Nativitas B. Mariæ V. Totum Duplex II classis cum oct. solius Mariæ.
xv	g	v	9 S. Gorgonii Mart. 3 Lectiones.

Cyclus Epact.	Litt. Dom.	Dies mensis.	
xiv	A	iv	10 S. Nicolai a Tolentino Conf. Duplex.
xiii	b	liij	11 SS. Proti et Hyacinthi MM. 3 Lectiones.
xii	c	Prid.	12 SS. Nominis B. Mariæ V. Totum Duplex.
xi	d	Idib.	13
x	e	xviij	14 Exaltatio S. Crucis. Totum Duplex.
ix	f	xvij	15 Septem Dolorum B. Mariæ V. Totum Duplex II classis. S. Nicomedis Mart. Memoria.
viii	g	xvj	16 SS. Cornelii Papæ et Cypriani Ep. MM. Simplex. S. Euphemie Virg. et Mart. Memoria.
vii	A	xv	17 Impressio sacrorum Stigmatum S. Francisci Conf. Duplex. S. Lamberti Ep. et Mart. Memoria.
vi	b	xiv	18 B. Joannis Massias Conf. O. P. Duplex.
v	c	xiii	19 SS. Januarii Ep. et Sociorum MM. Duplex.
iv	d	xij	20 B. Francisci de Possadas Conf. O. P. Duplex. Vigilia.
iii	e	xj	21 S. Matthæi Apost. et Evang. Totum Duplex II classis.
ii	f	x	22 SS. Mauriti et Sociorum MM. 3 Lectiones.
i	g	ix	23 B. Marci Mutinensis Conf. O. P. Semiduplex.
	A	viiij	24 B. Mariæ V. de Mercede. Totum Duplex.
xxix	b	vij	25 Commemoratio S. P. N. Dominici in Suriano. Totum Duplex.
xxviii	c	v	26 B. Dalmatii Monerii Conf. O. P. Semiduplex.
xxvii	d	iv	27 SS. Cosmæ et Damiani MM. Simplex.
25. xxvj	e	iii	28 B. Laurentii a Ripafracta Conf. O. P. Semiduplex.
xxv	f	ii	29 S. Michaelis Archangeli. Totum Duplex I classis.
xxiv	g	Prid.	30 S. Hieronymi Presb., Conf. et Eccl. Doct. Duplex.
xxiii			

OCTOBER

xxxi	A	Kal.	1 S. Remigii Ep. et Conf. 3 Lectiones.
xxv	b	vj	2 SS. Angelorum Custodem. Totum Duplex. S. Leodegarii Ep. et Mart. Memoria.
xx	c	v	3 B. Dominici Spadafora Conf. O. P. Semiduplex.
xix	d	iv	4 S. P. N. Francisci Conf. Totum Duplex I classis.
xviii	e	liij	5 B. Raymundi a Capua Conf. O. P. Duplex.
xvij	f	Prid.	6 S. Brunonis Conf. Duplex.
xvi	g	Non.	7 B. Matthæi Carrierii Conf. O. P. Semiduplex. S. Marci Papæ et Conf. Memoria. SS. Sergii, Bacchi, Marcelli et Apuleji MM. Memoria.
xv	A	viiij	8 S. Birgittæ Viduæ. Duplex.
xiv	b	vij	9 SS. Dionysii Ep. et Sociorum MM. Duplex.
xiii	c	vj	10 S. Ludovici Bertrandi Conf. O. P. Totum Duplex II classis.
xii	d	v	11 B. Jacobi ab Ulma Conf. O. P. Semiduplex.
xi	e	iv	12
x	f	liij	13 B. Magdalene de Panateriis Virg. O. P. Semiduplex.
ix	g	Prid.	14 S. Callisti Papæ et Mart. Duplex.
viii	A	Idib.	15 S. Teresie Virg. Duplex.
vii	b	xviij	16
vi	c	xvj	17
v	d	xv	18 S. Lucæ Evangelistæ. Totum Duplex II classis.
iv	e	xiv	19 S. Petri de Alcantara Conf. Duplex.
iii	f	xiii	20
ii	g	xij	21 B. Petri a Tiferno Conf. O. P. Semiduplex. SS. Ursulæ et Sociarum VV. et MM. Memoria.
i	A	xj	22 In Ecclesiis consecratis : Dedicatio propriæ Ecclesiæ. Totum Duplex I classis cum oct. simplici.
	b	x	23 B. Bartholomæi de Bregantia Episc. et Conf. O. P. Semiduplex.
xxix	c	ix	24 S. Raphaelis Archangeli. Totum Duplex.
xxviii	d	viiij	25 SS. Crispini et Crispiniani MM. Memoria.
xxvii	e	vij	26 B. Damiani a Finario Conf. O. P. Semiduplex.
xxvi	f	vj	27 Vigilia.
25. xxv	g	v	28 SS. Simonis et Judæ Apostolorum. Totum Duplex II classis.
xxiv	A	iv	29 Octava Dedicacionis propriæ Ecclesiæ. Simplex.
xxiii	b	liij	30 B. Benvenutæ Bojani Virg. O. P. Semiduplex.
xxii	c	Prid.	31 Commemoratio Sanctorum, quorum Reliquiæ in Ecclesiis nostris asservantur. Totum Duplex. S. Quintini Mart. Memoria. Vigilia.

NOVEMBER

Cyclus Epact.	Litt. Dom.	Dies mensis.	
xxj	d	Kal.	1 Festivitas Omnium Sanctorum. Totum Duplex I classis cum oct. solemn
xx	e	iv	2 Commemoratio Omnium Fidelium Defunctorum. Duplex.
xix	f	iiij	3 B. Simonis Ballacchii Conf. O. P. Semiduplex.
xviiij	g	Prid.	4 S. Caroli Ep. et Conf. Duplex. SS. Vitalis et Agricola MM. Memoria.
xviij	A	Non.	5 B. Martini de Porres Conf. O. P. Duplex.
xvj	b	viiij	6 BB. Hieronymi, Valentini, Francisci, Hyacinthi et Sociorum MM. O. P. Duplex.
xv	c	vij	7 B. Petri de Ruffia Mart. O. P. Semiduplex.
xiv	d	vj	8 Octava Omnium Sanctorum. Solemnis. SS. Quatuor Coronatorum MM. Memoria.
xiiij	e	v	9 Dedicatio Basilicæ SS. Salvatoris. Totum Duplex II classis. S. Theodori Mart. Memoria.
xij	f	iv	10 Anniversarium Omnium Fratrum et Sororum defunctorum O. N. 9 Lectiones.
xj	g	iiij	11 S. Martini Ep. et Conf. Totum Duplex. S. Mennæ Mart. Memoria.
x	A	Prid.	12 Festivitas Omnium Sanctorum O. P. Totum Duplex II classis.
ix	b	Idib.	13 Patrocinium S. Thomæ Aq. in Scholas catholicas. Totum Duplex I classis.
viiij	c	xviiij	14 B. Joannis Liccii Conf. O. P. Semiduplex. S. Britii Ep. et Conf. Memoria.
vij	d	xviij	15 S. Alberti Magni Ep., Conf. et Eccl. Doct. O. P. Totum Duplex I classis.
vj	e	xvj	16 B. Lucie a Narnia Virg. O. P. Semiduplex.
v	f	xv	17 S. Gregorii Thaumaturgi Ep. et Conf. Simplex.
iv	g	xiv	18 Dedicatio Basilicarum SS. Petri et Pauli Apostolorum. Totum Duplex.
iiij	A	xiiij	19 S. Elisabeth Viduæ. Duplex.
ij	b	xij	20 S. Felicis de Valois Conf. Duplex.
j	c	xj	21 Præsentatio B. Mariæ V. Totum Duplex.
*	d	x	22 S. Cæcilie Virg. et Mart. Duplex.
xxix	e	ix	23 S. Clementis I Papæ et Mart. Duplex.
xxviiij	f	viiij	24 S. Joannis a Cruce Conf. et Eccl. Doct. Duplex. S. Chrysogoni Mart. Memoria.
xxvij	g	vij	25 S. Catharinæ Virg. et Mart. Totum Duplex.
25. xxvj	A	vj	26 B. Jacobi de Benefactis Ep. et Conf. O. P. Semiduplex.
xxv	b	v	27
xxiiij	c	iv	28
xxij	d	iiij	29 S. Saturnini Ep. et Mart. Memoria. Vigilia.
xxj	e	Prid.	30 S. Andræ Apostoli. Totum Duplex II classis cum oct. solius Mariæ.

DECEMBER

xx	f	Kal.	1 B. Joannis a Vercellis Conf. O. P. Duplex.
xix	g	iv	2 S. Bibianæ Virg. et Mart. Simplex.
xviiij	A	iiij	3 S. Francisci Xaverii Conf. Totum Duplex.
xvij	b	Prid.	4 S. Petri Chrysologi Ep., Conf. et Eccl. Doct. Duplex. S. Barbaræ Virg. et Mart. Memoria.
xvj	c	Non.	5
xv	d	viiij	6 S. Nicolai Ep. et Conf. Duplex.
xiv	e	vij	7 S. Ambrosii Ep., Conf. et Eccl. Doct. Duplex. Octava S. Andræ Apost. Memoria. Vigilia.
xiiij	f	vj	8 Conceptio Immaculata B. Mariæ V. Totum Duplex I classis cum oct. solemn.
xij	g	v	9
xj	A	iv	10 Pro Italia et insulis adjac. Translatio almæ domus Lauretanæ. Totum Duplex.
x	b	iiij	11 S. Damasi I Papæ et Conf. Simplex.
ix	c	Prid.	12
viiij	d	Idib.	13 S. Lucie Virg. et Mart. Duplex.
vij	e	ix	14
vj	f	xviiij	15 Octava Concept. Immaculatæ B. M. V. Solemnis.

Cyclus Epact.	Litt. Dom.	Dies mensis.	
v	g	xvij	16 B. Sebastiani Maggi Conf. O. P. Semiduplex.
iv	A	xvj	17
iiij	b	xv	18
ij	c	xiv	19
j	d	xiiij	20 S. Dominici Sylensis Abb. Duplex. Vigilia.
*	e	xij	21 S. Thomæ Apostoli. Totum Duplex II classis.
xxix	f	xj	22 Patrocinium B. Mariæ V. Totum Duplex.
xxviiij	g	x	23 B. Margaritæ de Sabaudia Vid. O. P. Semiduplex.
xxvij	A	ix	24 Vigilia.
xxvj	b	viiij	25 Nativitas D. N. J. C. Totum Duplex I classis cum oct. sollemnissima (priv.).
25. xxv	c	vij	26 S. Stephani Protomartyris. Totum Duplex II classis cum oct. 3 Lectionum.
xxiv	d	vj	27 S. Joannis Ap. et Evang. Totum Duplex II classis cum oct. 3 Lectionum.
xxiiij	e	v	28 SS. Innocentium MM. Totum Duplex II classis cum oct. 3 Lectionum.
xxij	f	iv	29 S. Thomæ Ep. et Mart. Duplex.
xxj	g	iiij	30
xx	A	Prid.	31 S. Silvestri I Papæ et Conf. Duplex.



DE DEFECTIBUS IN CELEBRATIONE MISSARUM OCCURRENTIBUS

I

SACERDOS celebraturus omnem adhibeat diligentiam, ne aliquid ex requisitis ad Sacramentum Eucharistiæ conficiendum desit. Potest autem defectus contingere ex parte materiæ consecrandæ, et ex parte formæ adhibendæ, et ex parte ministri conficientis. Quidquid enim horum deficit, scilicet materia debita, forma cum intentione, et Ordo sacerdotalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii vero sunt defectus, qui in Missæ celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

II — DE DEFECTIBUS MATERIÆ

DEFECTUS ex parte materiæ possunt contingere, si aliquid desit ex iis, quæ ad ipsam requiruntur. Requiritur enim, ut sit panis triticeus, et vinum de vite : et ut huiusmodi materia consecranda, in actu consecrationis, sit coram Sacerdote.

III — DE DEFECTU PANIS

1. **S**i panis non sit triticeus, vel si triticeus, sit admixtus granis alterius generis in tanta quantitate, ut non maneat panis triticeus, vel sit aliquoquin corruptus, non conficitur Sacramentum. Si sit confectus de aqua rosacea, vel alterius distillationis, dubium est an conficiatur.

2. Si cœperit corrumpi, sed non sit corruptus; similiter si non sit azymus, secundum morem Ecclesiæ Latinæ : conficitur quidem, sed conficiens graviter peccat.

3. Si celebrans ante consecrationem advertit hostiam esse corruptam, aut non esse triticeam : remota illa hostia, aliam ponat, et facta oblatione, saltem mente concepta, prosequatur ab eo loco, ubi desiit. Si id advertit post consecrationem, etiam post illius hostiæ sumpcionem : posita alia, faciat oblationem, ut supra, et a consecratione incipiat, scilicet ab illis verbis : *Qui pridie quam pateretur*, et illam priorem, si non sumpsit,umat post sumpcionem Corporis, et Sanguinis, vel aliis sumendam tradat, vel alicubi reverenter conservet. Si autem sumpserat, nihilominusumat eam, quam consecravit; quia præceptum de perfectione Sacramenti majoris est ponderis, quam quod a jejunis sumatur.

4. Advertendum autem, quod si hoc contingat post sumpcionem Sanguinis, apponi debet rursus novus panis, et vinum cum aqua : et facta prius oblatione, ut supra, Sacerdos consecret, incipiendo ab illis verbis : *Qui pridie*, ac statimumat utrumque, et Missam prosequatur, ne Sacramentum remaneat imperfectum, et ut debitus servetur ordo.

5. Si hostia consecrata dispareat, vel casu aliquo, ut vento, aut miraculo, vel ab aliquo animali accepta, et nequeat reperiri : tunc altera consecratur, ab eo loco incipiendo : *Qui pridie quam pateretur*, facta ejus prius oblatione, ut supra; et illud animal, si capi potest, occidatur, et comburatur, et cineres ejiciantur in sacrarium, vel sub altari.

IV — DE DEFECTU VINI

1. **S**i vinum sit factum penitus acetum, vel penitus putridum, vel de uvis acerbis seu non maturis expressum, vel ei fuerit admixtum tantum aqua, ut sit corruptum : non conficitur Sacramentum.

2. Si vero cœperit acescere vel corrumpi, vel fuerit aliquantulum acre, vel mustum tunc de uvis expressum, vel non fuerit admixta aqua, vel fuerit admixta aqua rosacea, seu alterius distillationis : conficitur Sacramentum, sed conficiens graviter peccat.

3. Si celebrans ante consecrationem Sanguinis, quamvis post consecrationem Corporis, advertat, aut vinum, aut aquam, aut utrumque non esse in calice : debet statim apponere vinum cum aqua, et facta oblatione, ut supra, consecrare incipiendo ab illis verbis : *Simili modo*.

4. Si post verba consecrationis advertat vinum non fuisse positum, sed aquam : deposita aqua in aliquod vas, iterum vinum cum aqua ponat in calice, et consecret resumendo a verbis prædictis : *Simili modo*.

5. Si hoc advertat post sumpcionem Corporis, vel huiusmodi aquæ : apponat aliam hostiam iterum consecrandam, et vinum cum aqua in calice; offerat utrumque, et consecret, etumat, quamvis non sit jejunis : vel si Missa celebretur in loco publico, ubi plures adsint, ad evitandum scandalum poterit apponere vinum cum aqua, et facta oblatione, ut supra, consecrare, ac statim sumere, et prosequi cetera.

6. Si quis percipiat ante consecrationem, vel post consecrationem, totum vinum esse acetum, vel alias corruptum : idem servetur, quod supra, ac si deprehenderet non esse positum vinum, vel solam aquam fuisse appositam in calice.

7. Si autem celebrans ante consecrationem calicis advertat non fuisse appositam aquam : statim ponat eam, et proferat verba consecrationis. Si id advertat post consecrationem calicis : nullo modo apponat, quia non est de necessitate Sacramenti.

8. Si materia, quæ esset apponenda, ratione defectus vel panis, vel vini, non posset ullo modo haberi : si id sit ante consecrationem Corporis, ulterius procedi non debet : si post consecrationem Corporis, aut etiam vini, deprehenditur defectus alterius speciei, altera jam consecrata, tunc si nullo modo haberi possit, procedendum erit, et Missa absolvenda, ita

tamen ut prætermittantur verba, et signa, quæ pertinent ad speciem deficientem. Quod si expectando aliquamdiu, haberi possit, expectandum erit, ne imperfectum sacrificium remaneat.

V — DE DEFECTIBUS FORMÆ

1. **D**EFFECTUS ex parte formæ possunt contingere, si aliquid desit ex iis, quæ ad integritatem verborum in ipsa consecratione requiruntur. Verba autem consecrationis, quæ sunt forma hujus Sacramenti, sunt hæc : *Hoc est enim Corpus meum. Et : Hic est enim calix Sanguinis mei, novi et æterni testamenti, mysterium fidei, qui pro vobis, et pro multis effundetur in remissionem peccatorum.* Si quis aliquid diminueret, vel immutaret de forma consecrationis Corporis, et Sanguinis, et in ipsa verborum immutatione, verba idem non significarent, non conficeret Sacramentum. Si quis aliquid adderet, quod significationem non mutaret, conficeret quidem, sed gravissime peccaret.

2. Si celebrans non recordetur se dixisse ea, quæ in consecratione communiter dicuntur, non debet propterea turbari. Si tamen certo ei constet se omisisse aliquid eorum, quæ sunt de necessitate Sacramenti, id est, formam consecrationis, seu partem : resumatur ipsam formam, et cetera prosequatur per ordinem.

3. Si vero valde probabiliter dubitat se aliquid essentialiter omisisse, iteret formam, saltem sub tacita conditione. Si autem non sunt de necessitate Sacramenti, non resumatur, sed procedat ulterius.

VI — DE DEFECTIBUS MINISTRI

DEFFECTUS ex parte Ministri possunt contingere quoad ea, quæ in ipso requiruntur. Hæc autem sunt : In primis intentio; deinde dispositio animæ, dispositio corporis, dispositio vestimentorum, dispositio in ministerio ipso quoad ea, quæ in ipso possunt occurrere.

VII — DE DEFECTU INTENTIONIS

1. **S** quis non intendit conficere, sed delusorie aliquid agere.

2. Item si aliquæ hostiæ ex oblivione remaneant in altari, vel aliqua pars vini, vel aliqua hostia lateat : eæ non consecrantur, cum non intendat consecrare nisi quas videt.

3. Item si quis habeat coram se undecim hostias, et intendat consecrare solum decem, non determinans quas decem intendit : non consecrat, quia requiritur intentio determinata.

4. Secus, si putans quidem esse decem, tamen omnes voluit consecrare, quas coram se habebat : nam tunc omnes erunt consecratæ : atque ideo quilibet Sacerdos talem semper intentionem habere deberet, scilicet consecrandi eas omnes, quas ante se ad consecrandum positas habet.

5. Si Sacerdos putans se tenere unam hostiam, post consecrationem invenerit fuisse duas simul junctas, in sumptione sumat simul utramque.

6. Quod si deprehendat post sumptionem Corporis et Sanguinis, aut etiam post ablutionem, reliquias aliquas relictas consecratas, eas sumat, sive parvæ sint, sive magnæ, quia ad idem sacrificium spectant.

7. Si vero relictæ sit hostia integra consecrata, eam in tabernaculo cum aliis reponat; si hoc fieri nequit, sequenti Sacerdoti ibi celebraturo, in altari supra corporale decenter opertam, sumendam una cum altera, quam est consecraturus, relinquat; vel si neutrum horum fieri possit, in ipso calice, seu patena decenter conservet, quousque vel in tabernaculo reponatur, vel ab altero sumatur; quod si non habeat quomodo honeste conservetur, potest eam ipsemet sumere.

8. Si intentio non sit actualis in ipsa consecratione propter evagationem mentis, sit tamen virtualis, cum accedens ad altare intendat facere quod facit Ecclesia, conficitur Sacramentum, etsi curare debeat Sacerdos, ut etiam actualem intentionem adhibeat.

VIII — DE DEFECTIBUS DISPOSITIONIS ANIMÆ

1. **S** quis suspensus, excommunicatus, degradatus, irregularis, vel alias canonicè impeditus celebret : conficit quidem Sacramentum, sed gravissime peccat, tam propter communionem, quam indigne sumit, quam propter executionem Ordinum, quæ sibi erat interdicta.

2. Si quis habens copiam Confessarii celebret in peccato mortali, graviter peccat.

3. Si quis etiam in casu necessitatis, non habens copiam Confessarii, in peccato mortali absque contritione celebret, graviter peccat.

4. Secus si conteratur : debet tamen, cum primo poterit, confiteri.

5. Si in ipsa celebratione Missæ Sacerdos recordetur se esse in peccato mortali, conteratur cum proposito confitendi, et satisfaciendi. Si recordetur se esse excommunicatum, vel suspensum aut locum esse interdictum, similiter conteratur, cum proposito petendi absolutionem : ante consecrationem autem, in supradictis casibus, si non timetur scandalum, debet Missam inceptam deserere.

IX — DE DEFECTIBUS DISPOSITIONIS CORPORIS

1. **S** quis non est jejunos post mediam noctem, etiam post sumptionem solius aquæ, vel alterius potus, aut cibi, per modum etiam medicinæ, et in quantacumque parva quantitate : non potest communicare, nec celebrare.

2. Si autem ante mediam noctem cibum, aut potum sumperit, etiam si postmodum non dormierit, nec sit digestus, non peccat : sed ob perturbationem mentis, ex qua devotio tollitur, consultatur aliquando abstinendum.

3. Si reliquæ cibi remanentis in ore transglutiantur, non impediunt communionem, cum non transglutiantur per modum cibi, sed per modum salivæ. Idem dicendum, si lavando os, deglutiantur stilla aquæ præter intentionem.

4. Si plures Missas in una die celebret, ut in Nativitate Domini : in unaquaque Missa abluat digitos super aliquod vas decens, et in ultima tantum percipiat digitorum ablutionem.

5. Si præcesserit pollutio nocturna, quæ causata fuerit ex præcedenti cogitatione, quæ sit

peccatum mortale, vel evenit propter nimiam crapulam : abstinendum est a communione, et celebratione, nisi aliud Confessario videatur. Si dubium est, an in præcedenti cogitatione fuerit peccatum mortale, consulitur abstinendum, extra tamen casum necessitatis. Si autem certum est non fuisse in illa cogitatione peccatum mortale, vel nullam fuisse cogitationem malam, sed evenisse ex naturali causa, aut ex diabolica illusione, potest communicare, et celebrare; nisi ex illa corporis commotione tanta evenit perturbatio mentis, ut abstinendum videatur.

X — DE DEFECTIBUS IN MINISTERIO IPSO OCCURRENTIBUS

Possunt etiam defectus occurrere in ministerio ipso, si quid ex requisitis ad illud desit : quod ex pluribus capitibus provenire potest.

DE DEFECTIBUS CIRCUMSTANTIARUM LOCI, ET TEMPORIS

1. **S**i celebretur in loco non sacro, vel non deputato ab Episcopo, aut Abbate facultatem habente.

2. Si celebretur in Ecclesia interdicta, aut violata. Si vero, Sacerdote celebrante, violetur Ecclesia ante Canonem, dimittatur Missa : si post Canonem, non dimittatur.

3. Si timeatur incursus hostium, vel alluvionis, vel ruina loci, ubi celebratur : ante consecrationem dimittatur Missa; post consecrationem vero Sacerdos accelerare poterit sumptionem Sacramenti, omissis omnibus aliis.

4. Si non sit tempus debitum celebrandi, quod est ab aurora usque ad meridiem communiter.

XI — DE DEFECTIBUS REQUISITORUM EX PARTE SACERDOTIS, ET ALTARIS

1. **S**acerdos celebrat, cum Matutinum cum Laudibus non dixerit.

2. Si celebret cooperto capite sine dispensatione.

3. Si omittat aliquid ex vestibus sacerdotalibus.

4. Si vestes sacerdotales, et mappæ non sint ab Episcopo, vel ab alio hanc habente potestatem, benedictæ.

5. Si pallæ, purificatoria, et corporalia non sint munda, et ab Episcopo, vel ab alio hanc habente potestatem, benedicta.

6. Si celebret in altari non consecrato, vel tribus mappis non cooperto.

7. Si non adsit calix consecratus cum patena, conveniens : cuius cuppa debet esse aurea, vel argentea, vel stannea; non ærea, vel vitrea.

8. Si non adsit Missale, licet memoriter sciret Missam, quam intendit dicere.

9. Si non adsint luminaria cerea.

XII — DE DEFECTU SERVITORIS

Si non adsit clericus, vel alius deserviens in Missa : vel adsit, qui inservire non debet, ut mulier.

XIII — DE DEFECTU ET INFIRMITATE SACERDOTIS OCCURRENTIBUS

1. **S**i sacerdos ante consecrationem graviter infirmetur, vel in syncopen inciderit, aut moriatur, prætermittatur Missa : si post consecrationem Corporis tantum, ante consecrationem Sanguinis, vel utroque consecrato, id accidat, Missa per alium Sacerdotem expleatur ab eo loco, ubi ille desit; et in casu necessitatis etiam per non jejunum.

2. Si non obierit, sed fuerit infirmus, adeo tamen ut possit communicare, et non adsit alia hostia consecrata : Sacerdos, qui Missam supplet, dividat hostiam, et unam partem præbeat infirmo, aliam ipse sumat.

3. Si, semiprolata forma Corporis, obiit Sacerdos : quia non est facta consecratio, non est necesse, ut Missa per alium suppleatur.

4. Si vero obierit, semiprolata forma Sanguinis : tunc alter similiter prosequatur Missam, et super eundem calicem repetat integram formam, ab eo loco, Simili modo postquam cenatum est, vel super alium calicem præparatum integram formam proferre debet, et hostiam primi Sacerdotis, et Sanguinem a se consecratum sumere, ac deinde calicem relictum semiconsecratum.

5. Si quis, extra huiusmodi casus necessitatis, integra Sacramenta non sumpserit, gravissime peccat.

XIV — DE DEFECTU ADMIXTIONIS ALICUIUS NOCIVI IN CALICE, VEL HOSTIA

1. **S**i musca, vel aranea, vel aliquid aliud ceciderit in calicem ante consecrationem : projiciat vinum subius altare, vel alium locum decentem, et aliud ponat in calice, misceat parum aquæ, offerat, ut supra, et prosequatur Missam.

2. Si post consecrationem ceciderit musca, aut aliquid ejusmodi, et fiat nausea Sacerdoti : extrahat eam, et lavet cum vino; finita Missa, comburat, et combustio, ac lotio huiusmodi in sacrarium projiciatur. Si autem non fuerit ei nausea, nec ullum periculum timeat : sumat cum sanguine.

3. Si aliquid venenosum ceciderit in calicem, vel quod provocaret vomitum : vinum consecratum reponendum est in alio calice, et aliud vinum cum aqua apponendum, denuo consecrandum, et finita Missa, sanguis repositus in panno lineo, vel stupa, tamdiu servetur, donec species vini fuerint desiccata; et tunc stupa comburatur, et combustio in sacrarium projiciatur.

4. Si aliquod venenatum contigerit hostiam consecratam : tunc alteram, facta oblatione ut supra, consecret, et sumat modo, quo dictum est; et illa servetur in tabernaculo, loco separato, donec species corrumpantur, et corruptæ deinde mittantur in sacrarium; et animal captum occidatur, et comburatur, ut supra dictum est.

XV — DE DEFECTIBUS FRACTIONIS HOSTIÆ, AUT CONGELATIONIS SANGUINIS

1. **S**i hostia ante consecrationem inveniat fracta, nisi populo evidenter appareat, talis hostia consecratur.

2. Si autem scandalum populo esse possit, alia accipiat, et offeratur : quod si illius hostiæ jam erat facta oblatio, eam post ablutionem sumat.

3. Quod si ante oblationem hostia appareat confracta, accipiat altera integra, si citra scandalum, aut longam moram fieri poterit.

4. Si propter frigus, vel negligentiam hostia consecrata dilabatur in calicem : propterea nihil est reiterandum; sed Sacerdos Missam prosequatur, omittendo signa, et caeremonias, quæ solent fieri cum ipsa; et sumat simul Corpus cum Sanguine, dicens : *Corpus, et Sanguis*.

5. Si, sumendo Sanguinem, particula remanserit in calice : digito ad labium calicis eam adducat, et sumat ante purificationem; vel infundat vinum, et sumat.

6. Si in hieme Sanguis congeletur in calice, involvatur calix pannis calefactis; si id non proficeret, ponatur in ferventi aqua prope altare, dummodo in calicem non intret, donec liquefiat.

XVI — DE DEFECTIBUS EFFUSIONIS SANGUINIS, AUT CASUS HOSTIÆ

1. Si per negligentiam aliquid de Sanguine Christi ceciderit : si quidem super terram, vel tabulam, lingua lambatur; et locus ipse radatur, quantum satis est, et abrasio comburatur; cinis vero in sacrarium recondatur.

2. Si vero super lapidem altaris ceciderit : sorbeat Sacerdos stillam, et locus bene abluatur, et ablutio in sacrarium projiciatur.

3. Si super linteam altaris, et ad aliud linteam stilla pervenerit : si usque ad tertium, linteamina ter abluantur, ubi stilla ceciderit, calice supposito, et aqua ablutionis in sacrarium projiciatur.

4. Quod si in ipso solum corporali, aut si in vestibus ipsis sacerdotalibus ceciderit, debent similiter abluere, et ablutio in sacrarium projici.

5. Si in substrato pedibus panno, vel tapete, abluere oportebit, ut supra.

6. At si contingat totum Sanguinem post consecrationem effundi : si quidem aliquid vel parum remansit, illud sumatur, et de effuso reliquo Sanguine fiat, ut dictum est supra.

7. Si vero nihil omnino remansit, ponat iterum vinum, et aquam, et consecret ab eo loco : *Simili modo postquam cenatum est*, facta prius tamen calicis oblatione, saltem mentali, ut supra dictum est.

8. Si Sacerdos evomat Eucharistiam : si species integræ appareant, reverenter sumantur, nisi nausea fiat : tunc enim species consecratæ caute separentur, et in aliquo loco sacro reponantur, donec corrumpantur; et postea in sacrarium ponantur.

9. Quod si species non appareant : comburatur vomitus, et cineres in sacrarium projiciantur.

10. Si hostia consecrata, vel aliqua ejus particula dilabatur in terram, reverenter accipiat; et locus, ubi cecidit, mundetur, et aliquantulum abradatur; et pulvis, seu abrasio hujusmodi in sacrarium projiciatur.

11. Si ceciderit extra corporale in mappam, seu alio quovis modo in aliquod linteam : mappa, vel linteam hujusmodi diligenter lavetur, et lotio ipsa in sacrarium effundatur.

POSSUNT etiam defectus in ministerio ipso occurrere, si Sacerdos ignoret ritus, et caeremonias ipsas in eo servandas, de quibus omnibus in sequentibus Rubricis copiose dicitur.

QUOMODO SACERDOS SE PRÆPARARE DEBEAT AD MISSAM

CUM Missam celebrare voluerit, suæ conscientie primo consulat, considerando si in aliquo offenderit Deum, et proximum suum. Postmodum, prævia debita præparatione, confiteatur peccata sua, antequam induat sacras vestes, Confessore sedente, et ipso genuflexo, discoeperto capite, ita ut mundus ad altare accedat, et peracta penitentia, orationi aliquantulum vacet, dicendo Orationes inferius positas, pro temporis opportunitate.

QUOD IN SACRISTIA FACTURUS SIT

CUM ad sacristiam celebraturus advenit, Matutino saltem absolute, invocato Divino nomine, quo hoc in opere quam maxime, si alias umquam, ipsi procul dubio opus est, accipiat Missale, perquirat Missam, perlegat, et signacula ordinet ad ea, quæ dicturus est.

Postea abluat diligenter manus, et vultum, dicendo : Da Domine virtutem manibus meis ad abstergendam omnem maculam, ut sine pollutione mentis et corporis valeam tibi servire. Amen. Nec quidquam vel indecens, aut indecorum, ac minus comptum ad Missam audiendam adventantium aspectibus appareat.

Deinde calicem præparet, diligenter ipsum extergendo purificatorio mundo ad hoc præparato. Purificatorium super os ejus ponat, et super illud patenam cum hostia, quam ab omni scabritie diligenter mundabit, ut non habeat, quod indignum sacrificio iudicetur, utpote non fracta, non referta maculis, non perterebrata foraminibus. Ipsam parva palla, et velo serico tegat, et super velum ponat bursam coloris paramentorum, intus habentem corporale plicatum, velique partem anteriorem super bursam reducat.

His ita dispositis, ad induendum sacras vestes accedens, sit calcatus pedibus, et indutus vestibus omnibus albis Ordinis, et signo Crucis se muniens dicat : In nomine Patris, et Filii, et Spiritus Sancti. Amen.

Deinde accipiens amictum circa extremitates, et cordulas, Crucem in medio signando, eum exosculetur, et capiti imponens, dicat : Impone Domine capiti meo galeam salutis, ad expugnandos omnes diabolicos incursum. Amen. Illo caput circumtegit, et cordulas in modulum crucis circum-

A



B



ducens sub brachiis, ad cingulum firmet; aut, si longæ fuerint, circumducens per dorsum ante pectus reducat, ac liget : colloquens Deo per orationes, et sanctissimæ passionis Christi meditationem.

Deinde vestem albam indutus, dicat : Dealba me Domine, et munda cor meum, ut in sanguine Agni dealbatus, gaudiis perfruam sempiternis. Amen.

Insper cingulo se cingens, duas tantum extremitates cinguli demittat, ac dicat : Præcinge me Domine cingulo puritatis, et exstingue in lumbis meis humorem libidinis, ut maneat in me virtus continentie et castitatis. Amen. Minister autem eleveit albam nimis longam super cingulum circumcirca, ut honeste pendeat, et tegat vestes, ac ejus fimbrias diligenter aptet, ut ad latitudinem digiti, vel circiter, prope terram æqualiter fluat.

Postea manipulum exosculans in medio, ubi Crux posita esse debet, inducat sinistro brachio, dicendo : Merear Domine portare manipulum fletus et doloris, ut cum exultatione recipiam mercedem laboris. Amen.

Præterea stolam, simili modo exosculando ejus medium, collo imponat, dicendo : Redde mihi Domine, obsecro, stolam immortalitatis, quam perdidisti in prævaricatione primi parentis, et quamvis indignus accedo ad tuum sacrum mysterium, merear tamen gaudium sempiternum. Amen. Ac transversando eam ante pectus in modum crucis, ducat partem a sinistro humero pendentem ad dexteram, et partem a dextero humero pendentem ad sinistram, sicque, cinguli pendentibus extremitatibus ab utroque latere, stolam firmet hoc modo, A.

Tandem casulam decenter induat, dicendo : Domine, qui dixisti : Jugum meum suave est, et onus meum leve : fac ut istud portare sic valeam, quod consequar tuam gratiam. Amen.

Calicem dehinc manu læva accipiens per nodum, infra cuppam, altera manu bursam corporalis cum velo reducto et patena teneat, ita quod pollex calicem tangat, reliqui autem digiti suprapositi corporale et patenam comprehendant, ut vides, B.

Et sic reverentiam, inclinato capite, Cruci, vel imagini, quæ in sacristia reperitur, exhibendo, ad altare, cooperto capite caput et amictu, oculis demissis, incesu gravi, erectoque corpore, Deum gemitibus exorando, progrediatur. Quod si interim

ante tabernaculum sacratissimi Christi Corporis transire contigerit, cooperto, ut dictum est, capite, dexterum genu flectat : si ante altare, ubi celebratur Missa, contingat elevari, tunc utrumque genu flectat, et, detecto capite, illud adoret, neque antea surgat, quam celebrans deposuerit calicem super corporale. Quod si in altari patenter sit expositum, vel in illo ministretur, pariter utrumque genu flectat, ac, detecto capite, illud adoret; et mox se erigens, eo modo, quo dictum est, incedere pergat.

Cum vero ad altare pervenerit, inclinatione profunda, genibus non curvatis, ad medium ejus facta; vel flexo unico genu, si in eo sit tabernaculum sanctissimi Sacramenti; vel utroque, si sit expositum : ascendat ad medium altaris, et ibi antequam calicem imponat, eum mox versus cornu Evangelii seponat, quo detur explicationi corporalis locus, quod de bursa accipiens, reverenter explicet in medio altaris. Deinde, amoto velo, et palla, patenam cum hostia super corporale deponat; e calice purificatorium auferens, juxta corporalis partem dexteram in longum extendat. Deinde præparaturus calicem, eum

per medium nodi sinistra manu tenens, ampullam vini de manu ministri dextera accipiens, parum vini infundat : deinde, porrigente ministro ampullam aquæ, et dicente : *Benedicite*, signo Crucis ipsam consignet, dicendo : *In nomine Patris, et Filii, et Spiritus Sancti, et Minister respondeat : Amen.* Postea tantam quantitatem aquæ distillet in calicem, quæ facillime tota possit in vinum converti; deinde calicem purificatorio abstergat : et sic præparato, patenam cum hostia imponat, et palla veloque cooperiat, et super corporale in medio altaris collocet; et ad Missale super cussino ad cornu Epistolæ parato se conferat, aperiat, et reperiat Missam. Quo facto, revertatur, junctis ante pectus manibus, ad medium altaris, et ibi ambabus manibus caput discooperiat, et capitulum decenter aptando, secreto ac humiliter orans dicat : *Actiones nostras, quæsumus Domine, aspirando præveni, et adjuvando proseguere : ut cuncta nostra operatio a te semper incipiat, et per te cœpta finiatur. Per Christum Dominum nostrum. Amen.* Deinde attente, ac devote ad Missæ celebrationem progrediatur.



MODUS, ET RITUS DICENDI MISSAM

Sacerdos junctis manibus ante pectus, stans immediate infra supremum gradum, vel infra gradum, si fuerit unicus, ante medium altaris, facta profunda inclinatione.

A. *In nomine Patris, et Filii, et Spiritus Sancti. Amen.*

B. *Ÿ. Confitemini Domino quoniam bonus.*

C. *R. Quoniam in sæculum misericordia ejus.*

D. Confiteor Deo omnipotenti, et beatæ Mariæ semper Virgini, et beato Dominico Patri nostro, et omnibus Sanctis, et vobis, fratres, quia peccavi nimis cogitatione, locutione, opere, et omissione, **E.** mea culpa : precor vos orare pro me.

F. Misereatur tui omnipotens Deus, et dimittat tibi omnia peccata tua : liberet te ab omni malo, salvet, et confirmet in omni opere bono, et perducat te ad vitam æternam.

G. *R. Amen.*

H. Confiteor Deo omnipotenti, et beatæ Mariæ semper Virgini, et beato Dominico Patri nostro, et omnibus Sanctis, et tibi, Pater, quia peccavi nimis cogitatione, locutione, opere, et omissione, **I.** mea culpa : precor te orare pro me.

K. Misereatur vestri omnipotens Deus, et dimittat vobis omnia peccata vestra : liberet vos ab omni malo, salvet, et confirmet in omni opere bono, et perducat vos ad vitam æternam.

L. *R. Amen.*

M. Absolutionem, et remissionem omnium peccatorum vestrorum tribuat vobis omnipotens et misericors Dominus.

N. *R. Amen.*

O. Adjutorium nostrum in nomine Domini.

P. *R. Qui fecit cælum et terram.*

Q. Aufer a nobis Domine cunctas iniquitates nostras, ut ad Sancta sanctorum puris mereamur mentibus introire. Per **R.** Christum Dominum nostrum. Amen.

S. In nomine Patris, et Filii, et Spiritus Sancti. Amen.

INTROITUS

T. *Ecce advenit dominator Dominus : et regnum in manu ejus, et potestas, et imperium. Ÿ. Deus judicium tuum regi da : et justitiam tuam filio regis.*

V. Gloria Patri, et Filio, et Spiritui Sancto. Sicut erat in principio, etc. Ecce advenit dominator Dominus : et regnum, etc.

X. Kyrie eleison. Kyrie eleison. Kyrie eleison. Christe eleison. Christe eleison. Christe eleison. Kyrie eleison. Kyrie eleison. Kyrie eleison. **Y.**

Incipiat clara et intelligibili voce : A. dextera manu signo Crucis se muniens a fronte usque ad pectus, et ab humero sinistro usque ad dexterum.

Junctis manibus, eadem voce dicat : B.

Minister respondeat : C.

Inclinans profunde, junctis manibus ante pectus, voce mediocri dicat : D.

E. *Pectus non tundat ad mea culpa.*

Minister dicat : F.

Sacerdos respondeat : G.

Minister dicat : H.

I. *Pectus non tundat.*

Sacerdos dicat : K.

Minister respondeat : L.

M. *Signum Crucis ne faciat.*

Minister respondeat : N.

Erectus omnino, junctis manibus ante pectus, dicat : O. sicque ad altare procedat.

Minister respondeat : P.

Inclinans profunde directe versus altare, junctis manibus dicat : Q.

R. *Signum ✠ pollice in medio altaris formans, illud exosculetur, extensis hinc et inde manibus, ac super altare positis.*

Erectus ante altaris medium, signans se signo Crucis ut supra, dicat secreto : S. deinde junctis manibus ut prius, ad librum in cornu Epistolæ accedat.

Clara et intelligibili voce incipiat : T.

V. *Aliquantulum capite versus Crucem inclinato, reverentiam exhibeat. Deinde repetat Introitum usque ad Versum exclusive.*

X. *Kyrie eleison, etc. dicat alternatim cum ministro. Dicto ultimo Kyrie Y. ad medium altaris, si Gloria dicendum est, junctis manibus, pergat : sin minus, ibi ante librum consistat, et reliqua prosequatur.*

Z. Manus extensas super altare deponat; **A.** eleventur; **B.** jungantur; **C.** caput inclinans, reuertatur ad cornu Epistolæ, et ibi prosequatur reliqua, legens in libro, junctis ante pectus manibus.

D. Caput inclinet.

E. Caput inclinet.

F. Caput inclinet.

G. Caput inclinet.

H. Caput inclinet.

In eodem loco vertat se ad populum a sinistro latere ad dexterum corporis, id est, per eam partem, quæ respicit cornu Epistolæ, (excepto quando celebrat in altari, in quo est SS. Eucharistiæ Sacramentum) manibus rectis, elevatis ut humeros non excedant, extensis ut a retro videri queant : quod in omni manuum elevatione, et extensione observetur, nisi ad Unde et memores.

Dicat : I. Manus conjungat **K.**

Minister respondeat : L.

Deinde reversus ad librum per idem latus, manibus junctis, inclinans paululum caput versus Crucem altaris, dicat : **M.**

N. Aperiantur manus : sicque, cum aliæ memoriæ dicendæ fuerint, faciat ad Oremus, et ad Orationem, ut modo diximus.

O. Conjungat manus, ac reverentiam Nomini Dei exhibeat, capite versus Crucem altaris paululum inclinato.

P. Si in Orationibus præmittendum sit post Oremus, Flectamus genua, (Minister respondeat **Q.**) accipiat utraque manu anteriorem partem casulæ, hinc et inde, et super altare aptans, flectat genua, moxque surgens, ut supra dicat Orationem.

R. Cancellatis manibus super librum, aut super altare firmatis, ut vides, legat Epistolam, seu Lectionem.

S. Eleuet manus, et conjunctas teneat usque ad Evangelii prolationem.

Junctis manibus, ut vides, ante pectus, dicat : **T.**

Junctis manibus, ut supra, prosequatur : **V.**

Item, junctis manibus ante pectus : **X.** Finito Alleluia, vel Tractu, minister deferat Missale ad cornu Evangelii, et Sacerdos junctis manibus eo progrediatur, reverentiam exhibens Cruci in medio altaris, et dicens secreto : **Y.** Missale autem ita colloquet, ut caput ipsius ad cornu altaris respiciat.

Z. Manus junctas Missali decenter imponat.

Minister respondeat : A.

B. Evangelio signum Crucis pollice dexteræ manus imprimat.

Minister respondeat : C.

Z. Gloria in **A.** excelsis **B.** Deo. **C.** Et in terra pax hominibus bonæ voluntatis. Laudamus te. Benedicimus te. **D.** Adoramus te. Glorificamus te. **E.** Gratias agimus tibi propter magnam gloriam tuam. Domine Deus, Rex cælestis, Deus Pater omnipotens. Domine Fili unigenite, Jesu **F.** Christe. Domine Deus, Agnus Dei, Filius Patris. Qui tollis peccata mundi, miserere nobis. Qui tollis peccata mundi, **G.** suscipe deprecationem nostram. Qui sedes ad dexteram Patris, miserere nobis. Quoniam tu solus Sanctus. Tu solus Dominus. Tu solus Altissimus, Jesu **H.** Christe. Cum Sancto Spiritu in gloria Dei Patris. Amen.

I. Dominus **K.** vobiscum.

L. R. Et cum spiritu tuo.

M. Oremus.

N. Deus, qui hodierna die Unigenitum tuum Gentibus stella duce revelasti : concede propitius, ut qui jam te ex fide cognovimus, usque ad contemplandam speciem tuæ celsitudinis perducamur.

O. Per eundem Dominum nostrum Jesum Christum Filium tuum, qui tecum vivit et regnat in unitate Spiritus Sancti Deus, per omnia sæcula sæculorum.

P. Vel Oremus. Flectamus genua.

Q. Levate.

R. Lectio Isaïæ Prophetæ.

Surge illuminare Jerusalem : quia venit lumen tuum, et gloria Domini super te orta est. etc.

S. Et laudem Domino annuntiantes.

T. R. Omnes de Saba venient, aurum et thus deferentes, et laudem Domino annuntiantes. **Y.** Surge, et illuminare Jerusalem : quia gloria Domini super te orta est.

V. Alleluia, alleluia. **Y.** Vidimus stellam ejus in oriente, et venimus cum muneribus adorare Dominum.

SEQUENTIA

X. Lætahundus exsultet fidelis.

Y. Dominus sit in corde meo, et in labiis meis, ad pronuntiandum sanctum Evangelium pacis.

Z. Dominus vobiscum.

A. R. Et cum spiritu tuo.

B. Sequentia sancti Evangelii secundum Matthæum.

C. R. Gloria tibi Domine.



D. Cum natus esset Jesus in Bethlehem Judæ, in diebus Herodis regis, ecce Magi ab Oriente venerunt Jerosolymam, etc.

E. Et procidentes adoraverunt eum.

F. Per aliam viam reversi sunt in regionem suam.

G. Per Evangelica dicta deleantur nostra delicta.

H. Credo **I.** in unum **K.** Deum, Patrem omnipotentem, etc.

L. Dominum Jesum Christum.

M. Et incarnatus est de Spiritu Sancto, ex Maria Virgine. Et **HOMO FACTUS EST**, etc. Qui cum Patre et Filio simul **N.** adoratur et conglorificatur, etc.

O. Et vitam venturi sæculi. Amen.

P. Dominus vobiscum.

Q. R. Et cum spiritu tuo.

R. Oremus.

S. Reges Tharsis, et insulæ munera offerent : reges Arabum, et Saba dona adducent : et adorabunt eum omnes reges terræ, omnes gentes servient ei.

T. Quid retribuam **V.** Domino pro omnibus, quæ retribuit mihi?

X. Calicem salutaris accipiam, et nomen Domini invocabo.

Y. Suscipe sancta Trinitas hanc oblationem, quam tibi offero in memoriam passionis Domini nostri Jesu Christi : et præsta, ut in conspectu tuo tibi placens ascendat ; **Z.** et meam, et omnium fidelium salutem operetur æternam.



A. Lavabo inter innocentes manus meas, et circumdabo altare tuum Domine : ut audiam vocem laudis, et enarrem universa mirabilia tua. Domine dilexi decorem domus tuæ, et locum habitationis gloriæ tuæ. *Et non plus ultra.*

B. In spiritu humilitatis, et in animo contrito, suscipiamur Domine a te : et sic fiat sacrificium nostrum, ut a te suscipiatur hodie, **C.** et placeat tibi Domine Deus.

D. Orate fratres, **E.** ut meum, ac vestrum pariter in conspectu Domini sit acceptum sacrificium.

Parvis signis Crucis pollice frontem, os, et pectus signet ; deinde majori signo Crucis manu dextera se totum muniat, a fronte ad pectus et humeros.

D. Manus junctas iterum Missali imponat, et sic totum Evangelium prosequatur, excepto cum dicit : **E.** nam tunc genu flectat versus librum, quod semper observet dum in Evangelio erit genuflectendum : cum autem nomen Jesu, vel Mariæ pronuntiatur, inclinet caput.

F. Ad finem Evangelii majori Crucis signo se iterum signet. Deinde Evangelium signans Crucis signo, dicat secreto : **G.** Evangelium exosculando, præterquam in Missis Defunctorum, et cum Passionibus dicuntur.

Ad medium altaris, positis manibus, et extensis super altare, dicat : **H.** elevet manus **I.** conjungat **K.** et caput Cruci inclinet, et statim revertatur ad cornu Evangelii, et ibi in libro reliqua prosequatur, manibus ante pectus junctis.

L. Caput inclinet versus librum.

M. Veniat ad medium altaris, et genua flectat, et dicto Homo factus est, surgat, et manus, ut prius, jungat, et revertatur statim ad librum, reliqua perlegendus ; **N.** caput inclinet ; **O.** signet se signo Crucis a fronte ad pectus et humeros. Et ad medium altaris veniens, et ad populum versus aperiens, et conjungens manus, ut ad primum, dicat : **P.** et per eandem viam revertatur ad medium. Minister respondeat : **Q.**

Apertis manibus, et elevatis, caput Cruci inclinans incipiat : **R.** et ad ultimam syllabam conjungat ante pectus.

S. Manibus junctis, vadat ad librum, et Offeritorio dicto, librum appropinquans, ad medium altaris regrediatur, manumque lævam, et dextera velum cum palla e calice levet, et ad latus Epistolæ seponat, et postea manus in altare demittat, et dicat **T.** elevando ipsas, et ad **V.** conjungendo.

X. Calicem cum patena, et hostia supraposita, accipiat ambabus manibus, et elevatum super corporale usque ad pectus, manu dextera medium calicis, læva autem pedem tenens, ut vides * dicat : **Y.** Intentis sursum ad Deum oculis.

Z. Deponat dextera super corporale in medio calicem : et mox sinistra patenam e calice levet, et dextera etiam patenæ adhibita, hostiam ante calicis pedem demittat taliter, quod ipsum non tangat. Patenam ad dexteram corporalis super mediætatem purificatorii, et sub corporali reponat.

Deinde palla calicem cooperiat, junctisque illico manibus, et reverentia Cruci exhibita capite, ad abluendas manus ad cornu Epistolæ accedat, dicens : **A.**

Lotis prioribus quatuor digitis, et extensis, revertatur, junctis manibus ante pectus, ad medium altaris ; quo cum pervenerit, incipiat : **B.** inclinando se ad altare profunde, et ad **C.** erigat se. Digitis, quibus Corpus Domini tractaturus est, ne verat folia, aut aliquid tangat.

Ad populum conversus, elevatis et extensis manibus, voce mediocri dicat : **D.**

Junctis manibus ante pectus, secreto prosequens : **E.** versus cornu Evangelii perficiens circulum, ad Missale revertatur.

Junctis manibus, ut prius, dicat : F.

Junctis item manibus, dicat : G. apertis, et extensis, ut supra, dicat : H. et ad I. conjungat, capite paululum inclinato; quod si alie memorie sibi faciendae, praemittat iterum ante primam memoriam Oremus, manibus junctis, et ad Orationem apertis : quibus finitis, in medio altaris stans, manibus super altare hinc inde demissis, incipiat clara et intelligibili voce : K. Minister respondeat : R.

Manibus demissis, ut antea, dicat : L.

Minister respondeat : R.

M. Elevet manus, et extendat.

Minister respondeat : R.

N. Jungat manus, et inclinato capite Cruci, eas postea aperiat.

Minister respondeat : R.

O. Manibus extensis et elevatis more solito, dicat Praefationem communem, vel propriam, ut dies requirit.

P. Conjungat manus ante pectus.

Q. Junctis manibus, ut prius, eadem voce prosequatur.

R. Signo Crucis se muniat a fronte ad pectus et humeros.

Junctis manibus ante pectus, et inclinando profunde, dicat : S.

T. Ad uti erigat se, et ad benedicas, V. demittat laevam super altare, et signet dextera manu totum sacrificium, tribus, ut hic signatum est, crucibus, nempe tribus tantum prioribus digitis extensis, reliquis inflexis versus palmam, et ad X. manibus junctis ante pectus, prosequatur, et ad Papa exprimat nomen proprium Papae. (Sede vacante, omittuntur praedicta verba.) Et ad Antistite, specificatur nomen proprium Episcopi, in propria Diocesi, et non alterius Superioris : et si vita functus fuerit, vel cum celebratur Romae, omittuntur praedicta verba. Ad Rege, exprimitur nomen in dominiis alicujus Regis.

Item manibus junctis ante pectus dicat : Y.

Z. Post tuarum, junctis manibus, ut antea, oculis demissis, meminerit brevi mora vivorum, quos Deo commendatos voluerit, hoc modo : Patris, Matris, Fratrum, Sororum, Parentum, Benefactorum, Superiorum, et secundum intentionem eorum omnium, pro quibus orare tenetur; et hoc non verbis, sed mente tantum concipiatur; posteaque reliqua prosequatur.

A. Dicat extensis et elevatis de more manibus, et ad nomen Mariae, et Jesu caput inclinet.

B. Manus jungat, et inclinet caput.

Manus extendens et elevans dicat : C. Sicque cetera prosequatur.

F. Domine exaudi orationem meam, et clamor meus ad te veniat.

G. Oremus.

H. Ecclesiae tuae, quaesumus Domine, dona propitius intueri : quibus non jam aurum, thus, et myrrha profertur, sed quod eisdem muneribus declaratur, immolatur, et sumitur : I. Jesus Christus Filius tuus Dominus noster, qui tecum vivit et regnat in unitate Spiritus Sancti Deus.

K. Per omnia saecula saeculorum.

R. Amen.

L. Dominus vobiscum.

R. Et cum spiritu tuo.

M. Sursum corda.

R. Habemus ad Dominum.

N. Gratias agamus Domino Deo nostro.

R. Dignum et justum est.

O. Vere dignum et justum est, æquum et salutare, etc. Cum quibus et nostras voces ut admitti jubeas P. deprecamur, supplici confessione dicentes. Q. Sanctus, Sanctus, Sanctus, Dominus Deus Sabaoth. Pleni sunt cæli et terra gloria tua, Hosanna in excelsis. R. Benedictus, qui venit in nomine Domini, Hosanna in excelsis.

CANON

S. Te igitur, clementissime Pater, per Jesum Christum Filium tuum Dominum nostrum, supplices rogamus, ac petimus : T. uti accepta habeas, et V. benedicas hæc ✠ dona, hæc ✠ munera, hæc ✠ sancta sacrificia illibata : X. In primis quæ tibi offerimus pro Ecclesia tua sancta catholica, quam pacificare, custodire, adunare, et regere digneris toto orbe terrarum : una cum famulo tuo Papa nostro N. et Antistite nostro N. et Rege nostro N. et omnibus orthodoxis, atque catholicæ et Apostolicæ fidei cultoribus.

Y. Memento Domine famulorum, famularumque tuarum N. et N. Z. et omnium circumstantium, quorum tibi fides cognita est, et nota devotio : pro quibus tibi offerimus, vel qui tibi offerunt hoc sacrificium laudis pro se, suisque omnibus, pro redemptione animarum suarum, pro spe salutis et incolumitatis suæ, tibi que reddunt vota sua æterno Deo, vivo et vero.

A. Communicantes, et memoriam venerantes, in primis gloriosæ semper Virginis Mariæ, Genitricis Dei, et Domini nostri Jesu Christi : sed et beatorum Apostolorum ac Martyrum tuorum, Petri, et Pauli, Andreae, Jacobi, Joannis, Thomæ, Jacobi, Philippi, Bartholomæi, Matthæi, Simonis, et Thaddæi; Lini, Cleti, Clementis, Xysti, Cornelii, Cypriani, Laurentii, Chrysogoni, Joannis, et Pauli, Cosmæ, et Damiani : et omnium Sanctorum tuorum : quorum meritis precibusque concedas, ut in omnibus protectionis tuæ muniamur auxilio. B. Per eundem Christum Dominum nostrum. Amen.

C. Hanc igitur oblationem, servitutis nostræ, sed et cunctæ familiæ tuæ, quaesumus Domine, ut placatus accipias, diesque nostros in tua pace disponas, atque ab æterna damnatione nos eripi, et in electorum tuorum jubeas grege numerari. Per Christum Dominum nostrum. Amen.

D. Quam oblationem tu Deus in omnibus, quæsumus, **E.** bene ✠ dictam, adscri ✠ ptam, ra ✠ tam, rationabilem, acceptabilemque facere digneris : ut nobis **F.** Cor ✠ pus, et **G.** San ✠ guis fiat dilectissimi Filii tui Domini nostri **H.** Jesu Christi.

I. Qui, pridie quam pateretur, accepit panem in sanctas ac venerabiles **K.** manus suas, et **L.** elevatis oculis in cælum, ad te Deum Patrem suum omnipotentem, tibi gratias agens **M.** bene ✠ dixit, fregit, deditque discipulis suis, dicens :

N. Accipite, et manducate ex hoc omnes.

O. Hoc est enim Corpus meum.

P. Simili modo postquam cenatum est, accipiens et hunc **Q.** præclarum Calicem in **R.** sanctas ac venerabiles manus suas;

S. Item tibi gratias agens,

T. Bene ✠ dixit, deditque discipulis suis, dicens :

V. Accipite, et bibite ex eo omnes.

X. Hic est enim calix Sanguinis mei, novi et æterni testamenti, mysterium fidei : qui pro vobis, et pro multis effundetur in remissionem peccatorum.

D. Sinistra super altare demissa, dextera tribus prioribus digitis extensis, ut supra, cruces faciat, **E.** tres priores super totum sacrificium, et alias duas, unam **F.** super Hostiam tantum, et alteram **G.** super Calicem tantum.

H. Caput inclinet.



I. Extergat extremos pollices et indices manuum super corporale; **K.** sinistra manus indice deprimat Hostiam, ut, altera parte elevata, a dextera capi possit, ut vides *; indice et pollice utriusque manus eam tenens **L.** oculos in cælum levat, et statim demittit, et ad **M.** sinistra retinens Hostiam inter pollicem et indicem, dextera tribus primis digitis extensis, ut supra, eam semel signo Crucis signet, et verba prosequatur, usque ad **N.** ; nam tunc iterum pollice et indice dexterae manus accipiet Hostiam.

Secreto, attente, devote, et continue, et cum summa reverentia consecrationis Corporis verba proferat, **O.** non super altare procumbens, sed aliquantulum corpore inclinans : quibus prolatis, Hostiam tenens super altare inter pollices et indices utriusque manus, reliquis manuum digitis extensis et simul junctis, genuflexus adoret : moxque se erigens, eam ambabus manibus, ut vides *, eleve decenter, quantum commode potest, ut a retro stantibus cerni possit, et intentis in eam semper oculis, populo adorandam offerat, ac sine mora reverenter deponens, prius auferat sinistram manum, ac dextera Hostiam super corporale collocaet, ubi erat prius. Reposita Hostia consecrata super corporale, genuflexus iterum eam adoret. Post hæc pollicem et indicem utriusque manus jungat, nec disjungat, (nisi quando Hostiam consecratam tangere vel tractare debet) usque post ablutionem digitorum.

P. Discooperiat Calicem, et illico digitos amborum manuum, quibus hostiam elevavit, leviter excutiat **Q.** in Calicem. Ad **R.** accipiat Calicem dextera manu per medium, et sinistra per pedem : et ad **S.** parum oculos, et Calicem eleve, et statim deponat; et ad **T.** sinistrae tribus extremis digitis firmatis super pedem Calicis, dexterae aliis tribus extremis digitis crucem super Calicem a labio ad labium faciat, prosequens verba, quæ sequuntur; et ad **V.** accipiat dexterae digitis, pollice et indice conjunctis a parte anteriori, reliquis tribus a tergo, Calicis medium, ut vides * : quem parum versus se incurvans, ponat pollicem et indicem sinistrae manus super pedem Calicis, reliquos tres digitos subtilis pedem, et sic retineat Calicem.

Stans, inclinato capite, secreto, attente, continue, devote, ac reverenter proferat verba consecrationis Sanguinis **X.** Quibus prolatis, reponat Calicem super corporale, et genuflexus Sanguinem reverenter adoret. Tum se erigens, Calicem discooperitum semper aspi-

ciendo, ambabus manibus ut prius illum tenens, eleuet, ut eum populus adoret; sic tamen, ut pes Calicis caput Sacerdotis non excedat ut vides *.

Deponensque super corporale in priori loco, dicat: **V.** et manu dextera palla eum cooperiat, ac genuflexus Sanguinem adoret.

Z. Extendat brachia plus solito, mediocriter tamen, usquequo ad signa crucis facienda deponere necesse sit.

A. Sinistram manum super corporale ponat, et dextera, tribus extremis digitis extensis, tres cruces super totum sacrificium faciat, et ad **B.** semel super Hostiam tantum, et ad **C.** semel super Calicem tantum.



D. Manibus elevatis et extensis, more solito brachia extendens, dicat:

E. Inclinet profunde, cancellatis manibus ante pectus, brachio sinistro supposito dextero: et ad **F.** incipiat paulatim se erigere, ut ad **G.** possit exosculari dexteram partem corporalis, brachiis adhuc cancellatis: quo facto, erigat se, et sinistram manum super corporale reponat, dextera vero Hostiam ad **H.** benedicat, et ad **I.** Calicem, etiam ad **K.** ante se ipsum dextera a fronte ad pectus et humeros signum Crucis faciat, (sinistra posita infra pectus) non tamen se tangens, nec primis tribus digitis, quibus sacrificium signavit, sed pollice et indice clausis, tribus posterioribus digitis: ad **L.** jungat manus ante pectus.

Manibus junctis, ut prius, dicat: **M.** et ad **N. N.** memoriam mortuorum, oculis in sacrificium intentis, mente recolat, ut de vivorum memoria dictum est, et postea apertis manibus cetera dicat; ad **O.** jungat manus.

P. Trila priora verba dicat clara et intelligibili voce, pectus leviter tundens dextera tribus ultimis digitis; et manibus extensis, ut prius, reliqua prosequatur.

Q. Sinistram manum super altare demittat; dextera extremis tribus digitis ad **R.** totum sacrificium tribus victibus signet; Calicem discooperiat, et dicto **S.** genuflexus Sacramentum adoret, moxque se erigat.

Indice sinistrae manus Hostiam (ut in figura videre est *) leviter deprimat, ut ex altera parte attolatur; tunc pollice et indice dexterae eam accipiat, et statim tribus posterioribus digitis sinistrae ma-



Y. Hæc quotiescumque feceritis, in mei memoriam facietis.

Z. Unde et memores, Domine, nos servi tui, sed et plebs tua sancta, ejusdem Christi Filii tui Domini nostri tam beatæ passionis, necnon et ab inferis resurrectionis, sed et in cælos gloriosæ ascensionis, offerimus præclaræ majestati tuæ de tuis donis **A.** ac datis, Hostiam * puram, Hostiam * sanctam, Hostiam * immaculatam, **B.** Pa * nem sanctum vitæ æternæ, et **C.** Ca * licem salutis perpetuæ.

D. Supra quæ propitio ac sereno vultu respirare digneris, et accepta habere, sicuti accepta habere dignatus es munera pueri tui justi Abel, et sacrificium Patriarchæ nostri Abraham, et quod tibi obtulit summus sacerdos tuus Melchisedech, sanctum sacrificium, immaculatam hostiam.

E. Supplices te rogamus, omnipotens Deus, jube hæc perferri per manus sancti Angeli tui in sublime altare tuum, in conspectu divinæ majestatis tuæ, **F.** ut quotquot ex hac **G.** altaris participatione sacrosanctum Filii tui **H.** Cor * pus, et **I.** San * guinem sumpserimus, omni **K.** bene * dictione cælesti, et gratia repleamur. **L.** Per eundem Christum Dominum nostrum. Amen.

M. Memento etiam, Domine, famulorum, famularumque tuarum, qui nos præcesserunt cum signo fidei, et dormiunt in somno pacis, **N. N.** Ipsi Domine, et omnibus in Christo quiescentibus locum refrigerii, lucis et pacis ut indulgeas, deprecamur. **O.** Per eundem Christum Dominum nostrum. Amen.

P. Nobis quoque peccatoribus famulis tuis, de multitudine miserationum tuarum sperantibus, partem aliquam et societatem donare digneris, cum tuis sanctis Apostolis et Martyribus, cum Joanne, Stephano, Matthia, Barnaba, Ignatio, Alexandro, Marcellino, Petro, Felicitate, Perpetua, Agatha, Lucia, Agnete, Cæcilia, Anastasia, et omnibus Sanctis tuis: intra quorum nos consortium, non æstimator meriti, sed veniæ, quaesumus, largitor admitte. Per Christum Dominum nostrum.

Per quem hæc omnia, Domine, semper **Q.** bona creas, **R.** sancti * ficas, vivi * ficas, bene * dicis, et præstas nobis. **S.**

T. Per ✠ ipsum, et cum ✠ ipso, et in ✠ ipso est tibi **V.** Deo Patri ✠ omnipotenti, in unitate **X.** Spiritus ✠ Sancti, omnis honor et gloria.

Y. Per omnia sæcula sæculorum.

Ry. Amen.

Z. Oremus. Præceptis salutaribus moniti, et divina institutione formati, audemus dicere.

A. Pater noster, qui es in cælis : sanctificetur nomen tuum. Adveniat regnum tuum. Fiat voluntas tua, sicut in cælo, et in terra. Panem nostrum quotidianum da nobis hodie. Et dimitte nobis debita nostra, sicut et nos dimittimus debitoribus nostris. Et ne nos inducas in tentationem.

Ry. Sed libera nos a malo.

B. Amen.

C. Libera nos, quæsumus Domine, ab omnibus malis, præteritis, præsentibus, et futuris; et intercedente beata et gloriosa semper Virgine Dei Genitrice D. Maria, cum beatis Apostolis tuis Petro et Paulo, atque Andrea, et omnibus Sanctis, **E.** da propitius pacem in diebus nostris : ut ope misericordiae tuæ adjuti, et a peccato simus semper liberi, **F.** et ab omni perturbatione securi.

G. Per eundem Dominum nostrum Jesum Christum Filium tuum :

H. Qui tecum vivit et regnat in unitate Spiritus Sancti Deus :

I. Per omnia sæcula sæculorum.

Ry. Amen.

K. Pax ✠ Domini sit ✠ semper vobis ✠ cum.

Ry. Et cum spiritu tuo.

L. Agnus Dei, qui tollis peccata mundi, miserere nobis. Agnus Dei, qui tollis peccata mundi, miserere nobis. Agnus Dei, qui tollis peccata mundi, dona nobis pacem.



nus pedem Calicis, ut in figura vides *, firmet super altare, et dextera manu cum Hostia ad **T.** tres cruces super Calicem formet, primam exterius a labio ad labium, secundam intra Calicem a labio ad labium, tertiam profundius, quam secundam, quartam vero ad **V.** ante labium Calicis in alto aliquantulum; qua facta sinistram manum a pede Calicis reducat, et super corporale collocet, et crucem ad **X.** ante pedem Calicis in imo signet; qua facta, Hostiam, reverentia capite aliquantulum ei exhibita, super corporale reponat suo loco, non tamen populo ostendat : et illis duobus digitis dexterae super Calicem excussis, eundem palla cooperiat, et genuflexus Sacramentum adoret, et manus super corporale hinc inde extensas demittens, dicat : **Y.** Minister respondeat **Ry.** Eodem modo manus tenens dicat : **Z.** et ad **A.** elevet manus, et extendat more solito. Minister respondeat **Ry.** Et Sacerdos submissa voce dicat : **B.**

C. Eadem voce prosequatur, manibus ut prius extensis, et ad **D.** inclinet caput. Ad **E.** demissa sinistra super corporale, dextera accipiat patenam inter indicem et medium digitum, ut vides *, et se signet cum ea tangendo frontem, et pectus, deinde sinistram pectoris partem, et dexteram; postea osculetur patenam, et mox ipsam super altare deponat seorsum a corporali, et ad **F.** manu dextera pollice et indice non disjunctis, detegat Calicem, et genuflexus Sacramentum adoret; tum se erigens, sinistræ indice leviter deprimat Hostiam, ut dexterae indice et pollice capi possit : qua accepta, statim sinistræ tribus posterioribus digitis pedem Calicis teneat, dextera statim Hostiam super Calicem levet, ita ut etiam eadem manu Calix teneatur; tunc sinistræ manus pollice et indice Hostiam accipiat, et incipiens : **G.** Hostiam decenter in duas partes, per medium a summo usque deorsum dividens, frangat, ut vides *, diligenter cavens ne digiti fracturas attingant. Ad **H.** illam mediam partem Hostiæ, quam dextera tenet, in transversum alteri supponat, de eadem etiam frangat cum pollice et indice dexterae manus particulam, et sic partes tenendo quasi junctas, dicat clara voce : **I.** Minister respondeat **Ry.**

Ad **K.** ut vides *, sinistra manu duas partes Hostiæ tenendo semper usque ad sumptionem super Calicem, dextera manu aliam partem Hostiæ tenens, has tres cruces cum particula Hostiæ intra Calicem faciat, et postea iterum ambas manus sic super Calicem teneat, ut Hostiæ partes junctæ videantur. Clara voce dicat : **L.** Deinde secreto

dicat : *M.* et tunc statim illam particulam Hostiæ, quam dextera tenet, reverenter in Calicem demittat, verba prosequendo; iterumque excussis super Calicem digitis, statim medium Calicis dextera teneat, ut hic vides *, et dicto Amen, exosculetur extremum labium Calicis, et dans pacem ministro tenenti pallam, vel imaginem pacis, ubi consuevit hoc fieri, dicat : *N.* (nisi cum pro mortuis celebratur; tunc enim, et in triduo ante Pascha, dimittitur, uti et osculum).



O. Quæ poterit devotione Orationem dicat; quæ finita, brevi oratione mentali seipsum Domino commendat, nulla alia addita oratione, nec pectus tundat, sed inclinatio tantum capite, dextera manu tenens Calicem, de sinistra mox sumat ore sacrum Christi Corpus, dicens : *P.* quo facto, statim, assumpta Hostia, Calicem palla cooperiat, et aliquantulum quiescat in meditatione SS. Sacramenti; deinde genu flectat, et mox surgens Calicem detegat, et dextera medium Calicis, sinistra pedem accipiat, et sic Sanguinem cum particula in Calice demissa sumat, nihil dicens. Post primum haustum, sinistram super altare demittat, sicque post secundam lambitionem : et dextera accipiat patenam, cum qua diligenter colligat particulas Hostiæ super corporale, si quæ in eo sint; sinistra interim elevando paululum corporale, ut facilius colligere possit; deinde cum indice dexterae manus eas in Calicem immittat, et postea excutiat in Calicem ipsum indicem cum pollice, ne aliquid fragmentorum in eo remaneat, easque assumat, sive parvæ sint, sive magnæ. Postea cum Calice, utraque manu delato, ad cornu Epistolæ pro ablutione, quæ ex solo vino infundetur, accedat, nihil dicens : et deinde eam sumat.

Secundam ablutionem ex vino, et aqua, super digitos accipiat, illos, ut hic vides *, aptando, dicens secreto *Q.* deinde purificatorio extergat ipsos digitos, et postea dextera Calicem sumens ebibat, os tergens cum purificatorio, et tandem Calicem. Quo exterso, Calicem super corporale demittat, purificatorium desuper extendens, patenam eidem imponens, palla, et velo cooperiens, ac inclinatio capite Cruci, ad Missale se conferens (quod a ministro ad cornu Epistolæ delatum erit), junctis manibus ante pectus dicat : *R.*



Deinde ad populum se vertens dicat : *S.* Minister respondeat *R.* ut supra ante primam Orationem fecit.

Ad *T.* junctis manibus ante pectus, inclinet paululum caput versus Crucem. Postea dicat : *V.* apertis manibus et de more extensis, et ad *X.* junctis ante pectus; et ad *Y.* ad medium altaris ventat, si est ultima Oratio; alioquin, ut dictum est, alias memorias addat, et ad ultimum Per Dominum, ad medium altaris accedat.

Minister respondeat : *R.*

Z. Dicat inclinatio caput, ante Orationem super populum, quando Missa est de Feria in Quadagesima.

Ad populum conversus, elevatis et extensis manibus, dicat : *A.* et ad *B.* junctis ante pectus. *R.* Minister respondeat.

M. Hæc sacrosancta commixtio Corporis et Sanguinis Domini nostri Jesu Christi fiat mihi, et omnibus summentibus, salus mentis et corporis; et ad vitam æternam promerendam atque capessendam præparatio salutaris. Per eundem Christum Dominum nostrum. Amen.

N. Pax tibi, et Ecclesiæ sanctæ Dei.

O. Domine Jesu Christe, Fili Dei vivi, qui ex voluntate Patris, cooperante Spiritu Sancto, per mortem tuam mundum vivificasti : libera me per hoc sacrosanctum Corpus, et Sanguinem tuum, ab omnibus iniquitatibus meis, et universis malis : et fac me tuis semper inhærere mandatis, et a te numquam separari permittas : Qui cum eodem Deo Patre et Spiritu Sancto vivis et regnas Deus in sæcula sæculorum. Amen.

P. Corpus et Sanguis Domini nostri Jesu Christi custodiant me in vitam æternam. Amen.

Q. Quod ore sumpsimus, Domine, pura mente capiamus : ut de Corpore et Sanguine Domini nostri Jesu Christi fiat nobis remedium sempiternum. Amen.

COMMUNIO

R. Vidimus stellam ejus in oriente : et venimus cum muneribus adorare Dominum.

S. Dominus vobiscum.

R. Et cum spiritu tuo.

T. Oremus.

V. Præsta, quæsumus omnipotens Deus : ut quæ solemniter celebramus officio, purificatæ mentis intelligentia consequamur.

X. Per Dominum nostrum *Y.* Jesum Christum Fillum tuum, qui tecum vivit et regnat in unitate Spiritus Sancti Deus, per omnia sæcula sæculorum.

R. Amen.

Z. Oremus. Humiliate capita vestra Deo.

A. Dominus *B.* vobiscum.

R. Et cum spiritu tuo.

C. Ite Missa est.
R. Deo gratias.

D. Placeat tibi sancta Trinitas obsequium servitutis meæ, et præsta, ut sacrificium, quod oculis tuæ majestatis indignus obtuli, tibi sit acceptabile, mihiq; et omnibus, pro quibus illud obtuli, sit te miserante propitiabile.

E. Per Christum Dominum nostrum. Amen.

F. Benedictio Dei omnipotentis, Patris, et Filii, et Spiritus Sancti, descendat super vos, et maneat semper.

R. Amen.

G. Dominus vobiscum.

R. Et cum spiritu tuo.

H. Initium sancti Evangelii secundum Joannem.

R. Gloria tibi Domine.

I. In principio erat Verbum, etc.

K. Et Verbum caro factum est, L. et habitavit in nobis : et vidimus, etc. quasi unigeniti a Patre, plenum gratiæ, et veritatis.

R. Deo gratias.

C. Verso vultu, ut antea, ad populum, ac junctis manibus, dicat : Ite Missa est. R. Minister respondet. Cum autem non dicitur Gloria in excelsis in Missa, non dicatur Ite Missa est, sed Benedicamus Domino, quod verso vultu ad altare dicendum est. Et eodem modo dicatur Requiescant in pace, quando Missa est pro defunctis ; (et tunc minister respondeat Amen.) Dicto Ite Missa est, revertatur ad altare eadem via, qua ad populum se verterat ; et tunc inclinans profunde, (etiamsi Benedicamus Domino, vel Requiescant in pace dixerit) junctis manibus dicat secreto :

D. quo dicto, ad E. erectus exosculetur altare.



F. Ad populum conversus det Benedictionem manu dextera totaliter extensa, sinistram pectori applicando, ut vides *, unica cruce populum signans : et perficiens circulum, (nisi sit expositum, vel in tabernaculo occlusum SS. Sacramentum) ad cornu Evangelii accedat. Dicendo G. crucem cum pollice super altare in loco Evangelii, vel super librum signet. R. Minister respondeat.

H. Dicendo Initium, etc. signet pollice frontem, os, et pectus Crucis signaculo, et se totum, ut in primo Evangelio factum est. R. Minister respondeat.

I. Interim, dum Evangelium prosequitur, junctis manibus, intento vultu ad Evangelii cornu respiciat, neque tunc temporis complice corpore. Interim cum ad K. pervenerit, genu dederum flectat, et ad L. surgat. R. Minister respondeat ; et Sacerdos signet se totum, ut supra.

Cum ad finem Evangelii perventum est, tum ad medium altaris revertatur, et calicem a corporali ad cornu Evangelii seponat ; complice corpore, complicatum in bursam recondat, et ad cornu Epistolæ locet, et calice in medio altaris reposito, velo bursam superponat, veli partem anteriorem super bursam reducendo, ut fecerat, cum ad Missam accesserat. Deinde caput Cruci devotius inclinet, et cooperto ambabus manibus capite caput et amictu, Deum devote laudans, accipiens sinistra calicem per medium, et dextera posita super bursam modo quo in initio Missæ dictum est, descendat infra infimum gradum altaris, et ibi in medio conversus ad Crucem, profunde inclinet, (vel si in eo sit tabernaculum SS. Sacramenti, genu flectat) et ad sacristiam dicendo Canticum Benedicite omnia opera, ordine, quo venerat, revertatur.

DE GENUFLEXIONIBUS FACIENDIS IN MISSIS TAM PRIVATIS, QUAM SOLEMNIBUS

1. SEMPER genu flectit in Missa privata Sacerdos quando dicit Evangelium sancti Joannis. In principio, ad illa verba Et Verbum caro factum est, et in Evangelio Epiphaniæ, Cum natus esset Jesus, ad illa verba Et proci-dentes adoraverunt eum, item in Evangelio Feriæ quartæ post Dominicam quartam Qua-

dragesimæ ad illa verba in fine Et procidens adoravit eum. Item genu flectit Dominica palmarum, et in Missis de Cruce, ad illa verba in Epistola, In nomine Jesu omne genu flectatur. Item genu flectit ad illa verba Tractus in Quadragesima, Adjuva nos Deus salutaris noster, et in omnibus Missis de Spiritu Sancto, dum dicit Versum Veni Sancte Spiritus, usque ad reple. Item quotiescumque dicit Flectamus genua, et quando legitur Passio ad illa verba expiravit, vel emisit spiritum, et ad illa verba Symboli, Et incarnatus est, etc. utrumque genu flectit.

2. In Missa solemni etiam Sacerdos genu flectit ad omnia supradicta, præterquam ad Flectamus genua, quia tunc ipse solus stat, Diaconus vero, et omnes alii genua flectunt ; et ad Versum Veni Sancte Spiritus, si prius sedebat, non genu flectit, sed surgit, et caput tantum cum ministris profunde inclinat. In prædictis autem omnes ministri, quando Sacerdos genu flectit, debent etiam genua flectere, exceptis Acolythis ad Evangelium tenentibus candelabra, qui tunc non genu flectunt ; et dum Diaconus cantat illa verba, ad quæ est genua flectendum, ipse versus librum, Sacerdos et alii omnes versus altare genu flectunt.

3. Insuper genu flectit toties, quotiescumque in Rubricis notatur, quod debeat genu flectere.

DE HIS, QUÆ ADDENDA SUNT IN MISSA, QUÆ DICITUR IN ALTARI, IN QUO EXPOSITUM EST SANCTISSIMUM SACRAMENTUM, VEL IN TABERNACULO OCCLUSUM

1. **I**n primis abstinendum est, quantum fieri potest, a celebranda Missa, præter solemnem, coram SS. Sacramento, etiam in tabernaculo occluso. Quod si ferat necessitas, aut suadeat justa causa, diligenter observandi sunt artus reverentiales, et genuflexiones sequentes.

2. Quodcumque exponitur SS. Sacramentum in diebus aliis ab ejus festo et Octavis, Missa sollemnis celebranda est de SS. Sacramento cum debitis memoriis; sed tunc etiam dici debet Missa conventualis de eo, de quo fit Officium; vel una Missa cantetur de die cum memoria Sacramenti; sicut et id fieri debet in diebus, in quibus sola propria Missa dici potest, et prohibentur dici Missæ votivæ, etiam solennes, si in illis diebus Sacramentum exponitur.

3. In ingressu altaris, in quo patet Sacramentum, omnes, tam Celebrans quam ministri, debent utrumque genu flectere.

4. Accedens Celebrans ad medium altaris, et recedens a medio, vel transiens ante medium, toties quoties semper unicum genu flectat, quod et alii ministri similiter observent.

5. Quotiescumque debet converti ad Conventum, seu populum, dicturus **Dominus vobiscum**: stans in medio altaris, facta genuflexione, accedat ad cornu Evangelii, et ibi sistat se, renibus versis circa cornu altaris, et facie versa ad populum, dicat **Dominus vobiscum**; et tum per eandem viam, facta iterum genuflexione in medio, redeat ad librum, ibique more solito dicat **Oremus**, et Orationem.

6. In thurificatione observentur dicenda in Titulo **De Officio ministrorum altaris**; præterquam quod post thurificationem calicis, Sacerdos non stans, sed utroque genu flexo, cum ministris debite ordinatis, in supremo gradu, incensat SS. Sacramentum, inclinando caput profunde, ante et post incensationem ipsi Sacramento. Deinde erectus incensabit altare, ut Titulo supra citato dicitur, dexterum genu flectens, quoties transibit per medium altaris. Item Diaconus non debet tunc osculari manus Sacerdotis in traditione thuribuli, sicut neque in traditione quarumcumque aliarum rerum. Item cum incensandus est Sacerdos, descendens a supremo gradu in cornu Epistolæ, sistat se versa facie ad populum, et ibidem post thurificationem lavet manus. Insuper animadvertant omnes, dum movent se, ne umquam terga vertant Sacramento.

7. Dicitur **Orate fratres, et Ite Missa est**, et datur benedictio a Celebrante, ubi dictum est **Dominus vobiscum**; sed non perficitur circulum, sed revertitur ad medium altaris, ubi iterum genu flectit coram SS. Sacramento: et post benedictionem, facta genuflexione, accedit ad cornu Evangelii, ultimum Evangelium dicturus.

8. Recedit Celebrans cum ministris ab altari, genuflexione utroque genu facta.

9. Si vero in altari sit Sacramentum in tabernaculo occlusum, quotiescumque Celebrans dicit **Dominus vobiscum**: ne terga vertat tabernaculo, similiter ad medium altaris procedat, factaque capitis inclinatione, paululum ad cornu Evan-

gelii secedens, vertat se ad populum per latus dexterum, et per idem latus, facta iterum coram tabernaculo capitis inclinatione, ad librum redeat, ibique dicat pro more **Oremus**, et Orationem, seu Orationes.

10. Idem faciat ad **Orate fratres, et Ite Missa est**, et dum benedicit populum, advertendo etiam, quod tunc non perficitur circulum, sed revertitur eadem via ad medium altaris; ubi iterum caput inclinat coram tabernaculo: et data benedictione, ad cornu Evangelii accedit, dicturus, ut supra, ultimum Evangelium.

11. Hæc omnia observentur in Missa privata, præter specialia Missæ sollemnis.

DE CELEBRATIONE MISSÆ CORAM SUMMO PONTIFICE, CARDINALE LEGATO SEDIS APOSTOLICÆ, ARCHIEPISCOPO, AUT EPISCOPO IN SUA RESIDENTIA

1. **C**ELEBRATURUS Sacerdos coram Summo Pontifice, sistat se ante infimum gradum altaris a cornu Evangelii ante ipsum Pontificem, ubi genuflexus expectat; accepta benedictione erigit se, et stans aliquantulum versus ad altare, incipiat Missam. Si autem sit coram Cardinale legato Sedis Apostolicæ, Patriarcha, Archiepiscopo, aut Episcopo, in sua residentia, vel loco jurisdictionis: stans ante infimum gradum ad cornu Evangelii, ut supra, expectat; dato signo, facit profundam reverentiam Prælato, et versus ad altare incipit Missam.

2. Solemniter celebrans coram Summo Pontifice, aut alio ex Prælati prædictis, in Ecclesiis eorum jurisdictionis, stans a sinistris Prælati faciat cum eo Confessionem; et ubi dicit **vobis fratres**, dicat **tibi Pater**; et similiter in fine, ubi dicit **vos fratres**, dicat **te Pater**.

3. Facta Confessione, si coram Summo Pontifice celebret, genu flectat; si coram aliis Prælati, inclinet profunde, et ascendens ad medium altaris ante infimum gradum, ibi incipiat secreto **Aufer a nobis**.

4. Dicto Evangelio, Summo Pontifici, aut aliis prædictis liber Evangeliorum deferatur osculandus: et tunc Celebrans non osculatur librum, nec dicit **Per Evangelica dicta**. Si adsint plures Prælati simul, digniori tantum deferatur liber osculandus; si sint æquales, nulli. Neque deferatur Vicario Apostolico, neque Commendatario, seu ejusdem Procuratori, neque aliis in Rubrica non nominatis. Principibus autem magnis sæcularibus (non autem inferioribus laicis) alius liber deferendus est, non idem ipse Celebrantis, qui proprium eo casu semper debet osculari librum.

5. In Missa solenni Diaconus, porrecto Celebranti instrumento pacis osculando, accedat ad Prælatum, et alios supradictos, quibus idem instrumentum porrigat.

6. Celebrans, dicto **Placeat tibi sancta Trinitas**, dicat **Benedictio Dei omnipotentis**, et convertens se ad Summum Pontificem (quando adest) genuflexus, ad Cardinalem vero, vel alium ex supradictis Prælati, capite inclinato, quasi licentiam petens benedicendi, prosequatur **Patris, et Filii**, etc., benedicens astantes a parte, ubi non assistit Pontifex, aut alius ex Prælati prædictis. Si autem celebravit coram Patriarcha, Archiepiscopo, et Episcopo extra ejus jurisdictionem, absque alio respectu, ut ceteris, qui intersunt, more consueto benedicit.

7. Finito Evangelio, faciat convenientem reverentiam, juxta qualitatem prædictorum Prælatorum.

DE HIS, QUÆ OMITTUNTUR IN MISSA PRO DEFUNCTIS

MISSA pro Defunctis dicitur modo ut supra, excepto quod aqua non benedicitur, quando infunditur in calice; et non dicitur *Ÿ. Gloria Patri* post Introitum, sed dicto *Ÿ. Te decet repetitur Requiem æternam*, neque *Gloria in excelsis*, nec *Flectamus genua*, nec *Alleluia*, neque *Orationes* quæ sunt tantum pro vivis, nec Dominus sit in corde meo, nec osculandus est liber, dicto Evangelio; non dicitur *Credo*, non dicuntur hæc verba, Quid retribuam Domino pro omnibus, quæ retribuit mihi? non dicitur ad *Agnus Dei* miserere nobis vel dona nobis pacem, sed ejus loco dicitur *dona eis requiem*, et in ultimo additur *sempiternam*; nec osculandus est calix post *Pax Domini* neque *pax datur*; nec dicitur *Humiliate capita*, etc., et in fine non dicitur *Ite Missa est*, nec *Benedicamus Domino*, sed *Requiescant in pace*, verso vultu ad altare; nec benedictio datur; nec aliud Evangelium umquam dicatur in fine, quam *In principio erat Verbum*. Alia omnia servantur, ut in aliis Missis.

DE HIS, QUÆ CLARA VOCE, MEDIOCRI, AUT SECRETO DICENDA SUNT IN MISSA

CLARA autem, et intelligibili voce a Celebrante dicuntur in principio Missæ: In nomine Patris, et Filii, etc. Confitemini Domino, quoniam bonus; Introitus; Kyrie eleison; Gloria in excelsis; Dominus vobiscum, Oremus, Flectamus genua, Levate, Oratio vel Orationes, Prophetiæ seu Lectiones ante Epistolam; Epistola; Responsorium, Alleluia, Tractus, Sequentia; Evangelium; Credo; Offertorium; Præfatio; et hæc tria verba Nobis quoque peccatoribus; item *Per omnia sæcula sæculorum*, cum *Pater noster*; *Per omnia sæcula sæculorum*, cum *Pax Domini*; *Agnus Dei*, *Communio*, *Postcommunio*, *Humiliate capita vestra Deo*, *Ite Missa est*, vel *Benedicamus Domino*, vel *Requiescant in pace*. Alia autem omnia dicuntur secreto, ita ut Sacerdos audiat tantum se ipsum, excepta Confessione in principio Missæ, et *Adjutorium nostrum* in nomine Domini, et his duobus verbis *Orate fratres*, et benedictione cum Evangelio in fine, quæ neque secreto, neque clara voce, sed mediocri dicuntur.

DE SERVITORIBUS MISSARUM PRIVATARUM

IN missis privatis frater ministrans deferat cappam, saltem diebus Dominicis et festivis, semperque mundas habeat manus. In incensu, statu, habitu, et in omnibus motibus suis, nihil faciat, quod cujusquam offendat aspectum, sed quod suam deceat sanctitatem. Diligenter attendat, quod vestes Sacerdotis, dum induit se, decenter componantur. Dum ei porrigit amictum, manipulum, stolam, vel quid aliud, semper capite discooperto, reverenter ejus deosculetur manus. Deferat Sacerdoti Missale, ad hoc ut Missam præparare possit, antequam pergat ad altare.

2 Mappas altaris (coopertorium auferendo) explicet mature et diligenter, et alia circa altare disponat et ordinet. Provideat ne cum vestibus suis vestes sacras, vel alia sacra circa altare

irreverenter tangat. Pergens ad altare, portando Missale ante pectus, cum religiosa modestia, et gravitate incedat.

3. Cum ad altare pervenerit, reverenter inclinet, vel genu flectat cum Sacerdote; deinde Missale reponat super pulvinar in cornu Epistolæ, candelas accendat, vinum et aquam reverenter ministret, et attendat quod vinum sit bene sanum et mundum; similiter videat si aqua sit recens et munda; et caveat sollicite ne unum pro alio ministret; et aquam porrigens dicat *Benedicite*. Si non sit in majoribus Ordinibus, non tangat calicem nuda manu, nec ministret propria manu hostiam, aut vinum et aquam, sed omnia Sacerdoti exhibeat accipienda.

4. Ad *Confiteor Deo*, recipiat se ad sinistram Sacerdotis, et genu flectens, ipsi devote respondeat *Miserere tui*, postea *Kyrie* cum Sacerdote alternatim dicat: ac inde non recedat, donec, dicta Epistola, et *Alleluia* cum Versu, post ipsum, vel Tractum, aut Sequentiam surgens, librum accipiet, et ad cornu Evangelii portabit.

5. Animadvertat quod, quando liber est in cornu Epistolæ, debet ipse semper esse in cornu Evangelii, et e contra: semperque genua flectens, nisi cum legitur Evangelium, vel cum ministraturus est Sacerdoti vinum, aut aquam, cereum accensurus ad Elevationem, seu librum transportaturus.

6. Transiens ab una ad alteram partem, in medio altaris reverenter semper inclinet, vel genu flectat, si SS. Sacramentum sit expositum. Dum Sacerdos dicit Offertorium, ad cornu Epistolæ accedat, mappulam explicet et extendat, aquam præparet, ut venienti Sacerdoti pro digitis ablundis, omni cum reverentia ministret.

7. Ad *Sanctus* aliquot ictibus campanulæ astantes moneat; deinde surgat, et cereum accendat: in elevatione Sanctissimi Corporis, et Sanguinis Domini nostri Jesu Christi, campanulam, genibus flexis retro Sacerdotem, modeste pulset, et elevare casulam non omittat.

8. Postquam Sacerdos communicavit, præsto surgat; vinum in prima ablutione, in secunda autem vinum et aquam, pro ablutione, ministret; librum a cornu Evangelii ad cornu Epistolæ asportet; cereum, qui fuit in Elevatione accensus, exstinguat, et ad cornu Evangelii genu flectat.

9. Non stet prostratus in tota Missa, sed oculos et mentem habeat circa altare, ut videat quæ fuerint facienda, et audiat cum Sacerdoti fuerit respondendum; cui prompte et devote semper respondere debet.

10. Data benedictione in fine Missæ, surgat, librum accipiat, si non sit deferendus ad cornu Evangelii pro eo dicendo, juxta qualitatem diei, ut dicitur in Ritu Missæ, et candelas exstinguat tempore opportuno, ita ut, expleto Evangelio, quod post Missam dici solet, paratus sit, ut Sacerdotem præeundo ad sacristiam reducat.

11. Ubi, deposito Missali, et cereo, prostratus ad pedes Sacerdotis, veniam petat, si in aliquo circa servitium deliquit; postea Sacerdotem adjuvet ad deponendas sacras vestes, et quando ab ipso stolum, manipulum, cingulum, vel quid aliud accipiet, tunc ejus (ut dictum est) deosculetur manus. Quibus peractis, dicat Sacerdoti *Benedictus Deus*; quo subjungente *Pater*, et *Filius*, et *Spiritus Sanctus*, minister respondeat *Amen*; et deinde recedat, accepta benedictione.

DE OFFICIO MINISTRORUM ALTARIS IN MISSA MAJORI

DE PRÆPARATIONE MINISTRORUM

QUANDO Missa in Conventu fuerit celebranda, ministri altaris, audito signo, se præparare non differant. Et in primis Acolythi superpelliceis induti, vel albis in Duplicibus, et Totis Duplicibus alios ministros juvent. Nihilominus tamen Diaconus et Subdiaconus juvent se mutuo, et ambo Sacerdodem. In Conventibus autem, ubi pauci sunt fratres, audito signo, poterunt Diaconus et Subdiaconus se præparare absque sericis indumentis, et ita Officium, si erit dicendum, cum aliis in choro persolvere, quousque cum Sacerdote discedent a choro, ut ipsum adjuvent. In huiusmodi autem præparatione, caputia sic aptanda sunt sub vestibus ecclesiasticis, ne gibbus aliquis notabilis umquam appareat in humeris Fratrum. Postmodum Acolythi altare præparant coopertorium mapparum auferendo, et ipsas mappas decenter explicando; et unum pulvinar ad Missale in cornu Epistolæ reponendum ex parte anteriori, et alterum in cornu Evangelii ex parte posteriori, et Epistolarum librum collocandum in cornu Epistolæ ex parte posteriori, et ibidem appodiandum deferant; et de hostiis, et ampullis cum vino et aqua suo loco in cornu Epistolæ ponendis, et de aliqua map-pula ad tergendas nares, juxta Missale ponenda, provideant : hora competentis cereos suos, et altaris, ante inchoationem Missæ semper accendant. In Feria iij. quando de beato Dominico, Feria iv. si de beato Thoma, aut alio Sancto nostri Ordinis dicatur Missa, Feria v. cum de SS. Corpore Christi, et Sabbato, quando de beata Virgine celebratur, et in festis Simplicibus non accendantur plures quam duo; in Dominicis vero, et festis Duplicibus, et Totis Duplicibus, non plures quam quatuor, magnis solemnitatibus exceptis, quando sex ad minus accendi debebunt. Idem servetur in Vesperis, et in Matutinis. In reliquis Missis etiam ferialibus, vel Defunctorum, minus quam duo accendendi non erunt. Provideat Sacrista, ut tempore frigoris magni, prunæ accensæ in patella decenti habeantur, per Acolythos ministrandæ tempore opportuno.

DE ASPERSIONE AQUÆ BENEDICTÆ

2. In Dominicis autem diebus provideat etiam de aqua benedicta, quæ cum fuerit aspergenda, Acolythi præcedentibus, Subdiaconus, et Diaconus, et Sacerdos albis induti, et stolis ac manipulis tantum, si non sit facienda Processio, alioquin induti, Sacerdos cappa serica, et Diaconus et Subdiaconus dalmaticis, Hora præcedente Missam finita, accedant ad presbyterium : ubi cum pervenerint, Diaconus cum Acolytho seniore stet a dextris Sacerdotis, Subdiaconus cum juniore a sinistris, et Sacerdos in medio, qui omnes simul profunde inclinent, vel genuflectant ante altare, ut alibi dicitur. Tunc senior

Acolythorum deferat aquam acceptam de gradibus altaris (ibidem prius a Sacrista in decenti vase collocatam) Sacerdoti, qui, porrigente ei aspersorium Diacono, Cantoribus incipientibus Antiphonam Asperges me prius ipsum altare majus aspergat, et caveat ne nimis de aqua super illud projiciat : postmodum Diaconum, Subdiaconum, et Acolythos : deinde Magistrum Ordinis (si adest) : postea Cantores, si fuerit Duplex, vel Totum Duplex : postmodum Fratres, incipiens a dextris, nisi quando, nullo Prælato existente in Choro dextero, Prior aliquis fuerit in sinistro, vel quando, Priore Conventus existente in dextero Choro, major Prælatus est in Choro sinistro; tunc enim aspergendus est major Prælatus, deinde Prior, et postea immediate Chorus dexter. Si tamen Prælatus ille, qui est in sinistro Choro, habet aliquem fratrem Magistrum, superiorem locum obtinentem, tunc aspergendus est prius Chorus dexter. Sicut etiam fiet, quando, existente Prælato aliquo non Magistro in sinistro Choro, Magister aliquis est in dextero. Post Fratres Clericos, aspergantur Conversi, postmodum sæculares tantum in choro existentes, nisi ubi fuerit consuetudo, quod et alii extra chorum aspergantur. Prædictus ordo servetur in danda pace, et inthurificando, et in aspersione aquæ post Completorium, ubi ab uno tantum aspergi consuevit. Si autem chorus non existat juxta altare, alius Sacerdos aspergat Fratres modo prædicto. Et dicto *Asperges me* a Conventu, Sacerdos, stando ante gradus presbyterii, sicut a principio, dicat *Ÿ. Ostende nobis, etc. Dominus vobiscum. Oremus. Exaudi nos, etc.* Hoc dicto, prædicti ministri in sacristiam revertantur. Si sit facienda Processio, dum aqua aspergitur, Cruciferarius crucem a Sacrista præparatam accipiet; et aspersione facta, Acolythi ad sacristiam redeuntes, cereos deferant, et cum Cruciferario accedant ad presbyterium, et ordine solito ad Processionem cum Conventu incedent : qua peracta, Sacerdos cum ministris ad sacristiam revertatur, ubi, deposita cappa, induatur casula.

DE INGRESSU AD ALTARE

3. Incepto itaque a Choro post Introitum *Gloria Patri*, vel *Versu*, si *Gloria Patri* non dicitur, prædicti ministri procedant ad altare, cooperto capite cum caputio et amictu, primo Acolythi cum candelabris decentibus, et candelis accensis : deinde Subdiaconus librum Evangeliorum, vel calicem paratum, (quando non est deferendus post *Gloria in excelsis*, ut dicitur infra) et Diaconus Missale coram se deferentes pectori appodiatum, sinistra manu supposita, et dextera librum tenendo, ultimo Sacerdos junctis manibus ante pectus. Venientibus autem ipsis ante altare, et stantibus ab invicem in aliqua distantia ante illud infra infimum gradum, Diaconus ad dexteram Sacerdotis, Subdiaconus ad sinistram, et simili modo

Acolythi, unus hinc, et alius inde, omnes simul profunde inclinent, vel genu flectant, et discooperto capite, mox erectus Sacerdos, postquam dixerit secreto Orationem **Actiones nostras**, signans se a fronte ad pectus et humeros, intelligibili voce dicat : **In nomine Patris, et Filii, etc. V. Confitemini, etc.** et dum dicitur **Confiteor Deo, etc.** inclinent profunde, genibus non curvatis, (quod in similibus inclinationibus semper observetur) stantibus tamen erectis Acolythi, et versis ad se mutuo vultibus, ac candelabra præ manibus habentibus. Ita confessione facta, et absolutione, se erigant, et dicat Sacerdos **Adjutorium, etc.** et appropinquans ad altare, inclinatus non ex transverso, sed in directum versus medium altaris, (quod semper est observandum in hujusmodi inclinationibus) dicat Orationem **Aufer a nobis, etc.** et denuo erectus, secreto dicat **In nomine Patris, etc.** Interim Diaconus Missale ponat in cornu Epistolæ, et Subdiaconus ad cornu Evangelii librum Evangeliorum, appodiando illum in posteriore parte altaris, et Acolythi deponant cereos cum candelabris super gradus presbyterii, exstinguentes eosdem. Tunc omnes convenientes ad librum, a Diacono jam apertum, (qui etiam toties quoties oportuerit, folia vertere, et Sacerdoti dicenda ostendere debet) et stantes ad dextris Sacerdotis ordinati secundum gradus suos, dicant cum Celebrante Introitum, et **Kyrie eleison**, nec flectant genua cum dicitur **Salve sancta parens.**

4. Deinde post Sacerdotem ordinet se Diaconus, et Subdiaconus post Diaconum. Acolythi autem infra gradus presbyterii, hinc inde, (vel in primis sedibus chori, maxime ubi sunt pauci fratres) stent parati ad sua ministeria peragenda : ita tamen, quod dum Canon, vel aliud a Sacerdote in medio altaris stante dicitur, si fuerint duo Acolythi, unus ad dexteram Diaconi, et alter ad sinistram in modum quasi crucis stent ordinati, dum non sunt in aliquo ministerio occupati. Numquam autem in tota Missæ celebratione ascendant ad supremum gradum presbyterii, in quo Sacerdos assistit. Si vero Dominica, vel Duplex, et supra fuerit, poterunt omnes ire sessum, tali servato ordine, ut Sacerdote primo in presbyterio a cornu Epistolæ, (in qua parte semper sedes hujusmodi sunt parandæ) sedente, ad ejus sinistram Diaconus sedeat, et ad hujus sinistram Subdiaconus; deinde etiam ibi Acolythi sedeant, vel alibi, in scabello tamen inferiori, (et hic ordo servetur ubicumque sederint ministri altaris.) Qui antequam sessum eant, mappulam extendent super genua Sacerdotis, Diaconi, et Subdiaconi, taliter ut possint etiam super eam manus appodiare; quam postea alter Acolythorum, ad ultimum **Kyrie eleison** surgens, levabit, incipiendo a Sacerdote, et manum ejus osculando.

AD GLORIA IN EXCELSIS DEO

5. Quo facto, surgant omnes, et ante medium altaris stantes, inclinent profunde, et Sacerdos, postquam ascenderit ad altare, incipiat **Gloria in excelsis**, si dicendum fuerit, (vel si non, dicat conversus ad populum **Dominus vobiscum**) ceteris ministris, ut dictum est, ordinatis post ipsum. Deinde simul ad cornu Epistolæ venientes, prosequantur inceptum Gloria cum Sacer-

dote, stantes a dextris ejus ordine supradicto. Quo dicto, Sacerdos et Diaconus stent, donec Conventus impleverit illud. Et cavendum est ministris, ne transeant, dum aliquid instat agendum, inter ministros gradus majoris, sed retro eos. Interim dum cantatur **Gloria in excelsis** in Dominicis diebus, et in festis Duplicibus, vel **Kyrie eleison**, quando **Gloria in excelsis** a Septuagesima usque ad Pascha non dicitur, Subdiaconus, altero Acolythorum præcedente, in sacristiam pergat, et ibi pulchram et mundam mappam præparatam super humeros suos (juvante Acolytho) decenter extendat : calicem præparatum, ut dictum est in Missa privata, accipiat : et sic, præcedente Acolytho, vinum et aquam portante, calicem elevatum ante pectus suum deferat reverenter, et cum ad altare pervenerint, in medio inclinent profunde. Deinde Subdiaconus calicem superponat altari, mappam deponat et super cornu Epistolæ decenter extendat, et super eam calicem præparatum accommodet. Acolythus autem in fenestella, aut super scamnum ad cornu Epistolæ vinum et aquam reponat.

AD ORATIONES

6. Dicto **Gloria in excelsis**, vel **Kyrie eleison** pro tempore, dum incipit Sacerdos **Dominus vobiscum**, Diaconus, non flexis genibus, nisi Episcopus celebraverit, leviter casulam per inferiorem elevet extremitatem, et ita tenendo casulam cum Sacerdote pergat ad librum, et eidem Orationem dicendam ostendat, quod etiam faciat ad Offertorium, **Orate fratres**, et Postcommunione. Dicto **Dominus vobiscum**, dicat Orationem. Quod si Missa fuerit de Quadragesima, Diaconus post **Oremus**, flectendo genua cum aliis inferioribus ministris, dicat clara voce **Flectamus genua**, et surgendo, immediate dicat **Levate**. Sacerdos vero non flectat genua, sed subjungat Orationem; qua finita, dicat **Per omnia secula seculorum**, et responso a Choro **Amen**, Sacerdos et Diaconus ad medium altaris euntes, usque ad infimum gradum descendant, et omnes ministri simul cum eis ante altare profunde inclinent, et sessum eant.

AD EPISTOLAM

7. Dum ultima Oratio dicitur, altero Acolythorum præcedente, Subdiaconus librum Epistolarum ferat, secundum modum supradictum de Evangelio et Missali, super pectus suum reclinatum, ad locum, in quo Epistola legenda est : hic vero semper erit ante gradus presbyterii, super pulpitem ad hoc ibidem præparatum in medio, verso vultu ad altare. In Conventibus autem, in quibus consuevit legi Dominicis diebus, et festis Duplicibus, et supra, in loco eminenti supra pulpitem, servetur consuetudo. Prædictus vero Acolythus, Epistola perlecta, librum, qui sibi traditur a Subdiacono, deferat super altare, ponens illum in loco suo.

8. Sacerdotem vero Diaconus et alter Acolythorum astantes, in sede sua reverenter una collocent; et Acolythus, vel ipsemet Diaconus, si desit Acolythus, aliquam super ejus genua, ut supra, superponat mappulam.

9. Deinde Diaconus, ablutis primo digitis, explicet corporale in medio altaris, et postea Missale accipiens, tradat ipsum Acolytho, et sessum veniat; Sacerdos vero tunc sedendo, ac

Acolytho, si sint duo, tenente Missale ante ipsum, vel Diacono, si desit Acolythus, dicat Epistolam, et deinde quæ de Responsorio, vel Tractu, et Sequentia dicenda sunt, illaque, si Acolythus teneat Missale, per versus a Sacerdote et Diacono alternatim dicantur, incipiente Sacerdote : quibus dictis, surgant, et Sacerdos stans perlegat Evangelium, manibus junctis, appositis super ipsum, signans se signo crucis in initio, et fine, uti supra dictum est in Ritu Missæ. Quo dicto, Subdiaconus, dum fuerit reversus, Missale ad cornu Evangelii pro cantando **Credo**, vel Offertorio deferat; deinde aliquantulum manus lavet, mappam super humeros suos, ut dictum est supra, juvante Acolytho, extendat, calicem velo discooperiat, et sinistra manu per nodum cuppæ accipiat, dextera desuper pallam et patenam firmans, et accedens, in oculis Sacerdotis, et Diaconi sedentis, præparet hoc modo : Diacono patenam cum hostia tradat, qui eam Sacerdoti exhibebit, et tum vinum de manu Acolythi assistentis accipiat, illudque in calice infundat, sed ab una parte, et in illa quantitate, prout Sacerdos innuerit; postmodum aquam benedicendam Sacerdoti offerat, et dicto **Benedicite**, et responso a Diacono **Dominus**, subjungat Sacerdos benedictionem **In nomine Patris, et Filii et Spiritus Sancti**, et Acolythus respondeat **Amen**, et parum, ut dictum est, aquæ in medio calicis instillet; deinde patenam cum hostia recipiat a Diacono, et firmet, ut supra, et ad medium altaris reportet, ac cooperiat, sicut prius erat, et deinde sessum veniat.

AD TRACTUM

10. Cum dicitur in Missa **Veni sancte Spiritus**, in inceptione ejus surgant Sacerdos et ministri, et non flectant genua, sed stent quamdiu cantatur **Spiritus**, usque ad **reple**; deinde, Choro surgente, sedeant ministri. Dum autem Sacerdos sedet, ministri, cum non sunt occupati in aliquo ministerio, possunt ire ad adjuvandum Fratres in choro, maxime in parvis Conventibus. Circa finem cantus **Alleluia**, vel Tractus, vel Responsorii, vel Sequentiæ pro tempore, Acolythi cereos accendant, et Thuriferarius adsit in festis Simplicibus, et supra, et in Dominicis diebus, et in tertia Feria, quando fit de B. Dominico, in quarta, quando de B. Thoma, vel de alio Sancto Ordinis, in quinta, quando de SS. Corpore Christi, et in Sabbato, quando de B. Maria Virgine, et in die octava Simplicium Octavarum : qui stabit in presbyterio cum thuribulo ante medium altaris. In Totis autem Duplicibus, in quibus solis est crux ad Evangelium deferenda, cantata Epistola, dum cantatur Responsorium, vel **Alleluia**, vel Tractus, aut Sequentia, prout dicenda fuerint, Acolythi deferentes candelabra cum cereis accensis in sacristiam eant, Thuriferario præcedente, indeque crucem comitentur, præeunte Thuriferario, et sequentibus Acolythis, in quorum medio Cruciferarius veniat, sicque procedant ante gradus altaris, Cruciferario in medio duorum Acolythorum stante, et Thuriferario ad dexteram Acolythi, qui est a dextris Cruciferarii, et sic omnes (excepto Cruciferario) profunde inclinent. Tunc Thuriferarius vadat ad Sacerdotem, et oblato ei thure, dicat **Benedicite**, et Sacerdos, facto signo crucis super thus, dicat **In nomine Patris, et Filii, et Spiritus Sancti. R. Amen.**

AD EVANGELIUM

11. Mox surgat Diaconus, et accipiens ambabus manibus librum Evangeliorum, inclinat us parum corpore coram Sacerdote, dicat **Jube domne benedicere**, et Sacerdos surgens, subjungat **Dominus sit in corde tuo, et in labiis tuis, ad pronuntiandum sanctum Evangelium pacis : In nomine Patris, et Filii etc. R. Amen**; et sic procedant ad pulpitem, primo Thuriferarius, secundo Ceroferarii, in quorum medio stet qui crucem fert, tertio Subdiaconus cum pulvinari pro Evangelio præparato, ultimo Diaconus, librum Evangeliorum reclinatum supra pectus deferens, secundum modum supradictum. Pulpitem autem erit præparatum ad cornu Evangelii in loco parum eminenti, versus Aquilonem. In Conventibus tamen, in quibus fuerit pulpitem retro chorum, vel alibi in loco superiori, legetur Evangelium super illud Dominicis diebus, et festis Duplicibus, et supra. Postquam autem ad pulpitem pervenerint, Subdiaconus pulvinari libro supponat; ille vero qui defert crucem, et Ceroferarii, unus a dextris, et alius a sinistris ejus, a retro stent ante pulpitem, versis vultibus propriis et vultu Crucifixi ad Diaconum; Subdiaconus vero post Diaconum. Cum autem dicit Diaconus **Sequentia**, vel **Initium sancti Evangelii**, faciat unam crucem super Evangelii principium cum pollice, et etiam super frontem, aliam super os, et aliam super pectus; deinde signet se totum a fronte ad pectus et humeros signo crucis, (idem faciant Sacerdos et Subdiaconus, versis vultibus ad altare) : postea, accepto thuribulo de manu Subdiaconi, ter librum Evangelii thurificet, et junctis manibus ante pectus prosequatur Evangelium. Thuriferarius interim ad sinistram Acolythi, qui est a sinistris Cruciferarii vel post Subdiaconum, ubi commodè poterit, se collocet. Cum autem Fratres dicunt **Gloria tibi Domine**, debent se vertere ad altare, et munire se signo crucis, ut supra dictum est. Dum autem Evangelium legitur, stet Sacerdos ad cornu Epistolæ, versa facie ad Evangelium, junctis manibus ante pectus donec fuerit lectum; similiter omnes Fratres vertere debent faciem ad Evangelium, ubicunque legatur; et ipso finito, munire debent se signo crucis, a capite usque ad pectus et humeros.

POST DICTUM EVANGELIUM

12. Finito Evangelio, tradat Diaconus librum apertum Subdiacono cum pulvinari; et revertantur ad altare, ordine quo venerunt. Si tamen pulpitem ita fuerit dispositum in aliquibus Conventibus, ut eundo ad illud transeant per chorum, Thuriferario transeunte per medium chori, et uno Ceroferario juxta unum Chorum, alio vero juxta alium, ille qui defert crucem, et Subdiaconus, et Diaconus vadant juxta Chorum dexterum, redeundo vero vadant juxta sinistrum.

AD Credo

13. In fine Evangelii, Sacerdos ad medium altaris veniens, dicat **Credo in unum Deum**, si dicendum fuerit. Cumque ministri pervenerint ad altare, Subdiaconus offerat librum Sacerdoti ad osculandum, Diacono ei cum digito Evangelium demonstrante, (nisi pro Defunctis celebretur, vel Passio fuerit lecta) et Sacerdos pollice

signans Evangelium lectum signo crucis, dicat deosculando illud *Per Evangelica dicta*, etc. et Diaconus respondeat *Amen*. Post eum, Diaconus osculetur. Et post hæc, Subdiaconus ipsum librum reponat super altare, ubi et sicut erat prius, inde, cum expediens fuerit, ipsum ad sacristiam reportaturus; deinde Diaconus, et omnes alii ministri, stantes ad sinistram Sacerdotis ordinati ad cornu Evangelii unus post alium, *Credo in unum Deum* prosequantur submissa voce; et cum Chorus pervenerit ad illa verba, *Et incarnatus est*, Sacerdos ante medium altaris genua flectat; similiter Diaconus et Subdiaconus hinc et inde in primo gradu altaris post Sacerdotem flectant genua; post ipsos vero in alio inferiori gradu flectant genua Acolythy ordinati hinc inde, ita ut in medio eorum sit Cruciferarius, et a tergo Cruciferarii Thuriferarius, omnes versis vultibus ad altare. Postmodum surgentes omnes, Acolythy et Thuriferarius comitentur crucem in sacristiam eo ordine, quo venerunt, facta prius inclinatione ante altare, præeunte Thuriferario, qui semper debet esse post Subdiaconum, nisi cum aliter in Ordinario notatur. Cum autem in *Credo* dicuntur illa verba, *simul adoratur*, etc. debent inclinare omnes.

AD OFFERTORIUM

14. Finito vero *Credo*, vel Evangelio, si *Credo* non dicitur, Sacerdos dicat *Domine vobiscum*, *Oremus*, et Offertorium, quod ministri cum eo prosequuntur, stantes omnes ad sinistram ejus ordinati, ut supra; quo dicto, ad medium altaris rediens, dicat *Quid retribuam Domino pro omnibus, quæ retribuit mihi?* et interim tunc Subdiaconus calicem discooperiat velo et palla, ac offert Diacono, et Diaconus, tenendo eum per inferiorem partem pedis, Sacerdoti offerat, osculando manum ejus, (nisi SS. Sacramentum sit expositum) et dicat *Immola Deo sacrificium laudis, et redde Altissimo vota tua*: quem accipiens Sacerdos, dicat *Calicem salutaris accipiam, et nomen Domini invocabo*, et deinde tenens eum ambabus manibus aliquantulum elevatum, dicat *Suscipe*, etc.

DE THURIFICATIONE ALTARIS

15. Tunc Thuriferario tenente thuribulum a dextera parte altaris, et Diacono sumptum thus de vasculo, in quo servatur, offerente in cochleari Sacerdoti ad benedictionem, benedicat ipsum Sacerdos secundum modum qui scriptus est supra: quo facto, ponat ipsum Diaconum in thuribulo, et assumptum thuribulum tradat statim Sacerdoti, manum ipsius osculando, (si SS. Sacramentum non sit expositum); qui assumens illud manu dextera, brevi intervallo e catenis suspensum, sinistra manu tenens catenarum extremitates, thuribulo signum crucis faciat super calicem, postea caput inclinet, et deinde ter ante eundem thurificet, non vibrando in altum thuribulum, sed modice demissa cum thuribulo manu, modiceque subinde elevata, ita ut nunquam supra humerum manus attollantur; postmodum tabernaculum SS. Corporis Christi, si fuerit super altare, ter incenset, vel crucem, si non fuerit; deinde inclinando cum Diacono profunde ad medium altaris, (quod semper est servandum, dum fit transitus ab uno latere altaris ad aliud) inde incenset desuper altare

versus candelabra, ter ducens thuribulum æquali distantia usque ad cornu Epistolæ; hinc, demissa manu, revertitur ad medium altaris, ex quo procedendo thurificet aliud latius eodem modo usque ad cornu Evangelii; deinde incenset anteriorem partem, seu frontem altaris similiter triplici ductu dum procedit a cornu Evangelii ad medium, et postea etiam triplici ductu reliquam partem anteriorem usque ad cornu Epistolæ. Interea dum Sacerdos thurificat, Diaconus decenter casulam ejus sublevet, ut expedite possit incensare.

16. Si vero in altari Reliquiæ, sive imagines Sanctorum fuerint, incensato tabernaculo, aut cruce, si illud non fuerit, et facta ei reverentia ut supra, priusquam discedat a medio altaris, prius incenset eas, quæ a dexteris sunt, idest a parte Evangelii prope crucem, bis ducens thuribulum; et interim facta tabernaculo, aut cruci reverentia, similiter incensabit alias, quæ sunt a sinistris, idest a parte Epistolæ; quo facto, incensationem altaris prosequetur, ut supra, ter ducens thuribulum in unoquoque latere, quamvis in eo plures Reliquiæ, vel imagines essent, sive etiam plura, vel pauciora candelabra; (idem servetur in Vesperis, et in Matutinis, dum incensatio fieri debet). Interim alii ministri, dum in Missa fit incensatio, ordinent se in cornu Epistolæ, ita ut Subdiaconus sit prope altare, et a sinistris ipsius Acolythy, et Thuriferarius suo ordine, unus infra alium. Dum autem Sacerdos desierit thurificare, manus junctas teneat ante pectus, stans in fine altaris, ubi incensare desiit, verso vultu ad Diaconum. Diaconus vero thuribulum de manu Sacerdotis accipiens, triplici ductu eum incenset, sublevando casulam leviter manu sinistra, et dextera tenendo thuribulum; postmodum reddat illud Thuriferario.

AD LOTIONEM MANUUM

17. Postquam autem Diaconus incensaverit Sacerdotem, Subdiacono aquam fundente, Sacerdos lavet manus. Dum vero Subdiaconus aquam superfundit, Diaconus accipiens linteolum, vel manutergium ab Acolythy, illud porriget Sacerdoti ad manus abstergendas; et dum abluit Sacerdos manus, dicat *Lavabo*, etc. et postea in spiritu, etc.

AD SECRETAS

18. Deinde dicat *Orate Fratres*, etc. solum hæc duo verba mediocri voce, ita ut possit audiri a ministris; postea dicat secretas Orationes: Diaconus vero casulam elevet, ut supra dictum est. Tempore quoque muscarum debet eas Diaconus flabello amovere, ne molestant Sacerdotem, et abigere a sacrificio.

DE THURIFICATIONE MINISTRORUM, ET CONVENTUS

19. Cum dicitur Præfatio, Thuriferarius præparet se ad thurificandum, et cantatis illis verbis *Gratias agamus Domino Deo nostro*, prius inclinatione facta ante altare, thurificet ministros altaris, primo Diaconum, deinde Subdiaconum, et Acolythos, qui ita se, ut thurificentur, collocabunt, ut Diaconus cum Acolythy a cornu Evangelii, et Subdiaconus cum alio a cornu Epistolæ fere mutuo se respiciant, junctis manibus ante pectus, et paululum inclinantibus caput,

dum thurificantur. His incensatis, Thuriferarius vadat in chorum, et thurificet Magistrum Ordinis, si adest; postea alios (secundum quod de aqua benedicta est dictum) de thure tamen non benedicto, quod de novo ponat in thuribulo, atque incipiat ab antiquioribus in sedibus superioribus, et a junioribus in sedibus inferioribus se gylando, si fuerint ibi fratres, prosequendo thurificationem in utroque Choro, deinde Fratres laicos. Et his peractis, revertatur ad altare, in medio stans post Subdiaconum.

AD SANCTUS

20. Deinde dicta Præfatione, cum ventum fuerit ad *supplici confessione*, etc., Diaconus cum uno Acolythorum (aliquot ictibus campanulæ astantes admonente) veniens ad cornu Evangelii, et Subdiaconus cum alio ad cornu Epistolæ, versis vultibus ad invicem, dicant cum Sacerdote *Sanctus*, etc. et ad *Benedictus* qui venit, muniant se signo crucis a capite ad pectus et humeros. Quod etiam faciendum est a Fratribus in choro, cum ipsi dicent *Benedictus*, nec debent se tunc vertere ad altare.

AD CANONEM

21. Tunc si Dominica fuerit, vel festum Simplex, aut majus, vel Octava Solemnis, aut dies octava Simplicium Octavarum, aut iij. Feria, in qua agitur de Beato Dominico, vel v. in qua de Sanctissimo Sacramento, vel Sabbatum, in quo de B. Virgine, vel alia, in qua de Sancto Ordinis celebratur, Subdiaconus mappam sumat, et eam super humeros suos extendat, et Diaconus ei patenam tradat, et cooperiat eam velo calicis, vel mappam replicet super eam, et Acolythi cereos accendant pro elevatione: (ceteris vero diebus patena a Subdiacono non teneatur). Deinde Subdiaconus, stans post Diaconum, patenam usque post *Pater noster* teneat elevatam manu, sinistram dextero brachio supponens.

AD CONSECRATIONEM

22. Interim dum Sacerdos profert verba consecrationis, Diaconus a dexteris Sacerdotis, et Subdiaconus a sinistris cum patena, flectant genua super gradum supremum altaris, uno Acolythorum in gradu inferiori stante juxta Diaconum, et altero juxta Subdiaconum, et unus pulset campanulam, et sic stent a tempore elevationis Hostiæ usque post Sanguinis consecrationem et elevationem. Et in diebus, in quibus ministratur incensum, Diaconus accipiat thuribulum a Thuriferario, vel ab uno Acolythorum, ubi sunt pauci Fratres, et incenset continue in elevatione Corporis, et Sanguinis; postea reddat thuribulum ipsi Thuriferario, vel Acolytho, qui illud reportet in sacristiam, ac ibi dimittat.

23. In omni autem tempore sic Chorus cavere debet a nimia prolixitate cantus, dum dicit *Sanctus*, etc., et Sacerdos sic morose debet perficere ea, quæ dicuntur ante elevationem Hostiæ, quod numquam fiat elevatio, quousque prædictus cantus non sit terminatus.

24. Cum Sacerdos inchoat *Pater noster*, Subdiaconus manu sinistra discooperiat patenam, quam dextera tenet, diebus supra notatis; dum vero Sacerdos dicit *Et ne nos inducas in tentationem*, Diaconus cum aliis ministris respondeat

submissa voce *Sed libera nos a malo*, et Sacerdos *Amen*; et tunc Subdiaconus porrigat Diacono patenam, qui eam recipiat manu nuda, ac tradat Sacerdoti, quando dicturus est *Da propitiis pacem*: qui ipsam recipiet manu dextera inter indicem et medium digitum, pollice et indice non disjunctis, et Diaconus, cum tradit eam, ipsius humerum osculetur, (nisi SS. Corpus Christi fuerit expositum super altare); et Sacerdos signans se patena, ut in Missa privata, et post osculans eam, super altare deponat seorsum a corporali. Et dum Sacerdos signat se patena, Acolythi reverenter plicent mappam, et qui est a sinistris, reponat eam super cornu Evangelii. Quando vero Subdiaconus patenam non teneat, nihilominus Diaconus post *Pater noster*, ut dictum est, eam accipiat de altari, et prædicto modo offerat Sacerdoti.

AD AGNUS DEI, ET PACEM

25. Postquam autem Sacerdos dixerit *Pax Domini sit semper vobiscum*, Diaconus cum uno Acolythorum ad cornu Evangelii, et Subdiaconus cum alio ad cornu Epistolæ vadant, et mutuo se respicientes, dicant cum eo *Agnus Dei*, etc. Deinde dicto *Hæc sacrosancta commixtio*, etc., calicis labium osculetur; postea patenam, vel aliquam sanctam imaginem, (quæ Pax communiter dicitur) sibi illico porrectam a Diacono osculetur, dicendo submissa voce *Pax tibi, et Ecclesiæ sanctæ Dei*, (quod non faciet in triduo ante Pascha, et in Missis Defunctorum). Deinde Diaconus det eandem Subdiacono osculandam, et Subdiaconus Acolythi, qui hac de causa in medio post Subdiaconum tunc esse debebunt. In Dominicis autem diebus, et festis Duplicibus, et supra, postquam Acolythi pacem a Subdiacono acceperint, ut dictum est, alter eorum Cantoribus (nisi Magister Ordinis adsit) dabit; Cantor vero ordine, quo ut supra de aqua benedicta dictum fuit, Fratribus dabit, postquam terminatus erit totus cantus *Agnus Dei*. In ceteris autem diebus numquam detur pax in Missa Conventuali, nisi ministris Missæ. Porro in magnis solemnitatibus, scilicet Natalis, Paschæ, Ascensionis, Pentecostes, SS. Corporis Christi, Assumptionis Beatæ Mariæ Virginis, B. P. N. Dominicæ, et Omnium Sanctorum, et similibus, Subdiaconus, postquam pacem Acolythi, ut præfertur, dederit, deferat eam Cantoribus in choro, altero Acolythorum præcedente, deinde reliquis Fratribus ordine et modo, ut dictum est. Ubi autem chorus non fuerit juxta altare, Subdiaconus non deferat pacem, nisi commode reverti possit ante finem communionis, sed deportetur a Thuriferario, vel ab uno Acolythorum.

AD COMMUNIONEM

26. Sacerdos itaque, data pace Diacono, dicat *Orationem Domine Jesu Christe*, etc., et *Corpus et Sanguis Domini nostri*, etc. nullas alias intermiscendo Orationes, neque pectus percutiendo; et postquam communicaverit, veniat ad cornu Epistolæ, ibique Subdiaconus in ampulla vinum paratum habens, infundat in calice, postea vinum et aquam. Interim Diaconus Missale deferat ad cornu Epistolæ, et ablutis primo digitis, corporale plicet, et reponat in bursam. Sacerdos autem, sumpta secunda ablutione, calicem deponat, et Subdiaconus, ablutis etiam prius

digitis, eum accipiat, ac purificet, eique purificatorium, patenam, pailam, velum, bursam corporalis, et mappulam superponat: Acolythi vero cereos in elevatione accensos extinguant.

AD POSTCOMMUNIONEM

27. Postmodum Sacerdos dicat **Dominus vobiscum**, et Diaconus eleuet casulam sicut prius.

28. Quando autem Missa erit de Feria in Quadragesima, post omnes memorias, dicto a Sacerdote, inclinante caput cum aliis ministris, **Oremus**, subjungat Diaconus clara voce **Humiliate capita vestra Deo**, et Sacerdos prosequatur Orationem signatam super populum.

29. Dum autem ultimæ Orationes dicuntur, Subdiaconus, altero Acolythorum præcedente, vinum et aquam deferente, calicem præparatum, ut dictum est, in sacristiam reportet, non extensa mappa super humeros. Et cum iterum redierit ad altare, unus Acolythorum librum Evangelii ei tradat, et alter cereos super candelabra accendat. Si vero unica tantum Oratio dicenda sit, vel sacristia nimis distet ab altari, in quo celebratur, tum Subdiaconus calicem in sacristiam non reportet, nisi absoluta Missa, quando cum Sacerdote et aliis ad sacristiam redierit; et postea unus Acolythorum deferat librum Evangeliorum.

AD ITE MISSA EST

30. Cum Sacerdos, ad dicendum **Dominus vobiscum**, se vertit ad Conventum, Diaconus similiter se vertat, et dicat **Ite Missa est**, si **Gloria in excelsis** præcesserit: alioquin Diaconus non se vertat ad Conventum, sed versa facie ad altare, ipso Sacerdote similiter verso, dicat **Benedicamus Domino**, vel **Requiescant in pace**, si Missa fuerit de mortuis. Sacerdos vero, et Diaconus tantum stent versi ad Conventum, quamdiu dicitur **Ite Missa est**; deinde vertant se ad altare non se gyrando.

POST BENEDICTIONEM

31. Interim postquam Sacerdos dederit benedictionem, ad quam ministri debent caput inclinare, senior Acolythorum Missale Diacono tradat, et alter librum Evangeliorum Subdiacono (si non debeat deferre calicem) et deinde candelabra cum cereis accensis præ manibus teneant, dum legitur Evangelium: Diaconus vero et Subdiaconus ascendant ad sinistram Sacerdotis ad cornu Evangelii pro illo audiendo. Evangelio dicto, et facta inclinatione, vel genuflexione, sicut in ingressu, redeant omnes in sacristiam, eo ordine, quo venerunt. Tunc ministri, primo Sacerdotem exuant, postea se mutuo juvent ad exuendum.

32. Acolythi antequam vestes exuant, revertentes ad altare, cooperiant illud, et aptent decenter, reportantes in sacristiam, quæ fuerint reportanda. Postea in Dominicis diebus deferant aquam benedictam per cellas, et reliquas officinas, eas aspergendo.

33. Ubi autem in diebus solemnibus, propter paucitatem Fratrum, prædicta ministrorum solemnitas servari non poterit, prout commodius et honestius poterit, observetur. In ferialibus vero diebus, et festis trium Lectionum, et infra Octavas non solemnes, unus sufficiat Acolythus:

qui, dum fit confessio, et dum dicitur **Sanctus**, et **Agnus Dei** a Sacerdote, stare debet a dexteris juxta Diaconum, et etiam in genuflexione ad Corpus Domini.

DE SACRA COMMUNIONE

1. CIRCA sacram Communionem, et modum communicandi in Conventu, notandum est, quod, ad reservandam sacram Communionem, haberi debet tabernaculum decens et honestum super altare, vel in alio decenti loco ad SS. Sacramentum Corporis Christi honorifice collocandum. Infra quod habenda est pyxis argentea, vel ex alia materia pretiosa, in qua servandæ sunt hostiæ consecratæ; non tamen in magna multitudine. Provideatur autem, quod tam tabernaculum, quam pyxis prædicta sic caute stabiliantur, et claudantur, ne aliquo casu possint hostiæ prædictæ cadere, vel inde removeri, nisi per ministerium Fratrum, cum fuerit aliqua Communio facienda.

2. Die autem Communionis consuevit fieri aliqua exhortatio in Capitulo, vel absolute generalis Fratribus tam Clericis, quam laicis, ut ad tantum Sacramentum dignius accedant præparati. Debet autem Prælatus, si commode potest, vel aliquis ex gravioribus Patribus, in hujusmodi die Missam conventualem celebrare.

3. Cum igitur Subdiaconus ministraturus fuerit necessaria pro Sacramento hujusmodi, a Sacrista, cujus interest scire, debet inquirere de numero hostiarum consecrarum, quæ sunt in pyxide; debet etiam inquirere de numero Fratrum, qui sunt communicandi: et facta collatione, tot hostias consecrandas ponat, quot sufficiant Fratribus communicandis, et pro infirmis in necessitate.

4. Sacerdos celebrans consecraturus plures hostias, reponet eas in aliquo calice consecrato, aut pyxide consecrata prope calicem, semper tamen super corporale; quod si non fuerit vas distinctum, collocet eas super corporale ante calicem, si ob quantitatem super patenam manere non possint. In consecratione proferat verba formæ super hostiam, quam manibus teneat, et super omnes alias, quas suis oculis habebit expositas. Post consecrationem decenti loco super corporale eas aptet, ita ut ceteras caeremonias sine impedimento prosequi possit.

5. Cum igitur hora Communionis appropinquaret, Fratres communicandi accedant in modum Chori ordinati versus presbyterium, et ibi, facta inclinatione profunda, flectant genua. Diaconus vero, si in altari, ubi celebratur, non sit tabernaculum continens in pyxide hostias consecratas, Ceroferariis præcedentibus cum cereis, afferat pyxidem supradictam cum SS. Corpore Domini super corporale, aperiens statim eam; tunc vero omnes Fratres, præter Sacerdotem celebrantem, qui solus genuflexus adoret, videntes ipsum deferentem pyxidem, prosternant se super genua Sanctissimum Sacramentum adorantes, quousque illud super corporale deposuerit: quo facto, super genua erecti, brevique oratione facta, iterum ministri, ut antea prostrati, alii vero ad modum, quo fit venia, in longum extensi, dicant omnes simul **Confiteor**, etc. et Sacerdos paululum secedens a medio altaris, ne terga vertat Sanctissimo

Sacramento, faciat absolutionem, dicendo *Miserereatur*, etc. et *Absolutionem*, etc.

6. Postmodum erigant se omnes super genua, et primo communicent ministri secundum ordinem graduum suorum : qui accedentes ante medium altaris, simul infra infimum gradum faciant inclinationem profundam, et ad supremum ascendentes, iterum ibi profunde inclinent, et mox genua flectant, toto corpore reliquo stantes erecti, caventes a transversive oculorum, vel insolita vultus indispositione, seu motu indisciplinato, sed aperto mediocriter ore, cum debita reverentia suscipiant de manu Sacerdotis Sanctissimum Christi Corpus. Sumpta vero communione, simul se erigant, simulque etiam profunde inclinent, et discedant versis vultibus ad invicem in latius incedendo, ne terga vertant Sanctissimo Sacramento, et infra infimum gradum altaris iterum profunde coram Sanctissimo inclinent, ac postea in presbyterio genua flectant.

7. Interim dum ministri communicant, ceteri Fratres, superinduti cappa Ordinis, bini et bini juxta ordinem suum successive accedant ante medium altaris, et cum eo pervenerint, infra gradus similiter profunde inclinent : et dum ministri a supremo gradu recedunt, in eorum locum succedant, factaque etiam inclinatione profunda, genua flectant; et recepta communione, eodem ordine, et modo, quo jam dictum est de ministris, inde recedant, nisi quod non in presbyterio genuflexi maneant, sed in chorum ad loca sua revertantur, ac seorsum secreto in gratiarum actionem orent : caveantque omnes, ne post communionem cito spuant : quod si cavere non possint, debent in loco honesto projicere sputum.

8. In primis autem cum ministri communicare debent, Diaconus et Subdiaconus, flectentes genua in superiori gradu altaris, hinc et inde, versis vultibus ad invicem, teneant mappulam mundam et honestam, ad hoc præparatam, inter Sacerdotem et communicantes extensam, illamque sub mento ambabus manibus communicantes elevent; postquam vero Acolythi communicaverint, teneant prædictam mappulam prædicto modo, quousque communicaverint omnes.

9. Sacerdos vero ministret primo hostias consecratas, quæ erant reservatæ in pyxide, et postea, quæ recenter sunt consecratæ, ita ut pauca remaneant post Communionem in pyxide reponendæ et asservandæ. Dum autem quamlibet hostiam ministrat, accipiat eam pollice et indice dexteræ manus, et pyxidem, seu patenam sinistra, supponendo illam hostiæ, et sic transferat usque ad Fratrem communicandum. Et cum tradit eam, signum crucis cum hostia ante os communicantis formans, dicat, nihil aliud præmittendo : *Corpus Domini nostri Jesu Christi custodiat te in vitam æternam. Amen.* Neque illis, Communione peracta, det benedictionem, sed pyxide super corporale deposita, prosequatur Missam, utpote in fine benedictionem daturus. Si vero finita Missa, vel etiam extra Missam Sacerdos det Communionem, tum, illa peracta, deposita pyxide in tabernaculo, det benedictionem, dicens : *Benedictio Dei omnipotentis,*

Patris, et Filii, et Spiritus Sancti descendat super vos, et maneat semper. R. Amen.

10. Quod si etiam extranei aliqui apud nos communicare voluerint, poterit eos, si fuerint hostiæ sufficientes, communicare. Si autem non sint, in aliquo altari minori communicari poterunt. Notandum tamen est, quod si adsit magna multitudo expectans finem Missæ, vel propter aliud impedimentum, poterit differri Communionem usque post Missam (nisi in die Cenæ) si visum fuerit Priori : alioquin facienda est antequam Communionem Missæ dicatur. Qui vero non communicant, et sunt in choro, interim jaceant super formas prostrati.

11. Peracta autem Communione, si viderit Sacerdos, quod aliquæ hostiæ consecratæ remanserint, etiamsi hæ in magna multitudine fuerint, debet eas omnes in pyxide reponere, sicque positæ per Diaconum intra tabernaculum, si sit super altare, recondantur : aut secus, præcedentibus Ceroferariis, ad locum debitum honorifice deferantur, Fratribus prostratis modo supradicto.

12. Ubi autem est consuetudo vinum post communionem sumendi, consumpta hostia, accedant ad illud sumendum; quod stando est recipiendum, et in modica quantitate, ad abluendum os diligenter, ne aliquæ particulæ hostiæ remaneant inter dentes.

13. Porro Diaconus debet recipere vinum hujusmodi in calice alio, quam sit calix, cum quo celebratur, et postea aliis ministrare, stando in cornu Evangelii. Debet autem tenere pedem calicis cum mappa munda et decenti, cum qua etiam Fratres, post abluitionem oris, labia detergant.

14. Si tamen fuerit magnus communicandorum numerus (uti in die Cenæ Domini), Subdiaconus, in cornu Epistolæ stans, poterit vinum in altero calice eodem modo ministrare, ut citius omnes expediantur; vel poterunt etiam Fratres ex se vinum seorsum a Sacrista præparatum accipere retro altare.

15. Debent autem Fratres communicare in qualibet Dominica Adventus, et Quadragesimæ, in die Natalis Domini, Circumcisionis, Epiphaniæ, Cenæ Domini, Resurrectionis, Ascensionis, Pentecostes, Trinitatis, et SS. Corporis Christi : Item in omnibus festis B. Mariæ semper Virginis, et in festo Omnium Sanctorum : Item in festo Apostolorum Petri et Pauli, et in festis S. Dominici P. N. et Sanctorum Ordinis, et in omnibus Dominicis diebus, deputatis pro confratribus sanctissimi Rosarii, et S. Nominis Dei, propter Indulgentiam plenariam in præfatis diebus concessam. Ceterum bis in mense, videlicet de quindena in quindenam communicabunt, si Prælati visum fuerit expedire. Nullus vero ab hac Communionem dictis diebus faciendi remaneat, sine speciali licentia : qui autem sunt extra Conventum, debent extra communicare, vel cum redierint, quam cito et commode possunt.

16. Dum autem plures dies Communionis immediate succedent, poterunt Fratres ad arbitrium Prælati in aliquibus dispensari a Communionem.

RUBRICÆ GENERALES MISSARUM

MISSA quotidie celebrari debet secundum ordinem Officii, de quo fit illo die, idest de festo Toto Duplici, vel Duplici, vel Semiduplici, vel Simplici, vel trium Lectionum; de Dominica vel Vigilia, vel Feria, vel Octava : et extra ordinem Officii, Votiva vel pro Defunctis.

I — DE FESTIS

1. **F**ESTA Tota Duplicita, Duplicita, Semiduplicita, Simplicia et trium Lectionum semper celebrantur proprio die, nisi ab Officio vel festo nobiliori impendantur, ut habetur infra in Rubrica tit. VII.

2. In festis Totis Duplicibus et Duplicibus dicitur una tantum Oratio, nisi aliqua Memoria occurrat faciendae, quæ tamen aliquando juxta Rubricam tit. VIII omittenda est.

3. In festis Semiduplicibus et infra, extra Octavam solemnem vel majorem, tres saltem Orationes dicantur, ut habetur infra in Rubrica tit. X.

II — DE OCTAVIS

1. **M**ISSA infra Octavas, si de ipsis fiat Officium, dicitur sicut in die, nisi pro singulis Octavæ diebus Missa propria habeatur. **Credo** tamen quotidie infra Octavas solemniissimas tantum dicitur.

2. Si Officium Octavæ ab aliquo festo vel Dominica impediatur, in Missa festi vel Dominicæ fit vel omittitur Memoria Octavæ, prout in Rubricis Breviarii de singulis dicitur.

3. Dum autem fit de Octava solemniter et supra, una tantum Oratio dicatur, nisi Memoria faciendae sit. Per Octavam simplicem et in die Octava trium Lectionum plures Orationes dicendæ sunt, prout habetur in Rubrica tit. X.

III — DE DOMINICA

1. **P**ER totum annum, nisi festum, de quo in Dominicis sit agendum, impedit, et præterquam in Vigiliis Natalis Domini, et Epiphaniæ, occurrentibus in Dominicis, semper est Missa de Dominica celebranda.

2. Dicuntur autem tres Orationes, ut hic infra tit. X præscribitur, exceptis Dominicis Palmarum et in Albis, in quibus una sola dicitur, et exceptis casibus, de quibus in tit. VIII.

3. Quando vero ob dicta impedimenta Missa Dominicæ proprio die celebrari non potest, semper est dicenda (nisi ubi aliter notatur in propriis locis) infra hebdomadam propriam in aliqua Feria vacante, in qua legitur Homilia Dominicæ : tunc autem celebratur juxta ritum Officii, de quo illo die fit, cum memoria, vel memoriis convenientibus.

4. In hujusmodi porro resumptionis die, occurrente festo Toto Duplici, Duplici, Semiduplici, vel Simplici, duæ dicuntur Missæ conventuales, una in Choro, altera extra Chorum ut infra tit. IV n. 2 dicitur; in Festis vero et diebus Octavis trium Lectionum et infra Octavas, et in Feriis una tantum Missa conventualis de ipsa Dominica. Missæ autem privatæ dici possunt aut

de Officio diei cum Memoria Dominicæ aut de ipsa Dominica cum Memoria Officii diei; additis in utraque Missa aliis memoriis forte occurrentibus. Idem fiat (etiam omissa Homilia) de Missa altius Dominicæ, quæ post Oct. Epiphaniæ vel Trinitatis resumitur nequit, cujus tamen Evangelium legitur in fine omnium Missarum, in quibus de tali Dominica facta fuerit Memoria. — Si in Dominica IV Adventus venerit Vigilia Nativitatis Domini, in Choro dicitur Missa Vigiliæ, extra Chorum Missa de Dominica proprio ritu. Item Missa Dominicæ IV post Oct. Paschæ impeditur ipsa die Dominica dicitur extra Chorum. — Similiter Missa Dominicæ, cujus Homilia infra hebdomadam legi nequit, dicitur ipsa die Dominica extra Chorum. — Si eodem die infra hebdomadam occurrant Missa Dominicæ et Vigiliæ, dicitur in Choro Missa Dominicæ cum Memoria Vigiliæ.

IV — DE FERIA ET VIGILIA

1. **M**ISSA de Feria celebratur, quando non occurrit festum, vel Octava simplex et supra, vel non fit Missa pro mortuis. In Feriis, quæ propriam non habent, dicitur Missa Dominicæ præcedentis; vel dici possunt Missæ votivæ juxta ordinem Feriarum de Sancto vel Officio in Ordine nostro privilegiato, vel pro Missis privatis etiam aliæ votivæ, de quibus in sequenti titulo V agitur.

2. In omnibus Feriis Quadragesimæ post diem Cinerum ac Passionis ante Dominicam Palmarum, in Feriis Quatuor Temporum extra Octavam Pentecostes, et in Vigiliis communibus quæ propriam Missam habent, si occurrat Officium Totum Duplex, Duplex, Semiduplex vel Simplex, in Ecclesiis in quibus adest obligatio Chori, duæ dicuntur Missæ conventuales : una de Officio diei, sine Memoria Feriæ aut Vigiliæ, sed cum aliis memoriis forte occurrentibus; altera de Feria aut Vigilia, sine Memoria Officii diei. Harum tamen una tantum dicitur in Choro cum assistentia Choralium; altera vero, sine hujusmodi assistentia Choralium, legitur extra Chorum. Missa porro in Choro dicenda cum assistentia Choralium, in Totis Duplicibus I et II classis et per Octavas privilegiatas Epiphaniæ et SS. Corporis Christi, est Missa de Officio currenti; in reliquis Totis Duplicibus, Duplicibus, Semiduplicibus, et Simplicibus, Missa de Feria aut Vigilia. In Totis Duplicibus tamen I classis nihil unquam fit de Vigilia non privilegiata (excepta Vigilia Ascensionis, quæ est feria major), juxta Rubricas. De die item infra Octavam non privilegiatam, si in Feriis aut Vigiliis supra recensitis occurrat, non dicitur Missa conventualis, sed fit tantum Memoria in Missa de Feria vel Vigilia. Missæ autem privatæ omnibus his diebus ad libitum Celebrantium dici possunt aut de Feria vel Vigilia cum Memoria Officii diei; aut de Officio diei cum Memoria Feriæ vel Vigiliæ et ultimo Evangelio Feriæ. Si tamen Officium occurrens sit Totum Duplex I aut II classis, aut Octava privilegiata Epiphaniæ et

SS. Corporis Christi, Missa privata de Feria vel Vigilia non permittitur.

3. Si qua ex dictis Feriis et Vigilia simul occurrant, Missa conventualis dicitur de Feria cum Memoria Vigilæ; et Missæ privatæ dici possunt aut de Feria aut de Vigilia cum Memoria alterius. Aut si fiat Officium Totius Duplicis, vel Duplicis, vel Octavæ privilegiatæ, vel Semiduplicis seu Simplicis, duæ dicuntur Missæ conventuales ut supra : una de Officio diei, sine Memoria Feriæ et Vigilæ, sed cum Memoria forte currentibus; altera de Feria, cum Memoria Vigilæ; et Missæ privatæ dici possunt aut de Feria, aut de Vigilia, aut de Officio diei cum Memoria de eis de quibus non dicitur Missa et ultimo Evangelio Feriæ.

4. Item die 25 Aprilis, vel, si dies 25 Aprilis Pascha fuerit Feria III post Pascha et in diebus Rogationum, si occurrat Officium Totius Duplicis, Duplicis, Octavæ privilegiatæ, Semiduplicis vel Simplicis, (sive Processio fiat, sive non), duæ dicuntur Missæ conventuales ut supra n. 2 dictum est : una de Rogationibus (vel de Vigilia Ascensionis cum Memoria Rogationum), altera vero de Officio diei. In festis tamen Totis Duplicibus I et II classis aut infra Octavam Paschæ, si fiat Processio, in Choro dicitur tum Missa de Officio diei tum Missa de Rogationibus; si vero Processio non fiat, dicitur unica Missa conventualis de die cum memoria Feriæ (vel Vigilæ) et ultimo Evangelio Rogationum. In omnibus Litaniarum diebus, dummodo Officium de Feria dictum non fuerit, Missæ privatæ non permittuntur de Rogationibus, sed Memoria Feriæ (vel Vigilæ) et ultimum Evangelium Rogationum dicitur in omnibus Missis privatis, quæ non sunt Defunctorum.

5. Propter paucitatem Fratrum in prædictis Feriis vel Vigiliis occurrentibus cum festo, una tantum Missa conventualis celebretur, prout dicitur in sequenti n. 6.

6. In Ecclesiis autem in quibus una tantum habeatur Missa conventualis, quoties occurrat aliqua ex Feriis vel Vigiliis n. 2 et 3 recensitis, et si non fiat Processio, in diebus Rogationum, ipsa Missa conventualis in Totis Duplicibus I et II classis et per Octavas privilegiatas Epiphaniæ et SS. Corporis Christi dicitur de Officio diei cum Memoria et ultimo Evangelio Feriæ, et extra Tota Duplicia I classis, etiam cum Memoria Vigilæ. In Totis Duplicibus vero, et Duplicibus, Semiduplicibus et Simplicibus, eadem Missa dicitur de Feria aut Vigilia cum Memoria Officii diei; et, si Feria et Vigilia simul occurrant, de Feria cum Memoria Officii diei ac Vigilæ et Memoria currentibus, (vel in Vigilia Ascensionis, de ipsa Vigilia cum Memoria Rogationum). Item in diebus Litaniarum si fiat Processio et in Ecclesia habeatur unica Missa, ea dicitur de Rogationibus (vel Vigilia Ascensionis) cum Memoria Officii diei; nisi hoc fuerit Totum duplex I classis, quo in casu dicitur Missa de Festo cum Memoria Feriæ (vel Vigilæ) et ultimo Evangelio Rogationum.

V — DE MISSIS VOTIVIS

1. **I**N Feriis minoribus, in quibus nec Missa Dominicæ resumenda, nec Missa pro defunctis celebranda est, loco Missæ Dominicæ præcedentis, dici potest Missa conventualis votiva juxta Ordinem Feriarum de Sancto vel

Officio in Ordine nostro olim privilegiato, idest : Feria III de S. P. N. Dominico, Feria IV de S. Thoma Aquinate, et Feria V de SS. Sacramento, aut de D. N. J. C. Summo et Æterno Sacerdote. Hæ Missæ votivæ, excepta Missa de D. N. J. C. Sacerdote, dicuntur extra Septuagesimam cum Gloria et tria Alleluia post Epistolam vel R., vel infra hoc tempus cum Tractu. Feria III dicitur etiam Sequentia. Feria VI dici potest Missa de sancta Cruce, vel pro Fratribus mortuis illo anno, vel de S. Vincentio (semel in mense) vel alio, juxta consuetudinem Provinciarum, sed feriali ritu. Sabbato dicitur Missa votiva de B. Maria V. pro tempore, si Officium votivum de ipsa actum fuerit.

2. Missæ votivæ privatæ sine cantu prohibentur in omnibus Officiis Totis Duplicibus, et Duplicibus, in Dominicis, licet resumptis vel quoad Missam translatis, per Octavas privilegiatas, in Feriis Quatuor Temporum, in Feriis Adventus a die 17 ad 23 Decembris inclusive currentibus, in Feriis Quadragesimæ a die Cinerum et Passionis ad Feriam IV Majoris Hebdomadæ inclusive, diebus Rogationum, in Vigiliis, et in diebus octavis solemnibus, simplicibus et trium Lectionum, etiam si de iis Memoria tantum facta fuerit in Officio; proinde legi tantum possunt, ex rationabili tamen causa, in Festis Semiduplicibus, Simplicibus, diebus infra Octavas non privilegiatas. Feria VI post Octavam Ascensionis, Festis trium Lectionum et Feriis superius non exceptis.

3. Missa votiva pro Sponsis, cum propria benedictione, permittitur quotidie per annum extra tempus clausum; et etiam tempore clauso, quoties Ordinarius loci ex justa causa benedictionem nuptialem permiserit. Excipiuntur Dominicæ, Festa de præcepto, licet suppressa, Tota Duplicia I et II classis, Octavæ privilegiatæ (non tamen Nativitatis, Ascensionis Domini et SS. Cordis Jesu), Feriæ ac Vigilæ privilegiatæ. In his autem casibus exceptis dicitur Missa de die, in eaque additur Oratio pro Sponsis sub unica conclusione cum prima, atque datur benedictio eis propria. Attamen in die Commemorationis Omnium Fidelium Defunctorum prohibetur Missa et Oratio, necnon benedictio. Item hæc benedictio numquam dari potest extra Missam, si tum Missa pro Sponsis, tum ejus Memoria, ideoque benedictio locum habere nequeat, si Sponsi non sint præsentēs, vel si uterque aut alteruter alias benedictionem acceperit : servata nihilominus, sicuti vigeat, consuetudine benedictionis, ut supra impertiendæ, si hanc vir tantum obtinuerit. Quod si nuptiæ tempore clauso contractæ fuerint, non concessa a loci Ordinario venia benedictionis nuptiarum, Missa cum propria benedictione differtur ad diem in qua extra tempus clausum, Missa pro Sponsis vel ejus Memoria permittitur.

4. Missa votiva sollemnis pro re gravi et publica simul causa, quæ scilicet de mandato vel consensu Ordinarii loci pro qualibet vice obtinendo in cantu celebratur cum concursu populi, permittitur singulis diebus, extra Dominicas I classis, Vigiliis Nativitatis Domini et Pentecostes, Feriis privilegiatas, Tota Duplicia I classis et Commemorationem Omnium Fidelium Defunctorum. Hæc tamen Missa cani nequit die in qua fiat Officium aut Memoria, vel occurrat Vigilia aut dies infra Octavam, quamvis solus

Memoriæ, de identico Domini Mysterio, vel de eadem Sancti persona, de qua esset canenda Missa; tunc enim, loco Missæ votivæ, canitur Missa Officio vel Memoriæ, Vigiliæ aut Octavæ conveniens, cum Memoriis quæ in ipsa Missa vota faciendæ essent, ut infra tit. VIII, n. 3, habetur. Aliis vero diebus in quibus hujusmodi Missa ut supra, vel ut infra n. 9 impediatur, sed ejus Memoria juxta eundem tit. VIII, n. 3 non vetetur (vetatur autem hæc Memoria in Commemoratione Omnium Fidelium Defunctorum et in Toto Duplici I classis Domini primario universalis Ecclesiæ, præterquam Feria II et III Paschatis et Pentecostes, in quibus eadem Memoria permittitur), in Missa cantata diei occurrentis, etsi conventualis, sub unica conclusione additur Oratio de Missa votiva impedita, et fiunt tantummodo Memoriæ quæ huc Missæ conveniunt. Inter Missas votivas solemnes computanda est Missa de Spiritu Sancto a Constitutionibus præscripta in Electione Reverendissimi Magistri Generalis et Prioris Provincialis vel Conventualis. In Vigilia tamen Pentecostes pro electione Reverendissimi Magistri Generalis cantanda est Missa diei cum Introitu **Cum sanctificatus fuero** una Oratione **Gloria et Credo**.

5. In anniversariis electionis et coronationis Summi Pontificis in omnibus Missis, juxta normas numero proxime sequenti statuendas, additur Oratio pro Papa.

6. In anniversario autem electionis vel translationis et consecrationis Episcopi, in omnibus Ecclesiis etiam Regularium, dummodo Memoria Missæ votivæ juxta num. 4 non prohibeatur, ad omnes Missas conventuales et privatas, præterquam Defunctorum, ultimo loco post Orationes a Rubricis præscriptas additur Oratio pro Episcopo.

7. Quod si hujusmodi anniversaria Summi Pontificis pro tota Ecclesia, vel Episcopi pro tota Diocesi respective, in perpetuum impendantur, Memoria eorundem fiat die, in quam transferantur.

8. Missæ votivæ in cantu, quamvis non sint pro re gravi et publica simul causa, permittuntur singulis diebus liberis ab Officio Toto Duplici, Duplici, a Dominicis quibusvis licet resumptis vel quoad Missam translatis, et ab aliqua ex Feriis, Vigiliis aut Octavis privilegiatis.

9. Attamen Missæ omnes superius indicatæ, sicut et Missæ inferius tit. VII, n. 1-5 recensendæ, quamvis eas ritus diei currentis alioquin permitteret, prohibentur in Ecclesiis ubi cujuslibet Missæ conventualis onus urgeat, cui per alios Sacerdotes satisfieri nequeat; et in Ecclesiis unam tantum Missam habentibus, prohibentur etiam die 2 Februarii, si fiat benedictio Candelarum, et in Litanis, si fiat Processio.

VI — DE MISSIS DEFUNCTORUM

1. **I**N Commemoratione Omnium Fidelium Defunctorum tres Missæ pro Defunctis permittuntur.

2. Prima die cujusque hebdomadæ non impedita Festo trium Lectionum et supra, vel Octava quacunque vel Feria aut Vigilia habentibus propriam Missam, vel a resumenda Missa Dominicæ impeditæ, semper loco Missæ conventualis de die celebranda est Missa pro Defunctis, id est de Requiem. Quod si Missa de Requiem ob continuas Festivitates vel dies supra relatos

infra hebdomadam celebrari non possit, tunc alia hebdomadæ die, minus sollemni, in Missa conventuali, quæ nihilominus ipsis Defunctis in Conventibus I Ordinis applicetur, additur Oratio **Omnipotens** pro Vivis et Defunctis post Orationes a Rubricis præscriptas. Hæc tamen Missa omittatur infra hebdomadam in qua Omnium Fidelium Defunctorum Commemorationem universa celebrat Ecclesia, et infra hebdomadam Paschæ et Pentecostes, ac infra hebdomadam Sanctam et illam in qua incidit Nativitas D. N. J. C., et quando infra hebdomadam jam pro Fratres defuncto exsequiæ factæ fuerint, et denique infra hebdomadas, in quibus celebrantur quatuor Ordinis Anniversaria in Calendario notata. Hæc quatuor Anniversaria cantari possunt in Festis Totis Duplicibus communibus et infra, non tamen in Festis de præcepto licet suppressis, Dominicis, Feriis, Vigiliis Octavisque privilegiatis, neque in Festis I et II classis etiam translatis; quo in casu transferantur in diem sequentem similiter non impeditam. Illis autem diebus, quibus cantatur Missa in hujusmodi quatuor Anniversariis, non omittatur Missa conventualis de die in Choro dicenda, præterquam diebus, in quibus juxta n. 2 unica Missa conventualis de Requiem sufficit. Ubi autem duæ Missæ conventuales nequeunt celebrari, unica Missa de Festo applicatur pro Defunctis et additur post Orationes a Rubricis præscriptas Oratio **Omnipotens** pro Vivis et Defunctis.

3. In Ecclesia in qua agitur exsequiale funus alicujus Defuncti, etiam absente rationabilem ob causam vel jam sepulto cadavere, permittitur unica Missa cantata vel etiam, pro pauperibus, lecta pro die obitus. Hæc vero prohibetur in Totis Duplicibus I classis primariis universalis Ecclesiæ, exceptis Feriis II et III post Pascha et Pentecostes in quibus permittitur, in Festis Dedicationis ac Tituli Ecclesiæ ipsius in qua funus agi debet, necnon Patroni principalis loci, et pro Religiosis Institutis, in Festis Tituli aut Sancti Fundatoris Ordinis seu Congregationis; dummodo hæc Festa non fuerint eo anno quoad solemnitatem translata, quo in casu prohibetur in Dominicis in quibus agitur solemnitas externa Festorum hujusmodi. Quoties autem a Rubricis, ut supra, hæc Missa impediatur, transferri potest in proximiorum sequentem diem, similiter non impeditam. Quod si in die Commemorationis Fidelium Defunctorum agatur funus alicujus Defuncti, sumatur prima Missa, et in Ecclesiis et Oratoriis ubi prima Missa sollemniter celebrata fuerit, aut pro Officio diei distincte sit deinde celebranda, dicatur secunda, aut demum tertia Missa; addita tamen in ipsa Missa exsequiali, sub unica conclusione, Oratione pro eodem Defuncto, ut pro die obitus.

4. Item in Ecclesia, aut Oratorio publico, ubi funus Defuncti sollemniter agitur, dummodo sacrificium pro ipso Defuncto applicetur, ipsa die dici possunt Missæ privatæ de Requiem pro die obitus, ut supra, nisi occurrat Officium Missas Defunctorum sequenti numero indicatas impediens. Missæ hujusmodi privatæ pariter celebrari possunt unica die ad libitum, ab obitu usque ad depositionem Defuncti, in Oratoriis semipublicis, quæ, deficiente Ecclesia vel Oratorio publico, horum locum teneant, necnon quotidie per idem tempus in Oratoriis semipublicis, quæ locum non teneant Ecclesiæ aut

Oratorii publici, et in Oratoriis stricte privatis domus Defuncti, dummodo cadaver sit physice præsens in domo, ubi erecta sunt ipsa Oratoria, et dies impedita non occurrat.

5. In die autem III, VII, XXX et anniversaria ab obitu vel depositione Defunctorum, et opportuniori die post acceptum mortis nuntium, in qualibet Ecclesia permittitur unica Missa pro Defuncto, ut in die obitus, cantata vel etiam lecta; dummodo non occurrat Dominica, aut Festum de præcepto, licet suppressum, Commemoratio Omnium Fidelium Defunctorum, Totum Duplex I vel II classis, etiam translatum, aut aliqua ex Feriis, Vigiliis vel Octavis privilegiatis, quo in casu, hujusmodi Missa, in proximorem diem, pariter non impeditam anticipari, si anticipari valeat, aut transferri potest, dummodo in cantu celebretur.

6. Idem servatur pro unica Missa cantata in Anniversariis quæ extra diem obitus ex fundatione celebrentur, vel quæ pro omnibus Defunctis alicujus cœtus semel quolibet anno habentur. Idem quoque servatur pro Missis quæ per octiduum, a Commemoratione Omnium Fidelium Defunctorum inclusive computandum, pro fidelium pietate pariter in cantu peraguntur; quæ tamen Missæ extra octiduum ipsum anticipari et transferri nequeunt.

7. Item, in Ecclesia vel Oratorio publico ac principali sepulcreti, immo et in quolibet Sacello sepulcreti rite erecto vel erigendo, Missæ quæ ibi celebrari permittuntur, possunt esse de Requiem; dummodo non occurrat Dominica, aut Festum de præcepto, licet suppressum, Totum Duplex I vel II classis, etiam translatum, aut aliqua ex Feriis, Vigiliis vel Octavis privilegiatis. Hoc tamen privilegium non favet aliis Ecclesiis vel Capellis extra cœmeterium, subter quas, licet ad legitimam distantiam, alicujus Defuncti cadaver quiescit; neque Ecclesiis, Oratoriis publicis et Sacellis sepulcreti, in quo olim cadavera sepeliebantur, quod sepulcrum tamen qualibet ex causa derelictum est, ita ut Defuncti sepeliri in eo non amplius soleant; neque Ecclesiis, quæ licet circumiacens habeant cœmeterium, tamen adjunctum chorale onus, aut curam animarum adnexam habent.

8. Missæ quotidianæ Defunctorum quæ celebrantur in cantu, permittuntur singulis diebus in quibus non fiat Officium Totum Duplex vel Duplex, neque occurrat Dominica, licet resumpta vel quoad Missam translata, aut aliqua ex Feriis, Vigiliis vel Octavis privilegiatis. Missæ vero quotidianæ Defunctorum sine cantu, iis tantum permittuntur diebus in quibus fiat Festum Semiduplex, Simplex, de die infra Octavam solemnem et simplicem, de Feria VI post Octavam Ascensionis, de Feria majori Adventus, de sancta Maria in Sabbato, de Festo trium Lectionum et de Feria minori per annum; dummodo Octavæ privilegiatæ, Feriæ Quatuor Temporum, Feriæ Rogationum, Feriæ Antiphonarum majorem a die 17 ad 23 Decembris inclusive, aliqua Vigilia, aut dies octava Solemnis, Simplex vel trium Lectionum non occurrant, nec primo resumenda sit Missa alicujus Dominicæ impeditæ. In Quadragesima, Missæ quotidianæ Defunctorum sine cantu permittuntur prima tantum die cujusque hebdomadæ libera, in qua nempe, extra Quatuor Tempora et Vigiliis, fiat de Festo Semiduplici vel Simplici aut de Feria

non privilegiata, juxta Kalendarium Ecclesiæ in qua Missa celebratur.

9. Quælibet tamen Missa Defunctorum, etiam in die aut pro die obitus, in Ecclesiis ubi habeatur expositio SS. Sacramenti, prohibetur toto expositionis tempore, præterquam Missæ de Commemoratione Omnium Fidelium Defunctorum. Prohibetur insuper quoties urgeat obligatio Missæ cujuslibet conventualis vel parochialis, cui per alios Sacerdotes satisfieri nequeat; item in Ecclesiis unam tantum Missam habentibus prohibetur die 2 Februarii, Feria IV cinerum, Dominica Palmarum et in Vigilia Pentecostes, si respective fiat benedictio Candelarum, Cinerum, Palmarum aut Fontis baptismalis, et in diebus Litaniarum, si fiat Processio.

VII — DE OCCURRENTIA ET DE TRANSLATIONE FESTORUM

1. Si Festum Patroni principalis, aut Tituli vel Dedicationis propriæ Ecclesiæ, aut etiam Tituli vel Sancti Fundatoris Ordinis seu Congregationis, per accidens impediatur, de eo in sua die permittitur una Missa in cantu, vel Memoria in Missa cantata diei currentis, quamvis conventuali, juxta ea quæ de Missis votivis solemnibus tit. V, num. 4, habentur.

2. Idem etiam servatur in Ecclesiis, ubi cum magno populi concursu, cujus rei judex est loci Ordinarius, celebratur Festum quod transferri aut commemorari vel accidentaliter omitti debeat, aut de Mysterio, Sancto vel Beato, cujus mentio illa die fiat in Martyrologio, vel in ejus appendice pro respectivis Ecclesiis approbata. Hujusmodi tamen Missa dicenda est cum Memoria, quæ respondeant ritui Toti Duplici I vel II classis, si sub hoc ritu Festum in proprio Kalendario fuerit inscriptum; secus cum omnibus Memoria ritui Toti Duplici communi et Duplici congruentibus, juxta Rubricas.

3. In Dominicis minoribus per annum, in Ecclesiis et Oratoriis publicis aut semipublicis, ubi reponatur solemnitas externa Festi Patroni principalis, aut Tituli vel Dedicationis propriæ Ecclesiæ, aut etiam Tituli vel Sancti Fundatoris Ordinis seu Congregationis, quod infra præcedentem hebdomadam occurrerit, cani potest Missa de solemnitate translata, et de ea pariter legi potest unica Missa, nisi occurrat Totum Duplex I classis. Quod si solemnitas externa transferenda sit in Dominicam majorem, aut in Dominicam, ut supra, impeditam, Missæ de solemnitate externa prohibentur; sed in Missa cantata diei currentis, etsi conventuali, et in altera lecta, fit Memoria de solemnitate externa, juxta normas pro Missis votivis solemnibus traditas tit. V, num. 4.

4. De Festis Totis Duplicibus communibus, Duplicibus aut Semiduplicibus et Simplicibus, quæ perpetuo vel accidentaliter impediuntur, dici possunt Missæ etiam privatæ ad libitum Sacerdotis; dummodo Officium impediens non fuerit Totum Duplex I vel II classis, Dominica quævis, licet resumpta vel quoad Missam translata, Octava Epiphaniæ, Paschæ, Pentecostes et Corporis Christi, dies Octava Nativitatis et Ascensionis Domini, vel aliqua ex Feriis aut Vigiliis privilegiatis.

5. Singulis diebus, in quibus non occurrat Officium Totum Duplex, Duplex, Dominica quævis, licet resumpta vel quoad Missam trans-

lata, Octava privilegiata, Feria Quadragesimæ a die Cinerum, Passionis, Quatuor Temporum et Rogationum, aut qualibet Vigilia, dici possunt, ritu festivo, Missæ etiam privatæ de quovis Officio ad Laudes commemorato aut de Mysterio, Sancto vel Beato, cuius mentio illa die fiat in Martyrologio, vel in ejus appendice pro respectivis Ecclesiis approbata; salvis amplioribus privilegiis quæ in præsentis tit. VII, num. 1-4, ac tit. V, num. 8, sunt indicata.

6. Omnes et singuli Sacerdotes, tam sæculares quam regulares, Missas, etsi Regularium proprias, omnino celebrant juxta Kalendarium Ecclesiæ, vel Oratorii publici, in quo celebrant; exclusis tamen peculiaribus ritibus Ordinum et Ecclesiarum propriis. Idem servetur in Oratorio semipublico, sive in Capella principali Seminariorum, Collegiorum, piarum Communitatum, Hospitalium, Carcerum et similium. Si vero, juxta Kalendarium Ecclesiæ aut Oratoriorum præfatorum, Missæ votivæ vel aliæ permittantur, easdem celebrare valeant, servatis Rubricis et Decretis.

VIII — DE MEMORIIS

In faciendis memoriis servetur ordo, ut in Officio diei et in Rubricis Breviarii statuitur.

1. In omnibus Dominicis, in quibus facta fuerit Memoria Festi Totius Duplicis aut Duplicis, vel Octavæ privilegiatæ aut diei octavæ Solemnis, in Missa Dominicæ omittenda est tertia Oratio.

2. In Vigilia Pentecostes et in Dominica Palmarum nihil fit in Missa de quolibet Officio ad Laudes commemorato. Item in Festis I classis ad Missam conventualem vel cantatam nihil fit de Totis Duplicibus communibus et infra, vel de Octavis non privilegiatis in Laudibus commemoratis, neque in Festis II classis de Festis Trium Lectionum vel de Octavis Trium Lectionum aut Solius Memoræ. Sed de his omnibus Memoria fit tantum in Missis privatis. De festis autem Domini in quavis Dominica minore vel in Vigilia Epiphaniæ occurrentibus fit memoria etiam in missis cantatis vel conventualibus Totius Duplicis I. classis, si facta fuerit in Officio.

3. Ubi una tantum Missa habeatur et obligatio Missæ conventualis non urgeat, in Missis votivis solemnibus pro re gravi et publica simul causa et in Missis de Toto Duplici I classis impedito, quod cum magno populi concursu juxta tit. VII, num. 2, celebratur, et in Missis de solemnitate externa Totius Duplicis item I classis in Dominicam, juxta eundem tit. VII, num. 3, translata, fit tantum Memoria de Toto Duplici II classis, de Dominica quavis, etiam anticipata, et, ante memoriam Dominicæ minoris vel Vigiliæ Epiphaniæ, de quolibet festo Domini occurrente, de Feria majori, de Rogationibus et de aliqua ex Vigiliis aut Octavis privilegiatis. In Missa autem de Toto Duplici II classis impedito, quod cum magno populi concursu, juxta tit. VII, num. 3, celebratur, et in Missis de solemnitate externa Totius Duplicis item II classis in Dominicam translata, fiunt omnes Memoræ ea die occurrentes præterquam de die infra Oct. non privilegiatam et de Festo vel die Octava trium Lectionum. Ubi vero plures habeantur Missæ cantatæ aut conventuales, in Missa diei vel si non habeatur, in prima earum dicuntur omnes Memoræ occurrentes, et in

Missis votivis solemnibus etc. supra recensitis una tantum dicitur Oratio.

IX — DE OFFICIO, SEU INTROITU MISSÆ, KYRIE ELEISON, ET GLORIA IN EXCELSIS DEO

1. **I**ntroitus Missæ, et Versus cum Gloria Patri, semper eodem modo dicuntur, semperque post Gloria, repetitur Introitus usque ad Versum, præterquam in Missa pro Defunctis, et a Dominica Passionis usque ad Cenam Domini inclusive, quando de Tempore Missa celebratur, in quibus Gloria Patri omittitur, et post Versum immediate Introitus repetitur. Kyrie eleison post Introitum dicitur alternatim cum ministro, scilicet ter Kyrie eleison, ter Christe eleison, et ter Kyrie eleison.

2. Gloria in excelsis Deo dicitur solum quotiescumque in Officio ante Laudes dictum fuerit Te Deum laudamus, præterquam in Cena Domini, et Sabbato sancto, in quibus dicitur etiam Gloria in excelsis, licet in Officio non fuerit dictum Te Deum laudamus. Item in Missis votivis, conventualibus, juxta tit. V, num. 1 ex privilegio in Ordine nostro per hebdomadam dici solitis, extra tamen Septuagesimam. In aliis vero Missis de Vigilia, vel quacumque Feria habente propriam Missam, quamvis celebrentur diebus, quibus in Officio dictum est Te Deum laudamus, non dicitur Gloria in excelsis, sed conformiter ad proprium ritum dicuntur: secus vero si Missa Dominicæ resumatur illis diebus, quia fuit impedita, vel Missæ votivæ privatæ dicantur: quia illæ conformantur ritui diei, de quo factum est Officium. Immo in Missis votivis solemnibus pro re gravi et publica simul causa dicitur Gloria in excelsis Deo etiam in diebus Feriarum.

X — DE NUMERO, ET ORDINE ORATIONUM ORDINARIE DICENDARUM, PRÆSERTIM IN MISSA CONVENTUALI

In missa conventuali tres Orationes tantum dicuntur, nisi plures memoriarum necessitas exigat, quo casu tot Orationes dicuntur, quot memoræ in Laudibus dictæ fuerint, et eodem ordine.

1. In Missis conventualibus et privatis ritus Semiduplicis et infra (etiam ferialibus) et in Missis votivis, quæ pro re gravi et publica simul causa non sint, nisi facta fuerit Memoria Totius Duplicis, Duplicis vel Octavæ solemnis, Orationes ad supplendum numerum ternarium sumantur ex I Dominica respectivi temporis modo sequenti:

a) Tempore Adventus, quando Memoria facta fuerit, 3^a Oratio erit de B. M. V. Deus qui de beatæ Mariæ, nisi dicenda occurrat Memoria B. Mariæ V., quia tunc 3^a Oratio erit Deus qui caritatis;

b) A die 2 Januarii usque ad diem oct. Epiphaniæ exclusive quotidie (præterquam in festo S. Familiæ) post alias Memorias dicitur Oratio B. M. V. Deus qui salutis. Die 4 Januarii 2^a Oratio erit de B. M. V., 3^a pro Papa. In Vigilia Epiphaniæ dicuntur Orationes ut in Missali.

c) Tempore Paschali usque ad Vigiliam Ascensionis inclusive, quando Memoria facta fuerit, 3^a Oratio erit de Cruce Deus qui pro

nobis Filium, quæ, utpote in Laudibus dicta, etiam addenda est, si plures Memoriarum dicenda occurrant;

d) Ab Octava Epiphaniæ usque ad Feriam V. in Cena Domini et ab Octava Cordis Jesu usque ad Adventum, quando Memoria facta fuerit, 3^a Oratio erit *A cunctis*, nisi dicenda occurrat Memoria de B. Maria V. vel de Omnibus Sanctis, quia in hoc casu 3^a Oratio erit ad libitum, Tempore vero Septuagesimæ usque ad Cenam Domini *Deus, qui caritatis*;

e) Prædictis diebus, quando duæ vel plures Memoriarum factæ fuerint, nulla Oratio ex Dominica addenda est, exceptis casibus sub b) et c) notatis. Si vero nulla Memoria dicenda occurrat, 2^a et 3^a Oratio sumuntur ex I Dominica respectivi temporis; tunc vero in Missis votivis B. Mariæ V. (in Sabbato) loco 2^æ vel 3^æ Orationis de B. Maria V. vel *A cunctis*, sumitur Oratio *Ecclesiæ*, num. 7.

f) In Vigiliis privilegiatis Nativitatis D. N. J. C. et Epiphaniæ Orationes dicuntur ut in Missali. Dominica in Ramis Palmarum et in Vigilia Pentecostes una tantum dicitur Oratio, etiam quæ ad Laudes facta fuerit Memoria.

g) In Missis votivis, quæ pro re gravi et publica simul causa non sint, secundo loco semper addatur Memoria Officii diei nisi huic præponenda sit Memoria a Missa inseparabilis;

h) Quando duæ Missæ conventuales occurrunt, etiam adhibentur prædictæ Orationes ad supplendum numerum ternarium, quamvis tunc eadem in utraque Missa forsitan dicenda sint.

2. In anniversario propriæ ordinationis sacerdotalis a die fixa mensis computando, si Vigilia Nativitatis vel Pentecostes, Dominica Palmarum aut Totum Duplex I classis non occurrerit, secus autem in proximiori sequenti die, quæ a Toto Duplici item I classis sit libera, cuius Sacerdoti licet, extra Missas Defunctorum, et post Orationes a Rubricis præscriptas, addere Orationem pro seipso Sacerdote, ut inter Orationes diversas.

3. Orationes seu Collectæ ab Ordinario imperatæ numquam plures sint quam duæ; æque ponuntur, et numquam sub unica conclusione cum Oratione Missæ, ultimo loco post Orationes a Rubricis præscriptas, vel loco Orationis ad libitum pro diversitate Temporum assignatæ, quoties nempe tertia Oratio ad libitum sit eligenda. Omitti tamen debent, propter respectivam Missam vel Memoriam, in omnibus Totis Duplicibus I et II classis, in Dominicis majoribus, in Feriis, Vigiliis et Octavis privilegiatis, in Missis votivis pro re gravi et publica simul causa vel ad instar solemnium, ut supra, celebratis, et quoties in Missa, juxta Rubricas, jam quatuor dictæ sint Orationes; quinimmo Collectæ pro Defunctis omitti insuper debent Tempore Paschali, et in omnibus Missis quæ de Officio Simplicis et supra, aut eorum Memoria celebrantur. Et, si jussu fuerit Oratio contra persecutores Ecclesiæ vel pro Papa, in diebus in quibus alterutra a Rubricis præscribitur, unica Oratione utrumque adimpletur præceptum. Si tamen, jubente Ordinario, hujusmodi Collectæ fuerint dicenda pro re gravi, omittuntur tantum in Vigiliis Nativitatis et Pentecostes, in Dominica Palmarum, et in omnibus Totis Duplicibus I classis. Quod si expresse eæ ordinentur etiam in Totis Duplicibus I classis,

tunc omittuntur in Nativitate Domini, Epiphania Domini, Feria V. in Cena Domini, Sabbato Sancto, Dominica Resurrectionis, Ascensione Domini, Pentecoste, Festo SS. Trinitatis, Festo SS. Corporis Christi, SS. Cordis Jesu et D. N. J. Christi Regis.

4. Ordo autem in dicendis hujusmodi Collectis, præter Collectam pro Defunctis, penultimo semper loco inter Orationes etiam ad Celebrantis libitum permissas collocandam, est sequens: Prius ponitur Collecta dicenda pro re gravi, si habeatur. Si vero ambæ Collectæ sint jussæ pro re gravi, prius ponitur, juxta ordinem Litaniarum, Collecta de aliquo Mysterio vel Sancto, quæ præcepta fuerit; postea quæ desumenda sit ex Missis votivis diversis vel ex Orationibus quæ in fine Missalis habentur, servato, si ambæ sint hujusmodi, eodem ordine quo in Missali prostant.

5. In omnibus Missis lectis, Missa quidem conventuali excepta, quæ in die ritus 3 Lectio-num, extra Ferias majores privilegiatas, vel de occurrenti Officio celebrentur, vel ex votivis pro re non gravi nec publica simul causa eligantur, plures dici possunt ad Celebrantis libitum Orationes; cauto tamen semper ut Orationes hujusmodi: 1) post Orationes a Rubricis præscriptas et Collectas ab Ordinario imperatas locum habeant; et cum eis septenarium numerum non excedant, atque imparum præterea numerum retineant vel inducant; 2) inter se illum ordinem servent qui supra, num. 4, pro duabus Collectis, cum ambæ sint pro re gravi aut non gravi, est præfinitus.

XI — MODUS TERMINANDI ORATIONES

1. QUOTIESCUMQUE autem dicuntur plures Orationes, prima tantum, et ultima cum sua peroratione, seu conclusione terminantur; et ante primam, et secundam Orationem tantum dicitur *Oremus*; et ante primam dicitur etiam *Dominus vobiscum*, nisi aliter notetur, et præterquam in Secretis, loco cujus ante primam secretam dicitur *Domine exaudi orationem meam*.

2. In peroratione, seu conclusione Orationum servetur hic modus terminandi: Si Oratio dirigatur ad Patrem, concluditur *Per Dominum nostrum*; et si ad Filium, *Qui vivis et regnas cum Deo Patre*; si in principio Orationis fiat mentio Filii, terminatur *Per eundem Dominum nostrum*; si in fine Orationis fiat ejus mentio, terminatur *per Qui tecum vivit*; si in Oratione facta fuerit mentio Spiritus Sancti, terminatur *in unitate ejusdem Spiritus Sancti*; denique si fiat mentio B. Mariæ, dicendo *Dei Genitricem*, in fine terminatur *Per eundem Dominum, vel Qui tecum vivit*.

XII — DE ORATIONE IN MISSIS DEFUNCTORUM

1. In omnibus Missis quæ tit. VI. num. 3-7 recensentur, et quodcumque pro Defunctis solemniter, nempe sub ritu qui Duplici respondet, celebratur, una tantum dicitur Oratio; in reliquis tres dicuntur ordine infra posito num. 4 et sequentibus.

2. In die obitus. seu depositionis Defuncti et opportuniore die post acceptum mortis nuntium si Papa fuerit, Oratio erit, *Deus, qui inter*

summos, quæ Oratio dicitur etiam in ejus Anniversario. Si Episcopus, vel Sacerdos, **Deus, qui inter apostolicos**, nisi quod pro Episcopo dicitur pontificali, pro Sacerdote sacerdotali. Si vero alius fuerit vel alia, Oratio erit **Deus, cui proprium**.

3. In die tertio, septimo, et trigesimo depositionis Defuncti, si fuerit Papa, vel Episcopus, vel Sacerdos, Oratio erit pro die obitus num. 2 notatum est. Si vero alius fuerit vel alia, Oratio erit **Quæsumus Domine, ut anlmæ**.

4. Si pro aliquo uno Defuncto specialiter celebratur extra diem obitus vel depositionis, si fuerit Papa vel Episcopus, vel Sacerdos, prima Oratio erit ut in die obitus ipsorum, secunda **Deus, veniæ largitor, tertia Omnipotens semperne Deus, qui vivorum**. Si vero alius fuerit, prima, si vir, **Inclina, Domine**; si femina **Quæsumus, Domine, pro tua**; secunda et tertia non mutantur.

5. Si pro omnibus Defunctis generaliter celebratur, prima Oratio erit **Fidelium Deus**, secunda et tertia ut supra num. 4. Si vero pro pluribus tantum, prima Oratio erit **Animabus, quæsumus, vel Propitiare, quæsumus**; secunda et tertia non mutantur. Si autem ignoretur pro quo vel pro quibus celebrandum sit, prima Oratio erit **Deus, qui inter Apostolicos**; secunda et tertia non mutantur.

6. Si prima die cujusque hebdomadæ juxta Rubricas, tit. VI. num. 2. non impedita, pro fratribus, familiaribus, et benefactoribus celebratur, prima Oratio erit **Deus, veniæ largitor**, secunda **Deus, qui nos Patrem**, tertia non mutabitur.

7. In quatuor Anniversariis in Ordine nostro singulis annis dici solitis, prima Oratio erit **Deus Indulgentiarum**, in plurali numero; secunda et tertia ut supra num. 4, præterquam in duobus, in quibus secunda Oratio in mense Februario erit **Deus, qui nos Patrem**, et in mense Julio secunda erit **Deus, cujus miseratione**, tertia vero non mutatur.

8. Si autem simul venerit dies obitus, seu depositionis Defuncti, et Anniversarium, prima Oratio dicitur pro præsentis Defuncto, secunda pro Anniversario.

9. Si in die Animarum celebranda sit Missa exsequialis corpore præsentis, hæc erit prima de Commemoratione omnium fidel. defunct., addita sub una conclusione Oratione pro defuncto ut in die obitus.

XIII — DE EPISTOLA, GRADUALI SEU RESPONSORIO, ALLELUIA, TRACTU ET SEQUENTIA, AC DE EVANGELIO

1. **P**ost ultimam Orationem dicitur Epistola, qua finita, nihil respondetur a ministris. Post Epistolam dicitur semper Graduale, quod apud nos vocatur Responsorium, præterquam a Sabbato Dominicæ in Albis inclusive usque ad Octavam Pentecostes, cujus loco, toto isto tempore, tam in Missis de Tempore, quam de festis quibuscumque, dicuntur duo Versus cum quatuor **Alleluia**, hoc ordine : ante primum Versum, duo dicuntur **Alleluia**, et post Versum aliud **Alleluia** : deinde secundus Versus, et post Versum aliud **Alleluia**. Quando vero dicitur Sequentia, non dicitur post ultimum Versum **Alleluia**, sed post Sequentiam. Excipiuntur tamen festa trium Lectionum, et Vigilia Ascensionis,

et dies feriales, in quibus dicitur tantum semel **Alleluia** ante unicum Versum, et semel post Versum : qui Versus in Missis de Feris ex duobus positus pro Dominica alternatim desumi debet.

2. Excipiuntur etiam Missæ Rogationum, in quibus dicitur unum tantum **Alleluia** ante Versum, et post non repetitur.

3. Similiter post quamlibet Lectionem in quarta Feria, et Sabbato Quatuor Temporum Pentecostes dicuntur **Alleluia** eo modo, quo ibidem signantur.

4. A festo vero sanctissimæ Trinitatis inclusive usque ad Septuagesimam exclusive, dum dicitur Responsorium, dicuntur tria **Alleluia** bis ante ultimum Versum, et semel post Versum, (si autem dicitur Sequentia, fiat ut supra) et hoc tam in Dominicis, quam in omnibus Festis, et Octavis, et Missis votivis, ex privilegio, vel consuetudine in Ordine nostro per hebdomadam dici solitis.

5. In festis autem trium Lectionum duo tantum **Alleluia** dicuntur cum unico Versu post Responsorium, semel ante Versum, et semel post Versum.

6. In Feriis vero totaliter omittuntur, uti etiam in Missa Dominicæ, quæ dicitur prædictis ferialibus diebus, et in festo Innocentium, quando non cadit in Dominicam : item in Quatuor Temporibus et Vigiliis, quocumque die celebrentur, exceptis Vigilia Nativitatis Domini, si occurrerit in Dominica, et Vigilia Epiphaniæ, quocumque die occurrerit, in quibus **Alleluia** dicuntur eo modo, quo appositum est in illis Missis.

7. A Septuagesima vero usque ad Sabbatum Paschæ exclusive, tam de Tempore, quam de Festis, nullum dicitur **Alleluia** : sed post Responsorium, et unicum Versum, omisso **Alleluia**, et Versu sequenti, dicitur Tractus, præterquam in festis trium Lectionum, in quibus numquam dicitur, et in Missis Dominicæ, quas infra Septuagesimam usque ad Feriam quartam Cinerum in diebus ferialibus dici contingat. Excipiuntur etiam quædam Feriæ infra diem Cinerum, et Quadragesimam, in quibus Tractus non apponitur. Insuper dicitur etiam multiplex Tractus Sabbato Sancto et in Vigilia Pentecostes post Lectiones, ut ibidem assignatur : item in Sabbatis Quatuor Temporum Adventus, et Septembris.

8. Quandocumque autem Tractus dicitur, numquam dicitur Sequentia (nisi in Compassione B. Virginis Mariæ); dicitur autem hæc illis diebus, in quibus apponitur dicenda.

9. Sequentia vero pro Mortuis dicitur in omnibus Missis cum unica Oratione, et in Missis quotidianis in cantu et conventualibus; in aliis Missis quotidianis lectis dici vel omitti potest ad libitum Celebrantis.

10. Dicto Responsorio, vel **Alleluia**, vel Tractu, vel Sequentia, dicitur Evangelium, in cujus principio præmittitur : **Dominus vobiscum. R. Et cum spiritu tuo. Deinde : Sequentia sancti Evangelii secundum, etc. R. Gloria tibi Domine**. Post Evangelium dicitur **Credo** si tamen dicendum est, prout notatur Tit. sequenti.

XIV — QUANDO DICENDUM EST CREDO IN MISSA

CREDO, quod vocatur Symbolum Apostolorum, dicitur in Nativitate Domini ad omnes Missas, et quotidie per Octavam, etiam in festis

Sanctorum : In Circumcisione Domini : In die Epiphaniæ, et per Octavam : Feria quinta in Cena Domini : In die Paschæ, et per Octavam : In Ascensione, et per Octavam : In die Pentecostes, et per Octavam : In die SS. Corporis Christi, et per Octavam : In festo SS. Cordis Jesu et per Octavam : In omnibus Dominicis per annum, etiamsi in illis fiat de Festo, in quo alias non diceretur : In omnibus festis B. Mariæ : In festis duodecim Apostolorum, et Evangelistarum, et in die octava SS. Apostolorum Petri et Pauli : In utraque Cathedra S. Petri, et in festo S. Petri ad Vincula : In festis Conversionis, et Commemorationis S. Pauli Apostoli : In festo S. Joannis ante portam Latinam : In festo S. Barnabæ Apostoli : In festis Inventionis, et Exaltationis S. Crucis : In festis SS. Nominis Jesu et S. Familiæ : In festo Coronæ Domini : In festo Pretiosissimi Sanguinis : In Transfiguratione Domini : In festis Angelorum : In utroque festo S. Joseph, Sponsi B. Mariæ Virginis : In festo S. Mariæ Magdalene : In triplici festo B. Dominici P. N. In singulis festis Sanctorum canonizatorum Ordinis nostri : In triplici festo S. Catharinæ Senensis : In festo principali S. Francisci Assisiani : In festis Doctorum Ecclesiæ, ut Augustini, Hieronymi, Gregorii Papæ, Leonis Magni, in festo S. Ambrosii, in utroque festo S. Thomæ de Aquino, et in festo S. Bonaventuræ : additis festis S. Hilarii, S. Francisci Salesii, S. Petri Damiani, S. Isidori, S. Anselmi, S. Bedæ Venerabilis, S. Alphonsi Mariæ de Ligorio, et S. Bernardi : Item in festis Doctorum Joannis Chrysostomi, Athanasii, Cyrilli Alexandrini, Cyrilli Hierosolymitani, Joannis Damasceni et Ephræm Syri, Gregorii Nazianzeni, et Basilii : In festo Omnium Sanctorum : In Dedicatione SS. Salvatoris, et SS. Apostolorum Petri et Pauli : In festo Dedicationis propriæ Ecclesiæ, et in Anniversario ejusdem : In die Consecrationis Ecclesiæ vel Altaris : In die Creationis, et Coronationis summi Pontificis : In singulis festis Patronorum loci, vel Tituli Ecclesiarum nostrarum; et in ipsa Ecclesia, ubi habetur Corpus, vel insignis Reliquia Sancti, de quo Missa celebratur. Item si aliqua Missa in die, qua cantari debet Credo occurrerit celebranda, nisi fuerit pro Defunctis, aut de Vigilia Sancti. Aliis vero diebus non dicitur, nisi in Missis solemnibus Votis vel quacumque Feria habente propriam Missam, quæ pro re gravi, et publica simul causa, aut necessitate celebrantur.

XV — DE OFFERTORIO, SECRETIS, PRÆFATIONIBUS, ET CANONE

1. **P**ost Credo, vel si non sit dicendum, post Evangelium, dicitur Dominus vobiscum. Oremus. Deinde dicitur Offertorium : postea fit oblatio cum Oratione, ut in modo dicendi Missam notatur. Oblatione facta, et Oratione post ablutionem digitorum finita cum Oratione, dicuntur Orationes secretæ, secundum numerum Orationum, quæ clara voce in principio Missæ dictæ sunt; et ante primam Orationem non dicitur Dominus vobiscum, sed Domine exaudi orationem meam : et clamor meus ad te veniat, et Oremus. Ante secundam vero dicitur tantum Oremus. Terminatur autem prima, et ultima Oratio eo modo, quo supra dictum est in Rubrica de Orationibus, et secreto dicendæ

sunt usque ad illa verba : Per omnia sæcula sæculorum, quæ clara voce dicuntur, et immediate simili voce incipitur, et prosequitur Præfatio.

2. Præfationes dicuntur, sicut de ordine servando in Missis præscriptum est in propriis locis, et quæ in Quadragesima, tempore Passionis, et Paschali, et infra Octavas propriæ assignantur, dicuntur etiam in Festis, quæ illis temporibus celebrantur, nisi illa Festa propriam Præfationem habuerint. Præfationes vero Octavarum solemnium numquam in Missa Dominicæ dicuntur, nisi quæ infra hebdomadam resumitur. Si infra Octavam alicujus Festi propriam Præfationem habentis occurrerit aliud Festum majus, carens propria Præfatione, dicitur etiam Præfatio de Octava. Similiter in Missis votivis dicitur Præfatio propria, si propriam habeant : Si autem non habuerint, dicitur Præfatio de Tempore, vel Octava, infra quam contigerit hujusmodi Missas celebrari : alias dicitur Præfatio communis. In omnibus Dominicis, extra Quadragesimam, tempus Paschale, et Octavas solemnissimas, dicitur Præfatio de Trinitate. In Missa Dominicæ infra hebdomadam resumenda dicitur Præfatio Octavæ vel communis. Et quando aliqua Missa votiva pro causa publica celebratur, dicatur in cantu solemniter, ut in Toto Duplici. In Missis Defunctorum quocumque tempore semper dicatur Præfatio propria.

3. Post Præfationem incipit Canon Missæ secreto dicendus, in quo servantur omnia ut in Ordine Missæ. Ubi vero infra Memento Communicantes et Hanc igitur, vel alia variari contingit, suo loco in propriis Missis adnotatur.

XVI — DE COMMUNIONE, ORATIONIBUS POST COMMUNIONEM, ITE MISSA EST, VEL BENEDICAMUS DOMINO; DE BENEDICTIONE ET EVANGELIO S. JOANNIS

1. **A**BSOLUTO Canone, et aliis omnibus usque ad communionem, ea peracta, dicuntur Communio, et Orationes post communionem eo modo, et ordine, ut in principio Missæ : et finita ultima, repetitur Dominus vobiscum. **R.** Et cum spiritu tuo : et postea dicitur *Ite Missa est, vel Benedicamus Domino*, pro temporis exigentia. *Ite Missa est* dicitur quotiescumque dictum est Gloria in excelsis. Et dum non dicitur, ejus loco dicitur *Benedicamus Domino*. **R.** Deo gratias. In Missis Defunctorum dicitur *Requiescant in pace*. **R.** Amen. Deinde dicto Placeat, datur benedictio, quæ a Celebrante semper datur in Missa, præterquam in Missis Defunctorum.

2. Deinde præmisso Dominus vobiscum, et **R.** Et cum spiritu tuo, legitur Evangelium S. Joannis In principio, præmisso Initium Sancti Evangelii, etc.

Notandum quod Evangelium In principio erat Verbum semper dicatur in fine cuiuslibet Missæ, nisi ad tertiam Missam Natalis Domini, loco cuius dicitur Evangelium Cum natus esset Jesus, et nisi in diebus ferialibus per totam Quadragesimam, quando Missa non est de Feria, excepta Missa conventuali, quia tunc dicitur Evangelium de Feria currente : et in Dominica Palmarum in Missis privatis legitur Evangelium, quod ponitur post Benedictionem palmarum : et quando in Dominicis de alio festo, quam de Dominicis celebratur; quia tunc in fine dicen-

dum est Evangelium de Dominica, excepta Dominica quarta Adventus, (si in eam incidat Vigilia Nativitatis Domini) cujus tunc in fine non legitur Evangelium; item ultimum Evangelium dicitur de Dominica in omnibus Missis, in quibus facta fuerit memoria Dominicæ anticipatæ; similiter in Feriis Quatuor Temporum Septembris, Adventus, et in diebus Rogationum, quando de festo aliquo celebratur, vel Missa votiva legitur, in fine dicitur Evangelium de Feria, nisi quando in Feria iv. Quatuor Temporum Adventus dicitur Missa aliqua B. Mariæ, quæ habeat idem Evangelium ac illud dictæ Feriæ iv.; in Vigiliis vero Sanctorum, quæ occurrunt in Festis, vel Quatuor Temporibus, non legitur Evangelium Vigiliæ in fine Missæ. In Missis autem Defunctorum semper legitur Evangelium in principio.

XVII — DE ORDINANDA MISSA
CONFORMITER AD PRÆDICTAS RUBRICAS

HABITA supradictarum Rubricarum notitia, si celebraturus velit Missam diei ordinare, recurat ad Ordinarium Missarum de Tempore, vel de Sanctis, secundum qualitatem temporis; si propriam non habeat, recurat ad Commune Sanctorum. Si de Feria agendum sit, et propriam Missam non habuerit, dicatur Missa præcedentis Dominicæ, omissis Gloria in excelsis et Credo, et uno Versu post Responsorium cum Alleluia: Præterquam tempore Paschali, in quo, in præfatis diebus, dicitur unicus Versus cum duobus Alleluia, ut supra notatum est. Si Missa votiva debeat dici, requiratur post Commune Sanctorum suo loco. Si plures Orationes dicendæ sint, requirantur ante et post Proprium Sanctorum et post Missas votivas, suo loco, de singulis rebus singulæ. Si pro Defunctis celebranda sit Missa, habetur post Missas votivas, cum Orationibus diversis circa finem Missalis.

XVIII — DE HORA CELEBRANDI MISSAM

MISSA privata quacumque hora diei ab aurora usque ad meridiem dici potest. Missa vero conventualis et major a festo Resurrectionis Domini usque ad festum Exaltationis sanctæ Crucis exclusive dicatur post dictam a Choro Tertiam; præterquam in sextis feriis, in Quatuor Temporibus infra Octavam Pentecostes, et in Vigiliis, in quibus jejunatur, quamvis sint dies solemnes, in quibus Missa debet cantari post Sextam. A festo autem Exaltationis S. Crucis usque ad diem Cinerum exclusive cantari semper debet post Sextam; et a die Cinerum usque ad Dominicam Resurrectionis cantanda est post Nonam, præterquam in Dominicis, in quibus per totum annum cantatur Missa post Tertiam.

XIX — DE UNIFORMITATE SERVANDA
CIRCA MISSÆ CELEBRATIONEM

CÆREMONIÆ omnes Ordinis nostri tam in altari, quam in choro, et in divino Officio conformiter et uniformiter ab omnibus observentur. Unde in Missa, tam privata, quam communi, nihil quod notatum non est in præfato nostro Ordinario interponatur, nec in principio, nec in fine: caveantque omnes, ne privato spiritu quidquam Missæ, aut Officio nostro addant, detrahant, transponant, immutent, seu in verbis, seu in Ritu, secreto, aut clara voce.

XX — DE ALTARI, ET ALIIS
REQUISITIS AD SACRIFICIUM

1. ALTARE, in quo sacrosanctum Missæ sacrificium celebrandum est, debet esse lapideum, et ab Episcopo, sive Abbate a sede Apostolica facultatem habente consecratum: vel saltem ara lapidea perpolita (quæ vocatur altare portatile) similiter ab Episcopo, vel Abbate, ut supra, consecrata, integra, aut non pro majori parte fracta; sed tam ampla sit, ut hostiam, et majorem partem calicis capiat: quæ quidem mensæ altaris apte inseratur, atque ita, ut infra utrumque mensæ cornu in medio collocata ab ipsius fronte non longius distet spatio circiter palmi. Sic vero illa inserta sit altari, ut e mensæ superficie paululum aliquid exstet, quo Celebrantis tactu dignosci possit.

2. Altaris vero mensa, maxime consecrata, decenter ornata et munda sit, tribusque mappis lineis et mundis, ab Episcopo, vel ab alio habente potestatem benedictis strata, superiori saltem oblonga, quæ usque ad terram pertingat, duabus aliis brevioribus, vel una duplicata; quæ etiam habeant coopertorium coriaceum, vel ex grossiori et colorata tela, quod a pulvere, et ab aliis immunditiis ipsas mappas præservet.

3. Super altare collocetur crux Christi crucifixi in medio, et candelabra saltem duo cum candelis accensis hinc et inde, in utroque ejus latere: et ad pedem crucis ponatur tabella, continens formas consecrationis.

4. In cornu Epistolæ pulvinar seu cussinus supponendus Missali apponatur; et ab eadem parte ponatur cereus ad consecrationem et elevationem Sacramenti accendendus, et teneatur a ministro accensus usque ad communionem peractam.

5. Sit etiam a cornu Epistolæ parva campanula, qua aliquot ictibus admoneatur populus ante elevationem.

6. Ampullæ vini et aquæ, non ex aurichalco, aliove impuro metalli genere, sed ex argenteo, aut stamno, vel potius et crystallo, aut vitro perlucido: ab omni etiam parte sordibus puræ, et suo quæque operculo stamneo, argenteove apte contactæ sint: et cum pellicula, et manutergio mundo ab eodem cornu in fenestella, seu in parva mensa ad hoc præparata collocentur. Super altare autem, vel sub ipso nihil omnino ponatur, seu recondatur, quod ad Missæ sacrificium, vel ad ipsius altaris ornatum non pertineat.

7. Altarium mappæ, nec non et strophili, ac alia ad usum altarium et Sacerdotum deputata sæpe laventur: sintque purificatoria alba, et bene nitida.

8. Corporalia e tela lineæ, pura et candida sint, simplicia, nihil elaborata, nulla in parte rupta, et nihil serici intextum habeant; acus opere simplici punctim solum retorta sint. Eadem non notabiliter parva, aut magna erunt, sed convenientis mensuræ, ita ut latitudo sit, quæ quatuor plicas in longum, et tres in latum non excedat.

9. In bursis vero (quæ ita vocantur) reponantur: illæque intrinsecus serico, aut tæta tenui candida circumvestitæ sint: et illæ super velum calicis imponentur, dum calix ad altare deferendus est, habeantque crucem, vel aliam sanctam imaginem ex una parte intextam.

DE COLORIBUS QUIBUS UTENDUM EST IN ECCLESIASTICIS INDUMENTIS, ET PARAMENTIS ALTARIS

INDUMENTA Celebrantis et ministrorum, et paramenta altaris debent esse coloris convenientis Officio et Missæ diei secundum Ritum nostrum, in quo quinque coloribus uti consuevimus, Albo, Rubeo, Viridi, Violaceo, et Nigro.

DE ALBO

1. Colore albo utimur a Vesperis Vigiliæ Natalis Domini usque ad Octavam Epiphaniæ inclusive, præterquam in festis sanctorum Martyrum, quæ illo tempore interveniunt :

Feria quinta in Cena Domini ad Missam, et Evangelium post Mandatum :

In Sabbato sancto ad benedictionem Ceræ, et ad Officium Missæ; et deinceps usque ad Missam in Vigilia Pentecostes exclusive, quando de Tempore agitur, præterquam in Missa Rogationum :

In festo Sanctissimæ Trinitatis :

In festo SS. Corporis Christi :

In festo SS. Cordis Jesu :

In festo Transfigurationis Domini :

In festo D. N. J. C. Regis :

In omnibus festis B. Mariæ Virginis, etiam in benedictione Candelarum, et Processione in Purificatione :

In omnibus festis Angelorum :

In Nativitate sancti Joannis Baptistæ :

In Conversione sancti Pauli Apostoli :

In utraque Cathedra S. Petri, et in festo ejusdem ad Vincula :

In festis sanctorum Doctorum Ecclesiæ, et Confessorum Pontificum, et non Pontificum :

In festis sancti Dominici Patris nostri, et omnium Sanctorum Ordinis, non Martyrum :

In omnibus festis sanctarum Virginum, et non Virginum, nec Martyrum :

In festo Omnium Sanctorum :

In principali festo sancti Joannis Evangelistæ :

In Dedicatione, et Consecratione Ecclesiæ, vel Altaris :

In Consecratione summi Pontificis, et Coronatione :

Item per Octavas prædictorum festorum, quando fit Missa de Octava, et in Dominicis infra Octavas solemnissimas occurrentibus, quando in eis fit Officium de Dominica :

In Missis votivis supradictorum festorum, quocumque tempore dicantur :

In Missa pro Sponso et Sponsa.

DE RUBEO

2. Colore rubeo utimur a Missa Vigiliæ Pentecostes usque ad Sabbatum sequens inclusive :

In utroque festo sanctæ Crucis :

In Decollatione sancti Joannis Baptistæ :

In omnibus festis Apostolorum, et Evangelistarum : præterquam in principali festo S. Joannis Evangelistæ, et festis Conversionis S. Pauli, Cathedrarum S. Petri, et ad Vincula ejusdem :

In festo S. Joannis ante portam Latinam :

In Commemoratione S. Pauli Apostoli :

In omnibus festis sanctorum Martyrum, et SS. Virginum Martyrum, et Martyrum non Virginum :

In festo SS. Innocentium, quando in Dominica venerit : in ejus vero die octava semper utimur rubeo, quocumque die occurrat :

In festo Coronæ Domini :

In festo Pretiosissimi Sanguinis :

Item in Octavis prædictorum festorum, quando fit de Octava.

In Missis votivis supradictorum festorum, et in Missa pro eligendo summo Pontifice :

DE VIRIDI

3. Colore viridi utimur ab Octava Epiphaniæ exclusive usque ad Septuagesimam exclusive, et a prima Dominica post Octavam SS. Cordis Jesu usque ad Adventum exclusive, in Missis et Officiis de Tempore :

Item in Missa de Dominica, quæ infra hebdomadam resumitur.

DE VIOLACEO

4. Colore violaceo utimur a prima Dominica Adventus usque ad Vigiliam Nativitatis Domini in Missa inclusive, in Missis de Tempore et a Septuagesima usque ad Cenam Domini exclusive, in Officio de Tempore, etiam in Missa Dominicæ infra hebdomadam resumpta.

In Missis Litaniarum, Rogationum, Quatuor Temporum, et Vigiliarum, in quibus jejunatur, exceptis Vigiliis et Quatuor Temporibus Pentecostes :

In festo SS. Innocentium, extra Dominicam :

In Missis votivis de Passione Domini, Pro quacumque necessitate, Pro peccatis, Ad tollendum schisma, Contra paganos, Tempore belli, Pro pace, Pro vitanda mortalitate, Pro iter agentibus, Pro infirmis, et pro ceteris hujusmodi.

DE NIGRO

5. Colore nigro utimur Feria sexta in Parasceve, et in omnibus Missis et exsequiis Defunctorum.

IN FESTIS SOLEMNISSIMIS

6. In diebus vero solemnissimis, idest, qui habent Octavas solemnissimas, vel solemnes, uti possumus pretiosioribus paramentis, cujuscumque sint coloris, dummodo non sint nigri.

IN PROCESSIONIBUS

7. In Processionibus quibuscumque utimur eodem colore, quo etiam utimur eo die ad Missas, ut supra : nisi in Processione de SS. Sacramento, in qua utimur albo, sicuti in benedictione Palmarum, et Processione.

DE QUALITATE INDUMENTORUM

1. CELEBRATURUS Missam semper utitur manipulo, stola, et casula, seu planeta super albam.

2. Cappa, seu pluviali utitur Sacerdos in Processionibus, et Benedictionibus, quæ fiunt in altari : Item in Officio Laudum, et Vesperarum, quando solemniter dicuntur : Item quando Sacerdos post Missam Defunctorum facit commendationes in sepultura Defuncti, vel etiam circa feretrum. Dum autem utitur cappa, semper deponat manipulum.

3. Dalmatica, seu tunicella in Missis conventualibus utuntur Diaconus et Subdiaconus, omnibus Dominicis diebus, et in festis trium

Lectionum, et majoribus : Item in omnibus Missis votivis, quæ singulis septimanis in Ordine nostro ex privilegio, vel consuetudine, secundum morem Provinciarum dici solent; et similiter in omnibus Octavis, de quibus fit Officium.

4. Tempore vero Ferialium Quadragesimæ, et in quibuscumque aliis Missis de Feria, Vigiliarum, Rogationum, et Quatuor Temporum Septembris, et Adventus, (nisi aliquod festum illis diebus occurrerit), alba tantum vestiti ministrant Subdiaconus cum manipulo, et Diaconus, ultra manipulum, cum stola, ab humero sinistro pendente sub dextrum.

5. Dum autem resumitur Missa de Dominica infra hebdomadam, (quia fuit impedita) servetur qualitas diei Officii pro usu dalmaticæ.

6. Item in obitu, et exsequiis Fratris defuncti, vel alterius personæ, et in Missis Anniversarii Ordinis, vel nobilis aut excellentis personæ, dalmatica utendum est. In aliis autem Missis pro Defunctis servetur ritus, et modus Officii diei, de quo Missa conventualis dicitur, vel dicenda foret, nisi occurreret pro Defunctis celebrandum.

ORATIONES

DICENDÆ CUM SACERDOS INDUITUR SACRIS VESTIBUS

Sacerdos, cum lavat manus, dicat :

DA Domine virtutem manibus meis ad abstergendam omnem maculam, ut sine pollutione mentis et corporis valeam tibi servire. Amen.

Priusquam amictum capiti imponat, sacerdos se signat signo Crucis, dicens :

IN nomine Patris et Filii, et Spiritus Sancti. Amen.

Ad Amictum, dum ponitur super caput, dicat :

IMPONE Domine capiti meo galeam salutis ad expugnandos omnes diabolicos incursus. Amen.

Ad Albam, cum ea induitur :

DEALBA me Domine, et munda cor meum, ut in Sanguine Agni dealbatus, gaudiis perfruar sempiternis. Amen.

Ad Cingulum, dum se cingit :

PRÆCINGE me, Domine, cingulo puritatis, et exstingue in lumbis meis humorem libidinis; ut maneat in me virtus continentiae, et castitatis. Amen.

Ad Manipulum,
dum imponitur brachio sinistro :

MEREAR, Domine, portare manipulum fletus et doloris, ut cum exultatione recipiam mercedem laboris. Amen.

Ad Stolam, dum imponitur collo :

REDEDE mihi, Domine obsecro, stolam immortalitatis, quam perdidisti in prævaricatione primi parentis : et quamvis indignus accedo ad tuum sacrum mysterium, merear tamen gaudium sempiternum. Amen.

Ad Casulam, cum assumitur :

DOMINE, qui dixisti : Jugum meum suave est, et onus meum leve; fac ut istud portare sic valeam, quod consequar tuam gratiam. Amen.



ORATIONES ANTE ET POST MISSAM

PRO OPPORTUNITATE SACERDOTIS DICENDÆ

De dignitate Sacerdotis

Ex S. Augustino

VENERANDA Sacerdotum dignitas, in quorum manibus Dei Filius, velut in utero Virginis, incarnatur! O felices Sacerdotes, si sacerdotaliter vixeritis! O cæleste mysterium, quod per vos Pater, et Filius, et Spiritus Sanctus tam mirabiliter operantur, sub tam ineffabili ministerio vestro: quod uno eodemque momento idem Deus, qui præsidet in cælo, in manibus vestris est in sacrificio! Cælum miratur, horrescit infernus, contremiscit diabolus, reveretur quam plurimum Angelica celsitudo. Quid retribuam Domino, (ut taceam de ceteris) pro his, quæ retribuit mihi, pro tam singulari dono sacrificii mihi impenso, quod est datum optimum, et omne donum perfectum? O venerabilium sanctitudo manuum! O felix exercitium, ubi tractat Sacerdos Christum Dei Filium, cujus deliciæ sunt esse cum filiis hominum! O Sacerdotes! attendite: major est dignitas vobis collata, quam Angelis, qui adorant quod vos conficitis, quod nec ipsi conficere possunt. O altitudo sapientiæ Dei! O ineffabilis clementia Salvatoris! Quod datum non est Angelis, concessum est homini. Sacerdos hoc Sacramentum ineffabile conficit: Angelus conficienti, quasi famulus, assistit. O quam venerabile, quam gloriosum, quam insigne fuit apud antiquos nomen Sacerdotis! Sed hodie quid abjectius, aut quid vilius? O Sacerdotes! si anima cujuslibet justus sedes Dei est; multo magis sedes, et templum Dei esse debetis mundum et immaculatum. Si beatus est venter, qui novem mensibus Christum portavit, ita, et si non tantum, tamen beata debent esse corda vestra, in quibus quotidie elegit sibi hospitium Filius Dei. Si beata sunt ubera, quæ parvulus suxit; ita debet eum esse beatum, qui Carnem ejus sumit, et Sanguinem sugit. Carnes ergo vestras cum timore ejus configite; et vobis diligenter providete, ne lingua, quæ vocat de cælo Filium Dei, contra Dominum loquatur; et ne manus, quæ intinguntur Sanguine Christi, polluantur sanguine peccati.

Quam graviter peccat sacerdos
suscipiens Corpus Christi in peccato

Ex SS. Ambrosio et Augustino

SANCTUS Ambrosius: Qui indigne Christum sumit, idem est, ac si eum interficiat. Et sanctus Augustinus: Magis peccant, qui Christum tradunt peccatricibus membris, quam qui tradiderunt eum Judæis crucifigendum. Sicut enim Judas tradidit Christum indigne persecutoribus; sic sumens Corpus Christi indigne, judicium sibi manducat, et bibit, non dijudicans Corpus Domini, ut inquit Apostolus; et talis tradit Christum, quantum in se est, dæmonibus, dum ponit eum in loco, qui est in potestate dæmonum. Malus enim Sacerdos similis est ipsis Dathan et Abiron, quos divina ultio præcipitavit in infernum. Similiter Nadab et Abiu in thuribulo ignem posuerunt alienum, et ab igne consumpti sunt; sic mali Sacerdotes ignem luxuriæ et cupiditatis in sui cordis thuribulo ponentes, ab igne infernali finaliter succeduntur. Mali Sacerdotes etiam sunt Antiocho similes, qui templum Domini violavit, et vasa templi in usus profanos convertit; tandem vermibus consumptus pessima morte interiit. Sic mali Sacerdotes templum Domini, id est, conscientias proprias, (1. ad Cor. 3. *Templum Dei sanctum est, quod estis vos*) violant, malum exemplum dando laicis. Incendunt per luxuriam, spoliant per virtutum expulsionem; et vasa templi, id est, intellectum, memoriam, et voluntatem convertunt in profanos usus, dum his abutuntur; et in peccatorum abyssum seipsos præcipitant. Quid Antiocho acciderit, sæpe considerare debent.

Oratio ante Confessionem sacramentalem

SUSCIPE confessionem meam, piissime ac clementissime Domine Jesu Christe, unica spes salutis meæ; et da mihi, obsecro, contritionem cordis, et lacrimas oculis meis, ut defleam diebus ac noctibus omnes negligentias meas, cum humilitate, et puritate cordis. Appropinquet oratio mea in conspectu tuo,

Domine. Si iratus fueris contra me, quem adiutorem quæram? Quis miserebitur iniquitatibus meis? Memento Domine, quod Chananæam et Publicanum vocasti ad poenitentiam, et Petrum lacrymantem suscepisti. Domine Deus meus suscipe preces meas. Salvator mundi Jesu bone, qui te crucis morti dedisti, ut peccatores salvares, respice me miserum invocantem nomen tuum. Et si commisi, unde me damnare potes; tu non assististi, unde salvare soles. Parce ergo mihi, qui es Salvator meus, et misere peccatrici animæ meæ. Solve vincula ejus, sana vulnera ejus. Domine Jesu, te desidero, te quæro, te volo : ostende mihi faciem tuam, et salvus ero. Mitte igitur, piissime Domine, meritis purissimæ et immaculatæ semper Virginis Mariæ, lucem tuam et veritatem tuam in animam meam, quæ omnes defectus meos in veritate mihi ostendat, quos confiteri me oportet; atque juvet et doceat ipsos plene, et cum debita contritione explicare. Qui vivis et regnas Deus, per omnia sæcula sæculorum. Amen.

Peracta poenitentia per confessionarium imposita, dicat sequentem orationem

SIT tibi, Domine, obsecro, meritis sanctissimæ Matris tuæ semper Virginis Mariæ, grata et accepta ista confessio mea : et quidquid mihi defuit, nunc et alias, de sufficientia contritionis, de puritate et integritate confessionis, suppleat pietas, et misericordia tua, quæ dignetur me habere plenius et perfectius absolutum in cælo. Qui vivis et regnas Deus, per omnia sæcula sæculorum. Amen.

Oratio S. Thomæ de Aquino

ad Deum Patrem, dum Sacerdos est accessurus ad altare

OMNIPOTENS sempiternus Deus, ecce accedo ad sacramentum unigeniti Filii tui Domini nostri Jesu Christi. Accedo tamquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper et egenus ad Dominum cæli et terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare fœditatem, illuminare cæcitatem, ditare paupertatem, vestire nuditatem : ut panem Angelorum, Regem regum, et Dominum dominantium tanta suscipiam reverentia et humilitate, tanta contritione et devotione, tanta puritate et fide, tali

proposito et intentione, sicut expedit salutem animæ meæ. Da mihi, quæso, Dominici Corporis et Sanguinis non solum suscipere sacramentum, sed etiam rem et virtutem sacramenti. O mitissime Deus, da mihi Corpus unigeniti Filii tui Domini nostri Jesu Christi, quod traxit de Virgine Maria, sic suscipere, ut corpori suo mystico merear incorporari, et inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari. Qui tecum vivit et regnat in unitate Spiritus Sancti Deus, per omnia sæcula sæculorum. Amen.

Ad Sanctum, vel Sanctam,
cujus ea die festum celebratur

Oratio

O SANCTE N. vel sancta N. ecce ego miser peccator, de tuis meritis confisus, offero nunc Deo sacratissimum sacramentum Corporis et Sanguinis Domini nostri Jesu Christi pro tuo honore et gloria : precor te humiliter et devote, ut pro me hodie intercedere digneris; ut tantum sacrificium digne et acceptabiliter offerre valeam, et eum tecum, et cum omnibus electis ejus æternaliter laudare, et cum eo regnare valeam. Amen.

Oratio sancti Ambrosii Episcopi

Sacerdos in Missa conventuali, dum Kyrie eleison, vel Gloria in excelsis Deo, cantatur in choro, potest, si vult, dicere sequentem Orationem, divisam per singulas Hebdomadæ dies.

Die Dominica

SUMME Sacerdos, et vere Pontifex Jesu Christe, qui te obtulisti Deo Patri hostiam puram et immaculatam in ara Crucis pro nobis miseris peccatoribus, et qui dedisti nobis Carnem tuam ad manducandum, et Sanguinem tuum ad bibendum; et posuisti mysterium istud in virtute Spiritus Sancti, dicens : Hæc quotiescumque feceritis, in mei memoriam facietis : rogo per eundem Sanguinem tuum, magnum salutis nostræ pretium; rogo per hanc mirabilem et ineffabilem caritatem, qua nos miseros et indignos sic amare dignatus es, ut lavares nos a peccatis nostris in Sanguine tuo : doce me indignum servum tuum, quem, inter cetera dona tua, etiam ad officium Sacerdotale vocare dignatus es, nullis meis meritis, sed sola dignatione

miseri cordiæ tuæ; doce me, quæso, per Spiritum Sanctum tuum, tantum tractare mysterium ea reverentia et honore, ea devotione et timore, quibus oportet et decet. Fac me per gratiam tuam semper illud de tanto mysterio credere et intelligere, sentire et firmiter tenere, dicere et cogitare, quod tibi placet, et expedit animæ meæ. Intret spiritus tuus bonus in cor meum, qui sonet ibi sine sono, et sine strepitu verborum loquatur omnem veritatem mysteriorum. Profunda sunt quippe nimis, et sacro tecta velamine. Propter magnam clementiam tuam concede mihi Missarum solemniam mundo corde, et pura mente celebrare. Libera cor meum ab immundis et nefandis, vanis et noxiis cogitationibus. Muni me beatorum Angelorum pia et fida custodia, ac tutela fortissima, ut hostes omnium bonorum confusi discedant. Per virtutem tanti mysterii, et per manum sancti Angeli tui repelle a me, et a cunctis servis tuis durissimum spiritum superbiæ et cenodoxiæ, invidiæ et blasphemiarum, fornicationis et immunditiæ, dubietatis et diffidentiae. Confundantur, qui nos persequuntur: pereant illi, qui nos perdere festinant.

Feria II

REX virginum, amator castitatis et integritatis, cælesti rore benedictionis tuæ exstingue in corpore meo fomitentem ardentis libidinis, ut maneat in me tenor totius castitatis corporis et animæ. Mortifica in membris meis carnis stimulos, omnesque libidinosas commotiones; et da mihi veram et perpetuam castitatem cum ceteris donis tuis, quæ tibi placent in veritate, ut sacrificium laudis casto corpore, et mundo corde valeam tibi offerre. Quanta enim cordis contritione et lacrymarum fonte, quanta reverentia et tremore, quanta corporis castitate et animæ puritate istud divinum et cæleste sacrificium est celebrandum, ubi Caro tua in veritate sumitur, ubi Sanguis tuus in veritate bibitur, ubi summis ima junguntur, ubi adest sanctorum præsentia Angelorum, ubi tu es sacrificium et Sacerdos mirabiliter et ineffabiliter constitutus!

Feria III

QUIS digne hoc celebrare poterit, nisi tu, Deus omnipotens, offerentem feceris dignum? Scio, Domine, et vere scio, et id ipsum tuæ pietati confiteor, quia non sum dignus accedere ad tantum mysterium, propter nimiam peccata

mea, et infinitas negligentias meas. Sed scio, et veraciter, et ex toto corde meo credo, et ore confiteor quia tu potes me facere dignum, qui solus potes facere mundum de immundo conceptum semine, et de peccatoribus justos facis, et sanctos. Per hanc omnipotentiam tuam te rogo, Deus meus, ut concedas mihi peccatori hoc cæleste sacrificium celebrare cum timore et tremore, cum cordis puritate et lacrymarum fonte, cum lætitia spirituali et cælesti gaudio. Sentiat mens mea dulcedinem beatissimæ præsentiae tuæ, et excubias sanctorum Angelorum tuorum in circuitu meo.

Feria IV

EGO enim, Domine, memor venerandæ passionis tuæ, accedo ad altare tuum, licet peccator, ut offeram tibi sacrificium, quod tu instituisti, et offerri præcepisti in commemorationem tui pro salute nostra. Suscipe illud, quæso summe Deus, pro Ecclesia sancta tua, et pro populo, quem acquisisti Sanguine tuo. Et quoniam me peccatorem inter te et eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditæ non recuses; nec per me indignum eorum salutis pereat pretium, pro quibus victima salutaris dignatus es esse redemptio. Profero etiam, Domine, (si digneris propitius intueri) tribulationes plebium, pericula populorum, captivorum gemitus, miseras orphanorum, necessitates peregrinorum, inopiam debiliū, desperationes languentium, defectus senum, suspiria juvenum, vota virginum, lamenta viduarum.

Feria V

TU enim misereris omnium, Domine, et nihil odisti eorum, quæ fecisti. Memorare, quæ sit nostra substantia: quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras, et ignem Sancti Spiritus in nobis clementer accende. Aufer cor lapideum de carne nostra, et da nobis cor carneum, quod te amet, te diligat, in te delectetur, te sequatur, et te perfruatur. Oramus, Domine, clementiam tuam, ut sereno vultu familiam tuam, sacri tui nominis officia præstolantem, aspicere digneris: et ut

nullius sit irritum votum, nullius vacua postulatio, tu nobis preces suggere, quas ipse propitius audire et exaudire delecteris.

Feria VI

ROGAMUS etiam te, Domine sancte Pater, et pro spiritibus fidelium defunctorum, ut sit illis salus, sanitas, gaudium, et refrigerium, hoc magnum pietatis sacramentum. Domine Deus meus, sit illis hodie magnum et plenum convivium de te pane vivo, qui de cælo descendisti, et das vitam mundo; de tua Carne sancta et benedicta, Agni videlicet immaculati, qui tollis peccata mundi, quæ de sancto et glorioso Beatæ Virginis Mariæ utero est assumpta, et de Spiritu Sancto concepta; ac de illo pietatis fonte, qui per lanceam militis ex tuo sacratissimo latere emanavit: ut exinde refecti et satiati, refrigerati et consolati exsultent in laude et gloria tua. Peto clementiam tuam, Domine, ut descendat super panem tibi sacrificandum plenitudo tuæ benedictionis, et sanctificationis tuæ divinitatis. Descendat etiam, Domine, illa Spiritus Sancti tui invisibilis, incomprehensibilisque majestas, sicut quondam in patrum hostias descendebat, quæ et oblationes nostras Corpus et Sanguinem tuum efficiat, et me indignum Sacerdotem doceat tantum tractare mysterium cum cordis puritate et lacrymarum devotione, cum reverentia et tremore; ita ut placite et benigne suscipias sacrificium de manibus meis, ad salutem omnium tam vivorum, quam defunctorum.

Sabbato

ROGO etiam te, Domine, per ipsum sacrosanctum mysterium Corporis et Sanguinis tui, quo quotidie in Ecclesia tua pascimur et potamur, abluimur et sanctificamur, atque unius divinitatis participes efficimur: da mihi virtutes sanctas, quibus repletus, bona conscientia ad altare tuum accedam; ita ut hæc cælestia sacramenta efficiantur mihi salus et vita. Tu enim dixisti ore tuo sancto et benedicto: Panis, quem ego dabo, Caro mea est pro mundi vita. Ego sum panis vivus, qui de cælo descendi. Si quis manducaverit ex hoc pane, vivet in æternum. Panis dulcissime, sana palatum cordis mei, ut sentiam suavitatem amoris tui. Sana illud ab omni languore, ut nullam præter te sentiam dulcedinem. Panis candidissime, habens omne delectamentum, et omnem saporem, qui nos semper reficis, et numquam in te deficis:

comedat te cor meum, et dulcedine saporis tui repleantur viscera animæ meæ. Manducat te Angelus ore pleno: manducet te peregrinus homo pro modulo suo, ne deficere possit in via, tali recreatus viatico. Panis sancte, panis vive, panis munde, qui descendisti de cælo et das vitam mundo, veni in cor meum, et munda me ab omni inquinamento carnis et spiritus. Intra in animam meam; sana et munda me interius et exterius. Esto tutamen, et continua salus animæ, et corporis mei. Repelle a me insidiantes mihi hostes, recedant procul a præsentia potentia tuæ: ut foris et intus per te munitus, recto tramite ad tuum regnum perveniam: ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo, et Patri, et erit Deus omnia in omnibus. Tunc enim me de te satia-bis satietate mirifica; ita ut nec esuriam, nec sitiam in æternum. Qui cum eodem Deo Patre, et Spiritu Sancto vivis et regnas per omnia sæcula sæculorum. Amen.

Alia oratio ante Missam

AD mensam dulcissimi convivii tui, pie Domine Jesu Christe, ego peccator de propriis meritis nihil præsumens, sed de tua confidens misericordia et bonitate, accedere vereor et contremisco. Nam cor et corpus habeo multis criminibus maculatum, mentem et linguam non caute custoditam. Ergo, o pia Deitas, o tremenda majestas, ego miser, inter angustias deprehensus, ad te fontem misericordiæ recurro, ad te festino sanandus, sub tuam protectionem fugio, et quem judicem sustinere nequeo, Salvatorem habere suspiro. Tibi Domine plagas meas ostendo, tibi verecundiam meam detego. Scio peccata mea multa et magna, pro quibus timeo. Spero in misericordias tuas, quarum non est numerus. Respice ergo in me oculis misericordiæ tuæ, Domine Jesu Christe, Rex æternæ, Deus et homo, crucifixus propter hominem. Exaudi me sperantem in te, miserere mei pleni miseris et peccatis, tu, qui fontem miserationis numquam manare cessabis. Salve salutaris victima, pro me et omni humano genere in patibulo crucis oblata. Salve nobilis et pretiose Sanguis, de vulneribus crucifixi Domini mei Jesu Christi profluens, et peccata totius mundi ablvens. Recordare, Domine, creaturæ tuæ, quam tuo Sanguine redemisti. Pœnitent me peccasse: cupio emendare quod feci. Aufer ergo a me, clementissime Pater, omnes iniquitates, et peccata mea; ut purificatus mente et corpore,

digne degustare merear Sancta sanctorum; et concede, ut sancta prælibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficacia, animæ quoque et corporis contra inimicorum meorum insidias firmissima tuitio. Amen.

Post Missam potest dicere Sacerdos
sequentes Orationes

Oratio S. Thomæ de Aquino ad Deum Patrem

GRATIAS tibi ago, Domine sancte, Pater omnipotens, æterne Deus, qui me peccatorem, indignum famulum tuum, nullis meis meritis, sed sola dignatione misericordiæ tuæ, satiare dignatus es pretioso Corpore et Sanguine Filii tui Domini nostri Jesu Christi. Et precor, ut hæc sancta communio non sit mihi reatus ad poenam, sed intercessio salutaris ad veniam: Sit mihi armatura fidei, et scutum bonæ voluntatis: Sit vitiis meorum evacuatio, concupiscentiæ et libidinis exterminatio, caritatis et patientiæ, humilitatis et obedienciæ, omniumque virtutum augmentatio; contra insidias inimicorum omnium tam visibilium, quam invisibilium firma defensio; motuum meorum tam carnalium, quam spiritualium perfecta quietatio; in te uno ac vero Deo firmissima adhesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio tuo, et Spiritu Sancto, Sanctis tuis es lux vera, satiety plena, gaudium sempiternum, jucunditas consummata, et felicitas perfecta. Per eundem Christum Dominum nostrum. Amen.

Oratio ad Beatissimam Virginem Mariam

OSERENISSIMA et inclita mater Domini nostri Jesu Christi, Virgo Maria, Regina mundi, quæ eundem Creatorem omnium creaturarum in tuo sanctissimo utero fuisti digna portare, cujus idem sacratissimum Corpus et Sanguinem sumpsisti: ad ipsum pro me misero peccatore intercedere digneris; ut quidquid in hoc ineffabili Sacramento ignominanter, negligenter, irreverenter, et accidentaliter omisi vel commisi, tuis precibus sanctissimis mihi indulgere dignetur. Qui vivit et regnat.

Rythmus S. Thomæ Aquinatis ad sacram Eucharistiam

ADORO te devote, latens Deitas,
Quæ sub his figuris vere latitas:
Tibi se cor meum totum subjicit,
Quia te contemplans, totum deficit.

Visus, tactus, gustus in te fallitur,
Sed auditu solo tuto creditur:
Credo quidquid dixit Dei Filius,
Nil hoc veritatis verbo verius.

In cruce latebat sola Deitas,
At hic latet simul et humanitas:
Ambo tamen credens, atque confitens,
Peto quod petivit latro poenitens.

Plagas, sicut Thomas, non intueor,
Deum tamen meum te confiteor:
Fac me tibi semper magis credere,
In te spem habere, te diligere.

O memoriale mortis Domini,
Panis vivus, vitam præstans homini:
Præsta meæ menti de te vivere,
Et te illi semper dulce sapere.

Pie pelicane, Jesu Domine,
Me immundum munda tuo Sanguine;
Cujus una stilla salvum facere
Totum mundum quit ab omni scelere.

Jesu, quem velatum nunc aspicio,
Oro fiat illud, quod tam sitio,
Ut te revelata cernens facie,
Visu sim beatus tuæ gloriæ. Amen.

Oratio

devotissima dicenda a Sacerdote
ante, vel post celebrationem Missæ

PATER cælestis, clementissime Domine, Pater misericordiarum, suscipe hodie per manus servi tui hoc sacrosanctum sacrificium, verum Corpus et Sanguinem unigeniti Filii tui Domini nostri Jesu Christi, in satisfactionem et remissionem omnium peccatorum meorum, in salutem et fortitudinem animæ meæ, et totius domus meæ, et omnium illorum, quibus aliqua obligatione teneor, et omnium dominorum, Prælatorum, Prædicatorum, Sacerdotum, et Religiosorum catholicæ fidei, ut eis gratiam Spiritus Sancti impertiri digneris ad salutem animarum suarum, et regimen totius populi christiani; et omnium peccatorum hujus mundi, ut eos convertas, et ducas ad viam salutis; in consolationem omnium tribulatorum, ut eis adiutorium et veram patientiam tribuas; in refrigerium et liberationem omnium animarum existentium in Purgatorio, et maxime illarum, quæ auxilium a me jure expectant; et ad illuminationem et conversionem omnium gentium infidelium, hæreticorum, et schismaticorum,

ut cognoscant et ament te summam veritatem, Patrem omnipotentem, qui cum Filio et Spiritu Sancto es laudabilis Deus, benedictus in sæcula sæculorum. Amen.

Alia oratio ad Deum Filium

ex S. Bonaventura

TRANSFIGE, dulcissime Domine Jesu, medullas et viscera animæ meæ suavissimo ac saluberrimo amoris tui vulnere, vera, serenaque et apostolica sanctissima caritate, ut langueat et liquefiat anima mea solo semper amore et desiderio tui, te concupiscat, et deficiat in atria tua, cupiat dissolvi, et esse tecum. Da, ut anima mea te esuriat, panem Angelorum, refectionem animarum sanctarum, panem nostrum quotidianum, supersubstantialem, habentem omnem dulcedinem, et saporem, et omne delectamentum suavitatis : te, in quem desiderant Angeli prospicere, semper esuriat et comedat cor meum, et dulcedine saporis tui repleantur viscera animæ meæ : te semper sitiatur fontem vitæ, fontem sapientiæ et scientiæ, fontem æterni luminis, torrentem voluptatis, ubertatem domus Dei : te semper ambiat, te quærat, te inveniatur, ad te tendat, ad te perveniat, te meditetur, te

loquatur, et omnia operetur in laudem et gloriam nominis tui, cum humilitate et discretionem, cum dilectione et delectatione, cum facilitate et affectu, cum perseverantia usque in finem : et tu sis solus semper spes mea, tota fiducia mea, divitiarum mearum, delectatio mea, jucunditas mea, gaudium meum, quies et tranquillitas mea, pax mea, suavitas mea, odor meus, dulcedo mea, cibus meus, reffectio mea, refugium meum, auxilium meum, sapientia mea, portio mea, possessio mea, thesaurus meus, in quo fixa, et firma, et immobiliter semper sit radicata mens mea, et cor meum. Amen.

Alia oratio

ANIMA Christi sanctissima, sanctifica me. Corpus Christi sacratissimum, salva me. Sanguis Christi pretiosissime, inebria me. Aqua lateris Christi purissima, munda me. Sudor vultus Christi virtuosissime, sana me. Passio Christi piissima, conforta me. O bone Jesu, custodi me. Intra vulnera tua absconde me. Non permittas me separari a te. Ab hoste maligno defende me. In hora mortis voca me. Jube me venire ad te, et pone me juxta te, ut cum Angelis et Archangelis tuis laudem te, per infinita sæcula sæculorum. Amen.

INDEX RUBRICARUM MISSÆ

	PAG.
De Defectibus circa Missam	23
Præparatio ad Missam	27
Ritus dicendi Missam	29
De genuflexionibus in Missa	37
Observanda in Missa coram SS. Sacramento	38
Observanda in Missa coram summo Pontifice, Cardinale Legato, Archiepiscopo aut Episcopo in sua diœcesi	38
Omittenda in Missa pro Defunctis	39
De his, quæ clara voce, mediocri, aut secreto dicenda sunt in Missa	39
De servitoribus Missarum privatarum	39
De Officio ministrorum altaris in Missa majori	40
De sacra Communionem	45
Rubricæ generales Missarum. Quomodo Missa quotidie sit celebranda	47
De Missa celebranda in festis	47
De Missa celebranda in Octavis	47
De Missa celebranda in Dominica	47
Quando Missa celebranda de Feria, et Vigilia	47
De Missa Votiva	48
De Missis Defunctorum	49
De festorum occurrentia et translatione	50
De Memorialis	51
De Introitu Missæ, Kyrie eleison, et Gloria in excelsis Deo et quando sit dicendum	51

	PAG.
De numero, et ordine Orationum ordinarie dicendarum in Missa	51
De modo terminandi Orationes	52
De ordine Orationum in Missis Defunctorum	52
De Epistola, Graduali, seu Responsorio, Alleluia, Tractu, et Sequentia, ac de Evangelio	53
Quando dicendum est Credo in Missa	53
De Offertorio, Secretis, Præfationibus, et Canone	54
De Ite Missa est, vel Benedicamus Domino, et Requiescant in pace	54
Quando legendum sit Evangelium S. Joannis in fine Missæ	54
De ordinanda Missa conformiter ad prædictas Rubricas	55
De hora celebrandi Missam	55
De uniformitate servanda circa Missæ celebrationem	55
De altari, et aliis requisitis ad sacrificium	55
De coloribus indumentorum, et paramentorum	56
De qualitate indumentorum	57
Orationes dicendæ, cum Sacerdos lavat manus, et induitur sacerdotalibus indumentis	57
Orationes dicendæ ante et post Missam	58
Ad aspersionem aquæ benedictæ	64

AD ASPERSIONEM AQUÆ BENEDICTÆ

IN DIEBUS DOMINICIS ANTE MISSAM

Extra tempus Paschale

Antiphona

ASPERGES me, Dómine, hyssópo, et mundábor : lavábis me, et super nivem dealbábor. *℣.* Miserére mei Deus, secúndum magnam misericórdiam tuam. **Glória Patri, et Filio, et Spirítui Sancto.** Sicut erat in princípío, et nunc, et semper, et in sæcula sæculórum. Amen.

Et repetitur Aspérgetes, usque ad Miserére exclusive.

Dominica in Passione, et in Ramis, loco Glória dicitur *℣.* Et secúndum multitudínem miseratiónum tuárum, dele iniquitátem meam. **Aspérgetes.**

Tempore Paschali Antiphona

Vidi aquam egrediéntem de templo a látere dextero, allelúia : Et omnes, ad quos pervénit aqua ista, salvi facti sunt, et dicent, allelúia, allelúia.

In die Paschæ *℣.* Hæc dies, quam fecit Dóminus : exultémus, et lætémur in ea. **Glória Patri. Et omnes.**

In aliis Dominicis usque ad Pentecosten exclusive. *℣.* Confitémini Dómino quóniam

niam bonus : quóniam in sæculum misericórdia ejus. **Glória Patri. Et omnes.**

In die Pentecostes. *℣.* Emítte spíritum tuum, et creabúntur : et renovábis faciém terræ. **Glória Patri. Et omnes.**

Postea dicat Sacerdos. *℣.* Osténde nobis, Dómine, misericórdiam tuam. **Temp. Pasch.** Allelúia. *℟.* Et salutáre tuum da nobis. **Temp. Pasch.** Allelúia.

℣. Dómine exáudi oratiómem meam.

℟. Et clamor meus ad te véniat.

℣. Dóminus vobíscum.

℟. Et cum spíritu tuo.

Orémus

EXAUDI nos, Dómine sancte, Pater omnípotens, ætérne Deus : et mittere dignéris sanctum Angelum tuum de cælis ; qui custódiat, fóveat, próteget, visitet, atque deféndat omnes habitántes in hoc habitáculo : Per Christum Dóminum nostrum.

℟. Amen.

Modus benedicendi aquam, qua Fideles asperguntur, habetur in fine Missalis, cum aliis benedictionibus.



PROPRIUM

MISSARUM DE TEMPORE

DOMINICA PRIMA ADVENTUS

Statio ad S. Mariam Majorem

Officium

Psalm. 24

AD te levávi ánimam meam : Deus meus in te confido, non erubéscam : neque irrideant me inimíci mei : étenim univérsi, qui te exspéctant, non confundéntur. **℟.** Vias tuas Dómine démonstra mihi : et sémitas tuas édoce me. **G**lória Patri, et Fílio, et Spirítui Sancto. Sicut erat in principio, et nunc, et semper, et in sácula sæculórum. Amen.

Et reincipiatur Ad te levávi usque ad Versum exclusive.

Hic modus repetendi Introitum Missæ servabitur per totum annum.

Non dicitur Glória in excelsis per Adventum, nisi in festis Sanctórum.

Orémus

Oratio

EXCITA, quæsumus Dómine, poténtiam tuam, et veni : ut ab imminéntibus peccatórum nostrórum periculis, te mereámur protegénte éripi; te liberánte salvári : Qui vivis et regnas cum Deo Patre; in unitáte Spirítus Sancti Deus :

per ómnia sácula sæculórum. **℟.** Amen.

Secunda Oratio

DEUS, qui de beátæ Mariæ Virgínis útero, Verbum tuum, Angelo nuntiánte, carnem suscipere voluisti; præsta supplicibus tuis : ut qui vere eam genitricem Dei crédimus; ejus apud te intercessiónibus adjuvémur. *Si dicitur ultimo loco, terminatur* Per eúmdem Dóminum.

Tertia Oratio

DEUS, qui caritátis dona, per grátiam Sancti Spirítus, tuórum córdibus fidélium infudisti; da fámulis et famulábus tuis, pro quibus tuam deprecámur cleméntiam, salútem mentis et córporis : ut te tota virtúte diligant; et quæ tibi plácita sunt, tota dilectióne perficiant : Per Dóminum nostrum Jesum Christum Fílium tuum; qui tecum vivit et regnat in unitáte ejúsdem Spirítus Sancti Deus : per ómnia sácula sæculórum.

℟. Amen.

De modo dicendi vel omittendi in Dominicis secundam et tertiam Orationem, in prima Dominica cujusve Temporis notatas, vide Rubricas generales Missalis de Memoria et de Oratione.

Lectio Epistolæ beati Pauli
Apóstoli ad Romános. **c. 13**

FRATRES : Sciéntes, quia hora est jam nos de somno súrgere. Nunc enim própior est nostra salus, quam cum credidimus. Nox præcésit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus : Non in comessatió- nibus, et ebrietátibus, non in cubilibus, et impudiciis, non in contentiône, et æmulatiône : Sed induimini Dóminum Jesum Christum.

℟. **Psalm. 24** Univérsi, qui te exspéctant, non confundén- tur Dómine. ℣. Vias tuas Dó- mine notas fac mihi : et sé- mitas tuas édoce me.

Allelúia, allelúia. ℣. **Ps. 84** Osténde nobis Dómine mise- ricórdiam tuam : et salutáre tuum da nobis. Allelúia.

In Feriis Adventus, quando per hebdomadam resumitur Missa de Dominica, non dicitur Allelúia, nec Versus sequens, sed tantum Re- sponsorium cum suo Versu.

✠ Sequéntia sancti Evangélii
secúndum Lucam. **c. 21**

IN illo témpore : Dixit Jesus discipulis suis : Erunt signa in sole, et luna, et stellis, et in terris pressúra géntium præ confusiône sónitus maris, et flúctuum : arescéntibus homi- nibus præ timóre, et exspe- ctatiône, quæ supervénient univérso orbi : Nam virtútes cælórum movebúntur : Et tunc

vidébunt Filium hóminis ve- niéntem in nube cum potestáte magna, et majestáte. His au- tem fieri incipiéntibus, respí- cite, et leváte cápita vestra : quóniam appropínquat red- éemptio vestra. Et dixit illis similitúdinem : Vidéte ficúl- neam, et omnes árbores : Cum producunt jam ex se fructum, scitis quóniam prope est æstas. Ita et vos cum vidéritis hæc fieri, scitóte quóniam prope est regnum Dei. Amen dico vobis, quia non præteribit generátio hæc, donec ómnia fiant. Cælum, et terra trans- ibunt : verba autem mea non transibunt. **Credo.**

Offertorium Ps. 24 Ad te Dómine levávi ánimam meam : Deus meus in te confido, non erubéscam : neque irrideant me inimíci mei : étenim uni- vérsi, qui te exspéctant, non confundéntur.

Secreta

HÆC sacra nos, Dómine, poténti virtúte mundá- tos, ad suum fáciant puriôres veníre princípium. Per Dó- minum.

Secunda Secreta

IN méntibus nostris, quæsu- mus Dómine, veræ fidei sa- craménta confirma : ut qui concéptum de Virgine, Deum verum, et hóminem confité- mur; per ejus salutíferæ re- surrectiônis poténtiam, ad ætérrnam mereámur pervenire lætítiam. *Si dicitur ultimo loco, terminatur* Per eúmdem Dóminum.

Tertia Secreta

MISERERE, quæsumus Dómine, fámulis et famulábuis tuis, pro quibus hoc sacrificium laudis tuæ offéri-mus majestáti : ut per hæc sancta, supérnæ benedictiónis grátiam obtíneant, et glóriam ætérnæ beatitúdinis acquirant. Per Dóminum.

In omnibus Dominicis totius anni, propriam Præfationem non habentibus, dicatur Præfatio de SS. Trinitate.

Communio Ps. 84 Dóminus dabit benignitátem : et terra nostra dabit fructum suum.

Postcommunio

SUSCIPIAMUS, Dómine, misericórdiam tuam in médio templi tui; ut reparatiónis nostræ ventúra solémnia cóngruis honóribus præcedámus : Per Dóminum.

Secunda Postcommunio

GRATIAM tuam, quæsumus Dómine, méntibus nostris infúnde : ut qui, Angelo nuntiánte, Christi Filii tui incarnationem cognóvimus; per passióem ejus, et crucem ad resurrectionis glóriam perducámur. *Si dicitur ultimo loco, terminatur* Per eúmdem Dóminum.

Tertia Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitátem, et pacem; pro quorum quarúmque dilectiône hæc tuæ obtú-

limus majestáti : Per Dóminum.

Benedicámus Dómino. Quod dicitur, quoties non præcessit Glória in excélsis.

Si infra hebdomadam debeat dici Missa de Feria, resumitur Missa Dominicæ præcedentis, nisi propria habeatur.

Si vero infra hebdomadam dicatur Missa de Toto Duplici et infra, semper fit Memoria de Feria majori Adventus, Quadragesimæ, Quatuor Temporum et Rogationum, necnon de Vigilia et de Dominica resumpta, per Orationem Dominicæ præcedentis, nisi propria habeatur.

In Missis in quibus tres Orationes dicendæ sunt, Orationes ad supplendum numerum ternarium sumuntur ex prima Dominica respectivi temporis prout in Rubricis generalibus de Memoria et de Oratione indicatur.

DOMINICA SECUNDA
ADVENTUS

Statio ad S. Crucem in Jerusalem

Officium

Isa. 30

POPULUS Sion, ecce Dóminus véniet ad salvándas gentes : et audítam faciet Dóminus glóriam vocis suæ, in lætitia cordis vestri. *Ps. 79* Qui regis Israël, inténde : qui dedúcis velut ovem Joseph. Glória Patri.

Oratio

EXCITA Dómine corda nostra ad præparándas Unigéniti tui vias; ut per ejus adventum, purificáti tibi méntibus servíre mereámur : Qui tecum.

Aliæ Orationes, ut in prima Dominica, pag. 1

Lectio Epistolæ beati Pauli
Apostoli ad Romanos. c. 15

FRATRES : Quæcúmque scripta sunt, ad nostram doctrinam scripta sunt : ut per patientiam, et consolationem Scripturarum, spem habeamus. Deus autem patientiæ, et solatii det vobis idipsum sapere in alterutrum secundum Jesum Christum : ut unanimes, uno ore honorificetis Deum, et patrem Domini nostri Jesu Christi. Propter quod suscipite invicem, sicut et Christus suscepit vos in honorem Dei. Dico enim Christum Jesum ministrum fuisse circumcisionis propter veritatem Dei, ad confirmandas promissiones patrum : gentes autem super misericordia honorare Deum, sicut scriptum est : Propterea confitebor tibi in gentibus Domine, et nomini tuo cantabo. Et iterum dicit : Lætamini gentes cum plebe ejus. Et iterum : Laudate omnes gentes Dominum : et magnificate eum omnes populi. Et rursus Isaías ait : Erit radix Jesse, et qui exsurgit regere gentes, in eum gentes sperabunt. Deus autem spei repleat vos omni gaudio, et pace in credendo : ut abundetis in spe, et virtute Spiritus Sancti.

℟. Ps. 49 Ex Sion species decoris ejus : Deus manifeste veniet. ℣. Congregate illi sanctos ejus : qui ordinarunt testamentum ejus super sacrificia.

Allelúia, allelúia. ℣. Ps. 121 Lætatus sum in his, quæ dicta

sunt mihi : in domum Domini ibimus. Allelúia.

✠ Sequentia sancti Evangelii secundum Matthæum. c. 11

IN illo tempore : Cum audisset Joannes in vinculis opera Christi, mittens duos de discipulis suis, ait illi : Tu es, qui venturus es, an alium expectamus? Et respondens Jesus, ait illis : Euntes renuntiâte Joanni, quæ audistis, et vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur : Et beatus est, qui non fuerit scandalizatus in me. Illis autem abeuntibus, cepit Jesus dicere ad turbas de Joanne : Quid existis in desertum videre? Arundinem vento agitatam? Sed quid existis videre? Hominem molibus vestitum? Ecce qui molibus vestiuntur, in domibus regum sunt. Sed quid existis videre? Prophétam? Etiam dico vobis, et plus quam prophétam. Hic est enim, de quo scriptum est : Ecce ego mitto angelum meum ante faciem tuam, qui præparabit viam tuam ante te. **Credo.**

Offertorium Ps. 84 Deus tu convertens vivificabis nos, et plebs tua lætabitur in te : ostende nobis Domine misericordiam tuam, et salutare tuum da nobis.

Secreta

PLACARE, quæsumus Domine, humilitatis nostræ precibus, et hostiis : et ubi

nulla súppetunt suffrágia meritórum, tuis nobis succúrre præsidiis. Per Dóminum.

Aliae Secretæ, ut in prima Dominica, pag. 2 et 3

Communio Bar. 4 Jerúsalem surge, et sta in excélsio : et vide jucunditatem, quæ véniet tibi a Deo tuo.

Postcommunio

REPLETI cibo spiritalis alimóniæ, súplices te Dómine deprecámur : ut hujus participatióne mystérii dóceas nos terréna despícere; et amáre cæléstia : Per Dóminum.

Aliae Postcommuniones, ut in prima Dominica, pag. 3

DOMINICA TERTIA ADVENTUS

Statio ad S. Petrum

Officium Philipp. 4

GAUDETE in Dómino semper : iterum dico gaudéte : modéstia vestra nota sit ómnibus homínibus : Dóminus enim prope est : nihil solliciti sitis : sed in omni oratióne petitiónes vestræ innotéscant apud Deum. *℣.* Et pax Dei, quæ exsúperat omnem sensum, custódiat corda vestra, et intelligéntias vestras. **Glória Patri.**

Oratio

AUREM tuam, quæsumus Dómine, précibus nostris accómmoda; et mentis nostræ ténebras grátia tuæ visitatiónis illústra : Qui vivis et regnas.

Aliae Orationes, pag. 1

Lectio Epístolæ beáti Pauli Apóstoli ad Philippenses. c. 4

FRATRES : Gaudéte in Dómino semper : iterum dico gaudéte. Modéstia vestra nota sit ómnibus homínibus : Dóminus prope est. Nihil solliciti sitis : sed in omni oratióne, et obsecratióne, cum gratiárum actiόne petitiόnes vestræ innotéscant apud Deum. Et pax Dei, quæ exsúperat omnem sensum, custódiat corda vestra, et intelligéntias vestras : In Christo Jesu Dómino nostro.

℟. **Ps. 79** Qui sedes, Dómine, super Chérubim, éxcita poténtiam tuam, et veni. *℣.* Qui regis Israël, inténde : qui dedúcis velut ovem Joseph.

Allelúia, allelúia. ℣. Excita Dómine poténtiam tuam, et veni, ut salvos fácias nos. **Allelúia.**

✠ Sequéntia sancti Evangélii secúndum Joánnem. c. 1

IN illo témpore : Misérunt Judæi ab Jerosólymis sacerdótes et Levítas ad Joánnem, ut interrogárent eum : Tu quis es? Et conféssus est, et non negávit : Et conféssus est, Quia non sum ego Christus. Et interrogavérunt eum : Quid ergo? Elías es tu? Et dixit : Non sum. Prophéta es tu? Et respóndit : Non. Dixérunt ergo ei : Quis es, ut respónsum demus his, qui misérunt nos? Quid dicis de teípso? Ait : Ego vox clamántis in desérto : Dirigite viam Dómini, sicut dixit Isaías pro-

phéta. Et qui missi fuerant, erant ex Pharisæis. Et interrogaverunt eum, et dixerunt ei : Quid ergo baptizas, si tu non es Christus, neque Elías, neque prophéta? Respondit eis Joánnes, dicens : Ego baptizo in aqua : médius autem vestrum stetit, quem vos nescitis. Ipse est, qui post me venturus est, qui ante me factus est : cujus ego non sum dignus ut solvam ejus corrigiam calceamenti. Hæc in Bethánia facta sunt trans Jordánem, ubi erat Joánnes baptizans. **Credo.**

Offertorium Ps. 84 Benedixisti Dómine terram tuam : avertisti captivitatem Jacob : remisisti iniquitatem plebis tuæ.

Secreta

DEVOTIONIS nostræ tibi, quæsumus Dómine, hostia júgiter immolétur : quæ et sacri péragat instituta mystérii, et salutáre tuum in nobis mirabiliter operétur. Per Dóminum.

Aliæ Secretæ, pag. 2 et 3

Communio Isa. 35 Dicite : Pusillánimes confortámini, et nolite timére : ecce Deus noster véniet, et salvábit nos.

Postcommunio

IMPLORAMUS Dómine cleméntiam tuam; ut hæc divína subsidia, a vítiis expiátos, ad festa ventúra nos præparent. Per Dóminum.

Aliæ Postcommuniones, pag. 3

FERIA QUARTA QUATUOR TEMPORUM

Statio ad S. Mariam Majorem

Officium

Isa. 45

RORATE cæli désuper, et nubes pluant justum : aperiátur terra, et gérminet salvatórem. **℟.** Et justitia oriátur simul : ego Dóminus creávi eum. **Glória Patri. Kýrie eléison.**

Oratio sequens non est dicenda pro Memoria de Adventu in Missa festi, si hac die occurrerit; sed dici debet Oratio subsequens, Festína, quæsumus Dómine.

Orémus *sine* Dóminus vobiscum.

Oratio

PRÆSTA, quæsumus omnipotens Deus : ut redemptionis nostræ ventúra solémnitas, et præsentis nobis vitæ subsidia cónferat; et æternæ beatitúdinis præmia largiátur : Per Dóminum.

Lectio Isaíæ Prophætæ. c. 2

IN diébus illis : Dixit Isaías prophéta : Erit in novissimis diébus præparátus mons domus Dómini in vértice món-tium, et elevábitur super colles, et fluent ad eum omnes gentes. Et ibunt pópuli multi, et dicent : Veníte et ascendá-mus ad montem Dómini, et ad domum Dei Jacob, et docébit nos vias suas, et ambulá-bimus in sémitis ejus : quia de Sion exíbit lex, et verbum Dómini de Jerúsalem. Et judicábit gentes, et árguet pópulos multos : Et conflábunt gládi-os

suos in vómeres, et lanceas suas in falces : Non levábit gens contra gentem gládium, nec exercebúntur ultra ad prœlium. Domus Jacob veníte, et ambulémus in lúmine Dómini Dei nostri.

R. Ps. 23 Tóllite portas principes vestras, et elevámini portæ æternáles : et introibit rex glóriæ. **V.** Quis ascéndet in montem Dómini? aut quis stabit in loco sancto ejus? innocens mánibus, et mundo corde.

Hic dicitur Dóminus vobiscum.

Orémus

Oratio

FESTINA, quæsumus Dómine, ne tardáveris : et auxiliū nobis supérnæ virtútis impénde; ut advéntus tui consolationibus sublevéntur, qui in tua pietáte confidunt : Qui vivis et regnas.

Secunda Oratio

DEUS, qui de beátæ Mariæ Virginis útero, Verbum tuum, Angelo nuntiánte, carnem suscipere voluisti; præsta supplicibus tuis : ut qui vere eam genitricem Dei crédimus; ejus apud te intercessiónibus adjuvémur : (Per eúmdem).

Tertia Oratio

DEUS, qui caritátis dona, per grátiam Sancti Spíritus, tuórum córdibus fidélium infudisti; da fámulis et famulábus tuis, pro quibus tuam deprecámur cleméntiam, salutem mentis et córporis : ut te tota virtúte diligant; et quæ tibi plácita sunt, tota di-

lectione perficiant : Per Dóminum... in unitáte ejúsdem.

Léctio Isaíæ Prophétæ. c. 7

IN diébus illis : Locútus est Dóminus ad Achaz, dicens : Pete tibi signum a Dómino Deo tuo in profúndum inférni, sive in excélsū supra. Et dixit Achaz : Non petam, et non tentábo Dóminum. Et dixit : Audíte ergo domus David : Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concipiet, et páriet filium, et vocábitur nomen ejus Emmánuel. Butýrum et mel cómedet, ut sciat reprobáre malum, et eligere bonum.

R. Ps. 144 Prope est Dóminus ómnibus invocántibus eum : ómnibus, qui invocant eum in veritáte. **V.** Laudem Dómini loquétur os meum : et benedicat omnis caro nomen sanctum ejus.

✠ **Sequéntia sancti Evangélíi secúndum Lucam. c. 1**

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad vírginem desponsátam viro, cui nomen erat Joseph, de domo David, et nomen vírginis María. Et ingressus Angelus ad eam, dixit : Ave grátia plena : Dóminus tecum : Benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne

timeas María, invenisti enim grátiam apud Deum : Ecce concípies in útero, et páries filium, et vocábis nomen ejus Jesum. Hic erit magnus, et filius Altíssimi vocábitur, et dabit illi Dóminus Deus sedem David patris ejus : Et regnábít in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognósco? Et respóndens Angelus, dixit ei : Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elisabeth cognáta tua, et ipsa concépit filium in senectúte sua : Et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secúndum verbum tuum.

Offertorium Luc. 1 Ave María grátia plena : Dóminus tecum : benedicta tu in mulieribus, et benedictus fructus ventris tui.

Secreta

ACCEPTA tibi sint, quæsumus Dómine, nostra jejúnia, quæ et expiándo nos tua grátia dignos efficiant, et ad sempitérna promissa perdúcant. Per Dóminum.

Secunda Secreta

IN méntibus nostris, quæsumus Dómine, veræ fidei sacraménta confirma : ut qui concéptum de Vírgine, Deum

verum, et hóminem confitémur; per ejus salutíferæ resurrectionis poténtiam, ad ætérnam mereámur pervenire lætítiam : (Per eúndem).

Tertia Secreta

MISERERE, quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta, supérnæ benedictiónis grátiam obtíneant, et glóriam ætérnæ beatitúdinis acquirant. Per Dóminum.

Communio Isa. 7 Ecce virgo concípíet, et páriet filium, et vocábitur nomen ejus Emmánuel.

Postcommunio

SALUTARIS tui Dómine múnere satiáti, súpplices deprecámur : ut cujus lætámur gustu; renovémur efféctu : Per Dóminum.

Secunda Postcommunio

GRATIAM tuam, quæsumus Dómine, méntibus nostris infúnde : ut qui, Angelo nuntiánte, Christi Fílii tui incarnationem cognóvimus; per passiónem ejus, et crucem ad resurrectionis glóriam perducámur : (Per eúndem).

Tertia Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitátem, et pacem; pro quorum quarúmque dilectióne hæc tuæ obtúlimus majestáti : Per Dóminum.

FERIA SEXTA QUATUOR TEMPORUM

Statio ad SS. duodecim Apostolos

Officium

Ps. 118

PROPE es tu Dómine, et omnes viæ tuæ vēritas : initio cognóvi de testimoniis tuis, quia in ætérnum tu es. **℟.** Beáti immaculáti in via : qui ámbulant in lege Dómini. **Gloria Patri.**

Oratio

EXCITA, quæsumus Dómine, poténtiam tuam, et veni : ut hi, qui in tua pietáte confidunt; ab omni citius adversitate liberéntur : Qui vivis.

Secunda Oratio

DEUS, qui de beátæ Mariæ Virginis útero, Verbum tuum, Angelo nuntiánte, carnem suscipere voluisti; præsta supplicibus tuis : ut qui vere eam genitricem Dei crédimus; ejus apud te intercessiónibus adjuvémur : (Per eúmdem).

Tertia Oratio

DEUS, qui caritátis dona, per grátiam Sancti Spíritus, tuórum córdibus fidélium infudisti; da fámulis et famulábus tuis, pro quibus tuam deprecámur cleméntiam, salútem mentis et córporis : ut te tota virtúte diligant; et quæ tibi plácita sunt, tota dilectióne perficiant : Per Dóminum... ejúsdem.

Lectio Isaiaë Prophætæ. c. 11

HÆC dicit Dóminus Deus : Egrediétur virga de radice Jesse, et flos de radice

ejus ascéndet. Et requiêscet super eum spíritus Dómini : spíritus sapiéntiæ, et intelléctus, spíritus consílii, et fortitúdinis, spíritus sciéntiæ, et pietátis, et replébit eum spíritus timóris Dómini : Non secúndum visionem oculórum judicábit, neque secúndum auditum áurium árguet : sed judicábit in justítia páuperes, et árguet in æquitáte pro mansuétis terræ : Et percútiét terram virga oris sui, et spíritu labiórum suórum interficiét impium. Et erit justítia cingulum lumbórum ejus : et fides cinctórium renum ejus.

℟. Ps. 84 Osténde nobis Dómine misericórdiam tuam : et salutáre tuum da nobis.

℟. Benedixisti Dómine terram tuam : avertisti captivitátem Jacob.

✠ Sequéntia sancti Evangélii secúndum Lucam. c. 1

IN illo témpore : Exsúrgens María, ábiit in montána cum festinatóne in civitátem Juda. Et intrávit in domum Zachariæ, et salutávit Elisabeth. Et factum est, ut audívit salutatióne Mariæ Elisabeth, exsultávit infans in útero ejus : Et repléta est Spíritu Sancto Elisabeth : et exclamávit voce magna, et dixit : Benedícta tu inter mulieres, et benedíctus fructus ventris tui. Et unde hoc mihi ut véniat mater Dómini mei ad me? Ecce enim ut facta est vox salutatiónis tuæ in áuribus meis, exsultávit in gáudio infans in útero meo : Et beáta, quæ credidísti, quó-

niam perficiéntur ea, quæ dicta sunt tibi a Dómino. Et ait María : Magnificat ánima mea Dóminum : Et exsultávit spíritus meus in Deo salutári meo.

Offertorium Ps. 84 Deus tu convértens vivificábis nos, et plebs tua lætábitur in te : osténde nobis Dómine misericórdiam tuam, et salutáre tuum da nobis.

Secreta

MUNERIBUS nostris, quæsumus Dómine, precibúsque suscep̃tis : et cælestibus nos munda mystériis, et cleménter exáudi. Per Dóminum nostrum.

Secunda Secreta

IN méntibus nostris, quæsumus Dómine, veræ fidei sacraménta confirma : ut qui concéptum de Virgine, Deum verum, et hóminem confitémur; per ejus salutiferæ resurrectionis poténtiam, ad ætérnam mereámur pervenire lætítiam : (Per eúmdem).

Tertia Secreta

MISERERE, quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta supérnæ benedictiónis grátiam obtíneant, et glóriam ætérnæ beatitúdinis acquirant : Per Dóminum.

Communio Zac. 14 Ecce Dóminus véniet, et omnes sancti ejus cum eo : et erit in die illa lux magna.

Postcommunio

TUINOS, Dómine, sacraménti libátio sancta restáuret; et a vetustáte purgátos, in mystérii salutáris fáciat transire consórtium : Per Dóminum.

Secunda Postcommunio

GRATIAM tuam, quæsumus Dómine, méntibus nostris infúnde : ut qui, Angelo nuntiánte, Christi Fílii tui incarnationem cognóvimus; per passiónem ejus, et crucem ad resurrectionis glóriam perducamur : (Per eúmdem).

Tertia Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitátem et pacem; pro quorum quarúmque dilectióne hæc tuæ obtúlimus majestáti : Per Dóminum.

SABBATO

QUATUOR TEMPORUM

Statio ad S. Petrum

Officium

Ps. 79

VENI, et osténde nobis faciém tuam, Dómine, qui sedes super Chérubim, et salvi érimus. ✠. Qui regis Israël, inténde : qui dedúcis velut ovem Joseph. Glória Patri.

Post Kýrie eléison quinque sequentes Orationes dicantur sine Dóminus vobíscum. Nec dicatur Flectámus gēna sed

Orémus

Oratio

DEUS, qui cónspicis quia ex nostra pravitate affligimur; concéde propítius, ut ex

tua visitatione consolémur :
Qui vivis.

Hæc Oratio est dicenda pro Memoria de Adventu in Missa festi, si hac die occurrerit.

Lectio Isaïæ Prophætæ. c. 19

IN diébus illis : Clamábunt ad Dóminum a fácie tribulántis, et mittet eis salvatórem et propugnatórem, qui liberet eos. Et cognoscétur Dóminus ab Ægypto, et cognóscet Ægyptií Dóminum in die illa, et colent eum in hóstiis et in munéribus : et vota vovébunt Dómino, et solvent. Et percútiet Dóminus Ægyptum plaga, et sanábit eam, et reverténtur ad Dóminum, et placábitur eis, et sanábit eos Dóminus Deus noster.

℟. Ps. 18 A summo cælo egressio ejus : et occúrsus ejus usque ad summum ejus.

℣. Cæli enarrant glóriam Dei, et ópera mánuum ejus annúnciat firmaméntum.

Orémus

Oratio

CONCEDE, quæsumus omnipotens Deus : ut qui sub peccáti iugo ex vetústa servitúte deprímimur; exspectáta unigéniti Filii tui nova nativitate, liberémur : Qui tecum.

Lectio Isaïæ Prophætæ. c. 35

HÆC dicit Dóminus : Lætábitur desérta et invia, et exsultábit solitúdo, et florébit quasi lílium. Gérminans germinábit, et exsultábit lætabúnda et laudans : Glória Líbani data est ei : decor Carméli, et Saron, ipsi vidébunt

glóriam Dómini, et decórem Dei nostri. Confortáte manus dissolútas, et génua debilia roboráte. Dícite pusillánimis : Confortámini, et nolíte timére : Ecce Deus vester ultiónem addúcet retributiónis : Deus ipse véniet, et salvábit vos. Tunc aperiéntur óculi cæcórum, et aures surdórum patébunt. Tunc sáliet sicut cervus claudus, et apérta erit lingua mutórum : quia scissæ sunt in desérto aquæ, et torréntes in solitúdine. Et quæ erat árida, erit in stagnum, et sítiens in fontes aquárum. Ait Dóminus omnipotens.

℟. Ps. 18 In sole pósuit tabernáculum suum : et ipse tamquam sponsus procedens de thálamo suo. **℣.** A summo cælo egressio ejus : et occúrsus ejus usque ad summum ejus.

Orémus

Oratio

INDIGNOS nos, quæsumus Dómine, fámulos tuos, quos actionis propriæ culpa contristat; unigéniti Filii tui adventu lætífica : Qui tecum.

Lectio Isaïæ Prophætæ. c. 40

HÆC dicit Dóminus : Super montem excélsu ascénde tu, qui evangelizas Sion : exálta in fortitúdine vocem tuam, qui evangelizas Jerúsalem : Exálta, noli timére. Dic civitatibus Juda : Ecce Deus vester : Ecce Dóminus Deus in fortitúdine véniet, et bráchium ejus dominábitur : Ecce merces ejus cum eo, et opus illíus coram illo. Sicut

pastor gregem suum pascet : in bráchio suo congregábit agnos, et in sinu suo levábit, Dóminus Deus noster.

℟. Ps. 79 Dómine Deus virtútum convérte nos : et osténde fáciem tuam, et salvi érimus. **℣.** Excita Dómine poténtiam tuam, et veni, ut salvos fácias nos.

Orémus

Oratio

PRÆSTA, quæsumus omnipotens Deus : ut Filii tui ventúra solémnitas, et præséntis nobis vitæ remédia cónferat; et præmia ætérna concédât : Per eúndem.

Léctio Isaiaë Prophætæ. c. 45

HÆC dicit Dóminus christo meo Cyro, cujus apprehénderi dexteram, ut subjiciam ante fáciem ejus gentes, et dorsa regum vertam, et apériam coram eo jánuas, et portæ non claudéntur. Ego ante te ibo : et gloriósos terræ humiliábo : Portas aéreas cónteram, et vectes férreos confríngam. Et dabo tibi thesauros absconditos, et arcána secretórum : ut scias quia ego Dóminus, qui voco nomen tuum, Deus Israël. Propter servum meum Jacob, et Israël eléctum meum, et vocávi te nómine tuo : assimilávi te, et non cognovisti me. Ego Dóminus, et non est ámplius : extra me non est Deus : Accínxi te, et non cognovisti me : ut sciant hi, qui ab ortu solis, et qui ab occidénte, quóniam absque me non est : Ego Dóminus, et non est alter, for-

mans lucem, et creans ténebras, fáciens pacem, et creans malum : Ego Dóminus fáciens ómnia hæc. Roráte cæli désuper, et nubes pluant justum : aperiátur terra, et gérminet salvatórem : et justítia oriátur simul : Ego Dóminus creávi eum.

℟. Ps. 79 Excita Dómine poténtiam tuam, et veni, ut salvos fácias nos. **℣.** Qui regis Israël, inténde : qui dedúcis velut ovem Joseph : qui sedes super Chérubim, appáre coram Ephraim, Bénjamin, et Manásse.

Orémus

Oratio

PRECES pópuli tui, quæsumus Dómine, cleménter exáudi : ut qui juste pro peccátis nostris affligimur; pietátis tuæ visitatióne consolémur : Qui vivis.

Léctio Daniélis Prophætæ. c. 3

IN diébus illis : Angelus Dómini descendit cum Azaria, et sóciis ejus in fornácem : et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem : et erúpit, et incéndit quos réperit juxta fornácem de Chaldæis, ministros regis, qui eam incendébant. Et non tétigit eos omnino ignis, neque contristávit, nec quidquam moléstiaé intulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes :

Hymnus

Dan. 3

BENEDICTUS es Dómine Deus patrum nostrórum : et laudábilis, et gloriósus in sǎcula. *℟.* Et benedictum nomen glóriæ tuæ, quod est sanctum : et laudábile, et gloriósum in sǎcula. *℟.* Benedictus es in templo sancto glóriæ tuæ : et laudábilis, et gloriósus in sǎcula. *℟.* Benedictus es super thronum sanctum regni tui : et laudábilis, et gloriósus in sǎcula. *℟.* Benedictus es super sceptrum divinitátis tuæ : et laudábilis, et gloriósus in sǎcula. *℟.* Benedictus es, qui sedes super Chérubim, intuens abyssos : et laudábilis, et gloriósus in sǎcula. *℟.* Benedictus es, qui ámbulas super pennas ventórum, et super undas maris : et laudábilis, et gloriósus in sǎcula. *℟.* Benedicant te omnes Angeli, et sancti tui : et laudent te, et glorificent in sǎcula. *℟.* Benedicant te cæli, terra, mare, et ómnia, quæ in eis sunt : et laudent te, et glorificent in sǎcula. *℟.* Glória Patri, et Fílio, et Spirítui Sancto : et laudábili, et glorióso in sǎcula. *℟.* Sicut erat in principio, et nunc, et semper, et in sǎcula sæculórum, amen : et laudábili, et glorióso in sǎcula. *℟.* Benedictus es Dómine Deus patrum nostrórum : et laudábilis, et gloriósus in sǎcula.

Postea Dóminus vobiscum.

Orémus

Oratio

DEUS, qui tribus púeris mitigásti flammam ignium; concéde propítius, ut nos fá-

mulos tuos non exúrat flamma vitiórum : Per Dóminum.

Secunda Oratio

DEUS, qui de beátæ Mariæ Virginis útero, Verbum tuum, Angelo nuntiánte, carnem suscipere voluísti; præsta supplicibus tuis : ut qui vere eam genitricem Dei crédimus; ejus apud te intercessiónibus adjuvémur : (Per eúmdem).

Tertia Oratio

DEUS, qui caritátis dona, per grátiam Sancti Spíritus, tuórum córdibus fidélium infudísti; da fámulis et famulábus tuis, pro quibus tuam deprecámur cleméntiam, salútem mentis et córporis : ut te tota virtúte diligant; et quæ tibi plácita sunt, tota dilectióne perficiant : Per Dóminum... in unitáte ejúsdem.

Léctio Epístolæ beáti Pauli Apóstoli ad Thessalonicénses.

2, c. 2

FRATRES : Rogámus vos per advéntum Dómini nostri Jesu Christi, et nostræ congregatiónis in ipsum : ut non cito moveámini a vestro sensu, neque terreámini, neque per spíritum, neque per sermónem, neque per epístolam tamquam per nos missam, quasi instet dies Dómini. Ne quis vos seducat ullo modo : Quóniam nisi vénerit discéssio primum, et revelátus fúerit homo peccáti, filius perditionis, qui adversátur, et extóllitur supra omne, quod dicitur Deus, aut quod cólitur, ita ut in templo

Dei sédeat osténdens se tamquam sit Deus. Non retinétis quod cum adhuc essem apud vos, hæc dicébam vobis? Et nunc quid detineat scitis, ut revelétur in suo témpore. Nam mystérium jam operátur iniquitátis : tantum ut qui tenet nunc, téneat, donec de médio fiat. Et tunc revelábitur ille iniquus, quem Dóminus Jesus interficiet spiritu oris sui, et déstruet illustratióne advéntus sui.

Tractus Ps. 79 Qui regis Israël, inténde : qui dedúcis velut ovem Joseph. **℟.** Qui sedes super Chérubim, appáre coram Ephraim, Bénjamin, et Manásse. **℟.** Excita Dómine poténtiam tuam, et veni, ut salvos fácias nos.

✠ **Sequéntia sancti Evangélii** secúndum Lucam. **c. 3**

ANNO quintodécimo impérii Tibérii Cæsaris, procuránte Póntio Piláto Judæam, tetrárcha autem Galilææ Heróde, Philippo autem fratre ejus tetrárcha Iturææ, et Trachonítidis regiónis, et Lysánia Abilínæ tetrárcha, sub principibus sacerdotum Anna et Cáipha : factum est verbum Dómini super Joánnem, Zachariæ filium, in desérto. Et venit in omnem regiónem Jordánis, prædicans baptísmum pœnitentiæ in remissionem peccatorum, sicut scriptum est in libro sermónum Isaïæ prophætæ : Vox clamántis in desérto, Paráte viam Dómini : rectas fácite sémitas ejus : Omnis vallis implébitur : et

omnis mons, et collis humiliábitur : Et erunt prava in directa : et áspera in vias planas : Et vidébit omnis caro salutáre Dei.

Offertorium Zac. 9 Exsúlta satis filia Sion, prædica filia Jerúsalem : ecce rex tuus venit tibi sanctus, et salvátor.

Secreta

SACRIFICIIS præsentibus, quæsumus Dómine, placátus inténde : ut et devotióni nostræ proficiant, et salutí. Per Dóminum.

Secunda Secreta

IN méntibus nostris, quæsumus Dómine, veræ fidei sacraménta confirma : ut qui concéptum de Virgine, Deum verum, et hóminem confitémur; per ejus salutiferæ resurrectionis poténtiam, ad ætérnam mereámur pervenire lætítiam : (Per eúmdem).

Tertia Secreta

MISERERE quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta supérnæ benedictiónis grátiam obtineant, et glóriam ætérnæ beatitúdinis acquirant : Per Dóminum.

Communio Ps. 18 Exsultávit ut gigas ad curréndam viam : a summo cælo egréssio ejus, et occúrsus ejus usque ad summum ejus.

Postcommunio

QUÆSUMUS Dómine Deus noster : ut sacrosáncta mystéria, quæ pro reparatió-

nis nostræ munimine contulisti; et præsens nobis remedium esse facias, et futurum : Per Dóminum.

Secunda Postcommunio

GRATIAM tuam, quæsumus Dómine, méntibus nostris infúnde : ut qui, Angelo nuntiante, Christi Filii tui incarnationem cognóvimus; per passionem ejus, et crucem ad resurrectionis glóriam perducamur : (Per eúndem).

Tertia Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitatem et pacem; pro quorum quarúmque dilectione hæc tuæ obtulimus majestáti : Per Dóminum.

DOMINICA QUARTA ADVENTUS

Statio ad SS. duodecim Apostolos

Officium

Ps. 105

MEMENTO nostri Dómine in beneplácito pópuli tui : visita nos in salutári tuo : ad vidéndum in bonitate electórum tuórum, in lætitia gentis tuæ : ut lauderis cum hereditate tua. **℣.** Confitémini Dómino quóniam bonus : quóniam in sæculum misericórdia ejus. **Gloria Patri.**

Oratio

EXCITA, quæsumus Dómine, poténtiam tuam, et veni : et magna nobis virtúte succurre; ut per auxilium grátiae tuæ, quod nostra peccáta præ-

pédiunt, indulgéntia tuæ propitiatiónis accéleret : Qui vivis.

Aliæ Orationes, ut in prima Dominica, pag. 1

Lectio Epístolæ beáti Pauli Apóstoli ad Corínthios. **1, c. 4**

FRATRES : Sic nos existimet homo ut ministros Christi : et dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi autem pro minimo est, ut a vobis júdicer, aut ab humano die : Sed neque meípsum júdico. Nihil enim mihi cóncius sum : sed non in hoc justificátus sum : Qui autem júdicat me, Dóminus est. Itaque nolite ante tempus judicáre, quoadúsque véniat Dóminus : qui et illuminábit abscondita tenebrárum, et manifestábit consília córdium : Et tunc laus erit unicuíque a Deo.

℟. **Ps. 144** Prope est Dóminus ómnibus invocántibus eum : ómnibus, qui invocant eum in veritate. **℣.** Laudem Dómini loquétur os meum : et benedicat omnis caro nomen sanctum ejus.

Allelúia, allelúia. ℣. Veni Dómine, et noli tardáre : reláxa facinora plebis tuæ Israë. **Allelúia.**

✠ Sequéntia sancti Evangélii secúndum Lucam. **c. 3**

ANNO quintodécimo impérii Tibérii Cæsaris, procuránte Póntio Piláto Judæam, tetrárcha autem Galilææ Heróde, Philíppo autem fratre ejus tetrárcha Iturææ, et Tra-

chonítidis regiónis, et Lysánia Abilínæ tetrárcha, sub princípibus sacerdótum Anna et Cáipha : factum est verbum Dómini super Joánnem, Zachariæ filium, in desérto. Et venit in omnem regiónem Jordánis, prædicans baptísmum pœniténtiæ in remissionem peccatórum, sicut scriptum est in libro sermónum Isaïæ prophétæ : Vox clamántis in desérto, Paráte viam Dómini : rectas fácite sémitas ejus : Omnis vallis implébitur : et omnis mons, et collis humiliábitur : Et erunt prava in dirécta : et áspera in vias planas : Et vidébit omnis caro salutáre Dei. **Credo.**

Offertorium Isa. 35 Confortámini, et jam nolite timére : ecce enim Deus noster retribuet iudiciū : ipse véniet, et salvos nos fáciet.

Secreta

SACRIFICIIS præsentibus, quæsumus Dómine, placátus inténde : ut et devotiōni nostræ proficiant, et salúti. Per Dóminum.

Aliæ Secretæ, ut in prima Dominica, pag. 2 et 3

Communio Isa. 7 Ecce virgo concipiet, et páriet filium, et vocábitur nomen ejus Emmánuel.

Postcommunio

SUMPTIS munéribus, quæsumus Dómine; ut cum frequentatiōne mystérii crescat nostræ salútis efféctus : Per Dóminum.

Aliæ Postcommuniones, ut in prima Dominica, pag. 3

Si in Dominica IV Adventus venerit Vigilia Nativitatis, in Choro dicitur Missa conventualis de Vigilia, extra Chorum vero de Dominica proprio ritu.

IN VIGILIA NATIVITATIS DOMINI

Statio ad S. Mariam Majorem

Officium **Exo. 16**

HODIE sciétis, quia véniet Dóminus, et salvábit nos : et mane vidébitis glóriam ejus. **Ps. 23** Dómini est terra, et plenitúdo ejus : orbis terrárum, et univérsi, qui hábitant in eo. **Glória Patri.**

Non dicitur Glória in excélsis.

Oratio

DEUS, qui nos redemptionis nostræ ánnua expectatiōne lætíficas : præsta, ut Unigénitum tuum, quem redemptionem læti suscipimus; veniéntem quoque júdicem secúri videámus : Dóminum nostrum Jesum Christum Fílium tuum; qui tecum vivit et regnat in unitáte Spíritus Sancti Deus : per ómnia sæcula sæculórum.

Hæc Oratio sola dicatur, nisi Vigilia venerit in Dominica, quia tunc fiet Memoria Dominicæ in Missis privatis.

Lectio Isaïæ Prophétæ. c. 62

HÆC dicit Dóminus Deus : Propter Sion non tacébo, et propter Jerúsalem non quiescam, donec egrediátur ut splendor justus ejus, et salvátor ejus ut lampas accendátur. Et vidébunt gentes justum tuum, et cuncti reges inclytum tuum : Et vocábitur

tibi nomen novum, quod os Dómini nominábit. Et eris coróna glóriæ in manu Dómini, et diadéma regni in manu Dei tui. Non vocáberis ultra Derelicta : et terra tua non vocábitur ámplius Desolata : sed vocáberis Volúntas mea in ea, et terra tua inhabitáta : quia complácuít Dómino in te.

Deinde sine intervallo dicatur

Léctio Epístolæ beáti Pauli Apóstoli ad Romános. **c. I**

PAULUS, servus Jesu Christi, vocátus Apóstolus, segregátus in Evangélium Dei, quod ante promiserat per prophétas suos in Scriptúris sanctis de Filio suo, qui factus est ei ex sémíne David secúndum carnem, qui prædestinátus est Filius Dei in virtúte secúndum spíritum sanctificatiónis ex resurrectione mortuórum Jesu Christi Dómini nostri : Per quem accépmus grátiam, et Apostolatúm ad obediéndum fidei in ómnibus géntibus pro nómine ejus, in quibus estis et vos vocáti Jesu Christi Dómini nostri.

℟. **Exo. 16** Hódie sciétis, quia véniet Dóminus, et salvábit nos : et mane vidébitis glóriam ejus. **℣.** **Ps. 79** Qui regis Israël, inténde : qui dedúcis velut ovem Joseph : qui sedes super Chérubim, appáre coram Ephraim, Bénjamin, et Manásse.

Si Dominica fuerit Allelúia, allelúia. **℣.** Crástina die delébitur iniquitas terræ : et regnábit super nos Salvátor mundi. Allelúia.

✠ **Sequéntia sancti Evangélii** secúndum Matthæum. **c. I**

CUM esset deponsáta mater Jesu María Joseph, ántequam convenirent, invénta est in útero habens de Spíritu Sancto. Joseph autem vir ejus cum esset justus, et nollet eam tradúcere : vóluit occúlte dímítere eam. Hæc autem eo cogitánte, ecce Angelus Dómini appáruit in somnis ei, dicens : Joseph fili David, noli timére accípere Mariam conjugem tuam : Quod enim in ea natum est, de Spíritu Sancto est : Páriet autem filium : et vocábis nomen ejus Jesum : Ipse enim salvum fáciét pópulum suum a peccátis eórum.

Non dicitur Credo, nisi Dominica fuerit.

Offertorium Ps. 23 Tóllite portas príncipes vestras, et elevámini, portæ æternáles : et introíbit rex glóriæ.

Secreta

DA nobis, quæsumus omnipotens Deus, ut sicut adoránda Filii tui natalítia prævenimus, sic ejus múnera capíamus sempitérna gaudéntes : Qui tecum vivit.

Communio Isa. 40 Revelábitur glória Dómini : et vidébit omnis caro salutáre Dei nostri.

Postcommunio

DA nobis, quæsumus Dómine, unigéniti Filii tui recensíta Nativitáte respiráre; cujus cælésti mystério páscimur, et potámur : Per eúdem Dóminum.

In fine dicatur Evangelium In principio, etiamsi Dominica fuerit.

IN NATIVITATE DOMINI

Totum Duplex I Classis cum Octava solemnissima

IN NOCTE

ad primam Missam

*Statio ad S. Mariam Majorem
ad Præsepe*

Officium

Ps. 2

DOMINUS dixit ad me :
Filius meus es tu,
ego hodie genui
te. *℟.* Quare fre-
muérunt gentes, et pópuli
meditati sunt inánia? *Gloria*
Patri. *Gloria in excelsis.*

Oratio

DEUS, qui hanc sacratissi-
mam noctem veri lúminis
fecisti illustratione claréscere :
da quæsumus, ut cujus lucis
mystéria in terra cognóvimus;
ejus quoque gáudiis in cælo
perfruámur : Qui tecum vivit
et regnat in unitate Spíritus
Sancti Deus.

Lectio Isaíæ Prophétæ. *c. 9*

HÆC dicit Dóminus : Pó-
pulus, qui ambulábat in
ténébris, vidit lucem magnam:
Habitántibus in regione um-
bræ mortis, lux orta est eis.
Párvulus enim natus est no-

bis, et filius datus est nobis,
et factus est principátus super
húmerum ejus : Et vocábitur
nomen ejus, Admirábilis, con-
siliárius, Deus, fortis, pater
futúri sæculi, princeps pacis.
Multiplicábitur ejus impé-
rium, et pacis non erit finis :
super sólium David, et super
regnum ejus sedébit : ut con-
firmet illud, et corróboret in
judicio et justitia, ámodo et
usque in sempiternum.

Deinde sine intervallo dicatur

Lectio Epístolæ beáti Pauli
Apóstoli ad Titum. *c. 2*

CARISSIME : Appáruit grátia
Dei Salvatóris nostri óm-
nibus homínibus, erúdiens
nos, ut abnegántes impietá-
tem, et sæculária desidéria :
sóbrie, et juste, et pie vivámus
in hoc sæculo, exspectántes
beátam spem, et advéntum
glóriæ magni Dei, et Salva-
tóris nostri Jesu Christi : Qui
dedit semetípsum pro nobis,
ut nos redimeret ab omni
iniquitate, et mundáret sibi
pópulum acceptábilem, secta-
tórem bonórum óperum. Hæc

lóquere, et exhortáre : In Christo Jesu Dómino nostro.

℟. **Ps. 109** Tecum principium in die virtútis tuæ : in splendóribus sanctórum, ex útero ante luciferum génui te.

℣. Dixit Dóminus Dómino meo : Sede a dextris meis : donec ponam inimicos tuos, scabéllum pedum tuórum.

Allelúia, allelúia. ℣. **Ps. 2** Dóminus dixit ad me : Filius meus es tu, ego hódie génui te. Allelúia.

✠ Sequéntia sancti Evangélii secúndum Lucam. **c. 2**

IN illo témpore : Exiit edictum a Cæsare Augústo, ut describerétur univérsum orbis. Hæc descriptio prima, facta est a præside Sýriæ Cyrino : Et ibant omnes, ut profiterén-tur singuli in suam civitátem. Ascéndit autem et Joseph a Galilæa de civitáte Náza-reth in Judæam in civitátem David, quæ vocátur Béthlehem : eo quod esset de domo, et familia David, ut profiterétur cum Maria desponsáta sibi uxóre prægnánte. Factum est autem, cum essent ibi, impléti sunt dies ut páreret. Et péperit Filium suum primogénitum, et pannis eum invólvit, et reclinávit eum in præsépio : quia non erat eis locus in diversório. Et pastóres erant in regione eádem vigilátes, et custodiéntes vigílias noctis super gregem suum. Et ecce Angelus Dómini stetit juxta illos, et cláritas Dei circumfúlsit illos, et timuérunt timóre magno. Et dixit illis Angelus :

Nolíte timére : Ecce enim evangelízo vobis gáudium magnum, quod erit omni pópulo : quia natus est vobis hódie Salvátor, qui est Christus Dóminus in civitáte David. Et hoc vobis signum : Inveniétis infántem pannis involútum, et pósitum in præsépio. Et súbito facta est cum Angelo multitúdo militiæ cæléstis laudántium Deum, et dicéntium : Glória in altíssimis Deo, et in terra pax hominibus bonæ voluntátis. **Credo.**

Offertorium Ps. 95 Læténtur cæli, et exsúltet terra ante fáciem Dómini : quóniam venit.

Secreta

ACCEPTA tibi sit, Dómine quæsumus, hodiérnæ festivitátis oblátio : ut, tua grátia largiénte, per hæc sacrosáncta commércia, in illius inveniámur forma, in quo tecum est nostra substántia. Qui tecum vivit et regnat.

Præfatio Quia per incarnáti, et Communicátes, et noctem.

Sacerdos tres Missas celebraturus in hac die, in prima Missa Christi Sanguinem, majori qua poterit diligentia, totum sumat : deinde immediate calicem super corporale deponat, et accepta patena dextera manu, diligenter colligat fragmenta super corporale, si quæ in eo sint, eaque in calicem immittat, et absumat : postea calicem patena coope-riat, et procedens ad cornu Epistolæ, primam ablutionem super digitos recipiat in vasculo decente ibidem a Sacrista præparato, dicens : Quod ore sumpsimus, etc. Et purificatorio detergis digitis, mox discoopertum calicem sinistra manu accipiens, infundat in eo vinum et aquam pro secunda Missa, deponat-

que supra corporale, et sine ulla detersione hostiam patenæ superponens, palla veloque tegat, et inde procedens ad librum, Missam prosequatur more solito. Eodem prorsus modo faciat in secunda Missa pro tertia : in qua, loco primæ ablutionis, recipiat in calice ex vasculo depositas priores digitorum ablutiones, et postea secundam super digitos.

Communio Ps. 109 In splendoribus sanctorum, ex útero ante luciferum genui te.

Postcommunio

DA nobis, quæsumus Dómine Deus noster : ut qui Nativitatem Dómini nostri Jesu Christi mystériis nos frequentare gaudemus; dignis conversationibus ad ejus mereámur pervenire consórtium : Qui tecum vivit et regnat.

In fine primæ Missæ, dicto *Ite Missa est*, et data benedictione, ac dicto Evangelio In principio erat, Sacerdos revertatur ad medium altaris, ubi inclinato capite, descendat infra illius gradum, et stans signet se signo crucis, ut in prima; et dictis more solito, quæ sequuntur, incipiat secundam Missam, et finiat modo quo supra. In tertia idem etiam observet, excepto quod, loco Evangelii In principio erat Verbum, dicat Evangelium Cum natus esset Jesus, quod habetur infra, pag. 25

Hac nocte, dicta Communione, si fuerit Missa conventualis, dicuntur Laudes.

Aña. Quem vidistis pastóres dicite : annuntiáte nobis, in terris quis apparuit. Natum vidimus, et choros Angelórum collaudantes Dóminum, allelúia, allelúia. **Ps. 92** Dóminus regnávít.

Aña. Génuit puérpera Regem, cui nomen ætérnum : et gáudia matris habens cum virginitátis honóre, nec primam similem visa est, nec habere sequentem, allelúia. **Ps. 99** Jubiláte Deo.

Aña. Angelus ad pastóres ait : Annúntio vobis gáudium magnum : quia natus est vobis hódie Salvátor mundi, allelúia. **Ps. 62** Deus, Deus meus.

Aña. Facta est cum Angelo multitúdo cæléstis exércitus laudántium Deum, et dicéntium : Glória in excélsis Deo, et in terra pax homínibus bonæ voluntátis, allelúia. **Canticum Daniel 3** Benedícite.

Aña. Párvulus fílius hódie natus est nobis : et vocábitur Deus, fortis, allelúia, allelúia. **Ps. 148** Laudáte Dóminum.

Ad Benedictus, Antiphona Glória in excélsis Deo, et in terra pax homínibus bonæ voluntátis, allelúia, allelúia. **Canticum Luc. 1** Benedictus.

Postcommunio Da nobis, quæsumus Dómine, ut supra.

Et deinde terminetur Missa more solito.

PRO MISSA SOLEMNI

Observandum est, quod calix, ubi fuit Sanguis Christi in prima Missa, (cum ibi soleat semper remanere aliquid Sanguinis), debeat relinqui super corporale, et a Diacono patena, palla, veloque cooperiri : ut, absoluta Missa, cum eodem, si commode fieri potest, alius Sacerdos statim tres Missas consequenter celebret. Si ita fieri non potest, cooperiatur patena a Diacono, et intra tabernaculum reponatur, donec aliæ Missæ cum illo dicentur.

IN AURORA

ad secundam Missam

Statio ad S. Anastasiam

Officium

Isa. 9

LUX fulgēbit hódie super nos : quia natus est nobis Dóminus : et vocábitur Admirábilis, Deus, Princeps pacis, Pater futúri sáculi : cujus regni non erit finis. **℟. Ps. 92** Dóminus regnávít, decórem indútus est : indútus est Dóminus fortitúdinem, et præcínxit se. Glória Patri. Glória in excélsis.

Oratio

DA nobis, quæsumus omnipotens Deus : ut qui nova incarnáti Verbi tui luce perfúndimur; hoc in nostro respléndeat ópere, quod per fidem fulget in mente : Per eúndem.

Memoria de S. Anastasia

Oratio

DA, quæsumus omnipotens Deus : ut qui beatæ Anastasiæ Mártiris tuæ solémnia cólimus; ejus apud te patrocínia sentiámus : Per Dóminum.

Lectio Isaíæ Prophétæ.

c. 61 et 62

HÆC dicit Dóminus : Spíritus Dómini super me, eo quod únxerit Dóminus me : Ad annuntiándum mansuétis misit me, ut medérer contritis corde, et prædicárem captivis indulgéntiam, et clausis apertiónem : ut prædicárem annum placábilem Dómino, et diem ultiónis Deo nostro : ut con-

solárer omnes lugéntes : ut pónerem lugéntibus Sion : et darem eis corónam pro cinere, óleum gáudii pro luctu, pállium laudis pro spíritu mœroris : Et vocabúntur in ea fortes justitiæ, plantátio Dómini ad glorificándum. * Ecce Dóminus auditum fecit in extrémis terræ, dicite filiæ Sion : Ecce salvátor tuus venit : ecce merces ejus cum eo, et opus ejus coram illo. Et vocabunt eos, Pópulus sanctus, redempti a Dómino Deo nostro.

Deinde sine intervallo dicatur

Lectio Epistolæ beáti Pauli Apóstoli ad Titum. c. 3

CARISSIME : Appáruit benígnitas, et humánitas Salvatóris nostri Dei : Non ex opéribus justitiæ, quæ fécimus nos, sed secúndum suam misericórdiam salvos nos fecit per lavácrum regeneratiónis, et renovatiónis Spíritus Sancti, quem effúdit in nos abúnde per Jesum Christum Salvátorem nostrum : ut justificáti grátia ipsius, herédes simus secúndum spem vitæ æternæ : In Christo Jesu Dómino nostro.

℟. Ps. 117 Benedictus qui venit in nómine Dómini : Deus Dóminus, et illúxit nobis. **℟.** A Dómino factum est istud : et est mirábile in óculis nostris.

Allelúia, allelúia. **℟. Ps. 92** Dóminus regnávít, decórem induit : induit Dóminus fortitúdinem, et præcínxit se virtúte. Allelúia.

✠ **Sequētia sancti Evangēlii**
secūndum Lucam. **c. 2**

IN illo tēpore : Pastōres
loquebāntur ad invicem :
Transeāmus usque Bēthle-
hem, et videāmus hoc verbum,
quod factum est, quod Dó-
minus ostēndit nobis. Et venē-
runt festināntes : et invenērunt
Mariam, et Joseph, et infāntem
pōsitum in præsēpio. Vidētes
autem, cognovērunt de verbo,
quod dictum erat illis de pūero
hoc. Et omnes, qui audiērunt,
mirāti sunt : et de his, quæ
dicta erant a pastōribus ad
ipsos. María autem conser-
vābat ómnia verba hæc, cón-
ferens in corde suo. Et reversi
sunt pastōres glorificāntes, et
laudāntes Deum in ómnibus,
quæ audierant, et viderant,
sicut dictum est ad illos.

Credo.

Offertorium Ps. 92 Deus fir-
māvit orbem terræ, qui non
commovēbitur : parāta sedes
tua Deus ex tunc : a sǎculo
tu es.

Secreta

MUNERA nostra, quǎsumus
Dómine, Nativitátis ho-
diērnæ mystériis apta provē-
niant, et pacem nobis semper
infúndant : ut sicut homo
génitus idem refúlsit et Deus,
sic nobis hæc terréna sub-
stántia cónferat quod divinum
est. Per eúmdem.

De sancta Anastasia

Secreta

ACCIPE, quǎsumus Dómine,
múnera dignānter oblāta :
et beátæ Anastásiæ Mártiris

tuæ suffragántibus méritis, ad
nostræ salútis auxílium pro-
veníre concéde. Per Dóminum.

Præfatio Quia per incarnáti, et
Communicāntes, et diem.

Communio Zac. 9 Exsúlta
filia Sion, lauda filia Jerúsa-
lem : ecce rex tuus venit
sanctus, et salvátor mundi.

Postcommunio

HUJUS nos, Dómine, sacra-
ménti semper nóvitas
natális instāuret; cujus Nati-
vitas singuláris humánam ré-
pulis vetustátem : Per eúmdem
Dóminum.

De sancta Anastasia

Postcommunio

SATIASTI Dómine famíliam
tuam munéribus sacris :
ejus, quǎsumus, interventióne
nos réfove; cujus solémnia
celebrámus : Per Dóminum.

IN DIE

ad tertiam Missam

Statio ad S. Mariam Majorem

Officium

Isa. 9

PUER natus est nobis, et
filius datus est nobis :
cujus impérium super
húmerum ejus : et vocábitur
nomen ejus, magni consílii
Angelus. **W. Ps. 97** Cantáte
Dómino cánticum novum :
quia mirabilia fecit. **Glória**
Patri. **Glória** in excelsis.

Oratio

CONCEDE, quǎsumus omní-
potens Deus : ut nos Uni-
géniti tui nova per carnem
Nativitas liberet; quos sub

peccáti iugo vetústa sérvitus tenet : Per eúndem.

Léctio Isaiaë Prophétæ. c. 52

HÆC dicit Dóminus : Propter hoc sciet pópulus meus nomen meum in die illa : quia ego ipse qui loquébar, ecce adsum. Quam pulchri super montes pedes annuntiántis et prædicántis pacem : annuntiántis bonum, prædicántis salutem, dicéntis Sion : Regnabit Deus tuus! Vox speculatórum tuórum : Levavérunt vocem, simul laudábunt : quia óculo ad óculum vidébunt cum convérterit Dóminus Sion. Gaudéte, et laudáte simul desérta Jerúsalem : quia consolátus est Dóminus pópulum suum, redémit Jerúsalem. Parávit Dóminus bráchium sanctum suum in óculis ómnium géntium : et vidébunt omnes fines terræ salutáre Dei nostri.

Deinde sine intervallo dicatur

Léctio Epistolæ beáti Pauli Apóstoli ad Hebræos. c. 1

MULTIFARIAM, multisque modis olim Deus loquens pátribus in prophétis : novíssime, diébus istis locútus est nobis in Fílio, quem constituit herédem universórum, per quem fecit et sácula : Qui cum sit splendor glóriæ, et figúra substántiæ ejus, portánsque ómnia verbo virtútis suæ, purgatiónem peccatórum faciens, sedet ad dexteram majestátis in excélsis : tanto mélior Angelis efféctus, quanto différentius præ illis nomen

hereditávit. Cui enim dixit aliquándo Angelórum, Filius meus es tu, ego hódie génui te? Et rursum, Ego ero illi in patrem et ipse erit mihi in filium? Et cum íterum introducit primogénitum in orbem terræ, dicit : Et adórent eum omnes Angeli Dei. Et ad Angelos quidem dicit : Qui facit Angelos suos spíritus, et ministros suos flammam ignis. Ad Filium autem : Thronus tuus Deus in sáculum sáculi : virga æquitátis, virga regni tui. Dilexisti justítiam, et odisti iniquitátem : proptérea unxit te Deus, Deus tuus, óleo exsultatiónis præ participibus tuis. Et, Tu in principio Dómine terram fundásti : et ópera mánuum tuárum sunt cæli. Ipsi peribunt, tu autem permanébis, et omnes ut vestiméntum veteráscent : Et velut amíctum mutábis eos, et mutabúntur : Tu autem idem ipse es, et anni tui non deficient.

℟. Ps. 97 Vidérunt omnes fines terræ salutáre Dei nostri : jubiláte Deo omnis terra. **℣.** Notum fecit Dóminus salutáre suum : ante conspéctum géntium revelávit justítiam suam.

Allelúia, allelúia. ℣. Dies sanctificátus illúxit nobis : veníte Gentes, et adoráte Dóminum : quia hódie descendit lux magna super terram.

Sequentia

LÆTABUNDUS exsúltet fide-
lis chorus. Allelúia.

Regem regum intáctæ profúdit torus : res miránda.

Angelus consilii natus est de Virgine : sol de stella.

Sol occásus nésciens, stella semper rútilans, semper clara.

Sicut sidus rádium, profert Virgo filium, pari forma.

Neque sidus rádio, neque mater filio fit corrúpta.

Cedrus alta Líbani conformá-tur hyssópo, valle nostra.

Verbum ens Altissimi corporári passum est, carne sumpta.

Isaías cécinít, Synagóga mé-minít, nunquam tamen désinit esse cæca.

Si non suis Vátibus, credat vel gentilibus : Sibyllinis vérsibus hæc prædicta.

Infélix própera, crede vel vétera : cur damnáberis gens mísera?

Quem docet littera, natum considera : ipsum génuít puérpera.

Allelúia.

✠ **Initium sancti Evangelii** secúndum Joánnem. **c. 1**

IN principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt : et sine ipso factum est nihil : Quod factum est, in ipso vita erat, et vita erat lux hóminum : Et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Joánnes. Hic venit in testimónium ut testimónium perhiberet de lúmine, ut omnes cré-

derent per illum. Non erat ille lux, sed ut testimónium perhiberet de lúmine. Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus : Qui non ex sanguínibus, neque ex voluntáte carnis, neque ex voluntáte viri, sed ex Deo nati sunt.

Hic genuflectitur : ET VERBUM CARO FACTUM EST, et habitávit in nobis : Et vidimus glóriam ejus, glóriam quasi Unigéniti a Patre, plenum grátiae et veritátis. **Credo.**

Offertorium Ps. 88 Tui sunt cæli, et tua est terra : orbem terrárum, et plenitúdinem ejus tu fundásti : justítia et júdicium præparátio sedis tuæ.

Secreta

OBLATA, Dómine, múnera, nova Unigéniti tui Nativitáte sanctifica : nosque a peccatórum nostrórum máculis emúnda. Per eúmdem Dóminum.

Præfatio Quia per incarnáti, et Communicántes, et diem.

Communio Ps. 97 Vidérunt omnes fines terræ salutáre Dei nostri.

Postcommunio

PRÆSTA, quæsumus omnipotens Deus : ut natus hódie Salvátor mundi, sicut

divinæ nobis generatiónis est auctor; ita et immortalitátis sit ipse largitor : Qui tecum vivit et regnat.

Loco Evangelii In principio, dicitur :

✠ *Sequéntia sancti Evangelii* secúndum Matthæum. **c. 2**

CUM natus esset Jesus in Bétlehem Juda in diébus Heródis regis, ecce Magi ab Oriénte venérunt Jerosólymam, dicétes : Ubi est qui natus est rex Judæórum? Vidimus enim stellam ejus in oriénte, et vénimus adoráre eum. Audiens autem Heródes rex, turbátus est, et omnis Jerosólyma cum illo. Et cóngregans omnes príncipes sacerdotum, et scribas pópuli, sciscitabátur ab eis ubi Christus nascerétur. At illi dixerunt ei : In Bétlehem Judæ. Sic enim scriptum est per Prophétam : Et tu Bétlehem terra Juda, nequáquam mínima es in principibus Juda : Ex te enim éxiet dux, qui regat pópulum meum Israël. Tunc Heródes, clam vocátis Magis, diligénter didicit ab eis tempus stellæ, quæ apparuit eis : Et mittens illos in Bétlehem, dixit : Ite, et interrogáte diligénter de púero : Et cum invenéritis, renuntiáte mihi, ut et ego véniens adórem eum. Qui cum audissent regem, abiérunt. Et ecce stella, quam viderant in oriénte, antecédabat eos, usque dum véniens staret supra ubi erat puer. Vidéntes autem stellam, gavisí sunt gaudio magno valde.

Et intrátes domum, invenérunt púerum cum María matre ejus : *Hic genuflectitur* : ET PROCIDÉNTES, ADORAVÉRUNT EUM : Et apértis thesáuris suis, obtulérunt ei múnera, aurum, thus, et myrrham. Et respónso accépto in somnis ne redírent ad Heródem, per áliam viam revérsi sunt in regiónem suam.

Si festum Nativitatis Domini, S. Stephani, vel S. Joannis Evangelistæ, vel SS. Innocentium, venerit in Dominica, ipsa die de Dominica nihil fiat, sed ejus Officium transferatur in diem 30 Decembris.

Si vero Dominica incidat in Festum S. Thomæ aut S. Silvestri, ipsa die fit Officium de Dominica cum Memóriis festi occurrentis, Octavæ Nativitatis et Octavarum; et die 30 Dec. fit de die infra Octavam, pag. 28

DOMINICA INFRA OCT. NATIVITATIS DOMINI

Officium

Sap. 18

DUM médium siléntium tenérent ómnia, et nox in suo cursu médium iter habéret, omnipotens sermo tuus, Dómine, de cælis a regálibus sédibus venit. *Ps. 92* Dóminus regnávít, decórem indútus est : indútus est Dóminus fortitúdinem, et præcínxit se. *Glória Patri.* *Glória in excélsis.*

Oratio

OMNIPOTENS sempitérne Deus, dirige actus nostros in beneplácito tuo; ut in nómine dilécti Fílii tui mereámur bonis opéribus abundáre : Qui tecum vivit.

De Nativitate Oratio

CONCEDE, quæsumus omnipotens Deus : ut nos Unigeniti tui nova per carnem Nativitas liberet; quos sub peccati iugo vetusta servitus tenet.

De S. Stephano Oratio

DA nobis, quæsumus Domine, imitari quod colimus, ut discamus et inimicos diligere : quia ejus natalitia celebramus; qui novit etiam pro persecutoribus exorare.

De S. Joanne Oratio

ECCESIAM tuam, Domine, benignus illustra : ut beati Joannis Apostoli tui et Evangelistæ illuminata doctrinis; ad dona perveniat sempiterna.

De SS. Innocentibus Oratio

DEUS, cujus hodierna die præconium Innocentes Martyres non loquendo, sed moriendo confessi sunt : omnia in nobis vitiarum mala mortifica; ut fidem tuam, quam lingua nostra loquitur, etiam moribus vita fateatur : Per Dominum.

Lectio Epistolæ beati Pauli Apostoli ad Galatas. c. 4

FRATRES : Quanto tempore heres parvulus est, nihil differt a servo, cum sit dominus omnium : sed sub tutoribus, et actoribus est usque ad præfinitum tempus a patre : Ita et nos cum essemus parvuli, sub elementis mundi eramus serviētes. At ubi venit plenitudo temporis, misit Deus

Filiū suū factū ex muliere, factū sub lege, ut eos, qui sub lege erant, redimeret, ut adoptionem filiorum reciperemus. Quoniam autem estis filii, misit Deus Spiritum Filii sui in corda vestra clamantem, Abba, Pater. Itaque jam non est servus, sed filius : Quod si filius : et heres per Deum.

℟. Ps. 44 Speciosus forma præ filiis hominum, diffusa est gratia in labiis tuis. ℣. Eructavit cor meum verbum bonum : dico ego opera mea regi : lingua mea calamus scribæ, velociter scribentis.

Allelūia, allelūia. ℣. Ps. 92 Dominus regnavit, decorem induit : induit Dominus fortitudinem, et præcinxit se virtute. Allelūia.

✠ Sequētia sancti Evangelii secundum Lucam. c. 2

IN illo tempore : Erat Joseph, et Maria mater Jesu mirantes super his, quæ dicebantur de illo. Et benedixit illis Simeon, et dixit ad Mariam matrem ejus : Ecce positus est hic in ruinam, et in resurrectionem multorum in Israël : et in signum, cui contradicetur : Et tuam ipsius animam pertransibit gladius, ut revelentur ex multis cordibus cogitationes. Et erat Anna prophetissa, filia Phaniel, de tribu Aser : Hæc processerat in diebus multis, et vixerat cum viro suo annis septem a virginitate sua. Et hæc vidua usque ad annos octoginta quatuor : quæ non discedebat de

templo, jejúniis, et obsecrationibus sérvians nocte, ac die. Et hæc, ipsa hora superveniens, confitebátur Dómino : et loquebátur de illo ómnibus, qui exspectábant redemptiónem Israël. Et ut perfecérunt ómnia secúndum legem Dómini, revérsi sunt in Galiléam in civitátem suam Náza-reth. Puer autem crescebat, et confortabátur, plenus sapiéntia : Et grátia Dei erat in illo.

Credo.

Offertorium Ps. 92 Deus firmávit orbem terræ, qui non commovébitur : paráta sedes tua Deus ex tunc : a sæculo tu es.

Secreta

CONCEDE, quæsumus omnipotens Deus : ut óculis tuæ majestátis munus oblátum, et grátiam nobis piæ devotiõnis obtineat, et efféctum beátæ perennitátis acquirat. Per Dóminum.

De Nativitate Secreta

OBLATA, Dómine, múnera, nova Unigéniti tui Nativitáte sanctifica : nosque a peccatórum nostrórum máculis emúnda.

De S. Stephano Secreta

SUSCIPE Dómine múnera pro tuórum commemoratióne Sanctórum : ut sicut illos pássio gloriósa effécit, ita nos devótio reddat innócuos.

De S. Joanne Secreta

SUSCIPE Dómine múnera, quæ in ejus tibi solemnitáte deférimus, cujus nos

confidimus patrocínio liberári.

De SS. Innocentibus Secreta

SANCTORUM tuórum, Dómine, nobis pia non desit orátio : quæ et múnera nostra conciliet, et tuam nobis indulgéntiam semper obtineat. Per Dóminum.

Communio Matth. 2 Tolle púerum, et matrem ejus, et vade in terram Israël : defuncti sunt enim, qui quærébant ánimam púeri.

Postcommunio

PER hujus, Dómine, operationem mystérii; et vítia nostra purgéntur, et justa desidéria compleántur : Per Dóminum.

De Nativitate Postcommunio

PRÆSTA, quæsumus omnipotens Deus : ut natus hódie Salvátor mundi, sicut divínæ nobis generatiõnis est auctor; ita et immortalitátis sit ipse largitor.

De S. Stephano

Postcommunio

AUXILIENTUR nobis, Dómine, sumpta mystéria; et intercedente beáto Stéphanó Mártire tuo, sempitérna protectione confirment.

De S. Joanne Postcommunio

REFFECTI cibo potúque cælesti, Deus noster, te supplices exorámus : ut in cujus hæc commemoratióne percépimus; ejus muniámur et précibus.

De SS. Innocentibus

Postcommunio

VOTIVA, Dómine, dona percépimus; quæ Sanctorum nobis precibus, et præsentis, quæsumus, vitæ, páriter et æternæ tribue conférre subsidium : Per Dóminum.

DIE INFRA OCTAVAM
NATIVITATIS DOMINI

Officium

Isa. 9

PUER natus est nobis, et filius datus est nobis : cujus impérium super húmerum ejus : et vocábitur nomen ejus, magni consilii Angelus. **℟.** Ps. 97 Cantáte Dómino cánticum novum : quia mirabilia fecit. **Glória Patri. Glória in excelsis.**

Oratio

CONCEDE, quæsumus omnipotens Deus : ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet : Per eúndem.

Memoriæ de Sanctis, ut in præcedenti Missa.

Léctio Epístolæ beáti Pauli Apóstoli ad Titum. c. 3

CARISSIME : Appáruit benígnitas, et humánitas Salvatóris nostri Dei : Non ex opéribus justitiæ, quæ fécimur nos, sed secúndum suam misericórdiam salvos nos fecit per lavácrum regeneratiónis, et renovatiónis Spíritus Sancti, quem effúdit in nos abúnde per Jesum Christum Salva-

tórem nostrum : ut justificáti grátia ipsius, herédes simus secúndum spem vitæ æternæ : In Christo Jesu Dómino nostro.

℟. Ps. 97 Vidérunt omnes fines terræ salutáre Dei nostri : jubiláte Deo omnis terra. **℟.** Notum fecit Dóminus salutáre suum : ante conspéctum géntium revelávit justitiam suam.

Allelúia, allelúia. **℟.** Dies sanctificátus illúxit nobis : veníte Gentes, et adoráte Dóminum : quia hódie descéndit lux magna super terram. **Allelúia.**

✠ Sequéntia sancti Evangélii secúndum Lucam. c. 2

IN illo témpore : Pastóres loquebántur ad invicem : Transeámus usque Bétlehem, et videámus hoc verbum, quod factum est, quod Dóminus osténdit nobis. Et venérunt festinántes : et invenérunt Mariam, et Joseph, et infántem pósito in præsépio. Vidéntes autem, cognovérunt de verbo, quod dictum erat illis de púero hoc. Et omnes, qui audiérunt, miráti sunt : et de his, quæ dicta erant a pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glorificántes, et laudántes Deum in ómnibus, quæ audierant, et viderant, sicut dictum est ad illos.

Credo.

Offertorium Ps. 88 Tui sunt cæli, et tua est terra : orbem

terrârum, et plenitudinem ejus tu fundâsti : justitia et judicium præparatio sedis tuæ.

Secreta

OBLATA, Dómine, múnera, nova Unigéniti tui Nativitate sanctifica : nosque a peccatorum nostrorum máculis emúnda. Per eúndem.

Aliæ Secretæ de Sanctis, ut in præcedenti Missa.

Communio Ps. 97 Vidérunt omnes fines terræ salutâre Dei nostri.

Postcommunio

PRÆSTA, quæsumus omnipotens Deus : ut natus hódie Salvátor mundi, sicut divinæ nobis generatiónis est auctor; ita et immortalitátis sit ipse largitor : Qui tecum vivit.

Aliæ Postcommuniones de Sanctis, ut in præcedenti Missa.

IN CIRCUMCISIONE DOMINI

Totum Duplex II classis

Statio ad S. Mariam trans Tiberim

Officium

Isa. 9

PUER natus est nobis, et filius datus est nobis : cujus impérium super húmerum ejus : et vocábitur nomen ejus, magni consilii Angelus. **℣. Ps. 97** Cantáte Dómino canticum novum : quia mirabilia fecit. **Glória Patri. Glória in excélsis.**

Oratio

DEUS, qui nobis nati Salvatoris diem celebrâre concédís octávum : fac nos, quæsumus, ejus perpétua Divinitate muniri; cujus sumus carnáli commercio reparati : Qui tecum vivit.

Memoriæ de Sanctis omittuntur.

Lectio Epistolæ beáti Pauli Apóstoli ad Titum. **c. 2**

CARISSIME : Appáruit grátia Dei Salvatoris nostri ómnibus homínibus, erúdiens

nos, ut abnegántes impietatem, et sæculária desidéria : sóbrie, et juste, et pie vivámus in hoc sæculo, exspectántes beátam spem, et advéntum glóriæ magni Dei, et Salvatoris nostri Jesu Christi : Qui dedit semetípsum pro nobis, ut nos redímeret ab omni iniquitate, et mundáret sibi pópulum acceptábilem, sectatorem bonorum óperum. Hæc loquere, et exhortâre : In Christo Jesu Dómino nostro.

℣. Ps. 97 Vidérunt omnes fines terræ salutâre Dei nostri : jubiláte Deo omnis terra. **℣.** Notum fecit Dóminus salutâre suum : ante conspéctum géntium revelávit justitiam suam.

Allelúia, allelúia. ℣. Heb. 1 Multifarie olim Deus loquens pátribus in prophétis : novissime, diébus istis, locútus est nobis in Filio suo. **Allelúia.**

✠ **Sequéntia sancti Evangélli**
secúndum Lucam. **c. 2**

IN illo témpore : Postquam consummáti sunt dies octo ut circumciderétur puer : vocátum est nomen ejus Jesus, quod vocátum est ab Angelo, priúsquam in útero conciperétur. **Credo.**

Offertorium Ps. 88 Tui sunt cæli, et tua est terra : orbem terrárum, et plenitúdinem ejus tu fundásti : justítia et judícium præparátio sedis tuæ.

Secreta

PRÆSTA, quæsumus Dómine, ut per hæc múnera, quæ Dómini nostri Jesu Christi arcánæ Nativitátis mystério gérimus, purificátæ mentis intelligéntiam consequámur. Per eúndem Dóminum.

Præfatio Quia per incarnáti, et Communicántes, et diem.

Communio Ps. 97 Vidérunt omnes fines terræ salutáre Dei nostri.

Postcommunio

PRÆSTA, quæsumus Dómine : ut quod Salvatóris nostri iteráta festivitáte percépimus; perpétuæ nobis redemptionis cónferat medicinam : Per eúndem Dóminum.

Dominica inter Circumcisionem et Epiphaniam

*vel, si ipsa non occurrat,
die 2 Januarii*

SS. NOMINIS JESU

Totum Duplex I classis

Officium Phil. 2

IN nómine Jesu omne genu flectátur cæléstium, terréstrium, et inférnorum, et omnis lingua confiteátur, quia Dóminus Jesus Christus in glória est Dei Patris. **℟. Ps. 134** Laudáte Dóminum, quóniam bonus est Dóminus : psállite nómini ejus, quóniam suáve. **Glória Patri. Glória in excelsis.**

Oratio

DEUS, qui unigénitum Fílium tuum constituísti humáni géneris Salvátorem, et Jesum vocári jussísti : concéde propítius, ut cujus sanctum Nomen venerámur in terris; ejus quoque aspéctu perfruámur in cælis : Per eúndem.

Léctio Actuum Apostolorum.

c. 4

IN diébus illis : Petrus replétus Spíritu sancto dixit : Príncipes pópuli, et seniôres audíte : Si nos hódie dijudicámur in benefácto hóminis infirmi, in quo iste salvus factus est, notum sit ómnibus vobis, et omni plebi Israël : quia in nómine Dómini nostri Jesu Christi Nazaréni, quem vos crucifixístis, quem Deus suscitávit a mór-

tuis, in hoc iste astat coram vobis sanus. Hic est lapis, qui reprobátus est a vobis ædificántibus, qui factus est in caput ánguli : et non est in álio áliquo salus. Nec enim áliud nomen est sub cælo datum hominibus, in quo opórteat nos salvos fieri.

℟. Ps. 112 Laudáte púeri Dóminum : laudáte nomen Dómini. **℣.** Sit nomen Dómini benedictum, ex hoc nunc, et usque in sáculum.

Allelúia, allelúia. ℣. Prov. 18 Turris fortíssima, nomen Dómini : ad ipsum currit justus, et exaltábitur. Allelúia.

✠ **Sequéntia sancti Evangélíi** secúndum Lucam. **c. 2**

IN illo témpore : Postquam consummáti sunt dies octo ut circumciderétur puer : vocátum est nomen ejus Jesus, quod vocátum est ab Angelo, priúsqvam in útero conciperétur.

Credo.

Offertorium Mal. 1 Ab ortu solis usque ad occásu, magnum est nomen meum in géntibus, et in omni loco sacrificátur, et offértur nómini meo oblátio munda : quia magnum est, dicit Dóminus exercítium.

Secreta

IN veneratióne Nóminis dilectíssimi Filii tui Dómini nostri, misericordiárum Pater, devótis méntibus hóstias immolámus, suppliciter deprecántes, ut corda nostra ejus Nóminis dulcédine impinguári, et in nullo nisi in te Deo

vero delectári fácias. Per eúmdem Dóminum nostrum.

Præfatio de Nativitate.

Communio Ps. 102 Bénedic ánima mea Dómino : et ómnia, quæ intra me sunt, nómini sancto ejus.

Postcommunio

SACROSANCTA mystéria, quæ sumpsimus, Dómine, in honórem amabilíssimi Nóminis Filii tui Dómini nostri Jesu Christi, concéde quæsumus : ut afféctum nostrum ad hoc salutíferum Nomen Jesu diligéndum inflámmet; et ad jubilándum in Deo salutári nostro feliciter promóveant : Per eúmdem.

IN VIGILIA EPIPHANIÆ DOMINI

Officium

Isa. 9

LUX fulgébit hódie super nos : quia natus est nobis Dóminus : et vocábitur Admirábilis, Deus, Princeps pacis, Pater futúri sáculi : cujus regni non erit finis. **℣. Ps. 92** Dóminus regnávít, decórem indútus est : indútus est Dóminus fortitúdinem, et præcínxit se. **Glória Patri. Glória in excélsis.**

Oratio

CORDA nostra, quæsumus Dómine, ventúræ festivitátis splendor illústret : quo mundi hujus ténebris carére valeámus; et perveniámus ad pátriam claritátis æternæ : Per Dóminum nostrum Jesum Christum.

Secunda Oratio

DEUS, qui salutis æternæ, beatæ Mariæ virginitate fecunda, humano generi præmia præstitisti : tribue quæsumus, ut ipsam pro nobis intercédere sentiāmus; per quam meruimus auctorem vitæ suscipere.

Tertia Oratio

CORDA famulorum tuorum, Domine, illumina Spiritus Sancti gratia : ignitum eis eloquium dona; et iis, qui tuum prædicant verbum, largire virtutis augmentum : Per Dominum... in unitate ejusdem.

Lectio Epistolæ beati Pauli Apostoli ad Galatas. **c. 4**

FRATRES : Quanto tempore heres parvulus est, nihil differt a servo, cum sit dominus omnium : sed sub tutoribus, et actoribus est usque ad præfinitum tempus a patre : Ita et nos cum essemus parvuli, sub elementis mundi eramus serviētes. At ubi venit plenitudo temporis, misit Deus Filium suum factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus. Quoniam autem estis filii, misit Deus Spiritum Filii sui in corda vestra clamantem, Abba, Pater. Itaque jam non est servus, sed filius : Quod si filius : et heres per Deum.

℟. Ps. 117 Benedictus qui venit in nomine Domini :

Deus Dominus, et illuxit nobis. **℣.** A Domino factum est istud : et est mirabile in oculis nostris.

Allelúia, allelúia. ℣. Ps. 92 Dominus regnavit, decorem induit : induit Dominus fortitudinem, et præcinxit se virtute. Allelúia.

✠ Sequentia sancti Evangelii secundum Matthæum. c. 2

IN illo tempore : Defuncto Heróde, ecce Angelus Domini apparuit in somnis Joseph in Ægypto, dicens : Surge, et accipe puerum, et matrem ejus, et vade in terram Israël : Defuncti sunt enim, qui quærebant animam pueri. Qui consurgens, accepit puerum, et matrem ejus, et venit in terram Israël. Audiens autem quod Archelæus regnaret in Judæa pro Heróde patre suo, timuit illo ire : Et admonitus in somnis, secéssit in partes Galilææ. Et veniens habitavit in civitate, quæ vocatur Náza-reth : ut adimpleretur quod dictum est per prophetas, Quoniam Nazaræus vocabitur.

Non dicitur Credo, nisi Dominica fuerit.

Offertorium Ps. 92 Deus firmavit orbem terræ, qui non commovebitur : parata sedes tua Deus ex tunc : a sæculo tu es.

Secreta

TRIBUE, quæsumus Domine, ut eum præsentibus immolamus sacrificiis, et sumamus, quem venturæ solemn-

tátis pia múnera præloquúntur : Dóminum nostrum Jesum Christum Filium tuum; qui tecum vivit.

Secunda Secreta

MUNERIBUS nostris, quæsumus Dómine, precibúsque susceptis, intercedente beáta Dei genitrice María, et cæléstibus nos munda mystériis, et cleménter exáudi.

Tertia Secreta

FAMULIS tuis, Dómine, verbum tribue gratiósum : et múnera obláta sanctificans, corda eórum in salutári tuo, quæsumus, visita. Per Dóminum nostrum.

Præfatio de Nativitate.

Communio Matth. 2 Tolle púerum, et matrem ejus, et vade in terram Israël: defúnci sunt enim, qui quærébant ánimam púeri.

Postcommunio

ILLUMINA, quæsumus Dómine, pópulum tuum : et splendóre grátiae tuæ cor ejus semper accénde; ut Salvatórem suum et incessánte agnóscat, et veráciter apprehéndat : Dóminum nostrum Jesum Christum Filium tuum; qui tecum vivit.

Secunda Postcommunio

HÆC nos commúnio, Dómine, purget a crimine; et intercedente beáta Virgine Dei genitrice María, cæléstis remédii fáciat esse consórtes.

Tertia Postcommunio

CONSERVA, Dómine, fámulos tuos Unigéniti tui corpore, et ságuine suscepto; et tuum nuntiántibus verbum, largitátem tribue gratiárum : Per eúmdem Dóminum nostrum Jesum Christum Filium tuum.



IN EPIPHANIA DOMINI

Totum Duplex I classis cum Octava solemnissima

Statio ad S. Petrum

Officium

ECCE advénit dominátor Dóminus : et regnum in manu ejus, et potestas, et impérium. *℟. Ps. 71* Deus judícium tuum regi da : et justítiam tuam filio regis. Glória Patri. Glória in excélsis.

Oratio

DEUS, qui hodiérna die Unigénitum tuum Géntibus stella duce revelásti : concéde propítius, ut qui jam te ex fide cognóvimus; usque ad contemplándam spéciem tuæ celsitúdinis perducámur : Per eúmdem.

Infra Octavam additur sequens

Secunda Oratio

DEUS, qui salútis æternæ, beatæ Mariæ virginitáte fecúnda, humáno gèneri præmia præstitisti : tribue quæsumus, ut ipsam pro nobis intercédere sentiámus; per quam merúimus auctórem vitæ suscipere : Dóminum nostrum Jesum Christum Filium tuum; qui tecum vivit.

Lectio Isaïæ Prophétæ. c. 60

SURGE, illumináre Jerúsalem : quia venit lumen tuum, et glória Dómini super te orta est. Quia ecce ténebræ opérient terram, et caligo pópulos : Super te autem oriétur Dóminus, et glória ejus in te vidébitur. Et ambulábunt gentes in lúmine tuo, et reges in splendóre ortus tui. Leva in circúitu óculos tuos, et vide : omnes isti congregáti sunt, venérunt tibi : Fílii tui de longe vénient, et filiæ tuæ de látere surgent. Tunc vidébis, et áfflues, mirábitur et dilatábitur cor tuum, quando convérta fúerit ad te multitúdo maris, fortitúdo géntium vénerit tibi : Inundátio camelórum opériet te, dromedárii Mádian et Ephá : Omnes de Saba vénient, aurum et thus deferéntes, et laudem Dómino annuntiántes.

℟. Isa. 60 Omnes de Saba vénient, aurum et thus deferéntes, et laudem Dómino annuntiántes. *℟.* Surge, et illumináre Jerúsalem : quia glória Dómini super te orta est.

Allelúia, allelúia. ✠. Matth. 2
Vidimus stellam ejus in
oriēte, et vénimus cum mu-
néribus adoráre Dóminum.

Sequentia

LÆTABUNDUS exsúltet fidé-
lis chorus. Allelúia.

Regem regum intáctæ pro-
fúdit torus : res miránda.

Angelus consilii natus est de
Virgine : sol de stella.

Sol occásus nésciens, stella
semper rútilans, semper
clara.

Sicut sidus rádium, profert
Virgo filium pari forma.

Neque sidus rádio, neque
mater filio fit corrúpta.

Cedrus alta Libani conformá-
tur hyssópo, valle nostra.

Verbum ens Altíssimi corpo-
rári passum est, carne
sumpta.

Isaías cécinít, Synagóga mé-
minít, numquam tamen
désinít esse cæca.

Si non suis Vátibus, credat
vel gentilibus : Sibyllínis
vérsibus hæc prædicta.

Infélix própera, crede vel vé-
tera : cur damnáberis gens
misera?

Quem docet littera, natum
consídera : ipsum génuít
puérpera.

Allelúia.

✠ **Sequéntia sancti Evangélíi
secúndum Matthæum. c. 2**

CUM natus esset Jesus in
Béthlehem Juda in diébus
Heródis regis, ecce Magi ab
Oriēte venérunt Jerosóly-
mam, dicéntes : Ubi est qui

natus est rex Judæórum? Vi-
dimus enim stellam ejus in
oriēte, et vénimus adoráre
eum. Audiens autem Heródes
rex, turbátus est, et omnis
Jerosólyma cum illo. Et cón-
gregans omnes príncipes sa-
cerdótum, et Scribas pópuli,
sciscitabátur ab eis ubi Chris-
tus nascerétur. At illi dixé-
runt ei : In Béthlehem Judæ.
Sic enim scriptum est per
Prophétam : Et tu Béthlehem
terra Juda, nequáquam míni-
ma es in princípibus Juda :
Ex te enim éxiet dux, qui
regat pópulum meum Israël.
Tunc Heródes, clam vocátis
Magis, diligénter didícit ab eis
tempus stellæ, quæ appáruit
eis : Et mittens illos in Béth-
lehem, dixit : Ite, et inter-
rogáte diligénter de púero : Et
cum invenéritis, renuntiáte
mihi, ut et ego véniens adórem
eum. Qui cum audissent re-
gem, abiérunt. Et ecce stella,
quam viderant in oriēte,
antecedébat eos, usque dum
véniens staret supra ubi erat
puer. Vidéntes autem stellam,
gavísi sunt gáudio magno
valde. Et intrántes domum,
invenérunt púerum cum María
matre ejus : **Hic genuflectitur :**
ET PROCIDÉNTES, ADORAVÉ-
RUNT EUM : Et apértis the-
sáuris suis, obtulérunt ei
múnera, aurum, thus, et myr-
rham. Et respónso accépto in
somnia ne redírent ad Heró-
dem, per áliam viam revérsi
sunt in regiónem suam.

Credo.

Offertorium Ps. 71 Reges
Tharsis, et insulæ múnera

offerent : reges Arabum, et Saba dona addúcent : et adorábunt eum omnes reges terræ : omnes gentes sèrvient ei.

Secreta

ECCLESIAE tuæ, quæsumus Dómine, dona propítius intuére : quibus non jam aurum, thus, et myrrha profér-tur; sed quod eisdem munéribus declarátur, immolátur, et súmitur : Jesus Christus Fílius tuus Dóminus noster; qui tecum.

Quando prædicta Secreta dicitur ad Memoriam, et sequitur immediate alia Secreta, finitur sic : immolátur, et súmitur.

Infra Octavam additur sequens

Secunda Secreta

MUNERIBUS nostris, quæsumus Dómine, precibús-que susceptis, intercedente beáta Dei genitrice María, et cælestibus nos munda mystériis, et cleménter exáudi. Per eúmdem.

Præfatio Quia cum Unigénitus, et Communicantes.

Dicantur per totam Octavam etiam in festis Sanctorum : excepta Præfatione, si eam propriam habuerint.

Communio Matth. 2 Vidimus stellam ejus in oriénte, et vénimus cum munéribus adoráre Dóminum.

Postcommunio

PRÆSTA, quæsumus omnipotens Deus : ut quæ solémni celebrámus officio; purificatæ mentis intelligéntia consequámur : Per Dóminum.

Infra Octavam additur sequens

Secunda Postcommunio

HÆC nos commúnio, Dómine, purget a crimine; et intercedente beáta Vírgine Dei genitrice María, cælestis remédii fáciat esse consórtes : Per eúmdem.

Infra Octavam Epiphaniæ, omnia fiant sicut in die, excepta Sequentia, et fiat Memoria B. Mariæ V.

Si Epiphania in Dominica evenerit, sequens Missa dicatur Sabbato infra Octavam, et in die Octava nihil de festo sequenti, vel de Dominica fiat.

Dominica infra Octavam
Epiphaniæ

SANCTÆ FAMILIÆ
JESU, MARIÆ, JOSEPH
Totum Duplex

Officium

Prov. 23

EXSULTAT gáudio pater Justí, gáudeat Pater tuus et Mater tua, et exsúltet quæ génuit te. *Ps. 83* Quam dilécta tabernacula tua, Dómine virtútum! concupiscit, et déficit ánima mea in átria Dómini. Glória Patri. Glória in excélsis.

Oratio

DOMINE Jesu Christe, qui Mariæ et Joseph súbditus, domésticam vitam ineffabilibus virtútibus consecrásti : fac nos, utriúsque auxilio, Familiæ sanctæ tuæ exémpis instrui; et consórtium cónsequi sempitérnum : Qui vivis.

Et fit Memoria Octavæ Epiphaniæ.

Lectio Epistolæ beāti Pauli
Apóstoli ad Colossenses. **c. 3**

FRATRES : Indúite vos sicut
elécti Dei, sancti, et di-
lécti, viscera misericórdiæ,
benignitatem, humilitatem,
modéstiam, patiéntiam : sup-
portantes invicem, et donantes
vobismetipsis si quis adversus
aliquem habet querélam : sicut
et Dóminus donávit vobis, ita
et vos. Super ómnia autem
hæc, caritatem habéte, quod
est vinculum perfectiónis : et
pax Christi exsúltet in cór-
dibus vestris, in qua et vocáti
estis in uno corpore : et grati
estóte. Verbum Christi hábitet
in vobis abundanter, in omni
sapiéntia, docéntes, et commo-
néntes vosmetipsos, psalmis,
hymnis, et cánticis spirituá-
libus, in grátia cantántes in
córdibus vestris Deo. Omne,
quodcúmque fácitis in verbo,
aut in ópere, ómnia in nómine
Dómini Jesu Christi, grátias
agéntes Deo et Patri per
ipsum.

℟. Ps. 26 Unam pétii a
Dómino, hanc requíram, ut
inhábitem in domo Dómini
ómnibus diébus vitæ meæ.

℟. Ps. 83 Beāti, qui hábitant
in domo tua, Dómine : in sæ-
cula sæculórum laudábunt te.

Allelúia, allelúia. ℟. Isa. 45
Vere tu es Rex absconditus,
Deus Israël Salvátor. Allelúia.

In Missis votivis post Septuage-
simam, omissis Allelúia, et Versu
sequenti dicitur :

Tractus Hebr. 10 Hóstiám
et oblatiónem nolúisti, corpus
autem aptásti mihi. **℟. Ps. 39**

Holocáustum et pro peccáto
non postulásti : tunc dixi :
Ecce vénio. **℟. Hebr. 10** In
cápite libri scriptum est de
me : Ut fáciam, Deus, volun-
tatem tuam.

Tempore autem Paschali omitti-
tur **℟.** et ejus loco dicitur :

Allelúia, allelúia. ℟. Prov. 8
Beátus homo qui audit me,
et qui vígilat ad fores meas
quotidie, et obsérvat ad postes
ostíi mei.

Allelúia. ℟. Col. 3 Vita
nostra est abscondita cum
Christo in Deo. Allelúia.

✠ **Sequéntia sancti Evangélii**
secúndum Lucam. **c. 2**

CUM factus esset Jesus an-
nórum duódecim, ascen-
déntibus illis Jerosólymam
secúndum consuetúdinem diéi
festi, consummatisque diébus,
cum redírent, remánsit puer
Jesus in Jerúsalem, et non
cognovérunt paréntes ejus.
Existimántes autem illum esse
in comitátu, venérunt iter diéi,
et requirébant eum inter co-
gnátos, et notos. Et non inve-
niéntes, regréssi sunt in Jerú-
salem, requiréntes eum. Et
factum est, post trídium inve-
nérunt illum in templo sedén-
tem in médio doctórum, au-
diéntem illos, et interrogántem
eos. Stupébant autem omnes,
qui eum audiébant, super
prudéntia, et respónsis ejus.
Et vidéntes admiráti sunt. Et
dixit mater ejus ad illum :
Fili, quid fecísti nobis sic?
ecce pater tuus, et ego do-
léntes quærebámus te. Et ait
ad illos : Quid est quod me

quærebátis? nesciebátis quia in his quæ Patris mei sunt, opórtet me esse? Et ipsi non intellexérunt verbum quod locútus est ad eos. Et descéndit cum eis, et venit Náza-reth : et erat súbditus illis. Et mater ejus conservábat ómnia verba hæc in corde suo. Et Jesus proficiébat sapiéntia, et ætáte, et grátia apud Deum, et hómines.

Credo.

Offertorium Luc. 2 Tulérunt Jesum paréntes ejus in Jerúsalem, ut sisterent eum Dómino.

Secreta

PLACATIONIS hóstiam offéri-mus tibi, Dómine, suppli-citer deprecántes : ut, per intercessiónem Deíparæ Vir-ginis cum beáto Joseph, fami-lias nostras in pace et grátia tua firmiter constituas. Per eúmdem Dóminum.

Et fit Memoria Octavæ.

Præfatio de Epiphania.

Infra Octavam tantum etiam Com-municántes de eadem Epiphania.

Communio Luc. 2 Descéndit Jesus cum eis, et venit Náza-reth, et erat súbditus illis.

Postcommunio

QUOS cæléstibus réfcis sa-craméntis, fac, Dómine Jesu, sanctæ Familiæ tuæ exémpla júgiter imitári; ut, in hora mortis nostræ, occur-rénte gloriósa Virgine Matre tua cum beáto Joseph, per te in ætéRNA tabernácula récipi mereámur : Qui vivis.

Et fit Memoria Octavæ.

In fine legitur Evangelium S. Joan-nis.

IN OCTAVA EPIPHANIÆ

Officium

Malach. 3

ECCE advénit dominátor Dóminus : et regnum in manu ejus, et potéstas, et impérium. **℟. Ps. 71** Deus judícium tuum regi da : et justítiam tuam filio regis. **Gló-ria Patri. Glória in excélsis.**

Oratio

DEUS, cujus Unigénitus in substántia nostræ carnis appáruit : præsta quæsumus, ut per eum, quem similem nobis foris agnóvimus; intus reformári mereámur : Qui tecum.

Nulla memoria.

Lectio Isaíæ Prophætæ. c. 60

SURGE, illumináre Jerúsa-lem : quia venit lumen tuum, et glória Dómini super te orta est. Quia ecce ténebræ opérient terram, et caligo pópulos : Super te autem oriétur Dóminus, et glória ejus in te vidébitur. Et ambu-lábunt gentes in lúmine tuo, et reges in splendóre ortus tui. Leva in circúitu óculos tuos, et vide : omnes isti con-gregáti sunt, vénérunt tibi : Filii tui de longe vénient, et filiæ tuæ de látere surgent. Tunc vidébis, et áfflues, mirá-bitur et dilatábitur cor tuum, quando convérsa fúerit ad te multitúdo maris, fortitúdo géntium vénierit tibi. Inun-dátio camelórum opériet te, dromedárii Mádian et Ephá : Omnes de Saba vénient, au-rum et thus deferéntes, et laudem Dómino annuntiántes.

℟. Isa. 60 Omnes de Saba vénient, aurum et thus deferéntes, et laudem Dómino annuntiántes. **℣.** Surge, et illumínare Jerúsalem : quia glória Dómini super te orta est.

Allelúia, allelúia. ℣. Matth. 2 Vidimus stellam ejus in oriénte, et vénimus cum munéribus adoráre Dóminum. **Allelúia.**

✠ **Sequéntia sancti Evangélíi** secúndum Joánnem. **c. 1**

IN illo témpore : Vidit Joánes Jesum veniéntem ad se, et ait : Ecce agnus Dei, ecce qui tollit peccátum mundi. Hic est, de quo dixi : Post me venit vir, qui ante me factus est : quia prior me erat. Et ego nesciébam eum, sed ut manifestétur in Israël, proptérea veni ego in aqua baptizans. Et testimónium perhibuit Joánes, dicens : Quia vidi Spíritum descendéntem quasi colúmbam de cælo, et mansit super eum. Et ego nesciébam eum : sed qui misit me baptizáre in aqua, ille mihi dixit : Super quem videris Spíritum descendéntem, et manéntem super eum, hic est, qui baptizat in Spíritu Sancto. Et ego vidi : et testimónium perhibui, quia hic est Fílius Dei. **Credo.**

Offertorium Ps. 71 Reges Tharsis, et insulæ múnera ófferent : reges Arabum, et Saba dona addúcent : et adorábunt eum omnes reges terræ : omnes gentes sérvient ei.

Secreta

HOSTIAS tibi, Dómine, pro nati Filii tui apparitióne deferimus, suppliciter exorántes : ut sicut ipse nostrórum auctor est múnere, ita sit ipse miséricors et suscéptor : Jesus Christus Dóminus noster, qui tecum.

Præfatio, et Communicántes, sicut in die.

Communio Matth. 2 Vidimus stellam ejus in oriénte, et vénimus cum munéribus adoráre Dóminum.

Postcommunio

CÆLESTI lúmine, quæsumus Dómine, semper et ubique nos præveni : ut mystérium, cujus nos partícipes esse voluísti; et puro cernámus intuitu, et digno percipiámus afféctu : Per Dóminum.

Si ab Octava Epiphaniæ usque ad Septuagesimam tempus ita breve fuerit, ut Dominicalia Officia suis diebus expleri nequeant, Officia residuarum Dominicarum post Dominicam primam post Octavam Epiphaniæ eo anno omittuntur, et resumuntur (quoad Orationem, Epistolam, et Evangelium dumtaxat) post vigesimam primam Dominicam post Octavam Trinitatis, ut ibi in Rubrica dicitur.

Si vero Dominica Septuagesimæ venerit Dominica prima, aut ij. aut iij. post Octavam Epiphaniæ; nec tot supersint Dominicæ eodem anno a Dominica xxj. post Octav. Trinit. ad ultimam exclusive, ut illis earum omnium, quæ post Octav. Epiphaniæ omissæ fuerant (ut supra diximus) Officia resumantur : tunc Missa Dominicæ primæ, aut ij. et iij. post Octav. Epiphaniæ dicatur prima vacante die earum,

quæ erunt inter diem Octavam Epiphaniæ, et Dominicam Septuagesimæ illo anno.

Diebus ab Octava Epiphaniæ usque ad Dominicam sequentem Orationes ad supplendum numerum ternarium sumantur de sequenti I Dominica post Oct. Epiphaniæ.

In Sabbatis, quando in Missis tres Orationes exigentibus Memoria de S. Maria in Sabb. facienda sit, omissa Oratione A cunctis, ab Octava Epiphaniæ usque ad Septuagesimam, et ab Octava Cordis Jesu usque ad Adventum, tertia Oratio erit ad libitum; a Septuagesima usque ad Cenam Domini vero Deus, qui caritátis.

DOMINICA PRIMA

post Octavam Epiphaniæ

Officium Ps. 65

OMNIS terra adóret te, Deus, et psallat tibi : psalmum dicat nómini tuo, Altissime. *W.* Jubiláte Deo omnis terra, psalmum dicite nómini ejus : date glóriam laudi ejus. Glória Patri.

Glória in excélsis dicatur in Dominicis usque ad Septuagesimam exclusive, non tamen in Feriis, in quibus Missa Dominicæ præcedentis resumitur. Idem observetur etiam post Trinitatem.

Oratio

OMNIPOTENS sempitérne Deus, qui cæléstia simul et terréna moderáris : supplicatiónes pópuli tui cleménter exáudi; et pacem tuam nostris concéde temporibus : Per Dóminum.

Secunda Oratio

ACUNCTIS nos, quæsumus Dómine, mentis et corpore defénde periculis : et

intercedénte beáta et gloriósa semper Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Domínico Patre nostro, et ómnibus Sanctis, salútem nobis tribue benígnus, et pacem; ut destrúctis adversitatibus et erróribus univérstis, Ecclésia tua secúra tibi sérviat libertáte. (Per eúmdem.)

Tertia Oratio ad libitum, (cui substitui potest Collecta aliunde imperata).

Léctio Epístolæ beáti Pauli Apóstoli ad Romános. c. 12

FRATRES : Habéntes donatiónes secúndum grátiám, quæ data est nobis, differéntes : Sive prophetiam secúndum ratiónem fidei, sive ministérium in ministrándo, sive qui docet in doctrína, qui exhortátur in exhortándo, qui tribuit in simplicitáte, qui præest in sollicitú-dine, qui miserétur in hilaritáte. Diléctio sine simulatióne. Odiéntes malum, adhæréntes bono : Caritáte fraternitátis invicem diligéntes : Honóre invicem præveniéntes : Sollicitú-dine non pigri : Spíritu fervéntes : Dómino serviéntes : Spe gaudéntes : In tribulatióne patiéntes : Oratióni instántes : Necessitatibus sanctórum comunicántes : Hospitalitatem sectántes. Benedicite persequéntibus vos : benedicite et nolite maledicere. Gaudére cum gaudéntibus, flere cum fléntibus : Idípsum invicem sentiéntes : Non alta sapién-

tes, sed humilibus consentientes.

℟. Ps. 106 Misit Dóminus verbum suum, et sanávit eos de intéritu eórum. **℣.** Confi-teántur Dómino misericórdiæ ejus : et mirabilia ejus filiis hóminum.

Allelúia, allelúia. ℣. Ps. 148 Laudáte Dóminum omnes Angeli ejus : laudáte eum omnes virtútes ejus. Allelúia.

✠ **Sequéntia sancti Evangélíi** secúndum Joánnem. **c. 2**

IN illo témpore : Núptiæ factæ sunt in Cana Galilææ : et erat mater Jesu ibi. Vocátus est autem et Jesus, et discipuli ejus ad núptias. Et deficiente vino, dicit mater Jesu ad eum : Vinum non habent. Et dicit ei Jesus : Quid mihi, et tibi est, múlter? Nondum venit hora mea. Dicit mater ejus ministris : Quodcúmque dixerit vobis, fácite. Erant autem ibi lapideæ hýdriæ sex pósitæ secúndum purificatióem Judæórum, capiéntes singulæ metrétas binas vel ternas. Dicit eis Jesus : Impléte hýdrias aqua. Et implevérunt eas usque ad summum. Et dicit eis Jesus : Hauríte nunc, et ferte architriclino. Et tulérunt. Ut autem gustávit architriclinus aquam vinum factam, et non sciébat unde esset, ministri autem sciébant, qui háuserant aquam : vocat sponsum architriclinus, et dicit ei : Omnis homo primum bonum vinum ponit : et cum inebriáti fuerint, tunc id, quod detérius est. Tu autem servásti bonum

vinum usque adhuc. Hoc fecit initium signórum Jesus in Cana Galilææ : et manifestávit glóriam suam, et credidérunt in eum discipuli ejus.

Credo.

Offertorium Ps. 65 Jubiláte Deo unívérsa terra, psalmum dicite nómini ejus : veníte, et audíte, et narrábo vobis, omnes qui timétis Deum, quanta fecit Dóminus ánimæ meæ, allelúia.

Secreta

OBLATA, Dómine, múnera sanctifica : nosque a peccatórum nostrórum máculis emúnda. Per Dóminum.

Secunda Secreta

EXAUDI nos Deus salutáris noster : ut per hujus sacraménti virtútem a cunctis nos mentis et córporis hóstibus tueáris, grátiam tribuens in præsentí, et glóriam in futúro. (Per Dóminum.)

Tertia Secreta ad libitum.

Communio Joann. 2 Dicit Dóminus : Impléte hýdrias aqua, et ferte architriclino. Cum gustásset architriclinus aquam vinum factam, dicit sponso : Servásti bonum vinum usque adhuc. Hoc signum fecit Jesus primum coram discipulis suis.

Postcommunio

AUGEATUR in nobis, quæsumus Dómine, tuæ virtútis operátio : ut divinis vegetáti sacraméntis; ad eórum promissa capiéndam tuo múnere præparémur : Per Dóminum.

Secunda Postcommunio

MUNDET et múniat nos, quæsumus Dómine, divini sacraménti munus oblátum : et intercedente beáta Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Dominico Patre nostro, et ómnibus Sanctis; a cunctis nos reddat et perversitatibus expiátos, et adversitatibus expeditos. (Per eúmdem.)

Tertia Postcommunio ad libitum.

DOMINICA SECUNDA
post Octavam Epiphaniæ

Officium

Ps. 96

ADORATE Deum omnes Angeli ejus : audívit, et lætáta est Sion : et exsultavérunt filiæ Judæ. **℟.** Dóminus regnávít, exsúltet terra : læténtur ínsulæ multæ. **Gloria Patri. Gloria in excélsis.**

Oratio

OMNIPOTENS sempitérne Deus, infirmitátem nostram propítius respice; atque ad protegéndum nos, dexteram tuæ majestátis exténde : Per Dóminum.

Secunda et tertia Oratio, ut in prima Dominica, pag. 40

Léctio Epistolæ beáti Pauli Apóstoli ad Romános. **c. 12**

FRATRES: Nolíte esse prudéntes apud vosmetipsos : nulli malum pro malo reddéntes : Providéntes bona, non

tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes : Non vosmetipsos defendéntes caríssimi, sed date locum iræ. Scriptum est enim : Mihi vindícta : ego retribuam, dicit Dóminus. Sed si esurierit inimícus tuus, ciba illum : Si sitit, potum da illi : Hoc enim fáciens, carbónes ignis cóngeres super caput ejus. Noli vinci a malo, sed vince in bono malum.

℟. Ps. 101 Timébunt gentes nomen tuum Dómine, et omnes reges terræ glóriam tuam. **℣.** Quóniam ædificávit Dóminus Sion : et vidébitur in majestáte sua.

Allelúia, allelúia. ℣. Ps. 96 Dóminus regnávít, exsúltet terra : læténtur ínsulæ multæ. **Allelúia.**

✠ Sequéntia sancti Evangélii secúndum Matthæum. **c. 8**

IN illo témpore : Cum descendísset Jesus de monte, secútæ sunt eum turbæ multæ : Et ecce leprósus véniens, adorábat eum, dicens : Dómine, si vis, potes me mundáre. Et exténdens Jesus manum, tétigit eum, dicens : Volo. Mundáre. Et conféstim mundáta est lepra ejus. Et ait illi Jesus : Vide, némini dixeris : sed vade, osténde te sacerdoti, et offer munus, quod præcépit Móyses, in testimónium illis. Cum autem introísset Caphárnaum, accéssit ad eum centúrio, rogans eum, et dicens : Dómine, puer meus

jacet in domo paralyticus, et male torquetur. Et ait illi Jesus : Ego veniam, et curabo eum. Et respondens centurio, ait : Domine non sum dignus ut intres sub tectum meum : sed tantum dic verbo, et sanabitur puer meus. Nam et ego homo sum sub potestate constitutus, habens sub me milites, et dico huic, Vade, et vadit : et alii, Veni, et venit : et servo meo, Fac hoc, et facit. Audiens autem Jesus miratus est, et sequentibus se dixit : Amen dico vobis, non inveni tantam fidem in Israël. Dico autem vobis, quod multi ab Oriente, et Occidente venient, et recumbent cum Abraham, et Isaac, et Jacob in regno cælorum : Filii autem regni ejicientur in tenebras exteriores : Ibi erit fletus, et stridor dentium. Et dixit Jesus centurioni : Vade, et sicut credidisti, fiat tibi. Et sanatus est puer in illa hora. **Credo.**

Offertorium Ps. 117 Dextera Domini fecit virtutem, dextera Domini exaltavit me : non moriar, sed vivam, et narrabo opera Domini.

Secreta

HÆC hostia, Domine, quæsumus, emundet nostra delicta : et ad sacrificium celebrandum, subditorum tibi corpora mentesque sanctificet. Per Dominum.

Secunda et tertia Secreta, ut in prima Dominica, pag. 41

Communio Luc. 4 Mirabantur omnes de his, quæ procedebant de ore Dei.

Postcommunio

QUOS tantis, Domine, largiris uti mysteriis; quæsumus, ut effectibus nos eorum veraciter aptare digneris : Per Dominum.

Secunda et tertia Postcommunio, ut in prima Dominica, pag. 42

DOMINICA TERTIA post Octavam Epiphaniæ

Officium

Ps. 96

ADORATE Deum omnes Angeli ejus : audivit, et lætata est Sion : et exsultaverunt filiae Judæ. **℟.** Dominus regnavit, exsultet terra : lætentur insulæ multæ. **Gloria Patri. Gloria** in excelsis.

Oratio

DEUS, qui nos, in tantis periculis constitutos, pro humana scis fragilitate non posse subsistere : da nobis salutem mentis et corporis; ut ea, quæ pro peccatis nostris patimur, te adjuvante vincamus : Per Dominum.

Secunda et tertia Oratio, ut in prima Dominica, pag. 40

Lectio Epistolæ beati Pauli
Apóstoli ad Romanos. **c. 13**

FRATRES : Nèmini quidquam debeatis : nisi ut invicem diligatis : Qui enim diligit proximum, legem implèvit. Nam, Non adulterabis, Non occides, Non furaberis, Non falsum testimonium dices, Non concupisces : et si quod est aliud mandatum, in hoc verbo instauratur, Diliges proximum

tuum sicut teipsum. Diléctio próximi malum non operátur. Plenitúdo ergo legis est diléctio.

℟. Ps. 101 Timébunt gentes nomen tuum Dómine, et omnes reges terræ glóriam tuam. **℣.** Quóniam ædificávit Dóminus Sion : et vidébitur in majestáte sua.

Allelúia, allelúia. ℣. Ps. 96 Dóminus regnávít, exsúltet terra : læténtur insulæ multæ. **Allelúia.**

✠ Sequéntia sancti Evangélíi secúndum Matthæum. **c. 8**

IN illo témpore : Ascendénte Jesu in navículam, secúti sunt eum discipuli ejus : Et ecce motus magnus factus est in mari, ita ut navícula operirétur flúctibus, ipse vero dormiébat. Et accessérunt ad eum discipuli ejus, et suscitavérunt eum, dicéntes : Dómine, salva nos, perimus. Et dicit eis Jesus : Quid tímidi estis, módicæ fidei? Tunc surgens, imperávit ventis, et mari, et facta est tranquillitas magna. Porro hómines miráti sunt, dicéntes : Qualis est hic, quia venti et mare obédiunt ei?

Credo.

Offertorium Ps. 117 Déxtera Dómini fecit virtútem, déxtera Dómini exaltávit me : non móriar, sed vivam, et narrábo ópera Dómini.

Secreta

CONCEDE, quæsumus omnipotens Deus, ut hujus sacrificii munus oblátum fragilitátem nostram ab omni malo

purget semper, et múniat. Per Dóminum.

Secunda et tertia Secreta, ut supra, pag. 41

Communio Luc. 4 Mirabántur omnes de his, quæ procedébant de ore Dei.

Postcommunio

MUNERA tua nos, Deus, a delectatióibus terrénis expédiant; et cæléstibus semper instáurent aliméntis : Per Dóminum.

Secunda et tertia Postcommunio, ut supra, pag. 42.

DOMINICA QUARTA post Octavam Epiphaniæ

Officium Ps. 96

ADORATE Deum omnes Angeli ejus : audívit, et lætáta est Sion : et exsultavérunt filiæ Judæ. **℣.** Dóminus regnávít, exsúltet terra : læténtur insulæ multæ. **Glória Patri. Glória in excélsis.**

Oratio

FAMILIAM tuam, quæsumus Dómine, continúa pietáte custódi : ut quæ in sola spe grátiae cæléstis innítitur; tua semper protectiône muniátur : Per Dóminum.

Secunda et tertia Oratio, ut in prima Dominica, pag. 40

Léctio Epístolæ beáti Pauli Apóstoli ad Colossénses. **c. 3**

FRATRES : Indúite vos sicut elécti Dei, sancti, et dílecti, víscera misericórdiæ, benignitátem, humilitátem, modéstiam, patiéntiam : sup-

portantes invicem, et donantes vobismetipsis, si quis adversus aliquem habet querelam : Sicut et Dominus donavit vobis, ita et vos. Super omnia autem hæc, caritatem habete, quod est vinculum perfectionis : Et pax Christi exsultet in cordibus vestris, in qua et vocati estis in uno corpore : Et grati estote. Verbum Christi habitet in vobis abundanter, in omni sapientia, docentes, et commonentes vosmetipsos, psalmis, hymnis, et canticis spiritalibus, in gratia cantantes in cordibus vestris Deo. Omne, quodcumque facitis in verbo aut in opere, omnia in nomine Domini Jesu Christi, gratias agentes Deo et Patri, per Jesum Christum Dominum nostrum.

℟. Ps. 101 Timebunt gentes nomen tuum Domine, et omnes reges terræ gloriā tuam.

℣. Quoniam ædificavit Dominus Sion : et videbitur in maiestate sua.

Allelúia, allelúia. ℣. Ps. 96 Dominus regnavit, exsultet terra : lætentur insulæ multæ. Allelúia.

✠ **Sequētia sancti Evangēlii** secundum Matthæum. **c. 13**

IN illo tempore : Dixit Jesus turbis parabolam hanc : Simile factum est regnum cælorum homini, qui seminavit bonum semen in agro suo. Cum autem dormirent homines, venit inimicus ejus, et superseminavit zizania in medio tritici, et abiit. Cum autem

crevisset herba, et fructum fecisset, tunc apparuerunt et zizania. Accedentes autem servi patrisfamilias, dixerunt ei : Domine, nonne bonum semen seminasti in agro tuo? Unde ergo habet zizania? Et ait illis : Inimicus homo hoc fecit. Servi autem dixerunt ei : Vis, imus, et colligimus ea? Et ait : Non : Ne forte colligentes zizania, eradicetis simul cum eis et triticum. Sinite utraque crescere usque ad messem, et in tempore messis dicam messoribus : Colligite primum zizania, et alligate ea in fasciculos ad comburendum, triticum autem congregate in horreum meum.

Credo.

Offertorium Ps. 117 Dextera Domini fecit virtutem, dextera Domini exaltavit me : non moriar, sed vivam, et narrabo opera Domini.

Secreta

HOSTIAS tibi, Domine, plationis offerimus : ut et delicta nostra miseratus absolvas, et nutantia corda tu dirigas. Per Dominum.

Secunda et tertia Secreta, ut supra, pag. 41

Communio Luc. 4 Mirabantur omnes de his, quæ procedebant de ore Dei.

Postcommunio

QUÆSUMUS omnipotens Deus : ut illius salutaris capiamus effectum; cujus per hæc mysteria pignus accepimus : Per Dominum.

Secunda et tertia Postcommunio, ut supra, pag. 42

DOMINICA QUINTA

post Octavam Epiphaniæ

Officium

Ps. 96

ADORATE Deum omnes Angeli ejus : audivit, et lætata est Sion : et exsultaverunt filiæ Judæ. *℟.* Dóminus regnavit, exsúltet terra : læténtur insulæ multæ. *Glória Patri. Glória in excelsis.*

Oratio

PRÆSTA, quæsumus omnipotens Deus : ut semper rationabilia meditantes; quæ tibi sunt placita, et dictis exsequamur, et factis : Per Dóminum.

Secunda et tertia Oratio, ut in prima Dominica, pag. 40

Lectio Epistolæ beati Pauli Apóstoli ad Thessalonicenses.

1, c. 1

FRATRES : Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissiône, mémores óperis fidei vestræ, et labóris, et caritátis, et sustinéntiæ spei Dómini nostri Jesu Christi, ante Deum et Patrem nostrum : Sciéntes fratres, dilecti a Deo, electiõem vestram : quia Evangélium nostrum non fuit ad vos in sermóne tantum, sed et in virtúte, et in Spíritu Sancto, et in plenitúdine multa, sicut scitis quales fuérimus in vobis propter vos. Et vos imitatóres nostri facti estis, et Dómini, excipiéntes verbum in tribulatióne multa, cum gáudio Spíritus Sancti : ita ut

facti sitis forma ómnibus credéntibus in Macedónia, et in Acháia. A vobis enim diffamátus est sermo Dómini, non solum in Macedónia, et in Acháia, sed et in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos : et quómodo conversi estis ad Deum a simulácris, servíre Deo vivo, et vero, et exspectáre Fílium ejus de cælis (quem suscitávit ex mórtuis) Jesum, qui erípuit nos ab ira ventúra.

℟. Ps. 101 Timébunt gentes nomen tuum Dómine, et omnes reges terræ glóriam tuam.

℟. Quóniam ædificávit Dóminus Sion : et vidébitur in majestáte sua.

Allelúia, allelúia. ℟. Ps. 96 Dóminus regnavit, exsúltet terra : læténtur insulæ multæ. *Allelúia.*

✠ *Sequéntia sancti Evangélii secúndum Matthæum. c. 13*

IN illo témpore : Dixit Jesus turbis parábolam hanc : Símile est regnum cælórum grano sinápis, quod accípiens homo seminávit in agro suo : Quod mínimum quidem est ómnibus semínibus : cum autem créverit, majus est ómnibus oléribus, et fit arbor, ita ut vólucres cæli véniant, et hábitent in ramis ejus. Aliam parábolam locútus est eis. Símile est regnum cælórum fermento, quod accéptum múlter abscondit in farinæ satis tri-

bus, donec fermentátum est totum. Hæc ómnia locútus est Jesus in parábolis ad turbas : et sine parábolis non loquebátur eis : ut implerétur quod dictum erat per Prophétam dicentem : Apériam in parábolis os meum, eructábo abscondita a constitutióne mundi.

Credo.

Offertorium Ps. 117 Déxtera Dómini fecit virtútem, déxtera Dómini exaltávit me : non móriar, sed vivam, et narrábo ópera Dómini.

Secreta

HÆC nos oblátio, Deus, mundet, quæsumus, et rénovet, gubérnet et próteget. Per Dóminum.

Secunda et tertia Secreta, pag. 41

Communio Luc. 4 Mirabántur omnes de his, quæ procedébant de ore Dei.

Postcommunio

CÆLESTIBUS, Dómine, pasti deliciis; quæsumus, ut semper éadem, per quæ veráriter vivimus, appetámus : Per Dóminum.

Secunda et tertia Postcommunio, ut supra, pag. 42

DOMINICA IN SEPTUAGESIMA

Statio ad S. Laurentium extra muros

Officium

Ps. 17

CIRCUMDEDÉRUNT me gémitus mortis, dolóres inférni circumdedérunt me : et in tribulatióne mea invocávi Dóminum, et exaudivit de templo sancto suo

vocem meam. **℟.** Díligam te Dómine fortitúdo mea : Dóminus firmaméntum meum, et refúgium meum, et liberátor meus. **Glória Patri.**

In hac die, et deinceps usque ad Pascha non dicatur Glória in excélsis, nisi in Duplicibus et supra, et Feria quinta in Cena Domini, et Sabbato sancto.

Oratio

PRECES pópuli tui, quæsumus Dómine, cleménter exáudi : ut qui juste pro peccátis nostris affligimur; pro tui nóminis glória misericórditer liberémur : Per Dóminum.

Secunda Oratio

DEUS, qui caritátis dona, per grátiam Sancti Spíritus, tuórum córdibus fidélium infudísti; da fámulis et famulábus tuis, pro quibus tuam deprecámur cleméntiam, salútem mentis et córporis : ut te tota virtúte diligant; et quæ tibi plácita sunt, tota dilectiône perficiant. (Per Dóminum... ejúsdem.)

Tertia Oratio

ACUNCTIS nos, quæsumus Dómine, mentis et córporis defénde periculis : et intercedénte beáta et gloriósa semper Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Dominico Patre nostro, et ómnibus Sanctis, salútem nobis tribue benignus, et pacem; ut destrúctis adversitatibus et erróribus univérsis, Ecclésia tua secúra tibi sérviat libertáte : Per eúmdem.

Lectio Epistolæ beati Pauli
Apóstoli ad Corinthios.

1, c. 9 et 10

FRATRES : Nescitis quod ii, qui in stádio currunt, omnes quidem currunt, sed unus accipit bravium? Sic currite, ut comprehendátis. Omnis autem, qui in agóne conténdit, ab ómnibus se ábstinet : Et illi quidem, ut corruptibilem corónam accipiant : nos autem incorrúptam. Ego igitur sic curro, non quasi in incértum : Sic pugno, non quasi áërem vérberans : sed castigo corpus meum, et in servitútem rédigo : ne forte cum áliis prædicáverim, ipse réprobus efficiar. * Nolo enim vos ignoráre fratres, quóniam patres nostri omnes sub nube fuérunt, et omnes mare transiérunt, et omnes in Móyse baptizáti sunt in nube, et in mari : et omnes eámdem escam spiritálem manducavérunt, et omnes eúmdem potum spiritálem bibérunt : (bibébant autem de spiritáli, consequénte eos, petra : petra autem erat Christus) : sed non in plúribus eórum beneplácitum est Deo.

℟. Ps. 9 Adjútor in opportunitátibus, in tribulatióne : sperent in te, qui novérunt te : quóniam non derelínquis quæréntes te Dómine. ℟. Quóniam non in finem oblivio erit páuperis : patientia páuperum non peribit in ætérnum : exsúrge Dómine, non præváleat homo.

Tractus Ps. 129 De profúndis clamávi ad te Dómine :

Dómine exáudi vocem meam. ℟. Fiant aures tuæ intendéntes, in oratióem servi tui. ℟. Si iniquitátes observáveris Dómine : Dómine quis sustinébit? ℟. Quia apud te propitiatio est : et propter legem tuam sustínui te Dómine.

✠ Sequéntia sancti Evangélii
secúndum Matthæum. c. 20

IN illo témpore : Dixit Jesus discipulis suis parábolam hanc : Simile est regnum cælórum hómini patrifamílias, qui éxiit primo mane conducere operários in vineam suam. Conventióne autem facta cum operáriis ex denário diúrno, misit eos in vineam suam. Et egréssus circa horam tértiam, vidit álios stantes in foro otíosos, et dixit illis : Ite et vos in vineam meam, et quod justum fuérit dabo vobis. Illi autem abiérunt. Iterum autem éxiit circa sextam, et nonam horam : et fecit similiter. Circa undécimam vero éxiit, et invénit álios stantes, et dicit illis : Quid hic statis tota die otíosi? Dicunt ei : Quia nemo nos condúxit. Dicit illis : Ite et vos in vineam meam. Cum sero autem factum esset, dicit dóminus vineæ procuratóri suo : Voca operários, et redde illis mercedem, incípiens a novíssimis usque ad primos. Cum venissent ergo qui circa undécimam horam vénerant, accepérunt singulos denários. Veniéntes autem et primi, arbitráti sunt quod plus essent acceptúri : Accepérunt autem et ipsi sín-

gulos denários. Et accipiéntes murmurábant advérsus patremfamilias, dicéntes : Hi novíssimi una hora fecérunt, et pares illos nobis fecisti, qui portávimus pondus diéi, et æstus. At ille respóndens uni eórum, dixit : Amíce, non fácio tibi injúriam : Nonne ex denário convenisti mecum? Tolle quod tuum est, et vade : Volo autem et huic novíssimo dare sicut et tibi. Aut non licet mihi quod volo, fácere? An óculus tuus nequam est, quia ego bonus sum? Sic erunt novíssimi primi, et primi novíssimi. Multi enim sunt vocáti, pauci vero elécti. **Credo.**

Offertorium Ps. 91 Bonum est confitéri Dómino : et psállere nómini tuo Altíssime.

Secreta

MUNERIBUS nostris, quæsumus Dómine, precibúsque suscéptis; et cæléstibus nos munda mystériis, et cleménter exáudi. Per Dóminum.

Secunda Secreta

MISERERE, quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta supérnæ benedictiónis grátiam obtineant, et glóriam ætérnæ beatitúdinis acquirant.

Tertia Secreta

EXAUDI nos Deus salutáris noster : ut per hujus sacraménti virtútem a cunctis nos mentis et córporis hóstibus tueáris, grátiam tribuens

in præsénti, et glóriam in futuro. Per Dóminum.

Communio Ps. 30 Illúmina fáciem tuam super servum tuum, et salvum me fac in tua misericórdia : Dómine non confúndar, quóniam invocávi te.

Postcommunio

FIDELES tui, Deus, per tua dona firméntur : ut éadem et percipiéndò requirant; et quæréndò sine fine percipiant : Per Dóminum.

Secunda Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitátem et pacem; pro quorum quarúmque dilectióne hæc tuæ obtúlimus majestáti.

Tertia Postcommunio

MUNDET et múniat nos, quæsumus, Dómine, divíni sacraménti munus oblátum : et intercedénte beáta Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Domínico Patre nostro, et ómnibus Sanctis; a cunctis nos reddat et perversitátibus expiátos, et adversitátibus expeditos : Per eúndem.

Benedicámus Dómino.

Semper dicatur hinc usque ad Feriam quintam in Cena Domini exclusive, nisi in Duplicibus et supra.

DOMINICA IN SEXAGESIMA

Statio ad S. Paulum

Officium

Ps. 43

EXSURGE, quare obdormis Dómine? exsúrge, et ne repéllas in finem : quare fáciem tuam avértis, oblivisceris tribulationem nostram? adhásit in terra venter noster : exsúrge Dómine, ádjuva nos, et libera nos. *℟.* Deus áuribus nostris audivimus : patres nostri annuntiavérunt nobis. **Glória Patri.**

Oratio

DEUS, qui cónspicis, quia ex nulla nostra actióne confidimus; concéde propítius, ut contra advérsa ómnia, Dóctóris Géntium protectióne muniámur : Per Dóminum.

Secunda et tertia Oratio, ut in Dominica Septuagesimæ, pag. 47

Léctio Epistolæ beáti Pauli Apóstoli ad Corínthios.

2, c. 11 et 12

FRATRES: Libénter suffértis insipiéntes : cum sitis ipsi sapiéntes. Sustinétis enim si quis vos in servitútem rédigat, si quis dévorat, si quis áccipit, si quis extóllitur, si quis in fáciem vos cædit. Secúndum ignobilitátem dico, quasi nos infirmi fuérimus in hac parte. In quo quis audet (in insipiéntia dico) áudeo et ego : Hebræi sunt, et ego : Israëlitæ sunt, et ego : Semen Abrahæ sunt, et ego : Ministri Christi sunt, (ut minus sápiens dico) plus ego : In labóribus plúri-

mis, in carcéribus abundántius, in plagis supra modum, in mórtibus fréquenter. A Judæis quinquies quadragénas, una minus, accépi. Ter virgis cæsus sum, semel lapidátus sum, ter naufrágium feci, nocte et die in profúndo maris fui : In itinéribus sæpe, periculis flúminum, periculis latrónum, periculis ex génere, periculis ex géntibus, periculis in civitáte, periculis in solitúdine, periculis in mari, periculis in falsis frátribus : In labóre et ærúmna, in vigiliis multis, in fame et siti, in jejúniis multis, in frigore et nuditáte : Præter illa, quæ extrínsecus sunt, instántia mea quotidiana, sollicitúdo ómnium Ecclesiárum. Quis infirmáitur, et ego non infirmor? Quis scandalizáitur, et ego non uror? Si gloriári opórtet : quæ infirmitátis meæ sunt, gloriábor. Deus et Pater Dómini nostri Jesu Christi, qui est benedictus in sácula, scit quod non méntior. Damásci præpósitus gentis Arétæ regis, custodiébat civitátem Damascenórum, ut me comprehénderet : Et per fenestram in sporta dimissus sum per murum, et sic effúgi manus ejus. * Si gloriári opórtet (non éxpedit quidem) : Véniam autem ad visiónes, et revelatiónes Dómini. Scio hóminem in Christo ante annos quatuórdecim, sive in corpore nescio, sive extra corpus nescio, Deus scit, raptum hujúsmodi usque ad tértium cælum. Et scio hujúsmodi hómi-

nem, sive in corpore, sive extra corpus nescio, Deus scit : quoniam raptus est in Paradisum : et audivit arcana verba, quae non licet homini loqui. Pro huiusmodi gloriabor : pro me autem nihil gloriabor nisi in infirmitatibus meis. Nam, et si voluero gloriari, non ero insipiens : Veritatem enim dicam : Parco autem, ne quis me existimet supra id, quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meae angelus satanae, qui me colaphizet. Propter quod ter Dominum rogavi, ut discederet a me : et dixit mihi : Sufficit tibi gratia mea : Nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.

℟. Ps. 82 Sciunt gentes quoniam nomen tibi Deus : tu solus Altissimus super omnem terram. ℟. Deus meus pone illos ut rotam : et sicut stipulam ante faciem venti.

Tractus Ps. 59 Commovisti Domine terram, et conturbasti eam. ℣. Sana contritiones ejus, quia mota est. ℣. Ut fugiant a facie arcus : ut liberentur electi tui.

✠ Sequentia sancti Evangelii secundum Lucam. c. 8

IN illo tempore : Cum turba plurima convenirent, et de civitatibus properarent ad Jesum, dixit per similitudinem : Exiit qui seminat, seminare

semen suum : Et dum seminat, aliud cecidit secus viam : et conculcatum est, et volucres caeli comederunt illud. Et aliud cecidit supra petram : et natum aruit, quia non habebat humorem. Et aliud cecidit inter spinas, et simul exortae spinae suffocaverunt illud. Et aliud cecidit in terram bonam : et ortum fecit fructum centuplum. Haec dicens clamabat : Qui habet aures audiendi, audiat. Interrogabant autem eum discipuli ejus, quae esset haec parabola. Quibus ipse dixit : Vobis datum est nosse mysterium regni Dei, ceteris autem in parabolis : ut videntes non videant, et audientes non intelligant. Est autem haec parabola : Semen est verbum Dei. Qui autem secus viam, hi sunt qui audiunt : Deinde venit diabolus, et tollit verbum de corde eorum, ne credentes salvi fiant. Nam qui supra petram : qui cum audierint, cum gaudio suscipiunt verbum : Et hi radices non habent : qui ad tempus credunt, et in tempore tentationis recedunt. Quod autem in spinas cecidit : hi sunt, qui audierunt, et a sollicitudinibus, et divitiis, et voluptatibus vitae euntes, suffocantur, et non referunt fructum. Quod autem in bonam terram : hi sunt, qui in corde bono et optimo audientes verbum retinent, et fructum afferunt in patientia. Credo.

Offertorium Ps. 16 Perfice gressus meos in semitis tuis, ut non moveantur vestigia

mea : inclina aurem tuam, et exáudi verba mea : mirífica misericórdias tuas, qui salvos facis sperántes in te Dómine.

Secreta

OBLATUM tibi, Dómine, sacrificium vivíficet nos semper, et múniat. Per Dóminum.

Secunda et tertia Secreta, pag. 49

Communio Ps. 42 Introibo ad altáre Dei : ad Deum, qui lætíficat juventútem meam.

Postcommunio

SUPPLICES te rogámus, omnípotens Deus : ut quos tuis réficis sacraméntis; tibi étiam plácitis móribus dignánter deservíre concédas : Per Dóminum.

Secunda et tertia Postcommunio, pag. 49

DOMINICA IN QUINQUAGESIMA

Statio ad S. Petrum

Officium

Ps. 30

ESTO mihi in Deum protectórem, et in locum refúgii, ut salvum me fácias : quóniam firmaméntum meum, et refúgium meum es tu : et propter nomen tuum dux mihi eris, et enútries me. **℟.** In te Dómine sperávi, non confúndar in ætérnum : in justítia tua libera me, et éripe me. **Glória Patri.**

Oratio

PRECES nostras, quæsumus Dómine, cleménter exáudi; atque a peccatórum vñculis absolútos, ab omni nos

adversitaté custódi : Per Dóminum.

Secunda et tertia Oratio, ut in Dominica Septuagesimæ, pag. 47

Léctio Epístolæ beáti Pauli Apóstoli ad Corínthios.

1, c. 13

FRATRES : Si linguis hóminum loquar, et Angelórum, caritátem autem non hábeam, factus sum velut æsonans, aut cýmbalum tinniens. Et si habúero prophetiam, et nóverim mystéria ómnia, et omnem sciéntiam : et si habúero omnem fidem ita ut montes transférám, caritátem autem non habúero, nihil sum. Et si distribúero in cibos páuperum omnes facultátes meas, et si tradidero corpus meum ita ut árdeam, caritátem autem non habúero, nihil mihi prodest. Cáritas pátiens est, benígna est : Cáritas non æmulátur, non agit pérperam, non inflátur, non est ambitiósá, non quærit quæ sua sunt, non irritátur, non cógitat malum, non gaudet super iniquitaté, congáudet autem veritáti : Omnia suffert, ómnia credit, ómnia sperat, ómnia sústinet. Cáritas nunquam éxcidit : Sive prophetiæ evacuabúntur, sive linguæ cessábunt, sive sciéntia destruétur. Ex parte enim cognóscimus, et ex parte prophetámus. Cum autem vénerit quod perféctum est, evacuábitur quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus.

Quando autem factus sum vir, evacuávi quæ erant párvuli. Vidémus nunc per spéculum in ænigmate : tunc autem fácie ad fáciem. Nunc cognóscó ex parte : tunc autem cognóscam sicut et cógnitus sum. Nunc autem manent, fides, spes, caritas, tria hæc. Major autem horum est caritas.

℟. Ps. 76 Tu es Deus, qui facis mirabilia solus : notam fecisti in gentibus virtutem tuam. **℣.** Liberásti in bráchio tuo pópulum tuum, filios Israël, et Joseph.

Tractus Ps. 99 Jubiláte Deo omnis terra : servíte Dómino in lætítia. **℣.** Intráte in conspéctu ejus, in exsultatióne.

℣. Scitóte quod Dóminus ipse est Deus. **℣.** Ipse fecit nos, et non ipsi nos : nos autem pópulus ejus, et oves páscuæ ejus.

✠ **Sequéntia sancti Evangélíi** secúndum Lucam. **c. 18**

IN illo témpore : Assúmpsit Jesus duódecim, et ait illis : Ecce ascéndimus Jerosólymam, et consummabúntur ómnia, quæ scripta sunt per prophétas de Filio hóminis. Tradétur enim Géntibus, et illudétur, et flagellábitur, et conspuétur : Et postquam flagelláverint, occídent eum, et tértia die resúrget. Et ipsi nihil horum intellexérunt, et erat verbum istud absconditum ab eis, et non intelligébant quæ dicebántur. Factum est autem, cum appropinquáret Jéricho, cæcus quidam sedébat secus viam, mendicans. Et cum audíret turbam prætereúntem, interrogábat quid

hoc esset. Dixérunt autem ei, quod Jesus Nazaréus transíret. Et clamávit, dicens : Jesu fili David, miserére mei. Et qui præibant, increpábant eum ut tacéret. Ipse vero multo magis clamábat : Fili David, miserére mei. Stans autem Jesus, jussit illum addúci ad se. Et cum appropinquásset, interrogávit illum, dicens : Quid tibi vis fáciam? At ille dixit : Dómine, ut vídeam. Et Jesus dixit illi : Réspice, fides tua te salvum fecit. Et conféstim vidit, et sequebátur illum magnificans Deum. Et omnis plebs ut vidit, dedit laudem Deo. **Credo.**

Offertorium Ps. 118 Benedictus es Dómine, doce me justificatiónes tuas : in lábiis meis pronuntiávi ómnia júdicia oris tui.

Secreta

HÆC hóstia, Dómine quæsumus, emúndet nostra delicta : et ad sacrificium celebrándum, subditórum tibi corpóra mentésque sanctificet. Per Dóminum.

Secunda et tertia Secreta, pag. 49

Communio Ps. 77 Manducáverunt, et saturáti sunt nimis, et desidérium eórum áttulit eis Dóminus : non sunt fraudáti a desidério suo.

Postcommunio

QUÆSUMUS omnípotens Deus : ut qui cæléstia aliménta percépimus; per hæc contra ómnia advérsa muniámur : Per Dóminum.

Secunda et tertia Postcommunio, pag. 49

FERIA QUARTA CINERUM

QUANDO Missa fuerit celebranda, Prior induat superpellicem cum stola, et Hebdomadarius cum ministris præparet se ad Missam celebrandam, sicut in ferialibus diebus. Et præcedentibus Acolytho sine cereo, et Subdiacono, et Diacono deferente Missale, subsequatur Hebdomadarius sine casula, deinde Prior. Cumque ad gradus presbyterii pervenerint, Hora Missam præcedente finita, prosternant se, Prior ibidem super aliquem pannum ibi a Sacrista præparatum, et juxta eum Hebdomadarius et Diaconus a dextris, et Subdiaconus et Acolythus a sinistris. Tunc incipiente Priore Antiphonam Ne reminiscáris, sine cantu, prosternant se fratres, qui in choro sunt, super formas : et Cantor, ex cujus Choro fuerit Hebdomada, incipiat Psalmum Dómine ne in furóre tuo. Et uterque Chorus ipsum, et reliquos Psalmos poenitentiales prosequantur, alternatim dicendo Versus, et terminando quemlibet Psalmum per Glória Patri. Post omnes Psalmos subjungatur a toto Choro

Antiphona Ne reminiscáris Dómine delicta nostra, vel paréntum nostrórum : neque vindictam sumas de peccátis nostris.

Deinde dicatur : Kýrie eléison. Christe eléison. Kýrie eléison. Pater noster. Quo finito, surgat Prior, et stans supra gradus presbyterii, versa facie ad meridiem, et dexteram manum erectam habens ad Conventum, sive populum, Diacono coram eo tenente librum, dicat :

Et ne nos indúcas in tentatiónem.

℟. Salvos fac servos tuos.

℟. Mitte eis Dómine auxili-
lium de sancto.

℟. Esto eis Dómine turris
fortitúdinis.

℟. Dómine exáudi oratió-
nem meam.

Quæ sequuntur, dicat eo modo,
quo dicuntur Orationes ad Horas.

Dóminus vobíscum.

Orémus

Oratio

EXAUDI Dómine preces no-
stras, et confiténtium tibi
parce peccátis; ut quos con-
sciéntiæ reátus accúsat, indul-
géntia tuæ pietátis absólvat :
Per Christum.

Finita prædicta Oratione, faciat
absolutionem absque Dóminus vo-
bíscum, et absque Orémus, hoc
modo

DOMINUS Jesus Christus,
qui beáto Petro Apóstolo
suo potestátem dedit ligándi
atque solvéndi, ipse vos ab-
sólvat ab omni vínculo deli-
ctórum; et quantum meæ fra-
gilitáti permittitur, sitis abso-
lúti ante tribúnal ejúsdem
Dómini nostri Jesu Christi ab
ómnibus peccátis et negli-
géntiis vestris : habeátisque
vitam ætérnam, et vivátis in
sæcula sæculórum. ℟. Amen.

Facta absolutione, surgant omnes,
et qui in choro sunt, stent versis
vultibus ad altare, usque ad finem
benedictionis Cinerum (et hoc idem
observetur in benedictione Ramo-
rum, et Candelarum). Subdiaconus
vero accipiens cineres a Sacrista
præparatos, teneat illos ad dexte-
ram Prioris; et Diaconus librum
ante eum; Acolythus vero aquam
benedictam, et aspersorium : et
Prior stans ante gradus presbyte-
rii, verso vultu ad altare, cineres
benedicat, eo modo quo dicuntur
Orationes ad Horas.

BENEDICTIO CINERUM

Dóminus vobíscum.

Orémus

Oratio

OMNIPOTENS sempitérne Deus, qui miseréris ómnium, et nihil odísti eórum, quæ fecísti : dissimulans peccáta hóminum propter pœniténtiam, qui étiam súbvenis in necessitaté laborántibus; bene ✠ dicere, et sanctificáre dignáre hos cineres, quos causa humilitátis, et sanctæ religiónis, ad emundánda nostra delicta, super cápita nostra ferre constituísti more Ninivítarum : et da per invocatiónem tui nóminis, ut omnes, qui eos, ad deprecándam misericórdiam tuam, super sua cápita túlerint, a te mereántur ómnium delictórum suórum véniam accípere; et hódie sic jejúnia inchoáre sancta : ut in die Resurrectiónis, purificátis méntibus, ad sanctum mereántur accédere Pascha; et in futúro perpétuam percípere glóriam : Per Christum Dóminum nostrum.

℟. Amen.

Finita benedictione cinerum, aspergat eos aqua benedicta, et cantetur sequens

Antiphona Exáudi nos Dómine, quóniam benígna est misericórdia tua : secúndum multitudínem miseratiónum tuárum réspice nos Dómine. **℣. Ps. 68** Salvum me fac Deus : quóniam intravérunt aquæ usque ad ánimam meam.

Cum sequentibus Versibus ejusdem Psalmi, quotquot sunt necessarij. Et repetatur Antiphona Exáudi

nos Dómine, post quemlibet Versum. Post ultimum autem Versum, qui dicendus est, dicatur Glória Patri, et repetatur iterum Antiphona prædicta. Deinde dicatur

Antiphona Joel. 2 Inter vestibulum et altáre plorábunt sacerdótes, et Levítæ ministri Dómini : et dicent : Parce Dómine, parce pópulo tuo : et ne claudas ora clamántium ad te Dómine.

Antiphona Immutémur hábitu, in cinere, et cilicio : jejunémus, et plorémus ante Dóminum : quia multum miséricors est, dimittere peccáta nostra, Deus noster.

Postquam vero Prior cineres asperserit aqua benedicta, accedens ad gradus presbyterii, flexis genibus recipiat cineres ab Hebdomadario stante super gradus : qui etiam, impositis cineribus, asperget eum aqua benedicta. Deinde surgat Prior, et stet supra gradus prædictos, versus ad Chorum, et a dextris ejus Subdiaconus cum cineribus, et Diaconus cum libro; a sinistris vero Hebdomadarius, et juxta illum Acolythus cum aqua benedicta. Et venientibus fratribus eo ordine, quo itur ad Communionem, incipiendo a majoribus, et genua flectentibus, Prior cineres singulis imponat, incipiens ab Hebdomadario, quem etiam asperget aqua benedicta, et deinde a ministris. Hebdomadarius vero, postquam cineres receperit, tenens aspersorium, singulos, cineribus super eos impositis, aspergat aqua benedicta. Cineres autem ponendi sunt in modum crucis super caput; et dum imponuntur, dicatur :

MEMENTO quia cinis es, et in cinerem revertéris.

Finita cinerum impositione, Prior, verso vultu ad altare, Hebdomadario, et Subdiacono, et Acolytho

similiter versis, Diacono coram eo tenente librum, dicat mediocri voce :

℟. Osténde nobis Dómine misericórdiam tuam.

Dóminus vobíscum.

Orémus

Oratio

CONCEDE nobis Dómine præsídia militiæ christiánæ sanctis inchoáre jejúniis; ut contra spirítales nequítias pugnatúri, continéntiæ muniamur auxiliis : Per Christum Dóminum nostrum.

℟. Amen.

Hac Oratione finita, Prior et Hebdomadarius cum ministris redeant ad sacristiam eo ordine, quo venerunt. Et Hebdomadarius accipiens casulam, inchoata a Choro Missa, procedat ad altare cum ministris more solito, (absque Dalmaticis). Prior vero, deposita stola, et superpelliceo, resumat vestes suas.

AD MISSAM

Statio ad sanctam Sabinam

Officium

Sap. 11

MISERERIS ómnium, Dómine, et nihil odisti eórum, quæ fecisti : dissimulans peccáta hóminum propter pœniténtiam, et parcens illis : quia tu es Dóminus Deus noster. ℟. Ps. 56 Miserére mei Deus, miserére mei : quóniam in te confidit ánima mea. Glória Patri.

Dóminus vobíscum. Orémus. Flectámus génua. Leváte.

Dicatur Flectámus génua, et Leváte, quotidie in Quadragesima in Missa de tempore : exceptis Dominicis, et die Cenæ, et Sabbato Paschæ : extra vero Quadragesimam nunquam dicatur. (Ad prædicta verba Sacerdos, extra Missam

solemnem, utrumque genu flectat, et si Missa sit lecta, Minister respondeat Leváte.)

Oratio

PRÆSTA Dómine fidélibus tuis : ut jejuniórum veneránda solémnia, et cóngrua pietáte suscipiant; et secúra devotióne percúrrant : Per Dóminum.

Secunda et tertia Oratio, pag. 47

Léctio Joélis Prophætæ. c. 2

HÆC dicit Dóminus : Convertímini ad me in toto corde vestro, in jejúnio, et in fletu, et in planctu. Et scíndite corda vestra, et non vestiménta vestra, et convertímini ad Dóminum Deum vestrum : quia benignus et miséricors est, pátiens et multæ miséricordiæ, et præstábilis super malítia. Quis scit si convertátur, et ignóscat, et relínquat post se benedictiónem, sacrificium, et libámen Dómino Deo vestro? Cánite tuba in Sion, sanctificáte jejúnium, vocáte coetum, congregáte pópulum, sanctificáte ecclésiám, coadunáte senes, congregáte párvulos, et sugéntes úbera : Egrediátur sponsus de cubíli suo, et sponsa de thálamo suo. Inter vestibulum et altáre plorábunt sacerdótes ministri Dómini : et dicent : Parce Dómine, parce pópulo tuo : et ne des hereditátem tuam in oppróbrium, ut dominéntur eis nátiónes. Quare dicunt in pópulis, Ubi est Deus eórum? Zelátus est Dóminus terram suam, et pepércit pópulo suo. Et respóndit Dóminus, et dixit

pópulo suo : Ecce ego mittam vobis fruméntum, et vinum, et óleum, et replebímini eis : et non dabo vos ultra oppróbrium in géntibus. Dicit Dóminus omnípotens.

℟. **Ps. 56** Miserére mei Deus, miserére mei : quóniam in te confidit ánima mea.

℣. Misit de cælo, et liberávit me : dedit in oppróbrium conculcántes me.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. **℣. Ps. 78** Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℣. Hic genuflectitur** : ADIUVÁ NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ **Sequéntia sancti Evangélíi** secúndum Matthæum. **c. 6**

IN illo témpore : Dixit Jesus discíplis suis : Cum jejúnátis, nolite fieri sicut hypócritæ tristes. Extérminant enim fácies suas, ut appáreant homínibus jejúnantes. Amen dico vobis, quia recepérunt mercédem suam. Tu autem, cum jejúnas, unge caput tuum, et fáciem tuam lava, ne videáris homínibus jejúnans, sed Patri tuo, qui est in abscón-dito : Et Pater tuus, qui videt in abscón-dito, reddet tibi. Nolite thesaurizáre vobis thesau-

ros in terra : ubi ærúgo, et tinea demolitur : et ubi fures effódiunt, et furántur. The-saurizáte autem vobis thesau-ros in cælo : ubi neque ærúgo, neque tinea demolitur, et ubi fures non effódiunt, nec furán-tur. Ubi enim est thesaurus tuus, ibi est et cor tuum.

Offertorium Ps. 29 Exaltábo te Dómine, quóniam suscepisti me, nec delectásti inimícos meos super me : Dómine clamávi ad te, et sanásti me.

Secreta

FAC nos, quæsumus Dómine, his munéribus offeréndis conveniénter aptári, quibus ipsíus venerábilis sacraménti celebrámus exórdium. Per Dóminum.

Secunda et tertia Secreta, pag. 49

Præfatio Qui corporáli jejúnio.

Hæc Præfatio dicatur quotidie, etiam in Totis Duplicibus, (nisi sit festum habens propriam) usque ad Dominicam Passionis exclusive.

Communio Ps. 1 Qui meditábitur in lege Dómini die ac nocte, dabit fructum suum in témpore suo.

Postcommunio

PERCEPTA nobis, Dómine, præbeant sacraménta subsidium : ut tibi grata sint nostra jejúnia; et nobis proficiant ad medélam : Per Dóminum.

Secunda et tertia Postcommunio, pag. 49

Dicto ultimo Per Dóminum, et responso Amen, dicat Sacerdos immediate :

Orémus. Humiliáte cápita vestra Deo.

Oratio super populum

INCLINANTES se, Dómine, majestáti tuæ propitiátus inténde : ut qui divíno múnere sunt refécti; cæléstibus semper nutriántur auxiliis : Per Dóminum.

Humiliáte cápita vestra Deo **dica-**
tur semper, quando Flectámus gé-
nua dicitur, excepto Sabbato Qua-
tuor Temporum, et die Parasceves.

FERIA QUINTA
POST CINERES

Statio ad S. Georgium

Officium Ps. 54

DUM clamárem ad Dóminum, exaudivit vocem meam ab his, qui appropínquant mihi : et humiliávit eos, qui est ante sæcula, et manet in ætérnum : jacta cogitátum tuum in Dómino, et ipse te enútriet. **℣.** Exáudi Deus oratióem meam, et ne despéxeris deprecatióem meam : inténde mihi, et exáudi me. **Glória Patri.**

Dóminus vobiscum. Orémus.
Flectámus génua. Leváte.

Oratio

DEUS, qui culpa offénderis, pœniténtia placáris : preces pópuli tui supplicántis propítius réspice; et flagélla tuæ iracúndiæ, quæ pro peccátis nostris merémur, avérte : Per Dóminum.

Secunda et tertia Oratio, pag. 47

Lectio Isaíæ Prophétæ. c. 38

IN diébus illis : Ægrotávit Ezechías usque ad mortem : et introívit ad eum Isaías

filius Amos prophéta, et dixit ei : Hæc dicit Dóminus : Dispóne dómui tuæ, quia moriérís tu, et non vives. Et convértit Ezechías faciém suam ad parietem, et orávit ad Dóminum, et dixit : Obsecro Dómine, meménto, quæso, quómodo ambuláverim coram te in veritáte, et in corde perfécto, et quod bonum est in óculis tuis fécerim. Et flevit Ezechías fletu magno. Et factum est verbum Dómini ad Isaíam, dicens : Vade, et dic Ezechíæ : Hæc dicit Dóminus Deus David patris tui : Audívi oratióem tuam, et vidi lácrymas tuas : Ecce ego adjiciam super dies tuos quíndecim annos : et de manu regis Assyriórum éruam te, et civitátem istam, et prótegam eam. Ait Dóminus omnipotens.

℟. Ps. 54 Jacta cogitátum tuum in Dómino, et ipse te enútriet. **℣.** Dum clamárem ad Dóminum, exaudivit vocem meam ab his, qui appropínquant mihi.

✠ **Sequéntia sancti Evangélíi**
secúndum Matthæum. c. 8

IN illo témpore : Cum introisset Jesus Caphárnaum, accéssit ad eum centúrio, rogans eum, et dicens : Dómine, puer meus jacet in domo paralýticus, et male torquétur. Et ait illi Jesus : Ego véniam, et curábo eum. Et respóndens centúrio, ait : Dómine, non sum dignus ut intres sub tectum meum : sed tantum dic verbo, et sanábitur puer meus. Nam et ego homo sum

sub potestáte constitútus, habens sub me milites, et dico huic, Vade, et vadit : et álii, Veni, et venit : et servo meo, Fac hoc, et facit. Audiens autem Jesus mirátus est, et sequéntibus se dixit : Amen dico vobis, non invéni tantam fidem in Israël. Dico autem vobis, quod multi ab Oriénte, et Occidénte vénient, et recumbent cum Abraham, et Isaac, et Jacob in regno cælórum : Fílii autem regni ejiciéntur in ténebras exterióres : Ibi erit fletus, et stridor déntium. Et dixit Jesus centurióni : Vade, et sicut credidisti, fiat tibi. Et sanátus est puer in illa hora.

Offertorium Ps. 24 Ad te Dómine levávi ánimam meam : Deus meus in te confido, non erubescam : neque irrideant me inimici mei : étenim universi, qui te expéctant, non confundéntur.

Secreta

SACRIFICIIS præsentibus, Dómine quæsumus, inténde placátus; ut et devotióni nostræ proficiant, et salúti. Per Dóminum.

Secunda et tertia Secreta, pag. 49

Præfatio Qui corporáli jejúnio.

Communio Ps. 50 Acceptábis sacrificium justitiæ, oblatiões, et holocáusta super altáre tuum Dómine.

Postcommunio

CÆLESTIS doni benedictiõe percépta, súpplikes te Deus omnipotens deprecámur; ut hoc idem nobis et

sacraménti causa sit, et salútis : Per Dóminum.

Secunda et tertia Postcommunio, pag. 49

Orémus. Humiliáte cápita vestra Deo.

Oratio super populum

PARCE Dómine, parce pópulo tuo : ut dignis flagellatióibus castigátus; in tua miseratiõe respíret : Per Dóminum.

FERIA SEXTA POST CINERES

Statio ad SS. Joannem et Paulum

Officium

Ps. 29

AUDIVIT Dóminus, et misértus est mihi : Dóminus factus est adjutor meus. **℣.** Exaltábo te Dómine, quóniam suscepísti me : nec delectásti inimicos meos super me. **Glória Patri.**

Dóminus vobíscum. Orémus. Flectámus génua. Leváte.

Oratio

INCHOATA jejúnia, quæsumus Dómine, bénigno favóre proséquere : ut observántiam, quam corporáliter exhibémus; méntibus étiam sincéris exercére valeámus : Per Dóminum.

Secunda et tertia Oratio, pag. 47

Léctio Isaíæ Prophétæ. c. 58

HÆC dicit Dóminus Deus : Clama, ne cesses, quasi tuba exálta vocem tuam, et annúntia pópulo meo scélера eórum, et dómui Jacob peccáta eórum. Me étenim de die in diem quærunt, et scire vias

meas volunt : quasi gens, quæ justitiam fécerit, et judícium Dei sui non dereliquerit : Rogant me judícia justitiæ : appropinquáre Deo volunt. Quare jejunávimus, et non aspexisti : humiliávimus ánimas nostras, et nescisti? Ecce in die jejúnii vestri invenitur volúntas vestra, et omnes debitóres vestros repétitis. Ecce ad lites et contentiónes jejunátis, et percútitis pugno ímpie. Nolíte jejunáre sicut usque ad hanc diem, ut audiátur in excélsó clamor vester. Numquid tale est jejúnium, quod elégi, per diem affligere hóminem ánimam suam? Numquid contorquére quasi circulum caput suum, et saccum et cinerem stérnere? Numquid istud vocábis jejúnium, et diem acceptábilem Dómino? Nonne hoc est magis jejúnium, quod elégi? Dissólve colligatiónes impietátis, solve fascículos depriméntes, dímítte eos, qui confrácti sunt, liberos, et omne onus dirúmpe. Frange esuriénti panem tuum, et egénos, vagósque induc in domum tuam : Cum videris nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua citius oriétur, et anteíbit fáciem tuam justítia tua, et glória Dómini cólliget te. Tunc invocábis, et Dóminus exáudiet : clamábis, et dicet, Ecce adsum. Quia miséricors sum, Dóminus Deus tuus.

℟. Ps. 26 Unam pétii a Dómino, hanc requíram, ut

inhábitem in domo Dómini. **℟.** Ut videam voluptátem Dómini, et prótegar a templo sancto ejus.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. **℟. Ps. 78** Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℟. Hic genuflectitur :** ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ **Sequéntia sancti Evangélii** secúndum Matthæum.

c. 5 et 6

IN illo témpore : Dixit Jesus discipulis suis : Audístis quia dictum est : Diliges próximum tuum, et ódio habébis inimicum tuum. Ego autem dico vobis : Dilígite inimícos vestros, benefácite his, qui odérunt vos : et oráte pro persecuéntibus, et calumniántibus vos : ut sitis filii Patris vestri, qui in cælis est, qui solem suum oríri facit super bonos et malos, et pluit super justos et injústos. Si enim diligitis eos, qui vos diligunt, quam mercédem habébitis? Nonne et publicáni hoc fáciunt? Et si salutavéritis fratres vestros tantum, quid ámplius fácitis? Nonne et éthnici hoc fáciunt? Estóte ergo vos perfécti, sicut et Pater vester cæléstis perféctus est. * Attén-

dite ne justitiam vestram faciatis coram hominibus, ut videamini ab eis : Alioquin mercedem non habebitis apud Patrem vestrum, qui in caelis est. Cum ergo facis eleemosynam, noli tuba canere ante te, sicut hypocritae faciunt in synagogis, et in vicis, ut honorificentur ab hominibus. Amen dico vobis, receperunt mercedem suam. Te autem faciente eleemosynam, nesciat sinistra tua quid faciat dextera tua : ut sit eleemosyna tua in abscondito, et Pater tuus, qui videt in abscondito, reddet tibi.

Offertorium Ps. 118 Domine, vivifica me secundum eloquium tuum : ut sciam testimonia tua.

Secreta

SACRIFICIUM Domine, observantiae quadragesimalis, quod offerimus, presta quæsumus, ut tibi et mentes nostras reddat acceptas, et continentiae promptioris nobis tribuat facultatem. Per Dominum.

Secunda et tertia Secreta, pag. 49
Præfatio Qui corporali jejunio.

Communio Ps. 2 Servite Domino in timore, et exultate ei cum tremore : apprehendite disciplinam, ne pereatis de via justa.

Postcommunio

SPIRITUM nobis, Domine, tuæ caritatis infunde : ut quos uno pane cælesti satiasti; tua facias pietate concordes : Per Dominum.

Secunda et tertia Postcommunio, pag. 49

Orémus. Humiliate capita vestra Deo.

Oratio super populum

TUERE Domine populum tuum, et ab omnibus peccatis clementer emunda : quia nulla ei nocébit adversitas; si nulla ei dominetur iniquitas : Per Dominum.

SABBATO POST CINERES

Statio ad S. Tryphonem

Officium

Ps. 29

AUDIVIT Dominus, et misertus est mihi : Dominus factus est adjutor meus. **V.** Exaltabo te Domine, quoniam suscepisti me : nec delectasti inimicos meos super me. **Glória Patri.**

Dominus vobiscum. Orémus. Flectamus genua. Levate.

Oratio

ADESTO Domine supplicationibus nostris; et concede, ut hoc solémne jejunium, quod animabus corporibusque curandis salubriter institutum est, devoto servitio celebremus : Per Dominum.

Secunda et tertia Oratio, pag. 47

Lectio Isaïæ Prophætæ. c. 58

HÆC dicit Dominus Deus : Si abstuleris de medio tui catenam, et desieris extendere digitum, et loqui quod non prodest. Cum effuderis esurienti animam tuam, et animam afflictam repléveris, oriétur in tenebris lux tua, et tenebræ tuæ erunt sicut

merídiēs. Et réquiem tibi dabit Dóminus semper, et implébit splendóribus ánimam tuam, et ossa tua liberábit, et eris quasi hortus irriguus, et sicut fons aquárum, cujus non deficient aquæ. Et ædificabúntur in te desérta sæculórum : fundaménta generatiónis et generatiónis suscitábis : Et vocáberis ædificátor sépium, avértens sémitas in quiétē. Si avérteris a sábbato pedem tuum, fácere voluntátem tuam in die sancto meo, et vocáveris sábbatum delicátum, et sanctum Dómini gloriósum, et glori ficáveris eum dum non facis vias tuas, et non invenitur volúntas tua, ut loquáris sermónem : Tunc delectáberis super Dómino, et sustóllam te super altitúdines terræ, et cibábo te hereditáte Jacob patris tui. Os enim Dómini locútum est.

℟. Ps. 26 Unam pétii a Dómino, hanc requíram, ut inhábitem in domo Dómini. ℣. Ut videam voluptátem Dómini, et prótegar a templo sancto ejus.

✠ **Sequéntia sancti Evangélíi** secúndum Marcum. **c. 5**

IN illo témpore : Cum sero esset, erat navis in médio mari, et Jesus solus in terra. Et videns discipulos suos laborántes in remigándo, (erat enim ventus contrárius eis) et circa quartam vigíliam noctis venit ad eos ámbulans supra mare : et volébat præteríre eos. At illi ut vidérunt eum ambulántem supra mare, putavérunt phantásma esse, et

exclamavérunt. Omnes enim vidérunt eum, et conturbáti sunt. Et statim locútus est cum eis, et dixit eis : Confidite, ego sum, nolíte timére. Et ascéndit ad illos in navim, et cessávit ventus. Et plus magis intra se stupébant : Non enim intellexérunt de pánibus : erat enim cor eórum obcæcátum. Et cum transfretássent, venérunt in terram Genésareth, et applicuérunt. Cumque egressi essent de navi, continuo cognovérunt eum : Et percurréntes univérsam regiónem illam, cœpérunt in grabátis eos, qui se male habébant, circumférre, ubi audiébant eum esse. Et quocúmque introibat, in vicos, vel in villas, aut civitátes, in platéis ponébant infirmos, et deprecabántur eum, ut vel fimbriam vestiménti ejus tángerent, et quotquot tangébant eum, salvi fiébant.

Offertorium Ps. 118 Dómine, vivífica me secúndum elóquium tuum : ut sciam testimónia tua.

Secreta

PRÆPARA nos, quæsumus Dómine, hujus abstinéntiæ festívis officiis : ut hæc sacrificia veneránda sóbriis semper méntibus celebrémus. Per Dóminum.

Secunda et tertia Secreta, pag. 49

Præfatio Qui corporáli jejúnio.

Communio Ps. 2 Servíte Dómino in timóre, et exsultáte ei cum tremóre : apprehéndite disciplinam, ne pereátis de via justa.

Postcommunio

CÆLESTIS vitæ múnere vegetáti, quæsumus Dómine: ut quod est nobis in præsentí vita mystérium; fiat æternitátis auxiliúm : Per Dóminum.

Secunda et tertia Postcommunio, pag. 49

Orémus. Humiliáte cápita vestra Deo.

Oratio super populum

FIDELES tui, Deus, per tua dona firméntur : ut éadem et percipiéndó requírant; et quæréndó sine fine percípiant : Per Dóminum.

DOMINICA PRIMA
QUADRAGESIMÆ

Statio ad S. Joannem in Laterano

Officium

Ps. 90

INVOCABIT me, et ego exáudiam eum : eripiam eum et glorificábo eum : longitúdine diérum adimplébo eum. **℟.** Qui hábitat in adjutório Altissimi, in protectióne Dei cæli commorábitur. **Gloria Patri.**

Oratio

DEUS, qui Ecclesiám tuam ánnua quadragesimáli observatióne purificas; præsta famíliæ tuæ : ut quod a te obtinére abstinéndó nítitur; hoc bonis opéribus exsequátur : Per Dóminum.

Secunda Oratio

DEUS, qui caritátis dona, per grátiam Sancti Spíritus, tuórum córdibus fidélium infudísti; da fámulis et famu-

lábuis tuis, pro quibus tuam deprecámur cleméntiam, salutem mentis et córporis : ut te tota virtúte diligant; et quæ tibi plácita sunt, tota dilectióne perficiant. (Per Dóminum... ejúsdem.)

Tertia Oratio

ACUNCTIS nos, quæsumus Dómine, mentis et córporis defénde periculis : et intercedénte beáta et gloriósa semper Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Domínico Patre nostro, et ómnibus Sanctis, salutem nobis tribue benígnus, et pacem; ut destrúctis adversitatibus et erróribus univérsis, Ecclesiá tua secúra tibi sérviat libertáte : Per eúmdem.

Lectio Epístolæ beáti Pauli Apóstoli ad Corinthios. 2, c. 6

FRATRES : Hortámur vos, ne in vácuum grátiam Dei recipiátis. Ait enim : Témpore accépto exaudivi te, et in die salutis adjúvi te. Ecce nunc tempus acceptábile, ecce nunc dies salutis. Némini dantes ullam offensióem, ut non vituperétur ministérium nostrum : Sed in ómnibus exhibeámus nosmetipsos sicut Dei ministros in multa paciéntia, in tribulatióibus, in necessitati-bus, in angústiiis, in plagis, in carcéribus, in seditiÓibus, in labóribus, in vigíliis, in jejúniis, in castitate, in sciéntia, in longanimitate, in suavitate, in Spíritu Sancto : In caritate

non ficta, in verbo veritatis, in virtute Dei : Per arma justitiæ a dextris, et a sinistris : Per gloriā, et ignobilitatem : Per infamiam, et bonam famam : Ut seductores, et veraces : Sicut qui ignoti, et cogniti : Quasi morientes, et ecce vivimus : Ut castigati, et non mortificati : Quasi tristes, semper autem gaudentes : Sicut egentes, multos autem locupletantes : Tamquam nihil habentes, et omnia possidentes.

℟. Ps. 90 Angelis suis Deus mandavit de te : ut custodiant te in omnibus viis tuis. **℣.** In manibus portabunt te : ne unquam offendas ad lapidem pedem tuum.

Tractus Qui habitat in adjutorio Altissimi, in protectione Dei cæli commorabitur. **℣.** Dicit Domino : Susceptor meus es tu, et refugium meum : Deus meus sperabo in eum. **℣.** Quoniam ipse liberavit me de laqueo venantium, et a verbo aspero. **℣.** Scapulis suis obumbrabit tibi : et sub pennis ejus sperabis. **℣.** Scuto circumdabit te veritas ejus : non timebis a timore nocturno. **℣.** A sagitta volante per diem, a negotio perambulante in tenebris : a ruina, et daemonio meridiāno. **℣.** Cadent a latere tuo mille, et decem millia a dextris tuis : tibi autem non appropinquabit. **℣.** Quoniam Angelis suis mandavit de te : ut custodiant te in omnibus viis tuis. **℣.** In manibus portabunt te : ne unquam offendas ad lapidem pedem tuum.

℣. Super aspidem, et basiliscum ambulabis : et conculcabis leonem et draconem.

℣. Quoniam in me speravit, liberabo eum : protegam eum, quoniam cognovit nomen meum. **℣.** Invocabit me, et ego exaudiam eum : cum ipso sum in tribulatione.

℣. Eripiam eum et glorificabo eum : longitudine dierum adimplebo eum, et ostendam illi salutare meum.

✠ **Sequentia sancti Evangelii secundum Matthæum. c. 4**

IN illo tempore : Ductus est Jesus in desertum a Spiritu, ut tentaretur a diabolo. Et cum jejunasset quadraginta diebus, et quadraginta noctibus, postea esuriit. Et accedens tentator, dixit ei : Si filius Dei es, dic ut lapides isti panes fiant. Qui respondens, dixit : Scriptum est : Non in solo pane vivit homo, sed in omni verbo, quod procedit de ore Dei. Tunc assumpsit eum diabolus in sanctam civitatem, et statuit eum super pinnaculum templi, et dixit ei : Si filius Dei es, mitte te deorsum. Scriptum est enim : Quia Angelis suis mandavit de te, et in manibus tollent te, ne forte offendas ad lapidem pedem tuum. Ait illi Jesus : Rursum scriptum est : Non tentabis Dominum Deum tuum. Iterum assumpsit eum diabolus in montem excelsum valde : et ostendit ei omnia regna mundi, et gloriam eorum, et dixit ei : Hæc omnia tibi dabo, si cadens adoraveris me. Tunc dicit ei

Jesus : Vade sáтана : Scriptum est enim : Dóminum Deum tuum adorábis, et illi soli sérvies. Tunc reliquit eum diábolus : et ecce Angeli accessérunt, et ministrábant ei.

Credo.

Offertorium Ps. 90 Scápulis suis obumbrábit tibi Dóminus, et sub pennis ejus sperábis : scuto circúmdabit te véritas ejus.

Secreta

SACRIFICIUM quadragesimá-lis initii solémniter immolámus, te Dómine deprecánte, ut cum epulárum restrictióne carnálium, a nóxiis quoque voluptátibus temperémus. Per Dóminum.

Secunda Secreta

MISERERE, quásumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta, supérnæ benedictiónis grátiam obtineant, et glóriam ætérnæ beatitúdinis acquirant. (Per Dóminum.)

Tertia Secreta

EXAUDI nos Deus salutáris noster : ut per hujus sacraménti virtútem a cunctis nos mentis et córporis hóstibus tueáris, grátiam tribuens in præsénti, et glóriam in futúro. Per Dóminum.

Præfatio Qui corporáli jejúnio.

Communio Ps. 90 Scápulis suis obumbrábit tibi Dóminus, et sub pennis ejus sperábis : scuto circúmdabit te véritas ejus.

Postcommunio

TU nos, Dómine, sacraménti libátio sancta restáuret; et a vetustáte purgátos, in mystérii salutáris fáciat transire consórtium : Per Dóminum.

Secunda Postcommunio

DIVINA libánte mystéria, quásumus Dómine, ut hæc salutária sacraménta illis proficiant ad prosperitátem et pacem; pro quorum quarúmque dilectióne hæc tuæ obtúlimus majestáti. (Per Dóminum.)

Tertia Postcommunio

MUNDET et múniat nos, quásumus Dómine, divíni sacraménti munus oblátum : et intercedénte beáta Vírgine Dei Genitrice María, cum beáto Joseph, beátis Apóstolis tuis Petro et Paulo, atque beáto Domínico Patre nostro, et ómnibus Sanctis; a cunctis nos reddat et perversitátibus expiátos, et adversitátibus expeditos : Per eúmdem Dóminum.

FERIA SECUNDA

Statio ad S. Petrum ad Vincula

Officium

Ps. 122

SICUT óculi servórum in mánilibus dominórum suórum : ita óculi nostri ad Dóminum Deum nostrum, donec misereátur nobis : miserére nobis Dómine, miserére nobis. ✠. Ad te levávi óculos meos, qui hábitas in cælis. Glória Patri.

Dóminus vobiscum. Orémus.
Flectámus gēnuā. Leváte.

Oratio

CONVERTE nos Deus salutáris noster : et ut nobis júniū quadragesimále proficiat; mentes nostras cælestibus ínstrue disciplinis : Per Dóminum.

Secunda et tertia Oratio, pag. 63

Léctio Ezechiélis Prophétæ.

c. 34

HÆC dicit Dóminus Deus : Ecce ego ipse requíram oves meas, et visitábo eas. Sicut visitat pastor gregem suum in die, quando fúerit in médio óvium suárum dissipatárum : sic visitábo oves meas, et liberábo eas de ómnibus locis, in quibus dispérsæ fúerant in die nubis, et caliginis. Et edúcam eas de pópulis, et congregábo eas de terris, et indúcam eas in terram suam : Et pascam eas in móntibus Israël, in rivis, et in cunctis sédibus terræ. In páscuis ubérrimis pascam eas, et in móntibus excélsis Israël erunt páscua eárum : Ibi requiéscent in herbis viréntibus, et in páscuis pínguibus pascéntur super montes Israël. Ego pascam oves meas : et ego eas accubáre fáciā, dicit Dóminus Deus. Quod perierat requíram, et quod abjéctum erat redúcam, et quod confráctum fúerat alligábo, et quod infirmum fúerat consolidábo, et quod pingue et forte custódiā : Et pascam illas in iudício. Dicit Dóminus omnipotens.

℟. Ps. 83 Protéctor noster áspice Deus : et réspice super servos tuos. ℣. Dómine Deus virtútum exáudi preces servórum tuórum.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. ℣. Ps. 78 Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. ℣. *Hic genuflectitur* : ADJUVA NOS DEUS SALUTARIS NOSTER : et propter glóriā nóminis tui Dómine libera nos : et propítius esto peccátis nostris propter nomen tuum.

✠ Sequéntia sancti Evangélíi secúndum Matthæum. c. 25

IN illo témpore : Dixit Jesus discípulis suis : Cum vénerit Filius hóminis in maiestáte sua, et omnes Angeli cum eo, tunc sedébit super sedem maiestátis suæ. Et congregabúntur ante eum omnes gentes, et separábit eos ab invicem, sicut pastor ségregat oves ab hædis : Et státuet oves quidem a dextris suis, hædos autem a sinístris. Tunc dicet Rex his, qui a dextris ejus erunt : Veníte benedicti Patris mei, possidéte parátum vobis regnum a constitutióne mundi. Esurívi enim, et dedístis mihi manducáre : Sitívi, et dedístis mihi bíbere : Hospes eram, et collegístis me : Nudus, et cooperuístis me : Infirmus, et visi-

tástis me : In cárcere eram, et venistis ad me. Tunc respondébunt ei iusti, dicétes : Dómine, quando te vidimus esuriéntem, et pávimus te : sitiéntem, et dedimus tibi potum? Quando autem te vidimus hóspitem, et collégimus te : aut nudum, et cooperuímus te? Aut quando te vidimus infirmum : aut in cárcere, et vénimus ad te? Et respóndens Rex, dicet illis : Amen dico vobis : quámdui fecistis uni ex his frátribus meis minimis, mihi fecistis. Tunc dicet et his, qui a sinístris erunt : Discédite a me maledícti in ignem ætérnum, qui parátus est diábolo, et ángelis ejus. Esurivi enim, et non dedistis mihi manducáre : Sitiui, et non dedistis mihi potum : Hospes eram, et non collegistis me : Nudus, et non cooperuístis me : Infirmus, et in cárcere, et non visitástis me. Tunc respondébunt ei et ipsi, dicétes : Dómine, quando te vidimus esuriéntem, aut sitiéntem, aut hóspitem, aut nudum, aut infirmum, aut in cárcere, et non ministrávimus tibi? Tunc respondébit illis, dicens : Amen dico vobis : quámdui non fecistis uni de minóribus his, nec mihi fecistis. Et ibunt hi in supplicium ætérnum : iusti autem in vitam ætérnam.

Offertorium Ps. 118 Levábo óculos meos, et considerábo mirabilia tua Dómine, ut dóceas me justitias tuas : da mihi intelléctum, et discam mandáta tua.

Secreta

MUNERA tibi Dómine obláta sanctífica; nosque a peccatórum nostrórum máculis emúnda. Per Dóminum.

Secunda et tertia Secreta, pag. 65

Praefatio Qui corporáli jejúnio.

Communio Ps. 3 Voce mea ad Dóminum clamávi, et exaudivit me de monte sancto suo : non timébo millia pópuli circumdántis me.

Postcommunio

SALUTARIS tui, Dómine, múnere satiáti, súpplícés exorámus : ut cujus lætámur gustu; renovémur efféctu : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

ABSOLVE, quáesumus Dómine, nostrórum víncula peccatórum; et quidquid pro eis merémur propitiátus avérte : Per Dóminum.

FERIA TERTIA

Statio ad S. Anastasiam

Officium

Ps. 89

DOMINE, refúgium factus es nobis a generatióne et progénie : a sáeculo et in sáeculum tu es. **℟.** Priúsqvam montes fierent, aut formarétur terra, et orbis : a sáeculo et usque in sáeculum tu es Deus. **Gloria Patri.**

Dóminus vobíscum. Orémus. Flectámus génua. Leváte.

Oratio

RESPICE Dómine familiam tuam : et præsta ut apud te mens nostra tuo desiderio fulgeat; quæ se carnis maceratione castigat : Per Dóminum.

Secunda et tertia Oratio, pag. 63

Lectio Isaïæ Prophætæ. c. 55

IN dièbus illis : Locutus est Isaïas Prophæta, dicens : Quærite Dóminum, dum inveniri potest : invocáte eum, dum prope est. Derelinquat impius viam suam, et vir iniquus cogitationes suas, et revertátur ad Dóminum, et miserébitur ejus, et ad Deum nostrum : quóniam multus est ad ignoscéndum. Non enim cogitationes meæ, cogitationes vestræ : neque viæ vestræ, viæ meæ, dicit Dóminus. Quia sicut exaltántur cæli a terra, sic exaltátæ sunt viæ meæ a viis vestris, et cogitationes meæ a cogitationibus vestris. Et quómodo descendit imber, et nix de cælo, et illuc ultra non revértitur, sed inébriat terram, et infúndit eam, et germináre eam facit, et dat semen serénti, et panem comedénti : sic erit verbum meum, quod egrediétur de ore meo : Non revertétur ad me vacuum, sed fáciat quæcúmque vólui, et prosperábitur in his, ad quæ misi illud. Ait Dóminus omnipotens.

℟. Ps. 140 Dirigátur oratio mea sicut incensum in conspectu tuo, Dómine. ℣. Elevatio mánuum meárum sacrificium vespertinum.

✠ Sequéntia sancti Evangélii secúndum Matthæum. c. 21

IN illo témpore : Cum intráset Jesus Jerosólymam, commóta est univérsa civitas, dicens : Quis est hic? Pópuli autem dicébant : Hic est Jesus prophæta a Názareth Galilææ. Et intrávit Jesus in templum Dei, et ejiciébat omnes vendéntes, et eméntes in templo, et mensas nummulariórum, et cáthedras vendéntium columbas evértit : Et dicit eis : Scriptum est : Domus mea domus oratiónis vocábitur : Vos autem fecistis illam spelúncam latrónum. Et accessérunt ad eum cæci, et claudi in templo : et sanávit eos. Vidéntes autem principes sacerdotum, et Scribæ mirabilia, quæ fecit, et púeros clamántes in templo, et dicéntes, Hosánna filio David : indignáti sunt, et dixerunt ei : Audis quid isti dicunt? Jesus autem dixit eis : Utique. Nunquam legistis, Quia ex ore infántium, et lacténtium perfecisti laudem? Et relictis illis, ábiit foras extra civitátem in Bethániam : ibique mansit.

Offertorium Ps. 30 In te sperávi Dómine : dixi : Tu es Deus meus : in mánibus tuis témpora mea.

Secreta

OBLATIS, quæsumus Dómine, placáre munéribus : et a cunctis nos defénde periculis. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 4 Cum invocárem te, exaudísti me Deus justítiæ meæ : in tribulatióne dilatásti me : miserére mihi Dómine, et exáudi oratióne meam.

Postcommunio

QUÆSUMUS omnipotens Deus : ut illius salutáris capiámus efféctum; cujus per hæc mystéria pignus accépi-mus : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

ASCENDANT ad te, Dómine, preces nostræ; et ab Ecclésia tua cunctam repélle nequitiám : Per Dóminum.

FERIA QUARTA

Quatuor temporum

Statio ad S. Mariam Majorem

Officium

Ps. 24

REMINISCERE miseratió-num tuárum Dómine, et misericórdiæ tuæ, quæ a sæculo sunt : ne unquam dominéntur nobis inimíci nostri : libera nos, Deus Israël, ex ómnibus angústiiis nostris. **℟.** Ad te Dómine levávi ánimam meam : Deus meus in te confido, non erubéscam. Glória Patri.

Post Kýrie eléison non dicatur Dóminus vobiscum, sed

Orémus. Flectámus génua. Leváte.

Oratio

PRECES nostras, quæsumus Dómine, cleménter exáudi; et contra cuncta nobis adversántia dexteram tuæ majestátis exténde : Per Dóminum.

Hæc Oratio est dicenda pro Memoria Feriæ in Missa festi, si hac die occurrerit.

Lectio Libri Exodi. c. 24

IN diébus illis : Dixit Dóminus ad Móysen : Ascénde ad me in montem, et esto ibi : dabóque tibi tábulas lapídeas, et legem ac mandáta quæ scripsi : ut dóceas filios Israël. Surrexérunt Móyses et Jósue mínister ejus : Ascendénsque Móyses in montem Dei, senióribus ait : Exspectáte hic, donec revertámur ad vos. Habétis Aaron et Hur vobiscum : si quid natum fúerit quæstiónis, referétis ad eos. Cumque ascendísset Móyses, opéruit nubes montem, et habitávit glória Dómini super Sínai, tegens illum nube sex diébus : Séptimo autem die vocávit eum de médio caliginis. Erat autem spécies glóriæ Dómini, quasi ignis ardens super vérticem montis in conspéctu filiórum Israël. Ingressúsque Móyses médium nébulæ, ascéndit in montem : Et fuit ibi quadraginta diébus, et quadraginta nóctibus.

℟. Ps. 24 Tribulatiónes cordis mei dilatátæ sunt : de necessitatibus meis éripe me Dómine. **℟.** Vide humilitátem meam, et labórem meum : et dímittle ómnia peccáta mea.

Dóminus vobíscum. Orémus.
Flectámus génua. Leváte.

Oratio

DEVOTIONEM pópuli tui, quæsumus Dómine, benignus inténde : ut qui per abstinentiam macerántur in corpore; per fructum boni óperis reficiántur in mente : Per Dóminum.

Secunda et tertia Oratio. pag. 63

Léctio Libri Regum. 3, c. 19

IN diébus illis : Venit Elias in Bersabée et Juda, dimisit ibi púerum suum, et perréxit in désertum, viam unius diéi. Cumque venisset, et sedéret subter unam juníperum, petívit ánimæ suæ ut morerétur, et ait : Súfficit mihi Dómine, tolle ánimam meam : Neque enim mélior sum, quam patres mei. Projecítque se, et obdormívit in umbra juníperi : Et ecce Angelus Dómini tétigit eum, et dixit illi : Surge, et cómede. Respéxit, et ecce ad caput suum subcinerícius panis, et vas aquæ : Comédit ergo, et bibit, et rursum obdormívit. Reversúsque est Angelus Dómini secúndo, et tétigit eum, dixítque illi : Surge, cómede : grandis enim tibi restat via. Qui cum surrexisset, comédit et bibit, et ambulávit in fortitúde cibi illius quadraginta diébus et quadraginta nóctibus, usque ad montem Dei Horeb.

Tractus Ps. 24 De necessitatibus meis éripe me Dómine : vide humilitátem meam, et labórem meum : et dímítte

ómnia peccáta mea. **℟.** Ad te Dómine levávi ánimam meam : Deus meus in te confido, non erubéscam : neque irrideant me inimíci mei. **℟.** Etenim univérsi, qui te exspéctant, non confundéntur : confundántur omnes faciéntes vana.

Non dicatur hodie Tract. Dómine non secúndum.

✠ Sequéntia sancti Evangélii
secúndum Matthæum. c. 12

IN illo témpore : Respondérunt Jesu quidam de Scribis et Pharisæis, dicéntes : Magister, vólumus a te signum vidére. Qui respóndens, ait illis : Generátio mala, et adúltera signum quærit : et signum non dábitur ei, nisi signum Jonæ prophétæ. Sicut enim fuit Jonas in ventre ceti tribus diébus, et tribus nóctibus; sic erit Fílius hóminis in corde terræ tribus diébus, et tribus nóctibus. Viri Nínivæ surgent in iudicio cum generatióne ista, et condemnábunt eam : quia pœniténtiam egérunt in prædicatióne Jonæ. Et ecce plus quam Jonas hic. Regina Austri surget in iudicio cum generatióne ista, et condemnábit eam : quia venit a fínibus terræ audíre sapiéntiam Salomónis. Et ecce plus quam Sálomon hic. Cum autem immúndus spíritus exierit ab hómine, ámbulat per loca árida, quærens réquiem, et non invenit. Tunc dicit : Revértar in domum meam, unde exívi. Et véniens invenit eam vacántem, scopis mundátam, et ornátam. Tunc vadit,

et assumit septem álios spiritus secum nequióres se, et intrántes hábitant ibi : Et fiunt novíssima hóminis illius pe-jóra prióribus. Sic erit et generatióni huic péssimæ. Adhuc eo loquente ad turbas, ecce mater ejus, et fratres stabant foris, quæréntes loqui ei. Dixit autem ei quidam : Ecce mater tua, et fratres tui foris stant, quæréntes te. At ipse respóndens dicéti sibi, ait : Quæ est mater mea, et qui sunt fratres mei? Et exténdens manum in discipulos suos, dixit : Ecce mater mea, et fratres mei. Quicúmque enim fécerit voluntátem Patris mei, qui in cælis est : ipse meus frater, et soror, et mater est.

Offertorium Ps. 118 Meditabor in mandátis tuis, quæ diléxi valde : et levábo manus meas ad mandáta tua, quæ diléxi.

Secreta

HOSTIAS tibi, Dómine, platiónis offérimus : ut et delicta nostra miserátus absolvas, et nutántia corda tu dirigas. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 5 Intéllige clamórem meum : inténde voci oratiónis meæ, rex meus et Deus meus : quóniam ad te orábo, Dómine.

Postcommunio

TUI, Dómine, perceptiône sacraménti, et a nostris mundémur occúltis; et ab

hóstium liberémur insidiis : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

MENTES nostras, quæsumus Dómine, lúmine tuæ claritátis illústra; ut vidére possimus quæ agénda sunt, et quæ recta sunt ágere valeámus : Per Dóminum.

FERIA QUINTA

*Statio ad S. Laurentium
in Paneperna*

Officium

Ps. 95

CONFESSIO, et pulchritúdo in conspéctu ejus : sánc-titas, et magnificéntia in sanctificatióne ejus. **℟.** Cantáte Dómino canticum novum : cantáte Dómino omnis terra. Glória Patri.

Dóminus vobíscum. Orémus. Flectámus génua. Leváte.

Oratio

DEVOTIONEM pópuli tui, quæsumus Dómine, benignus inténde : ut qui per abstinentiam macerántur in corpore; per fructum boni óperis reficiántur in mente : Per Dóminum.

Secunda et tertia Oratio, pag. 63

Léctio Ezechiélis Prophétæ.

c. 18

IN diébus illis : Factus est sermo Dómini ad me, dicens : Quid est quod inter vos

parábolam vértitis in provér-
bium istud in terra Israël,
dicéntes, Patres comedérunt
uvam acérbam, et dentes filió-
rum obstupéscunt? Vivo ego,
dicit Dóminus Deus, si erit
ultra vobis parábola hæc in
provérbum in Israël. Ecce
omnes ánimæ, meæ sunt :
Ut ánima patris, ita et ánima
filii mea est : Anima, quæ
peccáverit, ipsa moriétur. Et
vir si fúerit justus, et fécerit
judícium, et justitiam, in món-
tibus non coméderit, et óculos
suos non leváverit ad idóla
domus Israël : et uxórem pró-
ximi sui non violáverit, et ad
mulierem menstruátam non
accésserit : et hóminem non
contristáverit : pignus debi-
tóri reddiderit, per vim nihil
rapúerit : panem suum esu-
riénti déderit, et nudum ope-
rúerit vestiménto : ad usúram
non commodáverit, et ámplius
non accéperit : ab iniquitaté
avérterit manum suam, et ju-
dícium verum fécerit inter vi-
rum et virum : in præcéptis
meis ambuláverit, et judícia
mea custodierit ut fáciat veri-
tatem : hic justus est, vita vivet.
Ait Dóminus omnipotens.

℟. **Ps. 16** Custódi me Dó-
mine, ut pupillam óculi : sub
umbra alárum tuárum pró-
tege me. ℣. De vultu tuo
judícium meum pródeat : óculi
tui videant æquitátem.

✠ **Sequéntia sancti Evangélíi**
secúndum Matthæum. **c. 15**

IN illo témpore : Egréssus
Jesus secéssit in partes
Tyri, et Sidónis. Et ecce mú-

lier Chananæa a finibus illis
egréssa clamávit, dicens ei :
Miserére mei Dómine fili Da-
vid : filia mea male a dæmónio
vexátur. Qui non respóndit ei
verbum. Et accedéntes discí-
puli ejus, rogábant eum dicén-
tes : Dimítte eam : quia clamat
post nos. Ipse autem respón-
dens, ait : Non sum missus
nisi ad oves, quæ periérunt
domus Israël. At illa venit, et
adorávit eum, dicens : Dó-
mine, ádjuva me. Qui respón-
dens ait : Non est bonum
súmere panem filiórum, et
mittere cánibus. At illa dixit :
Etiam Dómine : Nam et catélli
edunt de micis, quæ cadunt
de mensa dominórum suórum.
Tunc respóndens Jesus, ait
illi : O múlter, magna est fides
tua : Fiat tibi sicut vis. Et sa-
náta est filia ejus ex illa hora.

Offertorium Ps. 33 Immíttet
Angelus Dómini in circúitu
timéntium eum, et erípiet eos :
gustáte, et vidéte quóniam
suávis est Dóminus.

Secreta

SACRIFICIA, Dómine quæsu-
mus, propítius ista nos
salvent, quæ medicinálibus
sunt institúta jejúniis. Per Dó-
minum.

Secunda et tertia Secreta, pag. 65

Præfatio Qui corporáli jejúnio.

Communio Joann. 6 Panis,
quem ego dédero, caro mea
est pro sæculi vita.

Postcommunio

TUORUM nos, Dómine, lar-
gítate donórum, et tempo-
rálibus attólle præsídiis; et

rénova sempitérnis : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

DA, quæsumus Dómine, pópulis cristiánis, et quæ profiténtur agnóscere; et cæléste munus diligere, quod frequentant : Per Dóminum.

FERIA SEXTA

Quatuor Temporum

Statio ad SS. duodecim Apostolos

Officium

Ps. 24

DE necessitatibus meis éripe me Dómine : vide humilitátem meam, et labórem meum, et dimitte ómnia peccáta mea. **℟.** Ad te Dómine levávi ánimam meam : Deus meus in te confido, non erubescam. **Glória Patri.**

Dóminus vobíscum. Orémus. Flectámus génua. Leváte.

Oratio

ESTO Dómine propítius plebi tuæ : et quam tibi facis esse devótam; benigno réfove miserátus auxílio : Per Dóminum.

Secunda et tertia Oratio, pag. 63

Léctio Ezechiélis Prophétæ.

c. 18

HÆC dicit Dóminus Deus : Anima, quæ peccáverit, ipsa moriétur : Fílius non portábit iniquitátem patris, et

pater non portábit iniquitátem filii : Justítia justí super eum erit, et impietas impíi erit super eum. Si autem impius égerit poeniténtiam ab ómnibus peccátis suis, quæ operátus est, et custodierit ómnia præcépta mea, et fécerit judícium, et justítiam : víta vivet, et non moriétur. Omnium iniquitátum ejus, quas operátus est, non recordábor : In justítia sua, quam operátus est, vivet. Numquid voluntátis meæ est mors impíi, dicit Dóminus Deus, et non ut convertátur a viis suis, et vivat? Si autem avérterit se justus a justítia sua, et fécerit iniquitátem secundum omnes abominatiónes, quas operári solet impius, numquid vivet? Omnes justítie ejus, quas fécerat, non recordabúntur : In prævaricatióne, qua prævaricátus est, et in peccáto suo, quod peccávit, in ipsis moriétur. Et dixístis : Non est æqua via Dómini. Audite ergo domus Israél : Numquid via mea non est æqua, et non magis viæ vestræ pravæ sunt? Cum enim avérterit se justus a justítia sua, et fécerit iniquitátem, moriétur in eis : In injustítia, quam operátus est, moriétur. Et cum avérterit se impius ab impietáte sua, quam operátus est, et fécerit judícium, et justítiam : ipse ánimam suam vivificábit. Consíderans enim, et avértens se ab ómnibus iniquitatibus suis, quas operátus est, víta vivet, et non moriétur. Ait Dóminus omnipotens.

℟. Ps. 85 Salvum fac servum tuum, Deus meus, sperantem in te. **℣.** Auribus percipe Dómine orationem meam.

Tractus Ps. 102 Dómine non secundum peccata nostra facias nobis : neque secundum iniquitates nostras retribuas nobis. **℣. Ps. 78** Dómine ne memineris iniquitatum nostrarum antiquarum : cito anticipent nos misericordiae tuae, quia pauperes facti sumus nimis. **℣. Hic genuflectitur :** ADJUVA NOS DEUS SALUTARIS NOSTER : et propter gloriam nominis tui Dómine libera nos : et propitius esto peccatis nostris propter nomen tuum.

✠ **Sequentia sancti Evangelii** secundum Joannem. **c. 5**

IN illo tempore : Erat dies festus Judaeorum, et ascendit Jesus Jerosolymam. Est autem Jerosolymis Probatica piscina, quae cognominatur hebraice Bethsaida, quinque porticus habens. In his jacebat multitudo magna languentium, caecorum, claudorum, aridorum expectantium aquae motum. Angelus autem Domini descendebat secundum tempus in piscinam : et movebatur aqua. Et qui prior descendisset in piscinam post motionem aquae, sanus fiebat a quacumque detinebatur infirmitate. Erat autem quidam homo ibi, triginta et octo annos habens in infirmitate sua. Hunc cum vidisset Jesus jacentem, et cognovisset quia jam multum tempus haberet, dicit

ei : Vis sanus fieri? Respondit ei languidus : Dómine, hominem non habeo, ut cum turbata fuerit aqua, mittat me in piscinam : Dum venio enim ego, alius ante me descendit. Dicit ei Jesus : Surge, tolle grabatum tuum, et ambula. Et statim sanus factus est homo ille : et sustulit grabatum suum, et ambulabat. Erat autem sabbatum in die illo. Dicebant ergo Judaei illi, qui sanatus fuerat : Sabbatum est, non licet tibi tollere grabatum tuum. Respondit eis : Qui me sanum fecit, ille mihi dixit : Tolle grabatum tuum, et ambula. Interrogaverunt ergo eum : Quis est ille homo, qui dixit tibi, Tolle grabatum tuum, et ambula? Is autem, qui sanus fuerat effectus, nesciebat quis esset. Jesus enim declinavit a turba constituta in loco. Postea invenit eum Jesus in templo, et dixit illi : Ecce sanus factus es : jam noli peccare, ne deterius tibi aliquid contingat. Abiit ille homo, et nuntiavit Judaeis quia Jesus esset, qui fecit eum sanum.

Offertorium Ps. 102 Benedic anima mea Dómino, et noli oblivisci omnes retributiones ejus : et renovabitur sicut aquilae juvenus tua.

Secreta

SUSCIPE, quaesumus Dómine, múnera nostris oblata servitiis, et tua propitius dona sanctifica. Per Dóminum.

Secunda et tertia Secreta, pag. 65

Præfatio Qui corporali jejúnio.

Communio Ps. 6 Erubéscant, et conturbéntur omnes inimíci mei : avertántur retrórsus, et erubéscant valde velóciter.

Postcommunio

PER hujus, Dómine, operatíonem mystérii, et vítia nostra purgéntur; et justa desidéria compleántur : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

EXAUDI nos miséricors Deus; et méntibus nostris grátiae tuæ lumen osténde : Per Dóminum.

SABBATO

Quatuor Temporum

Statio ad S. Petrum

Officium

Ps. 87

INTRET orátio mea in conspéctu tuo : inclína aurem tuam ad precem meam, Dómine. **V.** Dómine Deus salútis meæ : in die clamávi, et nocte coram te. **Gloria Patri.**

Post Kýrie eléison, quinque sequentes Orationes dicantur sine Dóminus vobíscum. Sed ante unamquamque Orationem, nisi aliter notetur, dicatur

Orémus. Flectámus génua. Leváte.

Oratio

POPULUM tuum, quæsumus Dómine, propítius respice; atque ab eo flagélla tuæ

iracúndiæ cleménter avérte : Per Dóminum.

Hæc Oratio est dicenda pro Memoria Feriæ in Missa festi, si hac die occurrerit.

Lectio Libri Deuteronomii.

c. 26

IN diébus illis : Locútus est Móyses ad Dóminum, dicens : Réspice Dómine de sanctuário tuo, et de excélso cælórum habitáculo, et bénedic pópulo tuo Israël, et terræ, quam dedisti nobis, sicut jurásti pátribus nostris, terræ lacte et melle manánti. Audi Israël : Hódie Dóminus Deus tuus præcépit tibi ut fácias mandáta hæc atque judícia : et custódias et impleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis ejus, et custódias cæremónias illius, et mandáta atque judícia, et obédias ejus império. Et Dóminus elégit te hódie, ut sis ei pópulus peculiáris, sicut locútus est tibi, et custódias ómnia præcépta illius : et fáciat te excelsiorem cunctis géntibus quas creávit, in laudem, et nomen, et glóriam suam : ut sis pópulus sanctus Dómini Dei tui, sicut locútus est tibi.

V. Ps. 78 Propítius esto Dómine peccátis nostris : nequándo dicant gentes : Ubi est Deus eórum? **V. Hic genuflectitur** : ADJUVA NOS DEUS SALUTARIS NOSTER : et propter honórem nóminis tui Dómine libera nos.

Orémus. Flectámus génua. Leváte.

Oratio

DEUS, qui nos in tantis periculis constitutos, pro humana scis fragilitate non posse subsistere; da nobis salutem mentis et corporis : ut ea, quæ pro peccatis nostris patimur; te adiuvante vincamus : Per Dominum.

Lectio Libri Deuteronomii.

c. 11

IN diebus illis : Dixit Moyses filiis Israël : Si custodiéritis mandata, quæ ego præcipio vobis, et fecéritis ea, ut diligátis Dominum Deum vestrum, et ambulétis in ómnibus viis ejus, adhæréntes ei, dispédat Dominus omnes gentes istas ante faciém vestram, et possidébitis eas, quæ majóres et fortióres vobis sunt. Omnis locus, quem calcáverit pes vester, vester erit. A desérto, et a Libano, a flumine magno Euphráte usque ad mare occidentále, erunt términi vestri. Nullus stabit contra vos : Terrórem vestrum et formidinem dabit Dominus Deus vester super omnem terram, quam calcaturí estis, sicut locútus est vobis Dominus Deus vester.

℟. Ps. 83 Protéctor noster aspice Deus : et respice super servos tuos. **℣.** Dómine Deus virtútum, exáudi preces servórum tuórum.

Orémus. Flectámus génua. Leváte.

Oratio

PROTECTOR noster aspice Deus : ut qui malórum nostrórum póndere prémi-

mur; percépta misericórdia, libera tibi mente famulémur : Per Dominum.

Lectio Libri Machabæorum.

2, c. 1

IN diebus illis : Oratióem faciébant omnes sacerdotes, dum consummarétur sacrificium, Jónatha inchoánte, céteris autem respondéntibus. Et Nehemiæ erat orátio, hunc habens modum : Dómine Deus ómnium creátor, terribilis, et fortis, justus, et miséricors, qui solus es bonus rex, solus præstans, solus justus, et omnípotens, et ætérnus, qui liberas Israël de omni malo, qui fecisti patres eléctos, et sanctificásti eos : Accipe sacrificium pro univérso pópulo tuo Israël, et custódi partem tuam, et sanctifica : ut sciant gentes, quia tu es Deus noster.

℟. Ps. 89 Convértere Dómine aliquántulum : et deprecáre super servos tuos. **℣.** Dómine, refúgium factus es nobis : a generatióne et progénie.

Orémus. Flectámus génua. Leváte.

Oratio

ADESTO, quæsumus Dómine, supplicatióibus nostris : ut esse, te largiénte, mereámur et inter próspera húmiles; et inter advérsa secúri : Per Dominum.

Lectio Libri Sapiéntiæ.

Eccli. 36

MISERERE nostri Deus ómnium, et respice nos, et osténde nobis lucem miserationum tuárum : Et immitte

timórem tuum super gentes, quæ non exquisiérunt te, ut cognóscant quia non est Deus nisi tu, et enárrent magnália tua. Alleva manum tuam super gentes aliénas, ut videant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus quóniam non est Deus præter te Dómine. In nova signa, et immúta mirabilia. Glorífica manum, et bráchium dextrum. Excita furórem, et effúnde iram. Tolle adversárium, et afflige inimicum. Festína tempus, et memento finis, ut enárrent mirabilia tua, Dómine Deus noster.

℟. Ps. 140 Dirigátur orátio mea sicut incénsum in conspéctu tuo, Dómine. ℣. Elevátio mánuum meárum sacrificium vespertinum.

Orémus. Flectámus génuá. Leváte.

Oratio

PRECES pópuli tui, quæsumus Dómine, cleménter exáudi : ut qui juste pro peccátis nostris affligimur; pro tui nóminis glória misericórditer liberémur : Per Dóminum.

Léctio Daniélis Prophétæ. c. 3

IN diébus illis : Angelus Dómini descendit cum Azaría, et sóciis ejus in fornácem : et excússit flammam ignis de fornáce, et fecit médium fornácis quasi ventum roris flantem. Flamma autem effundebátur

super fornácem cúbitis quadraginta novem : et erúpit, et incéndit quos réperit juxta fornácem de Chaldæis, ministros regis, qui eam incendébant. Et non tétigit eos omnino ignis, neque contristávit, nec quidquam moléstię intulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes.

Hymnus

Dan. 3

BENEDICTUS es Dómine Deus patrum nostrórum : et laudábilis, et gloriósus in sæcula. ℣. Et benedictum nomen glóriæ tuæ, quod est sanctum : et laudábile, et gloriósum in sæcula. ℣. Benedictus es in templo sancto glóriæ tuæ : et laudábilis, et gloriósus in sæcula. ℣. Benedictus es super thronum sanctum regni tui : et laudábilis, et gloriósus in sæcula. ℣. Benedictus es super sceptrum divinitátis tuæ : et laudábilis, et gloriósus in sæcula. ℣. Benedictus es, qui sedes super Chérubim, íntuens abýssos : et laudábilis, et gloriósus in sæcula. ℣. Benedictus es, qui ámbulas super pennas ventórum, et super undas maris : et laudábilis, et gloriósus in sæcula. ℣. Benedicant te omnes Angeli, et Sancti tui : et laudent te, et glorificent in sæcula. ℣. Benedicant te cæli, terra, mare, et ómnia, quæ in eis sunt : et laudent te, et glorificent in sæcula. ℣. Glória Patri, et Filio, et Spirítui Sancto : et laudábili, et glorióso in sæ-

cula. ✠. Sicut erat in principio, et nunc, et semper, et in sæcula sæculorum, amen : et laudabili, et glorióso in sæcula. ✠. Benedictus es Dómine Deus patrum nostrorum : et laudábilis, et gloriósus in sæcula.

Dóminus vobiscum. Orémus.

Non dicatur Flectámus génua.

Oratio

DEUS, qui tribus púeris mitigásti flammās ignium; concéde propitius, ut nos famulos tuos non exúrat flamma vitiorum : Per Dóminum.

Secunda et tertia Oratio, pag. 63

Lectio Epístolæ beáti Pauli Apóstoli ad Thessalonicenses.

1, c. 5

FRATRES : Rogámus vos, corripite inuíetos, consolámini pusillánimes, suscipite infirmos, patientes estóte ad omnes. Vidéte ne quis malum pro malo alicui reddat : sed semper quod bonum est sectámini in ínvicem, et in omnes. Semper gaudéte. Sine intermissione oráte. In ómnibus grátias ágite : Hæc est enim volúntas Dei in Christo Jesu in ómnibus vobis. Spíritum nolite exstinguere. Prophetías nolite spérnere. Omnia autem probáte : quod bonum est tenéte. Ab omni specie mala abstinéte vos. Ipse autem Deus pacis sanctificet vos per ómnia : ut integer spíritus vester, et ánima, et corpus sine queréla in advéntu Dómini nostri Jesu Christi servétur.

Tractus Ps. 116 Laudáte Dóminum omnes gentes : et colaudáte eum omnes pópuli.

✠. Quóniam confirmáta est super nos misericórdia ejus : et véritas Dómini manet in ætérnum.

✠ **Sequéntia sancti Evangélíi** secúndum Matthæum. c. 17

IN illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum : et transfigurátus est ante eos. Et respléndit fácies ejus sicut sol : vestiménta autem ejus facta sunt alba sicut nix. Et ecce apparuérunt illis Móyses, et Eliás cum eo loquéntes. Respóndens autem Petrus, dixit ad Jesum : Dómine, bonum est nos hic esse : Si vis, faciámus hic tria tabernacula, tibi unum, Móysi unum, et Eliæ unum. Adhuc eo loquénte, ecce nubes lúcida obumbrávit eos. Et ecce vox de nube, dicens : Hic est Fílius meus diléctus, in quo mihi bene complácuí : Ipsum audite. Et audiéntes discípuli cecidérunt in fáciem suam, et timuérunt valde. Et accéssit Jesus, et tétigít eos : dixitque eis : Súrgite, et nolite timére. Levántes autem óculos suos, némínem vidérunt, nisi solum Jesum. Et descendéntibus illis de monte, præcépit eis Jesus, dicens : Némíni dixeritis visiónem, donec Fílius hóminis a mórtuis resúrgat.

Offertorium Ps. 87 Dómine Deus salútis meæ, in die clamávi, et nocte coram te : intret

oratio mea in conspectu tuo
Dómine.

Secreta

PRÆSENTIBUS sacrificiis,
quæsumus Dómine, jejú-
nia nostra sanctifica : ut quod
observántia nostra profítetur
extrinsecus, intérius operétur.
Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 7 Dómine
Deus meus in te sperávi :
libera me ab ómnibus perse-
quéntibus me, et éripe me.

Postcommunio

SANCTIFICATIONIBUS tuis,
omnípotens Deus, et vítia
nostra curéntur; et remédia
nobis æténa provéniant : Per
Dóminum.

Secunda et tertia Postcommunio,
pag. 65

*Oratio super populum hac die non
dicitur.*

DOMINICA SECUNDA QUADRAGESIMÆ

Statio ad S. Mariam in Domnica

Officium

Ps. 24

REMINISCERE miseratió-
num tuárum Dómine, et
misericórdiæ tuæ, quæ
a sáculo sunt : ne unquam
dominéntur nobis inimíci no-
stri : libera nos, Deus Israël,
ex ómnibus angústiiis nostris.
✠. Ad te Dómine levávi áni-
mam meam : Deus meus in te
confido, non erubescam. Gló-
ria Patri.

Oratio

DEUS, qui cónspicis omni
nos virtúte destítui; inté-
rius exteriúsque custódi : ut
ab ómnibus adversitatibus
muniámur in corpore; et a
pravis cogitatiónibus mundé-
mur in mente : Per Dóminum.

Secunda et tertia Oratio, pag. 63

Léctio Epístolæ beáti Pauli
Apóstoli ad Thessalonicenses.

1, c. 4

FRATRES : Rogámus vos et
obsecrámus in Dómino
Jesu, ut quemádmódum acce-
pístis a nobis quómodo opór-
teat vos ambuláre, et placére
Deo, sic et ambulétis ut abun-
détis magis. Scitis enim quæ
præcépta déderim vobis per
Dóminum Jesum. Hæc est
enim volúntas Dei, sanctifi-
cátio vestra : ut abstineátis vos
a fornicatióne, ut sciat unus-
quisque vestrum vas suum
possidére in sanctificatióne, et
honóre : Non in passióne desi-
dérii, sicut et gentes, quæ
ignórant Deum : Et ne quis
supergrediátur, neque cir-
cumvéniat in negótio fratrem
suum : quóniam vindex est
Dóminus de his ómnibus, sicut
prædíximus vobis, et testifi-
cáti sumus. Non enim vocávit
nos Deus in immundítiam, sed
in sanctificatiónem : In Christo
Jesu Dómino nostro.

Tractus Ps. 24 De necessitá-
tibus meis éripe me Dómine :
vide humilitátem meam, et
labórem meum : et dimitte
omnia peccáta mea. ✠. Ad te
Dómine levávi ánimam meam :

Deus meus in te confido, non erubescam : neque irrideant me inimici mei. *℟.* Etenim universi, qui te exspectant, non confundentur : confundantur omnes facientes vana.

Alter Tractus Ps. 105 Confitemini Dómino quóniam bonus : quóniam in sáculum misericórdia ejus. *℟.* Quis loquétur poténtias Dómini, auditas faciet omnes laudes ejus? *℟.* Beáti, qui custódiunt iudiciu[m], et faciunt justítiam in omni témpore. *℟.* Meménto nostri Dómine in beneplácito pópuli tui : visita nos in salu-tári tuo.

✠ **Sequéntia sancti Evangélíi** secúndum Matthæum. *c. 17*

IN illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu[m] seórsum : et transfigurátus est ante eos. Et resplénduit fácies ejus sicut sol : vestiménta autem ejus facta sunt alba sicut nix. Et ecce apparuérunt illis Móyses, et Eliás cum eo loquéntes. Respóndens autem Petrus, dixit ad Jesum : Dómine, bonum est nos hic esse : Si vis, faciámus hic tria tabernácula, tibi unum, Móysi unum, et Eliæ unum. Adhuc eo loquénte, ecce nubes lúcida obumbrávit eos. Et ecce vox de nube, dicens : Hic est Filius meus diléctus, in quo mihi bene complácu[m] : Ipsum audíte. Et audiéntes discípuli cecidérunt in fáciem suam, et timuérunt valde. Et accéssit Jesus, et

tétigit eos : dixítque eis : Súrgite, et nolite timére. Levántes autem óculos suos, néminem vidérunt, nisi solum Jesum. Et descendéntibus illis de monte, præcépit eis Jesus, dicens : Némini dixeritis visió-nem, donec Filius hóminis a mórtuis resúrgat. **Credo.**

Offertorium Ps. 118 Meditabor in mandátis tuis, quæ diléxi valde : et levábo manus meas ad mandáta tua, quæ diléxi.

Secreta

SACRIFICIIS præsentibus, Dómine quæsumus, inténde placátus : ut et devotióni nostræ proficiant, et salúti. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 5 Intéllige clamórem meum : inténde vocí oratiónis meæ, rex meus et Deus meus : quóniam ad te orábo, Dómine.

Postcommunio

SUPPLICES te rogámus, om-nípotens Deus : ut quos tuis réficis sacraméntis; tibi étiam plácitis móribus dignánter deservíre concédas : Per Dóminum.

Secunda et tertia Postcommunio, pag. 65

FERIA SECUNDA

Statio ad S. Clementem

Officium

Ps. 25

REDIME me Dómine, et miserére mei : pes enim meus stetit in via recta : in ecclésiis benedicam Dómi-

num. **℟.** Júdice me Dómine, quóniam ego in innocentia mea ingressus sum : et in Dómino sperans non infirmabor. **Gloria Patri.**

Dóminus vobiscum. Orémus. Flectámus gēnuā. Leváte.

Oratio

PRÆSTA, quæsumus omnipotens Deus : ut familia tua, quæ se, affligēdo carnem, ab alimentis abstinet; sectādo justitiam, a culpa jejūnet : Per Dóminum.

Secunda et tertia Oratio, pag. 63

Lectio Daniélis Prophætæ.

c. 9

IN diēbus illis : Orávit Dániel Dóminum, dicens : Dómine Deus noster, qui eduxisti pópulum tuum de terra Ægypti in manu forti, et fecisti tibi nomen secúndum diem hanc : peccávimus, iniquitatem fécimus, Dómine, in omnem justitiam tuam : Avertátur, óbsecro, ira tua, et furor tuus a civitatē tua Jerúsalem, et monte sancto tuo. Propter peccáta enim nostra, et iniquitátes patrum nostrórum, Jerúsalem, et pópulus tuus in oppróbrium sunt ómnibus per circúitum nostrum. Nunc ergo exáudi Deus noster oratióem servi tui, et preces ejus : et ostēde faciē tuā super sanctuárium tuum, quod désertum est, propter temetípsum. Inclína Deus meus aurem tuā, et audi : áperi óculos tuos, et vide desolatióem nostrā, et civitatē,

super quam invocátum est nomen tuum : Neque enim in justificatióibus nostris prostérnimus preces ante faciē tuā, sed in miseratióibus tuis multis. Exáudi Dómine, placáre Dómine : attēde et fac : Ne moréris propter temetípsum Deus meus : quia nomen tuum invocátum est super civitatē, et super pópulum tuum, Dómine Deus noster.

℟. Ps. 69 Adjútor meus, et liberátor meus esto Dómine : ne tardáveris. **℟.** Confundántur, et revearéantur inimíci mei, qui quærunt ánimam meā.

Tractus Ps. 102 Dómine non secúndum peccáta nostra faciās nobis : neque secúndum iniquitátes nostras retribuās nobis. **℟.** Ps. 78 Dómine ne memineris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℟. Hic genuflectitur :** ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ **Sequéntia sancti Evangélii** secúndum Joánnem. **c. 8**

IN illo témpore : Dixit Jesus turbis Judæórum : Ego vado, et quærétis me, et in peccáto vestro moriémini. Quo ego vado, vos non potéstis venire. Dicébant ergo Judæi : Numquid interficiet semetípsum, quia dixit : Quo ego

vado, vos non potéstis veníre? Et dicébat eis : Vos de deórsum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis quia moriémmini in peccátis vestris : Si enim non credidérítis quia ego sum, moriémmini in peccáto vestro. Dicébant ergo ei : Tu quis es? Dixit eis Jesus : Principium, qui et loquor vobis. Multa hábeo de vobis loqui, et judicáre. Sed qui me misit, verax est : et ego quæ audívi ab eo, hæc loquor in mundo. Et non cognovérunt quia Patrem ejus dicébat Deum. Dixit ergo eis Jesus : Cum exaltavérítis Filium hóminis, tunc cognoscétis quia ego sum, et a meípso fácio nihil, sed sicut dócuit me Pater, hæc loquor : Et qui me misit, mecum est, et non reliquit me solum : quia ego quæ plácita sunt ei, fácio semper.

Offertorium Ps. 15 Benedicam Dóminum, qui tribuit mihi intelléctum : providébam Dóminum in conspéctu meo semper : quóniam a dextris est mihi, ne commóvear.

Secreta

HÆC hóstia, Dómine, placiónis et laudis, tua nos protectióne dignos efficiat. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 8 Dómine Dóminus noster, quam admirábile est nomen tuum in univérsa terra!

Postcommunio

HÆC nos commúnio, Dómine, purget a crimine; et cæléstis remédii fáciat esse consórtes : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

ADESTO supplicatióibus nostris omnipotens Deus : et quibus fidúciám sperándæ pietátis indúlges; consuetæ misericórdiæ tribue benígnus efféctum : Per Dóminum.

FERIA TERTIA

Statio ad S. Balbinam

Officium

Ps. 26

TIBI dixit cor meum, quæsi vultum tuum : vultum tuum Dómine requíram : ne avértas faciém tuam a me. **℟.** Dóminus illuminátio mea, et salus mea, quem timébo? **Gloria Patri.**

Dóminus vobíscum. Orémus. Flectámus génuá. Leváte.

Oratio

PERFICE, quæsumus Dómine, benígnus in nobis observántiæ sanctæ subsidium : ut quæ te auctóre faciéndá cognóvimus; te operánte impleámus : Per Dóminum.

Secunda et tertia Oratio, pag. 63

Lectio Libri Regum. 3, c. 17

IN diébus illis : Factus est sermo Dómini ad Eliam Thesbíten, dicens : Surge, et

vade in Saréphta Sidoniórum, et manébis ibi : Præcépi enim ibi mulieri viduæ ut pascat te. Surréxit, et ábiit in Saréphta. Cumque venisset ad portam civitátis, appáruit ei múluer vidua cólligens ligna, et vocávit eam, dixitque ei : Da mihi páululum aquæ in vase, ut bibam. Cumque illa pérgeret ut afférret, clamávit post tergum ejus, dicens : Affer mihi, óbsecro, et buccéllam panis in manu tua. Quæ respóndit : Vivit Dóminus Deus tuus, quia non hábeo panem, nisi quantum pugillus cápere potest farínæ in hýdria, et páululum ólei in lécytho : En cólloigo duo ligna, ut ingrédiam, et fáciam illud mihi et filio meo, ut comedámus, et moriámur. Ad quam Elías ait : Noli timére, sed vade, et fac sicut dixisti : Verúmtamen mihi primum fac de ipsa farínula subcinerícium panem párvulum, et affer ad me : Tibi autem et filio tuo fácies póstea. Hæc autem dicit Dóminus Deus Israél : Hýdria farínæ non deficiet, nec lécythus ólei minuétur, usque ad diem, in qua Dóminus datúrus est plúviam super faciém terræ. Quæ ábiit, et fecit juxta verbum Eliæ : Et comédit ipse, et illa, et domus ejus : Et ex illa die hýdria farínæ non defécit, et lécythus ólei non est imminútus, juxta verbum Dómini, quod locútus fúerat in manu Eliæ.

℟. Ps. 54 *Jacta cogitatum tuum in Dómino, et ipse te enútriet.* ℣. *Dum clamárem ad Dóminum, exaudivit vo-*

cem meam ab his, qui appropínquant mihi.

✠ **Sequéntia sancti Evangélii**
secúndum Matthæum. **c. 23**

IN illo témpore : Locútus est Jesus ad turbas, et ad discípulos suos, dicens : Super cáthedram Móysi sedérunt Scribæ, et Pharisæi. Omnia ergo quæcúmque dixerint vobis, serváte, et fácite : Secúndum ópera vero eórum nolite fácere : Dicunt enim, et non faciunt. Alligant enim ónera grávia, et importabília, et impónunt in húmeros hóminum : dígitto autem suo nolunt ea movére. Omnia vero ópera sua faciunt, ut videántur ab homínibus : Dilátant enim phylactéria sua, et magníficant fimbrias. Amant autem primos recúbitus in cenis, et primas cáthedras in synagógis, et salutatiónes in foro, et vocári ab homínibus Rabbi. Vos autem nolite vocári Rabbi. Unus est enim Magister vester, omnes autem vos fratres estis. Et patrem nolite vocáre vobis super terram : Unus est enim Pater vester, qui in cælis est. Nec vocémini magistri : quia Magister vester unus est, Christus. Qui major est vestrum, erit mínister vester. Qui autem se exaltáverit, humiliábitur : et qui se humiliáverit, exaltábitur.

Offertorium Ps. 50 *Miserére mei Dómine, secúndum magnam misericórdiam tuam : dele Dómine iniquitatem meam.*

Secreta

SANCTIFICATIONEM tuam nobis, Dómine, his mystériis operáre placátus : quæ nos et a terrénis purget vítiis, et ad cæléstia dona perdúcat. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 9 Narrábo ómnia mirábilia tua : lætábor et exsultábo in te : psallam nómini tuo Altíssime.

Postcommunio

UT sacris, Dómine, reddámur digni munéribus; fac nos tuis, quæsumus, semper obedire mandátis : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

PROPITIARE Dómine supplicatiónibus nostris : et animárum nostrárum medére languóribus; ut, remissióne percépta, in tua semper benedictióne lætémur : Per Dóminum.

FERIA QUARTA

Statio ad sanctam Cæciliam

Officium

Ps. 37

NE derelinquas me Dómine Deus meus, ne discédas a me : inténde in adiutórium meum, Dómine virtus salútis meæ. **℣.** Dómine ne in furóre tuo árguas me,

neque in ira tua corrípias me. Glória Patri.

Dóminus vobíscum. Orémus. Flectámus génuá. Leváte.

Oratio

POPULUM tuum, quæsumus Dómine, propítius respice : et quos ab escis carnálibus præcipis abstinére; a nóxiis quoque vítiis cessáre concede : Per Dóminum.

Secunda et tertia Oratio, pag. 63

Lectio Libri Esther. **c. 13**

IN diébus illis : Orávit Mardochæus ad Dóminum, dicens : Dómine, Dómine rex omnipotens, in ditiónem enim tua cuncta sunt pósita, et non est qui possit tuæ resistere voluntáti, si decreveris salváre Israël. Tu fecisti cælum et terram, et quidquid cæli ámbitu continétur. Dóminus ómnium es, nec est qui resistat majestáti tuæ. Et nunc Dómine rex, Deus Abraham, miserére populi tui, quia volunt nos inimici nostri pérdere, et hereditátem tuam delére. Ne despicias partem tuam, quam redemísti tibi de Ægýpto. Exáudi deprecaciónem meam, et propítius esto sorti et funículo tuo, et convertéte luctum nostrum in gáudium, ut vivéntes laudémus nomen tuum Dómine, et ne claudas ora te canéntium, Dómine Deus noster.

℟. Ps. 27 Salvum fac populum tuum Dómine, et benedic hereditáti tuæ. **℣.** Ad te Dómine clamávi, Deus meus ne síleas a me, et ero similis descendéntibus in lacum.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. **℟. Ps. 78** Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℟. Hic genuflectitur :** ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ **Sequéntia sancti Evangélii** secúndum Matthæum. **c. 20**

IN illo témpore : Ascéndens Jesus Jerosólymam, assúmpsit duódecim discípulos secréto, et ait illis : Ecce ascéndimus Jerosólymam, et Fílius hóminis tradétur principibus sacerdotum, et Scribis, et condemnábunt eum morte, et tradent eum Géntibus ad illudéndum, et flagellándum, et crucifigéndum, et tértia die resúrget. Tunc accéssit ad eum mater filiórum Zebedæi cum filiis suis, adórans, et petens áliquid ab eo. Qui dixit ei : Quid vis? Ait illi : Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit : Nescítis quid petátis. Potéstis bíbere cálicem, quem ego bibitúrus sum? Dicunt ei : Póssumus. Ait illis : Cálicem quidem meum bibétis : sedére autem ad dexteram meam vel sinistram non est meum dare vobis, sed quibus parátum est a

Patre meo. Et audiéntes decem, indignáti sunt de duóbus frátribus. Jesus autem vocávit eos ad se, et ait : Scítis quia príncipes géntium dominántur eórum : et qui majóres sunt, potestátem exércent in eos. Non ita erit inter vos : Sed quicúmque volúerit inter vos major fieri, sit vester mínister : Et qui volúerit inter vos primus esse, erit vester servus. Sicut Fílius hóminis non venit ministrári, sed ministráre, et dare ánimam suam, redemptiónem pro multis.

Offertorium Ps. 24 Ad te Dómine levávi ánimam meam : Deus meus in te confido, non erubéscam : neque irrideant me inimíci mei : étenim univérsi, qui te exspéctant, non confundéntur.

Secreta

HOSTIAS, Dómine, quas tibi offérimus, propítius respice : et per hæc sancta comércia, víncula peccatórum nostrórum absólve. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 10 Justus Dóminus, et justítiam diléxit : æquitátem vidit vultus ejus.

Postcommunio

SUMPTIS, Dómine, sacraméntis; ad redemptionis æternæ, quæsumus, proficiámus augméntum : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

DEUS innocentiae restitutor et amator, dirige ad te tuorum corda servorum : ut spiritus tui fervore concepto, et in fide inveniántur stábiles; et in ópere efficáces : Per Dóminum.

FERIA QUINTA

Statio ad S. Mariam trans Tiberim

Officium

Ps. 69

DEUS in adiutorium meum intende, Dómine ad adjuvándum me festína : confundántur, et revereántur inimici mei, qui quæerunt ánimam meam. **℟.** Avertántur retrórsum, et erubéscant, qui cógitant mihi mala. **Gloria Patri.**

Dóminus vobíscum. Orémus. Flectámus génua. Leváte.

Oratio

PRÆSTA nobis, quæsumus Dómine, auxilium grátiae tuæ : ut jejúniis et orationibus conveniénter inténti; liberémur ab hóstibus mentis et corpóris : Per Dóminum.

Secunda et tertia Oratio, pag. 63

Lectio Jeremiæ Prophætæ.

c. 17

HÆC dicit Dóminus Deus : Maledictus homo, qui confidit in hómine, et ponit carnem bráchium suum, et a Dómino recedit cor ejus. Erit enim quasi myricæ in desérto, et non vidébit cum vénerit bonum : sed habitábit in siccitate in desérto, in terra salsu-

ginis, et inhabitábili. Benedictus vir, qui confidit in Dómino, et erit Dóminus fiducia ejus. Et erit quasi lignum quod transplantátur super aquas, quod ad humórem mittit raíces suas : et non timébit cum vénerit æstus. Et erit fólium ejus viride, et in témpore siccitátis non erit sollicitum, nec aliquándo désinet fácere fructum. Pravum est cor ómnium, et inscrutábile : Quis cognóscet illud? Ego Dóminus scrutans cor, et probans renes : qui do unicuique juxta viam suam, et juxta fructum adinventiónum suárum. Dicit Dóminus omnipotens.

℟. Ps. 78 Propítius esto Dómine peccátis nostris : nequándo dicant gentes : Ubi est Deus eórum. **℟. Hic genuflectitur :** ADJUVA NOS DEUS SALUTARIS NOSTER : et propter honórem nóminis tui Dómine libera nos.

✠ Sequéntia sancti Evangélíi
secúndum Lucam. **c. 16**

In illo témpore : Dixit Jesus Pharisæis : Homo quidam erat dives, qui induebátur púr-pura, et bysso : et epulabátur quotidie splendide. Et erat quidam mendícus, nómine Lázarus, qui jacébat ad jánuam ejus, ulcéribus plenus, cúpiens saturári de micis, quæ cadébant de mensa divítis, et nemo illi dabat : Sed et canes venié-bant, et lingébant úlcera ejus. Factum est autem ut more-rétur mendícus, et portarétur ab Angelis in sinum Abrahæ. Mórtuus est autem et dives, et

sepúltus est in inférno. Elevans autem óculos suos, cum esset in tormentis, vidit Abraham a longe, et Lázarus in sinu ejus : Et ipse clamans dixit : Pater Abraham, miserere mei, et mitte Lázarus ut intingat extrémum digiti sui in aquam, ut refrigeret linguam meam, quia crúciór in hac flamma. Et dixit illi Abraham : Fili, recordáre quia recepisti bona in vita tua, et Lázarus similiter mala : Nunc autem hic consolátur, tu vero cruciáris. Et in his ómnibus, inter nos et vos chaos magnum firmátum est : ut hi, qui volunt hinc transire ad vos, non possint, neque inde huc transmeáre. Et ait : Rogo ergo te pater, ut mittas eum in domum patris mei. Hábeo enim quinque fratres, ut testétur illis, ne et ipsi véniant in hunc locum tormentórum. Et ait illi Abraham : Habent Móysen et prophétas : áudiant illos. At ille dixit : Non, pater Abraham : sed si quis ex mórtuis ferit ad eos, pœniténtiam agent. Ait autem illi : Si Móysen et prophétas non ádiant, neque si quis ex mórtuis resurréxerit, credent.

Offertorium Exodi 32 Precátus est Móyses in conspéctu Dómini Dei sui, et dixit : Quare Dómine irásceris in pópulo tuo? parce iræ ánimæ tuæ : meménto Abraham, Isaac, et Jacob, quibus jurásti dare terram fluéntem lac et mel. Et placátus est Dóminus de malignitáte, quam dixit fácere pópulo suo.

Secreta

PRÆSENTI sacrificio nómini tuo nos, Dómine, jejúnia dicáta sanctificent : ut quod observántia nostra profitétur extérius, intérius operétur efféctu. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Joann. 6 Qui mandúcat meam carnem, et bibit meum ságuinem, in me manet, et ego in eo, dicit Dóminus.

Postcommunio

GRATIA tua nos, quæsumus Dómine, non derelinquat : quæ et sacrae nos déditos fáciat servitúti; et tuam nobis opem semper acquirat : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

ADESTO Dómine fámulis tuis, et perpétuam benignitátem largíre poscéntibus : ut iis, qui te auctóre et gubernatóre gloriántur, et congregáta restáures; et restauráta consérves : Per Dóminum.

FERIA SEXTA

Statio ad sanctum Vitalem

Officium

Ps. 16

EGO autem cum justítia apparébo in conspéctu tuo : satiabor dum manifestábitur glória tua. *℟.* Exáudi Dómine justítiam meam : inténde deprecationem meam. Glória Patri.

Dóminus vobiscum. Orémus.
Flectámus gēnua. Leváte.

Oratio

DA, quæsumus omnipotens Deus : ut sacro nos purificánte jejúnio; sincéris mētibz ad sancta ventúra fácias pervenire : Per Dóminum.

Secunda et tertia Oratio, pag. 63

Léctio Libri Génesis. c. 37

IN diébus illis : Dixit Joseph frátribz suis : Audíte sómnum meum quod vidi : Putábam nos ligáre manípulos in agro : et quasi consúrgere manípulum meum, et stare, vestrósque manípulos circumstántes adoráre manípulum meum. Respondérunt fratres ejus : Numquid rex noster eris? aut subjiéciemur ditióni tuæ? Hæc ergo causa somniórū atque sermónū, invidiæ et ódiū fómitem ministrávit. Aliud quoque vidit sómnum, quod narrans frátribz, ait : Vidi per sómnum, quasi solem, et lunam, et stellas úndecim adoráre me. Quod cum patri suo, et frátribz retulisset, increpávit eum pater suus, et dixit : Quid sibi vult hoc sómnum quod vidisti? Num ego, et mater tua, et fratres tui adorábimus te super terram? Invidébant ei ígitur fratres sui : pater vero rem tácitus considerábat. Cumque fratres illius in pascēdis grégibus patris moraréntur in Sichem, dixit ad eum Israël : Fratres tui pascunt oves in Sichimis : veni, mittam te ad eos. Quo respondēte, Præsto

sum, ait ei : Vade, et vide si cuncta próspera sint erga fratres tuos, et pécora : et renúntia mihi quid agátur. Missus de Valle Hebron, venit in Sichem; invenítque eum vir errántem in agro, et interrogávit quid quæreret. At ille respóndit : Fratres meos quæro, índica mihi ubi pascant greges. Dixítque ei vir : Recessérunt de loco isto : Audívi autem eos dicétes, Eámus in Dóthain. Perréxit ergo Joseph post fratres suos, et invénit eos in Dóthain. Qui cum vidissent eum procul, ántequam accéderet ad eos, cogitavérunt illum occidere : et mútuo loquebántur : Ecce somniátor venit : veníte, occidámus eum, et mittámus in cistérnam véterem : dicémusque, Fera pés-sima devorávit eum : Et tunc apparébit, quid illi prosint sómnia sua. Audiens autem hoc Ruben, nitebátur liberáre eum de mánibus eórum, et dicebat : Non interficiátis ánimam ejus, nec effundátis sanguinem : sed projícite eum in cistérnam hanc, quæ est in solitú-dine, manúsque vestras serváte innóxias : Hoc autem dicebat, volens erípere eum de mánibus eórum, et réddere patri suo.

℟. Ps. 119 Ad Dóminum cum tribulárer clamávi : et exaudivit me. ℣. Dómine libera ánimam meam a lábiis iníquis, et a lingua dolósa.

Tractus Ps. 102 Dómine non secúndum peccáta nostra fácias nobis : neque secúndum

iniquitátes nostras retribuas nobis. *℟. Ps. 78* Dómine ne memínieris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. *℟. Hic genuflectitur :* ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ *Sequéntia sancti Evangélii secundum Matthæum. c. 21*

IN illo témpore : Dixit Jesus turbis Judæórum, et principibus sacerdotum parábolam hanc : Homo erat paterfamilias, qui plantávit vineam, et sepem circúmdedit ei, et fodit in ea tórcular, et ædificávit turrim, et locávit eam agricolis, et peregred profectus est. Cum autem tempus fructuum appropinquáset, misit servos suos ad agricolas, ut acciperent fructus ejus. Et agricolæ, apprehénsis servis ejus, álium ceciderunt, álium occiderunt, álium vero lapidáverunt. Iterum misit álios servos plures prióribus, et fecerunt illis similiter. Novíssime autem misit ad eos filium suum, dicens : Verebúntur filium meum. Agricolæ autem vidéntes filium, dixerunt intra se : Hic est heres, veníte, occidámus eum, et habébimus hereditátem ejus. Et apprehensum eum ejecerunt extra vineam, et occiderunt. Cum ergo vénerit Dóminus vineæ, quid fáciat agricolis illis? Aiunt illi : Malos male perdet : et vineam

suam locábit áliis agricolis, qui reddant ei fructum temporibus suis. Dicit illis Jesus : Numquam legístis in Scriptúris, Lápídem, quem reprobáverunt ædificátes, hic factus est in caput ánguli : a Dómino factum est istud, et est mirábile in óculis nostris? Ideo dico vobis, quia auferétur a vobis regnum Dei, et dábitur genti faciénti fructus ejus. Et qui ceciderit super lápidem istum, confringétur : Super quem vero ceciderit, cónteret eum. Et cum audissent principes sacerdotum, et Pharisæi paráboas ejus, cognóverunt quod de ipsis diceret. Et quæréntes eum tenére, timuérunt turbas : quóniam sicut prophétam eum habébant.

Offertorium Ps. 39 Dómine, in auxiliúm meum respice : confundántur et revereántur, qui quærunť animam meam, ut áuferant eam.

Secreta

HÆC in nobis sacrificia, Deus, et actióne permáneant, et operatióne firméntur. *Per Dóminum.*

Secunda et tertia Secreta, pag. 65

Præfatio Qui corporáli jejúnio.

Communio Ps. 11 Tu Dómine servábis nos : et custódies nos a generatióne hac in ætérnum.

Postcommunio

FAC nos, quæsumus Dómine, accépto pignore salutis ætérnæ, sic téndere congruénter; ut ad eam pervenire possimus : *Per Dóminum.*

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

DA, quæsumus Dómine,ópulo tuo salútem mentis et córporis : ut bonis opéribus inhæréndo; tuæ semper virtútis mereátur protectione deféndi : Per Dóminum.

SABBATO

Statio ad SS. Marcellinum et Petrum

Officium

Ps. 18

LEX Dómini irreprehensibilis, convértens ánimas : testimónium Dómini fidéle, sapiéntiam præstans párvulis. *℟.* Cæli enarrant glóriam Dei, et ópera mánuum ejus annúntiat firmaméntum. **G**loria Patri.

Dóminus vobiscum. Orémus. Flectámus génua. Leváte.

Oratio

DA, quæsumus Dómine, nostris efféctum jejúniis salutárem; ut castigátio carnis assúpta ad nostrárum vegetatiónem tránseat animárum : Per Dóminum.

Secunda et tertia Oratio, pag. 63

Lectio Libri Génesis. **c. 27**

IN diébus illis : Dixit Rebécca filio suo Jacob : Audívi patrem tuum loquéntem cum Esau fratre tuo, et dicéntem ei : Affer mihi de venatióné tua, et fac cibos ut cómedam, et benedicam tibi coram Dómino ántequam móriar. Nunc ergo fili mi, acquiesce

consiliis meis : et pergens ad gregem, affer mihi duos hædos óptimos, ut fáciam ex eis escas patri tuo, quibus libénter véscitur : Quas cum intúleris, et coméderit, benedicat tibi priúsquam moriátur. Cui ille respóndit : Nosti quod Esau frater meus homo pilósus sit, et ego lenis : Si attrectáverit me pater meus, et sénserit, timeo ne putet me sibi volúisse illúdere, et indúcam super me maledictiónem pro benedictióné. Ad quem mater : In me sit, ait, ista maledictio, fili mi : tantum audi vocem meam, et pergens affer quæ dixi. Abiit, et áttulit, deditque matri. Parávit illa cibos, sicut velle nóverat patrem illius. Et véstibus Esau valde bonis, quas apud se habébat domi, induit eum : Pelliculásq; hædórum circúmdedit mánibus, et colli nuda protéxit. Deditque pulméntum, et panes, quos cóxerat, trádidit. Quibus illátis, dixit : Pater mi? At ille respóndit : Audio. Quis es tu fili mi? Dixitque Jacob : Ego sum primogénitus tuus Esau : feci sicut præcepísti mihi : Surge, sede, et cómede de venatióné mea, ut benedicat mihi ánima tua. Rursúmque Isaac ad filium suum : Quómodo, inquit, tam cito inveníre potuísti, fili mi? Qui respóndit : Volúntas Dei fuit, ut cito occurreret mihi quod volébam. Dixitque Isaac : Accéde huc, ut tangam te, fili mi, et probem utrum tu sis filius meus Esau, an non. Accéssit ille ad patrem, et palpáto eo,

dixit Isaac : Vox quidem, vox Jacob est : sed manus, manus sunt Esau. Et non cognóvit eum, quia pilósæ manus similitúdinem majóris expresse-
rant. Benedicens ergo illi, ait : Tu es filius meus Esau? Respóndit : Ego sum. At ille : Affer mihi, inquit, cibos de venatióne tua, fili mi, ut benedicat tibi ánima mea. Quos cum oblátos comedisset, obtulit ei étiam vinum. Quo hauto, dixit ad eum : Accéde ad me, et da mihi ósculum, fili mi. Accéssit, et osculátus est eum. Statimque ut sensit vestimentórum illius fragrantiam, benedicens illi, ait : Ecce odor filii mei sicut odor agri pleni, cui benedixit Dóminus. Det tibi Deus de rore cæli, et de pinguédine terræ abundantiam fruménti et vini. Et sérviant tibi pópuli, et adórent te tribus : Esto Dóminus fratrum tuórum, et incurvéntur ante te filii matris tuæ. Qui maledíxerit tibi, sit ille maledictus : et qui benedíxerit tibi, benedictiónibus repleátur. Vix Isaac sermónem impléverat : et egresso Jacob foras, venit Esau, coctósque de venatióne cibos intulit patri, dicens : Surge pater mi, et cómede de venatióne filii tui, ut benedicat mihi ánima tua. Dixitque illi Isaac : Quis enim es tu? Qui respóndit : Ego sum filius tuus primogénitus Esau. Expávit Isaac stupóre veheménti : et ultra quam credi potest, admirans, ait : Quis igitur ille est, qui dudum captam venatiónem áttulit mihi, et comédi

ex ómnibus priúsqum tu veníres? Benedixíque ei, et erit benedictus. Audítis Esau sermónibus patris, irrúgiit clamóre magno : et consternátus, ait : Bénedic étiam et mihi, pater mi. Qui ait : Venit germanus tuus fraudulénter, et accépit benedictiónem tuam. At ille subjúnxit : Juste vocátum est nomen ejus Jacob : supplantávit enim me en áltera vice : Primogénita mea antetulit, et nunc secúndo surripuit benedictiónem meam. Rursúmque ad patrem : Numquid non reservásti, ait, et mihi benedictiónem? Respóndit Isaac : Dóminum tuum illum constitui, et omnes fratres ejus servitúti illius subjúgávi : Fruménto et vino stabilívi eum, et tibi post hæc, fili mi, ultra quid fáciam? Cui Esau : Num unam, inquit, tantum benedictiónem habes, pater? Mihi quoque óbsecro ut benedícas. Cumque ejulátu magno fleret, motus Isaac, dixit ad eum : In pinguédine terræ, et in rore cæli désuper erit benedictio tua.

✠. Ps. 91 Bonum est confitéri Dómino : et psállere nómini tuo Altíssime. ✠. Ad annuntiándum mane misericórdiam tuam : et veritátem tuam per noctem.

✠ Sequéntia sancti Evangélíi secúndum Lucam. c. 15

IN illo témpore : Dixit Jesus Pharisæis et Scribis parabolam istam. Homo quidam hábuít duos filios : et dixit adolescéntior ex illis patri :

Pater, da mihi portiónem substántiæ, quæ me contingit. Et divisit illis substántiam. Et non post multos dies, congregáti omnibus, adolescéntior filius péregre profectus est in regiónem longínquam, et ibi dissipávit substántiam suam, vivéndo luxurióse. Et postquam ómnia consummáset, facta est fames válda in regiónē illa, et ipse cœpit egére. Et ábiit, et adhæsit uni civium regiónis illius. Et misit illum in villam suam, ut pásceret porcos. Et cupiébat implére ventrem suum de siliquis, quas porci manducábant : et nemo illi dabat. In se autem revérsus, dixit : Quanti mercenárii in domo patris mei abúndant pánibus, ego autem hic fame pérco! Surgam, et ibo ad patrem meum, et dicam ei : Pater, peccávi in cælum, et coram te : jam non sum dignus vocári filius tuus : fac me sicut unum de mercenáriis tuis. Et surgens, venit ad patrem suum. Cum autem adhuc longe esset, vidit illum pater ipsius, et misericórdia motus est, et accúrrens cecidit super collum ejus, et osculátus est eum. Dixítque ei filius : Pater, peccávi in cælum, et coram te, jam non sum dignus vocári filius tuus. Dixit autem pater ad servos suos : Cito proférte stolam primam, et indúite illum, et date ánulum in manum ejus, et calceaménta in pedes ejus : Et addúcite vitulum saginátum, et occidite, et manducémus, et epulémur : quia hic filius meus mórtuus

erat, et revíxit : perierat, et invéntus est. Et cœpérunt epulári. Erat autem filius ejus sénior in agro : Et cum veníret, et appropinquáret dómui, audivit symphoniam, et chorum : Et vocávit unum de servis, et interrogávit quid hæc essent. Isque dixit illi : Frater tuus venit, et occidit pater tuus vitulum saginátum, quia salvum illum recépít. Indignátus est autem, et nolébat introire. Pater ergo illius egréssus, cœpit rogáre illum. At ille respóndens, dixit patri suo : Ecce tot annis sérvio tibi, et numquam mandátum tuum præterívi, et numquam dedísti mihi hædum, ut cum amicis meis epulárer : Sed postquam filius tuus hic, qui devorávit substántiam suam cum meretrícibus, venit, occidísti illi vitulum saginátum. At ipse dixit illi : Fili, tu semper mecum es, et ómnia mea tua sunt : Epulári autem, et gaudére oportébat, quia frater tuus hic, mórtuus erat, et revíxit : Perierat, et invéntus est.

Offertorium Ps. 12 Illúmina óculos meos, ne umquam obdórmiam in morte : ne quando dicat inimícus meus : Præválui advérsus eum.

Secreta

HIS sacrificiis, Dómine, concéde placátus : ut qui própriis orámus absólvi delictis. non gravémur extérnis. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Luc. 15 Opórtet te, fili, gaudére, quia frater tuus mórtuus fúerat, et revíxit : perierat, et invéntus est.

Postcommunio

SACRAMENTI tui, Dómine, divína libátio penetrália nostri cordis infúndat; et sui nos participes poténter efficiat : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

FAMILIAM tuam, quæsumus Dómine, continúa pietáte custódi : ut quæ in sola spe grátiae cæléstis innítitur; cælésti étiam protectióne muniátur : Per Dóminum.

DOMINICA TERTIA QUADRAGESIMÆ

Statio ad S. Laurentium extra muros

Officium Ps. 24

OCULI mei semper ad Dóminum, quia ipse évêllet de láqueo pedes meos : réspice in me, et miserére mei, quóniam únicus et pauper sum ego. **℣.** Ad te Dómine levávi ánimam meam: Deus meus in te confido, non erubéscam. **Gloría Patri.**

Oratio

QUÆSUMUS omnípotens Deus, vota humílium réspice; atque ad defensiónem nostram dexteram tuæ majestátis exténde : Per Dóminum.

Secunda et tertia Oratio, pag. 63

Léctio Epístolæ beáti Pauli Apóstoli ad Ephésios. c. 5

FRATRES: Estóte imitatóres Dei, sicut filii caríssimi : et ambuláte in dilectióne, sicut et Christus diléxit nos, et trádidit semetípsum pro nobis oblatiónem et hóstiam Deo in odórem suavitátis. Fornicátio autem, et omnis immundítia, aut avarítia nec nominétur in vobis, sicut decet sanctos : aut turpitúdo, aut stultilóquium, aut scurrilitas, quæ ad rem non pértinet : sed magis gratiárum áctio. Hoc enim scitóte intelligéntes : quod omnis fornicátor, aut immúndus, aut avárus, quod est idolórum sérvitus, non habet hereditátem in regno Christi, et Dei. Nemo vos sedúcat inánibus verbis : Propter hæc enim venit ira Dei in filios diffidéntiæ. Nolite ergo éffici partícipes eórum. Erátis enim aliquándo ténebræ : nunc autem lux in Dómino. Ut filii lucis ambuláte : Fructus enim lucis est in omni bonitáte, et justítia, et veritáte.

℟. **Ps. 9** Exsúrge Dómine, non præváleat homo : júdicéntur gentes in conspéctu tuo. **℣.** In converténdo inimicum meum retrórsum : infirmabúntur, et períbunt a fácie tua.

Tractus Ps. 122 Ad te levávi óculos meos, qui hábitas in cælis. **℣.** Ecce sicut óculi servórum in mánibus dominórum suórum. **℣.** Et sicut óculi ancillæ in mánibus dómínæ suæ. **℣.** Ita óculi nostri ad

Dóminum Deum nostrum, donec misereatur nostri. **℟.** Miserere nobis Dómine, miserere nobis.

✠ **Sequéntia sancti Evangélíi**
secúndum Lucam. **c. 11**

IN illo témpore : Erat Jesus ejiciens dæmónium, et illud erat mutum. Et cum eiecisset dæmónium, locútus est mutus, et admiratæ sunt turbæ. Quidam autem ex eis dixerunt : In Beélzebub príncipe dæmoniórum ejicit dæmónia. Et álíi tentátes, signum de cælo quærébant ab eo. Ipse autem ut vidit cogitatíones eórum, dixit eis : Omne regnum in seípsum divisum desolábitur, et domus supra domum cadet. Si autem et sá-tanas in seípsum divisus est, quómodo stabit regnum ejus? Quia dicitis in Beélzebub me ejicere dæmónia. Si autem ego in Beélzebub ejicio dæmónia : filii vestri in quo ejiciunt? Ideo ipsi júdices vestri erunt. Porro si in dígitó Dei ejicio dæmónia : profecto pervénit in vos regnum Dei. Cum fortis armátus custódit átrium suum, in pace sunt ea, quæ póssidet. Si autem fórtior eo supervéniens vicerit eum, univérsa arma ejus áuferet, in quibus confidébat, et spólia ejus distribuet. Qui non est mecum, contra me est : Et qui non cólligit mecum, dispérgit. Cum immúndus spíritus exierit de hómine, ámbulat per loca inaquósa, quærens réquiem : et non invéniens, dicit : Revértar in domum meam, unde exívi.

Et cum vénerit, invenit eam scopis mundátam, et ornátam. Tunc vadit, et assúmit septem álíos spíritus secum, nequíores se, et ingrési hábitant ibi. Et fiunt novíssima hóminis illius pejóra prióribus. Factum est autem, cum hæc diceret : extóllens vocem quædam múlíer de turba, dixit illi : Beátus venter, qui te portávit, et úbera, quæ súxisti. At ille dixit : Quinímmo beáti, qui áudiunt verbum Dei, et custódiunt illud. **Credo.**

Offertorium Ps. 18 Justitiæ Dómini rectæ, lætificántes corda, et júdicia ejus dulcióra super mel et favum : nam et servus tuus custódit ea.

Secreta

HÆC hóstia, Dómine quæsumus, emúndet nostra delícta : et ad sacrificium celebrándum, subditórum tibi córpora mentésque sanctíficet. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 83 Passer invénit sibi domum, et turtur nidum, ubi repónat pullos suos : altária tua Dómine virtútum, rex meus, et Deus meus : beáti, qui hábitant in domo tua, in sáculum sáculi laudábunt te.

Postcommunio

Acunctis nos, quæsumus Dómine, reátibus et perículis propitiátus absólve; quos tanti mystérii tribuis esse partícipes : Per Dóminum.

Secunda et tertia Postcommunio, pag. 65

FERIA SECUNDA

Statio ad S. Marcum

Officium

Ps. 55

IN Deo laudábo verbum, in Dómino laudábo sermónem : in Deo sperábo, non timébo quid fáciat mihi homo. *℟.* Miserére mei Deus, quóniam conculcávit me homo : tota die impúgnans tribulávit me. Glória Patri.

Dóminus vobiscum. Orémus. Flectámus gēnuā. Leváte.

Oratio

CORDIBUS nostris, quǽsumus Dómine, grátiam tuam benígnus infúnde : ut sicut ab escis carnálibus abstínemus; ita sensus quoque nostros a nóxiis retrahámus excéssibus : Per Dóminum.

Secunda et tertia Oratio, pag. 63

Lectio Libri Regum. 4, c. 5

IN diébus illis : Náaman princeps militiæ regis Sýriæ, erat vir magnus apud dóminum suum, et honorátus : Per illum enim dedit Dóminus salútem Sýriæ : Erat autem vir fortis et dives, sed leprósus. Porro de Sýria egressi fúerant latrúnculi, et captivam dúxerant de terra Israël puéllam párvulam, quæ erat in obséquo uxóris Náaman, quæ ait ad dóminam suam : Utinam fuisset dóminus meus ad prophétam, qui est in Samaría : profecto curáset eum a lepra, quam habet. Ingréssus est itaque Náaman ad dóminum suum,

et nuntiávit ei, dicens : Sic et sic locúta est puélla de terra Israël. Dixitque ei rex Sýriæ : Vade, et mittam litteras ad regem Israël. Qui cum profectus esset, et tulisset secum decem talénta argénti, et sex millia áureos, et decem mutatória vestimentórum, détulit litteras ad regem Israël, in hæc verba : Cum accéperis epístolam hanc, scito quod míserim ad te Náaman servum meum, ut cures eum a lepra sua. Cumque legisset rex Israël litteras, scidit vestiménta sua, et ait : Numquid Deus ego sum, ut occidere possim, et vivificáre, quia iste misit ad me, ut cures hóminem a lepra sua? Animadvértite, et vidéte, quod occasiões quærat advérsus me. Quod cum audísset Eliséus vir Dei, scidisse vidélicet regem Israël vestiménta sua, misit ad eum, dicens : Quare scidisti vestiménta tua? Véniat ad me, et sciat esse prophétam in Israël. Venit ergo Náaman cum equis, et cúrribus, et stetit ad óstium domus Eliséi : Misitque ad eum Eliséus núntium, dicens : Vade, et laváre sépties in Jordáne, et recípiet sanitátem caro tua, atque mundáberis. Irátus Náaman recedébat, dicens : Putábam quod egredérétur ad me, et stans invocáret nomen Dómini Dei sui, et tangeret manu sua locum lepræ, et curáret me. Numquid non meliôres sunt Abana, et Pharphar flúvii Damásci ómnibus aquis Israël, ut laver in eis, et munder? Cum ergo

vertisset se, et abiret indignans, accesserunt ad eum servi sui, et locuti sunt ei : Pater, et si rem grandem dixisset tibi propheta, certe facere debueras : Quanto magis quia nunc dixit tibi, Lavare, et mundaberis? Descendit, et lavit in Jordane septies juxta sermonem viri Dei, et restituta est caro ejus, sicut caro pueri parvuli, et mundatus est. Reversusque ad virum Dei cum universo comitatu suo, venit, et stetit coram eo, et ait : Vere scio quod non sit alius Deus in universa terra, nisi tantum in Israel.

℟. Ps. 55 Deus, vitam meam annuntiavi tibi : posuisti lacrymas meas in conspectu tuo.

℣. Miserere mei Domine, quoniam conculcavit me homo : tota die bellans tribulavit me.

Tractus Ps. 102 Domine non secundum peccata nostra facias nobis : neque secundum iniquitates nostras retribuas nobis. **℣. Ps. 78** Domine ne memineris iniquitatum nostrarum antiquarum : cito anticipent nos misericordiae tuae, quia pauperes facti sumus nimis. **℣. Hic genuflectitur :** ADJUYA NOS DEUS SALUTARIS NOSTER : et propter gloriam nominis tui Domine libera nos : et propitius esto peccatis nostris propter nomen tuum.

✠ **Sequentia sancti Evangelii** secundum Lucam. **c. 4**

IN illo tempore : Dixit Jesus Phariseis : Utique dicetis mihi hanc similitudinem : Me-

dice cura teipsum : Quanta audivimus facta in Capharnaum, fac et hic in patria tua. Ait autem : Amen dico vobis, quia nemo propheta acceptus est in patria sua. In veritate dico vobis, multae viduae erant in diebus Eliae in Israel, quando clausum est caelum annis tribus, et mensibus sex : cum facta esset fames magna in omni terra : et ad nullam illarum missus est Elias, nisi in Saraphta Sidoniae, ad mulierem viduam. Et multi leprosi erant in Israel sub Elisao propheta : et nemo eorum mundatus est nisi Naaman Syrus. Et replati sunt omnes in synagoga ira, haec audientes. Et surrexerunt, et ejecerunt illum extra civitatem : et duxerunt illum usque ad supercilium montis, super quem civitas illorum erat aedificata, ut praecipitarent eum. Ipse autem transiens per medium illorum, ibat.

Offertorium Ps. 54 Exaudi Deus orationem meam, et ne despexeris deprecationem meam : intende in me, et exaudi me.

Secreta

MUNUS, quod tibi Domine, nostrae servitutis offerimus, tu salutare nobis perfice sacramentum. Per Dominum.

Secunda et tertia Secreta, pag. 65

Præfatio Qui corporali jejunio.

Communio Ps. 13 Quis dabit ex Sion salutare Israel? cum averterit Dominus captivitatem plebis suae, exsultabit Jacob, et laetabitur Israel.

Postcommunio

PRÆSTA, quæsumus omnipotens et misericors Deus : ut quod ore contigimus; pura mente capiámus : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

SUBVENIAT nobis, Dómine, misericórdia tua : ut ab imminéntibus peccatórum nostrórum periculis, te mereámur protegénte éripi; te librante salvári : Per Dóminum.

FERIA TERTIA

Statio ad sanctam Pudentianam

Officium

Ps. 16

EGO clamávi, quóniam exaudisti me Deus : inclína aurem tuam, et exáudi verba mea : custódi me Dómine, ut pupíllam óculi : sub umbra alárum tuárum prótege me. ✠. Exáudi Dómine justitiam meam : inténde deprecationem meam. Glória Patri.

Dóminus vobiscum. Orémus. Flectámus génua. Leváte.

Oratio

EXAUDI nos omnipotens et misericors Deus; et continéntiæ salutáris propítius nobis dona concéde : Per Dóminum.

Secunda et tertia Oratio, pag. 63

Léctio Libri Regum. 4, c. 4

IN diébus illis : Múlier quædam clamábat ad Eliséum prophétam, dicens : Servus

tuus vir meus mórtuus est, et tu nosti quia servus tuus fuit timens Dóminum : Et ecce créditor venit, ut tollat duos filios meos ad serviéndum sibi. Cui dixit Eliséus : Quid vis ut fáciam tibi? Dic mihi, quid habes in domo tua? At illa respóndit : Non hábeo ancilla tua quidquam in domo mea, nisi parum ólei, quo ungar. Cui ait : Vade, pete mútuo ab ómnibus vicínis tuis vasa vácuá non pauca. Et ingrédere, et claude óstium tuum, cum intrínsecus fúeris tu, et filii tui : et mitte inde in ómnia vasa hæc : et cum plena fúerint, tolles. Ivit itaque múlier, et clausit óstium super se, et super filios suos : Illi offerébant vasa, et illa infundébat. Cumque plena fuissent vasa, dixit ad filium suum : Affer mihi adhuc vas. Et ille respóndit : Non hábeo. Stetitque óleum. Venit autem illa, et indicávit hómini Dei. Et ille : Vade, inquit, vende óleum, et redde creditóri tuo : Tu autem, et filii tui vívite de réliquo.

✠. Ps. 18 Ab occúltis meis munda me Dómine : et ab aliénis parce servo tuo. ✠. Si mei non fúerint domináti, tunc immaculátus ero : et emundábor a delicto máximo.

✠ Sequéntia sancti Evangélii secúndum Matthæum. c. 18

IN illo témpore : Dixit Jesus discípulis suis : Si peccáverit in te frater tuus, vade, et córripi eum inter te, et ipsum solum. Si te audierit,

lucrátus eris fratrem tuum. Si autem te non audierit, ádhibe tecum adhuc unum, vel duos, ut in ore duórum, vel trium téstium stet omne verbum. Quod si non audierit eos : dic ecclésiæ. Si autem ecclésiám non audierit : sit tibi sicut éthnicus, et públicanus. Amen dico vobis, quæcúmque alligavéritis super terram, erunt ligáta et in cælo: Et quæcúmque solvéritis super terram, erunt solúta et in cælo. Iterum dico vobis, quia si duo ex vobis consénsierint super terram, de omni re quamcúmque petierint, fiet illis a Patre meo, qui in cælis est. Ubi enim sunt duo, vel tres congregáti in nómine meo, ibi sum in médio eórum. Tunc accédens Petrus ad eum, dixit : Dómine quóties peccábit in me frater meus, et dimíttam ei? Usque sépties? Dicit illi Jesus : Non dico tibi usque sépties : sed usque septuágies sépties.

Offertorium Ps. 117 Déxtera Dómini fecit virtútem, déxtera Dómini exaltávit me : non móriar, sed vivam, et narrábo ópera Dómini.

Secreta

PER hæc véniat, quæsumus Dómine, sacraménta nostræ redemptionis effectus : qui nos et ab humánis retrahat semper excéssibus, et ad salutária dona perdúcat. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 14 Dómine quis habitábit in tabernáculo tuo? aut quis requiescet in monte sancto tuo? Qui ingreditur sine mácula, et operátur justítiam.

Postcommunio

SACRIS, Dómine, mystériis expiáti; et véniam, quæsumus, consequámur et grátiam. Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

TUA nos, Dómine, proteccióne defénde; et ab omni semper iniquitáte custódi : Per Dóminum.

FERIA QUARTA

Statio ad sanctum Xystum

Officium

Ps. 30

EGO autem in Dómino sperábo : exultábo, et latábor in tua misericórdia : quia respexisti humilitátem meam. **℟.** In te Dómine sperávi, non confúndar in ætérnum : in justítia tua libera me, et éripe me. **Gloria Patri.**

Dóminus vobíscum. Orémus. Flectámus génua. Leváte.

Oratio

PRÆSTA nobis, quæsumus Dómine : ut salutáribus jejúniis erudíti; a nóxiis quoque vítiis abstinéntes, propitiatiónem tuam facílius impetrémus : Per Dóminum.

Secunda et tertia Oratio, pag. 63

Lectio Libri Exodi. c. 20

HÆC dicit Dóminus Deus : Honóra patrem tuum et matrem tuam, ut sis longævus super terram, quam Dóminus Deus tuus dabit tibi. Non occides. Non mœcháberis. Non furtum fácies. Non loqueris contra próximum tuum falsum testimónium. Non concupisces domum próximi tui : nec desiderábis uxórem ejus, non servum, non ancillam, non bovem, non ásinum, nec ómnia quæ illius sunt. Cunctus autem pópulus vidébat voces et lámpades, et sónitum búccinæ, montémque fumántem : Et pertérriti ac pavóre concússi, steterunt procul, dicéntes Móysi : Lóquere tu nobis, et audiémus : Non loquátur nobis Dóminus, ne forte moriámur. Et ait Móyses ad pópulum : Nolite timére : Ut enim probáret vos venit Deus, et ut terror illius esset in vobis, et non peccaréti. Stetitque pópulus de longe. Móyses autem accéssit ad caliginem in qua erat Deus. Dixit prætérea Dóminus ad Móysen : Hæc dices filiis Israël : Vos vidístis quod de cælo locútus sim vobis. Non faciétis deos argénteos, nec deos áureos faciétis vobis. Altáre de terra faciétis mihi, et offeréti super eo holocáusta et pacífica vestra, oves vestras et boves in omni loco in quo memória fúerit nóminis mei.

℟. Ps. 6 Miserére mei Dómine, quóniam infirmus sum : sana me Dómine. ℣. Contur-

báta sunt ómnia ossa mea : et ánima mea turbáta est valde.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. ℣. Ps. 78 Dómine ne memineris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. ℣. *Hic genuflectitur* : ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ Sequéntia sancti Evangélii secúndum Matthæum. c. 15

IN illo témpore : Accessérunt ad Jesum ab Jerosólymis Scribæ, et Pharisæi, dicéntes : Quare discipuli tui transgrediúntur traditiónem seniórum? Non enim lavant manus suas, cum panem mandúcant. Ipse autem respóndens, ait illis : Quare et vos transgredimini mandátum Dæi propter traditiónem vestram? Nam Deus dixit : Honóra patrem, et matrem, et, Qui maledixerit patri, vel matri, morte moriátur. Vos autem dicitis : Quicúmque dixerit patri, vel matri, Munus quodcúmque est ex mæ, tibi pród-erit : et non honorificábit patrem suum, aut matrem suam : Et irritum fecístis mandátum Dæi propter traditió- nem vestram. Hypócritæ, bene prophetávit de vobis Isaías, dicens : Pópulus hic lábiis mæ honórat : cor autem eórum

longe est a me. Sine causa autem colunt me, docētes doctrīnas, et mandāta hómīnum. Et convocātis ad se turbis, dixit eis : Audíte, et intelligíte. Non quod intrat in os, coínquinat hómīnem : sed quod procēdit ex ore, hoc coínquinat hómīnem. Tunc accedētes discípuli ejus, dixerunt ei : Scis quia Pharisæi, audíto verbo hoc, scandalizāti sunt? At ille respōdens ait : Omnis plantatio, quam non plantávit Pater meus cæléstis, eradicábitur. Sinite illos : Cæci sunt, et duces cæcórū. Cæcus autem si cæco ducátum præstet, ambo in fóveam cadunt. Respōdens autem Petrus, dixit ei : Edissere nobis parábolam istam. At ille dixit : Adhuc et vos sine intelléctu estis? Non intelligitis quia omne, quod in os intrat, in ventrem vadit, et in secéssum emittitur? Quæ autem procēdunt de ore, de corde éxeunt, et ea coínquinant hómīnem : De corde enim éxeunt cogitationes malæ, homicidia, adulteria, fornicationes, furta, falsa testimónia, blasphemía. Hæc sunt, quæ coínquinant hómīnem. Non lotis autem mánibus manducāre, non coínquinat hómīnem.

Offertorium Ps. 108 Dómine, fac mecum misericórdiam tuam propter nomen tuum : quia suávis est misericórdia tua.

Secreta

SUSCIPE, quæsumus Dómine, preces pópuli tui cum oblationibus hostiárum : et

tua mystéria celebrātes, ab ómnibus nos defēde periculis. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 15 Notas mihi fecisti vias vitæ, adimplébis me lætítia cum vultu tuo, Dómine.

Postcommunio

SANCTIFICET nos, Dómine, qua pasti sumus, mensa cæléstis : et a cunctis erróribus expiátos; supérnis promissionibus reddat accéptos : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

CONCEDE, quæsumus omnipotens Deus : ut qui protectionis tuæ grátiam quærimus; liberáti a malis ómnibus, secúra tibi mente serviámus : Per Dóminum.

FERIA QUINTA

Statio ad SS. Cosmam et Damianum

Officium

SALUS pópuli ego sum, dicit Dóminus : de quacúmque tribulatione clamáverint ad me, exáudiam eos : et ero illórum Dóminus in perpétuum. **℟. Ps. 77** Atténdite pópule meus legem meam : inclináte aurem vestram in verba oris mei. **Gloria Patri.**

Dóminus vobiscum. Orémus. Flectámus gēnuā. Leváte.

Oratio

CONCEDE, quæsumus omnipotens Deus : ut jejuniórum nobis sancta devotio, et purificatiónem tríbuat; et majestáti tuæ nos reddat accéptos : Per Dóminum.

Secunda et tertia Oratio, pag. 63

Lectio Jeremiæ Prophætæ. c. 7

IN diébus illis : Factum est verbum Dómini ad me, dicens : Sta in porta domus Dómini, et prædica ibi verbum istud, et dic : Audíte verbum Dómini omnis Juda, qui ingredimini per portas has, ut adorétis Dóminum. Hæc dicit Dóminus exercituum Deus Israël : Bonas fácite vias vestras, et stúdia vestra : et habitábo vobiscum in loco isto. Nolíte confidere in verbis mendáci, dicéntes : Templum Dómini, templum Dómini, templum Dómini est. Quóniam si bene direxéritis vias vestras, et stúdia vestra : si fecéritis iudiciu inter virum et próximu ejus, ádvenæ, et pupillo, et viduæ non fecéritis calúniam, nec sánguinem innocentem effuderitis in loco hoc, et post deos aliénos non ambuláveritis in malum vobismetipsis : habitábo vobiscum in loco isto : in terra, quam dedi pátribus vestris a sáculo et usque in sáculum. Ait Dóminus omnipotens.

℟. Ps. 144 Oculi ómnium in te sperant Dómine : et tu das illis escam in témpore opportúno. ℣. Aperis tu manum tuam : et imple omne ánimál benedictióne.

✠ Sequéntia sancti Evangélii secúndum Lucam. c. 4

IN illo témpore : Surgens Jesus de synagóga, introivit in domum Simónis. Socrus autem Simónis tenebátur magnis fébribus : Et rogavérunt illum pro ea. Et stans super illam imperávit febrí : et dimísit illam. Et continuo surgens, ministrábat illis. Cum autem sol occidisset : omnes, qui habébant infirmos váriis languóribus, ducébant illos ad eum. At ille singulis manus impónens, curábat eos. Exibant autem dæmónia a multis clamántia, et dicéntia, Quia tu es Filius Dei. Et increpans non sinébat ea loqui : quia sciébant ipsum esse Christum. Facta autem die egréssus ibat in desértum locum, et turbæ requirébant eum, et venérunt usque ad ipsum : et detinébant illum ne discéderet ab eis. Quibus ille ait : Quia et áliis civitatibus opórtet me evangelizáre regnum Dei : quia ideo missus sum. Et erat prædicans in synagógis Galilææ.

Offertorium Ps. 137 Si ambulávero in médio tribulatiónis, vivificábis me Dómine : et super iram inimicórum meórum exténdes manum tuam, et salvum me fáciet dextera tua.

Secreta

EFFICIATUR hæc hóstia, quæsumus Dómine, solémnibus grata jejúniis : et ut tibi fiat accéptior, purificáti méntibus immolétur. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 118 Tu mandásti mandáta tua custodíri nimis : útinam dirigántur viæ meæ, ad custodiéndas justificatiónes tuas.

Postcommunio

SACRAMENTI tui, Dómine, veneránda percéptio : et mýstico nos mundet efféctu; et perpétua virtúte deféndat : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

SUBJECTUM tibi pópulum, quæsumus Dómine, propitiatio cæléstis amplifícat; et tuis semper fáciat servíre mandátis : Per Dóminum.

FERIA SEXTA

Statio ad S. Laurentium in Lucina

Officium

Ps. 85

FAC mecum, Dómine, signum in bonum, ut videant qui me odérunt, et confundántur : quóniam tu Dómine adjuvísti me, et consolátus es me. *℟.* Inclína Dómine aurem tuam, et exáudi me : quóniam inops, et pauper sum ego. Glória Patri.

Dóminus vobíscum. Orémus. Flectámus génua. Leváte.

Oratio

JEJUNIA nostra, quæsumus Dómine, bénigno favóre proséquere : ut sicut ab aliméntis abstinémus in corpore;

ita a vítiis jejunémus in mente : Per Dóminum.

Secunda et tertia Oratio, pag. 63

Léctio Libri Númeri. c. 20

IN diébus illis : Convenérunt filii Israël advérsus Móysen et Aaron : et versi in seditióne, dixerunt : Date nobis aquam, ut bibámus. Ingressusque Móyses et Aaron, dimissa multitúdine, tabernáculum fœderis, corruérunt proni in terram, clamaverúntque ad Dóminum, atque dixerunt : Dómine Deus audi clamórem hujus pópuli, et áperi eis thesáurum tuum fontem aquæ vivæ, ut satiáti, cesset murmuratio eórum. Et apparuit glória Dómini super eos. Locutúsque est Dóminus ad Móysen, dicens : Tolle virgam, et cóngrega pópulum, tu et Aaron frater tuus, et loquímini ad petram coram eis, et illa dabit aquas. Cumque edúxeris aquam de petra, bibet omnis multitúdo et juménta ejus. Tulit igitur Móyses virgam, quæ erat in conspéctu Dómini, sicut præcéperat ei, congregáta multitúdine ante petram, dixítque eis : Audite rebélles et incréduli : Num de petra hac vobis aquam potérimus ejícere? Cumque elevásset Móyses manum, percútiens virga bis sílicem, egréssæ sunt aquæ largíssimæ, ita ut pópulus bíberet, et juménta. Dixítque Dóminus ad Móysen et Aaron : Quia non credidístis mihi, ut sanctificarétis me coram filiis Israël, non introducétis hos pópulos in

terram, quam dabo eis. Hæc est aqua contradictionis, ubi iurgati sunt filii Israël contra Dóminum, et sanctificátus est in eis.

℟. Ps. 27 In Deo sperávit cor meum, et adjútus sum : et reflóruit caro mea, et ex voluntáte mea confitébor illi.

℣. Ad te Dómine clamávi, Deus meus ne síleas : ne discédas a me.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retríbuas nobis.

℣. Ps. 78 Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℣. Hic genuflectitur :** ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ **Sequéntia sancti Evangélíi** secúndum Joánnem. **c. 4**

IN illo témpore : Venit Jesus in civitátem Samariæ, quæ dicitur Sichar : juxta prædium, quod dedit Jacob Joseph filio suo. Erat autem ibi fons Jacob. Jesus ergo fatigátus ex itinere, sedébat sic supra fontem. Hora erat quasi sexta. Venit múlíer de Samaría hauríre aquam. Dicit ei Jesus : Da mihi bíbere. (Discípuli enim ejus abierant in civitátem, ut cibos émerent.) Dicit ergo ei múlíer illa Samaritána : Quómodo tu Judæus

cum sis, bíbere a me poscis, quæ sum múlíer Samaritána? Non enim coutúntur Judæi Samaritánis. Respóndit Jesus, et dixit ei : Si scires donum Dei, et quis est, qui dicit tibi, Da mihi bíbere : tu fórsitan petiisses ab eo, et dedisset tibi aquam vivam. Dicit ei múlíer : Dómine, neque in quo háurias habes, et púteus altus est : Unde ergo habes aquam vivam? Numquid tu major es patre nostro Jacob, qui dedit nobis púteum, et ipse ex eo bibit, et filii ejus, et pécora ejus? Respóndit Jesus, et dixit ei : Omnis, qui bibit ex aqua hac, sitiet íterum : Qui autem bíberit ex aqua, quam ego dabo ei, non sitiet in ætérnum : sed aqua, quam ego dabo ei, fiet in eo fons aquæ saliéntis in vitam ætérnam. Dicit ad eum múlíer : Dómine, da mihi hanc aquam, ut non sitiam : neque véniam huc hauríre. Dicit ei Jesus : Vade, voca virum tuum, et veni huc. Respóndit múlíer, et dixit : Non hábeo virum. Dicit ei Jesus : Bene dixisti, quia non hábeo virum : Quinque enim viros habuisti, et nunc, quem habes, non est tuus vir : Hoc vere dixisti. Dicit ei múlíer : Dómine, video quia prophéta es tu. Patres nostri in monte hoc adoravérunt, et vos dicitis, quia Jerosólymis est locus, ubi adoráre opórtet. Dicit ei Jesus : Múlíer, crede mihi, quia venit hora, quando neque in monte hoc, neque in Jerosólymis adorábitis Patrem. Vos adorátis quod nescitis : nos

adoramus quod scimus, quia salus ex Judæis est. Sed venit hora, et nunc est, quando veri adoratores adorabunt Patrem in spiritu et veritate. Nam et Pater tales querit, qui adorent eum. Spiritus est Deus : et eos, qui adorant eum, in spiritu et veritate oportet adorare. Dicit ei mulier : Scio quia Messias venit, (qui dicitur Christus.) Cum ergo venerit ille, nobis annuntiabit omnia. Dicit ei Jesus : Ego sum, qui loquor tecum. Et continuo venerunt discipuli ejus : et mirabantur quia cum muliere loquebatur. Nemo tamen dixit, Quid queris, aut quid loqueris cum ea? Reliquit ergo hydriam suam mulier, et abiit in civitatem, et dicit illis hominibus : Venite, et videte hominem, qui dixit mihi omnia quaecumque feci : Numquid ipse est Christus? Exierunt ergo de civitate, et veniebant ad eum. Interea rogabant eum discipuli, dicentes : Rabbi, manduca. Ille autem dicit eis : Ego cibum habeo manducare, quem vos nescitis. Dicebant ergo discipuli ad invicem : Numquid aliquis attulit ei manducare? Dicit eis Jesus : Meus cibus est ut faciam voluntatem ejus, qui misit me, ut perficiam opus ejus. Nonne vos dicitis, quod adhuc quatuor menses sunt, et messis venit? Ecce dico vobis : levate oculos vestros, et videte regiones, quia albæ sunt jam ad messem. Et qui metit, mercedem accipit, et congregat fructum in vitam æternam : ut,

et qui seminat, simul gaudeat, et qui metit. In hoc enim est verbum verum : quia aliud est qui seminat, et aliud est qui metit. Ego misi vos metere quod vos non laborastis : Alii laboraverunt, et vos in labores eorum introistis. Ex civitate autem illa multi crediderunt in eum Samaritanorum, propter verbum mulieris testimonium perhibentis, Quia dixit mihi omnia quaecumque feci. Cum venissent ergo ad illum Samaritani, rogaverunt eum ut ibi maneret. Et mansit ibi duos dies. Et multo plures crediderunt in eum propter sermonem ejus. Et mulieri dicebant, Quia jam non propter tuam loquelam credimus : Ipsi enim audivimus, et scimus, quia hic est vere Salvator mundi.

Offertorium Ps. 5 Intende voci orationis meæ, rex meus et Deus meus : quoniam ad te orabo, Domine.

Secreta

RESPICE, quaesumus Domine, propitius ad munera, quæ sacramus : ut tibi grata sint, et nobis salutaria semper existant. Per Dominum.

Secunda et tertia Secreta, pag. 65

Praefatio Qui corporali jejunio.

Communio Joan. 4 Qui biberit aquam, quam ego dabo ei, dicit Dominus, fiet in eo fons aquæ salientis in vitam æternam.

Postcommunio

HUJUS nos, Domine, perceptio sacramenti mundet a crimine; et ad cælestia

regna perdúcat : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

PRÆSTA, quæsumus omnipotens Deus : ut qui in tua protectione confidimus; cuncta nobis adversántia, te adjuvánte, vincámus : Per Dóminum.

SABBATO

Statio ad S. Susannam

Officium

Ps. 5

VERBA mea áuribus percípe Dómine, intéllege clamórem meum : inténde voci orationis meæ. *℟.* Rex meus et Deus meus. **Glória Patri.**

Dóminus vobíscum. Orémus. Flectámus génua. Leváte.

Oratio

PRÆSTA, quæsumus omnipotens Deus : ut qui se, affligéndo carnem, ab aliméntis ábstinent; sectándo justítiam, a culpa jejúnent : Per Dóminum.

Secunda et tertia Oratio, pag. 63

Léctio Daniélis Prophétæ.

c. 13

IN diébus illis : Erat vir hábitans in Babylóne, et nomen ejus Jóakim : Et accépit uxórem nómine Susánnam, filiam Helcíæ, pulchram nimis, et tíméntem Deum : Paréntes enim illius, cum essent

justi, erudiérunt filiam suam secúndum legem Móysi. Erat autem Jóakim dives valde, et erat ei pomárium vicínium dómui suæ : Et ad ipsum confluébant Judæi, eo quod esset honorabílior ómnium. Et constitúti sunt de pópulo duo senes júdices in illo anno : de quibus locútus est Dóminus, Quia egréssa est iníquitas de Babylóne a senióribus júdicibus, qui videbántur régere pópulum. Isti frequentábant domum Jóakim, et veniébant ad eos omnes, qui habébant júdicia. Cum autem pópulus revertísset per méridiem, ingrediebátur Susánna, et deambulábat in pomário viri sui. Et vidébant eam senes quotidie ingrediéntem, et deambulántem : et exarsérunt in concupiscéntiam ejus : Et evertérunt sensum suum, et declinavérunt óculos suos ut non vidérent cælum, neque recordaréntur júdiciórum justórum. Factum est autem, cum observárent diem aptum, ingrèssa est aliquándo sicut heri et nudiustértius, cum duábus solis puéllis, voluitque lavári in pomário : Æstus quippe erat : Et non erat ibi quisquam, præter duos senes absconditos, et contemplántes eam. Dixit ergo puéllis : Afférte mihi óleum, et smígmata, et óstia pomárii cláudite, ut laver. Cum autem egréssæ essent puéllæ, surrexérunt duo senes, et accurrérunt ad eam, et dixerunt : Ecce óstia pomárii clausa sunt, et nemo nos videt, et nos in concupiscéntia

tui sumus : Quamóbrem as-
sentire nobis, et commiscére
nobiscum. Quod si nolúeris,
dicémus contra te testimó-
nium, quod fúerit tecum jú-
venis, et ob hanc causam emi-
seris puéllas a te. Ingémuit
Susánna, et ait : Angústiae
sunt mihi úndique : Si enim
hoc égero, mors mihi est : si
autem non égero, non effú-
giam manus vestras. Sed mé-
lius est mihi absque ópere
incidere in manus vestras,
quam peccáre in conspéctu
Dómini. Et exclamávit voce
magna Susánna : Exclamavé-
runt autem et senes advérsus
eam. Et cucúrrit unus ad óstia
pomárii, et apéruit. Cum ergo
audissent clamórem fámuli
domus in pomáριο, irruérunt
per pósticum ut vidérent quid-
nam esset. Postquam autem
senes locúti sunt, erubuérunt
servi veheménter : quia nun-
quam dictus fúerat sermo hu-
juscémodi de Susánna. Et fa-
cta est dies crástina. Cumque
venísset pópulus ad Jóakim
virum ejus, venérunt et duo
seniôres pleni iníqua cogita-
tione advérsus Susánnam, ut
interficerent eam. Et dixerunt
coram pópulo : Mittite ad Su-
sánnam filiam Helciæ, uxórem
Jóakim. Et statim misérunt.
Et venit cum paréntibus, et
filiis, et univérsis cognátis
suis. Flebant igitur sui, et
omnes qui nóverant eam. Con-
surgéntes autem duo seniôres
in médio pópuli, posuérunt
manus suas super caput ejus.
Quæ flens suspéxit ad cælum :
Erat enim cor ejus fidúciám

habens in Dómino. Et dixé-
runt seniôres : Cum deambu-
larémus in pomáριο soli, in-
gréssa est hæc cum duábus
puéllis : et clausit óstia po-
márii, et dimísit a se puéllas.
Venítque ad eam adolescens,
qui erat absconditus, et con-
cúbuit cum ea. Porro nos cum
essémus in ángulo pomárii,
vidéntes iniquitátem, cucúrri-
mus ad eos, et vídimus eos
páriter commiscéri. Et illum
quidem non quívimus compre-
héndere, quia fórtior nobis
erat, et apértis óstiis exsili-
vit : Hanc autem cum appre-
hendissémus, interrogávimus,
quisnam esset adolescens, et
nóluit indicáre nobis : Hujus
rei testes sumus. Crédidit eis
multitúdo quasi sénibus et
judícibus pópuli, et condem-
navérunt eam ad mortem.
Exclamávit autem voce ma-
gna Susánna, et dixit : Deus
ætérne, qui absconditórum es
cógnotor, qui nosti ómnia án-
tequam fiant, tu scis quóniam
falsum testimónium tulérunt
contra me : Et ecce mórior,
cum nihil horum fécerim, quæ
isti malitióse composuérunt
advérsus me. Exaudívit au-
tem Dóminus vocem ejus.
Cumque ducerétur ad mor-
tem, suscitávit Dóminus spi-
ritum sanctum púeri junióris,
cujus nomen Dániel : Et exclá-
mávit voce magna : Mundus
ego sum a ságuine hujus.
Et convérsus omnis pópulus
ad eum, dixit : Quis est iste
sermo, quem tu locútus es?
Qui cum staret in médio eó-
rum, ait : Sic fátui filii Israël,

non iudicantes, neque quod verum est cognoscētes, condemnastis filiam Israël? Revertimini ad iudiciū, quia falsum testimoniū locuti sunt adversus eam. Reversus est ergo pōpulus cum festinatione. Et dixit ad eos Dāniel : Separāte illos ab invicem procul, et dijudicābo eos. Cum ergo divisi essent alter ab āltero, vocāvit unum de eis, et dixit ad eum : Inveterāte diērum malōrum, nunc venērunt peccāta tua, quæ operabāris prius : iudicans iudicia injūsta, innocētes opprimens, et dimittens nōxios, dicēte Dōmino, Innocētem et iustum non interficies. Nunc ergo si vidisti eam, dic sub qua arbore videris eos colloquētes sibi. Qui ait : Sub schino. Dixit autem Dāniel : Recte mentitus es in caput tuum : Ecce enim Angelus Dei, accepta sentētia ab eo, scindet te mediū. Et, amōto eo, jussit venīre ālium, et dixit ei : Semen Chānaan, et non Juda, spēcies decēpit te, et concupiscētia subvertit cor tuum : Sic faciebātis filiābus Israël, et illæ timētes loquebantur vobis : Sed filia Juda non sustinuit iniquitatem vestram. Nunc ergo dic mihi, sub qua arbore comprehēderis eos loquētes sibi? Qui ait : Sub prino. Dixit autem ei Dāniel : Recte mentitus es et tu in caput tuum : Manet enim Angelus Dōmini, glādium habens, ut secet te mediū, et interficiat vos. Exclamāvit itaque omnis cōetus voce magna,

et benedixerunt Deum, qui salvat sperātes in se. Et consurrexerunt adversus duos seniōres (convicerat enim eos Dāniel ex ore suo falsum dixisse testimoniū) feceruntque eis sicut male ēgerant adversus prōximum : Et interfecerunt eos, et salvātus est sanguis innōxius in die illa.

℟. Ps. 22 Si āmbulem in medio umbræ mortis, non timebo mala : quōniam tu mecum es Dōmine. ℣. Virga tua, et bāculus tuus : ipsa me consolāta sunt.

✠ Sequētia sancti Evangēlii secūndum Joānnem. c. 2

IN illo tēpore : Perrēxit Jesus in montem Olivēti : et dilūculo iterum venit in templum, et omnis pōpulus venit ad eum, et sedens docēbat eos. Addūcunt autem Scribæ, et Pharisæi mulierem in adultērio deprehensam : et statuērunt eam in medio, et dixerunt ei : Magister, hæc mulier modo deprehensa est in adultērio. In lege autem Mōyses mandāvit nobis hujusmodi lapidāre. Tu ergo quid dicis? Hoc autem dicēbant tentātes eum, ut possent accusāre eum. Jesus autem inclinans se deorsum, digito scribebat in terra. Cum ergo perseverārent interrogātes eum, erexit se, et dixit eis : Qui sine peccāto est vestrum, primus in illam lāpidem mittat. Et iterum se inclinans, scribebat in terra. Audiētes autem unus post unum exībant, incipiētes a seniōribus :

Et remánsit solus Jesus, et múlter in médio stans. Eri-gens autem se Jesus, dixit ei : Múlter, ubi sunt, qui te accu-sábant? Nemo te condemnávit? Quæ dixit : Nemo, Dómine. Dixit autem Jesus : Nec ego te condemnábo : Vade, et jam ámplius noli peccáre.

Offertorium Ps. 118 Gressus meos dirige secúndum eló-quium tuum : ut non domi-nétur mei omnis injustítia, Dómine.

Secreta

CONCEDE, quæsumus omni-potens Deus : ut hujus sacrificii munus oblátum, fra-gilitátem nostram ab omni malo purget semper, et mú-niat. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Joann. 8 Nemo te condemnávit, múlter? Nemo, Dómine. Nec ego te condem-nábo : jam ámplius noli pec-cáre.

Postcommunio

QUÆSUMUS omnipotens Deus : ut inter ejus mem-bra numerémur; cujus córpori comunicámus, et sánguini : Qui tecum vivit et regnat.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

PRÆTENDE Dómine fidéli-bus tuis dexteram cæléstis auxílii : ut te toto corde perquírant; et quæ digne pó-

stulant, cónsequi mereántur : Per Dóminum.

DOMINICA QUARTA QUADRAGESIMÆ

Statio ad S. Crucem in Jerusalem

Officium

Isa. 66

LÆTARE Jerúsalem, et con-véntum fácite omnes qui diligitis eam : gaudéte cum lætítia, qui in tristítia fuístis, ut exsultétis, et satiémini ab ubéribus consolatiónis vestræ. **℣. Ps. 121** Lætátus sum in his, quæ dicta sunt mihi : In domum Dómini ibi-mus. **Gloria Patri.**

Oratio

CONCEDE, quæsumus omni-potens Deus : ut qui ex mérito nostræ actiόνis affligi-mur; tuæ grátiae consolatióne respíremus. Per Dóminum.

Secunda et tertia Oratio, pag. 63

Léctio Epístolæ beáti Pauli Apóstoli ad Gálatas. **c. 4**

FRATRES : Scriptum est, Quóniam Abraham duos filios hábuit : unum de ancilla, et unum de libera. Sed qui de ancilla, secúndum carnem natus est : Qui autem de libera, per repromissionem : Quæ sunt per allegoriam dicta. Hæc enim sunt duo testa-ménta. Unum quidem in monte Sina, in servitútem gé-nerans : quæ est Agar : Sina enim mons est in Arábia, qui conjúctus est ei, quæ nunc est Jerúsalem, et servit cum filiis suis. Illa autem, quæ sur-

sum est Jerúsalem, libera est, quæ est mater nostra. Scriptum est enim : Lætâre stérilis, quæ non paris : erúmpe, et clama, quæ non párturis : quia multi filii desértæ, magis quam ejus, quæ habet virum. Nos autem fratres, secúndum Isaac promissiónis filii sumus. Sed quómodo tunc is, qui secúndum carnem natus fúerat, persequébatur eum, qui secúndum spíritum : ita et nunc. Sed quid dicit Scriptúra? Ejice ancillam, et filium ejus : Non enim heres erit filius ancillæ cum filio liberæ. Itaque, fratres, non sumus ancillæ filii, sed liberæ : Qua libertáte Christus nos liberávit.

℟. Ps. 121 Lætátus sum in his, quæ dicta sunt mihi : In domum Dómini ibimus. ℣. Fiat pax in virtúte tua : et abundantia in túrribus tuis.

Tractus Ps. 124 Qui confidunt in Dómino sicut mons Sion : non commovébitur in ætérnum, qui hábitat in Jerúsalem. ℣. Montes in circúitu ejus : et Dóminus in circúitu pópuli sui, ex hoc nunc et usque in sáculum.

✠ Sequéntia sancti Evangélíi secúndum Joánnem. c. 6

IN illo témpore : Abiit Jesus trans mare Galilææ, quod est Tiberiádis : et sequebátur eum multitúdo magna, quia vidébant signa, quæ faciébatur super his, qui infirmabántur. Súbiit ergo in montem Jesus : et ibi sedébat cum discíplis suis. Erat autem próximum

Pascha, dies festus Judæórum. Cum sublevásset ergo óculos Jesus, et vidísset quia multitúdo máxima venít ad eum, dixit ad Philíppum : Unde emémus panes, ut mandúcent hi? Hoc autem dicébat tentans eum : Ipse enim sciébat quid esset factúrus. Respóndit ei Philíppus : Ducentórum denariórum panes non sufficiunt eis, ut unusquisque módicum quid accípiat. Dicit ei unus ex discíplis ejus, Andréas frater Simónis Petri : Est puer unus hic, qui habet quinque panes hordeáceos, et duos pisces : Sed hæc quid sunt inter tantos? Dixit ergo Jesus : Fácite hómines discúmbere. Erat autem fœnum multum in loco. Discubuérunt ergo viri, número quasi quinque millia. Accépit ergo Jesus panes : et cum grátias egisset, distribuit discumbéntibus : Similiter et ex piscibus quantum volébant. Ut autem impléti sunt, dixit discíplis suis : Collígite quæ superavérunt fragmenta, ne péreant. Collegérunt ergo, et implevérunt duódecim cóphinos fragmentórum ex quinque pánibus hordeáceis, quæ superfuérunt his, qui manducáverant. Illi ergo hómines cum vidissent quod Jesus fécerat signum, dicébant : Quia hic est vere prophéta, qui ventúrus est in mundum. Jesus ergo cum cognovísset quia ventúri essent ut ráperent eum, et fácerent eum regem, fugit íterum in montem ipse solus.

Credo.

Offertorium Ps. 134 Laudáte Dóminum, quia benígnus est : psállite nómini ejus, quóniam suávis est : ómnia quæcúmque vóluit, fecit in cælo et in terra.

Secreta

SACRIFICIIS præsentibus, Dómine quæsumus, inténde placátus : ut devotióni nostræ proficiant, et salúti. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 121 Jerúsalem, quæ ædificátur ut civitas, cujus participatio ejus in idípsum : illuc enim ascendérunt tribus, tribus Dómini, ad confiténdum nómini tuo, Dómine.

Postcommunio

DA nobis, quæsumus miséricors Deus : ut sancta tua, quibus incessanter explémur, sincéris tractémus obséquiiis; et fidéli semper mente sumámus : Per Dóminum.

Secunda et tertia Postcommunio, pag. 65

FERIA SECUNDA

Statio ad SS. Quatuor Coronatos

Officium

Ps. 53

DEUS in nómine tuo saluum me fac, et in virtúte tua libera me : Deus exáudi orationem meam. **℟.** Quóniam aliéni insurrexérunt in me, et fortes quæsiérunt ánimam meam. **Gloria Patri.**

Dóminus vobíscum. Orémus. Flectámus génua. Leváte.

Oratio

PRÆSTA, quæsumus omnipotens Deus : ut observatiónes sacras ánnua devotióne recoléntes; et corpore tibi placeámus, et mente : Per Dóminum.

Secunda et tertia Oratio, pag. 63

Lectio Libri Regum. 3, c. 3

IN diébus illis : Venérunt duæ mulieres meretrices ad regem Salomónem, steterúntque coram eo, quarum una ait : Obsecro, mi dómine : ego et múlter hæc habitabámus in domo una, et péperi apud eam in cubículo. Tértia autem die postquam ego péperi, péperit et hæc : Et erámus simul, nullúsque álius nobíscum in domo, excéptis nobis duábus. Mórtuus est autem filius mulieris hujus nocte : dórmienti quippe oppressit eum. Et consúrgens intempéstæ noctis siléntio, tulit filium meum de látere meo ancillæ tuæ dormiéntis, et collocávit in sinu suo : Suum autem filium, qui erat mórtuus, pósuit in sinu meo. Cumque surrexissem mane ut darem lac filio meo, apparuit mórtuus : Quem diligéntius intuens clara luce, deprehénderi non esse meum quem genueram. Responditque áltera múlter : Non est ita ut dicis, sed filius tuus mórtuus est, meus autem vivit. E contrário illa dicebat : Mentiris : Filius quippe meus vivit, et filius tuus mórtuus est. Atque in hunc modum contendébant

coram rege. Tunc rex ait : Hæc dicit, Filius meus vivit, et filius tuus mórtuus est. Et ista respóndit, Non, sed filius tuus mórtuus est, meus autem vivit. Dixit ergo rex : Afférte mihi gládium. Cumque attulissent gládium coram rege, Dividite, inquit, infántem vivum in duas partes, et date dimídiam partem uni, et dimídiam partem álteri. Dixit autem múlter, cujus filius erat vivus, ad regem (commóta sunt quippe víscera ejus super filio suo) : Obsecro dómíne, date illi infántem vivum, et nolite interficere eum. E contrário illa dicébat : Nec mihi, nec tibi sit, sed dividátur. Respóndit rex, et ait : Date huic infántem vivum, et non occidátur : Hæc est enim mater ejus. Audívit itaque omnis Israél judícium quod judicásset rex, et timuérunt regem, vidéntes sapiéntiam Dei esse in eo ad faciéndum judícium.

℟. Ps. 30 Esto mihi in Deum protectórem : et in locum refúgii, ut salvum me fácias.

℣. Deus in te sperávi, Dómíne non confúndar in ætérnum.

Tractus Ps. 102 Dómíne non secúndum peccáta nostra fácias nobis : neque secúndum iniquitátes nostras retribuas nobis. ℣. Ps. 78 Dómíne ne memineris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. ℣. *Hic genuflectitur* : ADJUVA NOS DEUS SALUTARIS NOSTER : et propter glóriam

nóminis tui Dómíne libera nos : et propítius esto peccátis nostris propter nomen tuum.

✠ Sequéntia sancti Evangélii secúndum Joánnem. c. 2

IN illo témpore : Prope erat Pascha Judæórum, et ascéndit Jesus Jerosólymam : Et invénit in templo vendéntes boves, et oves et colúmbas, et nummulários sedéntes. Et cum fecisset quasi flagéllum de funiculis, omnes ejécit de templo, oves quoque, et boves, et nummulariórum effúdit æs, et mensas subvértit. Et his, qui colúmbas vendébant, dixit : Auférte ista hinc, et nolite fácere domum Patris mei, domum negotiatiónis. Recordáti sunt vero discipuli ejus, quia scriptum est : Zelus domus tuæ comédit me. Respondérunt ergo Judæi, et dixérunt ei : Quod signum osténdis nobis, quia hæc facis? Respóndit Jesus, et dixit eis : Sóluite templum hoc, et in tribus diébus excitábo illud. Dixérunt ergo Judæi : Quadraginta et sex annis ædificátum est templum hoc, et tu in tribus diébus excitábis illud? Ille autem dicébat de templo córporis sui. Cum ergo resurrexisset a mórtuis, recordáti sunt discipuli ejus, quia hoc dicébat, et credidérunt Scriptúræ, et sermóni, quem dixit Jesus. Cum autem esset Jerosólymis in Pascha in die festo, multi credidérunt in nómine ejus, vidéntes signa ejus, quæ faciébat. Ipse autem Jesus non credébat semetípsum eis, eo

quod ipse nosset omnes, et quia opus ei non erat ut quis testimonium perhiberet de homine : Ipse enim sciebat quid esset in homine.

Offertorium Ps. 99 Jubiláte Deo omnis terra, servíte Dómino in lætitia : intráte in conspéctu ejus, in exsultatione : quia Dóminus ipse est Deus.

Secreta

OBLATUM tibi, Dómine, sacrificium vivíficet nos semper, et múniat. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 18 Ab occúltis meis munda me Dómine : et ab aliénis parce servo tuo.

Postcommunio

SUMPTIS, Dómine, salutáribus sacraméntis; ad redemptionis æternæ, quæsumus, proficiámus augméntum : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

DEPRECATIONEM nostram, quæsumus Dómine, benignus exáudi : et quibus supplicándi præstas afféctum; tribue defensiónis auxílium : Per Dóminum.

FERIA TERTIA

Statio ad S. Laurentium in Damaso

Officium

Ps. 54

EXAUDI Deus orationem meam, et ne despéxeris deprecationem meam : inténde in me, et exáudi me. **℟.** Constrictátus sum in exercitatione mea : et conturbátus sum a voce inimíci, et a tribulatione peccatóris. **Glória Patri.**

Dóminus vobíscum. Orémus. Flectámus génua. Leváte.

Oratio

SACRÆ nobis, quæsumus Dómine, observatiónis jejúnia; et piæ conversatiónis augméntum, et tuæ propitiatiónis continuum præstent auxílium : Per Dóminum.

Secunda et tertia Oratio, pag. 63

Lectio Libri Exodi. c. 32

IN diébus illis : Locútus est Dóminus ad Móysen, dicens : Descénde de monte : peccávit pópulus tuus, quem eduxisti de terra Ægýpti. Recessérunt cito de via, quam ostendisti eis : fecerúntque sibi vitulum conflátilem, et adoravérunt, atque immolántes ei hóstias, dixerunt : Isti sunt dii tui Israël, qui te eduxérunt de terra Ægýpti. Rursúmque ait Dóminus ad Móysen : Cerno quod pópulus iste duræ cervicis sit : dimítte me, ut irascátur furor meus contra eos, et déleam eos, faciámque te in gentem magnam. Móyses autem orábat Dóminum Deum

suum, dicens : Cur, Dómine, iráscitur furor tuus contra pópulum tuum, quem eduxísti de terra Ægýpti, in fortitúdine magna, et in manu robústa? Ne quæso dicant Ægýptii, Cállide edúxit eos, ut interficeret in móntibus, et deléret e terra : Quiéscat ira tua, et esto placábilis super nequítia pópuli tui. Recordáre Abraham, Isaac, et Israél servórum tuórum, quibus jurásti per temetípsum, dicens : Multiplícábo semen vestrum sicut stellas cæli : et univérsam terram hanc, de qua locútus sum, dabo sémini vestro, et possidébitis eam semper. Placátusque est Dóminus, ne fáceret malum, quod locútus fúerat advérsus pópulum suum.

℟. Ps. 43 Exsúrge Dómine, fer opem nobis : et libera nos propter nomen tuum. ℣. Deus áuribus nostris audívimus : patres nostri annuntiavérunt nobis opus, quod operátus es in diébus eórum, et in diébus antiquis.

✠ Sequéntia sancti Evangélíi secúndum Joánnem. c. 7

IN illo témpore : Jam die festo mediánte, ascéndit Jesus in templum, et docébat. Et mirabántur Judæi, dicéntes : Quómodo hic líttaras scit, cum non didicerit? Respóndit eis Jesus, et dixit : Mea doctrína non est mea, sed ejus, qui misit me. Si quis volúerit voluntátem ejus fácere : cognóscet de doctrína, utrum ex Deo sit, an ego a me ipso

loquar. Qui a semetípso lóquitur, glóriam própriam quærit. Qui autem quærit glóriam ejus, qui misit eum, hic verax est, et injustítia in illo non est. Nonne Móyses dedit vobis legem : et nemo ex vobis facit legem? Quid me quæritis interficere? Respóndit turba, et dixit : Dæmónium habes : Quis te quærit interficere? Respóndit Jesus, et dixit eis : Unum opus feci, et omnes mirámini. Proptérea Móyses dedit vobis circumcisiónem : (non quia ex Móyse est, sed ex pátribus) et in sábbato circumcíditis hóminem. Si circumcisiónem áccipit homo in sábbato, ut non solvátur lex Móysi : mihi indignámini, quia totum hóminem sanum feci in sábbato? Nolíte judicáre secúndum faciém, sed justum judícium judicáte. Dicébant ergo quidam ex Jerosólymis : Nonne hic est, quem quærunť interficere? Et ecce palam lóquitur, et nihil ei dicunt. Numquid vere cognovérunt príncipes quia hic est Christus? Sed hunc scimus unde sit : Christus autem cum vénerit, nemo scit unde sit. Clamábat ergo Jesus in templo docens, et dicens : Et me scitis, et unde sim scitis : et a me ipso non veni, sed est verus, qui misit me, quem vos nescítis. Ego scio eum : quia ab ipso sum, et ipse me misit. Quærébant ergo eum apprehéndere : et nemo misit in illum manus, quia nondum vénerat hora ejus. De turba autem multi credidérunt in eum.

Offertorium Ps. 39 Exspéctans exspéctávi Dóminum, et respéxit me : et exaudivit deprecationem meam : et immisit in os meum cánticum novum, hymnum Deo nostro.

Secreta

HÆC hóstia, Dómine quæsumus, emúndet nostra delicta; et ad sacrificium celebrándum, subditórum tibi córpora mentésque sanctificet. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 19 Lætábitur in salutári tuo : et in nómine Dómini Dei nostri magnificábitur.

Postcommunio

HUJUS nos, Dómine, percéptio sacraménti mundet a crimine; et ad cæléstia regna perdúcat : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

MISERERE Dómine pópulo tuo; et continuis tribulationíbus laborántem, propítius respiráre concéde : Per Dóminum.

FERIA QUARTA

Statio ad sanctum Paulum

Officium

Ezech. 36

CUM sanctificátus fúero in vobis, congregábo vos de univérsis terris : et effúdam super vos aquam

mundam, et mundabímmini ab ómnibus inquinaméntis vestris : et dabo vobis spíritum novum. **Ps. 33** Benedicam Dóminum in omni témpore : semper laus ejus in ore meo. **Glória Patri.**

Non dicatur Dóminus vobíscum sed

Orémus. Flectámus génua. Leváte.

Oratio

DEUS, qui et justis præmia meritórum, et peccatóribus per jejúnium véniam præbes : miserére supplicibus tuis; ut reátus nostri conféssio indulgéntiam váleat percípere delictórum : Per Dóminum.

Hæc Oratio est dicenda pro Memoria Feriæ, in Missa festi, si hac die occurrerit.

Léctio Ezechiélis Prophætæ.

c. 36

HÆC dicit Dóminus Deus : Sanctificábo nomen meum magnum, quod pollútum est inter gentes, quod polluitis in médio eárum : ut sciant gentes quia ego Dóminus, cum sanctificátus fúero in vobis coram eis : Tollam quippe vos de géntibus, et congregábo vos de univérsis terris, et addúcam vos in terram vestram. Et effúdam super vos aquam mundam, et mundabímmini ab ómnibus inquinaméntis vestris, et ab univérsis idólis vestris mundábo vos. Et dabo vobis cor novum, et spíritum novum ponam in médio vestri : Et áuferam cor lapideum de carne vestra, et dabo vobis cor cárneum. Et spíritum

meum ponam in médio vestri : et fáciam ut in præcéptis meis ambulétis, et iudícia mea custodiátis, et operémini. Et habitábitis in terra, quam dedi pátribus vestris : et éritis mihi in pópulum, et ego ero vobis in Deum. Dicit Dóminus omnípotens.

℟. Ps. 33 Veníte filii, audíte me : timórem Dómini docébo vos. **℣.** Accédite ad eum, et illuminámini : et fácies vestrae non confundéntur.

Dóminus vobíscum. Orémus. Flectámus gēnuā. Leváte.

Oratio

PRÆSTA, quæsumus omnípotens Deus : ut quos jejúnia votiva castigant, ipsa quoque devótio sancta lætíficet; ut terrénis afféctibus mitigátis, facílius cæléstia capíamus : Per Dóminum.

Secunda et tertia Oratio, pag. 63

Lectio Isaíæ Prophétæ. **c. 1**

HÆC dicit Dóminus Deus : Lavámini, mundi estóte, auférte malum cogitatiónum vestrarum ab óculis meis : Quiéscite ágere perversé, discite benefácere : Quærite iudícium, subveníte opprésso, iudicáte pupillo, deféndite víduam. Et veníte, et argúite me, dicit Dóminus : Si fúerint peccáta vestra ut cóccinum, quasi nix dealbabúntur : Et si fúerint rubra quasi vermiculus, velut lana alba erunt. Si voluéritis, et audiéritis me, bona terræ comedétis. Dicit Dóminus omnípotens.

℟. Ps. 32 Beáta gens, cujus est Dóminus, Deus eórum : pópulus, quem elégit Dóminus in hereditátem sibi. **℣.** Verbo Dómini cæli firmáti sunt : et spírítu oris ejus omnis virtus eórum.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. **℣. Ps. 78** Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℣. Hic genuflectitur** : ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ Sequéntia sancti Evangélíi secúndum Joánnem. **c. 9**

IN illo témpore : Prætériens Jesus vidit hóminem cæcum a nativité : Et interrogavérunt eum discípuli ejus : Rabbi, quis peccávit, hic, aut paréntes ejus, ut cæcus nascerétur? Respóndit Jesus : Neque hic peccávit, neque paréntes ejus : sed ut manifesténtur ópera Dei in illo. Me opórtet operári ópera ejus, qui misit me, donec dies est : Venit nox, quando nemo potest operári. Quámdui sum in mundo, lux sum mundi. Hæc cum dixisset, éxspuit in terram, et fecit lutum ex sputo, et linívit lutum super óculos ejus, et dixit ei : Vade, lava in natatória Siloë (quod interpretátur

Missus). Abiit ergo, et lavit, et venit videns. Itaque vicini, et qui viderant eum prius quia mendicus erat, dicebant : Nonne hic est, qui sedebat, et mendicabat? Alii dicebant, Quia hic est. Alii autem, Nequáquam, sed similis est ei. Ille vero dicebat, Quia ego sum. Dicebant ergo ei : Quómodo apérti sunt tibi óculi? Respóndit : Ille homo, qui dicitur Jesus, lutum fecit : et unxit óculos meos, et dixit mihi : Vade ad natatória Siloë, et lava. Et ábii, lavi, et video. Et dixerunt ei : Ubi est ille? Ait : Nescio. Adducunt eum ad Phariséos, qui cæcus fuerat. Erat autem sabbatum, quando lutum fecit Jesus, et aperuit óculos ejus. Iterum ergo interrogabant eum Phariséi, quómodo vidisset. Ille autem dixit eis : Lutum mihi posuit super óculos, et lavi, et video. Dicebant ergo ex Phariséis quidam : Non est hic homo a Deo, qui sabbatum non custodit. Alii autem dicebant : Quómodo potest homo peccátor hæc signa facere? Et schisma erat inter eos. Dicunt ergo cæco iterum : Tu quid dicis de illo, qui aperuit óculos tuos? Ille autem dixit, Quia prophéta est. Non crediderunt ergo Judæi de illo, quia cæcus fuisset et vidisset, donec vocaverunt paréntes ejus, qui viderat : Et interrogaverunt eos, dicentes : Hic est filius vester, quem vos dicitis quia cæcus natus est? Quómodo ergo nunc videt? Respondérunt eis paréntes ejus, et dixerunt :

Scimus quia hic est filius noster, et quia cæcus natus est : Quómodo autem nunc videat, nescimus : aut quis ejus aperuit óculos, nos nescimus : Ipsum interrogáte : Ætatem habet, ipse de se loquatur. Hæc dixerunt paréntes ejus, quóniam timébant Judæos : Jam enim conspiráverant Judæi, ut si quis eum confiteretur esse Christum, extra synagógam fieret. Propterea paréntes ejus dixerunt, Quia ætatem habet, ipsum interrogáte. Vocaverunt ergo rursum hóminem, qui fuerat cæcus, et dixerunt ei : Da glóriam Deo. Nos scimus, quia hic homo peccátor est. Dixit ergo eis ille : Si peccátor est, nescio : Unum scio, quia cæcus cum essem, modo video. Dixerunt ergo illi : Quid fecit tibi? Quómodo aperuit tibi óculos? Respóndit eis : Dixi vobis jam, et audistis : Quid iterum vultis audire? Numquid et vos vultis discipuli ejus fieri? Maledixerunt ergo ei, et dixerunt : Tu discipulus illius sis : nos autem Móysi discipuli sumus. Nos scimus quia Móysi locútus est Deus : hunc autem nescimus unde sit. Respóndit ille homo, et dixit eis : In hoc enim mirabile est, quia vos nescitis unde sit, et aperuit meos óculos : Scimus autem quia peccatóres Deus non audit : sed si quis Dei cultor est, et voluntatem ejus facit, hunc exáudit. A sæculo non est auditum, quia quis aperuit óculos cæci nati. Nisi esset hic a Deo, non póterat facere quidquam. Re-

spondérunt, et dixerunt ei : In peccátis natus es totus, et tu doces nos? Et ejecérunt eum foras. Audívit Jesus quia ejecérunt eum foras : et cum invenísset eum, dixit ei : Tu credis in Filium Dei? Respóndit ille, et dixit : Quis est, Dómine, ut credam in eum? Et dixit ei Jesus : Et vidísti eum, et qui lóquitur tecum, ipse est. At ille ait : Credo Dómine. *Hic genuflectitur* : ET PROCIDENS ADORAVIT EUM.

Offertorium Ps. 65 Benedícite gentes Dóminum Deum nostrum, et obaudíte vocem laudis ejus, qui pósuit ánimam meam ad vitam, et non dedit commovéri pedes meos : benedictus Dóminus, qui non amóvit deprecaciónem meam, et misericórdiam suam a me.

Secreta

SUPPLICES te rogámus, omnípotens Deus, ut his sacrificiis peccáta nostra mündéntur; quia tunc veram nobis tribuis et mentis et córporis sanitátem. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Joan. 9 Lutum fecit ex sputo Dóminus, et linívit óculos meos : et ábii, et lavi, et vidi, et crédidi Deo.

Postcommunio

SACRAMENTA, quæ sumpsimus, Dómine Deus noster : et spirituálibus nos répleant aliméntis; et corporálibus tueántur auxiliis : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

PATEANT aures misericórdiæ tuæ, Dómine, precibus supplicántium : et ut peccéntibus desideráta concédas; fac eos quæ tibi sunt plácita postuláre : Per Dóminum.

FERIA QUINTA

Statio ad SS. Silvestrum et Martinum

Officium

Ps. 104

LÆTETUR cor quæréntium Dóminum : quærite Dóminum, et confirmámini : quærite fáciem ejus semper. *℟.* Confitémini Dómino, et invocáte nomen ejus : annuntiáte inter gentes ópera ejus. **Glória Patri.**

Dóminus vobiscum. Orémus. Flectámus génua. Leváte.

Oratio

PRÆSTA, quæsumus omnipotens Deus : ut quos jejúnia votiva castigant, ipsa quoque devótio sancta lætíficet; ut terrénis afféctibus mitigátis, facilius cæléstia capiámus : Per Dóminum.

Secunda et tertia Oratio, pag. 63

Lectio Libri Regum. 4, c. 4

IN diébus illis : Venit múlter Sunamítis ad Eliséum in montem Carméli : Cumque vidísset eam vir Dei e contra, ait ad Giezi púerum suum : Ecce Sunamítis illa. Vade ergo in occúrsum ejus, et dic ei : Recte ne ágitur circa te, et circa virum tuum, et circa

filium tuum? Quæ respóndit : Recte. Cumque venisset ad virum Dei in montem, apprehéndit pedes ejus : Et accéssit Giezi, ut amovéret eam. Et ait homo Dei : Dimítte illam : ánima enim ejus in amaritúdine est, et Dóminus celávit a me, et non indicávit mihi. Quæ dixit illi : Numquid petívi filium a dómينو meo? Numquid non dixi tibi, Ne illúdas me? Et ille ait ad Giezi : Accinge lumbos tuos, et tolle báculum meum in manu tua, et vade. Si occurrerit tibi homo, non salútes eum : Et si salutáverit te quispiam, non respóndebas illi : Et pones báculum meum super fáciem púeri. Porro mater púeri ait : Vivit Dóminus, et vivit ánima tua, non dimíttam te. Surréxit ergo, et secútus est eam. Giezi autem præcésserat ante eos, et posúerat báculum super fáciem púeri, et non erat vox, neque sensus : Reversúsque est in occúrsum ejus, et nuntiávit ei, dicens : Non surréxit puer. Ingréssus est ergo Eliséus domum, et ecce puer mórtuus jacébat in léctulo ejus : Ingréssúsque clausit óstium super se, et super púerum : et orávit ad Dóminum. Et ascéndit, et incúbuit super púerum : posuítque os suum super os ejus, et óculos suos super óculos ejus, et manus suas super manus ejus : Et incurvávit se super eum, et calefacta est caro púeri. At ille revérsus, deambulávit in domo, semel huc atque illuc : Et ascéndit,

et incúbuit super eum : et oscitávit puer sépties, aperuítque óculos. At ille vocávit Giezi, et dixit ei : Voca Sunamítidem hanc. Quæ vocáta, ingréssa est ad eum. Qui ait : Tolle filium tuum. Venit illa, et córruit ad pedes ejus, et adorávit super terram : Tulítque filium suum, et egréssa est, et Eliséus revérsus est in Gálgala.

℟. Ps. 73 Réspice Dómine in testaméntum tuum : et ánimas páuperum tuórum ne obliviscáris in finem. ℣. Exsúrge Dómine, et júdica causam tuam : memor esto oppróbrii servórum tuórum.

✠ Sequéntia sancti Evangélíi secúndum Lucam. c. 7

IN illo témpore : Ibat Jesus in civitátem, quæ vocátur Naim : et ibant cum eo discípuli ejus, et turba copiósá. Cum autem appropinquáret portæ civitátis, ecce defúctus efferebátur filius únicus matris suæ : Et hæc vídua erat : et turba civitátis multa cum illa. Quam cum vidisset Dóminus, misericórdia motus super eam, dixit illi : Noli flere. Et accéssit, et tétigit lóculum. (Hi autem, qui portábant, steterunt.) Et ait : Adoléscens, tibi dico, surge. Et resédit qui erat mórtuus, et coépít loqui. Et dedit illum matri suæ. Accepit autem omnes timor : et magnificábant Deum, dicéntes : Quia prophéta magnus surréxit in nobis : et quia Deus visitávit plebem suam.

Offertorium Ps. 69 Dómine ad adjuvándum me festína : confundántur omnes, qui cógitant servis tuis mala.

Secreta

PURIFICA nos miséricors Deus : ut Ecclesiæ tuæ preces, quæ tibi gratæ sunt, pia múnera deferéntes, fiant expiátis méntibus gratióres. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Ps. 70 Dómine memorábor justitiæ tuæ solius : Deus docuisti me a juventúte mea, et usque in senéctam et sénium, Deus ne derelinquas me.

Postcommunio

CÆLESTIA dona capiéntibus, quæsumus Dómine, non ad iudícium proveníre patiáris; quæ fidélibus tuis ad remédium providisti : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

POPULI tui Deus institútór et rector : peccáta, quibus impugnátur, expélle; ut semper tibi plácitus, et tuo munimine sit secúrus : Per Dóminum.

FERIA SEXTA

Statio ad S. Eusebium

Officium

Ps. 18

MEDITATIO cordis mei in conspéctu tuo semper : Dómine adjútor meus, et redémptor meus. *℟.* Cæli enárrant glóriam Dei, et ópera mánuum ejus annúntiat firmaméntum. Glória Patri.

Dóminus vobiscum. Orémus. Flectámus génua. Leváte.

Oratio

DEUS, qui ineffabilibus mundum rénovas sacraméntis : præsta quæsumus, ut Ecclesiá tua et ætérnis proficiat institútis; et temporálibus non destituátur auxiliis : Per Dóminum.

Secunda et tertia Oratio, pag. 63

Léctio Libri Regum. 3, c. 17

IN diébus illis : Ægrotávit filius mulieris matrisfamilias, et erat languor fortíssimus, ita ut non remanéret in eo hálitus. Dixit ergo ad Eliam : Quid mihi et tibi vir Dei? Ingréssus es ad me, ut rememoraréntur iniquitátes meæ, et interficeres filium meum? Et ait ad eam Eliás : Da mihi filium tuum. Tulitque eum de sinu ejus, et portávit in cenáculum ubi ipse manébat, et pósuit super léctulum suum. Et clamávit ad Dóminum, et dixit : Dómine Deus meus, étiam ne víduam, apud quam ego utcúmque susténctor, afflixisti ut interficeres

filium ejus? Et expándit se, atque mensus est super púerum tribus vícibus, et clamávit ad Dóminum, et ait : Dómine Deus meus, revertátur óbsecro ánima púeri hujus in víscera ejus. Et exaudivit Dóminus vocem Eliæ : et revérta est ánima púeri intra eum, et revíxit. Tulítque Eliás púerum, et depósuit eum de cenáculo in inferiorem domum, et trádidit matri suæ, et ait illi : En vivit filius tuus. Dixítque múlter ad Eliam : Nunc, in isto cognóvi quóniam vir Dei es tu, et verbum Dómini in ore tuo verum est.

℟. Ps. 117 Bonum est confidere in Dómino, quam confidere in hómine. ℣. Bonum est speráre in Dómino, quam speráre in princípibus.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. ℣. Ps. 78 Dómine ne memínaris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. ℣. *Hic genuflectitur* : ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ Sequéntia sancti Evangélíi secúndum Joánnem. c. 11

IN illo témpore : Erat quidam languens Lázarus a Bethánia, de castélló Mariæ, et Marthæ soróris ejus. (María

autem erat, quæ unxit Dóminum unguénto, et extérsit pedes ejus capíllis suis : cujus frater Lázarus infirmabátur.) Misérunt ergo soróres ejus ad eum, dicéntes : Dómine, ecce quem amas infirmátur. Audiens autem Jesus, dixit eis : Infirmitas hæc non est ad mortem, sed pro glória Dei, ut glorificétur Filius Dei per eam. Diligébat autem Jesus Martham, et sorórem ejus Mariam, et Lázarum. Ut ergo audivit quia infirmabátur, tunc quidem mansit in eódem loco duóbus diébus. Deínde post hæc dixit discíplis suis : Eámus in Judæam iterum. Dicunt ei discípli : Rabbi, nunc quærébant te Judæi lapidáre, et iterum vadis illuc? Respóndit Jesus : Nonne duódecim sunt horæ diéi? Si quis ambuláverit in die, non offéndit, quia lucem hujus mundi videt : Si autem ambuláverit in nocte, offéndit, quia lux non est in eo. Hæc ait, et post hæc dixit eis : Lázarus amicus noster dormit : sed vado ut a somno éxcitem eum. Dixérunt ergo discípli ejus : Dómine, si dormit, salvus erit. Dixerat autem Jesus de morte ejus : illi autem putavérunt quia de dormitióne somni diceret. Tunc ergo Jesus dixit eis manifesté : Lázarus mórtuus est : et gáudeo propter vos, ut credátis, quóniam non eram tibi. Sed eámus ad eum. Dixit ergo Thomas, qui dicitur Dídymus, ad condiscípulos : Eámus et nos, ut moriámur cum eo. Venit itaque Jesus : et invénit

eum quattuor dies jam in monumento habentem. (Erat autem Bethania juxta Jerosolymam quasi stadiis quindecim.) Multi autem ex Judaeis venerant ad Martham, et Mariam, ut consolarentur eas de fratre suo. Martha ergo ut audivit quia Jesus venit, occurrit illi : Maria autem domi sedebat. Dixit ergo Martha ad Jesum : Domine, si fuisses hic, frater meus non fuisset mortuus : Sed et nunc scio, quia quaecumque poposceris a Deo, dabit tibi Deus : Dicit illi Jesus : Resurget frater tuus. Dicit et Martha : Scio quia resurget in resurrectione in novissimo die. Dixit ei Jesus : Ego sum resurrectio, et vita : Qui credit in me, etiam si mortuus fuerit, vivet : Et omnis, qui vivit, et credit in me, non morietur in aeternum. Credis hoc? Ait illi : Utique Domine, ego credidi, quia tu es Christus Filius Dei vivi, qui in hunc mundum venisti. Et cum haec dixisset, abiit, et vocavit Mariam sororem suam silentio, dicens : Magister adest, et vocat te. Illa ut audivit, surgit cito, et venit ad eum : Nondum enim venerat Jesus in castellum : sed erat adhuc in illo loco, ubi occurrerat ei Martha. Judaei ergo, qui erant cum ea in domo, et consolabantur eam, cum viderent Mariam quia cito surrexit, et exiit, secuti sunt eam dicentes, Quia vadit ad monumentum, ut ploret ibi. Maria ergo, cum venisset ubi erat Jesus, videns eum, cecidit ad

pedes ejus, et dicit ei : Domine, si fuisses hic, non esset mortuus frater meus. Jesus ergo, ut vidit eam plorantem, et Judaeos, qui venerant cum ea, plorantes, infremitu spiritu, et turbavit seipsum, et dixit : Ubi posuistis eum? Dicunt ei : Domine, veni, et vide. Et lacrymatus est Jesus. Dixérunt ergo Judaei : Ecce quomodo amabat eum. Quidam autem ex ipsis dixérunt : Non poterat hic, qui aperuit oculos caeci nati, facere ut hic non moreretur? Jesus ergo rursum fremens in semetipso, venit ad monumentum. Erat autem spelunca : et lapis superpositus erat ei. Ait Jesus : Tollite lapidem. Dicit ei Martha, soror ejus, qui mortuus fuerat : Domine, jam foetet, quatriduanus est enim. Dicit ei Jesus : Nonne dixi tibi, quoniam si credideris, videbis gloriam Dei? Tulérunt ergo lapidem : Jesus autem elevatis sursum oculis, dixit : Pater gratias ago tibi, quoniam audisti me. Ego autem sciebam quia semper me audis, sed propter populum, qui circumstat, dixi : ut credant quia tu me misisti. Haec cum dixisset, voce magna clamavit : Lazare veni foras. Et statim prodiit qui fuerat mortuus, ligatus pedes, et manus intitis, et facies illius sudario erat ligata. Dixit eis Jesus : Solvite eum, et sinite abire. Multi ergo ex Judaeis, qui venerant ad Mariam, et Martham, et viderant quae fecit Jesus, crediderunt in eum.

Offertorium Ps. 17 Pópulum húmílem saluum fácies Dómine, et óculos superbórum humiliábis : quóniam quis Deus præter te, Dómine?

Secreta

MUNERA nos, Dómine quæsumus, obláta purificent, et te nobis júgiter fácient esse placátum. Per Dóminum.

Secunda et tertia Secreta, pag. 65

Præfatio Qui corporáli jejúnio.

Communio Joann. 11 Videns Dóminus flentes soróres Lázari ad monuméntum, lacrymátus est coram Judæis, et exclamávit : Lázare veni foras. Et pródiit ligátis mánibus et pédibus, qui fúerat quadriúanus mórtuus.

Postcommunio

HÆC nos, quæsumus Dómine, participátio sacraménti, et a própriis reátibus indesinénter expédiat; et ab ómnibus tueátur advérsis : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

DA nobis, quæsumus omnipotens Deus : ut qui infirmitátis nostræ cónciis, de tua virtúte confidimus; sub tua semper pietáte gaudeámus : Per Dóminum.

SABBATO

Statio ad S. Nicolaum in Carcere

Officium

Isa. 55

SITIENTES veníte ad aquas, dicit Dóminus : et qui non habétis prétium, veníte, et bíbite cum lætítia. **Ps. 77** Atténdite pópule meus legem meam : inclináte aurem vestram in verba oris mei. **Glória Patri.**

Dóminus vobíscum. Orémus. Flectámus génua. Leváte.

Oratio

FIAT, Dómine, quæsumus, per grátiam tuam fructuósus nostræ devotiónis afféctus : quia tunc nobis próderunt suscepta jejúnia; si tuæ sint plácita pietáti : Per Dóminum.

Secunda et tertia Oratio, pag. 63

Léctio Isaíæ Prophétæ. c. 49

HÆC dicit Dóminus : In témpore plácito exaudivi te, et in die salútis auxiliátus sum tui : Et servávi te, et dedi te in fœdus pópuli, ut suscitáres terram, et possidéres hereditátes dissipátas : ut díceres his, qui vincti sunt, Exíte : et his, qui in ténebris, Revelámini. Super vias pascéntur, et in ómnibus planis páscua eórum. Non esúrient, neque sitient, et non percútiet eos æstus et sol : quia miserátor eórum reget eos, et ad fontes aquárum potábit eos. Et ponam omnes montes meos in viam, et sémitæ meæ exaltabúntur. Ecce isti de longe

vénient, et ecce illi ab Aquilone et mari, et isti de terra australi. Laudate cæli, et exsulta terra, jubilate montes laudem : quia consolatus est Dominus populum suum, et pauperum suorum miserabitur. Et dixit Sion : Dereliquit me Dominus, et Dominus oblitus est mei. Numquid oblivisci potest mulier infan-tem suum, ut non misereatur filio uteri sui? Et si illa oblita fuerit, ego tamen non obliviscar tui. Dicit Dominus omnipotens.

℟. Ps. 9 Tibi Domine derelictus est pauper : pupillo tu eris adiutor. **℣.** Ut quid Domine recessisti longe, despicias in opportunitatibus, in tribulatione? dum superbit impius, incenditur pauper.

✠ **Sequencia sancti Evangelii** secundum Joannem. **c. 8**

IN illo tempore : Locutus est Jesus turbis Judæorum, dicens : Ego sum lux mundi : Qui sequitur me, non ambulat in tenebris, sed habebit lumen vite. Dixérunt ergo ei Pharisei : Tu de teipso testimonium perhibes : testimonium tuum non est verum. Respondit Jesus, et dixit eis : Et si ego testimonium perhibeo de meipso, verum est testimonium meum : quia scio unde veni, et quo vado : Vos autem nescitis unde venio, aut quo vado. Vos secundum carnem judicatis : ego non iudico quemquam : Et si iudico ego, iudicium meum verum est,

quia solus non sum : sed ego, et qui misit me, Pater. Et in lege vestra scriptum est, quia duorum hominum testimonium verum est. Ego sum, qui testimonium perhibeo de meipso : et testimonium perhibet de me, qui misit me, Pater. Dicebant ergo ei : Ubi est Pater tuus? Respondit Jesus : Neque me scitis, neque Patrem meum : Si me sciretis, forsitan et Patrem meum sciretis. Hæc verba locutus est Jesus in gazophylacio, docens in templo : Et nemo apprehendit eum, quia necdum venerat hora ejus.

Offertorium Ps. 17 Factus est Dominus firmamentum meum, et refugium meum, et liberator meus : sperabo in eum.

Secreta

OBLATIONIBUS nostris, quæsumus Domine, placare susceptis, et ad te nostras etiam rebelles compelle propitius voluntates. Per Dominum.

Secunda et tertia Secreta, pag. 65

Præfatio Qui corporali jejunio.

Communio Ps. 22 Dominus regit me, et nihil mihi deerit : in loco pascuæ ibi me collocavit : super aquam refectionis educavit me.

Postcommunio

TUA nos, quæsumus Domine, sancta purificent; et operatione sua tibi placitos esse perficiant. Per Dominum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

DEUS, qui sperántibus in te miseréri pótius éligis, quam irásci : da nobis digne flere mala, quæ fécimur; ut tuæ consolatiónis grátiam invenire mereámur : Per Dóminum.

DOMINICA IN PASSIONE

Statio ad S. Petrum

Officium

Ps. 42

JUDICA me Deus, et discérne causam meam de gente non sancta : ab hómine iníquo, et dolóso éripe me : quia tu es Deus meus, et fortitúdo mea. *℟.* Emitte lucem tuam et veritátem tuam : ipsa me deduxérunt, et adduxérunt in montem sanctum tuum, et in tabernácula tua. Júdica me.

Ab hac Dominica usque ad Cenam Domini inclusive in Missis de Tempore, omisso Glória Patri, repetitur Introitus usque ad *℣.* exclusive.

Oratio

QUÆSUMUS omnipotens Deus, famíliam tuam propítius réspice : ut te largiénte regátur in corpore; et te servánte custodiátur in mente : Per Dóminum.

Secunda et tertia Oratio, pag. 63

Léctio Epistolæ beáti Pauli Apóstoli ad Hebræos. **c. 9**

FRATRES : Christus assístens póntifex futurórum bonórum, per ámplius et per-

féctius tabernáculum non manufáctum, id est, non hujus creatiόνis : neque per sánguinem hircórum, aut vitulórum, sed per próprium sánguinem introívit semel in Sancta, æténa redemptiône invénta. Si enim sanguis hircórum, et taurórum, et cinis vitulæ aspérsus inquinátos sanctificat ad emundatióem carnis : quanto magis sanguis Christi, qui per Spíritum Sanctum semetípsam óbtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ídeo novi testaménti mediátor est : ut morte intercedénte, in redemptióem earum prævaricatiónum, quæ erant sub prióri testaménto, repromissióem accípiant qui vocáti sunt æternæ hereditátis : In Christo Jesu Dómino nostro.

℟. **Ps. 142** Eripe me Dómine de inimícis meis : doce me fácere voluntátem tuam.

℟. **Ps. 17** Liberátor meus Dómine de géntibus iracúndis : ab insurgéntibus in me exaltábis me : a viro iníquo erípies me.

Tractus Ps. 128 Sæpe expugnávérunt me a juventúte mea. *℟.* Dicat nunc Israël : Sæpe expugnávérunt me a juventúte mea. *℟.* Etenim non potuérunt mihi : supra dorsum meum fabricávérunt peccatóres. *℟.* Prolongávérunt iniquitátes suas : Dóminus justus concídet cervíces peccatórum.

✠ **Sequētia sancti Evangēlii**
secūndum Joānnem. **c. 8**

IN illo tēpore : Dicēbat
Jesus turbis Judæorum :
Quis ex vobis arguet me de
peccāto? Si veritātem dico vo-
bis, quare non crēditis mihi?
Qui ex Deo est, verba Dei
audit. Propterea vos non au-
ditis, quia ex Deo non estis.
Respondērunt ergo Judæi, et
dixerunt ei : Nonne bene dīci-
mus nos quia Samaritānus es
tu, et dæmōnium habes? Re-
spōndit Jesus : Ego dæmō-
nium non hābeo : sed hono-
rifico Patrem meum, et vos
inhonorāstis me. Ego autem
non quæro glóriam meam :
est qui quærat, et júdicet.
Amen, amen dico vobis : si
quis sermōnem meum servá-
verit, mortem non vidēbit in
ætérnum. Dixerunt ergo Ju-
dæi : Nunc cognóvimus quia
dæmōnium habes. Abraham
mórtuus est, et prophēta : et
tu dicis, Si quis sermōnem
meum serváverit, non gustá-
bit mortem in ætérnum. Num-
quid tu major es patre nostro
Abraham, qui mórtuus est?
Et prophēta mórtui sunt.
Quem teipsum facis? Respōn-
dit Jesus : Si ego glorifico
meipsum, glória mea nihil est :
Est Pater meus, qui glorificat
me, quem vos dicitis quia
Deus vester est, et non cogno-
vistis eum : Ego autem novi
eum : Et si dixerō quia non
scio eum, ero similis vobis,
mendax. Sed scio eum, et ser-
mōnem ejus servo. Abraham
pater vester exsultāvit ut vi-

déret diem meum : vidit, et
gavisus est. Dixerunt ergo Ju-
dæi ad eum : Quinquaginta
annos nondum habes, et Abra-
ham vidisti? Dixit eis Jesus :
Amen, amen dico vobis, ánte-
quam Abraham fieret, ego
sum. Tulērunt ergo lápidēs,
ut jácerent in eum : Jesus
autem abscondit se, et exivit
de templo. **Credo.**

Offertorium Ps. 118 Confi-
tēbor tibi Dómine in toto corde
meo : retribue servo tuo, vi-
vam, et custódiam sermōnes
tuos : vivifica me secūndum
verbum tuum Dómine.

Secreta

HÆC múnera, quāsumus
Dómine, et víncula no-
stræ pravitátis absólvant, et
tuæ nobis misericórdiæ dona
concílient. Per Dóminum.

Secunda et tertia Secreta, pag. 65

Præfatio Qui salútem humáni.

Hæc Præfatio de Cruce dicatur
semper usque ad Cenam Domini
inclusive, etiam in Missa de Sancto,
nisi propriam habuerit.

Communio 1 Cor. 11 Hoc
corpus, quod pro vobis tra-
détur : hic calix novi testa-
ménti est in meo ságuine,
dicit Dóminus : hoc fácite,
quotiescúmque súmitis, in
meam commemoratiónem.

Postcommunio

ADESTO nobis Dómine Deus
noster : et quos tuis my-
stériis recreásti; perpétuis
defēde subsidiis : Per Dó-
minum.

Secunda et tertia Postcommunio,
pag. 65

FERIA SECUNDA

Statio ad S. Chrysogonum

Officium

Ps. 55

MISERERE mihi Dómine, quóniam conculcávit me homo : tota die bel-lans tribulávit me. *℣.* Concul-cavérunt me inimíci mei tota die : quóniam multi bellántes advérsus me. *Miserére mihi.*

Dóminus vobíscum. Orémus. Flectámus génua. Leváte.

Oratio

SANCTIFICA, quæsumus Dómine, nostra jejúnia; et cunctárum nobis indulgéntiam propítius largíre culpárum : Per Dóminum.

Secunda et tertia Oratio, pag. 63

Léctio Jonæ Prophétæ. c. 3

IN diébus illis : Factum est verbum Dómini ad Jonam prophétam secúndo, dicens : Surge, et vade in Niniven civitátem magnam : et prædica in ea prædicationem, quam ego loquor ad te. Et surréxit Jonas, et ábiit in Niniven juxta verbum Dómini : Et Nínive erat civitas magna itinere trium diérum. Et cœpit Jonas introíre in civitátem itinere diéi unius : et clamávit, et dixit : Adhuc quadraginta dies, et Nínive subvertétur. Et credidérunt viri Ninivítæ in Deum : et prædicavérunt jejúnium, et vestiti sunt saccis a majóre usque ad minórem. Et pervénit verbum ad regem Nínive : et surréxit de sólio suo, et abjécit vestiméntum suum a se, et indútus est

sacco, et sedit in cinere. Et clamávit, et dixit in Nínive ex ore regis et princípum ejus, dicens : Hómines, et juménta, et boves, et pécora non gustent quidquam : nec pascántur, et aquam non bibant. Et operiántur saccis hómines, et juménta, et clament ad Dóminum in fortitú-dine, et convertátur vir a via sua mala, et ab iniquitáte, quæ est in má-nibus eórum. Quis scit si convertátur, et ignóscat Deus : et revertátur a furóre iræ suæ, et non peribimus? Et vidit Deus ópera eórum, quia convérsi sunt de via sua mala : Et misértus est pópulo suo Dóminus Deus noster.

℣. Ps. 53 Deus exáudi orationem meam : áuribus pécipe verba oris mei. *℣.* Deus in nómine tuo salvum me fac : et in virtúte tua libera me.

Tractus Ps. 102 Dómine non secúndum peccáta nostra fá-cias nobis : neque secúndum iniquitátes nostras retribuas nobis. *℣.* Ps. 78 Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. *℣. Hic genuflectitur :* ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ Sequéntia sancti Evangélii secúndum Joánnem. c. 7

IN illo témpore : Misérunt principes, et Pharisæi ministros, ut apprehénderent

Jesum. Dixit ergo eis Jesus : Adhuc módicum tempus vobiscum sum : et vado ad eum, qui me misit. Quæréis me, et non inveniétis : et ubi ego sum, vos non potéstis venire. Dixérunt ergo Judæi ad semetipsos : Quo hic itúrus est, quia non inveniémus eum? Numquid in dispersiónem gentium itúrus est, et doctúrus gentes? Quis est hic sermo, quem dixit, Quæréis me, et non inveniétis : et ubi sum ego, vos non potéstis venire? In novíssimo autem die magno festivitátis stabat Jesus, et clamábat, dicens : Si quis sitit, véniat ad me, et bibat. Qui credit in me, sicut dicit Scriptúra, flúmina de ventre ejus fluent aquæ vivæ. Hoc autem dixit de Spíritu, quem acceptúri erant credéntes in eum.

Offertorium Ps. 6 Dómine convertere, et éripe ánimam meam : salvum me fac propter misericórdiam tuam.

Secreta

CONCEDE nobis, Dómine Deus noster : ut hæc hostia salutáris, et nostrórum fiat purgatio delictórum, et tuæ propitiatio majestátis. Per Dóminum.

Secunda et tertia Secreta, pag. 65

Præfatio Qui salutem humáni.

Communio Ps. 23 Dóminus virtutum ipse est rex glóriæ.

Postcommunio

SACRAMENTI tui, quæsumus Dómine, participatio salutáris; et purificatióem nobis

tribuat, et medélam : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

DA, quæsumus Dómine, populo tuo salutem mentis et córporis : ut bonis opéribus inhæréndo; tua semper mereátur protectiõe deféndi : Per Dóminum.

FERIA TERTIA

Statio ad S. Cyriacum

Officium

Ps. 26

EXSPECTA Dóminum, viriliter age : et confortétur cor tuum, et sústine Dóminum. **℟.** Dóminus illuminatio mea, et salus mea, quem timébo? **Exspécta.**

Dóminus vobiscum. **Orémus.** Flectámus gènu. Leváte.

Oratio

NOSTRA tibi, Dómine quæsumus, sint accépta jejúnia : quæ nos et expiándo grátia tua dignos efficiant; et ad remédia perdúcant æténa : Per Dóminum.

Secunda et tertia Oratio, pag. 63

Léctio Daniélis Prophétæ.

c. 14

IN diébus illis : Congregáti sunt Babylónii ad regem, et dixerunt ei : Trade nobis Daniélem, qui Bel destrúxit, et draconem interfécit : Alióquin interficiémus te, et

domum tuam. Vidit ergo rex quod irrúerent in eum veheménter : et necessitaté compúlsus trádidit eis Daniélem. Qui misérunt eum in lacum leónum, et erat ibi diébus sex. Porro in lacu erant leónes septem, et dabántur eis duo córpora quotidie, et duæ oves : Et tunc non data sunt eis, ut devorárent Daniélem. Erat autem Hábacuc prophéta in Judæa, et ipse cóxerat pulméntum, et intríverat panes in alvéolo : et ibat in campum ut ferret messóribus. Dixítque Angelus Dómini ad Hábacuc : Fer prándium, quod habes, in Babylónem Daniéli, qui est in lacu leónum. Et dixit Hábacuc : Dómine, Babylónem non vidi, et lacum nescio. Et apprehéndit eum Angelus Dómini in vértice ejus, et portávit eum capillo cápitis sui, posuítque eum in Babylóne supra lacum in ímpetu spíritus sui. Et clamávit Hábacuc, dicens : Dániel serve Dei, tolle prándium, quod misit tibi Deus. Et ait Dániel : Recordátus es mei Deus, et non dereliquísti diligéntes te. Surgénsque Dániel comédit. Porro Angelus Dómini restítuit Hábacuc conféstim in loco suo. Venit ergo rex die séptimo, ut lugéret Daniélem : Et venit ad lacum, et introspéxit, et ecce Dániel sedens in médio leónum. Et exclamávit voce magna rex, dicens : Magnus es Dómine Deus Daniélis. Et extráxit eum de lacu leónum. Porro illos, qui perditionis ejus causa fúerant, intromisit

in lacum, et devoráti sunt in mómento coram eo. Tunc rex ait : Páveant omnes habitántes in univérsa terra Deum Daniélis : quia ipse est Salvátor, fáciens signa, et mirabilia in terra : Qui liberávit Daniélem de lacu leónum.

℟. Ps. 42 Discérne causam meam Dómine : ab hómine iníquo, et dolóso éripe me.

℣. Emítte lucem tuam et veritátem tuam : ipsa me deduxérunt, et adduxérunt in montem sanctum tuum.

✠ Sequéntia sancti Evangélíi secúndum Joánnem. c. 7

IN illo témpore : Ambulábat Jesus in Galilæam, non enim volébat in Judæam ambuláre : quia quærébant eum Judæi interficere. Erat autem in próximo dies festus Judæórum, Scenopégia. Dixérunt autem ad eum fratres ejus : Transi hinc, et vade in Judæam, ut et discipuli tui vídeant ópera tua, quæ facis. Nemo quippe in occúlto quid facit, et quærít ipse in palam esse : Si hæc facis, manifestá teípsum mundo. Neque enim fratres ejus credébant in eum. Dicit ergo eis Jesus : Tempus meum nondum advénit : tempus autem vestrum semper est parátum. Non potest mundus odísse vos : Me autem odit : quia ego testimónium perhíbeo de illo quod ópera ejus mala sunt. Vos ascéndite ad diem festum hunc, ego autem non ascéndo ad diem festum istum : quia meum tempus nondum implétum est.

Hæc cum dixisset, ipse mansit in Galilæa. Ut autem ascenderunt fratres ejus, tunc et ipse ascendit ad diem festum non manifeste, sed quasi in occulto. Judæi ergo quærebant eum in die festo, et dicebant : Ubi est ille? Et murmur multum erat in turba de eo. Quidam enim dicebant, Quia bonus est. Alii autem dicebant, Non, sed seducit turbas. Nemo tamen palam loquebatur de illo propter metum Judæorum.

Offertorium Ps. 9 Sperent in te omnes qui novêrunt nomen tuum Dómine, quóniam non derelinquis quærentes te : psállite Dómino, qui hábitat in Sion, quóniam non est oblitus orationes páuperum.

Secreta

HOSTIAS tibi, Dómine, deférimus immolándas, quæ temporálem consolationem significent, ut promissa non desperémus ætérna. Per Dóminum.

Secunda et tertia Secreta, pag. 65

Præfatio Qui salutem humáni.

Communio Ps. 24 Rédimme me, Deus Israël, ex ómnibus angústiis meis.

Postcommunio

DA, quæsumus omnípotens Deus : ut quæ divína sunt júgiter exsequéntes; donis mereámur cæléstibus propinquáre : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

DA nobis, quæsumus Dómine, perseverántem in tua voluntáte famulátum; ut in diébus nostris et mérito, et número, pópulus tibi sérvians augeátur : Per Dóminum.

FERIA QUARTA

Statio ad sanctum Marcellum

Officium

Ps. 17

LIBERATOR meus de géntibus iracúndis : ab insurgéntibus in me exaltábis me, a viro iníquo erípies me Dómine. ✠. Díligam te Dómine virtus mea : Dóminus firmaméntum meum, et refúgium meum, et liberátor meus. Liberátor.

Dóminus vobiscum. Orémus. Flectámus génua. Leváte.

Oratio

SANCTIFICATO hoc jejúnio, Deus, tuórum corda fidélium miserátor illústra : et quibus devotiónis præstas afféctum; præbe supplicántibus pium benígnus audítum : Per Dóminum.

Secunda et tertia Oratio, pag. 63

Lectio Libri Levítici. c. 19

IN diébus illis : Locútus est Dóminus ad Móysen, dicens : Lóquere ad omnem coetum filiórum Israël, et dices ad eos : Ego Dóminus Deus vester. Non faciétis furtum. Non mentiémín, nec decípiet unusquisque próximum suum. Non perjurarís in nómine meo,

nec póllues nomen Dei tui. Ego Dóminus. Non fácies calúmniam próximo tuo, nec vi ópprimes eum. Non morábitur opus mercenárii tui apud te usque mane. Non maledíces surdo, nec coram cæco pones offendículum : sed timébis Dóminum Deum tuum, quia ego sum Dóminus. Non fácies quod iníquum est, nec injúste judicábis. Non consideres persónam páuperis, nec honóres vultum poténtis. Juste júdica próximo tuo. Non eris criminátor, nec susúrro in pópulo. Non stabis contra ságuinem próximo tui. Ego Dóminus. Non óderis fratrem tuum in corde tuo, sed públice árgue eum, ne hábeas super illo peccátum. Non quæras ultiónem, nec memor eris injúriæ civium tuórum. Díliges amicum tuum sicut teípsum. Ego Dóminus. Leges meas custodite. Ego enim sum Dóminus Deus vester.

℟. Ps. 29 Exaltábo te Dómine, quóniam suscepísti me : nec delectásti inimícos meos super me. **℣.** Dómine Deus meus clamávi ad te, et sanásti me : Dómine abstraxísti ab inferis ánimam meam : salvásti me a descendéntibus in lacum.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. **℣. Ps. 78** Dómine ne memíneris iniquitátum nostrárum antiquárum : cito anticipent nos misericórdiæ tuæ,

quia páuperes facti sumus nimis. **℣. Hic genuflectitur :** ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ **Sequéntia sancti Evangélii** secúndum Joánnem. **c. 10**

IN illo témpore : Facta sunt Encænía in Jerosólymis : et hiems erat. Et ambulábat Jesus in templo, in pórticu Salomónis. Circumdedérunt ergo eum Judæi, et dicébant ei : Quoúsque ánimam nostram tollis? Si tu es Christus, dic nobis palam. Respóndit eis Jesus : Loquor vobis, et non créditis. Opera, quæ ego fácio in nómine Patris mei, hæc testimónium pérhibent de me : sed vos non créditis, quia non estis ex óvibus meis. Oves meæ vocem meam áudiunt : et ego cognósko eas, et sequúntur me : Et ego vitam ætérnam do eis : et non peribunt in ætérnum, et non rápiet eas quisquam de manu mea. Pater meus quod dedit mihi, majus ómnibus est : et nemo potest rápere de manu Patris mei. Ego, et Pater unum sumus. Sustulérunt ergo lápidés Judæi, ut lapidárent eum. Respóndit eis Jesus : Multa bona ópera osténdi vobis ex Patre meo, propter quod eórum opus me lapidátis? Responderunt ei Judæi : De bono ópere non lapidámus te, sed de blasphémia : et quia tu homo cum sis, facis teípsum Deum. Respóndit eis Jesus :

Nonne scriptum est in lege vestra : quia, Ego dixi, dii estis? Si illos dixit deos, ad quos sermo Dei factus est, et non potest solvi Scriptúra : quem Pater sanctificávit, et misit in mundum, vos dicitis, Quia blasphemás : quia dixi, Fílius Dei sum? Si non fácio ópera Patris mei, nolite crédere mihi. Si autem fácio : et si mihi non vultis crédere, opéribus créдите, ut cognoscátis, et credátis quia Pater in me est, et ego in Patre.

Offertorium Ps. 58 Eripe me de inimícis meis Deus meus : et ab insurgéntibus in me libera me Dómine.

Secreta

ANNUE miséricors Deus, ut hóstias placatiónis et laudis sincéro tibi deferámus obsequio. Per Dóminum.

Secunda et tertia Secreta, pag. 65

Præfatio Qui salutem humáni.

Communio Ps. 25 Lavábo inter innocéntes manus meas, et circuibó altáre tuum Dómine : ut áudiam vocem laudis tuæ, et enárrem univérsa mirabilia tua.

Postcommunio

CÆLESTIS doni benedictióne percépta, súplices te Deus omnipotens deprecámur; ut hoc idem nobis et sacraménti causa sit, et salutis : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

ADESTO supplicatióibus nostris omnipotens Deus : et quibus fidúciám sperándæ pietátis indúlges; consuétæ misericórdiæ tribue benígnus effectum : Per Dóminum.

FERIA QUINTA

Statio ad S. Apollinarem

Officium

Dan. 3

OMNIA, quæ fecisti nobis, Dómine, in vero iudicio fecisti : quia peccávimus tibi, et mandátis tuis non obedivimus : sed da glóriám nómini tuo, et fac nobiscum secúndum multitudínem misericórdiæ tuæ. **Ps. 118** Beáti immaculáti in via : qui ámbulant in lege Dómini. **Omnia.**

Dóminus vobiscum. Orémus. Flectámus génua. Leváte.

Oratio

PRÆSTA, quæsumus omnipotens Deus : ut dignitas conditiónis humánæ, per immoderántiam sauciáta; medicinalis parsimóniæ stúdio reformétur : Per Dóminum.

Secunda et tertia Oratio, pag. 63

Lectio Daniélis Prophætæ. c. 3

IN diébus illis : Orávit Azarias Dóminum, dicens : Dómine Deus noster, ne, quæsumus, tradas nos in perpétuum propter nomen tuum, et ne dissipes testaméntum tuum. Neque áuferas misericórdiam tuam a nobis propter

Abraham diléctum tuum, et Isaac servum tuum, et Israël sanctum tuum : quibus locútus es póllicens quod multiplicáres semen eórum sicut stellas cæli, et sicut arénam, quæ est in líttore maris : Quia Dómine imminúti sumus plus quam omnes gentes, sumúsque húmiles in univérſa terra hódie propter peccáta nostra. Et non est in témpore hoc princeps, et dux, et prophéta, neque holocáustum, neque sacrificium, neque oblátio, neque incénsum, neque locus primitiárum coram te, ut possimus invenire misericórdiam tuam : sed in ánimo contríto, et spírítu humilitátis suscipiámur. Sicut in holocáusto arietum, et taurórum, et sicut in millibus agnórum pínguium : sic fiat sacrificium nostrum in conspéctu tuo hódie, ut pláceat tibi : quóniam non est confúſio confidéntibus in te. Et nunc séquimur te in toto corde, et tímémus te, et quærimus fáciem tuam. Ne confundas nos : sed fac nobiscum juxta mansuetúdinem tuam, et secúndum multitúdinem misericórdiæ tuæ. Et érue nos in mirabílibus tuis, et da glóriam nómini tuo Dómine : Et confundántur omnes, qui osténdunt servis tuis mala, confundántur in omni poténtia tua, et robur eórum conteràtur : Et sciant quia tu es Dóminus Deus solus, et glorióſus super orbem terrárum, Dómine Deus noster.

℟. Ps. 95 Tóllite hóstias, et introíte in átria ejus : adoráte

Dóminum in aula sancta ejus. ℣. Ps. 28 Revelábit Dóminus condénsa : et in templo ejus omnes dicent glóriam.

✠ Sequéntia sancti Evangélii secúndum Lucam. c. 7

IN illo témpore : Rogábat Jesum quidam de Pharisæis, ut manducáret cum illo. Et ingressus domum Pharisæi, discúbuit. Et ecce múlíer, quæ erat in civitáte peccátrix, ut cognóvit quod accubuisset in domo Pharisæi, áttulit alabástrum unguénti : Et stans retro secus pedes ejus, lácrymis cœpit rigáre pedes ejus, et capíllis cápitis sui tergébat, et osculabátur pedes ejus, et unguénto ungébat. Videns autem Pharisæus, qui vocáverat eum, ait intra se, dicens : Hic si esset prophéta, sciret úti-que, quæ, et qualis est múlíer, quæ tangit eum : quia peccátrix est. Et respóndens Jesus, dixit ad illum : Simon, hábeo tibi áliquíd dicere. At ille ait : Magister, dic. Duo debitóres erant cuidam feneratóri : Unus debébat denários quingéntos, et álius quinquaginta. Non habéntibus illis unde rédderent, donávit utrisque. Quis ergo eum plus diligit? Respóndens Simon, dixit : Æstimo quia is, cui plus donávit. At ille dixit ei : Recte judicásti. Et convérsus ad mulierem, dixit Simóni : Vides hanc mulierem? Intrávi in domum tuam, aquam pédibus meis non dedísti : hæc autem lácrymis rigávit pedes meos, et capíllis suis tersit. Osculum

mihi non dedisti : hæc autem ex quo intrávit, non cessávit osculári pedes meos. Oleo caput meum non unxisti : hæc autem unguénto unxit pedes meos. Propter quod dico tibi : Remittúntur ei peccáta multa, quóniam diléxit multum. Cui autem minus dimíttitur, minus diligit. Dixit autem ad illam : Remittúntur tibi peccáta. Et cœpérunt qui simul accumbébant, dicere intra se : Quis est hic, qui étiam peccáta dimíttit? Dixit autem ad mulierem : Fides tua te salvam fecit : vade in pace.

Offertorium Ps. 136 Super flúmina Babylónis, illic sédimus et flévimus : dum recordarémur tui Sion.

Secreta

DOMINE Deus noster, qui in his pótius creatúris, quas ad fragilitátis nostræ subsidium condidisti, tuo quoque nómini múnera jussisti dicánda constítui : tribue quæsumus, ut et vitæ nobis præsentis auxílium, et æternitátis efficiant sacraméntum. Per Dóminum.

Secunda et tertia Secreta, pag. 65

Præfatio Qui salutem humáni.

Communio Ps. 118 Meménto verbi tui servo tuo, Dómine, in quo mihi spem dedisti : hæc me consoláta est in humilitáte mea.

Postcommunio

QUOD ore súmpsimus, Dómine, pura mente capiámus; et de múnere temporáli

fiat nobis remédium sempitérnum : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

ESTO, quæsumus, Dómine, propítius plebi tuæ : ut quæ tibi non placent respuéntes; tuórum pótius repleántur delectatióibus mandatórum : Per Dóminum.

FERIA SEXTA

*Statio ad S. Stephanum
in Cælio monte*

Officium

Ps. 30

MISERERE mihi Dómine, quóniam tribulor : libera me, et éripe me de mánibus inimicórum meórum, et a persecuéntibus me : Dómine non confúndar, quóniam invocávi te. *℟.* In te Dómine sperávi, non confúndar in ætérnum : in justítia tua libera me. **Miserére** mihi Dómine.

Dóminus vobíscum. Orémus. Flectámus génua. Leváte.

Oratio

CORDIBUS nostris, quæsumus Dómine, grátiam tuam benígnus infúnde : ut peccáta nostra castigatióne voluntária cohibéntes; temporaliter pótius macerémur, quam suppliciis deputémur ætérnis : Per Dóminum.

Secunda et tertia Oratio, pag. 63

Lectio Jeremiæ Prophætæ.

c. 17

IN diébus illis : Dixit Jeremias : Dómine, omnes, qui te derelinquunt, confundentur : recedentes a te, in terra scribentur : quóniam dereliquerunt venam aquarum viventium Dóminum : Sana me Dómine, et sanabor : salvum me fac, et salvus ero : quóniam laus mea tu es. Ecce ipsi dicunt ad me : Ubi est verbum Dómini? Véniat. Et ego non sum turbatus, te pastorem sequens : et diem hóminis non desideravi, tu scis. Quod egressum est de lábiis meis, rectum in conspectu tuo fuit. Non sis tu mihi formidini, spes mea tu in die afflictiónis. Confundantur, qui me persequuntur, et non confundar ego : páveant illi, et non páveam ego. Induc super eos diem afflictiónis, et dúplici contritióne cóntere eos, Dómine Deus noster.

℟. Ps. 34 Pacífice loquebatur mihi inimíci mei : et in ira molésti erant mihi. **℣.** Vidísti Dómine Deus meus, ne síleas : ne discédas a me.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. **℣. Ps. 78** Dómine ne memínieris iniquitátum nostrarum antiquarum : cito anticipent nos misericórdiæ tuæ, quia páuperes facti sumus nimis. **℣. Hic genuflectitur :** ADJUVA NOS DEUS SALUTARIS NOSTER : et propter glóriam

nóminis tui Dómine libera nos : et propítius esto peccátis nostris propter nomen tuum.

✠ **Sequéntia sancti Evangélii** secúndum Joánnem. **c. 11**

IN illo témpore : Collegérunt pontífices et pharisæi concílium advérsus Jesum, et dicebant : Quid fácimus, quia hic homo multa signa facit? Si dimíttimus eum sic, omnes credent in eum : Et vénient Románi, et tollent nostrum locum, et gentem. Unus autem ex ipsis Cáiphas nómine, cum esset pón tifex anni illius, dixit eis : Vos nescítis quidquam, nec cogitátis quia expedit vobis ut unus moriátur homo pro pópulo, et non tota gens péreat. Hoc autem a semetípso non dixit : sed cum esset pón tifex anni illius, prophetávit, quod Jesus moritúrus erat pro gente, et non tantum pro gente, sed ut filios Dei, qui erant dispérsi, congregáret in unum. Ab illo ergo die cogitavérunt ut interficerent eum. Jesus ergo jam non in palam ambulábat apud Judæos, sed ábiit in regiónem juxta désertum, in civitátem, quæ dicitur Ephrem, et ibi morabátur cum discíplis suis.

Offertorium Ps. 118 Benedictus es Dómine, doce me justificatiónes tuas, et non tradas calumniántibus me superbis : et respondébo exprobrántibus mihi verbum.

Secreta

PRÆSTA nobis, miséricors Deus, ut digne tuis servíre semper altáribus mereámur.

mur, et eorum perpétua participatióne salvári. Per Dóminum.

Secunda et tertia Secreta, pag. 65

Præfatio Qui salutem humáni.

Communio Ps. 26 Ne traderis me, Dómine, in ánimas persequéntium me : quóniam insurrexérunt in me testes iniqui, et mentita est iniquitas sibi.

Postcommunio

SUMPTI sacrificii, Dómine, perpétua nos tuitio non derelinquat; et nóxia semper a nobis cuncta depéllat : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

CONCEDE, quæsumus omnipotens Deus : ut qui protectionis tuæ grátiam quærimus; liberáti a malis ómnibus, secúra tibi mente serviámus : Per Dóminum.

SABBATO

*Statio ad S. Joannem
ante portam Latinam*

Officium

Ps. 38

MISERERE mihi Dómine, quóniam tribulor : libera me, et éripe me de mánibus inimicórum meórum, et a persequéntibus me : Dómine non confúndar, quóniam invocávi te. *℟.* In te Dómine sperávi, non confúndar in ætérnum : in justítia tua libera me. **Miserére.**

Dóminus vobíscum. Orémus.
Flectámus génua. Leváte.

Oratio

PROFICIAT, quæsumus Dómine, plebs tibi dicáta piæ devotiónis afféctu : ut sacris actiόνibus eruditá, quanto majestáti tuæ fit grátior; tanto donis potióribus augeátur : Per Dóminum.

Secunda et tertia Oratio, pag. 63

Léctio Jeremiæ Prophætæ.

c. 18

IN diébus illis : Dixérunt impíi Judæi ad invicem : Veníte, et cogitémus contra justum cogitatiónes : Non enim peribit lex a sacerdote, neque consílium a sapiente, nec sermo a prophéta : Veníte, et percutiámus eum lingua, et non attendámus ad univérso sermónes ejus. Atténde Dómine ad me, et audi vocem adversariórum meórum. Numquid rédditur pro bono malum, quia fodérunt foveam ánimæ meæ? Recordáre quod stéterim in conspéctu tuo, ut lóquerer pro eis bonum, et avérterem indignatiónem tuam ab eis. Proptérea da filios eórum in famem, et deduc eos in manus gládii : Fiant uxóres eórum absque liberis, et víduæ : et viri eárum interficiántur morte : júvenes eórum confodiántur gládio in próelio. Audiátur clamor de dómibus eórum : addúces enim super eos latrónem repénite : quia fodérunt foveam ut cáperent me, et láqueos abscondérunt pédibus meis.

Tu autem Dómine scis omne consilium eórum advérsus me in mortem : Ne propitiéris iniquitatí eórum, et peccátum eórum a fácie tua non deleátur : Fiant corruéntes in conspéctu tuo, in témpore furóris tui abútere eis, Dómine Deus noster.

℟. Ps. 34 Pacífice loquebántur mihi inimíci mei : et in ira molésti erant mihi. ℣. Vidísti Dómine Deus meus, ne síleas : ne discédas a me.

✠ Sequéntia sancti Evangélíi secúndum Joánnem. c. 12

IN illo témpore : Cogitavérunt principes sacerdotum ut et Lázarus interficerent : quia multi propter illum abibant ex Judæis, et credébant in Jesum. In crástinum autem turba multa, quæ vénerat ad diem festum, cum audissent quia venit Jesus Jerosólymam : accepérunt ramos palmárum, et processérunt óbviám ei, et clamábant : Hosánna, benedíctus, qui venit in nómine Dómini, Rex Israël. Et invénit Jesus asélum, et sedit super eum, sicut scriptum est : Noli timére filia Sion : ecce rex tuus venit sedens super pullum ásinæ. Hæc non cognovérunt discipuli ejus primum : sed quando glorificátus est Jesus, tunc recordátí sunt quia hæc erant scripta de eo : Et hæc fecérunt ei. Testimónium ergo perhibébat turba, quæ erat cum eo quando Lázarus vocávit de monuménto, et suscitávit eum

a mórtuis. Proptérea et óbviám venit ei turba : quia audiérunt eum fecísse hoc signum. Pharisæi ergo dixerunt ad semetipsos : Vidétis quia nihil proficimus? Ecce mundus totus post eum ábiit. Erant autem quidam gentiles ex his, qui ascénderant ut adorárent in die festo. Hi ergo accessérunt ad Philíppum, qui erat a Bethsáida Galilææ : et rogábant eum, dicéntes : Dómine, vólumus Jesum vidére. Venit Philíppus, et dicit Andréæ : Andréas rursum, et Philíppus dixerunt Jesu. Jesus autem respóndit eis, dicens : Venit hora, ut clarificétur Filius hóminis. Amen, amen dico vobis, nisi granum fruménti cadens in terram, mórtuum fúerit, ipsum solum manet : Si autem mórtuum fúerit, multum fructum affert. Qui amat ánimam suam, perdet eam : Et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur : Et ubi sum ego, illic et mínister meus erit. Si quis mihi ministráverit, honorificábit eum Pater meus. Nunc ánima mea turbáta est. Et quid dicam? Pater, salvífica me ex hac hora. Sed proptérea veni in horam hanc. Pater, clarífica nomen tuum. Venit ergo vox de cælo : Et clarificávi, et íterum clarificábo. Turba ergo, quæ stabat, et audierat, dicebat tonítruum esse factum. Alii dicébant : Angelus ei locútus est. Respóndit Jesus, et dixit : Non propter me hæc

vox venit, sed propter vos. Nunc iudicium est mundi, nunc princeps hujus mundi ejicietur foras. Et ego si exaltatus fuero a terra, omnia traham ad meipsum. (Hoc autem dicebat, significans qua morte esset moriturus). Respondit ei turba : Nos audivimus ex lege, quia Christus manet in æternum : Et quomodo tu dicis, Opórtet exaltári Filium hominis? Quis est iste Filius hominis? Dixit ergo eis Jesus : Adhuc módicum, lumen in vobis est. Ambuláte dum lucem habétis, ut non vos ténebræ comprehéndant : Et qui ambulat in ténebris, nescit quo vadat. Dum lucem habétis, créдите in lucem, ut filii lucis sitis. Hæc locútus est Jesus : et ábiit, et abscondit se ab eis.

Offertorium Ps. 118 Benedictus es Dómine, doce me justificatiónes tuas, et non tradas calumniántibus me superbis : et respondébo exprobrántibus mihi verbum.

Secreta

A cunctis nos, quæsumus Dómine, reátibus et periculis propitiátus absólve, quos tanti mystérii tríbuis esse consórtes. Per Dóminum.

Secunda et tertia Secreta, pag. 65

Præfatio Qui salútem humáni.

Communio Ps. 26 Ne traderis me, Dómine, in ánimas persecúntium me : quóniam insurrexérunt in me testes iníqui, et mentíta est iníquitas sibi.

Postcommunio

D IVINI múnemis largitáte satiáti, quæsumus Dómine Deus noster; ut hujus semper participatióne vivámus : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

T UEATUR, quæsumus Dómine, dextera tua pópulum deprecántem : et purificátum dignánter erúdiat; ut consolatiónem præsénti ad futúra bona proficiat : Per Dóminum.

DOMINICA IN RAMIS PALMARUM

F INITA Tertia, Prior cum cappa serica albi coloris, et Diaconus cum Missali, et Subdiaconus cum libro Evangeliorum, dalmaticis ejusdem coloris induti, præcedentibus Acolythis in albis, sine cereis, ad presbyterium veniant. Et facta aspersione aquæ benedictæ more solito, Prior stans ante gradus presbyterii, verso vultu ad altare, Diacono ante ipsum tenente Missale, ramos arborum super gradus presbyterii a Sacrista collocatos (ita quod sint ad dexteram Prioris) benedicat eo modo, quo dicuntur Orationes ad Horas.

Dóminus vobiscum.

Orémus

O MNIPOTENS sempitérne Redémptor, qui de cælis ad terram descéndere, et ad passiónem voluntátis tuæ venire dignátus es, ut humánum genus tuo pretiósó Sanguine

liberáres: adésto piis Ecclesiæ tuæ votis, et supplicatióibus nostris; Tu enim, Dómine, mansuétus, mansuétí animális asélli tergo insidens, ad passióem redemptiósni nostræ spontáneus advenisti: cum tibi ramis arbóreis, occurréntibus discipulórum turbis, certátim sternerétur via; et triumphatricibus palmis cum voce laudis occurrerent plúrimæ populórum catervæ, exsultántes páriter, et dicéntes, Hosánna filio David: benedíctus, qui venit in nómine Dómini; tibi in monte Olivéti olivárum ramis via constráta est. Tu quondam Noë in arca super undas dilúvii gubernásti: et colúmbæ ministério per olivæ ramum pacem terris rédditam nuntiári voluisti. Sed et Jacob Patriárcha, in mystérium glóriæ tuæ érigens lápidem, ex hujus árboris ramis óleum benedictiósni in cacúmine tituli infúdit: unde unxísti reges, et Prophétas tuos; Tu enim es Christus Dei, tibi cómpetit fructus unctiósni et pacis: in cujus ineffáblem laudem Psalmísta cécinit, dicens, Unxit te Deus, Deus tuus óleo lætitiæ et exsultatiósni præ participibus tuis; Quapropter te Dómine súplices deprecámur: ut bene ✠ dicas hos árborum ramos, quos tui fámuli suis suscipiéntes má nibus, in occúrsum tui properáre, teque benedicere et glorificáre desiderant; Ecce Jerúsalem, sedens super ásinum, Rex mansuétus advenisti: ádveni ergo, rogámus,

et nobis; et in médium nostri consíste: ut te adveníre in nostris córdibus sentiámus; et qui nos tunc reparásti per Crucem: iterum lapsos répara per eámdem beatíssimam passióem; Oris nostri confessiósni, ac jejúnii humiliatiósni libens súscipe, et fructum nos viriditátis habére concéde: quátenus tuis ímbribus irrigáti, mereámur tibi suávium frúctuum ubertáte placére; et sicut illi processérunt óbviám tibi cum arbóreis fróndibus egréssi, ita nos, te redeúnte in secúndo advéntu, cum palmis victóriæ læti mereámur occurrere: Salvátor mundi, qui cum Patre in unitáte Spíritus Sancti, vivis et regnas Deus, per ómnia sácula sæculórum.

✠. Amen.

Finita benedictione, Prior aspergat ramos aqua benedicta, seniore Acolythorum aspersorium tribuente.

Deinde Cantor, ramum Priori offerens, incipiat Antiph. Púeri Hebræórum. Dum autem rami distribuuntur, cantentur sequentes Antiphonæ.

Añña Matth. 21 Púeri Hebræórum, tolléntes ramos olivárum, obviavérunt Dómino, clamántes, et dicéntes: Hosánna in excélsis.

Añña Matth. 21 Púeri Hebræórum vestiménta prosternebant in via, et clamábant, dicéntes: Hosánna filio David: benedíctus, qui venit in nómine Dómini.

Quod si rami distributi non fuerint, dum cantantur istæ duæ Antiphonæ: repetantur quoties necesse fuerit.

Interim, cum cantantur Antiphonæ, Acolythi ad sacristiam euntes, cereos afferant, et ad Evangelium accendant. Distributis ramis, Diaconus, benedictione accepta a Priore, legat Evangelium Cum appropinquasset, in loco, ubi profestis diebus Evangelium consuevit legi : Subdiacono et Acolythis more solito ordinatis, et illo, qui delaturus est aquam benedictam, thuribulum tenente, vel ipso Subdiacono, si Conversus aquam deferre debuerit. Dum autem legitur Evangelium, Prior stet prope altare in cornu Epistolæ, verso vultu ad Evangelium.

Dóminus vobíscum.

✠ Sequéntia sancti Evangélii
secúndum Matthæum. c. 21

IN illo témpore : Cum appropinquasset Jesus Jerosólymis, et venisset Béthphage ad Montem olivéti : tunc misit duos discipulos, dicens eis : Ite in castéllum, quod contra vos est, et statim inveniétis ásinam alligátam, et pullum cum ea : Sóluite, et addúcite mihi : Et si quis vobis áliquíd dixerit, dicite quia Dóminus his opus habet : et conféstim dimittet eos. Hoc autem totum factum est, ut adimplerétur quod dictum est per Prophétam dicéntem : Dícite filiæ Sion : Ecce rex tuus venit tibi mansuétus, sedens super ásinam, et pullum filium subjugális. Eúntes autem discipuli, fecérunt sicut præcépit illis Jesus. Et adduxérunt ásinam, et pullum : et imposuérunt super eos vestiménta sua, et eum désuper sedére fecérunt. Plúrima autem turba stravérunt vestiménta sua in via : Alii autem cædebant ramos

de arbóribus, et sternébant in via : Turbæ autem, quæ præcedébant, et quæ sequebántur, clamábant, dicéntes : Hosánna filio David : benedictus, qui venit in nómine Dómini.

Perlecto Evangelio, Subdiaconus deferat librum osculandum Sacerdoti, et Acolythi versus sacristiam accedant; et tunc frater alba indutus crucem a Sacrista præparatam accipiat, et alius aquam benedictam : et illis præeuntibus, eo ordine, quo consuevit fieri, fiat Processio : qua finita, Prior cum ministris in sacristiam revertatur : ubi depositis vestimentis prioribus, assumptisque aliis coloris violacei, et Missa a Choro inchoata, procedant more solito ad altare.

AD MISSAM

Statio ad S. Joannem in Laterano

Officium

Ps. 21

DOMINE ne longe fácias auxílium tuum a me : ad defensiónem meam aspice : libera me de ore leónis, et a cór nibus unicórniū humilitátem meam. ✠. Deus Deus meus réspice in me : quare me dereliquísti? longe a salúte mea verba delictórum meórum. Dómine ne longe.

Oratio

OMNIPOTENS sempitérne Deus, qui humano géneri ad imitándum humilitátis exéplum, Salvatórem nostrum carnem súmeré, et crucem subire fecísti; concéde propítius : ut et patiéntiæ ipsíus habére documénta; et resurrectionis consórtia mereámur : Per eúmdem Dóminum.

Hæc Oratio sola dicatur.

Léctio Epístolæ beāti Pauli
Apóstoli ad Philippenses. **c. 2**

FRATRES : Hoc enim sentíte in vobis, quod et in Christo Jesu : Qui cum in forma Dei esset, non rapinam arbitrátus est esse se æquálem Deo : sed semetípsum exinaniuit formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen : *Hic genuflectitur* : UT IN NOMINE JESU OMNE GENUFLECTATUR cæléstium, terréstrium, et infernórum, et omnis lingua confiteátur quia Dóminus Jesus Christus in glória est Dei Patris.

℟. Ps. 72 Tenuísti manum dexteram meam : et in voluntáte tua deduxísti me, et cum glória assumpsísti me. **℣.** Quam bonus Israël Deus rectis corde! mei autem pene moti sunt pedes, pene effúsi sunt gressus mei : quia zelávi in peccatóribus, pacem peccatórum videns.

Tractus Ps. 21 Deus Deus meus respice in me : quare me dereliquísti? **℣.** Longe a salute mea verba delictórum meórum. **℣.** Deus meus clamábo per diem, nec exáudies : in nocte, et non ad insipiéntiam mihi. **℣.** Tu autem in sancto hábitas, Laus Israël. **℣.** In te speravérunt patres

nostri : speravérunt, et liberásti eos. **℣.** Ad te clamavérunt, et salvi facti sunt : in te speravérunt, et non sunt confúsi. **℣.** Ego autem sum vermis, et non homo : opprobrium hóminum, et abjección plebis. **℣.** Omnes qui vidébant me, aspernabántur me : locúti sunt lábiis, et movérunt caput. **℣.** Sperávit in Dómino, erípiat eum : salvum fáciat eum, quóniam vult eum. **℣.** Ipsi vero consideravérunt et conspexérunt me : divisérunt sibi vestiménta mea, et super vestem meam misérunt sortem. **℣.** Libera me de ore leónis : et a cór nibus unicórnum humilitátem meam. **℣.** Qui timétis Dóminum laudáte eum : universum semen Jacob magnificáte eum. **℣.** Annuntiábitur Dómino generátio ventúra : et annuntiábunt cæli justitiam ejus. **℣.** Pópulo qui nascétur, quem fecit Dóminus.

Ad Passionem non petatur benedictio, nec deferantur luminaria, nec incensum : nec dicatur Dóminus vobíscum, et Diaconus, seu Celebrans, dum pronuntiat Pássio Dómini, non signet librum, neque seipsum : nec signent se fratres, neque respondeant Glória tibi Dómine, sed inchoétur absolute. Quod et in aliis diebus observetur, dum legitur Passio, præterquam Feria sexta in Parasceve, in qua dicitur sine ullo prorsus titulo.

Pássio Dómini nostri Jesu Christi secúndum Matthæum.
c. 26 et 27

In illo témpore : Dixit Jesus discipulis suis : ✠ Scítis quia post bídum Pascha fiet,

et Filius hóminis tradétur ut crucifigátur. **C** Tunc congregáti sunt principes sacerdótum, et senióres pópuli in átrium principis sacerdótum, qui dicebátur Cáiphas : et consílium fecérunt ut Jesum dolo tenérent, et occíderent. Dicebant autem : **S** Non in die festo, ne forte tumultus fieret in pópulo. **C** Cum autem Jesus esset in Bethánia in domo Simónis leprosi, accéssit ad eum múlter habens alabástrum unguénti pretiósí, et effúdit super caput ipsíus recumbéntis. Vidéntes autem discipuli, indignáti sunt dicéntes : **S** Ut quid perditio hæc? Pótuít enim istud venúmdari multo, et dari paupéribus. **C** Sciens autem Jesus, ait illis : **✠** Quid molésti estis huic mulíeri? Opus enim bonum operáta est in me. Nam semper páuperes habétis vobíscum : me autem non semper habétis. Mittens enim hæc unguéntum hoc in corpus meum : ad sepeliéndum me fecit. Amen dico vobis, ubicúmque prædicátum fúerit hoc Evangélium in toto mundo, dicétur et quod hæc fecit in memóriam ejus. **C** Tunc ábiit unus de duódecim, qui dicebátur Judas Iscariótes, ad principes sacerdótum : et ait illis : **S** Quid vultis mihi dare, et ego vobis eum tradam? **C** At illi constituérunt ei trigínta argénteos. Et exínde quærébat opportunitátem, ut eum tráderet. Prima autem die Azymórum accessérunt discipulí ad Jesum, dicéntes : **S** Ubi vis parémus tibi comé-

dere Pascha? **C** At Jesus dixit : **✠** Ite in civitátem ad quemdam, et dicite ei : Magíster dicit : Tempus meum prope est, apud te fácio Pascha cum discipulis meis. **C** Et fecérunt discipuli sicut constituit illis Jesus, et paravérunt Pascha. Véspere autem facto, discumbébat cum duódecim discipulis suis. Et edéntibus illis, dixit : **✠** Amen dico vobis, quia unus vestrum me traditúrus est. **C** Et contristáti valde, cœpérunt singuli dicere : **S** Numquid ego sum Dómine? **C** At ipse respóndens, ait : **✠** Qui intingit mecum manum in parópside, hic me tradet. Filius quidem hóminis vadit, sicut scriptum est de illo : Væ autem hómini illi, per quem Filius hóminis tradétur : Bonum erat ei, si natus non fuisset homo ille. **C** Respóndens autem Judas, qui trádidit eum, dixit : **S** Numquid ego sum Rabbi? **C** Ait illi : **✠** Tu dixisti. **C** Cenántibus autem eis, accépit Jesus panem, et benedíxit, ac fregit, deditque discipulis suis, et ait : **✠** Accípite, et comédite : Hoc est Corpus meum. **C** Et accípiens cálicem grátias egit : et dedit illis, dicens : **✠** Bibite ex hoc omnes. Hic est enim Sanguis meus noví testaménti, qui pro multis effundétur in remissiónem peccatórum. Dico autem vobis : non bibam ámodo de hoc genímine vitis usque in diem illum, cum illud bibam vobiscum novum in regno Patris mei. **C** Et hymno dicto, exiérunt in Montem Olivéti.

Tunc dicit illis Jesus : ✠ Omnes vos scándalum patiémmini in me, in ista nocte. Scriptum est enim : Percútiam pastórem, et dispergéntur oves gregis. Postquam autem resurrexero, præcedam vos in Galilæam. **C** Respóndens autem Petrus, ait illi : **S** Et si omnes scandalizáti fúerint in te, ego nunquam scandalizábor. **C** Ait illi Jesus : ✠ Amen dico tibi, quia in hac nocte ántequam gallus cantet, ter me negábis. **C** Ait illi Petrus : **S** Etiámsi oportúerit me mori tecum, non te negábo. **C** Simíliter et omnes discipuli dixerunt. Tunc venit Jesus cum illis in villam, quæ dicitur Gethsémani, et dixit discipulis suis : ✠ Sedéte hic, donec vadam illuc, et orem. **C** Et assumpto Petro, et duóbus filiis Zebedæi, cœpit contristári et mœstus esse. Tunc ait illis : ✠ Tristis est ánima mea usque ad mortem : Sustinéte hic, et vigiláte mecum. **C** Et progréssus pusillum, prócidit in faciém suam, orans, et dicens : ✠ Pater mi, si possibile est, tránseat a me calix iste. Verúmtamen non sicut ego volo, sed sicut tu. **C** Et venit ad discipulos suos, et invénit eos dormiéntes : et dicit Petro : ✠ Sic non potuistis una hora vigiláre mecum? Vigiláte, et oráte ut non intrétis in tentatiónem. Spíritus quidem promptus est, caro autem infirma. **C** Iterum secúndo ábiit, et orávit, dicens : ✠ Pater mi, si non potest hic calix transíre nisi bibam illum, fiat volúntas tua. **C** Et venit

íterum, et invénit eos dormiéntes : Erant enim óculi eórum graváti. Et relictis illis, íterum ábiit, et orávit tértio, eúmdem sermónem dicens. Tunc venit ad discipulos suos, et dicit illis : ✠ Dormíte jam, et requiésците : Ecce appropinquávit hora, et Fílius hóminis tradétur in manus peccatórum. Súrgite, eámus : Ecce appropinquávit qui me tradet. **C** Adhuc eo loquente, ecce Judas unus de duódecim venit, et cum eo turba multa cum gládiis, et fústibus, missi a princípibus sacerdotum, et senióribus pópuli. Qui autem tradidit eum, dedit illis signum, dicens : **S** Quemcúmque osculátus fúero, ipse est, tenéte eum. **C** Et conféstim accédens ad Jesum, dixit : **S** Ave Rabbi. **C** Et osculátus est eum. Dixitque illi Jesus : ✠ Amíce, ad quid venísti? **C** Tunc accessérunt, et manus iniecérunt in Jesum, et tenuérunt eum. Et ecce unus ex his, qui erant cum Jesu, exténdens manum, exémit gládium suum, et percútiens servum princípis sacerdotum, amputávit auriculam ejus. Tunc ait illi Jesus : ✠ Convérte gládium tuum in locum suum. Omnes enim, qui accéperint gládium, gládio peribunt. An putas, quia non possum rogáre Patrem meum, et exhibébit mihi modo plusquam duódecim legiões Angelórum? Quómodo ergo implebúntur Scriptúræ, quia sic opórtet fieri? **C** In illa hora dixit Jesus turbis : ✠ Tamquam ad latrónem existis cum

gládiis, et fústibus comprehéndere me : Quotídie apud vos sedébam docens in templo, et non me tenuístis. **C** Hoc autem totum factum est, ut adimpleréntur Scriptúræ prophetárum. Tunc discípuli omnes, relicto eo, fugérunt. At illi tenéntes Jesum, duxérunt ad Cáiphám príncipem sacerdotum, ubi scribæ et seniôres convénierant. Petrus autem sequebátur eum a longe, usque in átrium príncipis sacerdotum. Et ingressus intro, sedébat cum ministris, ut vidéret finem. Príncipes autem sacerdotum, et omne concílium quærébant falsum testimónium contra Jesum, ut eum morti tráderent : Et non invénérunt, cum multi falsi testes accessissent. Novíssime autem venérunt duo falsi testes, et dixerunt : **S** Hic dixit : Possum destrúere templum Dei, et post trídium reædificáre illud. **C** Et surgens princeps sacerdotum, ait illi : **S** Nihil respóndes ad ea, quæ isti advérsus te testificántur? **C** Jesus autem tacébat. Et princeps sacerdotum ait illi : **S** Adjúro te per Deum vivum, ut dicas nobis si tu es Christus Fílius Dei. **C** Dicit illi Jesus : ✠ Tu dixisti. Verúmtamen dico vobis, ámodo vidébitis Fílium hóminis sedéntem a dextris virtútis Dei, et veniéntem in núbibus cæli. **C** Tunc princeps sacerdotum scidit vestiménta sua, dicens : **S** Blasphemávit : Quid adhuc egémus téstibus? Ecce nunc audistis blasphemiam : Quid vobis vidétur?

C At illi respondéntes dixerunt : **S** Reus est mortis. **C** Tunc exspuérunt in fáciem ejus, et cólaphis eum ceciderunt : álii autem palmas in fáciem ejus dedérunt, dicéntes : **S** Prophetíza nobis Christe, quis est qui te percússit? **C** Petrus vero sedébat foris in átrio : Et accéssit ad eum una ancílla, dicens : **S** Et tu cum Jesu Galilæo eras. **C** At ille negávit coram ómnibus, dicens : **S** Nescio quid dicis. **C** Exeúnte autem illo jánuam, vidit eum ália ancílla, et ait his, qui erant ibi : **S** Et hic erat cum Jesu Nazaréno. **C** Et iterum negávit cum juraménto, Quia non novi hóminem. Et post pusillum accessérunt qui stabant, et dixerunt Petro : **S** Vere et tu ex illis es : nam et loquela tua manifestum te facit. **C** Tunc cœpit detestári, et juráre quia non novisset hóminem. Et continuo gallus cantávit. Et recordátus est Petrus verbi Jesu, quod dixerat, Priúsqvam gallus cantet, ter me negábis. Et egréssus foras, flevit amáre. * Mane autem facto, consílium iniérunt omnes príncipes sacerdotum, et seniôres pópuli advérsus Jesum, ut eum morti tráderent. Et vinctum adduxérunt eum, et tradidérunt Póntio Piláto præsidi. Tunc videns Judas, qui eum trádidit, quod damnátus esset; pœniténtia ductus, rétulit triginta argénteos príncipibus sacerdotum, et senióribus, dicens : **S** Peccávi, tradens sánguinem justum. **C** At illi dixerunt :

S Quid ad nos? Tu videris.

C Et projectis argenteis in templo, recessit : et abiens laqueo se suspendit. Principes autem sacerdotum, acceptis argenteis, dixerunt : **S** Non licet eos mittere in carbonem : quia pretium sanguinis est.

C Consilio autem inito, emerunt ex illis agrum figuli, in sepulturam peregrinorum. Propter hoc vocatus est ager ille, Haceldama, hoc est, ager sanguinis, usque in hodiernum diem. Tunc impletum est quod dictum est per Jeremiam prophetam, dicentem : Et acceperunt triginta argenteos pretium appretiati, quem appretiaverunt a filiis Israel : et dederunt eos in agrum figuli, sicut constituit mihi Dominus.

Jesus autem stetit ante praesidem, et interrogavit eum praeses, dicens : **S** Tu es Rex Iudaeorum? **C** Dicit illi Jesus :

✠ Tu dicis. **C** Et cum accusaretur a principibus sacerdotum, et senioribus, nihil respondit. Tunc dicit illi Pilatus :

S Non audis quanta adversum te dicunt testimonia? **C** Et non respondit ei ad ullum verbum, ita ut miraretur praeses vehementer. Per diem autem sollemnem consuverat praeses populo dimittere unum victum, quem voluissent. Habebat autem tunc victum insignem, qui dicebatur Barabbas. Congregatis ergo illis, dixit Pilatus : **S** Quem vultis dimittam vobis : Barabbam, an Jesum, qui dicitur Christus? **C** Sciebat enim quod per invidiam tradidissent eum.

Sedente autem illo pro tribunali, misit ad eum uxor ejus, dicens : **S** Nihil tibi, et justo illi. Multa enim passa sum hodie per visum propter eum.

C Principes autem sacerdotum, et seniores persuaserunt populis ut peterent Barabbam, Jesum vero perderent.

Respondens autem praeses, ait illis : **S** Quem vultis vobis de duobus dimitti? **C** At illi dixerunt : **S** Barabbam. **C** Dicit illis Pilatus :

S Quid igitur faciam de Jesu, qui dicitur Christus? **C** Dicunt omnes : **S** Crucifigatur. **C** Ait illis praeses :

S Quid enim mali fecit? **C** At illi magis clamabant dicentes : **S** Crucifigatur.

C Videns autem Pilatus quia nihil proficeret, sed magis tumultus fieret : accepta aqua, lavit manus coram populo,

dicens : **S** Innocens ego sum a sanguine justii hujus : vos videtis. **C** Et respondens universus populus, dixit : **S** Sanguis ejus super nos, et super filios nostros. **C** Tunc dimisit illis Barabbam :

Jesum autem flagellatum tradidit eis ut crucifigeretur. Tunc milites praesidis suscipientes Jesum in praetorium,

congregaverunt ad eum universam cohortem : Et exuentes eum, chlamydem coccineam circumdederunt ei,

et plectentes coronam de spinis, posuerunt super caput ejus, et arundinem in dextera ejus. Et genu flexo ante eum,

illudabant ei, dicentes : **S** Ave Rex Iudaeorum. **C** Et expuentes in eum, acceperunt arundinem, et percutiebant caput

ejus. Et postquam illusérunt ei, exuérunt eum chlámyde, et induérunt eum vestiméntis ejus, et duxérunt eum ut crucifigerent. Exeúntes autem, invenérunt hóminem Cyrenæum, nómine Simónem : Hunc angariavérunt, ut tólleret crucem ejus. Et venérunt in locum, qui dicitur Gólgotha, quod est Calváriæ locus. Et dedérunt ei vinum bibere cum felle mixtum. Et cum gustásset, nóluit bibere. Postquam autem crucifixérunt eum, divisérunt vestiménta ejus, sortem mitténtes : ut implerétur quod dictum est per Prophétam dicéntem : Divisérunt sibi vestiménta mea, et super vestem meam misérunt sortem. Et sedéntes servábant eum. Et imposuérunt super caput ejus causam ipsíus scriptam, Hic est Jesus Rex Judæórum. Tunc crucifixi sunt cum eo duo latrónes : unus a dextris, et unus a sinístris. Prætereúntes autem blasphemábant eum, movéntes cápita sua, et dicéntes : **S** Vah qui déstruis templum Dei, et in triduo illud reædificas : Salva temetípsum : Si Filius Dei es, descénde de cruce. **C** Similiter et príncipes sacerdotum illudéntes cum Scribis, et senióribus dicébant : **S** Alios salvos fecit, scípsum non potest salvum fácere : Si rex Israël est, descéndat nunc de cruce, et crédimus ei : Confidit in Deo : liberet nunc, si vult eum : Dixit enim, Quia Filius Dei sum. **C** Idípsum autem et latrónes, qui crucifixi erant cum

eo, impropérabant ei. A sexta autem hora ténebræ factæ sunt super univérsam terram usque ad horam nonam. Et circa horam nonam clamávit Jesus voce magna, dicens :

✠ Eli, Eli, lamma sabactháni?

C Hoc est : ✠ Deus meus, Deus meus, ut quid dereliquisti me? **C** Quidam autem illic stantes, et audiéntes, dicébant : **S** Eliam vocat iste.

C Et continuo currens unus ex eis accéptam spóngiam implévit acéto, et impósuit arúndini, et dabat ei bibere. Céteri vero dicébant : **S** Sine videámus an véniat Elias liberans eum.

C Jesus autem íterum clamans voce magna, emisit spíritum.

Hic pausatur aliquantulum, et genuflectitur.

Et ecce velum templi scissum est in duas partes a summo usque deórsum. Et terra mota est, et petræ scissæ sunt, et monuménta apértæ sunt : et multa córpora sanctórum, qui dormierant, surrexérunt. Et exeúntes de monuméntis post resurrectionem ejus, venérunt in sanctam civitatem, et apparuérunt multis. Centúrio autem, et qui cum eo erant, custodiéntes Jesum, viso terræ motu et his, quæ fiébant, timuérunt valde, dicéntes : **S** Vere Filius Dei erat iste. **C** Erant autem ibi mulieres multæ a longe, quæ secútæ erant Jesum a Galilæa, ministrántes ei : Inter quas erat María Magdaléne, et María Jacóbi, et Joseph mater, et mater filiórum Zebedæi. Cum autem sero factum esset, venit quidam homo dives ab

Arimathæa, nómine Joseph, qui et ipse discipulus erat Jesu. Hic accéssit ad Pilátum, et pétiit corpus Jesu. Tunc Pilátus jussit reddi corpus. Et accépto corpore, Joseph invólvit illud in síndone munda. Et pósuit illud in monuménto suo novo, quod excíderat in petra. Et advólvit saxum magnum ad óstium monuménti, et ábiit. Erat autem ibi María Magdaléne, et áltera María, sedéntes contra sepúlcrum.

ALTERA autem die, quæ est post Parascéven, convénérunt príncipes sacerdotum, et Pharisæi ad Pilátum, dicéntes : Dómine, recordáti sumus, quia sedúctor ille dixit adhuc vivens, Post tres dies resúrgam. Jube ergo custodíri sepúlcrum usque in diem tér-tium : ne forte véniant discipuli ejus, et furéntur eum, et dicant plebi, Surréxit a mór-tuis : Et erit novíssimus error peior prióre. Ait illis Pilátus : Habétis custódiám, ite, custodíte sicut scítis. Illi autem abeúntes, muniérunt sepúlcrum, signántes lápidem, cum custódibus.

Hic Sacerdos non signet seipsum, nec librum, neque eum osculetur : quod et in aliis Passionibus observetur. **Credo.**

Offertorium Ps. 68 Impro-périum exspectávit cor meum, et misériam : et sustínui qui simul contristarétur, et non fuit : consolántem me quæsiui, et non invéni : et dedérunt in escam meam fel, et in siti mea potavérunt me acéto.

Secreta

CONCEDE, quæsumus Dómine, ut óculis tuæ majestátis munus oblátum, et grátiam nobis devotiónis obtíneat, et efféctum beátæ perennitátis acquirat. Per Dóminum.

Præfatio Qui salútem humáni.

Communio Matth. 26 Pater, si non potest hic calix transire nisi bibam illum, fiat volúntas tua.

Postcommunio

PER hujus, Dómine, operationem mystérii, et vítia nostra purgéntur; et justa desidéria compleántur : Per Dóminum.

Si Missa privata legitur, in fine dicatur Evangelium Cum appropinquasset Jesus, ut supra in benedictione Palmarum, pag. 139

FERIA SECUNDA

Statio ad S. Praxedem

Officium

Ps. 34

JUDICA Dómine nocéntes me, expúgna impugnántes me : apprehénde arma et scutum, et exsúrge in adiutorium meum, Dómine virtus salútis meæ. **V.** Effúnde frámeam, et conclúde advérsus eos, qui persequúntur me. **Júdica Dómine.**

Dóminus vobiscum. Orémus. Flectámus génua. Leváte.

Oratio

DA, quæsumus omnipotens Deus : ut qui in tot advérsis ex nostra infirmitáte deficimus; intercedénte unigé-

niti Filii tui passiōe respirémus : Qui tecum vivit.

Secunda et tertia Oratio, pag. 63

Lectio Isaiaæ Prophætæ. c. 50

IN diébus illis : Dixit Isaías : Dóminus Deus apérui mihi aurem, ego autem non contradico : retrósum non ábii. Corpus meum dedi percutiéntibus, et genas meas veléntibus : Fáciem meam non avérti ab increpántibus, et conspuéntibus in me. Dóminus Deus auxiliátor meus, ideo non sum confúsus : Ideo pósui fáciem meam ut petram durísimam, et scio quóniam non confúndar. Juxta est qui justificat me, quis contradícet mihi? Stemus simul, quis est adversárius meus? Accédát ad me. Ecce Dóminus Deus auxiliátor meus : Quis est qui condémnet me? Ecce omnes quasi vestiméntum conteréntur, tinea cómedet eos. Quis ex vobis timens Dóminum, áudiens vocem servi sui? Qui ambulávit in ténebris, et non est lumen ei, speret in nómine Dómini, et innitátur super Deum suum.

℟. Ps. 34 Exsúrge Dómine, et inténde iudicio meo : Deus meus, et Dóminus meus in causam meam. ℣. Effúnde frámeam, et conclúde advérsum eos, qui me persequúntur.

Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. ℣. Ps. 78 Dómine ne memíneris iniquitátum nostrárum antiquárum : cito antíci-

pent nos misericórdiæ tuæ, quia páuperes facti sumus nimis. ℣. *Hic genuflectitur* : ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

✠ Sequéntia sancti Evangélii secúndum Joánnem. c. 12

ANTE sex dies Paschæ venit Jesus Bethániam, ubi Lázarus fúerat mórtuus, quem suscitávit Jesus. Fecérunt autem ei cenam ibi : et Martha ministrábat, Lázarus vero unus erat ex discumbéntibus cum eo. María ergo accépit libram unguénti nardi pístici, pretiósí, et unxit pedes Jesu, et extérsit pedes ejus capíllis suis : et domus impléta est ex odóre unguénti. Dixit ergo unus ex discipulis ejus, Judas Iscariótes, qui erat eum traditúrus : Quare hoc unguéntum non véniit trecéntis denáriis, et datum est egénis? Dixit autem hoc, non quia de egénis pertinébat ad eum, sed quia fur erat, et lóculos habens, ea, quæ mittebántur, portábat. Dixit ergo Jesus : Sínite illam, ut in diem sepultúræ meæ servet illud. Páuperes enim semper habétis vobíscum : me autem non semper habétis. Cognóvit ergo turba multa ex Judæis quia illic est : et venérunt, non propter Jesum tantum, sed ut Lázaram vidérent, quem suscitávit a mórtuis.

Offertorium Ps. 142 Eripe me de inimicis meis Dómine, ad te confúgi : doce me fácere

voluntatem tuam, quia Deus meus es tu.

Secreta

HÆC sacrificia nos, omnipotens Deus, potenti virtute mundatos, ad suum faciant puriores venire principium. Per Dominum.

Secunda et tertia Secreta, pag. 65

Præfatio Qui salutem humani.

Communio Ps. 34 Erubescant et revereantur simul, qui gratulantur malis meis : induantur pudore et reverentia, qui maligna loquuntur adversus me.

Postcommunio

PRÆBEANT nobis, Domine, divinum tua sancta fervorem; quo eorum pariter et actu delectemur, et fructu : Per Dominum.

Secunda et tertia Postcommunio, pag. 65

Orémus. Humiliáte capita vestra Deo.

Oratio super populum

ADJUA nos Deus salutaris noster; et ad beneficia recolenda, quibus nos instaurare dignatus es, tribue venire gaudentes : Per Dominum.

FERIA TERTIA

Statio ad sanctam Priscam

Officium

Gal. 6

NOS autem gloriari oportet in Cruce Domini nostri Jesu Christi : in quo est salus, vita, et resurrectio nostra : per quem salvati, et liberati sumus. **Ps. 66** Deus

misereatur nostri, et benedicat nobis : illuminet vultum suum super nos, et misereatur nostri. **Nos autem.**

Dominus vobiscum. Orémus. Flectamus genua. Levate.

Oratio

OMNIPOTENS sempiternus Deus da nobis ita Dominicæ passionis sacramenta peragere; ut indulgentiam percipere mereamur : Per eundem Dominum.

Secunda et tertia Oratio, pag. 63

Lectio Jeremiæ Prophætæ.

c. 11

IN diæbus illis : Dixit Jeremias : Domine demonstrasti mihi, et cognovi : tunc ostendisti mihi studia eorum. Et ego quasi agnus mansuetus, qui portatur ad victimam : et non cognovi quia cogitaverunt super me consilia, dicentes : Mittamus lignum in panem ejus, et eradamus eum de terra viventium, et nomen ejus non memoretur amplius. Tu autem Domine Sabaoth, qui iudicas juste, et probas renes et corda, videam ultionem tuam ex eis : Tibi enim revelavi causam meam, Domine Deus meus.

Ps. 34 Ego autem, dum mihi molesti essent, induëbam me cilicio, et humiliabam in jejuniis animam meam : et oratio mea in sinu meo convertetur. **Ps. 34** Iudica Domine nocentes me, expugna impugnantes me : apprehende arma et scutum, et exsurge in adiutorium mihi.

Pássio Dómini nostri Jesu Christi secúndum Marcum.

c. 14 et 15

IN illo témpore: Erat Pascha et Azyma post bíduum : Et quærébant summi sacerdótes, et scribæ quómodo Jesum dolo tenérent, et occiderent. Dicébant autem : **S** Non in die festo, ne forte tumultus fieret in pópulo. **C** Et cum esset Jesus Bethánia in domo Simónis leprósi, et recúmberet : venit múlter habens alabástrum unguénti nardí spicáti pretiósi, et fracto alabástro, effúdit super caput ejus. Erant autem quidam indigne feréntes intra semetípsos, et dicéntes : **S** Ut quid perditio ista unguénti facta est? Póterat enim unguéntum istud venúndari plus quam trecéntis denáriis, et dari paupéribus. **C** Et fremébant in eam. Jesus autem dixit : ✠ Sínite eam, quid illi molésti estis? Bonum opus operáta est in me. Semper enim páuperes habétis vobiscum : et cum voluéritis, potéstis illis benefácere : Me autem non semper habétis. Quod hábuit hæc, fecit : prævenit úngere corpus meum in sepul túram. Amen dico vobis : ubicúmque prædicátum fúerit Evangélium istud in univérso mundo, et quod fecit hæc, narrábitur in memóriam ejus. **C** Et Judas Iscariótes unus de duódecim ábiit ad summos sacerdótes, ut próderet eum illis. Qui audiéntes gavísi sunt : et promisérunt ei pecúniam se datúros. Et quærébat

quómodo illum oportúne tráderet. Et primo die Azymórum quando Pascha immolábant, dicunt ei discípuli : **S** Quo vis eámus, et parémus tibi ut mandúces Pascha? **C** Et mittit duos ex discípulis suis, et dicit eis : ✠ Ite in civitátem : et occúrret vobis homo lagénam aquæ bájulans, sequíminieum : Et quocúmque introierit, dicite dómino domus, quia Magíster dicit : Ubi est refectio mea, ubi Pascha cum discípulis meis mandúcem? Et ipse vobis demonstrábit cenáculum grande, stratum : et illic paráte nobis. **C** Et abiérunt discípuli ejus, et venérunt in civitátem : et invenérunt sicut dixerat illis, et paravérunt Pascha. Véspere autem facto, venit cum duódecim. Et discumbéntibus eis, et manducántibus, ait Jesus : ✠ Amen dico vobis, quia unus ex vobis tradet me, qui mandúcat mecum. **C** At illi cœpérunt contristári, et dicere ei singulátim : **S** Numquid ego? **C** Qui ait illis : ✠ Unus ex duódecim, qui intingit mecum manum in catíno. Et Fílius quidem hómínis vadit, sicut scriptum est de eo : Væ autem hómíni illi, per quem Fílius hómínis tradétur. Bonum erat ei, si non esset natus homo ille. **C** Et manducántibus illis, accépit Jesus panem : et benedicens fregit, et dedit eis, et ait : ✠ Súmite, hoc est Corpus meum. **C** Et accépto cálice, grátias agens dedit eis : Et bibérunt ex illo omnes. Et ait illis : ✠ Hic est Sanguis meus

novi testaménti, qui pro multis effundétur. Amen dico vobis, quia jam non bibam de hoc genímine vitis usque in diem illum, cum illud bibam novum in regno Dei. **C** Et hymno dicto, exiérunt in Montem olivárum. Et ait eis Jesus : **✠** Omnes scandalizabímmini in me in nocte ista : quia scriptum est : Percútiam pastórem, et dispergéntur oves. Sed postquam resurréxero, præcedám vos in Galiléam. **C** Petrus autem ait illi : **S** Et si omnes scandalizátí fúerint in te : sed non ego. **C** Et ait illi Jesus : **✠** Amen dico tibi, quia tu hódie in nocte hac, priúsq(uam) gallus vocem bis déderit, ter me es negatúrus. **C** At ille ámplius loquebátur : **S** Et si oportúerit me simul cómmori tibi, non te negábo. **C** Simíliter autem et omnes dicebant. Et véniunt in prædium, cui nomen Gethsémani. Et ait discíplis suis : **✠** Sedéte hic, donec orem. **C** Et assúmit Petrum, et Jacóbum, et Joánnem secum : et cœpit pavére, et tædere. Et ait illis : **✠** Tristis est ánima mea usque ad mortem : Sustinéte hic, et vigiláte. **C** Et cum processisset páulum, prócidit super terram : et orábat, ut si fieri posset, transíret ab eo hora : Et dixit : **✠** Abba pater, ómnia tibi possibília sunt, transfer cálicem hunc a me : Sed non quod ego volo, sed quod tu. **C** Et venit, et invénit eos dormiéntes. Et ait Petro : **✠** Simon, dormis? Non potuísti una hora vigiláre? Vigiláte, et oráte ut non

intrétis in tentatiónem. Spíritus quidem promptus est, caro vero infirma. **C** Et iterum ábiens, orávit eúmdem sermónem dicens. Et revérsus, dénuo invénit eos dormiéntes, (erant enim óculi eórum graváti) et ignorábant quid responderént ei. Et venit tértio, et ait illis : **✠** Dormíte jam, et requiescite. Súfficit : Venit hora : ecce Filius hóminis tradétur in manus peccatórum. Súrgite, eámus : ecce qui me tradet, prope est. **C** Et, adhuc eo loquente, venit Judas Iscariótes unus de duódecim, et cum eo turba multa cum gládiis, et lignis, a summis sacerdotibus, et scribis, et senióribus. Déderat autem tráditor ejus signum eis, dicens : **S** Quemcúmque osculátus fuero, ipse est, tenéte eum, et dúcite caute. **C** Et cum venisset, statim accédens ad eum, ait : **S** Ave Rabbi. **C** Et osculátus est eum. At illi manus iniecérunt in eum, et tenuérunt eum. Unus autem quidam de circumstántibus edúcens gládium, percússit servum summi sacerdotis : et amputávit illi aurículam. Et respóndens Jesus, ait illis : **✠** Tamquam ad latrónem existis cum gládiis, et lignis comprehendere me? Quotídie eram apud vos in templo docens, et non me tenuístis. Sed ut impleántur Scriptúre. **C** Tunc discipuli ejus relinquéntes eum, omnes fugérunt. Adoléscens autem quidam sequebátur eum amíctus síndone super nudo : et tenuérunt eum. At ille rejé-

cta sindone, nudus profúgit ab eis. Et adduxérunt Jesum ad summum sacerdótem : et convenérunt omnes sacerdótes, et scribæ, et senióres. Petrus autem a longe secútus est eum usque intro in átrium summi sacerdótis : et sedébat cum minístris ad ignem, et calefaciébat se. Summi vero sacerdótes, et omne concílium quærébant advérsus Jesum testimónium, ut eum morti tráderent, nec inveniébant. Multi enim testimónium falsum dicébant advérsus eum : et conveniéntia testimónia non erant. Et quidam surgéntes, falsum testimónium ferébant advérsus eum, dicéntes : **S** Quóniam nos audívimus eum dicéntem : Ego dissólvam templum hoc manu factum, et per tríduum áliud non manu factum ædificábo. **C** Et non erat convéniens testimónium illórum. Et exsúrgens summus sacérdos in médium, interrogávit Jesum, dicens : **S** Non respóndes quidquam ad ea, quæ tibi objiciúntur ab his? **C** Ille autem tacébat, et nihil respóndit. Rursum summus sacérdos interrogábat eum, et dixit ei : **S** Tu es Christus Fílius Dei benedicti? **C** Jesus autem dixit illi : ✠ Ego sum : Et vidébitis Fílium hóminis sedéntem a dextris virtútis Dei, et veniéntem cum núbibus cæli. **C** Summus autem sacérdos scindens vestiménta sua, ait : **S** Quid adhuc desiderámus testes? Audístis blasphemíam : Quid vobis vidétur? **C** Qui omnes condemna-

vérunt eum esse reum mortis. Et cœpérunt quidam conspúere eum, et veláre fáciem ejus, et cólaphis eum cædere, et dicere ei : **S** Prophetiza. **C** Et minístri álapis eum cædebant. Et cum esset Petrus in átrio deórsum, venit una ex ancillis summi sacerdótis : Et cum vidísset Petrum calefaciéntem se, aspiciens illum, ait : **S** Et tu cum Jesu Nazaréno eras. **C** At ille negávit, dicens : **S** Neque scio, neque noví quid dicas. **C** Et éxiit foras ante átrium, et gallus cantávit. Rursus autem cum vidísset illum ancilla, cœpit dicere circumstántibus, Quia hic ex illis est. At ille íterum negávit. Et post pusillum rursus qui astábant, dicébant Petro : **S** Vere ex illis es : nam et Galiléus es. **C** Ille autem cœpit anathematizáre, et juráre, Quia nescio hóminem istum, quem dicitis. Et statim gallus íterum cantávit. Et recordátus est Petrus verbi quod dixerat ei Jesus, Priúsqvam gallus cantet bis, ter me negábis. Et cœpit flere. * Et confestim, mane consilium facientes summi sacerdótes cum senióribus, et scribis, et unívsero concílio, vinciéntes Jesum, duxérunt, et tradidérunt Piláto. Et interrogávit eum Pilátus : **S** Tu es Rex Judæórum? **C** At ille respóndens, ait illi : ✠ Tu dicis. **C** Et accusábant eum summi sacerdótes in multis. Pilátus autem rursum interrogávit eum, dicens : **S** Non respóndes quidquam? Vide in quantis te accúsant. **C** Jesus

autem amplius nihil respondit, ita ut miraretur Pilatus. Per diem autem festum solébat dimittere illis unum ex vinctis, quemcúmque petíissent. Erat autem qui dicebátur Barábbas, qui cum seditiósus erat vinctus, qui in seditiône fécerat homicídium. Et cum ascendisset turba, cœpit rogáre, sicut semper faciébat illis. Pilátus autem respóndit eis, et dixit : **S** Vultis dimittam vobis Regem Judæórum? **C** Sciébat enim quod per invidiam tradidissent eum summi sacerdótes. Pontifices autem concitavérunt turbam, ut magis Barábbam dimitteret eis. Pilátus autem iterum respóndens, ait illis : **S** Quid ergo vultis fáciam Regi Judæórum? **C** At illi iterum clamavérunt : **S** Crucifige eum. **C** Pilátus vero dicebat illis : **S** Quid enim mali fecit? **C** At illi magis clamábant : **S** Crucifige eum. **C** Pilátus autem volens pópulo satisfácere, dimisit illis Barábbam, et trádedit Jesum flagéllis cæsum, ut crucifigerétur. Milites autem duxérunt eum in átrium prætórii, et cónvocant totam cohórtem. Et induunt eum púrpura, et impónunt ei plecténtes spineam corónam. Et cœpérunt salutáre eum : **S** Ave Rex Judæórum. **C** Et percutiébant caput ejus arúndine : et conspuébant eum, et ponéntes génuá, adorábant eum. Et postquam illusérunt ei, exuérunt illum púrpura, et induérunt eum vestiméntis suis : et edúcant illum ut crucifigerent eum. Et

angariavérunt prætereúntem quémpiam, Simónem Cyrenæum veniéntem de villa, patrem Alexándri et Rufi, ut tólleret crucem ejus. Et perdúcant illum in Gólgotha locum : quod est interpretátum Calváriæ locus. Et dabant ei bibere myrrhátum vinum : et non accépit. Et crucifigéntes eum, divisérunt vestiménta ejus, mitténtes sortem super eis, quis quid tólleret. Erat autem hora tértia : et crucifixérunt eum. Et erat título causæ ejus inscriptus : Rex Judæórum. Et cum eo crucifigunt duos latrónes : unum a dextris, et álium a sinistris ejus. Et impléta est Scriptúra, quæ dicit : Et cum iniquis reputátus est. Et prætereúntes blasphemábant eum, movéntes cápita sua, et dicéntes : **S** Vah qui déstruis templum Dei, et in tribus diébus reádficas : Salvum fac temetípsum, descéndens de cruce. **C** Simíliter et summi sacerdótes illudéntes, ad altérutrum cum sribis dicébant : **S** Alios salvos fecit, seípsum non potest salvum fácere. Christus Rex Israël descéndat nunc de cruce, ut videámus, et credámus. **C** Et qui cum eo crucifixi erant, conviciabántur ei. Et facta hora sexta, ténebræ factæ sunt per totam terram usque in horam nonam. Et hora nona exclamávit Jesus voce magna, dicens : ✠ Eloi, Eloi, lamma sabachtháni? **C** Quod est interpretátum : ✠ Deus meus, Deus meus, ut quid dereliquísti me? **C** Et quidam

dæ circumstántibus audientes, dicébant : **S** Ecce Eliam vocat.

C Currrens autem unus, et implens spóngiam acéto, circumponénsque cálamò, potum dabat ei, dicens : **S** Sinite, videámus, si véniat Elías ad deponéndum eum. **C** Jesus autem, emissa voce magna, exspirávit. *Hic pausatur aliquantulum, et genuflectitur.* Et velum templi scissum est in duo, a summo usque deórsum. Videns autem centúrio, qui ex advérso stabat, quia sic clamans exspirásset, ait : **S** Vere hic homo Fílius Dei erat. **C** Erant autem et mulieres de longe aspicientes : inter quas erat María Magdaléne, et María Jacóbi minóris, et Joseph mater, et Salóme : et cum esset in Galiléa, sequebántur eum, et ministrábant ei, et áliæ multæ, quæ simul cum eo ascénderant Jerosólymam.

ET cum jam sero esset factum (quia erat Parasceve, quod est ante sábbatum) venit Joseph ab Arimathæa nóbilis decúrio, qui et ipse erat exspéctans regnum Dei, et audácter introívit ad Pilátum, et pétiit corpus Jesu. Pilátus autem mirabátur, si jam obiisset. Et accersito centurióne, interrogávit eum si jam mórtuus esset. Et cum cognovisset a centurióne, donávit corpus Joseph. Joseph autem mercátus sindonem, et depónens eum invólvit sindone, et pósuit eum in monumento, quod erat excísus de

petra, et advólvit lápidem ad óstium monuménti.

Offertorium Ps. 139 Custódi me Dómine de manu peccatóris : et ab homínibus iníquis éripe me.

Secreta

SACRIFICIA nos, quæsumus Dómine, propénsius ista restáurent, quæ medicinálibus sunt institúta jejúniis. Per Dóminum.

Secunda et tertia Secreta, pag. 65

Præfatio Qui salútem humáni.

Communio Ps. 68 Advérsum me exercebántur qui sedébant in porta, et in me psallébant qui bibébant vinum : ego vero orationem meam ad te Dómine : tempus benepláciti Deus, in multitúdine misericórdiæ tuæ.

Postcommunio

SANCTIFICATIONIBUS tuis, omnípotens Deus, et vítia nostra curéntur; et remédia nobis sempitérna provéniant : Per Dóminum.

Secunda et tertia Postcommunio, pag. 65

Orémus. Humiliáte cápita vestra Deo.

Oratio super populum

TUA nos misericórdia, Deus, et ab omni subreptióne vetustátis expúrget; et cápaces sanctæ novitátis efficiat : Per Dóminum.



FERIA QUARTA

*Statio ad S. Mariam Majorem***Officium****Phil. 2**

IN nómine Jesu omne genu flectátur cæléstium, terréstrium, et infernórum : quia Dóminus factus est obédiens usque ad mortem, mortem autem Crucis : ideo Dóminus Jesus Christus in glória est Dei Patris. **℟. Ps. 101** Dómine exáudi oratióem meam : et clamor meus ad te véniat. **In nómine.**

Post Kýrie eléison, non dicatur Dóminus vobíscum, sed

Orémus. Flectámus génua. Leváte.

Oratio

PRÆSTA, quæsumus omnipotens Deus : ut qui nostris excéssibus incessánte affligimur; per unigéniti Filii tui passióem liberémur : Qui tecum vivit.

Lectio Isaíæ Prophætæ.**c. 62 et 63**

HÆC dicit Dóminus Deus : Dícite filiæ Sion : Ecce salvátor tuus venit : ecce merces ejus cum eo. Quis est iste, qui venit de Edom, tinctis véstibus de Bosra? Iste formósus in stola sua, grádiens in multitudine fortitúdinis suæ. Ego, qui loquor justítiam, et propugnátor sum ad salvándum. Quare ergo rubrum est indumentum tuum, et vestimenta tua sicut calcántium in torculári? Tórcular calcávi solus, et de géntibus non est vir mecum : Calcávi eos in

furóre meo, et conculcávi eos in ira mea : Et aspérsus est sanguis eórum super vestimenta mea, et ómnia indumenta mea inquinávi. Dies enim ultiónis in corde meo, annus redemptionis meæ venit. Circumspéxi, et non erat auxiliátor : quæsi, et non fuit qui adjuváret : Et salvávit mihi bráchium meum, et indignatio mea ipsa auxiliáta est mihi. Et conculcávi pópulos in furóre meo, et inebriávi eos in indignatióne mea, et detráxi in terram virtutem eórum. Miseratiónum Dómini recordabor, laudem Dómini super ómnibus, quæ réddidit nobis Dóminus Deus noster.

℟. Ps. 68 Ne avértas faciém tuam a púero tuo : quóniam tribulor, velóciter exáudi me. **℟.** Salvum me fac Deus, quóniam intravérunt aquæ usque ad ánimam meam : infixus sum in limo profúndi, et non est substántia.

Dóminus vobíscum. Orémus. Flectámus génua. Leváte.

Oratio

DEUS, qui pro nobis Fílium tuum crucis patibulum subíre voluísti, ut inimíci a nobis expélleres potestátem; concéde nobis fámulis tuis, ut resurrectionis grátiam consequámur : Per eúmdem Dóminum nostrum.

Secunda et tertia Oratio, pag. 63

Lectio Isaíæ Prophætæ. c. 53

IN diébus illis : Dixit Isaías : Dómine, quis crédidit auditui nostro? et bráchium Dó-

mini cui revelátum est? Et ascéndet sicut virgúltum coram eo, et sicut radix de terra sitiénti : Non est spécies ei, neque decor : Et vidimus eum, et non erat aspéctus, et desiderávimus eum : despéctum, et novíssimum virórum, virum dolórum, et sciéntem infirmitátem : Et quasi absconditus vultus ejus et despéctus, unde nec reputávimus eum. Vere languóres nostros ipse tulit, et dolóres nostros ipse portávit : Et nos putávimus eum quasi leprósum, et percússum a Deo et humiliátum. Ipse autem vulnerátus est propter iniquitátes nostras, attrítus est propter scélera nostra : Disciplina pacis nostræ super eum, et livóre ejus sanáti sumus. Omnes nos quasi oves errávimus, unusquisque in viam suam declinávit : et pósuit Dóminus in eo iniquitátem ómnium nostrum. Oblátus est quia ipse vóluit, et non apérui os suum : Sicut ovis ad occisióem ducétur, et quasi agnus coram tondénte se obmutéscet, et non apériet os suum. De angústia, et de iudicio sublátus est : Generatióem ejus quis enarrábit? Quia abscissus est de terra vivéntium : Propter scelus pópuli mei percússi eum. Et dabit ímpios pro sepultúra, et dívitem pro morte sua : eo quod iniquitátem non fécerit, neque dolus fúerit in ore ejus. Et Dóminus vóluit contérrere eum in infirmitáte : Si posúerit pro peccáto ánimam suam, vidébit semen longævum, et volúntas Dómini in manu ejus

dirigétur. Pro eo quod laborávit ánimá ejus, vidébit et saturábitur : In sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos : et fórtium dívidet spólia, pro eo quod trádidi in mortem ánimam suam, et cum scelerátis reputátus est : Et ipse peccáta multórum tulit, et pro transgressóribus rogávit.

Tractus Ps. 101 Dómine exáudi oratióem meam : et clamor meus ad te véniat.

✠. Ne avértas faciém tuam a me : in quacúmque die tribulor. inclína ad me aurem tuam. ✠. In quacúmque die invocávero te, velóriter exáudi me. ✠. Quia defecérunt sicut fumus dies mei : et ossa mea sicut in frixório confrixa sunt.

✠. Percússus sum sicut fœnum, et áruit cor meum : quia oblítus sum manducáre panem meum. ✠. Tu exsúrgens Dómine miseréberis Sion : quia venit tempus miseréendi ejus.

Pássio Dómini nostri Jesu Christi secúndum Lucam.

c. 22 et 23

IN illo témpore : Appropinquábat dies festus Azymórum, qui dicitur Pascha : et quærébant príncipes sacerdótum, et scribæ, quómodo Jesum interfícerent : Timébant vero plebem. Intrávit autem sátanás in Judam, qui cognominabátur Iscariótes, unum de duódecim. Et ábiit, et locútus est cum príncípibus sa-

cerdótum, et magistrátibus, quemádmódum illum tráderet eis. Et gavísi sunt, et pacti sunt pecúniám illi dare. Et spopóndit. Et quærébat oportunitátem, ut tráderet illum sine turbis. Venit autem dies Azymórum, in qua necesse erat occídi Pascha. Et misit Petrum, et Joánnem, dicens : ✠ Eúntes paráte nobis Pascha, ut manducémus. **C** At illi dixerunt : **S** Ubi vis parémus? **C** Et dixit ad eos : ✠ Ecce introëúntibus vobis in civitátem, occurreret vobis homo quidam ámphoram aquæ portans : Sequímini eum in domum, in quam intrat, et dicétis patrifamílias domus : Dicit tibi Magister : Ubi est diversórium, ubi Pascha cum discipulis meis mandúcem? Et ipse osténdet vobis cenáculum magnum stratum, et ibi paráte. **C** Eúntes autem invenérunt sicut dixit illis, et paravérunt Pascha. Et cum facta esset hora, discúbuit, et duódecim Apóstoli cum eo. Et ait illis : ✠ Desidério desiderávi hoc Pascha manducáre vobíscum, ántequam pátiar. Dico enim vobis, quia ex hoc non manducábo illud, donec impleátur in regno Dei. **C** Et accépto cálice, grátias egit, et dixit : ✠ Accípíte, et dividíte inter vos. Dico enim vobis, quod non bibam de generatióne vitis, donec regnum Dei véniat. **C** Et accépto pane, grátias egit, et fregit, et dedit eis, dicens : ✠ Hoc est Corpus meum, quod pro vobis datur : Hoc fácite in meam commemoratiónem.

C Simíliter et cálicem, postquam cenávit, dicens : ✠ Hic est calix novum testaméntum in Sáanguine meo, qui pro vobis fundétur. Verúmtamen ecce manus tradéntis me, mecum est in mensa. Et quidem Filius hóminis, secúndum quod definitum est, vadit : Verúmtamen væ hómini illi, per quem tradétur. **C** Et ipsi coépérunt quærere inter se, quis esset ex eis, qui hoc factúrus esset. Facta est autem et conténtio inter eos, quis eórum viderétur esse major. Dixit autem eis : ✠ Reges géntium dominántur eórum : et qui potestátem habent super eos, benéfici vocántur. Vos autem non sic : Sed qui major est in vobis, fiat sicut minor : Et qui præcëssor est, sicut ministrátor. Nam quis major est, qui recúmbit, an qui ministrat? Nonne qui recúmbit? Ego autem in médio vestrum sum, sicut qui ministrat : Vos autem estis, qui permansistis mecum in tentatióibus meis : Et ego dispóno vobis sicut dispósuit mihi Pater meus regnum, ut edátis, et bibátis super mensam meam in regno meo : et sedeátis super thronos judicántes duódecim tribus Ísraël. **C** Ait autem Dóminus : ✠ Simon, Simon, ecce sáttanas expetívit vos, ut cribráret sicut tríticum : Ego autem rogávi pro te, ut non deficiat fides tua : Et tu aliquándo convérsus, confírma fratres tuos. **C** Qui dixit ei : **S** Dómine, tecum parátus sum et in cárcerem, et in mortem

ire. **C** At ille dixit : ✠ Dico tibi Petre, non cantabit hodie gallus, donec ter abneges nosse me. **C** Et dixit eis : ✠ Quando misi vos sine sacco, et pera, et calceamentis, numquid aliquid defuit vobis? **C** At illi dixerunt : **S** Nihil. **C** Dixit ergo eis : ✠ Sed nunc qui habet sacculum, tollat similiter et peram : Et qui non habet, vendat tunicam suam, et emat gladium. Dico enim vobis, quoniam adhuc hoc, quod scriptum est, oportet impleri in me : Et cum iniquis deputatus est. Etenim ea, quæ sunt de me, finem habent. **C** At illi dixerunt : **S** Domine, ecce duo gladii hic. **C** At ille dixit eis : ✠ Satis est : **C** Et egressus ibat secundum consuetudinem in Montem olivarum. Secuti sunt autem illum et discipuli. Et cum pervenisset ad locum, dixit illis : ✠ Orate, ne intratis in tentationem. **C** Et ipse avulsus est ab eis quantum jactus est lapidis : et positus genibus orabat, dicens : ✠ Pater, si vis, transfer calicem istum a me : Verumtamen non mea voluntas, sed tua fiat. **C** Apparuit autem illi Angelus de caelo, confortans eum. Et factus in agonia, prolixius orabat. Et factus est sudor ejus, sicut guttæ sanguinis decurrentis in terram. Et cum surrexisset ab oratione, et venisset ad discipulos suos, invenit eos dormientes præ tristitia. Et ait illis : ✠ Quid dormitis? Surgite, orate, ne intratis in tentationem. **C** Adhuc eo lo-

quente, ecce turba : et qui vocabatur Judas, unus de duodecim, antecederat eos : Et appropinquavit Jesu, ut oscularetur eum. Jesus autem dixit illi : ✠ Juda, osculo Filium hominis tradis? **C** Videntes autem hi, qui circa ipsum erant, quod futurum erat, dixerunt ei : **S** Domine, si percútimus in gladio? **C** Et percussit unus ex illis servum principis sacerdotum, et amputavit auriculam ejus dexteram. Respondens autem Jesus, ait : ✠ Sinite usque huc. **C** Et cum tetigisset auriculam ejus, sanavit eum. Dixit autem Jesus ad eos, qui venerant ad se, principes sacerdotum, et magistratus templi, et seniores : ✠ Quasi ad latronem existis cum gladiis, et fustibus? Cum quotidie vobiscum fuerim in templo, non extendistis manus in me : Sed hæc est hora vestra, et potestas tenebrarum. **C** Comprehendentes autem eum, duxerunt ad domum principis sacerdotum : Petrus vero sequebatur a longe. Accenso autem igne in medio atrii, et circumsedentibus illis, erat Petrus in medio eorum. Quem cum vidisset ancilla quædam sedentem ad lumen, et eum fuisset intuita, dixit : **S** Et hic cum illo erat. **C** At ille negavit eum, dicens : **S** Mulier, non novi illum. **C** Et post pusillum alius videns eum, dixit : **S** Et tu de illis es. **C** Petrus vero ait : **S** O homo, non sum. **C** Et intervállo facto quasi horæ unius, alius quidam affirmabat, dicens :

S Vere et hic cum illo erat : nam et Galilæus est. **C** Et ait Petrus : **S** Homo, nescio quid dicis. **C** Et continuo, adhuc illo loquente, cantavit gallus. Et conversus Dominus respexit Petrum. Et recordatus est Petrus verbi Domini, sicut dixerat, Quia priusquam gallus cantet, ter me negabis. Et egressus foras Petrus flevit amare. Et viri, qui tenebant illum, illudabant ei, cadentes. Et velaverunt eum, et percutiebant faciem ejus : et interrogabant eum, dicentes : **S** Prophetiza, quis est, qui te percussit? **C** Et alia multa blasphemantes dicebant in eum. Et ut factus est dies, convenérunt seniores plebis, et principes sacerdotum, et scribæ, et duxerunt illum in concilium suum, dicentes : **S** Si tu es Christus, dic nobis. **C** Et ait illis : ✠ Si vobis dixero, non credétis mihi : Si autem et interrogávero, non respondébitis mihi, neque dimittétis. Ex hoc autem erit Filius hominis, sedens a dextris virtutis Dei. **C** Dixérunt autem omnes : **S** Tu ergo es Filius Dei? **C** Qui ait : ✠ Vos dicitis, quia ego sum. **C** At illi dixérunt : **S** Quid adhuc desiderámus testimónium? Ipsi enim audivimus de ore ejus. * **C** Et surgens omnis multitúdo eorum, duxerunt illum ad Pilátum. Cœpérunt autem illum accusare, dicentes : **S** Hunc invénimus subvertentem gentem nostram, et prohibentem tributa dare Cæsari, et dicentem se Christum Re-

gem esse. **C** Pilátus autem interrogávit eum, dicens : **S** Tu es Rex Judæorum? **C** At ille respondens, ait : ✠ Tu dicis. **C** Ait autem Pilátus ad principes sacerdotum, et turbas : **S** Nihil invénio causæ in hoc homine. **C** At illi invalescebant, dicentes : **S** Commovet populum docens per universam Judæam, incipiens a Galilæa usque huc. **C** Pilátus autem audiens Galilæam, interrogávit si homo Galilæus esset. Et ut cognóvit quod de Heródis potestate esset, remisit eum ad Heródem, qui et ipse Jerosólymis erat illis diebus. Heródes autem viso Jesu, gavisus est valde. Erat enim cupiens ex multo tempore videre eum, eo quod audierat multa de eo, et sperabat signum aliquod videre ab eo fieri. Interrogabat autem eum multis sermonibus. At ipse nihil illi respondébat. Stabant autem principes sacerdotum, et scribæ constanter accusantes eum. Sprevit autem illum Heródes cum exercitu suo : et illúsit indutum veste alba, et remisit ad Pilátum. Et facti sunt amici Heródes et Pilátus in ipsa die : Nam ántea inimici erant ad invicem. Pilátus autem convocatis principibus sacerdotum, et magistratibus, et plebe, dixit ad illos : **S** Obtulistis mihi hunc hominem, quasi avertentem populum, et ecce ego coram vobis interrogans, nullam causam invéni in homine isto ex his, in quibus eum accusátis. Sed neque Heródes : Nam remisi vos ad

illum, et ecce nihil dignum morte actum est ei. Emendatum ergo illum dimittam.

C Necesse autem habebat dimittere eis per diem festum, unum. Exclamavit autem simul universa turba, dicens :

S Tolle hunc, et dimitte nobis Barabbam.

C Qui erat propter seditionem quamdam factam in civitate et homicidium, missus in carcerem. Iterum autem Pilatus locutus est ad eos, volens dimittere Jesum. At illi succlamabant, dicentes :

S Crucifige, crucifige eum.

C Ille autem tertio dixit ad illos : **S** Quid enim mali fecit iste? Nullam causam mortis invenio in eo : Corripiam ergo illum, et dimittam.

C At illi instabant, vocibus magnis postulantes ut crucifigeretur : Et invalescebant voces eorum.

Et Pilatus adjudicavit fieri petitionem eorum. Dimisit autem illis eum, qui propter homicidium, et seditionem

missus fuerat in carcerem, quem petebant, Jesum vero tradidit voluntati eorum. Et cum ducerent eum, apprehenderunt

Simonem quemdam Cyrenensem venientem de villa : et imposuerunt illi crucem

portare post Jesum. Sequebatur autem illum multa turba populi, et mulierum : quæ

plangebant, et lamentabantur eum. Conversus autem ad illas

Jesus, dixit : **✠** Filiae Jerusalem, nolite flere super me, sed super vos ipsas flete, et super

filios vestros. Quoniam ecce venient dies, in quibus dicent :

Beatae steriles, et ventres, qui

non genuerunt, et ubera, quæ non lactaverunt. Tunc incipient dicere montibus, Cadite super nos : et collibus, Operite nos. Quia si in viridi ligno hæc faciunt, in arido quid fiet?

C Ducebantur autem et alii duo nequam cum eo, ut interficerentur. Et postquam venerunt in locum, qui vocatur Calvaria, ibi crucifixerunt eum : Et latrones, unum a dextris, et alterum a sinistris.

Jesus autem dicebat : **✠** Pater, dimitte illis : non enim sciunt quid faciunt.

C Dividentes vero vestimenta ejus, miserunt sortes. Et stabat populus spectans, et deridebant eum principes cum eis, dicentes : **S** Alios salvos fecit, se salvum faciat, si hic est Christus Dei electus.

C Illudabant autem ei et milites accedentes, et acetum offerentes ei, et dicentes : **S** Si tu

es Rex Judæorum, salvum te fac.

C Erat autem et superscriptio scripta super eum litteris Græcis, et Latinis, et

Hebræicis, Hic est Rex Judæorum. Unus autem de his, qui

pendebant, latronibus, blasphemabat eum, dicens : **S** Si

tu es Christus, salvum fac te ipsum, et nos.

C Respondens autem alter, increpabat eum, dicens : **S** Neque

tu times Deum, quod in eadem damnatione es. Et nos quidem

juste, nam digna factis recipimus : hic vero nihil mali gessit.

C Et dicebat ad Jesum : **S** Domine, memento mei, cum

veneris in regnum tuum.

C Et dixit illi Jesus : **✠** Amen, dico tibi : hodie mecum eris in

paradiso. **C** Erat autem fere hora sexta, et tenebræ factæ sunt in universam terram usque in horam nonam. Et obscuratus est sol : Et velum templi scissum est medium. Et clamans voce magna Jesus, ait : ✠ Pater, in manus tuas commendo spiritum meum. **C** Et hæc dicens, exspiravit. *Hic pausatur aliquantulum, et genuflectitur.* Videns autem centurio quod factum fuerat, glorificavit Deum, dicens : **S** Vere hic homo justus erat. **C** Et omnis turba eorum, qui simul aderant ad spectaculum istud, et videbant quæ fiebant, percutientes pectora sua revertebantur. Stabant autem omnes noti ejus a longe : et mulieres, quæ secutæ eum erant a Galilæa, hæc videntes.

ET ecce vir nomine Joseph, qui erat decurio, vir bonus, et justus : (hic non consenserat consilio, et actibus eorum) ab Arimathæa civitate Judææ, qui exspectabat et ipse regnum Dei. Hic accessit ad Pilatum, et petiit corpus Jesu : Et depositum involvit sindone, et posuit eum in monumento exciso, in quo nondum quisquam positus fuerat.

Offertorium Ps. 101 Domine exaudi orationem meam, et clamor meus ad te perveniat : ne avertas faciem tuam a me.

Secreta

SUSCIPE, quæsumus Domine, munus oblatum, et dignanter operare, ut quod passionis Filii tui Domini nostri mysterio gerimus, piis affe-

ctibus consequamur. Per eundem Dominum.

Secunda et tertia Secreta, pag. 65

Præfatio Qui salutem humani.

Communio Ps. 101 Potum meum cum fletu temperabam : quia elevans allisisti me : et ego sicut fœnum arui : tu autem Domine in æternum permanes : tu exurgens miseraberis Sion, quia venit tempus miserendi ejus.

Postcommunio

LARGIRE sensibus nostris, omnipotens Deus : ut per temporalem Filii tui mortem, quam mysteria veneranda testantur ; vitam te nobis dedisse perpetuam confidamus : Per eundem Dominum.

Secunda et tertia Postcommunio, pag. 65

Orémus. Humiliâte capita vestra Deo.

Oratio super populum

RESPICE, quæsumus Domine, super hanc familiam tuam : pro qua Dominus noster Jesus Christus non dubitavit manibus tradi nocentium ; et Crucis subire tormentum : Qui tecum vivit.

FERIA QUINTA IN CENA DOMINI

FRATRES privatas Missas non celebrent, sed omnes in Missa conventuali communicent.

Finita autem Nona, Prior cum Diacono, et Subdiacono, et Acolythis, absque sericis indumentis, et cereis, ad gradus presbyterii veniat : ibique Diacono cum uno

Acolythorum a dextris, et Subdiacono cum altero Acolythorum a sinistris, stantibus, incipiat sine nota Antiphonam Ne reminiscáris. Qua incepta, prosternat se cum ministris eo ordine, quo stabant, super aliquem pannum, ibi a Sacrista præparatum, et Cantore, ex cujus Choro fuerit Hebdomada, incipiente Psalmum Dómine, ne in furóre tuo árguas me, Fratres ipsum, et reliquos poenitenciales prosequantur, prostrati super formas, sine Glória Patri terminando singulos Psalmos, utroque Choro Versus alternatim dicente. Subiuncta post Psalmos a toto Choro Antiph. Ne reminiscáris, fiat absolutio sicut in quarta Feria in capite Jejunii est notatum, pag. 54

Facta absolutione, Prior cum ministris in sacristiam revertatur. Et Missa inchoata a Choro, (quæ sicut in festo Toto Duplici celebretur) assumptis sericis indumentis, et cereis accensis, procedat more solito ad altare.

AD MISSAM

Statio ad S. Joannem in Laterano

Officium

Gal. 6

NOS autem gloriári oportet in Cruce Dómini nostri Jesu Christi : in quo est salus, vita, et resurrectio nostra : per quem salváti, et liberáti sumus. *℟. Ps. 66* Deus misereátur nostri, et benedicat nobis : illúminet vultum suum super nos, et misereátur nostri. Nos autem. *Non dicatur* Glória Patri, *nec* Flectámus gēnua, *sed* Glória in excélsis Deo *dicatur*.

Orémus

Oratio

DEUS, a quo et Judas reátus sui poenam, et confessiónis suæ latro præmium sumpsit; concède nobis tuæ propi-

tiatiónis effectum : ut sicut in passióne sua Jesus Christus Dóminus noster diversa utrísque intulit stipéndia meritórum; ita nobis, abláto vetustátis erróre, resurrectionis suæ grátiam largiátur : Qui tecum vivit et regnat.

Hæc sola Oratio dicatur.

Lectio Epístolæ beáti Pauli Apóstoli ad Corínthios.

1, c. 11

FRATRES : Conveniéntibus vobis in unum, jam non est Dominicam cenam manducáre. Unusquisque enim suam cenam præsumit ad manducándum. Et álius quidem ésurit: álius autem ébrius est. Numquid domos non habétis ad manducándum, et bibéndum? Aut ecclésiám Dei contémnitis, et confúnditis eos, qui non habent? Quid dicam vobis? Laudo vos? In hoc non laudo. Ego enim accépi a Dómino quod et trádidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accípite, et manducáte : Hoc est Corpus meum, quod pro vobis tradétur : hoc fácite in meam commemoratiómem. Similiter et cálicem, postquam cenávit, dicens : Hic calix novum testaméntum est in meo Sanguine : hoc fácite, quotiescúmque bibétis, in meam commemoratiómem. Quotiescúmque enim manducábitis panem hunc, et cálicem bibétis : mortem Dómini annuntiábitis donec véniat. Itaque quicúmque man-

ducáverit panem hunc, vel biberit cálicem Dómini indigne : reus erit Córporis, et Sánguinis Dómini. Probet autem seípsum homo : et sic de pane illo edat, et de cálice bibat. Qui enim mandúcat, et bibit indigne, iudícium sibi mandúcat, et bibit : non dijudicans Corpus Dómini. Ideo inter vos multi infirmi et imbecílles, et dórmiunt multi. Quod si nosmetípsos dijudicáremus, non útique iudicáremur. Dum iudicámur autem, a Dómino corripimur, ut non cum hoc mundo damnémur.

✠ **Phil. 2** Christus factus est pro nobis obédiens usque ad mortem, mortem autem Crucis. ✠. Propter quod et Deus exaltávit illum, et dedit illi nomen, quod est super omne nomen.

✠ **Sequéntia sancti Evangélíi**
secúndum Joánnem. **c. 13**

ANTE diem festum Paschæ, sciens Jesus quia venit hora ejus ut tránseat ex hoc mundo ad Patrem : cum dilexisset suos, qui erant in mundo, in finem diléxit eos. Et cena facta, cum diábolus jam misisset in cor ut tráderet eum Judas Simónis Iscariótæ : sciens quia ómnia dedit ei Pater in manus, et quia a Deo exivit, et ad Deum vadit : surgit a cena, et ponit vestiménta sua : Et cum accepisset línteum, præcínxit se. Deínde mittit aquam in pelvim, et cœpit laváre pedes discipulórum, et extérgere línteo, quo erat præcinctus. Venit ergo ad Si-

mónem Petrum. Et dicit ei Petrus : Dómine, tu mihi lavas pedes? Respóndit Jesus, et dixit ei : Quod ego fácio, tu nescis modo, scies autem póstea. Dicit ei Petrus : Non lavábis mihi pedes in ætérnum. Respóndit ei Jesus : Si non lávero te, non habébis partem mecum. Dicit ei Simon Petrus : Dómine, non tantum pedes meos, sed et manus, et caput. Dicit ei Jesus : Qui lotus est, non indiget nisi ut pedes lavet, sed est mundus totus. Et vos mundi estis, sed non omnes. Sciébat enim quisnam esset qui tráderet eum : proptérea dixit, Non estis mundi omnes. Postquam ergo lavit pedes eórum, et accépit vestiménta sua : cum recubíisset íterum, dixit eis : Scitis quid fécerim vobis? Vos vocátis me Magíster, et Dómine : et bene dicitis : Sum étenim. Si ergo ego lavi pedes vestros, Dóminus, et Magíster : et vos debétis alter alterius laváre pedes. Exémplum enim dedi vobis, ut quemádmódum ego feci vobis, ita et vos faciátis. **Credo.**

Offertorium Ps. 117 Déxtera Dómini fecit virtútem, déxtera Dómini exaltávit me : non móriar, sed vivam, et narrábo ópera Dómini.

Secreta

IPSE tibi, quæsumus, Dómine sancte, Pater omnípotens, ætérne Deus, sacrificium nostrum reddat accéptum, qui discipulis suis in sui commemoratióne hoc fieri hodiérna traditióne monstrávit, Jesus

Christus Filius tuus, Dóminus noster : Qui tecum vivit.

Præfatio Qui salutem humáni.

Infra Canonem

COMMUNICANTES, et diem sacratissimum celebrántes, quo Dóminus noster Jesus Christus pro nobis est tráditus : Sed et memóriam venerántes, in primis gloriósæ semper Virginis Mariæ, Genitricis ejúsdem Dei, et Dómini nostri Jesu Christi : Sed et beatórum Apostolórum ac Mártýrum tuórum, Petri, et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis, et Thaddæi : Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis, et Pauli, Cosmæ, et Damiáni : et ómnium Sanctórum tuórum : quorum méritis precibúque concédas, ut in ómnibus protectiónis tuæ muniámur auxilio. Per eúndem Christum Dóminum nostrum. Amen.

HANC igitur oblatiónem servitútis nostræ, sed et cunctæ familiæ tuæ, quam tibi offérimus ob diem, in qua Dóminus noster Jesus Christus trádidit discipulis suis Córporis et Sánguinis sui mystéria celebránda, quæsumus Dómine ut placátus accípias, diésque nostros in tua pace dispónas, atque ab æténa damnatióne nos éripi, et in electórum tuórum júbeas grege numerári. Per eúndem Christum Dóminum nostrum. Amen.

QUAM oblatiónem tu Deus in ómnibus, quæsumus, bene ✠ dictam, adscrí ✠ ptam, ra ✠ tam, rationábilem, acceptabilémque fácere dignéris, ut nobis Cor ✠ pus, et San ✠ guis fiat dilectíssimi Filii tui Dómini nostri Jesu Christi.

QUI pridie quam pro nostra omniúmque salute patérétur, hoc est, hódie, accépit panem, *et reliqua ut in Canone.*

Dicatur Agnus Dei, sed pax non detur.

HAC die duæ hostiæ a Sacerdote consecrentur, quarum unam sumat, alteram reservet pro die sequenti, in quo non conficitur Sacramentum. (Poterunt etiam, si opus fuerit, aliquæ parvæ hostiæ pro infirmis consecrari, et reservari in pyxide.) Deinde Sacerdos sumat totum Sanguinem, quo sumpto, ante ablutionem digitorum, Hostiam in crastinum servandam ponat in calice diverso ab eo, in quo celebratum est : quem Diaconus patena et palla cooperiet, et in medio altaris collocabit, serico velo albi coloris super eum expanso.

Deinde fiat communio Fratrum, hoc ordine : ita ut primo communicent omnes ministri simul, (Diacono, et Subdiacono habentibus stolas super dalmaticas, si sint Sacerdotes) simulque omnes præ manibus teneant mundam mappam ad hoc præparatam, inter Sacerdotem et ipsos communicantes extensam, illamque sub mento, dum communicant, amababus manibus elevent. Post ministros, ceteri Fratres communicent, a majoribus incipiendo : Sacerdotibus cum stolis super cappas; omnibus vero binis, ac binis successive procedentibus ad altare; eodemque ordine in chorum revertantur : vel si altare sit intra chorum, prope presbyterium

in duos choros ordinati maneant genuflexi. Porro postquam ministri communicaverint, Acolythi flectentes genua in supremo gradu altaris hinc et inde, versis vultibus ad invicem, mappulam supradictam inter Priorem et Fratres communicantes teneant : Diaconus vero ad cornu Evangelii, et Subdiaconus ad cornu Epistolæ accedant, ad vinum sumendum de calice alio, quam sit calix, cum quo celebratur; posteaque aliis illud ministrent, tenendo pedem calicis dextera manu, et læva mundam et decentem mappulam, quacum Fratres post ablutionem oris labia detergant. Caveat autem Sacerdos, ne post factam consecrationem unquam Sacramento terga vertat, sed, tam præbendo sacram communionem Fratribus, quam dicendo Dóminus vobiscum, et dando benedictionem ante ultimum Evangelium, secedat paululum a medio, ob reverentiam Sacramenti, et ante et post quamlibet prædictarum actionum genuflectat : quod etiam ministri in suis functionibus observabunt.

Communio Joan. 13 Dóminus Jesus, postquam cenávit cum discipulis suis, lavit pedes eorum, et ait illis : Scitis quid fécerim vobis ego Dóminus, et Magister? exéplum dedi vobis, ut et vos ita faciátis.

Interim cantetur Communio, Fratribus cereos accendentibus, et genuflexis manentibus. Absoluta vero omnium Fratrum communione, Prior more solito patena recolligat fragmenta, et si quæ super corporale invenerit, in calice excutiat, tumque primam ablutionem sumat, et secundam etiam super digitos recipiat; qua sumpta, calicem super corporale deponat, quem Subdiaconus a se purgatum mox, præeunte uno Acolythorum cum ampullis, in sacristiam deferat. Deinde Prior, si Missam finire voluerit, dicta

Communione, accedat ad medium altaris, et facta genuflexione, verso vultu ad populum, seu Conventum, dicat Dóminus vobiscum. Deinde reversus ad librum dicat more solito :

Orémus. Postcommunio

REFFECTI vitálibus aliméntis, quæsumus Dómine Deus noster : ut quod témpore nostræ mortalitátis exséquimur; immortalitátis tuæ múnere consequámur : Per Dóminum nostrum.

Postea accedens ad medium, et genuflectens, dicat iterum Dóminus vobiscum, et deinde dicatur Ite missa est. Et data benedictione, dicatur Evangelium In principio erat.

Finita Missa, Acolythi cum candelabris, et cereis accensis vadant in sacristiam, Cruciferariumque inde habentem Crucem velatam, præeunte Thuriferario, comitentur, ac ante gradus presbyterii genuflexi sistant. Interim aliquibus ex antiquioribus Patribus, aut nobilioribus sæcularibus, a Sacrista ad deferendum baldachinum invitatis, Prior stans ante altare genuflexus thurificet Corpus Domini.

Postea Diaconus imponat super humeros Prioris velum sericum albi coloris, cujus extremitates super ejusdem manus expandat; et deinde facta genuflexione, de altari calicem, in quo est corpus Domini, cum pyxide, continente alias parvas Hostias consecratas, supraposita, tradat Priori inter manus : qui statim surgens vertat se ad populum. Tunc Cantor incipiat Hymnum Pange lingua gloriósi Córporis mystérium, et Conventus prosequatur. Fiatque Processio ad locum præparatum, ubi reponendum est pro crastino Corpus Christi, Priore incedente sub baldachino, fulcientibus eum hinc et inde per brachia Diacono et Subdiacono, et Thuriferario a latere, semper ante eum incen-

sante Corpus Domini. Cum perverint ad locum, fratres ordinati in duos Choros hinc et inde se collocent, ac genuflexi cantent præfatum Hymnum. Interim Diaconus genuflexus a Priore stante accipiat calicem et pyxidem cum Sacramento, et mox se erigens ponat illum primo super corporale in altari, ubi a Priore genuflexo incensetur ut supra : deinde Diaconus reponat illum cum pyxide in capsula ibidem præparata. Quo facto, Acolythi dicant *℟.* Panem de cælo. *℣.* Omne delectaméntum, et Prior erectus subjungat :

Orémus

Oratio

DEUS, qui nobis sub Sacraménto mirábili, passiónis tuæ memóriam reliquisti : tribue, quæsumus, ita nos Corporis et Sanguinis tui sacra mystéria venerári; ut redemptionis tuæ fructum in nobis júgiter sentiámus : Qui vivis et regnas per ómnia.

Ac postea extinctis cereis, vel ibidem accensis depositis, baldachino etiam et Cruce ibi relictis, revertantur omnes in chorum, ordine quo venerunt. Prior autem, et ministri, præeunte Thuriferario cum Cruciferario ante Acolythos, in sacristiam revertantur.

Si vero prius Vesperæ dicantur, antequam Missa terminetur, facta communione, fiat Processio, ut supra : et finita Processione, Prior et ministri ad presbyterium, et Conventus in chorum, ordine quo venerunt, revertantur.

Postquam vero omnes Fratres in chorum venerint, absque Pater noster, et absque Deus in adiutorium, incipiantur Vesperæ per Antiphonam Cálicem.

Dum autem Vesperæ a Conventu dicuntur, Prior cum ministris in presbyterio in cornu Epistolæ, Vesperas suas dicendo, sedeat usque-

quo inchoanda fuerit Antiphona ad Magnificat. Interim dum Vesperæ cantantur, Acolythi vel Sacrista denudent altare, relicta una sola linea mappa super illud, quæ etiam, finita Missa, auferatur.

Aña Cálicem salutáris accipiam, et nomen Dómini invocábo. **Ps. 115** Crédidi.

Aña Cum his qui odérunt pacem, eram pacíficus : cum loquébar illis, impugnábant me gratis. **Ps. 119** Ad Dóminum.

Aña Ab hominibus iniquis líbera me, Dómine. **Ps. 139** Eripe me.

Aña Custódi me a láqueo, quem statuérunt mihi, et a scándalis operántium iniquitátem. **Ps. 140** Dómine clamávi.

Aña Considerábam ad dexteram, et vidébam : et non erat qui cognósceret me. **Ps. 141** Voce mea.

Dicta post ultimum Psalmum Antiphona, Prior stans ad altare in cornu Epistolæ, Cantore ei deferente, incipiat ad Magnificat Antiphonam

Cenántibus autem illis, accépit Jesus panem, et benedíxit, ac fregit, deditque discípulis suis.

Stetque in eodem loco cum ministris de more ordinatis, donec cantatum sit Canticum cum Antiphona; qua finita, Prior conversus ad Conventum, seu populum, dicat Dóminus vobíscum.

Deinde reversus ad librum dicat more solito Orémus. Refécti vitálibus aliméntis, ut supra. Postea dicat iterum Dóminus vobíscum, et deinde dicatur *Ite* Missa est. Et data benedictione, dicat Evangelium *In principio*.

FERIA SEXTA IN PARASCEVE

Statio ad S. Crucem in Jerusalem

DUM Sexta et Nona cantantur, Prior et ministri induant se ad Officium, et Sacrista superficiem altaris mundis mappis cooperiat, et duos cereos more solito accendat.

Finita Nona, legatur in superpelli-
ceo a fratre, cui Cantor innuerit,
ante gradus presbyterii Prophetia
ex Osee Propheta sine ullo titulo,
Hæc dicit Dóminus : In tribula-
tione. Quæ dum legitur, Prior et
ministri induti paramentis nigri
coloris, Prior quidem cum casula,
Diaconus autem et Subdiaconus
sine dalmaticis, cum stola tantum
et manipulo, et Acolythi sine lumi-
naribus, procedant more solito ad
altare; et facta inclinatione profunda
ad medium illius cum ministris,
Prior non dicat In nómine Patris,
nec Confitémini Dómino quóniam
bonus, sed immediate sessum eat,
et uno Acolythorum tenente librum,
legat submissa voce Prophetiam

Osee 6

HÆC dicit Dóminus : In
tribulatione sua mane
consúrgent ad me : Venite, et
revertámur ad Dóminum :
quia ipse cepit, et sanábit nos :
percútiét, et curábit nos. Vivi-
ficábit nos post duos dies : in
die tértia suscitábit nos, et
vivémus in conspéctu ejus.
Sciémus, sequemúrque ut co-
gnoscámus Dóminum : Quasi
dilúculum præparátus est
egressus ejus, et véniet quasi
imber nobis temporáneus, et
serótinus terræ. Quid fáciám
tibi, Ephraïm? Quid fáciám
tibi, Juda? Misericórdia ve-
stra quasi nubes matutina : et
quasi ros mane pertránsiens.

Propter hoc dolávi in pro-
phétis, occídi eos in verbis
oris mei : Et iudícia tua quasi
lux egrediéntur. Quia mise-
ricórdiam vólui, et non sacri-
fícium, et sciéntiam Dei plus
quam holocáusta.

Finita Prophetia, cantetur

Tractus Habacuc 3 Dómine
audivi auditum tuum, et tí-
mui : considerávi ópera tua, et
expávi. ✠. In médio duórum
animálium innotescéris : dum
appropinquáverint anni, co-
gnoscéris : dum advénerit
tempus, ostendéris. ✠. In eo,
dum conturbáta fúerit ánima
mea, in ira, misericórdiæ me-
mor eris. ✠. Deus a Líbano
véniet, et sanctus de monte
umbróso et condénso. ✠. Opé-
ruit cælos majéstas ejus : et
laudis ejus plena est terra.

Postea Sacerdos ascendens gradus
altaris, in cornu Epistolæ absque
Dóminus vobíscum, et absque Fle-
ctámus génua, præmisso tantum
Orémus, dicat Orationem :

Oratio

DEUS, a quo et Judas reátus
sui poenam, et confessió-
nis suæ latro præmium sum-
psit; concéde nobis tuæ propi-
tiationis efféctum : ut sicut in
passione sua Jesus Christus
Dóminus noster diversa utris-
que intulit stipéndia meritó-
rum; ita nobis, abláto vetustá-
tis errore, resurrectionis suæ
grátiam largiátur : Qui tecum
vivit et regnat in unitáte Spí-
ritus Sancti Deus : per ómnia
sæcula sæculórum.

Deinde a Subdiacono in eodem
loco, quo et prior Prophetia lecta

est, legatur sine titulo, et in tono
Lectionis, sequens Lectio

Exo. 12

IN diébus illis : Dixit Dóminus ad Móysen, et Aaron in Terra Ægypti : Mensis iste, vobis principium ménsium : primus erit in ménsibus anni. Loquimini ad univérsum cœtum filiórum Israël, et dicite eis : Décima die mensis hujus tollat unusquisque agnum per familias et domos suas. Sin autem minor est númerus ut sufficere possit ad vescéndum agnum, assúmet vicínus suum qui junctus est dómui suæ, juxta númerum animárum quæ sufficere possunt ad esum agni. Erit autem agnus absque mácula, másculus, annículus : juxta quem ritum tollétis et hædum. Et servábitis eum usque ad quartam décimam diem mensis hujus : immolábítque eum univérsa multitúdo filiórum Israël ad vésperam. Et sument de ságuine ejus, ac ponent super utrúmque postem, et in superlimináribus domórum, in quibus cómedent illum. Et edent carnes nocte illa assas igni, et ázynos panes cum lactúcis agréstibus. Non comedétis ex eo crudum quid, nec coctum aqua, sed tantum assum igni : caput cum pédibus ejus et intestínis vorábitis. Nec remanébit quidquam ex eo usque mane. Si quid résíduum fúerit, igne comburétis. Sic autem comedétis illum : Renes vestros accingétis, et calceaménta habébitis in pédibus, tenéntes báculos in mánibus,

et comedétis festinánter : Est enim Phase (id est tránsitus) Dómini.

Hac Lectione finita, a Choro cantatur

Tractus Ps. 139 Eripe me Dómine ab hómine malo : a viro iníquo libera me. **℟.** Qui cogitavérunt malítias in corde : tota die constituébant prælia. **℟.** Acuérunt linguas suas sicut serpéntis : venénus aspídum sum lábiis eórum. **℟.** Custódi me Dómine de manu peccatóris : et ab homínibus iníquis libera me. **℟.** Qui cogitavérunt supplantáregressus meos : abscondérunt supérbi láqueum mihi. **℟.** Et funes extendérunt in láqueum pédibus meis : juxta iter scándalum posuérunt mihi. **℟.** Dixi Dómino : Deus meus es tu : exáudi Dómine vocem oratiónis meæ. **℟.** Dómine, Dómine virtus salútis meæ : obúmbra caput meum in die belli. **℟.** Ne tradas me a desidério meo peccatóri : cogitavérunt advérsus me, ne derelinquas me, ne unquam exalténtur. **℟.** Caput circúitus eórum : labor labiórum ipsórum opériet eos. **℟.** Verúmtamen justi confitebúntur nómini tuo : et habitábunt recti cum vultu tuo.

Post Tractum legitur Passio, in loco ubi profestis diebus legi solet Evangelium, super nudum pulpítum, sine ullo prorsus titulo, sed hoc modo absolute inchoatur

Joann. 18 et 19

EGRESSUS est Jesus cum discípulis suis trans Torréntem Cedron, ubi erat hor-

tus, in quem introivit ipse, et discipuli ejus. Sciébat autem et Judas, qui tradébat eum, locum : quia frequenter Jesus convénérat illuc cum discipulis suis. Judas ergo cum accepisset cohórtem, et a Pontificibus, et Pharisæis ministros, venit illuc cum latérnis, et fácibus, et armis. Jesus itaque sciens ómnia, quæ ventúra erant super eum, processit, et dixit eis : ✠ Quem quæritis? **C** Respondérunt ei : **S** Jesum Nazarénium. **C** Dicit eis Jesus : ✠ Ego sum. **C** Stabat autem et Judas, qui tradébat eum, cum ipsis. Ut ergo dixit eis, Ego sum : abiérunt retrórsum, et cecidérunt in terram. Iterum ergo interrogávit eos : ✠ Quem quæritis? **C** Illi autem dixerunt : **S** Jesum Nazarénium. **C** Respóndit Jesus : ✠ Dixi vobis, quia ego sum : Si ergo me quæritis, sínite hos abire. **C** Ut impletur sermo, quem dixit, Quia quos dedisti mihi, non pérdidi ex eis quemquam. Simon ergo Petrus habens gládium edúxit eum : et percússit Pontificis servum : et abscídit aurículam ejus dexteram. Erat autem nomen servo Malchus. Dixit ergo Jesus Petro : ✠ Mitte gládium tuum in vagínam. Cálicem, quem dedit mihi Pater, non bibam illum? **C** Cohors ergo, et tribúnus, et ministri Judæórum comprehendérunt Jesum, et ligavérunt eum : Et adduxérunt eum ad Annam primum, erat enim socer Cáiphæ, qui erat Póntifex anni illius. Erat autem Cáiphas,

qui consílium déderat Judæis, Quia expedit, unum hóminem mori pro pópulo. Sequebátur autem Jesum Simon Petrus, et álius discipulus. Discipulus autem ille erat notus Pontífici, et introivit cum Jesu in átrium Pontificis. Petrus autem stabat ad óstium foris. Exívit ergo discipulus álius, qui erat notus Pontífici, et dixit ostiáriæ : et introduxit Petrum. Dixit ergo Petro ancílla ostiáriæ : **S** Numquid et tu ex discipulis es hóminis istius? **C** Dicit ille : **S** Non sum. **C** Stabant autem servi, et ministri ad prunas : quia frigus erat, et calefaciébant se : Erat autem cum eis et Petrus stans, et calefáciens se. Póntifex ergo interrogávit Jesum de discipulis suis, et de doctrína ejus. Respóndit ei Jesus : ✠ Ego palam locútus sum mundo : Ego semper dócui in synagóga, et in templo, quo omnes Judæi convéniunt : et in ocúltis locútus sum nihil. Quid me intérogas? Intéroga eos, qui audiérunt, quid locútus sim ipsis : Ecce hi sciunt quæ dixerim ego. **C** Hæc autem cum dixisset, unus assístens ministrórum dedit álapam Jesu, dicens : **S** Sic respóndes Pontífici? **C** Respóndit ei Jesus : ✠ Si male locútus sum, testimónium pérhibe de malo : Si autem bene, quid me cædis? **C** Et misit eum Annas ligátum ad Cáipham Pontíficem. Erat autem Simon Petrus stans, et calefáciens se. Dixerunt ergo ei : **S** Numquid et tu ex discipulis ejus es? **C** Negávit ille,

et dixit : **S** Non sum. **C** Dicit ei unus ex servis Pontificis, cognátus ejus, cujus abscidit Petrus aurículam : **S** Nonne ego te vidi in horto cum illo?

C Iterum ergo negávit Petrus : et statim gallus cantávit. Addúcunt ergo Jesum a Cáipha in prætóríum. Erat autem mane : Et ipsi non introiérunt in prætóríum, ut non contaminaréntur, sed ut manducárent Pascha. Exivit ergo Pilátus ad eos foras, et dixit : **S** Quam accusatiónem affértis adversus hóminem hunc? **C** Respondérunt, et dixerunt ei : **S** Si non esset hic malefáctor, non tibi tradidissémus eum.

C Dixit ergo eis Pilátus : **S** Accípíte eum vos, et secúndum legem vestram judicáte eum. **C** Dixerunt ergo ei Judæi : **S** Nobis non licet interficere quemquam. **C** Ut sermo Jesu implerétur, quem dixit, significans qua morte esset moritúrus. Introívit ergo iterum in prætóríum Pilátus, et vocávit Jesum, et dixit ei : **S** Tu es Rex Judæórum?

C Respondit Jesus : ✠ A temetípso hoc dicis, an álíi dixerunt tibi de me? **C** Respondit Pilátus : **S** Numquid ego Judæus sum? Gens tua, et pontífices tradidérunt te mihi : Quid fecisti? **C** Respondit Jesus : ✠ Regnum meum non est de hoc mundo. Si ex hoc mundo esset regnum meum, ministri mei útique decertárent ut non tráderer Judæis : Nunc autem regnum meum non est hinc. **C** Dixit itaque ei Pilátus : **S** Ergo Rex es tu?

C Respondit Jesus : ✠ Tu dicis, quia Rex sum ego. Ego in hoc natus sum, et ad hoc veni in mundum, ut testimónium perhíbeam veritáti : Omnis, qui est ex veritáte, audit vocem meam. **C** Dicit ei Pilátus : **S** Quid est veritas? **C** Et cum hoc dixisset, iterum exivit ad Judæos, et dicit eis : **S** Ego nullam invénio in eo causam. Est autem consuetúdo vobis, ut unum dimittam vobis in Pascha : Vultis ergo dimittam vobis Regem Judæórum? **C** Clamavérunt ergo rursum omnes, dicéntes : **S** Non hunc, sed Barábbam.

C Erat autem Barábbas latro. * Tunc ergo apprehéndit Pilátus Jesum, et flagellávit. Et milites plecténtes corónam de spinis, imposuérunt cápiti ejus : et veste purpúrea circumdedérunt eum. Et veniebant ad eum, et dicébant : **S** Ave Rex Judæórum. **C** Et dabant ei álapas. Exivit ergo iterum Pilátus foras, et dicit eis : **S** Ecce addúco vobis eum foras, ut cognoscátis quia nullam invénio in eo causam.

C (Exivit ergo Jesus portans corónam spíneam, et purpúreum vestiméntum) : Et dicit eis : **S** Ecce homo. **C** Cum ergo vidissent eum pontífices, et ministri, clamábant, dicéntes : **S** Crucífíge, crucífíge eum. **C** Dicit eis Pilátus : **S** Accípíte eum vos, et crucifigite : Ego enim non invénio in eo causam. **C** Respondérunt ei Judæi : **S** Nos legem habémus, et secúndum legem debet mori, quia Fílium Dei se fecit.

C Cum ergo audisset Pilátus hunc sermónem, magis tímuit. Et ingressus est prætóríum iterum : et dixit ad Jesum : **S** Unde es tu? **C** Jesus autem respónsum non dedit ei. Dicit ergo ei Pilátus : **S** Mihi non lóqueris? Nescis quia potestátem hábeo crucifigere te, et potestátem hábeo dimittere te? **C** Respondit Jesus : ✠ Non habéres potestátem advérsus me ullam, nisi tibi datum esset désuper. Proptérea qui me trádidit tibi, majus peccátum habet. **C** Et exínde quærébat Pilátus dimittere eum. Judæi autem clamábant, dicéntes : **S** Si hunc dimittis, non es amicus Cæsaris. Omnis enim, qui se regem facit, contradícit Cæsari. **C** Pilátus autem cum audisset hos sermónes, addúxit foras Jesum : et sedit pro tribunáli, in loco, qui dicitur Lithóstrotos, Hebráice autem Gábbatha. Erat autem parasceve Paschæ, hora quasi sexta, et dicit Judæis : **S** Ecce Rex vester. **C** Illi autem clamábant : **S** Tolle, tolle, crucifige eum. **C** Dicit eis Pilátus : **S** Regem vestrum crucifigam? **C** Respondérunt pontífices : **S** Non habémus regem, nisi Cæsarem. **C** Tunc ergo trádidit eis illum, ut crucifigerétur. Suscepérunt autem Jesum, et eduxérunt. Et bájulans sibi Crucem exívit in eum, qui dicitur Calváriæ, locum, Hebráice autem Gólgótha : ubi crucifixerunt eum, et cum eo álios duos hinc, et hinc, médium autem Jesum. Scripsit autem et titulum Pi-

látus : et pósuit super Crucem. Erat autem scriptum : Jesus Nazarénus, Rex Judæórum. Hunc ergo titulum multi Judæórum legérunt : quia prope civitátem erat locus, ubi crucifixus est Jesus : Et erat scriptum Hebráice, Græce, et Latíne. Dicébant ergo Pilátó pontífices Judæórum : **S** Noli scribere, Rex Judæórum : sed quia ipse dixit, Rex sum Judæórum. **C** Respondit Pilátus : **S** Quod scripsi, scripsi. **C** Milites ergo cum crucifixissent eum, accepérunt vestiménta ejus, (et fecérunt quátuor partes : unicuique militi partem) et túnica. Erat autem túnica inconsútilis, désuper contéxta per totum. Dixérunt ergo ad invicem : **S** Non scindámus eam, sed sortiámur de illa cujus sit. **C** Ut Scriptúra implerétur, dicens : Partíti sunt vestiménta mea sibi : et in vestem meam misérunt sortem. Et milites quidem hæc fecérunt. Stabant autem juxta Crucem Jesu Mater ejus, et soror matris ejus, María Cléophæ, et María Magdaléne. Cum vidisset ergo Jesus Matrem, et discipulum stantem, quem diligébat, dicit Matri suæ : ✠ Múlier, ecce filius tuus. **C** Deínde dicit discipulo : ✠ Ecce mater tua. **C** Et ex illa hora accépit eam discipulus in sua. Póstea sciens Jesus quia ómnia consummáta sunt, ut consummarétur Scriptúra, dixit : ✠ Sítio. **C** Vas ergo erat pósitum acéto plenum. Illi autem spóngiam plenam acéto,

hyssópo circumponéntes, obtulérunt ori ejus. Cum ergo accepisset Jesus acétum, dixit : ✠ Consummátum est. **C** Et inclináto cápite, trádedit spíritum. *Hic pausatur aliquantulum, et genuflectitur.* Judæi ergo, (quóniam Parasceve erat) ut non remanérent in cruce córpora sábbato, (erat enim magnus dies ille sábbati) rogavérunt Pilátum ut frangeréntur eórum crura, et tolleréntur. Venérunt ergo mílites : et primi quidem fregérunt crura, et alterius, qui crucifíxus est cum eo. Ad Jesum autem cum veníssent, ut vidérunt eum jam mórtuum, non fregérunt ejus crura, sed unus mílitum lancea latus ejus apéruit, et continuo exívit sanguis, et aqua. Et qui vidit, testimónium perhibuit : et verum est testimónium ejus. Et ille scit, quia vera dicit : ut et vos credátis. Facta sunt enim hæc, ut Scriptúra imple-rétur : Os non comminuétis ex eo. Et iterum ália Scriptúra dicit : Vidébunt in quem transfixérunt.

POST hæc autem rogávit Pilátum Joseph ab Arimathæa, (eo quod esset discipulus Jesu, occúltus autem propter metum Judæórum) ut tólleret corpus Jesu. Et permísit Pilátus. Venit ergo, et tulit corpus Jesu. Venit autem et Nicodémus, qui vénerat ad Jesum nocte primum, ferens mixtúram myrrhæ, et áloës, quasi libras centum. Accepérunt ergo corpus Jesu, et liga-

vérunt illud línteis cum aromátibus, sicut mos est Judæis sepelire. Erat autem in loco, ubi crucifíxus est, hortus : et in horto monuméntum novum, in quo nondum quisquam pósitus erat. Ibi ergo propter Parasceven Judæórum, quia juxta erat monuméntum, posuérunt Jesum.

Perlecta Passione, Prior, stans in cornu Epistolæ, dicat sequentes Orationes, sine Dóminus vobíscum, hoc modo.

OREMUS, dilectíssimi nobis, pro Ecclésia sancta Dei; ut eam Deus et Dóminus noster pacificáre, adunáre, et custodíre dignétur toto orbe terrárum, subjiciens ei principátus et potestátes; detque nobis, quiétam et tranquillam vitam degéntibus, glorificáre Deum Patrem omnipoténtem.

In fine hujus Orationis non respondeatur Amen, sed statim Sacerdos subjungat

Orémus. *et Diaconus* Flectámus gēna. Leváte.

Tunc Sacerdos prosequatur Orationem

OMNIPOTENS sempitérne Deus, qui glóriam tuam ómnibus in Christo Géntibus revelásti : custódi ópera misericórdiæ tuæ; ut Ecclésia tua toto orbe diffúsa, stábili fide in confessione tui nóminis perseveret : Per eúmdem Dóminum nostrum Jesum Christum Fílium tuum; qui tecum vivit et regnat in unitáte Spíritus Sancti Deus : per ómnia sæcula sæculórum. ✠. Amen.

OREMUS et pro beatissimo Papa nostro **N.**; ut Deus et Dóminus noster, qui elégit eum in órdine Episcopátus, salvum atque incólumem custódiat Ecclésiæ suæ sanctæ, ad regéndum pópulum sanctum Dei :

Orémus. Flectámus génua. Leváte.

Oratio

OMNIPOTENS sempitérne Deus, cujus iudicio universa fundántur; réspice propítius ad preces nostras : et eléctum nobis Antístitem tua pietáte consérva; ut christiána plebs, quæ te gubernáture auctóre, sub tanto Pontífice, credulitátis suæ méritis augeátur : Per Dóminum nostrum. **R.** Amen.

OREMUS et pro ómnibus Episcopis, Presbýteris, Diaconibus, Subdiaconibus, Acólythis, Exorcístis, Lectoribus, Ostiáriis, Confessóribus, Virgínibus, Viduis, et pro omni pópulo sancto Dei :

Orémus. Flectámus génua. Leváte.

Oratio

OMNIPOTENS sempitérne Deus, cujus spíritu totum corpus Ecclésiæ sanctificátur et régitur : exáudi nos pro universis Ordinibus supplicántes; ut grátiae tuæ múnere, ab ómnibus tibi grádibus fidéliter serviátur : Per Dóminum... in unitáte Spíritus. **R.** Amen.

OREMUS et pro christianíssimo Imperátore nostro **N.**; ut Deus et Dóminus noster

súbditas illi fáciat omnes bárbaras nátiónes ad nostram perpétuam pacem :

Orémus. Flectámus génua. Leváte.

Oratio

OMNIPOTENS sempitérne Deus, in cujus manu sunt ómnium potestátes, et ómnium jura regnórum; réspice ad Románum benígnus Impérium : ut gentes, quæ in sua feritáte confidunt; poténtiæ tuæ dextera comprimántur : Per Dóminum. **R.** Amen.

OREMUS et pro Catechúmenis nostris, ut Deus et Dóminus noster adapériat aures præcordiórum ipsórum, januámque misericórdiæ; ut per lavácrum regeneratiónis accépta remissióne ómnium peccatórum, et ipsi inveniántur in Christo Jesu Dómino nostro :

Orémus. Flectámus génua. Leváte.

Oratio

OMNIPOTENS sempitérne Deus, qui Ecclésiám tuam nova semper prole fecúndas : auge fidem et intelléctum Catechúmenis nostris; ut renáti fonte baptismatis, adoptiátis tuæ filiis aggregéntur : Per Dóminum. **R.** Amen.

OREMUS, dilectíssimi nobis, Deum Patrem omnipoténtem, ut cunctis mundum purget erróribus, morbos áuferat, famem depéllat; apériat cárceres, víncula dissólvat, peregrinántibus réditum, in-

firmántibus sanitátem; navigántibus portum salutis indulgeat :

Orémus. Flectámus gónua. Leváte.

Oratio

OMNIPOTENS sempitérne Deus, mœstórum consolátio, laborántium fortitúdo : pervéniant ad te preces de quacúmque tribulatióne clamántium; ut omnes sibi in necessitatibus suis misericórdiam tuam gáudeant adfuisse : Per Dóminum. *℟*. Amen.

OREMUS et pro hæréticis, et schismáticis, ut Deus et Dóminus noster éruat eos ab erróribus univérsis; et ad Sanctam Matrem Ecclésiám Cathólicam atque Apostólicam revocáre dignétur :

Orémus. Flectámus gónua. Leváte.

Oratio

OMNIPOTENS sempitérne Deus, qui salvos omnes, et néminem vis períre; réspice ad ánimas diabólica fraude decéptas : ut omni hærética pravitáte depósita, errántium corda resipíscant; et ad veritátis tuæ rédeant unitátem : Per Dóminum. *℟*. Amen.

OREMUS et pro pérfidis Judæis, ut Deus et Dóminus noster áuferat velámen de córdibus eórum; ut et ipsi agnóscant Jesum Christum Dóminum nostrum :

Hic non dicatur Flectámus gónua *sed* Orémus.

Oratio

OMNIPOTENS sempitérne Deus, qui étiam Judáicam perfidiam a tua misericórdia non repéllis : exáudi preces nostras, quas pro illius pópuli obcæcacióné deférimus; ut ágnita veritátis tuæ luce, quæ Christus est, a suis ténebris eruántur : Per eúmdem Dóminum. *℟*. Amen.

OREMUS et pro pagánis, ut Deus omnipotens áuferat iniquitátem a córdibus eórum; ut relictis idólis suis, convertántur ad Deum vivum et verum, et únicum Fílium ejus Jesum Christum Deum et Dóminum nostrum :

Orémus. Flectámus gónua. Leváte.

Oratio

OMNIPOTENS sempitérne Deus, qui non mortem peccatórum, sed vitam semper inquíris; súscipe propítius oratióem nostram : et libera eos ab idolórum cultúra; et ágrega Ecclésiæ tuæ sanctæ, ad laudem et glóriam nóminis tui : Per Dóminum.

℟. Amen.

Dum dicuntur Orationes, duo Sacerdotes se induant in sacristia alba, et cingulo, cum stolis et manipulis nigris, sine casulis, pro cantandis Versibus, et tenenda Cruce in altari. Item etiam se præparent duo Diaconi, sine dalmaticis, ut cantent Agios o Theós, ad gradum presbyterii, ante Crucis adorationem.

Completis Orationibus, Prior deposita casula (in sacristia reponenda) ab altari discedat, et descendens

cum suis ministris gradus altaris ad extremum angulum in cornu Epistolæ, stent omnes in presbyterio ab eadem parte altaris, versis vultibus ad partem Evangelii : ita ut unus sit ad latus alterius; et propius altare stet primo Sacerdos, deinde alii, eo ordine, quo solent in presbyterio sedere.

Tunc duo Sacerdotes destinati ad tenendam Crucem, venientes ad gradus altaris, genuflectant : deinde surgentes accipiant Crucem, altari superpositam, et velatam, et stantes juxta extremam partem altaris in latere Epistolæ, ac tenentes Crucem reverenter per brachia, unus ad dexteram, et alter ad sinistram, versi ad Conventum, vel populum, cantent

℟. Pópule meus, quid feci tibi, aut in quo contristávi te? respónde mihi. Quia edúxi te de terra Ægýpti, parásti Crucem Salvatóri tuo.

Quo finito, duo Diaconi ad gradum presbyterii stantes respondeant Agios o Theós, Agios ischyrós, Agios athánatos, eléison imas. Dum pronuntiant Agios, flectant genua : dum o Theós, surgant. Secundo flectendo genua, dicant Agios, et surgendo, ischyrós. Tertio flectant genua dicendo Agios, et surgendo, dicant athánatos, eléison imas.

Deinde Fratres in choro respondentes Sanctus, genua flectant : subdendo Deus, surgant. Iterum flectendo genua, dicant Sanctus, et surgendo, fortis. Tum tertio flectant genua, dicentes Sanctus, et surgendo adjungant, et immortalis, miserére nobis.

Prior vero, et ministri, et Presbyteri qui Crucem tenent, non flectant genua. Sed neque prædicti Diaconi cum Conventu, neque Conventus cum ipsis genua flectat.

Postquam sic Chorus responderit, Sacerdotes Crucem tenentes, uno,

aut altero passu procedant, recedendo a latere Epistolæ versus medium altaris, et ibi sistendo cantent secundum

℟. Quia edúxi te per désertum quadraginta annis, et manna cibávi te, et introdúxi in terram satis óptimam, parásti Crucem Salvatóri tuo.

Quo finito, Diaconi secunda vice cantent Agios o Theós, etc. et post illos Chorus similiter respondeat Sanctus Deus, etc. genua flectendo, et surgendo, sicut fecerunt prima vice.

Tunc Sacerdotes cum Cruce procedentes, atque ad medium altaris descendentes gradus, sistant ubi Crux deponenda erit pro adoratione, et cantent tertium

℟. Quid ultra débui fácere tibi, et non feci? ego quidem plantávi te vineam meam speciosíssimam, et tu facta es mihi nimis amára : acéto namque mixto cum felle sitim meam potásti, et láncea perforásti latus Salvatóri tuo.

Subjungant tandem Diaconi Agios o Theós, etc. et Chorus similiter respondeat Sanctus Deus, etc. et genua flectant, ac surgant tam Diaconi, quam Chorus, sicut prima, et secunda vice fecerunt.

Quibus cantatis, Prior veniat ad medium ante altare, et se colloct in loco aliquantulum superiore, medium inter duos Sacerdotes, qui per brachia Crucem sustinentes, et suos vultus ad se invicem vertentes, tenebunt Crucem ante Priorem : ministri vero discedant a cornu altaris, dum discedit Prior, et se collocent unus post alium in eadem parte presbyterii, versis vultibus ut antea ad partem Evangelii, omnesque stent eo ordine, quo prius stabant. Tunc Prior ex manibus duorum Sacerdotum Crucem vela-

tam accipiet, et iisdem adjuvantibus, reverenter eam detegat, delectamque populo ostendet : eamque ambabus manibus elevando, incipiet Antiphonam

Ecce lignum Crucis, in quo salus mundi pepéndit : venite adorémus.

Hæc eo incipiente, tam Chorus, quam ministri altaris, Sacerdotes, et Diaconi exsistentes in suis locis flectant genua, inclinantes profunde : et prosequente Cantore Antiphonam, dum dicit **Crucis**, surgant omnes, Choro Antiphonam continuante.

Quamdiu cantatur, Prior semper elevatam Crucem sustineat, et ostendat ut supra. Finita Antiphona, Crucem restituat in manus prædictorum duorum Sacerdotum, qui eam deponent, et reclinabunt ad gradus presbyterii super tapetem ibidem stratum, et seipsos collocabunt hinc et inde ad duo latera Crucis, accumbentes super latera sua juxta Crucem, et versis ad se invicem vultibus, brachia Crucis quilibet a sua parte tenendo.

Tunc fiat ab omnibus ministris, et Fratribus publica sanctæ Crucis adoratio; in cujus ritu, seu ordine adorandi, inter adorantes et adoraturos servetur ordinata accedendi distantia, hoc modo : a loco, ubi Crux adoranda jacet, deorsum versus ecclesiæ navim sumatur spatium quindecim circiter passuum, (prout loci conditio, situsque permiserit) et ab ultima hujus spatii extremitate primo Prior, nudatis omnino plantis, (quod et similiter facere debent omnes, tam ministri altaris, quam alii Fratres adoraturi) procedat versus Crucem, hoc ordine, et successionis distantia, ut in prædicta extremitate spatii devote genua flectat, caputque inclinet; et mox surgat, ac gravi incessu usque ad medium ejusdem spatii pergens, illic denuo genua flectat, et caput inclinet; denique inde procedens, ad

pedes Crucis se toto corpore proster-nat, eosdem semel dumtaxat deosculetur, moram non trahens; sed mox inde surgens, et facta profunda inclinatione, collocet se ad latus dexterum Crucis, in loco alterius duorum Sacerdotum, dexterum Crucis brachium tenens, quousque ambo Sacerdotes simili ordine et modo adoraverint : primo eorum, postquam adoraverit, se substituente in locum secundi, et pro eo sinistrum Crucis brachium tenente; qui secundus Sacerdos, postquam adoraverit, succedet in locum Prioris a parte dextera, Crucis brachium tenens, una cum alio Sacerdote manente in altero latere, Crucem ad osculum omnium Fratrum adorantium, usque ad finem adorationis, coaptando.

Hæc porro adoratio sequenti ordine perfici debet : post duos Sacerdotes adoret Diaconus pro Missa notatus; postea Diaconi, qui cantaverunt Agios, unus post alterum, (et hi, postquam adoraverint, in sacristiam secedant, sacras vestes deposituri) : post Diaconos sequatur Subdiaconus pro Missa notatus; deinde Acolythi, et demum post ministros ceteri Fratres secundum ordinem graduum suorum, incipiendo a majoribus, alternatim procedentes ab ultima spatii extremitate versus Crucem, eo ritu, ordine, ac successionis distantia, quo de Priore supra dictum est, illam adorent, et deosculentur, ac post osculum mox surgendo, facta inclinatione profunda, ad chorum in loca sua revertantur. Illa autem Fratrum successio cum tali intercapedine fiat, quod dum primus surgit a loco primæ suæ genuflexionis, statim illic subintret alter ei proximus, et consequenter alii, servato eodem tenore interstitiorum.

Dum ita Crux adoratur, Chorus cantet Antiphonas sequentes, et Hymn. **Crux fidelis**. Prior autem, et ministri in presbyterio sessum eant, ibique easdem Antiphonas, et Hymnum recitent.

Añia Tuam Crucem adorámus Dómine, tuam gloriósam recólimus passiónem : misérére nostri, qui passus es pro nobis.

Añia Crucem tuam adorámus Dómine, et sanctam resurrectionem tuam laudámus, et glorificámus : ecce enim propter Crucem venit gáudium in univérso mundo.

Añia Adorémus Crucis signáculum, per quod salútis súmpsimus sacraméntum.

Hymnus

CRUX fidélis, inter omnes arbor una nóbilis : nulla silva talem profert fronde, flore, gérmine : dulce lignum, dulces clavos, dulce pondus sústinet.

✠. Pange lingua gloriósi prælium certáminis : et super Crucis trophæum dic triúmphum nóbilem : quáliter Redémptor orbis immolátus vicerit.

✠. De paréntis protoplásti fraude Factor cóndolens, quando pomi noxiális morsu in mortem córruit, ipse lignum tunc notávit, damna ligni ut sólveret.

✠. Hoc opus nostræ salútis ordo depopóscerat, multifórmis proditóris ars ut artem fálleret : et medélam ferret inde, hostis unde láserat.

✠. Quando venit ergo sacri plenitúdo témporis, missus est ab arce Patris Natus, orbis Cónditor : ac de ventre virginali caro factus pródiit.

✠. Vagit infans inter arcta cónditus præsepia : membra

pannis involúta Virgo Mater álligat, et manus, pedésque, et crura, stricta cingit fáschia.

✠. Lustris sex qui jam peráctis tempus implens córporis, se volénte natus ad hoc, passióni déditus, Agnus in Crucis levátur immolándus stípitem.

✠. Hic acétum, fel, arúndo, spina, clavi, láncea : mite corpus perforátur, sanguis, unda prófluit : terra, pontus, astra, mundus, quo lavántur flúmine.

✠. Flecte ramos arbor alta, tensa laxa viscera : et rigor lentéscat ille, quem dedit natívitás : ut supérni membra Regis miti tendas stípitem.

✠. Sola digna tu fuísti ferre sæcli prétium, atque portum præparáre nauta mundo náufrago : quem sacer cruor perúnxit, fusus Agni córpore.

✠. Glória et honor Deo usquequáque altíssimo, una Patri, Filióque, ínclito Paráclito : cui laus est, et potéstas per æténa sácula. Amen.

Si, antequam hæc fuerint omnino cantata, adoratio completa esset, nihilominus integra cantentur; cumque Versus ultimus Hymni dicetur, Prior veniat ad medium gradus presbyterii inter altare et Sacerdotes qui tenent Crucem : ut, terminata adoratione, Sacerdotes Crucem reverenter elevantes, eam Priori stanti super gradus presbyterii tradant, qui ipsam accipiens, et devote erigens, stans verso vultu ad populum, vel Conventum, incipiat Antiphonam

Super ómnia ligna cedrórurum tu sola excélsior, in qua vita mundi pepéndit, in qua

Christus triumphávit, et mors mortem superávit in ætérnum.

In inchoatione hujus Antiphonæ, tam ministri altaris, et duo Sacerdotes, quam Chorus, genua flectant, inclinantes profunde. Et Cantore prosequente Ligna cedrórú omnes surgant; et Prior ambabus manibus Crucem sustineat elevatam, et Antiphona finita, eodem modo tenens Crucem, dicat sequentem Orationem, sine Dóminus vobíscum et sine Orémus, Fratribus super formas prostratis.

Oratio

RESPICE, quæsumus Dómine, super hanc familiam tuam; pro qua Dóminus noster Jesus Christus non dubitávit má nibus tradi nocéntium : et Crucis subíre torméntum.

Oratione dicta, Prior Crucem tradat Sacristæ, qui illam statuet in aliquo loco apto, ubi possit ea die a ceteris adorari.

Ubi vero propter Fratrum paucitatem, tot Sacerdotes et Diaconi ad præmissa officia distincte obeunda non sunt : Prior cum alio Sacerdote, et Diaconus minister cum alio Diacono prædicta officia exsequantur.

Postquam Prior tradiderit Crucem Sacristæ, ipse et ministri cum duobus Presbyteris, qui cantaverunt Versus, in sacristiam revertantur, ubi duo Presbyteri se vestibus sacris exuent : Prior vero, et ministri se calceent : deinde lotis manibus, Prior casulam assumat, et præcedentibus Thuriferario, et Cruciferario, Ceroferariis, ac Subdiacono cum calice, et Diacono cum Missali, ad altare accedat, sistensque infra gradus ad medium altaris, facta profunda inclinatione, dicat : In nómine Patris, etc. Confitémini, etc. Confiteor, etc. Et Diaconus explicet corporale super altare, more solito, juxta illud ponens purificatorium; calix autem a Subdiacono delatus,

in altari extra corporale a parte Evangelii reponatur.

Interim curet Sacrista, ut baldachinum, sub quo sanctissimum Christi Corpus portandum est, præparetur, et distribuantur cerei, denturque Fratribus, et nobilioribus sæcularibus.

Deinde cum silentio ad locum, ubi depositum fuit sanctissimum Sacramentum, procedatur hoc ordine.]

Thuriferario præcedente cum eo, qui Crucem e sepulcro delaturus est, et duobus Acolythis cum luminaribus subsequentibus, deinde incedant Fratres bini et bini (junioribus præcedentibus) et cereos non accensos deferentes : postea Prior cum casula, manus tenens junctas ante pectus, et habens a dexteris Diaconum, et a sinistris Subdiaconum. Hos subsequantur sæculares cum cereis etiam non accensis.

Cum ad locum sanctissimi Sacramenti perventum fuerit, Fratres cum devotione hinc et inde ante altare se collocent genuflexi. Prior etiam genuflectat cum ministris, et accipiens de manu Diaconi thuribulum, incenset sanctissimum Sacramentum. Quo facto, Diaconus et Subdiaconus velum albi coloris a Sacrista subministratum extendant super humeros Prioris, et interim accendantur cerei.

Tunc Diaconus reverenter extra-hens calicem cum Sacramento e loco, ubi fuerat repositus, una cum pyxide, eum Priori porrigat, et tegat extremitatibus veli, humeris illius superpositi. Deinde surgens Sacerdos, verso vultu ad Conventum, in medio altaris stando, calicem, et pyxidem cum Sacramento, teneat elevatum ante pectus, quousque, Cantore cum solemnitate intonante Tantum ergo Sacraméntum, Conventus totam hanc Strophen cantaverit. Interim Diaconus, et Subdiaconus hinc inde ante Priorem celebrantem sint genuflexi : Thuriferarius autem in medio pariter ge-

nuflexus, verso vultu ad Sacramentum, illud reverenter incenset. Interim Cruciferarius Crucem, pridie ibidem depositam, accipiat, et discooperiat. Cantato Tantum ergo, cum sola illa Strophe, surgant Fratres, et incipiatur Hymnus Vexilla Regis pròdeunt, et processionaliter revertantur ad altare eo ordine, quo inde venerunt, excepto Thuriferario, qui immediate præcedet Sacerdotem, non incessu retrogrado, sed aliquantulum inflexo ad latus, sicque incedendo, Corpus Christi continuo incensabit.

Super sanctissimum Sacramentum efferetur baldachinum per digniores, vel Sacerdotes, vel sæculares.

Cum autem venerint ad altare, manebunt omnes Fratres ordinati, hinc et inde, ad dexteram et ad sinistram altaris genuflexi, et Priore ante eos cum Sacramento trans-eunte, profunde inclinabunt, tenentes cereos semper accensos usque ad absolutam communionem : e quo etiam loco, sic genuflexi, respondebunt Celebranti.

Cum Prior ad altare pervenerit, deponet super corporale calicem, et pyxidem cum Sacramento, et postea illud genuflexus adorabit, idemque facient Diaconus, et Subdiaconus.

Deinde surgentes, Subdiaconus accipiat alium calicem pro Missa celebranda paratum, in eoque vinum, et aquam infundat (non tamen benedictam), et Diaconus de manu Subdiaconi calicem sic præparatum accipiens, illum patena coopertum offerat Sacerdoti : et Sacerdos, nullam oblationem faciens, illum in loco suo statuatur super corporale. Deinde extrahat de altero calice sacratissimum Christi Corpus, illudque ante pedem calicis præparati pro Missa collocet; depositaque patena in loco suo, calicem palla cooperiat. Postmodum de manu Diaconi thuribulum accipiens, Sacramentum, et calicem tantum incenset, ante et post incensationem

genuflexus adorans. Non autem incensabitur altare hinc inde, neque ipse Prior.

Quo facto, Sacerdos digitos abluat, non tamen aversus a Sacramento ob ejus reverentiam, et ablutio in piscinam projiciatur. Tum rediens ad medium altaris genuflectat, et erectus, depositis manibus super altare, dicat voce mediocri in cantu feriali :

OREMUS. Præcéptis salutáribus móniti, et divína institutióne formáti, audémus dicere.

Hic more solito elevet manus, et prosequatur :

Pater noster, qui es in cælis : sanctificétur nomen tuum. Advéniat regnum tuum. Fiat voluntas tua, sicut in cælo, et in terra. Panem nostrum quotidiánum da nobis hódie. Et dimitte nobis débita nostra, sicut et nos dimittimus debitoribus nostris. Et ne nos indúcas in tentatiónem. *℟.* Sed libera nos a malo.

Subjungat Sacerdos submisse Amen.

Et immediate prosequatur Orationem :

LIBERA nos, quæsumus Dómine, ab ómnibus malis, prætéritis, præsentibus, et futuris; et intercedente beáta et gloriósa semper Virgine Dei Genitrice Maria, cum beátis Apóstolis tuis Petro et Paulo, atque Andréa, et ómnibus Sanctis, da propítius pacem in diébus nostris : ut ope misericórdiæ tuæ adjúti, et a peccáto simus semper líberi, et ab omni perturbatióne secúri. Per eúndem Dóminum

nostrum Jesum Christum Filium tuum, qui tecum vivit et regnat in unitate Spiritus sancti Deus.

Finita Oratione, Prior genuflectat, surgensque, dextera manu Hostiam sacram accipiat, et elevet, ut videri possit a populo, eamque dimittens super calicem, statim ipsam in tres partes dividat more solito.

Tum voce mediocri intonet :

Per omnia sæcula sæculorum. *℟.* Amen.

Postea non dicatur Pax Domini, nec dicatur Agnus Dei, nec pax ministris detur, sed immediate Sacerdos solitam particulam Hostiæ mittat in calicem, nihil dicens, nullamque crucem cum particula Hostiæ faciens, aut supra, aut intra calicem. Postmodum prætermissa Oratione Domine Jesu Christe, sumat reliquas partes Hostiæ, dicens : Corpus Domini nostri Jesu Christi custodiat me in vitam æternam. Amen, nullam mentionem faciens de Sanguine.

Deinde sumens particulam Hostiæ, quæ est in calice, cum vino et aqua, nihil dicat.

Peracta communione, ablutis digitis, ac sumpta purificatione, in medio altaris junctis manibus dicat :

Quod ore sumpsimus, Domine, pura mente capiamus : ut de Corpore Domini nostri Jesu Christi fiat nobis remedium sempiternum. Amen.

Dumque fit hæc ablutio, extinguantur cerei, et Fratres in chorum se recipiant pro Vesperis dicendis.

Diaconus vero, complicato corporali, et in bursa posito, sumat Missale, et Subdiaconus calicem cum velo et bursa.

Demum nulla dicatur Postcommunio, nec Placet tibi, etc. nullaque benedictio detur, sed facta reveren-

tia Cruci altaris, Sacerdos cum ministris in sacristiam revertatur.

Pyxis autem cum servatis particulis consecratis pro infirmis non remaneat in majori altari, sed portetur a Sacrista ad aliud sacellum remotius, debite præparatum, cum requisitis luminibus.

SABBATO SANCTO PASCHÆ

Statio ad S. Joannem in Laterano

DICTA Nona, Prior cum cappa serica, et Diaconus, qui benedicturus est Cereum, cum Missali, et Subdiaconus cum libro Evangeliorum, præcedentibus Ceroferariis in albis cum cereis non accensis, ad presbyterium veniant.

Deinde Prior stans ante gradus presbyterii, verso vultu ad altare, Diacono coram ipso tenente Missale, et Sacrista, vel alio, cui ipse injunxerit, ad dexteram ejus tenente patellam cum carbonibus ignitis, absque Dominus vobiscum, et absque Orémus, legendo sine nota, benedicat ignem hoc modo.

DOMINE sancte, Pater omnipotens, æternæ Deus, bene ✠ dicere, et sanctificare digneris ignem istum, quem nos indigni per invocationem unigeniti Filii tui Domini nostri Jesu Christi benedicere præsumimus : tu clementissime eum tua benedictione sanctifica, et ad profectum humani generis provenire concede. Per eundem Christum.

Finita benedictione, aspergat ignem aqua benedicta. Deinde candela de igne benedicto accendatur Patella vero cum carbonibus accensis in presbyterio dimittatur, donec cereus benedicendus accensus fuerit; ut si candela fuerit exstincta, eodem igne possit reaccendi.

Diaconus vero, assumpto a Subdiacono libro Evangeliorum, et accepta benedictione a Priore dicente : In nómine Patris, et Filii, et Spíritus sancti. Amen, stante a dextris ejus Subdiacono cum candela de igne benedicto accensa, et Ceroferariis astantibus a dextris et a sinistris cum cereis non accensis, (qui omnes stent versis vultibus ad altare) Cereum benedicat. Prior autem, dum Cereus benedicitur, stet ad cornu Epistolæ, sicut ad Evangelium consuevit stare in Missa solemni. Sacrista vero, vel alius frater, cui ipse innuerit, stet post Subdiaconum, tenens quinque grana incensi, Cereo infingenda.

BENEDICTIO CEREI

EXSULTET jam Angélica turba cælórum : exsúltent divína mystéria : et pro tanti Regis victória tuba intonet salutáris. Gáudeat et tellus tantis irradiáta fulgóribus : et ætérni Regis splendóre illustráta, tótius orbis se sentiat amisísse caliginem. Lætétur et mater Ecclésia, tanti lúminis adornáta fulgóribus : et magnis populórum vóci bus hæc aula resúltet. Quaprópter astantes vos, Fratres carísimi, ad tam miram sancti hujus lúminis claritátem, una mecum, quæso, Dei omnipoténtis misericórdiam invocáte. Ut qui me non meis méritis intra Levítárum númerum dignátus est aggregáre : lúminis sui claritátem infúndens, Cérei hujus laudem implére perficiat. Per Dóminum nostrum Jesum Christum Fílium suum : qui cum eo vivit et regnat in unitáte Spíritus Sancti Deus.

PER ómnia sácula sæculórum. *℟.* Amen. Dóminus vobíscum. *℟.* Et cum spíritu tuo. Sursum corda. *℟.* Habémus ad Dóminum. Grátias agámus Dómino Deo nostro. *℟.* Dignum et justum est. Vere quia dignum et justum est invisibilem Deum Patrem omnipoténtem, Fíliúmque ejus unigénitum, Dóminum nostrum Jesum Christum, cum Sancto Spíritu, toto cordis ac mentis afféctu, et vocis ministério personáre. Qui pro nobis ætérno Patri, Adæ débitum solvit : et véteris piáculi cautió nem pio cruóre detérsit. Hæc sunt enim festa Paschá lia, in quibus verus ille Agnus occiditur, cujus sáanguine postes fidélium consecrántur. Hæc nox est, in qua primum patres nostros fílios Israél, edúctos de Ægýpto, Mare rubrum sicco vestígio transire fecísti. Hæc igitur nox est, quæ peccatórum ténebras cólumnæ illuminatione purgávit. Hæc nox est, quæ hódie per univérsum mundum in Christo credéntes, a vítiis sæculi et caligine peccatórum segregátos, reddit grátiae, sóciat sanctitáti. Hæc nox est, in qua destrúctis vínculis mortis, Christus ab ínferis victor ascéndit. Nihil enim nobis nasci prófuit, nisi rédimi prófuisset. O mira circa nos tuæ pietátis dignátio ! O inæstímabilis diléctio caritátis : ut servum redímeres, Fílium tradidísti ! O certe necessárium Adæ peccátum, quod Christi morte delétum est ! O felix

culpa, quæ talem ac tantum méruit habére Redemptórem! O vere beáta nox, quæ sola méruit scire tempus et horam, in qua Christus ab inferis resurrexit! Hæc nox est, de qua scriptum est : Et nox sicut dies illuminábitur, et nox illuminátio mea in deliciis meis. Hujus igitur sanctificátio noctis, purgat scélera, culpas lavat, et reddit innocentiam lapsis, et mæstis lætítiam. Fugát ódia, concórdiam parat, et curvat impéria.

Hic imprimatur unum granum incensi a Diacono in Cereo : reliqua quatuor ab eo, qui tenuit grana incensi.

In hujus igitur noctis grátia, súscipe sancte Pater incénsi hujus sacrificium vespertinum, quod tibi in hac Cérei oblatióne solémni, per ministrórum manus de opéribus apum, sacrosáncta reddit Ecclésia. Sed jam columænæ hujus præcónia nóvimus, quam in honórem Dei rútilans ignis accéndit.

Hic accenditur Cereus ab eo, qui grana incensi tenuit, cum candela accensa de igne benedicto, quam tenuit Subdiaconus.

Qui licet sit divisus in partes, *Hic cerei Acolythorum eadem candela accendantur* mutuáti tamen lúminis detriménta non novit. Alitur enim liquántibus ceris, quas in substantiam pretiósæ hujus lámpadis *Hic accendantur lampades ecclesiæ cum eadem candela* apís mater edúxit. O vere beáta nox, quæ exspoliávit Ægyptios, ditávit He-

bræos! Nox, in qua terrénis cæléstia, humánis divína jungúntur! Orámus ergo te Dómine, ut Céreus iste in honórem nóminis tui consecrátus, ad noctis hujus caliginem destruéndam indeficiens perseveret. Et in odórem suavitátis accéptus, supérnis lumináribus misceátur. Flammas ejus lúcifer matutínus invéniat. Ille, inquam, Lúcifer, qui nescit occásus. Ille, qui regréssus ab inferis, humano géneri sérénus illúxit. Precámur ergo te Dómine, ut nos fámulos tuos, omnémque clerum, et devotíssimum pópulum, una cum beatíssimo Papa nostro **N.** et Antístite nostro **N.** necnon gloriosíssimo Imperátore nostro **N.** (vel Rege nostro **N.** vel Duce nostro **N.**) quiéte témporum concéssa, in his Paschálibus gáudiis conserváre dignéris. Per eúndem Dóminum nostrum Jesum Christum Filium tuum, qui tecum vivit et regnat in unitáte Spíritus Sancti Deus : Per ómnia sácula sæculórum. **℟.** Amen.

Completa benedictione Cerei, Prior cum ministris in sacristiam revertatur, et deposita cappa serica, assumpta casula, dum legitur prima Lectio, cum ministris more solito procedens ad altare, cum pervenerit ante illud, non dicat In nómine Patris, nec Confíteor, sed inclinans, sessum eat in presbyterio, et Acolythi depositis candelabris (quorum candelæ per totam Missam debent esse accensæ) venient ad audiendas cum aliis ministris Lectiones, Acolytho seniore tenente Missale coram Priore, qui sedens legat illas submissa voce.

Quatuor Lectiones sequentes legantur sine titulo in superpelliceis in loco, in quo Epistola ferialibus diebus legi solet.

Lectio prima. Gen. 1 et 2

IN principio creávit Deus cælum, et terram. Terra autem erat inánis et vácuá, et ténebræ erant super fáciem abyssi : et Spíritus Dei ferebátur super aquas. Dixitque Deus : Fiat lux. Et facta est lux. Et vidit Deus lucem quod esset bona : et divisit lucem a ténebris. Appellávitque lucem Diem, et ténebras Noctem : Factúmque est vespere et mane, dies unus. Dixit quoque Deus : Fiat firmaméntum in médio aquárum : et dividat aquas ab aquis. Et fecit Deus firmaméntum, divisítque aquas, quæ erant sub firmaménto, ab his, quæ erant super firmaméntum. Et factum est ita. Vocávitque Deus firmaméntum, Cælum : Et factum est vespere et mane, dies secúndus. Dixit vero Deus : Congregéntur aquæ, quæ sub cælo sunt, in locum unum : et appáreat árida. Et factum est ita. Et vocávit Deus áridam, Terram, congregationesque aquárum appellávit Mária. Et vidit Deus quod esset bonum. Et ait : Gérmínet terra herbam viréntem, et faciéntem semen, et lignum pomíferum fáciens fructum juxta genus suum, cujus semen in semetípso sit super terram. Et factum est ita. Et prótulit terra herbam viréntem, et faciéntem semen juxta genus

suum, lignúmque fáciens fructum, et habens unumquódque seméntem secúndum spéciem suam. Et vidit Deus quod esset bonum. Et factum est vespere et mane, dies tértius. Dixit autem Deus : Fiant luminária in firmaménto cæli, et dividant diem ac noctem, et sint in signa et témpora, et dies et annos : ut lúceant in firmaménto cæli, et illúminent terram. Et factum est ita. Fecitque Deus duo luminária magna : lumináre majus, ut præéssent diéi : et lumináre minus, ut præéssent nocti : et stellas. Et pósuit eas in firmaménto cæli, ut lucérent super terram, et præéssent diéi ac nocti, et divíderent lucem ac ténebras. Et vidit Deus quod esset bonum. Et factum est vespere et mane, dies quartus. Dixit étiam Deus : Prodúcant aquæ réptile ánimæ vivéntis, et volátile super terram sub firmaménto cæli. Creavítque Deus cete grándia, et omnem ánimam vivéntem atque motábilem, quam prodúxerant aquæ in spécies suas, et omne volátile secúndum genus suum. Et vidit Deus quod esset bonum. Benedixítque eis, dicens : Créscite, et multiplicámini, et repléte aquas maris : avésque multiplicéntur super terram. Et factum est vespere et mane, dies quintus. Dixit quoque Deus : Prodúcat terra ánimam vivéntem in géneré suo, juménta, et reptília, et béstias terræ secúndum spécies suas. Factúmque est ita. Et fecit Deus béstias terræ

juxta species suas, et juménta, et omne réptile terræ in génere suo. Et vidit Deus quod esset bonum, et ait : Faciámus Hóminem ad imáginem, et similitúdinem nostram : et præsit piscibus maris, et volatilibus cæli, et béstiis, universæque terræ, omniq[ue] réptili, quod movétur in terra. Et creávit Deus hóminem ad imáginem suam : ad imáginem Dei creávit illum, másculum et féminam creávit eos. Benedixitque illis Deus, et ait : Créscite et multiplicámini, et repléte terram, et subjicite eam, et dominámini piscibus maris, et volatilibus cæli, et univér[s]is animántibus, quæ movéntur super terram. Dixitque Deus : Ecce dedi vobis omnem herbam afferéntem semen super terram, et univér[s]a ligna quæ habent in semetipsis seméntem géneris sui, ut sint vobis in escam : et cunctis animántibus terræ, omniq[ue] vólucris cæli, et univér[s]is quæ movéntur in terra, et in quibus est ánima vivens, ut hábeant ad vescéndum. Et factum est ita. Viditque Deus cuncta quæ fécerat : et erant valde bona. Et factum est vespere et mane, dies sextus. Igitur perfécti sunt cæli et terra, et omnis ornátus eórum. Complevitque Deus die séptimo opus suum quod féccrat : et requiév[it] die séptimo ab univér[s]o ópere quod patrát.

Quinque Orationes sequentes ad altare in cornu Epistolæ dicantur, sine Dóminus vobíscum, et sine Flectámus génua, præmisso

Orémus

Oratio

DEUS, qui mirabiliter creásti hóminem, et mirabilius redemísti : da nobis, quæsumus, contra oblectaménta peccáti mentis ratióne persistere; ut mercámur ad gáudia ætérna pervenire : Per Dóminum.

Lectio secunda Exo. 14 et 15

IN diébus illis : Factum est in vigília matutína, et ecce respiciens Dóminus super castra Ægyptiórum per columnam ignis et nubis, interfécit exércitum eórum : et subvértit rotas cúrruum, ferebantúrque in profúndum. Dixérunt ergo Ægyptíi : Fugiámus Israélem : Dóminus enim pugnat pro eis contra nos. Et ait Dóminus ad Móysen : Exténde manum tuam super mare, ut revertántur aquæ ad Ægyptios super currus et équites eórum. Cumque extendísset Móyses manum contra mare, revérsum est primo dilúculo ad priórem locum : Fugientibú[s]que Ægyptíis occurrérunt aquæ, et invólvit eos Dóminus in médiis flúctibus. Reversæque sunt aquæ, et operuérunt currus et équites cuncti exércitus Pharaónis, qui sequéntes ingrési fúerant mare : nec unus quidem supérfit ex eis. Filii autem Israél perrexérunt per médium sicci maris, et aquæ eis erant quasi pro muro a dextris et a sinistris : libera-vítque Dóminus in die illa Israél de manu Ægyptiórum. Et vidérunt Ægyptios mórtuos super litus maris, et ma-

num magnam quam exercuerat Dóminus contra eos : Timuitque pópulus Dóminum, et crediderunt Dómino, et Móysi servo ejus. Tunc cecinít Móyses et filii Israël carmen hoc Dómino, et dixerunt.

Tractus Exo. 15 Cantémus Dómino : glorióse enim honorificátus est, equum et ascensórem projéctit in mare : adjutor, et protéctor factus est mihi in salutem. *✠*. Hic Deus meus, et honorábo eum : Deus patris mei, et exaltábo eum.

✠. Dóminus cónterens bella : Dóminus nomen est illi.

Orémus

Oratio

DEUS, cujus antiqua miracula étiam nostris sæculis coruscáre sentimus : præsta quæsumus, ut sicut priórem pópulum ab Ægýptiis liberásti; hoc ad salutem Géntium per aquas baptismatis operéris : Per Dóminum.

Lectio tertia

Isa. 4

APPREHENDENT septem mulieres virum unum in die illa, dicéntes : Panem nostrum comedémus, et vestiméntis nostris operiémur : tantúmmodo invocétur nomen tuum super nos, aufer opprobrium nostrum. In die illa erit germen Dómini in magnificéntia, et glória, et fructus terræ sublimis, et exsultatio his, qui salváti fuerint de Israël. Et erit : omnis qui relictus fuerit in Sion, et résiduus in Jerúsalem, sanctus vocábitur, omnis qui scriptus est in vita in Jerúsalem. Si

ablúerit Dóminus sordes filiárum Sion, et sánguinem Jerúsalem láverit de médio ejus in spíritu judicii, et spíritu ardóris. Et creábit Dóminus super omnem locum montis Sion, et ubi invocátus est, nubem per diem, et fumum et splendórem ignis flammántis in nocte : super omnem enim glóriam protéctio. Et tabernáculum erit in umbráculum diéi ab æstu, et in securitátem, et absconsiónem a túrbine, et a plúvia.

Tractus Isa. 5 Vinea facta est dilécto in cornu in loco úberi. *✠*. Et macériam circúmdedit, et circumfódit, et plantávit vineam Sorec, et ædificávit turrim in médio ejus. *✠*. Et tórular fodit in ea : vinea enim Dómini Sábaoth domus Israël est.

Orémus

Oratio

DEUS, qui nos ad celebrándum Paschále sacraméntum utriúsq; testaménti páginis ínstruis : da nobis intelligere misericórdiam tuam; ut ex perceptióne præsentium múnere firma sit exspectatio futurórum : Per Dóminum.

Lectio quarta **Isa. 54 et 55**

HÆC est heréditas servórum Dómini, et justítia eórum apud me, dicit Dóminus. Omnes sitiéntes veníte ad aquas : et qui non habétis argéntum, properáte, émite, et comédite : Veníte, émite absque argénto, et absque ulla commutatóne vinum et lac. Quare appénditis argéntum

non in pánibus, et labórem vestrum non in saturitáte? Audíte audiéntes me, et comédite bonum, et delectábitur in crassitúdine ánima vestra. Inclínate aurem vestram, et veníte ad me : audíte, et vivet ánima vestra, et fériam vobiscum pactum sempitérnum, misericórdias David fidéles. Ecce testem pópulis dedi eum, ducem ac præceptórem géntibus. Ecce gentem, quam nesciébās, vocábis : et gentes, quæ te non cognovérunt, ad te current propter Dóminum Deum tuum, et sanctum Israël, quia glorificávit te. Quærite Dóminum, dum inveníri potest : invocáte eum, dum prope est. Derelinquat impius viam suam, et vir iniquus cogitationes suas, et revertátur ad Dóminum, et miserébitur ejus, et ad Deum nostrum : quóniam multus est ad ignoscéndum. Non enim cogitationes meæ, cogitationes vestræ : neque viæ vestræ, viæ meæ, dicit Dóminus. Quia sicut exaltántur cæli a terra, sic exaltátæ sunt viæ meæ a viis vestris, et cogitationes meæ a cogitationibus vestris. Et quómodo descendit imber, et nix de cælo, et illuc ultra non revértitur, sed inébríat terram, et infúndit eam, et germináre eam facit, et dat semen serénti, et panem comedénti : sic erit verbum meum, quod egrediétur de ore meo : Non revertétur ad me vácuum, sed fáciat quæcúmque vólui, et prosperábitur in his, ad quæ misi illud. Dicit Dóminus omnipotens.

Orémus

Oratio

DEUS, qui Ecclesiám tuam semper Géntium vocatióne multiplicas : concéde propítius, ut quos aqua baptismatis ábluis; continúa protectiône tueáris : Per Dóminum.

Tractus Ps. 41 Sicut cervus desiderat ad fontes aquarum : ita desiderat ánima mea ad te Deus. **℟.** Sitívit ánima mea ad Deum vivum : quando véniam et apparebo ante fáciem Dei mei? **℟.** Fuérunt mihi lácrymæ meæ panes die ac nocte : dum dicitur mihi per singulos dies : Ubi est Deus tuus.

Orémus

Oratio

CONCEDE, quæsumus omnipotens Deus : ut qui festa Paschália ágimus; cælestibus desidériis accénsi fontem vitæ sitiámus : Dóminum.

Deinde sequuntur Litanie

KYRIE eléison. **℟.** Kýrie eléison.

Christe eléison. **℟.** Christe eléison.

Kýrie eléison. **℟.** Kýrie eléison.

Christe audi nos. **℟.** Christe exáudi nos.

Pater de cælis Deus, miserére nobis.

Repetatur a Choro Pater de cælis.

Fili Redemptor mundi Deus, miserére nobis. **℟.** Fili Redemptor.

Spiritus Sancte Deus, miserére nobis. **℟.** Spiritus Sancte.

Sancta Trinitas unus Deus, miserére nobis. **℟.** Sancta Trinitas.

Sancta María. ℟. Ora pro nobis.		Sancte Januári cum sóciis tuis,	ora.
Sancta Dei génitrix,	ora.	Sancti Fabiáne, et Sebastíane,	oráte.
Sancta Virgo vírginum,	ora.	Sancti Cosma, et Damiáne,	oráte.
Sancte Michaël,	ora.	Sancte Thoma,	ora.
Sancte Gábriel,	ora.	Sancte Petre,	ora.
Sancte Ráphaël,	ora.	Sancte Joáñnes cum sóciis tuis,	ora.
Omnes sancti Angeli et Archángeli,	oráte pro nobis.	Omnes sancti Mártyres,	oráte.
Omnes sancti beatórum Spírituum órdenes,	oráte.	Sancte Silvéster,	ora.
Sancte Joáñnes Baptísta,	ora pro nobis.	Sancte Gregóri,	ora.
Sancte Joseph,	ora.	Sancte Pie,	ora.
Omnes sancti Patriárchæ et Prophætæ,	oráte.	Sancte Ambrósi,	ora.
Sancte Petre,	ora.	Sancte Augustine,	ora.
Sancte Paule,	ora.	Sancte Hierónyme,	ora.
Sancte Andréa,	ora.	Sancte Hilári,	ora.
Sancte Jacóbe,	ora.	Sancte Martine,	ora.
Sancte Joáñnes,	ora.	Sancte Nicolée,	ora.
Sancte Thoma,	ora.	Sancte Antoníne,	ora.
Sancte Jacóbe,	ora.	Sancte Albérte,	ora.
Sancte Philippe,	ora.	Sancte Pater Domínice,	ora.
Sancte Bartholomæe,	ora.	Sancte Pater Domínice,	ora.
Sancte Matthæe,	ora.	Sancte Thoma,	ora.
Sancte Simon,	ora.	Sancte Vincénti,	ora.
Sancte Thaddæe,	ora.	Sancte Hyacínthe,	ora.
Sancte Matthia,	ora.	Sancte Raymúnde,	ora.
Sancte Bárnaba,	ora.	Sancte Ludovice,	ora.
Sancte Marce,	ora.	Sancte Antóni,	ora.
Sancte Luca,	ora.	Sancte Benedicte,	ora.
Omnes sancti Discípuli Dómini,	oráte.	Sancte Bernárde,	ora.
Omnes sancti Innocéntes,	oráte pro nobis.	Sancte Francisce,	ora.
Sancte Stéphané,	ora.	Omnes sancti Confessóres,	oráte.
Sancte Clemens,	ora.	Sancta Anna,	ora.
Sancte Cornéli,	ora.	Sancta María Magdaléna,	ora.
Sancte Cypriáne,	ora.	Sancta Martha,	ora.
Sancte Laurénti,	ora.	Sancta Felicitas,	ora.
Sancte Vincénti,	ora.	Sancta Perpétua,	ora.
Sancte Dionýsi cum sóciis tuis,	ora.	Sancta Agatha,	ora.
Sancte Mauríti cum sóciis tuis,	ora.	Sancta Lucía,	ora.
		Sancta Agnes,	ora.
		Sancta Cæcília,	ora.
		Sancta Catharina,	ora.
		Sancta Margaríta,	ora.

Sancta Ursula cum sodálibus
 tuis, ora.
 Sancta Catharina, ora.
 Sancta Rosa, ora.
 Sancta Agnes, ora.
 Sancta Catharina, ora.
 Omnes sanctæ Vírgines et
 Víduæ, oráte.
 Omnes Sancti, oráte.
 Propítius esto. *℟.* Parce nobis
 Dómine.
 Propítius esto. *℟.* Exáudi nos
 Dómine.
 A damnatióne perpétua. *℟.* Li-
 bera nos Dómine.
 A subitánea et improvisa mor-
 te, libera.
 Ab imminéntibus peccatórum
 nostrórum periculis, libera.
 Ab infestatióibus dáemonum,
 libera.
 Ab omni immundítia mentis
 et córporis, libera.
 Ab ira, et ódio, et omni mala
 voluntáte, libera.
 Ab immúndis cogitatióibus,
 libera.
 A cæcitate cordis, libera.
 A fúlure, et tempestáte, libe-
 ra nos Dómine.
 A peste, fame, et bello, libera.
 A flagéllō terræmótus, libera.
 Ab omni malo, libera.
 Per mystérium sanctæ Incar-
 natiónis tuæ, libera.
 Per Passiõem, et Crucem
 tuam, libera.
 Per gloriósam Resurrecti-
 ónem tuam, libera.
 Per admirábilem Ascensi-
 ónem tuam, libera.
 Per grátiam Sancti Spíritus
 Parácliti, libera.
 In die iudicii, libera.
 Peccatóres, *℟.* Te rogámus,
 audi nos.

Ut pacem nobis dones, te ro-
 gámus, audi nos.
 Ut misericórdia, et pietas tua
 nos custódiat, te rogámus.
 Ut Ecclésiā tuā sanctā
 régere, et conservāre digné-
 ris, te rogámus.
 Ut domnum Apostólicum, et
 omnes gradus Ecclésiæ in
 sancta religiōe conservāre
 dignéris, te rogámus.
 Ut Episcopos et Prælátos no-
 stros, et cunctas Congrega-
 tiónes illis commissas in tuo
 sancto servítio conservāre di-
 gnéris, te rogámus.
 Ut inimicos sanctæ Ecclésiæ
 humiliāre dignéris, te rogá-
 mus, audi nos.
 Ut régibus et princípibus no-
 stris pacem, et veram con-
 córdiam, atque victóriam do-
 nāre dignéris, te rogámus.
 Ut cunctum pópulum christiā-
 num pretiósō Sanguine tuo
 redemptum conservāre di-
 gnéris, te rogámus.
 Ut omnes errāntes ad unitá-
 tem Ecclésiæ revocāre, et
 infidéles univérsos ad Evan-
 gélii lumen perdúcere digné-
 ris, te rogámus.
 Ut ómnibus benefactoribus
 nostris sempitérna bona re-
 tribuas, te rogámus.
 Ut ánimas nostras, et paréntum
 nostrórum ab æténa damna-
 tióne erípias, te rogámus.
 Ut fructus terræ dare, et con-
 servāre dignéris, te rogámus.
 Ut óculos misericórdiæ tuæ
 super nos reducere dignéris,
 te rogámus.
 Ut obséquium servitútis no-
 stræ rationábile fácias, te ro-
 gámus, audi nos.

Ut mentes nostras ad cælestia desidéria érigas, te rogámus, audi nos.

Ut misérias páuperum et captivórum intuéri, et releváre dignéris, te rogámus.

Ut loca nostra, et omnes habitántes in eis visitáre, et consolári dignéris, te rogámus, audi nos.

Ut civitátem istam, et omnem pópulum ejus protégere, et conserváre dignéris, te rogámus, audi nos.

Ut omnes fidéles navigántes et itinerántes ad portum salutis perducere dignéris, te rogámus, audi nos.

Ut reguláribus disciplinis nos instrúere dignéris, te rogámus, audi nos.

Ut ómnibus fidélibus defúntis réquiem ætérnam dones, te rogámus, audi nos.

Ut nos exaudíre dignéris, te rogámus, audi nos.

Fili Dei. *R.* Te rogámus, audi nos.

Agnus Dei, qui tollis peccáta mundi. *R.* Parce nobis Dómine.

Agnus Dei, qui tollis peccáta mundi. *R.* Exáudi nos Dómine.

Agnus Dei, qui tollis peccáta mundi. *R.* Miserére nobis.

Finitis Litaniis, Sacerdos cum ministris ad altare accedens, incipiat Missam more solito, et facta confessione, ac dicta Oratione solita ante altare, eoque osculato, dicat Kýrie eléison, quibus a Choro finitis, intonet solemniter

Glória in excélsis Deo.

Quo finito, dicat Dóminus vobíscum.

Orémus

Oratio

DEUS qui hanc sacratíssimam noctem glória Dóminicæ resurrectionis illústras : conserva in nova familiæ tuæ progénie adoptionis spíritum, quem dedisti; ut corpore et mente renováti, puram tibi exhibeant servitútem : Per eúndem.

Léctio Epístolæ beáti Pauli Apóstoli ad Colossénses. *c. 3*

FRATRES : Si consurrexistis cum Christo : quæ sursum sunt quærite, ubi Christus est in dextera Dei sedens : Quæ sursum sunt sápite, non quæ super terram. Mórtui enim estis, et vita vestra est abscondita cum Christo in Deo. Cum Christus apparúerit vita vestra : tunc et vos apparébitis cum ipso in glória.

Allelúia, allelúia. *Ps. 106* Confitémini Dómino quóniam bonus : quóniam in sǎculum misericórdia ejus. *Non repetatur Allelúia.*

Tractus Ps. 116 Laudáte Dóminum omnes gentes : et colaudáte eum omnes pópuli.

Ps. Quóniam confirmáta est super nos misericórdia ejus : et véritas Dómini manet in ætérnum.

Ad Evangelium cerei non deferantur, sed tantum thus : petatur benedictio, et alia fiant ut moris est.

✠ Sequéntia sancti Evangélii secúndum Matthæum. *c. 28*

VESPERE autem sábbati, quæ lucéscit in prima sábbati, venit María Magda-

léne, et áltera María vidére sepúlcrum. Et ecce terræmótus factus est magnus. Angelus enim Dómini descéndit de cælo : et accédens revólvit lápidem, et sedébat super eum : Erat autem aspéctus ejus sicut fulgur : et vestiméntum ejus sicut nix. Præ timóre autem ejus extérriti sunt custódes, et facti sunt velut mórtui. Respóndens autem Angelus, dixit muliéribus : Nolite timére vos : Scio enim, quod Jesum, qui crucifixus est, quæritis : Non est hic : Surréxit enim, sicut dixit. Venite, et vidéte locum, ubi pósitus erat Dóminus. Et cito eúntes, dicite discipulis ejus quia surréxit : et ecce præcédit vos in Galiléam : Ibi eum vidébitis. Ecce prædixi vobis.

Non dicatur Credo, nec Offertorium, sed tantum Dóminus vobiscum. Orémus. Dicto Orémus, statim Diaconus offerat calicem Sacerdoti. Qui facta oblatione, et thurificatione altari, ac ablutis digitis more solito, vertens se ad Conventum, seu populum dicat Oráte fratres, et postea Secretam, quæ hic sequitur.

Secreta

SUSCIPE, quæsumus Dómine, preces pópuli tui cum oblatiónibus hostiárum : ut Paschálibus initiáta mystériis, ad æternitátis nobis medélam, te operánte, proficiant. Per Dóminum.

Præfatio Te quidem Dómine omni témpore, sed in hac potíssimum nocte.

Deinde dicatur : Sanctus.

Infra Canonem

COMMUNICANTES, et noctem sacratíssimam celebrántes Resurrectiónis Dómini nostri Jesu Christi secúndum carnem : Sed et memóriam venerántes, in primis gloriósæ semper Vírginis Mariæ, Genitrícis ejúsdem Dei, et Dómini nostri Jesu Christi : Sed et beatórum Apostolórum ac Mártyrum tuórum, Petri, et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis, et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis, et Pauli, Cosmæ, et Damiáni : et ómnium Sanctórum tuórum : quorum méritis precibúsq; concédas, ut in ómnibus protectionis tuæ muniamur auxilio. Per eúndem Christum Dóminum nostrum. Amen.

Item

HANC igitur oblatiónem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua et Spíritu Sancto, tribuens eis remissionem ómnium peccatórum, quæsumus Dómine, ut placátus accípias, diésque nostros in tua pace dispónas, atque ab ætérna damnatióne nos éripi, et in electórum tuórum júbeas grege numerári. Per Christum Dóminum nostrum. Amen.

Postea dicente Sacerdote Pax Dómini, respondeatur Et cum spíritu

tuo, sed Agnus Dei non dicatur, nec pax detur; sed incipiatur

Ad Vesperas Antiphona : Allelúia, allelúia, allelúia, quæ tota dicatur ante Psalmum 116 Laudáte Dóminum omnes gentes, et Glória Patri. Repetita Antiphona post Psalmum, Sacerdos ad altare, Cantore ei deferente, incipiat ad Magnificat Antiphonam

Véspere autem sábbati, quæ lucéscit in prima sábbati, venit María Magdaléne, et áltera María vidére sepúlcrum, allelúia.

Dicitur tota ante Canticum Magnificat. Deinde illa repetita, et finita post Magnificat, Sacerdos conver-

sus ad populum, seu Conventum dicat Dóminus vobiscum, et reversus ad librum, prosequatur

Orémus. Postcommunio

SPIRITUM nobis, Dómine, tuæ caritátis infúnde : ut quos sacraméntis Paschálibus satiásti; tua fácias pietáte concórdes : Per Dóminum.

Postea convertat se iterum Sacerdos ad populum, et dicat Dóminus vobiscum. Et Diaconus subjungat *Ite missa est, allelúia, allelúia.* Deinde dicta Oratione Pláceat tibi, det benedictionem, et dicat Evangelium *In princípio*, et sic Missa simul, ac Vesperæ finiantur.



ORDO MISSÆ

Sacerdos, quando celebraturus accesserit ad medium altaris, facta profunda inclinatione, stans muniat se signo Crucis, dicens clara et intelligibili voce :

IN nómine Patris, et Filii, et Spíritus Sancti. Amen.

Deinde eadem voce :

✠. Confitémini Dómino quóniam bonus.

Ministri ✠. Quóniam in sæculum misericórdia ejus.

Postea inclinatus profunde, dicat :

CONFITEOR Deo omnipoténti, et beátæ Mariæ semper Virgini, et beáto Dominico Patri nostro, et ómnibus Sanctis, et vobis Fratres, quia peccávi nimis cogitatione, locutione, ópere, et omissione, mea culpa : precor vos oráre pro me.

Ministri ✠. Misereátur tui, etc.

Deinde Confessionem repetant. et ubi Sacerdos dicebat vobis Fratres, et vos; dicant ipsi tibi Pater, et te.

Quibus dictis, Sacerdos dicat :

MISEREATUR vestri omnipotens Deus, et dimittat vobis ómnia peccáta vestra : liberet vos ab omni malo, salvet, et confirmet in omni ópere bono, et perdúcat vos ad vitam ætérnam.

M. ✠. Amen.

ABSOLUTIONEM, et remissionem ómnium peccatorum vestrorum tribuat vobis

omnipotens et miséricors Dóminus.

M. ✠. Amen.

Confessione facta, et absolutione, se erigat Sacerdos, et dicat :

Adjutórium nostrum in nómine Dómini.

M. ✠. Qui fecit cælum et terram.

Et appropians ad altare, rursus profunde inclinatus dicat Orationem :

AUFER a nobis, Dómine, cunctas iniquitates nostras : ut ad Sancta sanctorum puris mereámur méntibus introire. Per Christum Dóminum nostrum. Amen.

Hac Oratione dicta, osculetur altare, signando illud prius in medio pollice dextero : et erectus muniat se signo Crucis, et accedens ad librum junctis manibus ante pectus, incipiat Missæ Officium, seu Introitum; quo finito, dicat alternatim cum ministris :

Kýrie eléison. Kýrie eléison. Kýrie eléison. Christe eléison. Christe eléison. Christe eléison. Kýrie eléison. Kýrie eléison. Kýrie eléison.

Postea ad medium altaris pergens, dicat (si dicendum est) Glória.

GLORIA in excélsis Deo. *Inclin. caput* Et in terra pax hominibus bonæ voluntátis. Laudámus te. Benedícimus te. *Inclin. caput* Adorámus te. Glorificámus te. *Inclin. caput*

Grátias ágimus tibi, propter magnam glóriam tuam. Dómine Deus Rex cæléstis, Deus Pater omnipotens. Dómine Fili unigénite, *Inclin. caput* Jesu Christe. Dómine Deus, Agnus Dei, Fílius Patris. Qui tollis peccáta mundi, miserére nobis. Qui tollis peccáta mundi, *Inclin. caput* súscipe deprecationem nostram. Qui sedes ad dexteram Patris, miserére nobis. Quóniam tu solus Sanctus. Tu solus Dóminus. Tu solus Altíssimus, *Inclin. caput* Jesu Christe. Cum Sancto Spíritu in glória Dei Patris. Amen.

Deinde, dictis Oratione, Epistola, et Responso cum Allelúia, vel Tractu, accedat, inclinans caput in medio altaris, ad cornu Evangelii, dicens : Dóminus sit in corde meo, et in lábiis meis ad pronuntiándum sanctum Evángelium pacis, et stans ante librum, junctis manibus super illum, dicat Dóminus vobíscum. Et ministri. *R.* Et cum spíritu tuo. Et pronuntians : Sequéntia sive Inítium sancti Evángelii, etc. signet pollice dexteræ manus Evangelium, et seipsum in fronte, ore, et pectore; deinde majori signo Crucis, manu dextera, se totum muniat a fronte ad pectus et humeros. Ministri autem respondeant Glória tibi Dómine. Postea prosequatur Evangelium junctis manibus ut prius. Illo finito, majori signo Crucis se iterum signet; et mox Evangelium pollice signo crucis signans, illud exosculando dicat : Per Evángélica dicta deleántur nostra delícta. Deinde ad medium altaris, extendens, elevans, et jungens manus, dicat (si dicendum sit) Credo in unum Deum, et pergens ad librum, junctis manibus prosequatur. Cum dicit Deum, caput Cruci inclinet, et idem faciat dum dicit Jesum Christum,

et simul adorátur. In fine ad Et vitam ventúri sáculi, signet se signo Crucis a fronte ad pectus et humeros.

CREDO in unum Deum : *Inclin. caput* Patrem omnipoténtem : factórem cæli et terræ, visibílium ómnium, et invisibílium. Et in unum Dóminum *Inclin. caput* Jesum Christum, Fílium Dei unigénitum : Et ex Patre natum ante ómnia sácula : Deum de Deo, lumen de lúmine, Deum verum de Deo vero : Génitum, non factum, consubstantiálem Patri : per quem ómnia facta sunt. Qui propter nos hómines et propter nostram salútem, descendit de cælis : *Hic utrumque genuflectitur* : ET INCARNATUS EST DE SPIRITU SANCTO EX MARIA VIRGINE : ET HOMO FACTUS EST. Crucifíxus étiam pro nobis sub Póntio Piláto, passus, et sepúltus est. Et resurrexit tértia die secúndum Scriptúras : Et ascendit in cælum : sedet ad dexteram Patris : Et iterum ventúrus est cum glória, judicáre vivos et mórtuos : cujus regni non erit finis. Et in Spíritum Sanctum, Dóminum, et vivificántem : qui ex Patre Filióque procédit : Qui cum Patre et Filio simul *Hic inclin. caput* ADORATUR ET CONGLORIFICATUR : qui locútus est per Prophétas. Et Unam, Sanctam, Cathólicam, et Apostólicam Ecclésiám. Confíteor unum baptisma in remissionem peccatórum. Et exspécto resurrectionem mortuórum. Et vitam ventúri sáculi : Amen.

Deinde versus ad populum dicat

Dóminus vobíscum. **Ministri.**
℟. Et cum spíritu tuo.

Postea dicat Orémus, et Offertorium. Quo dicto, elevando, et conjungendo manus, dicat : Quid retribuam Dómino pro ómnibus, quæ retribuit mihi? et calicem cum hostia, patenæ superposita, accipiens ambabus manibus, super corporale ante pectus elevans, dicat : Cálicem salutáris accípíam, et nomen Dómini invocábo. Deinde offerens, dicat :

SUSCIPE sancta Trínitas hanc oblatiónem, quam tibi óffero in memóriam Passiónis Dómini nostri Jesu Christi : et præsta, ut in conspéctu tuo tibi placens ascéndat; et meam, et ómnium fidélium salútem operétur ætérnam.

His dictis, calicem super corporale deponens, patenam e calice levat, et hostiam ante illius pedem deponat, ac palla calicem cooperiat. Deinde accedens ad cornu Epistolæ pro digitorum ablutione, dicat :

LAVABO inter innocéntes manus meas, et circúmdabo altáre tuum Dómine : ut áudiam vocem laudis, et enár-

rem univérsa mirabília tua. Dómine diléxi decórem domus tuæ, et locum habitatiónis glóriæ tuæ. *Et non plus ultra.*

Post ablutionem digitorum, Sacerdos junctis manibus ante pectus, ad medium altaris veniens, inclinet profunde, dicendo :

IN spíritu humilitátis, et in ánimo contríto, suscipiámur Dómine a te : et sic fiat sacrificium nostrum, ut a te suscipiátur hódie, et pláceat tibi Dómine Deus.

His dictis, se erigens, et ad populum se convertens, extendens, et jungens manus, dicat voce mediocri Oráte fratres, solum hæc duo verba, alia secreto proseguens.

ORATE fratres, ut meum, ac vestrum páriter in conspéctu Dómini sit accéptum sacrificium.

Junctis manibus subjungat : Dómine exáudi oratióem meam, et clamor meus ad te véniat, et Orémus. Deinde extensis dicat Oratióem, vel Orationes secretas; quibus finitis, cum pervenerit ad conclusionem, clara et intelligibili voce dicat Per ómnia sácula sæculórum, cum Præfatione propria Missæ, sicut in sequentibus.

PRÆFATIONES

IN NATIVITATE DOMINI

Sequens Præfatio dicatur a Nativitate Domini usque ad Epiphaniam, etiam in Missis de Sanctis; item in omnibus Missis de beata Maria Virgine a Nativitate Domini usque ad Purificationem, et in ipso festo Purificationis; item in festo Corporis Christi et per Octavam, nisi occurrat festum habens propriam Præfationem; item in omnibus Missis SS. Cordis Jesu extra Septuagesimam et Tempus Paschale, et per ejus Octavam, nisi occurrat festum habens propriam Præfationem; necnon in omnibus Missis de SS. Sacramento et de SS. Nomine Jesu.

PER ómnia sæcula sæculórum. *℟.* Amen.

℣. Dóminus vobiscum. *℟.* Et cum spíritu tuo.

℣. Sursum corda. *℟.* Habemus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutáre : Nos tibi semper et ubique grátias ágere, Dómine sancte, Pater omnipotens, ætérne Deus. Quia per incarnáti Verbi mystérium, nova mentis nostræ óculis lux tuæ claritátis infúlsit : Ut dum visibíliter Deum cognóscimus, per hunc in invisibílium amórem rapiámur. Et ideo cum Angelis et Archángelis, cum Thronis et Do-

minatió nibus : Cumque omni milítia cæléstis exércitus, hymnum glóriæ tuæ cánimus, sine fine dicéntes.

SANCTUS, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedictus qui venit in nómine Dómini. Hosánna in excélsis.

Infra Canonem

COMMUNICANTES, et (diem sacratíssimum) *vel* (noctem sacratíssimam) celebrántes, quo (qua) beátæ Mariæ intemeráta virginitas huic mundo édedit Salvatórem : Sed et memóriam venerántes, in primis ejúsdem gloriósæ semper Virgínis Mariæ, Genitrícis ejúsdem Dei et Dómini nostri Jesu Christi : Sed et beatórum Apostolórum ac Mártyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni : et ómnium Sanctórum tuórum : quorum méritis precibúsq; concédas, ut in ómnibus protectiόnis tuæ muniamur auxilio. Per eúmdem Christum Dóminum nostrum. Amen.

Dicatur hoc quotidie, etiam in Missis Sanctorum, usque ad Octavam Nativitatis Domini inclusive tantum; in prima tamen Missa Nativitatis dicitur noctem sacratissimam celebrantes, qua.

IN EPIPHANIA

Sequens Præfatio dicatur in Epiphania Domini, et per totam Octavam, etiam in Missis Sanctorum, et in festo S. Familiae.

PER omnia sæcula sæculorum. *℟.* Amen.

℣. Dóminus vobiscum. *℟.* Et cum spiritu tuo.

℣. Sursum corda. *℟.* Habemus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutáre : Nos tibi semper et ubique grátias ágere, Dómine sancte, Pater omnipotens, ætérne Deus. Quia cum Unigénitus tuus in substántia nostræ mortalitátis appáruit, nova nos immortalitátis suæ luce reparávit. Et ideo cum Angelis et Archángelis, cum Thronis et Dominationibus : Cumque omni militiæ cælestis exércitus, hymnum glóriæ tuæ cánimus, sine fine dicentes.

SANCTUS, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedictus qui venit in nómine Dómini. Hosánna in excélsis.

Infra Canonem

COMMUNICANTES, et diem sacratissimum celebrantes, quo Unigénitus tuus in tua tecum glória coætérnus, in veritate carnis nostræ visibíliter corporális appáruit : Sed et memóriam venerantes, in primis gloriósæ semper Virginis Mariæ, Genitrícis ejúsdem Dei, et Dómini nostri Jesu Christi : Sed et beatórum Apostolorum ac Mártyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni : et ómnium Sanctórum tuórum : quorum méritis precibúisque concédas, ut in ómnibus protectionis tuæ muniámur auxilio. Per eúndem Christum Dóminum nostrum. Amen.

Dicatur etiam per totam Octavam.

IN QUADRAGESIMA

Sequens Præfatio dicatur in capite Jejunii, et deinceps usque ad Dominicam Passionis exclusive, etiam in festis Sanctorum infra dictum tempus occurrentibus, nisi propriam habuerint.

PER omnia sæcula sæculorum. *℟.* Amen.

℣. Dóminus vobiscum. *℟.* Et cum spiritu tuo.

℣. Sursum corda. *℟.* Habemus ad Dóminum.

℣. Grátias agámus Dómino Deo nostro. ℟. Dignum et justum est.

Vere dignum et justum est, æquum et salutáre : Nos tibi semper et ubique grátias ágere, Dómine sancte, Pater omnipotens, ætérne Deus. Qui corporáli jejúnio vitia cómpri-mis, mentem élevas, virtútem largírís et præmia : per Christum Dóminum nostrum. Per quem majestátem tuam laudant Angeli, adórant Dominationes, tremunt Potestátes : Cæli, cælorúmque Virtútes, ac beáta Séraphim, sócia exsultatióne concélebrant : Cum quibus et nostras voces ut admitti júbeas deprecámur, súplici confessióne dicétes.

SANCTUS, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedictus qui venit in nómine Dómini. Hosánna in excélsis.

DE PASSIONE ET CRUCE DOMINI

Sequens Præfatio dicatur a Dominica Passionis usque ad Feriam quintam in Cena Domini inclusive, etiam in festis Sanctorum infra id tempus occurrentibus, nisi propriam habuerint; item in festo Pretiosissimi Sanguinis, in utroque festo S. Crucis, et in Missis votivis de Cruce, de Passione, et de SS. Corde Jesu a Septuagesima ad Vigiliam Pentecostes.

PER ómnia sácula sæculórum. ℟. Amen.

℣. Dóminus vobiscum. ℟. Et cum spíritu tuo.

℣. Sursum corda. ℟. Habémus ad Dóminum.

℣. Grátias agámus Dómino Deo nostro. ℟. Dignum et justum est.

Vere dignum et justum est, æquum et salutáre : Nos tibi semper et ubique grátias ágere, Dómine sancte, Pater omnipotens, ætérne Deus. Qui salutem humáni géneris in ligno Crucis constituisti : ut unde mors oriebátur, inde vita resúrgeret : et qui in ligno vincébat, in ligno quoque vincerétur : per Christum Dóminum nostrum. Per quem majestátem tuam laudant Angeli, adórant Dominationes, tremunt Potestátes : Cæli, cælorúmque Virtútes, ac beáta Séraphim, sócia exsultatióne concélebrant : Cum quibus et nostras voces ut admitti júbeas deprecámur, súplici confessióne dicétes.

Sanctus, Sanctus, etc.

IN PASCHA

Sequens Præfatio dicatur a Vigilia Paschæ usque ad Ascensionem, et in festis eo tempore occurrentibus, nisi in eis propria assignetur.

In Missa Sabbati Sancti dicatur in hac potíssimum nocte, in die Paschæ usque ad Dominicam in Albis inclusive in hac potíssimum die et deinceps in hoc potíssimum.

PER ómnia sácula sæculórum. ℟. Amen.

℣. Dóminus vobiscum. ℟. Et cum spíritu tuo.

℣. Sursum corda. ℟. Habémus ad Dóminum.

✠. Grátias agámus Dómino Deo nostro. ✠. Dignum et justum est.

Vere dignum et justum est, æquum et salutáre : Te quidem Dómine omni témpore, sed (in hac potíssimum die) *vel* (in hoc potíssimum) gloriósius prædicáre, cum Pascha nostrum immolátus est Christus. Ipse enim verus est Agnus, qui ábstulit peccáta mundi : Qui mortem nostram moriéndó destrúxit, et vitam resurgéndo reparávit. Et ideo cum Angelis et Archángelis, cum Thronis et Dominationibus : Cumque omni militiá cæléstis exércitus, hymnum glóriæ tuæ cánimus, sine fine dicétes.

SANCTUS, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedictus qui venit in nómine Dómini. Hosánna in excélsis.

Infra Canonem

COMMUNICANTES, et (diem sacratíssimum) celebrátes Resurrecciónis Dómini nostri Jesu Christi secúndum carnem : Sed et memóriam venerátes, in primis gloriósæ semper Virginis Mariæ, Genitricis ejúsdem Dei et Dómini nostri Jesu Christi : Sed et beatórum Apostolórum ac Mártyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni,

Joánnis et Pauli, Cosmæ et Damiáni : et ómnium Sanctórum tuórum : quorum méritis precibúsq; concédas, ut in ómnibus protectionis tuæ muniámur auxilio. Per eúndem Christum Dóminum nostrum. Amen.

HANC igitur oblatiónem servitútis nostræ, sed et cunctæ familiæ tuæ, quam tibi offerimus pro his quoque, quos regeneráre dignátus es ex aqua et Spíritu Sancto, tribuens eis remissionem ómnium peccatórum, quæsumus Dómine, ut placátus accípias, diésque nostros in tua pace dispónas, atque ab æténa damnatióne nos éripi, et in electórum tuórum júbeas grege numerári. Per Christum Dóminum nostrum. Amen.

Ita dicatur a Vigilia Paschæ usque ad Dominicam in Albis inclusive tantum. Sed in Missa Sabbati Sancti dicatur Et noctem sacratíssimam celebrátes.

IN ASCENSIONE

Sequens Præfatio dicatur in die Ascensionis, per Octavam et Feria VI post Octavam, in omnibus Missis, etiam in festis Sanctorum occurrentibus, nisi propriam habuerint.

PER ómnia sæcula sæculórum. ✠. Amen.

✠. Dóminus vobíscum. ✠. Et cum spíritu tuo.

✠. Sursum corda. ✠. Habémus ad Dóminum.

✠. Grátias agámus Dómino Deo nostro. ✠. Dignum et justum est.

Vere dignum et justum est, æquum et salutäre : Nos tibi semper et ubique grätias ägere, Dómine sancte, Pater omnípotens, ætérne Deus : per Christum Dóminum nostrum. Qui post resurrectiónem suam ómnibus discipulis suis manifestus apparuit, et ipsis cernéntibus est elevátus in cælum, ut nos divinitätis suæ tribúeret esse participes. Et ideo cum Angelis et Archángelis, cum Thronis et Dominationibus : Cumque omni militia cælestis exercitus, hymnum glóriæ tuæ cánimus, sine fine dicéntes.

SANCTUS, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedictus qui venit in nómine Dómini. Hosánna in excélsis.

Infra Canonem

COMMUNICANTES, et diem sacratissimum celebrántes, quo Dóminus noster, unigénitus Filius tuus, unitam sibi fragilitätis nostræ substantiam in glóriæ tuæ dextera collocávit : Sed et memoriam venerántes, in primis gloriósæ semper Vírginis Mariæ, Genitrícis ejúsdem Dei, et Dómini nostri Jesu Christi : Sed et beatórum Apostolórum ac Mártyrum tuórum, Petri et Pauli, Andréæ, Jacóbi, Joánis, Thomæ, Jacóbi, Philíppi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et

Damiáni : et ómnium Sanctórum tuórum : quorum méritis precibúsq; concédas, ut in ómnibus protectionis tuæ muniámur auxilio. Per eúmdem Christum Dóminum nostrum. Amen.

Dicatur per totam Octavam, etiam in Festo S. Crucis, et aliis quibuscumque Missis : exceptis Missis Defunctorum.

IN PENTECOSTE

Sequens Præfatio dicatur in Vigilia et in die Pentecostes, ac quotidie per Hebdomadam usque ad Sabbatum inclusive; item in Missis votivis de Spiritu Sancto, omisso tamen hodiérna die.

PER ómnia sæcula sæculórum. **℟.** Amen.

℣. Dóminus vobiscum. **℟.** Et cum spíritu tuo.

℣. Sursum corda. **℟.** Habemus ad Dóminum.

℣. Grätias agámus Dómino Deo nostro. **℟.** Dignum et justum est.

Vere dignum et justum est, æquum et salutäre : Nos tibi semper et ubique grätias ägere, Dómine sancte, Pater omnípotens, ætérne Deus : per Christum Dóminum nostrum. Qui ascéndens super omnes cælos, sedénsque ad dexteram tuam, promissum Spíritum Sanctum (hodiérna die) in filios adoptionis effúdit. Quapropter profúsis gáudiis totus in orbe terrárum mundus exsúltat : Sed et supérnæ Virtútes, atque angélicæ Potestates hymnum glóriæ tuæ concinunt, sine fine dicéntes.

Sanctus, Sanctus, **etc.**

Infra Canonem

COMMUNICANTES, et diem sacratissimum Pentecostes celebrantes, quo Spiritus Sanctus Apóstolis in igneis linguis apparuit : Sed et memoriam venerantes, in primis gloriósæ semper Virginis Mariæ, Genitricis Dei et Dómini nostri Jesu Christi : Sed et beatórum Apostolórum ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni : et ómnium Sanctórum tuórum : quorum méritis precibúque concédas, ut in ómnibus protectionis tuæ muniamur auxilio. Per eúndem Christum Dóminum nostrum. Amen.

HANC igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignátus es ex aqua et Spíritu Sancto, tribuens eis remissionem ómnium peccatórum, quæsumus Dómine, ut placátus accipias, diésque nostros in tua pace dispónas, atque ab ætérna damnatione nos éripi, et in electórum tuórum júbeas grege numerári. Per Christum Dóminum nostrum. Amen.

Dicatur semper usque ad sequens Sabbatum inclusive.

DE SS. TRINITATE

Sequens Præfatio dicatur in festo SS. Trinitatis, et per Octavam usque ad quintam Feriam exclusive, etiam in festis Sanctorum, nisi propriam habuerint; item in Missis votivis ejusdem; item in Festo Transfigurationis Domini; necnon in omnibus Dominicis per annum, nisi alia particularis occurrerit.

PER ómnia sæcula sæculórum. *℟.* Amen.

℣. Dóminus vobiscum. *℟.* Et cum spíritu tuo.

℣. Sursum corda. *℟.* Habemus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutáre : Nos tibi semper et ubique grátias ágere, Dómine sancte, Pater omnipotens, ætérne Deus. Qui cum unigénito Filio tuo, et Spíritu Sancto, unus es Deus, unus es Dóminus : Non in unius singularitáte persónæ, sed in unius Trinitáte substantiæ. Quod enim de tua glória, revelánte te, crédimus : hoc de Filio tuo, hoc de Spíritu Sancto, sine differentia discretiónis, sentimus. Ut in confessione veræ sempiternæque Deitátis, et in persónis proprietas, et in esséntia únitás, et in majestáte adorétur æquálitas. Quam laudant Angeli, atque Archángeli, Chérubim quoque, ac Séraphim, qui non cessant clamáre quotidie, una voce dicentes.

Sanctus, Sanctus, *etc.*

DE JESU CHRISTO REGE

In festo et Missis votivis ejusdem.

PER ómnia sácula sæculórum. *℟.* Amen.

℣. Dóminus vobiscum. *℟.* Et cum spiritu tuo.

℣. Sursum corda. *℟.* Habemus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutáre : Nos tibi semper et ubique grátias ágere, Dómine sancte, Pater omnipotens, ætérne Deus. Qui unigénitum Fílium tuum Dóminum nostrum Jesum Christum, Sacerdótem ætérnum et universórum Regem, óleo exultatiónis unxísti : ut seípsum in ara crucis, hóstiam immaculátam et pacíficam ófferens, redemptiόνis humánæ sacraménta perágeret : et suo subjéctis império ómnibus creatúris, ætérnum et universále regnum imménsæ tuæ tráderet Majestáti : regnum veritátis et vitæ; regnum sanctitátis et grátiae: regnum justitiæ, amóris et pacis. Et ideo cum Angelis et Archángelis, cum Thronis et Dominationibus : Cumque omni militía cælestis exércitus, hymnum glóriæ tuæ cánimus, sine fine dicéntes.

SANCTUS, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis.

Benedíctus qui venit in nómine Dómini. Hosánna in excélsis.

DE BEATA
VIRGINE MARIA

Sequens Præfatio dicatur in festis beatæ Mariæ Virginis, (præterquam in Festo Purificationis) et per eorum Octavas, etiam in festis Sanctorum infra eas occurrentibus, nisi propriam habuerint; item in Vigiliis et Missis votivis de B. Maria, præterquam in Missa de S. Maria in Sabato a Nativitate Domini ad Purificationem.

Dicatur autem secundum denominationem festi, Et te in Conceptione immaculáta, vel Compassiône, vel Annuntiatiône, vel Visitatiône, vel Assumptiône, vel Nativitáte, vel Præsentatiône, vel in reliquis festivitátibus B. Mariæ Virginis, Solemnitáte, vel in Vigiliis et in Missis votivis, Veneratiône, nisi aliter notetur.

PER ómnia sácula sæculórum. *℟.* Amen.

℣. Dóminus vobiscum. *℟.* Et cum spiritu tuo.

℣. Sursum corda. *℟.* Habemus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutáre : Nos tibi semper et ubique grátias ágere, Dómine sancte, Pater omnipotens, ætérne Deus. Et te in **** beatæ Mariæ semper Virginis exultántibus ánimis laudáre, benedicere, et prædicáre. Quæ et Unigénitum tuum Sancti Spíritus

obumbratióne concépit, et virginitátis glória permanén-te, mundo lumen ætérnum effú-dit, Jesum Christum Dóminum nostrum. Per quem majestá-tem tuam laudant Angeli, adórant Dominatiónes, tre-munt Potestátes : Cæli, cæ-lorúmque Virtútes, ac beáta Séraphim, sócia exsultatióne concélebrant : Cum quibus et nostras voces ut admitti jú-beas deprecámur, súpplíci confessióne dicéntes.

SANCTUS, Sanctus, Sanctus Dóminus Deus Sábaoth. Pleni sunt cæli, et terra gló-ria tua. Hosánna in excélsis. Benedictus qui venit in nó-mine Dómini. Hosánna in excélsis.

DE S. JOSEPH SPONSO B. M. V.

Sequens Præfatio dicatur in omni-bus Missis de S. Joseph, et per ejus Octavam solemnem, etiam in festis Sanctorum, nisi propriam habue-rint. In Missis votivis dicitur : Et te in Veneratióne.

PER ómnia sácula sæcu-lórum. *℟.* Amen.

℣. Dóminus vobíscum. *℟.* Et cum spíritu tuo.

℣. Sursum corda. *℟.* Habé-mus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutáre : Nos tibi semper et ubique grátias

ágere, Dómine sancte, Pater omnipotens, ætérne Deus. Et te in Festivitate (Veneratióne) beáti Joseph débitis magnificáre præcóniis, benedicere et prædicáre. Qui et vir justus, a te Deiparæ Virgini Sponsus est datus : et fidélis servus ac prudens, super Familiam tuam est constitútus : ut Unigénitum tuum, Sancti Spiritus obumbratióne concéptum, pa-térna vice custodíret, Jesum Christum Dóminum nostrum. Per quem majestátem tuam laudant Angeli, adórant Do-minatiónes, tremunt Potestá-tes : Cæli, cælorúmque Virtú-tes, ac beáta Séraphim, sócia exsultatióne concélebrant : Cum quibus et nostras voces, ut admitti júbeas, deprecá-mur, súpplíci confessióne di-céntes.

Sanctus, Sanctus, *etc.*

DE APOSTOLIS

Sequens Præfatio dicatur in festis Apostolorum et Evangelistarum, (excepto die festo S. Joannis Ap.) et per Octavas eorum, et in festis Sanctorum infra eas occurrentibus, si propriam non habuerint; item in Missis votivis de Apostolis.

PER ómnia sácula sæcu-lórum. *℟.* Amen.

℣. Dóminus vobíscum. *℟.* Et cum spíritu tuo.

℣. Sursum corda. *℟.* Habé-mus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutäre : Te Dómine suppliciter exoräre, ut gregem tuum Pastor ætérne non déseras, sed per beátos Apóstolos tuos continua protectióne custódias : Ut iisdem rectóribus gubernétur, quos óperis tui vicários eidem contulisti præesse pastóres. Et ideo cum Angelis et Archángelis, cum Thronis et Dominationibus : Cumque omni militiæ cæléstis exercitus, hymnum glóriæ tuæ cāimus, sine fine dicétes.

SANCTUS, Sanctus, Sanctus Dóminus Deus Sábaoth. Pleni sunt cæli, et terra glória tua. Hosánna in excélsis. Benedictus qui venit in nómine Dómini. Hosánna in excélsis.

DE S. P. N. DOMINICO

Sequens Præfatio dicatur in omnibus Missis de S. P. N. Dominico, et infra ejus Octavam solemnem, etiam in festis Sanctorum, nisi propriam habuerint; et in festo Omnium Sanctorum Ord. Præd.

PER ómnia sácula sæculórum. *℟*. Amen.

℣. Dóminus vobiscum. *℟*. Et cum spíritu tuo.

℣. Sursum corda. *℟*. Habémus ad Dóminum.

℣. Grátias agámus Dómino Deo nostro. *℟*. Dignum et justum est.

Vere dignum et justum est, æquum et salutäre. Nos tibi semper, et ubique grátias ágere, Dómine sancte, Pater omnípotens, ætérne Deus. Qui

in tuæ sanctæ Ecclesiæ decórem ac tutámen apostólicam vivéndi formam per beatissimum Patriárcham Dominicum renováre voluisti : Ipse enim, Genitrícis Filii tui semper ope suffúltus, prædicatione sua compéscuit háereses, fidei púgiles géntium in salutem instituit, et innúmeras ánimas Christo lucrifécit. Sapiéntiam ejus narrant pópuli, ejúsque laudes núntiat Ecclesiá. Et ideo cum Angelis et Archángelis, cum Thronis et Dominationibus: Cumque omni militiæ cæléstis exercitus, hymnum glóriæ tuæ cāimus, sine fine dicétes.

Sanctus, Sanctus, *etc.*

DE S. P. N. FRANCISCO

Sequens Præfatio dicatur in omnibus Missis de S. P. N. Francisco.

PER ómnia sácula sæculórum. *℟*. Amen.

℣. Dóminus vobiscum. *℟*. Et cum spíritu tuo.

℣. Sursum corda. *℟*. Habémus ad Dóminum.

℣. Grátias agámus Dómino Deo nostro. *℟*. Dignum et justum est.

Vere dignum et justum est, æquum et salutäre, nos tibi semper et ubique grátias ágere, Dómine sancte, Pater omnípotens, ætérne Deus. Qui venerándum Confessórem fámulum tuum beátum Franciscum, tua, Deus, altissima bonitáte et cleméntia, Sanctórum tuórum méritis et virtú-

tibus sublimásti. Mentémque ipsius, Sancti Spíritus operatione, amor ille Seráphicus ardentíssime incéndit intérius; cuiúsque corpus sacris Stigmátibus insignívit extérius, signo Crucifíxi Jesu Christi Dómini nostri. Per quem majestátem tuam laudant Angeli, adórant Dominationes, tremunt Potestátes. Cæli cælórúmque Virtútes ac beáta Séráphim, sócia exsultatione concélebrant : Cum quibus et nostras voces, ut admitti júbeas deprecámur, súplici confessione dicéntes.

Sanctus, Sanctus, *etc.*

PRÆFATIO COMMUNIS

Sequens Præfatio dicatur per annum in omnibus Festis et Feriis, quæ propriam non habent.

PER ómnia sácula sæculórum. *℟.* Amen.

℣. Dóminus vobíscum. *℟.* Et cum spiritu tuo.

℣. Sursum corda. *℟.* Habémus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutáre : Nos tibi semper et ubique grátias ágere, Dómine sancte, Pater omnípotens, ætérne Deus : per Christum Dóminum nostrum. Per quem majestátem tuam laudant Angeli, adórant Dominationes, tremunt Potestá-

tes : Cæli, cælórúmque Virtútes, ac beáta Séráphim, sócia exsultatione concélebrant : Cum quibus et nostras voces ut admitti júbeas deprecámur, súplici confessione dicéntes.

Sanctus, Sanctus, *etc.*

PRÆFATIO DEFUNCTORUM

PER ómnia sácula sæculórum. *℟.* Amen.

℣. Dóminus vobíscum. *℟.* Et cum spiritu tuo.

℣. Sursum corda. *℟.* Habémus ad Dóminum.

℣. Grátias agámus Dómino Deo nostro. *℟.* Dignum et justum est.

Vere dignum et justum est, æquum et salutáre : Nos tibi semper, et ubique grátias ágere, Dómine sancte, Pater omnípotens, ætérne Deus : per Christum Dóminum nostrum. In quo nobis spes beátæ resurrectionis effúlsit, ut quos contrístat certa moriéndi conditio, eósdem consolétur futúræ immortalitátis promissio. Tuis enim fidélibus, Dómine, vita mutátur, non tóllitur, et dissoluta terréstris hujus incolátus domo, ætérna in cælis habitatio comparátur. Et ideo cum Angelis et Archángelis, cum Thronis et Dominationibus : Cumque omni militia cælestis exércitus, hymnum glóriæ tuæ cánimus, sine fine dicéntes.

Sanctus, Sanctus, *etc.*

PRÆFATIO

DE SS. CORDE JESU

Sequens Præfatio dicitur in omnibus Missis de SS. Corde Jesu et in festis Sanctorum infra Octavam ejusdem SS. Cordis Jesu occurrentibus, nisi propriam habuerint.

Per ómnia sæcula sæculórum. *R.* Amen.

Y. Dóminus vobiscum. *R.* Et cum spíritu tuo.

Y. Sursum corda. *R.* Habémus ad Dóminum.

Y. Grátias agámus Dómino Deo nostro. *R.* Dignum et justum est.

Vere dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus: Qui Unigénitum tuum in cruce pendéntem láncea militis transfigi voluísti, ut apértum

Cor, divínæ largitátis sacrárium, torréntes nobis fúnderet miseratiónis et grátiae, et quod amóre nostri flagráre nunquam déstitit, piis esset réquies et pæniténtibus patéret salutis refúgium. Et ideo cum Angelis et Archángelis, cum Thronis et Dominatió nibus, cumque omni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.

PRÆFATIO SOLEMNIS



Per ómni- a sæ-cu-la sæ-cu-ló-rum. R7. Amen. V. Dó-

mi-nus vo-bis-cum. R7. Et cum spí- ri- tu tu- o. V. Sur-sum

corda. R7. Ha-bé-mus ad Dó-mi-num. V. Grá-ti- as a-gá-

mus Dó-mi-no De-o nostro. R7. Dignum et justum est.

Ve-re dignum et justum est, æquum et sa-lu-tá-re,

nos ti-bi semper et u-bíque grá-ti- as á-ge-re, Dómi-ne

sancte, Pa-ter omní-po-tens, æ-térne De- us: Qui Uni-gé-

ni-tum tu-um in cru-ce pendéntem lánce- a mí- li- tis



transfi-gi vo-lu-í-sti, ut a-pértum Cor, di-vi-næ largi-



tá-tis sa-crá-ri-um, torréntes no-bis fúnde-ret mi-se-ra-



ti-ó-nis et grá-ti-æ, et quod amó-re nostri flagrá-re



numquam dé-sti-tit, pi-is es-set réqui-es et pæni-tén-



ti-bus pa-té-ret sa-lú-tis re-fú-gi-um. Et í-de-o cum



Ange-lis et Archánge-lis, cum Thro-nis et Domi-na-



ti-ó-ni-bus, cumque omni mi-lí-ti-a cæ-léstis ex-érci-tus,



hymnum gló-ri-æ tu-æ cá-nimus, si-ne fi-ne di-céntes.

PRÆFATIO

DE SANCTO THOMA AQUINATE

Sequens Præfatio dicitur in omnibus Missis de S. Thoma Aquinate.

Per ómnia sæcula sæculórum. *R.* Amen.

Ps. Dóminus vobíscum. *R.* Et cum spírítu tuo.

Ps. Sursum corda. *R.* Habémus ad Dóminum.


Ps. Grátias agámus Dómino Deo nostro. *R.* Dignum et justum est.

Vere dignum et justum est, æquum et salutáre, nos tibi semper et ubíque grátias ágere, Dómine sancte, Pater omnípotens, ætérne Deus. Qui beátum Thomam Doctórem, vitæ innocéntia et ingénii sublimitáte vere angélicum, in Ecclésia tua suscitáre voluísti,


ut eam salubérrima et firmíssima communíret doctrína, et solis instar illustráret: Cujus sapiéntiam, ómnibus præcípue commendátam, totus admirátur orbis terrárum. Et ideo cum Angelis et Archángelis, cum Thronis et Domínationibus, cumque omni militia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.


PRÆFATIO SOLEMNIS



Per ómni- a sæ-cu-la sæ-cu-ló-rum. *R.* Amen. *ψ*. Dó-




mi-nus vo-bís-cum. *R.* Et cum spí- ri- tu tu- o. *ψ*. Sur-sum




corda. *R.* Ha-bé-mus ad Dó-mi-num. *ψ*. Grá- ti- as a-gá-




mus Dó-mi-no De- o nostro. *R.* Dignum et justum est.




Ve- re dignum et justum est, æquum et sa-lu-tá-re,



nos ti-bi semper et u-bíque grá- ti- as á-ge-re, Dómi-ne



sancte, Pa-ter omní-po-tens, æ-térne De- us. Qui be-á-tum



Thomam Doctó-rem, vi-tæ inno-cén-ti- a et ingé-ni- i



sublimi-tá-te ve-re angé-li-cum, in Ecclé-si-a tu-a su-
sci-tá-re vo-lu-ísti, ut e-am sa-lubérrima et firmíssima
communi-ret doctrína, et so-lis instar il-lustráret: Cu-jus
sapi-énti-am, ómni-bus præcípu-e commendá-tam, to-tus
admi-rá-tur orbis terrá-rum. Et í-de-o cum Ange-lis
et Archánge-lis, cum Thronis et Domi-na-ti-ó-nibus.
cumque omni mi-lí-ti-a cæ-léstis ex-érci-tus, hymnum
gló-ri-æ tu-æ cá-nimus, si-ne fi-ne di-céntes.

Imprimi potest.

Romæ, 30 Septembris 1948.

L. ✠ S.

Fr. EMMANUEL SUAREZ, O. P.

Mag. Gen.

Imprimatur: † JOSEPH ANGRISANI, *Ep. Casalen.*



CANON

SACROSANCTI INCRUENTI SACRIFICII MISSÆ

TE igitur, clementissime Pater, per Jesum Christum Filium tuum Dóminum nostrum, súpplīces rogámus, ac pétimus : uti accépta hábeas, et benedícas hæc ✠ dona, hæc ✠ múnera, hæc ✠ sancta sacrificia illibáta : In primis quæ tibi offérimus pro Ecclésia tua sancta cathólica, quam pacificáre, custodíre, adunáre, et régere dignéris toto orbe terrárum : una cum fámulo tuo Papa nostro **N.** et Antístite nostro **N.** et Rege nostro **N.** et ómnibus orthodoxis, atque cathólicæ, et apostólicæ fidei cultóribus.

MEMENTO, Dómine, famulórum, famularúmque tuárum **N.** et **N.** et ómnium circumstántium, quorum tibi fides cógnita est, et nota devótio : pro quibus tibi

offérimus, vel qui tibi offerunt hoc sacrificium laudis pro se, suisque ómnibus, pro redemptióne animárum suárum, pro spe salútis et incolumitátis suæ, tibi que reddunt vota sua ætérno Deo, vivo et vero.

COMMUNICANTES, et memóriam venerántes, in primis gloriósa semper Vírginis Mariæ, Genitrícis Dei et Dómini nostri Jesu Christi : Sed et beatórum Apostolórum ac Mátyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni : et ómnium Sanctórum tuórum : quorum méritis, preci-

búsque concédas, ut in ómnibus protectionis tuæ muniámur auxílio. Per eúmdem Christum Dóminum nostrum. Amen.

HANC ígitur oblationem servitútis nostræ, sed et cunctæ familiæ tuæ, quæsumus, Dómine, ut placátus accípias, diésque nostros in tua pace dispónas, atque ab ætérna damnatione nos éripi, et in electórum tuórum júbeas grege numerári. Per Christum Dóminum nostrum. Amen.

QUAM oblationem tu, Deus, in ómnibus, quæsumus, bene ✠ dictam, adscrí ✠ ptam, ra ✠ tam, rationábilem, acceptabilémque fácere dignéris, ut nobis Cor-✠ pus, et San ✠ guis fiat dilectíssimi Fílii tui Dómini nostri Jesu Christi.

QUI, pridie quam paterétur, accépit panem in sanctas ac venerábiles manus suas; et

elevátis óculis in cælum, ad te Deum Patrem suum omnipoténtem, tibi grátias agens, bene ✠ díxit, fregit, dedítque discíplis suis, dicens : Accípíte, et manducáte ex hoc omnes.

HOC est enim Corpus meum.

SIMILI modo, postquam cenátum est, accípiens et hunc præclárum Cálicem in sanctas ac venerábiles manus suas; item tibi grátias agens, bene ✠ díxit, dedítque discíplis suis, dicens : Accípíte, et bíbite ex eo omnes.

HIC est enim Calix Sánguinis mei, novi et ætérni testaménti, mystérium fidei : qui pro vobis, et pro multis effundétur in remissionem peccatórum.

Hæc quotiescúmque feceritis, in mei memóriam faciétis.

UNDE et memóres, Dómine, nos servi tui, sed et plebs tua sancta ejúsdem Christi Fílii tui Dómini nostri tam beátæ passiónis, nec non et ab ínferis resurrectiōnis, sed et in cælos gloriósæ ascensiōnis, offérimus præcláræ majestáti tuæ de tuis donis ac datis, Hóstiam ✠ puram, Hóstiam ✠ sanctam, Hóstiam ✠ immaculátam, Panem ✠ sanctum vitæ æternæ, et Cálicem ✠ salutis perpétuæ.

SUPRA quæ propítio ac seréno vultu respícere dignéris, et accépta habére, sicuti accépta habére dignátus es múnera púeri tui justi Abel, et sacrificium Patriárchæ nostri Abrahæ, et quod tibi óbtulit summus sacerdos tuus Melchisedech, sanctum sacrificium, immaculátam hóstiam.

SUPPLICES te rogámus, omnípotens Deus, jube hæc perférri per manus sancti Angeli tui in sublíme altáre tuum, in conspéctu divínæ majestátis tuæ : ut quotquot ex hac altáris participatióne sacrosánc-tum Fílii tui Cor ✠ pus, et Sán ✠ guinem sumpsérimus, omni bene- ✠ dictiōe cælésti, et grátia repleámur. Per eúmdem Christum Dóminum nostrum. Amen.

MEMENTO étiam, Dómine, famulórum famularúmque tuárum, qui nos præcessérunt cum signo fídei, et dórmunt in somno pacis, **N.** et **N.** Ipsis, Dómine, et ómnibus in Christo quiescéntibus locum refrigerii, lucis et pacis ut indúlgeas, deprecámur. Per eúmdem Christum Dóminum nostrum. Amen.

NOBIS quoque peccatóribus fámulis tuis, de multitudíne miseratiónum tuárum spe-

rántibus, partem áliquam et societátem donáre dignéris, cum tuis sanctis Apóstolis et Martýribus, cum Joánne, Stéphano, Matthía, Bárnaba, Ignátio, Alexándro, Marcellíno, Petro, Felicitáte, Perpétua, Agatha, Lúcia, Agnéte, Cæcília, Anastásia, et ómnibus Sanctis tuis : intra quorum nos consórtium, non æstimátor mériti, sed véniæ, quæsumus, largítor admítte. Per Christum Dóminum nostrum.

PER quem hæc ómnia, Dómine, semper bona creas, sanctí-
ficas, viví-
ficas, bene-
dícis, et præstas nobis. Per ipsum, et cum ipso, et in ipso est tibi Deo Patri omnipoténti, in unitáte Spíritus Sancti, omnis honor et glória.

PER ómnia sæcula sæculórum. Amen.

Orémus. Præcéptis salutáribus móniti, et divína institutióne formáti, audémus dicere.

PATER noster, qui es in cælis : sanctificétur nomen tuum. Advéniat regnum tuum. Fiat volúntas tua, sicut in cælo, et in terra. Panem nostrum quotidíanum da nobis hódie. Et dimítte nobis débíta nostra, sicut et nos dimíttimus debitoribus nostris. Et ne nos indúcas in tentatiónem.

Sed líbera nos a malo. Amen.

LIBERA nos, quæsumus Dómine, ab ómnibus malis, prætéritis, præséntibus, et futúris; et intercedénte beáta et gloriósa semper Vírgine Dei Genitríce María, cum beátis Apóstolis tuis Petro et Paulo, atque Andréa, et ómnibus Sanctis, da propítius pacem in diébus nostris : ut ope misericórdiæ tuæ adjúti, et a peccáto simus semper líberi, et ab omni perturbatióne secúri. Per eúndem Dóminum nostrum Jesum Christum Fílium tuum, qui tecum vivit et regnat in unitáte Spíritus Sancti Deus.

Per ómnia sǎcula sǎculórum. Amen.

Pax ✠ Dómini sit ✠ semper vobís ✠ cum. Et cum spírítu tuo.

Agnus Dei, qui tollis peccáta mundi, miserére nobis.

Agnus Dei, qui tollis peccáta mundi, miserére nobis.

Agnus Dei, qui tollis peccáta mundi, dona nobis pacem.

In Missis Defunctorum, loco Miserére nobis, dicitur Dona eis réquiem, et in tertio additur sempitérnam.

HÆC sacrosáncta commíxtio Córporis et SÁNGUINIS Dómini nostri Jesu Christi fiat mihi et ómnibus suméntibus, salus mentis et cörperis : et ad vitam ætérrnam promeréndam atque capesséndam præparátio salutáris. Per eúmdem Christum Dóminum nostrum. Amen.

DOMINE Jesu Christe, Fili Dei vivi, qui ex voluntáte Patris, cooperánte Spírítu Sancto,

per mortem tuam mundum vivificásti : líbera me per hoc sacrosántum Corpus et SÁnguinem tuum ab ómnibus iniquitátibus meis et univérsis malis : et fac me tuis semper inhærere mandátis, et a te nunquam separári permíttas : Qui cum eódem Deo Patre et Spírítu Sancto vivis et regnas Deus in sǎcula sǎculórum. Amen.

CORPUS et Sanguis Dómini nostri Jesu Christi custódiánt me in vitam ætérrnam. Amen.

QUOD ore sumpsimus, Dómine, pure mente capiámus : ut de Córpoře et SÁngvine Dómini nostri Jesu Christi fiat nobis remédium sempitérrnum. Amen.

✠. Dóminus vobíscum.

✠. Et cum spírítu tuo.

Ite; Missa est, **vel** Benedicámus Dómino.

✠. Deo grátias.

In Missis Defunctorum :

✠. Requiéscant in pace.

✠. Amen.

PLACEAT tibi sancta Trinitas obséquium servitútis meæ, et præsta, ut sacrificium, quod óculis tuæ majestátis indígnus óbtuli, tibi sit acceptábile, mihique, et ómnibus, pro quibus illud óbtuli, sit te miseránte propitiábile. Per Christum Dóminum nostrum. Amen.

BENEDICTIO Dei omnipoténtis, Patris, et Fílii, et Spíritus sancti, descéndat super vos, et máneat semper. *℟.* Amen.

℣. Dóminus vobíscum.

℟. Et cum spíritu tuo.

✠ **I**nítium sancti Evangelíi secúndum Joánnem.

℟. Glória tibi Dómine.

IN princípío erat Verbum, et Verbum erat apud Deum, et Deus erat Verbum. Hoc erat in princípío apud Deum. Omnia per ipsum facta sunt : et sine ipso factum est nihil : Quod factum est, in ipso vita erat, et vita erat lux hóminum : Et lux in ténebris lucet, et ténebræ eam non com-

prehendérunt. Fuit homo missus a Deo, cui nomen erat Joánnes. Hic venit in testimónium ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine. Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus : Qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. *Hic genuflectitur.* Et verbum caro factum est, et habitávit in nobis : Et vídimus glóriam ejus, glóriam quasi Unigéniti a Patre, plenum grátiae, et veritátis. *℟.* Deo grátias.

DOMINICA RESURRECTIONIS

Totum Duplex I classis cum Octava solemnissima

Statio ad S. Mariam majorem

Officium

Ps. 138

RESURREXI, et adhuc tecum sum, allelúia : posuisti super me manum tuam, allelúia : mirábilis facta est sciéntia tua, allelúia, allelúia. **℟.** Dómine probásti me, et cognovisti me : tu cognovisti sessiónem meam, et resurrectionem meam. **G**lória Patri. **G**lória in excélsis Deo.

Oratio

DEUS, qui hodiérna die per Unigénitum tuum, æternitátis nobis áditum devicta morte reserásti : vota nostra, quæ præveniéndò aspíras; étiam adjuvándò proséquere : Per eúmdem.

Léctio Epistolæ beáti Pauli Apóstoli ad Corinthios.

1, c. 5

FRATRES : Expurgáte vetus fermentum, ut sitis nova conspersio, sicut estis ázyimi. Etenim Pascha nostrum immolátus est Christus. Itaque epulémur : Non in fermento

véteri neque in fermento malitiæ, et nequitiae : Sed in ázyimis sinceritátis, et veritátis.

℟. **Ps. 117** Hæc dies, quam fecit Dóminus : exsultémus, et lætémur in ea. **℟.** Confitémini Dómino quóniam bonus : quóniam in sæculum misericórdia ejus.

Allelúia, allelúia. ℟. 1 Cor. 5 Pascha nostrum immolátus est Christus.

Sequentia

VICTIMÆ Pascháli laudes immolent Christiáni.

Agnus redémit oves : Christus innocens Patri reconciliávit peccatóres.

Mors et víta duéllo conflixére mirándò : dux vitæ mórtuus regnat vivus.

Dic nobis María, quid vidisti in via?

Sepúlcrum Christi vivéntis, et glóriam vidi resurgéntis :

Angélicos testes, sudárium et vestes.

Surréxit Christus spes mea : præcedet vos in Galilæam.

Scimus Christum surrexisse a mórtuis vere : tu nobis victor Rex miserére. Amen. Allelúia.

✠ **Sequéntia sancti Evangélíi** secundum Marcum. c. 16

IN illo témpore : María Magdaléne, et María Jacóbi, et Salóme emérunt arómata, ut veniéntes úngerent Jesum. Et valde mane una sabbatórum, véniunt ad monuméntum, orto jam sole. Et dicébant ad invicem : Quis revólvet nobis lápidem ab óstio monuménti? Et respiciéntes, vidérunt revolútum lápidem. Erat quippe magnus valde. Et introëúntes in monuméntum, vidérunt júvenem sedéntem in dextris, coopértum stola cándida, et obstupuérunt. Qui dicit illis : Nolíte expavéscere : Jesum quáeritis Nazarénium, crucifixum : Surréxit, non est hic, ecce locus ubi posuérunt eum. Sed ite, dicite discíplis ejus, et Petro, quia præcédit vos in Galiléam : Ibi eum vidébitis, sicut dixit vobis. **Credo.**

Offertorium Ps. 75 Terra trémuit et quiévit, dum resúrgeret in iudicio Deus, allelúia.

Secreta

SUSCIPE, quásumus Dómine, preces pópuli tui cum oblationibus hostiárum : ut Paschálibus initiáta mystériis, ad æternitátis nobis medélam, te operánte, proficiant. Per Dóminum.

Præfatio Te quidem et Communi-cántes, et Hanc igitur, dicantur per totam Octavam usque ad Dominicam in Albis inclusive.

Communio 1 Cor. 5 Pascha nostrum immolátus est Christus, allelúia : itaque epulémur in ázymis sinceritátis, et veritátis, allelúia, allelúia, allelúia.

Postcommunio

SPIRITUM nobis, Dómine, tuæ caritátis infúnde : ut quos sacraméntis Paschálibus satiásti; tua fácias pietáte concórdes : Per Dóminum.

Ite Missa est. allelúia, allelúia, et sic dicatur per Hebdomadam usque ad Dominicam in Albis exclusive.

FERIA SECUNDA

Totum Duplex I classis

Statio ad S. Petrum

Officium

Exo. 13

INTRODUXIT vos Dóminus in terram fluéntem lac et mel, allelúia : et ut lex Dómini semper sit in ore vestro, allelúia, allelúia. **Ps. 117** Confitémini Dómino quóniam bonus : quóniam in sáeculum misericórdia ejus. **Glória Patri. Glória in excelsis.**

Oratio

DEUS, qui solemnitáte Pascháli mundo remédia contulisti; pópulum tuum, quásumus, cælésti dono prosequere : ut et perféctam libertátem cónsequi mereátur; et ad vitam proficiat sempitérnam : Per Dóminum.

Léctio Actuum Apostolorum.

c. 10

IN diébus illis : Stans Petrus in médio plebis, dixit : Viri fratres, vos scitis quod factum est verbum per univérsam Ju-

dæam : incipiens enim a Galilæa post baptismum, quod prædicavit Joánnes, Jesum a Názareth: quómodo unxit eum Deus Spíritu Sancto, et virtúte, qui pertránsiit benefaciendo, et sanando omnes opprèssos a diabolo, quóniam Deus erat cum illo. Et nos testes sumus ómnium, quæ fecit in regiône Judæórum et Jerúsalem, quem occidérunt suspendéntes in ligno. Hunc Deus suscitávit tértia die, et dedit eum manifestum fieri non omni pópulo, sed téstibus præordinátis a Deo : nobis, qui manducávimus, et bibimus cum illo postquam resurréxit a mórtuis. Et præcépit nobis prædicáre pópulo, et testificári, quia ipse est, qui constitútus est a Deo iudex vivórum, et mortuórum. Huic omnes prophétæ testimónium pérhibent, remissionem peccatórum accipere per nomen ejus omnes, qui credunt in eum.

✠. **Ps. 117** Hæc dies, quam fecit Dóminus : exsultémus, et lætémur in ea. ✠. Dicat nunc Israël quóniam bonus : quóniam in sæculum misericórdia ejus.

Allelúia, allelúia. ✠. Luc. 24 Nonne cor nostrum ardens erat in nobis de Jesu, dum nobis loquerétur in via?

Sequentia Víctimæ Pascháli, cum Allelúia in fine, ut supra, pag. 211

✠ **Sequentia sancti Evangélíi secúndum Lucam. c. 24**

IN illo témpore : Duo ex discipulis Jesu ibant ipsa die in castéllum, quod erat in

spátio stadiórum sexaginta ab Jerúsalem, nómine Emmaus. Et ipsi loquebántur ad invicem de his ómnibus, quæ acciderant. Et factum est, dum fabularéntur, et secum quærerent : et ipse Jesus appropinquans ibat cum illis : Oculi autem illórum tenebántur, ne eum agnóscerent. Et ait ad illos : Qui sunt hi sermónes, quos confértis ad invicem ambulántes, et estis tristes? Et respóndens unus, cui nomen Cléophas, dixit ei : Tu solus peregrinus es in Jerúsalem, et non cognovisti quæ facta sunt in illa his diébus? Quibus ille dixit : Quæ? Et dixerunt : De Jesu Nazaréno, qui fuit vir prophéta, potens in ópere, et sermóne coram Deo, et omni pópulo : Et quómodo eum tradidérunt summi sacerdótes, et príncipes nostri in damnatió-nem mortis, et crucifixérunt eum. Nos autem sperabámus, quia ipse esset redemptúrus Israël : Et nunc super hæc ómnia, tértia dies est hódie quod hæc facta sunt. Sed et mulieres quædam ex nostris terruérunt nos, quæ ante lucem fuérunt ad monuméntum, et, non invénto corpore ejus, venérunt, dicéntes se étiam visió-nem Angelórum vidisse, qui dicunt eum vivere. Et abiérunt quidam ex nostris ad monuméntum : et ita invenérunt sicut mulieres dixerunt, ipsum vero non invenérunt. Et ipse dixit ad eos : O stulti, et tardi corde ad credéndum in ómnibus, quæ locúti sunt prophétæ! Nonne hæc opórtuit

pati Christum, et ita intráre in glóriam suam? Et incipiens a Móyse, et ómnibus prophétis, interpretabátur illis in ómnibus Scriptúris, quæ de ipso erant. Et appropinquavérunt castélló quo ibant : et ipse se finxit lóngius ire. Et coëgérunt illum, dicéntes : Mane nobiscum, quóniam advesperáscit, et inclináta est jam dies. Et intrávit cum illis. Et factum est, dum recumberet cum eis, accépit panem, et benedixit, ac fregit, et porrigébat illis. Et apérti sunt óculi eórum, et cognovérunt eum : Et ipse evánuit ex óculis eórum. Et dixerunt ad invicem : Nonne cor nostrum ardens erat in nobis dum loquerétur in via, et aperíret nobis Scriptúras? Et surgéntes eádem hora regréssi sunt in Jerúsalem : et invenérunt congregátos úndecim, et eos, qui cum illis erant, dicéntes, Quod surréxit Dóminus vere, et appáruit Simóni. Et ipsi narrábant quæ gesta erant in via : et quómodo cognovérunt eum in fractióne panis.

Credo.

Offertorium Matth. 28 Angelus Dómini descendit de cælo, et dixit muliéribus : Quem quæritis, surréxit, sicut dixit, allelúia.

Secreta

SUSCIPE, quæsumus Dómine, preces pópuli tui cum oblationibus hostiarum : ut Paschálibus initiáta mystériis, ad æternitátis nobis medélam, te operánte, proficiant. Per Dóminum.

Communio Luc. 24 Surrexit Dóminus, et appáruit Petro, allelúia.

Postcommunio

SPIRITUM nobis, Dómine, tuæ caritátis infúnde : ut quos sacraméntis Paschálibus satiásti; tua fácias pietáte concórdes : Per Dóminum.

FERIA TERTIA

Totum Duplex I classis

Statio ad S. Paulum

Officium

Eccli. 15

AQUA sapiéntiæ potávit eos, allelúia : firmábitur in illis, et non flectétur, allelúia : et exaltábit eos in ætérnum, allelúia, allelúia. **Ps. 117** Confitémini Dómino quóniam bonus : quóniam in sáeculum misericórdia ejus. **Glória Patri. Glória in excélsis.**

Oratio

DEUS, qui Ecclesiám tuam novo semper fetu multiplicas : concéde fámulis tuis, ut sacraméntum vivéndo téneant; quod fide percepérunt : Per Dóminum.

Léctio Actuum Apostolorum.

c. 13

IN diébus illis : Surgens Paulus, et manu siléntium indicens, ait : Viri fratres, filii géneris Abraham, et qui in vobis timent Deum, vobis verbum salútis hujus missum est. Qui enim habitábant Jerúsalem, et príncipes ejus ignorántes Jesum, et voces pro-

phetarum, quæ per omne sabbatum leguntur, iudicantes impleverunt, et nullam causam mortis inveniētes in eo, petierunt a Pilato, ut interficerent eum. Cumque consummāssent omnia, quæ de eo scripta erant, deponentes eum de ligno, posuerunt eum in monumento. Deus vero suscitavit eum a mortuis tertia die : Qui visus est per dies multos his, qui simul ascēderant cum eo de Galilæa in Jerusalem : qui usque nunc sunt testes ejus ad plebem. Et nos vobis annuntiāmus eam, quæ ad patres nostros repromissio facta est : quoniam hanc Deus adimplēvit filiis nostris resuscitans Jesum Christum Dominum nostrum.

℟. Ps. 117 Hæc dies, quam fecit Dominus : exultemus, et lætemur in ea. ✠. Ps. 106 Dicant nunc qui redempti sunt a Domino, quos redemit de manu inimici : et de regionibus congregavit eos.

Allelúia, allelúia. ✠. Matth. 28 Surréxit Dominus, et occurrens mulieribus, ait : Avete. Tunc accesserunt, et tenuerunt pedes ejus.

Sequentia Victimæ Paschali, cum Allelúia in fine, ut supra, p. 211

✠ Sequentia sancti Evangelii secundum Lucam. c. 24

IN illo tempore : Stetit Jesus in medio discipulorum suorum, et dicit eis : Pax vobis : Ego sum, nolite timere. Conturbati vero, et conterriti, existimabant se spiritum videre. Et dixit eis : Quid turbati

estis, et cogitationes ascēdunt in corda vestra? Videte manus meas, et pedes, quia ego ipse sum : Palpate, et videte : quia spiritus carnem, et ossa non habet, sicut me videtis habere. Et cum hoc dixisset, ostēdit eis manus, et pedes. Adhuc autem illis non credentibus, et mirantibus præ gaudio, dixit : Habētis hic aliquid, quod manducetur? At illi obtulerunt ei partem piscis assi, et favum mellis. Et cum manducasset coram eis, sumens reliquias dedit eis. Et dixit ad eos : Hæc sunt verba, quæ locutus sum ad vos, cum adhuc essem vobiscum, quoniam necesse est impleri omnia, quæ scripta sunt in lege Moysi, et Prophetis, et Psalmis de me. Tunc aperuit illis sensum, ut intelligerent Scripturas. Et dixit eis : Quoniam sic scriptum est, et sic oportebat Christum pati, et resurgere a mortuis tertia die : et prædicari in nomine ejus poenitentiam, et remissionem peccatorum in omnes gentes. **Credo.**

Offertorium Ps. 17 Intónuit de cælo Dominus, et Altissimus dedit vocem suam, et apparuerunt fontes aquarum, allelúia.

Secreta

SUSCIPE, Domine, fidélium preces cum oblationibus hostiarum : ut per hæc piæ devotionis officia, ad cælestem glóriam transeāmus. Per Dominum nostrum Jesum Christum Filium tuum.

Communio Col. 3 Si consurrexistis cum Christo, quæ sursum sunt quærite, allelúia, ubi Christus est in dextera Dei sedens : quæ sursum sunt sápite, allelúia.

Postcommunio

CONCEDE, quæsumus omnipotens Deus : ut Paschális percéptio sacraménti; continua in nostris méntibus perseveret : Per Dóminum.

FERIA QUARTA

Statio ad S. Laurentium extra muros

Officium

Matth. 25

VENITE benedicti Patris mei, percípite regnum, allelúia, quod vobis parátum est ab origine mundi, allelúia, allelúia, allelúia.

℟. **Ps. 117** Confitémini Dómino quóniam bonus : quóniam in sáculum misericórdia ejus. **Glória Patri. Glória in excélsis.**

Oratio

DEUS, qui nos Resurrectiónis Dominicæ ánnua solemnitate lætificas : concéde propítius, ut per temporália festa, quæ ágimus; pervenire ad gáudia ætérna mereámur. Per eúndem.

Lectio Actuum Apostolorum.

c. 3

IN diébus illis : Apériens Petrus os suum, dixit : Viri Israëlítæ, et qui timétis Deum, audíte. Deus Abraham, et Deus Isaac, et Deus Jacob, Deus patrum nostrórum gloriificávit Filium suum Jesum,

quem vos quidem tradidistis, et negástis ante fáciem Piláti, judicánte illo dimítti. Vos autem sanctum, et justum negástis, et petístis virum homicidam donári vobis : Auctórem vero vitæ interfecístis, quem Deus suscitávit a mórtuis, cujus nos testes sumus. Et nunc fratres scio quia per ignorántiam fecístis, sicut et príncipes vestri. Deus autem, quæ prænuntiávit per os ómnium prophetárum, pati Christum suum, sic implévit. Pœnitémini igitur, et convertimini, ut deleántur peccáta vestra.

℟. **Ps. 117** Hæc dies, quam fecit Dóminus : exsultémus, et lætémur in ea. ℣. Dextera Dómini fecit virtútem : dextera Dómini exaltávit me.

Allelúia, allelúia. ℣. Rom. 6 Christus resúrgens ex mórtuis jam non móritur, mors illi ultra non dominábitur. Allelúia.

✠ **Sequéntia sancti Evangélii** secúndum Joánnem. **c. 21**

IN illo témpore : Manifestávit se íterum Jesus discípulis ad mare Tiberiadis. Manifestávit autem sic : Erant simul Simon Petrus, et Thomas, qui dicitur Didymus, et Nathánaël, qui erat a Cana Galilææ, et filii Zebedæi, et álii ex discípulis ejus duo. Dicit eis Simon Petrus : Vado piscári. Dicunt ei : Venímus et nos tecum. Et exiérunt, et ascendérunt in navim : et illa nocte nihil prendidérunt. Mane autem facto stetit Jesus in lítore : non

tamen cognovérunt discipuli quia Jesus est. Dixit ergo eis Jesus : Púeri numquid pulmentárium habétis? Responderunt ei : Non. Dicit eis : Mittite in dexteram navíggii rete : et inveniétis. Misérunt ergo : et jam non valébant illud tráhere præ multitudíne piscium. Dixit ergo discipulus ille, quem diligébat Jesus, Petrus : Dóminus est. Simon Petrus cum audísset quia Dóminus est, túnica succínxit se (erat enim nudus) et misit se in mare. Alii autem discipuli navíggio venérunt (non enim longe erant a terra, sed quasi cúbitis ducéntis) trahéntes rete piscium. Ut ergo descenderunt in terram, vidérunt prunas pósitas, et piscem superpósitum, et panem. Dicit eis Jesus : Afférte de piscibus, quos prendidistis nunc. Ascéndit Simon Petrus, et traxit rete in terram, plenum magnis piscibus centum quinquaginta tribus. Et cum tanti essent, non est scissum rete. Dicit eis Jesus : Veníte, prandéte. Et nemo audébat discumbéntium interrogáre eum, Tu quis es? sciéntes, quia Dóminus est. Et venit Jesus, et áccipit panem, et dat eis, et piscem similiter. Hoc jam tértio manifestátus est Jesus discipulis suis, cum resurrexisset a mórtuis.

Credo.

Offertorium Ps. 77 Portas cæli apérui Dóminus : et pluit illis manna, ut éderent : panem cæli dedit eis : panem Angelórum manducávit homo, allelúia.

Secreta

SACRIFICIA, Dómine, Paschálibus gáudiis immolámus, quibus Ecclésia tua mirabíliter et páscitur, et nutritur. Per Dóminum.

Communio Rom. 6 Christus resúrgens ex mórtuis jam non móritur, allelúia : mors illi ultra non dominábitur, allelúia, allelúia.

Postcommunio

AB omni nos, quæsumus Dómine, vetustáte purgátos; sacraménti tui veneránda percéptio in novam tránsferat creatúram : Qui vivis.

FERIA QUINTA

Statio ad SS. duodecim Apostolos

Officium

Sap. 10

VICTRICEM manum tuam, Dómine, laudavérunt páriter, allelúia : quia sapiéntia apérui os mutum, et linguas infántium fecit disertas, allelúia, allelúia. **℟. Ps. 117** Confitémini Dómino quóniam bonus : quóniam in sæculum misericórdia ejus. **Glória Patri. Glória in excélsis.**

Oratio

DEUS, qui diversitátem Géntium in confessióne tui nóminis adunásti : da ut renátis fonte baptismatis, una sit fides méntium; et pietas actiónum : Per Dóminum.

Lectio Actuum Apostolorum.

c. 8

IN diébus illis : Angelus Dómini locútus est ad Philíppum, dicens : Surge, et vade

contra meridiánum ad viam, quæ descendit ab Jerúsalem in Gazam : hæc est desérta. Et surgens ábiit. Et ecce vir Æthiops, eunúchus, potens Candácis reginæ Æthiopum, qui erat super omnes gazas ejus : vénerat adoráre in Jerúsalem : et revertebátur sedens super currum suum, legénsque Isaíam prophétam. Dixit autem Spíritus Philippo : Accéde, et adjúnge te ad currum istum. Accúrrens autem Philippus, audívit eum legéntem Isaíam prophétam, et dixit : Putásne intélligis quæ legis? Qui ait : Et quómodo possum, si non áliquis osténderit mihi? Rogavitque Philippum, ut ascénderet, et sedéret secum. Locus autem Scriptúræ, quam legébat, erat hic : Tamquam ovis ad occisiónem ductus est : et sicut agnus coram tondénte se, sine voce, sic non apéruit os suum. In humilitáte júdicium ejus sublátum est. Generatióne ejus quis enarrábit, quóniam tollétur de terra vita ejus? Respóndens autem eunúchus Philippo, dixit : Obsecro te, de quo Prophéta dicit hoc? de se, an de álio áliquo? Apériens autem Philippus os suum, et incípiens a Scriptúra ista, evangelizávit illi Jesum. Et dum irent per viam, vénerunt ad quamdam aquam : Et ait eunúchus : Ecce aqua, quid próhibet me baptizári? Dixit autem Philippus : Si credis ex toto corde, licet. Et respóndens ait : Credo, Fílium Dei esse Jesum Christum. Et jussit stare currum : Et descendé-

runt utérque in aquam, Philippus, et eunúchus, et baptizávit eum. Cum autem ascendissent de aqua, Spíritus Dómini rápuit Philippum, et ámplius non vidit eum eunúchus. Ibat autem per viam suam gaudens. Philippus autem invéntus est in Azóto, et pertránsiens evangelizábat civitatibus cunctis, donec veniret Cæsaréam, nomen Dómini Jesu Christi.

℟. Ps. 117 Hæc dies, quam fecit Dóminus : exsultémus, et lætémur in ea. ℣. Lápídem, quem reprobavérunt ædificántes, hic factus est in caput ánguli : a Dómino factum est istud, et est mirábile in óculis nostris.

Allelúia, allelúia. ℣. Matth. 28 In die resurrectionis meæ, dicit Dóminus, præcedam vos in Galilæam. Allelúia.

✠ Sequéntia sancti Evangélii secúndum Joánnem. c. 20

IN illo témpore: María stabat ad monuméntum foris, plorans. Dum ergo fleret : inclinávit se, et prospéxit in monuméntum : Et vidit duos Angelos in albis, sedéntes, unum ad caput, et unum ad pedes, ubi pósito fúerat corpus Jesu. Dicunt ei illi : Múlier, quid ploras? Dicit eis : Quia tulérunt Dóminum meum : et nescio ubi posuérunt eum. Hæc cum dixisset, convérsa est retrórsum, et vidit Jesum stantem : et non sciébat quia Jesus est. Dicit ei Jesus : Múlier, quid ploras? Quem quæris? Illa existimans quia hor-

tulánus esset, dicit ei : Dómine si tu sustulisti eum, dícito mihi ubi posuísti eum : et ego eum tollam. Dicit ei Jesus : María. Convérsa illa, dicit ei : Rab-bóni (quod dícitur Magíster). Dicit ei Jesus : Noli me tán-gere, nondum enim ascénderi ad Patrem meum : Vade autem ad fratres meos, et dic eis : Ascéndo ad Patrem meum, et Patrem vestrum, Deum meum, et Deum vestrum. Venit María Magdaléne annúntians discí-pulis, Quia vidi Dóminum, et hæc dixit mihi. **Credo.**

Offertorium Exo. 13 In die solemnitátis vestræ, dicit Dóminus, indúcam vos in terram fluéntem lac et mel, allelúia.

Secreta

SUSCIPE, quæsumus Dómine, múnera populórum tuórum propítius : ut confes-sióne tui nóminis, et baptís-mate renováti, sempitérnam beatitúdinem consequántur. Per Dóminum.

Communio 1 Petr. 2 Pópulus acquisitionis annuntiáte vir-tútes ejus, allelúia, qui vos de ténebris vocávit in admirábile lumen suum, allelúia.

Postcommunio

EXAUDI Dómine preces no-stras : ut redemptionis nostræ sacrosáncta commér-cia, et vitæ nobis cónferant præ-séntis auxílium; et gáudia sempitérna concílient : Per Dóminum.

FERIA SEXTA

Statio ad S. Mariam ad Martyres

Officium

Ps. 77

EDUXIT eos Dóminus in spe, allelúia : et inimicos eórum opéruit mare, allelúia, allelúia, allelúia. **℟.** At-téndite pópule meus legem meam : inclináte aurem ve-stram in verba oris mei. **Glória Patri. Glória in excélsis.**

Oratio

OMNIPOTENS sempitérne Deus, qui Paschále sa-craméntum in reconciliatiónis humánæ fœdere contulisti : da méntibus nostris, ut quod professióne celebrámus; imi-témur efféctu : Per Dóminum.

Léctio Epístolæ beáti Petri Apóstoli.

1, c. 3

CARISSIMI : Christus semel pro peccátis nostris mór-tuus est, justus pro injústis, ut nos offérret Deo, mortifi-cátus quidem carne, vivificá-tus autem spíritu. In quo et his, qui in cárcere erant, spiri-tibus véniens prædicávit : qui incréduli fúerant aliquándo, quando exspectábant Dei pa-tiéntiam in diébus Noë, cum fabricarétur arca : in qua pauci, id est octo ánimæ, salvæ factæ sunt per aquam. Quod et vos nunc similis formæ sal-vos facit baptísma : non carnis depositio sórdium, sed con-sciéntiæ bonæ interrogátio in Deum per resurrectiõem Jesu Christi Dómini nostri, qui est in dextera Dei.

℟. Ps. 117 Hæc dies, quam fecit Dóminus : exsultémus, et lætémur in ea. ℣. Benedictus qui venit in nómine Dómini : Deus Dóminus, et illúxit nobis.

Allelúia, allelúia. ℣. Matth. 28 Angelus Dómini descendit de cælo : et accédens revólvit lápidem, et sedébat super eum. Allelúia.

✠ Sequéntia sancti Evangélii secúndum Matthæum. c. 28

IN illo témpore : Undecim discipuli abiérunt in Galilæam in montem, ubi constítuerat illis Jesus. Et vidéntes eum adoravérunt : quidam autem dubitavérunt. Et accédens Jesus locútus est eis, dicens : Data est mihi omnis potéstas in cælo, et in terra. Eúntes ergo docéte omnes gentes : baptizántes eos in nómine Patris, et Filii, et Spíritus Sancti : docéntes eos serváre ómnia quæcúmque mandávi vobis : Et ecce ego vobíscum sum ómnibus diébus, usque ad consummationem sæculi. Credo.

Offertorium Exo. 12 Erit vobis hæc dies memoriális, allelúia : et diem festum celebrábitis solémnem Dómino in progénies vestras, legitimum sempitérnum diem, allelúia, allelúia, allelúia.

Secreta

HOSTIAS, quæsumus Dómine, placátus assúme; quas et pro renatórum expiatióne peccáti deférimus, et pro acceleratióne cæléstis auxilií. Per Dóminum.

Communio Matth. 28 Data est mihi omnis potéstas in cælo, et in terra, allelúia : eúntes docéte omnes gentes, baptizántes eos in nómine Patris, et Filii, et Spíritus Sancti, allelúia, allelúia.

Postcommunio

RESPICE, quæsumus Dómine, pópulum tuum : et quem ætérnis dignátus es renováre mystériis; a temporálibus culpis dignánter absólve : Per Dóminum.

SABBATO

Statio ad S. Joannem in Laterano

Officium

Ps. 104

EDUXIT Dóminus pópulum suum in exsultatióne, allelúia, et eléctos suos in lætítia, allelúia, allelúia. ℣. Confitémini Dómino, et invocáte nomen ejus : annuntiáte inter gentes ópera ejus. Glória Patri. Glória in excélsis.

Oratio

CONCEDE, quæsumus omnipotens Deus : ut qui festa Paschália venerádo égimus; per hæc contíngere ad gáudia ætérna mereámur : Per Dóminum.

Lectio Epístolæ beáti Petri Apostóli. 1, c. 2

CARISSIMI : Deponéntes omnem malítiam, et omnem dolum, et simulatiónes, et invidias, et omnes detractiões, sicut modo géniti infántes, rationábile, sine dolo, lac concupíscite : ut in eo crescátis in

salútem : si tamen gustástis quóniam dulcis est Dóminus. Ad quem accedéntes lápidem vivum, ab homínibus quidem reprobátum, a Deo autem eléctum, et honorificátum : et ipsi tamquam lápidés vivi superædificámini, domus spirituális, sacerdotium sanctum, offerre spirituáles hóstias, acceptábiles Deo per Jesum Christum. Propter quod cón-tinet Scriptúra : Ecce pono in Sion lápidem summum angulárem, eléctum, pretiósum : et qui crediderit in eum, non confundétur. Vobis igitur honor credéntibus : non credéntibus autem lapis, quem reprobavérunt ædificántes, hic factus est in caput ánguli : et lapis offensiónis, et petra scándali his, qui offéndunt verbo, nec credunt in quo et pósito sunt. Vos autem genus eléctum, regálesacerdotium, gens sancta, pópulus acquisitionis : ut virtútes annuntiétis ejus, qui de ténebris vos vocávit in admirábile lumen suum. Qui aliquándo non pópulus, nunc autem pópulus Dei : Qui non consecúti misericórdiam, nunc autem misericórdiam consecúti.

Allelúia, allelúia. V. Ps. 117 Hæc dies, quam fecit Dóminus : exsultémus, et lætémur in ea.

Allelúia. V. Ps. 112 Laudáte púeri Dóminum : laudáte nomen Dómini. Allelúia.

Post Epistolam ab hac die usque ad festum Sanctissimæ Trinitatis, tam in Missis de Tempore, quam de Sanctis, non dicitur Responsorium :

sed dicuntur ejus loco quatuor Allelúia, ordine infrascripto in Missis sequentibus, præterquam in festis trium Lectionum, ac in diebus feriabilibus (etiamsi Missa de Dominica dicatur) et in Vigilia Ascensionis, in quibus dicuntur tantum duo Allelúia cum unico Versu, semel ante Versum, et semel post. Item in Missis Rogationum unum tantum Allelúia ante Versum dicitur, et post Versum non repetitur. Similiter post quamlibet Lectionem in Feria IV. et Sabbato Quatuor Temporum Pentecostes dicuntur Allelúia eo modo, quo ibidem signantur.

✠ **Sequéntia sancti Evangélii** secúndum Joánnem. c. 20

IN illo témpore : Una sá-bati, María Magdaléne venit mane, cum adhuc ténebræ essent, ad monuméntum : et vidit lápidem sublátum a monuménto. Cucúrrit ergo, et venit ad Simónem Petrum, et ad álium discipulum, quem amábat Jesus, et dicit illis : Tulérunt Dóminum de monuménto, et nescimus ubi posuerunt eum. Exiit ergo Petrus, et ille álius discipulus, et venérunt ad monuméntum. Currébant autem duo simul, et ille álius discipulus præcucúrrit citius Petro, et venit primus ad monuméntum. Et cum se inclinásset, vidit pósito linteámina, non tamen introívit. Venit ergo Simon Petrus sequens eum, et introívit in monuméntum, et vidit linteámina pósito, et sudárium, quod fúerat super caput ejus, non cum linteaminibus pósito, sed separátim involútum in unum locum. Tunc ergo introívit et ille discipulus, qui vénerat

primus ad monuméntum : et vidit, et crédidit : Nondum enim sciébant Scriptúram, quia oportébat eum a mórtuis resúrgeré. **Credo.**

Offertorium Ps. 117 Benedictus qui venit in nómine Dómini : benedíximus vobis de domo Dómini : Deus Dóminus, et illúxit nobis, allelúia, allelúia.

Secreta

CONCEDE, quæsumus Dómine, semper nos per hæc mystéria Paschália gratulári : ut continua nostræ reparatiónis operátio, perpétuæ nobis fiat causa lætitiæ. Per Dóminum.

Communio Gal. 3 Omnes qui in Christo baptizáti estis, Christum induístis, allelúia.

Postcommunio

REDEMPTIONIS nostræ múnere vegetáti; quæsumus Dómine, ut hoc perpétuæ salutis auxílio fides semper vera proficiat : Per Dóminum.

DOMINICA IN ALBIS

in Octava Paschæ

Statio ad sanctum Pancratium

Officium 1 Petr. 2

QUASI modo géniti infántes, allelúia : rationábiles sine dolo lac concupiscite, allelúia, allelúia, allelúia. **℟. Ps. 80** Exsultáte Deo adjutóri nostro : jubiláte Deo Jacob. **Glória Patri.** Glória in excélsis.

Oratio

PRÆSTA, quæsumus, omnipotens Deus : ut qui Paschália festa perégimus; hæc, te largiēte, móribus et vita teneámus : Per Dóminum.

Non fit memoria de Cruce.

Lectio Epistolæ beáti Joánnis Apóstoli. **1, c. 5**

CARISSIMI : Omne, quod natum est ex Deo, vincit mundum : Et hæc est victória, quæ vincit mundum, fides nostra. Quis est, qui vincit mundum, nisi qui credit quóniam Jesus est filius Dei? Hic est, qui venit per aquam et sanguinem, Jesus Christus : Non in aqua solum, sed in aqua et sanguine. Et spíritus est, qui testificátur, quóniam Christus est véritas. Quóniam tres sunt, qui testimónium dant in cælo : Pater, Verbum, et Spíritus Sanctus : Et hi tres unum sunt. Et tres sunt, qui testimónium dant in terra : spíritus, et aqua, et sanguis : et hi tres unum sunt. Si testimónium hóminum accípimus, testimónium Dei majus est : Quóniam hoc est testimónium Dei, quod majus est, quóniam testificátus est de Filio suo. Qui credit in Fílium Dei, habet testimónium Dei in se.

Allelúia, allelúia. ℟. Joan. 20 Post dies octo, jánuis clausis, stetit Jesus in médio discipulórum suórum, et dixit : Pax vobis.

Allelúia. ℟. Surréxit Dóminus de sepúlcro, qui pro nobis pepéndit in ligno. Allelúia.

Ab hac die usque ad Rogationes exclusive, *XX.* cum Allelúia, qui dicuntur in Dominicis ad Missam, alternatim repetantur in profestis diebus, quando de Tempore agitur, sicut habetur in Rubricis.

✠ **Sequéntia sancti Evangélíi**
secúndum Joánnem. *c. 20*

IN illo témpore : Cum sero esset die illo, una sabbatorum, et fores essent clausæ, ubi erant discipuli congregati propter metum Judæorum : venit Jesus, et stetit in médio, et dixit eis : Pax vobis. Et cum hoc dixisset, osténdit eis manus, et latus. Gavisí sunt ergo discipuli, viso Dómino. Dixit ergo eis iterum : Pax vobis. Sicut misit me Pater, et ego mitto vos. Hæc cum dixisset, insufflavit : et dixit eis : Accipite Spíritum Sanctum : Quorum remisérítis peccáta, remittúntur eis : et quorum retinuérítis, reténta sunt. Thomas autem unus ex duódecim, qui dicitur Didymus, non erat cum eis quando venit Jesus. Dixérunt ergo ei álíi discipuli : Vidimus Dóminum. Ille autem dixit eis : Nisi vídero in mánibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam. Et post dies octo, iterum erant discipuli ejus intus : et Thomas cum eis. Venit Jesus jánuis clausis, et stetit in médio, et dixit : Pax vobis. Deínde dicit Thomæ : Infer dígitum tuum huc, et vide manus meas, et affer manum tuam, et mitte in latus meum : et noli esse incrédulus,

sed fidélis. Respóndit Thomas, et dixit ei : Dóminus meus, et Deus meus. Dixit ei Jesus : Quia vidísti me Thoma, credidísti : beáti qui non viderunt, et credidérunt. Multa quidem, et ália signa fecit Jesus in conspéctu discipulórum suórum, quæ non sunt scripta in libro hoc. Hæc autem scripta sunt ut credátis, quia Jesus est Christus Filius Dei : et ut credéntes, vitam habeátis in nómine ejus. **Credo.**

Offertorium Matth. 28 Angelus Dómini descéndit de cælo, et dixit muliéribus : Quem quæritis, surréxit sicut dixit, allelúia.

Secreta

SUSCIPE múnera, Dómine quæsumus, exsultántis Ecclesiæ; et cui causam tanti gáudii præstitisti, perpétuæ fructum concède lætitiæ. Per Dóminum.

Præfatio Te quidem et Communi-cántes et Hanc igitur.

Communio Joan. 20 Mitte manum tuam, et cognósce loca clavórum, allelúia : et noli esse incrédulus, sed fidélis, allelúia, allelúia.

Postcommunio

QUÆSUMUS, Dómine Deus noster : ut sacrosáncta mystéria, quæ pro reparatiónis nostræ munímine contulisti; et præsens nobis remédium esse fácias, et futúrum : Per Dóminum.

Ite Missa est *sine* Allelúia.

DOMINICA PRIMA
post Octavam Paschæ

Officium

Ps. 32

MISERICORDIA Dómini plena est terra, allelúia : verbo Dómini cæli firmáti sunt, allelúia, allelúia. *℟.* Exsultáte justi in Dómino : rectos decet collaudátio. Glória Patri. Glória in excélsis.

Oratio

DEUS, qui in Filii tui humilitáte, jacéntem mundum erexisti; fidélibus tuis perpétuam concéde lætítiam : ut quos perpétuæ mortis eripuisti cásibus; gáudiis fácias pérfrui sempitérnis : Per eúmdem Dóminum.

Secunda Oratio

DEUS, qui pro nobis Filium tuum Crucis patibulum subíre voluisti, ut inimici a nobis expélleret potestátem; concéde nobis fámulis tuis, ut resurrectionis grátiam consequámur : (Per eúmdem).

Tertia Oratio

ACUNCTIS nos, quæsumus Dómine, mentis et corpore defénde periculis : et intercedénte beáta et gloriósa semper Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Dominico Patre nostro, et ómnibus Sanctis, salútem nobis tribue benígnus, et pacem; ut destrúctis adversitatibus et erróribus univérsis, Ecclésia tua

secúra tibi sérviat libertáte :
Per eúmdem Dóminum.

Léctio Epístolæ beáti Petri
Apóstoli. *1, c. 2*

CARISSIMI : Christus passus est pro nobis, vobis relínquens exémplum, ut sequámini vestigia ejus. Qui peccátum non fecit, nec invéntus est dolus in ore ejus : Qui cum maledicerétur, non maledicébat : Cum paterétur, non cominabátur : Tradébat autem judicánti se injúste : qui peccáta nostra ipse pértulit in corpore suo super lignum : ut peccátis mórtui, justitiæ vivámus : cujus livóre sanáti estis. Erátis enim sicut oves errántes, sed convérsi estis nunc ad pastórem, et episcopum animárum vestrárum.

Allelúia, allelúia. *℟. Joan. 10*
Ego sum pastor bonus, et cognóscó oves meas, et cognóscunt me meæ.

Allelúia. *℟.* Surréxit Christus, et illúxit pópulo suo, quem redémit ipse ságuine suo. Allelúia.

✠ Sequéntia sancti Evangélii
secúndum Joánnem. *c. 10*

IN illo témpore : Dixit Jesus Pharisæis : Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves próprie, videt lupum veniéntem, et dimíttit oves, et fugit : Et lupus rapit, et dispérgit oves : Mercenárius autem fugit, quia mercenárius

est, et non p rtinet ad eum de  vibus. Ego sum pastor bonus : Et cogn sco meas, et cogn scent me me . Sicut novit me Pater, et ego agn sco Patrem : et  nimam meam pono pro  vibus meis. Et  lias oves h beo, qu  non sunt ex hoc ovili : et illas op rtet me add cere, et vocem meam  udient, et fiet unum ovile, et unus pastor. **Credo.**

Offertorium Ps. 62 Deus Deus meus, ad te de luce vigilo : et in n mine tuo levabo manus meas, allel ia.

Secreta

BENEDICTIONEM nobis, D mine, c nferat salut rem sacra semper obl tio : ut quod agit myst rio, virt te perficiat. Per D minum.

Secunda Secreta

PURIFICA nos mis ricors Deus, ut Ecclesi  tu  preces, qu  tibi grat  sunt, pia m nera defer ntes, fiant expi tis m ntibus gratiores. (Per D minum.)

Tertia Secreta

EXAUDI nos Deus salut ris noster : ut per hujus sacram nti virt tem a cunctis nos mentis et c rporis h stibus tue ris, gr tiam tribuens in pr s nti, et gl riam in futuro. Per D minum.

Communio Joan. 10 Ego sum pastor bonus, allel ia : et cogn sco oves meas, et cogn scent me me , allel ia, allel ia.

Postcommunio

PR ESTA nobis, qu sumus omnipotens Deus : ut vivificationis tu  gr tiam consequ ntes; in tuo semper m nere glori mur : Per D minum.

Secunda Postcommunio

LARGIRE s nsibus nostris omnipotens Deus : ut per tempor lem Filii tui mortem, quam myst ria vener nda test ntur; vitam nobis te dedisse perp tuam confid mus : (Per e mdem.)

Tertia Postcommunio

MUNDET et m niet nos, qu sumus D mine, divini sacram nti munus obl tum : et interced nte be ta Virgine Dei Genitrice Maria, cum be to Joseph, be tis Ap stolis tuis Petro et Paulo, atque be to Dom nico Patre nostro, et  mnibus Sanctis; a cunctis nos reddat et perversit tibus expi tos, et adversit tibus expeditos : Per e mdem.

DOMINICA SECUNDA post Octavam Pasch 

Officium

Ps. 65

JUBILATE Deo omnis terra, allel ia, psalmum dicite n mini ejus, allel ia : date gl riam laudi ejus, allel ia, allel ia, allel ia. **V.** Dicite Deo, quam terribilia sunt  pera tua, D mine! in multitudine virt tis tu . **Gl ria Patri. Gl ria in exc lsis.**

Oratio

DEUS, qui errantibus, ut in viam possint redire iustitiæ veritatis tuæ lumen ostendis : da cunctis, qui christiāna professione censentur, et illa respūerc, quæ huic inimica sunt nōmini; et ea, quæ sunt apta, sectāri : Per Dōminum.

Aliæ Orationes, ut in prima Dominica, pag. 224

Lectio Epistolæ beāti Petri
Apōstoli. 1, c. 2

CARISSIMI : Obsecro vos tamquam advenas et peregrinos abstinere vos a carnalibus desideriiis, quæ militant adversus animam, conversationem vestram inter gentes habentes bonam : ut in eo, quod detractant de vobis tamquam de malefactoribus, ex bonis operibus vos considerantes, glorificent Deum in die visitationis. Subiecti igitur estote omni humanæ creaturæ propter Deum : sive regi quasi præcellenti : sive ducibus tamquam ab eo missis ad vindictam malefactorum, laudem vero bonorum : Quia sic est voluntas Dei, ut benefaciētes obmutescere faciatis imprudentium hominum ignorantiam : Quasi liberi, et non quasi velamen habentes malitiæ libertatem, sed sicut servi Dei. Omnes honorate : fraternitatem diligite : Deum timeate : regem honorificate. Servi subditi estote in omni timore dominis, non tantum bonis et modestis, sed etiam dyscolis.

Hæc est enim grātia : In Christo Jesu Dōmino nostro.

Allelūia, allelūia. *℣. Joan. 16* Mōdicum, et non vidēbitis me, dicit Dōminus : iterum mōdicum, et vidēbitis me : quia vado ad Patrem.

Allelūia. *℣. Joan. 10* Surrexit pastor bonus, qui posuit animam suam pro ovibus suis, et pro suo grege mori dignatus est. Allelūia.

✠ Sequētia sancti Evangēlii
secūndum Joānnem. c. 16

In illo tempore : Dixit Jesus discipulis suis : Mōdicum, et jam non vidēbitis me : et iterum mōdicum, et vidēbitis me : quia vado ad Patrem. Dixērunt ergo ex discipulis ejus ad invicem : Quid est hoc, quod dicit nobis, Mōdicum, et non vidēbitis me : et iterum mōdicum, et vidēbitis me, et quia vado ad Patrem? Dicēbant ergo : Quid est hoc, quod dicit, Mōdicum? Nescimus, quid loquitur. Cognōvit autem Jesus, quia volēbant eum interrogare, et dixit eis : De hoc quæritis inter vos quia dixi, Mōdicum, et non vidēbitis me : et iterum mōdicum, et vidēbitis me. Amen, amen dico vobis : quia plorābitis, et flēbitis vos, mundus autem gaudēbit : Vos autem contristabimini, sed tristitia vestra vertetur in gaudium. Mūlier cum parit, tristitiam habet, quia venit hora ejus : Cum autem pepererit puerum, jam non mēminit pressuræ propter gaudium : quia natus est

homo in mundum. Et vos igitur nunc quidem tristitiam habétis, iterum autem vidébo vos, et gaudébit cor vestrum : Et gáudium vestrum nemo tollet a vobis. **Credo.**

Offertorium Ps. 145 Lauda ánima mea Dóminum, laudábo Dóminum in vita mea : psallam Deo meo quámdiu ero, allelúia.

Secreta

HIS nobis, Dómine, mystériis conferátur, quo terréna desidéria mitigántes, discámus amáre cæléstia. Per Dóminum.

Aliæ Secretæ ut in prima Dominica, pag. 225

Communio Joan. 16 Módicum, et non vidébitis me, allelúia : iterum módicum, et vidébitis me : quia vado ad Patrem, allelúia, allelúia.

Postcommunio

SACRAMENTA quæ sumpsimus, quæsumus Dómine, et spirituálibus nos instáurent aliméntis; et corporálibus tueántur auxiliis : Per Dóminum.

Aliæ Postcommuniones, ut in prima Dominica, pag. 225

DOMINICA TERTIA post Octavam Paschæ

Officium

Ps. 97

CANTATE Dómino cánticum novum, allelúia : quia mirabilia fecit Dóminus, allelúia : ante conspéctum géntium revelávit justitiam suam, allelúia, allelúia.

℟. Salvávit sibi dextera ejus : et bráchium sanctum ejus. **Glória Patri. Glória in excélsis.**

Oratio

DEUS, qui fidélium mentes uníus éfficis voluntátis; da pópulis tuis id amáre quod præcipis, id desideráre quod promíttis : ut inter mundánas varietátes ibi nostra fixa sint corda; ubi vera sunt gáudia : Per Dóminum.

Aliæ Orationes, ut in prima Dominica, pag. 224

Lectio Epistolæ beáti Jacóbi Apóstoli. c. 1

CARISSIMI : Omne datum óptimum, et omne donum perféctum desúrsum est, descendens a Patre lúminum, apud quem non est transmutatio, nec vicissitúdinis obumbrátio. Voluntárie enim genuit nos verbo veritátis, ut simus inítiúm áliquod creatúræ ejus. Scitis fratres mei dilectíssimi. Sit autem omnis homo velox ad audiéndum : tardus autem ad loquéndum, et tardus ad iram. Ira enim viri, justitiam Dei non operátur. Propter quod abjiciéntes omnem im-munditiam, et abundántiam malitiæ, in mansuetú-dine suscípíte insitum verbum, quod potest salváre ánimas vestras.

Allelúia, allelúia. ℟. Joan. 16 Vado ad eum, qui misit me : sed quia hæc locútus sum vobis, tristítia implévit cor vestrum.

Allelúia. ℟. Surréxit Dóminus de sepúlcro, qui pro nobis pepéndit in ligno. Allelúia.

✠ **Sequéntia sancti Evangélii**
secúndum Joánnem. **c. 16**

IN illo témpore : Dixit Jesus discipulis suis : Vado ad eum, qui misit me; et nemo ex vobis intérogat me, Quo vadis? Sed quia hæc locútus sum vobis, tristítia implévit cor vestrum. Sed ego veritátem dico vobis : éxpedit vobis ut ego vadam : Si enim non abiero, Paráclitus non véniet ad vos : Si autem abiero, mitam eum ad vos. Et cum vénerit ille, árguet mundum de peccáto, et de justítia, et de iudicio. De peccáto quidem : quia non credidérunt in me : De justítia vero : quia ad Patrem vado : et jam non vidébitis me : De iudicio autem : quia princeps hujus mundi jam iudicátus est. Adhuc multa hábeo vobis dicere : sed non potéstis portáre modo. Cum autem vénerit ille Spíritus veritátis, docébit vos omnem veritátem. Non enim loquétur a semetípso : sed quæcúmque áudiet loquétur, et quæ ventúra sunt annuntiábit vobis. Ille me clarificábit : quia de meo accipiet, et annuntiábit vobis. **Credo.**

Offertorium Ps. 65 Jubiláte Deo univérsta terra, psalmum dicite nómini ejus : venite, et audíte, et narrábo vobis, omnes qui tímétis Deum, quanta fecit Dóminus ánimæ meæ, allelúia.

Secreta

DEUS, qui nos per hujus sacrificii veneránda comérchia, unius summæ divini-

tátis partícipes effecisti : præsta quæsumus, ut sicut tuam cognóscimus veritátem, sic eam dignis móribus assequámur. Per Dóminum.

Aliæ Secretæ, ut in prima Dominica, pag. 225

Communio Joan. 16 Cum vénerit Paráclitus, Spíritus veritátis, ille árguet mundum de peccáto, et de justítia, et de iudicio, allelúia, allelúia.

Postcommunio

ADESTO nobis, Dómine Deus noster : ut per hæc, quæ fidéliter sumpsimus; et purgémur a vitiis, et a periculis ómnibus eruámur : Per Dóminum.

Aliæ Postcommuniones, ut in prima Dominica, pag. 225

DOMINICA QUARTA post Octavam Paschæ

Officium

Isai. 48

VOCEM jucunditátis annuntiáte, et audiátur, allelúia : annuntiáte usque ad extrémum terræ : liberávit Dóminus pópulum suum, allelúia, allelúia. **℟. Ps. 65** Jubiláte Deo omnis terra : psalmum dicite nómini ejus : date glóriam laudi ejus. **Glória Patri. Glória in excélsis.**

Oratio

DEUS, a quo bona cuncta procédunt : largire supplicibus tuis; ut cogitémus, te inspiránte, quæ recta sunt, et te gubernánte, éadem faciámus : Per Dóminum.

Aliæ Orationes, ut in prima Dominica, pag. 224

Lectio Epistolæ beati Jacobi
Apóstoli. c. 1

CARISSIMI : Estóte factóres
verbi, et non auditóres
tantum : falléntes vosmet-
ípsos. Quia si quis auditor est
verbi, et non factor : hic com-
parábitur viro consideránti
vultum nativitátis suæ in spé-
culo : Considerávit enim se,
et ábiit, et statim oblítus est
qualis fúerit. Qui autem per-
spéxerit in legem perfectam
libertátis et permánserit in ea,
non auditor obliuiósus factus,
sed factor óperis : hic beátus
in facto suo erit. Si quis autem
putat se religiósus esse, non
refrénsans linguam suam, sed
sedúcens cor suum, hujus vana
est religio. Religio munda, et
immaculáta apud Deum et Pa-
trem, hæc est : visitáre pupíl-
los, et víduas in tribulatióne
eórum, et immaculátum se
custodíre ab hoc sæculo.

Allelúia, allelúia. *℟. Joan. 16*
Usque modo non petistis quid-
quam in nómine meo : pétite,
et accipiétis.

Allelúia. *℟. Matth. 28* Sur-
réxit Dóminus, et occúrrens
mulieribus, ait : Avéte. Tunc
accessérunt, et tenuérunt pe-
des ejus. Allelúia.

✠ Sequéntia sancti Evangélíi
secúndum Joánnem. c. 16

IN illo témpore : Dixit Jesus
discipulis suis : Amen,
amen dico vobis : si quid petié-
ritis Patrem in nómine meo,
dabit vobis. Usque modo non
petistis quidquam in nómine
meo : Pétite, et accipiétis, ut

gáudium vestrum sit plenum.
Hæc in provérbiis locútus sum
vobis. Venit hora cum jam non
in provérbiis loquar vobis, sed
palam de Patre annuntiábo
vobis. In illo die in nómine
meo petétis : Et non dico vobis
quia ego rogábo Patrem de
vobis : Ipse enim Pater amat
vos, quia vos me amástis, et
credidístis, quia ego a Deo
exívi. Exívi a Patre, et veni
in mundum : Iterum relínquo
mundum, et vado ad Patrem.
Dicunt ei discípuli ejus : Ecce
nunc palam lóqueris, et pro-
véribum nullum dicis. Nunc
scimus quia scis ómnia, et non
opus est tibi ut quis te inté-
roget : In hoc crédimus quia
a Deo exísti. **Credo.**

Offertorium Ps. 65 Benedí-
cite gentes Dóminum Deum
nostrum, et obaudíte vocem
laudis ejus, qui pósuit ánimam
meam ad vitam, et non dedit
commoveri pedes meos : bene-
dictus Dóminus, qui non amó-
vit deprecationem meam, et
misericórdiam suam a me,
allelúia.

Secreta

SUSCIPE, Dómine, fidélium
preces cum oblatiónibus
hostiárum : ut per hæc piæ
devotiónis officia ad cæléstem
glóriam transeámus. Per Dó-
minum.

Alia Secreta, ut in prima Domi-
nica, pag. 225

Communio Ps. 95 Cantáte Dó-
mino, allelúia : cantáte Dómi-
no, et benedicite nomen ejus :
bene nuntiáte de die in diem
salutáre ejus, allelúia, allelúia.

Postcommunio

TRIBUE nobis, Dómine, cæléstis mensæ virtúte satiátiis; et desideráre quæ recta sunt, et desideráta percípere : Per Dóminum.

Aliæ Postcommuniones, ut in prima Dominica, pag. 225

FERIA SECUNDA
IN ROGATIONIBUS

Quando Missa cantanda fuerit, Sacerdos, et ministri induant se sacris vestibus sicut in ferialibus diebus. Et præcedentibus Acolytho sine cereo, et Subdiacono et Diacono deferente Missale (absque Dalmaticis) subsequatur Sacerdos sine Casula. Deinde finita Hora præcedente Missam, veniant ante gradus presbyterii, et stent sicut in Dominicis diebus ad aspersionem Aquæ benedictæ. Cantor autem incipiat

Antiph. Ps. 43 Exsúrge Dómine, ádjuva nos : et libera nos propter nomen tuum, allelúia. **℟.** Deus áuribus nostris audívimus : patres nostri annuntiavérunt nobis. Glória Patri.

Post repetitionem Antiphonæ, Sacerdos dicat

℟. Osténde nobis Dómine misericórdiam tuam, allelúia.

Et Chorus ℟. Et salutáre tuum da nobis, allelúia.

Dóminus vobíscum.

Orémus

Oratio

PARCE Dómine, parce populo tuo : ut dignis flagellatióibus castigátus; in tua miseratióne respíret : Per Christum.

Sequuntur Litaníæ, sicut in Sabato Sancto notatæ sunt, pag. 185. Interim (ubi Processio non fit) Sacerdos et ministri sedeant in presbyterio, et ibi simul ipsas voce submissa legant, Acolytho tenente Missale.

Finitis Litaníis a Choro dicatur Kýrie eléison, Christe eléison, Kýrie eléison, et Sacerdos cum Ministris ad Altare revertens dicat Pater noster... Et ne nos..., Versiculos et sequentes Orationes, Choro respondente et stante versus altare. Psalmus vero dicatur ab utroque Choro alternatim. Choro stante versus Chorum.

Pater noster secreto.

Et ne nos indúcas in tentatióinem.

℟. Sed libera nos a malo.

Psalmus 69

DEUS, in adjutórium meum inténde : * Dómine, ad adjuvándum me festína.

Confundántur et revereántur, * qui quærunť ánimam meam.

Avertántur retrórsum, et erubéscant, * qui volunt mihi mala.

Avertántur statim erubescéntes, * qui dicunt mihi : Euge, euge.

Exsúltent et læténtur in te omnes qui quærunť te, * et dicant semper : Magnificétur Dóminus : qui dilígunt salutáre tuum.

Ego vero egénus, et pauper sum : * Deus ádjuva me.

Adjútór meus, et liberátór meus es tu : * Dómine, ne moréris.

Glória Patri, etc.

℟. Post partum Virgo invioláta permansisti. **℟.** Dei Génitrix intercède pro nobis.

✠. Ora pro nobis, beáte Pater Domínice. ✠. Ut digni efficiámur promissionibus Christi.

✠. Sapientiam Sanctorum narrent populi. ✠. Et laudem eorum nuntiet ecclesia.

✠. Memor esto congregacionis tuæ. ✠. Quam possedisti ab initio.

✠. Salvos fac servos tuos et ancillas tuas. ✠. Deus meus sperantes in te.

✠. Esto nobis, Dómine, turris fortitudinis. ✠. A fácie inimici.

✠. Fiat pax in virtute tua. ✠. Et abundantia in túrribus tuis.

✠. Dóminus vobiscum. ✠. Et cum spíritu tuo.

Orémus

PROTEGE, Dómine, fámulos tuos subsidiis pacis : et beátæ Mariæ semper Virginis patrocinis confidentes; a cunctis hóstibus redde secúros :

CONCEDE, quæsumus, omnipotens Deus : ut qui peccatorum nostrorum pónere prémimur; beáti Domínici Confessoris tui, Patris nostri, patrocinio sublevémur :

CONCEDE, quæsumus, omnipotens Deus : ut ad meliorem vitam Sanctorum Ordinis nostri exempla nos próvocent; quatenus, quorum memoriam ágimus étiam actus imitémur :

INEFFABILEM nobis, Dómine, misericórdiam tuam cleménter osténde; ut simul nos et a peccátis ómnibus éxuas, et a pœnis, quas pro his merémur erípias :

PRÆTENDE, Dómine, fámulis et famulábus tuis dexteram cælestis auxilií; ut te toto corde perquirant, et quæ digne póstulant assequántur :

ECCLESIAE tuæ, quæsumus, Dómine, preces placátus admítte; ut destrúctis adversitatibus et erróribus univérsis, secúra tibi sérviat libertáte :

DEUS, a quo sancta desideria, recta consília, et justa sunt ópera : da servis tuis illam, quam mundus dare non potest, pacem; ut et corda nostra mandátis tuis dédita, et, hóstium sublata formidine, témpora sint tua protectione tranquilla : Per Christum Dóminum nostrum. ✠. Amen.

Sacerdos cum ministris revertatur in sacristiam, et casulam assumat. Inchoata vero Missa, præcedente uno saltem Ceroferario, more solito veniat ad altare. Et hic ordo in duobus diebus sequentibus servetur.

AD MISSAM

Officium

Ps. 17

EXAUDIVIT de templo sancto suo vocem meam, allelúia : et clamor meus in conspéctu ejus, introívit in aures ejus, allelúia, allelúia. ✠. Diligam te Dómine virtus mea : Dóminus firmaméntum meum, et refúgium meum, et liberátor meus. Glória Patri.

Oratio

PRÆSTA, quæsumus omnipotens Deus : ut qui in afflictione nostra de tua pietate confidimus; contra adversa ómnia, tua semper protectione muniámur : Per Dóminum.

Secunda Oratio

DEUS, qui pro nobis Filium tuum Crucis patibulum subire voluisti, ut inimici a nobis expelleres potestatem; concede nobis famulis tuis, ut resurrectionis gratiam consequamur.

Si dicitur ultimo loco, terminatur
Per eundem.

Tertia Oratio

ACUNCTIS nos, quaesumus Domine, mentis et corporis defende periculis : et intercedente beata et gloriosa semper Virgine Dei Genitrice Maria, cum beato Joseph, beatis Apostolis tuis Petro et Paulo, atque beato Dominico Patre nostro, et omnibus Sanctis, salutem nobis tribue benignus, et pacem; ut destructis adversitatibus et erroribus universis, Ecclesia tua secura tibi serviat libertate : Per eundem.

Lectio Epistolae beati Jacobi
Apostoli. c. 5

CARISSIMI : Confitemini alterutrum peccata vestra, et orate pro invicem ut salvemini : Multum enim valet deprecatio justis assidua. Elias homo erat similis nobis passibilis : et oratione oravit ut non plueret super terram, et non pluit annos tres, et menses sex. Et rursum oravit : et caelum dedit pluviam, et terra dedit fructum suum. Fratres mei, si quis ex vobis erraverit a veritate, et converterit quis eum : scire debet quoniam qui converti fecerit peccato-

rem ab errore viae suae, salvabit animam ejus a morte, et operiet multitudinem peccatorum.

Alleluia. *Ps. 117* Confitemini Domino quoniam bonus : quoniam in saeculum misericordia ejus.

Non repetitur Alleluia.

✠ Sequentia sancti Evangelii
secundum Lucam. c. 11

IN illo tempore : Dixit Jesus discipulis suis : Quis vestrum habebit amicum, et ibit ad illum media nocte, et dicet illi, Amice, comoda mihi tres panes, quoniam amicus meus venit de via ad me, et non habeo quod ponam ante illum : et ille de intus respondens dicat, Noli mihi molestus esse, jam ostium clausum est, et pueri mei mecum sunt in cubili, non possum surgere, et dare tibi? Et si ille perseveraverit pulsans : dico vobis, et si non dabit illi surgens eo quod amicus ejus sit, propter improbitatem tamen ejus surget, et dabit illi quotquot habet necessarios. Et ego dico vobis : Petite, et dabitur vobis : Quae-rite, et inveniatis : Pulsate, et aperiatur vobis. Omnis enim, qui petit, accipit : et qui quaerit, invenit : et pulsanti aperiatur. Quis autem ex vobis patrem petit panem, numquid lapidem dabit illi? Aut piscem : numquid pro pisce serpentem dabit illi? Aut si petierit ovum : numquid porriget illi scorpionem? Si ergo vos cum sitis mali, nostis bona data dare filiis vestris : quanto

magis Pater vester de cælo dabit spíritum bonum peténtibus se?

Offertorium Ps. 108 Confitébor Dómino nimis in ore meo, et in médio multórum laudábo eum : qui ástitit a dextris páuperis, ut salvam fáceret a persecuéntibus ánimam meam, allelúia.

Secreta

HÆC múnera, quæsumus Dómine et víncula nostræ pravitatís absólvant, et tuæ nobis misericórdiæ dona concílient. Per Dóminum.

Secunda Secreta

PURIFICA nos miséricors Deus, ut Ecclésiæ tuæ preces, quæ tibi gratæ sunt, pia múnera deferéntes, fiant expiátis méntibus gratióres.

Si dicitur ultimo loco, terminatur Per Dóminum.

Tertia Secreta

EXAUDI nos Deus salutáris noster : ut per hujus sacraménti virtútem a cunctis nos mentis et córporis hóstibus tueáris, grátiam tribuens in præsénti et glóriam in futuro. Per Dóminum.

Communio Luc. 11 Péte, et accipiétis : quærite, et inveniétis : pulsáte, et aperiétur vobis : omnis enim, qui petit, áccipit, et qui quærit, invenit, et pulsánti aperiétur, allelúia.

Postcommunio

VOTA nostra, quæsumus Dómine, pio favóre prosequere : ut dum dona tua in tribulatióne percípimus; de

consolatióne nostra in tuo amóre crescámus : Per Dóminum.

Secunda Postcommunio

LARGIRE sénsibus nostris Omnipotens Deus : ut per temporálem Fílii tui mortem, quam mystéria veneránda testántur; vitam nobis te dedísse perpétuam confidámus.

Si dicitur ultimo loco, terminatur Per eúndem.

Tertia Postcommunio

MUNDET et múniat nos, quæsumus Dómine, divíni sacraménti munus oblátum : et intercedénte beáta Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Domínico Patre nostro, et ómnibus Sanctis; a cunctis nos reddat et perversitatibus expiátos, et adversitatibus expeditos : Per eúndem Dóminum.

Feria tertia Rogationum, Officium ut supra, Exaudivit, et cetera omnia sicut in præcedenti secunda Feria.

Feria quarta non fit Missa de Rogationibus, sed sola Memoria in Missa Vigiliæ concomitantis.

IN VIGILIA ASCENSIONIS DOMINI

Officium

Ps. 46

OMNES gentes pláudite mánibus : jubilate Deo in voce exsultatiónis, allelúia, allelúia, allelúia.
✠. Subjécit pópulos nobis : et gentes sub pédibus nostris.
Glória Patri.

Oratio

PRÆSTA, quæsumus, omnipotens Deus : ut nostræ mentis intentio, quo solemnitatis venturæ gloriósus auctor ingressus est, semper inténdat; et quo fide pergit, conversatióne pervéniat : Per eúmdem Dóminum.

Ad Memoriam Rogationum

Oratio

PRÆSTA, quæsumus, omnipotens Deus : ut qui in afflictiónē nostra de tua pietate confidimus; contra adversa ómnia, tua semper protectiōne muniámur. (Per Dóminum.)

Tertia Oratio

DEUS, qui pro nobis Fílium tuum Crucis patibulum subire voluísti, ut inimíci a nobis expélleres potestátem; concéde nobis fámulis tuis, ut resurrectionis grátiam consequámur. Per eúmdem.

Léctio Epístolæ beáti Pauli Apóstoli ad Ephésios. **c. 4**

FRATRES : Unicuique nostrum data est grátia secúndum mensúram donatiónis Christi. Propter quod dicit : Ascéndens in altum captivam duxit captivitátem : dedit dona homínibus. Quod autem ascéndit, quid est, nisi quia et descéndit primum in infériores partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem Apóstolos, quosdam autem Prophétas, álios vero Evangelistas, álios autem pa-

stóres, et doctóres ad consummationem sanctorum in opus ministérii, in ædificatióem corporis Christi : donec occurrámus omnes in unitátem fidei, et agnitiónis Filii Dei, in virum perfectum, in mensúram ætátis plenitudinis Christi.

Allelúia. **℟. Joan. 16** Exivi a Patre, et veni in mundum : iterum relinquo mundum, et vado ad Patrem. Allelúia.

✠ Sequéntia sancti Evangélii secúndum Joánnem. **c. 17**

IN illo témpore : Sublevátis Jesus óculis in cælum, dixit : Pater, venit hora, clarifica Fílium tuum, ut Fílius tuus clarificet te : Sicut dedísti ei potestátem omnis carnis, ut omne, quod dedísti ei, det eis vitam ætérnam. Hæc est autem vita ætérna : ut cognóscant te, solum Deum verum, et quem misísti Jesum Christum. Ego te clarificávi super terram : opus consummávi, quod dedísti mihi ut fáciam : Et nunc clarifica me tu Pater apud temetípsam, claritate, quam hábui, priúsqvam mundus esset, apud te. Manifestávi nomen tuum homínibus, quos dedísti mihi de mundo : Tui erant, et mihi eos dedísti : et sermónem tuum servavérunt. Nunc cognovérunt quia ómnia, quæ dedísti mihi, abs te sunt : quia verba, quæ dedísti mihi, dedi eis : Et ipsi acceperunt, et cognovérunt vere quia a te exivi, et credidérunt quia tu me misísti. Ego pro eis rogo : Non pro mundo rogo, sed pro his, quos dedísti

mihi : quia tui sunt : Et mea ómnia tua sunt, et tua mea sunt : et clarificátus sum in eis : Et jam non sum in mundo, et hi in mundo sunt, et ego ad te vénio.

Offertorium Ps. 46 Ascéndit Deus in jubilatione, et Dóminus in voce tubæ, allelúia.

Secreta

SACRIFICIUM, Dómine, pro Filii tui súpplīces venerábili, quam prævenimus, Ascensione deférimus : præsta quæsumus, ut et nos per ipsum his commérctis sacrosántis ad cæléstia consurgámus. Qui tecum.

Ad Memoriam Rogationum

Secreta

HÆC múnera, quæsumus Dómine, et víncula nostræ pravitatís absólvant, et tuæ nobis misericórdiæ dona concílient. (Per Dóminum.)

Tertia Secreta

PURIFICA nos miséricors Deus, ut Ecclésiæ tuæ preces, quæ tibi gratæ sunt, pia múnera deferéntes, fiant expiátis méntibus gratiōres. Per Dóminum.

Communio Joan. 17 Pater, cum essem cum eis, ego servábam eos, quos dedisti mihi, allelúia : nunc autem ad te vénio : non rogo ut tollas eos de mundo, sed ut serves eos a malo, allelúia, allelúia.

Postcommunio

TRIBUE, quæsumus Dómine : ut per hæc sacraménta, quæ sumpsimus, illuc tendat nostræ devotiōnis afféctus; quo tecum est nostra substántia, Jesus Christus Dóminus noster : Qui tecum vivit et regnat in unitáte.

Ad Memoriam Rogationum

Postcommunio

VOTA nostra, quæsumus Dómine, pio favóre proséquere : ut dum dona tua in tribulatione percípimus; de consolatione nostra in tuo amore crescámus. (Per Dóminum nostrum.)

Tertia Postcommunio

LARGIRE sénsibus nostris Omnípotens Deus : ut per temporálem Filii tui mortem, quam mystéria veneránda testántur; vitam nobis te dedisse perpétuam confidámus : Per eúndem.

IN DIE ASCENSIONIS DOMINI

Totum Duplex I classis cum Octava solemnissima

Finita Tertia, Prior cum cappa serica, et Diaconus cum Reliquiis, et Subdiaconus, sericis induti, præcedentibus Ceroferariis, et Cruciferario in albis, ante gradus presbyterii veniant. Finita Processione, Prior et ministri in sacristiam redeant, et deposita cappa serica a Priore, assumptaque casula, et Missa inchoata, procedant more solito ad altare.

AD MISSAM

Statio ad S. Petrum

Officium

Act. 1

VIRI Galilæi quid admirámini aspicientes in cælum? allelúia : quemádmódum vidístis eum ascendéntem in cælum, ita véniet, allelúia, allelúia, allelúia. ✠. Cumque intueréntur in cælum eúntem illum, ecce duo viri astiterunt juxta illos in véstibus albis. Glória Patri. Glória in excélsis.

Oratio

CONCEDE, quæsumus omnipotens Deus : ut qui hodiérna die Unigénitum tuum

Redemptórem nostrum ad cælos ascendísse crédimus; ipsi quoque mente in cæléstibus habitémus : Per eúndem.

Una tantum Oratio dicatur.

Léctio Actuum Apostolórum.

c. 1

PRIMUM quidem sermónem feci de ómnibus o Theóphile, quæ cœpit Jesus fácere, et docére usque in diem, quæ præcípiens Apóstolis per Spíritum Sanctum, quos elégit, assúptus est : Quibus et præbuit seípsum vivum post passiónem suam in multis argumentis, per dies quadraginta appárens eis, et loquens de regno Dei. Et convéscens, præcépit eis ab Jerosólymis ne discéderent, sed exspectárent promissionem Patris, quam audístis (inquit) per os meum : Quia Joánnes quidem baptizávit aqua, vos autem baptizabímmini Spíritu Sancto non post multos hos dies. Igitur qui convénerant, interrogábant eum, dicéntes : Dómine,

si in témpore hoc restitues regnum Israël? Dixit autem eis : Non est vestrum nosse témpora vel moménta, quæ Pater pósuit in sua potestáte : sed accipiétis virtútem superveniéntis Spíritus Sancti in vos, et éritis mihi testes in Jerúsalem, et in omni Judæa, et Samaría, et usque ad últimum terræ. Et cum hæc dixisset, vidéntibus illis, elevátus est : et nubes suscepit eum ab óculis eórum. Cumque intueréntur in cælum eúntem illum, ecce duo viri astitérunt juxta illos in véstibus albis, qui et dixerunt : Viri Galilæi quid statis aspiciéntes in cælum? Hic Jesus, qui assúptus est a vobis in cælum, sic véniet quemádmódum vidístis eum eúntem in cælum.

Allelúia, allelúia. V. Ps. 46
Ascéndit Deus in jubilatíone,
et Dóminus in voce tubæ.

Allelúia. V. Eph. 4 Ascéndens Christus in altum captivam duxit captivitátem : dedit dona hominibus. Allelúia.

✠ **Sequéntia sancti Evangélíi**
secúndum Marcum. **c. 16**

IN illo témpore : Recumbéntibus úndecim discípulis, apparuit illis Jesus : et exprobrávit incredulitátem eórum et durítiam cordis : quia iis, qui viderant eum resurrexisse, non credidérunt. Et dixit eis : Eúntes in mundum univérsum, prædicáte Evangélíum omni creatúræ. Qui crediderit, et baptizátus fúerit, salvus

erit : Qui vero non crediderit, condemnábitur. Signa autem eos, qui crediderint, hæc sequéntur : In nómine meo dæmónia ejicient : linguis loquéntur novis : serpéntes tollent : Et si mortíferum quid biberint, non eis nocébit : Super ægros manus impónent, et bene habébunt. Et Dóminus quidem Jesus postquam locútus est eis, assúptus est in cælum, et sedet a dextris Dei. Illi autem profécti prædicavérunt ubique, Dómino coopérante, et sermónem confirmánte, sequéntibus signis.

Credo.

Offertorium Act. 1 Viri Galilæi quid admirámini aspiciéntes in cælum? hic Jesus, qui assúptus est a vobis in cælum, sic véniet quemádmódum vidístis eum ascendéntem in cælum, allelúia.

Secreta

SUSCIPE Dómine múnera, quæ pro Fílli tui gloriósa Ascensióne deférimus; et concéde propítius, ut a præséntibus periculis liberémur, et ad vitam perveniámus ætérnam. Per eúmdem Dóminum nostrum.

Præfatio Qui post resurrectiόνem suam, et Communicántes, et diem sacratíssimum. Dicantur per totam Octavam, etiam in festis Sanctorum : excepta Præfatione, si eam propriam habuerint.

Communio Ps. 67 Psállite Dómino, qui ascéndit super cælos cælórum, ad oriéntem, allelúia.

Postcommunio

PRÆSTA nobis, quæsumus omnipotens et miséricors Deus : ut quæ visibilibus mysteriis sumenda percépimus; invisibili consequamur effectu : Per Dóminum nostrum.

Per Octavam Ascensionis, et in Octava ad Missam omnia fiant sicut in die.

DOMINICA INFRA OCTAVAM ASCENSIONIS

Officium

Ps. 26

EXAUDI Dómine vocem meam, qua clamávi ad te, allelúia : tibi dixit cor meum, quæsiui vultum tuum, vultum tuum Dómine requíram : ne avértas faciém tuam a me, allelúia, allelúia. *℟.* Dóminus illuminátio mea, et salus mea, quem timébo? *Glória Patri. Glória in excélsis.*

Oratio

OMNIPOTENS sempitérne Deus : fac nos tibi semper et devótam gérere voluntátem; et majestáti tuæ sincéro corde servíre : Per Dóminum.

Et fit Memoria Octavæ Ascensionis.

Léctio Epístolæ beáti Petri Apóstoli.

I, c. 4

CARISSIMI : Estóte prudentes, et vigiláte in oratió-nibus. Ante ómnia autem, mútuam in vobismetípsis caritátem continuam habéntes : quia caritas óperit multitudinem peccatórum. Hospitáles invicem sine murmuratióne : Unusquisque, sicut accépit

grátiam, in altérutrum illam administrántes, sicut boni dispensatóres multifórmis grátiae Dei. Si quis lóquitur, quasi sermónes Dei : Si quis ministrat, tamquam ex virtúte, quam administrat Deus : ut in ómnibus honorificétur Deus per Jesum Christum Dóminum nostrum.

Allelúia, allelúia. *℟. Ps. 46* Ascéndit Deus in jubilatióne, et Dóminus in voce tubæ.

Allelúia. *℟. Ps. 67* Dóminus in Sina in sancto : ascéndens in altum, captívam duxit captivitátem. Allelúia.

✠ Sequéntia sancti Evangélii secúndum Joánnem.

c. 15 et 16

IN illo témpore : Dixit Jesus discipulis suis : Cum vénerit Paráclitus, quem ego mittam vobis a Patre, Spíritum veritátis, qui a Patre procedit, ille testimonium perhibébit de me : Et vos testimonium perhibébitis, quia ab initio mecum estis. * Hæc locútus sum vobis, ut non scandalizémini. Absque synagógis fácient vos : Sed venit hora, ut omnis, qui interficit vos, arbitrétur obséquium se præstáre Deo. Et hæc fácient vobis, quia non novérunt Patrem, neque me. Sed hæc locútus sum vobis : ut cum vénerit hora eórum reminiscámini, quia ego dixi vobis.

Credo.

Offertorium *Ps. 46* Ascéndit Deus in jubilatióne, et Dóminus in voce tubæ, allelúia.

Secreta

SACRIFICIA nos, Dómine, im-
maculáta purificent, et
méntibus nostris supérnæ grá-
tiæ dent vigórem. Per Dó-
minum.

Præfatio Qui post resurrectionem,
et Communicantes.

Communio Joan. 17 Pater,
cum essem cum eis, ego servá-
bam eos, quos dedisti mihi,
allelúia : nunc autem ad te
vénió : non rogo ut tollas eos
de mundo, sed ut serves eos
a malo, allelúia, allelúia.

Postcommunio

REPLETI, Dómine, munéri-
bus sacris; da quæsumus,
ut in gratiárum semper actióne
maneámus : Per Dóminum.

Feria vj. post Octavam Ascensio-
nis dicitur Missa Dominicæ præce-
dentis cum Glória, sed sine Credo,
et absque secunda et tertia Ora-
tione. **Præfatio** (non Communicán-
tes) de Ascensione, dicenda etiam
in Missis Sanctorum vel votivis,
quæ propriam non habent; in qui-
bus etiam facienda est Memoria
hujus Feriæ, nisi occurrat Festum
I vel II classis.

IN VIGILIA
PENTECOSTES

Statio ad S. Joannem in Laterano

DICTA Nona, Lectiones sequen-
tes legantur, eo modo, loco, et
ordine, qui in Sabbato Sancto nota-
tus est. Dum prima Lectio legitur,
Sacerdos indutus casula, cum mi-
nistris de more indutis, accedens ad
altare, non incipiat Missam; sed
inclinans profunde, sessum eat; et
Lectiones, ac Orationes dicat, sicut
in Sabbato sancto, pag. 185.

Lectio prima

Gen. 22

IN diébus illis : Tentávit
Deus Abraham, et dixit ad
eum : Abraham, Abraham. At
ille respóndit : Adsum. Ait
illi : Tolle filium tuum unigé-
nitum, quem diligis, Isaac, et
vade in terram visiónis : atque
ibi offeres eum in holocáustum
super unum móntium quem
monstrávero tibi. Igitur Abra-
ham de nocte consúrgens,
stravit ásinum suum : ducens
secum duos júvenes, et Isaac
fílium suum : Cumque conci-
disset ligna in holocáustum,
ábiit ad locum quem præcé-
perat ei Deus. Die autem
tértio, elevátis óculis, vidit lo-
cum procul : dixítque ad
púeros suos : Exspectáte hic
cum ásino : ego et puer illuc
usque properántes, postquam
adoravérimus, revertémur ad
vos. Tulit quoque ligna holo-
cáusti, et impósuit super Isaac
fílium suum : Ipse vero por-
tábat in mánibus ignem et
gládium. Cumque duo pérge-
rent simul, dixit Isaac patri
suo : Pater mi. At ille respón-
dit : Quid vis fili? Ecce, inquit,
ignis et ligna : Ubi est víctima
holocáusti? Dixit autem Abra-
ham : Deus providébit sibi
víctimam holocáusti, fili mi.
Pergébant ergo páriter : et
venérunt ad locum quem
osténderat ei Deus, in quo
ædificávit altáre, et désuper
ligna compósuit : Cumque
alligásset Isaac fílium suum,
pósuit eum in altáre super
struem lignórum. Extendítque
manum, et arrípuit gládium,

ut immoláret filium suum. Et ecce Angelus Dómini de cælo clamávit, dicens : Abraham, Abraham. Qui respóndit : Adsum. Dixítque ei : Non exténdas manum tuam super púerum, neque fácias illi quidquam : Nunc cognóvi quod times Deum, et non pepercisti unigénito filio tuo propter me. Levávit Abraham óculos suos, vidítque post tergum arietem inter vepres hæréntem córnibus, quem assúmens óbtulit holocáustum pro filio. Appel-lávitque nomen loci illíus, Dóminus videt. Unde usque hódie dicitur, In monte Dóminus vidébit. Vocávit autem Angelus Dómini Abraham secúndo de cælo, dicens : Per memet-ípsam jurávi, dicit Dóminus : quia fecísti hanc rem, et non pepercísti filio tuo unigénito propter me : benedicám tibi, et multiplicábo semen tuum sicut stellas cæli, et velut arénam quæ est in líttore maris : Possidébit semen tuum portas inimicórum suórum, et benedicéntur in sémine tuo omnes gentes terræ, quia obedísti voci meæ. Revérsus est Abraham ad púeros suos, abierúntque Bersabée simul, et habitávit ibi.

Quinque sequentes Orationes sine Dóminus vobíscum dicantur : sed dicatur statim

Orémus

Oratio

DEUS, qui in Abrahæ fá-muli tui ópere, humano géneri obediéntiæ exémp-la præbuísti : concéde nobis, et nostræ voluntátis pravitatē

frángere; et tuórum præceptórum rectitúdinem in ómnibus adimplére : Per Dóminum.

Lectio secunda Deut. 31

IN diébus illis : Scripsit Móyses canticum, et dócuit filios Israël. Præcepítque Dóminus Jósue filio Nun, et ait : Confortáre, et esto robústus : Tu enim introduces filios Israël in terram, quam pollicitus sum, et ego ero tecum. Postquam ergo scripsit Móyses verba legis hujus in volúmine, atque complévit : præcépit Levítis, qui portábant arcam fœderis Dómini, dicens : Tól-lite librum istum, et pónite eum in látere arcæ fœderis Dómini Dei vestri : ut sit ibi contra te in testimónium. Ego enim scio contentiónem tuam, et cervicem tuam duríssimam. Adhuc vivénte me et ingrediénte vobíscum, semper contentióse egístis contra Dóminum : quanto magis cum mórtuus fuero? Congregáte ad me omnes majóres natu per tribus vestras, atque doctóres, et loquar audiéntibus eis sermónes istos, et invocábo contra eos cælum et terram. Noví enim quod post mortem meam inique agétis, et declinábitis cito de via, quam præcépi vobis : et occurrerent vobis mala in extrémó témpore, quando fecérítis malum in conspéctu Dómini, ut irritétis eum per ópera mánuum vestrárum. Locútus est ergo Móyses, audiénte univérso cœtu Israël, verba cárminis hujus, et ad finem usque complévit.

Tractus Deut. 32 Attēde cælum, et loquar : et áudiat terra verba ex ore meo. **℟.** Exspectétur sicut plúvia elóquium meum, et descēdant sicut ros verba mea, sicut imber super gramen. **℟.** Et sicut nix super fœnum : quia nomen Dómini invocábo. **℟.** Date magnitúdinem Deo nostro : Deus, vera ópera ejus, et omnes viæ ejus judicia. **℟.** Deus fidélis, in quo non est iníquitas : justus et sanctus Dóminus.

Orémus

Oratio

DEUS, qui nobis per Prophetárum ora præcepísti temporália relínquere, atque ad ætérna festináre; da fámulis tuis : ut quæ a te jussa cognóvimus; implére cælésti inspiratióne valeámus : Per Dóminum.

Lectio tertia

Isa. 4

APPREHENDENT septem mulieres virum unum in die illa, dicéntes : Panem nostrum comedémus, et vestiméntis nostris operiémur : tantúmmodo invocétur nomen tuum super nos, aufer opprobrium nostrum. In die illa erit germen Dómini in magnificéntia, et glória, et fructus terræ sublimis, et exsultatio his, qui salváti fúerint de Israël. Et erit : omnis qui relictus fúerit in Sion, et resíduus in Jerúsalem, sanctus vocábitur, omnis qui scriptus est in vita in Jerúsalem. Si ablúerit Dóminus sordes filiárum Sion, et ságuinem Jerúsalem láverit de médio ejus

in spíritu judícii, et spíritu ardóris. Et creábit Dóminus super omnem locum montis Sion, et ubi invocátus est, nubem per diem, et fumum et splendórem ignis flammántis in nocte : super omnem enim glóriam protéctio. Et tabernáculum erit in umbráculum diéi ab æstu, et in securitátem, et absconsiónem a túrbine, et a plúvia.

Tractus Isa. 5 Vínea facta est dilécto in cornu in loco úberi. **℟.** Et macériam circúmdedit, et circumsódit, et plantávit víneam Sorec, et ædificávit turrim in médio ejus. **℟.** Et tórcular fodit in ea : vínea enim Dómini Sábaoth domus Israël est.

Orémus

Oratio

DEUS, qui nos ad celebrándam hanc festivitátem utriúsque testaménti páginis instruis : da nobis intelligere misericórdiam tuam; ut ex perceptiône præsentium múnernum, firma sit exspectatio futurórum : Per Dóminum.

Lectio quarta

Bar. 3

AUDI Israël mandáta vitæ : áuribus pécipe, ut scias prudéntiam. Quid est Israël quod in terra inimicórum es? Inveterásti in terra aliéna, coinquinátus es cum mórtuis : deputátus es cum descendéntibus in inférnum. Dereliquísti fontem sapiéntiæ. Nam si in via Dei ambulásses, habitásses útique in pace sempitérna. Disce ubi sit prudéntia, ubi sit virtus, ubi sit intelléctus :

ut scias simul ubi sit longiturnitas vitæ et victus, ubi sit lumen oculorum, et pax. Quis invenit locum ejus? et quis intravit in thesauros ejus? Ubi sunt principes gentium, et qui dominantur super bestias, quæ sunt super terram? qui in avibus cæli ludunt, qui argentum thesaurizant, et aurum, in quo confidunt homines, et non est finis acquisitionis eorum? qui argentum fabricant, et solliciti sunt, nec est inventio operum illorum? Exterminati sunt, et ad inferos descendérunt, et alii loco eorum surrexérunt. Juvēnes vidérunt lumen, et habitavérunt super terram : Viam autem disciplinæ ignoravérunt, neque intellexérunt sémitas ejus, neque filii eorum susceperunt eam, a facie ipsorum longe facta est : Non est audita in Terra Chánaan, neque visa est in Theman. Filii quoque Agar, qui exquirunt prudentiam, quæ de terra est, negotiatores Merrhæ, et Theman, et fabulatores, et exquisitores prudentiæ et intelligentiæ : viam autem sapiëntiæ nesciérunt, neque commemorati sunt sémitas ejus. O Israël quam magna est domus Dei, et ingens locus possessionis ejus! Magnus est, et non habet finem : excelsus et immensus. Ibi fuérunt gigantes nominati illi, qui ab initio fuérunt, statúra magna, sciētes bellum. Non hos elégit Dóminus, neque viam disciplinæ invenérunt : propterea periérunt. Et quóniam non habuérunt sapien-

tiam, interiérunt propter suam insipientiam. Quis ascendit in cælum, et accépit eam, et eduxit eam de núbibus? Quis transfretávit mare, et invenit illam? et attulit illam super aurum eléctum? Non est qui possit scire vias ejus, neque qui exquirat sémitas ejus : Sed qui scit univérsa, novit eam, et adinvenit eam prudentia sua : Qui præparávit terram in ætérno témpore, et replévit eam pecúdis, et quadrupédibus : Qui emittit lumen, et vadit : et vocávit illud, et obédit illi in tremóre. Stellæ autem dedérunt lumen in custodiis suis, et lætætæ sunt : Vocætæ sunt, et dixerunt : Adsumus : Et luxérunt ei cum jucunditáte, qui fecit illas. Hic est Deus noster, et non æstimábitur álius adversus eum. Hic adinvenit omnem viam disciplinæ, et trádedit illam Jacob púero suo, et Israël dilécto suo. Post hæc in terris visus est, et cum homínibus conversátus est.

Orémus

Oratio

DEUS incommutábilis virtus, et lumen ætérnum; réspice propítius ad totius Ecclésiæ mirábile sacraméntum : et da fámulis tuis, ut quod devóte ágimus; étiam rectitúdine vitæ teneámus : Per Dóminum.

Tractus Ps. 41 Sicut cervus desiderat ad fontes aquarum : ita desiderat ánima mea ad te Deus. ✠. Sitívit ánima mea ad Deum vivum : quando véniam et apparébo ante faciē

Dei mei? **℟.** Fuérunt mihi lácrymæ meæ panes die ac nocte : dum dicitur mihi per singulos dies : Ubi est Deus tuus?

Orémus

Oratio

CONCEDE, quæsumus omnípotens Deus : ut qui solemnitatem doni Sancti Spíritus cólimus; cæléstibus desideríis accénsi, fontem vitæ sitiámus : Per Dóminum nostrum... in unitáte ejúsdem.

Finita hac Oratione, dicantur Litaníæ sicut in Sabbato Sancto, pag. 185. Quibus finitis, Sacerdos cum ministris ad altare accedens, facta inclinatione profunda, dicat : In nómine Patris, etc. Confitémini, etc. Confiteor, etc. quibus dictis simul cum Oratione solita ante altare, dicat Kýrie eléison, et post Kýrie eléison, incipiat more solito Glória in excélsis Deo.

Finito Glória in excélsis, Sacerdos dicat :

Dóminus vobíscum.

Orémus

Oratio

PRÆSTA, quæsumus omnipotens Deus : ut claritátis tuæ super nos splendor effúlgat; et lux tuæ lucis corda eórum, qui per grátiam tuam renáti sunt, Sancti Spíritus illustratióne confirmet : Per Dóminum... in unitáte ejúsdem.

Léctio Actuum Apostolorum.
c. 19

IN diébus illis : Factum est, cum Apóllō esset Corínthi, ut Paulus peragrátis superióribus pártibus veníret Ephesum, et inveníret quosdam discipulos : dixítque ad eos :

Si Spíritum Sanctum accepistis credéntes? At illi dixerunt ad eum : Sed neque si Spíritus Sanctus est, audívimus. Ille vero ait : In quo ergo baptizáti estis? Qui dixerunt : In Joánnis baptísmate. Dixit autem Paulus : Joánnes baptizávit baptismo pœniténtiæ pópulum, dicens : in eum, qui ventúrus esset post ipsum, ut créderent, hoc est, in Jesum. His auditis, baptizáti sunt in nómine Dómini Jesu. Et cum imposuísset illis manus Paulus, venit Spíritus Sanctus super eos, et loquebántur linguis, et prophetábant. Erant autem omnes viri fere duódecim. Introgréssus autem synagógam, cum fidúcia loquebátur per tres menses, disputans, et suádens de regno Dei.

Allelúia, allelúia. **℟.** Ps. 106
Confitémini Dómino quóniam bonus : quóniam in sáeculum misericórdia ejus.

Non repetitur Allelúia, sed immediate sequitur

Tractus Ps. 116 Laudáte Dóminum omnes gentes : et colaudáte eum omnes pópuli. **℟.** Quóniam confirmáta est super nos misericórdia ejus : et véritas Dómini manet in ætérnum.

Ad Evangelium thus et cerei deferantur.

✠ Sequéntia sancti Evangélíi
secúndum Joánnem. c. 14

IN illo témpore : Dixit Jesus discipulis suis : Si diligitis me : mandáta mea serváte. Et

ego rogábo Patrem, et álium Paráclitum dabit vobis, ut máneat vobiscum in ætérnum, Spíritum veritátis, quem mundus non potest accipere, quia non videt eum, nec scit eum. Vos autem cognoscétis eum : quia apud vos manébit, et in vobis erit. Non relinquam vos órphanos : véniam ad vos. Adhuc módicum : et mundus me jam non videt. Vos autem vidétis me : quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea, et servat ea : ille est, qui diligit me. Qui autem diligit me, diligétur a Patre meo : Et ego diligam eum, et manifestábo ei meípsum.

Non dicatur Credo.

Offertorium Ps. 103 Emitte Spíritum tuum, et creabúntur, et renovábis fáciem terræ : sit glória Dómini in sæcula, allelúia.

Secreta

MUNERA, quæsumus, Dómine obláta sanctifica, et corda nostra Sancti Spíritus illustratióne emúnda. Per Dóminum... in unitáte ejúsdem.

Præfatio Qui ascéndens, et Comunicántes, et Hanc igitur.

Communio Joan. 7 Ultimo festivitátis die dicébat Jesus : Qui in me credit, flúmina de ventre ejus fluent aquæ vivæ. Hoc autem dixit de Spíritu, quem acceptúri erant credéntes in eum, allelúia, allelúia.

Postcommunio

SANCTI Spíritus, Dómine, corda nostra mundet infúsió; et sui roris íntima aspersiόne fecúndet. Per Dóminum nostrum... in unitáte ejúsdem.

In Missis privatis hujus Vigiliæ, omissis Prophetiis, Orationibus et Litaniiis, Missa in hunc modum incipiatur.

Officium Ezech. 36

CUM sanctificátus fúero in vobis, congregábo vos de univérsis terris : et effúdam super vos aquam mundam, et mundabimini ab ómnibus inquinaméntis vestris : et dabo vobis spíritum novum, allelúia, allelúia. **℟. Ps. 33** Benedicam Dóminum in omni témpore : semper laus ejus in ore meo. Glória Patri.

Deinde dicitur Kýrie, et Glória in excélsis Deo, et alia ut supra.



DOMINICA PENTECOSTES

Totum Duplex I classis cum Octava solemnissima

Statio ad S. Petrum

Officium

Sap. 1

SPIRITUS Dómini replévit orbem terrárum, allelúia : et hoc, quod cóninet omnia, sciéntiam habet vocis, allelúia, allelúia, allelúia. **℟. Ps. 67** Confirma hoc Deus, quod operátus es in nobis : a templo tuo, quod est in Jerúsalem. **Glória Patri. Glória in excélsis.**

Oratio

DEUS, qui hodiérna die corda fidélium Sancti Spíritus illustratióne docuisti : da nobis in eódem Spíritu recta sápere; et de ejus semper consolatióne gaudére : Per Dóminum nostrum Jesum Christum Fílium tuum; qui tecum vivit et regnat in unitáte ejúsdem.

Lectio Actuum Apostolorum.
c. 2

CUM compleréntur dies Pentecóstes, erant omnes discípuli páriter in eódem loco : Et factus est repénite de cælo sonus, tamquam adveniéntis spiritus veheméntis, et replévit totam domum ubi erant

sedéntes. Et apparuérunt illis dispertitæ linguæ tamquam ignis, sedítque supra singulos eórum : Et repléti sunt omnes Spíritu Sancto, et cœpérunt loqui váriis linguis, prout Spíritus Sanctus dabat éloqui illis. Erant autem in Jerúsalem habitántes Judæi, viri religiósi ex omni natióne, quæ sub cælo est. Facta autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes. Stupébant autem omnes, et mirabántur, dicéntes : Nonne ecce omnes isti, qui loquúntur, Galilæi sunt, et quómodo nos audívimus unusquisque linguam nostram, in qua nati sumus? Parthi, et Medi, et Ælamítæ, et qui hábitant Mesopotámiam, Judæam, et Cappadóciam, Pontum, et Asiam, Phrýgiam, et Pamphýliam, Ægýptum, et partes Libyæ, quæ est circa Cyrénen, et ádvenæ Románi, Judæi quoque, et Prosélyti, Cretes, et Arabes : audívimus eos loquéntes nostris linguis magnália Dei.

Allelúia, allelúia. ℟. Ps. 103
Emitte Spíritum tuum, et crea-

búntur : et renovábis faciém terræ.

Dum cantatur sequens *℣.* surgant Sacerdos et ministri. et stent usque ad Reple, Chorus vero genua flectat; item genuflectat Sacerdos in Missis privatis.

Allelúia. *℣.* VENI SANCTE SPIRITUS : reple tuórum corda fidélium, et tui amóris in eis ignem accénde.

Sequentia

VENI Sancte Spíritus, et emitte cælitus lucis tuæ rádiū.

Veni pater páuperum, veni dator múnorum, veni lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéris, in fletu solátium.

O lux beatissima, reple cordis íntima tuórum fidélium.

Sine tuo númine nihil est in hómine, nihil est innóxiū.

Lava quod est sórdidum, riga quod est áridum, sana quod est saucium.

Flecte quod est rigidum, fove quod est frigidum, rege quod est devium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium. Amen. Allelúia.

✠ **Sequentia** sancti Evangélii secúndum Joánnem. **c. 14**

IN illo témpore : Dixit Jesus discipulis suis : Si quis diligit me, sermónem meum

servábit, et Pater meus diliget eum, et ad eum veniémus, et mansiónem apud eum faciémus : Qui non diligit me, sermónes meos non servat. Et sermónem, quem audistis, non est meus : sed ejus, qui misit me, Patris. Hæc locútus sum vobis, apud vos manens. Paráclitus autem Spíritus Sanctus, quem mittet Pater in nómine meo, ille vos docébit ómnia, et sùggeret vobis ómnia, quæcúmque díxero vobis. Pacem relínquo vobis, pacem meam do vobis : Non quómodo mundus dat, ego do vobis. Non turbétur cor vestrum, neque formidet. Audistis quia ego dixi vobis, Vado, et vénio ad vos. Si diligerétis me, gauderétis útique, quia vado ad Patrem : quia Pater major me est. Et nunc dixi vobis priúsqvam fiat : ut cum factum fúerit, credátis. Jam non multa loquar vobiscum. Venit enim princeps mundi hujus, et in me non habet quidquam. Sed ut cognóscat mundus quia díligo Patrem, et sicut mandátum dedit mihi Pater, sic fácio. **Credo.**

Offertorium Ps. 67 Confirma hoc Deus, quod operátus es in nobis : a templo tuo, quod est in Jerúsalem, tibi ófferent reges múnera, allelúia.

Secreta

MUNERA, quæsumus Dómine, obláta sanctifica, et corda nostra Sancti Spíritus illustratióne emúnda. Per Dóminum... in unitáte ejúsdem.

Præfatio Qui ascēdens, et Comunicāntes, et Hanc igitur. **Dicantur per Hebdomadam usque ad Sabbatum inclusive.**

Communio Act. 2 Factus est repēte de cælo sonus adveniēntis spīritus vehemēntis, ubi erant sedētes, allelūia : et replēti sunt omnes Spīritu Sancto, loquētes magnālia Dei, allelūia, allelūia.

Postcommunio

SANCTI Spīritus, Dōmine, corda nostra mundet infūsio; et sui roris intima aspersiōne fecūdet : Per Dōminum nostrum Jesum Christum Fīlium tuum; qui tecum vivit et regnat in unitate ejūdem.

FERIA SECUNDA

Totum Duplex I classis

Statio ad S. Petrum ad Vincula

Officium

Ps. 80

CIBAVIT eos ex ādipe frumēnti, allelūia : et de petra, melle saturāvit eos, allelūia, allelūia, allelūia. **℟.** Exsultāte Deo adjutori nostro : jubilāte Deo Jacob. Glōria Patri. Glōria in excēlsis.

Oratio

DEUS, qui Apōstolis tuis Sanctum dedisti Spīritum : concēde plebi tuæ piæ petitiōnis effēctum; ut quibus dedisti fidem, largiāris et pacem : Per Dōminum... in unitate ejūdem.

Lectio Actuum Apostolorum.

c. 10

IN diēbus illis : Apēriens Petrus os suum, dixit : Viri fratres, nobis præcepit

Dōminus prædicāre pōpulo, et testificāri, quia ipse est, qui constitūtus est a Deo iudex vivōrum, et mortuōrum. Huic omnes prophætæ testimōnium pērhībent, remissionem peccatōrum accipere per nomen ejus omnes, qui credunt in eum. Adhuc loquēte Petro verba hæc, cecidit Spīritus Sanctus super omnes, qui audiēbant verbum. Et obstupuerunt ex circumcisiōne fidēles, qui vēnerant cum Petro : quia et in natiōnes grātia Spīritus Sancti effūsa est. Audiēbant enim illos loquētes linguis, et magnificāntes Deum. Tunc respōndit Petrus : Numquid aquam quis prohibēre potest ut non baptizēntur hi, qui Spīritum Sanctum accepērunt sicut et nos? Et jussit eos baptizāri in nōmine Dōmini Jesu Christi.

Allelūia, allelūia. **℟.** Spīritus Sanctus procēdens a throno, Apostolorum pēctora invisibili hōdie perlustrāvit potēntia.

Allelūia. **℟. Sap. 1** Spīritus Dōmini replēvit orbem terrarum : et hoc, quod cōtinet omnia, sciēntiam habet vocis.

Sequentia, ut in die Pentecostes.

✠ **Sequentia sancti Evangēlii** secūndum Joānnem. **c. 3**

IN illo tēpore : Dixit Jesus Nicodēmo : Sic Deus dilexit mundum, ut Fīlium suum unigēnitum daret : ut omnis, qui credit in eum, non péreat, sed hābeat vitam ætērnā. Non enim misit Deus Fīlium suum in mundum, ut iudicet

mundum, sed ut salvétur mundus per ipsum. Qui credit in eum, non judicátur : Qui autem non credit, jam judicátus est : quia non credit in nómine unigéniti Filii Dei. Hoc est autem iudícium : quia lux venit in mundum, et dilexérunt hómines magis ténebras, quam lucem : Erant enim eórum mala ópera. Omnis enim, qui male agit, odit lucem, et non venit ad lucem, ut non arguántur ópera ejus : Qui autem facit veritátem, venit ad lucem, ut manifesténtur ópera ejus, quia in Deo sunt facta.

Credo.

Offertorium Ps. 17 Intónuit de cælo Dóminus, et Altíssimus dedit vocem suam : et apparuérunt fontes aquárum, allelúia.

Secreta

PROPITIUS, Dómine quæsumus, hæc dona sanctifica, et hóstiæ spirituális oblatióne suscepta, nosmetípsos tibi pérfice munus ætérnum. Per Dóminum.

Communio Joan. 14 Spíritus Sanctus docébit vos, allelúia, quæcúmque díxero vobis, allelúia, allelúia.

Postcommunio

ADESTO, quæsumus Dómine, pópulo tuo : et quem mystériis cæléstibus imbuísti; ab hóstium furóre defénde : Per Dóminum.

FERIA TERTIA

Totum Duplex I classis

Statio ad S. Anastasiam

Officium

4 Esd. 2

ACCIPITE jucunditátem glóriæ vestræ, allelúia : grátias ágéntes Deo, allelúia, qui vos ad cæléstia regna vocávit, allelúia, allelúia, allelúia. **℟. Ps. 77** Atténdite pópule meus legem meam : inclináte aurem vestram in verba oris mei. **G**lória Patri. **G**lória in excélsis.

Oratio

ADSIT nobis, quæsumus Dómine, virtus Spíritus Sancti : quæ et corda nostra cleménter expúrget; et ab ómnibus tueátur advérsis : Per Dóminum nostrum... in unitáte ejusdem.

Lectio Actuum Apostolorum.

c. 8

IN diébus illis : Cum audissent Apóstoli, qui erant Jerosólymis, quod recepisset Samaria verbum Dei, misérunt ad eos Petrum, et Joánnem : Qui cum venissent, oravérunt pro ipsis ut acciperent Spíritum Sanctum : Nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum Sanctum.

Allelúia, allelúia. ℟. Act. 2 Loquebántur váriis linguis Apóstoli magnália Dei.

Allelúia. ℟. Joan. 14 Non vos relinqvam órphanos :

vado, et vénio ad vos : et gaudébit cor vestrum.

Sequentia, ut in die Pentecostes.

✠ **Sequentia sancti Evangélii**
secúndum Joánnem. **c. 10**

IN illo témpore : Dixit Jesus Phariséis : Amen, amen dico vobis : qui non intrat per óstium in ovile óvium, sed ascéndit aliúnde : ille fur est, et latro. Qui autem intrat per óstium, pastor est óvium. Huic ostiárius áperit, et oves vocem ejus áudiunt, et próprias oves vocat nominátim, et edúcit eas. Et cum próprias oves emiserit, ante eas vadit : et oves illum sequúntur, quia sciunt vocem ejus. Aliénium autem non sequúntur, sed fúgiunt ab eo : quia non novérunt vocem alienórum. Hoc provérbium dixit eis Jesus. Illi autem non cognovérunt quid loquerétur eis. Dixit ergo eis iterum Jesus : Amen, amen dico vobis, quia ego sum óstium óvium. Omnes quotquot venérunt, fures sunt, et latrónes, et non audiérunt eos oves. Ego sum óstium. Per me si quis introíerit, salvábitur : et ingrediétur, et egrediétur, et páscua invéniet. Fur non venit nisi ut furétur, et mactet, et perdat. Ego veni ut vitam hábeant, et abundántius hábeant.

Credo.

Offertorium Ps. 77 Portas cæli apérui Dóminus, et pluit illis manna, ut éderent : panem cæli dedit eis, panem Angelórum manducávit homo, allelúia.

Secreta

PURIFICET nos, quæsumus Dómine, múnieris præséntis oblátio, et dignos sacra participatióne efficiat. Per Dóminum.

Communio Joan. 15 Spíritus, qui a Patre procédit, allelúia, ille me clarificábit, allelúia, allelúia.

Postcommunio

MENTES nostras, quæsumus Dómine, Spíritus Sanctus divinis réparet sacraméntis; quia ipse est remissio ómnium peccatórum : Per Dóminum... in unitáte ejúsdem.

FERIA QUARTA

Quatuor Temporum

Statio ad S. Mariam majorem

Officium

Ps. 67

DEUS dum egredereris coram pópulo tuo, allelúia, iter fáciens eis, allelúia, hábitans in illis, allelúia, allelúia. **℟.** Exsúrgat Deus, et dissipéntur inimíci ejus, et fúgiant qui odérunt eum, a fácie ejus. **Glória Patri. Glória in excélsis.**

Non dicatur Dóminus vobíscum, sed

Orémus

Oratio

MENTES nostras, quæsumus Dómine, Paráclitus, qui a te procédit, illúminet; et indúcat in omnem, sicut tuus promísit Filius, veritátem : Qui tecum... in unitáte ejúsdem.

Lectio Actuum Apostolorum.

c. 2

IN diébus illis : Stans Petrus cum undecim, levávit vocem suam, et locútus est eis : Viri Judæi, et qui habitátis Jerúsalem univérsi, hoc vobis notum sit, et áuribus percípите verba mea. Non enim, sicut vos æstimátis, hi ébrii sunt, cum sit hora diéi tértia : sed hoc est, quod dictum est per prophétam Joél : Et erit in novíssimis diébus (dicit Dóminus) effúdam de Spíritu meo super omnem carnem : Et prophetábunt filii vestri, et filiæ vestræ, et júvenes vestri visiones vidébunt, et senióres vestri sómnia somniábunt. Et quidem super servos meos, et super ancillas meas in diébus illis effúdam de Spíritu meo, et prophetábunt : Et dabo prodígia in cælo sursum, et signa in terra deórsum, sánguinem et ignem et vapórem fumi : Sol convertétur in ténebras, et luna in sánguinem, ántequam véniat dies Dómini magnus et manifestus. Et erit : omnis, quicúmque invocáverit nomen Dómini, salvus erit.

Allelúia. *℟.* Sap. 1 Spíritus Dómini replévit orbem terrarum : et hoc, quod cóntinet ómnia, sciéntiam habet vocis.

Dóminus vobíscum.

Orémus

Oratio

PRÆSTA, quæsumus omnipotens et miséricors Deus; ut Spíritus Sanctus advéniens, templum nos glóriæ suæ dignánter inhabitándo perficiat :

Per Dóminum... in unitáte ejúsdem.

Lectio Actuum Apostolorum.

c. 5

IN diébus illis : Per manus autem Apostolorum fiébant signa, et prodígia multa in plebe. Et erant unanímiter omnes in pórticu Salomónis. Ceterórum autem nemo audébat se conjúngere illis : sed magnificábat eos pópulus. Magis autem augebátur credéntium in Dómino multitúdo virórum, ac mulierum, ita ut in platéas ejícerent infirmos, et pónerent in léctulis ac grabátis, ut, veniénte Petro, saltem umbra illíus obumbráret quemquam illórum, et liberarentur ab infirmitátibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos a spirítibus immúndis : qui curabántur omnes.

Allelúia, allelúia. *℟.* Act. 2 Factus est repénite de cælo sonus adveníéntis spíritus veheméntis. Allelúia.

✠ Sequéntia sancti Evangélii secundum Joánnem. c. 6

IN illo témpore : Dixit Jesus turbis Judæórum : Nemo potest venire ad me, nisi Pater, qui misit me, tráxerit eum : Et ego resuscitábo eum in novíssimo die. Est scriptum in prophétis : Et erunt omnes docíbiles Dei. Omnis, qui audívit a Patre, et didicit, venit ad me. Non quia Patrem vidit quisquam, nisi is, qui est a Deo, hic vidit Patrem. Amen,

amen dico vobis : qui credit in me, habet vitam æternam. Ego sum panis vitæ. Patres vestri manducaverunt manna in deserto, et mortui sunt. Hic est panis de cælo descendens : ut si quis ex ipso manducaverit, non moriatur. Ego sum panis vivus, qui de cælo descendendi. Si quis manducaverit ex hoc pane, vivet in æternum : Et panis, quem ego dabo, caro mea est pro mundi vita.

Credo.

Offertorium Ps. 118 Meditabor in mandatis tuis, quæ dilexi valde : et levabo manus meas ad mandata tua, quæ dilexi, allelúia.

Secreta

ACCIPE, quæsumus Dómine, munus oblatum : et dignanter operáre, ut quod mystériis ágimus, piis afféctibus celebrémus. Per Dóminum.

Communio Joan. 14 Pacem meam do vobis, allelúia : pacem relinquo vobis, allelúia, allelúia.

Postcommunio

SUMENTES, Dómine, cælestia sacramenta, quæsumus cleméntiam tuam : ut quod temporaliter gérimus; æternis gaudiis consequámur : Per Dóminum.

FERIA QUINTA

Statio ad S. Laurentium extra muros

Officium

Sap. 1

SPIRITUS Dómini replévit orbem terrarum, allelúia : et hoc, quod continet ómnia, sciéntiam habet

vocis, allelúia, allelúia, allelúia. **℟. Ps. 67** Confirma hoc Deus, quod operátus es in nobis : a templo tuo, quod est in Jerúsalem. Glória Patri. Glória in excelsis.

Oratio

DEUS, qui hodiérna die corda fidélium Sancti Spiritus illustratióne docuisti : da nobis in eódem Spiritu recta sápere; et de ejus semper consolatióné gaudére : Per Dóminum... in unitáte ejúsdem.

Lectio Actuum Apostolorum.

c. 8

IN diébus illis : Philippus descendens in civitatem Samariæ, prædicábat illis Christum. Intendébant autem turbæ his, quæ a Philippo dicebantur, unánimiter audiéntes, et vidéntes signa quæ faciébat. Multi enim eórum, qui habébant spíritus immúndos, clamántes voce magna exibant. Multi autem paralytici, et claudi curáti sunt. Factum est ergo gáudium magnum in illa civitate.

Allelúia, allelúia. ℟. Ps. 103 Emítte Spíritum tuum, et creabúntur : et renovábis faciém terræ.

Allelúia. ℟. Joan. 14 Paráclitus Spíritus Sanctus, quem mittet Pater in nómine meo, ille vos docébit omnem veritatem. Allelúia.

✠ **Sequéntia sancti Evangélíi** secúndum Lucam. **c. 9**

IN illo témpore : Convocatís Jesus duódecim Apóstolis, dedit illis virtútem, et potestá-

tem super ómnia dæmónia, et ut languóres curárent. Et misit illos prædicáre regnum Dei, et sanáre infirmos. Et ait ad illos : Nihil tuléritis in via, neque virgam, neque peram, neque panem, neque pecúniam, neque duas tunicas habéatis. Et in quamcúmque domum intravéritis, ibi manéte, et inde ne exeátis. Et quicúmque non recéperint vos : exeúntes de civitaté illa, étiam púlverem pedum vestrórum excútite in testimónium supra illos. Egréssi autem circuíbant per castélla, evangelizántes, et curántes ubique. **Credo.**

Offertorium Ps. 67 Confirma hoc Deus, quod operátus es in nobis : a templo tuo, quod est in Jerúsalem, tibi ófferent reges múnera, allelúia.

Secreta

MUNERA, quæsumus Dómine, obláta sanctifica, et corda nostra Sancti Spíritus illustratióne emúnda. Per Dóminum... in unitáte ejúsdem.

Communio Act. 2 Factus est repénite de cælo sonus adveniéntis spíritus veheméntis, ubi erant sedéntes, allelúia : et repléti sunt omnes Spíritu Sancto, loquéntes magnália Dei, allelúia, allelúia.

Postcommunio

SANCTI Spíritus, Dómine, corda nostra mundet infúsió; et sui roris íntima aspersiόne fecúndet : Per Dóminum... in unitáte ejúsdem.

FERIA SEXTA

Quatuor Temporum

Statio ad SS. duodecim Apostolos

Officium

Ps. 70

REPLEATUR os meum laude tua, allelúia, ut possim cantáre, allelúia : gaudébunt lábia mea dum cantávero tibi, allelúia, allelúia. **℟.** In te Dómine sperávi, non confúndar in ætérnum : in justitia tua libera me, et éripe me. **Glória Patri. Glória** in excélsis.

Oratio

DA, quæsumus, Ecclesiæ tuæ miséricors Deus; ut Sancto Spíritu congregáta, hostíli nullátenuis incursiόne turbétur : Per Dóminum... in unitáte ejúsdem.

Lectio Joélis Prophætæ. c. 2

HÆC dicit Dóminus Deus : Exsultáte filii Sion, et lætámini in Dómino Deo vestro : quia dedit vobis doctórem justitiæ, et descendere fáciat ad vos imbrem matutinum et serótinum sicut in principio. Et implebúntur áreæ fruménto, et redundábunt torculária vino, et óleo. Et comedétis vescéntes, et saturabimini : et laudábitis nomen Dómini Dei vestri, qui fecit mirabilia vobiscum : et non confundétur pópulus meus in sempitérnum. Et sciétis quia in médio Israél ego sum : Et ego Dóminus Deus vester, et non est ámplius : et non confundétur pópulus meus in

æternum. Ait Dóminus omnipotens.

Allelúia, allelúia. V. Act. 2 Dum compleréntur dies Pentecóstes, erant omnes páriter dicétes.

Allelúia. V. Hic genuflectitur : VENI SANCTE SPIRITUS : reple tuórum corda fidélium, et tui amoris in eis ignem accénde. Allelúia.

✠ **Sequéntia sancti Evangélii** secúndum Lucam. c. 5

IN illo témpore : Factum est in una diérum, et Jesus sedébat docens. Et erant Pharisæi sedétes, et legis doctóres, qui vénerant ex omni castélló Galilææ, et Judææ, et Jerúsalem : et virtus Dómini erat ad sanándum eos. Et ecce viri portátes in lecto hóminem, qui erat paralýticus : et quærébant eum inférre, et póneré ante eum. Et non inveniéntes qua parte illum inférrent præ turba, ascendérunt supra tectum, et per tégulas submisérunt eum cum lecto in médium ante Jesum. Quorum fidem ut vidit, dixit : Homo, remittúntur tibi peccáta tua. Et cœpérunt cogitáre Scribæ, et Pharisæi, dicétes : Quis est hic, qui lóquitur blasphemias? Quis potest dimittere peccáta, nisi solus Deus? Ut cognóvit autem Jesus cogitationes eórum, respóndens, dixit ad illos : Quid cogitátis in córdibus vestris? Quid est facilius dicere, Dimittúntur tibi peccáta : an dicere, Surge, et ámbula? Ut autem sciátis

quia Fílius hóminis habet potestátem in terra dimitténdi peccáta, (ait paralýtico) : Tibi dico, surge, tolle lectum tuum, et vade in domum tuam. Et conféstim consúrgens coram illis, tulit lectum, in quo jacébat : et ábiit in domum suam, magnificans Deum. Et stupor apprehéndit omnes, et magnificábant Deum. Et repléti sunt timóre, dicétes, Quia vidimus mirabilia hódie. **Credo.**

Offertorium Ps. 145 Lauda ánima mea Dóminum, laudábo Dóminum in vita mea : psallam Deo meo quámdiu ero, allelúia.

Secreta

SACRIFICIA, Dómine, tuis obláta conspéctibus, ignis ille divínus assúmat, qui discipulórum Christi Fílii tui per Spíritum Sanctum corda succéndit. Per eúndem... in unitáte ejúsdem.

Communio Joan. 3 Spíritus ubi vult spirat : et vocem ejus audis, allelúia, sed nescis unde véniat, aut quo vadat, allelúia, allelúia, allelúia.

Postcommunio

SUMPSIMUS, Dómine, sacri dona mystérii, humiliter deprecátes : ut quæ in tui commemoratióne nos fácere præcepísti; in nostræ proficiant infirmitátis auxílium : Qui vivis.

SABBATO

Quatuor Temporum

Statio ad S. Petrum

Officium

Rom. 5

CARITAS Dei diffusa est in córdibus nostris, allelúia, per inhabitántem Spíritum ejus in nobis, allelúia, allelúia. *℣. Ps. 87* Dómine Deus salutis meæ : in die clamávi, et nocte coram te. Glória Patri. Glória in excélsis.

Quinque Orationes sequentes dicantur sine Dóminus vobiscum... sed dicatur

Orémus

Oratio

MENTIBUS nostris, quæsumus Dómine, Spíritum Sanctum benígnus infúnde : cujus et sapiéntia cónditi sumus; et providéntia gubernámur : Per Dóminum... in unitáte ejusdem.

Lectio Joélis Prophétæ. c. 2

HÆC dicit Dóminus Deus : Effúndam spíritum meum super omnem carnem : et prophetábunt filii vestri, et filiae vestrae : Senes vestri sómnia somniábunt, et júvenes vestri visiones vidébunt. Sed et super servos meos, et ancillas in diébus illis effúndam spíritum meum. Et dabo prodigia in cælo et in terra, sánguinem et ignem et vapórem fumi. Sol convertétur in ténebras, et luna in sánguinem : ántequam véniat dies Dómini magnus et horribilis. Et erit : omnis qui invocáverit nomen Dómini, salvus erit.

Allelúia. *℣. Ps. 103* Emitte Spíritum tuum, et creabúntur : et renovábis fáciem terræ.

Orémus

Oratio

ILLO nos igne, quæsumus Dómine, Spíritus Sanctus inflámmet : quem Dóminus noster Jesus Christus misit in terram; et vóluit veheménter accénderi : Qui tecum... in unitáte ejusdem.

Lectio Libri Levítici. c. 23

IN diébus illis : Locútus est Dóminus ad Móysen, dicens : Lóquere filiis Israél, et dices ad eos : Cum ingrési fuéritis terram, quam ego dabo vobis, et messuéritis ségetem, ferétis manipulos spicárum, primitias messis vestrae ad sacerdotem : Qui elevábit fasciculum coram Dómino, ut acceptábile sit pro vobis, áltero die sábbati, et sanctificábit illum. Numerábitis ergo ab áltero die sábbati, in quo obtulistis manipulum primitiárum, septem hebdomadas plenas, usque ad álteram diem expletiónis hebdomadae séptimæ, id est quinquaginta dies : et sic offerétis sacrificium novum Dómino ex ómnibus habitáculis vestris, panes primitiárum duos de duábus décimis similæ fermentatæ, quos coquétis in primitias Dómini. Et vocábitis hunc diem celeberrimum, atque sanctíssimum : Omne opus servile non faciétis in eo. Legítimum sempitérnum erit in cunctis habitáculis, et generatiónibus vestris. Dicit Dóminus omnípotens.

Allelúia. V. Act. 2 Loquebántur váriis linguis Apóstoli magnália Dei.

Orémus

Oratio

DEUS, qui ad animárum medélam, jejúnii devotíone castigári córpora præcepísti; concède nobis propítius, et mente et córpore tibi semper esse devótos : Per Dóminum.

Léctio Libri Deuteronomii.

c. 26

IN diébus illis : Dixit Móyses filiis Israél : Audi Israél, quæ ego præcipio tibi hódie. Cum intráveris Terram, quam Dóminus Deus tuus tibi datúrus est possidéndam, et obtinúeris eam, atque habitáveris in ea : tolles de cunctis frúgibus tuis primitias, et pones in cartállo, pergésque ad locum, quem Dóminus Deus tuus elégerit, ut ibi invocétur nomen ejus : Accedésque ad sacerdotem, qui fúerit in diébus illis, et dices ad eum : Profiteor hódie coram Dómino Deo tuo, qui exaudivit nos, et respéxit humilitátem nostram, et labórem, atque angústiam : et edúxit nos de Ægýpto in manu forti, et bráchio exténto, in ingénti pavóre, in signis atque porténtis : et introduxit ad locum istum, et trádedit nobis Terram lacte et melle manántem. Et idcírco nunc óffero primitias frugum Terræ, quam Dóminus dedit mihi. Et dimittes eas in conspéctu Dómini Dei tui, et adoráto Dómino Deo tuo. Et epulá-

beris in ómnibus bonis, quæ Dóminus Deus tuus déderit tibi.

Allelúia. V. Act. 2 Factus est repénite de cælo sonus adveniéntis spíritus veheméntis.

Orémus

Oratio

PRÆSTA, quæsumus omnipotens Deus : ut salutáribus jejúniis erudíti; ab ómnibus étiam vitiis abstinéntes, propitiatiónem tuam facilius impetrémus : Per Dóminum.

Léctio Libri Levítici. c. 26

IN diébus illis : Dixit Dóminus ad Móysen : Lóquere filiis Israél, et dices ad eos : Si in præcéptis meis ambulavéritis, et mandáta mea custodiéritis, et fecéritis ea, dabo vobis plúvias tempóribus suis, et terra gignet germen suum, et pomis árbores replebúntur. Apprehéndet méssium tritúra vindémiam, et vindémia occupábit seméntem : Et comedétis panem vestrum in saturitáte, et absque pavóre habitábitis in terra vestra. Dabo pacem in finibus vestris : Dormiétis, et non erit qui extérreat. Auferram malas béstias : et gládus non transíbit términos vestros. Persequémini inimícos vestros, et córruent coram vobis. Persequéntur quinque de vestris centum aliénos, et centum de vobis decem míllia : Cadent inimíci vestri gládio in conspéctu vestro. Respiciam vos, et créscere fáciam : Multiplicabímmini, et firmábo pactum meum vobíscum. Comedétis vetustíssima véterum, et

vétera novis superveniéntibus projiciétis. Ponam tabernáculum meum in médio vestri, et non abjiciet vos ánima mea. Ambulábo inter vos, et ero Deus vester, vosque éritis pópulus meus. Dicit Dóminus omnipotens.

Allelúia. V. Hic genuflectitur : VENI SANCTE SPIRITUS : reple tuórum corda fidélium, et tui amóris in eis ignem accénde.

Orémus

Oratio

PRÆSTA, quæsumus omnipotens Deus, sic nos ab épulis carnálibus abstinére; ut a vítiis irruéntibus páriter jejunémus : Per Dóminum.

Léctio Daniélis Prophétæ. c. 3

IN diébus illis : Angelus Dómini descendit cum Azaría, et sóciis ejus in fornácem : et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem : et erúpit, et incéndit quos réperit juxta fornácem de Chaldæis, ministros regis, qui eam incendébant. Et non tégit eos omnino ignis, neque contristávit, nec quidquam moléstiae intulit. Tunc hi tres quasi ex uno ore laudábant, et glorificábant et benedicébant Deum in fornáce, dicéntes.

Allelúia. V. Dan. 31 Benedictus es Dómine Deus patrum nostrórum : et laudábilis in sæcula. Allelúia.

Dóminus vobíscum.

Orémus

Oratio

DEUS, qui tribus púeris mitigásti flammam ignium; concéde propítius, ut nos fámulos tuos non exúrat flamma vitiórum : Per Dóminum.

Léctio Epístolæ beáti Pauli Apóstoli ad Romános. c. 5

FRATRES : Justificáti ex fide, pacem habeamus ad Deum per Dóminum nostrum Jesum Christum : Per quem et habémus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatióibus : sciéntes quod tribulatio patiéntiam operátur : patiéntia autem probatióem, probatio vero spem, spes autem non confúndit : quia caritas Dei diffúsa est in córdibus nostris per Spíritum Sanctum, qui datus est nobis.

Allelúia. V. Ps. 116 Laudáte Dóminum omnes gentes, et collaudáte eum omnes pópuli. Allelúia.

✠ *Sequéntia sancti Evangélii secúndum Lucam. c. 4*

IN illo témpore : Surgens Jesus de synagóga, introiit in domum Simónis. Socrus autem Simónis tenebátur magnis fébris : Et rogavérunt illum pro ea. Et stans super illam imperávit febrí : et dimísit illam. Et continuo surgens, ministrábat illis. Cum autem sol occidisset : omnes, qui habébant infirmos váriis

languoribus, ducébant illos ad eum. At ille singulis manus impónens, curábat eos. Exí-
bant autem dæmónia a multis clamántia, et dicéntia, Quia tu es Filius Dei : Et increpans non sinébat ea loqui : quia sciébant ipsum esse Christum. Facta autem die egréssus ibat in désertum locum, et turbæ requirébant eum, et venérunt usque ad ipsum : et detinébant illum ne discéderet ab eis. Quibus ille ait : Quia et áliis civitatibus opórtet me evangelizáre regnum Dei : quia ídeo missus sum. Et erat prædicans in synagógis Galilææ.

Credo.

Offertorium Ps. 87 Dómine Deus salútis meæ, in die clamávi, et nocte coram te : intret

orátio mea in conspéctu tuo Dómine, allelúia.

Secreta

UT accépta tibi sint, Dómine, nostra jejúnia : præsta nobis, quæsumus, hujus múnere sacraménti purificátum tibi pectus offérre. Per Dóminum.

Communio Joan. 14 Non vos relinquam órphanos : véniam ad vos íterum, allelúia : et gaudébit cor vestrum, allelúia, allelúia.

Postcommunio

PRÆBEANT nobis, Dómine, divínium tua sancta fervórem; quo eórum páriter et actu delectémur, et fructu : Per Dóminum nostrum Jesum Christum.

IN FESTO SANCTISSIMÆ TRINITATIS

Totum Duplex I classis cum Octava solemni

Officium

Tob. 12

BENEDICTA sit sancta Trinitas, atque indivisa únit-
tas : confitébimur ei, quia fecit nobíscum misericórdiam suam. ✠. Benedicámus Patrem, et Fílium, cum Sancto Spíritu. Glória Patri. Glória in excélsis.

Oratio

OMNIPOTENS sempitérne Deus, qui dedísti fámulis tuis in confessióne veræ fidei,

ætérnæ Trinitátis glóriam agnóscere : et in poténtia majestátis adoráre unitátem; quæsumus, ut ejúsdem fidei firmitáte, ab ómnibus semper muniámur advérsis : Per Dóminum nostrum Jesum Christum Fílium tuum : Qui tecum.

Lectio Epístolæ beáti Pauli Apóstoli ad Romános. c. 11

OALTITUDO divitiárum sapiéntiæ, et sciéntiæ Dei : quam incomprehensibília sunt

judicia ejus, et investigabiles viæ ejus! Quis enim cognóvit sensum Dómini? Aut quis consiliárius ejus fuit? Aut quis prior dedit illi, et retribuétur ei? Quóniam ex ipso, et per ipsum, et in ipso sunt ómnia : ipsi glória in sæcula. Amen.

℟. **Dan. 3** Benedictus es Dómine, qui intuéris abyssos, et sedes super Chérubim.

℣. **Tob. 12** Benedícite Deum cæli, quia fecit nobiscum misericórdiam suam.

Allelúia, allelúia. ℣. **Dan. 3** Benedictus es Dómine Deus patrum nostrórum : et laudábilis in sæcula. Allelúia.

✠ **Sequéntia sancti Evangélíi** secúndum Matthæum. **c. 28**

IN illo témpore : Dixit Jesus discipulis suis : Data est mihi omnis potéstas in cælo, et in terra. Eúntes ergo docéte omnes gentes : baptizántes eos in nómine Patris, et Filii, et Spíritus Sancti : docéntes eos serváre ómnia quæcúmque mandávi vobis : Et ecce ego vobiscum sum ómnibus diébus, usque ad consummationem sæculi.

Credo.

Offertorium Tob. 12 Benedictus sit Deus Pater, unigenítusque Dei Filius, Sanctus quoque Spíritus : quia fecit nobiscum misericórdiam suam.

Secreta

SANCTIFICA, quæsumus Dómine Deus noster, per tui sancti nóminis invocatióem, hujus oblatiόνis hóstiam : et per eam nosmetipsos tibi pèrfice munus ætérnum. Per Dóminum.

Præfatio Qui cum unigénito Filio tuo dicatur usque ad Feriam quartam inclusive, etiam in festis Sanctorum, nisi propriam habuerint.

Communio Tob. 12 Benedícimus Deum cæli, et coram ómnibus vivéntibus confitébimur ei, quia fecit nobiscum misericórdiam suam.

Postcommunio

PROFICIAT nobis ad salútem córporis et ánimæ, Dómine Deus noster, hujus sacraménti suscèptio; et sempitérnæ sanctæ Trinitátis, ejusdémque individuae unitátis confèssio : Per Dóminum.

Per Octavam ad Missam omnia fiant sicut in die, excepto Credo, usque ad festum Corporis Christi tantum.

IN FESTO SS. CORPORIS CHRISTI

Totum Duplex I classis cum Octava solemnissima

Officium

Ps. 80

CIBAVIT eos ex ádipe fruménti, allelúia : et de petra, melle saturávit eos, allelúia, allelúia. ✠. Exsultáte Deo adjutóri nostro : jubiláte Deo Jacob. Glória Patri. Glória in excélsis.

Oratio

DEUS, qui nobis sub Sacraménto mirábili, passionis tuæ memóriam reliquisti : tribue, quæsumus, ita nos Córporis et Sanguinis tui sacra mystéria venerári; ut redemptionis tuæ fructum in nobis júgiter sentiámus : Qui vivis.

Hæc Oratio tantum dicatur.

Léctio Epistolæ beáti Pauli
Apóstoli ad Corinthios.

1, c. 11

FRATRES : Ego enim accépi a Dómino quod et trádidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accípite, et

manducáte : Hoc est Corpus meum, quod pro vobis tradétur : hoc fácite in meam commemorationem. Simíliter et cálicem, postquam cenávit, dicens : Hic calix novum testaméntum est in meo Sanguine : hoc fácite quotiescúmque bibétis, in meam commemorationem. Quotiescúmque enim manducábitis panem hunc, et cálicem bibétis : mortem Dómini annuntiábitis donec véniat. Itaque quicúmque manducáverit panem hunc, vel biberit cálicem Dómini indigne : reus erit Córporis, et Sanguinis Dómini. Probet autem seípsum homo : et sic de pane illo edat, et de cálice bibat. Qui enim manducat, et bibit indigne, iudícium sibi manducat, et bibit : non dijúdicans corpus Dómini.

✠. Ps. 144 Oculi ómnium in te sperant Dómine : et tu das illis escam in témpore opportúno. ✠. Aperis tu manum tuam : et imples omne ánimam benedictione.

Allelúia, allelúia. ℣. Joan. 6
 Caro mea, vere est cibus : et
 Sanguis meus, vere est potus :
 qui manducat meam carnem,
 et bibit meum sanguínem, in
 me manet, et ego in eo.

Sequentia

LAUDA Sion Salvatórem,
 lauda ducem et pastórem,
 in hymnis et cánticis.

Quantum potes, tantum aude,
 quia major omni laude, nec
 laudáre súfficis.

Laudis thema speciális, panis
 vivus et vitális hódie pro-
 pónitur.

Quem in sacræ mensa cenæ,
 turbæ fratrum duodénæ da-
 tum non ambígitur.

Sit laus plena, sit sonóra, sit
 jucúnda, sit decóra mentis
 jubilátio.

Dies enim solémnis ágitur, in
 qua mensæ prima recólitur
 hujus institútio.

In hac mensa novi Regis,
 novum Pascha novæ legis
 Phase vetus términat.

Vetustátem nóvitas, umbram
 fugat véritas, noctem lux
 eliminat.

Quod in cena Christus gessit,
 faciéndum hoc expréssit in
 sui memóriam.

Docti sacris institútis, panem,
 vinum in salútis consecrá-
 mus hóstiam.

Dogma datur Christiánis,
 quod in carnem transit pa-
 nis, et vinum in sanguínem.

Quod non capis, quod non
 vides, animósa firmat fides,
 præter rerum órđinem.

Sub diversis speciébibus, signis
 tantum et non rebus, latent
 res exímia.

Caro cibus, Sanguis potus :
 manet tamen Christus totus
 sub utrâque specie.

Asuménte non concisus, non
 confráctus, non divisus, ín-
 teger accipitur.

Sumit unus, sumunt mille :
 quantum isti, tantum ille :
 nec sumptus consúmitur.

Sumunt boni, sumunt mali,
 sorte tamen inæquáli, vitæ,
 vel intéritus.

Mors est malis, vita bonis :
 vide paris sumptiónis quam
 sit dispar éxitus.

Fracto demum Sacraménto,
 ne vacilles, sed meménto,
 tantum esse sub fragménto,
 quantum toto tégitur.

Nulla rei fit scissúra : signi
 tantum fit fractúra, qua nec
 status, nec statúra signáti
 minúitur.

Ecce panis Angelórum, factus
 cibus viatórum : vere panis
 filiórum, non mitténdus cá-
 nibus.

In figúris præsignátur : cum
 Isaac immolátur, agnus Pa-
 schæ deputátur, datur man-
 na pátribus.

Bone pastor, panis vere, Jesu
 nostri miserére : tu nos
 pasce, nos tuére, tu nos
 bona fac vidére in terra vi-
 ventium.

Tu, qui cuncta scis et vales,
 qui nos pascis hic mortáles :
 tuos ibi commensáles, cohe-
 rédes et sodáles fac sanctó-
 rum cívium. Amen. Allelúia.

✠ **Sequéntia sancti Evangélíi**
secúndum Joánnem. c. 6

IN illo témpore : Dixit Jesus turbis Judæórum : Caro mea vere est cibus : et sanguis meus vere est potus. Qui mandúcat meam Carnem, et bibit meum Sánguinem, in me manet, et ego in illo. Sicut misit me vivens Pater, et ego vivo propter Patrem : et qui mandúcat me, et ipse vivet propter me. Hic est panis, qui de cælo descéndit. Non sicut manducavérunt Patres vestri manna, et mórtui sunt. Qui mandúcat hunc panem, vivet in ætérnum. **Credo.**

Offertorium Lev. 21 Sacerdótes Dómini incénsus et panes ófferunt Deo : et ideo sancti erunt Deo suo, et non pólluent nomen ejus, alleluia.

Secreta

ECCELESIE tuæ, quæsumus Dómine, unitátis et pacis propítius dona concéde : quæ sub oblátis munéribus mystice designántur. Per Dóminum.

Præfatio Quia per incarnáti Verbi, dicitur per totam Octavam etiam in festis Sanctorum, nisi propriam habuerint.

Communio 1 Cor. 11 Quotiescúmque manducábitis panem hunc, et cálicem bibétis, mortem Dómini annuntiábitis donec véniat : itaque quicúmque manducáverit panem, vel biberit cálicem Dómini indigne, reus erit Córporis, et Sánguinis Dómini, alleluia.

Postcommunio

FAC nos, quæsumus Dómine, divinitátis tuæ sempitérna fruítione repléri; quam pretiósí Córporis et Sánguinis tui temporális percéptio præfigurat : Qui vivis.

Infra Octavam et in Octava dicantur omnia sicut in die, nisi quod Feria sexta et Sabbato fiat Memoria SS. Trinitatis.

DOMINICA INFRA OCT. CORPORIS CHRISTI

Officium

Ps. 17

FACTUS est Dóminus protector meus, et edúxit me in latitúdinem : salvum me fecit, quóniam voluit me. ✠. Díligam te Dómine virtus mea : Dóminus firmaméntum meum, et refúgium meum, et liberátor meus. Glória Patri. Glória in excélsis.

Oratio

SANCTI nóminis tui, Dómine, timórem páriter et amórem fac nos habére perpétuum : quia numquam tua gubernatióne destítuis; quos in soliditáte tuæ dilectiónis instituis : Per Dóminum.

Deinde fiat Memoria de Octava Corporis Christi.

Oratio

DEUS, qui nobis sub Sacraménto mirábili, passiónis tuæ memóriam reliquisti : tribue, quæsumus, ita nos Córporis et Sánguinis tui sacra mystéria venerári; ut redemptionis tuæ fructum in nobis júgiter sentiámus : (Qui vivis.)

Lectio Epistolæ beati Joannis
Apóstoli. 1. c. 3

CARISSIMI : Nolite mirari, si odit vos mundus. Nos scimus quóniam transláti sumus de morte ad vitam, quóniam diligimus fratres. Qui non diligit, manet in morte : Omnis, qui odit fratrem suum, homicida est. Et scitis, quóniam omnis homicida non habet vitam ætérnam in semetípso manéntem. In hoc cognóvimus caritátem Dei, quóniam ille ánimam suam pro nobis pósuit : et nos debémus pro fratribus ánimas pónere. Qui habúerit substántiam hujus mundi, et viderit fratrem suum necessitátem habére, et cláuserit viscera sua ab eo : quómodo caritas Dei manet in eo? Filioli mei, non diligámus verbo, neque lingua, sed ópere et veritáte.

℟. Ps. 119 Ad Dóminum cum tribulárer clamávi : et exaudivit me. ℣. Dómine libera ánimam meam a lábiis iniquis, et a lingua dolósa.

Allelúia, allelúia. ℣. Ps. 7 Deus iudex justus, fortis, et pátiens : numquid iráscitur per singulos dies?

Sequentia Lauda Sion, pag. 260

✠ Sequéntia sancti Evangélii
secúndum Lucam. c. 14

IN illo témpore : Dixit Jesus Pharisæis parábolam hanc : Homo quidam fecit cenam magnam, et vocávit multos. Et misit servum suum hora cenæ dicere invitátis ut venírent quia jam paráta sunt ómnia.

Et cœpérunt simul omnes excusáre. Primus dixit ei : Villam emi, et necesse hábeo exíre, et vidére illam : Rogo te, habe me excusátum. Et alter dixit : Juga boum emi quinque, et eo probáre illa : Rogo te, habe me excusátum. Et álius dixit : Uxórem duxi, et ideo non possum venire. Et revérsus servus, nuntiávit hæc dómno suo. Tunc irátus paterfamilias, dixit servo suo : Exi cito in platéas, et vicos civitátis : et páuperes, ac débiles, et cæcos, et claudos introduc huc. Et ait servus : Dómine, factum est ut imperásti, et adhuc locus est. Et ait dóminus servo : Exi in vias, et sepes : et compélle intráre, ut impleátur domus mea. Dico autem vobis, quod nemo virórum illórum, qui vocáti sunt, gustábit cenam meam.

Credo.

Offertorium Ps. 6 Dómine convértere, et éripe ánimam meam : salvum me fac propter misericórdiam tuam.

Secreta

OBLATIO nos, Dómine, tuo nómini dicánda purificet, et de die in diem ad cæléstis vitæ transférat actiónem. Per Dóminum.

De Octava

Secreta

ECCELESIAE tuæ, quæsumus Dómine, unitátis et pacis propítius dona concéde : quæ sub oblátis munéribus mystice designántur. (Per Dóminum.)

Communio Ps. 12 Cantábo Dómno qui bona tribuit mihi :

et psallam nómini Dómini altissimi.

Postcommunio

SUMPTIS munéribus sacris; quæsumus Dómine, ut cum frequentatióne mystérii, crescat nostræ salutis effectus : Per Dóminum.

De Octava Postcommunio

FAC nos, quæsumus Dómine, divinitátis tuæ sempiterna fruitiône repléri; quam pretiósí Córporis et Sanguinis tui temporális percéptio præfigúrat : (Qui vivis et regnas.)

Feria sexta post Octavam Corporis Christi

SS. CORDIS JESU

Totum Duplex I classis cum Octava solemnissima

Officium

Cant. 3

EGREDDIMINI et vidéte filiæ Sion, regem Salomónem in diadémate, quo coronávit eum mater sua in die desponsatiónis ejus, et in die lætitiæ cordis ejus. *℣. Ps. 44* Eructávit cor meum verbum bonum : dico ego ópera mea regi. *Glória Patri. Glória in excélsis.*

Oratio

FAC nos, Dómine Jesu, sanctíssimi Cordis tui virtútibus indui, et afféctibus inflammári : ut et imáginí bonitátis tuæ confórmes; et tuæ redemptiόνis mereámur esse participes : Qui vivis et regnas.

Léctio Epistolæ beáti Pauli Apóstoli ad Ephésios. *c. 3*

FRATRES : Mihi ómnium sanctórum mínimo data est grátia hæc, in Géntibus evangelizáre investigábiles divítias Christi, et illumináre

omnes, quæ sit dispensátio sacraménti absconditi a sæculis in Deo, qui ómnia creávit. Hujus rei grátia flecto génua mea ad Patrem Dómini nostri Jesu Christi, ex quo omnis patérnitas in cælis, et in terra nominátur, ut det vobis secundum divítias glóriæ suæ, virtúte corroborári per Spíritum ejus in interiorem hóminem, Christum habitáre per fidem in córdibus vestris : In caritáte radicáti et fundáti, ut possitis comprehendere cum ómnibus sanctis, quæ sit latitúdo, et longitúdo, et sublimitas, et profúndum : Scire étiam supereminéntem sciéntiæ caritátem Christi, ut impleámini in omnem plenitúdinem Dei.

℟. Matth. 21 Dicite filiæ Sion : Ecce rex tuus venit tibi mansuétus. *℣. Isa. 42* Non erit tristis, neque turbuléntus : non clamábit, nec audiétur vox ejus foris.

Allelúia, allelúia. ℣. Matth. 11
Discite a me, quia mitis sum,
et húmilis corde : et inveniétis
réquiem animábus vestris.
Allelúia.

✠ **Sequéntia sancti Evangélíi
secúndum Joánnem. Joan. 15**

IN illo témpore : Dixit Jesus
discípulis suis : Sicut dilé-
xit me Pater, et ego diléxi vos.
Manéte in dilectióne mea. Si
præcépta mea servavéritis,
manébitis in dilectióne mea,
sicut et ego Patris mei præ-
cépta servávi, et máneo in ejus
dilectióne. Hæc locútus sum
vobis : ut gáudium meum in
vobis sit, et gáudium vestrum
impleátur. Hoc est præcéptum
meum, ut diligátis invicem,
sicut diléxi vos. Majórem hac
dilectiónem nemo habet, ut
ánimam suam ponat quis pro
amícis suis. Vos amíci mei
estis, si fecéritis quæ ego præ-
cipio vobis. Jam non dicam
vos servos : quia servus nescit
quid fáciat dóminus ejus. Vos
autem dixi amícos : quia óm-
nia quæcúmque audívi a Patre
meo, nota feci vobis. Non vos
me elegístis : sed ego elégi
vos, et pósui vos ut eátis, et
fructum afferátis : et fructus
vester máneat : ut quodcúm-
que petiéritis Patrem in nó-
mine meo, det vobis. **Credo.**

Offertorium 1 Paralip. 29
Dómine Deus, in simplicitáte
cordis mei lætus óbtuli uni-
vérsa : et pópulum tuum vidi
cum ingénti gáudio tibi offérre
donária : Deus Israël, custódi
hanc voluntátem cordis eó-
rum, allelúia.

Secreta

ILLO nos igne, quæsumus
Dómine, Spíritus Sanctus
inflámmet, quem Dóminus no-
ster Jesus Christus e pene-
trálibus Cordis sui misit in
terram, et vóluit veheménter
accéndi : Qui tecum vivit et
regnat in unitáte ejúsdem.

**Præfatio de Nativitate Domini di-
citur per totam Octavam etiam in
Festis Sanctorum, nisi propriam
habuerint.**

Communio Ps. 33 Gustáte,
et vidéte quóniam suávis est
Dóminus : in ætérnum mise-
ricórdia ejus, allelúia.

Postcommunio

PRÆBEANT nobis, Dómine
Jesu, divinum tua sancta
fervórem : quo dulcíssimi Cor-
dis tui suavitate percépta,
discámus terréna despícere; et
amáre cæléstia : Qui vivis et
regnas.

**Infra Octavam et in Octava omnia
ut in die. Missa votiva habetur post
Commune Sanctorum.**

DOMINICA INFRA OCT. SS. CORDIS JESU

et I post Octavam Trinitatis

Officium

Ps. 24

RESPICE in me, et mise-
rere mei Dómine : quó-
niam únicus et pauper
sum ego : vide humilitátem
meam, et labórem meum : et
dimítte ómnia peccáta mea,
Deus meus. **℣. Ps. 24** Ad te
Dómine levávi ánimam meam :
Deus meus in te confido, non
erubescam. **Gloria Patri. Gló-
ria in excélsis.**

Oratio

PROTECTOR in te sperantium Deus, sine quo nihil est válidum, nihil sanctum; multiplica super nos misericórdiam tuam : ut te rectóre, te duce, sic transeámus per bona temporália; ut non amitámus æténa : Per Dóminum.

Deinde fiat Memoria de Octava SS. Cordis Jesu.

Léctio Epistolæ beáti Petri Apóstoli. **1, c. 5**

CARISSIMI : Humiliámini sub poténti manu Dei, ut vos exáltet in témpore visitatiónis : Omnem sollicitúdinem vestram projiciétes in eum, quóniam ipsi cura est de vobis. Sóbrii estóte, et vigiláte : quia adversárius vester diábolus tamquam leo rúgiens circuit, quærens quem dévoret : Cui resistite fortes in fide : sciétes eámdem passióem ei, quæ in mundo est, vestræ fraternitáti fieri. Deus autem omnis grátia, qui vocávit nos in ætéram suam glóriam in Christo Jesu, módicum passos ipse perficiet, confirmábit, solidabítque. Ipsi glória, et impérium in sæcula sæculórum : Amen.

℟. Ps. 54 Jacta cogitatum tuum in Dómino, et ipse te enútriet. **℣.** Dum clamárem ad Dóminum, exaudivit vocem meam ab his, qui appropínquant mihi.

Allelúia, allelúia. ℣. Ps. 17 Diligam te Dómine virtus mea : Dóminus firmaméntum meum,

et refúgium meum, et liberátor meus. Allelúia.

✠ Sequéntia sancti Evangélii secúndum Lucam. **c. 15**

IN illo témpore : Erant appropinquátes ad Jesum publicáni, et peccatóres, ut audirent illum. Et murmurábant Pharisæi, et Scribæ, dicétes : Quia hic peccatóres récipit, et mandúcat cum illis. Et ait ad illos parábolam istam, dicens : Quis ex vobis homo, qui habet centum oves : et si perdiderit unam ex illis, nonne dimíttit nonagínta novem in desérto, et vadit ad illam, quæ perierat, donec invéniat eam? Et cum invenerit eam, impónit in húmeros suos gaudens : Et véniens domum, cónvocat amicos, et vicinos, dicens illis : Congratulámini mihi, quia invéni ovem meam, quæ perierat. Dico vobis quod ita gáudium erit in cælo super uno peccatóre pœniténtiam agente, quam super nonagínta novem justis, qui non indigent pœniténtia. Aut quæ múlter habens drachmas decem, si perdiderit drachmam unam, nonne accéndit lucérnam, et evérrit domum, et quærit diligéter, donec invéniat? Et cum invenerit, cónvocat amícas, et vicinas, dicens : Congratulámini mihi, quia invéni drachmam, quam perdideram. Ita dico vobis, gáudium erit coram Angelis Dei super uno peccatóre pœniténtiam agente.

Credo.

Offertorium Ps. 9 Sperent in te omnes qui novérunt nomen

tuum Dómine, quóniam non derelinquis quærentes te : psállite Dómino, qui hábitat in Sion, quóniam non est oblítus oratióem páuperum.

Secreta

RESPICE Dómine múnera supplicántis Ecclesiæ, et salutí credéntium perpétua sanctificatióne suménda concede. Per Dóminum.

Secunda Secreta de Octava.

Communio Ps. 16 Ego clamávi, quóniam exaudisti me Deus : inclína aurem tuam, et exáudi verba mea.

Postcommunio

SANCTA tua nos, Dómine, sumpta vivificent; et misericórdiæ sempitérnæ præparent expiátos : Per Dóminum.

Secunda Postcommunio de Octava.

Sabbato post Octavam SS. Cordis Jesu Orationes ad supplendum numerum ternarium sumantur de sequenti Dominica II post Octavam Trinitatis.

DOMINICA SECUNDA post Octavam Trinitatis

Officium

Ps. 26

DOMINUS illuminatio mea, et salus mea, quem timébo? Dóminus defensor vitæ meæ, a quo trepidábo? qui tribulant me inimici mei, ipsi infirmáti sunt et ceciderunt. ✠. Si consistent adversum me castra, non timébit cor meum. Glória Patri. Glória in excélsis.

Oratio

DA nobis, quæsumus Dómine : ut et mundi cursus pacifice nobis tuo ordine dirigátur; et Ecclesiá tua tranquilla devotióne lætétur : Per Dóminum.

Secunda Oratio

ACUNCTIS nos, quæsumus Dómine, mentis et corporis defénde periculis : et intercedénte beáta et gloriósa semper Virgine Dei Genitrice Mariá, cum beáto Joseph, beátis Apóstolis tuis Petro et Paulo, atque beáto Domínico Patre nostro, et ómnibus Sanctis, salutem nobis tribue benignus, et pacem; ut destructis adversitatibus et erroribus univérsis, Ecclesiá tua secúra tibi sérviat libertáte. (Per eúmdem.)

Tertia Oratio ad libitum, (cui substitui potest Collecta aliunde imperata.)

Lectio Epístolæ beáti Pauli Apóstoli ad Romános. c. 8

FRATRES : Existimo quod non sunt condígnæ passiones hujus témporis ad futúram glóriam, quæ revelábitur in nobis. Nam exspectatio creatúre, revelatióem filiórum Dei exspectat. Vanitati enim creatúra subjécta est non volens, sed propter eum, qui subjécit eam in spe : Quia et ipsa creatúra liberábitur a servitúte corruptiόνis, in libertátem glóriæ filiórum Dei. Scimus enim, quod omnis creatúra ingemiscit, et párturit usque adhuc. Non solum

autem illa, sed et nos ipsi primitias spiritus habentes : et ipsi intra nos gemimus adoptionem filiorum Dei expectantes, redemptionem corporis nostri : In Christo Jesu Domino nostro.

℟. Ps. 78 Propitius esto Domine peccatis nostris : ne quando dicant gentes : Ubi est Deus eorum? **℣.** Adjuva nos Deus salutaris noster : et propter honorem nominis tui Domine libera nos.

Allelúia, allelúia. ℣. Ps. 20 Domine in virtute tua lætabitur rex : et super salutare tuum exsultabit vehementer. **Allelúia.**

✠ **Sequéntia sancti Evangélíi** secundum Lucam. **c. 5**

IN illo tempore : Cum turbæ irrúerent in Jesum, ut audirent verbum Dei, et ipse stabat secus stagnum Genésareth. Et vidit duas naves stantes secus stagnum : piscatores autem descenderant, et lavabant rétia. Ascéndens autem in unam navim, quæ erat Simónis, rogavit eum a terra reducere pusillum. Et sedens docébat de navicula turbas. Ut cessavit autem loqui, dixit ad Simónem : Duc in altum, et laxáte rétia vestra in capturam. Et respondens Simon, dixit illi : Præcéptor, per totam noctem laborantes, nihil cepimus : in verbo autem tuo laxábo rete. Et cum hoc fecissent, conclusérunt piscium multitudinem copiosam, rumpebátur autem rete eorum. Et annuérunt só-

ciis, qui erant in alia navi, ut venirent, et adjuvarent eos. Et venerunt, et impleverunt ambas navículas, ita ut pene mergerentur. Quod cum videret Simon Petrus, prócudit ad gēnuā Jesu, dicens : Exi a me, quia homo peccátor sum, Domine. Stupor enim circumdederat eum, et omnes, qui cum illo erant, in captúra piscium, quam céperant : Simíliter autem Jacóbum, et Joánnem, filios Zebedæi, qui erant sócii Simónis. Et ait ad Simónem Jesus : Noli timére : ex hoc jam hómines eris cápiens. Et subductis ad terram návibus, relictis ómnibus secúti sunt eum. **Credo.**

Offertorium Ps. 12 Illúmina oculos meos ne umquam obdórmiam in morte : ne quando dicat inimicus meus : Præválui advérsus eum.

Secreta

OBLATIONIBUS nostris, quæsumus Domine, placare susceptis, et ad te nostras étiam rebelles compelle propitius voluntates. Per Dóminum.

Secunda Secreta

EXAUDI nos Deus salutaris noster : ut per hujus sacraménti virtutem a cunctis nos mentis et corporis hóstibus tueáris, grátiam tribuens in præsénti, et glóriam in futuro. (Per Dóminum.)

Tertia Secreta ad libitum.

Communio Ps. 17 Dóminus firmaméntum meum, et refúgium meum, et liberátor meus : Deus meus adjutor meus.

Postcommunio

MYSTERIA nos, Dómine quæsumus, sumpta purificent; et suo múnere tueántur : Per Dóminum.

Secunda Postcommunio

MUNDET et múniat nos, quæsumus Dómine, divini sacraménti munus oblátum : et intercedénte beáta Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Dominico Patre nostro, et ómnibus Sanctis; a cunctis nos reddat et perversitátibus expiátos, et adversitátibus expeditos : (Per eúndem.)

Tertia Postcommunio ad libitum.

DOMINICA TERTIA

post Octavam Trinitatis

Officium

Ps. 26

EXAUDI Dómine vocem meam, qua clamávi ad te : adjutor meus esto, ne derelinquas me, neque despicias me Deus salutáris meus. ✠. Dóminus illuminatio mea, et salus mea, quem timébo? Glória Patri. Glória in excélsis.

Oratio

DEUS, qui diligéntibus te bona invisibília præparásti; infunde córdibus nostris tui amóris afféctum : ut te in ómnibus et super ómnia diligéntes; promissiones tuas, quæ omne desidérium súperant, consequámur : Per Dóminum.

Aliæ Orationes, ut in secunda Dominica, pag. 266

Lectio Epístolæ beáti Petri Apóstoli. 1, c. 3

CARISSIMI : Omnes unánimes in oratióne estóte, compatiéntes, fraternitátis amatóres, misericórdes, modésti, húmiles : Non reddéntes malum pro malo, nec maledictum pro maledicto, sed e contrário benedicéntes : Quia in hoc vocáti estis, ut benedictiónem hereditáte possideátis. Qui enim vult vitam diligere, et dies vidére bonos, coérceat linguam suam a malo, et lábia ejus ne loquántur dolum. Declínet a malo, et fáciat bonum : Inquirat pacem, et sequátur eam : Quia óculi Dómini super justos, et aures ejus in preces eórum : Vultus autem Dómini super faciéntes mala. Et quis est qui vobis nóceat, si boni æmulatóres fuéritis? Sed et si quid patimini propter justítiam, beáti. Timórem autem eórum ne timuéritis, et non conturbémini. Dóminum autem Christum sanctificáte in córdibus vestris.

✠. Ps. 83 Protéctor noster aspice Deus : et réspice super servos tuos. ✠. Dómine Deus virtútum, exáudi preces servórum tuórum.

Allelúia, allelúia. ✠. Ps. 30 In te Dómine sperávi, non confúndar in ætérnum : in justitia tua libera me, et éripe me : inclína ad me aurem tuam, accélera ut erípias me. Allelúia.

✠ **Sequéntia sancti Evangélíi**
secúndum Matthæum. c. 5

IN illo témpore : Dixit Jesus discipulis suis : Nisi abundáverit justitia vestra plus quam Scribárum, et Phari-sæórum, non intrábitis in regnum cælórum. Audístis, quia dictum est antiquis : Non occídes : Qui autem occiderit, reus erit iudício. Ego autem dico vobis : quia omnis, qui iráscitur fratri suo, reus erit iudício. Qui autem díxerit fratri suo, *raca* : reus erit concílio. Qui autem díxerit, *fátue* : reus erit gehénnæ ignis. Si ergo offers munus tuum ad altáre, et ibi recordátus fúeris quia frater tuus habet áliquíd advérsus te : relinque ibi munus tuum ante altáre, et vade prius reconciliári fratri tuo : Et tunc véniens ófferes munus tuum. **Credo.**

Offertorium Ps. 15 Benedícam Dóminum, qui tribuit mihi intelléctum : providébam Deum in conspéctu meo semper : quóniam a dextris est mihi, ne commóvear.

Secreta

PROPITIARE Dómine supplicatióibus nostris, et has oblatiões famulórum, famularúmque tuárum benignus assúme : ut quod singuli obtulérunt ad honórem nóminis tui, cunctis proficiat ad salútem : Per Dóminum.

Aliæ Secretæ, pag. 267

Communio Ps. 26 Unam pétii a Dómino, hanc requíram, ut

inhábitem in domo Dómini ómnibus diébus vitæ meæ.

Postcommunio

QUOS cælésti, Dómine, dono satiásti : præsta quæsumus, ut a nostris mundémur occúltis; et ab hóstium liberémur insidiis : Per Dóminum.

Aliæ Postcommuniones, pag. 268

DOMINICA QUARTA post Octavam Trinitatis

Officium

Ps. 27

DOMINUS fortitúdo plebis suæ, et protéctor salutarium Christi sui est : salvum fac pópulum tuum Dómine, et benedic hereditáti tuæ, et rege eos usque in sæculum. ✠. Ad te Dómine clamábo, Deus meus ne síleas a me : ne quando táceas a me, et assimilábor descendéntibus in lacum. **Glória Patri. Glória in excélsis.**

Oratio

DEUS virtútum, cujus est totum, quod est óptimum, insere pectoribus nostris amórem tui nóminis; et præsta in nobis religiónis augméntum : ut quæ sunt bona, nútrias; ac pietátis stúdio, quæ sunt nutrita, custódias : Per Dóminum.

Aliæ Orationes, ut in secunda Dominica, pag. 266

Léctio Epístolæ beáti Pauli
Apóstoli ad Romános. c. 6

FRATRES : Quicúmque baptizáti sumus in Christo Jesu, in morte ipsíus baptizáti

sumus. Consepúlti enim sumus cum illo per baptísmum in mortem : ut quómodo Christus surréxit a mórtuis per glóriam Patris, ita et nos in novitáte vitæ ambulémus. Si enim complantáti facti sumus similitúdini mortis ejus : simul et resurrectionis érimus. Hoc sciéntes, quia vetus homo noster simul crucifixus est, ut destruátur corpus peccáti, ut ultra non serviámus peccáto. Qui enim mórtuus est, justificátus est a peccáto. Si autem mórtui sumus cum Christo : crédimus quia simul étiam vivémus cum Christo : Sciéntes quod Christus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : Quod autem vivit, vivit Deo. Ita et vos existimáte, vos mórtuos quidem esse peccáto, vivéntes autem Deo : In Christo Jesu Dómino nostro.

℟. Ps. 89 Convértere Dómine aliquántulum : et deprecáre super servos tuos. ℣. Dómine, refúgium factus es nobis : a generatióne et progénie.

Allelúia, allelúia. ℣. Ps. 58 Eripe me de inimícis meis Deus meus : et ab insurgéntibus in me libera me. Allelúia.

✠ Sequéntia sancti Evangélíi secúndum Marcum. c. 8

IN illo témpore : Cum turba multa esset cum Jesu, nec habérent quod manducárent : convocátis discipulis, ait illis : Miséreor super turbam : quia ecce jam tríduo sústinent me,

nec habent quod mandúcent : Et si dimísero eos jejúnos in domum suam, deficient in via : Quidam enim ex eis de longe venérunt. Et responderunt ei discipuli sui : Unde illos quis póterit hic saturáre pánibus in solitúdine? Et interrogávit eos : Quot panes habétis? Qui dixerunt : Septem. Et præcépit turbæ discumbere super terram. Et accípiens septem panes, grátias agens fregit, et dabat discipulis suis ut appónerent, et apposuerunt turbæ. Et habébant piscículos paucos : et ipsos benedíxit, et jussit appóni. Et manducavérunt, et saturáti sunt, et sustulérunt quod superáverat de fragméntis, septem sportas. Erant autem qui manducáverant, quasi quátuor millia : et dimísit eos. **Credo.**

Offertorium Ps. 16 P'érface gressus meos in sémitis tuis, ut non moveántur vestigia mea : inclína aurem tuam, et exáudi verba mea : mirífica misericórdias tuas, qui salvos facis sperántes in te, Dómine.

Secreta

PROPITIARE, Dómine, supplicatióibus nostris, et has pópuli tui oblatiões benignus assúme : et ut nullius sit irritum votum, nullius vácuá postulátió, præsta, ut quod fidéliter pétimus, effícaciter consequámur. Per Dóminum.

Aliæ Secretæ, pag. 267

Communio Ps. 26 Circuíbo, et immolábo in tabernáculo ejus hóstiam jubilatiónis : can-

tábo, et psalmum dicam Dómino.

Postcommunio

REPLETI sumus, Dómine, munéribus tuis : tribue, quæsumus, ut eórum et munédemur efféctu; et muniámur auxilio : Per Dóminum.

Aliæ Postcommuniones, pag. 268

DOMINICA QUINTA post Octavam Trinitatis

Officium

Ps. 46

OMNES gentes pláudite mánibus : jubiláte Deo in voce exsultatiónis.

℣. Subjécit pópulos nobis : et gentes sub pédibus nostris. Glória Patri. Glória in excélsis.

Oratio

DEUS, cujus providéntia in sui dispositiône non fálitur; te súpplīces exorámus : ut nóxia cuncta submóveas; et ómnia nobis profutúra concedas : Per Dóminum.

Aliæ Orationes, ut in secunda Dominica, pag. 266

Léctio Epístolæ beáti Pauli Apóstoli ad Romános. c. 6

FRATRES : Humánum dico, propter infirmitátem carnis vestræ : Sicut enim exhibuístis membra vestra servíre immundítiae, et iniquitáti ad iniquitátem, ita nunc exhibéte membra vestra servíre justítiae in sanctificatióne. Cum enim servi essétiis peccáti, liberi fuístis justítiae. Quem ergo fructum habuístis tunc in illis, in quibus nunc eru-

béscitis? Nam finis illórum mors est. Nunc vero liberáti a peccáto, servi autem facti Deo, habétiis fructum vestrum in sanctificatióne, finem vero vitam ætérnam. Stipéndia enim peccáti, mors. Grátia autem Dei, vita ætérna : In Christo Jesu Dómino nostro.

℟. Ps. 33 Veníte filii, audíte me : timórem Dómini docébo vos. ℣. Accédite ad eum, et illuminámini : et fácies vestræ non confundéntur.

Allelúia, allelúia. ℣. Ps. 64 Te decet hymnus Deus in Sion : et tibi reddétur votum in Jerúsalem. Allelúia.

✠ Sequéntia sancti Evangélīi secúndum Matthæum. c. 7

IN illo témpore : Dixit Jesus discipulis suis : Atténdite a falsis prophétis, qui véniunt ad vos in vestiméntis óvium, intrínsecus autem sunt lupi rapáces : A frúctibus eórum cognoscétiis eos. Numquid cólligunt de spinis uvas, aut de tribulis ficus? Sic omnis arbor bona fructus bonos facit : mala autem arbor malos fructus facit. Non potest arbor bona malos fructus fácere : neque arbor mala bonos fructus fácere : Omnis arbor, quæ non facit fructum bonum, excidé-tur, et in ignem mittétur. Igitur ex frúctibus eórum cognoscétiis eos. Non omnis, qui dicit mihi, Dómine, Dómine, intrábit in regnum cælórum : sed qui facit voluntátem Patris mei, qui in cælis est, ipse intrábit in regnum cælórum.

Credo.

Offertorium Dan. 3 Sicut in holocaustis arietum et taurorum, et sicut in millibus agnorum pinguium : sic fiat sacrificium nostrum in conspectu tuo hodie, ut placeat tibi : quia non est confusio confidentibus in te, Domine.

Secreta

DEUS, qui legalium differentiam hostiarum unius sacrificii perfectione sanxisti : accipe sacrificium a devotis tibi famulis, et pari benedictione, sicut munera Abel, sanctifica; ut quod singuli obtulerunt ad maiestatis tue honorem, cunctis proficiat ad salutem. Per Dominum.

Aliae Secretae, pag. 267

Communio Ps. 30 Inclina aurem tuam, accelera ut eripias nos.

Postcommunio

TUA nos, Domine, medicinalis operatio, et a nostris perversitatibus clementer expediat; et ad ea, quae sunt recta, perducat: Per Dominum.

Aliae Postcommuniones, pag. 268

DOMINICA SEXTA post Octavam Trinitatis

Officium

Ps. 47

SUSCEPIMUS Deus misericordiam tuam in medio templi tui : secundum nomen tuum Deus, ita et laus tua in fines terrae : iustitia plena est dextera tua. *℣.* Magnus Dominus, et laudabilis nimis in civitate Dei nostri, in monte sancto ejus. **Glória Patri. Glória in excelsis.**

Oratio

LARGIRE nobis, quaesumus Domine, semper spiritum cogitandi, quae recta sunt, propitius et agendi : ut qui sine te esse non possumus; secundum te vivere valeamus : Per Dominum.

Aliae Orationes, ut in secunda Dominica, pag. 266

Lectio Epistolae beati Pauli Apostoli ad Romanos. c. 8

FRATRES: Debitores sumus non carni, ut secundum carnem vivamus. Si enim secundum carnem vixeritis, moriemini : Si autem spiritu facta carnis mortificaveritis, vivetis. Quicumque enim Spiritu Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba (Pater). Ipse enim Spiritus testimonium reddit spiritui nostro, quod sumus filii Dei. Si autem filii, et heredes : Heredes quidem Dei, coheredes autem Christi.

℟. **Ps. 30** Esto mihi in Deum protectorem : et in locum refugii, ut salvum me facias. *℣.* Deus in te speravi, Domine non confundar in aeternum.

Allelúia, allelúia. ℣. Ps. 77 Attendite popule meus in legem meam. **Allelúia.**

✠ Sequentia sancti Evangelii secundum Lucam. c. 16

IN illo tempore : Dixit Jesus discipulis suis parabalam hanc : Homo quidam erat

dives, qui habébat villicum : et hic diffamátus est apud illum quasi dissipásset bona ipsius. Et vocávit illum, et ait illi : Quid hoc áudio de te? Redde ratióem villicatiónis tuæ : Jam enim non póteris villicáre. Ait autem villicus intra se : Quid fáciám, quia dómínus meus aufert a me villicatióem? Fódere non váleo, mendicáre erubésco. Scio quid fáciám, ut, cum amótus fuero a villicatióne, recípiant me in domos suas. Convocátis itaque singulis debitóribus dómíni sui, dicébat primo : Quantum debes dómíno meo? At ille dixit : Centum cados ólei. Dixitque illi : Accipe cautióem tuam : et sede cito, scribe quinquaginta. Deínde álii dixit : Tu vero quantum debes? Qui ait : Centum coros trítici. Ait illi : Accipe litteras tuas, et scribe octoginta. Et laudávit dómínus villicum iniquitátis, quia prudénter fecisset : quia filii hujus sæculi prudentióres filiis lucis in generatióne sua sunt. Et ego vobis dico : Fácite vobis amícos de mammóna iniquitátis : ut, cum defecéritis, recípiant vos in ætéRNA tabernácula.

Credo.

Offertorium Ps. 17 Pópulum húmílem salvum fácies Dómine, et óculos superbórum humiliábis : quóniam quis Deus præter te Dómine.

Secreta

SUSCIPE, quáesumus Dómine, múnera, quæ tibi de tua largitáte deférimus : ut

hæc sacrosáncta mystéria, grátiae tuæ operánte virtúte, et præsentis vitæ nos conversatióne sanctificent, et ad gáudia sempitérna perdúcant. Per Dóminum.

Aliae Secretæ, pag. 267

Communio Ps. 33 Gustáte, et vidéte quóniam suávis est Dóminus : beátus vir, qui sperat in eo.

Postcommunio

SIT nobis, Dómine, reparátio mentis et córporis cæléste mystérium : ut cujus exséquimur cultum; sentiámus efféctum : Per Dóminum.

Aliae Postcommuniones, pag. 268

DOMINICA SEPTIMA post Octavam Trinitatis

Officium

Ps. 53

ECCE Deus ádjuvat me, et Dóminus suscéptor est ánimæ meæ : avérte mala inimícis meis, et in veritáte tua dispérde illos, protéctor meus Dómine. ✠ Deus in nómine tuo salvum me fac : et in virtúte tua libera me. Glória Patri. Glória in excélsis.

Oratio

PATEANT aures misericórdiæ tuæ, Dómine, precibus supplicántium : et ut peténtibus desideráta concédas; fac eos, quæ tibi sunt plácita, postuláre : Per Dóminum.

Aliae Orationes, ut in secunda Dominica, pag. 266

Lectio Epistolæ beāti Pauli
Apóstoli ad Corínthios.

1, c. 10

FRATRES : Non simus concupiscéntes malórum, sicut et illi concupiérunt. Neque idolólatræ efficiámini, sicut quidam ex ipsis : quemádmódum scriptum est : Sedit pópulus manducáre et bibere, et surrexérunt lúdere. Neque fornicémur, sicut quidam ex ipsis fornicáti sunt, et cecidérunt una die vigínti tria millia. Neque tentémus Christum : sicut quidam eórum tentavérunt, et a serpéntibus periérunt. Neque murmuravéritis, sicut quidam eórum murmuravérunt, et periérunt ab exterminatóre. Hæc autem ómnia in figúra contingébant illis : Scripta sunt autem ad correptionem nostram, in quos fines sæculórum devenérunt. Itaque qui se existimat stare, videat ne cadat. Tentátio vos non apprehéndat, nisi humana : Fidélis autem Deus est, qui non patiétur vos tentári supra id, quod potéstis, sed fáciét étiam cum tentatióne provéntum, ut possitis sustinére.

℟. Ps. 8 Dómine Dóminus noster, quam admirábile est nomen tuum in univérsa terra!
℣. Quóniam eleváta est magnificéntia tua super cælos.

Allelúia, allelúia. **℣.** Ps. 78 Propítius esto Dómine peccáttis nostris, ne quando dicant gentes : Ubi est Deus eórum? **Allelúia.**

✠ **Sequéntia sancti Evangélíi**
secúndum Lucam. **c. 19**

IN illo témpore : Cum appropinquáret Jesus Jerúsalem, videns civitátem flevit super illam, dicens : Quia si cognovísses et tu, et quidem in hac die tua, quæ ad pacem tibi, nunc autem abscondita sunt ab óculis tuis. Quia vénient dies in te : et circúmdabunt te inimíci tui vallo, et circúmdabunt te : et coangustábunt te úndique : Et ad terram prostérnent te, et filios tuos, qui in te sunt, et non relínquent in te lápidem super lápidem : eo quod non cognóveris tempus visitatiónis tuæ. Et ingressus in templum, cœpit ejícere vendéntes in illo, et eméntes, dicens illis : Scriptum est : Quia domus mea domus oratiónis est. Vos autem fecistis illam spelúncam latrónum. Et erat docens quotidie in templo. **Credo.**

Offertorium Ps. 18 Justitiæ Dómini rectæ, lætificántes corda, et judícia ejus dulcióra super mel et favum : nam et servus tuus custódit ea.

Secreta

CONCEDE nobis, quæsumus Dómine, hæc digne frequentáre mystéria : quia quóties hujus hóstiæ commemorátió celebrátur, opus nostræ redemptiόνis exercétur. Per Dóminum.

Alia Secretæ, pag. 267

Communio Matth. 6 Primum quærite regnum Dei, et ómnia

adjiciéntur vobis, dicit Dóminus.

Postcommunio

TUI nobis, quæsumus Dómine, commúnio sacraménti : et purificatióem cónferat; et tríbuat unitátem : Per Dóminum.

Aliæ Postcommuniones, pag. 268

DOMINICA OCTAVA post Octavam Trinitatis

Officium

Ps. 54

DUM clamárem ad Dóminum, exaudivit vocem meam ab his, qui appropínquant mihi : et humiliávit eos, qui est ante sæcula, et manet in ætérnum : jacta cogitátum tuum in Dómino, et ipse te enútriet. **℟.** Exáudi Deus oratióem meam, et ne despéxeris deprecatióem meam : inténde mihi, et exáudi me. **Gloria Patri. Gloria in excélsis.**

Oratio

DEUS, qui omnipoténtiam tuam parcéndo máxime, et miserándo manifestas; multiplica super nos misericórdiam tuam : ut ad tua promissa curréntes; cæléstium bonórum fácias esse consórtes : Per Dóminum.

Aliæ Orationes, ut in secunda Dominica, pag. 266

**Léctio Epistolæ beáti Pauli
Apóstoli ad Corínthios.**

1, c. 12

FRATRES : Scitis quóniam cum gentes essétis, ad simulácra muta prout duce-

bámini eúntes. Ideo notum vobis fácio, quod nemo in Spíritu Dei loquens, dicit anáthema Jesu. Et nemo potest dicere, Dóminus Jesus, nisi in Spíritu Sancto. Divisiónes vero gratiárum sunt, idem autem Spíritus : Et divisiónes ministratiónum sunt, idem autem Dóminus : Et divisiónes operatiónum sunt, idem vero Deus, qui operátur ómnia in ómnibus. Unicuique autem datur manifestátio Spíritus ad utilitátem. Alii quidem per Spíritum datur sermo sapiéntiæ : álii autem sermo sciéntiæ secúndum eúmdem Spíritum : Alteri fides in eódem Spíritu : Alii grátia sanitátum in uno Spíritu : Alii operátio virtútum, álii prophetia, álii discrétio spirítuum, álii génera linguárum, álii interpretátio sermónum. Hæc autem ómnia operátur unus atque idem Spíritus, dívicens singulis prout vult.

℟. Ps. 16 Custódi me Dómine, ut pupíllam óculi : sub umbra alárum tuárum prótege me. **℟.** De vultu tuo júdicium meum pródeat : óculi tui videant æquitátem.

Allelúia, allelúia. ℟. Ps. 80 Exsultáte Dei adjutóri nostro : jubiláte Deo Jacob : súmíte psalmum jucúndum cum cíthara. **Allelúia.**

**✠ Sequéntia sancti Evangélii
secúndum Lucam. c. 18**

IN illo témpore : Dixit Jesus ad quosdam, qui in se confidébant tamquam justi, et aspernabántur céteros, pará-

bolam istam : Duo hómines ascenderunt in templum ut orarent : unus pharisæus, et alter publicanus. Pharisæus stans, hæc apud se orabat : Deus grátias ago tibi, quia non sum sicut céteri hóminum : raptóres, injústi, adulteri : velut étiam hic publicanus. Jejuno bis in sabbato : décimas do ómnium, quæ posídeo. Et publicanus a longe stans, nolébat nec óculos ad cælum leváre : sed percutiébat pectus suum, dicens : Deus propítius esto mihi peccatóri. Dico vobis, descendit hic justificátus in domum suam ab illo : Quia omnis, qui se exáltat, humiliábitur : et qui se humiliat, exaltábitur. **Credo.**

Offertorium Ps. 24 Ad te Dómine levávi ánimam meam : Deus meus in te confido, non erubescam : neque irrideant me inimici mei : etenim universi, qui te expéctant, non confundentur.

Secreta

TIBI Dómine sacrificia dicáta reddántur : quæ sic ad honórem nóminis tui deferénda tribuísti, ut éadem remédia fieri nostra præstáres. Per Dóminum.

Aliz Secretæ, pag. 267

Communio Ps. 50 Acceptábis sacrificium justítiæ, oblationes, et holocáusta super altáre tuum Dómine.

Postcommunio

QUÆSUMUS Dómine Deus noster : ut quos divínis reparáre non désinis sacra-

méntis; tuis non destítuas benignus auxiliis : Per Dóminum.

Aliz Postcommuniones, pag. 268

DOMINICA NONA post Octavam Trinitatis

Officium Ps. 67

DEUS in loco sancto suo : Deus qui inhabitáre facit unánimes in domo : ipse dabit virtútem, et fortitúdinem plebi suæ. **℟.** Exsúrgat Deus, et dissipéntur inimici ejus, et fúgiant qui odérunt eum, a fácie ejus. **Glória Patri. Glória in excélsis.**

Oratio

OMNIPOTENS sempitérne Deus, qui abundántia pietátis tuæ et mérita súpplicum excédis, et vota; effúnde super nos misericórdiam tuam : ut dimíttas quæ consciéntia méruit; et adjicias quod orátio non præsumit : Per Dóminum.

Aliz Orationes, ut in secunda Dominica, pag. 266

Léctio Epistolæ beáti Pauli Apóstoli ad Corinthios.

1, c. 15

FRATRES : Notum vobis fácio Evangélium, quod prædicávi vobis, quod et accepistis, in quo et statis, per quod et salvámini: qua ratióne prædicáverim vobis, si tenétis, nisi frustra credidistis. Trádidí enim vobis in primis quod et accépi : quóniam Christus mórtuus est pro peccátis nostris secúndum Scriptúras :

et quia sepúltus est, et quia resurrexit tértia die secúndum Scriptúras : et quia visus est Cephae, et post hoc úndecim : Deínde visus est plus quam quingéntis frátribus simul : ex quibus multi manent usque adhuc, quidam autem dormiérunt : Deínde visus est Jacóbo, deínde Apóstolis ómnibus : Novíssime autem ómnium tamquam abortivo, visus est et mihi. Ego enim sum minimus Apostolórum, qui non sum dignus vocári Apóstolus, quóniam persecútus sum Ecclésiám Dei. Grátia autem Dei sum id quod sum, et grátia ejus in me vácuá non fuit.

℟. Ps. 27 In Deo sperávit cor meum, et adjútus sum : et reflóruit caro mea : et ex voluntáte mea confitébor illi. ℣. Ad te Dómine clamávi : Deus meus ne síleas, ne discédas a me.

Allelúia, allelúia. ℣. Ps. 87 Dómine Deus salútis meæ : in die clamávi, et nocte coram te. Allelúia.

✠ Sequéntia sancti Evangélíi secúndum Marcum. c. 7

IN illo témpore : Exiens Jesus de finibus Tyri, venit per Sidónem ad Mare Galilææ inter médios fines Decapóleos. Et addúcunt ei surdum, et mutum, et deprecabántur eum, ut impónat illi manum. Et apprehéndens eum de turba seórsum, misit dígitos suos in aurículas ejus : et éxspuens, tétigit linguam ejus : Et suspi-ciens in cælum, ingémuit, et

ait illi : Ephpheta, quod est adaperíre. Et statim apértæ sunt aures ejus, et solútum est vínculum linguæ ejus, et loquebátur recte. Et præcépit illis, ne cui dicerent. Quanto autem eis præcipiébat, tanto magis plus prædicábant : et eo ámplius admirabántur, dicéntes : Bene ómnia fecit : et surdos fecit audíre, et mutos loqui. **Credo.**

Offertorium Ps. 29 Exaltábo te Dómine, quóniam suscepísti me, nec delectásti inimicos meos super me : Dómine clamávi ad te, et sanásti me.

Secreta

RESPICE, Dómine quæsumus, nostram propítius servitútem : ut quod offéri-mus, sit tibi munus accéptum, et sit nostræ fragilitáti subsídium. Per Dóminum.

Aliæ Secretæ, pag. 267

Communio Prov. 3 Honóra Dóminum de tua substántia, et de primitiis frugum tuárum : ut impleántur hórrea tua saturitáte, et vino torculária redundábunt.

Postcommunio

SENTIAMUS, quæsumus Dómine, tui perceptiône sacraménti, subsidium mentis et córporis ; ut in utróque salváti, cæléstis remédii plenitúdine gloriémur : Per Dóminum.

Aliæ Postcommuniones, pag. 268

DOMINICA DECIMA post Octavam Trinitatis

Officium

Ps. 69

DEUS in adiutorium meum
intende : Domine ad
adjuvandum me festi-
na : confundantur, et reve-
reantur inimici mei, qui qua-
runt animam meam. *Ps.* Aver-
tantur retrorsum, et erube-
scant, qui cogitant mihi mala.
Glória Patri. Glória in excelsis.

Oratio

OMNIPOTENS et misericors
Deus, de cujus munere
venit, ut tibi a fidelibus tuis
digne et laudabiliter serviatur;
tribue, quaesumus, nobis, ut
ad promissiones tuas sine
offensione curramus : Per Dó-
minum.

*Aliae Orationes, ut in secunda Do-
minica, pag. 266*

**Lectio Epistolae beati Pauli
Apóstoli ad Corínthios.**

2, c. 3

FRATRES : Fiduciam talem
habemus per Christum
ad Deum : non quod suffi-
cientes simus cogitare aliquid
a nobis, quasi ex nobis : sed
sufficiéntia nostra ex Deo est :
Qui et idoneos nos fecit minis-
tros novi testaménti : non
littera, sed Spíritu : Littera
enim occidit, Spíritus autem
vivificat. Quod si ministratio
mortis litteris deformata in
lapidibus, fuit in glória, ita ut
non possent inténdere filii Is-
raél in faciém Móysi propter
glóriam vultus ejus, quae eva-
cuatur : quomodo non magis
ministratio Spíritus erit in

glória? Nam si ministratio
damnationis glória est : multo
abundat magis ministerium
justitiae in glória.

R. **Ps. 33** Benedicam Dómi-
num in omni tempore : semper
laus ejus in ore meo. *Ps.* In Dó-
mino laudabitur ánima mea :
audiant mansueti, et læténtur.

Allelúia, allelúia. Ps. 89
Domine, refúgium factus es
nobis, a generatióne et pro-
genie. *Allelúia.*

**✠ Sequéntia sancti Evangélíi
secúndum Lucam. c. 10**

IN illo tempore : Dixit Jesus
discipulis suis : Beati óculi,
qui vident quae vos videtis.
Dico enim vobis, quod multi
prophetae, et reges voluerunt
videre quae vos videtis, et non
viderunt : et audire quae audi-
tis, et non audierunt. Et ecce
quidam legisperitus surrexit
tentans illum, et dicens : Ma-
gister, quid faciéndum vitam
aeternam possidébo? At ille
dixit ad eum : In lege quid
scriptum est? Quomodo legis?
Ille respondens, dixit : Diliges
Dóminum Deum tuum ex toto
corde tuo, et ex tota ánima
tua, et ex ómnibus viribus
tuis, et ex omni mente tua :
et próximum tuum sicut te-
ipsum. Dixitque illi : Recte
respondisti : Hoc fac, et vives.
Ille autem volens justificare
seipsum, dixit ad Jesum : Et
quis est meus próximus? Sus-
cipiens autem Jesus, dixit :
Homo quidam descendebat ab
Jerúsalem in Jéricho, et incidit
in latrones, qui etiam despo-
liaverunt eum : et plagis impo-

sitis abiérunt semivivo relicto. Accidit autem ut sacérdos quidam descénderet eádem via : et viso illo præterívit. Simíliter et Levíta, cum esset secus locum, et vidéret eum, pertránsiit. Samaritánus autem quidam iter fáciens, venit secus eum : et videns eum, misericórdia motus est. Et apprópians alligávit vulnèra ejus, infúndens óleum, et vinum : Et impónens illum in juméntum suum, duxit in stábulum, et curam ejus egit. Et áltera die prôtulit duos denários, et dedit stabulário, et ait : Curam illius habe : Et quodcúmque supererogáveris, ego cum reddero reddam tibi. Quis horum trium vidétur tibi próxímus fuisse illi, qui incidit in latrónes? At ille dixit : Qui fecit misericórdiam in illum. Et ait illi Jesus : Vade, et tu fac simíliter. **Credo.**

Offertorium Exo. 32 Precátus est Móyses in conspéctu Dómini Dei sui, et dixit : Quare, Dómine, irásceris in pópulo tuo? Parce iræ animæ tuæ : meménto Abraham, Isaac, et Jacob, quibus jurásti dare terram fluéntem lac et mel. Et placátus factus est Dóminus de malignitáte, quam dixit fácere pópulo suo.

Secreta

HOSTIAS, quæsumus Dómine, propítius inténde, quas sacris altáribus exhibémus : ut nobis indulgéntiam largiéndò, tuo nómini dent honórem. Per Dóminum.

Aliæ Secretæ, pag. 267

Communio Ps. 103 De fructu óperum tuórum, Dómine, satiábitur terra : ut edúcas panem de terra, et vinum lætíficet cor hóminis : ut exhílalet fáciem in óleo, et panis cor hóminis confirmet.

Postcommunio

VIVIFICET nos, quæsumus Dómine, hujus participátio sancta mystérii; et páríter nobis expiatiónem tribuat, et munímen : Per Dóminum.

Aliæ Postcommuniones, pag. 268

DOMINICA UNDECIMA post Octavam Trinitatis

Officium

Ps. 73

RESPICE Dómine in testaméntum tuum, et ánimas páuperum tuórum ne derelínquas in finem : exsúrge Dómine, et júdica causam tuam, et ne obliviscáris voces quæréntium te. **℟.** Ut quid Deus repulisti in finem : irátus est furor tuus super oves pásuæ tuæ? **Gloría Patri. Glória in excélsis.**

Oratio

OMNIPOTENS sempitérne Deus, da nobis fidei, spei, et caritátis augméntum : et ut mereámur ássequi quod promíttis; fac nos amáre quod præcipis : Per Dóminum.

Aliæ Orationes, ut in secunda Dominica, pag. 266

Léctio Epístolæ beáti Pauli Apóstoli ad Gálatas. c. 3

FRATRES : Abrahæ dictæ sunt promissiões, et sémini ejus. Non dicit, Et semí-

nibus, quasi in multis : sed quasi in uno, Et sémini tuo, qui est Christus. Hoc autem dico, testaméntum confirmátum a Deo : quæ post quadringéntos et trigínta annos facta est lex, non irritum facit ad evacuándam promissiónem. Nam si ex lege heréditas, jam non ex promissióne. Abrahæ autem per repromissiónem donávit Deus. Quid igitur lex? Propter transgressiónes pósita est, donec veníret semen cui promiserat, ordináta per Angelos in manu mediátoris. Mediátor autem unius non est : Deus autem unus est. Lex ergo advérsus promissa Dei? Absit. Si enim data esset lex, quæ posset vivificáre, vere ex lege esset justitia. Sed conclusit Scriptúra ómnia sub peccáto, ut promissio ex fide Jesu Christi darétur credéntibus.

℟. Ps. 73 Réspice Dómine in testaméntum tuum : et ánimas páuperum tuórum ne obliviscáris in finem. **℣.** Exsúrge Dómine, et júdica causam tuam : memor esto oppróbrii servórum tuórum.

Allelúia, allelúia. ℣. Ps. 94 Veníte, exsultémus Dómino : jubilémus Deo salutári nostro. Allelúia.

✠ **Sequéntia sancti Evangélii** secúndum Lucam. **c. 17**

IN illo témpore : Dum iret Jesus in Jerúsalem, transibat per médiám Samariám, et Galilæam. Et cum ingrederétur quoddam castéllum, occurrérunt ei decem viri

leprósi, qui steterunt a longe : Et levavérunt vocem, dicéntes : Jesu præcéptor, miserére nostri. Quos ut vidit, dixit : Ite, osténdite vos sacerdotibus. Et factum est, dum irent, mundáti sunt. Unus autem ex illis, ut vidit quia mundátus est, regréssus est, cum magna voce magnificans Deum, et cécidit in fáciem ante pedes ejus, grátias agens : Et hic erat Samaritánus. Respóndens autem Jesus, dixit : Nonne decem mundáti sunt? Et novem ubi sunt? Non est invéntus qui redíret, et daret glóriam Deo, nisi hic alienígena. Et ait illi : Surge, vade : quia fides tua te salvum fecit. **Credo.**

Offertorium Ps. 30 In te sperávi Dómine : dixi, Tu es Deus meus, in mánibus tuis témpora mea.

Secreta

PROPITIARE Dómine pópulo tuo, propitiáre munéribus : ut hac oblatióne placátus, et indulgéntiam nobis tríbuas, et postuláta concédas. Per Dóminum.

Aliæ Secretæ, pag. 267

Communio Sap. 16 Panem de cælo dedísti nobis, Dómine, habéntem omne delectaméntum, et omnem sapórem suavitátis.

Postcommunio

SUMPTIS, Dómine, cælestibus sacraméntis; ad redemptionis æternæ, quæsumus, proficiámus augméntum : Per Dóminum nostrum Jesum Christum.

Aliæ Postcommuniones, pag. 268

DOMINICA DUODECIMA
post Octavam Trinitatis

Officium Ps. 83

PROTECTOR noster aspice Deus, et respice in faciem Christi tui : quia melior est dies una in atriiis tuis super millia. *℟.* Quam dilecta tabernacula tua Domine virtutum! concupiscit, et deficit anima mea in atria Domini. Glória Patri. Glória in excelsis.

Oratio

CUSTODI, Domine quæsumus, Ecclesiam tuam propitiatione perpétua : et quia sine te labitur humana mortalitas; tuis semper auxiliis, et abstrahatur a noxiis, et ad salutaria dirigatur : Per Dominum.

Aliæ Orationes, ut in secunda Dominica, pag. 266

Lectio Epistolæ beati Pauli
Apóstoli ad Gálatas. c. 5

FRATRES : Spíritu ambulate, et desideria carnis non perficietis. Caro enim concupiscit adversus spiritum : spiritus autem adversus carnem : Hæc enim sibi invicem adversantur : ut non quæcúmque vultis, illa faciatis. Quod si spiritu ducimini, non estis sub lege. Manifesta sunt autem ópera carnis : quæ sunt fornicatio, immunditia, impudicitia, luxúria, idolorum sérvitus, veneficia, inimicitia, contentiones, æmulationes, iræ, rixæ, dissensiones, sectæ, invidia, homicidia,

ebrietates, comessationes, et his similia, quæ prædico vobis, sicut prædixi : quóniam qui talia agunt, regnum Dei non consequentur. Fructus autem Spíritus est : caritas, gáudium, pax, patiéntia, benignitas, bónitas, longanimitas, mansuetúdo, fides, modéstia, continéntia, cástitas. Adversus hujusmodi non est lex. Qui autem sunt Christi, carnem suam crucifixerunt cum vitiis, et concupiscentiis.

℟. Ps. 91 Bonum est confiteri Domino : et psállere nómini tuo Altissime. *℟.* Ad annuntiandum mane misericórdiam tuam : et veritatem tuam per noctem.

Allelúia, allelúia. *℟.* Ps. 94 Quóniam Deus magnus Dominus : et rex magnus super omnes deos. Allelúia.

✠ Sequéntia sancti Evangélii
secúndum Matthæum. c. 9

IN illo témpore : Dixit Jesus discipulis suis : Nemo potest duobus dómunis servire : Aut enim unum odio habébit, et álterum diliget : aut unum sustinébit, et álterum contémet. Non potéstis Deo servire, et mammónæ. Ideo dico vobis, ne solliciti sitis animæ vestræ quid manducétis, neque corpóri vestro quid induámini. Nonne ánima plus est quam esca : et corpus plus quam vestiméntum? Respícite volatilia cæli, quóniam non serunt, neque metunt, neque cóngregant in hórrea : et Pater vester cæléstis pascit illa. Nonne vos

magis pluris estis illis? Quis autem vestrum cōgitans potest adjicere ad statūram suam cūbitum unum? Et de vestimēto quid solliciti estis? Considerāte lilia agri, quōmodo crescunt : Non labōrant, neque nent. Dico autem vobis, quōniam nec Sálomon in omni glória sua coopértus est sicut unum ex istis. Si autem fœnum agri, quod hódie est, et cras in clibanum mittitur, Deus sic vestit : quanto magis vos módicæ fidei? Nolite ergo solliciti esse, dicētes : Quid manducābimus, aut quid bibémus, aut quo operiémur? Hæc enim ómnia gentes inquirunt. Scit enim Pater vester, quia his ómnibus indigētis. Quærite ergo primum regnum Dei, et justitiam ejus : et hæc ómnia adjiciētur vobis. **Credo.**

Offertorium Ps. 33 Immittet Angelus Dómini in circūitu timéntium eum, et erípiet eos : gustáte, et vidéte quōniam suávis est Dóminus.

Secreta

CONCEDE nobis, Dómine quæsumus, ut hæc hóstia salutáris, et nostrórum fiat purgátio delictórum, et tuæ propitiátio potestátis. Per Dóminum.

Aliae Secretæ, pag. 267

Communio Joan. 6 Panis, quem ego dédero, caro mea est pro sæculi vita.

Postcommunio

PURIFICENT semper et múniant tua sacraménta nos Deus; et ad perpétuæ ducant

salvatiónis effectum : Per Dóminum.

Aliae Postcommuniones, pag. 268

DOMINICA DECIMA TERTIA post Octavam Trinitatis

Officium Ps. 85

INCLINA Dómine aurem tuam ad me, et exáudi me : salvum fac servum tuum, Deus meus, sperántem in te : miserére mihi Dómine, quōniam ad te clamávi tota die. **℟.** Lætifica ánimam servi tui, quia ad te Dómine ánimam meam levávi. **Glória Patri. Glória in excélsis.**

Oratio

ECCELSIAM tuam, Dómine, miserátio continuáta mundet et múniat : et quia sine te non potest salva consistere; tuo semper múnere gubernétur : Per Dóminum.

Aliae Orationes, ut in secunda Dominica, pag. 266

Léctio Epístolæ beáti Pauli Apóstoli ad Gálatas.

c. 5 et 6

FRATRES : Si spíritu vivimus, spíritu et ambulémus. Non efficiámur inánis glóriæ cúpidi, invicem provocantes, invicem invidéntes. Fratres, et si præoccupátus fuerit homo in áliquo delicto, vos, qui spírituáles estis, hujusmodi instrúite in spíritu lenitátis, considérans teípsum, ne et tu tentéris. Alter alteríus ónera portáte, et sic adimplé-

bitis legem Christi. Nam si quis existimat se aliquid esse, cum nihil sit, ipse se seducit. Opus autem suum probet unusquisque, et sic in semetipso tantum gloriam habebit, et non in altero. Unusquisque enim onus suum portabit. Communicet autem is, qui catechizatur verbo, ei, qui se catechizat, in omnibus bonis. Nolite errare : Deus non irridetur. Quæ enim seminaverit homo, hæc et metet. Quoniam qui seminat in carne sua, de carne et metet corruptionem : Qui autem seminat in spiritu, de spiritu metet vitam æternam. Bonum autem facientes, non deficiamus : tempore enim suo metemus non deficientes. Ergo dum tempus habemus, operemur bonum ad omnes, maxime autem ad domesticos fidei.

℟. Ps. 117 Bonum est confidere in Domino, quam confidere in homine. ℣. Bonum est sperare in Domino, quam sperare in principibus.

Allelúia, allelúia. ℣. Ps. 101 Timébunt gentes nomen tuum Domine, et omnes reges terræ glóriam tuam. Allelúia.

✠ Sequéntia sancti Evangélii secúndum Lucam. c. 7

IN illo tempore : Ibat Jesus in civitatem, quæ vocatur Naim : et ibant cum eo discipuli ejus, et turba copiosa. Cum autem appropinquaret portæ civitatis, ecce defunctus efferebatur filius unicus matris suæ : Et hæc vidua erat :

et turba civitatis multa cum illa. Quam cum vidisset Dominus, misericórdia motus super eam, dixit illi : Noli flere. Et accessit, et tetigit loculum. (Hi autem, qui portabant, steterunt.) Et ait : Adolëscens, tibi dico, surge. Et resedit qui erat mortuus, et coepit loqui. Et dedit illum matri suæ. Accipit autem omnes timor : et magnificabant Deum, dicentes : Quia propheta magnus surrexit in nobis : et quia Deus visitavit plebem suam. **Credo.**

Offertorium Ps. 39 Exspectans expectavi Dominum, et respexit me : et exaudivit deprecationem meam : et immisit in os meum canticum novum, hymnum Deo nostro.

Secreta

TUA nos, Domine, sacramenta custodiant, et contra diabólicos semper tueantur incursus. Per Dominum.

Aliæ Secretæ, pag. 267

Communio Joan. 6 Qui manducat meam carnem, et bibit meum Sanguinem, in me manet, et ego in eo, dicit Dominus.

Postcommunio

MENTES nostras, et corpora possideat, quæsumus Domine, doni cælestis operatio : ut non noster sensus in nobis ; sed júgiter ejus præveniat effectus : Per Dominum.

Aliæ Postcommuniones, pag. 268

DOMINICA
DECIMA QUARTA

post Octavam Trinitatis

Officium

Ps. 85

MISERERE mihi Dómine, quóniam ad te clamávi tota die : quia tu Dómine suávis, ac mitis es, et copiósus in misericórdia omnibus invocántibus te. *℟.* Inclina Dómine aurem tuam mihi, et exáudi me : quóniam inops, et pauper sum ego. Glória Patri. Glória in excélsis.

Oratio

TUA nos, quæsumus Dómine, grátia semper et prævéniat, et sequátur; ac bonis opéribus júgiter præstet esse inténtos : Per Dóminum.

Aliæ Orationes, ut in secunda Dominica, pag. 266

Léctio Epístolæ beáti Pauli
Apóstoli ad Ephésios. *c. 3*

FRATRES : Obsecro vos ne deficiátis in tribulatióibus meis pro vobis : quæ est glória vestra. Hujus rei grátia flecto génua mea ad Patrem Dómini nostri Jesu Christi, ex quo omnis patérnitas in cælis, et in terra nominátur, ut det vobis secúndum divítias glóriæ suæ, virtúte corroborári per Spíritum ejus in interiorem hóminem, Christum habitáre per fidem in córdibus vestris : In caritaté radicáti, et fundáti, ut possitis comprehendere cum omnibus sanctis, quæ sit latitúdo, et longitúdo, et sublimitas, et profúndum : Scire étiam supereminéntem

sciéntiæ caritatém Christi, ut impleámini in omnem plenitúdinem Dei. Ei autem, qui potens est ómnia fácere superabundánter quam pétimus, aut intelligimus, secúndum virtútem, quæ operátur in nobis : ipsi glória in Ecclésia, et in Christo Jesu, in omnes generatióes sæculi sæculórum. Amen.

℟. Ps. 101 Timébunt gentes nomen tuum Dómine, et omnes reges terræ glóriam tuam.

℟. Quóniam ædificávit Dóminus Sion : et vidébitur in majestáte sua.

Allelúia, allelúia. *℟.* Ps. 104 Confitémini Dómino, et invocáte nomen ejus : annuntiáte inter gentes ópera ejus. Allelúia.

✠ Sequéntia sancti Evangélíi
secúndum Lucam. *c. 14*

IN illo témpore : Cum intráret Jesus in domum cujúsdam principis Pharisæórum sábbato manducáre panem, et ipsi observábant eum. Et ecce homo quidam hydrópicus erat ante illum. Et respóndens Jesus, dixit ad legisperitos, et Pharisæos, dicens : Si licet sábbato curáre? At illi tacuerunt. Ipse vero apprehénsus sanávit eum, ac dimisit. Et respóndens ad illos, dixit : Cujus vestrum ásinus, aut bos in púteum cadet, et non continuo éxtrahet illum die sábbati? Et non póterant ad hæc respondére illi. Dicébat autem et ad invitátos parábolam, inténdens quómodo primos accúbitus eligerent, dicens ad

illos : Cum invitatus fueris ad nuptias, non discumbas in primo loco, ne forte honoratior te sit invitatus ab illo, et veniens is, qui te et illum vocavit, dicat tibi, Da huic locum : et tunc incipias cum rubore novissimum locum tenere. Sed cum vocatus fueris, vade, recumbe in novissimo loco : ut, cum venerit qui te invitavit, dicat tibi : Amice, ascende superius. Tunc erit tibi gloria coram simul discumbentibus : Quia omnis, qui se exaltat, humiliabitur : et qui se humiliat, exaltabitur.

Credo.

Offertorium Ps. 39 Domine, in auxilium meum respice : confundantur, et revereantur, qui quaerunt animam meam, ut auferant eam.

Secreta

MUNDA nos, quaesumus Domine, sacrificii praesentis effectu; et perfice miseratus in nobis, ut ejus mereamur esse participes. Per Dominum.

Aliae Secretae, pag. 267

Communio Ps. 70 Domine memorabor justitiae tuae solius : Deus docuisti me a juventute mea : et usque in senectam et senium, Deus ne derelinquas me.

Postcommunio

PURIFICA, quaesumus Domine, mentes nostras benignus, et renova caelestibus sacramentis; ut consequenter et corporum praesens pariter

et futurum capiamus auxilium : Per Dominum.

Aliae Postcommuniones, pag. 268

DOMINICA DECIMA QUINTA

post Octavam Trinitatis

Officium

Ps. 118

JUSTUS es Domine, et rectum judicium tuum : fac cum servo tuo secundum misericordiam tuam. **V.** Beati immaculati in via : qui ambulantes in lege Domini. **Gloria Patri. Gloria in excelsis.**

Oratio

DA, quaesumus Domine, populo tuo diabolica vitare contagia; et te solum Deum pura mente sectari : Per Dominum.

Aliae Orationes, ut in secunda Dominica, pag. 266

Lectio Epistolae beati Pauli Apostoli ad Ephesios. c. 4

FRATRES : Obsecro vos ego vinctus in Domino, ut digne ambulatis vocatione, qua vocati estis, cum omni humilitate, et mansuetudine, cum patientia, supportantes invicem in caritate, solliciti servare unitatem Spiritus in vinculo pacis. Unum corpus, et unus Spiritus, sicut vocati estis in una spe vocationis vestrae. Unus Dominus, una fides, unum baptisma. Unus Deus et Pater omnium, qui est super omnes, et per omnia, et in omnibus nobis. Qui est

benedictus in sæcula sæculórum. Amen.

℟. Ps. 32 Beáta gens, cujus est Dóminus, Deus eórum : pópulus, quem elégit Dóminus in hereditátem sibi. **℣.** Verbo Dómini cæli firmáti sunt : et spíritu oris ejus omnis virtus eórum.

Allelúia, allelúia. ℣. Ps. 107 Parátum cor meum Deus, parátum cor meum : cantábo, et psallam in glória mea. Allelúia.

✠ Sequéntia sancti Evangélíi secúndum Matthæum. **c. 22**

IN illo témpore : Accessérunt ad Jesum Pharisæi : et interrogávit eum unus ex eis legis doctor, tentans eum : Magister, quod est mandátum magnum in lege? Ait illi Jesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum, et primum mandátum. Secúndum autem simile est huic : Díliges próximum tuum, sicut teípsum. In his duóbus mandátis univérsa lex pendet, et prophétæ. Congregátis autem Pharisæis, interrogávit eos Jesus, dicens : Quid vobis vidétur de Christo? Cujus filius est? Dicunt ei : David. Ait illis : Quómodo ergo David in spíritu vocat eum Dóminum, dicens, Dixit Dóminus Dómino meo : sede a dextris meis, donec ponam inimicos tuos scabéllum pedum tuórum? Si ergo David vocat eum Dóminum, quómodo filius ejus est? Et nemo póterat

ei respondére verbum : neque ausus fuit quisquam ex illa die eum ámplius interrogáre. **Credo.**

Offertorium Dan. 9 Orávi Deum meum ego Dániel, dicens : Exáudi Dómine preces servi tui : illúmina fáciem tuam super sanctuárium tuum : et propítius inténde pópulum istum, super quem invocátum est nomen tuum, Deus.

Secreta

MAJESTATEM tuam, Dómine, suppliciter deprecámur : ut hæc sancta, quæ gérimus, et a præteritis nos delictis éxuant, et futúris. Per Dóminum.

Alia Secretæ, pag. 267

Communio Ps. 75 Vovéte, et réddite Dómino Deo vestro, omnes qui in circúitu ejus affértis múnera : terribili et ei qui aufert spíritum princípum, terribili apud omnes reges terræ.

Postcommunio

SANCTIFICATIONIBUS tuis, Omnipotens Deus, et vitia nostra curéntur; et remédia nobis ætéRNA provéniant : Per Dóminum.

Alia Postcommuniones, pag. 268

FERIA QUARTA

Quatuor Temporum

Statio ad S. Mariam Majorem

Officium

Ps. 80

EXSULTATE Deo adjutóri nostro, jubiláte Deo Jacob : súmíte psalmum jucúndum cum cíthara : cánite

in initio mensis tuba : quia præceptum in Israël est, et iudicium Deo Jacob. *℟.* Bucináte in Neoménia tuba, in insigni die solemnitatís vestræ. Glória Patri. *Kýrie eléison.*

Oratio sequens non est dicenda pro memoria Q. T. in Missa festi, si hac die occurrerit; sed dici debet Oratio subsequens Præsta, ut infra.

Orémus *sine* Dóminus vobiscum.

Oratio

MISERICORDIÆ tuæ remédiis, quæsumus Dómine, fragilitas nostra subsistat : ut quæ sua conditione attéritur; tua cleméntia reparétur : Per Dóminum.

Léctio Amos Prophætæ. *c. 9*

HÆC dicit Dóminus Deus : Ecce dies véniunt : et comprehendet arátor messórem, et calcátor uvæ mittentem semen : Et stillábunt montes dulcédinem, et omnes colles culti erunt. Et convertam captivitatem pópuli mei Israël : et ædificábunt civitates desértas, et inhabitábunt : Et plantábunt vineas, et bibent vinum eárum : Et fácient hortos, et cómedent fructus eórum. Et plantábo eos super humum suam : et non evéllam eos ultra de terra sua, quam dedi eis : Dicit Dóminus Deus tuus.

℟. Ps. 32 Beáta gens, cujus est Dóminus, Deus eórum : pópulus, quem elégit Dóminus in hereditatem sibi. *℟.* Verbo Dómini cæli firmáti sunt : et spíritu oris ejus omnis virtus eórum.

Dóminus vobiscum.

Orémus

Oratio

PRÆSTA, quæsumus Dómine, familiæ tuæ supplicánti : ut dum a cibis corporálibus se ábstinet; a vítiis quoque mente jejúnet : Per Dóminum.

Secunda Oratio

ACUNCTIS nos, quæsumus Dómine, mentis et corporis defénde periculis : et intercedente beáta et gloriósa semper Vírgine Dei Genitrice María, cum beáto Joseph, beátis Apóstolis tuis Petro et Paulo, atque beáto Dominico Patre nostro, et ómnibus Sanctis, salutem nobis tribue benignus, et pacem; ut destrúctis adversitatibus et erróribus univérsis, Ecclesia tua secúra tibi sérviat libertáte. (Per eúmdem.)

Tertia Oratio ad libitum.

Léctio Libri Esdræ. *2 Esd. 8*

IN diébus illis : Congregátus est omnis pópulus quasi vir unus ad platéam, quæ est ante portam aquárum : et dixerunt Esdræ scribæ ut afféret Librum legis Móysi, quam præcéperat Dóminus Israël. Attulit ergo Esdras sacerdos legem coram multitudíne virórum et mulierum, cunctisque qui póterant intelligere, in die prima mensis séptimi. Et legit in eo apérte in platéa quæ erat ante portam aquárum, de mane usque ad médiam diem, in conspéctu virórum et mulierum, et sapiéntium : Et aures omnis pópuli erant eré-

ctæ ad Librum. Stetit autem Esdras scriba super gradum ligneum, quem fecerat ad loquendum. Et aperuit Librum coram omni populo : Super univèrsum quippe populum eminèbat : Et cum aperuisset eum, stetit omnis populus. Et benedixit Esdras Dómino Deo magno : Et respóndit omnis populus, Amen, amen : elevans manus suas. Et incurvati sunt, et adoraverunt Deum, proni in terram. Porro Levitæ siléntium faciébant in populo ad audiendam legem : Populus autem stabat in gradu suo. Et legérunt in Libro legis Dei distincte, et apèrte ad intelligendum : et intellexérunt cum legerétur. Dixit autem Nehemias, et Esdras sacerdos et scriba, et Levitæ interpretantes univèrso populo : Dies sanctificátus est Dómino Deo nostro, nolite lugère, et nolite flere. Et dixit eis : Ite, comedite pingua, et bibite mulsum, et mittite partes his, qui non præparaverunt sibi : quia sanctus dies Dómini est, et nolite contristári : Gáudium etenim Dómini est fortitúdo nostra.

℟. **Ps. 112** Quis sicut Dóminus Deus noster, qui in altis hábitat, et humília respicit in cælo et in terra. ✠. Súscitans a terra inopem, et de stercore érigens páuperem.

✠ **Sequéntia sancti Evangélii** secúndum Marcum. **c. 9**

IN illo témpore : Respóndens unus de turba, dixit ad Jesum : Magíster, áttuli filium

meum ad te, habéntem spíritum mutum : Qui ubicúmque eum apprehénderit, allídit illum, et spumat, et stridet déntibus, et aréscit : Et dixi discipulis tuis ut ejicerent illum, et non potuerunt. Qui respóndens eis, dixit : O generátio incrédula, quámdu apud vos ero? quámdu vos pátiar? Afférte illum ad me. Et attulerunt eum. Et cum vidisset eum, statim spíritus conturbávit illum : et elísus in terram, volutabátur spumans. Et interrogávit patrem ejus : Quantum témporis est ex quo ei hoc áccidit? At ille ait : Ab infántia : Et frequénter eum in ignem, et in aquas misit, ut eum pérderet. Sed si quid potes, ádjuva nos, misértus nostri. Jesus autem ait illi : Si potes crédere, ómnia possible sunt credénti. Et continuo exclámans pater púeri, cum lácrymis aíebat : Credo, Dómine : ádjuva incredulitatem meam. Et cum vidéret Jesus concurréntem turbam, comminátus est spíritui inmúndo, dicens illi : Surde, et mute spíritus, ego præcipio tibi, exi ab eo : et ámplius ne intrócas in eum. Et exclámans, et multum discérpens eum, éxiit ab eo, et factus est sicut mórtuus, ita ut multi dicerent : Quia mórtuus est. Jesus autem tenens manum ejus, elevávit eum, et surréxit. Et cum introisset in domum, discipuli ejus secréto interrogábant eum : Quare nos non potúimus ejicere eum? Et dixit illis : Hoc genus in nullo potest

exire, nisi in oratione, et jejúnio.

Offertorium Ps. 118 Meditabor in mandatis tuis, quæ diléxi valde : et levábo manus meas ad mandata tua, quæ diléxi.

Secreta

HÆC hóstia, Dómine, quæsumus, emúndet nostra delicta : et ad sacrificium celebrándum, subditórum tibi corpóra, mentésque sanctificet. Per Dóminum.

Secunda Secreta

EXAUDI nos Deus salutáris noster : ut per hujus sacraménti virtútem a cunctis nos mentis et corpóris hóstibus tueáris, grátiam tribuens in præsentí, et glóriam in futuro. (Per Dóminum.)

Tertia Secreta ad libitum.

Communio 2 Esd. 8 Comédite pínguia, et bibite mulsum, et míttite partes eis, qui non præparavérunt sibi : sanctus enim dies Dómini est, nolíte contristári : gáudium étenim Dómini est fortitúdo nostra.

Postcommunio

SUMENTES, Dómine, dona cæléstia, suppliciter deprecámur : ut quæ sédula servitúte, donánte te, gérimus; dignis sénsibus tuo múnere capiámus : Per Dóminum.

Secunda Postcommunio

MUNDET et múniat nos, quæsumus Dómine, divini sacraménti munus oblátum : et intercedénte beáta

Virgine Dei Genitrice Maria, cum beáto Joseph, beátis Apóstolis tuis Petro et Paulo, atque beáto Dominico Patre nostro, et ómnibus Sanctis; a cunctis nos reddat et perversitátibus expiátos, et adversitátibus expeditos. (Per eúmdem Dóminum nostrum.)

Tertia Postcommunio ad libitum.

FERIA SEXTA

Quatuor Temporum

Statio ad SS. duodecim Apostolos

Officium

Ps. 104

LÆTETUR cor quæréntium Dóminum : quærite Dóminum, et confirmámini : quærite fáciem ejus semper. *℟.* Confitémini Dómino, et invocáte nomen ejus : annuntiáte inter gentes ópera ejus. **Glória Patri.**

Oratio

PRÆSTA, quæsumus omnipotens Deus : ut observationes sacras ánnua devotíone recoléntes; et corpore tibi placeámus, et mente : Per Dóminum.

Secunda et tertia Oratio ut in Feria IV, pag. 287

Lectio Osée Prophætæ. c. 14

HÆC dicit Dóminus Deus. Convértere Israël ad Dóminum Deum tuum : quóniam corruísti in iniquitáte tua. Tólite vobíscum verba, et convertimini ad Dóminum, et dicite ei : Omnem aufer iniquitátem, áccipe bonum : et reddémus

vítulos labiórur nostrórum. Assur non salvábit nos, super equum non ascendémus, nec dicémus ultra, Dii nostri ópera mánuum nostrárum : quia ejus, qui in te est, miseréberis pupílli. Sanábo contritiónes eórum, diligam eos spontáne : quia avérsus est furor meus ab eis. Ero quasi ros, Israël germinábit sicut lílium, et erúmpet radix ejus ut Líbani. Ibunt rami ejus, et erit quasi olíva glória ejus : et odor ejus ut Líbani. Converténtur sedéntes in umbra ejus : vivent trítico, et germinábunt quasi vinea : Memoriále ejus sicut vinum Líbani. Ephraím quid mihi ultra idóla? Ego exáudiam, et dirigam eum ego ut abietem viréntem : Ex me fructus tuus invéntus est. Quis sápiens, et intélliget ista? intélligens, et sciet hæc? Quia rectæ viæ Dómini, et justí ambulábunt in eis : prævaricatóres vero córruent in eis.

✠ **Ps. 89** Convértere Dómine aliquántulum : et deprecáre super servos tuos. ✠ Dómine, refúgium factus es nobis : a generatióne et progénie.

✠ **Sequéntia sancti Evangélii** secundum Lucam. **c. 7**

IN illo témpore : Rogábat Jesum quidam de Pharisæis, ut manducáret cum illo. Et ingressus domum Pharisæi, discúbuit. Et ecce múlter, quæ erat in civitáte peccátrix, ut cognóvit quod accubúisset in domo Pharisæi, áttulit alabástrum unguénti : Et stans retro secus pedes ejus, lácri-

mis cœpit rigáre pedes ejus, et capillis cápitis sui tergébat, et osculabátur pedes ejus, et unguénto ungébat. Videns autem Pharisæus, qui vocáverat eum, ait intra se dicens : Hic si esset prophéta, sciret útique, quæ, et qualis est múlter, quæ tangit eum : quia peccátrix est. Et respóndens Jesus, dixit ad illum : Simon, hábeo tibi áliquíd dicere. At ille ait : Magister, dic. Duo debitóres erant cuidam feneratori : Unus debébat denários quingéntos, et álius quinquagínta. Non habéntibus illis unde rédderent, donávit utrisque. Quis ergo eum plus diligit? Respóndens Simon, dixit : Æstimo, quia is, cui plus donávit. At ille dixit ei : Recte judicásti. Et convérsus ad mulierem, dixit Simóni : Vides hanc mulierem? Intrávi in domum tuam, aquam pédibus meis non dedisti : Hæc autem lácrimis rigávit pedes meos, et capillis suis tersit. Osculum mihi non dedisti : hæc autem ex quo intrávit, non cessávit osculári pedes meos. Oleo caput meum non unxisti : hæc autem unguénto unxit pedes meos. Propter quod dico tibi : Remittúntur ei peccáta multa, quóniam diléxit multum. Cui autem minus dimíttitur, minus diligit. Dixit autem ad illam : Remittúntur tibi peccáta. Et cœpérunt qui simul accumbébant, dicere intra se : Quis est hic, qui étiam peccáta dimíttit? Dixit autem ad mulierem : Fides tua te salvam fecit : vade in pace.

Offertorium Ps. 102 Bénedic ánima mea Dómino, et noli oblivísci omnes retributiónes ejus : et renovábitur sicut áquilæ juvéntus tua.

Secreta

ACCEPTA tibi sint, Dómine quæsumus, nostri dona jejúnii : quæ et expiándo nos tua grátia dignos efficiant, et ad sempitérna promíssa perducant. Per Dóminum.

Secunda et tertia Secreta ut Feria IV, pag. 289

Communio Ps. 118 Aufer a me oppróbrium et contéptum, quia mandáta tua exquisívi, Dómine : nam et testi-mónia tua, meditatio mea est.

Postcommunio

QUÆSUMUS omnipotens Deus : ut de percéptis munéribus grátias exhibéntes; beneficia potióra sumámus : Per Dóminum.

Secunda et tertia Postcommunio ut Feria IV, pag. 289

SABBATO

Quatuor Temporum

Statio ad S. Petrum

Officium

Ps. 94

VENITE, adorémus Deum, et procidámus ante Dóminum : plorémus ante eum, qui fecit nos : quia ipse est Dóminus Deus noster. **℟.** Veníte, exsultémus Dómino : jubilémus Deo salutári nostro. **Glória Patri.**

Post Kýrie eléison, quinque sequentes Orationes dicantur sine Dóminus vobíscum, sed dicatur :

Orémus

Oratio

OMNIPOTENS sempitérne Deus, qui per continéntiam salutárem corpóribus medéris et méntibus; majestátem tuam súpplices exorámus : ut pia jejunántium deprecatione placátus; et præséntia nobis subsidia tríbuas, et futúra : Per Dóminum.

Oratio ista non est dicenda pro Memoria Q. T. in Missa festi, si hac die occurrerit; sed dici debet Oratio subsequens Præsta, pag. 292

Lectio Libri Levítici. c. 23

IN diébus illis : Locútus est Dóminus ad Móysen, dicens : Décimo die mensis hujus séptimi, dies expiatiónum erit celebérrimus, et vocábitur sanctus : Affligetisque ánimas vestras in eo, et offerétis holocáustum Dómino. Omne opus servile non faciétis in témpore diéi hujus : quia dies propitiatiónis est, ut propitiétur vobis Dóminus Deus vester. Omnis ánima, quæ afflicta non fúerit die hac, peribit de pópulis suis : Et quæ óperis quídpian fécerit, delébo eam de pópulo suo. Nihil ergo óperis faciétis in eo : Legítimum sempitérnum erit vobis in cunctis generatióibus, et habitatióibus vestris. Sábbatum requietiúnis est, et affligétis ánimas vestras die nono mensis : a véspera usque ad vésperam celebrábitis sábbata vestra. Dicit Dóminus omnipotens.

℟. Ps. 78 Propítius esto Dómine peccátis nostris : nequándo dicant gentes : Ubi est Deus eórum? **℣.** Adjuva nos Deus salutáris noster : et propter honórem nóminis tui Dómine libera nos.

Orémus

Oratio

DA nobis, quæsumus omnipotens Deus : ut jejunádo tua grátia satiémur; et abstinéndo cunctis efficiámur hóstibus fortióres : Per Dóminum.

Lectio Libri Levítico. c. 23

IN diébus illis : Locútus est Dóminus ad Móysen, dicens : A quinto décimo die mensis séptimi, quando congregavéritis omnes fructus terræ vestræ, celebrábitis férias Dómini septem diébus. Die primo et die octávo erit sábbatum, id est réquies. Sumetisque vobis die primo fructus árboris pulchérrimæ, spatulásque palmárum, et ramos ligni densárum fróndium, et sálices de torrén-te, et lætábimini coram Dómino Deo vestro. Celebrabítisque solemnitátem ejus septem diébus per annum. Legítimum sempitérnum erit in generatióibus vestris. Mense séptimo festa celebrábitis, et habitábitis in umbráculis septem diébus. Omnis, qui de génere est Israël, manébit in tabernáculis : ut discant pósteri vestri quod in tabernáculis habitáre fécerim filios Israël, cum edúcerem eos de Terra Ægýpti. Ego Dóminus Deus vester.

℟. Ps. 83 Protéctor noster aspice Deus : et réspice super servos tuos. **℣.** Dómine Deus virtútum, exáudi preces servórum tuórum.

Orémus

Oratio

TUERE, quæsumus Dómine, familiam tuam : ut salutis æternæ remédia, quæ te inspiránte requirimus; te largiénte consequámur : Per Dóminum.

Lectio Michææ Prophætæ. c. 7

DOMINE Deus noster, pasce pópulum tuum in virga tua, gregem hereditátis tuæ habitántes solos in saltu, juxta dies antiquos. Vidébunt gentes, et confundéntur super omni fortitúdine sua. Quis Deus similis tui, qui aufers iniquitátem, et transis peccátum reliquiárum hereditátis tuæ? Non immíttet ultra furórem suum, quóniam volens misericórdiam est. Revertétur, et miserébitur nostri : Depónet iniquitátes nostras, et projiciet in profúndum maris ómnia peccáta nostra. Dabis veritátem Jacob, misericórdiam Abraham : quæ jurásti pátribus nostris a diébus antiquis, Dómine Deus noster.

℟. Ps. 140 Dirigátur orátio mea sicut incénsus in conspéctu tuo, Dómine. **℣.** Elevátio mánuum meárum sacrificium vespertinum.

Orémus

Oratio

PRÆSTA, quæsumus Dómine, sic nos ab épulis abstinére carnálibus; ut a vítiis irruéntibus páriter jejunémus : Per Dóminum.

Lectio Zachariæ Prophætæ.

c. 8

IN diébus illis : Factum est verbum Dómini ad me, dicens : Hæc dicit Dóminus exercituum : Sicut cogitávi ut affligerem vos, cum ad iracúndiam provocássent patres vestri me, dicit Dóminus, et non sum misértus : sic convérsus cogitávi in diébus istis ut benefáciam dómui Juda, et Jerúsalem : Nolite timére. Hæc sunt ergo verba, quæ faciétis : Loquimini veritátem, unusquisque cum próximo suo : veritátem, et iudícium pacis iudicáte in portis vestris. Et unusquisque malum contra amicum suum ne cogitétis in córdibus vestris : et juraméntum mendax ne diligátis : Omnia enim hæc sunt, quæ odi, dicit Dóminus. Et factum est verbum Dómini exercituum ad me, dicens : Hæc dicit Dóminus exercituum : Jejúnium quarti, et jejúnium quinti, et jejúnium séptimi, et jejúnium décimi erit dómui Juda in gáudium, et lætitiám, et in solemnitátes præcláras : Veritátem tantum, et pacem diligite. Dicit Dóminus exercituum.

℟. Ps. 89 Convértere Dómine aliquántulum : et deprecáre super servos tuos. ℣. Dómine, refúgium factus es nobis : a generatióne et progénie.

Orémus

Oratio

UT nobis, Dómine, tribuis solémne tibi deférre jejúnium; sic nobis, quæsumus,

indulgéntiæ præsta subsidium : Per Dóminum.

Lectio Daniélis Prophætæ.

c. 3

IN diébus illis : Angelus Dómini descendit cum Azaría, et sóciis ejus in fornácem : et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem : et erúpit, et incéndit quos réperit juxta fornácem de Chaldæis, ministros regis, qui eam incendébant. Et non tétigit eos omnino ignis, neque contristávit, nec quidquam moléstiae intulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes.

Hymnus

Dan. 3

BENEDICTUS es Dómine Deus patrum nostrórum : et laudábilis, et gloriósus in sæcula. ℣. Et benedictum nomen glóriæ tuæ, quod est sanctum : et laudábile, et gloriósum in sæcula. ℣. Benedictus es in templo sancto glóriæ tuæ : et laudábilis, et gloriósus in sæcula. ℣. Benedictus es super thronum sanctum regni tui : et laudábilis, et gloriósus in sæcula. ℣. Benedictus es super sceptrum divinitátis tuæ : et laudábilis, et gloriósus in sæcula. ℣. Benedictus es, qui sedes super Chérubim, intuens abyssos : et laudábilis, et gloriósus in sæcula. ℣. Benedictus es, qui

ámbulas super pennas ventórum, et super undas maris : et laudábilis, et gloriósus in sácula. ✠. Benedicant te omnes Angeli, et Sancti tui : et laudent te, et glorificent in sácula. ✠. Benedicant te cæli, terra, mare, et ómnia, quæ in eis sunt : et laudent te, et glorificent in sácula. ✠. Glória Patri, et Filio, et Spiritui Sancto : et laudábili, et glorióso in sácula. ✠. Sicut erat in principio, et nunc, et semper, et in sácula sæculórum, amen : et laudábili, et glorióso in sácula. ✠. Benedictus es Dómine Deus patrum nostrórum : et laudábilis, et gloriósus in sácula.

Postea dicatur : Dóminus vobíscum.

Orémus

Oratio

DEUS, qui tribus púeris mitigásti flammam ignium; concéde propítius, ut nos fámulos tuos non exúrat flamma vitiórum : Per Dóminum.

Secunda Oratio A cunctis, p. 287, vel sequens Concéde, juxta Rubricas.

CONCEDE nos fámulos tuos, quæsumus Dómine Deus, perpétua mentis et córporis salute gaudere : et gloriósa beátæ Mariæ semper Virginis intercessióne, a præsentí liberári tristítia; et æténa pérfrui lætítia. (Per Dóminum.)

Tertia Oratio ad libitum.

Léctio Epístolæ beáti Pauli Apóstoli ad Hebræos. **c. 9**

FRATRES : Tabernáculum factum est primum, in quo erant candelábra, et

mensa, et propositio panum, quæ dicitur Sancta. Post velamentum autem secundum, tabernáculum, quod dicitur Sancta sanctorum : áureum habens thuribulum, et arcam testaménti circumtétam ex omni parte auro, in qua urna áurea habens manna, et virga Aaron, quæ frondúerat, et tabulæ testaménti, superque eam erant Chérubim glóriæ obumbrántia propitiatórium : de quibus non est modo dicendum per singula. His vero ita compósitis : in prióri quidem tabernáculo semper introibant sacerdótes, sacrificiórum officia consummántes : In secúndo autem semel in anno solus pón tifex non sine sán guine, quem offert pro sua, et pópuli ignorántia : hoc significánte Spíritu Sancto, nondum propalátam esse sanctorum viam, adhuc prióre tabernáculo habénte statum. Quæ parábola est témporis instántis : juxta quam múnera, et hóstiæ offerúntur, quæ non possunt juxta consciéntiam perféctum fácere serviéntem, solúmmodo in cibis, et in pótibus, et váriis baptismátibus, et justítiis carnis usque ad tempus correctiónis impósitis. Christus autem assístens pón tifex futurórum bonórum, per ámplius et perféctius tabernáculum non manufáctum, id est, non hujus creatiónis : neque per sán guinem hircórum, aut vitulórum, sed per próprium Sanguinem introivit semel in Sancta, æténa redemptióne invénta.

Tractus Ps. 116 Laudáte Dóminum omnes gentes : et colaudáte eum omnes pópuli.

✠ Quóniam confirmáta est super nos misericórdia ejus : et véritas Dómini manet in ætérnum.

✠ **Sequéntia sancti Evangélii**
secúndum Lucam. **c. 13**

IN illo témpore : Dicébat Jesus turbis hanc similitúdinem : Arborem fici habébat quidam plantátam in vinea sua, et venit quærens fructum in illa, et non invénit. Dixit autem ad cultórem vineæ : Ecce anni tres sunt ex quo vénio quærens fructum in ficúlnea hac, et non invénio : Succide ergo illam : Ut quid étiam terram óccupat? At ille respóndens, dicit illi : Dómine dimitte illam et hoc anno, usque dum fódiam circa illam, et mittam stércora : Et si quidem fécerit fructum : Sin autem, in futúrum succides eam. Erat autem docens in synagóga eórum sábbatis. Et ecce múlter, quæ habébat spírítum infirmitátis annis decem et octo : et erat inclináta, nec omnino póterat sursum respícere. Quam cum vidéret Jesus, vocávit eam ad se, et ait illi : Múlter, dimissa es ab infirmitáte tua. Et impósuit illi manus, et conféstim erécta est, et glorificábat Deum. Respóndens autem archisynagógus, indignans quia sábbato curásset Jesus : dicébat turbæ : Sex dies sunt, in quibus opórtet operári : In his ergo veníte, et curámini, et non in die sá-

bati. Respóndens autem ad illum Dóminus, dixit : Hypócritæ, unusquisque vestrum sábbato non solvit bovem suum, aut ásinum a præsépio, et ducit adaquáre? Hanc autem filiam Abrahæ, quam alligávit sátanás, ecce decem et octo annis, non opórtuit solvi a vínculo isto die sábbati? Et cum hæc diceret, erubescébant omnes adversárii ejus : Et omnis pópulus gaudébat in univérsis, quæ glorióse fiébant ab eo.

Offertorium Ps. 87 Dómine Deus salútis meæ, in die clamávi, et nocte coram te : intret orátio mea in conspéctu tuo, Dómine.

Secreta

CONCEDE, quæsumus omnipotens Deus : ut óculis tuæ majestátis munus oblátum, et grátiam nobis devotiónis obtíneat, et effectum beátæ perennitátis acquirat. Per Dóminum.

Secunda Secreta Exáudi nos, pag. 289, vel sequens Tua, Dómine, juxta Rubricas.

TUA, Dómine, propitiatióne, et beátæ Mariæ semper Virginis intercessióne, ad perpétuam atque præsentem hæc oblátio nobis proficiat prosperitátem et pacem. (Per Dóminum.)

Tertia Secreta ad libitum.

Communio Lev. 23 Mense séptimo festa celebrábitis, cum in tabernáculis habitáre fécerim filios Israël, cum edúcerem eos de Terra Ægýpti, ego Dóminus Deus vester.

Postcommunio

PERFICIANT in nobis, Dómine quæsumus, tua sacramenta quod continent : ut quæ nunc specie gerimus; rerum veritate capiamus : Per Dóminum.

Secunda Postcommunio Mundet, pag. 289, vel sequens Sumptis, juxta Rubricas.

SUMPTIS, Dómine, salutis nostræ subsidiis : da, quæsumus, beátæ Mariæ semper Virginis patrociniis nos ubique protégi; in cujus veneratíone hæc tuæ obtulimus majestati. (Per Dóminum.)

Tertia Postcommunio ad libitum.

DOMINICA
DECIMA SEXTA

post Octavam Trinitatis

Officium Eccli. 36

DA pacem, Dómine, sustentibus te, ut prophætæ tui fideles inveniántur : exáudi preces servi tui, et plebis tuæ Israël. **Ps. 121** Lætátus sum in his, quæ dicta sunt mihi : In domum Dómini ibimus. Glória Patri. Glória in excelsis.

Oratio

DIRIGAT corda nostra, quæsumus Dómine, tuæ miseratiónis operatio; quia tibi sine te placere non possumus : Per Dóminum.

Aliæ Orationes, ut in secunda Dominica, pag. 266

Lectio Epistolæ beáti Pauli
Apóstoli ad Corínthios.

1, c. 1

FRATRES : Grátias ago Deo meo semper pro vobis in grátia Dei, quæ data est vobis in Christo Jesu : quod in ómnibus divites facti estis in illo, in omni verbo, et in omni sciéntia : sicut testimónium Christi confirmátum est in vobis : ita ut nihil vobis desit in ulla grátia, exspectántibus revelatíonem Dómini nostri Jesu Christi, qui et confirmábit vos usque in finem sine crimine, in die advéntus Dómini nostri Jesu Christi.

Ps. 121 Lætátus sum in his, quæ dicta sunt mihi : In domum Dómini ibimus. **V.** Fiat pax in virtúte tua : et abundantia in túrribus tuis.

Allelúia, allelúia. Ps. 113 Qui timent Dóminum, sperent in eum : adjutor et protector eórum est. Allelúia.

Sequéntia sancti Evangélii
secúndum Matthæum. **c. 9**

IN illo témpore : Ascéndens Jesus in navículam, transfretávit, et venit in civitatem suam. Et ecce offerébant ei paralyticum jacéntem in lecto. Et videns Jesus fidem illórum, dixit paralytico : Confide fili, remittúntur tibi peccáta tua. Et ecce quidam de Scribis dixerunt intra se : Illic blasphemát. Et cum vidisset Jesus cogitatíones eórum, dixit : Ut quid cogitátis mala in córdibus vestris? Quid est facílius

dicere, Dimittuntur tibi peccata tua : an dicere, Surge, et ambula? Ut autem sciatis, quia Filius hominis habet potestatem in terra dimittendi peccata, tunc ait paralítico : Surge, tolle lectum tuum, et vade in domum tuam. Et surrexit, et abiit in domum suam. Videntes autem turbæ timuerunt, et glorificaverunt Deum, qui dedit potestatem talem hominibus. **Credo.**

Offertorium Exo. 24 Sanctificavit Moyses altare Domino, offerens super illud holocausta, et immolans victimas : fecit sacrificium vespertinum in odorem suavitatis Domino Deo in conspectu filiorum Israël.

Secreta

DEUS, qui nos per hujus sacrificii veneranda commercia, unius summæ divinitatis participes efficis : præsta quæsumus, ut sicut tuam cognoscimus veritatem, sic eam dignis moribus assequamur. Per Dominum.

Aliæ Secretæ, pag. 267

Communio Ps. 95 Tollite hostias, et introite in atria ejus : adorâte Dominum in aula sancta ejus.

Postcommunio

GRATIAS tibi reférimus, Domine, sacro múnere vegetati, tuam misericórdiam deprecantes; ut dignos nos ejus participatione perficias : Per Dominum.

Aliæ Postcommuniones, pag. 268

DOMINICA DECIMA SEPTIMA post Octavam Trinitatis

Officium

SALUS pópuli ego sum, dicit Dominus : de quacúmque tribulatione clamaverint ad me, exaudiam eos, et ero illórum Dominus in perpétuum. **Ps. 77** Attendite pópule meus legem meam : inclinâte aurem vestram in verba oris mei. Glória Patri. **Glória in excelsis.**

Oratio

OMNIPOTENS et miséricors Deus, universa nobis adversántia propitiátus excludé : ut mente et corpore páriter expediti; quæ tua sunt, liberis méntibus exsequámur : Per Dominum.

Aliæ Orationes, ut in secunda Dominica, pag. 266

Lectio Epistolæ beati Pauli Apóstoli ad Ephésios. c. 4

FRATRES : Renovámini spiritu mentis vestræ, et induite novum hóminem, qui secundum Deum creátus est in justitia, et sanctitáte veritátis. Propter quod deponétes mendácium, loquimini veritatem unusquisque cum próximo suo : quóniam sumus invicem membra. Irascimini, et nolite peccâre : Sol non occidat super iracúndiam vestram. Nolite locum dare diabolo : Qui furabátur, jam non furétur : Magis autem labóret, operádo manibus suis, quod

bonum est, ut hábeat unde tribuat necessitátem patiénti.

℟. Ps. 140 Dirigátur orátio mea sicut incénsum in conspéctu tuo, Dómine. **℣.** Elevátio mánuum meárum sacrificium vespertínium.

Allelúia, allelúia. ℣. Ps. 117 Déxtera Dómini fecit virtútem : déxtera Dómini exaltávit me. **Allelúia.**

✠ **Sequéntia sancti Evangélíi** secúndum Matthæum. **c. 22**

IN illo témpore : Loquebátur Jesus principibus sacerdotum et Pharisæis in parábolis, dicens : Símile factum est regnum cælórum hómīni regi, qui fecit nuptias filio suo. Et misit servos suos vocáre invitátos ad nuptias, et nolébant venire. Iterum misit álios servos, dicens : Dícite invitátis : Ecce prándium meum parávi, tauri mei, et altilia occisa sunt, et ómnia paráta : veníte ad nuptias. Illi autem neglexérunt : Et abiérunt, álius in villam suam, álius vero ad negotiatióem suam : Réliqui vero tenuérunt servos ejus, et contuméliis afféctos occidérunt. Rex autem cum audísset, irátus est : Et missis exercítibus suis, pérdidit homicidas illos, et civitátem illórum succéndit. Tunc ait servis suis : Nuptiæ quidem parátæ sunt, sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad nuptias. Et egréssi servi ejus in vias, congregavérunt omnes, quos

invenérunt, malos et bonos : Et implétæ sunt nuptiæ discumbéntium. Intrávit autem rex ut vidéret discumbéntes, et vidit ibi hómīnem non vestítum veste nuptiáli. Et ait illi : Amice, quómodo huc intrásti non habens vestem nuptiálem? At ille obmútit. Tunc dixit rex ministris : Ligátis mánibus, et pédibus ejus, mittite eum in ténebras exterióres : Ibi erit fletus, et stridor déntium. Multi enim sunt vocáti, pauci vero elécti.

Credo.

Offertorium Ps. 137 Si ambulávero in médio tribulatiónis, vivificábis me Dómine : et super iram inimicórum meórum exténdes manum tuam, et salvum me faciet déxtera tua.

Secreta

HÆC múnera, quæsumus Dómine, quæ óculis tuæ majestátis offerimus, salutária nobis esse concéde. Per Dóminum nostrum Jesum Christum Fílium tuum.

Aliæ Secretæ, pag. 267

Communio Ps. 118 Tu mandásti mandáta tua custodiri nimis : útinam dirigántur viæ meæ ad custodiéndas justificatióes tuas.

Postcommunio

TUA nos, Dómine, medicinalis operátio, et a nostris perversitatibus cleménter expédíat; et tuis semper faciat inhærere mandátis : Per Dóminum.

Aliæ Postcommuniones, pag. 268

DOMINICA
DECIMA OCTAVA

post Octavam Trinitatis

Officium Dan. 3

OMNIA, quæ fecisti nobis Dómine, in vero iudicio fecisti : quia peccávimus tibi, et mandátis tuis non obedívimus : sed da glóriam nómini tuo, et fac nobíscum secúndum multitudínem misericórdiæ tuæ. *℟. Ps. 118* Beáti immaculáti in via : qui ámbulant in lege Dómini. Glória Patri. Glória in excélsis.

Oratio

LARGIRE, quæsumus Dómine, fidélibus tuis indulgéntiam placátus et pacem : ut páriter ab ómnibus mündéntur offénsis; et secúra tibi mente deserviant : Per Dóminum.

Aliæ Orationes, ut in secunda Dominica, pag. 266

Léctio Epistolæ beáti Pauli Apóstoli ad Ephésios. *c. 5*

FRATRES : Vidéte quómodo caute ambulétis : non quasi insipientes, sed ut sapientes : Rediméntes tempus, quóniam dies mali sunt. Propterea nolite fieri imprudentes : sed intelligéntes, quæ sit volúntas Dei. Et nolite inebriári vino, in quo est luxúria : sed implémini Spíritu Sancto, loquéntes vobismetipsis in psalmis, et hymnis, et cánticis spirituálibus, cantántes, et psalléntes in córdibus vestris Dómino, grátias ágéntes semper pro ómnibus, in

nómine Dómini nostri Jesu Christi Deo et Patri. Subjécti invicem in timóre Christi.

℟. Ps. 144 Oculi ómnium in te sperant Dómine : et tu das illis escam in témpore opportúno. *℣.* Aperis tu manum tuam : et imples omne ánimál benedictióne.

Allelúia, allelúia. ℣. Ps. 124 Qui confidunt in Dómino, sicut mons Sion : non commovébitur in ætérnum, qui hábitat in Jerúsalem. Allelúia.

✠ Sequéntia sancti Evangélii secúndum Joánnem. *c. 4*

IN illo témpore: Erat quidam régulus, cujus filius infirmabátur Caphárnaum. Hic cum audísset quia Jesus adveníret a Judæa in Galiléam, ábiit ad eum, et rogábat eum ut descenderet, et sanáret filium ejus : Incipiébat enim mori. Dixit ergo Jesus ad eum : Nisi signa, et prodígia vidéritis, non créditis. Dicit ad eum régulus : Dómine, descénde priúsqvam moriátur filius meus. Dicit ei Jesus : Vade, filius tuus vivit. Crédidit homo sermóni, quem dixit ei Jesus, et ibat. Jam autem eo descendente, servi occurrérunt ei, et nuntiavérunt dicéntes, quia filius ejus viveret. Interrogábat ergo horam ab eis, in qua mélius habúerit. Et dixerunt ei : Quia heri hora séptima reliquit eum febris. Cognóvit ergo pater, quia illa hora erat, in qua dixit ei Jesus, Filius tuus vivit : Et crédidit ipse, et domus ejus tota. *Credo.*

Offertorium Ps. 136 Super flúmina Babylónis, illic sédimus et flévimus : dum recordarémur tui Sion.

Secreta

CÆLESTEM nobis præbeant hæc mystéria, quæsumus Dómine, medicinam, et vítia nostri cordis expúrgent. Per Dóminum.

Aliæ Secretæ, pag. 267

Communio Ps. 118 Meménto verbi tui servo tuo Dómine, in quo mihi spem dedisti : hæc me consoláta est in humilitáte mea.

Postcommunio

UT sacris, Dómine, reddámur digni munéribus; fac nos, quæsumus, tuis semper obedire mandátis : Per Dóminum.

Aliæ Postcommuniones, pag. 268

DOMINICA DECIMA NONA post Octavam Trinitatis

Officium Esth. 13

IN voluntáte tua, Dómine, univérsa sunt pósita, et non est qui possit resistere voluntáti tuæ : tu enim fecisti ómnia, cælum et terram, et univérsa quæ cæli ámbitu continéntur : Dóminus universórum tu es. **℟. Ps. 118** Beáti immaculáti in via : qui ámbulant in lege Dómini. **Glória Patri. Glória in excélsis.**

Oratio

FAMILIAM tuam, quæsumus Dómine, continúa pietáte custódi : ut a cunctis adver-

sitatibus, te protegente, sit libera; et in bonis áctibus tuo nómini sit devóta. Per Dóminum.

Aliæ Orationes, ut in secunda Dominica, pag. 266

Lectio Epistolæ beáti Pauli Apóstoli ad Ephésios. c. 6

FRATRES : Confortámini in Dómino, et in poténtia virtútis ejus. Indúite vos armatúram Dei, ut possitis stare advérsus insídias diáboli. Quóniam non est nobis colluctátio advérsus carnem et sánguinem : sed advérsus príncipes, et potestátes, advérsus mundi rectóres tenebrárum harum, contra spirituália nequítiae, in cæléstibus. Proptérea accípite armatúram Dei, ut possitis resistere in die malo, et in ómnibus perfécti stare. State ergo succincti lumbos vestros in veritáte, et indúti lorícám justítiæ, et calceáti pedes in præparatióne Evangélii pacis : In ómnibus suméntes scutum fidei, in quo possitis ómnia tela nequíssimi ígnea extingueré : Et gáleam salútis assúmite : et gládiúm spíritus, quod est verbum Dei.

℟. Ps. 89 Dómine, refúgium factus es nobis : a generatióne et progénie. **℟. Priúsquam** montes fierent, aut formarétur terra, et orbis : a sáculo et usque in sáculum tu es Deus.

Allelúia, allelúia. ℟. Ps. 129 De profúndis clamávi ad te Dómine : Dómine exáudi vocem meam. **Allelúia.**

✠ **Sequéntia sancti Evangélii**
secúndum Matthæum. **c. 18**

IN illo témpore : Dixit Jesus discipulis suis parábolam hanc : Assimilátum est regnum cælórum hómini regi, qui vóluit ratiónem pónere cum servis suis. Et cum cœpisset ratiónem pónere, oblátus est ei unus, qui debébat ei decem millia talénta. Cum autem non habéret unde réderet, jussit eum dóninus ejus venúndari, et uxórem ejus, et filios, et ómnia, quæ habébat, et reddi. Prócidentem autem servus ille, orábat eum, dicens : Patiéntiam habe in me, et ómnia reddam tibi. Misértus autem dóninus servi illius, dimisit eum, et débítum dimisit ei. Egréssus autem servus ille, invénit unum de consérvs suis, qui debébat ei centum denários : Et tenens suffocábat eum, dicens : Redde quod debes. Et prócidentem consérvus ejus, rogábat eum, dicens : Patiéntiam habe in me, et ómnia reddam tibi. Ille autem nóluit : sed ábiit, et misit eum in cárcerem donec rédderet débítum. Vidéntes autem consérvs ejus quæ fiébant, contristáti sunt valde : Et venérunt, et narravérunt dónino suo ómnia quæ facta fúerant. Tunc vocávit illum dóninus suus : et ait illi : Serve nequam, omne débítum dimisi tibi quóniam rogásti me : Nonne ergo opórtuit et te miseréri consérvs tui, sicut et ego tui misértus sum? Et irátus dóninus ejus, trádidit eum

tortóribus, quoadúsque réderet univérsum débítum. Sic et Pater meus cæléstis fáciat vobis, si non remiséritis unusquisque fratri suo de córdibus vestris. **Credo.**

Offertorium Job 1 Vir erat in Terra Hus, nómine Job, simplex, et rectus, ac timens Deum : quem Satan pétiiit, ut tentáret : et data est ei potestas a Dómino in facultates, et in carnem ejus : perdiditque omnem substántiam ipsíus, et filios : carnem quoque ejus gravi úlcere vulnerávit.

Secreta

SUSCIPE Dómine propítius hóstias, quibus et te placári voluisti, et nobis salutem poténti pietáte restítui. Per Dóminum.

Aliae Secretæ, pag. 267

Communio Ps. 118 In salutári tuo ánima mea, et in verbum tuum sperávi : quando fácies de persecúntibus me judícium? iníqui persecúti sunt me, ádjuva me Dómine Deus meus.

Postcommunio

IMMORTALITATIS alimóniam consecúti; quæsumus Dómine, ut quod ore percépimus, pura mente sectémur : Per Dóminum.

Aliae Postcommuniones, pag. 268



DOMINICA VIGESIMA post Octavam Trinitatis

Officium

Ps. 129

Si iniquitates observaveris Dómine, Dómine quis sustinébit? quia apud te propitiatio est, Deus Israël. *℟.* De profundis clamávi ad te Dómine : Dómine exáudi vocem meam. *Glória Patri. Glória in excélsis.*

Oratio

DEUS refúgium nostrum, et virtus; adésto piis Ecclésiæ tuæ précibus, auctor ipse pietátis : et præsta, ut quod fidéliter pétimus; effícaciter consequámur : Per Dóminum.

Aliæ Orationes, ut in secunda Dominica, pag. 266

Lectio Epístolæ beáti Pauli
Apóstoli ad Philippenses.

c. 1

FRATRES : Confidimus in Dómino Jesu, quia qui cœpit in vobis opus bonum, perficiet usque in diem Christi Jesu. Sicut est mihi justum hoc sentire pro ómnibus vobis : eo quod hábeam vos in corde, et in vínculis meis, et in defénsione, et confirmatióne Evangélii, sócios gáudii mei omnes vos esse. Testis enim mihi est Deus, quómodo cûpiam omnes vos in viscéribus Jesu Christi. Et hoc oro ut caritas vestra magis ac magis abúndet in sciéntia, et in omni sensu : ut probétis potióra, ut sitis sincéri, et sine offénsa in diem Christi, repléti

fructu justitiæ per Jesum Christum, in glóriam et laudem Dei.

℟. Ps. 132 Ecce quam bonum, et quam jucúndum habitare fratres in unum. *℟.* Sicut unguéntum in cápite, quod descendit in barbam, barbam Aaron.

Allelúia, allelúia. ℟. Ps. 146
Qui sanat contrítos corde :
et álligat contritiónes eórum.
Allelúia.

✠ *Sequéntia sancti Evangélii
secúndum Matthæum. c. 22*

IN illo témpore : Abeúntes Pharisæi, consílium iniérunt ut cáperent Jesum in sermóne. Et mittunt ei discípulos suos cum Herodiánis, dicétes : Magister, scimus quia verax es, et viam Dei in veritate doces, et non est tibi cura de áliquo : Non enim réspicis persónam hóminum : Dic ergo nobis quid tibi vidétur, licet censem dare Cæsari, an non? Cógnota autem Jesus nequítia eórum, ait : Quid me tentátis hypócritæ? Osténdite mihi numisma census. At illi obtulérunt ei denárium. Et ait illis Jesus : Cujus est imágo hæc, et superscriptio? Dicunt ei : Cæsaris. Tunc ait illis : Réddite ergo quæ sunt Cæsaris, Cæsari : et quæ sunt Dei, Deo. *Credo.*

Offertorium Esth. 14 Recórdare mei Dómine, omni poténtatui dóminans : et da sermónem rectum in os meum, ut pláceant verba mea in conspéctu princípis.

Secreta

DA miséricors Deus, ut hæc salutáris oblátio, et a própriis nos reátibus indesinénter expédíat, et ab ómnibus tueátur advérsis. Per Dóminum.

Aliæ Secretæ, pag. 267

Communio Luc. 15 Dico vobis, gáudium est Angelis Dei super uno peccatóre pœniténtiam agénte.

Postcommunio

SUMPSIMUS, Dómine, sacri dona mystérii, humiliter deprecántes : ut quæ in tui commemoratióne nos fácere præcepísti; in nostræ proficiant infirmitátis auxílium : Qui vivis.

Aliæ Postcommuniones, pag. 268

DOMINICA
VIGESIMA PRIMA

post Octavam Trinitatis

Si hæc Dominica fuerit ultima, tunc loco xxj. dicitur quæ inferius posita est xxij. et Missa xxj. dicitur Feria juxta Rubricas vacante præcedentis Hebdomadæ.

Officium

Jer. 29

DICIT Dóminus : Ego cógito cogitatiónes pacis, et non afflictiónis : invocábitis me, et ego exáudiam vos : et redúcám captivitátem vestram de cunctis locis. **℟. Ps. 84** Benedixisti Dómine terram tuam : avertísti captivitátem Jacob. **Glória Patri. Glória in excélsis.**

Oratio

ABSOLVE, quæsumus Dómine, tuórum delicta populórum : ut a peccatórum nostrórum néxibus, quæ pro nostra fragilitáte contráximus; tua benignitáte liberémur : Per Dóminum.

Aliæ Orationes, ut in secunda Dominica, pag. 266

Léctio Epístolæ beáti Pauli Apóstoli ad Philippéenses.

c. 3. et 4

FRATRES : Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimicos crucis Christi : quorum finis intéritus : quorum Deus venter est : et glória in confusióne ipsórum, qui terréna sápiunt. Nostra autem conversátio in cælis est : Unde étiam Salvatórem exspectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatióne, qua étiam possit subjicere sibi ómnia. * Itaque fratres mei caríssimi, et desideratíssimi, gáudium meum, et coróna mea : sic state in Dómino, caríssimi. Evódiam rogo, et Sýntychem deprecór, idípsum sápere in Dómino. Etiam rogo et te germáne compar, ádjuva illas, quæ mecum laboravérunt in Evangélio cum Cleménte, et céteris adjuvatóribus meis, quorum nómina sunt in libro vitæ.

℟. Ps. 43 Liberásti nos Dómine ex affligéntibus nos : et eos, qui nos odérunt, confudísti. **℣.** In Deo laudábimur tota die : et in nómine tuo confitébimur in sácula.

Allelúia, allelúia. ℣. Ps. 147 Qui pósuit fines tuos pacem : et ádipe fruménti sátiat te. Allelúia.

✠ **Sequéntia sancti Evangélii** secúndum Matthæum. **c. 9**

IN illo témpore : Loquente Jesu ad turbas, ecce princeps unus accéssit, et adorábat eum, dicens : Dómine, filia mea modo defúncta est : sed veni, impóne manum tuam super eam, et vivet. Et surgens Jesus, sequebátur eum, et discípuli ejus. Et ecce mulier, quæ ságuinis fluxum patiebátur duódecim annis, accéssit retro, et tétigit fimbriam vestiménti ejus. Dicébat enim intra se : Si tetigero tantum vestiméntum ejus : salva ero. At Jesus convérsus, et videns eam, dixit : Confide filia, fides tua te salvam fecit. Et salva facta est mulier ex illa hora. Et cum venisset Jesus in domum principis, et vidisset tibícines et turbam tumultuántem, dicébat : Recédite : Non est enim mórtua puélla, sed dormit. Et deridébant eum. Et cum ejectione esset turba, intrávit : et tenuit manum ejus. Et surréxit puélla. Et éxiit fama hæc in univérsam terram illam.

Credo.

Offertorium Ps. 129 De profundis clamávi ad te Dómine :

Dómine exáudi oratióne meam.

Secreta

PRO nostræ servitútis augménto, sacrificium tibi, Dómine, laudis offérimus : ut quod imméritis contulisti, propítius exsequáris. Per Dóminum.

Aliæ Secretæ, pag. 267

Communio Marc. 11 Amen dico vobis, quidquid orántes pétitis, créдите quia accipiétis, et fiet vobis.

Postcommunio

QUÆSUMUS omnipotens Deus : ut quos divína tribuis participatióne gaudére; humánis non sinas subjacére periculis : Per Dóminum.

Aliæ Postcommuniones, pag. 268

SI Dominicæ post Oct. Trinitatis fuerint plures viginti duabus, tunc post vigesimam primam resumantur (quoad Orationes, Epistolas, et Evangelia tantum) Missæ Dominicanarum, quæ superfuerunt post Epiphaniam, hoc ordine.

Si Dominicæ fuerint viginti tres, in Dominica vigesima secunda dicatur Missa Dominicæ quintæ post Octavam Epiphaniae.

Si fuerint viginti quatuor, in Dominica vigesima secunda dicatur Missa Dominicæ quartæ post Oct. Epiph. et in vigesima tertia dicatur Missa Dominicæ quintæ.

Si fuerint viginti quinque, in Dominica vigesima secunda dicatur Missa Dominicæ tertiæ post Oct. Epiph.; in vigesima tertia, Missa Dominicæ quartæ; et in vigesima quarta, Missa Dominicæ quintæ.

Si fuerint viginti sex, in Dominica vigesima secunda dicatur Missa Dominicæ secundæ post Octavam Epiphaniae: in vigesima tertia,

Missa Dominicæ tertiæ; in vigesima quarta, Missa Dominicæ quartæ; in vigesima quinta, Missa Dominicæ quintæ.

Et ultimo loco semper dicatur Missa, quæ posita est hic pro Dominica vigesima secunda post Octavam Trinitatis.

Introitus autem, Responsorium, Allelúia, Offertorium, et Communio in prædictis Dominicis semper dicantur ut in Dominica vigesima prima post Octavam Trinitatis.

DOMINICA VIGESIMA SECUNDA et ultima post Octavam Trinitatis

Officium Jer. 29

DICIT Dóminus : Ego cógito cogitationes pacis, et non afflictiónis : invocábitis me, et ego exáudiam vos : et redúcam captivitátem vestram de cunctis locis. **℟. Ps. 84** Benedixisti Dómine terram tuam : avertisti captivitátem Jacob. **Glória Patri. Glória in excélsis.**

Oratio

EXCITA, quæsumus Dómine, tuórum fidélium voluntates : ut divini óperis fructum propénsius exsequentes; pietátis tuæ remédia majóra percipiant : Per Dóminum.

Alizæ Orationes, ut in secunda Dominica, pag. 266

Léctio Epistolæ beáti Pauli Apóstoli ad Colossénses. **c. 1**

FRATRES : Non cessámus pro vobis orántes, et postulántes ut impleámini agnitióne voluntátis Dei, in omni sapiéntia et intelléctu spiri-

táli : ut ambulétis digne Deo per ómnia placéntes : In omni ópere bono fructificántes, et crescéntes in sciéntia Dei : In omni virtúte confortáti secúndum poténtiam claritátis ejus, in omni paciéntia, et longanimitáte cum gáudio, grátias agéntes Deo Patri, qui dignos nos fecit in partem sortis sanctórum in lúmine : Qui erípuit nos de potestáte tenebrárum, et tránstulit in regnum filii dilectiónis suæ, in quo habémus redemptiόνem per sánguinem ejus, remissionem peccatórum.

℟. Ps. 43 Liberásti nos Dómine ex affligéntibus nos : et eos, qui nos odérunt, confundísti. **℟.** In Deo laudábimur tota die : et in nómine tuo confitébimur in sæcula.

Allelúia, allelúia. ℟. Ps. 147 Qui pósuit fines tuos pacem : et ádipe fruménti sátiat te. **Allelúia.**

✠ **Sequéntia sancti Evangélíi secúndum Matthæum. c. 24**

IN illo témpore : Dixit Jesus discípulis suis : Cum vidéritis abominationem desolatiónis, quæ dicta est a Daniéle prophéta, stantem in loco sancto, qui legit, intélligat : Tunc qui in Judæa sunt, fúgiant ad montes : et qui in tecto, non descéndat tollere áliquíd de domo sua : et qui in agro, non revertátur tollere túnica suam. Væ autem prægnántibus, et nutriéntibus in illis diébus. Oráte autem, ut non fiat fuga vestra in hieme, vel sábbato. Erit enim tunc tribu-

lâtio magna, qualis non fuit ab initio mundi usque modo, neque fiet. Et nisi breviâti fuissent dies illi non fieret salva omnis caro : Sed propter electos breviabuntur dies illi. Tunc si quis vobis dixerit, Ecce hic est Christus, aut illic : nolite credere. Surgent enim pseudochristi, et pseudoprophætæ : et dabunt signa magna, et prodigia, ita ut in errorem inducantur (si fieri potest) etiam electi. Ecce prædixi vobis. Si ergo dixerint vobis, Ecce in deserto est, nolite exire : ecce in penetralibus, nolite credere. Sicut enim fulgur exit ab Oriente, et paret usque in Occidentem : ita erit et adventus Filii hominis. Ubicumque fuerit corpus, illic congregabuntur et aquilæ. Statim autem post tribulationem dierum illorum sol obscurabitur, et luna non dabit lumen suum, et stellæ cadent de cælo, et virtutes cælorum commovebuntur : et tunc parëbit signum Filii hominis in cælo : Et tunc plangent omnes tribus terræ : et vidëbunt Filium hominis venientem in nûbibus cæli cum virtute multa, et majestate. Et mittet Angelos suos cum tuba, et voce magna : et congregabunt electos ejus a quatuor ventis, a summis cælorum usque ad terminos eorum. Ab arbore autem fici discite parabolam : Cum jam ramus ejus tener fuerit, et folia nata, scitis quia prope est æstas : Ita et vos cum vidëritis hæc omnia, scitote quia prope est in jâ-

nuis. Amen dico vobis, quia non præteribit generatio hæc, donec omnia hæc fiant. Cælum, et terra transibunt, verba autem mea non præteribunt.

Credo.

Offertorium Ps. 129 De profundis clamavi ad te Dómine : Dómine exaudi orationem meam.

Secreta

PROPITIUS esto, Dómine, supplicationibus nostris, et populi tui oblationibus, precibusque susceptis, omnium nostrum ad te corda converte : ut a terrénis cupiditatibus liberati, ad cælestia desideria transeamus. Per Dóminum.

Alia Secretæ, pag. 267

Communio Marc. 11 Amen dico vobis, quidquid orantes pétitis, créдите quia accipiétis, et fiet vobis.

Postcommunio

CONCEDE nobis, quæsumus Dómine : ut per hæc sacramenta, quæ sumpsimus; quidquid in nostra mente vitiosum est, ipsorum medicationis dono curétur : Per Dóminum.

Alia Postcommuniones, pag. 268

DOMINICA SECUNDA
quæ superfuit post Octavam
Epiphaniæ ponenda secundum
superiorem Rubricam

Officium

Jer. 29

DICIT Dóminus : Ego cogitationes pacis, et non afflictionis : invocábitis me, et ego exaudiam

vos : et redúcam captivitátem vestram de cunctis locis.

℟. Ps. 84 Benedixisti Dómine terram tuam : avertísti captivitátem Jacob. Glória Patri. Glória in excélsis.

Oratio

OMNIPOTENS sempitérne Deus, infirmitátem nostram propítius réspice; atque ad protegéndum nos, dexteram tuæ majestátis exténde : Per Dóminum.

Aliæ Orationes, ut in secunda Dominica post Octavam Trinitatis, pag. 266

Léctio Epistolæ beáti Pauli Apóstoli ad Romános. c. 12

FRATRES : Nolíte esse prudéntes apud vosmetípsos : nulli malum pro malo redéntes : Providéntes bona, non tantum coram Deo, sed étiam coram ómnibus hominibus. Si fieri potest, quod ex vobis est, cum ómnibus hominibus pacem habéntes : Non vosmetípsos defendéntes caríssimi, sed date locum iræ. Scriptum est enim : Mihi vindicta : ego retribuam, dicit Dóminus. Sed si esurierit inimicus tuus, ciba illum : Si sitit, potum da illi : Hoc enim fáciens, carbónes ignis cóngeres super caput ejus. Noli vinci a malo, sed vince in bono malum.

℟. Ps. 43 Liberásti nos Dómine ex affligéntibus nos : et eos, qui nos odérunt, confudísti. ℟. In Deo laudábimur tota die : et in nómine tuo confitébimur in sécula.

Allelúia, allelúia. ℟. Ps. 147 Qui pósuit fines tuos pacem :

et ádipe fruménti sátiat te. Allelúia.

✠ Sequéntia sancti Evangélíi secúndum Matthæum. c. 8

IN illo témpore : Cum descendisset Jesus de monte, secútæ sunt eum turbæ multæ : Et ecce leprósus véniens, adorábat eum, dicens : Dómine, si vis, potes me mundáre. Et exténdens Jesus manum, tétigit eum, dicens : Volo. Mundáre. Et conféstim mundáta est lepra ejus. Et ait illi Jesus : Vide, némini díxeris : sed vade, osténde te sacerdoti, et offer munus, quod præcépit Móyses, in testimónium illis. Cum autem introisset Caphárnaum, accéssit ad eum centúrio, rogans eum, et dicens : Dómine, puer meus jacet in domo paralýticus, et male torquétur. Et ait illi Jesus : Ego véniam, et curábo eum. Et respóndens centúrio, ait : Dómine non sum dignus ut intres sub tectum meum : sed tantum dic verbo, et sanábitur puer meus. Nam et ego homo sum sub potestáte constitútus, habens sub me milites, et dico huic, Vade, et vadit : et álíi, Veni, et venit : et servo meo, Fac hoc, et facit. Audiens autem Jesus mirátus est, et sequéntibus se dixit : Amen dico vobis, non invéni tantam fidem in Israél. Dico autem vobis, quod multi ab Oriénte, et Occidénté vénient, et recumbent cum Abraham, et Isaac, et Jacob in regno cælórum : Fílii autem regni ejiciéntur in ténebras exterióres : Ibi erit fletus,

et stridor dentium. Et dixit Jesus centurioni : Vade, et sicut credidisti, fiat tibi. Et sanatus est puer in illa hora.

Credo.

Offertorium Ps. 129 De profundis clamavi ad te Domine : Domine exaudi orationem meam.

Secreta

HÆC hostia, Domine quæsumus, emundet nostra delicta : et ad sacrificium celebrandum, subditorum tibi corpora mentesque sanctificet. Per Dominum.

Aliæ Secretæ, pag. 267

Communio Marc. 11 Amen dico vobis, quidquid orantes petitis, credite quia accipietis, et fiet vobis.

Postcommunio

QUOS tantis, Domine, largiris uti mysteriis; quæsumus, ut effectibus nos eorum veraciter aptare digneris : Per Dominum.

Aliæ Postcommuniones, pag. 268

DOMINICA TERTIA

quæ superfuit post Octavam Epiphaniæ

Officium

Jer. 29

DICIT Dominus : Ego cogo cogitationes pacis, et non afflictionis : invocabitis me, et ego exaudiam vos : et reducam captivitatem vestram de cunctis locis. **Ps. 84** Benedixisti Domine terram tuam : avertisti captivitatem Jacob. **Glória Patri. Glória in excelsis.**

Oratio

DEUS, qui nos, in tantis periculis constitutos, pro humana scis fragilitate non posse subsistere : da nobis salutem mentis et corporis; ut ea, quæ pro peccatis nostris patimur, te adjuvante vincamus : Per Dominum.

Aliæ Orationes, ut in secunda Dominica post Octavam Trinitatis, pag. 266

Lectio Epistolæ beati Pauli Apostoli ad Romanos. c. 13

FRATRES : Nemihi quidquam debeatis : nisi ut invicem diligatis : Qui enim diligit proximum, legem implevit. Nam, Non adulterabis, Non occides, Non furaberis, Non falsum testimonium dices, Non concupisces : et si quod est aliud mandatum, in hoc verbo instauratur, Diliges proximum tuum sicut teipsum. Dilectio proximi malum non operatur. Plenitudo ergo legis est dilectio.

Ps. 43 Liberasti nos Domine ex affligentibus nos : et eos, qui nos oderunt, confundisti. **Ps. 147** In Deo laudabimur tota die : et in nomine tuo confitebimur in sæcula.

Allelúia, allelúia. Ps. 147 Qui posuit fines tuos pacem : et adipe frumenti satiat te. **Allelúia.**

Sequência sancti Evangelii secundum Matthæum. c. 8

In illo tempore : Ascendente Jesu in naviculam, secuti sunt eum discipuli ejus : Et

ecce motus magnus factus est in mari, ita ut navícula operirétur flúctibus, ipse vero dormiébatur. Et accessérunt ad eum discipuli ejus, et suscitavérunt eum, dicéntes : Dómine, salva nos, perimus. Et dicit eis Jesus : Quid tímidi estis, módicæ fidei? Tunc surgens, imperávit ventis, et mari, et facta est tranquillitas magna. Porro hómines miráti sunt, dicéntes : Qualis est hic, quia venti et mare obédiunt ei?

Credo.

Offertorium Ps. 129 De profundis clamávi ad te Dómine : Dómine exáudi oratióem meam.

Secreta

CONCEDE, quæsumus omnipotens Deus, ut hujus sacrificii munus oblátum fragilitatem nostram ab omni malo purget semper, et múniat. Per Dóminum.

Aliæ Secretæ, pag. 267

Communio Marc. 11 Amen dico vobis, quidquid orántes pétitis, créдите quia accipiétis, et fiet vobis.

Postcommunio

MUNERA tua nos, Deus, a delectatióibus terrénis expédiant; et cælestibus semper instáurent aliméntis : Per Dóminum.

Aliæ Postcommuniones, pag. 268

DOMINICA QUARTA

quæ superfuit post Octavam Epiphaniæ

Officium

Jer. 29

DICIT Dóminus : Ego cógito cogitatiónes pacis, et non afflictiónis : invocábitis me, et ego exáudiam vos : et redúcam captivitatem vestram de cunctis locis. **Ps. 84** Benedixisti Dómine terram tuam : avertísti captivitatem Jacob. **Glória Patri.** **Glória in excélsis.**

Oratio

FAMILIAM tuam, quæsumus Dómine, continúa pietáte custódi : ut quæ in sola spe grátiae cælestis innítitur; tua semper protectiône muniátur : Per Dóminum.

Aliæ Orationes, ut in secunda Dominica post Octavam Trinitatis, pag. 266

Lectio Epistolæ beáti Pauli Apóstoli ad Colossénses.

c. 3

FRATRES : Indúite vos sicut elécti Dei, sancti, et dilecti, viscera misericórdiae, benignitatem, humilitatem, modestiam, patientiam : supportantes invicem, et donantes vobismetipsis, si quis adversus aliquem habet querelam : Sicut et Dóminus donávit vobis, ita et vos. Super ómnia autem hæc, caritatem habéte, quod est vñculum perfectiõis : Et pax Christi exsúltet in córdibus vestris, in qua et vocáti estis in uno corpore : Et grati estóte. Verbum Christi hábitet

in vobis abundanter, in omni sapientia, docentes, et commonentes vosmetipsos, psalmis, hymnis, et canticis spiritalibus, in gratia cantantes in cordibus vestris Deo. Omne, quodcumque facitis in verbo aut in opere, omnia in nomine Domini Jesu Christi, gratias agentes Deo et Patri, per Jesum Christum Dominum nostrum.

℟. Ps. 43 Liberasti nos Domine ex affligentibus nos : et eos, qui nos oderunt, confudisti. **℣.** In Deo laudabimur tota die : et in nomine tuo confitebimur in sæcula.

Allelúia, allelúia. ℣. Ps. 147 Qui posuit fines tuos pacem : et adipe frumenti satiati te. **Allelúia.**

✠ **Sequéntia sancti Evangélíi** secundum Matthæum. **c. 13**

IN illo tempore : Dixit Jesus turbis parabolam hanc : Simile factum est regnum cælorum homini, qui seminavit bonum semen in agro suo. Cum autem dormirent homines, venit inimicus ejus, et superseminavit zizania in medio tritici, et abiit. Cum autem crevisset herba, et fructum fecisset, tunc apparuerunt et zizania. Accedentes autem servi patrisfamilias, dixerunt ei : Domine, nonne bonum semen seminasti in agro tuo? Unde ergo habet zizania? Et ait illis : Inimicus homo hoc fecit. Servi autem dixerunt ei : Vis, imus, et colligimus ea? Et ait : Non : Ne forte colli-

gentes zizania, eradicetis simul cum eis et triticum. Sinite utraque crescere usque ad messem, et in tempore messis dicam messoribus : Colligite primum zizania, et alligate ea in fasciculos ad comburendum, triticum autem congregate in horreum meum.

Credo.

Offertorium Ps. 129 De profundis clamavi ad te Domine : Domine exaudi orationem meam.

Secreta

HOSTIAS tibi, Domine, plantationis offerimus : ut et delicta nostra miseratus absolvas, et nutantia corda tu dirigas. Per Dominum.

Alia Secretæ, pag. 267

Communio Marc. 11 Amen dico vobis, quidquid orantes petitis, credite quia accipietis, et fiet vobis.

Postcommunio

QUÆSUMUS omnipotens Deus : ut illius salutaris capiamus effectum; cujus per hæc mysteria pignus accepimus : Per Dominum.

Alia Postcommuniones, pag. 268

DOMINICA QUINTA quæ superfuit post Octavam Epiphaniæ

Officium **Jer. 29**

DICIT Dominus : Ego cogito cogitationes pacis, et non afflictionis : invocabitis me, et ego exaudiam vos : et reducam captivitatem

tem vestram de cunctis locis.
℟. Ps. 84 Benedixisti Dómine
 terram tuam : avertisti capti-
 vitatem Jacob. **Glória Patri.**
 Glória in excélsis.

Oratio

PRÆSTA, quæsumus omni-
 potens Deus : ut semper
 rationabilia meditantes; quæ
 tibi sunt plácita, et dictis exse-
 quámur, et factis : Per Dó-
 minum.

*Aliæ Orationes, ut in secunda
 Dominica post Octavam Trinitatis,
 pag. 266*

Léctio Epistolæ beáti Pauli
 Apóstoli ad Thessalonicenses.

1, c. 1

FRATRES : Grátias ágimus
 Deo semper pro ómnibus
 vobis, memóriam vestri fa-
 ciéntes in oratióibus nostris
 sine intermissiône, mémores
 óperis fidei vestræ, et labóris,
 et caritátis, et sustinéntiæ spei
 Dómini nostri Jesu Christi,
 ante Deum et Patrem no-
 strum : Sciéntes fratres, dilécti
 a Deo, electiõem vestram :
 quia Evangélium nostrum non
 fuit ad vos in sermóne tantum,
 sed et in virtúte, et in Spíritu
 Sancto, et in plenitúdine mul-
 ta, sicut scitis quales fuérimus
 in vobis propter vos. Et vos
 imitatóres nostri facti estis, et
 Dómini, excipiéntes verbum
 in tribulatióne multa, cum
 gáudio Spíritus Sancti : ita ut
 facti sitis forma ómnibus cre-
 déntibus in Macedónia, et in
 Acháia. A vobis enim diffamátus
 est sermo Dómini, non
 solum in Macedónia, et in
 Acháia, sed et in omni loco

fides vestra, quæ est ad Deum,
 profécta est, ita ut non sit
 nobis necesse quidquam loqui.
 Ipsi enim de nobis annúntiant
 qualem intróitum habuérimus
 ad vos : et quómodo convérsi
 estis ad Deum a simulácris,
 servíre Deo vivo, et vero, et
 exspectáre Fílium ejus de cælis
 (quem suscitávit ex mórtuis)
 Jesum, qui erípuit nos ab ira
 ventúra.

℟. Ps. 43 Liberásti nos Dó-
 mine ex affligéntibus nos : et
 eos, qui nos odérunt confu-
 disti. **℟.** In Deo laudábimur
 tota die, et in nómine tuo
 confitébimur in sæcula.

Allelúia, allelúia. ℟. Ps. 147
 Qui pösuit fines tuos pacem :
 et ádipe fruménti sátiat te.
 Allelúia.

✠ Sequéntia sancti Evangélii
 secúndum Matthæum. **c. 13**

IN illo témpore : Dixit Jesus
 turbis parábolam hanc :
 Simile est regnum cælórum
 grano sinápis, quod accípiens
 homo seminávit in agro suo :
 Quod minimum quidem est
 ómnibus semínibus : cum au-
 tem créverit, majus est óm-
 nibus oléribus, et fit arbor,
 ita ut volúcre cæli véniant, et
 hábitent in ramis ejus. Aliam
 parábolam locútus est eis.
 Simile est regnum cælórum
 fermento, quod accéptum múl-
 lier abscondit in farinæ satis
 tribus, donec fermentátum est
 totum. Ilæc ómnia locútus est
 Jesus in parábolis ad turbas :
 et sine parábolis non loque-
 bátur eis : ut implerétur quod
 dictum erat per Prophétam

dicentem : Apérim in pará-
bolis os meum, eructábo abs-
cóndita a constitutióne mundi.

Credo.

Offertorium Ps. 129 De pro-
fúndis clamávi ad te Dómine :
Dómine exáudi oratióne[m]
meam.

Secreta

HÆC nos oblátio, Deus,
mundet, quæsumus, et
rénovet, gubérnet et protégat.
Per Dóminum.

Aliæ Secretæ, pag. 267

Communio Marc. 11 Amen
dico vobis, quidquid orántes

pétitis, créдите quia accipiétis,
et fiet vobis.

Postcommunio

CÆLESTIBUS, Dómine, pasti
delíciis; quæsumus, ut
semper éadem, per quæ verá-
citer vivimus, appetámus : Per
Dóminum.

Aliæ Postcommuniones, pag. 268

DOMINICA VIGESIMA SEXTA

et ultima post Octavam Trinitatis
dicatur Missa, quæ superius posita
est in ordine vigesima secunda,
pag. 305



FESTA MOBILIA

Feria quinta
post Dominicam Sexagesimæ
IN TRANSLATIONE
S. CATHARINÆ SENENSIS

Virg. Ord. Præd. (t. d.)

*Officium Mihi adhærere, ut notatur
in ipso festo, die 30 Aprilis, pro
Missis votivis : et dicitur Credo.*

Feria sexta
post Dominicam in Passione
IN COMPASSIONE
BEATÆ VIRGINIS MARIÆ

Totum Duplex

Officium Joan. 19

STABANT juxta crucem Jesu
Mater ejus, et soror Ma-
tris ejus, Maria Cléophæ,
et Salóme, et Maria Magda-
léne. *℟.* Múlier, ecce filius
tuus, dixit Jesus; ad discipu-
lum autem : Ecce mater tua.
Glória Patri. Glória in excélsis.

Oratio

INTERVENIAT pro nobis,
quæsumus Dómine Jesu
Christe, nunc et in hora mor-
tis nostræ apud tuam cle-
méntiam beáta Virgo María
Mater tua : cujus sacratíssi-
mam ánimam in hora bene-
dictæ passiónis tuæ dolóris
gládius pertransívit; et in glo-
riosa resurrectione tua ingens
gáudium lætificávit : Qui vivis.

Lectio Libri Judith. c. 13

BENEDIXIT te Dóminus in
virtúte sua, quia per te
ad nihilum redégit inimícos
nostros. Benedicta es tu filia
a Dómino Deo excélso, præ
ómnibus muliéribus super ter-
ram. Benedictus Dóminus, qui
creávit cælum et terram : quia
hódie nomen tuum ita magni-
ficávit, ut non recédât laus
tua de ore hóminum, qui mé-
mores fúerint virtútis Dómini
in ætérnum, pro quibus non
pepercisti ánimæ tuæ propter
angústias et tribulatiónes gé-
neris tui, sed subvenisti ruínæ
ante conspéctum Dei nostri.

℟. Dolorósa et lacrymábilis
es Virgo María, stans juxta
Crucem Dómini Jesu filii tui,
Redemptóris. *℟.* Virgo Dei
Génitrix, quem totus non capit
orbis, hoc crucis fert suppli-
cium auctor vitæ factus homo.

Tractus Joan. 19 Stabat san-
cta María, cæli Regína, et
mundi Dómina, juxta Crucem
Dómini nostri Jesu Christi dor-
lorósa. *℟. Thren. 1* O vos
omnes, qui transitis per viam,
atténdite, et vidéte si est dolor
sicut dolor meus.

*In Festo VII Dolorum B. M. V.
loco Tractus dicitur sequens*

Allelúia, allelúia. ℟. Stabat
sancta María, cæli Regína et
mundi Dómina, juxta crucem
Dómini nostri Jesu Christi
dolorósa.

Sequentia

STABAT Mater dolorosa
Juxta crucem lacrymosa,
Dum pendebat Filius.

Cujus animam gementem,
Contristatam et dolentem
Pertransiuit gladius.

O quam tristis et afflicta
Fuit illa benedicta
Mater Unigeniti!

Quæ mœrebat, et dolébat,
Pia Mater dum vidébat
Pœnas Nati inclyti.

Quis est homo, qui non fletet,
Matrem Christi si vidéret
In tanto supplicio?

Quis non posset contristâri,
Matrem Christi contemplâri
Dolentem cum Filio?

Pro peccâtis suæ gentis
Vidit Jesum in tormentis,
Et flagellis subditum.

Vidit suum dulcem Natum
Moriendo desolatum,
Cum emisit spiritum.

Pia Mater, fons amoris,
Me sentire vim doloris
Fac, ut tecum lûgeam.

Fac ut ardeat cor meum,
In amando Christum Deum,
Ut sibi compláceam.

Sancta Mater istud agas,
Crucifixi fige plagas
Cordi meo válide.

Tui Nati vulnerâti,
Tam dignâti pro me pati,
Pœnas mecum divide.

Fac me tecum pie flere,
Crucifixo condolere,
Donec ego víxero.

Juxta crucem tecum stare,
Et me tibi sociâre
In plactu desiderio.

Virgo virginum præclára,
Mihi jam non sis amára :
Fac me tecum plângere.

Fac ut portem Christi mortem,
Passiónis fac consórtem,
Et plagas recólere.

Fac me plagis vulnerári,
Fac me Cruce inebriári,
Et cruóre Filii.

Flammis ne urar succénsus,
Per te Virgo sim defénsus
In die judícii.

Christe, cum sit hinc exíre,
Da per Matrem me veníre
Ad palmam victóriæ.

Quando corpus moriétur,
Fac ut animæ donétur
Paradisi glória. Amen.

In Festo VII Dolorum B. M. V.
additur Allelúia.

✠ **S**equentia sancti Evangélíi
secúndum Joánnem. c. 19

IN illo témpore : Stabant
juxta crucem Jesu Mater
ejus, et soror Matris ejus, Ma-
ría Cléophæ, et María Magda-
léne. Cum vidisset ergo Jesus
Matrem, et discipulum stan-
tem, quem diligébat, dicit Ma-
tri suæ : Múlier, ecce filius
tuus. Deínde dicit discipulo :
Ecce mater tua. Et ex illa
hora accépit eam discipulus
in sua. **Credo.**

Offertorium Recordáre Virgo
mater, dum stéteris in con-
spéctu Dei, ut loquáris pro
nobis bona, et ut avértas indi-
gnatióem suam a nobis.

Secreta

OFFERIMUS tibi preces et
hóstias, Dómine Jesu
Christe, humíliter supplicán-
tes : ut qui transfixiónem dul-

císsimi spíritus beatæ Mariæ Matris tuæ précibus recensémus; suo suorumque sub cruce Sanctórum consórtium multiplicáto piíssimo intervéntu, méritis mortis tuæ, méritum cum Beátis habeámus. Qui vivis et regnas.

Præfatio de B. Maria. Et te in Compassióne.

Communio Felices sensus beatæ Mariæ Virginis, qui

sine morte meruerunt martyrii palmam sub Cruce Dómini.

Postcommunio

SACRIFICIA, quæ sumpsimus, Dómine Jesu Christe, transfixiónem Matris tuæ et Virginis devóte celebrántes; nobis impetrent apud cleméntiam tuam omnis boni salutaris effectum : Qui vivis et regnas.

Feria IV infra Hebdomadam II post Octavam Paschæ

IN SOLEMNITATE S. JOSEPH SPONSI B. MARIÆ V.

Totum Duplex I classis cum Octava solemnii

Officium

Ps. 32

ADJUTOR et protéctor noster est Dóminus : in eo lætábitur cor nostrum, et in nómine sancto ejus sperávimus. *T. P.* Allelúia, allelúia. *℟.* Ps. 79 Qui regis Israël, inténde : qui dedúcis velut ovem Joseph. *Glória Patri.* *Glória in excélsis.*

Oratio

DEUS, qui ineffábili provi-déntia beátum Joseph sanctíssimæ Genitricis tuæ sponsum eligere dignátus es : præsta quæsumus, ut quem protectórem venerámur in terris; intercessórem habére mereámur in cælis : Qui vivis et regnas.

Lectio Libri Génesis. c. 49

FILIUS accrésceus Joseph, filius accrésceus et decórus aspéctu : Filiæ discurrérunt super murum. Sed exasperavérunt eum, et jurgáti sunt, inviderúntque illi habéntes jácula. Sedit in forti arcus ejus, et dissolúta sunt víncula brachiórum et mánuum illius per manus poténtis Jacob : Inde pastor egréssus est, lapis Israël. Deus patris tui erit adjutor tuus, et omnipotens benedícet tibi benedictiónibus cæli désuper, benedictiónibus abyssi jacéntis deórsum, benedictiónibus úberum et vulvæ. Benedictiónes patris tui confortatæ sunt benedictiónibus patrum ejus :

donec veniret desiderium cõl-
lium æternõrum : Fiant in
cápite Joseph, et in vértice
Nazaræi inter fratres suos.

Allelúia, allelúia. ✠. De qua-
cúmque tribulatiõne clamáve-
rint ad me, exáudiam eos : et
ero protéctor eõrum semper.

Allelúia. ✠. Fac nos innó-
cuam, Joseph, decurrere vi-
tam : sitque tuo semper tuta
patrocínio. **Allelúia.**

In Missis votivis extra Temp.
Pasch.

✠. **Ps. 91** Justus ut palma
florébit : sicut cedrus Líbani
multiplicábitur in domo Dó-
mini. ✠. Ad annuntiándum
mane misericórdiam tuam, et
veritátem tuam per noctem.

Allelúia, allelúia. ✠. Fac nos
innócuam, Joseph, decurrere
vitam : sitque tuo semper tuta
patrocínio. **Allelúia.**

Infra Septuag. Tractus Ps. 125
Qui sémant in lácrymis, in
gáudio metent. ✠. Eúntes
ibant et flebant, mitténtes sé-
mina sua. ✠. Veniéntes autem
venient cum exsultatiõne, por-
tántes manipulos suos.

✠ **Sequéntia sancti Evangélii**
secúndum Lucam. **c. 3**

IN illo témpore : Factum est
autem cum baptizárétur
omnis pópulus, et Jesu bap-
tizáto, et oránte, apértum est
cælum : et descendit Spíritus
Sanctus corporáli spécie sicut
columba in ipsum : Et vox
de cælo facta est : Tu es fi-
lius meus diléctus, in te com-
plácu mihi. Et ipse Jesus
erat incipiens quasi annõrum

triginta, ut putabátur, filius
Joseph. **Credo.**

Offertorium Ps. 147 Lauda
Jerúsalem Dóminum : quó-
niam confortávit seras portá-
rum tuárum : benedíxit filiis
tuis in te. **T. P. Allelúia.**

Secreta

SANCTISSIMÆ Genitrícis tuæ
sponsi patrocínio suffúlti,
rogámus, Dómine, cleméntiam
tuam : ut corda nostra fácias
terréna cuncta despícere, ac
te verum Deum perfécta cari-
táte diligere : Qui vivis.

Præfatio de S. Joseph Et te in
festivitáte. Et dicatur quotidie per
Octavam, etiam in Missis de San-
ctis, nisi propriam habuerint.

Communio Matth. 1 Jacob
autem genuit Joseph virum
Mariæ, de qua natus est Jesus,
qui vocátur Christus. **T. P. Al-
lelúia, allelúia.**

Postcommunio

DIVINI múnemis fonte refé-
cti, quæsumus Dómine
Deus noster : ut sicut nos facis
beáti Joseph protectiõne gau-
dère; ita ejus méritis et inter-
cessiõne, cæléstis glóriæ fácias
esse participes : Per Dóminum.

Sabbato post Octavam
Corporis Christi

PURISSIMI CORDIS B. M. V.

Totum Duplex

Officium

Ps. 44

OMNIS glória ejus filiæ
regis ab intus, in fím-
briis áureis circumamí-
cta varietátibus : adducéntur

regi vírgines post eam, próximæ ejus afferéntur tibi.

T. P. Allelúia, allelúia. **℣.** Eructávit cor meum verbum bonum : dico ego ópera mea regi. **Glória Patri. Glória in excélsis.**

Oratio

OMNIPOTENS sempitérne Deus, qui in Corde beátæ Mariæ Vírginis dignum Spíritus Sancti habitáculum præparásti : concéde propítius, ut ejúsdem puríssimi Cordis festivitátem devóta mente recoléntes; secúndum Cor tuum vívere valcámus : Per Dóminum... in unitáte ejúsdem.

Lectio Libri Sapiéntiæ.

Cant. 8

PONE me ut signáculum super cor tuum, ut signáculum super bráchium tuum : quia fortis est ut mors diléctio : dura sicut inférnus æmulátio, lámpades ejus, lámpades ignis atque flammárum. Aquæ multæ non potuérunt exstinguere caritátem, nec flúmina óbruunt illam : Si déderit homo omnem substántiam domus suæ pro dilectióne, quasi nihil despiciet eam.

℣. Sap. 7 Nihil inquinátum in eam incúrrit : candor est lucis ætérnæ, et spéculum sine mácula Dei majestátis, et imágo bonitátis illius. **℣. Cant. 6** Ego dilécto meo, et diléctus meus mihi, qui páscitur inter lília.

Allelúia, allelúia. ℣. Luc. 1 Magnificat ánima mea Dóminum : et exsultávit spíritus meus in Deo salutári meo. **Allelúia.**

Infra Septuagesimam, omissis Allelúia cum suo Versu, dicitur :

Tractus Luc. 1 Magnificat ánima mea Dóminum. **℣.** Et exsultávit spíritus meus in Deo salutári meo. **℣.** Quia respéxit humilitátem ancillæ suæ : ecce enim ex hoc beátam me dicent omnes generatiónes.

Tempore Paschali omissio ℣. dicitur :

Allelúia, allelúia. ℣. Luc. 1 Magnificat ánima mea Dóminum : et exsultávit spíritus meus in Deo salutári meo.

Tempore Resurrectionis, secundum

Allelúia. ℣. Matth. 28 Surrexit Dóminus, et occúrrens muliéribus, ait : Avéte. Tunc accessérunt, et tenuérunt pedes ejus. **Allelúia.**

Tempore Ascensionis, secundum

Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. **Allelúia.**

✠ **Sequéntia sancti Evangélii secúndum Lucam. c. 2**

IN illo témpore : Dixit mater Jesu ad illum : Fili, quid fecísti nobis sic? Ecce pater tuus, et ego doléntes quærebámus te. Et ait ad illos : Quid est quod me quærebátis? Nesciebátis quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descéndit cum eis, et venit Náza-reth : et erat súbditus illis. Et mater ejus conservábat ómnia verba hæc in corde suo. **Credo.**

Offertorium Judith 15 Quia fecisti viriliter, et confortatum est cor tuum : ideo et manus Dómini confortávit te, et eris benedicta in ætérnum. **T. P.** Allelúia.

Secreta

MAJESTATI tuæ, Dómine, Agnum immaculatum offeréntes, quæsumus, ut corda nostra ignis ille divinus accéndat, qui Cor beátæ Mariæ Virginitis ineffabiliter inflammávit. Per eúmdem.

Præfatio de B. Maria Virgine Et te in solemnitate.

Communio Cant. 2 Sub umbra illius, quem desideráveram, sedi : et fructus ejus dulcis gútturi meo. **T. P.** Allelúia.

Postcommunio

DIVINIS refécti munéribus, te Dómine suppliciter exorámus : ut beátæ Mariæ Virginitis intercessióne, cujus purissimi Cordis solémnia venerádo égimus; a præsentibus periculis liberáti, ætérnæ vitæ gáudia consequámur : Per Dóminum.

ORATIONES

AD SUPPLENDUM NUMERUM TERNARIUM

1 — PER ADVENTUM

Secunda Oratio

DEUS, qui de beátæ Mariæ Virginitis útero, Verbum tuum, Angelo nuntiánte, carnem suscipere voluisti; præsta supplicibus tuis : ut qui vere eam genitricem Dei crédimus; ejus apud te intercessiónibus adjuvémur : Per eúmdem Dóminum.

Tertia Oratio Deus, qui caritátis, ut infra.

Secunda Secreta

IN méntibus nostris, quæsumus Dómine, veræ fidei sacraménta confirma : ut qui concéptum de Virgine, Deum verum, et hóminem confitémur; per ejus salutíferæ resurrectionis poténtiam, ad ætérnam mereámur pervenire

lætitiám. Per eúmdem Dóminum.

Tertia Secreta Miserére, pag. sequenti.

Secunda Postcommunio

GRATIAM tuam, quæsumus Dómine, méntibus nostris infúnde : ut qui Angelo nuntiánte, Christi Fílii tui incarnationem cognóvimus; per passióem ejus, et crucem ad resurrectionis glóriam perducámur : Per eúmdem.

Tertia Postcomm. Divina, pag. sequenti.

2 — A DOMINICA SEPTUAGESIMÆ AD PASCHA

Secunda Oratio

DEUS, qui caritátis dona, per grátiam Sancti Spíritus, tuórum córdibus fidé-

lium infudisti; da fámulis et famulábus tuis, pro quibus tuam deprecámur cleméntiam, salútem mentis et córporis : ut te tota virtúte diligant; et quæ tibi plácita sunt, tota dilectióne perficiant : Per Dóminum... in unitáte ejúsdem.

Tertia Oratio A cunctis, ut infra.

Secunda Secreta

MISERERE, quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta, supérnæ benedictiónis grátiam obtineant, et glóriam ætérnæ beatitúdinis acquirant. Per Dóminum.

Tertia Secreta Exáudi nos, pag. sequenti.

Secunda Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitátem et pacem; pro quorum quarúmque dilectióne hæc tuæ obtúlimus majestáti : Per Dóminum.

Tertia Postcomm. Mundet, pag. sequenti.

3 — TEMPORE RESURRECTIONIS

Secunda Oratio

DEUS, qui pro nobis Filium tuum Crucis patibulum subire voluisti, ut inimici a nobis expélles potestátem; concéde nobis fámulis tuis, ut resurrectionis grátiam consequámur : Per eúmdem.

Tertia Oratio A cunctis, ut infra.

Secunda Secreta

PURIFICA nos miséricors Deus, ut Ecclesiæ tuæ preces, quæ tibi gratae sunt, pia múnera deferéntes, fiant expiátis méntibus gratióres. Per Dóminum.

Tertia Secreta Exáudi nos, pag. sequenti.

Secunda Postcommunio

LARGIRE sénsibus nostris omnipotens Deus : ut per temporálem Filii tui mortem, quam mystéria veneránda testántur; vitam nobis te dedisse perpétuam confidámus : Per eúmdem.

Tertia Postcomm. Mundet, pag. sequenti.

4 — POST OCT. EPIPHANIÆ
AD SEPTUAGESIMAM, ET POST
OCTAVAM SS. CORDIS JESU
AD ADVENTUM

Secunda Oratio

ACUNCTIS nos, quæsumus Dómine, mentis et córporis defénde periculis : et intercedénte beáta et gloriósa semper Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Domínico Patre nostro, et ómnibus Sanctis, salútem nobis tribue benignus, et pacem; ut destrúctis adversitátibus et erróribus univérsis, Ecclesiá tua secúra tibi sérviat libertáte : Per eúmdem.

Tertia Oratio ad libitum.

Secunda Secreta

EXAUDI nos Deus salutáris noster : ut per hujus sacraménti virtútem a cunctis nos mentis et córporis hóstibus tueáris, grátiam tribuens in præsénti, et glóriam in futúro. Per Dóminum.

Tertia Secreta ad libitum.

Secunda Postcommunio

MUNDET et múniat nos, quásumus Dómine, divini sacraménti munus oblátum : et intercedénte beáta Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Dominico Patre nostro, et ómnibus Sanctis; a cunctis nos reddat et perversitatibus expiátos, et adversitatibus expeditos : Per eúndem Dóminum nostrum Jesum Christum Fílium tuum, qui tecum vivit et regnat in unitáte Spíritus Sancti Deus : per ómnia sácula sæculórum.

Tertia Postcommunio ad libitum.

5 — PRO DOMINO PAPA

Oratio

DEUS ómnium fidélium pastor et rector, fámulum tuum **N.** quem pastórem Ecclésiæ tuæ præesse voluisti, propítius respice : da ei, quásumus, verbo et exémplo, quibus præest proficere; ut ad vitam, una cum grege sibi crédito, pervéniat sempitérnam : Per Dóminum.

Secreta

OBLATIS, quásumus Dómine, placáre munéribus : et fámulum tuum **N.** quem pastórem Ecclésiæ tuæ præesse voluisti, assídua protectione gubérna. Per Dóminum.

Postcommunio

HÆC nos, quásumus Dómine, divini sacraménti percéptio próteget; et fámulum tuum **N.** quem pastórem Ecclésiæ tuæ præesse voluisti, una cum commísso sibi grege, salvet semper et múniat : Per Dóminum.

-
1. — Si facta jam fuerit aliqua Memoria, tertia Oratio erit in Adventu de B. Maria V., Temp. Pasch. de Cruce, reliquo tempore A cunctis.
 2. — In Missis votivis B. M. V., si nulla Memoria facta fuerit, loco 2 vel 3 Orationis de B. M. V. vel A cunctis, dicitur Oratio Ecclésiæ, num. 7.
 3. — Sabbatis, quando in Missa Memoria de S. Maria in Sabb. facienda sit, ab Oct. Epiphaniæ ad Septuagesimam, et ab Oct. Cordis Jesu ad Adventum tertia Oratio erit ad libitum; a Septuagesima ad Cenam Domini vero Deus qui caritátis.
 4. — Si Missa, vel in Missa Memoria, dicta fuerit de S. Joseph, vel de SS. App. Petro et Paulo, vel de B. P. N. Dominico, in Oratione A cunctis, et in ejus Postcommunione, omittuntur verba quæ ad eos respiciunt.
 5. — Die 4 Januarii secunda Oratio erit de B. Maria V., tertia pro Papa.

PROPRIUM

MISSARUM DE SANCTIS

FESTA NOVEMBRIS

Die 29 Novembris

In Vigilia

S. ANDREÆ Apostoli

Officium

Matth. 4

DOMINUS secus mare Galilææ vidit duos fratres, Petrum et Andréam, et vocavit eos : Venite post me, faciam vos fieri piscatores hominum. *℟.* At illi continuo relictis retibus et navi, secuti sunt eum. *Glória Patri.*

Oratio

QUÆSUMUS omnipotens Deus : ut beatus Andréas Apostolus, cujus prævenimus festivitatem, tuum pro nobis implóret auxilium; ut a nostris reatibus absoluti, a cunctis etiam periculis eruámur : Per Dóminum.

De S. Saturnino Martyre

Oratio

DEUS, qui nos beati Saturnini Mártiris tui concedis natalitio pérfrui; ejus nos tribue méritis adjuvári : Per Dóminum nostrum.

Lectio libri Sapiéntiæ.

Eccli. 44 et 45

BENEDICTIO Dómini super caput justí. Ideo dedit illi Dóminus hereditatem, et divisit illi partem in tribubus duódecim : et invenit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Et dedit illi coram præcepta, et legem vitæ et disciplinæ : et excélsus fecit illum. Státuit ei testaméntum ætérnum : et circumcínxit eum zona justitiæ : Et induit eum Dóminus corónam glóriæ.

℟. Ps. 138 Nimis honorati sunt amici tui, Deus : nimis confortátus est principátus eórum. *℟.* Dinumerábo eos, et super arénam multiplicabúntur.

✠ Sequéntia sancti Evangélii secúndum Joánnem. c. 1

IN illo témpore : Stabat Joánes, et ex discipulis ejus duo. Et respiciens Jesum am-

bulantem, dicit : Ecce Agnus Dei. Et audiérunt eum duo discipuli loquentem, et secúti sunt Jesum. Convérsus autem Jesus, et videns eos sequentes se, dicit eis : Quid quæritis? Qui dixerunt ei : Rabbi, (quod dicitur interpretatum Magister) ubi hábitas? Dicit eis : Veníte, et vidéte. Venérunt, et vidérunt ubi manéret, et apud eum mansérunt die illo : Hora autem erat quasi décima. Erat autem Andréas frater Simónis Petri unus ex duóbus, qui audierant a Joánne, et secúti fúerant eum. Invénit hic primum fratrem suum Simónem, et dicit ei : Invénimus Messíam, (quod est interpretatum Christus). Et addúxit eum ad Jesum. Intúitus autem eum Jesus, dixit : Tu es Simon filius Jona : tu vocáberis Cephas, quod interpretátur Petrus. In crástinum vóluit exíre in Galiléam, et invénit Philíppum. Et dicit ei Jesus : Séquere me. Erat autem Philíppus a Bethsáida, civitaté Andréæ, et Petri. Invénit Philíppus Nathánaël, et dicit ei : Quem scripsit Móyses in lege, et prophétæ, invénimus Jesum filium Joseph a Náza-reth. Et dixit ei Nathánaël : A Náza-reth potest áliquid boni esse? Dicit ei Philíppus : Veni, et vide. Vidit Jesus Nathánaël veniéntem ad se, et dicit de eo : Ecce vere Israëli-ta, in quo dolus non est. Dicit ei Nathánaël : Unde me nosti? Respóndit Jesus, et dixit ei : Priúsqvam te Philíppus vocáret, cum esses sub ficu, vidi te. Respóndit ei Nathánaël,

et ait : Rabbi, tu es Fílius Dei, tu es Rex Israë-l. Respóndit Jesus, et dixit ei : Quia dixi tibi, Vidi te sub ficu, credis : majus his vidébis. Et dicit ei : Amen, amen dico vobis, vidébitis cælum apértum, et Angelos Dei ascen-déntes, et descendéntes supra Filium hóminis.

Offertorium Ps. 8 Glória et honóre coronásti eum : et constituísti eum super ópera má-num tuárum, Dómine.

Secreta

SACRAMENTUM tibi, Dómine, munus offérimus, quo beáti Andréæ Apóstoli tui solémnia recoléntes, purificatió-nem quoque nostris méntibus implorá-mus. Per Dóminum.

De S. Saturnino Secreta

MUNERA tibi, Dómine, dicáta sanctifica, et intercedénte beáto Saturníno Mártyre tuo, per hæc éadem nos placátus inténde. Per Dóminum.

Præfatio communis.

Communio Joan. 1 Dicit Andréas Simóni fratri suo : Invénimus Messíam, qui dicitur Christus : et addúxit eum ad Jesum.

Postcommunio

PERCEPTIS, Dómine, sacraméntis, suppliciter exorá-mus : ut intercedénte beáto Andréa Apóstolo tuo; quæ pro illíus veneránda gérimus passió-ne, nobis proficiant ad me-délam : Per Dóminum.

De S. Saturnino

Postcommunio

SANCTIFICET nos, quæsumus Dómine, tui percéptio sacraménti; et intercessióne beáti Saturnini Mártiris tui tibi reddat accéptos : Per Dóminum.

Die 30 Novembris

S. ANDREÆ Apostoli,

*Totum Duplex II classis
cum Oct. sol. mem.*

Officium

Ps. 138

MHI autem nimis honoráti sunt amici tui, Deus : nimis confortátus est principátus eórum. **V.** Dómine probásti me, et cognovisti me : tu cognovisti sessionem meam, et resurrectionem meam. **Gloria Patri. Gloria in excélsis.**

Oratio

MAJESTATEM tuam, Dómine, suppliciter exorámus : ut sicut Ecclésiæ tuæ beátus Andréas Apóstolus existit prædicátor et rector; ita apud te sit pro nobis perpétuus intercëssor : Per Dóminum.

Lectio Epistolæ beáti Pauli Apóstoli ad Romános. **c. 10**

FRATRES : Corde enim créditur ad justítiam : ore autem conféssio fit ad salútem. Dicit enim Scriptúra : Omnis, qui credit in illum, non confundétur. Non enim est distinctio Judæi, et Græci : Nam idem Dóminus ómnium, dives

in omnes, qui invocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non crediderunt? Aut quómodo credent ei, quem non audierunt? Quómodo autem áudient sine prædicánte? Quómodo vero prædicábunt nisi mittántur? Sicut scriptum est : Quam speciósi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit : Dómine quis crédidit auditui nostro? Ergo fides ex auditu, auditus autem per verbum Christi. Sed dico : Numquid non audierunt? Et quidem in omnem terram exívit sonus eórum, et in fines orbis terræ verba eórum.

V. Ps. 44 Constitues eos príncipes super omnem terram : mémoires erunt nóminis tui Dómine. **V.** Pro pátribus tuis nati sunt tibi filii : proptérea pópuli confitebúntur tibi.

Allelúia, allelúia. V. Diléxit Andréam Dóminus in odórem suavitátis. **Allelúia.**

✠ Sequéntia sancti Evangélii secúndum Matthæum. **c. 4**

IN illo témpore : Ambulans Jesus juxta mare Galilææ, vidit duos fratres, Simónem, qui vocátur Petrus, et Andréam fratrem ejus, mitténtes rete in mare, (erant enim piscatóres) et ait illis : Veníte post me, et fáciam vos fieri piscatóres hóminum. At illi contínuo relictis rétibus, secúti sunt eum. Et procédens

inde, vidit álios duos fratres, Jacóbum Zebedæi, et Joánnem fratrem ejus in navi cum Zebedæo patre eórum, reficiéntes rétia sua : Et vocávit eos. Illi autem statim relictis rétibus et patre, secúti sunt eum.

Credo.

Offertorium Ps. 138 Mihi autem nimis honoráti sunt amici tui, Deus : nimis confortátus est principátus eórum.

Secreta

SACRIFICIUM nostrum tibi, Dómine quæsumus, beáti Andréæ Apóstoli precátio sancta concíliet : ut in cujus honóre solémniter exhibétur, ejus méritis efficiátur accéptum. Per Dóminum.

Præfatio de Apostolis.

Communio Matth. 4 Venite post me, fáciam vos fieri piscatóres hóminum : at illi continuo relictis rétibus, secúti sunt Dóminum.

Postcommunio

SUMPSIMUS, Dómine, divína mystéria, beáti Andréæ festivitáte lætántes : quæ sicut tuis Sanctis ad glóriam; ita nobis, quæsumus ad véniam prodésse perficias : Per Dóminum.

FESTA DECEMBRIS

Die 1 Decembris

B. JOANNIS A VERCELLIS

Conf. Ord. Præd. (d.)

Officium Os justi, de Communi unius Conf. non Pontificis, p. 23*

Oratio

DEUS, qui beátum Joánnem mirábili prudéntia et fortitúde claréscere voluísti; ipso interveniénte, concéde ut familia tua semper et ubique salúbri regímine gubernétur. Per Dóminum.

Secreta

OBLATIS Dómine placáre munéribus; et intercedénte beáto Joánnē, dexteram tuam in Ecclesiæ subsidium cleménter exténde : ut destrúctis adversitatibus et erróribus univérsis, fidei unitáte et pacis abundántia lætétur. Per Dóminum.

Postcommunio

SACRIS dápiibus refécti, tibi Dómine grátias persólvimus : tuam misericórdiam deprecántes, ut méritis et intercessióne beáti Joánnis a peccatórum nexibus absoluti; ad cæléstem pátriam per sémitas perfectiónis contendámus. Per Dóminum.

Die 2 Decembris

S. BIBIANÆ

Virg. et Mart. (sp.)

Officium

Ps. 118

ME expectavérunt peccatóres, ut pérderent me : testimónia tua Dómine intelléxi : omnis consummationis vidi finem : latum mandátum tuum nimis. ✠. Beáti immaculáti in via : qui ámbulant in lege Dómini. Glória Patri. Glória in excélsis.

Oratio

INDULGENTIAM nobis, quæsumus Dómine, beáta Bibiana Virgo et Martyr implóret : quæ tibi grata semper exstitit; et mérito castitátis, et tuæ professione virtútis : Per Dóminum.

Lectio Libri Sapiéntiæ.

Eccli. 51

DOMINE Deus meus exaltásti super terram habitatióem meam, et pro morte defluente deprecáta sum. Invocávi Dóminum patrem Dómini mei, ut non derelinquat me in die tribulatióis meæ, et in témpore superbórum sine adiutorio. Laudábo nomen tuum assidue, et collaudábo illud in confessiône, et exaudíta est oratio mea. Et liberásti me de perditiónē, et eripuísti me de témpore iniquo. Propterea confitébor, et laudem dicam tibi, Dómine Deus noster.

℟. **Ps. 44** Spécie tua et pulchritúdine tua inténde, prospere procéde, et regna.

℣. Propter veritátem, et mansuetúdinem, et justítiam : et dedúcet te mirabiliter dextera tua.

Allelúia, allelúia. ℣. **2 Cor. 11** Æmulor enim vos Dei æmulatione : despóndi vos uní viro vírginem castam exhibére Christo. Allelúia.

✠ **Sequéntia sancti Evangélii** secúndum Matthæum. **c. 13**

IN illo témpore : Dixit Jesus discipulis suis parábolam hanc : Simile est regnum cæ-

lórurum thesaúro abscondito in agro : quem qui invénit homo, abscondit, et præ gáudio illius vadit, et vendit univérsa quæ habet, et emit agrum illum. Iterum simile est regnum cælórurum hómini negotiátóri, quærénti bonas margarítas. Invénta autem una pretiósa margaríta, ábiit, et véndidit ómnia quæ hábuit, et emit eam. Iterum simile est regnum cælórurum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatiône sáculi : Exhibunt Angeli, et separábunt malos de médio justórum, et mittent eos in caminum ignis : Ibi erit fletus, et stridor déntium. Intellexistis hæc ómnia? Dicunt ei : Etiam. Ait illis : Ideo omnis scriba doctus in regno cælórurum, similis est hómini patrifamílias, qui profert de thesaúro suo nova et vétera.

Offertorium Ps. 44 Afferéntur regi vírgines post eam : próximæ ejus afferéntur tibi in lætítia et exsultatiône : adducéntur in templum regi Dómino.

Secreta

SUSCIPE Dómine múnera, quæ in beátæ Bibianæ Vírginis et Mátyris tuæ solemnitate deférimus : cujus nos confidimus patrocínio liberári. Per Dóminum.

Communio Matth. 13 Simile est regnum cælórurum hómini

negotiatóri, quærénti bonas margarítas : invénta autem una pretiósá margaríta, dedit ómnia sua, et comparávit eam.

Postcommunio

AUXILIENTUR nobis, Dómine, sumpta mystéria: et intercedénte beáta Bibiána Virgine et Mártyre tua, sempitérna protectióne confirment : Per Dóminum.

Die 3 Decembris

S. FRANCISCI XAVERII

Confessoris (*t. d.*)

Officium

Ps. 36

OS justi meditábitur sapiéntiam, et lingua ejus loquétur judícium : lex Dei ejus in corde ipsius. **℟.** Noli æmulári in malignántibus : neque zeláveris faciéntes iniquitátem. **Gloría Patri. Glória in excélsis.**

Oratio

DEUS, qui Indiárum gentes beáti Francisci prædicatione et miráculis Ecclésiæ tuæ aggregáre voluisti : concede propítius, ut cujus gloriósa mérita venerámur; virtútum quoque imitémur exémpa : Per Dóminum.

Léctio Epístolæ beáti Pauli Apóstoli ad Romános. **c. 10**

FRATRES : Corde enim créditur ad justítiam : ore autem conféssio fit ad salútem. Dicit enim Scriptúra : Omnis, qui credit in illum, non confundétur. Non enim est distin-

ctio Judæi, et Græci : Nam idem Dóminus ómnium, dives in omnes, qui invocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine prædicánte? Quómodo vero prædicábunt nisi mittántur? Sicut scriptum est : Quam speciósi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit : Dómine quis crédidit auditui nostro? Ergo fides ex auditu, auditus autem per verbum Christi. Sed dico: Numquid non audiérunt? Et quidem in omnem terram exívit sonus eórum, et in fines orbis terræ verba eórum.

℟. Ps. 91 Justus ut palma florébit : sicut cedrus Libani multiplicábitur in domo Dómini. **℟.** Ad annuntiándum mane misericórdiam tuam, et veritátem tuam per noctem.

Allelúia, allelúia. ℟. Jac. 1 Beátus vir, qui suffert tentatióne : quóniam cum probátus fúerit, accípiet coronam vitæ. **Allelúia.**

✠ Sequéntia sancti Evangélii secúndum Marcum. **c. 16**

IN illo témpore : Dixit Jesus discipulis suis : Eúntes in mundum univérsum, prædicáte Evangélium omni creatúræ. Qui crediderit, et baptizátus fúerit, salvus erit : Qui

vero non crediderit, condemnabitur. Signa autem eos, qui crediderint, hæc sequuntur : In nomine meo dæmonia ejicient : linguis loquentur novis : serpentes tollent : Et si mortiferum quid biberint, non eis nocēbit : Super ægros manus impōnent, et bene habebunt.

Offertorium Ps. 88 Vēritas mea, et misericordia mea cum ipso : et in nomine meo exaltabitur cornu ejus.

Secreta

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore puriter et mente purificet. Per Dominum.

Communio Matth. 24 Beatus servus, quem cum venerit dominus invenerit vigilantem : amen dico vobis, super omnia bona sua constituet eum.

Postcommunio

QUÆSUMUS omnipotens Deus : ut qui cælestia alimenta percipimus; intercedente beato Francisco Confessore tuo, per hæc contra omnia adversa muniamur : Per Dominum.

Die 4 Decembris

S. PETRI CHRYSOLOGI
Ep., Conf. et Eccl. Doct. (d.)

Officium In medio, ut in Comm. Doctoris, pag. 20*

Oratio

DEUS, qui beatum Petrum Chrysologum Doctorem egregium divinitus præmonstratum, ad regendam et instruendam Ecclesiam tuam eligi voluisti : præsta quæsumus, ut quem Doctorem vitæ habuimus in terris; intercessorem habere mereamur in cælis : Per Dominum.

De S. Barbara Virg. et Mart.

Oratio

EXAUDI nos Deus salutaris noster : ut sicut de beatæ Barbaræ Virginis et Martyris tuæ festivitate gaudemus; ita piæ devotionis erudiamur affectu : Per Dominum.

Secreta

SANCTI Petri Chrysologi Pontificis tui atque Doctōris nobis, Dōmine, pia non desit oratio : quæ et mūnera nostra conciliet, et tuam nobis indulgentiam semper obtineat. Per Dominum.

De S. Barbara **Secreta**

ACCEPTA tibi sit, Dōmine, sacratæ plebis oblatio pro tuorum honore Sanctorum, quorum se meritis de tribulatione percepisse cognoscit auxilium. Per Dominum.

Postcommunio

UT nobis, Dōmine, tua sacrificia dent salutem; beatus Petrus Chrysologus Pontifex tuus et Doctor egregius, quæsumus, precator accedat : Per Dominum.

De S. Barbara

Postcommunio

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Die 6 Decembris

S. NICOLAI Ep. et Conf. (d.)

Officium

Eccli. 45

STATUIT ei Dóminus testamentum pacis, et principem fecit eum : ut sit illi sacerdótii dignitas in ætérnum. **℣. Ps. 88** Misericórdias Dómini in ætérnum cantábo. **Glória Patri. Glória in excélsis.**

Oratio

DEUS, qui beátum Nicoláum Pontificem innúmeris decorásti miráculis; tribue quæsumus, ut ejus méritis et précibus, a gehénnæ incendiis liberémur : Per Dóminum.

Lectio Epistolæ beáti Pauli Apóstoli ad Hebræos. **c. 13**

FRATRES : Mementóte præpositórum vestrórum, qui vobis locúti sunt verbum Dei : quorum intuéntes éxitum conversatiónis, imitámini fidem. Jesus Christus heri, et hódie : ipse et in sæcula. Doctrinis váriis, et peregrinis nolite abducí. Optimum est enim grátia stabilire cor, non escis : quæ non profuérunt ambulántibus in eis. Habémus altáre, de quo édere non habent potestátem, qui tabernáculo desér-

viunt. Quorum enim animálium infértur sanguis pro peccáto in Sancta per pontificem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus. Beneficéntiæ autem, et communiónis nolíte oblivisci : talibus enim hóstiis promerétur Deus. Obedíte præpositis vestris, et subjacéte eis. Ipsi enim pervigilant quasi ratióne pro animábus vestris redditúri.

℣. Eccli. 44 Ecce sacerdos magnus, qui in diébus suis plácuit Deo. **℣.** Non est invéntus similis illi, qui conserváret legem Excélsi.

Allelúia, allelúia. ℣. Osee 14 Justus germinábit sicut lílium, et florébit in ætérnum ante Dóminum. **Allelúia.**

✠ **Sequéntia sancti Evangélii** secúndum Matthæum. **c. 25**

IN illo témpore : Dixit Jesus discipulis suis parábolam hanc : Homo pégre profisciscens, vocávit servos suos, et trádedit illis bona sua. Et uni dedit quinque talénta, álíi autem duo, álíi vero unum, unicuique secúndum própriam virtútem, et profectus est sta-

tim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum vero témporis venit dóminus servórum illórum, et pósuit ratióne cum eis. Et accédens qui quinque talénta accéperat, óbtulit ália quinque talénta, dicens : Dómine, quinque talénta tradidisti mihi, ecce ália quinque superlucrátus sum. Ait illi dóminus ejus : Euge serve bone, et fidélis, quia super pauca fuisti fidélis, super multa te constituam, intra in gáudium dómini tui. Accéssit autem et qui duo talénta accéperat, et ait : Dómine, duo talénta tradidisti mihi, ecce ália duo lucrátus sum. Ait illi dóminus ejus : Euge serve bone, et fidélis, quia super pauca fuisti fidélis, super multa te constituam, intra in gáudium dómini tui.

Offertorium Ps. 91 Justus ut palma florébit : sicut cedrus, quæ in Libano est, multiplicábitur.

Secreta

SANCTIFICA, quæsumus Dómine Deus, hæc múnera, quæ in solemnitate sancti Antistitis tui Nicolái offerimus : ut per ea, vita nostra inter advérsa et próspera ubique dirigátur. Per Dóminum.

Communio Matth. 24 Beátus servus, quem cum vénerit dó-

minus, invénerit vigilántem : amen dico vobis, super ómnia bona sua constituet eum.

Postcommunio

SACRIFICIA, quæ sumpsimus, Dómine, pro solemnitate sancti Pontificis tui Nicolái; sempitérna nos protectione confirment : Per Dóminum.

Die 7 Decembris

S. AMBROSII Episcopi,
Conf. ac Eccl. Doct. (d.)

Officium Eccli. 45

STATUIT ei Dóminus testamentum pacis, et principem fecit eum : ut sit illi sacerdótii dignitas in ætérnum. **Ps. 88** Misericórdias Dómini in ætérnum cantábo. Glória Patri. Glória in excélsis.

Oratio

DEUS, qui pópulo tuo æternæ salutis beátum Ambrosium ministrum tribuisti : præsta quæsumus, ut quem doctórem vitæ habuimus in terris; intercessórem habere mereámur in cælis : Per Dóminum.

Pro Octava S. Andreæ
ad memoriam

Oratio

PROTEGAT nos, Dómine, scápius beáti Andréæ Apóstoli tui repetita solémnitas : ut cujus patrocínia sine intermissione recólimus; perpétuam defensiónem sentiámus : Per Dóminum.

Lectio Epistolæ beāti Pauli
Apóstoli ad Timótheum.

2, c. 4

CARISSIME : Testificor coram Deo, et Jesu Christo, qui judicatúrus est vivos, et mórtuos, per advéntum ipsíus, et regnum ejus : prædica verbum, insta opportúne, importúne : Argue, óbsecra, increpa in omni patientia, et doctrína. Erit enim tempus, cum sanam doctrinam non sustinébunt, sed ad sua desidéria coacerbábunt sibi magistros, pruriéntes áuribus, et a veritate quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repó-sita est mihi coróna justítiæ, quam reddet mihi Dóminus in illa die justus judex : Non solum autem mihi, sed et iis, qui díligunt advéntum ejus.

℟. Eccli. 44 Ecce sacerdos magnus, qui in diébus suis plácuít Deo. ℣. Non est invéntus símilis illi, qui conserváret legem Excélsi.

Allelúia, allelúia. ℣. Ps. 88 Inveni David servum meum : óleo sancto meo unxi eum. Allelúia.

✠ Sequéntia sancti Evangélíi
secúndum Matthæum. c. 5

IN illo témpore : Dixit Jesus discipulis suis : Vos estis sal terræ. Quod si sal eva-

nuerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus : ut videant ópera vestra bona, et glorificent Patrem vestrum, qui in cælis est. Nolite putáre, quóniam veni solvere legem, aut prophétas : Non veni solvere, sed adimplére. Amen quippe dico vobis : donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo solverit unum de mandátis istis mínimis, et docúerit sic homines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

OMNIPOTENS sempitérne Deus, múnera tuæ majestáti obláta, per intercessiónem beāti Ambrósii Confessoris tui atque Pontificis, ad perpétuam nobis fac proveníre salútem. Per Dóminum.

De S. Andrea Secreta

INDULGENTIAM nobis præbeant hæc múnera, quæsumus Dómine, largiorem : quæ

pro venerabilis Andréæ Apóstoli tui suffrágiis offerúntur. Per Dóminum.

Communio **Luc. 12** Fidélis servus, et prudens, quem constituit dóminus super familiam suam, ut det illis in tēmpore tritici mensúram.

Postcommunio

SACRAMENTA salutis nostræ suscipiētes, concēde, quæsumus omnipotens Deus : ut beáti Ambrósii Confessóris tui atque Pontíficis nos ubique orátio ádjuset; in cuius veneratióne hæc tuæ obtúlimus majestáti : Per Dóminum.

De S. Andrea Postcommunio

ADJUVET familiam tuam tibi Dómine supplicádo, beátus Andréas Apóstolus : et pius intervéntor efficiátur; qui tui nóminis éxstitit prædicátor : Per Dóminum.

Eadem die

In Vigilia

IMMACULATÆ CONCEPTIONIS B. MARLÆ VIRG.

Officium

Ps. 65

VENITE, audite, et narrábo, omnes qui timétis Deum, quanta fecit Dóminus animæ meæ. **℟.** Jubiláte Deo omnis terra, psalmum dicite nómini ejus : date glóriam laudi ejus. **Gloria Patri.**

Oratio

DEUS, qui Unigéniti tui Matrem ab origináli culpa in sua Conceptione mirabiliter

præservásti : da quæsumus, ut sua nos intercessióne munítos: corde mundos fácias suæ interésse festivitáti : Per eúmdem.

Lectio Libri Sapiéntiæ.

Eccli. 24

EGO quasi vitis fructificávi suavitátem odóris : et flores mei fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis, in me omnis spes vitæ et virtútis. Transíte ad me omnes qui concupiscitis me, et a generatióibus meis implémini : Spíritus enim meus super mel dulcis, et heréditas mea super mel et favum : Memória mea in generatióes sæculórum. Qui edunt me, adhuc esúrient : et qui bibunt me, adhuc sitient. Qui audit me, non confundétur : et qui operántur in me, non pecábunt. Qui elúcidant me, vitam ætérnam habébunt.

℟. **Prov. 9** Sapiéntia ædificávit sibi domum, excídit colúmnas septem. **℟.** **Ps. 86** Fundaménta ejus in móntibus sanctis : diligit Dóminus portas Sion super ómnia tabernácula Jacob.

✠ **Initium sancti Evangélíi secúndum Matthæum. c. 1**

LIBER generatiónis Jesu Christi filii David, filii Abraham. Abraham génuít Isaac. Isaac autem génuít Jacob. Jacob autem génuít Judam, et fratres ejus. Judas

autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uriæ. Salomon autem genuit Róboam. Róboam autem genuit Abiam. Abias autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam et fratres ejus in transmigratióne Babylónis. Et post transmigratióne Babylónis : Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud.

Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

Offertorium Cant. 6 Ego dilecto meo, et dilectus meus mihi, qui páscitur inter lília.

Secreta

MUNERA nostra, Dómine, apud tuam cleméntiam, immaculátæ Dei Genitricis comméndet orátio : quam ab omni origináli labe præservásti, ut dignum Filii tui habitáculum éffici mererétur. Qui tecum vivit.

Præfatio de B. Maria Virg. Et te in veneratióne.

Communio Cant. 6 Quæ est ista, quæ progréditur quasi auróra consúrgens, pulchra ut luna, elécta ut sol, terribilis ut castrórum ácies ordináta?

Postcommunio

CONCEDE miséricors Deus fragilitáti nostræ præsidium : ut qui immaculátæ Conceptionis Genitricis unigéniti Filii tui festivitátem prævenimus; intercessiόνis ejus auxilio a nostris iniquitatibus resurgámus : Per eúmdem Dóminum.

Die 8 Decembris

IN CONCEPTIONE IMMACULATA BEATÆ MARIÆ VIRGINIS

Totum Duplex I classis cum Octava solemni

Officium

Isa. 61

GAUDENS gaudēbo in Dōmino, et exsultābit ānima mea in Deo meo : quia induit me vestimētis salutis : et indumēto justitiæ circūmdedit me, quasi sponsam ornātam monilibus suis. **℣. Ps. 29** Exaltābo te Dōmine quōniam suscepisti me : nec delectāsti inimicos meos super me. **Gloria Patri. Gloria in excelsis.**

Oratio

DEUS, qui per immaculatam Virginis Conceptionem dignum Filio tuo habitaculum pręparasti : quęsumus, ut qui ex morte ejusdem Filii tui pręvisa eam ab omni labe pręservasti; nos quoque mundos ejus intercessiōne ad te pervenire concēdas : Per eūdem Dōminum.

Lectio libri Sapiētię.

Prov. 8

DOMINUS possēdit me in initio viārum suārum, āntequam quidquam fāceret a principiō. Ab ætēro ordināta sum, et ex antiquis āntequam terra fieret. Nondum erant abýssi, et ego jam concēpta eram : Necdum fontes aquā-

rum erúperant : necdum montes gravi mole constiterant : Ante colles ego parturiēbar : adhuc terram non fēcerat, et flúmina, et cárdines orbis terrę. Quando pręparābat cęlos, áderam : quando certa lege, et gyro vallābat abýssos : Quando æthēra firmābat sursum, et librābat fontes aquarum : Quando circūmdabat mari tēminum suum, et legem ponēbat aquis, ne transirent fines suos : Quando appendēbat fundamēta terrę. Cum eo eram cuncta compōnens : Et delectābar per singulos dies, ludens coram eo omni tēpore; ludens in orbe terrarum : et delicię meę esse cum filiis hōminum. Nunc ergo, filii, audite me : Beāti, qui custōdiunt vias meas. Audite disciplinam, et estōte sapiēntes, et nolite abjicere eam. Beātus homo qui audit me, et qui vigilat ad fores meas quotīdie, et obsērvat ad postes ostiī mei. Qui me invēnerit, invēniet vitam, et hauriet salutem a Dōmino.

℣. Judith 13 Benedicta es tu Virgo Maria a Dōmino Deo excēlso prę omnibus muliēribus super terram. **℣. Ibid. 15**

Tu glória Jerúsalem, tu lætítia Israël, tu honorificéntia pópuli nostri.

Allelúia, allelúia. V. Cant. 4 Tota pulchra es, María : et mácula originális non est in te. Allelúia.

✠ **Sequéntia sancti Evangélii** secúndum Lucam. **c. 1**

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad virginem desponsátam viro, cui nomen erat Joseph, de domo David, et nomen vírginis María. Et ingrés-sus Angelus ad eam, dixit : Ave grátia plena : Dóminus tecum : Benedicta tu in mulié-ribus. **Credo.**

Offertorium Luc. 1 Ave Ma-ría grátia plena : Dóminus tecum : benedicta tu in mulié-ribus, allelúia.

Secreta

SALUTAREM hóstiam, quam in solemnité immaculátæ Conceptionis beátæ Virginis Mariæ tibi, Dómine, offéri-mus, súscipe; et præsta, ut sicut illam, tua grátia præve-niéntē, ab omni labe immúnem profitémur, ita ejus interces-sióne a culpis ómnibus libe-rémur. Per Dóminum.

Præfatio de B. Maria Virgine Et te in Conceptione immaculata. Et dica-tur quotidie per Octavam, etiam in Missis de Sanctis, nisi propriam habuerint.

Communio Gloriósa dicta sunt de te, María : quia fecit tibi magna qui potens est.

Postcommunio

SACRAMENTA quæ súmpsi-mus, Dómine Deus noster, illius in nobis culpæ vúlnera réparent; a qua immaculátam beátæ Mariæ Conceptionem singuláriter præservásti : Per Dóminum.

Per Octavam, et in Octava imma-culatae Conceptionis B. Virg. omnia fiant sicut in festo, excepto Credo.

In Missis votivis infra Septuage-simam, omissis Allelúia et Versu sequenti, dicitur

Tractus Ps. 86 Fundaménta ejus in móntibus sanctis : dili-git Dóminus portas Sion su-per ómnia tabernacula Jacob. **V. Gloriósa dicta sunt de te, civitas Dei. V. Homo natus est in ea : et ipse fundávit eam Altissimus.**

Tempore Paschali, omisso R., di-citur

Allelúia, allelúia. V. Tu gló-ria Jerúsalem, tu lætítia Israël, tu honorificéntia pópuli nostri.

Allelúia. V. Tota pulchra es, María : et mácula originális non est in te. Allelúia.

Die 10 Decembris

Pro Italia

et insulis adjacentibus

IN TRANSLATIONE

ALMÆ DOMUS

LAURETANÆ B. M. V.

Totum Duplex

Officium

Gen. 28

TERRIBILIS est locus iste! hic domus Dei est, et porta cæli, et vocábitur aula Dei. **V. Ps. 83** Quam

dilēcta tabernacula tua, Dómine virtútum : concupiscit, et déficit ánima mea in átria Dómini. Glória Patri. Glória in excélsis.

Oratio

DEUS, qui beátæ Mariæ Virginis Domum per incarnáti Verbi mystérium misericórditer consecrásti : eámque in sinu Ecclésiæ tuæ mirabiliter collocásti; concéde, ut segregáti a tabernaculis peccatórum, digni efficiámur habitatóres domus sanctæ tuæ : Per eúmdem.

Lectio Libri Sapiéntiæ.

Eccli. 24

IN ómnibus réquiem quæsiui, et in hereditáte Dómini morábor. Tunc præcépit, et dixit mihi Creátor ómnium : et qui creávit me, requiévít in tabernáculo meo, et dixit mihi : In Jacob inhábíta, et in Israël hereditáre, et in eléctis meis mitte radices. Et sic in Sion firmáta sum, et in civitáte sanctificáta simíliter requiéví, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea. Quasi cedrus exaltáta sum in Líbano, et quasi cypréssus in monte Sion : quasi palma exaltáta sum in Cades, et quasi plantátio rosæ in Jéricho : Quasi olíva speciósa in campis, et quasi plátanus exaltáta sum juxta aquam in platéis. Sicut cinnamómum, et bálsamum aromatizans odórem

dedi : Quasi myrrha elécta dedi suavitátem odóris.

℟. Ps. 26 Unam pétii a Dómino, hanc requíram, ut inhábitem in domo Dómini ómnibus diébus vitæ meæ. ℣. Ut vídeam voluptátem Dómini, et vísitem templum ejus.

Allelúia, allelúia. ℣. Ps. 83 Beáti qui hábitant in domo tua Dómine : in sácula sæculórum laudábunt te. Allelúia.

✠ Sequéntia sancti Evangélii secúndum Lucam. c. 1

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad vírginem desponsátam viro, cui nomen erat Joseph, de domo David, et nomen vírginis María. Et ingrés-sus Angelus ad eam, dixit : Ave grátia plena : Dóminus tecum : Benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne timeas María, invenísti enim grátiam apud Deum : Ecce concípies in útero, et páries filium, et vocábis nomen ejus Jesum. Hic erit magnus, et filius Altíssimi vocábitur, et dabit illi Dóminus Deus sedem David patris ejus : Et regnábít in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognósko? Et respóndens Angelus, dixit ei : Spíritus Sanctus supervéniet in te, et virtus Altíssimi obum-

brábit tibi. Ideóque et quod nascétur ex te Sanctum, vocábitur Filius Dei. Et ecce Elisabeth cognáta tua, et ipsa concépit filium in senectúte sua : Et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem Maria : Ecce ancilla Dómini, fiat mihi secúndum verbum tuum. **Credo.**

Offertorium Ps. 5 Introibo in domum tuam : adorábo ad templum sanctum tuum, et confitébor nómini tuo.

Secreta

ACCIPE, quæsumus Dómine, múnera in hac sacra Domo dignánter obláta : et beátæ Mariæ Virginis suffragántibus méritis, ad nostræ salútis auxílium proveníre concéde. Per Dóminum.

Præfatio de B. Maria Virg. Et te in solemnitate.

Communio Prov. 8 Beátus qui audit me, et qui vígilat ad fores meas quotidie, et obsérvat ad postes óstii mei : qui me invénerit, invéniet vitam, et háuriet salútem a Dómino.

Postcommunio

QUÆSUMUS Dómine Deus noster : ut sacrosáncta mystéria, quæ pro reparatiónis nostræ munimine contulisti; intercedente beáta María semper Virgine, et præsens nobis remédium esse fácias, et futúrum : Per Dóminum.

Die 11 Decembris

S. DAMASI

Papæ et Conf. (sp.)

Officium Sacerdótes, ut in Comm. Conf. Pont., pag. 17*

Die 13 Decembris

S. LUCIÆ

Virg. et Mart. (d.)

Officium

Ps. 44

DILEXISTI justítiam, et odisti iniquitátem : propterea unxit te Deus, Deus tuus, óleo lætitiæ præ consórtibus tuis. **℟.** Eruciávit cor meum verbum bonum : dico ego ópera mea regi. **G**lória Patri. **G**lória in excélsis.

Oratio

EXAUDI nos Deus salutáris noster : ut sicut de beátæ Lúciæ Virginis et Mártiris tuæ festivitáte gaudémus; ita piæ devotiónis erudiámur afféctu : Per Dóminum.

Léctio Epístolæ beáti Pauli Apóstoli ad Corínthios.

2, c. 10 et 11

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat. Utinam sustinerétis módicum quid insipientiæ meæ, sed et supportáte me : Æmulor enim vos Dei æmulatione. Despóndi enim vos uni viro virginem castam exhibére Christo.

℟. Ps. 44 Dilexisti justitiam, et odisti iniquitatem. **℣.** Propterea unxit te Deus, Deus tuus, oleo lætitiæ.

Allelúia, allelúia. ℣. 2 Cor. 11 Æmulor enim vos Dei æmulatione : despóndi vos uni viro virginem castam exhibére Christo. Allelúia.

✠ **Sequéntia sancti Evangélii** secúndum Matthæum. **c. 13**

IN illo témpore : Dixit Jesus discipulis suis parábolam hanc : Simile est regnum cælórum thesauro abscondito in agro : quem qui invénit homo, abscondit, et præ gáudio illius vadit, et vendit univérsa quæ habet, et emit agrum illum. Iterum simile est regnum cælórum hómini negotiátóri, quærénti bonas margaritas. Invénta autem una pretiósá margaríta, ábiit, et véndidit ómnia quæ hábuit, et emit eam. Iterum simile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sǽculi : Exhibunt Angeli, et separábunt malos de médio justórum, et mittent eos in camínium ignis : Ibi erit fletus, et stridor déntium. Intellexístis hæc ómnia? Dicunt ei : Etiam. Ait illis : Ideo omnis scribe doctus in regno cælórum, similis est hómini patrifámiliis, qui profert de thesauro suo nova et vétera.

Offertorium Ps. 44 Afferéntur regi vírgines post eam : próximæ ejus afferéntur tibi in lætítia et exsultatione : adducéntur in templum regi Dómino.

Secreta

ACCEPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatione percepisse cognóscit auxilium. Per Dóminum.

Communio Ps. 44 Diffúsa est grátia in lábiis tuis : propterea benedixit te Deus in ætérnum.

Postcommunio

SATIASTI Dómine famíliam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Die 16 Decembris

B. SEBASTIANI MAGGI

Conf. Ord. Præd. (sd.)

Officium Os justi, de Communi
Conf. non Pontif., pag. 23*

Oratio

DEUS, qui beátum Sebastíanum Confessórem tuum reguláris disciplinæ, et evangélicæ perfectiónis singulári stúdio miráblem effecisti : concéde propítius, ut ejus imitatione carne mortificáti, et vivificáti spiritu; ætérna præmia consequámur : Per Dóminum.

Secreta C

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Postcommunio C

QUÆSUMUS omnipotens Deus : ut qui cælestia alimenta percipimus; intercedente beato Sebastiano Confessore tuo, per hæc contra omnia adversa muniamur : Per Dominum.

Die 20 Decembris

S. DOMINICI

Abbatis Sylensis (d.)

Officium Os justi, ut in Comm. unius Abbatis, pag. 25*

Oratio

DEUS, qui Ecclesiam tuam beati Domini Confessoris tui præclaris vitæ meritis decorasti; et in liberandis captivis, gloriosis lætificasti miraculis : concede nobis famulis tuis, ut et ipsius instruamur exemplis; et ab omni vitiorum servitute ejus patrocinio liberemur : Per Dominum.

Secreta C

SACRIS altaribus, Domine, hostias superpositas sanctus Dominicus Abbas, quæsumus, in salutem nobis provenire deposcat. Per Dominum.

Postcommunio C

PROTEGAT nos, Domine, cum tui perceptione sacramenti, beatus Dominicus

Abbas, pro nobis intercedendo : ut et conversationis ejus experiamur insignia; et intercessionis ipsius percipiamus suffragia : Per Dominum.

Die 21 Decembris

S. THOMÆ Apostoli

Totum Duplex II classis

Officium

Ps. 138

MHI autem nimis honorati sunt amici tui, Deus : nimis confortatus est principatus eorum. **℟.** Domine probasti me, et cognovisti me : tu cognovisti sessionem meam, et resurrectionem meam. Glória Patri. Glória in excelsis.

Oratio

DA nobis, quæsumus Domine, beati Apostoli tui Thomæ solemnitatibus gloriari : ut ejus semper et patrocinii sublevemur; et fidem congrua devotione sectemur : Per Dominum.

Lectio Epistolæ beati Pauli Apostoli ad Ephésios. c. 2

FRATRES : Jam non estis hospites, et advenæ : sed estis cives sanctorum, et domestici Dei : superædificati super fundamentum Apostolorum et Prophetarum, ipso summo angulâri lapide Christo Jesu : In quo omnis ædificatio constructa crescit in templum sanctum in Domino, in quo et vos coedificamini in habitaculum Dei in Spiritu.

℟. Ps. 18 In omnem terram exiuit sonus eorum : et in fines orbis terræ verba eorum. **℣.** Cæli enarrant glóriam Dei, et ópera mánuum ejus annúntiat firmaméntum.

Allelúia, allelúia. ℣. Ps. 138 Nimis honoráti sunt amici tui, Deus : nimis confortátus est principátus eorum. **Allelúia.**

✠ **Sequéntia sancti Evangélíi** secúndum Joánnem. **c. 20**

IN illo témpore : Thomas unus ex duódecim, qui dicitur Dídymus, non erat cum eis quando venit Jesus. Dixerunt ergo ei álíi discípuli : Vidimus Dóminum. Ille autem dixit eis : Nisi videro in mánibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam. Et post dies octo, íterum erant discípuli ejus intus : et Thomas cum eis. Venit Jesus jánuis clausis, et stetit in médio, et dixit : Pax vobis. Deinde dicit Thomæ : Infer dígitum tuum huc, et vide manus meas, et affer manum tuam, et mitte in latus meum : et noli esse incrédulus, sed fidélis. Respóndit Thomas, et dixit ei : Dóminus meus, et Deus meus. Dixit ei Jesus : Quia vidisti me Thoma, credidisti : beáti qui non viderunt, et crediderunt. **Credo.**

Offertorium Ps. 44 Constítues eos principes super omnem terram : mémore erunt nóminis tui, Dómine, in omni progénie et generatióne.

Secreta

DEBITUM tibi, Dómine, nostræ réddimus servitútis, suppliciter exorántes, ut suffrágiis beáti Thomæ Apóstoli, in nobis tua múnera tueáris, cujus honoránda confessióne, laudis tibi hóstias immolámus. Per Dóminum.

Præfatio de Apostolis.

Communio Joan. 20 Mitte manum tuam, et cognósce loca clavórum : et noli esse incrédulus, sed fidélis.

Postcommunio

ADESTO nobis, miséricors Deus; et intercedénte pro nobis beáto Thoma Apóstolo, tua circa nos propitiátus dona custódi : Per Dóminum.

Die 22 Decembris

In festo

PATROCINII

B. MARLÆ VIRGINIS

Totum Duplex

*Officium Gaudeámus, ut in festis beatæ Mariæ Virginis, pag. 1**

Oratio

DEUS, qui sub beatíssimæ Virgínis Mariæ singulári Patrocínio Ordinem Prædicatorum ad animárum salútem instituí; ejúsque perpétuis beneficiis cumulári voluísti : præsta supplicibus tuis, ut cujus hódie commemoratióne cólimus; illius protécti auxiliis ad cæléstem glóriam perducamur : Per Dóminum.

Secreta C

UNIGENITI tui, Dómine, nobis succurrat humanitas : ut qui natus de Virgine, Matris integritatem non minuit, sed sacravit, in solemnitate ejus nostris nos piaculis exuens, oblationem nostram tibi faciat acceptam : Jesus Christus Dóminus noster, qui tecum.

Postcommunio C

SUMPSIMUS, Dómine, celebritatis annuæ votiva sacramenta; præsta quæsumus, ut et temporalis vitæ nobis remédia præbeant, et æternæ : Per Dóminum.

Die 23 Decembris

B. MARGARITÆ
DE SABAUDIA**Viduæ Ord. Præd. (sd.)**

Officium Gaudeamus, ut in Comuni unius S. Mulieris nec Virg. nec Mart., pag. 36*

Oratio

DEUS, qui beatam Margaritam a sæculi pompa ad humilem tuæ crucis sequelam toto corde transire docuisti : concede, ut ejus meritis et exemplo, discamus perituras mundi calcare delicias; et in amplexu tuæ crucis omnia nobis adversantia superare : Qui vivis.

Secreta C

MUNERA, Dómine, nostræ devotionis offerimus : ut tibi grata, et nobis salutaria, beatæ Margaritæ pia supplicatione reddantur. Per Dóminum.

Postcommunio C

QUÆSUMUS omnipotens Deus : ut quos salutariis dignatus es erudire mysteriis; beatæ Margaritæ intercessione gloriosa, cælestibus reficias alimentis : Per Dóminum.

Die 26 Decembris

S. STEPHANI Protomartyris
Totum Duplex II classis
cum Oct. 3 LL.

Statio ad S. Stephanum
in Cælio monte

Officium Ps. 118

SEDERUNT principes, et adversum me loquebantur, et iniqui persecuti sunt me : adjuva me Dómine Deus meus, quia servus tuus exercebatur in tuis justificationibus. ✠. Beati immaculati in via : qui ambulant in lege Dómini. Glória Patri. Glória in excelsis.

Oratio

DA nobis, quæsumus Dómine, imitari quod colimus, ut discamus et inimicos diligere : quia ejus natalitia celebramus; qui novit etiam pro persecutoribus exorare : Dóminum nostrum Jesum Christum.

Quando prædicta Oratio dicitur ad Memoriam, et sequitur alia Oratio immediate, finitur sic : Pro persecutoribus exorare.

De Nativitate Oratio

CONCEDE, quæsumus omnipotens Deus : ut nos Unigeniti tui nova per carnem

Nativitas liberet; quos sub peccāti iugo vetústa sêrvitus tenet : Per eúmdem Dóminum.

Lectio Actuum Apostolorum.

c. 6 et 7

IN diébus illis : Stêphanus plenus grátia, et fortitúdine, faciêbat prodigia, et signa magna in pópulo. Surrexerunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stêphano : et non póterant resistere sapiéntiæ, et Spíritui, qui loquebátur. Audiéntes autem hæc dissecabántur córdibus suis, et stridébant déntibus in eum. Cum autem esset Stêphanus plenus Spíritu Sancto, inténdens in cælum, vidit glóriam Dei, et Jesum stantem a dextris Dei. Et ait : Ecce video cælus apértos, et filium hóminis stantem a dextris Dei. Exclamántes autem voce magna continuérunt aures suas, et impetum fecérunt unanimiter in eum. Et ejiciéntes eum extra civitátem, lapidábant : Et testes deposuérunt vestiménta sua secus pedes adolescentis, qui vocabátur Saulus. Et lapidábant Stêphanum, invocántem, et dicéntem : Dómine Jesu, súscipe spíritum meum. Pósis autem génibus, clamávit voce magna, dicens : Dómine, ne státuas illis hoc peccátum. Et cum hoc dixisset, obdormívit in Dómino.

℟. Ps. 118 Sedérunt principes, et advérsus me loquebántur, et iníqui persecúti sunt me. ℣. Adjuva me Dómine Deus meus, salvum me fac propter misericórdiam tuam.

Allelúia, allelúia. ℣. Act. 7 Video cælus apértos, et Jesum stantem a dextris virtútis Dei.

Sequentia

LÆTABUNDUS exsúltet fídelis chorus. Allelúia.

Regem regum intáctæ profúdit torus : res miránda.

Angelus consilii natus est de Vírgine : sol de stella.

Sol occásus nesciens, stella semper rútilans, semper clara.

Sicut sidus rádium, profert Virgo filium, pari forma.

Neque sidus rádio, neque mater filio fit corrúpta.

Cedrus alta Libani conformátur hýssopo, valle nostra.

Verbum ens Altíssimi corporári passum est, carne sumpta.

Isaias cécinit, Synagóga méminit, numquam tamen désinit esse cæca.

Si non suis Vátibus, credat vel gentilibus : Sibyllinis vèrsibus hæc prædicta.

Infélix própèra, crede vel vétera : cur damnáberis gens mísera?

Quem docet líttèra, natum considera : ipsum génuít puérpera.

Allelúia.

✠ **Sequéntia sancti Evangélii**
secúndum Matthæum. **c. 23**

IN illo témpore : Dicébat Jesus Scribis, et Phariséis : Ecce ego mitto ad vos prophétas, et sapiéntes, et scribas, et ex illis occidétis, et crucifigétis, et ex eis flagellábitis in synagógis vestris, et persequémini de civitáte in civitátem : ut véniat super vos omnis sanguis justus, qui effúsus est super terram, a sáanguine Abel justí usque ad sáanguinem Zachariæ, filii Barachíæ, quem occidístis inter templum et altáre. Amen dico vobis, vénient hæc ómnia super generatióem istam. Jerúsalem, Jerúsalem, quæ occidis prophétas, et lápidas eos, qui ad te missi sunt, quóties vólui congregáre filios tuos, quemádmodum gallína cóngregat pullos suos sub alas, et nolúisti? Ecce relinquétur vobis domus vestra desérta. Dico enim vobis, non me vidébitis ámodo, donec dicátis : *Benedíctus, qui venit in nómine Dómini.* **Credo.**

Offertorium Ps. 20 In virtúte tua, Dómine, lætábitur justus, et super salutáre tuum exsultábit veheménter : desideríum ánimæ ejus tribuísti ei.

Secreta

SUSCIPE Dómine múnera pro tuórum commemoratióne Sanctórum : ut sicut illos pássio gloriósa effécit, ita nos devótió reddat innócuos. Per Dóminum.

De Nativitate Secreta

OBLATA Dómine múnera, nova Unigéniti tui Nativitáte sanctifica, nosque a peccatórum nostrórum máculis emúnda. Per eúndem Dóminum.

Præfatio et Communicántes, de Nativitate.

Communio Act. 7 Video cælos apértos, et Jesum stantem a dextris virtútis Dei : Dómine Jesu áccipe spíritum meum, et ne státuas illis hoc peccátum.

Postcommunio

AUXILIENTUR nobis, Dómine, sumpta mystéria; et intercedénte beáto Stéphano Mártire tuo, sempitérna protectiόe confirment : Per Dóminum.

De Nativitate Postcommunio

PRÆSTA, quæsumus omnipotens Deus : ut natus hódie Salvátor mundi, sicut divínæ nobis generatióis est auctor; ita et immortalitátis sit ipse largítor : Qui tecum vivit.

Die 27 Decembris

S. JOANNIS **Ap. et Ev.**

*Totum Duplex II classis
cum Oct. 3 LL.*

Statio ad S. Mariam Majorem

Officium Eccli. 15

IN médio Ecclésiæ apèruit os ejus, et implévit eum Dóminus spíritu sapiéntiæ et intelléctus : stolam glóriæ

induit eum. *℟.* Jucunditatem, et exultationem thesaurizavit super eum. Glória Patri. Glória in excelsis.

Oratio

ECCLESIAM tuam, Dómine, benígnus illústra: ut beáti Joánnis Apóstoli tui et Evangelistæ illumináta doctrínis; ad dona pervéniat sempitérna: Per Dóminum.

De Nativitate

Oratio

CONCEDE, quæsumus omnípotens Deus: ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet: Per eúmdem.

Lectio Libri Sapiéntiæ.

Eccli. 15

QUI timet Deum, fáciat bona: Et qui cóntinens est justítiæ, apprehéndet illam, et obviábit illi quasi mater honorificáta. Cibábit illum pane vitæ et intelléctus, et aqua sapiéntiæ salutáris potábit illum: Et firmábitur in illo, et non flectétur: et continebit illum, et non confundétur: Et exaltábit illum apud próximos suos, et in médio Ecclesiæ apériet os ejus, et adimplébit illum spíritu sapiéntiæ et intelléctus, et stola glóriæ véstiet illum. Jucunditatem et exultationem thesaurizábit super illum, et nómine ætérno hereditábit illum, Dóminus Deus noster.

℟. Joan. 21 Exiit sermo inter fratres, quod discipulus ille non móritur. *℟.* Sed sic eum

volo manére, donec véniam: tu me séquere.

Allelúia, allelúia. ℟. Ibid. Hic est discipulus ille, qui testimoniúm pérhibet de his: et scimus, quia verum est testimoniúm ejus.

Sequentia Lætabúndus exsúltet, ut in superiori Missa.

✠ *Sequentia* sancti Evangélii secúndum Joánnem. c. 21

IN illo témpore: Dixit Jesus Petro: Séquere me. Convérsus Petrus vidit illum discipulum, quem diligébat Jesus, sequéntem, qui et recúbuit in cena super pectus ejus, et dixit, Dómine quis est qui tradet te? Hunc ergo cum vidisset Petrus, dixit Jesu: Dómine, hic autem quid? Dicit ei Jesus: Sic eum volo manére donec véniam, quid ad te? Tu me séquere. Exiit ergo sermo iste inter fratres, quia discipulus ille non móritur. Et non dixit ei Jesus, Non móritur: sed, Sic eum volo manére donec véniam, quid ad te? Hic est discipulus ille, qui testimoniúm pérhibet de his, et scripsit hæc: Et scimus, quia verum est testimoniúm ejus.

Credo.

Offertorium Ps. 91 Justus ut palma florébit: sicut cedrus, quæ in Líbano est, multiplicábitur.

Secreta

SUSCIPE Dómine múnera, quæ in ejus tibi solemnitate deférimus, cujus nos confidimus patrocínio liberári. Per Dóminum.

De Nativitate Secreta

OBLATA Dómine múnera,
nova Unigéniti tui Nati-
vitáte sanctifica, nosque a pec-
catórum nostrórum máculis
emúnda. Per eúndem.

*Præfatio et Communicantes, de
Nativitate.*

Communio Joan. 21 Exiit
sermo inter fratres, quod di-
scípulus ille non móritur : et
non dixit Jesus, Non móritur :
sed, Sic eum volo manére do-
nec véniam.

Postcommunio

REFFECTI cibo potúque cæ-
lésti, Deus noster, te súp-
plices exorámus : ut in cujus
hæc commemoratióne percé-
pimus; ejus muniámur et pré-
cibus : Per Dóminum.

De Nativitate Postcommunio

PRÆSTA, quæsumus omni-
potens Deus : ut natus
hódie Salvátor mundi, sicut
divinæ nobis generatiónis est
auctor; ita et immortalitátis
sit ipse largitor : Qui tecum
vivit.

Die 28 Decembris
SS. INNOCENTIIUM

*Totum Duplex II classis
cum Oct. 3 LL.*

Statio ad S. Paulum

Officium Ps. 8

EX ore infántium, Deus,
et lacténtium perfecisti
laudem propter inimicos
tuos. ✠. Dómine Dóminus no-
ster, quam admirábile est no-

men tuum in univérſa terra!
Glória Patri.

*Non dicatur Glória in excélsis, nec
Allelúia, nisi Dominica fuerit.*

Oratio

DEUS, cujus hodiérna die
præcónium Innocéntes
Mártýres non loquendo, sed
moriendo conféssi sunt : óm-
nia in nobis vitiórum mala
mortifica; ut fidem tuam,
quam lingua nostra lóquitur,
étiam móribus vita fateátur :
Per Dóminum.

De Nativitate Oratio

CONCEDE, quæsumus omni-
potens Deus : ut nos Uni-
géniti tui nova per carnem
Nativitas liberet; quos sub
peccáti iugo vetústa sérvitus
tenet : Per eúndem.

Lectio Libri Apocalýpsis beáti
Joánnis Apóstoli. c. 14

IN diébus illis : Vidi supra
montem Sion Agnum stan-
tem, et cum eo centum qua-
draginta quátuor millia ha-
béntes nomen ejus, et nomen
Patris ejus scriptum in frón-
tibus suis. Et audívi vocem de
cælo, tamquam vocem aquá-
rum multárum, et tamquam
vocem tonítrui magni : Et vo-
cem, quam audívi, sicut citha-
rædórum citharizántium in
cítharis suis. Et cantábant
quasi cánticum novum ante
sedem, et ante quátuor ani-
mália, et senióres : Et nemo
póterat dicere cánticum, nisi
illa centum quadraginta quá-
tuor millia, qui empti sunt de
terra. Hi sunt, qui cum mulié-
ribus non sunt coinquináti :

virgines enim sunt. Hi sequuntur Agnum, quocumque ierit. Hi empti sunt ex hominibus primitiæ Deo et Agno, et in ore eorum non est inventum mendacium : Sine macula enim sunt ante thronum Dei.

℟. Ps. 123 Anima nostra sicut passer erepta est de laqueo venantium. **℣.** Laqueus contritus est, et nos liberati sumus : adiutorium nostrum in nomine Domini, qui fecit cælum et terram.

Loco Allelúia, **dicatur** Laus tua Deus. **℣. Matth. 2** Heródes iratus occidit multos púeros in Bétlehem Judæ, civitate David. Laus tua Deus.

Si Dominica fuerit Allelúia, allelúia. **℣. Apoc. 14** Hi sunt, qui cum mulieribus non sunt coinquinati : virgines enim permanserunt. Allelúia.

✠ **Sequéntia sancti Evangélíi** secúndum Matthæum. **c. 2**

IN illo tēpore : Angelus Domini apparuit in somnis Joseph, dicens : Surge, et accipe púerum, et matrem ejus, et fuge in Ægyptum, et esto ibi usque dum dicam tibi. Futúrum est enim, ut Heródes quærat púerum ad perdéndum eum. Qui consúrgens accépit púerum, et matrem ejus nocte, et secéssit in Ægyptum : Et erat ibi usque ad óbítum Heródis : ut adimplerétur quod dictum est a Dómino per Prophétam dicéntem : Ex Ægypto vocávi filium meum. Tunc Heródes videns quóniam illúsus esset a Magis, iratus est valde,

et mittens occidit omnes púeros, qui erant in Bétlehem, et in ómnibus finibus ejus a bimátu et infra, secúndum tempus, quod exquisierat a Magis. Tunc adimplétum est, quod dictum est per Jeremíam prophétam dicéntem : Vox in Rama audita est, plorátus, et ululátus multus : Rachel plorans filios suos, et nóluit consolári, quia non sunt. **Credo.**

Offertorium Ps. 123 Anima nostra sicut passer erepta est de laqueo venantium : laqueus contritus est, et nos liberati sumus.

Secreta

SANCTORUM tuorum, Dómine, nobis pia non desit oratio : quæ et múnera nostra concíliet, et tuam nobis indulgéntiam semper obtineat. Per Dóminum.

De Nativitate Secreta

OBLATA Dómine múnera, nova Unigéniti tui Nativitate sanctífica, nosque a peccatórum nostrórum máculis emúnda. Per eúmdem.

Præfatio et Communicántes. de Nativitate.

Communio Matth. 2 Vox in Rama audita est, plorátus, et ululátus : Rachel plorans filios suos, et nóluit consolári, quia non sunt.

Postcommunio

VOTIVA, Dómine, dona percépimus; quæ Sanctórum nobis précibus, et præsentis, quæsumus, vitæ, páriter et æternæ tribue conférre subsidium : Per Dóminum.

De Nativitate Postcommunio

PRÆSTA, quæsumus omnipotens Deus : ut natus hodie Salvator mundi, sicut divinæ nobis generationis est auctor; ita et immortalitatis sit ipse largitor : Qui tecum vivit.

Benedicamus Domino, nisi fuerit Dominica, in qua dicitur : Ite Missa est.

Die 29 Decembris

S. THOMÆ

CANTUARIENSIS

Episcopi et Martyris (d.)

Officium

Ps. 63

LÆTABITUR justus in Domino, et sperabit in eo, et laudabuntur omnes recti corde. *℟.* Exaudi Deus orationem meam cum deprecor : a timore inimici eripe animam meam. Glória Patri. Glória in excelsis.

Oratio

DEUS, pro cuius Ecclesia gloriosus Pontifex Thomas gladiis impiorum occubuit : præsta quæsumus, ut omnes, qui ejus implorant auxilium; petitionis suæ salutarem consequantur effectum : Per Dominum.

De Nativitate

Oratio

CONCEDE, quæsumus omnipotens Deus : ut nos Unigeniti tui nova per carnem Nativitas liberet; quos sub peccati iugo vetusta servitus tenet.

De S. Stephano

Oratio

DA nobis, quæsumus Domine, imitari quod colimus, ut discamus et inimicos diligere : quia ejus natalitia celebramus; qui novit etiam pro persecutoribus exorare.

De S. Joanne

Oratio

ECCESIAM tuam, Domine, benignus illustra : ut beati Joannis Apostoli tui et Evangelistæ illuminata doctrinis; ad dona perveniat sempiterna.

De SS. Innocentibus Oratio

DEUS, cujus hodierna die præconium Innocentes Martyres non loquendo, sed moriendo confessi sunt : omnia in nobis vitiis mala mortifica; ut fidem tuam, quam lingua nostra loquitur, etiam moribus vita fateatur : Per Dominum.

Lectio Epistolæ beati Pauli Apostoli ad Hebræos. *c. 5*

FRATRES : Omnis pontifex ex hominibus assumptus, pro hominibus constituitur in iis, quæ sunt ad Deum, ut offerat dona, et sacrificia pro peccatis : Qui condolere possit iis, qui ignorant, et errant : quoniam et ipse circumdatus est infirmitate : et propterea debet, quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur a Deo, tamquam Aaron. Sic et Christus non semetipsum clarificavit ut pontifex fieret : sed qui locutus

est ad eum : Filius meus es tu, ego hódie genui te. Quemádmódum et in álio loco dicit : Tu es sacérdos in ætérnum, secúndum órđinem Melchisedech.

✠. Ps. 20 Posuísti Dómine super caput ejus corónam de lápide pretiósó. ✠. Desidérium ánimæ ejus tribuísti ei : et voluntáte labiórũ ejus non fraudásti eum.

Allelúia, allelúia. ✠. Ps. 63 Lætábitur justus in Dómino, et sperábit in eo, et laudabúntur omnes recti corde. Allelúia.

✠ Sequéntia sancti Evangélíi secúndum Joánnem. c. 10

IN illo témpore : Dixit Jesus Pharisæis : Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriæ, videt lupum veniéntem, et dimittit oves, et fugit : Et lupus rapit, et dispérgit oves : Mercenárius autem fugit, quia mercenárius est, et non pértinet ad eum de óvibus. Ego sum pastor bonus : Et cognósco meas, et cognóscunt me meæ. Sicut novit me Pater, et ego agnósco Patrem : et ánimam meam pono pro óvibus meis. Et álias oves hábeo, quæ non sunt ex hoc ovili : et illas opórtet me addúcere, et vocem meam audient, et fiet unum ovile, et unus pastor. **Credo.**

Offertorium Ps. 8 Glória et honóre coronásti eum : et con-

stituísti eum super ópera mánuum tuárum, Dómine.

Secreta

HÆC hóstia, quæsumus Dómine, emúndet nostra delicta : et ad sacrificium celebrándum, subditórum tibi corpórum mentésque sanctificet. Per Dóminum.

De Nativitate Secreta

OBLATA Dómine múnera, nova Unigéniti tui Nativitáte sanctifica, nosque a peccatórum nostrórum máculis emúnda.

De S. Stephano Secreta

SUSCIPE Dómine múnera pro tuórum commemoratióne Sanctórum : ut sicut illos pássio gloriósos effécit, ita nos devótio reddat innócuos.

De S. Joanne Secreta

SUSCIPE Dómine múnera, quæ in ejus tibi solemnitáte deférimus, cujus nos confidimus patrocínio liberári.

De SS. Innocentibus

Secreta

SANCTORUM tuórum, Dómine, nobis pia non desit orátio : quæ et múnera nostra concíliet, et tuam nobis indulgéntiam semper obtineat. Per Dóminum.

Præfatio et Communicántes, de Nativitate.

Communio Matth. 16 Qui vult venire post me, ábneget semetípsum, et tollat crucem suam, et sequáthur me.

Postcommunio

REFECTI participatióne muneris sacri, quæsumus Dómine Deus noster : ut cujus exséquimur cultum; intercedente beáto Thoma Mártire tuo atque Pontífice, sentiámus effectum : Per Dóminum.

De Nativitate Postcommunio

PRÆSTA, quæsumus omnipotens Deus : ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largitor.

De S. Stephano

Postcommunio

AUXILIENTUR nobis, Dómine, sumpta mystéria; et intercedente beáto Stéphano Mártire tuo, sempitérna protectiόne confirment.

De S. Joanne Postcommunio

REFECTI cibo potúque cælesti, Deus noster, te supplices exorámus : ut in cujus hæc commemoratiόne percépimus; ejus muniámur et précibus.

De SS. Innocentibus

Postcommunio

VOTIVA, Dómine, dona percépimus; quæ Sanctorum nobis précibus, et præsentis, quæsumus, vitæ, páriter et æternæ tribue conférre subsidium : Per Dóminum.

Die 31 Decembris

S. SILVESTRI I

Papæ et Conf. (d.)

Officium

Ps. 131

SACERDOTES tui, Dómine, induant justítiam, et sancti tui exsúltent : propter David servum tuum, non avértas faciém Christi tui. ✠. Meménto Dómine David, et omnis mansuetúdinis ejus. Glória Patri. Glória in excélsis.

Oratio

DA, quæsumus omnipotens Deus : ut beáti Silvèstri Confessóris tui atque Pontíficis veneránda solémnitas; et devotiόnem nobis áugeat, et salútem : Per Dóminum.

Memoria de Nativitate et de Sanctis, ut in Missa præcedenti.

Lectiό Epístolæ beáti Pauli Apóstoli ad Timótheum.

2, c. 4

CARISSIME : Testificor coram Deo, et Jesu Christo, qui judicatúrus est vivos, et mórtuos, per advéntum ipsíus, et regnum ejus : prædica verbum, insta opportúne, importúne : Argue, óbseca, increpa in omni paciéntia et doctrína. Erit enim tempus, cum sanam doctrínam non sustinébunt, sed ad sua desidéria coacerbábunt sibi magístros, pruriéntes áuribus, et a veritáte quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ,

ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus iudex : Non solum autem mihi, sed et iis, qui díligunt advéntum ejus.

℟. Eccl. 44 Ecce sacérdos magnus, qui in diébus suis plácuít Deo. ℣. Non est invéntus similis illi, qui conserváret legem Excélsi.

Allelúia, allelúia. ℣. Ps. 88 Invéni David servum meum : óleo sancto meo unxi eum. Allelúia.

✠ Sequéntia sancti Evangélii secúndum Lucam. c. 12

IN illo témpore : Dixit Jesus discipulis suis : Sint lumbi vestri præcíncti, et lucérnæ ardéntes in mánibus vestris, et vos símiles homínibus expectántibus dómimum suum, quando revertátur a núptiis : ut, cum vénerit, et pulsáverit, conféstim apériant ei. Beáti servi illi, quos cum vénerit dóminus, invénerit vigilántes : Amen dico vobis, quod præcínget se, et fáciét illos discúmberé, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non

síneret pérfodi domum suam. Et vos estóte paráti : quia qua hora non putátis, Filius hóminis véniet.

Credo.

Offertorium Ps. 88 Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta

SANCTI tui nos, Dómine quæsumus, ubíque lætíficent : ut dum eórum mérita recólimus, patrocínia sentiámus. Per Dóminum.

Secreta de Nativitate et de Sanctis, ut in Missa præcedenti.

Præfatio et Communicántes, de Nativitate.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constitúet eum.

Postcommunio

PRÆSTA, quæsumus omnipotens Deus : ut de percéptis munéribus grátias exhibéntes; intercedénte beáto Silvέstro Confessóre tuo atque Pontífice, beneficia potióra sumámus : Per Dóminum.

Postcommunio de Nativitate et de Sanctis, ut in Missa præcedenti.

FESTA JANUARI

Die 2 Januarii
B. STEPHANÆ
DE QUINZANIS

Virg. Ord. Præd. (sd.)

Officium Gaudeamus, ut in Comuni unius Virg. non Mart., p. 30*

Oratio

DEUS, qui beatam Stéphanam Virginem tuam, Crucifixi amore succensam, ejusdem passionis consortem mirabiliter effecisti : præsta quæsumus, ut ejus intercessionem et exemplo; imâgini Filii tui conformes fieri mereâmur : Per eumdem Dóminum.

De S. Stephano Oratio

DA nobis, quæsumus Dómine, imitari quod cólimus, ut discâmus et inimicos diligere : quia ejus natalitia celebrâmus; qui novit étiam pro persecutóribus exorâre.

De S. Joanne Oratio

ECCESIAM tuam, Dómine, benignus illústra: ut beati Joánnis Apóstoli tui et Evangelistæ illuminata doctrinis; ad dona perveniat sempiterna.

De SS. Innocentibus Oratio

DEUS, cujus hodierna die præcónium Innocéntes Mártyres non loquendo, sed moriendo conféssi sunt : ómnia in nobis vitiórum mala mortifica; ut fidem tuam, quam lingua nostra lóquitur, étiam moribus vita fateâtur.

De B. Maria V. Oratio

DEUS, qui salutis æternæ, beatæ Mariæ virginitate fecunda, humano géneri præmia præstitisti : tribue quæsumus, ut ipsam pro nobis intercédere sentiâmus; per quam meruimus auctórem vitæ suscipere : Dóminum nostrum Jesum Christum Filium tuum; qui tecum vivit.

Secreta C

ACCEPTA tibi sit, Dómine, sacratæ plebis oblátio pro tuórum honóre Sanctórum, quorum se méritis de tribulatione percepisse cognóscit auxilium. Per Dóminum.

De S. Stephano Secreta

SUSCIPE Dómine múnera pro tuórum commemoratione Sanctórum : ut sicut illos pássio gloriósa effecit, ita nos devótio reddat innócuos.

De S. Joanne Secreta

SUSCIPE Dómine múnera, quæ in ejus tibi solemnitate deférimus, cujus nos confidimus patrocínio liberári.

De SS. Innocentibus Secreta

SANCTORUM tuórum, Dómine, nobis pia non desit orátio : quæ et múnera nostra concíliet, et tuam nobis indulgéntiam semper obtineat.

De B. Maria V. Secreta

MUNERIBUS nostris, quæsumus Dómine, precibusque susceptis, intercedente beatá Dei genitrice Mariá, et

cæléstibus nos munda mystériis, et cleménter exáudi. Per eúmdem.

Præfatio de Nativitate, non vero Communicantes.

Postcommunio C

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

De S. Stephano

Postcommunio

AUXILIENTUR nobis, Dómine, sumpta mystéria; et intercedente beáto Stéphano Mártire tuo, sempitérna protectióne confirment.

De S. Joanne Postcommunio

REFFECTI cibo potúque cælésti, Deus noster, te súpplices exorámus : ut in cujus hæc commemoratióne percépimus; ejus muniámur et précibus.

De SS. Innocentibus

Postcommunio

VOTIVA, Dómine, dona percépimus; quæ Sanctorum nobis précibus, et præsentis, quæsumus, vitæ, páriter et æternæ tribue conférre subsidium.

De B. Maria V.

Postcommunio

HÆC nos commúnio, Dómine, purget a crimine; et intercedente beáta Virgine Dei genitrice María, cæléstis remédii fáciat esse consórtes : Per eúmdem.

Die 3 Januarii

B. ZEDISLAVÆ

BERKIANÆ

Matronæ Ord. Præd. (sd.)

Officium Gaudeámus, ut in Comuni nec Virg. nec Mart., pag. 36*

Oratio

DEUS qui beátæ Zedislavæ concédere dignátus es, ut te júgiter erécta mente contemplarétur, unáque próximo sollicitè prospiceret : ea intercedente, fac nos diligénti stúdio cæléstibus insistere; et caritátem piis opéribus exercere : Per Dóminum.

De S. Joanne Oratio

ECCELSIAM tuam, Dómine benignus illústra : ut beáti Joánnis Apóstoli tui et Evangelistæ illumináta doctrinis; ad dona pervéniant sempitérna.

De SS. Innocentibus Oratio

DEUS, cujus hodiérna die præcónium Innocéntes Mártires non loquendo, sed moriendo conféssi sunt : ómnia in nobis vitiórum mala mortifica; ut fidem tuam, quam lingua nostra lóquitur, étiam móribus vita fateátur.

De B. Maria V. Oratio

DEUS, qui salútis æternæ, beátæ Mariæ virginitáte fecúnda, humano géneri præmia præstitisti : tribue quæsumus, ut ipsam pro nobis intercedere sentiámus; per quam merúimus auctórem vitæ suscipere : Dóminum nostrum Jesum Christum Fílium tuum; qui tecum vivit.

Secreta

OBLATUM tibi Dómine sacrificium, intercedente beáta Zedislava, vivíficet nos semper et múniat. Per Dóminum.

De S. Joanne

Secreta

SUSCIPE Dómine múnera, quæ in ejus tibi solemnitáte deférimus, cujus nos confidimus patrocínio liberári.

De SS. Innocentibus Secreta

SANCTORUM tuórum, Dómine, nobis pia non desit orátio : quæ et múnera nostra conciliet, et tuam nobis indulgéntiam semper obtíneat.

De B. Maria V.

Secreta

MUNERIBUS nostris, quæsumus Dómine, precibusque susceptis, intercedente beáta Dei Genitrice María, et cælestibus nos munda mystériis, et cleménter exáudi : Per eúndem.

Præfatio de Nativitate, non vero Communicantes.

Postcommunio

HÆC nos, quæsumus Dómine, commúnio sancta lætíficet : qua beáta Zedislavæ suffrágiis virtútes roboréntur in córdibus; et actus sanctæ operatiónis excréscant : Per Dóminum.

De S. Joanne Postcommunio

REFECTI cibo potúque cælesti, Deus noster, te supplices exorámus : ut in cujus hæc commemoratióne percépimus; ejus muniámur et precibus.

De SS. Innocentibus

Postcommunio

VOTIVA, Dómine, dona percépimus; quæ Sanctorum nobis precibus, et præsentis, quæsumus, vitæ, páriter et æternæ tribue conférre subsidium.

De B. Maria V.

Postcommunio

HÆC nos commúnio, Dómine, purget a crimine; et intercedente beáta Virgine Dei Genitrice María, cælestis remédii fáciat esse consórtes : Per eúndem.

Die 4 Januarii

OCTAVA

SS. INNOCENTIIUM Mm.

Omnia ut in die, pag. 344, nisi quod dicatur Glória in excelsis, et Allelúia, et Ite Missa est, licet Dominica non fuerit; cum sequentibus Memoriis :

Secunda Oratio

DEUS, qui salutis æternæ, beátæ Mariæ virginitáte fecúnda, humano géneri præmia præstitisti : tribue quæsumus, ut ipsam pro nobis intercédere sentiámus; per quam merúimus auctórem vitæ suscipere.

Tertia Oratio

DEUS ómnium fidélium pastor et rector; fámulum tuum N. quem pastórem Ecclésiæ tuæ præesse voluisti, propítius respice : da ei, quæsumus, verbo et exémplo, qui-

bus præest, proficere; ut ad vitam, una cum grege sibi crédito, perveniat sempiternam : Per Dóminum.

Secunda Secreta

MUNERIBUS nostris, quæsumus Dómine, precibusque susceptis, intercedente beáta Dei genitrice María, et cælestibus nos munda mysteriis, et clementer exaudi.

Tertia Secreta

OBLATIS, quæsumus Dómine, placare muneribus : et famulum tuum **N.** quem pastorem Ecclesiæ tuæ præesse voluisti, assidua protectione gubernare. Per Dóminum.

Præfatio de Nativitate.

Secunda Postcommunio

HÆC nos commúnio, Dómine, purget a crimine; et intercedente beáta Virgine Dei genitrice María, cælestis remédii faciat esse consortes.

Tertia Postcommunio

HÆC nos, quæsumus Dómine, divini Sacraménti percéptio protégat; et famulum tuum **N.** quem pastorem Ecclesiæ tuæ præesse voluisti, una cum commisso sibi grege, salvet semper, et múniat : Per Dóminum.

Die 14 Januarii

**S. HILARII Episcopi,
Conf. et Eccl. Doct. (d.)**

Officium In médio, ut in Comm.
Doct., pag. 20*

Præd. — 23

De S. Felice Martyre Oratio

CONCEDE, quæsumus omnipotens Deus : ut ad meliorem vitam Sanctorum tuorum exempla nos provocent; quatenus quorum solémnia ágimus, étiam actus imitémur : Per Dóminum.

De S. Felice Secreta

HOSTIAS tibi, Dómine, beáti Felicis Mártiris tui dicatas méritis, benígnus assúme; et ad perpétuum nobis tribue provenire subsidium. Per Dóminum.

De S. Felice Postcommunio

QUÆSUMUS, Dómine, salutaribus repléti mysteriis : ut beáti Felicis Mártiris tui, cujus solémnia celebrámus; orationibus adjuvémur : Per Dóminum.

Die 15 Januarii

**B. FRANCISCI
DE CAPILLAS**

Mart. Ord. Præd. (d.)

Officium Lætábitur, de Comuni
unius Martyris non Pontificis, p. 9*

Oratio

DEUS, qui beáti Mártiris tui Francisci fidem mirabili constantia roborásti : concede propítius Ecclesiæ tuæ ut ejus precibus adjúta; novos ubique fidei triúmphos celebrare mereátur : Per Dóminum.

De S. Mauro Abbate Oratio

INTERCESSIO nos, quæsumus Dómine; beáti Mauri Abbátis comméndet : ut quod nostris méritis non valémus; ejus patrocínio assequámur.

De S. Paulo primo Eremita**Oratio**

DEUS, qui nos beáti Pauli Confessóris tui ánnua sollemnitate lætificas : concéde propítius, ut cujus natalítia cólimus; étiam actiónes imitémur : Per Dóminum.

Secreta

DEUS, qui veræ caritátis officiis beátum Franciscum ad hanc salutárem Hóstiám offeréndam se dispónere docuísti : præsta, quæsumus, ut pari caritátis ardóre ad sacra mystéria accedéntes, eórum fructum copiósius percipiámus. Per Dóminum.

De S. Mauro Secreta

SACRIS altáribus, Dómine, Hóstias superpósitas sanctus Maurus Abbas, quæsumus, in salutem nobis provenire depóscat.

De S. Paulo Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præsentibus éxui malis confidimus, et futúris. Per Dóminum.

Postcommunio

DEUS, qui beátum Franciscum, sacra mystéria celebrántem, supérnis deliciis affluere voluísti : ipsius nobis

intervéntu concéde ut Angelórum pane refécti terréna despícere; et advérsa ómnia fórtiter superáre discámus : Per Dóminum.

De S. Mauro Postcommunio

PROTEGAT nos, Dómine, cum tui perceptióne sacraménti, beátus Maurus Abbas pro nobis intercedéndo : ut et conversatiónis ejus experiámur insignia; et intercessiósni ipsíus percipiámus suffrágia.

De S. Paulo Postcommunio

REFACTI cibo potúque cælésti, Deus noster, te supplices exorámus : ut in cujus hæc commemoratióne percépimus; ejus muniámur et precibus : Per Dóminum.

Die 16 Januarii

B. GUNDISALVI

Conf. Ord. Præd. (sd.)

Officium Justus ut palma, de Comuni Conf. non Pont., pag. 22*

Oratio

DEUS, qui beáti Gundisalvi Confessóris tui mentem sancti nóminis tui amóre mirabiliter inflammásti : concéde quæsumus, ut illius vestigiis inhæréntes, semper te cogitémus; et quæ tibi grata sunt, inflammáto stúdio faciámus : Qui vivis.

S. Marcelli I Papæ et Mart.

Oratio

PRECES pópuli tui, quæsumus Dómine, cleménter exáudi : ut beáti Marcélli Már-

tyris tui atque Pontificis méritis adjuvémur; cujus passióne lætámur : Per Dóminum.

Secreta C

LAUDIS tibi Dómine hóstias immolámus in tuórum commemoratióne Sanctórum : quibus nos et præséntibus éxui malis confidimus, et futúris. Per Dóminum.

De S. Marcello Secreta

SUSCIPE, quæsumus Dómine, múnera dignánte oblata, et beáti Marcélli Mártiris tui atque Pontificis suffragántibus méritis, ad nostræ salutis auxiliúm proveníre concéde. Per Dóminum.

Postcommunio C

REFFECTI cibo potúque cælesti, Deus noster, te supplices exorámus : ut in cujus hæc commemoratióne percépimus; ejus muniámur et precibus : Per Dóminum.

De S. Marcello Postcommunio

REFFECTI participatióne muneris sacri, quæsumus Dómine Deus noster : ut cujus exséquimur cultum; intercedente beáto Marcélló Mártire tuo atque Pontífice, sentiámus effectúm : Per Dóminum.

Die 17 Januarii

S. ANTONII Abbatis (d.)

Officium Ps. 36

OS justi meditabitur sapiéntiam, et lingua ejus loquétur iudícium : lex Dei ejus in corde ipsius. **℟.** Noli æmulári in malignán-

tibus : neque zeláveris facientes iniquitátem. **Glória Patri. Glória in excélsis.**

Oratio

INTERCESSIO nos, quæsumus Dómine, beáti Antónii Abbátis comméndet : ut quod nostris méritis non valémus; ejus patrocínio assequámur : Per Dóminum.

Lectio Libri Sapiéntiæ.

Eccli. 45

DILECTUS Deo, et hominibus : cujus memória in benedictióne est. Símilem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsius sanctum fecit illum, et elégit eum ex omni carne. Audívit enim eum, et vocem ipsius, et indúxit illum in nubem. Et dedit illi coram præcépta, et legem vitæ et disciplinæ.

℟. Ps. 36 Os justi meditabitur sapiéntiam, et lingua ejus loquétur iudícium. **℣.** Lex Dei ejus in corde ipsius : et non supplantabúntur gressus ejus.

Allelúia, allelúia. ℣. Ps. 88 Dispósui testaméntum eléctis meis, jurávi David servo meo. **Allelúia.**

✠ Sequéntia sancti Evangélii secúndum Lucam. **c. 12**

IN illo témpore : Dixit Jesus discipulis suis : Sint lumbi vestri præcincti, et lucernæ ardéntes in mánibus vestris,

et vos similes hominibus expectantibus dominum suum, quando revertatur a nuptiis : ut, cum venerit, et pulsaverit, confestim aperiant ei. Beati servi illi, quos cum venerit dominus, invenerit vigilantes : Amen dico vobis, quod praeceperit se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, et non sineret perfodi domum suam. Et vos estote parati : quia qua hora non putatis, Filius hominis veniet.

Offertorium Ps. 20 Desiderium animae ejus tribuisti ei Domine, et voluntate labiorum ejus non fraudasti eum : posuisti in capite ejus coronam de lapide pretioso.

Secreta

SACRIS altaribus, Domine, hostias superpositas sanctus Antonius Abbas, quaesumus, in salutem nobis provenire deprecatur. Per Dominum.

Communio Matth. 24 Beatus servus, quem cum venerit dominus, invenerit vigilantem : amen dico vobis, super omnia bona sua constituet eum.

Postcommunio

PROTEGAT nos, Domine, cum tui perceptione sacramenti, beatus Antonius Abbas, pro nobis intercedendo : ut et conversationis ejus

experiamur insignia; et intercessionis ipsius percipiamus suffragia : Per Dominum.

Die 18 Januarii
CATHEDRAE S. PETRI,
qua Romae primum
sedit. (t. d.)

Officium Eccli. 45

STATUIT ei Dominus testamentum pacis, et principem fecit eum : ut sit illi sacerdotii dignitas in aeternum. **Ps. 88** Misericordias Domini in aeternum cantabo. **Glória Patri. Glória in excelsis.**

Oratio

DEUS, qui beato Petro Apostolo tuo, collatis clavibus regni caelestis, ligandi atque solvendi pontificium tradidisti : concede, ut intercessionis ejus auxilio; a peccatorum nostrorum nexibus liberemur : Qui vivis.

De S. Prisca Virg. et Mart.

Oratio

DA, quaesumus omnipotens Deus : ut qui beatae Priscæ Virginis et Martyris tuæ natalitia colimus; et annua solemnitatem letemur, et tantæ fidei proficiamus exemplo : Per Dominum.

Lectio Epistolæ beati Petri Apostoli. 1, c. 1

PETRUS Apostolus Jesu Christi, electis advenis dispersionis Ponti, Galatiæ, Cappadociæ, Asiæ, et Bithyniæ, secundum præscientiam

Dei Patris, in sanctificatióem Spíritus, in obediéntiam, et aspersionem ságuinis Jesu Christi : Grátia vobis, et pax multiplicétur. Benedictus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodimini per fidem in salutem, parátam revelári in témpore novíssimo. In quo exsultábitis, módicum nunc si opórtet contristári in váriis tentatióibus : ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem in revelatióne Jesu Christi Dómini nostri.

℟. Ps. 106 Exáltent eum in ecclésia plebis : et in cáthedra seniórum laudent eum.

℣. Confiteántur Dómino misericórdiæ ejus : et mirabília ejus filiis hóminum.

Allelúia, allelúia. ℣. Matth. 16 Tu es Petrus, et super hanc petram ædificábo ecclésiám meam. Allelúia.

Infra Septuag. Tractus Matth. 16 Tu es Petrus, et super hanc petram ædificábo ecclésiám meam. **℣.** Et portæ inferi non prævalébunt advérsus eam : et tibi dabo claves regni cælórum. **℣.** Quodcúmque ligáveris super terram, erit ligátum et in cælis. **℣.** Et quodcúm-

que sólveris super terram, erit solútum et in cælis.

✠ Sequentia sancti Evangélíi secúndum Matthæum. c. 16

IN illo témpore : Venit Jesus in partes Cæsaráe Philippi : et interrogábat discipulos suos, dicens : Quem dicunt hómines esse Filium hóminis? At illi dixerunt : Alii Joánnem Baptístam, álii autem Eliám, álii vero Jeremíam, aut unum ex prophétis. Dicit illis Jesus : Vos autem quem me esse dicitis? Respóndens Simon Petrus, dixit : Tu es Christus, filius Dei vivi. Respóndens autem Jesus, dixit ei : Beátus es Simon Bar Jona : quia caro, et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis : Et quodcúmque sólveris super terram, erit solútum et in cælis.

Credo.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

ECCLESLE tuæ, quásumus Dómine, preces et hóstias beáti Petri Apóstoli tui coméndet orátio : ut quod pro illius glória celebrámus, nobis prosit ad véniam. Per Dóminum.

De S. Prisca Secreta

HOSTIA, quæsumus Dómine, quam tibi, sanctæ Priscæ Virginis et Mártyris tuæ natalitia recensentes, offerimus, et vincula nostræ pravitatis absolvat, et tuæ nobis misericordiæ dona conciliet. Per Dóminum.

Præfatio de Apostolis.

Communio Matth. 16 Tu es Petrus, et super hanc petram ædificábo ecclésiám meam.

Postcommunio

LÆTIFICET nos, Dómine quæsumus, munus oblátum : ut sicut in Apóstolo tuo Petro te miráblem prædicámus; sic per illum tuæ sumámus indulgéntiæ largitátem : Per Dóminum.

De S. Prisca Postcommunio

QUÆSUMUS, Dómine, salutaribus repléti mystériis : ut cujus solémnia celebrámus; ejus orationibus adjuvémur : Per Dóminum.

Die 19 Januarii

B. ANDREÆ A PISCARIA

Conf. Ord. Præd. (sd.)

Officium Os justi, ut in Communi Conf. non Pont., pag. 23* cum Evangelio Designávit, pag. 25*

Oratio

DOMINE Jesu Christe, qui beátum Andréam Confessórem tuum apostólico spíritu decorásti : fac nos, ejus imitatione, ita verbo et exem-

plo proficere; ut úberem fructum inde reférre valeámus : Qui vivis.

Secreta C

PRÆSTA nobis, quæsumus omnipotens Deus, ut nostræ humilitatis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Postcommunio C

QUÆSUMUS omnipotens Deus : ut qui cæléstia aliménta percépimus; intercedente beáto Andréa Confessóre tuo, per hæc contra ómnia advérsa muniámur : Per Dóminum.

Die 20 Januarii

**SS. FABIANI
ET SEBASTIANI**
Martyrum (d.)

Officium Ps. 78

INTRET in conspéctu tuo, Dómine, gémitus compeditórum : redde vicinis nostris séptuplum in sinu eórum : vindica sánguinem sanctórum tuórum, qui effusus est. ✠. Deus venérunt gentes in hereditátem tuam, polluérunnt templum sanctum tuum : posuérunnt Jerúsalem in pomórum custódiam. Glória Patri. Glória in excélsis.

Oratio

DEUS, qui beátos Mártyres tuos Fabiánum atque Sebastianum virtúte constántiæ

in passióne roborásti : ex eórum nobis imitatione tribue, pro amóre tuo próspera mundi despícere; et nulla ejus advérsa formidáre : Per Dóminum.

Lectio Epístolæ beáti Pauli Apóstoli ad Hebræos. **c. 11**

FRATRES : Sancti per fidem vicérunt regna, operáti sunt justítiam, adépti sunt repromissiones, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum : Accepérunt mulieres de resurrectione mórtuos suos : Alii autem disténti sunt non suscipientes redemptionem, ut meliorem invenírent resurrectionem. Alii vero ludíbria et vérbera expérti, insuper et vincula et cárceres : lapidáti sunt, secti sunt, tentáti sunt, in occisióne gládii mórtui sunt, circuíerunt in melótis, in péllibus caprinis, egéntes, angustiáti, afflicti : quibus dignus non erat mundus : In solitudínibus errántes, in mónitibus, et spelúncis, et in cavérnis terræ. Et hi omnes testimonió fidei probáti invénti sunt : In Christo Jesu Dómino nostro.

℟. Exodi 15 Gloriósus Deus in sanctis suis : mirábilis in majestáte, fáciens prodígia. **℣.** Déxtera tua Dómine gloriificáta est in virtúte : déxtera manus tua confrégit inimicos.

Allelúia, allelúia. Ps. 144 Sancti tui Dómine benedícant te : glóriam regni tui dicent. **Allelúia.**

Infra Septuag. Tractus Ps. 125 Qui séminant in lácrymis, in gáudio metent. **℣.** Eúntes ibant et flebant, mitténtes semina sua. **℣.** Veniéntes autem vénient cum exsultatióne, portántes manípulos suos.

✠ Sequéntia sancti Evangélii secúndum Lucam. **c. 6**

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus imúndis, curabántur. Et omnis turba quærébat eum tángere : quia virtus de illo exíbat, et sanábat omnes. Et ipse elevátis óculis in discipulos suos, dicébat : Beáti páuperes : quia vestrum est regnum Dei. Beáti, qui nunc esuritis : quia saturabímmini. Beáti, qui nunc fletis : quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exsultáte : ecce enim merces vestra multa est in cælo.

Offertorium Ps. 31 Lætámini in Dómino et exsultáte justi, et gloriámini omnes recti corde.

Secreta

ACCEPTA sit in conspectu tuo, Dómine, nostræ devotiōnis oblatio, et eórum nobis fiat supplicatiōne salutáris, pro quorum solemnitate defertur. Per Dóminum.

Communio **Luc. 6** Multitúdo languéntium, et qui vexabántur a spirítibus immúndis, veniébant ad eum : quia virtus de illo exibat, et sanábat omnes.

Postcommunio

SACRO múnere satiáti, súpplices te Dómine deprecámur : ut quod débitæ servitútis celebrámus officio; intercedéntibus beátis Martýribus tuis Fabiáno atque Sebastiáno, salvatiōnis tuæ sentiámus augméntum : Per Dóminum.

Die 21 Januarii

S. AGNETIS

Virginis et Martyris (d.)

Officium Me exspectavérunt, ut in Comm. Virg. et Mart., pag. 28*

Die 22 Januarii

S. VINCENTII **Martyris (t. d.)**

Officium Lætábitur justus, ut in Comm. Mart. non Pontif., pag. 9*

Die 23 Januarii

S. RAYMUNDI

Conf. Ord. Præd. (II cl.)

Officium Eccli. 15

IN médio Ecclésiæ apéruiť os ejus, et implévit eum Dóminus spíritu sapiéntiæ et intelléctus : stolam glóriæ

induit eum. **W.** Jucunditátem, et exsultatiōnem thesaurizávit super eum. **Glória Patri. Glória in excélsis.**

Oratio

DEUS, qui beátum Raymúndum pœniténtiæ Sacraménti insignem ministrum elegisti; et per maris undas mirabíliter traduxisti : concede, ut ejus intercessiōne dignos pœniténtiæ fructus fácere; et ad æternæ salutis portum pervenire valeámus : Per Dóminum.

De S. Emerentiana

Virg. et Mart.

Oratio

INDULGENTIAM nobis, quæsumus Dómine, beáta Emerentiána Virgo et Martyr implóret : quæ tibi grata semper exstítit; et mérito castitátis, et tuæ professiōne virtútis : Per Dóminum.

Léctio libri Sapiéntiæ. c. 7

OPTAVI, et datus est mihi sensus : et invocávi, et venit in me spíritus sapiéntiæ : Et præpósui illam regnis et sédibus, et divítias nihil esse duxi in comparatiōne illius. Nec comparávi illi lápidem pretiósus : quóniam omne aurum in comparatiōne illius, aréna est exígua, et tamquam lutum æstimábitur argéntum in conspectu illius. Super salutem et spéciem diléxi illam, et propósui pro luce habére illam : quóniam inextinguibile est lumen illius. Venérunt autem mihi ómnia bona páriter cum illa, et innumerábilis

honéstas per manus illius, et lætátus sum in ómnibus : quóniam antecedébat me ista sapiéntia, et ignorábam quóniam horum ómnium mater est. Quam sine fictióne didici, et sine invidia commúnico, et honestátem illius non abscondo. Infínitus enim thesáurus est hominibus : quo qui usi sunt, participes facti sunt amicitíæ Dei.

℟. Ps. 36 Os iusti meditábitur sapiéntiam, et lingua ejus loquétur iudícium. **℣.** Lex Dei ejus in corde ipsius : et non supplantabúntur gressus ejus.

Allelúia, allelúia. ℣. Optime pater, et patrónne singuláris, o beáte Raymúnde, benigne nos de cælis intuére. **Allelúia.**

Infra Septuag. Tractus Eccli. 50 Quasi stella matutina in médio nébulæ, et quasi luna plena in diébus suis. **℣.** Et quasi sol refúlgens, sic ille refúlsit in templo Dei. **℣.** Quasi arcus refúlgens inter nébulas glóriæ, et quasi flos rosárum in diébus vernis. **℣.** Quasi lilia quæ sunt in tránsitu aquæ, et quasi thus rédolens in diébus æstátis. **℣.** Quasi ignis effúlgens, et thus ardens in igne. **℣.** Quasi vas auri sólídum, ornátum omni lápide pretiósó.

✠ **Sequéntia sancti Evangélii secúndum Matthæum. c. 5**

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Ad nihilum valet ultra, nisi ut

mittátur foras, et conculcétur ab hominibus. Vos estis lux mundi. Non potest civitas abscondi supra montem pó-sita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram hominibus : ut videant ópera vestra bona, et gloríficent Patrem vestrum, qui in cælis est. Nolite putáre, quóniam veni sólvere legem, aut prophétas : Non veni sólvere, sed adimplére. Amen quippe dico vobis : donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum. **Credo.**

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

MUNERA, Dómine, majestáti tuæ obláta sanctífica, et intercedénte beáto Raymúndo Confessóre tuo, auxiliúm nobis tuæ defensiónis impénde. Per Dóminum.

De S. Emerentiana Secreta

SUSCIPE Dómine múnera, quæ in beátæ Emerentíanæ Virginis et Mártiris tuæ solemnitáte deférimus : cujus nos confidimus patrocínio liberári. Per Dóminum.

Communio Luc. 12 Fidéls servus, et prudens, quem constituit dñus super familiam suam, ut det illis in tēpore tritici mensuram.

Postcommunio

QUÆSUMUS Dñe Deus noster : ut sancti Raymundi Confessoris tui celebrata solēmnitas; nobis indulgentiam peccatorum, et gloriā æternæ felicitatis acquirat : Per Dñum.

De S. Emerentiana

Postcommunio

AUXILIENTUR nobis, Dñe, sumpta mystēria; et intercedēte beāta Emerentiāna Virgine et Mārtire tua, sempiterna protectione confirmet : Per Dñum.

Quando de S. Raymundo celebratur per annum ex voto, vel devotione, omnia, pro varietate tamen temporum, fiant sicut in festo, excepto Credo. Et in Postcommunione loco solēmnitas dicitur commemoratio.

Temp. Pasch. Allelúia, allelúia. ✠. Optime pater, et patrōne singulāris, o beāte Raymunde, benigne nos de cælis intuerē.

Allelúia. ✠. Matth. 28 Angelus Dñi descendit de cælo : et accēdens revolvit lapidem, et sedēbat super eum. Allelúia.

Tempore Ascens. secundum Allelúia. ✠. Ephes. 4 Ascēdens Christus in altum captivam duxit captivitatem : dedit dona hominibus. Allelúia.

Die 24 Januarii

B. MARCOLINI

Conf. Ord. Præd. (sd.)

Officium Os justi, ut in Comm. Conf. non Pontificis, pag. 23*

Oratio

DEUS, cui humilium et mansuetorum semper placuit deprecatio : fac nos beāti Marcolini precibus et exemplis ita proficere; ut vere mites et humiles corde effecti, facilius tua dona capiamus : Per Dñum.

De S. Timotheo Episc. et Mart.

Oratio

LÆTETUR Ecclesia tua, Deus, beāti Timothei Martyris tui atque Pontificis confisa suffragiis : atque ejus precibus gloriōsis, et devota permaneat; et secūra consistat : Per Dñum.

Secreta

C

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dñum.

De S. Timotheo

Secreta

SUSCIPE Dñe mūnera, quæ in ejus tibi solēmnitate deferimus, cujus nos confidimus patrocinio liberari. Per Dñum.

Postcommunio

C

QUÆSUMUS omnipotens Deus : ut qui cælestia alimēta percēpimus; interce-

dente beáto Marcolino Confessore tuo, per hæc contra ómnia adversa muniámur : Per Dóminum.

De S. Timotheo
Postcommunio

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Die 25 Januarii
IN CONVERSIONE
S. PAULI Apostoli (*t. d.*)

Officium

LÆTENTUR omnes in Dómino, hodiérnum diem solémniter celebrántes, quo beátus Paulus conversióne sua præsentem mundum decorávit. *℟. Ps. 138* Dómine probásti me, et cognovisti me : tu cognovisti sessionem meam, et resurrectionem meam. *Glória Patri. Glória in excélsis.*

Oratio

DEUS, qui univérsum mundum beáti Pauli Apóstoli prædicatióne docuisti : da nobis, quæsumus, ut qui ejus hódie Conversiónem cólimus; per ejus ad te exémpia gradiámur : Per Dóminum.

Lectio Actuum Apostolorum.
c. 9

IN diébus illis : Saulus adhuc spirans minárum, et cædis in discipulos Dómini, accéssit ad principem sacerdotum, et pétiit ab eo epístolas in Da-

máscum ad synagógas : ut si quos invenisset hujus viæ viros, ac mulieres, vinctos perduceret in Jerúsalem. Et cum iter faceret, cóntigit ut appropinquáret Damásco : Et súbito circumfúlsit eum lux de cælo. Et cadens in terram, audivit vocem dicentem sibi : Saule, Saule, quid me perséqueris? Qui dixit : Qui es Dómine? Et ille : Ego sum Jesus, quem tu perséqueris. Durum est tibi contra stímulum calcitráre. Et tremens, ac stupens dixit : Dómine, quid me vis fácere? Et Dóminus ad eum : Surge, et ingrédere civitátem, et ibi dicétur tibi quid te opórteat fácere. Viri autem illi, qui comitabántur cum eo, stabant stupefacti, audiéntes quidem vocem, néminem autem vidéntes. Surrexit autem Saulus de terra, apertisque óculis nihil vidébat. Ad manus autem illum trahéntes, introduxérunt Damáscum. Et erat ibi tribus diébus non videns, et non manducávit, neque bibít. Erat autem quidam discipulus Damásci, nómine Ananías : Et dixit ad illum in visu Dóminus : Ananía. At ille ait : Ecce ego, Dómine. Et Dóminus ad eum : Surge, et vade in vicum, qui vocátur rectus : et quære in domo Judæ Saulum nómine Tarsénsem : Ecce enim orat. (Et vidit virum Ananiam nómine, introeúntem, et imponéntem sibi manus, ut visum recipiat). Respóndit autem Ananías : Dómine, audivi a multis de viro hoc, quanta

mala fécerit sanctis tuis in Jerúsalem : Et hic habet potestatem a principibus sacerdotum alligandi omnes, qui invocant nomen tuum. Dixit autem ad eum Dóminus : Vade, quóniam vas electiónis est mihi iste, ut portet nomen meum coram géntibus, et ré-gibus, et filiis Israël. Ego enim ostendam illi, quanta opóreat eum pro nómine meo pati. Et ábiit Ananías, et introiit in domum : et impónens ei manus, dixit : Saule frater, Dóminus misit me Jesus, qui apparuit tibi in via, qua veniébas, ut videas, et impleáris Spíritu Sancto. Et confestim ceciderunt ab óculis ejus tamquam squamæ, et visum recepit : Et surgens baptizátus est. Et cum accepisset cibum, confortátus est. Fuit autem cum discipulis, qui erant Damásci, per dies áliquot. Et continuo in synagógis prædicábat Jesum, quóniam hic est Filius Dei. Stupébant autem omnes, qui audiébant, et dicébant : Nonne hic est, qui expugnábat in Jerúsalem eos, qui invocábant nomen istud : et huc ad hoc venit ut victos illos dúceret ad principes sacerdotum? Saulus autem multo magis convalescébat, et confundébat Judæos, qui habitábant Damásci, affirmans quóniam hic est Christus.

℟. Gal. 2 Qui operátus est Petro in Apostolátum, operátus est et mihi inter gentes : et cognovérunt grátiam Dei, quæ data est mihi. ℟. 1 Cor. 15 Grátia Dei in me vácuá non

fuit : sed grátia ejus semper in me manet.

Allelúia, allelúia. ℟. Magnus sanctus Paulus, vas electiónis, vere digne est glorificándus. Allelúia.

Infra Septuag. Tractus Tu es vas electiónis sancte Paule Apóstole : vere digne es glorificándus. ℟. Prædicátor veritátis, et doctor géntium in fide et veritate. ℟. Per te omnes gentes cognovérunt grátiam Dei. ℟. Intercéde pro nobis ad Deum, qui te elégit.

✠ **Sequéntia sancti Evangélii** secúndum Matthæum. c. 19

In illo témpore : Dixit Petrus ad Jesum : Ecce nos reliquimus ómnia, et secúti sumus te : Quid ergo erit nobis? Jesus autem dixit illis : Amen dico vobis, quod vos, qui secúti estis me, in regeneratióne cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, centuplum accípiet, et vitam ætérnam possidébit.

Credo.

Offertorium Ps. 138 Mihi autem nimis honoráti sunt amici tui, Deus : nimis confortátus est principátus eórum.

Secreta

APOSTOLI tui Pauli préci-bus, Dómine, plebis tuæ dona sanctífica : ut quæ tibi

tuo grata sunt institúto, gratióra fiant patrocínio supplicántis. Per Dóminum.

Præfatio de Apostolis.

Communio Matth. 19 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio

SANCTIFICATI, Dómine, salutári mystério : quæsumus, ut nobis ejus non desit oratio; cujus nos donásti patrocínio gubernári : Per Dóminum.

Die 26 Januarii

B. MARGARITÆ
AB HUNGARIA

Virg. Ord. Præd. (sd.)

*Officium Gaudeámus, ut in Comuni Virg. non Mart., pag. 30**

Oratio

DEUS fidélium remunerátor animárum, qui beátæ Margaritæ Virginis renuntiatióem perféctam, et mortificatióem assiduam donis spirituálibus, et gáudiis ætérnis decorásti : fac nos ejus intercessióne et exémplo, carnis vítia contérere, et terréna despícere; ut vitam assequámur ætérnam : Per Dóminum.

De S. Polycarpo Ep. et Mart.

Oratio

DA, quæsumus omnipotens Deus : ut qui beáti Polycárpi Mártiris tui atque Pon-

tificis solémnia cólimus; ejus apud te intercessióibus adjuvémur : Per Dóminum.

Secreta

CORDIUM nostrórum contritióne placátus dona, quæ tibi offérimus, Dómine, benignus assúme : ut beátæ Margaritæ Virginis tuæ méritis et intercessióne, nobis proficiant ad salutem. Per Dóminum.

De S. Polycarpo Secreta

SANCTI tui, quæsumus Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Postcommunio

DOMINE Jesu, qui nos peregrinos et éxsules cælestis hac pátriæ mensa recreásti : beátæ Margaritæ méritis et exémplo concéde, ut prætereúntem mundi figúram contemnéntes, te uno hic delectémur; et pérfrui mereámur in cælis : Qui vivis et regnas.

De S. Polycarpo

Postcommunio

PRÆSTA, quæsumus omnipotens Deus : ut de perceptis munéribus grátias exhibéntes; intercedénte beáto Polycárpo Mártire tuo atque Pontifice, beneficia potióra sumámus : Per Dóminum.

Die 27 Januarii

S. JOANNIS CHRYSOSTOMI

Ep., Conf. et Eccl. Doct. (d.)

Officium In médio, ut in Communi
Doct., pag. 20*

Oratio

ECCLESIAM tuam, quæsumus Dómine, grátia cæléstis amplifcet; quam beáti Joánnis Chrysóstomi Confessóris tui atque Pontificis, illustráre voluísti gloriósis méritis et doctrinis : Per Dóminum.

De S. Juliano Episc. et Conf.

Oratio

EXAUDI, quæsumus Dómine, preces nostras, quas in beáti Juliáni Confessóris tui atque Pontificis solemnitate deférimus : ut qui tibi digne méruit famulári; ejus intercedéntibus méritis, ab ómnibus nos absólvas peccátis : Per Dóminum.

Secreta

PASSIONIS Fílii tui, Dómine, memóriam recenséntes depóscimus : ut quod tibi in beáti Joánnis Chrysóstomi Pontificis tui solemnitate deférimus, sacrificium sit accéptum. Per eúndem.

De S. Juliano

Secreta

ACCEPTA sit in conspéctu tuo Dómine nostra devótio : ut ejus nobis fiat supplicatióne salutáris, pro cujus solemnitate defértur. Per Dóminum.

Postcommunio

HÆC nos, quæsumus Dómine, commúnio sancta lætifcet : qua beáti Joánnis

Chrysóstomi Pontificis tui suffrágiis, virtútes roboréntur intérius; et actus extérius piæ operatiónis excréscent : Per Dóminum.

De S. Juliano Postcommunio

DA, quæsumus Dómine, fidélibus tuis, Sanctórum tuórum semper veneratióne lætári; et eórum perpétua supplicatióne muníri : Per Dóminum.

Die 28 Januarii

S. PETRI NOLASCO

Confessoris (d.)

Officium

Ps. 91

JUSTUS ut palma florébit : sicut cedrus Líbani multiplicábitur : plantátus in domo Dómini, in átriis domus Dei nostri. ✠. Bonum est confitéri Dómino : et psállere nómini tuo Altíssime. Glória Patri. Glória in excélsis.

Oratio

DEUS, qui in tuæ caritátis exéplum, ad fidélium redemptiõem sanctum Petrum Ecclésiám tuam nova prole fecundáre divinitus docuísti : ipsíus nobis intercessiõe concéde, a peccáti servitúte solútis; in cælésti pátria perpétua libertáte gaudére : Qui vivis.

De S. Agnete secundo Oratio

DEUS, qui nos ánnua beátæ Agnétis Vírginis et Mártiris tuæ solemnitate lætíficas : da, quæsumus, ut quam venerámur officio; étiam

piæ conversatiónis sequámur
exémpló : Per Dóminum.

Lectio Epístolæ beáti Pauli
Apóstoli ad Corínthios.

1, c. 4

FRATRES : Spectáculum facti sumus mundo, et Angelis, et hominibus. Nos stulti propter Christum, vos autem prudéntes in Christo : Nos infirmi, vos autem fortes : Vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris : Maledicimur, et benedicimus : Persecutiónem pátimur, et sustinémus : Blasphemámur, et obsecrámus : Tamquam purgaménta hujus mundi facti sumus, ómnium perípsema usque adhuc. Non ut confúndam vos, hæc scribo, sed ut filios meos caríssimos móneo : In Christo Jesu Dómino nostro.

℟. Ps. 36 Os justi meditábitur sapiéntiam, et lingua ejus loquétur júdicium. ℣. Lex Dei ejus in corde ipsius : et non supplantabúntur gressus ejus.

Allelúia, allelúia. ℣. Ps. 111 Beátus vir, qui timet Dóminum : in mandátis ejus cupit nimis. Allelúia.

Infra Septuag. Tractus Ps. 111 Beátus vir, qui timet Dóminum : in mandátis ejus cupit nimis. ℣. Potens in terra erit semen ejus : generátio rectórum benedicétur. ℣. Glória, et divitiæ in domo ejus : et

justítia ejus manet in sáculum sáculi.

✠ Sequéntia sancti Evangélii
secúndum Lucam. c. 12

IN illo témpore : Dixit Jesus discipulis suis : Nolíte timére pusillus grex, quia complácuít Patri vestro dare vobis regnum. Véndite quæ possidéitis, et date eleemósynam. Fácite vobis sácculos, qui non veteráscunt, thesáurum non deficiéntem in cælis : quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium Ps. 20 In virtúte tua, Dómine, lætábitur justus, et super salutáre tuum exultábit veheménter : desidérium animæ ejus tribuísti ei.

Secreta

PRÆSTA nobis, quæsumus omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente purificet. Per Dóminum.

De S. Agnete secundo Secreta

SUPER has, quæsumus Dómine, hóstias benedictio copiósa descéndat : quæ et sanctificatiónem nobis cleménter operétur, et de sanctæ Agnétis Vírginis et Mártiris tuæ solemnitáte lætificet. Per Dóminum.

Communio Matth. 19 Amen dico vobis, quod vos, qui reliquistis ómnia, et secúti estis

me, céntuplum accipiétis, et vitam ætérnam possidébítis.

Postcommunio

QUÆSUMUS omnipotens Deus : ut qui cæléstia aliménta percépimus; intercedénte beáto Petro Confessóre tuo, per hæc contra ómnia advérsa muniámur : Per Dóminum.

De S. Agnete Postcommunio

SUMPSIMUS, Dómine, celebritátis ánnuæ votíva sacraménta; præsta quæsumus, ut et temporális vitæ nobis remédia præbeant, et ætérnæ : Per Dóminum.

Die 29 Januarii

S. FRANCISCI SALESII
Ep., Conf. et Eccl. Doct. (d.)

Officium In médio, ut in Comuni Doct., pag. 20*

Oratio

DEUS, qui ad animárum salutem beátum Franciscum Confessórem tuum atque Pontíficem, ómnibus ómnia factum esse voluisti : concéde propítius, ut caritátis tuæ dulcedíne perfúsi; ejus dirigéntibus mónitis, ac suffragántibus méritis, ætérna gáudia consequámur : Per Dóminum.

Secreta

C

OMNIPOTENS sempitérne Deus, múnera tuæ majestáti obláta, per intercessió-nem beáti Francisci Pontíficis tui atque Doctóris, ad perpétuam nobis fac proveníre salutem. Per Dóminum.

Postcommunio **C**

SACRAMENTA salutis nostræ suscipiéntes, concéde, quæsumus omnipotens Deus : ut beáti Francisci Pontíficis tui atque Doctóris nos ubique orátio ádjuvet; in cujus veneratióne hæc tuæ obtúlimus majestáti : Per Dóminum.

Die 30 Januarii

B. Mariæ Mancini

Viduæ Ord. Præd. (sd.)

Officium Gaudeámus, ut in Comuni nec Virg. nec Mart., pag. 36*

Oratio

DEUS, qui beátam Mariam, tuæ grátiae ubertáte præventam, contemplatiónis dono, et exímia in próximum caritáte mirábilem effecísti : ex ejus nobis imitatióne concéde; ut cæléstia meditántes, et áliis misericórdiam exhibéntes, ætérnam glóriam cum ipsa cónsequi mereámur : Per Dóminum.

De S. Martina

Oratio

DEUS, qui inter cétera potentíæ tuæ mirácula, étiam in sexu frágili victóriam martýrii contulisti : concéde propítius, ut qui beátæ Martinæ Virgínis et Mártýris tuæ natalítia cólimus; per ejus ad te exémpla gradiámur : Per Dóminum.

Secreta

MISERATIO tua Deus, interveniénte beáta María, ómnium peccatórum máculas in nobis cleménter abstérget :

ut purificáti mente et corpore, hóstiám sanctam tibi digne offerámus. Per Dóminum.

De S. Martina Secreta

SUSCIPE Dómine múnera, quæ in beátæ Martínæ Virginis et Mártiris tuæ sollemnitate deférimus : cujus nos confidimus patrocínio liberári. Per Dóminum.

Postcommunio

REFFECTI cibo cælésti, ac amoris sacraménto recreáti, súpplíces te Dómine deprecámur : ut per mérita beátæ Mariæ corda nostra a terrénis desidériis expédias; et tuæ caritátis igne succéndas : Per Dóminum.

De S. Martina Postcommunio

AUXILIENTUR nobis, Dómine, sumpta mystéria; et intercedente beáta Martína Virgine et Mártire tua, sempitérna fáciant protectióne gaudere : Per Dóminum.

Die 31 Januarii

S. JOANNIS BOSCO

Confessoris (d.)

Officium 3 Reg.

DEDIT illi Deus sapiéntiam et prudéntiam multam nimis, et latitúdinem cordis quasi arénam quæ est in littore maris. **℟.** Ps. 112 Laudáte, púeri, Dóminum, laudáte nomen Dómini. **Glória Patri. Glória in excélsis.**

Oratio

DEUS, qui sanctum Joánnem Confessórem tuum adolescentium patrem et magistrum excitásti; ac per eum, auxiliatrice Virgine María, novas in Ecclesiá tua familias floréscere voluísti : concéde, quæsumus, ut eódem caritátis igne succénsi; ánimas quærere, tibi que soli servíre valeámus : Per Dóminum.

Lectio Epistolæ beáti Pauli Apóstoli ad Philippenses.

Philipp. 4

FRATRES, gaudéte in Dómino semper : iterum dico, gaudéte. Modéstia vestra nota sit ómnibus homínibus : Dóminus prope est. Nihil solliciti sitis; sed in omni oratione et obsecratione, cum gratiarum actione, petitiones vestrae innotéscant apud Deum. Et pax Dei quæ exsuperat omnem sensum, custodiat corda vestra et intelligéntias vestras, in Christo Jesu. De cétero, fratres, quæcúmque sunt vera, quæcúmque pudíca, quæcúmque justa, quæcúmque sancta, quæcúmque amabilia, quæcúmque bonæ famæ, si qua virtus, si qua laus disciplinæ, hæc cogítate. Quæ et didicistis, et accepistis et audistis, et vidistis in me, hæc ágite : et Deus pacis erit vobiscum.

℟. Ps. 36 Spera in Dómino et fac bonitatem, et inhábíta terram et pascéris in divítiis ejus. ℟. Delectáre in Dómino, et dabit tibi petitiones cordis

tui; revéla Dómino viam tuam et spera in eum, et ipse fáciat.

Allelúia, allelúia. V. Ps. 73 Pauper et inops laudábunt nomen tuum. Allelúia.

Infra Septuag. Tractus Ps. 60 Factus es spes mea, Dómine : turris fortitúdinis a fácie inimíci. **V.** Inhabitábo in tabernáculo tuo in sácula : prótegar in velaménto alárum tuárum. **V.** Quóniam tu, Deus, exaudivisti orationem meam : dedisti hereditátem timéntibus nomen tuum.

✠ **Sequéntia sancti Evangélíi** secúndum Matthæum.

Matth. 18

IN illo témpore : Accessérunt discipuli ad Jesum dicéntes : Quis putas major est in regno cælórum? Et ádvocans Jesus párvulum státuit eum in médio eórum, et dixit : Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est major in regno cælórum. Et qui suscepit unum párvulum talem in nómine meo, me súscipit.

Offertorium Ps. 33 Veníte, filii, audíte me : timórem Dómini docébo vos.

Secreta

SUSCIPE, Dómine, oblatiónem mundam salutáris Hóstiæ et præsta, ut, te in ómnibus et super ómnia diligéntes, in glóriæ tuæ laudem vivere mereámur. Per Dóminum.

Communio Rom. 4 Contra spem in spem crédidit, ut fieret pater multárum géntium, secúndum quod dictum est ei.

Postcommunio

CORPORIS et Sanguinis tui, Dómine, mystério satiátis, concéde, quæsumus; ut, intercedénte sancto Joánnе Confessóre, in gratiárum semper actióne maneámus : Qui vivis.

FESTA FEBRUARII

Die 1 Februarii

S. IGNATII Ep. et Mart. (d.)

Officium

Ps. 63

LÆTABITUR justus in Dómino, et sperábit in eo, et laudabúntur omnes recti corde. **V.** Exáudi Deus orationem meam cum déprecor : a timóre inimíci éripe ánimam meam. **Glória Patri. Glória in excélsis.**

Oratio

DA, quæsumus omnipotens Deus : ut qui beáti Ignátii Mártiris tui atque Pontificis solémnia cólimus; ejus apud te intercessiónibus adjuvémur : Per Dóminum.

Léctio Epístolæ beáti Pauli Apóstoli ad Romános. **c. 8**

FRATRES : Quis nos separábit a caritate Christi? Tribulatio? an angústia? an fames? an núditas? an periculum? an persecutio? an gládus? (Sicut scriptum est : Quia propter te mortificámur

tota die : æstimáti sumus sicut oves occisiónis). Sed in his ómnibus superámus propter eum, qui diléxit nos. Certus sum enim, quia neque mors, neque vita, neque ángeli, neque principátus, neque virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritaté Dei, quæ est in Christo Jesu Dómino nostro.

℟. Ps. 20 Posuísti Dómine super caput ejus corónam de lápide pretiósó. **℣.** Desidé- rium ánimæ ejus tribuísti ei : et voluntáte labiórur ejus non fraudásti eum.

Allelúia, allelúia. ℣. Ps. 63 Lætábitur justus in Dómino, et sperábit in eo, et lauda- buntur omnes recti corde. Allelúia.

Infra Septuag. Tractus Ps. 111 Beátus vir, qui timet Dómi- num : in mandátis ejus cupit nimis. **℣.** Potens in terra erit semen ejus : generátio rectó- rum benedicétur. **℣.** Glória et divítia in domo ejus : et justí- tia ejus manet in sæculum sæculi.

✠ **Sequéntia sancti Evangélíi** secúndum Joánnem. **c. 12**

IN illo témpore : Dixit Jesus discipulis suis : Amen, amen dico vobis, nisi granum

fruménti cadens in terram, mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, per- det eam : Et qui odit áni- mam suam in hoc mundo, in vitam ætérnam custódit eam. Si quis mihi ministrat, me sequátur : Et ubi sum ego, illic et mínister meus erit. Si quis mihi ministráve- rit, honorificábit eum Pater meus.

Offertorium Ps. 8 Glória et honóre coronásti eum : et con-stituísti eum super ópera má- nuum tuárum, Dómine.

Secreta

HÆC hóstia, quæsumus Dómine, emúndet nostra delícta : et ad sacrificium cele- brándum, subditórum tibi cörpera mentésque sanctificet. Per Dóminum.

Communio Matth. 16 Qui vult veníre post me, ábneget semetípsum, et tollat crucem suam, et sequátur me.

Postcommunio

REFFECTI participatióne mú- neris sacri, quæsumus Dómine Deus noster : ut cujus exséquimur cultum; interce- dente beáto Ignátio Mártire tuo atque Pontífice, sentiámus efféctum : Per Dóminum no- strum.

Die 2 Februarii

IN PURIFICATIONE B. MARLÆ V.

Totum Duplex II classis

FINITA Tertia, Prior cum cappa serica, et Diaconus cum Missali, et Subdiaconus, sericis induti, præcedentibus Acolythis in albis cum cereis accensis, in chorum veniant. Et si Dominica fuerit, aqua benedicta more solito aspergatur. Finita aspersione aquæ, vel si aqua non fuerit aspergenda, postquam in chorum venerint, Prior stans ante gradus presbyterii, verso vultu ad altare, Diacono coram ipso tenente librum, candelas, a Sacrista super gradum presbyterii collocatas, ita quod sint ad dexteram benedictentis, benedicat voce mediocri, eo modo, quo dicuntur Orationes ad Horas.

Dóminus vobíscum.

Orémus

Oratio

OMNIPOTENS sempitérne Deus, qui hodiérna die Unigénitum tuum ulnis sancti Simeónis in templo sancto tuo suscipiéndum præsentásti; tuam súpplices deprecámur cleméntiam : ut has candélas, quas nos fámuli tui in tui nóminis magnificéntiam suscipiéntes gestáre cúpimus luce accénsas, bene ✠ dicere, et sancti ✠ ficáre, atque lúmine supérnæ benedictiónis accéndere dignéris; quátenus eas tibi Dómino Deo nostro offeréndo, digni, et sancto igne dulcíssimæ caritátis tuæ succénsi, in templo sancto glóriæ tuæ repræsentári mereámur :

Per eúmdem Christum Dóminum.

Postea aspergat Prior candelas aqua benedicta. Deinde fiat Processio.

Facta Processione, Prior, et ministri in sacristiam revertantur, et deposita cappa, assumptaque a Priore casula, et Missa inchoata a Choro, cum candelis accensis in manibus procedant more solito ad altare. Fratres vero in choro etiam candelas accensas teneant in manibus, quousque fuerit offerendæ.

AD MISSAM

Officium

Ps. 47

SUSCEPIMUS Deus misericórdiam tuam, in médio templi tui : secúndum nomen tuum Deus, ita et laus tua in fines terræ : justitia plena est dextera tua. ✠ Magnus Dóminus, et laudábilis nimis in civitáte Dei nostri, in monte sancto ejus. Glória Patri. Glória in excélsis.

Oratio

OMNIPOTENS sempitérne Deus, majestátem tuam súpplices exorámus : ut sicut unigénitus Fílius tuus hodiérna die cum nostræ carnis substántia in templo est præsentátus; ita nos fácias purificátis tibi méntibus præsentári : Per eúmdem Dóminum nostrum.

Lectio Malachiæ Prophætæ.

c. 3

HÆC dicit Dóminus Deus : Ecce ego mitto Angelum meum, et præparábit viam ante fáciem meam. Et statim véniet ad templum suum Dóminátor, quem vos quæritis, et Angelus testaménti, quem vos vultis. Ecce venit, dicit Dóminus exercituum : Et quis póterit cogitare diem advéntus ejus, et quis stabit ad vidéndum eum? Ipse enim quasi ignis conflans, et quasi herba fullónum : Et sedébit conflans, et emúndans argéntum, et purgábit filios Levi, et colábit eos quasi aurum, et quasi argéntum, et erunt Dómino offeréntes sacrificia in justitia. Et placébit Dómino sacrificium Juda et Jerúsalem, sicut dies sæculi, et sicut anni antiqui. Dicit Dóminus omnipotens.

℟. Ps. 47 Suscépimus Deus misericórdiam tuam, in médio templi tui : secúndum nomen tuum Deus, ita et laus tua in fines terræ. ℣. Sicut audívimus, ita et vídimus in civitáte Dei nostri.

Infra Septuages. nec Allelúia, nec Sequéntia dicantur; sed Tractus, ut infra.

Allelúia, allelúia. ℣. Ps. 137 Adorábo ad templum sanctum tuum, et confitébor nómini tuo.

Sequéntia

LÆTABUNDUS exsúltet fidelis chorus. Allelúia. Regem regum intáctæ profúdit torus : res miránda.

Angelus consilii natus est de Virgine : sol de stella.

Sol occásus nésciens, stella semper rútilans, semper clara.

Sicut sidus rádium, profert Virgo filium, pari forma.

Neque sidus rádio, neque mater filio fit corrúpta.

Cedrus alta Libani conformátur hýssopo, valle nostra.

Verbum ens Altissimi corporári passum est, carne sumpta.

Isaías cécinít, Synagóga méminít, numquam tamen désinít esse cæca.

Si non suis Vátibus, credat vel gentilibus : Sibyllínis vérsibus hæc prædicta.

Infélix própera, crede vel vétera : cur damnáberis gens mísera?

Quem docet littera, natum considera : ipsum génuít puérpera.

Allelúia.

Infra Septuag. Tractus Gaude María Virgo, cunctas hæreses sola interemísti. ℣. Quæ Gabriélis Archángeli dictis credidísti. ℣. Dum virgo Deum et hóminem genuísti : et post partum virgo invioláta permansísti. ℣. Dei Génitrix intercéde pro nobis.

✠ Sequéntia sancti Evangélíi secúndum Lucam. c. 2

IN illo témpore : Postquam impléti sunt dies purgatiónis Mariæ secúndum legem Móysi, tulérunt Jesum in Jerú-

salem, ut sisterent eum Dómino, sicut scriptum est in lege Dómini : Quia omne masculinum adapériens vulvam, sanctum Dómino vocábitur. Et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce homo erat in Jerúsalem, cui nomen Símeon, et homo iste justus, et timorátus, expéctans consolatióem Israël, et Spiritus Sanctus erat in eo. Et respónsum accéperat a Spíritu Sancto, non visúrum se mortem, nisi prius vidéret Christum Dómini. Et venit in spíritu in templum. Et cum indúcerent púerum Jesum párentes ejus, ut fácerent secúndum consuetúdinem legis pro eo : et ipse accépit eum in ulnas suas, et benedixit Deum, et dixit : Nunc dimíttis servum tuum Dómine, secúndum verbum tuum in pace : Quia vidérunt óculi mei salutáre tuum, quod parásti ante fáciem ómnium populórum. Lumen ad revelatióem géntium, et glóriam plebis tuæ Israël.

Credo.

Offertorium Felix namque es sacra Virgo María, et omni laude digníssima : quia ex te ortus est sol justitiæ, Christus Deus noster.

Peracto Offertorio, Prior candelam suam reddat Sacristæ; postmodum Diaconus, et alii ministri; deinde ceteri Fratres, incipientes a majoribus, candelas suas offerant, Sacrista eas de manu offerentium accipiente. Dum autem Fratres candelas offerunt, manum Prioris oscu-

lentur. Finita oblatione, Prior ad altare se vertens, thurificet illud more solito, et digitos lavet.

Secreta

EXAUDI Dómine preces nostras : et ut digna sint múnera, quæ óculis tuæ majestátis offérimus, subsidium nobis, per intercessiόem beátæ Mariæ Virginis, perpétuæ tuæ pietátis impénde. Per Dóminum.

Præfatio de Nativitate.

Communio Luc. 2 Respónsum accépit Símeon a Spíritu Sancto, non visúrum se mortem, nisi vidéret Christum Dómini.

Postcommunio

QUÆSUMUS Dómine Deus noster : ut sacrosáncta mystéria, quæ pro reparatiónis nostræ munímine contulisti; intercedente beáta María semper Virgine, et præsens nobis remédium esse fácias, et futúrum : Per Dóminum.

Die 3 Februarii

S. BLASII Ep. et Mart. (3 LL.)

Officium

Ps. 63

LÆTABITUR justus in Dómino, et sperábit in eo, et laudabúntur omnes recti corde. **℟.** Exáudi Deus oratióem meam cum deprecor : a timóre inimici éripe ánimam meam. Glória Patri.

Oratio

DA, quæsumus omnipotens Deus : ut qui beáti Blásii Mártiris tui atque Pontíficis

solémnia cólimus; ejus apud te intercessiónibus adjuvémur : Per Dóminum.

Léctio Epístolæ beáti Pauli
Apóstoli ad Corinthios.

2, c. 1

FRATRES : Benedictus Deus et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra : ut possimus et ipsi consolári eos, qui in omni pressúra sunt, per exhortatióem, qua exhortámur et ipsi a Deo. Quóniam sicut abúndant passióes Christi in nobis : ita et per Christum abúndat consolatio nostra. Sive autem tribulámur pro vestra exhortatióne et salúte, sive consolámur pro vestra consolatióne, sive exhortámur pro vestra exhortatióne et salúte, quæ operátur tolerantiam earúndem passiónum, quas et nos pátimur : ut spes nostra firma sit pro vobis : sciéntes quod sicut sócii passiónum estis, sic éritis et consolatiónis : In Christo Jesu Dómino nostro.

℟. Ps. 20 Posuísti Dómine super caput ejus coronam de lápide pretiósó. ℣. Desiderium animæ ejus tribuísti ei : et voluntáte labiórur ejus non fraudásti eum.

Allelúia. ℣. Ps. 63 Lætábitur justus in Dómino, et sperábit in eo, et laudabúntur omnes recti corde. Allelúia.

Infra Septuagesimam non dicitur Tractus.

✠ Sequéntia sancti Evangélíi
secúndum Matthæum. c. 16

IN illo témpore : Dixit Jesus discipulis suis : Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, animæ vero suæ detriméntum patiátur? Aut quam dabit homo commutatióem pro ánima sua? Filius enim hóminis ventúrus est in glória Patris sui cum Angelis suis : et tunc reddet unicuique secúndum ópera ejus.

Offertorium Ps. 8 Glória et honóre coronásti eum : et constituísti eum super ópera mánuum tuárum, Dómine.

Secreta

HÆC hóstia, quæsumus Dómine, emúndet nostra delícta : et ad sacrificium celebrándum, subditórum tibi córpora mentésque sanctificet. Per Dóminum.

Communio Matth. 16 Qui vult veníre post me, ábneget semetípsum, et tollat crucem suam, et sequátur me.

Postcommunio

REFFECTI participatióne muneris sacri, quæsumus Dómine Deus noster : ut cujus exséquimur cultum; intercedénte beáto Blásio Mártire tuo atque Pontífice, sentiámus effectum : Per Dóminum.

Die 4 Februarii

S. ANDREÆ CORSINI

Episcopi et Confessoris (d.)

Officium Státuit, in Comm. Conf.
Pontif. pag. 18* cum Orat. sequentibus.

Oratio

DEUS, qui in Ecclesiá tua nova semper instáuras exémpła virtútum : da pópulo tuo, beáti Andréæ Confessoris tui atque Pontificis ita sequi vestigia; ut assequátur et præmia : Per Dóminum.

Secreta

C

ACCEPTA sit in conspéctu tuo Dómine nostra devótio : ut ejus nobis fiat supplicatióne salutáris, pro cujus solemnitate defértur. Per Dóminum.

Postcommunio

C

DA, quæsumus Dómine, fidélibus tuis, Sanctórum tuórum semper veneratióne lætári; et eórum perpétua supplicatióne muniri : Per Dóminum.

Die 5 Februarii

S. AGATHÆ

Virg. et Mart. (d.)

Officium

GAUDEAMUS omnes in Dómino, diem festum celebrántes sub honóre beátæ Agathæ Virginis et Mártiris, de cujus passióne gaudent Angeli, et colláudant Filium Dei. **℟. Ps. 44** Eructávit cor meum verbum bonum :

dico ego ópera mea Regi. Glória Patri. Glória in excélsis.

Oratio

DEUS, qui inter cétera potentíæ tuæ mirácula, étiam in sexu frágili victóriam mártýrii contulisti : concéde propítius, ut qui beátæ Agathæ Virginis et Mártiris tuæ natalítia cólimus; per ejus ad te exémpła gradiámur : Per Dóminum.

Lectio Epístolæ beáti Pauli Apóstoli ad Corínthios.

1, c. 1

FRATRES : Vidéte vocatió-nem vestram, quia non multi sapiéntes secúndum carnem, non multi poténtes, non multi nóbiles : sed quæ stulta sunt mundi elégit Deus, ut confúndat sapiéntes : et infirma mundi elégit Deus, ut confúndat fórtia : Et ignobília mundi, et contemptibília elégit Deus, et ea, quæ non sunt, ut ea quæ sunt destrúeret : ut non gloriétur omnis caro in conspéctu ejus. Ex ipso autem vos estis in Christo Jesu, qui factus est nobis sapiéntia a Deo, et justitia, et sanctificátio, et redéptio : ut quemádmodum scriptum est : Qui gloriátur, in Dómino gloriétur.

℟. Ps. 45 Adjuvábít eam Deus vultu suo : Deus in médio ejus, non commovébitur. **℟. Flúminis** ímpetus lætificat civitátem Dei : sanctificávit tabernáculum suum Altíssimus.

Allelúia, allelúia. ℟. Ps. 44 Diffúsa est grátia in lábiis

tuis : propterea benedixit te Deus in ætérnum. Allelúia.

Infra Septuag. Tractus Ps. 125
Qui séminant in lácrymis, in gáudio metent. *℟.* Eúntes ibant et flebant, mitténtes sémina sua. *℣.* Veniéntes autem vénient cum exsultatióne, portántes manípulos suos.

✠ **Sequéntia sancti Evangélii**
secúndum Matthæum. **c. 19**

IN illo témpore : Accessérunt ad Jesum Pharisæi tentántes eum, et dicéntes : Si licet hómini dimittere uxórem suam, quacúmque ex causa? Qui respóndens, ait eis : Non legístis, quia qui fecit hóminem ab inítio, másculum et féminam fecit eos? Et dixit : Propter hoc dimittet homo patrem et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi : Quid ergo Móyses mandávit dare libéllum repúdií, et dimittere? Ait illis : Quóniam Móyses ad duritiam cordis vestri permísit vobis dimittere uxóres vestras : ab inítio autem non fuit sic. Dico autem vobis, quia quicúmque dimiserit uxórem suam, nisi ob fornicatió-nem, et áliam dúxerit, mœchátur : Et qui dimissam dúxerit, mœchátur. Dicunt ei discipuli ejus : Si ita est causa hóminis cum uxóre, non expedit núbere. Qui dixit illis : Non omnes cápiunt verbum istud, sed quibus datum est. Sunt enim eunúchi, qui de

matris útero sic nati sunt : Et sunt eunúchi, qui facti sunt ab hominibus : Et sunt eunúchi, qui seípsos castravérunt propter regnum cælórum. Qui potest cápere cápiat.

Offertorium Ps. 44 Filiæ regum in honóre tuo : ástitit regína a dextris tuis in vestitu deauráto, circúmdata varietáte.

Secreta

SUSCIPE Dómine múnera, quæ in beátæ Agathæ Virginis et Mártiris tuæ solemnitate deférimus : cujus nos confidimus patrocínio liberári. Per Dóminum.

Communio Qui me dignátus est ab omni plaga curáre, et mamíllam meam meo pèctori restituere, ipsum invoco Deum vivum.

Postcommunio

AUXILIENTUR nobis, Dómine, sumpta mystéria; et intercedénte beáta Agatha Virgine et Mártire tua, sempitérna protectiône confirment : Per Dóminum.

Die 6 Februarii

SS. VEDASTI ET AMANDI
Episcoporum et Confessorum

Memoria

Oratio

DEUS, qui nos sanctorum Confessorum tuorum Vedásti et Amándi confessiõnibus gloriõsis circúmdas et prótegis : da nobis eórum imitatióne proficere; et intercessiõne gaudere : Per Dóminum.

Secreta

SANCTI tui, quæsumus Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Postcommunio

QUÆSUMUS, Dómine, salutaribus repléti mystériis : ut quorum solémnia celebrámus; eórum oratiónibus adjuvémur : Per Dóminum.

Die 7 Februarii

S. ROMUALDI Abbatis (d.)

Officium Os justi, ut in Communi Abbatis, pag. 25*

Die 8 Februarii

S. JOANNIS DE MATHA Confessoris (d.)

Officium Os justi, ut in Communi Conf. non Pontif., pag. 23*

Oratio

DEUS, qui per sanctum Joánnem Ordinem sanctíssimæ Trinitátis, ad rediméndum de potestáte Saracenórum captivos, cælitus institúere dignátus es : præsta quæsumus, ut ejus suffragántibus méritis; a captivitate córporis et ánimæ, te adjuvánte, liberémur : Per Dóminum.

Secreta**C**

PRÆSTA nobis, quæsumus omnipotens Deus, ut nostræ humilitátis oblátio, et pro

tuórum tibi grata sit honóre Sanctorum, et nos córpore páriter et mente purificet. Per Dóminum.

Postcommunio**C**

QUÆSUMUS omnipotens Deus : ut qui cæléstia aliménta percépimus; intercedente beáto Joánnē Confessóre tuo, per hæc contra ómnia advérsa muniámur : Per Dóminum.

Die 9 Februarii

S. CYRILLI ALEXANDRINI

Ep., Conf. et Eccl. Doct. (d.)

Officium In médio, ut in Comm. Doctoris, pag. 20*

Oratio

DEUS qui beátum Cyrillum Confessórem tuum atque Pontificem divínæ maternitátis beatíssimæ Virginis Mariæ assertórem invictum effecisti : concéde, ipso intercedente, ut qui vere eam Genitricem Dei credimus; matrèna ejúsdem protectióne salvémur : Per eúmdem Dóminum.

Secreta

MUNERA nostra, omnipotens Deus, benígnus respice : et intercedente beáto Cyrillo præsta, ut Unigénitum tuum Jesum Christum Dóminum nostrum in tua tecum glória coætérnum, in córdibus nostris digne suscipere mereámur : Qui tecum vivit et regnat.

Postcommunio

DIVINIS Dómine, refécti mystériis, Te supplices deprecámur : ut exémpis et méritis beáti Cyrilli Pontíficis adjúti; sanctíssimæ Genitríci Unigéniti tui digne famulári valeámus : Qui tecum vivit.

Die 10 Februarii
S. SCHOLASTICÆ
Virginis (d.)

Officium Gaudeámus, ut in Comuni Virg. non Mart., pag. 30*

Oratio

DEUS, qui ánimam beátæ Virginis tuæ Scholásticæ, ad ostendéndam innocentíæ viam, in colúmbæ spécie cælum penetráre fecisti : da nobis ejus méritis et précibus, ita innocentér vivere; ut ad ætéRNA mereámur gáudia pervenire : Per Dóminum.

Secreta

C

ACCEPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepísse cognóscit auxiliúm. Per Dóminum.

Postcommunio

C

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Die 11 Februarii

IN APPARITIONE

B. M. V. IMMACULATÆ

Totum Duplex

Officium

Apoc. 21

VIDI civitátem sanctam, Jerúsalem novam, descendéntem de cælo a Deo, parátam sicut sponsam ornátam viro suo. *℟. Ps. 44* Eructávit cor meum verbum bonum, dico ego ópera mea Regi. Glória Patri. Glória in excélsis.

Oratio

DEUS, qui per Immaculátam Virginis Conceptionem dignum Filio tuo habitáculum præparásti : supplices a te quæsumus, ut ejúdem Virginis Apparitióne celebrántes; salútem mentis et córporis consequámur : Per eúmdem Dóminum.

Léctio libri Apocalýpsis beáti Joánnis Apóstoli.

Apoc. c. 11-12

APERTUM est templum Dei in cælo : et visa est arca testaménti ejus in templo ejus; et facta sunt fúlgura, et voces, et terræmótus, et grando magna. Et signum magnum apparuit in cælo : Múlier amícta sole, et luna sub pédibus ejus, et in cápite ejus coróna stellárum duódecim. Et audívi vocem magnam in cælo dicéntem : Nunc facta est salus et virtus et regnum Dei nostri et potéstas Christi ejus.

℟. **Cant. 2** Flores apparuerunt in terra nostra, tempus putationis advénit, vox túrturis audita est in terra nostra. ℣. Surge, amíca mea, speciosa mea, et veni : columba mea in foraminibus petrae, in caverna maceriae.

Allelúia, allelúia. ℣. **Cant. 2** Ostende mihi faciém tuam, sonet vox tua in áuribus meis : vox enim tua dulcis, et facies tua decóra. Allelúia.

Infra Septuag. Tractus Jud. 15 Tu glória Jerúsalem, tu lætítia Israël, tu honorificéntia pópuli nostri. ℣. Tota pulchra es, María, et mácula originális non est in te. ℣. Felix es, sacra Virgo María, et omni laude digníssima, quæ serpéntis caput virgíneo pede contrivísti.

✠ **Sequéntia sancti Evangélíi**
secúndum Lucam. **c. 1**

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad vírginem desponsátam viro, cui nomen erat Joseph, de domo David, et nomen vírginis María. Et ingressus Angelus ad eam dixit : Ave grátia plena : Dóminus tecum : Benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne timeas María, invenísti enim grátiam apud Deum : ecce concípies in útero, et páries filium, et vocábis nomen ejus Jesum. **Credo.**

Offertorium Luc. 1 Ave grátia plena, Dóminus tecum, benedícta tu in muliéribus.

Secreta

HOSTIA laudis, quam tibi, Dómine, per mérita gloriósæ et Immaculátæ Vírginis, offérimus, sit tibi in odórem suavitátis, et nobis optátam cónferat cörperis et ánimæ sanitátem. Per Dóminum.

Præfatio B. M. V. Et te in Conceptione immaculáta.

Communio Ps. 64 Visitásti terram et inebriásti eam, multiplicásti locupletáre eam.

Postcommunio

QUOS cælésti, Dómine, aliménto satiásti, súblevet dextera Genitrícis tuæ Immaculátæ : ut ad ætérnam pátriam, ipsa adjuvánte, pervenire mereámur : Qui vivis.

Die 12 Februarii

SS. SEPTEM
FUNDATORUM

Ordinis Servorum B. M. V. (d.)

Officium Sap. 10

JUSTI decantavérunt Dómine nomen sanctum tuum, et victricem manum tuam laudavérunt páriter : quóniam sapiéntia apéruit os mutum, et linguas infántium fecit disertas. ℣. **Ps. 8** Dómine Dóminus noster, quam admirábile est nomen tuum in univérsa terra. **Glória Patri. Glória in excélsis.**

Oratio

DOMINE Jesu Christe, qui ad recolendam memoriā dolorum sanctissimæ tuæ Genitricis; per septem beātos Patres nova Servorum ejus familia Ecclesiam tuam fecundasti : concēde propitius, ita nos eorum consociari flētibus; ut perfruāmur et gaudiis : Qui vivis et regnas cum Deo Patre.

Lectio Libri Sapiētiæ.

Eccli. 44

LAUDEMUS viros gloriōsos, et parētes nostros in generatiōe sua. Multam glōriam fecit Dōminus magnificētia sua a sēcūlo. Domināntes in potestātibus suis, hōmines magni virtūte, et prudentia sua præditi, nuntiāntes in prophētis dignitatem prophetarum, et imperāntes in præsentī pōpulo, et virtūte prudentiæ pōpulis sanctissima verba. In peritiā sua requirēntes modos mūsicos, et narrāntes cārmina scripturārum. Hōmines divites in virtūte, pulchritūdinis stūdiū habēntes : pacificāntes in dōmibus suis. Omnes isti in generatiōibus gentis suæ glōriam adēpti sunt, et in diēbus suis habēntur in laudibus. Qui de illis nati sunt, reliquērunt nomen narrāndi laudes eorum. Et sunt quorum non est memoria : periērunt quasi qui non fūerint : Et nati sunt, quasi non nati, et filii ipsorum cum ipsis. Sed illi viri misericordiæ sunt, quorum pie-

tates non defuerunt. Cum semine eorum permanent bona, hereditas sancta nepotes eorum, et in testamentis stetit semen eorum : Et filii eorum propter illos usque in æternum manent : semen eorum et glōria eorum non derelinquētur. Cōrpora ipsorum in pace sepulta sunt, et nomen eorum vivit in generatiōem et generatiōem. Sapiētiā ipsorum narrent pōpuli, et laudem eorum nūntiet ecclesia.

℟. Is. 65 Elēcti mei non laborābunt frustra, neque germinābunt in conturbatiōe : quia semen benedictōrum Dōmini est, et nepotes eorum cum eis. ℣. Eccli. 44 Cōrpora ipsorum in pace sepulta sunt, et nomen eorum vivit in generatiōem et generatiōem.

Allelūia, allelūia. ℣. Eccli. 44 Sapiētiā ipsorum narrent pōpuli, et laudem eorum nūntiet ecclesia. Allelūia.

Infra Septuag. Tractus Ps. 125 Qui seminant in lacrimis, in gaudio metent. ℣. Eūntes ibant et flebant, mittēntes semina sua. ℣. Veniēntes autem venient cum exsultatiōe, portāntes manipulos suos.

✠ Sequēntia sancti Evangēlii secūndum Matthæum. c. 19

IN illo tēpore : Dixit Petrus ad Jesum : Ecce nos reliquimus omnia, et secūti sumus te : Quid ergo erit nobis? Jesus autem dixit illis : Amen dico vobis, quod vos, qui secūti estis me, in regeneratiōe

cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accipiet, et vitam ætérnam possidébit.

Offertorium Is. 56 Addúcam eos in montem sanctum meum, et lætificábo eos in domo oratiónis meæ : holocáusta eórum, et víctimæ eórum placébunt mihi super altáre meum.

Secreta

ACCIPE, quæsumus Dómine, hóstias quas tibi offerimus, et præsta, ut intercedéntibus Sanctis tuis, libera tibi mente serviámus, et perdoléntis Virginis Genitricis Fílii tui amore inflammémur. Per eúmdem Dóminum.

Communio Joann. 15 Ego vos elégi de mundo, ut eátis, et fructum afferátis : et fructus vester máneat.

Postcommunio

CÆLESTIBUS refécti mystériis, te Dómine deprecámur, ut quorum festa percólimus, imitántes exémpa : juxta crucem Jesu cum María Matre ejus fidéliter astémus; et ejúsdem redemptionis fructum percipere mereámur : Per eúmdem Dóminum.

Die 13 Februarii

S. CATHARINÆ DE RICCIS

Virg. Ord. Præd. (II cl.)

Officium

Gal. 6

MIHI autem absit glóriari, nisi in cruce Dómini nostri Jesu Christi : per quem mihi mundus crucifixus est, et ego mundo. **℟. Gal. 2** Vivo ego, jam non ego : vivit vero in me Christus. Glória Patri. Glória in excélsis.

Oratio

DOMINE Jesu Christe, qui beatám Catharínam Virginem tui amore succénsam, passiónis contemplatióné claréscere voluísti : ejus intercessióné concéde, ut passiónis mystéria devóte recoléntes; ejus fructum percipere mereámur : Qui vivis.

Léctio Libri Sapiéntiæ.

Cant. 8

QUIS mihi det te fratrem meum sugéntem úbera matris meæ, ut invéniam te foris, et deósculer te, et jam me nemo despíciat? Apprehéndam te, et ducam in domum matris meæ : Ibi me docébis, et dabo tibi póculum ex vino condíto, et mustum malórum granatórum meórum. Læva ejus sub cápíte meo, et dextera illíus amplexábitur me. Adjúro vos filiæ Jerúsalem, ne suscitétis, neque evigiláre faciátis diléctam, donec ipsa velit.

℟. Ps. 72 Inflammátum est cor meum, et renes mei com-

mutáti sunt. **℟.** Tenuísti manum dexteram meam : et in voluntáte tua deduxísti me, et cum glória suscepísti me.

Allelúia, allelúia. ℟. Cant. 4 Surge áquilo, et veni auster, perfla hortum meum, et fluant arómata illius. Allelúia.

Infra Septuag. Tractus Ps. 72 Quid mihi est in cælo? et a te quid vólui super terram?

℟. Defécit caro mea et cor meum : Deus cordis mei, et pars mea Deus in ætérnum.

℟. Mihi autem adhærere Deo bonum est : pónere in Dómino Deo spem meam.

✠ **Sequéntia sancti Evangélíi** secúndum Matthæum. **c. 25**

IN illo témpore : Dixit Jesus discipulis suis parábolam hanc : Símile erit regnum cælórum decem virginibus : quæ accipiéntes lámpades suas, exiérunt óbviám sponso, et sponsæ. Quinque autem ex eis erant fátuæ, et quinque prudéntes : Sed quinque fátuæ, accéptis lámpádibus, non sumpserunt óleum secum : Prudéntes vero accepérunt óleum in vasis suis cum lámpádibus. Moram autem faciénte sponso, dormitavérunt omnes, et dormiérunt. Média autem nocte clamor factus est : Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt : Date nobis de óleo vestro : quia lámpades nostræ exstinguúntur. Respondérunt prudéntes, di-

céntes : Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus : Et quæ parátæ erant, intravérunt cum eo ad núptias, et clausa est jánuá. Novíssime vero véniunt et reliquæ vírgines, dicéntes : Dómine, Dómine, áperi nobis. At ille respóndens, ait : Amen dico vobis, nescio vos. Vigilate itaque, quia nescitis diem, neque horam. **Credo.**

Offertorium Isa. 26 Anima mea desiderávit te in nocte : sed et spíritu meo in præcordiis meis de mane vigilábo ad te.

Secreta

FAC, quæsumus Dómine, holocáusti tui in ara crucis obláti nos esse participes : in cujus sacrosánci mystérii contemplatióne beátam Catharinam Virginem tuam mirabilem effecísti. Qui vivis et regnas.

Communio Ps. 118 Quam dúlcia fáucibus meis elóquia tua, super mel ori meo!

Postcommunio

PRÆSTA, quæsumus omnipotens et miséricors Deus : ut nos hæc, quæ súmpsimus, ineffábilis amoris pignora, ad te redamándum inflámmet; atque beátæ Catharinæ Virginis intercessióne et exémplo, in tua semper dilectióne vivámus : Per Dóminum.

Quando celebratur de S. Catharina ex voto, vel devotione per annum,

omnia, pro varietate tamen temporum, fiant sicut supra notatum est in festo, excepto Credo.

Temp. Pasch. Allelúia, allelúia. *℣. Cant. 4* Surge áquilo, et veni auster, perfla hortum meum, et fluant arómata illius.

Allelúia. *℣. Matth. 28* Surrexit Dóminus, et occurrens mulieribus, ait : Avéte. Tunc accessérunt, et tenuérunt pedes ejus. Allelúia.

Temp. Ascens. secundum Allelúia. *℣. Eph. 4* Ascendens Christus in altum captivam duxit captivitatem : dedit dona hominibus. Allelúia.

Die 14 Februarii
B. NICOLAI PALEA
Conf. Ord. Præd. (sd.)

Officium Os justi, ut in Communi
Conf. non Pont., pag. 23*

Oratio

SPIRITUM nobis beáti Nicolái Confessóris tui, Deus, benignus infúnde : ut sicut illum in prædicatione verbi tui, ac in procuranda proximorum salute, singulári grátia decorásti; ipsius précibus fácias nos in eádem vocatione sancta firmiter permanére : Per Dóminum.

De S. Valentino Presb. et Mart.

Oratio

PRÆSTA, quæsumus omnipotens Deus : ut qui beáti Valentíni Mártiris tui natalitia cólimus; a cunctis malis

imminéntibus ejus intercessióne liberémur : Per Dóminum.

Secreta

SANCTIFICA, quæsumus Dómine, munus oblátum : et beáti Nicolái méritis et exemplis digna hóstia misericórditer effécti, simus semper in corde férvidi, et in ópere effícaces. Per Dóminum.

De S. Valentino Secreta

HOSTIAS tibi, Dómine, beáti Valentíni Mártiris tui díctas méritis, benignus assúme : et ad perpétuum nobis tríbe provenire subsidium. Per Dóminum.

Postcommunio

HÆC nos commúnio, Dómine, sacri múnere participes efficiat : et beáti Nicolái Confessóris tui vestígiis júgiter insistentés; mereámur páriter cum ipso in cælis coronári : Per Dóminum.

De S. Valentino

Postcommunio

SUMPTIS, Dómine, sacraméntis : quæsumus, ut intercedente beáto Valentino Mártire tuo; supplicatiónes nostras placátus inténdas : Per Dóminum.

Die 15 Februarii

B. JORDANI Conf. (d.)
Secundi Mag. Gen. Ord. Præd.

Officium Os justi, ut in Comm.
Conf. non Pont., pag. 23*

Oratio

DEUS, qui salutis animarum zelo, et ampliandæ Religiōnis grátia beátum Jordánū miráblem effecisti : ejus intercedéntibus méritis, fac nos in eódem semper spiritu vivere; ac repósitam in cælis glóriam invenire : Per Dóminum.

Secreta

CÆLESTIS convívii munus quod offérimus, beátus Jordánus in conspéctu majestátis tuæ, Dómine, præséntet : et dignáre, ut sicut illi confert ad glóriam, ita per ipsius suffrágium pignus veræ viæ, et vitæ sempitérnæ nobis efficiátur. Per Dóminum.

Postcommunio

ÆTERNÆ salutis spes, quam per Córporis et Sánguinis tui, Dómine, perceptionem habére nos voluisti, secúra permáneat; et beáti Jordáni precátio ad glóriam capesséndam sit semper intercessio salutáris : Qui vivis et regnas.

Die 16 Februarii

B. BERNARDI
SCAMMACCA

Conf. Ord. Præd. (sd.)

Officium Os justi, ut in Comm.
Conf. non Pont., pag. 23*

Oratio

DEUS, qui beátum Bernárdum a sáculi vitiis revocátum, in viam perfectiōnis

traduxisti : ejus méritis et précibus concéde; ut nos peccáta nostra defléntes, ad te puris méntibus convertámur : Per Dóminum.

Secreta

SUSCIPE, quæsumus Dómine, munus oblátum : et nobis cleménter indúlge, ut beáti Bernárdi exéempla æmulántes, usque in finem in tuo constánter simus amóre fervéntes. Per Dóminum.

Postcommunio

CÆLESTIS convívii pasti deliciis, suppliciter te Dómine deprecámur : ut beáti Bernárdi, cujus hódie memoriám fácimus, intercessióne; salutárium bonórum ubertáte repléri mereámur : Per Dóminum.

Die 17 Februarii

B. REGINALDI
AURELIANENSIS

Conf. Ord. Præd. (sd.)

Officium Os justi, ut in Comm.
Conf. non Pont., pag. 23*

Oratio

OMNIPOTENS sempitérne Deus, qui beátum Confessórem tuum Regináldum singulári sanctissimæ Genitricis tuæ protectione donásti : illius nobis méritis et précibus concéde; ut ejúsdem gloriósæ semper Virginis Mariæ perpétuo muniámur auxílio : Qui vivis.

Secreta

ADESTO supplicatiónibus nostris miséricors Deus : ut hæc oblátio salutáris in honórem beáti Confessóris tui Regináldi exhibita, ad úberem grátiam tuam nobis impetrándam, in odórem suavitátis ascéndat. Per Dóminum.

Postcommunio

INEFFABILIBUS refécti sacraméntis, quæsumus clementissime Jesu, intercedente beáto Regináldo Confessóre tuo, ab omni nos ánimæ et córporis infirmitáte custódi : ut divíni óperis fructum propénsius exsequéntes; in ætérnam ingredi réquiem festinémus : Qui vivis.

Die 19 Februarii

B. ALVARI DE CORDUBA
Conf. Ord. Præd. (sd.)

Officium Os justi, ut in Comm.
Conf. non Pont., pag. 23*

Oratio

DEUS, qui beátum Alvarum Confessórem tuum caritátis et pœniténtiæ donis insigniter decorásti : da ut ejus intercessióne et exémplo, semper Christi mortificatiónem in corpore; et tui amórem in corde gerámus : Per eúndem.

Secreta

C

PRÆSTA nobis, quæsumus omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos corpore

páriter et mente purificet. Per Dóminum.

Postcommunio C

QUÆSUMUS omnipotens Deus : ut qui cæléstia aliménta percépimus; intercedente beáto Alvaro Confessóre tuo, per hæc contra ómnia advérsa muniámur : Per Dóminum.

Die 22 Februarii

CATHEDRÆ S. PETRI
Apost. qua Antiochiæ sedit.

Totum Duplex

Officium Státuit, et reliqua ut in festo Cathedræ Romanæ, pag. 356, excepta memoria sanctæ Priscæ.

Die 23 Februarii

S. PETRI DAMIANI
Ep., Conf. et Eccl. Doct. (d.)

Officium In médio, ut in Comm. Doct., pag. 20*

Oratio

CONCEDE nos, quæsumus omnipotens Deus, beáti Petri Confessóris tui atque Pontificis mónita et exémpla sectári; ut per terréstrium rerum contéptum, ætérna gáudia consequámur : Per Dóminum.

Secreta

C

OMNIPOTENS sempitérne Deus, múnera tuæ majestáti obláta, per intercessiónem beáti Petri Confessóris tui atque Doctóris, ad perpétuam nobis fac proveníre salutem. Per Dóminum.

Postcommunio **C**

SACRAMENTA salutis nostræ suscipientes, concède, quæsumus omnipotens Deus : ut beāti Petri Confessoris tui atque Doctoris nos ubique oratio adjuvet; in cujus veneratione hæc tuæ obtulimus majestati : Per Dóminum.

Die 24 Februarii
vel 25 in anno bissextili

S. MATTHIÆ Apost. (II cl.)

Officium **Ps. 138**

MHI autem nimis honorati sunt amici tui, Deus : nimis confortatus est principatus eorum. **℟.** Dómine probasti me, et cognovisti me : tu cognovisti sessionem meam, et resurrectionem meam. **Gloria Patri. Gloria in excelsis.**

Oratio

DEUS, qui beátum Matthiam Apostolorum tuorum collégio sociasti; tribue quæsumus, ut ejus interventione, tuæ circa nos pietatis semper viscera sentiámus : Per Dóminum.

Lectio Actuum Apostolorum.

c. I

IN diébus illis : Exsurgens Petrus in medio fratrum dixit (erat autem turba hominum simul, fere centum viginti) : Viri fratres, oportet impléri Scripturam, quam prædixit Spíritus Sanctus per os David de Juda, qui fuit dux eorum, qui comprehendérunt

Jesum : qui connumerátus erat in nobis, et sortitus est sortem ministérii hujus. Et hic quidem possédit agrum de mercède iniquitatis, et suspensus crepuit médius : et diffusa sunt ómnia viscera ejus. Et notum factum est ómnibus habitántibus Jerúsalem, ita ut appellaretur ager ille, lingua eorum, Ilacéldama, hoc est, ager sanguíinis. Scriptum est enim in libro Psalmorum : Fiat commoratio eorum deserta, et non sit qui inhábitet in ea : et episcopátum ejus accípiat alter. Oportet ergo ex his viris, qui nobiscum sunt congregati in omni témpore, quo intrávit et exívit inter nos Dóminus Jesus, incipiens a baptismo Joánnis usque in diem, qua assumptus est a nobis, testem resurrectionis ejus nobiscum fieri unum ex istis. Et statuérunt duos, Joseph, qui vocabátur Bársabas, qui cognominátus est Justus : et Matthiam. Et orántes dixerunt : Tu Dómine, qui corda nosti ómnium, osténde, quem elégeris ex his duobus unum accipere locum ministérii hujus, et apostolátus, de quo prævaricátus est Judas ut abíret in locum suum. Et dedérunt sortes eis, et cecidit sors super Matthiam, et annumerátus est cum úndecim Apóstolis.

℟. Ps. 138 Nimis honorati sunt amici tui, Deus : nimis confortatus est principatus eorum. **℟.** Dinumerábo eos, et super arénam multiplicabúntur.

Tractus Ps. 20 Desiderium animæ ejus tribuisti ei : et voluntate labiorum ejus non fraudasti eum. *W.* Quoniam prævenisti eum in benedictionibus dulcedinis. *W.* Posuisti super caput ejus coronam de lapide pretioso.

✠ **Sequentia sancti Evangelii** secundum Matthæum. **c. 11**

IN illo tempore : Respondens Jesus dixit : Confiteor tibi, Pater, Domine cæli et terræ, quia abscondisti hæc a sapientibus et prudentibus, et revelasti ea parvulis. Ita Pater : quoniam sic fuit placitum ante te. Omnia mihi tradita sunt a Patre meo. Et nemo novit Filium, nisi Pater : neque Patrem quis novit, nisi Filius, et cui voluerit Filius revelare. Venite ad me omnes, qui laboratis, et onerati estis, et ego reficiam vos. Tollite jugum meum super vos, et discite a me, quia mitis sum, et humilis corde : et inveniatis requiem animabus vestris. Jugum enim meum suave est, et onus meum leve. **Credo.**

Offertorium Ps. 18 In omnem terram exivit sonus eorum : et in fines orbis terræ verba eorum.

Secreta

DEUS, qui proditoris apostatæ ruinam, ne Apostolorum tuorum numerus sacratus perfectione careret, beati Matthiæ electione supplēsti, præsētia mūnera sanctifica : ut ea nos gratiæ tuæ virtute confirment. Per Dōminum.

Præfatio de Apostolis.

Communio Matth. 19 Vos, qui secuti estis me, sedebitis super sedes, judicantes duodecim tribus Israël.

Postcommunio

PRÆSTA, quæsumus omnipotens et misericors Deus : ut per hæc sancta, quæ sumpsimus; interveniente beato Matthia Apostolo tuo, veniam consequamur et pacem : Per Dōminum.

Die 25 Februarii
vel 26 in anno bissextili

B. CONSTANTII

A FABRIANO

Conf. Ord. Præd. (sd.)

Officium Os justi, ut in Comm. Conf. non Pont., pag. 23*, cum Evangelio Designavit, pag. 25*

Oratio

DEUS, qui beatum Constantium Confessorem tuum assidue orationis, et promovendæ pacis studio, in populis gloriosum effecisti : ejus nobis intercessione concede; ut per justitiæ sēmitas incedentes, pacem et gloriā assequamur æternam : Per Dōminum.

Secreta

DOMINICÆ mensæ nobis tribuatur accumbere in veste caritatis, qua beatus Constantius indutus, ad superiora invitātem audire meruit Jesum Christum Dōminum nostrum : Qui vivit et regnat cum Deo Patre.

Postcommunio

ANGELORUM pane refecti te deprecámur omnipotens Deus : ut beáti Constantii intercedéntibus méritis; ætérnas tibi laudes persólvere cum ipso valeámus in cælis : Per Dóminum.

Die 28 Februarii

vel 29 in anno bissextili

B. VILLANÆ DE BOTTIS
Matronæ Ord. Præd. (sd.)

Officium Gaudeámus, ut in Comuni nec Virg. nec Mart., pag. 36*

Oratio

DEUS, qui beátam Villánam fámulam tuam a mundi illécebris revocatam, per omnes pœniténtiæ et humilitátis sémitas transíre fecisti : illius intercessióne concéde; ut reátus nostri conféssio indulgéntiam tuam váleat inveníre : Per Dóminum.

Secreta

BEATÆ Villanæ memóriam recoléntes, acceptábile fiat sacrificium, quod tibi offérimus Dómine Deus, ut delictórum nostrórum véniam percípere mereámur. Per Dóminum.

Postcommunio

CÆLESTIBUS refecti deliciis, quæsumus omnipotens Deus : ut intercedénte beáta Villána, a peccatórum néxibus solúti, et grátiae tuæ ubertáte repléti; tibi semper adhæreámus : Per Dóminum.

FESTA MARTII

Die 1 Martii

B. CHRISTOPHORI
A MEDIOLANO

Conf. Ord. Præd. (sd.)

Officium Os justi, ut in Comuni Conf. non Pontificis, pag. 23*

Oratio

DEUS, qui beátum Christóphorum Confessórem dignum tibi fámulum reddidisti : ejus méritis et imitatióne concéde; ut Christum in nobis tota mentis intentióne, et cordis afféctu portáre valeámus : Qui tecum vivit.

De S. Albino Ep. et Conf.

Oratio

DA, quæsumus omnipotens Deus : ut beáti Albini Confessóris tui atque Pontificis veneránda solémnitas; et devotióne nobis áugeat, et salútem : Per Dóminum.

Secreta

HÆC hóstia, quæsumus Dómine, quam tibi in honórem beáti Christóphori Confessóris offérimus, in nostræ provéniant salútis auxiliium. Per Dóminum.

De S. Albino **Secreta**

SANCTI tui, quæsumus Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Postcommunio

SALUTARI cibo refecti, te Dómine deprecámur : ut beáto Christóphoro pro nobis intercedente; ad cæléste convivium nos perducere dignéris : Per Dóminum.

De S. Albino Postcommunio

PRÆSTA, quæsumus omnipotens Deus : ut de perceptis munéribus grátias exhibentes; intercedente beáto Albino Confessóre tuo atque Pontífice, beneficia potióra sumámus : Per Dóminum.

Die 2 Martii**B. HENRICI SUSONIS****Conf. Ord. Præd. (sd.)**

Officium Justus ut palma, ut in Comm. Conf. non Pont., pag. 22*

Oratio

DEUS, qui beátum Henricum Confessórem tuum córporis mortificatione, et caritate mirabilem effecisti : concede, ut Christum crucifixum ópere in nobis exprimere; et corde diligere valeámus : Per eúndem.

Secreta

DOMINE Jesu Christe, qui hæc sacra in tui commemorationem fieri præcepisti : præsta, ut beáti Henrici imitatione, te júgiter cogitémus, atque sapiámus. Qui vivis.

Postcommunio

DIVINÆ sapiéntiæ mensa refecti, quæsumus omnipotens Deus : ut per sacraménta quæ sumpsimus; beáto

Henrico intercedente, ad vitam ætérnam enutriámur : Per Dóminum.

Die 4 Martii**S. CASIMIRI Conf. (sp.)**

Officium Os justi, ut in Comm. Conf. non Pont., pag. 23*

Oratio

DEUS, qui inter regáles delicias, et mundi illécebras sanctum Casimírum virtute constántiæ roborásti : quæsumus, ut ejus intercessióne fidéles tui terréna despiciant; et ad cæléstia semper aspirant : Per Dóminum.

Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præsentibus éxui malis confidimus, et futúris. Per Dóminum.

Postcommunio

REFACTI cibo potúque cælésti, Deus noster, te supplices exorámus : ut in cujus hæc commemoratióne percépimus; ejus muniámur et præcibus : Per Dóminum.

Die 6 Martii**B. JORDANI A PISIS****Conf. Ord. Præd. (sd.)**

Officium Os justi, ut in Comm. Conf. non Pont., pag. 23*

Oratio

DEUS, qui beátum Jordánnum Confessórem tuum, evangélicæ prædicatiónis di-

gnum ministrum effecisti : ex ejus nobis imitatione tribue operari quæ præcipis; ut æternæ mercëdis fructum consequi valeamus : Per Dominum nostrum.

Secreta

PER hanc immaculatam hostiam placabilis sit pro nobis beati Jordani intercessio : ut a cunctis periculis liberati in tempore, æterni-

tatis gloriæ participes esse mereamur. Per Dominum.

Postcommunio

SUMPTIS munëribus sacris, Imploramus Domine clementiam tuam : ut intercedente beato Jordano Confessore tuo, inter prospera præsentis vitæ, et adversa sic transeamus; ut gloriam assequamur æternam : Per Dominum.

Die 7 Martii

SANCTI THOMÆ DE AQUINO

Conf. et Eccl. Doct. Ord. Præd.

Totum Duplex I classis

Officium

Eccli. 15

IN medio Ecclesiæ aperuit os ejus, et implevit eum Dominus spiritu sapientiæ et intellectus : stolam gloriæ induit eum. ✠. Jucunditatem, et exultationem thesaurizavit super eum. Glória Patri. Glória in excelsis.

Oratio

DEUS, qui Ecclesiam tuam beati Thomæ Confessoris tui atque Doctoris mira eruditione clarificas, et sancta operatione fecundas : da nobis, quæsumus, et quæ docuit, intellectu conspiceri; et quæ egit, imitatione complere : Per Dominum.

Lectio Libri Sapientiæ. c. 7

OPTAVI, et datus est mihi sensus : et invocavi, et venit in me spiritus sapientiæ : Et præposui illam regnis et sedibus, et divitias nihil esse duxi in comparatione illius. Nec comparavi illi lapidem pretiosum : quoniam omne aurum in comparatione illius, arena est exigua, et tamquam lutum aestimabitur argentum in conspectu illius. Super salutem et speciem dilexi illam, et proposui pro luce habere illam : quoniam inextinguibile est lumen illius. Venérunt autem mihi omnia bona pariter cum illa, et innumerabilis honestas per manus illius, et

lætátus sum in ómnibus : quóniam antecedébat me ista sapiéntia, et ignorábam quóniam horum ómnium mater est. Quam sine fictiône didici, et sine invidia commúnico, et honestátem illius non abscondo. Infinitus enim thesáurus est homínibus : quo qui usi sunt, partícipes facti sunt amicitiae Dei.

℟. Ps. 36 Os justi meditabitur sapiéntiam, et lingua ejus loquétur iudícium. **℣.** Lex Dei ejus in corde ipsius : et non supplantabúntur gressus ejus.

Tractus Eccli. 50 Quasi stella matutina in médio nébulæ, et quasi luna plena in diébus suis. **℣.** Et quasi sol refúlgens, sic ille refúlsit in templo Dei. **℣.** Quasi arcus refúlgens inter nébulas glóriæ, et quasi flos rosárum in diébus vernis. **℣.** Quasi lilia quæ sunt in tránsitu aquæ, et quasi thus rédolens in diébus æstátis. **℣.** Quasi ignis effúlgens, et thus ardens in igne. **℣.** Quasi vas auri sólídum, ornátum omni lápide pretiósó.

In Patrocinio ejus die 13 Nov. loco Tractus dicitur sequens

Allelúia, allelúia. **℣.** O radiósum lilium, florens coróna dúplici : optátum duc ad bravíum, Thoma, rogátu súplici. **Allelúia.**

✠ **Sequéntia sancti Evangélíi** secúndum Matthæum. **c. 5**

IN illo témpore : Dixit Jesus discipulis suis : Vos estis sal terræ. Quod si sal eva-

núerit, in quo salietur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus : ut vídeant ópera vestra bona, et glorificent Patrem vestrum, qui in cælis est. Nolite putáre, quóniam veni sólvere legem, aut prophétas : Non veni sólvere, sed adimplére. Amen quippe dico vobis : donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

PASSIONIS Filii tui, Dómine, memóriam recenséntes depóscimus, ut quod tibi in beáti Thomæ Confessóris tui atque Doctóris solemnitate deférimus, sacrificium sit accéptum. Per eúmdem Dóminum nostrum.

Communio Matth. 25 Dómine, quinque talénta tradidísti

mihi, ecce ália quinque superlucrátus sum. Euge serve bone et fidélis, quia in pauca fuísti fidélis, supra multa te constituam, intra in gáudium Dómini tui.

Postcommunio

HÆC nos, quæsumus Dómine, commúnio sancta lætíficet : qua beáti Thomæ Confessóris tui atque Doctóris suffrágiis, virtútes roboréntur intérius; et actus extérius piæ operatiónis excreócant. Per Dóminum.

Quando de B. Thoma celebratur per annum ex voto vel devotione, extra Septuag. et tempus Paschale.

℟. Os justi, et Allelúia, allelúia. ℣. O radiósum, ut supra.

Temp. Resurr. secundum Allelúia. ℣. Matth. 28 Angelus Dómini descendit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. Allelúia.

Reliqua omnia fiant, sicut supra in festo notata sunt, excepto Credo. Et in Secreta, loco Solemnitáte, dicatur Commemoratíone.

Die 8 Martii

S. JOANNIS DE DEO

Confessoris (d.)

Officium Os justi, ut in Comm. Conf. non Pontif., pag. 23*, cum Orationibus et Evangelio, ut infra.

Oratio

DEUS, qui beátum Joánnem, tuo amóre succénsum, inter flammās innóxiū incédere fecisti; et per eum Ecclésiā tuā novā prole fecundásti : præsta, ipsius suffragántibus méritis, ut igne caritátis tuæ vítia nostra curentur; et remédia nobis æterna provéniant : Per Dóminum.

✠ Sequéntia sancti Evangélii secundum Matthæum. c. 22

IN illo témpore : Accessérunt ad Jesum Pharisæi, et interrogávit eum unus ex eis legis doctor, tentans eum : Magíster, quod est mandátum magnum in lege? Ait illi Jesus : Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum, et primum mandátum. Secundum autem símile est huic : Díliges próximum tuum, sicut teípsum. In his duóbus mandátis univérſa lex pendet, et prophætæ. Congregátis autem Pharisæis, interrogávit eos Jesus, dicens : Quid vobis videtur de Christo? Cujus filius est? Dicunt ei : David. Ait illis : Quómodo ergo David in spíritu vocat eum Dóminum, dicens : Dixit Dóminus Dómino meo : sede a dextris meis, donec ponam inimicos tuos scabéllum pedum tuórum? Si ergo David vocat eum Dóminum, quómodo filius ejus est? Et nemo póterat ei respondére verbum : neque ausus fuit quisquam ex illa die eum ámplius interrogáre.

Secreta C

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Postcommunio C

QUÆSUMUS omnipotens Deus : ut qui cælestia alimenta percépimus; intercedente beato Joanne Confessore tuo, per hæc contra omnia adversa muniámur : Per Dominum.

Die 9 Martii

S. FRANCISCÆ ROMANÆ

Viduæ (d.)

Officium Gaudeámus, ut in Communi unius nec Virg. nec Mart.. pag. 36*

Oratio

DEUS, qui beatam Franciscam famulam tuam, inter cetera gratiæ tuæ dona, familiari Angeli consuetudine decorasti : concède quæsumus; ut intercessionis ejus auxilio, Angelorum consortium consequi mereámur : Per Dominum.

Secreta C

MUNERA, Domine, nostræ devotionis offerimus : ut tibi grata, et nobis salutaria beatæ Franciscæ pia supplicatione reddantur. Per Dominum.

Postcommunio C

QUÆSUMUS omnipotens Deus : ut quos salutariis dignatus es erudire mysteriis; beatæ Franciscæ intercessione gloriosa, cælestibus reficias alimentis : Per Dominum.

Die 10 Martii

B. PETRI DE JEREMIA

Conf. Ord. Præd. (sd.)

Officium Os justi, ut in Communi Conf. non Pontif., pag. 23*

Oratio

DEUS, qui beati Petri Confessoris tui precibus et hortamentis errantes in viam justitiæ misericorditer redire fecisti : dilata, quæsumus, illius intercessione corda nostra; ut semitam mandatorum tuorum semper currámus : Per Dominum.

Secreta C

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Postcommunio C

QUÆSUMUS omnipotens Deus : ut qui cælestia alimenta percépimus; intercedente beato Petro Confessore tuo, per hæc contra omnia adversa muniámur : Per Dominum.

Die 12 Martii

S. GREGORII MAGNI

Papæ, Conf. ac Eccl. Doct. (d.)

Officium

Dan. 3

SACERDOTES Dei benedicite Dóminum : sancti et húmiles corde laudáte Deum. *℟.* Benedícite ómnia ópera Dómini Dómino : laudáte et superexaltáte eum in sácula. Glória Patri. Glória in excélsis.

Oratio

DEUS, qui nos beáti Gregórii Confessóris tui atque Pontificis ánnua solemnitate lætificas : concéde propítius, ut cujus ópere atque doctrína Scriptúræ tuæ mystéria multa cognóvimus; ejus apud te semper patrocínia sentiámus : Per Dóminum.

Léctio Epístolæ beáti Pauli
Apóstoli ad Timótheum.

2, c. 4

CARISSIME : Testificor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus : prædica verbum, insta opportúne, importúne : Argue, óbsecra, increpa in omni patientia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístrós, pruriéntes áuribus, et a veritate quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, mini-

stérium tuum imple. Sóbrius esto. Ego enim jam delibor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus judex : Non solum autem mihi, sed et iis, qui diligunt advéntum ejus.

℟. Ps. 109 Jurávit Dóminus, et non pœnitébit eum : Tu es sacérdos in ætérnum secúndum órđinem Melchisedech. *℟.* Dixit Dóminus Dómino meo : Sede a dextris meis.

Tractus Ps. 111 Beátus vir, qui timet Dóminum : in mandátis ejus cupit nimis. *℟.* Potens in terra erit semen ejus : generatio rectórum benedicétur. *℟.* Glória et divitiæ in domo ejus : et justitia ejus manet in sáculum sáculi.

✠ **Sequéntia sancti Evangélíi**
secúndum Matthæum. c. 5

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus : ut videant ópera vestra bona, et glorificent Patrem vestrum, qui in cælis est.

Nolite putare, quoniam veni solvere legem, aut prophetas : Non veni solvere, sed adimplere. Amen quippe dico vobis : donec transeat caelum et terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno caelorum : Qui autem fecerit et docuerit, hic magnus vocabitur in regno caelorum.

Credo.

Offertorium Ps. 88 Veritas mea, et misericordia mea cum ipso : et in nomine meo exaltabitur cornu ejus.

Secreta

ANNUE nobis, quaesumus Domine, ut intercessione beati Gregorii haec nobis prosit oblatio, quam immolando totius mundi tribuisti relaxari delicta. Per Dominum.

Communio Luc. 12 Fidelis servus, et prudens, quem constituit dominus super familiam suam, ut det illis in tempore tritici mensuram.

Postcommunio

DEUS, qui beatum Gregorium Pontificem Sanctorum tuorum meritis coaequasti : concede propitius, ut qui commemorationis ejus festa percolumus; vitae quoque imitemur exempla : Per Dominum.

Die 17 Martii

S. PATRICII Ep. et Conf. (d.)

Officium Staturit, ut in Comm. Conf. Pont., pag. 18*

Oratio

DEUS, qui ad praedicandam gentibus gloriam tuam, beatum Patricium Confessorem atque Pontificem mittere dignatus es : ejus meritis et intercessione concede; ut quae nobis agenda praecipis, te miserante adimplere possimus : Per Dominum.

Secreta

SANCTI tui, quaesumus Domine, nos ubique laetificent : ut dum eorum merita recolimus, patrocinia sentiamus. Per Dominum.

Postcommunio

PRAESTA, quaesumus omnipotens Deus : ut de perceptis muneribus gratias exhibentes; intercedente beato Patricio Confessore tuo atque Pontifice, beneficia potiora sumamus : Per Dominum.

Die 18 Martii

S. CYRILLI

HIEROSOLYMITANI

Ep., Conf. et Eccl. Doct. (d.)

Officium Eccli. 15

IN medio Ecclesiae aperuit os ejus, et implevit eum Dominus spiritu sapientiae et intellectus : stolam gloriae induit eum. **W.** Jucunditatem, et exultationem thesaurizavit

super eum. Glória Patri. Glória in excelsis.

Oratio

DA nobis, quæsumus omnipotens Deus : beáto Cyrillo Pontifice intercedente, Te solum verum Deum, et quem misisti Jesum Christum, ita cognoscere; ut inter oves, quæ vocem ejus audiunt, perpétuo connumerári mereámur : Per eúmdem Dóminum.

Lectio Libri Sapiéntiæ.

Eccli. 39

JUSTUS cor suum tradet ad vigilandum dilúculo ad Dóminum, qui fecit illum, et in conspéctu Altissimi deprecábitur. Apériet os suum in oratione, et pro delictis suis deprecábitur. Si enim Dóminus magnus volúerit, spíritu intelligéntiæ replébit illum : et ipse tamquam imbres mittet elóquia sapiéntiæ suæ, et in oratione confitébitur Dómino : et ipse dirigit consilium ejus, et disciplinam, et in absconditis suis consiliábitur. Ipse palam fáciat disciplinam doctrinæ suæ, et in lege testamenti Dómini gloriábitur. Colaudábunt multi sapiéntiam ejus, et usque in sæculum non delébitur. Non recédet memoria ejus et nomen ejus requirétur a generatione in generationem. Sapiéntiam ejus enarrábunt gentes et laudem ejus enuntiábit ecclésia.

℟. Ps. 36 Os justi meditábitur sapiéntiam, et lingua ejus loquétur judicium. ℣. Lex Dei ejus in corde ipsius : et

non supplantabúntur gressus ejus.

Allelúia, allelúia. ℣. Ps. 88 Pósui adjutórium super poténtem : et exaltávi eléctum de plebe mea. Allelúia.

Infra Septuag. Tractus Eccli. 50 Quasi stella matutina in médio nébulæ, et quasi luna plena in diébus suis. ℣. Et quasi sol refúlgens, sic ille refúlsit in templo Dei. ℣. Quasi arcus refúlgens inter nébulas glóriæ, et quasi flos rosárum in diébus vernis. ℣. Quasi lília quæ sunt in tránsitu aquæ, et quasi thus rédolens in diébus æstátis. ℣. Quasi ignis effúlgens, et thus ardens in igne. ℣. Quasi vas auri sólídum, ornátum omni lápide pretiósio.

✠ Sequéntia sancti Evangélii secúndum Matthæum. c. 10

IN illo témpore : Dixit Jesus discipulis suis : Cum persequéntur vos in civitáte ista, fúgite in áliam. Amen dico vobis, non consummábitis civitátes Israél, donec véniat Filius hóminis. Non est discipulus super magistrum, nec servus super dóminum suum. Súfficit discipulo, ut sit sicut magister ejus : et servo, sicut dóminus ejus. Si Patremfamilias Beélzebub vocavérunt : quanto magis domésticos ejus? Ne ergo timuéritis eos : Nihil enim est opértum, quod non revelábitur : et occúltum quod non sciétur. Quod dico vobis in ténebris, dicite in lúmine : et quod in aure auditis, prædicáte super tecta. Et nolite timére eos, qui occidunt cor-

pus, ánimam autem non possunt occidere : Sed pótius timéte eum, qui potest et ánimam et corpus pérdere in gehénnam. **Credo.**

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

RESPICE Dómine, immaculatam hóstiam, quam tibi offérimus : et præsta; ut méritis beáti Pontificis et Confessoris tui Cyrilli, eam mundo corde suscipere studeámus. Per Dóminum.

Communio Matth. 25 Dómine, quinque talénta tradidisti mihi, ecce ália quinque superlucrátus sum. Euge serve bone, et fidélis, quia in pauca fuisti fidélis, supra multa te constituam, intra in gáudium dómini tui.

Postcommunio

SACRAMENTA Córporis et Sánguinis tui, quæ sumpsimus, Dómine Jesu Christe, beáti Cyrilli Pontificis precibus, mentes et corda nostra sanctificent; ut divínæ consórtis naturæ éffici mereámur : Qui vivis et regnas.

Die 19 Martii

S. JOSEPH, SPONSI B. MARLÆ V.

Totum Duplex I classis

Officium

Ps. 91

JUSTUS ut palma florébit : sicut cedrus Libani multiplicábitur : plantátus in domo Dómini, in átriis domus Dei nostri. **T. P.** Allelúia, allelúia. **℣.** Bonum est confitéri Dómino : et psállere nómini tuo Altíssime. **Gloria Patri.** **Gloria in excélsis.**

Oratio

BEATI Patriárchæ Joseph, sanctíssimæ Genitrícis tuæ sponsi, quæsumus Dómine, méritis adjuvémur : ut quod possibilitas nostra non óbtinet; ejus nobis intercessióne donétur : Qui vivis et regnas.

Lectio Libri Sapiéntiæ.

Eccli. 45

DILECTUS Deo, et hominibus : cujus memória in benedictióne est. Símilem illum fecit in glória sanctorum, et magnificávit eum in timóre inimicorum, et in verbis suis monstra placávit. Glorificávit illum in conspéctu regum, et jussit illi coram populo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplinæ.

℟. Ps. 91 Justus ut palma florébit : sicut cedrus Libani multiplicábitur in domo Dómini. **℣.** Ad annuntiándum mane misericórdiam tuam : et veritátem tuam per noctem.

Tractus Ps. 20 Desidérium ánimæ ejus tribuisti ei : et voluntáte labiórur ejus non fraudásti eum. **℣.** Quóniam prævenisti eum in benedictiónibus dulcédinis. **℣.** Posuisti super caput ejus corónam de lápide pretiósó.

Temp. Pasch. Allelúia, allelúia. **℣. Matth. 1** Joseph fili David, noli timére accipere Mariám cónjugem tuam : quod enim in ea natum est, de Spíritu Sancto est.

Allelúia. ℣. Matth. 26 In die resurrectionis meæ, dicit Dóminus, præcédam vos in Galilæam. **Allelúia.**

✠ **Sequéntia sancti Evangélii** secúndum Matthæum. **c. 1**

CUM esset desponsáta mater Jesu María Joseph, ántequam convenirent, invénta est in útero habens de Spíritu Sancto. Joseph autem vir ejus cum esset justus, et nollet eam tradúcere : vóluit occúlte dímíttre eam. Hæc autem eo cogitánte, ecce Angelus Dómini appáruit in somnis ei, dicens : Joseph fili David, noli timére accipere Mariám cónjugem tuam : Quod enim in ea natum est, de Spíritu Sancto est. Páriet autem filium : et vocábis nomen ejus Jesum : Ipse enim salvum fáciét pópulum suum a peccátis eórum.

Credo.

Offertorium Ps. 20 Desidérium ánimæ ejus tribuisti ei Dómine, et voluntáte labiórur ejus non fraudásti eum : posuisti in cápíte ejus corónam de lápide pretiósó. **T. P. Allelúia.**

Secreta

DEBITUM tibi, Dómine, nostræ réddimus servitútis, suppliciter exorántes : ut suffrágiis beáti Joseph sponsi Genitrícis Filii tui Jesu Christi Dómini nostri, in nobis tua múnera tueáris; ob cujus venerándam festivitátem, laudis tibi hóstias immolámus. Per eúmdem.

Præfatio de S. Joseph Et te in Festivitáte.

Communio Matth. 2 Tolle púerum, et matrem ejus, et vade in terram Israël : defúnti sunt enim, qui quærébant ánimam púeri. **T. P. Allelúia.**

Postcommunio

SIT nobis, quæsumus Dómine, per hæc sancta, quæ sumpsimus, beatíssimi Joseph Patriárchæ solémnitas, præsidium salutáre; qui pretiósæ sponsæ suæ Virgínis matris Filium in præsépio méruiť adoráre : Dóminum nostrum.

Quando prædicta Postcommunio dicitur ad Memoriam, et alia sequitur immediate, finitur sic : méruiť adoráre.

Die 20 Martii

B. AMBROSII SANSEDONII

Conf. Ord. Præd. (d.)

Officium Os justi, ut in Comuni
Conf. non Pont., pag. 23*

Oratio

ECCELESIAM tuam, Deus, beáti Ambrósii Confessoris tui solémnitas votiva lætificet : ut spirituálibus semper muniátur auxiliis; et gáudiis pérfrui mereátur ætérnis : Per Dóminum.

Secreta

PRÆSENS oblátio fiat, Dómine, pópulo tuo salutáris, pro quo dignátus es Patri tuo te vivéntem hóstiam immoláre : Qui cum eódem Deo Patre et Spíritu Sancto vivis et regnas Deus.

Postcommunio

DIVINIS, Dómine, munéribus satiáti; quæsumus, ut beáti Ambrósii Confessoris tui méritis gloriósis, salutáris victimæ desiderátum sentiámus effectum : Per Dóminum.

Die 21 Martii

S. BENEDICTI Abbatis (t. d.)

Officium Os justi, ut in Communi unius Abbatis, pag. 25*

Die 22 Martii

B. ISNARDI DE VICENTIA

Conf. Ord. Præd. (sd.)

Officium Os justi, de Communi unius Conf. non Pont., pag. 23*

Oratio

OMNIPOTENS, ætérne Deus, qui sapiéntiæ tuæ luce, ténebras ignorántiæ repéllis : auge méritis et précibus beáti Isnárdi Confessoris tui, virtutem fidei; ut ignis, quem grátia tua fecit accénderi, nullis

tentatióibus exstinguátur : Per Dóminum.

Secreta

SACRANDUM Tibi Dómine munus offérimus, quo beáti Isnárdi fidélis servi tui mérita recoléntes : purificatióncm quoque nostris méntibus implorámus. Per Dóminum.

Postcommunio

QUÆSUMUS, omnipotens Deus : ut reátum nostrum múnera sancta purificent; et intercedénte beáto Isnárdo, Confessore tuo, recte vivéendi nobis operéntur effectum : Per Dóminum.

Die 23 Martii

**B. SIBYLLINÆ
DE BISCOSSIS**

Virg. Ord. Præd. (sd.)

Officium Gaudeámus, ut in Communi unius Virginis non Martyris, pag. 30*

Oratio

DEUS, qui beátæ Sibyllinæ Virginis, corporálibus luminibus orbátæ, mentem admirábili claritátis fulgóre illustráre voluisti : ejus intercessióne nobis concéde, ut supérna luce illumináti terréna despiciámus; et ætérna effícaciter exquirámus : Per Dóminum.

Secreta

SUSCIPE Dómine oblatió-nem, quam tibi offérimus, et interveniénte beáta Sibyllina, præsta, ut sicut ipsa passiónis Filii tui mystéria in terris devóte est veneráta, ita

nos eórum fructum cónsequi mereámur. Per eúndem.

Postcommunio

PERCEPTA, Dómine, tui Córporis et Sanguinis mystéria; per intercessiónem beátæ Sibyllinæ nos reddant in virtútum opéribus efficáces, et in tuo amóre fervéntes : Qui vivis et regnas.

Die 24 Martii

S. GABRIELIS Archangeli

Totum Duplex

Officium

Ps. 102

BENEDICITE Dóminum omnes Angeli ejus : poténtes virtúte, qui fácitis verbum ejus, ad audiéndam vocem sermónum ejus. **T. P.** Allelúia, allelúia. **℟.** Benedic ánima mea Dómino : et ómnia, quæ intra me sunt, nómini sancto ejus. **Gloria Patri. Glória in excélsis.**

Oratio

OMNIPOTENS sempitérne Deus, cui Angelórum milia ministrant : præsta, quæsumus, ut qui beátum Gabrielem Archángelum humanæ restauratiónis præcipuum ministrum venerámur in terris; ejúsdem suffrágiis fructum nostræ redemptiόνis consequámur in cælis : Per Dóminum.

Lectio Daniélis Prophætæ. c. 9

IN diébus illis : Ecce vir Gábriel, quem videram in visiône a principio, cito volans tétigit me in témpore sacri-

ficii vespertíni. Et dócuit me, et locútus est mihi, dixítque : Dániel nunc egréssus sum, ut docérem te, et intelligeres. Ab exórdio precum tuárum egréssus est sermo : Ego autem veni ut indicárem tibi, quia vir desideriórum es : Tu ergo animadvérte sermónem, et intéllige visióem. Septuaginta hebdómades abbreviátæ sunt super pópulum tuum, et super urbem sanctam tuam, ut consummémur prævaricátio, et finem accípiat peccátum, et deleátur iníquitas, et adducátur justítia sempitérna, et impleátur visio, et prophetia, et ungátur Sanctus sanctórum. Scito ergo, et animadvérte : Ab éxitu sermónis, ut iterum ædificétur Jerúsalem, usque ad Christum ducem, hebdómades septem, et hebdómades sexaginta duæ erunt : Et rursum ædificábitur platéa, et muri in angústia témporum. Et post hebdómades sexaginta duas occidétur Christus : et non erit ejus pópulus, qui eum negáturus est. Et civitátem, et sanctuárium dissipábit pópulus cum duce ventúro : et finis ejus vastitas, et post finem belli statúta desolátio.

℟. Ps. 102 Benedicite Dóminum omnes Angeli ejus : poténtes virtúte, qui fácitis verbum ejus. **℟.** Benedic ánima mea Dóminum : et ómnia interióra mea nomen sanctum ejus.

Tractus Luc. 1 Ave María grátia plena : Dóminus tecum.

✠. Benedicta tu in mulieribus, et benedictus fructus ventris tui. ✠. Ecce concipies, et paries filium, et vocabis nomen ejus Emmánuel. ✠. Spíritus Sanctus supervéniet in te, et virtus Altíssimi obumbrábit tibi. ✠. Ideoque et quod nascetur ex te Sanctum, vocabitur Fílius Dei.

Temp. Pasch. Allelúia, allelúia. ✠. **Heb. 1** Qui facit Angelos suos spíritus, et ministros suos flammam ignis.

Allelúia. ✠. **Matth. 28** Angelus Dómini descendit de cælo : et accédens revolvit lápidem, et sedébat super eum. Allelúia.

Temp. Ascens. secundum Allelúia. ✠. **Eph. 4** Ascéndens Christus in altum captivam duxit captivitatem : dedit dona hominibus. Allelúia.

✠ **Sequéntia sancti Evangélíi secundum Lucam. c. 1**

IN illo témpore : Missus est Angelus Gábriel a Deo in civitatem Galilææ, cui nomen Náza-reth, ad virginem desponsatam viro, cui nomen erat Joseph, de domo David, et nomen virginis María. Et ingressus Angelus ad eam, dixit : Ave grátia plena : Dóminus tecum : Benedícta tu in mulieribus. Quæ cum audisset, turbata est in sermone ejus, et cogitabat qualis esset ista salutatio. Et ait Angelus ei : Ne timeas María, invenisti enim grátiam apud Deum : Ecce concipies in útero, et paries filium, et vocabis nomen ejus Jesum. Hic erit ma-

gnus, et filius Altíssimi vocabitur, et dabit illi Dóminus Deus sedem David patris ejus : Et regnabit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognosco? Et respondens Angelus, dixit ei : Spíritus Sanctus supervéniet in te, et virtus Altíssimi obumbrábit tibi. Ideoque et quod nascetur ex te Sanctum, vocabitur Fílius Dei. Et ecce Elísabeth cognata tua, et ipsa concepit filium in senectute sua : Et hic mensis sextus est illi, quæ vocatur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secundum verbum tuum.

Credo.

Offertorium Apoc. 8 Stetit Angelus juxta aram templi, habens thuribulum áureum in manu sua : et data sunt ei incensa multa : et ascéndit fumus arómatum in conspectu Dei. **T. P. Allelúia.**

Secreta

ACCEPTUM fiat in conspectu tuo, Dómine, nostræ servitutis munus, et beáti Archángeli Gabriélis oratio : ut a nobis venerátus in terris, sit apud te advocátus in cælis. Per Dóminum.

Communio Dan. 3 Benedícite omnes Angeli Dómini Dóminum : hymnum dicite, et superexaltáte eum in sæcula. **T. P. Allelúia.**

Postcommunio

CORPORIS tui et Sanguinis sumptis mystériis, tuam Dómine Deus noster deprecámur cleméntiam : ut sicut

Gabrielé nuntiánte, incarnationem tuam cognóvimus; ita ipso adjuvánte, incarnationis ejúsdem beneficia consequámur : Qui vivis.

Die 25 Martii

IN FESTO

ANNUNTIATIONIS B. MARIÆ V.

Totum Duplex I classis

Officium

Isa. 45

RORATE cæli désuper, et nubes pluant justum : aperiátur terra, et gérminet salvatórem. **T. P.** Allelúia, allelúia. **℟.** Et justítia oriátur simul : ego Dóminus creávi eum. **Glória Patri.** Glória in excélsis.

Oratio

DEUS, qui de beátæ Mariæ Vírginis útero, Verbum tuum, Angelo nuntiánte, carnem suscipere voluisti; præsta supplicibus tuis : ut qui vere eam Genitricem Dei crédimus; ejus apud te intercessiónibus adjuvémur : Per eúmdem Dóminum.

Léctio Isaíæ Prophétæ. c. 7

IN diébus illis : Locútus est Dóminus ad Achaz, dicens : Pete tibi signum a Dómino Deo tuo in profúndum inférni, sive in excélsu supra. Et dixit Achaz : Non petam, et non tentábo Dómi-

num. Et dixit : Audíte ergo domus David : Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concípíet, et páriet filium, et vocábitur nomen ejus Emmánuel. Butýrum et mel cómedet, ut sciat reprobare malum, et eligere bonum.

℟. Ps. 23 Tóllite portas principes vestras, et elevámini portæ æternáles : et introíbit rex glóriæ. **℟.** Quis ascéndet in montem Dómini? aut quis stabit in loco sancto ejus? Innocens mánibus et mundo corde.

Tractus Luc. 1 Ave María grátia plena : Dóminus tecum. **℟.** Benedicta tu in muliéribus, et benedictus fructus ventris tui. **℟.** Spíritus Sanctus supervéniet in te, et virtus Altissimi obumbrábit tibi. **℟.** Ideoque quod nascétur ex te Sanctum, vocábitur Filius Dei.

Temp. Pasch. Allelúia, allelúia. **℟. Num. 17** Virga Jesse flóruit, Virgo Deum, et hóminem génuít : pacem Deus réddidit, in se reconcilians ima summis.

Allelúia. ℟. Matth. 28 Surrexit Dóminus, et occurrens muliéribus, ait : Avéte. Tunc accessérunt, et tenuérunt pedes ejus. Allelúia.

✠ **Sequéntia sancti Evangélii** secúndum Lucam. **c. 1**

IN illo témpore : Missus est Angelus Gábriel a Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David, et nomen virginis Maria. Et ingressus Angelus ad eam, dixit : Ave grátia plena : Dóminus tecum : Benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne timeas María, invenísti enim grátiam apud Deum : Ecce concipies in útero, et páries filium, et vocábis nomen ejus Jesum. Hic erit magnus, et filius Altissimi vocábitur, et dabit illi Dóminus Deus sedem David patris ejus : Et regnábit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam vírum non cognósco? Et respóndens Angelus, dixit ei : Spíritus Sanctus supervéniet in te, et virtus Altissimi obumbrábit tibi. Ideóque et quod nascétur ex te

Sanctum, vocábitur Fílius Dei. Et ecce Elisabeth cognáta tua, et ipsa concépit filium in senectúte sua : Et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secúndum verbum tuum. **Credo.**

Offertorium Luc. 1 Ave María grátia plena : Dóminus tecum : benedicta tu in muliéribus, et benedictus fructus ventris tui. **T. P.** Allelúia.

Secreta

IN méntibus nostris, quæsumus Dómine, veræ fidei sacraménta confirma : ut qui concéptum de Vírgine, Deum verum et hóminem confitémur; per ejus salutiferæ resurrectionis poténtiam, ad ætérnam mereámur pervenire lætítiam. Per eúmdem Dóminum.

Præfatio de B. Maria Virg. Et te in Annuntiatióne.

Communio Isa. 7 Ecce virgo concipiet, et páriet filium, et vocábitur nomen ejus Emmánuel. **T. P.** Allelúia.

Postcommunio

GRATIAM tuam, quæsumus Dómine, méntibus nostris infúnde : ut qui, Angelo nuntiánte, Christi Fílii tui Incarnationem cognóvimus; per passióne ejus et crucem ad resurrectionis glóriam perducamur : Per eúmdem Dóminum.

Die 27 Martii

S. JOANNIS DAMASCENI

Conf. et Eccl. Doct. (d.)

Officium

Ps. 72

TENUISTI manum dexteram meam : et in voluntate tua deduxisti me, et cum gloria suscepisti me.

℣. Quam bonus Israël Deus his, qui recto sunt corde! Gloria Patri. Gloria in excelsis.

Oratio

OMNIPOTENS sempitérne Deus, qui ad cultum sacrarum imaginum asserendum, beátum Joánnem cælesti doctrina, et admirabili spirítu fortitudine imbuisti : concède nobis ejus intercessione et exémplo; ut quorum cólimus imágenes, virtutes imitémur et patrocínia sentiámus : Per Dóminum.

Lectio Libri Sapientiae. c. 10

JUSTUM deduxit Dóminus per vias rectas, et osténdit illi regnum Dei, et dedit illi sciéntiam sanctorum : Honestávit illum in labóribus, et complévit labóres illius. In fraude circumveniéntium illum affuit illi, et honéstum fecit illum. Custodívit illum ab inimicis, et a seductóribus tutávit illum, et certámen forte dedit illi ut vínceret, et sciret quóniam ómnium poténtior est sapiéntia. Hæc vénditum justum non dereliquit, sed a peccatóribus liberávit eum : Descenditque cum illo in fóveam, et in vínculis non dere-

liquit illum, donec afférret illi sceptrum regni, et poténtiam advérsus eos, qui eum depri-mébant : Et mendáces osténdit, qui maculavérunt illum, et dedit illi claritátem ætérnam. Hæc pópulum justum, et semen sine queréla liberávit a natióibus, quæ illum depri-mébant. Intrávit in ánimam servi Dei, et stetit contra reges horréndos in porténtis et signis. Et réddidit justis mer-cédem labórum suórum.

℣. Ps. 17 Deus, qui præcínxit me virtúte : et pósuit immaculátam viam meam.

℣. Qui docet manus meas ad prælium : et posuisti, ut arcum æreum, bráchia mea.

Allelúia, allelúia. ℣. Dedisti mihi protectionem salutis tuæ : et dextera tua suscepit me. Allelúia.

Infra Septuag. Tractus Ps. 17 Pérsequar inimicos meos, et comprehéndam illos. ℣. Confríngam illos, nec póterunt stare : cadent subtus pedes meos. ℣. Proptérea confitébor in natióibus, Dómine, et nómini tuo psalmum dicam.

✠ **Sequéntia sancti Evangélíi** secúndum Lucam. c. 6

IN illo témpore : Factum est et in álio Sábbato, ut intráret Jesus in synagógam, et docéret. Et erat ibi homo, et manus ejus dextera erat árida. Observábant autem Scribæ et Phariséi, si in sábbato curáret : ut invenirent unde accusárent eum. Ipse vero sciébat

cogitationes eorum. Et ait homini, qui habebat manum aridam : Surge, et sta in medium. Et surgens stetit. Ait autem ad illos Jesus : Interrogo vos, si licet sabbatis benefacere, an male : animam salvam facere, an perdere? Et circumspēctis omnibus dixit homini : Extēde manum tuam. Et extēdit : et restituta est manus ejus. Ipsi autem replēti sunt insipientia, et colloquebāntur ad invicem, quidnam facerent Jesu. **Credo.**

Offertorium Job 14 Lignum habet spem : si prēcīsum fuerit rursum virēscit, et rami ejus pullulant.

Secreta

UT, quæ tibi, Dōmine, offerimus dona tuo sint digna conspectu : beāti Joānnis et Sanctorum, quos ejus opera expositos in templis colimus, pia suffragatio conspiret. Per Dōminum.

Communio Ps. 36 Brachia peccatorum conterentur, confirmat autem justos Dōminus.

Postcommunio

SUMPTA nos quæsumus Dōmine, dona cælestibus armis tueantur : et beāti Joānnis patrocinia circumdant Sanctorum unānī suffragio cumulata; quorum imagines evicit in Ecclesia esse venerandas : Per Dōminum.

FESTA APRILIS

Die 1 Aprilis

IMPRESSIONIS

SACRORUM STIGMATUM
in corpore S. Catharinæ Senensis Virg. Ord. Præd. (d.)

Officium Mihi adhærere, et cetera omnia ut in festo ipsius principali die 30 Aprilis, pag. 423. Dicatur Credo.

Die 2 Aprilis

S. FRANCISCI DE PAULA
Confessoris (d.)

Officium

Ps. 91

JUSTUS ut palma florēbit : sicut cedrus Libani multiplicabitur : plantatus in domo Dōmini, in atriis domus Dei nostri. **T. P.** Allelūia, allelūia. **℟.** Bonum est confiteri Dōmino : et psallere nōmini tuo Altissime. **Glória Patri.** Glória in excelsis.

Oratio

DEUS humilium celsitudo, qui beatum Franciscum Confessorem Sanctorum tuorum glória sublimasti : tribue quæsumus; ut ejus meritis et imitatione, promissa humilibus præmia feliciter consequamur : Per Dōminum.

Lectio Epistolæ beāti Pauli
Apóstoli ad Philippenses.

c. 3

FRATRES : Quæ mihi fuerunt lucra, hæc arbitratus sum propter Christum

detriménta. Verúmtamen existimo ómnia detriméntum esse propter eminentem sciéntiam Jesu Christi Dómini mei : propter quem ómnia detriméntum feci, et árbitror ut stérora, ut Christum lucrifáciam, et invéniam in illo non habens meam justítiam, quæ ex lege est, sed illam, quæ ex fide est Christi Jesu : Quæ ex Deo est justitia in fide ad cognoscéndum illum, et virtútem resurrectionis ejus, et societátem passiónum illius : Configurátus morti ejus : si quo modo occúrram ad resurrectionem, quæ est ex mórtuis : Non quod jam accéperim, aut jam perfectus sim : Sequor autem, si quo modo comprehéndam, in quo et comprehénsus sum a Christo Jesu.

℟. Ps. 36 Os justi meditabitur sapiéntiam, et lingua ejus loquétur judícium. **℣.** Lex Dei ejus in corde ipsius : et non supplantabúntur gressus ejus.

Tractus Ps. 111 Beátus vir, qui timet Dóminum : in mandátis ejus cupit nimis. **℣.** Potens in terra erit semen ejus : generátio rectórum benedicétur. **℣.** Glória et divitiæ in domo ejus : et justítia ejus manet in sáculum sáculi.

Temp. Pasch. Allelúia, allelúia. **℣. Ps. 63** Lætábitur justus in Dómino, et sperábit in eo, et laudabúntur omnes recti corde.

Allelúia. ℣. Matth. 28 Angelus Dómini descendit de

cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. ℣. Eph. 4 Ascéndens Christus in altum captívam duxit captivitátem : dedit dona homínibus. Allelúia.

✠ **Sequéntia sancti Evangélii secundum Lucam. c. 12**

In illo témpore : Dixit Jesus discípulis suis : Nolite timére pusillus grex, quia complácuít Patri vestro dare vobis regnum. Véndite quæ possidéti, et date eleemósynam. Fácite vobis sácculos, qui non veteráscunt, thesáurum non deficiéntem in cælis : quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium Ps. 20 In virtúte tua, Dómine, lætábitur justus, et super salutáre tuum exsultábit veheménter : desiderium ánimæ ejus tribuísti ei. **T. P. Allelúia.**

Secreta

HÆC dona devótæ plebis, Dómine, quibus tua cumulámus altária, beáti Francísci méritis, tibi grata, nobisque salutária, te miseránte, reddántur. Per Dóminum.

Communio Matth. 19 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis. **T. P. Allelúia.**

Postcommunio

SUMPTA, Dómine, sacraménta cæléstia : beáto Francísco Confessóre tuo intercedénte precámur; ut et temporális vitæ subsidia nobis cónferant, et æternæ. Per Dóminum.

Die 4 Aprilis

S. ISIDORI

Ep., Conf. et Eccl. Doct. (d.)

Officium In médio, de Communi Doct., pag. 20*

Oratio

C

DEUS, qui pópulo tuo æternæ salutis beátum Isidórum mínistrum tribuísti : præsta quæsumus, ut quem doctórem vitæ habúimus in terris; intercessórem habére mereámur in cælis : Per Dóminum.

Secreta

C

OMNIPOTENS sempitérne Deus, múnera tuæ majestáti obláta, per intercessiónem beáti Isidóri Pontíficis tui atque Doctóris, ad perpétuam nobis fac proveníre salutem. Per Dóminum.

Postcommunio

C

SACRAMENTA salutis nostræ suscipiéntes, concéde, quæsumus omnipotens Deus : ut beáti Isidóri Pontíficis tui atque Doctóris nos ubique orátio ádjuvet; in cujus veneratióne hæc tuæ obtúlimus majestáti : Per Dóminum nostrum.

Die 5 Aprilis

S. VINCENTII FERRERII

Conf. Ord. Præd. (II cl.)

Officium

Eccli. 15

IN médio Ecclésiæ apéruiť os ejus, et implévit eum Dóminus spíritu sapiéntiæ et intelléctus : stolam glóriæ induit eum. **T. P.** Allelúia, allelúia. **℟.** Jucunditátem et exsultatiónem thesaurizávit super eum. Glória Patri. Glória in excélsis.

Oratio

DEUS, qui géntium multitudinem, mira beáti Vincentií Confessóris tui prædicatione, ad agnitiónem tui nóminis veníre tribuísti : præsta quæsumus, ut quem ventúrum júdicem nuntiávit in terris; præmiatórem habére mereámur in cælis : Dóminum nostrum Jesum Christum...

Léctio Libri Apocalýpsis beáti Joánnis Apóstoli. **c. 14**

IN diébus illis : Vidi álterum Angelum volántem per médium cæli, habéntem Evangélium ætérnum, ut evangelizáret sedéntibus super terram, et super omnem gentem, et tribum, et linguam, et pópulum : dicens magna voce : Timéte Dóminum, et date illi honórem, quia venit hora júdicii ejus : Et adoráte eum, qui fecit cælum, et terram, mare, et fontes aquárum.

℟. Ps. 36 Os justi meditábitur sapiéntiam, et lingua

ejus loquétur iudícium. **℟.** Lex Dei ejus in corde ipsíus : et non supplantabúntur gressus ejus.

Tractus Eccli. 50 Quasi stella matutina in médio nébulæ, et quasi luna plena in diébus suis. **℟.** Et quasi sol refúlgens, sic ille refúlsit in templo Dei. **℟.** Quasi arcus refúlgens inter nébulas glóriæ, et quasi flos rosárum in diébus vernis. **℟.** Quasi lília quæ sunt in tránsitu aquæ, et quasi thus rédolens in diébus æstátis. **℟.** Quasi ignis effúlgens, et thus ardens in igne. **℟.** Quasi vas auri sólídum, ornátum omni lápide pretiósó.

Temp. Pasch. Allelúia, allelúia. **℟.** Glorióse Pater Vincénti, clara proles Domínici Ordinis, preces funde summo Júdici pro cunctis tibi devótis pópulis.

Allelúia. ℟. Luc. 24 Oportébat pati Christum, et resúrgeré a mórtuis, et ita intráre in glóriam Dei. Allelúia.

Temp. Ascens. secundum Allelúia. ℟. Ps. 46 Ascéndit Deus in jubiliatióne : et Dóminus in voce tubæ. Allelúia.

✠ **Sequéntia sancti Evangélíi secúndum Matthæum. c. 5**

IN illo témpore : Dixit Jesus discíplis suis : Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abs-

cóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus : ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas : Non veni sólvere, sed adimplére. Amen quippe dico vobis : donec tránseat cælum et terra, iota unum, aut unus apex non præteribit a lege, donec ómnia fiant. Qui ergo sólverit unum de mandátis istis mínimis, et docúerit sic homines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 20 Desidérium ánimæ ejus tribuísti ei Dómine, et voluntáte labiórum ejus non fraudásti eum : posuísti in cápite ejus coronam de lápide pretiósó. **T. P. Allelúia.**

Secreta

MUNERA, Dómine, nostræ devotiónis offérimus : quæ ut tibi grata sint, et nobis salutária reddántur, beátus Vincéntius Conféssor tuus, qui donis tuis hic éxstitit gloriósus, apud cleméntiam tuam pius pro nobis intercéssor exsístat. Per Dóminum.

Communio Apoc. 2 Vincénti dabo édere de ligno vitæ, quod est in Paradiso Dei mei. **T. P. Allelúia.**

Postcommunio

DIVINIS Dómine munéribus satiáti; quæsumus, ut beáti Vincéntii Confessóris tui méritis gloriósis, salutáris víctimæ desiderátum sentiámus effectum : Per Dóminum.

Quando de eo per annum celebratur ex voto vel devotione, omnia, pro varietate tamen temporum, fiant sicut in festo, excepto Credo. Per Annum Alleluia. *℟.* Glorióse Pater.

Die 9 Aprilis

B. ANTONII PAVONII
Mart. Ord. Præd. (sd.)

Extra tempus Paschale, Officium Lætábitur, ut in Communi Mart. non Pont., pag. 9*

Tempore Paschali, Officium Pro-textísti, ut in Communi Mart. non Pont., pag. 11*

Oratio

DEUS, qui ad unitátem fidei promovéndam, beáto António Mártýri tuo invíctam ánimi fortitúdinem contulísti : da nobis, quæsumus, ita ejus vestigia sectári; ut finem fidei nostræ, salútem animárum reportémus : Per Dóminum.

Secreta

SACRIFICIUM, Dómine, quod tibi in honórem beáti Antónii Mártýris offérimus, benignus admítte : ut Ecclesiám tuam ab omni éruas hæreticórum nequítia, et in tuæ protectiónis securitáte constitúas. Per Dóminum.

Postcommunio

DOMINE Jesu, qui beáto Antónium cælésti hac mensa ad martýrii certámen

roborásti : ejus intercessióne da nobis in ejúsdem cibi fortitúde omnes salutis hostes superáre; et ad ætérna gáudia feliciter pervenire : Qui vivis.

Die 10 Aprilis

B. ANTONII NEYROT
Mart. Ord. Præd. (sd.)

Extra tempus Paschale, Officium Lætábitur, ut in Communi Mart. non Pont., pag. 9* cum Evangelio Ego sum vitis vera, pag. 8*

Tempore Paschali, Officium Pro-textísti, ut in Communi Martyris non Pontificis, pag. 11*

Oratio

DEUS, qui beáto Antónium, ad lucem veritátis tuæ misericórditer revocatúm, exímium Mártýrem effecísti : præsta, ut ejus intercessióne simus semper in fide stábiles; et in ópere efficáces : Per Dóminum.

Die 11 Aprilis

S. LEONIS MAGNI
Papæ, Conf. et Eccl. Doct. (d.)

Officium In médio, ut in Comm. Doct., pag. 20* cum Evang. seq.

✠ Sequéntia sancti Evangélii secúndum Matthæum. **c. 16**

IN illo témpore : Venit Jesus in partes Cæsaréæ Philippi : et interrogábat discipulos suos, dicens : Quem dicunt hómines esse Fílium hóminis? At illi dixerunt : Alii Joánnem Baptístam, álii autem Elíam, álii vero Jeremíam, aut unum ex prophétis. Dicit illis Jesus :

Vos autem quem me esse dicitis? Respóndens Simon Petrus, dixit : Tu es Christus, filius Dei vivi. Respóndens autem Jesus, dixit ei : Beátus es Simon Bar Jona : quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis : Et quodcúmque sólveris super terram, erit solútum et in cælis. **Credo.**

Die 13 Aprilis

B. MARGARITÆ
DE CASTELLO

Virg. Ord. Præd. (sd.)

Officium Gaudeámus, ut in Comuni Virg. non Mart., pag. 30*

Oratio

DEUS, qui beátam Margarítam Virginem luminibus orbam nasci voluísti; ut intus illumináto cordis óculo, te solum assidue contempláretur : esto lumen oculórum nostrórum, quo mundi hujus ténebris carére valeámus; et perveniámus ad pátriam claritátis æternæ : Per Dóminum.

Secreta C

ACCEPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatione percepisse cognóscit auxílium. Per Dóminum.

Postcommunio C

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Die 14 Aprilis

B. PETRI GONZALEZ

Conf. Ord. Præd. (sd.)

Officium Isa. 59 et 60

DICIT Dóminus : Sermónes mei, quos dedi in os tuum, non deficient de ore tuo : et múnera tua accepta erunt super altáre meum. **T. P. Allelúia, allelúia. V. Ps. 101** Dómine exáudi oratióem meam : et clamor meus ad te véniat. **Glória Patri. Glória in excélsis, nisi infra Septuagesimam.**

Oratio

DEUS, qui in maris periculis constitútis beáti Petri opem singulárem osténdis : ejus nobis intercessióne concede, ut in hujus vitæ procéllis tuæ grátiae lumen semper affúlgeat; quo æternæ salútis portum inveníre valeámus : Per Dóminum.

De SS. Tiburtio, Valeriano et Maximo, Mm. Oratio

PRÆSTA, quæsumus omnipotens Deus : ut qui sanctórum Mártyrum tuórum Tibúrtii, Valeriáni, et Máximi solémnia cólimus; eórum étiam virtútes imitémur : Per Dóminum.

Lectio Epistolæ beati Pauli
Apóstoli ad Thessalonicenses.

1, c. 2

FRATRES : Fidúciam habuimus in Deo nostro, loqui ad vos Evangélium Dei in multa sollicitúdine. Exhortatio enim nostra non de errore, neque de immunditia, neque in dolo, sed sicut probati sumus a Deo ut crederetur nobis Evangélium : ita loquimur non quasi hominibus placentes, sed Deo, qui probat corda nostra. Neque enim aliquándo fuimus in sermone adulationis, sicut scitis : neque in occasione avaritiæ, Deus testis est : nec quærentes ab hominibus glóriam, neque a vobis, neque ab aliis. Cum possemus vobis óneri esse ut Christi Apóstoli : sed facti sumus párvuli in médio vestrum, tamquam si nutrix fóveat filios suos. Ita desiderantes vos, cúpide volebamus tradere vobis non solum Evangélium Dei, sed étiam ánimas nostras : quóniam caríssimi nobis facti estis.

℟. Ps. 20 Dómine prævenisti eum in benedictiónibus dulcédinis : posuisti in cápite ejus corónam de lapide pretioso. ℣. Vitam petiit a te : et tribuisti ei longitudinem diérum in sáculum sáculi.

Tractus Ps. 111 Beátus vir, qui timet Dóminum : in mandátis ejus cupit nimis. ℣. Potens in terra erit semen ejus : generatio rectórum benedicetur. ℣. Glória, et divítiæ in

domo ejus : et justitia ejus manet in sáculum sáculi.

Temp. Pasch. Allelúia, allelúia. ℣. Eccli. 45 Amávit eum Dóminus, et ornávit eum : stolam glóriæ induit eum.

Allelúia. ℣. Matth. 28 Angelus Dómini descendit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. ℣. Ephes. 4 Ascéndens Christus in altum captivam duxit captivitátem : dedit dona hominibus. Allelúia.

✠ Sequéntia sancti Evangélii secundum Matthæum. c. 10

IN illo témpore : Dixit Jesus discipulis suis : Eúntes prædicáte, dicéntes : Quia appropinquávit regnum cælórum. Infirmos curáte, mórtuos suscitáte, leprósos mundáte, dæmones ejícite : Gratis accepistis, gratis date. Nolite possidére aurum, neque argéntum, neque pecúniám in zonis vestris : non peram in via, neque duas túnicas, neque calceaménta, neque virgam : Dignus enim est operárius cibo suo.

Offertorium Ps. 106 De necessitatibus eórum edúxit eos : et státuit procéllam ejus in auram, et siluérunť fluctus ejus : et lætáti sunt quia siluérunť : et dedúxit eos in portum voluntátis eórum. T. P. Allelúia.

Secreta

PROPITIARE nobis Deus noster : ut quos salutáribus réficis sacraméntis, interces-

sióne beáti Petri Confessóris tui, jungas agminibus Beatórum. Per Dóminum.

De SS. Tiburtio, etc., Mm.

Secreta

HÆC hóstia, quæsumus Dómine, quam sanctórum Mártýrum tuórum natalítia recenséntes offérimus, et víncula nostræ pravitátis absólvat, et tuæ nobis misericórdiæ dona concíliet. Per Dóminum.

Communio Ps. 88 Tu domináris potestáti maris : motum autem flúctuum ejus tu míti-gas. **T. P. Allelúia.**

Postcommunio

CORDA nostra, quæsumus Dómine, lúmine tuæ claritátis illústra : ut verbo salútis erudíti, interveniénte beáto Petro Confessóre tuo, nóxia cuncta vitémus; et quæ recta sunt, ágere valeámus : Per Dóminum.

De SS. Tiburtio, etc., Mm.

Postcommunio

SACRO múnere satiáti, súplices te Dómine deprecámur : ut quod débitæ servitútis celebrámus officio; salvatiónis tuæ sentiámus augméntum : Per Dóminum.

Die 17 Aprilis

B. CLARÆ GAMBACURTÆ

Vid. Ord. Prædic. (sd.)

Officium Gaudeámus, ut in Comuni nec Virg. nec Mart., pag. 36*

Oratio

TRIBUE nobis, miséricors Deus, spíritum oratiónis et pœniténtiæ : ut beátæ Claræ vestigiis inhæréntes; mereámur, quam ipsa in cælis accépit, corónam obtinére : Per Dóminum.

Secreta

DEUS, qui per unigénitum Filium tuum in ara crucis mundum redímere voluísti : concéde, ut dum ipsum immolámus, per mérita beátæ Claræ æternæ salvatiónis nostræ fidúcia roborémur. Per eúmdem Dóminum.

Postcommunio

DEUS, qui dignátus es hujus spirituális convívii partícipes nos fieri : per intercessiónem beátæ Claræ da nobis ita vivere; ut ad ætérnum perveníre valeámus : Per Dóminum.

Die 20 Aprilis

S. AGNETIS

DE MONTE POLITIANO

Virg. Ord. Præd. (II cl.)

Officium

GAUDEAMUS omnes in Dómino, diem festum celebrántes sub honóre beátæ Agnétis Vírginis, de cujus solemnitáte gaudent Angeli, et colláudant Filium Dei. Allelúia, allelúia. **Ps. 44** Eructávit cor meum verbum bonum : dico ego ópera mea Regi. **Glória Patri. Glória in excélsis.**

Oratio

DEUS, qui beátam Agnétem Virginem tuam cælésti rore sæpe perfúndere; et orationis ejus loca diversis enátis flóribus decoráre dignátus es : concéde propítius, ut ejus precibus, perpétuo tuæ benedictionis rore conspersi; æternitátis fructus percípere mereámur : Per Dóminum.

Lectio Epístolæ beáti Pauli
Apóstoli ad Corinthios.

2, c. 10 et 11

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat. Utinam sustinerétis módicum quid insipientiæ meæ, sed et supportáte me : Æmulor enim vos Dei æmulatione. Despóndi enim vos uni viro virginem castam exhibére Christo.

Allelúia, allelúia. *℣.* O beáta Agnes, Agno sponso juncta : ipsum secúta es, et accepisti palmam.

Allelúia. *℣.* Matth. 28 Surrexit Dóminus, et occúrrens muliéribus, ait : Avéte. Tunc accessérunt, et tenuérunt pedes ejus. Allelúia.

Temp. Ascens. secundum Allelúia. *℣.* Ephes. 4 Ascéndens Christus in altum captívam duxit captivitátem : dedit dona homínibus. Allelúia.

✠ Sequéntia sancti Evangélii
secúndum Matthæum. c. 13

IN illo témpore : Dixit Jesus turbis parábolam hanc : Símile est regnum cælórum

grano sinápis, quod accípiens homo seminávit in agro suo : Quod mínimum quidem est ómnibus semínibus : cum autem créverit, majus est ómnibus oléribus, et fit arbor, ita ut vólucres cæli véniant, et hábitent in ramis ejus. Aliam parábolam locútus est eis. Símile est regnum cælórum fermento, quod accéptum mulier abscondit in farinæ satis tribus, donec fermentátum est totum. Hæc ómnia locútus est Jesus in parábolis ad turbas : et sine parábolis non loquebátur eis : ut imple-rétur quod dictum erat per Prophétam dicéntem : Apé-riam in parábolis os meum, eructábo abscondita a constitutione mundi. **Credo.**

Offertorium Ps. 44 Diffúsa est grátia in lábiis tuis : proptérea benedíxit te Deus in ætérnum, et in sáculum sæculi. Allelúia.

Secreta

OBLATIS Dómine placáre munéribus, et sicut beátam Agnétem Virginem vexillo sanctæ crucis insigníre dignátus es, ita ejus méritis, holocáusti tui in ara crucis oblátí participes nos esse concéde. Qui vivis.

Communio Ps. 44 Diffúsa est grátia in lábiis tuis : proptérea benedíxit te Deus in ætérnum. Allelúia.

Postcommunio

SACRATISSIMI Córporis et Sánguini tui, Dómine, sanctificáti libámine : præsta, ut hujus vitæ cursu lætánter

expléto; intercedénte beáta Agnéte Vírgine tibi acceptíssima, ætérnis gáudiis pérfrui mereámur : Qui vivis.

Quando celebratur de S. Agnete ex voto, vel devotione per annum :

Officium Ps. 44 Dilexisti iustitiam, et odisti iniquitatem : propterea unxit te Deus, Deus tuus, óleo lætitiæ præ consórtibus tuis. **T. P.** Allelúia, allelúia. **℣.** Eructávit cor meum verbum bonum : dico ego ópera mea Regi. **Glória Patri.**

Temp. Pasch. cetera ut in die excepto Credo.

Extra Temp. Pasch. omissis Credo et Allelúia post Officium, Offertorium, et Communionem, dicantur sequentia :

℟. Ps. 45 Adjuvabit eam Deus vultu suo : Deus, in médio ejus, non commovébitur. **℣.** Flúminis ímpetus lætíficat civitátem Dei : sanctificávit tabernáculum suum Altíssimus.

Allelúia, allelúia. **℣.** O beáta Agnes, Agno sponso juncta : ipsum secúta es, et accepisti palmam. Allelúia.

Infra Septuag. Tractus Ps. 125 Qui sémant in lácrymis, in gáudio metent. **℣.** Eúntes íbant et flebant, mitténtes sémina sua. **℣.** Veniéntes autem vénient cum exultatióne, portántes manípulos suos.

Die 21 Aprilis

S. ANSELMI

Ep., Conf. et Eccl. Doct. (d.)

Officium In médio, ut in Comm. Doct., pag. 20*

Oratio **C**

DEUS, qui pópulo tuæ ætérnæ salútis beátum Anselmum místrum tribuísti : præsta quæsumus, ut quem doctórem vitæ habúimus in terris; intercessórem habére mereámur in cælis : Per Dóminum.

Secreta **C**

OMNIPOTENS sempitérne Deus, múnera tuæ majestáti obláta, per intercessiõnem beáti Anselmi Pontificis tui atque Doctóris, ad perpétuam nobis fac proveníre salutem. Per Dóminum.

Postcommunio **C**

SACRAMENTA salútis nostræ suscipiéntes, concéde, quæsumus omnipotens Deus : ut beáti Anselmi Pontificis tui atque Doctóris nos ubique orátio ádjuvet; in cujus veneratióne hæc tuæ obtúlimus majestáti : Per Dóminum.

Die 22 Aprilis

B. BARTHOLOMÆI

Martyris Ord. Præd. (sd.)

Officium Protexisti, ut in Comm. Mart. non Pont., pag. 11*

Oratio

DEUS, qui beátum Bartholomæum insignem fidei propugnatórem effecísti; et martyrii coróná sublimásti : da nobis ejus méritis et intercessiõne crucem júgiter ferre; ut cum ipso glóriæ tuæ mereámur esse partícipes : Per Dóminum.

Secreta

OBLATIONEM nostram, clementissime Jesu, beāti Bartholomæi intercessio sancta commendet : qui fide et caritate suffultus, animam suam propter te et Evangelium non timuit perdere, ut vitam æternam inveniret. Qui vivis.

Postcommunio

PURIFICET nos, quæsumus Dómine, divini sacraménti munus oblátum : et intercedente beato Bartholomæo Mártire : in tuæ veritátis luce confirmet : Per Dóminum.

Die 23 Aprilis

S. GEORGII *Martyris (sp.)*

Officium Protexisti, ut in Comm. Mart. non Pont. temp. Pasch., pag. 11*

Oratio

DEUS, qui nos beāti Geórgii Mártiris tui méritis et intercessióne lætificas : concede propitius, ut qui tua per eum beneficia póscimus; dono tuæ grátiae consequámur : Per Dóminum.

Secreta

MUNERA Dómine oblata sanctifica : et intercedente beato Geórgio Mártire tuo, nos per hæc a peccatórum nostrórum máculis emúnda. Per Dóminum.

Postcommunio

SUPPLICES te rogámus, omnipotens Deus : ut quos tuis réficis sacraméntis; inter-

cedente beato Geórgio Mártire tuo, tibi étiam plácitis móribus dignánte tribuas deservire : Per Dóminum.

Die 24 Aprilis

SS. CORONÆ DOMINI

Totum Duplex

Officium

GAUDEAMUS omnes in Dómino, diem festum celebrantes sub honóre Coronæ Dómini : de cujus sollemnitate gaudent Angeli, et coláudant Fílium Dei, allelúia, allelúia, allelúia. *W. Ps. 46* Omnes gentes pláudite manibus : jubilate Deo in voce exsultationis. *Glória Patri. Glória in excelsis.*

Oratio

PRÆSTA, quæsumus omnipotens Deus : ut qui in memóriam passiónis Dómini nostri Jesu Christi, Coronam ejus spineam venerámur in terris; ab ipso glória et honóre coronári mereámur in cælis : Qui tecum vivit et regnat.

Lectio Libri Sapiéntiæ.

Cant. 3 et 4

LECTULUM Salomónis sexaginta fortes ámbiunt ex fortíssimis Israël : omnes tenentes gládios, et ad bella doctíssimi : Uniuscujusque ensis super femur suum propter timóres noctúrnos. Férculum fecit sibi rex Sálomon de lignis Líbani : Colúmnas ejus fecit argénteas, reclinatórium áureum, ascénsu purpúreum :

média caritáte constrávit propter filias Jerúsalem : Egredimini et vidéte filiæ Sion regem Salomónem in diadémate, quo coronávit illum mater sua in die desponsatiónis illius, et in die lætitiæ cordis ejus. Quam pulchra es amica mea, quam pulchra es! Oculi tui columbárum, absque eo, quod intrinsecus latet. Veni de Libano sponsa mea, veni de Libano, veni, coronáberis.

Allelúia, allelúia. *℣.* Diadéma spíneum venerémur hódie, cuius per acúleum, sertum datur glóriæ.

Allelúia. *℣.* Surréxit Christus, et illúxit pópulo suo, quem redémit ipse sáanguine suo. **Allelúia.**

Temp. Ascens. secundum Allelúia. *℣. Eph. 4* Ascéndens Christus in altum captívam duxit captivitátem : dedit dona homínibus. **Allelúia.**

✠ **Sequéntia sancti Evangélíi secundum Joánnem.** *c. 19*

IN illo témpore: Apprehéndit Pilátus Jesum, et flagellávit. Et milites plecténtes corónam de spinis, imposuérunt cápiti ejus : et veste purpúrea circumdedérunt eum. Et veniébant ad eum, et dicébant : Ave rex Judæórum : Et dabant ei álapas. Exívit ergo íterum Pilátus foras, et dicit eis : Ecce addúco vobis eum foras, ut cognoscátis quia nullam invénio in eo causam. Exívit ergo Jesus portans corónam spíneam, et purpúreum vestiméntum. **Credo.**

Offertorium Ps. 8 Glória et honóre coronásti eum : et constituísti eum super ópera mánuum tuárum, Dómine, allelúia.

Secreta

TUORUM militum Rex omnipotens virtútem corróborá : ut quos in hujus mortalitátis stádio, unigéniti Filii tui Coróna lætificat; consummáto cursu certáminis, immortalitátis bravium apprehéndant. Per eúmdem Dóminum.

Communio Ps. 20 Posuisti Dómine in cápite ejus corónam de lápide pretiósio, allelúia.

Postcommunio

SUPPLICES te rogámus, omnipotens Deus : ut hæc sacraménta, quæ sumpsimus, per sacrosáncatæ Filii tui Corónæ, cujus solémnia recensémus, virtútem; nobis proficiant ad medélam : Per eúmdem Dóminum.

Quando celebratur de Corona ex voto, vel devotione :

Officium Cant. 3 Egredimini et vidéte filiæ Sion, regem Salomónem in diadémate, quo coronávit eum mater sua, parans crucem Salvatóri suo. **T. P. Allelúia, allelúia.** *℣. Ps. 8* Glória et honóre coronásti eum, Dómine : et constituísti eum super ópera mánuum tuárum. **Glória Patri.**

In Postcommunione loco solémnia, dicitur commemoratióem.

Temp. Pasch. cetera ut in festo, excepto Credo.

Extra Temp. Pasch. omissis Credo et Allelúia post Officiu, Offerto-

rium et Communionem, dicantur sequentia :

℟. Ps. 20 Posuisti Dómine super caput ejus corónam de lápide pretiósó. ℣. Desidérium ánimæ ejus tribuisti ei : et voluntáte labiórú ejus non fraudásti eum.

Allelúia, allelúia. ℣. Diadéma spíneum venerémur hódie, cujus per acúleum, sertum datur glóriæ. Allelúia.

Infra Septuag. Tractus Ps. 20 Desidérium ánimæ ejus tribuisti ei : et voluntáte labiórú ejus non fraudásti eum. ℣. Quóniam prævenisti eum in benedictiónibus dulcédinis. ℣. Posuisti super caput ejus corónam de lápide pretiósó.

Die 25 Aprilis

S. MARCI Evangelistæ (II cl.)

Statio ad S. Petrum

Hodie omnia fiant ut in diebus Rogationum et dicatur Missa de Rogationibus, pag. 231, et si contingat transferri festum S. Marci, non tamen transfertur Processio et Missa; nisi quando prædictum Festum occurrat in die Paschæ : tunc enim in Feriam III transfertur Processio et Missa Rogationum. Et dicatur Memoria et ultimum Evangelium Rogationum in omnibus Missis, præterquam in Missa conventuali vel cantata, si altera dicatur Missa de Rogationibus.

Officium

Ps. 63

PROTEXISTI me, Deus, a convéntu malignántium, allelúia : a multitudíne operántium iniquitátem, allelúia, allelúia. ℣. Exáudi Deus oratióem meam cum dépre-

cor : a timóre inimici éripe ánimam meam. Glória Patri. Glória in excelsis.

Oratio

DEUS, qui beátum Marcum Evangelístam tuum, Evangélicæ prædicationis grátia sublimásti : tribue, quæsumus, ejus nos semper et eruditíone proficere; et oratióne deféndi : Per Dóminum.

Léctio Ezechiélis Prophétæ.

c. 1

SIMILITUDO vultus quátuor animálium : fácies hóminis, et fácies leónis a dextris ipsórum quátuor : Fácies autem bovis, a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper : Duæ pennæ singulórum jungebántur, et duæ tegébant córpora eórum : Et unumquódque eórum coram fácie sua ambulábat : Ubi erat ímpetus spíritus, illuc gradiebántur, nec revertébántur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrens in médio animálium, splendor ignis, et de igne fulgur egrédiens. Et animália ibant, et revertébántur in similitúdinem fúlgoris coruscántis.

Allelúia, allelúia. ℣. Isa. 41 Primus ad Sion dicet : Ecce adsum, et Jerúsalem evangelístam dabo.

Allelúia. ℣. Matth. 28 In die resurrectionis meæ, dicit Dó-

minus, præcedam vos in Galilæam. Allelúia.

Temp. Ascens. secundum Allelúia. *℟. Eph. 4* Ascendens Christus in altum captivam duxit captivitatem : dedit dona hominibus. Allelúia.

✠ **Sequéntia sancti Evangelii secundum Lucam.** *c. 10*

IN illo tẽpore : Designavit Dóminus et álios septuaginta duos, et misit illos binos ante faciẽm suam in omnem civitatem, et locum, quo erat ipse venturus. Et dicebat illis : Messis quidem multa, operárii autem pauci. Rogáte ergo dóminum messis, ut mittat operários in messem suam. Ite : ecce ego mitto vos sicut agnos inter lupos. Nolite portare sacculum, neque peram, neque calceamenta, et néminem per viam salutaveritis. In quamcúmque domum intraveritis, primum dicite : Pax huic domui : Et si ibi fuerit filius pacis, requiescet super illum pax vestra : Sin autem, ad vos revertetur. In eadem autem domo manete, edentes, et bibentes quæ apud illos sunt : Dignus est enim operarius mercede sua. Nolite transire de domo in domum. Et in quamcúmque civitatem intraveritis, et suscepint vos, manducate quæ apponuntur vobis : Et curate infirmos, qui in illa sunt, et dicite illis : Appropinquavit in vos regnum Dei. *Credo.*

Offertorium Ps. 89 Replétus sumus mane misericordia

tua : et exultavimus, et delectati sumus, allelúia.

Secreta

BEATI Marci Evangelistæ tui solemnitate tibi munera deferentes, quæsumus Dómine, ut sicut illum prædicatio Evangelica fecit gloriosum, ita nos ejus intercessio, et verbo, et opere tibi reddat acceptos. Per Dóminum.

Præfatio de Apostolis.

Communio Joann. 15 Ego sum vitis vera, et vos palmites : qui manet in me, et ego in eo, hic fert fructum multum, allelúia.

Postcommunio

PASTI cibo spiritalis alimentia, quæsumus Dómine Deus noster : ut quod mysterio frequentamus; intercedente beato Marco Evangelista, plena veritate consequamur : Per Dóminum.

Die 26 Aprilis

BB. DOMINICI
ET GREGORII

Conf. Ord. Præd. (sd.)

*Officium Justus ut palma, ut in Communi Confessoris non Pontificis, pag. 22**

Oratio

DEUS, cujus misericordiae non est numerus : te humiliter deprecamur; ut intercedentibus beatis Dominico et Gregorio Confessoribus tuis, a peccatorum nostrorum pondere subducti, gloriam ab ipsis obtentam assequamur : Per Dóminum.

Secreta

OBLATIONEM, Dómine, quam tibi offérimus, propítius réspice, et méritis beatórum Dominici et Gregórii præsta, ut nosmetípsos tibi hóstiám acceptábilem exhibeámus. Per Dóminum.

Postcommunio

QUÆSUMUS Dómine Deus noster : ut sacra mystéria, quæ sumpsimus; per intercessiónem beatórum Dominici et Gregórii sint nobis secúrum contra ómnia mala futúra præsidium : Per Dóminum.

Die 27 Aprilis

B. HOSANNÆ
DE CATHARO

Virg. Ord. Præd. (*sd.*)

Officium Gaudeámus, ut in Comuni Virg. non Mart. pag. 30*, cum Orationibus sequentibus :

Oratio

INNOVA, Dómine, in córdibus nostris amórem tuæ Crucis; ut intercessióne et exémplo beátæ Hosánnæ Virginitatis, dolórum tuórum partícipes efficiámur et glóriæ. Qui vivis.

Secreta

SUSCIPE, Dómine, hæc dona quæ in beátæ Hosánnæ Virginitatis commemoratióne deférimus, et præsta ut, ea intercedente, castitátis et pœnitentiæ donis tibi júgiter placére valeámus. Per Dóminum.

Postcommunio

DEUS, qui de uno pane et de uno cálice participántes unum in Christo corpus nos esse voluisti : per beátæ Hosánnæ Virginitatis intercessiónem fidéles tuos in veritaté confirma; et a recta fide aberrántes ad Ecclesiæ tuæ révoca unitátem. Per eúmdem.

Die 28 Aprilis

B. LUDOVICI MARIÆ
GRIGNON DE MONTFORT

Conf. Ord. Præd. (*d.*)

Officium Os justi, ut in Comm. Conf. non Pont., pag. 23*, cum Evang. Designávit, pag. 25*

Oratio

DEUS, qui beátum Ludovicum Mariam Confessórem tuum, Crucis mystérii et sanctíssimi Rosárii præcónem exímium effecisti; ac nova per eum familia Ecclesiám fecundásti : ejus méritis et intercessióne concéde, ut per unigéniti Filii tui vitam, mortem, ac resurrectionem; salútis æternæ præmia consequámur : Per eúmdem Dóminum.

De S. Paulo a Cruce Conf.

Oratio

DOMINE Jesu Christe, qui ad mystérium crucis prædicándum, sanctum Paulum singulári caritaté donásti; et per eum novam in Ecclesiá familiám floréscere voluisti : ipsius nobis intercessióne concéde; ut passiónem tuam júgi-

ter recolentes in terris, ejusdem fructum consequi mereamur in cælis.

De S. Vitale Martyre Oratio

PRÆSTA, quæsumus omnipotens Deus : ut intercedente beato Vitale Martyre tuo, et a cunctis adversitatibus liberemur in corpore; et a pravis cogitationibus mundemur in mente : Per Dominum.

Secreta

OBLATIONEM nostram, quæsumus Domine, beatus Ludovicus Maria tibi reddat acceptam : qui se tibi hostiam viventem ac placentem jūgiter immolavit. Per Dominum.

De S. Paulo Secreta

CÆLESTEM nobis, Domine, præbeant mysteria hæc passionis et mortis tuæ fervorem, quo sanctus Paulus, ea offerendo, corpus suum hostiam viventem, sanctam, tibi que placentem exhibuit.

De S. Vitale Secreta

ACCEPTA sit in conspectu tuo, Domine, nostra devotio, et ejus nobis fiat supplicatione salutaris, pro cuius solemnitate defertur. Per Dominum.

Postcommunio

SUMPSIMUS, Domine, divinum sacramentum, passionis tuæ memoriæ perpetuum : tribue, quæsumus, beato Ludovico Maria Confessore tuo interveniente, ut ad nostram salutem hoc munus proficiat; quod ineffabili nobis caritate donasti : Qui vivis.

De S. Paulo Postcommunio

SUMPSIMUS, Domine, divinum sacramentum, immensæ caritatis tuæ memoriæ perpetuum : tribue, quæsumus, ut sancti Pauli meritis et imitatione, aquam de fontibus tuis hauriamus in vitam æternam salientem; et tuam sacratissimam passionem cordibus nostris impressam, moribus et vita teneamus.

De S. Vitale Postcommunio

REFFECTI participatione muneris sacri, quæsumus Domine Deus noster : ut cujus exsequimur cultum; intercedente beato Vitale Martyre tuo, sentiamus effectum : Per Dominum.

Die 29 Aprilis

S. PETRI

Mart. Ord. Præd. (II cl.)

Officium

Ps. 63

PROTEXISTI me, Deus, a conventu malignantium, allelûia : a multitudine operantium iniquitatem. Allelûia, allelûia. ✠. Exaudi Deus orationem meam cum deprecor : a timore inimici eripe animam meam. Glória Patri. Glória in excelsis.

Oratio

PRÆSTA, quæsumus omnipotens Deus : ut beati Petri Martyris tui fidem congrua devotione sectemur; qui pro ejusdem fidei dilatatione, martyrii palmam meruit obtinere : Per Dominum.

Lectio Epistolæ beati Pauli
Apóstoli ad Timótheum.

2. c. 2

CARISSIME : Nemo militans Deo implicat se negotiis sæcularibus : ut ei placeat, cui se probavit. Nam et qui certat in agone, non coronatur nisi legitime certaverit. Laborantem agricolam oportet primum de fructibus percipere. Intellige quæ dico : Dabit enim tibi Dominus in omnibus intellectum. Memor esto Domini Jesum Christum resurrexisse a mortuis ex semine David, secundum Evangelium meum, in quo laboro usque ad vincula, quasi male operans : Sed verbum Dei non est alligatum. Ideo omnia sustineo propter electos, ut et ipsi salutem consequantur, quæ est in Christo Jesu, cum gloria cælesti.

Allelúia, allelúia. *℣.* Felix ex fructu triplici, quem sub Patre mirifico ex virtute multiplici legit sancto Domínico.

Allelúia. *℣.* Surréxit Pastor bonus, qui posuit animam suam pro ovibus suis, et pro suo grege mori dignatus est. Allelúia.

Temp. Ascens. secundum Allelúia. ℣. Eph. 4 Ascendens Christus in altum captivam duxit captivitatem : dedit dona hominibus. Allelúia.

✠ *Sequéntia sancti Evangelii secundum Lucam. c. 9*

IN illo tempore : Dixit Jesus discipulis suis : Si quis vult post me venire, abneget

semetipsum, et tollat crucem suam quotidie, et sequatur me. Qui enim voluerit animam suam salvam facere, perdet illam : Nam qui perdidit animam suam propter me, salvam faciet illam. Quid enim proficit homo, si lucrétur universum mundum, se autem ipsum perdat, et detrimentum sui faciat? Nam qui me erubuerit, et meos sermones : hunc Filius hominis erubescet cum venerit in maiestate sua, et Patris, et sanctorum Angelorum. *Credo.*

Offertorium Ps. 20 Posuisti Domine in capite ejus coronam de lapide pretioso : vitam petiit a te, et tribuisti ei. Allelúia.

Secreta

PRECES, quas tibi Domine offerimus, intercedente beato Petro Mártire tuo, clementer intende; et pugiles fidei sub tua protectione custodi. Per Dominum.

Communio Joann. 15 Ego sum vitis vera, et vos palmities : qui manet in me, et ego in eo, hic fert fructum multum. Allelúia.

Postcommunio

FIDELES tuos, Domine, custodiant sacramenta, quæ sumpsimus; et intercedente beato Petro Mártire tuo, contra omnes adversos tueantur incursus : Per Dominum.

Quando per annum celebratur de sancto Petro Mártire ex voto, vel devotione, si fuerit extra tempus Paschale, dicatur Officium Proxisti me, Deus, ut supra, omissis Allelúia.

Extra Temp. Pasch. ℟. Ps. 20 Posuisti Dómine super caput ejus corónam de lápide pretióso. ℣. Desidérium animæ ejus tribuisti ei : et voluntate labiów ejus non fraudasti eum.

Allelúia, allelúia. ℣. Felix ex fructu triplici, quem sub Patre mirífico ex virtute multiplici legit sancto Dominico. **Allelúia.**

Infra Septuagesimam Officium Ps. 63 Lætábitur justus in Dómino, et sperábit in eo, et laudabúntur omnes recti

corde. ℣. Exáudi Deus orationem meam cum déprecor : a timóre inimíci éripe ánimam meam. **Glória Patri.**

Tractus Ps. 111 Beátus vir, qui timet Dóminum : in mandátis ejus cupit nimis. ℣. Potens in terra erit semen ejus : generatio rectórum benedicétur. ℣. Glória, et divitiæ in domo ejus : et justitia ejus manet in sáeculum sáeculi.

Cetera omnia ut supra, exceptis Credo, et Allelúia in Offertorio et Communione.

Die 30 Aprilis

S. CATHARINÆ SENENSIS

Virginis Ordinis Prædicatorum

Totum Duplex I classis

Officium

Ps. 72

MIHI adhærere Deo bonum est, pónere in Dómino Deo spem meam : defécit caro mea, et cor meum : Deus cordis mei, et pars mea Deus in ætérnum. **T. P.** Allelúia, allelúia. ℣. Quam bonus Israël Deus his, qui recto sunt corde! **Glória Patri. Glória in excélsis.**

Oratio

DEUS, qui beátæ Catharinæ, virginitátis et patientiæ speciáli privilégio decorátæ, malignántium spirítuum certámina vincere, et in

amóre tui nóminis inconcússe permanére tribuisti : concéde quæsumus, ut ejus imitatione calcáta mundi nequítia, et ómnium hóstium superátis insídiis; ad tuam secúre glóriam transeámus : Per Dóminum.

Lectio Epístolæ beáti Pauli Apóstoli ad Gálatas. c. 6

FRATRES : Mihi autem absit gloriári, nisi in cruce Dómini nostri Jesu Christi : per quem mihi mundus crucifixus est, et ego mundo. In Christo enim Jesu neque circumcisio áliquid valet, neque præputium, sed nova creatúra. Et

quicúmque hanc régulam secúti fúerint, pax super illos, et misericórdia, et super Israël Dei. De cétero nemo mihi moléstus sit : Ego enim stígmata Dómini Jesu in córpore meo porto. Grátia Dómini nostri Jesu Christi, cum spíritu vestro, fratres. Amen.

Extra tempus Pasch. ℟. Eccli. 50 Quasi stella matutina in médio nébulæ, et quasi sol refúlgens, sic Catharina effúl-sit in templo Dei. **℣.** In diébus ipsíus emanavérunt pútei aquárum, et quasi mare adimpléti sunt supra modum.

Allelúia, allelúia. ℣. Sidéribus cunctis fulgéntior est Catharina : et decus ætérnum est hæc quoque virgínibus. **Allelúia.**

Temp. Septuag. Tractus Ps. 72 Defécit caro mea, et cor meum : Deus cordis mei, et pars mea Deus in ætérnum. **℣. Cant. 5** Anima mea liquefacta est, ut diléctus meus locútus est. **℣. Ibid. 2** Introduxit me in cellam vináriam, ordinávit in me caritatem. **℣.** Fulcíte me flóribus, stipáte me malis : quia amore lángueo. **℣.** Læva ejus sub cápite meo, et dextera illíus amplexábitur me.

Temp. Pasch. Allelúia, allelúia. ℣. Sidéribus cunctis fulgéntior est Catharina : et decus ætérnum est hæc quoque virgínibus.

Allelúia. ℣. Matth. 28 Surrexit Dóminus, et occúrrens muliéribus ait : Avéte. Tunc accessérunt, et tenuérunt pedes ejus. **Allelúia.**

Temp. Ascens. secundum Allelúia. ℣. Eph. 4 Ascéndens Christus in altum captivam duxit captivitatem : dedit dona homínibus. **Allelúia.**

✠ **Sequéntia sancti Evangélii secundum Matthæum. c. 13**

IN illo témpore : Dixit Jesus turbis parábolam hanc : Símile est regnum cælórum grano sinápis, quod accípiens homo seminávit in agro suo : Quod minimum quidem est ómnibus seminibus : cum autem créverit, majus est ómnibus oléribus, et fit arbor, ita ut vólucres cæli véniant, et hábitent in ramis ejus. Aliam parábolam locútus est eis. Símile est regnum cælórum fermento, quod accéptum mulier abscondit in farinæ satis tribus, donec fermentátum est totum. Hæc ómnia locútus est Jesus in parábolis ad turbas : et sine parábolis non loquebátur eis : ut implerétur quod dictum erat per Prophétam dicéntem : Apériam in parábolis os meum, eructábo abscondita a constitutióne mundi. **Credo.**

Offertorium Rom. 9 Veritatem dico in Christo, non mentior : quóniam tristítia mihi magna est, et continuus dolor cordi meo : optábam enim ego ipsa anáthema esse a Christo pro frátribus meis. **T. P. Allelúia.**

Secreta

MUNERA, quæsumus Dómine, quæ tibi in honórem beátæ Catharinæ Virgínis

offérimus, benígno súscipe vultu : et nos ejus méritis ac intercessióne, ad tuam fácito propítius perveníre lætítiam. Per Dóminum.

Communio Judith 13 Benedicta es tu filia a Dómino Deo excélso præ ómnibus mulieribus super terram : quia hódie nomen tuum ita magnificávit, ut non recédât laus tua de ore hóminum. **T. P.** Allelúia.

Postcommunio

SUMPTIS, Dómine, divínæ grátiae sacraméntis : quæsumus, ut intercedénte beáta Catharina Vírgine tibi acceptíssima, hostiles superémus incúrsus; et ad æternæ redemptionis augménta proficiscéntes, tuis semper óculis placeámus : Per Dóminum.

Pro tertio Ordine per Octavam, et in Octava S. Catharinæ, omnia, excepto Credo, fiant sicut in Festo.

Quando celebratur de S. Catharina ex voto, vel devotione per annum, fiant omnia pro tempore, sicut notatum est supra, excepto Credo.

FESTA MAII

Die 1 Maii

SS. PHILIPPI ET JACOBI
App. (II cl.)

Officium **2 Esdr. 9**

CLAMAUERUNT ad te Dómine, in témpore afflictiónis suæ, et tu de celo exaudisti eos. Allelúia, allelúia. **℣. Ps. 32** Exsultáte

justi in Dómino : rectos decet collaudátio. **Glória Patri. Glória** in excélsis.

Oratio

DEUS, qui nos ánnua Apostolórum tuórum Philippi et Jacóbi solemnitate lætíficas : præsta quæsumus, ut quorum gaudémus méritis; instruámur exémpis : Per Dóminum.

Lectio Libri Sapiéntiæ. c. 5

STABUNT justi in magna constantia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, pœniténtiam agéntes, et præ angústia spíritus geméntes : Hi sunt, quos habúimus aliquándo in derisum, et in similitúdinem impropérii. Nos insensáti vitam illórum æstimabámus insániam, et finem illórum sine honóre : Ecce quómodo computáti sunt inter filios Dei, et inter sanctos sors illórum est.

Allelúia, allelúia. ℣. Sap. 5 Stabunt justi in magna constantia advérsus eos, qui se angustiavérunt.

Allelúia. ℣. Matth. 28 In die resurrectionis meæ, dicit Dóminus, præcedam vos in Galilæam. **Allelúia.**

Temp. Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. **Allelúia.**

✠ **Sequētia sancti Evangēlii**
secūndum Joānnem. **c. 14**

IN illo tēpore : Dixit Jesus discipulis suis : Non turbetur cor vestrum. Crēditis in Deum, et in me crēdite. In domo Patris mei mansiōnes multæ sunt. Si quo minus dixissem vobis : quia vado parare vobis locum. Et si abiero, et pręparavero vobis locum : iterum venio, et accipiam vos ad meipsum, ut ubi sum ego, et vos sitis. Et quo ego vado scitis, et viam scitis. Dicit ei Thomas : Dōmine, nescimus quo vadis : Et quomodo possumus viam scire? Dicit ei Jesus : Ego sum via, et veritas, et vita. Nemo venit ad Patrem, nisi per me. Si cognovissētis me, et Patrem meum utique cognovissētis : Et amodo cognoscētis eum, et vidistis eum. Dicit ei Philippus : Dōmine, ostēde nobis Patrem, et sūfficit nobis. Dicit ei Jesus : Tanto tēpore vobiscum sum : et non cognovistis me? Philippe, qui videt me, videt et Patrem. Quomodo tu dicis, Ostēde nobis Patrem? Non crēditis quia ego in Patre, et Pater in me est? Verba, quæ ego loquor vobis, a me ipso non loquor. Pater autem in me manens, ipse facit opera. Non crēditis quia ego in Patre, et Pater in me est? Alioquin propter opera ipsa crēdite. Amen, amen dico vobis, qui credit in me, opera, quæ ego facio, et ipse faciet, et maiora horum faciet : quia ego ad Patrem vado. Et quod-

cūmq̃ue petieritis Patrem in nōmine meo, hoc faciam.

Credo.

Offertorium Ps. 88 Confitebuntur cæli mirabilia tua Dōmine : et veritatem tuam in ecclēsia sanctorum. Allelūia, allelūia.

Secreta

MUNERA, Dōmine, quæ pro Apostolorum tuorum Philippi et Jacobi solemnitate deferimus, propitius suscipe, et mala omnia, quæ meremur, averte. Per Dōminum.

Præfatio de Apostolis.

Communio Joan. 14 Tanto tēpore vobiscum sum, et non cognovistis me? Philippe, qui videt me, videt et Patrem meum, allelūia : non credis, quia ego in Patre, et Pater in me est? Allelūia, allelūia.

Postcommunio

QUÆSUMUS Dōmine, salutaribus replēti mysteriis : ut quorum solēmnia celebrāmus : eorum orationibus adjuvemur : Per Dōminum.

Die 2 Maii

S. ATHANASII

Episc., Conf. et Eccl. Doct. (d.)

Officium Eccli. 15

IN medio Ecclēsiæ aperuit os ejus, et implēvit eum Dōminus spiritu sapiētiæ et intellēctus : stolam glōriæ induit eum. Allelūia, allelūia. ✠ Jucunditatem, et exultationem thesaurizavit super eum. Glōria Patri. Glōria in excelsis.

Oratio

DEUS, qui pópulo tuo æternæ salutis beátum Athanasium ministrum tribuisti : præsta quæsumus, ut quem doctórem vitæ habúimus in terris; intercessórem habére mereámur in cælis : Per Dóminum.

Léctio Epístolæ beáti Pauli
Apóstoli ad Corinthios.

2, c. 4

FRATRES : Non nosmetipsos prædicámus, sed Jesum Christum Dóminum nostrum : Nos autem servos vestros per Jesum : quóniam Deus, qui dixit de ténebris lucem splendescere, ipse illuxit in córdibus nostris ad illuminationem sciéntiæ claritátis Dei, in fácie Christi Jesu. Habémus autem thesáurum istum in vasis fictilibus : ut sublimitas sit virtútis Dei, et non ex nobis. In ómnibus tribulationem pátimur, sed non angustiamur : Aporiamur, sed non destituimur : Persecutionem pátimur, sed non derelinquimur : Dejícimur, sed non perimus : Semper mortificationem Jesu in corpore nostro circumferéntes, ut et vita Jesu manifestétur in corpóribus nostris. Semper enim nos, qui vivimus, in mortem tradimur propter Jesum : ut et vita Jesu manifestétur in carne nostra mortáli. Ergo mors in nobis operátur, vita autem in vobis. Habéntes autem eúdem spiritum fidei, sicut scriptum est, Crédidi, propter quod locútus sum : et nos

crédimus, propter quod et loquimur : sciéntes quóniam qui suscitávit Jesum, et nos cum Jesu suscitábit, et constituet vobiscum.

Allelúia, allelúia. *℣. Ps. 88*
Pósui adjutórium super potentem : et exaltávi eléctum de plebe mea.

Allelúia. *℣. Matth. 28* Angelus Dómini descendit de cælo : et accédens revólvit lápidem et sedébat super eum. Allelúia.

Temp. Ascens. secundum Allelúia. *℣. Eph. 4* Ascéndens Christus in altum captivam duxit captivitátem : dedit dona homínibus. Allelúia.

✠ Sequéntia sancti Evangélíi
secúndum Matthæum. c. 10

IN illo témpore : Dixit Jesus discipulis suis : Cum persequéntur vos in civitáte ista, fugite in áliam. Amen dico vobis, non consummábitis civitátes Israél, donec véniat Filius hóminis. Non est discipulus super magistrum, nec servus super dóminum suum. Súfficit discipulo, ut sit sicut magister ejus : et servo, sicut dóminus ejus. Si Patremfamilias Beélzebub vocáverunt : quanto magis domésticos ejus? Ne ergo timuéritis eos : Nihil enim est opértum, quod non revelábitur : et occúltum, quod non sciétur. Quod dico vobis in ténebris, dicite in lúmine : et quod in aure auditis, prædicáte super tecta. Et nolite timére eos, qui occidunt corpus, ánimam autem non pos-

sunt occidere : Sed pótius timéte eum, qui potest et ánimam, et corpus pérdere in gehénnam. **Credo.**

Offertorium Ps. 118 Meditábar in mandátis tuis, quæ diléxi valde : et levávi manus meas ad mandáta tua, quæ diléxi. Allelúia.

Secreta

OMNIPOTENS sempitérne Deus, múnera tuæ majestáti obláta, per intercessiónem beáti Athanásii Confessóris tui atque Pontíficis, ad perpétuam nobis fac provenire salútem. Per Dóminum.

Communio Matth. 25 Dómine, quinque talénta tradidisti mihi, ecce ália quinque superlucrátus sum. Euge serve bone, et fidélis, quia in pauca fuisti fidélis, supra multa te constitúam, intra in gáudium dómni tui. Allelúia.

Postcommunio

SACRAMENTA salútis nostræ suscipiéntes, concéde, quæsumus omnipotens Deus : ut beáti Athanásii Confessóris tui atque Pontíficis nos ubique orátio ádjuvet; in cujus veneratióne hæc tuæ obtúlimus majestáti : Per Dóminum.

Die 3 Maii

IN INVENTIONE S. CRUCIS

Totum Duplex II cl.

Officium

Gal. 6

NOS autem gloriári opórtet in Cruce Dómini nostri Jesu Christi : in quo est salus, víta, et resurré-

ctio nostra : per quem salváti, et liberáti sumus. Allelúia, allelúia. **Ps. 66** Deus misereátur nostri, et benedicat nobis : illúminet vultum suum super nos, et misereátur nostri. Glória Patri. Glória in excélsis.

Oratio

DEUS, qui in præclára salu-tíferæ Crucis Inventiône, passiónis tuæ mirácula suscitásti; concéde, ut vitális ligni prétio, æternæ vitæ suffrágia consequámur : Qui vivis.

De sanctis Alexandro, Eventio, et Theodulo Martyribus

Oratio

PRÆSTA, quæsumus omnipotens Deus : ut qui sanctorum tuorum Alexandri, Evéntii, et Theodúli natalítia cólimus; a cunctis malis imminentibus eórum intercessiónibus liberémur : Per Dóminum.

Lectio Epistolæ beáti Pauli Apóstoli ad Philipéenses.

c. 2

FRATRES : Hoc enim sentíte in vobis, quod et in Christo Jesu : Qui cum in forma Dei esset, non rapínam arbitrátus est esse se æquálem Deo : sed semetípsum exinánivit formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen : **Hic genuflectitur :** UT IN NOMINE JESU OMNE

GENU FLECTATUR cælestium, terrèstrium, et infernòrum, et omnis lingua confiteátur quia Dóminus Jesus Christus in glória est Dei Patris.

Allelúia, allelúia. V. Dulce lignum, dulces clavos, dúlcia ferens póndera : quæ sola fuísti digna sustinére Regem cælórum, et Dóminum.

Allelúia. V. Surréxit Dóminus de sepúlcro, qui pro nobis pepéndit in ligno. Allelúia.

Temp. Ascens. secundum Allelúia. V. Eph. 4 Ascéndens Christus in altum captívam duxit captivitátem : dedit dona homínibus. Allelúia.

✠ **Sequéntia sancti Evangélii secundum Joánnem. c. 3**

IN illo témpore : Erat homo ex Pharisæis, Nicodémus nómine, princeps Judæórum. Hic venit ad Jesum nocte, et dixit ei : Rabbi, scimus quia a Deo venísti magister : Nemo enim potest hæc signa fácere, quæ tu facis, nisi fúerit Deus cum eo. Respóndit Jesus, et dixit ei : Amen, amen dico tibi, nisi quis renátus fúerit dénuo, non potest vidére regnum Dei. Dicit ad eum Nicodémus : Quómodo potest homo nasci, cum sit senex? Numquid potest in ventrem matris suæ iteráto introíre, et renásci? Respóndit Jesus : Amen, amen dico tibi, nisi quis renátus fúerit ex aqua, et Spíritu Sancto, non potest introíre in regnum Dei. Quod natum est ex carne, caro est : Et quod natum est ex spíritu,

spíritus est. Non miréris quia dixi tibi, Opórtet vos nasci dénuo. Spíritus ubi vult spirat : et vocem ejus audis, sed nescis unde véniat, aut quo vadat : Sic est omnis, qui natus est ex spíritu. Respóndit Nicodémus, et dixit ei : Quómodo possunt hæc fieri? Respóndit Jesus, et dixit ei : Tu es magister in Israël, et hæc ignóras? Amen, amen dico tibi, quia quod scimus lóquimur, et quod vídimus testámur, et testimónium nostrum non accipitis. Si terréna dixi vobis, et non créditis : quómodo, si dixero vobis cælestia, credétis? Et nemo ascéndit in cælum, nisi qui descéndit de cælo, Filius hóminis, qui est in cælo. Et sicut Móyses exaltávit serpéntem in déserto; ita exaltári opórtet Filium hóminis : ut omnis, qui credit in ipsum, non péreat, sed hábeat vitam ætérnam.

Credo.

Offertorium Prótege Dómine plebem tuam per signum sanctæ Crucis ab ómnibus insidiis inimicórum ómnium : ut tibi gratam exhibeámus servitútem, et acceptábile fiat sacrificium nostrum. Allelúia.

Secreta

SACRIFICIUM, Dómine, quod tibi immolámus, placátus inténde : ut ab omni nos éruat bellórum nequítia; et per vexillum sanctæ Crucis Filii tui, ad conteréndas potestátis advérsæ insidias, nos in tuæ protectionis securitáte constituat. Per eúmdem Dóminum.

De SS. Alexandro, etc.

Secreta

SUPER has hóstias, quæsumus Dómine, benedictio copiósa descéndat : quæ et sanctificatióem nobis cleménter operétur, et de Sanctórum nos solemnitáte lætificet. Per Dóminum.

Præfatio de S. Cruce.

Communio Per lignum servi facti sumus, et per sanctam Crucem liberáti sumus : fructus árboris sedúxit nos, Filius Dei redémit nos. Allelúia.

Postcommunio

INEFFABILEM cleméntiam tuam quæsumus omnípotens Deus : ut ab iis, quos per lignum sanctæ Crucis pio cruóre Filii tui redemísti, dira serpéntis antíqui venéna depéllas; et eis per grátiam Sancti Spiritus póculum salútis infúndas : Per eúmdem... in unitáte ejúsdem.

De SS. Alexandro, etc.

Postcommunio

REFFECTI participatióne múnieris sacri, quæsumus Dómine Deus noster : ut cujus exséquimur cultum; intercedéntibus sanctis Martýribus tuis Alexándro, Evéntio, et Theodúlo, sentiámus efféctum : Per Dóminum.

Die 4 Maii

S. MONICÆ Viduæ (d.)

Officium

GAUDEAMUS omnes in Dómino, diem festum celebrántes sub honóre beátæ Mónica, de cujus sollemnitate gaudent Angeli, et colláudant Filium Dei. Allelúia, allelúia. *℟. Ps. 44* Eructávit cor meum verbum bonum : dico ego ópera mea Regi. Glória Patri. Glória in excélsis.

Oratio

DEUS mœréntium consolátor, et in te sperántium salus; qui beátæ Mónica piás lácrymas in conversiône filii sui Augustini misericórditer suscepísti : da nobis utriúsque intervéntu, peccáta nostra depploráre; et grátia tuæ indulgéntiam inveníre : Per Dóminum.

Lectio Epistolæ beáti Pauli Apóstoli ad Timótheum.

1, c. 5

CARISSIME : Víduas honóra, quæ vere víduæ sunt. Si qua autem vídua filios, aut nepótes habet : discat primum domum suam régere, et mútuam vicem réddere paréntibus : Hoc enim accéptum est coram Deo. Quæ autem vere vídua est, et desoláta, speret in Deum, et instet obsecratióibus, et oratióibus nocte ac die. Nam quæ in deliciis est, vivens mórtua est. Et hoc præcipe, ut irreprehensibiles sint. Si quis autem suórum, et máxime domesticórum curam non habet, fidem negávit, et

est infidéli detérior. Vidua eligátur non minus sexaginta annórum, quæ fúerit únus viri uxor, in opéribus bonis testimónium habens, si filios educávit, si hospítio recépít, si sanctórum pedes lavit, si tribulatiónem patiéntibus subministrávit, si omne opus bonum subsecúta est.

Allelúia, allelúia. V. Veni elécta mea, et ponam in te thronum meum : quia concupívit rex spéciem tuam.

Allelúia. V. Matth. 28 Surrexit Dóminus, et occúrrens muliéribus, ait : Avéte. Tunc accessérunt, et tenuérunt pedes ejus. **Allelúia.**

Temp. Ascens. secundum Allelúia. V. Eph. 4 Ascéndens Christus in altum captivam duxit captivitátem : dedit dona homínibus. **Allelúia.**

✠ **Sequéntia sancti Evangélíi secundum Lucam. c. 7**

IN illo témpore : Ibat Jesus in civitátem, quæ vocátur Naim : et ibant cum eo discipuli ejus, et turba copiósá. Cum autem appropinquáret portæ civitátis, ecce defúctus efferebátur filius únicus matris suæ : Et hæc vídua erat : et turba civitátis multa cum illa. Quam cum vidisset Dóminus, misericórdia motus super eam, dixit illi : Noli flere. Et accéssit, et tétigit lóculum. (Hi autem, qui portábant, stetérunt.) Et ait : Adoléscens, tibi dico, surge. Et resédit qui erat mórtuus, et cœpít loqui. Et dedit illum matri suæ. Accépít autem om-

nes timor : et magnificábant Deum, dicéntes : Quia prophéta magnus surrexit in nobis : et quia Deus visitávit plebem suam.

Offertorium Ps. 44 Fíliæ regum in honóre tuo : ástitit regína a dextris tuis in vestitu deauráto, circúmdata varietáte. **Allelúia.**

Secreta

ACCEPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepisse cognóscit auxilium. **Per Dóminum.**

Communio Ps. 44 Diffúsa est grátia in lábiis tuis : proptérea benedíxit te Deus in ætérnum. **Allelúia.**

Postcommunio

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : **Per Dóminum.**

Die 5 Maii

S. PII QUINTI Papæ et Conf. Ord. Præd. (II cl.)

Officium Eccli. 47

INVOCAVIT Dóminum omnipoténtem, et dedit in dextera ejus tollere hóminem fortem in bello, et exaltáre cornu gentis suæ. **T. P. Allelúia, allelúia. V. Ps. 17** Dili-gam te Dómine fortitúdo mea : Dóminus firmaméntum meum, et refúgium meum, et liberátor meus. **Glória Patri. Glória in excélsis.**

Oratio

DEUS, qui ad conteréndos Ecclésiæ tuæ hostes, et ad divinum cultum reparándum, beátum Pium Pontificem máximum eligere dignátus es : fac nos ipsius deféndi præstídiis, et ita tuis inhærere obséquiiis; ut ómnium hóstium superátis insídiis, perpétua pace lætémur : Per Dóminum.

Lectio Libri Sapiéntiæ.

Eccli. 50

ECCE sacérdos magnus, qui in vita sua suffúlsit domum, et in diébus suis corroborávit templum. Templi étiam altitúdo ab ipso fundáta est, duplex ædificátio et excélsi parietes templi. Qui curávit gentem suam, et liberávit eam a perditíone. Qui præváluit amplificáre civitátem, qui adéptus est glóriam in conversatióne gentis : et ingressum domus, et átriü amplificávit. In ascénsu altáris sancti, glóriam dedit sanctitátis amíctum. In accipiéndo autem partes de manu sacerdotum, et ipse stans juxta aram. Et circa illum coróna fratrum : quasi plantátio cedri in monte Libano.

Allelúia, allelúia. **℣. Exo. 15** Fortitúdo mea, et laus mea Dóminus, et factus est mihi in salútem : iste Deus meus, et glorificábo eum.

Allelúia. **℣. Matth. 28** Angelus Dómini descéndit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. Allelúia.

✠ Sequéntia sancti Evangélii secundum Lucam. **c. 10**

IN illo témpore : Dixit Jesus discipulis suis : Qui vos audit, me audit : et qui vos spernit, me spernit. Qui autem me spernit, spernit eum, qui misit me. Revérsi sunt autem septuaginta duo cum gáudio, dicéntes : Dómine, étiam dæmónia subjiçiúntur nobis in nómine tuo. Et ait illis : Vidébam sátanam sicut fulgur de cælo cadéntem. Ecce dedi vobis potestátem calcándi supra serpéntes, et scorpiónes, et super omnem virtútem inimíci : et nihil vobis nocébit. Verúmtamen in hoc nolite gaudére, quia spíritus vobis subjiçiúntur : Gaudéte autem, quod nómina vestra scripta sunt in cælis. **Credo.**

Offertorium Ps. 14 Dómine quis habitábit in tabernáculo tuo? aut quis requiescet in monte sancto tuo? Qui ingreditur sine mácula, et operátur justítiam. **T. P. Allelúia.**

Secreta

SUSCIPE, quæsumus Dómine, Ecclésiæ tuæ preces et oblatiões : ut intercedénte beáto Pio Confessóre tuo atque Pontifice, in conspéctu tuo in odórem suavitátis ascendant. Per Dóminum.

Communio Ps. 17 Posuísti, ut arcum æreum, bráchia

mea : et præcinxisti me virtute ad bellum, et supplantasti insurgentes in me subtus me. T. P. Allelúia.

Postcommunio

SPIRITUM, Dómine Deus, justitiæ ac fortitudinis benignus infunde fidelibus tuis; quos beáti Pii Confessóris tui atque Pontificis zelo ac constantia, ab ómnium hóstium incursióne tuéri dignátus es : Per Dóminum.

Quando celebratur de S. Pio ex voto, vel devotione per annum, omnia fiant, ut supra, exceptis Credo, et extra tempus Paschale Allelúia, in Officio, Offertorio, et Communione.

Extra Temp. Pasch. ℟. Ps. 109 Jurávit Dóminus, et non pœnitēbit eum : Tu es sacerdos in ætérnum secúndum órđinem Melchisedech. ℣. Dixit Dóminus Dómino meo : Sede a dextris meis.

Allelúia, allelúia. ℣. Exo. 15 Fortitúdo mea, et laus mea Dóminus, et factus est mihi in salutem : iste Deus meus, et glorificábo eum. Allelúia.

Infra Septuag. Tractus Ps. 111 Beátus vir, qui timet Dóminum : in mandátis ejus cupit nimis. ℣. Potens in terra erit semen ejus : generátio rectórum benedicétur. ℣. Glória et divitiæ in domo ejus : et justitia ejus manet in sáculum sáculi.

Die 6 Maii

S. JOANNIS Ap. et Ev.
ante Portam Latinam. (t. d.)

Officium

Eccli. 15

IN médio Ecclésiæ aperuit os ejus, et implévit eum Dóminus spíritu sapiéntiæ et intelléctus : stolam glóriæ induit eum. Allelúia, allelúia. ℣. Jucunditátem, et exsultatiónem thesaurizávit super eum. Glória Patri. Glória in excélsis.

Oratio

DEUS, qui cónspicis quia nos úndique mala nostra pertúrbant; præsta quæsumus, ut beáti Joánnis Apóstoli tui et Evangelistæ intercessio gloriósa nos próteget : Per Dóminum.

Léctio Libri Sapiéntiæ. c. 5

STABUNT justí in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salutis, dicéntes intra se, pœniténtiam ágéntes, et præ angústia spíritus geméntes : Hi sunt, quos habúimus aliquándo in derisum, et in similitúdinem impropérii. Nos insensáti vitam illórum æstimabámus insániam, et finem illórum sine honóre : Ecce quómodo computáti sunt inter filios Dei, et inter sanctos sors illórum est.

Allelúia, allelúia. ℣. Joann. 21
Hic est discipulus ille, qui

testimónium pérhibet de his : et scimus, quia verum est testimónium ejus.

Allelúia. *℣. Matth. 28* In die resurrectionis meæ, dicit Dóminus, præcedam vos in Galilæam. Allelúia.

Temp. Ascens. secundum Allelúia. *℣. Ps. 46* Ascendit Deus in jubilatione : et Dóminus in voce tubæ. Allelúia.

✠ **Sequéntia sancti Evangélii secundum Matthæum. c. 20**

IN illo témpore : Accessit ad Jesum mater filiórum Zebedæi cum filiis suis, adorans et petens áliquid ab eo. Qui dixit ei : Quid vis? Ait illi : Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit : Nescitis quid petátis. Potéstis bibere cálicem, quem ego bibitúrus sum? Dicunt ei : Póssumus. Ait illis : Cálicem quidem meum bibétis : sedére autem ad dexteram meam vel sinistram non est meum dare vobis, sed quibus parátum est a Patre meo. **Credo.**

Offertorium Ps. 89 Replétus sumus mane misericórdia tua : et exultávimus, et delectátus sumus. Allelúia.

Secreta

MUNERIBUS nostris, quæsumus Dómine, precibúque susceptis, et cælestibus nos munda mystériis, et cleménter exáudi. Per Dóminum.

Præfatio de Apostolis.

Communio Joann. 15 Ego sum vitis vera, et vos pálmities : qui manet in me, et ego in eo, hic fert fructum multum. Allelúia.

Postcommunio

REFFECTI, Dómine, pane cælesti; ad vitam, quæsumus, nutriámur ætérnam : Per Dóminum.

Die 7 Maii

S. STANISLAI

Ep. et Mart. (d.)

Officium

Ps. 63

LÆTABITUR justus in Dómino, et sperábit in eo, et laudabúntur omnes recti corde. Allelúia, allelúia. *℣.* Exáudi Deus orationem meam cum deprecor : a timóre inimíci éripe ánimam meam. **Glória Patri. Glória in excélsis.**

Oratio

DEUS, pro cujus honóre gloriósus Póntifex Stanisláus gládiis impiórum occúbuit : præsta quæsumus, ut omnes, qui ejus implórant auxílium; petitiónis suæ salutárem consequántur efféctum : Per Dóminum.

Léctio Libri Sapiéntiæ. c. 5

STABUNT justí in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salutis,

dicéntes intra se, pœniténtiam agéntes, et præ angústia spíritus geméntes : Hí sunt, quos habúimus aliquándò in derís- sum, et in similitúdinem im- propérii. Nos insensáti vitam illórum æstimabámus insá- niam, et finem illórum sine honóre : Ecce quómodo com- putáti sunt inter filios Dei, et inter sanctos sors illórum est.

Allelúia, allelúia. V. Ps. 63 Lætábitur justus in Dómino, et sperábit in eo, et laudabún- tur omnes recti corde.

Allelúia. V. Matth. 28 An- gelus Dómini descéndit de cælo : et accédens revólvit lápidem, et sedébat super eum. Allelúia.

Temp. Ascens. secundum Al- lelúia. V. Eph. 4 Ascéndens Christus in altum captívam duxit captivitátem : dedit dona homínibus. Allelúia.

✠ **Sequéntia sancti Evangélii** secúndum Joánnem. **c. 15**

IN illo témpore : Dixit Jesus discipulis suis : Ego sum vitis vera : et Pater meus agricola est. Omnem páلمي- tem in me non feréntem fru- ctum, tollet eum : et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me : et ego in vobis. Sicut palmes non potest ferre fructum a semet- ipso, nisi mánserit in vite : sic nec vos, nisi in me mansé- ritis. Ego sum vitis, vos pál-

mites : Qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit : mittétur foras sicut palmes, et aréscet, et cólligent eum, et in ignem mittent, et ardet. Si mansé- ritis in me, et verba mea in vobis mánserint : quodcúm- que voluéritis petétis, et fiet vobis.

Offertorium Ps. 8 Glória et honóre coronásti eum : et con- stituísti eum super ópera mánuum tuárum, Dómine. Allelúia.

Secreta

ACCEPTA sit in conspéctu tuo, Dómine, nostra de- vótio, et beáti Stanislái Már- tyris tui atque Pontíficis nobis fiat supplicatióne salutáris, pro cujus solemnitáte defér- tur. Per Dóminum.

Communio Matth. 16 Qui vult veníre post me, ábneget semetípsum, et tollat crucem suam, et sequátur me. Alle- lúia.

Postcommunio

SATIASTI Dómine familiam tuam munéribus sacris : beáti Stanislái Mártyris tui atque Pontíficis, quæsumus, semper interventióne nos ré- fove; cujus solénnia celebrá- mus : Per Dóminum.

Die 8 Maii
IN APPARITIONE
S. MICHAELIS
Archangeli (t. d.)

Officium Ps. 102

BENEDICITE Dóminum omnes Angeli ejus : poténtes virtúte, qui fácitis verbum ejus, ad audiéndam vocem sermónum ejus. Allelúia, allelúia. *℟.* Benedic ánima mea Dómino : et ómnia, quæ intra me sunt, nómini sancto ejus. Glória Patri. Glória in excélsis.

Oratio

DEUS, qui miro órdine Angelórum ministéria, homínúmque dispénsas; concéde propítius : ut a quibus tibi ministrántibus in cælo semper assistitur; ab his in terra vita nostra muniátur : Per Dóminum.

Léctio Libri Apocalýpsis beáti Joánnis Apóstoli. *c. 1*

IN diébus illis : Significávit Deus, quæ opórtet fieri cito, mittens per Angelum suum servo suo Joánni, qui testimoníum perhibuit verbo Dei, et testimoníum Jesu Christi, quæcúmque vidit. Beátus, qui legit, et audit verba prophetiæ hujus : et servat ea, quæ in ea scripta sunt : Tempus enim prope est. Joánnes septem Ecclésiis, quæ sunt in Asia. Grátia vobis, et pax ab eo, qui est, et qui erat, et qui ventúrus est : et a septem spirítibus, qui in conspéctu

thróni ejus sunt : et a Jesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos a peccátis nostris in ságuine suo.

Allelúia, allelúia. *℟.* Ps. 137
In conspéctu Angelórum psallam tibi, Dómine Deus meus.

Allelúia. *℟.* Matth. 28 Angelus Dómini descendit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. *℟.* Eph. 4 Ascéndens Christus in altum captívam duxit captivitátem : dedit dona homínibus. Allelúia.

✠ Sequéntia sancti Evangélii secundum Matthæum. *c. 18*

IN illo témpore : Accessérunt discipuli ad Jesum, dicéntes : Quis putas, major est in regno cælórum? Et ádvocans Jesus párvulum, státuit eum in médio eórum, et dixit : Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est major in regno cælórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusillis istis, qui in me credunt, expedit ei ut suspendátur mola asinária in collo ejus, et demergátur in profúndum maris. Væ mundo a scándalis. Necesse est enim, ut véniant scándala : Verúmtamen væ hómini illi, per

quem scándalum venit. Si autem manus tua, vel pes tuus scandalizat te : abscíde eum, et prójice abs te : Bonum tibi est ad vitam ingredi débilem, vel claudum, quam duas manus, vel duos pedes habéntem mitti in ignem ætérnum. Et si óculus tuus scandalizat te, érue eum, et prójice abs te : Bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusillis : Dico enim vobis, quia Angeli eórum in cælis semper vident fáciem Patris mei, qui in cælis est. **Credo.**

Offertorium Apoc. 8 Stetit Angelus juxta aram templi, habens thuríbulum áureum in manu sua : et data sunt ei incénsa multa : et ascéndit fumus arómatum in conspéctu Dei. Allelúia.

Secreta

HOSTIAS tibi, Dómine, laudis offérimus, suppliciter deprecánte : ut eásdem, Angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Communio Dan. 3 Benedícite omnes Angeli Dómini Dóminum : hymnum dicíte, et superexaltáte eum in sácula. Allelúia.

Postcommunio

BEATI Archángeli tui Michaélis intercessióne suffúlti, súpplíces te, Dómine,

deprecámur : ut quod ore proséquimur; contingámus et mente : Per Dóminum.

Die 9 Maii

S. GREGORII NAZIANZENI

Ep., Conf. et Eccl. Doct. (d.)

Officium

Eccli. 45

STATUIT ei Dóminus testamentum pacis, et principem fecit eum : ut sit illi sacerdotií dignitas in ætérnum. Allelúia, allelúia. **Ps. 88** Misericórdias Dómini in ætérnum cantábo. Glória Patri. Glória in excélsis.

Oratio

DEUS, qui pópulo tuo æternæ salútis beátum Gregórium místrum tribuísti : præsta quæsumus, ut quem doctórem vitæ habúimus in terris; intercessórem habére mereámur in cælis : Per Dóminum.

Lectio Libri Sapiéntiæ.

Eccli. 39

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit, spiritu intelligéntiæ replébit illum : Et ipse tamquam imbres mittet elóquia sapiéntiæ suæ, et in oratióne confitébitur Dómino : Et ipse diriget consílium ejus, et in abscóndi-

tis suis consiliabitur. Ipse palam faciet disciplinam doctrinae suae, et in lege testamenti Domini gloriabitur. Collaudabunt multi sapientiam ejus, et usque in saeculum non delebitur. Non recedet memoria ejus, et nomen ejus requiratur a generatione in generationem. Sapientiam ejus enarrabunt gentes, et laudem ejus enuntiabit ecclesia.

Alleluia, alleluia. V. Ps. 88 Posui adiutorium super potentem : et exaltavi electum de plebe mea.

Alleluia. V. Matth. 28 Angelus Domini descendit de caelo : et accedens revolvit lapidem, et sedebat super eum. Alleluia.

Temp. Ascens. secundum Alleluia. V. Eph. 4 Ascendens Christus in altum captivam duxit captivitatem : dedit dona hominibus. Alleluia.

Extra T. P. V. Eccli. 44 Ecce sacerdos magnus, qui in diebus suis placuit Deo. **V.** Non est inventus similis illi, qui conservaret legem Excelsi.

Alleluia, alleluia. V. Ps. 88 Posui adiutorium super potentem : et exaltavi electum de plebe mea. Alleluia.

✠ **Sequentia sancti Evangelii secundum Matthaeum. c. 5**

IN illo tempore : Dixit Jesus discipulis suis : Vos estis sal terrae. Quod si sal evanuerit, in quo salietur? Ad nihilum valet ultra, nisi ut mittatur foras, et conculcetur

ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub modio, sed super candelabrum, ut luceat omnibus, qui in domo sunt. Sic luceat lux vestra coram hominibus : ut videant opera vestra bona, et glorificent Patrem vestrum, qui in caelis est. Nolite putare, quoniam veni solvere legem, aut prophetas : Non veni solvere, sed adimplere. Amen quippe dico vobis : donec transeat caelum et terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno caelorum : Qui autem fecerit et docuerit, hic magnus vocabitur in regno caelorum.

Credo.

Offertorium Ps. 88 Veritas mea, et misericordia mea cum ipso : et in nomine meo exaltabitur cornu ejus. Alleluia.

Secreta

OMNIPOTENS sempiternus Deus, munera tuae majestati oblata, per intercessionem beati Gregorii Confessoris tui atque Pontificis, ad perpetuam nobis fac provenire salutem. Per Dominum.

Communio Luc. 12 Fidelis servus, et prudens, quem constituit dominus super familiam suam, ut det illis in tempore tritici mensuram. Alleluia.

Postcommunio

SACRAMENTA salutis nostræ suscipiētes, concēde, quæsumus omnipotens Deus : ut beāti Gregórii Confessóris tui atque Pontificis nos ubique orátio adjuvet; in cuius veneratióne hæc tuæ obtúlimus majestáti : Per Dóminum.

Die 10 Maii

S. ANTONINI Archiep.
et Conf. Ord. Præd. (II cl.)

Officium Eccli. 45

STATUIT ei Dóminus testaméntum pacis, et príncipem fecit eum : ut sit illi sacerdotií dignitas in ætérnum. T. P. Allelúia, allelúia. **℟.** Ps. 88 Misericórdias Dómini in ætérnum cantábo. Glória Patri. Glória in excélsis.

Oratio

SANCTI Antonini, Dómine, Confessóris tui atque Pontificis méritis adjuvémur : ut sicut te in illo miráblem prædicámus; ita in nos misericórdem fuisse gloriémur : Per Dóminum.

De SS. Gordiano et Epimacho
Martyribus

Oratio

DA, quæsumus omnipotens Deus : ut qui beatórum Mártyrum tuórum Gordiáni et Epímachi solémnia cólimus; eórum apud te intercessiónibus adjuvémur : Per Dóminum.

Lectio Libri Sapiéntiæ.

Eccli. 44 et 45

ECCE sacerdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátio. Non est invéntus similis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiónem ómnium géntium dedit illi : et testaméntum suum confirmávit super caput ejus. Agnóvit eum in benedictiónibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum : et dedit illi corónam glóriæ. Státuit illi testaméntum ætérnum : et dedit illi sacerdotiú magnum, et beatificávit illum in glória. Fungi sacerdotio, et habére laudem in nómine ipsíus : et offérre illi incénsu dignum in odórem suavitátis.

Allelúia, allelúia. **℟.** Antonínus eléctus Dei Póntifex, virgo et doctor est glorificándus.

Allelúia. **℟.** Matth. 28 Angelus Dómini descéndit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. **℟.** Eph. 4 Ascéndens Christus in altum captívam duxit captivitátem : dedit dona homínibus. Allelúia.

Extra T. P. **℟.** Ps. 88 Invéni David servum meum, óleo sancto meo unxi eum : manus enim mea auxiliábitur ei, et

bráchiū meū confortábit eum. **℟.** Nihil proficiet inimicus in eo, et filius iniquitátis non nocébit ei.

Allelúia, allelúia. ℟. Antonínus eléctus Dei Póntifex, virgo et doctor est glorificándus. **Allelúia.**

✠ **Sequéntia sancti Evangélíi** secúndum Mattháeum. **c. 24**

IN illo témpore : Dixit Jesus discípulis suis : Vigiláte, quia nescítis qua hora Dóminus vester ventúrus sit. Illud autem scitóte, quóniam si sciret paterfamilias qua hora fur ventúrus esset, vigiláret útiq̃ue, et non síneret pérfodi domum suam. Ideo et vos estóte parátí : quia qua nescítis hora Fílius hóminis ventúrus est. Quis, putas, est fidélis servus, et prudens, quem constituit dóminus suus super familiam suam, ut det illis cibum in témpore? Beátus ille servus, quem cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum. **Credo.**

Offertorium Ps. 118 Meditábar in mandátis tuis, quæ diléxi valde : et levávi manus meas ad mandáta tua, quæ diléxi. **T. P. Allelúia.**

Secreta

SACRIFICIUM nostrum, Dómine, beátus Antonínus sacérdos majestátis tuæ óculis reddat accéptum : qui se tibi, dum vixit, sanctam et placéntem hóstiam immolávit. Per Dóminum.

De SS. Gordiano et Epimacho

Secreta

HOSTIAS tibi, Dómine, beatorum Mártýrum tuorum Gordiáni et Epímachi dicátas méritis, benígnus assúme, et ad perpétuum nobis tribue proveníre subsidium. Per Dóminum.

Communio Luc. 12 Fidélis servus, et prudens, quem constituit dóminus super familiam suam, ut det illis in témpore tritici mensúram. **T. P. Allelúia.**

Postcommunio

VITALI cibo recreáti, grátias tibi Dómine ágimus : et rogámus, ut quod ad glóriam sumpsimus sancti tui Præsulis Antoníni; ejus précibus sit nobis contra hostiles ímpetus auxiliū : Per Dóminum.

De SS. Gordiano et Epimacho

Postcommunio

QUÆSUMUS omnipotens Deus : ut qui cæléstia aliménta percépimus; intercedéntibus sanctis Martýribus tuis Gordiáno et Epímacho, per hæc contra ómnia advérsa muniámur : Per Dóminum.

Quando de beato Antonino per annum celebratur ex voto, vel devotione, omnia fiant ut supra, excepto Credo, et extra tempus Paschale omissis Allelúia, in Officio, Offertorio, et Communione.

Infra Septuag. Tractus Eccli. 50 Quasi stella matutina in médio nébulæ, et quasi luna plena in diébus suis. **℟.** Et

quasi sol refúlgens, sic ille re-
fúlsit in templo Dei. *℟.* Quasi
arcus refúlgens inter nébulas
glóriæ, et quasi flos rosárum
in diébus vernis. *℟.* Quasi
lília quæ sunt in tránsitu
aquæ, et quasi thus rédolens
in diébus æstátis. *℟.* Quasi
ignis effúlgens, et thus ardens
in igne. *℟.* Quasi vas auri
sólidum, ornátum omni lápide
pretiósó.

Die 11 Maii

B. ALBERTI A BERGOMO

Conf. Ord. Præd. (sd.)

*Officium Justus ut palma, ut in
Comm. Conf. non Pont., pag. 22**

Oratio

DEUS, qui in húmili vitæ
génere beátum Albértum
Confessórem tuum exímia
sanctitáte claréscere voluisti :
fac nos ita ejus sectári vesti-
gia; ut ássequi mereámur et
præmia : Per Dóminum.

Secreta

C

LAUDIS tibi Dómine hóstias
limmolámus in tuórum
commemoriatióne Sanctórum :
quibus nos et præsentibus
éxui malis confidimus, et fu-
túris. Per Dóminum.

Postcommunio

C

REFFECTI cibo potúque cæ-
lésti, Deus noster, te súp-
plices exorámus : ut in cujus
hæc commemoratióne percé-
pimus; ejus muniámur et pré-
cibus : Per Dóminum.

Die 12 Maii

B. JOANNÆ LUSITANÆ

Virg. Ord. Præd. (sd.)

*Officium Gaudeámus, ut in Com-
muni Virg. non Mart., pag. 30**

Oratio

DEUS, qui inter regáles de-
licias, et mundi illécebras
beátam Joánnam Virginem
tuam virtúte constántiæ ro-
borásti : quæsumus, ut ejus
intercessióne fidéles tui ter-
réna despiciant; et ad cæléstia
semper aspírent : Per Dó-
minum.

*De SS. Nereo, Achilleo,
et Pancratio Mart. Oratio*

SEMPER nos, Dómine, Márty-
rum tuórum Nérei, Achil-
léi, atque Pancrátii fóveat,
quæsumus, beáta solémnitas;
et tuo dignos reddat obsé-
quio : Per Dóminum.

Secreta

C

ACCEPTA tibi sit, Dómine,
sacrátæ plebis oblátio pro
tuórum honóre Sanctórum,
quorum se méritis de tribu-
latiône percepisse cognóscit
auxílium. Per Dóminum.

De SS. Nereo, etc. Secreta

SANCTORUM Mártyrum tuó-
rum, quæsumus Dómine,
Nérei, Achilléi, atque Pancrá-
tii sit tibi grata confessio :
quæ et múnera nostra com-
méndet, et tuam nobis indul-
géntiam semper implóret : Per
Dóminum.

Postcommunio C

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus: Per Dóminum.

De SS. Nereo, etc.

Postcommunio

QUÆSUMUS Dómine, ut beatórum Mártyrum tuórum Nérei, Achilléi, atque Pancrátii deprecationibus, sacraménta sancta, quæ sumpsimus; ad tuæ nobis proficiant placatiónis augmentum : Per Dóminum.

Die 13 Maii

B. IMELDÆ

Virg. Ord. Præd. (d.)

Officium

Ps. 41

SITIVIT ánima mea ad Deum fortem vivum; quando véniam et apparebo ante faciém Dei? Fuérunt mihi lácrimæ meæ panes die ac nocte, dum dicitur mihi quotídie : ubi est Deus tuus? **T. P.** Allelúia, allelúia. **℣.** Quem ádmodum desiderat cervus ad fontes aquárum : ita desiderat ánima mea, ad te, Deus. **G**lória Patri. **G**lória in excélsis.

Oratio

DOMINE Jesu Christe, qui beátam Virginem Iméldam igníto caritátis amore sauciátam et immaculáta hóstia mirabiliter reféctam, in cælum suscepísti : fac nos ejus intercessióne, eódem caritátis

fervóre ad Sacram Mensam accédere; ut appetámus dissólví, et esse tecum mereámur : Qui vivis et regnas.

Lectio Libri Sapiéntiæ.

Cant. 3

SURGAM et circuibó civitátem, per vicos et platéas quæram quem diligit ánima mea : quæsiví illum et non invéni. Invenérunt me vigiles, qui custódiunt civitátem. Num quem diligit ánima mea, vidístis? Páululum cum pertransíssem eos, invéni quem diligit ánima mea; ténuí eum, nec dimíttam, donec introducam illum in domum matris meæ et in cubículum genitrícis meæ. Adjúro vos, filiæ Jerúsalem, per cápreas, cervósque campórum; ne suscitétis, neque evigiláre faciátis diléctam, donec ipsa velit. Pone me, ut signáculum, super cor tuum, ut signáculum, super bráchium tuum, quia fortis est ut mors, diléctio; dura sicut inférnus, æmulátio; lámpades ejus, lámpades ignis atque flammárum. Aquæ multæ non potuérunt extingüere caritátem; nec flúmina obruérunt illam. Si déderit homo omnem substántiam domus suæ pro dilectióne, quasi nihil despíciat eam.

Allelúia, allelúia. **℣.** Ave virginum gemma, Imélda; Ave, sponsa Regis regum gloriósa; Ave, viva Christi hóstia.

Allelúia. **℣. Luc. 24** Nonne cor nostrum ardens erat in nobis de Jesu : dum nobis loquerétur in via? Allelúia.

Temp. Ascens. secundum Al-
lelúia. V. Eph. 4 Ascéndens
 Christus in altum captivam
 duxit captivitatem : dedit dona
 homínibus. Allelúia.

Post Trinitatem V. Ps. 83
 Quam dilécta tabernácula tua,
 Dómine virtútum; concupiscit
 et déficit ánima mea in átria
 Dómini. Cor meum et caro
 mea exsultavérunt in Deum
 vivum. **V. Cant.** Anima mea
 liquefacta est, ut diléctus meus
 locútus est.

Allelúia, allelúia. V. Ave vir-
 ginum gemma, Imélida; Ave,
 sponsa Regis regum gloriósa;
 Ave, viva Christi hóstia. Alle-
 lúia.

✠ **Sequéntia sancti Evangélíi**
 secúndum Joánnem. **c. 6**

IN illo témpore : Dixit Jesus
 turbis Judæórum : Amen,
 amen dico vobis; non Móyses
 dedit vobis panem de cælo,
 sed Pater meus dat vobis pa-
 nem de cælo verum. Panis
 enim Dei est, qui de cælo
 descéndit et dat vitam mundo.
 Dixérunt ergo ad eum; Dó-
 mine semper da nobis panem
 hunc. Dixit autem eis Jesus :
 Ego sum panis vitæ : qui venit
 ad me, non esúriet, et qui
 credit in me non sitiet un-
 quam. Sed dixi vobis, quia et
 vidistis me et non créditis.
 Omne quod dat mihi Pater,
 ad me véniet, et eum qui venit
 ad me, non ejiciam foras.

Offertorium Ps. 42 Introibo
 ad altáre Dei, ad Deum, qui
 lætíficat juventútem meam.
T. P. Allelúia.

Secreta

SUSCIPE, Dómine, múnera
 quæ tibi offérimus, et beá-
 tæ Iméldæ Vírginis interce-
 déntibus méritis, amóris tui
 nobis spíritum infúnde, ut
 terrénis affectiónibus despé-
 ctis, in te nostra fixa sint
 corda, ubi vera sunt gáudia.
 Per Dóminum.

Communio Cant. 6 Ego dilé-
 cto meo, et diléctus meus mihi,
 qui páscitur inter lília. **T. P.**
 Allelúia.

Postcommunio

SIT nobis, Dómine, ad thro-
 num misericórdiæ Tuæ
 pro nobis beáta Imélida virgo
 indeficiens exorátrix : ut sicut
 illa salutári hóstia percépta
 ad ætérnam glóriam evolávit;
 ita tanti participátio mystérii
 sit nobis ablútio scélerum in
 vita, et in morte via, qua ad
 vitam perveniámus ætérnam :
 Per Dóminum.

Die 14 Maii

B. ÆGIDIÏ

Conf. Ord. Præd. (sd.)

Officium Os justi, ut in Comuni
 Conf. non Pont., pag. 23*

Oratio

MISERICORDIAM tuam,
 Deus, súpplices implo-
 rámus : ut sicut ea præve-
 niénte beátum Ægídium in
 viam justitiæ et sanctitátis red-
 ire fecisti; ita nos e servitúte
 ac morte peccáti, in perféctam
 transférás libertátem et vi-
 tam : Per Dóminum.

Secreta C

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Postcommunio C

QUÆSUMUS omnipotens Deus : ut qui cælestia alimenta percipimus; intercedente beato Ægidio Confessore tuo, per hæc contra omnia adversa muniámur : Per Dominum.

Die 15 Maii

S. JOANNIS BAPTISTÆ
DE LA SALLE *Conf. (d.)*

Officium Os justi, ut in Comm.
Conf. non Pont., pag. 23*

Oratio

DEUS, qui ad christianam pauperum eruditionem, et ad juventam in via veritatis firmandam, sanctum Joannem Baptistam Confessorem excitasti, et novam per eum in Ecclesia familiam collegisti : concede propitius, ut ejus intercessione et exemplo, studio gloriæ tuæ in animarum salute ferventes; ejus in cælis coronæ participes fieri valeamus : Per Dominum.

✠ **Sequentia sancti Evangelii**
secundum Matthæum. c. 18

IN illo tempore : Accesserunt discipuli ad Jesum, dicentes : Quis putas, major est in regno cælorum? Et advocans

Jesum parvulum, statuit eum in medio eorum, et dixit : Amen dico vobis, nisi conversi fueritis, et efficiamini sicut parvuli, non intrabitis in regnum cælorum. Quicumque ergo humiliaverit se sicut parvulus iste, hic est major in regno cælorum. Et qui suscepit unum parvulum talem in nomine meo, me suscipit.

Secreta C

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Postcommunio C

QUÆSUMUS omnipotens Deus : ut qui cælestia alimenta percipimus; intercedente beato Joanne Confessore tuo, per hæc contra omnia adversa muniámur : Per Dominum.

Die 16 Maii

S. JOANNIS NEPOMUCENI
Martyris (d.)

Tempore Paschali, Officium Protextisti, ut in Communi Mart. non Pont., pag. 11*, cum sequentibus Orationibus et Evangelio.

Extra tempus Paschale, Officium Lætabitur, de eodem Communi, pag. 9*, cum iisdem Orationibus et Evangelio.

Oratio

DEUS, qui ob invictum beati Joannis sacramentale silentium, nova Ecclesiam tuam

martyrii coróna decorásti : da nobis ejus intercessióne et exémplo, linguam caute custodíre; et ómnia pótius mala quam ánimæ detriméntum in hoc sáculo toleráre : Per Dóminum.

✠ **Sequéntia sancti Evangélíi**
secúndum Matthæum. **c. 10**

IN illo témpore : Dixit Jesus discipulis suis : Nihil est opértum, quod non revelábitur : et occúltum, quod non sciétur. Quod dico vobis in ténebris, dicite in lúmine : Et quod in aure audítis, prædicáte super tecta. Et nolíte timére eos, qui occidunt corpus, ánimam autem non possunt occidere : sed pótius timéte eum, qui potest et ánimam, et corpus pérdere in gehénnam. Nonne duo pásseres asse véneunt : et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolite ergo timére : multis passéribus meliôres estis vos. Omnis ergo, qui confitébitur me coram homínibus, confitébor et ego eum coram Patre meo, qui in cælis est.

Secreta

PER hæc tua, Dómine, sacra mystéria, illo nos caritátis igne accendámur, quo invíctus Martyr Joánnes éadem peragéndo flagrábat. Per Dóminum.

Postcommunio

SPIRITUM, Dómine, fortitúdinis hæc nobis tribuat mensa cæléstis; quæ beáti

Mártiris tui Joánnis contra sacraménti honórem tentátam constántiam júgiter áluit ad victóriam. Per Dóminum.

Die 17 Maii

B. ANDREÆ ABELLONII

Conf. Ord. Præd. (sd.)

Officium Os justi, ut in Communi
Conf. non Pont., pag. 23*

Oratio

DEUS, qui beáto Andréæ Confessóri tuo Evangélium pacis ópere ac sermóne prædicáre tribuísti : ejus quæsumus intercessióne, fac nos legem tuam corde perfécto suscipere; et sanctis móribus adimplére. Per Dóminum.

Secreta

CONCEDE sanctíssime Pater, ut immaculátam Hóstiám tibi digne libémus; quam beátus Andréas puris mánibus immolábat. Per Dóminum.

Postcommunio

CORPORIS et Sánguinis tui Sacraméntum, quæsumus Dómine, ab omni nos labe purificet: et intercedénte beáto Andréa Confessóre tuo; sanctitátem júgiter in nobis operétur. Qui vivis et regnas cum Deo Patre, in unitáte Spíritus Sancti Deus.

Die 18 Maii

S. VENANTII Martyris (d.)

Officium

Ps. 63

PROTEXISTI me, Deus, a convéntu malignántium. **T. P.** Allelúia : a multítudine operántium iniquitátem. **T. P.** Allelúia, allelúia.

℟. Exáudi Deus oratióem meam cum déprecor : a timóre inimici éripe ánimam meam. **Glória Patri. Glória in excélsis.**

Oratio

DEUS, qui hunc diem beáti Venántii Mártyris tui triúmpho consecrásti; exáudi preces pópuli tui : et præsta, ut qui ejus mérita venerámur; fidei constántiam imitémur : Per Dóminum.

Léctio Libri Sapiéntiæ. c. 5

STABUNT justí in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, pœniténtiam agéntes, et præ angústia spíritus geméntes : Hí sunt, quos habúimus aliquándo in derisum, et in similitúdinem impropérii. Nos insensáti vitam illórum æstimábamus insániam, et finem illórum sine honóre : Ecce quómodo computáti sunt inter filios Dei, et inter sanctos sors illórum est.

Allelúia, allelúia. ℟. Ps. 91 Justus ut palma florébit : sicut cedrus Libani multiplicábitur.

Allelúia. ℟. Matth. 28 Angelus Dómini descéndit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. ℟. Eph. 4 Ascéndens Christus in altum captívam duxit captivitátem : dedit dona homínibus. Allelúia.

Post Trinitatem. ℟. Ps. 20 Posuísti Dómine super caput ejus corónam de lápide pretiósio. **℟.** Desidérium ánimæ ejus tribuísti ei : et voluntáte labiórurn ejus non fraudásti eum.

Allelúia, allelúia. ℟. Ps. 91 Justus ut palma florébit : sicut cedrus Libani multiplicábitur. Allelúia.

✠ **Sequéntia sancti Evangélii secundum Joánnem. c. 15**

IN illo témpore : Dixit Jesus discíplis suis : Ego sum vitis vera : et Pater meus agricola est. Omnem pálmitem in me non feréntem fructum, tollet eum : et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me : et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me manséritis. Ego sum vitis, vos pálmities : Qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit : mittétur foras sicut palmes, et aréscet, et cólligent eum, et in

ignem mittent, et ardet. Si manseritis in me, et verba mea in vobis manserint : quodcúmque volueritis petétis, et fiet vobis.

Offertorium Ps. 88 Confitebúntur cæli mirabilia tua Dómine : et veritatem tuam in ecclésia sanctórum. **T. P.** Allelúia, allelúia.

Secreta

HANC oblationem, omnipotens Deus, beáti Venántii Mártiris tui mérita tibi reddant accéptam : ut ipsius subsidiis adjúti, glóriæ ejus consórtes efficiámur. Per Dóminum.

Communio Ps. 63 Lætábitur justus in Dómino, et sperábit in eo, et laudabúntur omnes recti corde. **T. P.** Allelúia, allelúia.

Postcommunio

SUMPSIMUS, Dómine, æternæ vitæ sacramenta, te humíliter deprecántes : ut beáto Venántio Mártire tuo pro nobis deprecánte; véniam nobis concílient, et grátiam : Per Dóminum.

Die 19 Maii

S. PETRI CÆLESTINI

Papæ et Conf. (d.)

Officium Eccli. 45

STATUIT ei Dóminus testaméntum pacis, et principem fecit eum : ut sit illi sacerdótii dignitas in ætérnum. **T. P.** Allelúia, allelúia. **℟.** Ps. 88 Misericórdias Dó-

mini in ætérnum cantábo. Glória Patri. Glória in excélsis.

Oratio

DEUS, qui beátum Petrum Cælestinum ad summi Pontificátus ápicem sublimásti; quique illum humilitáti postpónere docuisti : concéde propítius, ut ejus exémplo cuncta mundi despícere; et ad promissa humílibus præmia pervenire feliciter mereámur : Per Dóminum.

De S. Pudentiana Virgine

Oratio

EXAUDI nos Deus salutáris noster : ut sicut de beátæ Pudentiænæ Virginis tuæ festivitáte gaudémus; ita piæ devotiónis erudiámur afféctu : Per Dóminum.

Lectio Libri Sapiéntiæ.

Eccli. 44 et 45

ECCE sacérdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiónem ómnium géntium dedit illi : et testaméntum suum confirmávit super caput ejus. Agnóvit eum in benedictiónibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum : et dedit illi corónam glóriæ. Státuit illi testaméntum ætérnum : et dedit illi sacerdótium magnum,

et beatificávit illum in glória. Fungi sacerdótio, et habére laudem in nómine ipsius : et offérre illi incénsus dignum in odórem suavitátis.

Allelúia, allelúia. V. Eccli. 45 Amávit eum Dóminus, et ornávit eum : stolam glóriæ induit eum.

Allelúia. V. Matth. 28 Angelus Dómini descéndit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. V. Eph. 4 Ascéndens Christus in altum captívam duxit captivitátem : dedit dona homínibus. Allelúia.

Post Trinit. X. Ps. 20 Dómine prævenísti eum in benedictionibus dulcédinis : posuísti in cápite ejus corónam de lápide pretiósó. V. Vitam pétiiit a te : et tribuísti ei longitúdinem diérum in sáculum sáculi.

Allelúia, allelúia. V. Eccli. 45 Amávit eum Dóminus, et ornávit eum : stolam glóriæ induit eum. Allelúia.

✠ **Sequéntia sancti Evangélii secundum Matthæum. c. 19**

IN illo témpore : Dixit Petrus ad Jesum : Ecce nos reliquimus ómnia, et secúti sumus te : Quid ergo erit nobis? Jesus autem dixit illis : Amen dico vobis, quod vos, qui secúti estis me, in regeneratióne cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui relique-

rit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet et vitam ætérnam possidébit.

Offertorium Ps. 91 Justus, ut palma florébit : sicut cedrus, quæ in Líbano est, multiplicábitur. **T. P. Allelúia.**

Secreta

SANCTI tui, quásumus Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

De S. Pudentiana Secreta

ACCEPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepisse cognóscit auxílium. Per Dóminum.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constituet eum. **T. P. Allelúia.**

Postcommunio

PRÆSTA, quásumus omnipotens Deus : ut de perceptis munéribus grátias exhibéntes; intercedénte beáto Petro Cælestino Confessóre tuo atque Pontífice, beneficia potióra sumámus : Per Dóminum.

De S. Pudentiana

Postcommunio

SATIASTI Dómine famíliam tuam munéribus sacris : ejus, quásumus, semper in-

terventiōne nos réfove; cujus solémnia celebrámus : Per Dóminum.

Die 20 Maii

B. COLUMBÆ

Virg. Ord. Præd. (sd.)

Officium Gaudeámus, ut in Comm.
Virg. non Mart., pag. 30*

Oratio

DEUS, qui beátam Colúmbam Virginem tuam, puritáte et innocentia cándidam, supérnis fulgóribus illustráre dignátus es : concéde quæsumus, ut ejus intercessiōne, puris tibi méntibus serviētes in terris; splendóre glóriæ tuæ pérfrui mereámur in cælis : Per Dóminum.

Secreta

C

ACCEPTA tibi sit, Dómine, sacrátæ plebis oblátio pro tuórum honóre Sanctorum, quorum se méritis de tribulatiōne percepisse cognóscit auxílium. Per Dóminum.

Postcommunio

C

SATIASTI Dómine familiam tuam munéribus sacris : ejus, quæsumus, semper interventiōne nos réfove; cujus solémnia celebrámus : Per Dóminum.

Die 22 Maii

S. SERVATII Ep. et Conf. (d.)

Officium

Eccli. 45

STATUIT ei Dóminus testaméntum pacis, et príncipem fecit eum : ut sit illi sacerdótii dignitas in ætér-

num. **T. P.** Allelúia, allelúia. **℟.** Ps. 88 Misericórdias Dómini in ætérnum cantábo. Glória Patri. Glória in excélsis.

Oratio

EXAUDI, quæsumus Dómine, preces nostras, quas in beáti Servátii Confessóris tui atque Pontificis solemnitate deférimus : ut qui tibi digne méruit famulári; ejus intercedéntibus méritis, ab ómnibus nos absólvas peccátis : Per Dóminum.

Lectio Libri Sapiéntiæ.

Eccli. 44 et 45

ECCE sacerdos magnus, qui in diébussuis plácuit Deo, et invéntus est justus : et in témpore iracúndiæ factus est reconciliatio. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiōnem ómnium géntium dedit illi : et testaméntum suum confirmávit super caput ejus. Agnóvit eum in benedictiōnibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum : et dedit illi coronam glóriæ. Státuit illi testaméntum ætérnum : et dedit illi sacerdotium magnum, et beatificávit illum in glória. Fungi sacerdotio, et habére laudem in nómine ipsius : et offérre illi incénsus dignum in odórem suavitátis.

Allelúia, allelúia. **℟.** Ps. 88 Pósuí adjutórium super po-

téntem : et exaltávi eléctum de plebe mea.

Allelúia. *℟. Matth. 28* Angelus Dómini descéndit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. *℟. Eph. 4* Ascéndens Christus in altum captivam duxit captivitátem : dedit dona homínibus. Allelúia.

Post Trinit. ℟. Ps. 88 Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. *℟. Nihil proficiet inimicus in eo, et filius iniquitátis non nocébit ei.*

Allelúia, allelúia. *℟. Ibid.* Pósui adjutórium super poténtem : et exaltávi eléctum de plebe mea. Allelúia.

✠ **Sequéntia sancti Evangélii** secundum Matthæum. *c. 10*

IN illo témpore : Dixit Jesus discipulis suis : Cum persequéntur vos in civitáte ista, fugite in áliam. Amen dico vobis, non consummábitis civitátes Israël, donec véniat Fílius hóminis. Non est discipulus super magístrum, nec servus super dóminum suum. Súfficit discipulo, ut sit sicut magíster ejus : et servo, sicut dóminus ejus. Si Patremfámílias Beélzebub vocavérunt : quanto magis domésticos ejus? Ne ergo timuéritis eos : Nihil enim est opértum, quod non revelábitur : et occúltum, quod non sciétur : Quod dico vobis

in ténebris, dicite in lúmine : et quod in aure audítis, prædicáte super tecta. Et nolite timére eos, qui occidunt corpus, ánimam autem non possunt occidere : Sed pótius timéte eum, qui potest et ánimam, et corpus pérdere in gehénnam.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus. *T. P. Allelúia.*

Secreta

ACCEPTA sit in conspéctu tuo Dómine nostra devótio : ut ejus nobis fiat supplicatióne salutáris, pro cujus solemnitate defértur : Per Dóminum.

Communio Ps. 88 Semel jurávi in sancto meo : semen ejus in ætérnum manébit : et sedes ejus sicut sol in conspéctu meo, et sicut luna perfécta in ætérnum, et testis in cælo fidélis. *T. P. Allelúia.*

Postcommunio

DA, quæsumus Dómine, fidélibus tuis, Sanctorum tuórum semper veneratióne lætári; et eórum perpétua supplicatióne muníri : Per Dóminum.

Die 24 Maii
IN TRANSLATIONE
S. DOMINICI

Patris nostri (t. d.)

Omnia fiant ut in Missa ejus, quæ dicitur Feria iij, inter votivas posita. Et dicatur Credo.

Die 25 Maii

S. URBANI I

Papæ et Mart. (3 LL.)

Tempore Paschali Officium Pro-
textisti, de Comm. Mart. Pont.,
pag. 8* cum Orationibus ut in
Missa sequenti. Dicitur Allelúia,
semel ante et post unicum V. Justus.

Extra Tempus Paschale

Officium

Ps. 131

SACERDOTES tui, Dómine,
índuant justítiam, et san-
cti tui exsúltent : propter
David servum tuum, non avér-
tas fáciem Christi tui. V. Me-
ménto Dómine David, et om-
nis mansuetúdinis ejus. Glória
Patri.

Oratio

DA, quæsumus omnípotens
Deus : ut qui beáti Ur-
báni Mártiris tui atque Ponti-
ficis solémnia cólimus; ejus
apud te intercessiónibus adju-
vémur : Per Dóminum.

Léctio Epístolæ beáti Pauli
Apóstoli ad Corínthios.

2, c. 1

FRATRES : Benedictus Deus
et Pater Dómini nostri
Jesu Christi, Pater misericor-
diarum, et Deus totius conso-
latiónis, qui consolátur nos in
omni tribulatióne nostra : ut
possimus et ipsi consolári eos,
qui in omni pressúra sunt, per
exhortatióem, qua exhortá-
mur et ipsi a Deo. Quóniam
sicut abúndant passióes Chri-
sti in nobis : ita et per Chri-
stum abúndat consolátio no-
stra. Sive autem tribulámur

pro vestra exhortatióne et sa-
lúte, sive consolámur pro ve-
stra consolatióne, sive exhór-
támur pro vestra exhortatióne
et salúte, quæ operátur tole-
rántiam earúndem passió-
num, quas et nos pátimur : ut
spes nostra firma sit pro vo-
bis : sciéntes quod sicut sócii
passiónum estis, sic éritis et
consolatiónis : In Christo Jesu
Dómino nostro.

℟. Ps. 88 Inveni David ser-
vum meum, óleo sancto meo
unxi eum : manus enim mea
auxiliábitur ei, et bráchium
meum confortábit eum. V. Ni-
hil proficiet inimícus in eo, et
filius iniquitátis non nocébit ei.

Allelúia. V. Ps. 20 Posuisti
Dómine super caput ejus corón-
nam de lápide pretiósó. Alle-
lúia.

✠ Sequéntia sancti Evangélii
secúndum Matthæum. c. 25

IN illo témpore : Dixit Jesus
discípulis suis parábolam
hanc : Homo pégrege profi-
ciscens, vocávit servos suos, et
trádidit illis bona sua. Et uni
dedit quinque talénta, álíi au-
tem duo, álíi vero unum, uni-
cuique secúndum própriam
virtútem, et proféctus est sta-
tim. Abiit autem qui quinque
talénta accéperat, et operátus
est in eis, et lucrátus est álía
quinque. Similiter et qui duo
accéperat, lucrátus est álía
duo. Qui autem unum accépe-
rat, ábiens, fodit in terram, et
abscóndit pecúniám dómini
sui. Post multum vero témp-
oris venit dóminus servórum

illórum, et pósuit ratióne[m] cum eis. Et accédens qui quinque talénta accéperat, óbtulit ália quinque talénta, dicens : Dómine, quinque talénta tradidisti mihi, ecce ália quinque superlucrátus sum. Ait illi dóminus ejus : Euge serve bone, et fidélis, quia super pauca fuísti fidélis, super multa te constituam, intra in gáudium dóm[ini] tui. Accessit autem et qui duo talénta accéperat, et ait : Dómine, duo talénta tradidisti mihi, ecce ália duo lucrátus sum. Ait illi dóminus ejus : Euge serve bone, et fidélis, quia super pauca fuísti fidélis, super multa te constituam, intra in gáudium dóm[ini] tui.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

HÆC hóstia, quæsumus Dómine, emúndet nostra delicta : et ad sacrificium celebrándum, subditórum tibi córpora mentésque sanctificet. Per Dóminum.

Communio Luc. 12 Fidélis servus, et prudens, quem constituit dóminus super familiam suam, ut det illis in témpore trítici mensúram.

Postcommunio

REFFECTI participatióne muneris sacri, quæsumus Dómine Deus noster : ut cujus exséquimur cultum; intercedente beáto Urbáno Mártire

tuo atque Pontífice, sentiámus effectum : Per Dóminum.

Die 26 Maii

S. PHILIPPI NERII Conf. (d.)

Officium

Rom. 5

CARITAS Dei diffúsa est in córdibus nostris per inhabitántem Spíritum ejus in nobis. **T. P.** Allelúia, allelúia. **℟.** Ps. 102 Bénedic ánima mea Dómino : et ómnia, quæ intra me sunt, nómini sancto ejus. **G**lória Patri. Glória in excélsis.

Oratio

DEUS, qui beátum Philip-pum Confessórem tuum Sanctórum tuórum glória sublimásti : concéde propítius, ut cujus solemnitate lætámur; ejus virtútum proficiámus exémplo : Per Dóminum.

Léctio Libri Sapiéntiæ. c. 7

OPTAVI, et datus est mihi sensus : et invocávi, et venit in me spíritus sapiéntiæ : Et præpósui illam regnis et sédibus, et divítias nihil esse duxi in comparatióne illíus. Nec comparávi illi lápidem pretiósus : quóniam omne aurum in comparatióne illíus, aréna est exigua, et tamquam lutum æstimábitur argéntum in conspéctu illíus. Super salútem et spéciem diléxi illam, et propósui pro luce habére illam : quóniam inextinguibile est lumen illíus. Venérunt autem mihi ómnia bona páriter cum illa, et innu-

merábilis honéstas per manus illius, et lætátus sum in ómnibus : quóniam antecedébat me ista sapiéntia, et ignorábam quóniam horum ómnium mater est. Quam sine fictióne didici, et sine invidia commúnico, et honestátem illius non abscondo. Infinitus enim thesáurus est homínibus : quo qui usi sunt, partícipes facti sunt amicitíæ Dei.

Allelúia, allelúia. V. Thren. 1
De excélsio misit ignem in óssibus meis, et erudívit me.

Allelúia. V. Ps. 38 Concáluit cor meum intra me : et in meditatóne mea exardéscet ignis. Allelúia.

Post Trinit. V. Ps. 33 Veníte filii, audíte me : timórem Dómini docébo vos. V. Accédite ad eum, et illuminámini : et fácies vestræ non confundéntur.

Allelúia, allelúia. V. Thren. 1
De excélsio misit ignem in óssibus meis, et erudívit me. Allelúia.

✠ **Sequéntia sancti Evangélíi**
secúndum Lucam. **c. 12**

IN illo témpore : Dixit Jesus discipulis suis : Sint lumbi vestri præcincti, et lucernæ ardéntes in mánibus vestris, et vos símiles homínibus expectántibus dóminum suum, quando revertátur a nuptiis : ut, cum vénerit, et pulsáverit, conféstim apériant ei. Beáti servi illi, quos cum vénerit dóminus, invénierit vigilátes : Amen dico vobis, quod præcínget se, et fáciat illos discúm-

bere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénierit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, et non síneret pérfodi domum suam. Et vos estóte paráti : quia qua hora non putátis, Filius hóminis véniet.

Offertorium Ps. 118 Viam mandatórum tuórum cucúrri, cum dilatásti cor meum. **T. P.**
Allelúia.

Secreta

SACRIFICIIS præsentibus, quæsumus Dómine, inténde placátus : et præsta, ut illo nos igne Spíritus Sanctus inflámmet, quo beáti Philíppi cor mirabiliter penetrávit. Per Dóminum... in unitáte ejúsdem Spíritus.

Communio Ps. 83 Cor meum, et caro mea exsultavérunt in Deum vivum. **T. P.** Allelúia.

Postcommunio

CÆLESTIBUS, Dómine, pásti deliciis : quæsumus, ut beáti Philíppi Confessóris tui méritis et imitatóne; semper éadem, per quæ veráciter vivimus, appetámus : Per Dóminum.

Die 27 Maii

S. BEDÆ VENERABILIS
Conf. et Eccl. Doct. (d.)

Officium In médio, ut in Comm.
Doct., pag. 20*

Oratio

DEUS, qui Ecclesiā tuā beāti Bedae Confessoris tui atque Doctoris eruditōne clarificas : concēde propitius famulis tuis; ejus semper illustrāri sapiētia et mēritis adjuvāri : Per Dōminum.

Secreta

C

OMNIPOTENS sempitērne Deus, mūnera tuā majestāti oblata, per intercessiōnem beāti Bedae Confessoris tui atque Doctoris, ad perpētuum nobis fac provenire salutem. Per Dōminum.

Postcommunio

C

SACRAMENTA salutis nostrae suscipiētes, concēde, quāsumus omnipotens Deus : ut beāti Bedae Confessoris tui atque Doctoris nos ubique oratio adjuvet; in cujus veneratiōne haec tuā obtulimus majestāti : Per Dōminum.

Die 28 Maii

B. MARIAE BARTHOLOMAEAE DE BAGESIIS

Virg. Ord. Præd. (sd.)

*Officium Gaudeamus, ut in Comuni Virg. non Mart., pag. 30**

Oratio

AMATOR animarum Deus, qui in beata Maria Bartholomæa Virgine tua, miram ægritudinum tolerantiam par cum innocentia sociasti : concēde, ut qui ex merito nostrae actionis affligimur; tuæ gratiæ consolatiōne respirēmus : Per Dōminum.

Secreta

PANEM Angelorum, et vinum germinans virgines, offerētes tibi Dōmine, beata Maria Bartholomæa Virgine intercedēte, a sordibus libera : ut inter puras Angelorum acies perpētuo collocāri mereāmur. Per Dōminum.

Postcommunio

EFFUNDE super nos, Dōmine Jesu, grātiā tuā miseratiōnis : et præsta, ut intercedēte beata Maria Bartholomæa Virgine tua, ab omnibus adversitatibus liberēmur; et in tuo servitio perseverātes, ad æternam pervenire lætitiā valeāmus : Qui vivis.

Die 29 Maii

BB. GUILLELMI Ord. Præd. et Sociorum Martyrum (sd.)

*Temp. Pasch. Officium Sancti tui, ut in Comm. plurim. Mart., pag. 15**

*Extra Temp. Pasch. Officium Salus autem, ut in eodem Comm., p. 13**

Oratio

DEUS, pro cujus amore, ac fidei tuendæ zelo, beāti Guillélmus et socii gladiis impiorum occubuerunt : præsta, quāsumus, ut eorum suffragiis, in fide stabiles; te semper ex animo diligāmus : Per Dōminum.

Secreta

SANCTIFICA Dōmine mūnera in beatōrum Guillélmi et sociorum festivitāte propōsita : et sicut per hæc divīna

mystéria illis glóriam contulisti, ita nobis indulgentiam tribuas placátus, et pacem. Per Dóminum.

Postcommunio

SUMPSIMUS, Dómine, æternæ vitæ sacramenta, te humiliter deprecántes : ut quorum mérita venerádo recólimus; fidei constántiam imitémur : Per Dóminum.

Die 30 Maii

B. ANDREÆ FRANCHI

Ep. et Conf. Ord. Præd. (*sd.*)

Officium Státuit, de Comm. Conf. Pontif., pag. 18*

Oratio

DEUS qui beátum Andréam Confessórem atque Pontificem in prædicatione verbi tui et in múnere boni pastóris pietáte ac doctrina excéllere voluisti : ejus intercessióne nobis concéde, ut animóse in tuo sancto servítio certántes; copiósum fructum inde reférre mereámur : Per Dóminum.

Secreta

PER hanc immaculátam hóstiam súpplices te deprecámur, Dómine, ut intercedente beáto Andréa, nosmetipsos hóstiam tibi placéntem offérre valeámus. Qui vivis.

Postcommunio

PRETIOSI Córporis et Sanguinis tui suscéptio, Dómine, tantam nobis virtútem adjíciat; ut beáti Andréæ suffrágiis et exémpis, tuæ divínæ

voluntáti nos semper congruéntes efficiámur : Qui vivis.

Die 31 Maii

In festo

B. MARLÆ VIRGINIS
OMNIUM GRATIARUM
MEDIATRICIS

Officium

Hebr. 4

ADEAMUS cum fidúcia ad thronum grátiae, ut misericórdiam consequámur, et grátiam inveniámus in auxilio opportúno. T. P. Allelúia, allelúia. V. Ps. 120 Levávi óculos meos in montes : unde véniet auxilium mihi. Glória Patri.

Oratio

DOMINE Jesu Christe, noster apud Patrem mediátor, qui beatíssimam Virginem matrem tuam, matrem quoque nostram et apud te mediatricem constituere dignátus es : concéde propítius, ut quisquis ad te beneficia petitúrus accésserit; cuncta se per eam impetrásse lætétur : Qui vivis et regnas cum eódem Deo Patre.

De S. Angela Mericia, Virg.

Oratio

DEUS, qui novum per beátam Angelam sacrárum Virginum collégium in Ecclesia tua floréscere voluisti : da nobis, ejus intercessióne, angélicis móribus vivere; ut, terrénis ómnibus abdicátis, gáudiis pérfrui mereámur ætérnis. (Per Dóminum.)

De S. Petronilla Virg.

Oratio

EXAUDI nos, Deus, salutáris noster : ut, sicut de beátæ Petronillæ Virginitis tuæ festivitáte gaudémus; ita piæ devotiónis erudiámur afféctu. Per Dóminum.

Lectio Isaiaë Prophétæ. Is. 55

OMNES sitiéntes, veníte ad aquas : et qui non habétis argéntum, properáte, émite et comédite : veníte, émite absque argénto, et absque ulla commutatióne vinum et lac. Quare appénditis argéntum non in pánibus, et labórem vestrum non in saturitáte? Audíte audiéntes me, et comédite bonum, et delectábitur in crassitúdine ánima vestra. Inclínate aures vestras, et veníte ad me : audíte, et vivet ánima vestra. Ecce gentem, quam nesciébas, vocábis : et gentes, quæ te non cognóverunt, ad te current propter Dóminum, Deum tuum, et Sanctum Israël, quia glorificávit te.

℟. Eccli. 24 In me grátia omnis viæ et veritátis, in me omnis spes vitæ et virtútis. ℣. Transíte ad me omnes qui concupíscitis me, et a generatióibus meis implémini.

Allelúia, allelúia. ℣. Salve Mater misericórdiæ, Mater spei et grátia, o María. Allelúia.

Post Septuag. Tractus Ap. 22 Ego sum radix et genus David, stella spléndida et matu-

tína. ℣. Et spíritus et sponsa dicunt : Veni. Et qui audit, dicat : Veni. ℣. Et qui sitit, véniat; et qui vult, accípiat aquam vitæ gratis.

Temp. Resurr. secundum Allelúia. ℣. Matth. 28 Surrexít Dóminus, et occúrrens muliéribus, ait : Avéte. Tunc accessérunt, et tenuérunt pedes ejus. Allelúia.

Temp. Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. Allelúia.

✠ Sequéntia sancti Evangélii secúndum Joánnem c. 19

IN illo témpore : Stabant iuxta crucem Jesu mater ejus, et soror matris ejus María Cléophæ, et María Magdaléne. Cum vidíset ergo Jesus matrem et discipulum stantem, quem diligébat, dicit matri suæ : Múlier, ecce filius tuus. Deínde dicit discipulo : Ecce mater tua. Et ex illa hora accépit eam discipulus in sua. Credo.

Offertorium Jer. 18 Recordáre, Virgo Mater, dum stéteris in conspéctu Dei, ut loquáris pro nobis bona, et ut avértas indignatióem suam a nobis. T. P. Allelúia.

Secreta

MATRIS tuæ ac Mediatricis nostræ précibus, Dómine, quæsumus, hæc hostiárum oblátio nosmetípsos, tua grátia largiénte, tibi perficiat munus ætérnum : Qui vivis.

De S. Angela **Secreta**

HOSTIA, Dómine, quam tibi beátæ Angelæ memóriam recoléntes offérimus, et nostræ pravitátis véniam implóret, et grátia tuæ nobis dona conciliet. (Per Dóminum.)

De S. Petronilla **Secreta**

ACCEPTA tibi sit, Dómine, sacrátæ plebis oblátio pro tuórum honóre Sanctórum : quorum se méritis de tribulatione percepisse cognóscit auxilium. Per Dóminum.

Præfatio de B. Maria V. Et te in festivitáte.

Communio Valde mirábilis es, o María, et fácies tua plena est gratiárum. **T. P.** Allelúia.

Postcommunio

SUBVENIAT nobis, Dómine, beátæ Mariæ matris tuæ ac nostræ Mediatrix orátio : ut per hæc sacrosáncta comércia, tua grátia largiénte; ad redemptionis æternæ proficiamus augmentum : Qui vivis.

De S. Angela **Postcommunio**

CÆLESTI alimónia refécti, súpplikes te, Dómine, deprecámur; ut beátæ Angelæ précibus et exémplo, ab omni labe mundáti, et corpore tibi placeámus, et mente. (Per Dóminum.)

De S. Petronilla

Postcommunio

SATIASTI, Dómine, familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

FESTA JUNII

Die 1 Junii

BB. ALPHONSI

NAVARRETE Ord. Præd.
et Sociorum Martyrum (d.)

Temp. Paschali, Officium Sancti tui, ut in Communi plur. Mart., pag. 15*, cum Oratione, Secreta et Postcommunione infra positis.

Extra tempus Paschale, Officium Intret, ut sequitur.

Officium**Ps. 78**

INTRET in conspéctu tuo, Dómine, gémitus compeditórum : redde vicinis nostris séptuplum in sinu eórum : víndica sánguinem sanctórum tuórum, qui effusus est. ✠. Deus venérunt gentes in hereditátem tuam, polluerunt templum sanctum tuum : posuérunt Jerúsalem in pomórum custódiam. Glória Patri. Glória in excélsis.

Oratio

DEUS, qui nos beatórum Alphónsi et sociórum ejus triúmpho lætificas; da nobis, quæsumus, eórum méritis et intercessióne, eámdem in fide constántiam, et in ópere efficiáciam : Per Dóminum.

Léctio Epístolæ beáti Pauli Apóstoli ad Hebræos. **c. 10**

FRATRES : Rememorámini prístinos dies, in quibus illumináti, magnum certámen sustinuístis passiónum : et in áltero quidem oppróbriis, et tribulatióibus spectáculum

facti : in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolíte itaque amittere confidéntiam vestram, quæ magnam habet remuneratió-nem. Patiéntia enim vobis necessária est : ut voluntátem Dei faciéntes, reportétis promissiónem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

℟. Ps. 78 Vindica Dómine sánguinem sanctórum tuórum, qui effúsus est. ℣. Posuérunt mortália servórum tuórum, escas volatilibus cæli : carnes sanctórum tuórum béstiis terræ.

Allelúia, allelúia. ℣. Te Mártyrum candidátus laudat exércitus, Dómine. Allelúia.

✠ Sequéntia sancti Evangélii secúndum Matthæum. c. 24

IN illo témpore : Sedénte Jesu super Montem olivéti, accessérunt ad eum discipuli secréto, dicéntes : Dic nobis, quando hæc erunt? et quod signum advéntus tui, et consummationis sáeculi? Et respóndens Jesus, dixit eis : Vidéte ne quis vos sedúcat. Multí enim vénient in nómine meo, dicéntes, Ego sum Christus : et multos sedúcent. Auditúri enim estis próelia, et opiniónes praeliórum. Vidéte

ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terrémótus per loca. Hæc autem ómnia initia sunt dolórum. Tunc tradent vos in tribulatió-nem, et occident vos : et éritis ódio ómnibus géntibus propter nomen meum. Et tunc scandalizabúntur multi, et invicem tradent, et ódio habébunt invicem. Et multi pseudoprophétæ surgent, et sedúcent multos. Et quóniam abundávit iniquitas, refrigéscet cáritas multórum. Qui autem perseveráverit usque in finem, hic salvus erit.

Offertorium Ps. 149 Exsultábunt sancti in glória, lætabúntur in cubílibus suis : exaltatiónes Dei in fáucibus eórum.

Secreta

HOSTIAS tibi Dómine offérimus in tuórum solemnitáte Beatórum, humíliter deprecántes, ut sicut illos pássio gloriósos effécit, ita et nos devótió reddat accéptos. Per Dóminum.

Communio Ps. 78 Posuérunt mortália servórum tuórum Dómine, escas volatilibus cæli : carnes sanctórum tuórum béstiis terræ : secúndum magnitúdinem bráchii tui, pósside filios morte punitórum.

Postcommunio

PRÆSTA, quæsumus omnipotens Deus, ut qui beatórum Mártyrum tuórum memóriam recólimus : eórum

quoque fidem et fortitudinem æmulémur; hostiúmque nostrórum adversitatibus superátis, ætérni tui nóminis confessióne lætémur : Per Dóminum.

Die 2 Junii

BB. SADOE Ord. Præd.
et Sociorum Martyrum (*sd.*)

Tempore Paschali, Officium Sancti tui, ut in Communi plurimorum Martyrum, pag. 15*, cum Orationibus infra positis.

Extra tempus Paschale, Officium Salus autem justórum, ut in eodem Communi, pag. 13*

Oratio

OSTENDAT te nobis, Dómine Jesu, post hoc exsiliúm, clemens et pia Virgo María Mater tua : quam beáti Sadocus et sócii inter hostiles infidélium impetus, incessánti voce salutántes; præoptátam martýrii palmam a te recipere meruérunt : Qui vivis.

De SS. Marcellino et Petro
Martyribus

Oratio

DEUS, qui nos ánnua beatorum Martyrum tuorum Marcellini et Petri solemnitate lætificas : præsta quæsumus, ut quorum gaudémus méritis; provocémur exémpis : Per Dóminum.

Secreta

VENIAM nobis, Dómine, et grátiam cónferat Agni occisi ab origine mundi jugis hæc oblátio, ac imploráta eórum intercessio, qui Reginam

Martyrum pio ritu salutántes, stolam in ejúsdem Agni Sanguine dealbáre meruérunt. Qui tecum vivit.

De SS. Marcellino et Petro

Secreta

HÆC hóstia, quæsumus Dómine, quam sanctorum Martyrum tuorum natalitia recenséntes offerimus, et víncula nostræ pravitatís ab-sólvat, et tuæ nobis misericórdiæ dona conciliet. Per Dóminum.

Postcommunio

MENSA cæléstis, et celebráta solémnia ad salutárem nos, Dómine, éxcitent meditátionem instántis judicii : ac Jesu benedícti, et Mariæ Virginis Matris láudibus in finem usque inténtos; Martyrum tuorum felicitátis fácient sine fine consórtes : Per eúmdem Dóminum.

De SS. Marcellino et Petro

Postcommunio

SACRO múnere satiáti, supplices te Dómine deprecámur : ut quod débitæ servitutis celebrámus officio; salvatiónis tuæ sentiámus augméntum : Per Dóminum.

Die 3 Junii

BB. PETRI SANZ

Ep. Ord. Præd.

et Sociorum Martyrum (*d.*)

Temp. Pasch. Officium Sancti tui, ut in Communi plurimorum Martyrum, pag. 15*. Post Trinitatem Officium Intret, pag. 14*

Oratio

DEUS, qui beátos Mártýres tuos Petrum Pontificem ejúsque sócios ad fidem gén-
tibus prædicándam pari fir-
mitáte et caritáte donásti :
præsta, quæsumus; eórum
exémpló et intercessióne nos
in tua fide permanére constán-
tes. Per Dóminum.

Secreta

SUSCIPE, Dómine, propítius
preces nostras cum obla-
tiónibus hostiárum, et tuórum
deprecatione Mártýrum Petri
Pontificis ac sociórum ejus,
pietáti tuæ pérfice benígnus
accéptas. Per Dóminum.

Postcommunio

OMNIPOTENS et miséricors
Deus, qui in sanctorum
córdibus flammam tuæ dile-
ctiónis accéndis : da nobis, per
sacraménta quæ sumpsimus,
eámdem fidem, caritatisque
virtútem; et quorum gaudé-
mus triúmphis, proficiámus
exémplis. Per Dóminum.

Die 4 Junii

S. FRANCISCI

CARACCILO *Conf. (d.)*

*Officium Os justi, ut in Comm.
Conf. non Pont., pag. 23**

Oratio

DEUS, qui beátum Fran-
ciscum novi Ordinis Insti-
tútorem orándi stúdio, et pœ-
niténtiæ amóre decorásti : da
fámulis tuis in ejus imitatione
ita proficere; ut semper orán-
tes, et corpus in servitútem
redigéntes, ad cæléstem gló-

riam pervenire mereántur :
Per Dóminum.

Secreta C

PRÆSTA nobis, quæsumus
omnípotens Deus, ut no-
stræ humilitátis oblátio, et pro
tuórum tibi grata sit honóre
Sanctorum, et nos corpore
páriter et mente purificet. Per
Dóminum.

Postcommunio C

QUÆSUMUS omnípotens
Deus : ut qui cæléstia ali-
ménta percépimus; interce-
dente beáto Francisco Con-
fessóre tuo, per hæc contra
ómnia adversa muniámur : Per
Dóminum.

Die 5 Junii

B. JACOBI SALOMONII

Conf. Ord. Præd. (sd.)

Officium

Ps. 36

OS justi meditábitur sa-
piéntiam, et lingua ejus
loquétur júdicium : lex
Dei ejus in corde ipsius. **T. P.**
Allelúia, allelúia. **℟.** Noli æmu-
lári in malignántibus : neque
zeláveris faciéntes iniquitátem.
Glória Patri. Glória in excélsis.

Oratio

DEUS, qui nos beáti Jacóbi
Confessóris tui ánnua sol-
emnitáte lætíficas : concéde
propítius, ut cujus natalítia
cólimus; étiam actiónes imi-
témur : Per Dóminum.

Léctio Libri Sapiéntiæ.

Eccli. 31

BEATUS vir, qui invéntus
est sine mácula : et qui
post aurum non ábiit, nec spe-

rávit in pecúnia, et thesáuris. Quis est hic, et laudábimus eum? Fecit enim mirabilia in vita sua. Qui probátus est in illo, et perfectus est, erit illi glória ætérna : Qui pótuit tránsgridi, et non est tránsgréssus : fácere mala, et non fecit : Ideo stabilita sunt bona illius in Dómino, et eleemósynas illius enarrábit omnis Ecclesiá sanctórum.

Allelúia, allelúia. V. Osee 14 Justus germinábit sicut lílium, et florébit in ætérnum ante Dóminum.

Allelúia. V. Matth. 28 In die resurrectionis meæ, dicit Dóminus, præcedam vos in Galiléam. Allelúia.

Temp. Ascens. secundum Allelúia. V. Ps. 46 Ascéndit Deus in jubilatíone : et Dóminus in voce tubæ. Allelúia.

Post Trinit. V. Ps. 20 Dómine prævenísti eum in benedictiónibus dulcédinis : posuísti in cápite ejus corónam de lápide pretiósó. V. Vitam pétiit a te : et tribuísti ei longitudínem diérum in sæculum sæculi.

Allelúia, allelúia. V. Osee 14 Justus germinábit sicut lílium, et florébit in ætérnum ante Dóminum. Allelúia.

✠ **Sequéntia sancti Evangélíi** secundum Lucam. **c. 12**

IN illo témpore : Dixit Jesus discipulis suis : Sint lumbi vestri præcincti, et lucérnæ ardéntes in mánibus vestris, et vos símiles homínibus expectántibus dóminum suum,

quando revertátur a núptiis : ut, cum vénerit, et pulsáverit, conféstim apériant ei. Beáti servi illi, quos cum vénerit dóminus, invénerit vigilántes : Amen dico vobis, quod præcínget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti : quia qua hora non putátis, Fílius hóminis veniet.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus. **T. P. Allelúia.**

Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præsentibus exui malis confidimus, et futúris. Per Dóminum.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constituet eum. **T. P. Allelúia.**

Postcommunio

REFFECTI cibo potúque cælésti, Deus noster, te supplex exorámus : ut in cujus hæc commemoratióne percépimus; ejus muniámur et précibus : Per Dóminum.

Die 6 Junii

S. NORBERTI

Episc. et Conf. (*d.*)Officium Státuit, ut in Comm.
Conf. Pont., pag. 18*

Oratio

DEUS, qui beátum Norbér-
tum Confessórem tuum
atque Pontificem, verbi tui
præcónem exímium effecísti;
et per eum Ecclesiám tuam
nova prole fecundásti : præsta
quæsumus, ut ejúsdem suffra-
gántibus méritis, quod ore
simul et ópere dócuit; te adju-
vánte exercére valeámus : Per
Dóminum.

Secreta

SANCTI tui, quæsumus Dó-
mine, nos ubique lætifi-
cent : ut dum eórum mérita
recólimus, patrocínia sentiámus.
Per Dóminum.

Postcommunio

PRÆSTA, quæsumus omni-
potens Deus : ut de per-
céptis munéribus grátias exhi-
béntes; intercedénte beáto
Norbérto Confessóre tuo atque
Pontífice, beneficia potióra su-
mámus : Per Dóminum.

Die 8 Junii

S. MEDARDI Ep. et Conf.

Memoria

Oratio

EXAUDI, quæsumus Dómi-
ne, preces nostras, quas
in beáti Medárdi Confessóris
tui atque Pontíficis solemni-
táte deférimus : ut qui tibi

digne méruit famulári; ejus
intercedéntibus méritis, ab
ómnibus nos absólvas peccá-
tis : Per Dóminum.

Secreta

ACCEPTA sit in conspéctu
tuo Dómine nostra devó-
tio : ut ejus nobis fiat suppli-
cacióné salutáris, pro cujus
solemnitáte defértur. Per Dó-
minum.

Postcommunio

DA, quæsumus Dómine,
fidélibus tuis, Sanctórum
tuórum semper veneratióne
lætári; et eórum perpétua sup-
plicatióne muníri : Per Dó-
minum.

Die 9 Junii

BB. DIANÆ ET SOC. EJUS
CÆCILIAE ET AMATÆVirg. Ord. Præd. (*sd.*)

Officium Gaudeámus, ut in Comm.
Virg. non Mart., pag. 30*, præter
ea, quæ sequuntur.

Officium

GAUDEAMUS omnes in
Dómino, diem festum
celebrántes sub honóre
sanctárum Virginum, de qua-
rum solemnitate gaudent An-
geli, et colláudant Fílium Dei.
T.P. Allelúia, allelúia. **Ps. 44**
Eructávit cor meum verbum
bonum : dico ego ópera mea
regi. **Glória Patri. Glória in**
excélsis.

Oratio

DEUS, qui beátam Diánam
Virginem tuam admirá-
bili spíritus fortitúdine doná-

sti; eique in terenda evangélica perfectionis via beatas Cæciliam et Amátam cómites dedisti : concède propítius, ut earum exémplo roborémur in árduis; et in advérsis protegámur auxilio : Per Dóminum.

De SS. Primo et Feliciano Martyribus Oratio

FAC nos, quæsumus Dómine, sanctórum Mártyrum tuórum Primi et Feliciáni semper festa sectári; et eórum suffrágiis protectionis tuæ dona sentire : Per Dóminum.

Secreta

QUÆSUMUS omnipotens Deus, ut quod tibi in honórem beátæ Virginis Diánæ ac sociárum ejus Cæciliæ et Amátæ offérimus sacrificium, ipsis intercedéntibus, ad salutem nobis proveníre concédas. Per Dóminum.

De SS. Primo et Feliciano Martyribus Secreta

FIAT tibi, quæsumus Dómine, hóstia sacránda placábilis, pretiósí celebritáte mártýrii : quæ et peccáta nostra purificet, et tuórum tibi vota conciliet famulórum. Per Dóminum.

Postcommunio

PERCEPTA sacraménta, clementissime Jesu, áugeant in nobis tuæ dilectionis afféctum : ut cum beátis Virgínibus Diána, Cæcília et Amáta despiciéntes terréna; ad tuum cæléste consórtium júgiter aspirémus : Qui vivis et regnas.

De SS. Primo et Feliciano Martyribus Postcommunio

QUÆSUMUS omnipotens Deus : ut sanctórum Mártyrum tuórum Primi et Feliciáni cæléstibus mystériis celebráta solémnitas; indulgéntiam nobis tuæ propitiatiónis acquirat : Per Dóminum.

Die 10 Junii

B. JOANNIS DOMINICI

Ep. et Conf. Ord. Præd. (sd.)

Officium Státuit, ut in Comm. Conf. Pont., pag. 18*

Oratio

DEUS largitor caritátis : qui beátum Joánnem Confessórem atque Pontificem in conservánda Ecclésiæ unitáte, instaurandáque regulári disciplina virtúte roborásti; per ipsius intercessiónem tribue nobis idipsum sentire et fácere in Christo Jesu Dómino nostro : Qui tecum.

Secreta

PER ipsam immaculátam hóstiam, quam tibi Dómine offérimus, concède, ut intercedénte beáto Joánni Confessóre tuo atque Pontífice, fidem et pacem servémus júgiter in Christo Jesu Dómino nostro : Qui tecum vivit.

Postcommunio

LARGIRE benignus in nobis, Dómine : ut hujus sacrificii participes effécti; per mérita beáti Joánnis Confessóris atque Pontificis, omnis boni grátiam in præsentí, et æternæ retributiónis præmium tribuas in futúro : Per Dóminum.

Die 11 Junii

S. BARNABÆ Apostoli

Totum Duplex

Officium

Ps. 138

M IHI autem nimis honorati sunt amici tui, Deus : nimis confortatus est principatus eorum. **T. P.** Allelúia, allelúia. **℟.** Domine probasti me, et cognovisti me : tu cognovisti sessionem meam, et resurrectionem meam. **Gloria Patri. Gloria in excelsis.**

Oratio

Q UÆSUMUS omnipotens Deus : ut beatus Barnabas Apóstolus, tuum pro nobis implóret auxílium; ut a nostris reátibus absolúti, a cunctis étiam periculis eruámur : Per Dóminum.

Lectio Actuum Apostolorum.

c. 11 et 13

I N diébus illis : Multus númerus credéntium Antiochiæ convérsus est ad Dóminum. Pervénit autem sermo ad aures ecclésiæ, quæ erat Jerosólymis super istis : et misérunt Barnabam usque ad Antiochiám. Qui cum pervénisset, et vidisset grátiam Dei, gávisus est : et hortabátur omnes in propósito cordis permanére in Dómino : quia erat vir bonus, et plenus Spíritu Sancto, et fide. Et appósita est multa turba Dómino. Proféctus est autem Barnabas Tarsum, ut quæreretur Saulum : Quem cum invenisset, perdúxit Antiochiám. Et annum

totum conversáti sunt ibi in ecclésia : et docuérunt turbam multam, ita ut cognominaréntur primum Antiochiæ discipuli, Christiáni. * Erant autem in ecclésia, quæ erat Antiochiæ, prophætæ, et doctóres, in quibus Barnabas, et Simon, qui vocabátur Niger, et Lúcius Cyrenénsis, et Mánahen, qui erat Heródis Tetrárchæ collectáneus, et Saulus. Ministrántibus autem illis Dómino, et jejunántibus, dixit illis Spíritus Sanctus : Segregáte mihi Saulum, et Barnabam in opus, ad quod assúmpsi eos. Tunc jejunántes, et orántes, imponentésque eis manus, dimisérunt illos.

Allelúia, allelúia. ℟. Ps. 138 Nimis honorati sunt amici tui, Deus : nimis confortatus est principatus eorum.

Allelúia. ℟. Ps. 46 Ascéndit Deus in jubilatione : et Dóminus in voce tubæ. **Allelúia.**

Post Trinitatem ℟. Ps. 18 In omnem terram exívit sonus eorum : et in fines orbis terræ verba eorum. **℟.** Cæli enarrant glóriam Dei, et ópera mánuum ejus annúntiat firmaméntum.

Allelúia, allelúia. ℟. Ps. 138 Nimis honorati sunt amici tui, Deus : nimis confortatus est principatus eorum. **Allelúia.**

✠ **Sequéntia sancti Evangélii** secúndum Matthæum. **c. 10**

I N illo témpore : Dixit Jesus discipulis suis : Ecce ego mitto vos sicut oves in médio lupórum. Estóte ergo prudén-

tes sicut serpentes, et simplices sicut columbae. Cavete autem ab hominibus. Tradent enim vos in conciliis, et in synagogis suis flagellabunt vos : et ad praesides, et ad reges ducemini propter me in testimonium illis, et gentibus. Cum autem tradent vos, nolite cogitare quomodo, aut quid loquamini : Dabitur enim vobis in illa hora, quid loquamini. Non enim vos estis qui loquimini, sed Spiritus Patris vestri, qui loquitur in vobis. Tradet autem frater fratrem in mortem, et pater filium : et insurgent filii in parentes, et morte eos afficient : et eritis odio omnibus propter nomen meum : Qui autem perseveraverit usque in finem, hic salvus erit. **Credo.**

Offertorium Ps. 18 In omnem terram exivit sonus eorum : et in fines orbis terrae verba eorum. **T. P. Alleluia.**

Secreta

SACRANDUM tibi, Domine, munus offerimus : quo beati Barnabae Apostoli tui sollemnia recolentes, purificationem quoque nostris mentibus imploramus. Per Dominum.

Praefatio de Apostolis.

Communio Matth. 19 Vos, qui secuti estis me, sedebitis super sedes, iudicantes duodecim tribus Israel. **T. P. Alleluia.**

Postcommunio

PERCEPTIS Domine sacramentis, suppliciter exoramus : ut intercedente beato

Barnaba Apostolo tuo, quae pro illius veneranda gerimus passio; nobis proficiant ad medelam : Per Dominum.

Die 12 Junii

B. STEPHANI BANDELLI

Conf. Ord. Praed. (sd.)

Officium Os justi, ut in **Communi Conf. non Pont.**, pag. 23*

Oratio

DEUS, qui ad errantes fideles in viam salutis revocandos, beatum Stephanum Confessorem tuum evangelicae praedicationis eximium ministrum effecisti : ejus meritis et intercessionem concede; ut a peccatis omnibus expediti, semitam mandatorum tuorum semper curramus : Per Dominum.

De SS. Mm. Basilide, Cyrino, Nabore, et Nazario **Oratio**

SANCTORUM Martyrum tuorum Basilidis, Cyrini, Naboris, atque Nazarii, quaesumus Domine, natalitia nobis votiva resplendeant : et quod illis contulit excellentia sempiterna; fructibus nostrae devotionis accrescat : Per Dominum.

Secreta

ACCIPE clementissime Deus munera tibi reverenter oblata, et qui per beatum Stephanum Confessorem tuum multos errantes in viam justitiae et sanctitatis redire fecisti, nostras etiam rebelles ad te propitius converte voluntates. Per Dominum.

De SS. Basilide etc. *Secreta*

PRO sanctórum Mártyrum tuórum Basilidis, Cyrini, Náboris, atque Nazárii sáanguine venerádo, hóstias tibi Dómine solémniter immolámus, tua mirabilia pertractátes : per quem talis est perfécta victória. Per Dóminum.

Postcommunio

INEFFABILIBUS recreáti sacraméntis, quæsumus cleméntiam tuam omnipotens Deus : ut qui beáti Stéphani Confessóris tui præclára mérita celebrámus; ejus intercessióne, æténa gáudia, his mystériis promissa, consequámur : Per Dóminum.

De SS. Basilide etc.

Postcommunio

SEMPER, Dómine, sanctórum Mártyrum tuórum Basilidis, Cyrini, Náboris, atque Nazárii solémnia celebrátes : præsta quæsumus; ut eórum patrocínia júgiter sentiámus : Per Dóminum.

Die 13 Junii

S. ANTONII DE PADUA
Confessoris (*d.*)

Officium Os justi, ut in Communi
Conf. non Pont., pag. 23*

Oratio

ECCELESIAM tuam, Deus, beáti Antónii Confessóris tui solémnitas votiva lætíficet : ut spirituálibus semper muniátur auxiliis; et gáudiis pérfrui mereátur ætérnis : Per Dóminum.

Secreta

PRÆSENS oblátio fiat, Dómine, pópulo tuo salutáris, pro quo dignátus es Patri tuo te vivéntem hóstiam immoláre : Qui cum eódem Deo Patre, et Spíritu Sancto vivis.

Postcommunio

DIVINIS, Dómine, munéribus satiáti : quæsumus, ut beáti Antónii Confessóris tui méritis gloriósis; salutáris victimæ desiderátum sentiámus effectum : Per Dóminum.

Die 14 Junii

S. BASILII

Ep., Conf. et Eccl. Doct. (*d.*)

Officium

Eccli. 45

STATUIT ei Dóminus testaméntum pacis, et príncipem fecit eum : ut sit illi sacerdótii dignitas in ætérnum. *Ps. 88* Misericórdias Dómini in ætérnum cantábo. Glória Patri. Glória in excélsis.

Oratio

DEUS, qui pópulo tuo ætérnæ salutis beátum Basilium ministrum tribuísti : præsta quæsumus, ut quem doctórem vitæ habúimus in terris; intercessórem habére mereámur in cælis : Per Dóminum.

Léctio Epístolæ beáti Pauli
Apóstoli ad Timótheum.

2, c. 4

CARISSIME : Testíficor coram Deo, et Jesu Christo, qui judicatúrus est vivos, et mórtuos, per advéntum ipsíus,

et regnum ejus : prædica verbum, insta opportune, importune : Argue, obsecra, increpa in omni patientia et doctrina. Erit enim tempus, cum sanam doctrinam non sustinebunt, sed ad sua desideria coacerbabit sibi magistros, pruriētes auribus, et a veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, et tempus resolutionis meæ instat. Bonum certavi, cursum consummavi, fidem servavi. In reliquo repōita est mihi corona justitiæ, quam reddet mihi Dominus in illa die justus iudex : Non solum autem mihi, sed et iis, qui diligunt adventum ejus.

℟. Eccli. 44 Ecce sacerdos magnus, qui in diebus suis placuit Deo. **℣.** Non est inventus similis illi, qui conservaret legem Excelsi.

Allelúia, allelúia. ℣. Ps. 109 Juravit Dominus, et non poenitebit eum : Tu es sacerdos in ætérnum secúndum ordinem Melchisedech. **Allelúia.**

✠ **Sequētia sancti Evangélii** secúndum Lucam. **c. 14**

IN illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et qui non bajulat crucem suam, et venit post me, non

potest meus esse discipulus. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum, ne, posteaquam posuerit fundamentum, et non potuerit perficere, omnes, qui vident, incipiant illudere ei, dicentes, Quia hic homo coepit ædificare, et non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? Alioquin adhuc illo longe agente, legationem mittens rogat ea, quæ pacis sunt. Sic ergo omnis ex vobis, qui non renuntiat omnibus, quæ possidet, non potest meus esse discipulus. Bonum est sal. Si autem sal evanuerit, in quo condiētur? Neque in terram, neque in sterquilinum utile est, sed foras mittētur. Qui habet aures audiēdi, audiat. **Credo.**

Offertorium Ps. 88 Inveni David servum meum, oleo sancto meo unxi eum : manus enim mea auxiliabitur ei, et brachium meum confortabit eum.

Secreta

SANCTI Basilii Confessoris tui atque Pontificis, quæsumus Domine, annua solēmnitas pietati tuæ nos reddat acceptos : ut per hæc piæ placationis officia, et illum beata retributio comitētur, et nobis gratiæ tuæ dona conciliet. Per Dominum.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constituet eum.

Postcommunio

DEUS, fidélium remunerátor animárum : præsta, ut beáti Basilií Confessóris tui atque Pontificis, cujus venerándam celebrámus festivitátem; précibus indulgéntiam consequámur : Per Dóminum.

Die 15 Junii

SS. VITI, MODESTI
ET CRESCENTIÆ

Mm. (3 LL.)

Officium Eccli. 44

SAPIENTIAM sanctórum narrent pópuli, et laudes eórum núntiet ecclésia : nómina autem eórum vivent in sáculum sáculi. **Ps. 32** Exsultáte justi in Dómino : rectos decet collaudátio. Glória Patri.

Oratio

DA Ecclésiæ tuæ, quæsumus Dómine, sanctis Martíribus tuis Vito, Modésto, atque Crescentia intercedéntibus, supérbe non sápere; sed tibi plácita humilitáte proficere : ut prava despiciens; quæcúmque recta sunt, libera exerceat caritáte : Per Dóminum.

Léctio Libri Sapiéntiæ. c. 3

JUSTORUM ánimæ in manu Dei sunt, et non tanget illos tormentum mortis. Visi

sunt óculis insipiéntium mori : et æstimáta est afflictio éxitus illórum : et quod a nobis est iter, exterminium : illi autem sunt in pace. Et si coram homínibus torménta passi sunt, spes illórum immortalitáte plena est. In paucis vexáti, in multis bene disponéntur : quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respectus illórum. Fulgébunt justi, et tamquam scintillæ in arundinétó discurrent. Judicábunt natiónes, et dominabúntur pópulis, et regnabit Dóminus illórum in perpétuum.

Ps. 149 Exsultábunt sancti in glória : lætabúntur in cubilibus suis. **V.** Cantáte Dómino cánticum novum : laus ejus in ecclésia sanctórum.

Allelúia. Ps. 67 Mirábilis Dóminus noster in sanctis suis. Allelúia.

Sequéntia sancti Evangélii secundum Lucam. c. 10

IN illo témpore : Dixit Jesus discípulis suis : Qui vos audit, me audit : et qui vos spernit, me spernit. Qui autem me spernit, spernit eum, qui misit me. Révéri sunt autem septuagínta duo cum gáudio, dicéntes : Dómine, étiam dæmónia subjiciúntur nobis in nómine tuo. Et ait illis : Vidébam sátanam sicut fulgur de cælo cadéntem. Ecce dedi vobis potestátem calcándi supra serpéntes, et scorpíones, et

super omnem virtutem inimici : et nihil vobis nocébit. Verúm tamen in hoc nolite gaudere, quia spíritus vobis subjiúntur : Gaudete autem, quod nómina vestra scripta sunt in cælis.

Offertorium Ps. 31 Lætámini in Dómino, et exsultáte justi : et gloriámini omnes recti corde.

Secreta

SICUT glóriam divínæ poténtiæ, múnera pro Sanctis obláta testántur : sic nobis efféctum, Dómine, tuæ salvatiónis impéndant. Per Dóminum.

Communio Joann. 15 Ego vos elégi de mundo, ut cátis, et fructum afferátis : et fructus vester máneat.

Postcommunio

REFECTI, Dómine; benedictiône solémni, quæsumus : ut per intercessiõem sanctórum Mártyrum tuórum Viti, Modésti, et Crescéntiæ; medicina sacraménti et corpóribus nostris prosit, et mén-tibus : Per Dóminum.

Die 16 Junii
SS. QUIRICI
ET JULITTÆ **Mm.**

Memoria
Oratio

DEUS, qui nos concédís sanctórum Mártyrum tuórum Quírici et Julittæ natalítia cólere; da nobis in æténa beatitúdine de eórum societáte gaudere : Per Dóminum.

Secreta

MUNERA tibi, Dómine, nostræ devotiónis offéri-mus : quæ et pro tuórum tibi grata sint honóre Sanctórum, et nobis salutária, te miseránte, reddántur. Per Dóminum.

Postcommunio

PRÆSTA nobis, quæsumus Dómine, intercedéntibus sanctis Martíribus tuis Quírico et Julitta; ut quæ ore contígimus, pura mente capiá-mus : Per Dóminum.

Die 18 Junii
S. EPHRÆM SYRI
Diaconi, Conf.
et Eccl. Doct. (*d.*)

Officium In médio, ut in Comuni
Doct., pag. 20*

Oratio

DEUS, qui Ecclésiám tuám beáti Ephræm Confessóris tui et Doctóris mira eruditióné et præcláris vitæ méritis illustráre voluísti : te súpplices exorámus; ut, ipso intercedénte, eam advérsus erróris et pravitatís insídias perénni tua virtúte deféndas. Per Dóminum.

De SS. Marco et Marcelliano
Martyribus **Oratio**

PRÆSTA, quæsumus, omnipotens Deus : ut, qui sanctórum Mártyrum tuórum Marci et Marcelliáni natalítia cólimus; a cunctis malis imminéntibus, eórum intercessiόνibus liberémur : Per Dóminum.

Secreta C

OMNIPOTENS sempitérne Deus, múnera tuæ majestáti obláta, per intercessiõnem beáti Ephræm Confessóris tui atque Doctóris, ad perpétuam nobis fac provenire salútem. Per Dóminum.

De SS. Marco et Marcelliano

Secreta

MUNERA tibi, Dómine, dicáta sanctifica : et, intercedéntibus sanctis Martýribus tuis Marco et Marcelliano, per éadem nos placátus inténde. Per Dóminum.

Postcommunio C

SACRAMENTA salútis nostræ suscipiéntes, concéde, quæsumus omnipotens Deus : ut beáti Ephræm Confessóris tui atque Doctóris nos ubique orátio ádjuvet; in cujus veneratione hæc tuæ obtúlimus majestáti : Per Dóminum.

De SS. Marco et Marcelliano

Postcommunio

SALUTARIS tui, Dómine, múnere satiáti, súpplices exorámus : ut, cujus lætámur gustu; intercedéntibus sanctis Martýribus tuis Marco et Marcelliano, renovémur efféctu : Per Dóminum.

Die 19 Junii

SS. GERVASII

ET PROTASII Mm. 3 LL.

Officium

Ps. 84

LOQUETUR Dóminus pacem in plebem suam, et super sanctos suos : et in eos, qui convertúntur ad

ipsum. **℟.** Benedixisti Dómine terram tuam : avertisti captivitátem Jacob. **Gloria Patri.**

Oratio

DEUS, qui nos ánnua sanctorum Mártyrum tuorum Gervásii et Protásii sollemnitate lætificas : concéde propítius, ut quorum gaudémus méritis; accendámur exémpis : Per Dóminum.

Léctio Epístolæ beáti Petri Apóstoli. **1, c. 4**

CARISSIMI : Communicántes Christi passiõibus gaudéte, ut et in revelatiõne glóriæ ejus gaudeátis exultántes. Si exprobrámini in nómine Christi, beáti éritis : quóniam quod est honóris, glóriæ, et virtútis Dei, et qui est ejus Spíritus, super vos requiéscit. Nemo autem vestrum patiátur ut homicída, aut fur, aut malédicus, aut alienórum appetitor. Si autem ut Christiánus, non erubescat : gloríficet autem Deum in isto nómine. Quóniam tempus est, ut incípiat judícium a domo Dei. Si autem primum a nobis : quis finis eórum, qui non credunt Dei Evangélio? Et si justus vix salvábitur, ímpius et peccátor ubi parébunt? Itaque et hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

℟. Sap. 3 Justórum ánimæ in manu Dei sunt, et non tanget illos torméntum malitiæ. **℟.** Visi sunt óculis insipiéntium mori : illi autem sunt in pace.

Allelúia. **℟. Ps. 67** Justi epuléntur, et exsúltent in conspéctu Dei : et delecténtur in lætítia. Allelúia.

✠ **Sequéntia sancti Evangélii** secúndum Lucam. **c. 6**

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copíosa plebis ab omni Judæa, et Jerúsalem, et marítima, et Tyri, et Sidónis, qui vénéranť ut audírent eum, et sanaréntur a languóribus suis. Et qui vexabántur a spirítibus inmúndis, curabántur. Et omnis turba quærébat eum tângere : quia virtus de illo exíbat, et sanábat omnes. Et ipse elevátis óculis in discíulos suos, dicébat : Beáti páuperes : quia vestrum est regnum Dei. Beáti, qui nunc esurítis : quia saturabímmini. Beáti, qui nunc fletis : quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exsultáte : ecce enim merces vestra multa est in cælo.

Offertorium Ps. 123 Anima nostra sicut passer erépta est de láqueo venántium : láqueus contrítus est, et nos liberátí sumus.

Secreta

MUNERA tibi, Dómine, dicáta sanctífica : et intercedéntibus sanctis Martýribus tuis Gervásio et Protásio, per

éadem nos placátus inténde. Per Dóminum.

Communio Ps. 78 Posuérunt mortália servórum tuórum Dómine, escas volatilibus cæli : carnes sanctórum tuórum béstiis terræ : secúndum magnitúdinem bráchii tui, pösside filios morte punitórum.

Postcommunio

SALUTARIS tui, Dómine, múnere satiáti, súpplīces exorámus : ut cujus lætámur gustu; intercedéntibus sanctis Martýribus tuis Gervásio et Protásio, renovémur efféctu : Per Dóminum.

Die 20 Junii

B. HOSANNÆ MANTUANÆ

Virg. Ord. Præd. (sd.)

Officium Gaudeámus, ut in **Communi Virg. non Mart.**, pag. 30*

Die 22 Junii

BEATI INNOCENTII V

Papæ et Conf. Ord. Præd. (d.)

Officium Státuit, ut in **Communi Conf. Pontificis**, pag. 18*

Oratio

DEUS, qui beátum Innocéntium Confessórem atque Pontificem, sciéntiæ ac prudéntiæ donis decorátum, pacis et unitátis conciliatórem effecísti : ejus intercessióne nobis concéde cæléstia sápere; et ómnia bona concórdi stúdio sectári : Per Dóminum.

Secreta

PRÆSENTI oblatiōne, Dómine, atque beáti Innocéntii Pontificis et Confessóris intercessiōne propitiátus, fidélibus tuis pacis et unitátis dona largire : Per Dóminum.

Postcommunio

HUJUS, Dómine, Sacraménti percéptio, beáto Innocéntio Pontifice et Confessóre intercedénte, quæsumus; ut salútem et pacem in nobis operétur ætérnam : Per Dóminum.

Die 23 Junii

In Vigilia

S. JOANNIS BAPTISTÆ

Officium

Luc. 1

NE timeas Zacharía, exaudíta est orátio tua : et Elisabeth uxor tua páriet tibi filium, et vocábis nomen ejus Joánnem : et erit magnus coram Dómino, et Spíritu Sancto replébitur adhuc ex útero matris suæ : et multi in nativité ejus gaudébunt.

✠. Appáruit autem Angelus Dómini Zachariæ, stans a dextris altáris incénsi. Glória Patri.

Oratio

PRÆSTA, quæsumus omnipotens Deus : ut família tua per viam salútis incédât; et beáti Joánnis Præcursóris hortaménta sectándo, ad eum, quem prædíxit, secúra pervéniat : Dóminum nostrum Jesum Christum Filium tuum; qui tecum.

Léctio Jeremiæ Prophætæ. c. 1

IN diébus illis : Factum est verbum Dómini ad me, dicens : Priúsqvam te formárem in útero, novi te : et ántequam exíres de vulva, sanctificávi te, et prophétam in géntibus dedi te. Et dixi, A a a, Dómine Deus : Ecce nescio loqui, quia puer ego sum. Et dixit Dóminus ad me : Noli dicere, Puer sum : quóniam ad ómnia, quæ mittam te, ibis : et univérsa, quæcúmque mandávero tibi, loquéris. Ne timeas a fácie eórum : quia tecum ego sum ut éruam te, dicit Dóminus. Et misit Dóminus manum suam, et tétigit os meum : Et dixit Dóminus ad me : Ecce dedi verba mea in ore tuo : ecce constitui te hódie super gentes, et super regna ut evéllas, et déstruas, et dispérdas, et dissipes, et ædifices, et plantes. Dicit Dóminus omnípotens.

✠. Joann. 1 Fuit homo missus a Deo, cui nomen erat Joánnes.

✠. Hic venit ut testimónium perhibéret de lúmine, et paráret Dómino plebem perfectam.

✠ Sequéntia sancti Evangélii secúndum Lucam. c. 1

FUIT in diébus Heródis, regis Judææ, sacerdos quidam nómine Zachariás de vice Abía, et uxor illius de filiábus Aaron, et nomen ejus Elisabeth. Erant autem justi ambo ante Deum, incedéntes in ómnibus mandátis, et justificatióibus Dómini sine queréla, et non erat illis filius eo quod esset Elisabeth stérilis, et

ambo processissent in diébus suis. Factum est autem, cum sacerdotio fungeretur in ordine vicis suæ ante Deum, secundum consuetudinem sacerdotii, sorte exiit ut incensum poneret, ingressus in templum Domini : Et omnis multitudo populi erat orans foris hora incensi. Apparuit autem illi Angelus Domini, stans a dextris altaris incensi. Et Zacharias turbatus est videns, et timor irruit super eum. Ait autem ad illum Angelus : Ne timeas Zacharia, quoniam exaudita est deprecatio tua : Et uxor tua Elisabeth pariet tibi filium, et vocabis nomen ejus Joannem : Et erit gaudium tibi, et exultatio, et multi in nativitate ejus gaudébunt : Erit enim magnus coram Domino : et vinum et siceram non bibet, et Spiritu Sancto replébitur adhuc ex útero matris suæ : Et multos filiorum Israël convertet ad Dominum Deum ipsorum : Et ipse præcedet ante illum in

spiritu, et virtute Eliæ : ut convertat corda patrum in filios, et incredulos ad prudentiam justorum, parare Domino plebem perfectam.

Offertorium Ps. 8 Glória et honore coronasti eum : et constituisti eum super opera manuum tuarum, Domine.

Secreta

MUNERA Domine oblata sanctifica : et intercedente beato Joanne Baptista, nos per hæc a peccatorum nostrorum maculis emunda. Per Dominum.

Communio Ps. 20 Magna est glória ejus in salutari tuo : glóriam et magnum decorem impones super eum, Domine.

Postcommunio

BEATI Joannis Baptistæ nos, Domine, præclara comitetur oratio : et quem venturum esse prædixit, poscat nobis fore placatum : Dominum nostrum Jesum Christum Filium tuum; qui tecum.

Die 24 Junii

IN NATIVITATE S. JOANNIS BAPTISTÆ

Totum Duplex I classis cum Octava simplici

Officium

Isa. 49

DE ventre matris meæ vocavit me Dominus nomine meo : et posuit os meum ut gladium acutum : sub tegumento manus suæ

protexit me, et posuit me quasi sagittam electam. **V.** Audite insulæ, et attendite populi de longe : Dominus ab útero vocavit me. **Glória Patri.** Glória in excelsis.

Oratio

DEUS, qui præséntem diem honorábilem nobis in beáti Joánnis Nativitáte fecísti : da pópulis tuis spiritalium grátiam gaudiórum; et ómnium fidélium mentes dirige in viam salutis æternæ : Per Dóminum.

Léctio Isaíæ Prophétæ. c. 49

AUDITE insulæ, et atténdite pópuli de longe : Dóminus ab útero vocávit me, de ventre matris meæ recordátus est nóminis mei. Et pósuit os meum quasi gládium acútum : in umbra manus suæ protéxit me : Et pósuit me sicut sagittam eléctam : in pháretra sua abscondit me. Et dixit mihi : Servus meus es tu Israël, quia in te gloriabor. Et nunc dicit Dóminus, formans me ex útero servum sibi : Ecce dedi te in lucem géntium, ut sis salus mea usque ad extrémum terræ. Reges vidébunt, et consúrgent príncipes, et adorábunt propter Dóminum, et sanctum Israël qui elégit te.

℟. *Jer. 1* Priúsqvam te formárem in útero, novi te : et ántequam exíres de ventre, sanctificávi te. ℣. Misit Dóminus manum suam, et tétigit os meum.

Allelúia, allelúia. ℣. *Matth. 11* Inter natos mulierum non surréxit major Joánni Baptísta. Allelúia.

✠ *Sequéntia sancti Evangélíi secúndum Lucam. c. 1*

ELISABETH implétum est tempus pariéndi, et péperit filium. Et audiérunt vicini, et cognáti ejus quia

magnificávit Dóminus misericórdiam suam cum illa, et congratulabántur ei. Et factum est in die octávo, venérunt circumcidere púerum, et vocábant eum nómine patris sui Zachariám. Et respóndens mater ejus, dixit : Nequáquam, sed vocábitur Joánnes. Et dixerunt ad illam : Quia nemo est in cognatióne tua, qui vocétur hoc nómine. Innuébant autem patri ejus, quem vellet vocári eum. Et pósulans pugillárem, scripsit, dicens : Joánnes est nomen ejus. Et miráti sunt univérsi. Apértum est autem illico os ejus, et lingua ejus, et loquebátur benedicens Deum. Et factus est timor super omnes vicínos eórum : et super ómnia montána Judææ divulgábántur ómnia verba hæc : Et posuérunt omnes, qui audierant, in corde suo, dicétes : Quis, putas, puer iste erit? Etenim manus Dómini erat cum illo. Et Zachariás pater ejus replétus est Spíritu Sancto : et prophetávit, dicens : Benedictus Dóminus Deus Israël, quia visitávit, et fecit redemptionem plebis suæ.

Non dicatur Credo, nisi in ecclesia propria, et nisi venerit in Dominica, aut infra Octavas Corporis Christi et Cordis Jesu.

Offertorium Ps. 91 Justus ut palma florébit : sicut cedrus, quæ in Líbano est, multiplicábitur.

Secreta

TUA, Dómine, munéribus altária cumulámus, illius Nativitátem honóre débito ce-

lebrantes, qui Salvatorem mundi et cecinit adfuturum, et adesse monstravit : Dominum nostrum Jesum Christum Filium tuum; qui tecum.

Communio **Luc. 1** Tu puer, propheta Altissimi vocaberis : praeibis enim ante faciem Domini parare vias ejus.

Postcommunio

SUMAT Ecclesia tua, Deus, beati Joannis Baptistae generatione laetitiam; per quem suae regenerationis cognovit auctorem : Dominum nostrum Jesum Christum Filium tuum; qui tecum.

Infra Octavam S. Joannis, quando de ipsa agitur, omnia fiant sicut in die.

Die 26 Junii

SS. JOANNIS ET PAULI

Martyrum (d.)

Officium

Ps. 33

MULTAE tribulationes justorum, et de his omnibus liberavit eos Dominus : Dominus custodit omnia ossa eorum : unum ex his non conteretur. **℟.** Benedicam Dominum in omni tempore : semper laus ejus in ore meo. **Glória Patri. Glória in excelsis.**

Oratio

QUÆSUMUS omnipotens Deus, ut nos geminata laetitia hodiernae festivitatis excipiat : quæ de beatorum Joannis et Pauli glorificatione procedit; quos eadem fides et

passio vere fecit esse germanos : Per Dominum.

Lectio Libri Sapientiae.

Eccli. 44

HI viri misericordiae sunt, quorum pietates non defuerunt : Cum semine eorum permanent bona, hereditas sancta nepotes eorum : Et in testamentis stetit semen eorum : et filii eorum propter illos usque in aeternum manent : Semen eorum et gloria eorum non derelinquetur. Corpora ipsorum in pace sepulta sunt, et nomen eorum vivit in generationem et generationem. Sapientiam ipsorum narrent populi, et laudem eorum nuntiet ecclesia.

℟. Ps. 132 Ecce quam bonum, et quam jucundum habitare fratres in unum. **℟.** Sicut unguentum in capite, quod descendit in barbam, barbam Aaron.

Allelúia, allelúia. ℟. Apoc. 11 Isti sunt duae olivae, et duo candelabra lucéntia ante Dominum : habent potestatem claudere caelum nubibus, et aperire portas ejus : quia linguae eorum claves caeli factae sunt. **Allelúia.**

✠ Sequéntia sancti Evangelii secundum Lucam. c. 12

IN illo tempore : Dixit Jesus discipulis suis : Atténdite a fermento Phariseorum, quod est hypocrisis. Nihil autem opertum est, quod non reveletur : neque absconditum, quod non sciatur. Quóniam quæ in tenebris dixistis, in

lúmine dicéntur : et quod in aurem locúti estis in cubiculis, prædicábitur in tectis. Dico autem vobis amícis meis : Ne terreámini ab his, qui occídunt corpus, et post hæc non habent ámplius quid fácient. Osténdam autem vobis, quem timeátis : Timéte eum, qui, postquam occiderit, habet potestátem mittere in gehénnam. Ita dico vobis, hunc timéte. Nonne quinque pásseres véneunt dipóndio, et unus ex illis non est in obliuione coram Deo? Sed et capílli cápitis vestri omnes numeráti sunt. Nolíte ergo timére : multis passéribus pluris estis vos. Dico autem vobis : Omnis, quicumque conféssus fúerit me coram homínibus, et Fílius hóminis confitébitur illum coram Angelis Dei.

Offertorium Ps. 5 Gloriabúntur in te omnes, qui diligunt nomen tuum, quóniam tu Dómine benedíces justo : Dómine, ut scuto bonæ voluntátis tuæ coronásti nos.

Secreta

HOSTIAS tibi, Dómine, sanctórum Mártyrum tuórum Joánnis et Pauli dicátas méritis, benígnus assúme : et ad perpétuum nobis tribue proveníre subsidium. Per Dóminum.

Communio Sap. 3 Et si coram homínibus torménta passi sunt, Deus tentávit eos : tamquam aurum in fornáce probávit eos, et quasi holocáusta accépit eos.

Postcommunio

SUMPSIMUS, Dómine, sanctórum Mártyrum tuórum Joánnis et Pauli solémnia celebrántes, sacraménta cæléstia : præsta quæsumus, ut quod temporáliter gérimus; ætérnis gáudiis consequámur : Per Dóminum.

Die 27 Junii

Si hodie sit Sabbatum, Missa dicitur de Vigilia anticipata Apostolorum cum Memoria Octavæ et B. M. V.

Die 28 Junii

S. IRENÆI Ep. et Mart. (d.)

Officium

Malach. 2

LEX veritátis fuit in ore ejus, et iniquitas non est invérta in lábiis ejus : in pace, et in æquitáte ambulávit mecum, et multos avértit ab iniquitate. **℟. Ps. 77** Atténdite, pópule meus, legem meam : inclináte aurem vestram in verba oris mei. **Glória Patri. Glória in excélsis.**

Oratio

DEUS, qui beáto Irenæo Mártyri tuo atque Pontífici tribuísti, ut et veritate doctrinæ expugnáret háereses, et pacem Ecclésiæ feliciter confirmáret : da, quæsumus, plebi tuæ in sancta religióne constántiam; et pacem tuam nostris concéde tempóribus. Per Dóminum.

Et fit Memoria Octavæ S. Joannis et in Missis privatis etiam Memoria Vigiliæ.

Lectio Epistolæ beati Pauli
Apóstoli ad Timótheum.

2, c. 3 et 4

CARISSIME : Pérmáne in iis, quæ didicisti, et crédita sunt tibi : sciens a quo didiceris : et quia ab infántia sacras líttéras nosti, quæ te possunt instrúere ad salútem, per fidem, quæ est in Christo Jesu. Omnis Scriptúra divinitus inspiráta útilis est ad docéndum, ad arguéndum, ad corripiéndum, ad erudiéndum in justítia : ut perféctus sit homo Dei, ad omne opus bonum instrúctus. * Testificor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus : prædica verbum, insta opportúne, importúne : árgue, óbsecre, increpa in omni patiéntia, et doctrína. Erit enim tempus, cum sanam doctrinam non sustinébunt, sed ad sua desidéria coacerbábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple.

℟. Ps. 121 Propter fratres meos, et próximos meos loquébar pacem de te. ℟. Ps. 36 Custódi innocéntiam, et vide æquitátem : quóniam sunt reliquiæ hómini pacífico.

Allelúia, allelúia. ℟. Eccli. 6 In multitúdine presbyterórum prudéntium sta, et sapiéntiæ illórum ex corde conjungere,

ut omnem narratióem Dei possis audíre. Allelúia.

✠ Sequéntia sancti Evangelíi
secúndum Matthæum. c. 10

IN illo témpore : Dixit Jesus discípulis suis : Nolíte timére eos, qui occídunt corpus, ánimam autem non possunt occídere; sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt : et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolite ergo timére : multis passéribus melióres estis vos. Omnis ergo, qui confitébitur me coram homínibus, confitébor et ego eum coram Patre meo, qui in cælis est. Qui autem negáverit me coram homínibus, negábo et ego eum coram Patre meo, qui in cælis est.

Offertorium Eccli. 24 Doctrinam quasi antelucánum illúmino ómnibus, et enarrábo illam usque ad longínquum.

Secreta

DEUS, qui credéntes in te pópulos nullis sinis cóncuti terróribus : dignáre preces et hóstias dicátæ tibi plebis suscípere, ut pax a tua pietáte concéssa, christianórum fines ab omni hoste fáciat esse secúros. Per Dóminum.

Communio Eccli. 24 Vidéte quóniam non soli míhi laborávi, sed ómnibus exquiréntibus veritátem.

Postcommunio

DEUS auctor pacis et amātor, quem nosse, vivere, cui servire, regnāre est : protége ab ómnibus impugnatió-nibus súpplīces tuos; ut, qui in defensióne tua confidimus, beáti Irenæi Mártiris tui atque Pontificis intercessióne, nullius hostilitátis arma timeamus. Per Dóminum.

Eadem die

In Vigilia

SS. PETRI ET PAULI App.

Officium

Joann. 21

DICIT Dóminus Petro : Cum esses júnior, cingebas te, et ambulabas ubi volébas : cum autem senúeris, extēdes manus tuas, et álius te cinget, et ducet quo tu non vis. Hoc autem dixit significans qua morte clarificatúrus esset Deum. **℟. Ps. 18** Cæli enarrant glóriam Dei, et ópera mánuum ejus annúntiat firmaméntum. Glória Patri.

Oratio

PRÆSTA, quæsumus omnipotens Deus : ut nullis nos permittas perturbatió-nibus concuti; quos in Apostólicæ confessiōnis petra solidásti : Per Dóminum.

Lectio Actuum Apostolorum.

c. 3

IN diébus illis : Petrus, et Joánnēs ascendébant in templum ad horam oratiōnis nonam. Et quidam vir, qui erat claudus ex útero matris

suæ, bajulabátur : quem ponébant quotidie ad portam templi, quæ dicitur Speciósā, ut péteret eleemósynam ab introeúntibus in templum. Is cum vidisset Petrum et Joánnem incipiētes introire in templum, rogábat ut eleemósynam acciperet. Intuens autem in eum Petrus cum Joánnē, dixit : Réspice in nos. At ille intendébat in eos, sperans se áliquid acceptúrum ab eis. Petrus autem dixit : Argéntum et aurum non est mihi : quod autem hábeo, hoc tibi do : In nómine Jesu Christi Nazaréni surge, et ámbula. Et apprehénsa manu ejus dextera, allevávit eum et prótinus consolidátæ sunt bases ejus, et plantæ. Et exsiliens stetit, et ambulábat : Et intrávit cum illis in templum ámbulans, et exsiliens, et laudans Deum. Et vidit omnis pópulus eum ambulántem, et laudántem Deum. Cognoscébant autem illum, quod ipse erat, qui ad eleemósynam sedébat ad Speciósam portam templi : Et impléti sunt stupóre et éctasi in eo, quod contigerat illi.

℟. Ps. 18 In omnem terram exívit sonus eórum : et in fines orbis terræ verba eórum.

℟. Cæli enarrant glóriam Dei, et ópera mánuum ejus annúntiat firmaméntum.

✠ Sequéntia sancti Evangélii secúndum Joánnem. **c. 21**

IN illo témpore : Dixit Jesus Simóni Petro : Simon Joánnis diligis me plus his? Dicit ei : Etiam Dómine, tu scis quia

amo te. Dicit ei : Pasce agnos meos. Dicit ei iterum : Simon Joánnis, diligis me? Ait illi : Etiam Dómine, tu scis quia amo te. Dicit ei : Pasce agnos meos. Dicit ei tertio : Simon Joánnis, amas me? Contristátus est Petrus, quia dixit ei tertio, Amas me? et dixit ei : Dómine tu ómnia nosti : tu scis quia amo te. Dixit ei : Pasce oves meas. Amen, amen dico tibi : cum esses júnior, cingébas te, et ambulábas ubi volébas : Cum autem senúeris, exténdes manus tuas, et álius te cinget, et ducet quo tu non vis. Hoc autem dixit, significans qua morte clarificáturus esset Deum.

Offertorium Ps. 138 Mihi autem nimis honoráti sunt

amíci tui, Deus : nimis confortátus est principátus eórum.

Secreta

MUNUS pópuli tui, quásumus Dómine, Apostólica intercessióne sanctifica, nosque a peccatórum nostrórum máculis emúnda. Per Dóminum.

Præfatio communis.

Communio Joan. 21 Simon Joánnis, diligis me plus his? Dómine tu ómnia nosti : tu scis Dómine quia amo te.

Postcommunio

QUOS cælésti, Dómine, aliménto satiásti; Apostólicis intercessiónibus ab omni adversitáte custódi : Per Dóminum.

Die 29 Junii

SANCTORUM APOSTOLORUM PETRI ET PAULI

Totum Duplex I classis cum Octava solemni

Officium

Act. 12

NUNC scio vere, quia misit Dóminus Angelum suum : et erípuit me de manu Heródis, et de omni expectatióne plebis Judæórum. **℟. Ps. 138** Dómine, probásti me, et cognovisti me : tu cognovisti sessiónem meam, et resurrectionem me-

am. Glória Patri. Glória in excélsis.

Oratio

DEUS, qui hodiérnam diem Apostolorum tuórum Petri et Pauli martýrio consecrásti: da Ecclesiæ tuæ, eórum in ómnibus sequi præcéptum; per quos religiónis sumpsit exórdium : Per Dóminum.

Lectio Actuum Apostolorum.

c. 12

IN diébus illis : Misit Heródes rex manus, ut affligeret quosdam de Ecclesia. Occidit autem Jacóbum fratrem Joán-nis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cum apprehendisset, misit in cárcerem, tradens quátuor quaterniónibus mílitum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiébat sine intermissióne ab Ecclesia ad Deum pro eo. Cum autem productúrus eum esset Heródes, in ipsa nocte erat Petrus dórmienti inter duos mílites, vinctus caténis duábus : Et custódes ante óstium custodiébant cárcerem. Et ecce Angelus Dómini ástítit : et lumen refúlsit in habitáculo : Percussóque látere Petri, excitávit eum, dicens : Surge velóciter. Et cecidérunt caténæ de mánibus ejus. Dixit autem Angelus ad eum : Præcingere, et calcea te caligas tuas. Et fecit sic. Et dixit illi : Circúmda tibi vestiméntum tuum, et séquere me. Et éxiens sequebátur eum, et nesciébat quia verum est, quod fiébat per Angelum : Existimábat autem se visum vidére. Trans-eúntes autem primam et secúndam custódiám, venérunt ad portam férream, quæ ducit ad civitátem : quæ ultro apérta est eis. Et exeúntes proces-

sérunt vicum unum : et continuo discéssit Angelus ab eo. Et Petrus ad se revérsus, dixit : Nunc scio vere quia misit Dóminus Angelum suum, et erípuit me de manu Heródis, et de omni exspectatióne plebis Judæórum.

℟. Ps. 44 Constitues eos príncipes super omnem terram : mémores erunt nóminis tui Dómine. ℣. Pro pátribus tuis nati sunt tibi filii : proptérea pópuli confitebúntur tibi.

A llelúia, allelúia. ℣. Matth. 16 Beátus es Simon Bar Jona : quia caro, et sanguis non revelávit tibi, sed Pater meus, qui est in cælis. Allelúia.

✠ Sequéntia sancti Evangélii secúndum Matthæum. c. 16

IN illo témpore : Venit Jesus in partes Cæsaréæ Philippi : et interrogábat discipulos suos, dicens : Quem dicunt hómines esse Fílium hóminis? At illi dixerunt : Alii Joánnem Baptistam, álii autem Eliám, álii vero Jeremíam, aut unum ex prophétis. Dicit illis Jesus : Vos autem quem me esse dicitis? Respóndens Simon Petrus, dixit : Tu es Christus, filius Dei vivi. Respóndens autem Jesus, dixit ei : Beátus es Simon Bar Jona : quia caro, et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo ecclésiám meam, et portæ inferi non prævalébunt advérsus

eam. Et tibi dabo claves regni cælórum. Et quodcúmque ligáveris super terram, erit ligátum et in cælis : Et quodcúmque sólveris super terram, erit solútum et in cælis.
Credo.

Offertorium Ps. 44 Constítues eos príncipes super omnem terram : mémoires erunt nóminis tui Dómine, in omni progénie et generatióne.

Secreta

HOSTIAS, Dómine, quas nómini tuo sacrándas offérimus, Apostólica prosecquátur orátio, per quam nos expiári tribuas, et deféndi. Per Dóminum.

Præfatio de Apostolis. Et dicatur per totam Octavam, nisi in festis propriam Præfationem habentibus.

Communio Matth. 16 Tu es Petrus, et super hanc petram ædificábo ecclésiám meam.

Postcommunio

QUOS cælésti, Dómine, aliménto satiásti; Apostólicis intercessiόνibus ab omni adversitaté custódi : Per Dóminum.

Die 30 Junii

IN COMMEMORATIONE
S. PAULI Apostoli (*t. d.*)

Officium 2 Tim. 1

SCIO cui crédidi, et certus sum quia potens est depósitum meum serváre in illum diem, justus iudex.
℟. **Ibid. 4** De réliquo repósita

est mihi coróna justitiæ. Glória Patri. Glória in excélsis.

Oratio

DEUS, qui multitudínem Géntium beáti Pauli Apóstoli prædicatióne docuísti : da nobis, quæsumus, ut cujus natalítia cólimus; ejus apud te patrocínia sentiámus : Per Dóminum.

De S. Petro

Oratio

DEUS, qui beáto Petro Apóstolo tuo, collátis clávis regni cæléstis, ligándi atque solvéndi pontificium tradidisti : concéde, ut intercessiόνis ejus auxilio; a peccatórum nostrórum néxibus liberémur : Qui vivis et regnas.

Léctio Epístolæ beáti Pauli Apóstoli ad Gálatas. c. 1

FRATRES : Notum vobis fácio Evangélium, quod evangelizátum est a me, quia non est secúndum hómínem : Neque enim ego ab hómíne accépi illud, neque dídici sed per revelatiónem Jesu Christi. Audístis enim conversatiónem meam aliquándo in Judaísmo : quóniam supra modum persequébar Ecclésiám Dei, et expugnábam illam, et proficiébam in Judaísmo supra multos coætáneos meos in génere meo, abundántius æmulátor exsistens paternárum meárum traditiónum. Cum autem plácuít ei, qui me segregávit ex útero matris meæ, et vocávit per grátiam suam, ut reveláret Filium suum in me, ut evangelizárem illum in géntibus : contínuo non acquiévi

carni et sánguini, neque veni Jerosólymam ad antecessóres meos Apóstolos : sed ábíi in Arábiam : et íterum revérsus sum Damáscum : Deínde post annos tres veni Jerosólymam vídere Petrum, et mansi apud eum diébus quíndecim : Alium autem Apostolórum vídi némínem, nisi Jacóbum fratrem Dómini. Quæ autem scribo vobis, ecce coram Deo, quia non méntior.

℟. **Gal. 2** Qui operátus est Petro in Apostolátum, operátus est et mihi inter gentes : et cognovérunt grátiam Dei, quæ data est mihi. ℣. **1 Cor. 15** Grátia Dei in me vácuá non fuit : sed grátia ejus semper in me manet.

Allelúia, allelúia. ℣. Magnus sanctus Paulus, vas electiónis, vere digne est glorificándus. Allelúia.

✠ **Sequéntia sancti Evangélii** secúndum Matthæum. **c. 10**

IN illo témpore : Dixit Jesus discípulis suis : Ecce ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in concíliis, et in synagógis suis flagellábunt vos : Et ad præsides, et ad reges ducémíni propter me in testimónium illis, et géntibus. Cum autem tradent vos, nólite cogítare quómodo, aut quid loquámini : Dábitur enim vobis in illa hora, quid loquámini. Non enim vos estis qui

loquímíni, sed Spíritus Patris vestri, qui lóquitur in vobis. Tradet autem frater fratrem in mortem, et pater filium : Et insúrgent filii in paréntes, et morte eos afficient : Et éritis ódio ómnibus propter nomen meum : Qui autem perseveráverit usque in finem, hic salvus erit. **Credo.**

Offertorium Ps. 138 Mihi autem nimis honoráti sunt amici tui, Deus : nimis confortátus est principátus eórum.

Secreta

HOSTIAS, Dómine, quas nómini tuo sacrándas offérimus, Apostólica prosecuátur orátio, per quam nos expiári tribuas, et deféndi. Per Dóminum.

De S. Petro

Secreta

ECCELESIAE tuæ, quæsumus Dómine, preces et hóstias beáti Petri Apóstoli tui coméndet orátio : ut quod pro illíus glória celebrámus, nobis prosit ad véniam. Per Dóminum.

Præfatio de Apostolis.

Communio Matth. 19 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio

PERCEPTIS, Dómine, sacraméntis, beáto Paulo Apóstolo tuo interveniéntem, deprecámur : ut quæ pro illíus celebráta sunt glória; nobis proficiant ad medélam : Per Dóminum.

De S. Petro Postcommunio

LÆTIFICET nos, Dómine quæsumus, munus oblátum : ut sicut in Apóstolo tuo Petro te mirábilem prædicámus; sic per illum tuæ sumá-

mus indulgéntiæ largitátem : Per Dóminum.

Si infra Octavam Apostolorum Petri et Pauli de ipsis Memoria facienda est, dicantur Oratio, Secreta et Postcommunio sicut in die, pag. 479 et 481.

FESTA JULII

Die 1 Julii

PRETIOSISSIMI SANGUINIS

D. N. J. C.

Totum Duplex I classis

Officium

Apoc. 5

REDEMISTI nos, Dómine, in Sanguine tuo ex omni tribu, et lingua, et populo, et natione : et fecisti nos Deo nostro regnum. **T. P.** Allelúia, allelúia. **℟.** Ps. 88 Misericórdias Dómini in ætérnum cantábo: in generatióem et generatióem annuntiábo veritátem tuam in ore meo. Glória Patri. Glória in excélsis.

Oratio

OMNIPOTENS sempitérne Deus, qui unigénitum Fílium tuum mundi Redemptórem constituísti; ac ejus Sanguine placári voluísti : concéde, quæsumus, salútis nostræ pretíum solémni cultu ita venerári, atque a præsentis vitæ malis ejus virtúte deféndi in terris; ut fructu perpétuo

lætémur in cælis : Per eúmdem Dóminum.

Et fiat Memoria Octavæ S. Joannis Bapt. cum Orationibus ut in Festo, p. 474, in Missis privatis tantum.

Lectio Epístolæ beáti Pauli Apóstoli ad Hebræos. **c. 9**

FRATRES : Christus assístens pón tifex futurórum bonórum, per ámplius et perfectius tabernáculum non manu fáctum, id est, non hujus creati ónis : neque per sánguinem hircórum, aut vitulórum, sed per próprium Sanguinem introiit semel in Sancta, ætérna redempti óne invénta. Si enim sanguis hircórum et taurórum, et cinis vitulæ aspérsus inquinátos sanctificat ad emundati ónem carnis : quanto magis Sanguis Christi, qui per Spíritum Sanctum se-

metípsum obtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ideo novi testaménti mediátor est : ut morte intercedénte, in redemptionem eárum prævaricationum, quæ erant sub prióri testaménto, repromissionem accipiant qui vocáti sunt æternæ hereditátis : In Christo Jesu Dómino nostro.

℟. 1 Joann. 5 Illic est, qui venit per aquam et sánguinem, Jesus Christus : non in aqua solum, sed in aqua et sáanguine. **℣.** Tres sunt, qui testimónium dant in cælo : Pater, Verbum, et Spíritus Sanctus : et hi tres unum sunt. Et tres sunt, qui testimónium dant in terra : Spiritus, aqua, et sanguis : et hi tres unum sunt.

Allelúia, allelúia. ℣. Si testimónium hóminum accipimus, testimónium Dei majus est. **Allelúia.**

Infra Septuagesimam Tractus Ephes. 1 Gratificávit nos Deus in dilécto Filio suo : in quo habémus redemptionem per Sanguinem ejus. **℣.** Remissionem peccatórum secundum divítias grátiae ejus, quæ superabundávit in nobis. **℣. Rom. 3** Justificáti gratis per grátiam ipsíus, per redemptionem, quæ est in Christo Jesu. **℣.** Quem propósuit Deus propitiationem per fidem in Sanguine ipsíus.

Temp. Resurr. secundum Allelúia. ℣. Surréxit Christus, et illúxit pópulo suo,

quem redémit ipse sáanguine suo. **Allelúia.**

Temp. Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. **Allelúia.**

✠ **Sequéntia sancti Evangélii secundum Joánnem. c. 19**

IN illo témpore : Cum accepisset Jesus acétum, dixit : Consummátum est. Et inclináto cápite, trádidit spíritum. Judæi ergo, (quóniam Parasceve erat) ut non remanérerent in cruce córpora sábbato, (erat enim magnus dies ille Sábbati) rogavérunt Pilátum ut frangeréntur eórum crura, et tolleréntur. Venérunt ergo milites : et primi quidem fregérunt crura, et alterius, qui crucifixus est cum eo. Ad Jesum autem cum venissent, ut vidérunt eum jam mórtuum, non fregérunt ejus crura, sed unus militum lancea latus ejus apérui, et continuo exívit sanguis et aqua. Et qui vidit, testimónium perhibuit : et verum est testimónium ejus. **Credo.**

Offertorium 1 Cor. 10 Calix benedictionis, cui benedicimus, nonne communicatio Sanguinis Christi est? et panis, quem frángimus, nonne participatio Córporeis Dómini est? **T. P. Allelúia.**

Secreta

PER hæc divína mystéria, ad novi, quæsumus, testaménti mediátorem Jesum accedámus; et super altária tua Dómine virtútum, asper-

siónem ságuinis, mélius lo-
quéntem quam Abel, innové-
mus. Per eúmdem.

Præfatio de Cruce Qui salútem.

Communio Hebr. 9 Christus
semel oblátus est ad multó-
rum exhaustiéndam peccáta : se-
cúndo sine peccáto apparébit
exspectántibus se, in salútem.
T. P. Allelúia.

Postcommunio

AD sacram, Dómine, men-
sam admissi, háusimus
aquas in gáudio de fóntibus
Salvatóris; Sanguis ejus fiat
nobis, quæsumus, fons aquæ
in vitam ætérnam salientis :
Qui tecum vivit et regnat.

Die 2 Iulii

IN VISITATIONE B. M. V.

Totum Duplex II cl.

Officium

GAUDEAMUS omnes in Dó-
mino, diem festum ce-
lebrántes sub honóre
beátæ Mariæ Vírginis, de cu-
jus Visitatione gaudent An-
geli, et colláudant Filium Dei.
℣. Ps. 44 Eructávit cor meum
verbum bonum : dico ego
ópera mea regi. Glória Patri.
Glória in excélsis.

Oratio

OMNIPOTENS et miséricors
Deus, majestátem tuam
suppliciter exorámus : ut sicut
Unigénitum tuum per Visita-
tiónem et salutatióem Geni-
trícis ejus púero clauso in
útero revelásti; ita méritis
ejúsdem Genitrícis, et préci-

bus, ipsum nos fácias reveláta
fácie perpétuo contemplári :
Qui tecum.

*De SS. Mm. Processo et Mar-
tiniano* *Oratio*

DEUS, qui nos sanctórum
Mártýrum tuórum Pro-
cèssi et Martiniáni gloriósis
confessióibus circúmdas et
prótegis : da nobis et eórum
imitatióne proficere; et inter-
cessiône gaudere : Per Dó-
minum.

Lectio Libri Sapiéntiæ.

Cant. 2

ECCE iste venit sáliens in
móntibus, transíliens col-
les : Símilis est diléctus meus
cápreæ, hinnulóque cervórum.
En ipse stat post parietem
nostrum, respiciens per fené-
stras, prospiciens per cancél-
los. En diléctus meus lóquitur
mihi : Surge, própera amíca
mea, colúmba mea, formósa
mea, et veni. Jam enim hiems
tránsiit, imber ábiit, et recés-
sit. Flores apparuérunt in
terra nostra, tempus putatió-
nis advénit : Vox túrturis au-
dita est in terra nostra : Ficus
prótulit grossos suos : Vineæ
floréntes dedérunt odórem
suum. Surge, amíca mea, spe-
ciósa mea, et veni : Colúmba
mea in foraminibus petræ, in
cavérna macériæ, osténde mihi
fáciem tuam, sonet vox tua in
áuribus meis : Vox enim tua
dulcis, et fácies tua decóra.

℣. Ps. 44 Propter veritátem,
et mansuetúdinem, et justí-
tiam : et dedúcet te mirabíliter
délixtera tua. ℣. Audi filia, et

vide, et inclína aurem tuam : quia concupívit rex spéciem tuam.

Allelúia, allelúia. V. Luc. 1 Magnificat ánima mea Dóminum : et exsultávit spíritus meus in Deo salutári meo. Allelúia.

✠ **Sequéntia sancti Evangélíi** secúndum Lucam. **c. 1**

IN illo témpore : Exsúrgens María, ábiit in montána cum festinatóne in civitátem Juda. Et intrávit in domum Zachariæ, et salutávit Elísabeth. Et factum est, ut audívit salutatónem Mariæ Elísabeth, exsultávit infans in útero ejus : Et repléta est Spíritu Sancto Elísabeth : et exclamávit voce magna, et dixit : Benedicta tu inter mulieres, et benedictus fructus ventris tui. Et unde hoc mihi ut véniat mater Dómini mei ad me? Ecce enim ut facta est vox salutatónis tuæ in áuribus meis, exsultávit in gáudio infans in útero meo. Et beáta, quæ credidisti, quóniam perficiéntur ea, quæ dicta sunt tibi a Dómino. Et ait María : Magnificat ánima mea Dóminum : Et exsultávit spíritus meus in Deo salutári meo. **Credo.**

Offertorium Felix namque es sacra Virgo María, et omni laude digníssima : quia ex te ortus est sol justítiæ, Christus Deus noster.

Secreta

OMNIPOTENS sempitérne Deus, qui de ómnibus in te confidéntibus curam semper habes : præsta quæsu-

mus, ut per oblatiónem, quam tibi offérimus, visitatónem spirituálem beátæ Mariæ Virginis in nostris necessitatibus semper sentiámus. Per Dóminum.

De SS. Processo et Martiniano Secreta

SUSCIPE Dómine preces et múnera : quæ ut tuo sint digna conspéctu, Sanctorum tuorum précibus adjuvémur. Per Dóminum.

Præfatio de B. M. V. Et te in Visitatóne.

Communio Beáta viscera Mariæ Virginis, quæ portavérunt ætérni Patris Filium.

Postcommunio

OMNIPOTENS sempitérne Deus, qui commemora-tiónem Visitátionis beatissimæ Mariæ Matris Dei fieri voluísti : præsta quæsumus, ut per hoc sacrificium, quod sumpsimus; ab ejus visitátionis grátia nullátenus excidámus : Per eúndem Dóminum.

De SS. Processo et Martiniano Postcommunio

CORPORIS sacri, et pretiósí Ságuinis repléti libámine, quæsumus Dómine Deus noster : ut quod pia devotióne gérimus; certa redemptióne capiámus : Per eúndem.

Die 3 Julii

S. LEONIS II

Papæ et Confessoris (*sp.*)

Officium Sacerdótes, ut in Comuni Conf. Pont., pag. 17*, cum Evangelio Homo péregre, ex Missa Státuit, pag. 19*

Oratio

DEUS, qui beátum Leónem Pontificem, Sanctórum tuórum méritis coæquásti : concéde propítius, ut qui commemoratiónis ejus festa percólimus; vitæ quoque imitémur exémpa : Per Dóminum.

Secreta

ANNUE nobis, quæsumus Dómine, ut intercessióne beáti Leónis hæc nobis prosit oblátio, quam immolándo totius mundi tribuísti relaxári delicta. Per Dóminum.

Postcommunio

DEUS, qui animæ fámuli tui Leónis æternæ beatitudinis præmia contulisti : concéde propítius, ut qui peccatórum nostrórum póndere prémimur; ejus apud te precibus sublevémur : Per Dóminum.

Die 4 Iulii

Infra Octavam Apostolorum
PETRI ET PAULI

Officium Mihi autem, ut in Missa votiva de iisdem, pag. 63*, præter Orationem, Secretam, et Postcommunione, quæ dicuntur ut in die festi, pag. 479

Die 5 Iulii

S. ANTONII MARIÆ
ZACCARIA Conf. (d.)

Officium 1 Cor. 2

SERMO meus, et prædicatio mea non in persuasibilibus humanæ sapiéntiæ verbis, sed in ostensióne spíri-

tus, et virtútis. *℟. Ps. 110*
Confitébor tibi, Dómine, in toto corde meo, in consílio justórum et congregatióne. Glória Patri. Glória in excélsis.

Oratio

FAC nos, Dómine Deus, supereminéntem Jesu Christi sciéntiam, spíritu Pauli Apóstoli ediscere; qua beátus Antónius Mariá mirabiliter eruditus, novas in Ecclesiá tua Clericórum et Virgínium familias congregávit : Per eúmdem.

Lectio Epístolæ beáti Pauli Apóstoli ad Timótheum.

1, c. 4

PIETAS ad ómnia útilis est, promissionem habens vitæ, quæ nunc est, et futuræ. Fidélis sermo, et omni acceptiône dignus. In hoc enim laborámus, et maledícimur, quia sperámus in Deum vivum qui est Salvátor ómnium hóminum, máxime fidélium. Præcipe hæc, et doce. Nemo adolescentiam tuam contémpnat : sed exémpulum esto fidélium in verbo, in conversatióne, in caritaté, in fide, in castitaté. Dum vénio, atténde lectiáni, exhortatiáni, et doctrinæ. Noli negligere grátiam, quæ in te est, quæ data est tibi per prophetiam, cum impositiône mánuum presbytérii. Hæc meditáre, in his esto : ut profectus tuus manifestus sit ómnibus. Atténde tibi, et doctrinæ : insta in illis. Hoc enim fáciens, et teípsum salvum fácies, et eos, qui te áudiunt.

℟. Philipp. 1 Testis mihi est Deus, quo modo cūpiam omnes vos in viscēribus Jesu Christi. Et hoc oro, ut caritas vestra magis ac magis abundet in sciētia et in omni sensu. **℣.** Ut probētis potiōra, ut sitis sincēri, et sine offēsa in diem Christi.

Allelūia, allelūia. ℣. Replēti fructu justitię per Jesum Christum, in glōriam et laudem Dei. **Allelūia.**

✠ **Sequētia sancti Evangēlii** secūndum Marcum. **c. 10**

IN illo tēpore : Dixit Jesus discipulis suis : Quisquis non recēperit regnum Dei velut pārvulus, non intrābit in illud. Et cum egrēssus esset in viam, procūrens quidam, genu flexo ante eum, rogābat eum : Magister bone, quid faciā ut vitam ætērnā percipiam? Jesus autem dixit ei : Quid me dicis bonum? Nemo bonus nisi unus Deus. Pręcepta nosti : ne adūlteres, ne occidas, ne furēris, ne falsum testimoniū dixeris, ne fraudem fēceris, honōra patrem et matrem. At ille respōdens ait illi : Magister, hęc ōmnia observāvi a juventūte mea. Jesus autem intūitus eum, dilēxit eum, et dixit ei : Unum tibi deest : Vade, quēcūmq; habes vende, et da paupēribus, et habēbis thesāurum in cēlo : et veni, sēquere me.

Offertorium Ps. 127 In conspectu Angelōrum psallam tibi : adorābo ad templum sanctum tuum, et confitēbor nōmini tuo.

Secreta

AD mensam cælēstis convīvii fac nos, Dōmine, eam mentis et cōrporis puritatem affērrē; qua beātus Antōnius Mariā, hanc sacratissimam Hōstiam offerens, mirifice ornātus enīuit : Per Dōminum.

Communio Philip. 3 Imitatores mei estōte, fratres, et observāte eos qui ita āmbulant, sicut habētis formam nostram.

Postcommunio

CÆLESTI dape qua pasti sumus, Dōmine Jesu Christe, eo corda nostra caritātis igne flammēscant; quo beātus Antōnius Mariā salutāris Hōstię vexillum contra Ecclēsię tuę hostes extulit ad victōriam : Qui vivis et regnas.

Die 6 Julii

IN OCTAVA SS. PETRI
ET PAULI **App.**

Officium Eccli. 44

SAPIENTIAM sanctorum narrent pōpuli, et laudes eōrum nūntiet ecclēsia : nōmina autem eōrum vivent in sēculum sēculi. **℣. Ps. 32** Exsultāte justi in Dōmino : rectos decet collaudātio. **Gloria Patri. Glōria in excēlsis.**

Oratio

DEUS, cujus dēxtera beātum Petrum ambulāntem in flūctibus, ne mergerētur, erexit : et Coapōstolum ejus Paulum tērtio naufragāntem de profūdo pēlagi liberāvit;

exáudi nos propítius, et concéde, ut ambórum méritis æternitátis glóriam consequámur : Qui vivis.

Lectio Libri Sapiéntiæ.

Eccli. 44

HI viri misericórdiæ sunt, quorum pietátes non defuerunt : Cum sémine eórum pérmanent bona, heréditas sancta nepótes eórum : Et in testaméntis stetit semen eórum : et filii eórum propter illos usque in ætérnum manent : Semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum nuntiet ecclésia.

℟. Ps. 18 In omnem terram exivit sonus eórum : et in fines orbis terræ verba eórum.

℣. Cæli enarrant glóriam Dei, et ópera mánuum ejus annúntiat firmaméntum.

Allelúia, allelúia. ℣. Apoc. 11 Isti sunt duæ olivæ, et duo candelábra lucéntia ante Dóminum : habent potestátem cláudere cælum núbibus, et aperíre portas ejus : quia linguæ eórum claves cæli factæ sunt. Allelúia.

✠ Sequéntia sancti Evangélíi secúndum Matthæum. c. 14

IN illo témpore : Cómputit Jesus discípulos ascéndere in navículam, et præcedere eum trans fretum, donec dimitteret turbas. Et dimissa turba, ascéndit in montem so-

lus oráre. Véspere autem factó, solus erat ibi. Navícula autem in médio mari jactabátur flúctibus : Erat enim contrárius ventus. Quarta autem vigília noctis, venit ad eos ámbulans super mare. Et vidéntes eum super mare ambulátem, turbáti sunt, dicéntes, Quia phantásma est. Et præ tímóre clamavérunt. Statimque Jesus locútus est eis, dicens : Habéte fidúciám : Ego sum, nolíte timére. Respóndens autem Petrus, dixit : Dómine, si tu es, jube me ad te veníre super aquas. At ipse ait : Veni. Et descéndens Petrus de navícula, ambulábat super aquam ut veníret ad Jesum. Videns vero ventum válidum, tímuit : Et cum coépisset mergi, clamávit dicens : Dómine, salvum me fac. Et continuo Jesus exténdens manum, apprehéndit eum : et ait illi : Módicæ fidei, quare dubitásti? Et cum ascendissent in navículam, cessávit ventus. Qui autem in navícula erant, venérunt, et adoravérunt eum, dicéntes : Vere filius Dei es. Credo.

Offertorium Ps. 149 Exsultábunt sancti in glória, lætabúntur in cubilibus suis : exaltatióes Dei in fáucibus eórum.

Secreta

OFFERIMUS tibi Dómine preces et múnera, quæ ut tuo sint digna conspéctu, Apostolorum tuórum Petri et Pauli précibus adjuvémur. Per Dóminum.

Præfatio de Apostolis.

Communio Joann. 15 Ego vos elégi de mundo, ut eátis, et fructum afferátis : et fructus vester máneat.

Postcommunio

PROTEGE Dómine pópulum tuum : et Apostolórum tuórum Petri et Pauli patrocinio confidéntem; perpétua defénsiõe consérva : Per Dóminum.

Die 7 Julii

B. BENEDICTI XI

Papæ et Conf. Ord. Præd. (d.)

Officium Státuit, ut in Comm. Conf. Pont., pag. 18*

Oratio

DEUS, qui beátum Benedíctum Pontíficem tuum benedictiõnis tuæ grátia sublevásti ad cælum : pópulum tuum, quæsumus, nova benedictiõe grátiae tuæ sanctifica; et a cunctis malis imminéntibus, ejus méritis et précibus, tua nos virtúte defénde : Per Dóminum.

Secreta

ACCEPTA sit in conspéctu tuo Dómine nostra devótio : ut ejus nobis fiat supplicatiõe salutáris, pro cujus solemnitate defértur. Per Dóminum.

Postcommunio

DA, quæsumus Dómine, fidélibus tuis, Sanctórum tuórum semper veneratiõe lætári; et eórum perpétua supplicatiõe muniri : Per Dóminum.

Die 9 Julii

SS. JOANNIS Ord. Præd. et sociorum Martyrum (II cl.)

Officium

Baruch 4

EMISI vos cum luctu et plorátu : redúcet autem vos mihi Dóminus cum gáudio et jucunditáte in sempitérnum. **Ps. 150** Laudáte Dóminum in sanctis ejus : laudáte eum in firmaménto virtútis ejus. **Glória Patri. Glória in excélsis.**

Oratio

DEUS, qui beatórum Mártyrum tuórum Joánnis et sociórum ejus, gloriósum pro fide tua certámen æternitátis láurea decorásti : concéde propítius, ut eórum méritis et imitatiõe certántes in terris; cum ipsis coronári mereámur in cælis : Per Dóminum.

Léctio Epístolæ beáti Pauli Apóstoli ad Ephésios. c. 6

FRATRES : De cétero confortámini in Dómino, et in poténtia virtútis ejus. Indúite vos armatúram Dei, ut possitis stare advérsus insidias diáboli. Quóniam non est nobis colluctátio advérsus carnem et ságuinem : sed advérsus príncipes, et potestátes, advérsus mundi rectóres tenebrárum harum, contra spiri tuália nequitiæ, in cælestibus. Proptérea accípite armatúram Dei, ut possitis resistere in die malo, et in ómnibus perfécti stare. State ergo succincti lumbos vestros in veritáte, et indúti lorícam justítiæ, et cal-

ceáti pedes in præparatióne Evangelíi pacis : In ómnibus suméntes scutum fidei, in quo possítis ómnia tela nequíssimi ígnea exstinguere : Et gáleam salútis assúmte : et gládium spíritus (quod est verbum Dei) per omnem oratióem, et obsecratióem orántes omni témpore in spíritu : et in ipso vigilántes in omni instántia, et obsecratióne pro ómnibus sanctis.

℟. Deut. 32 Deus sángxinem servórum suórum ulciscétur : et vindictam retribuet in hostes eórum, et propítius erit terræ pópuli sui. ℣. Isa. 51 Vénient in Sion laudántes, et lætítia sempitérna super cápita eórum, gáudium et lætítiam tenébunt.

Allelúia, allelúia. ℣. Ps. 89 Repléti sumus mane misericórdia tua : et exsultávimus, et delectáti sumus : lætáti sumus pro diébus, quibus nos humiliásti : annis, quibus vídimus mala. Allelúia.

✠ Sequéntia sancti Evangelíi secúndum Lucam. c. 6

IN illo témpore : Dixit Jesus discíplis suis : Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exultáte : ecce enim merces vestra multa est in cælo : Secúndum hæc enim faciébant Prophétis patres eórum. Verúmtamen væ vobis divítibus, quia habétis consolatióem vestram.

Væ vobis, qui saturáti estis : quia esuriétis. Væ vobis, qui ridétis nunc : quia lugébitis et flébitis. Væ cum benedixerint vobis hómines : Secúndum hæc enim faciébant pseudoprophétis patres eórum. Sed vobis dico, qui auditis : Diligite inimícos vestros, benefácite his, qui odérunt vos. Benedicite maledicéntibus vobis, et oráte pro calumniántibus vos.

Credo.

Offertorium Ezech. 20 In odórem suavitátis suscípiam vos, cum edúxero vos de pópulis, et sanctificábor in vobis in óculis natiónum.

Secreta

RESPICE Dómine de sanctuário tuo, et de excélso cælórum habitáculo, sacrificium, quod immolámus : et sángxine sanctórum Mártýrum tuórum clamánte, corda nostra igne caritátis flamméscant, et ad te preces nostræ in odórem suavitátis ascendant. Per Dóminum.

Communio Sap. 5 Ecce quómodo computáti sunt inter filios Dei, et inter sanctos sors illórum est.

Postcommunio

DEUS, virtútis auctor ac largítor, per sanctórum Mártýrum tuórum fidem et constántiam concéde : ut nos ad sacrum convivium accedéntes, eódem accendámur ardóre; quo ipsi pro veritate Córporis et Sángxinis tui, vitam tibi in holocáustum obtulére : Qui vivis.

Quando celebratur de SS. Joanne et sociis ex voto vel devotione per annum, Officium erit ut supra, excepto Credo.

Infra Septuag. Tractus Ps. 125
Qui séminant in lácrymis, in gáudio metent. *℟.* Eúntes ibant et flebant, mitténtes sémína sua. *℣.* Veniéntes autem vénient cum exsultatióne, portántes manipulos suos.

Temp. Pasch. Allelúia, allelúia. *℣. Ps. 89* Repléti sumus mane misericórdia tua : et exsultávimus, et delectáti sumus : lætáti sumus pro diébus, quibus nos humiliásti : annis, quibus vidimus mala.

Allelúia. *℣. Matth. 28* In die resurrectionis meæ, dicit Dóminus, præcedam vos in Galilæam. Allelúia.

Temp. Ascens. secundum Allelúia. *℣. Eph. 4* Ascéndens Christus in altum captivam duxit captivitátem : dedit dona homínibus. Allelúia.

Die 10 Julii

SS. SEPTEM FRATRUM

Martyrum (sp.)

Officium

Ps. 112

LAUDATE púeri Dóminum, laudáte nomen Dómini : qui habitáre facit stérilem in domo, matrem filiórum lætántem. *℣.* Sit nomen Dómini benedíctum : ex hoc nunc, et usque in sáculum. Glória Patri. Glória in excélsis.

Oratio

PRÆSTA, quæsumus omnipotens Deus : ut qui gloriósos Mártyres, fortes in sua

confessióne cognóvimus; pios apud te in nostra intercessiόne sentiámus : Per Dóminum.

Léctio Libri Sapiéntiæ.

Prov. 31

MULIEREM fortem quis invéniet? Procul, et de últimis finibus prétium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surrexit, deditque prædam domésticis suis, et cibária ancillis suis. Considerávit agrum, et emit eum : de fructu mánuum suárum plantávit vineam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiatio ejus : non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit inopi, et palmas suas exténdit ad páuperem. Non timébit dómui suæ a frígóribus nivis : omnes enim doméstici ejus vestiti sunt duplicibus. Stragulátam vestem fecit sibi : byssus, et púrpura induméntum ejus. Nóbilis in portis vir ejus, quando séderit cum senatóribus terræ. Sindonem fecit et véndidit, et cingulum trádedit Chananæo. Fortitúdo et decor induméntum ejus, et ridébit in die novíssimo. Os suum apéruit

sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatissimam prædicavérunt : vir ejus, et laudávit eam. Multæ filiæ congregavérunt divítias : tu supergréssa es univérsas. Fallax grátia, et vana est pulchritúdo : múlter timens Dóminum ipsa laudábitur. Date ei de fructu mánuum suárum : et laudent eam in portis ópera ejus.

℟. Ps. 132 Ecce quam bonum, et quam jucúndum habitáre fratres in unum. ℣. Sicut unguéntum in cápite, quod descéndit in barbam, barbam Aaron.

Allelúia, allelúia. ℣. Ps. 112 Laudáte púeri Dóminum, laudáte nomen Dómini. Allelúia.

✠ Sequéntia sancti Evangélíi secúndum Matthæum. c. 12

IN illo témpore : Loquente Jesu ad turbas, ecce mater ejus, et fratres stabant foris, quæréntes loqui ei. Dixit autem ei quidam : Ecce mater tua, et fratres tui foris stant quæréntes te. At ipse respóndens dicénte sibi ait : Quæ est mater mea, et qui sunt fratres mei? Et exténdens manum in discípulos suos dixit : Ecce mater mea, et fratres mei. Quicúmque enim fécerit voluntátem Patris mei, qui in cælis est : ipse meus frater, et soror, et mater est.

Offertorium Ps. 123 Anima nostra sicut passer erépta est

de láqueo venántium : láqueus contritus est, et nos liberáti sumus.

Secreta

SACRIFICIIS præsentibus, quæsumus Dómine, inténde placátus : et intercedéntibus Sanctis tuis, devotióni nostræ proficiant et salúti. Per Dóminum.

Communio Matth. 12 Quicúmque fécerit voluntátem Patris mei, qui in cælis est : ipse meus frater, et soror, et mater est, dicit Dóminus.

Postcommunio

QUÆSUMUS omnipotens Deus, ut intercedéntibus Sanctis tuis, illius salutáris capíamus efféctum; cujus per hæc mystéria pignus accépi-mus : Per Dóminum.

Die 11 Julii

BB. IGNATII DELGADO,
DOMINICI HENARES

Ep. Ord. Præd.

et sociorum Martyrum (d.)

Officium Intret, de Communi plurimorum Martyrum, pag. 14*

Oratio

DEUS, qui beatórum Pontificum Ignátii et Dominici ac sociórum sánguine Annamitarum terras rigári voluisti; intercedéntibus tantis Martýribus, fac eas christiána religióne florére. Per Dóminum.

Secreta

FORTITUDINIS auctor ac largitor omnipotens Deus, múnera tuæ majestáti oblata sanctifica : et intercedéntibus beátis Martíribus, quorum hódie solémnia celebrámus, córdium nostrórum medére languóribus. Per Dóminum.

Postcommunio

TRIBUANT nobis, quæsumus Dómine, tua Sacraménta constántiam; quæ beátos Mártyres aluérunt ad victóriam. Qui vivis et regnas.

Die 12 Julii

S. JOANNIS GUALBERTI

Abbatis (d.)

Officium

Ps. 36

Os justi meditábitur sapiéntiam, et lingua ejus loquétur judícium : lex Dei ejus in corde ipsíus. **V.** Noli æmulári in malignántibus : neque zeláveris faciéntes iniquitátem. **Gloría Patri. Glória in excélsis.**

Oratio

INTERCESSIO nos, quæsumus Dómine, beáti Joánnis Abbátis comméndet : ut quod nostris méritis non valémus; ejus patrocínio assequámur : Per Dóminum.

Lectio Libri Sapiéntiæ.

Eccli. 45

DILECTUS Deo et homínibus : cujus memória in benedictióne est. Similem illum fecit in glória sanctórum, et magnificávit eum in timóre

inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplinæ.

R. Ps. 20 Dómine prævenísti eum in benedictiónibus dulcedínis : posuísti in cápite ejus coronam de lápide pretiósó. **V.** Vitam pétiit a te : et tribuísti ei longitúdinem diérum in sæculum sæculi.

Allelúia, allelúia. V. Eccli. 45 Amávit eum Dóminus, et ornávit eum : stolam glóriæ induit eum. **Allelúia.**

✠ Sequéntia sancti Evangélíi secúndum Matthæum. **c. 5**

IN illo témpore : Dixit Jesus discíplis suis : Audístis quia dictum est : Diliges próximum tuum, et ódio habébis inimicum tuum. Ego autem dico vobis : Diligite inimicos vestros, benefácite his, qui odérunt vos : et oráte pro persecúntibus et calumniántibus vos : ut sitis filii Patris vestri, qui in cælis est, qui solem suum oríri facit super bonos et malos, et pluit super justos et injústos. Si enim diligitis eos, qui vos diligunt, quam mercédem habébitis? Nonne et publicáni hoc faciunt? Et si salutavéritis fratres vestros tantum, quid ámplius fácitis? Nonne et éthnici

hoc faciunt? Estote ergo vos perfecti, sicut et Pater vester cælestis perfectus est.

Offertorium Ps. 20 Desiderium animæ ejus tribuisti ei Dómine, et voluntate labiorum ejus non fraudasti eum : posuisti in capite ejus coronam de lapide pretioso.

Secreta

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dóminum.

Communio Matth. 19 Amen dico vobis, quod vos, qui reliquistis omnia, et secuti estis me, centuplum accipietis, et vitam æternam possidebitis.

Postcommunio

PROTEGAT nos, Dómine, cum tui perceptione sacramenti, beatus Joannes Abbas, pro nobis intercedendo : ut et conversationis ejus experiamur insignia; et intercessionis ipsius percipiamus suffragia : Per Dóminum.

Die 13 Julii

B. JACOBI A VORAGINE

Ep. et Conf. Ord. Præd. (sd.)

Officium Stáuit, ut in Communi Conf. Pontif., pag. 18*, cum Oratione seq.

Oratio

DEUS, qui beatum Jacobum Confessorem atque Pontificem, eximium veritatis

præconem, et pacis conciliatorem effecisti : ejus nobis intercessione concede, ut pacem et veritatem diligamus; et ad te, in quo pax summa est, et pura veritas, perveniamus : Per Dóminum.

Secreta C

ACCEPTA sit in conspectu tuo Dómine nostra devotio : ut ejus nobis fiat supplicatione salutáris, pro cujus solemnitate defertur. Per Dóminum.

Postcommunio C

DA, quæsumus Dómine, fide libus tuis, Sanctorum tuorum semper veneratione lætari; et eorum perpétua supplicatione muniri : Per Dóminum.

Die 14 Julii

S. BONAVENTURÆ

Ep., Conf. et Eccl. Doct. (d.)

Officium Eccli. 15

IN medio Ecclesiæ aperuit os ejus, et implévit eum Dóminus spiritu sapientiæ et intelléctus : stolam gloriæ induit eum. **W.** Jucunditatem, et exultationem thesaurizávit super eum. **G**loria Patri. **G**loria in excelsis.

Oratio

DEUS, qui populo tuo æternæ salutis beatum Bonaventuram ministrum tribuisti : præsta quæsumus, ut quem doctorem vitæ habuimus in terris; intercessorem habere mereamur in cælis : Per Dóminum.

Lectio Epistolæ beati Pauli
Apóstoli ad Timótheum. 2, c. 4

CARISSIME : Testificor coram Deo, et Jesu Christo, qui iudicáturus est vivos, et mórtuos, per advéntum ipsíus, et regnum ejus : prædica verbum, insta opportúne, importúne : Argue, óbsecra, increpa in omni patiéntia et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritaté quidem audítum avértent, ad fábulas autem converténtur. Tu vero vigila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repó-sita est mihi coróna justítiæ, quam reddet mihi Dóminus in illa die justus iudex : Non solum autem mihi, sed et iis, qui diligunt advéntum ejus.

℟. Ps. 36 Os justi meditábitur sapiéntiam, et lingua ejus loquétur iudícium. V. Lex Dei ejus in corde ipsíus : et non supplantabúntur gressus ejus.

Allelúia, allelúia. V. Ps. 109 Jurávit Dóminus, et non pœnitébit eum : Tu es sacérdos in ætérnum secúndum órđinem Melchisedech. Allelúia.

✠ Sequéntia sancti Evangélíi secúndum Matthæum. c. 5

IN illo témpore : Dixit Jesus discipulis suis : Vos estis sal terræ. Quod si sal eva-

núerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pó-sita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus : ut videant ópera vestra bona, et glorificent Patrem vestrum, qui in cælis est. Nolite putáre, quóniam veni sólvere legem, aut prophétas : Non veni sólvere, sed adimplére. Amen quippe dico vobis : donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

SANCTI Bonaventúrx Confessóris tui atque Pontíficis nobis, Dómine, pia non desit orátio : quæ et múnera nostra concíliet, et tuam nobis indulgéntiam semper obtíneat. Per Dóminum.

Communio Luc. 12 Fidélis servus et prudens, quem constituit dóminus super famí-

liam suam, ut det illis in tēpore tritici mensuram.

Postcommunio

UT nobis, Dómine, tua sacrificia dent salutem; beátus Bonaventúra Confessor tuus et Póntifex, quǽsumus, precátor accédát. Per Dóminum.

Die 15 Iulii

**S. HENRICI Imperatoris
et Confessoris (sp.)**

Officium Os justi, ut in Communi
unius Conf. non Pont., pag. 23*

Oratio

DEUS, qui hodiérna die beátum Henricum Confessorem tuum e terréni cúlmine impérii ad regnum ætérnum transtulisti; te súplices exorámus : ut sicut illum, grátia tuæ ubertáte præventum, illécebras sǽculi superáre fecisti; ita nos fácias, ejus imitatione, mundi hujus blandiménta vitáre, et ad te puris méntibus pervenire : Per Dóminum.

Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præsentibus éxui malis confidimus, et futúris : Per Dóminum.

Postcommunio

REFFECTI cibo potúque cælésti, Deus noster, te súplices exorámus : ut in cujus hæc commemoratióne percépi-
mus; ejus muniámur et pré-
cibus : Per Dóminum.

Die 16 Iulii

**IN COMMEMORATIONE
B. M. V. DE MONTE
CARMELO (t. d.)**

Officium Gaudeámus, ut in Festis
B. Mariæ Virginis, pag. 1*

Oratio

DEUS, qui beatissimæ semper Vírginis et Genitricis tuæ Mariæ singulári titulo Carméli Ordinem decorásti : concéde propítius, ut cujus hódie commemoratiónem solémni celebrámus officio : ejus muníti præsídiis, ad gáudia sempitérna pervenire mereá-
mur : Qui vivis et regnas.

Secreta C

UNIGENITI tui, Dómine, nobis succúrrat humanitas : ut qui natus de Vírgine, Matris integritátem non minuit, sed sacrávit, in solemnitáte ejus, nostris nos piáculis éxuens, oblationem nostram tibi fáciat accéptam : Jesus Christus Dóminus noster, qui tecum.

Postcommunio C

SUMPSIMUS, Dómine, celebritátis ánnuæ votíva sacraménta; præsta quǽsumus, ut et temporális vitæ nobis remédia præbeant, et ætérnæ : Per Dóminum.

Die 17 Iulii

**B. CESLAI
Conf. Ord. Præd. (sd.)**

Officium Os justi, ut in Comm.
Conf. non Pont., pag. 23*, cum
Evangelio Designávit, pag. 25*

Oratio

DEUS, qui beátum Cesláum, virgíneo morum candóre præditum, et salutis animárum zelo succénsus, in diversis natiónum pópulis óperum sanctitáte, et fidei propagatióne miráblem effecísti : præsta quæsumus, ut ejus intercessióne simus semper in fide stábiles; et ad te, qui solus es æternæ salutis auctor et largitor, misericórdiæ tuæ múnere pervenire valeámus : Per Dóminum.

Secreta C

PRÆSTA nobis, quæsumus omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente purificet. Per Dóminum.

Postcommunio C

QUÆSUMUS omnipotens Deus : ut qui cæléstia aliménta percépimus; intercedente beáto Cesláó Confessóre tuo, per hæc contra ómnia advérsa muniámur : Per Dóminum.

Die 18 Juliï

S. CAMILLI DE LELLIS

Confessoris (d.)

Officium Os justi, ut in Communi unius Conf. non Pont., pag. 23*

Oratio

DEUS, qui beátum Camillum, ad animárum in extrémó agóne luctántium subsidium, singulári caritátis prærogatíva decorásti : ejus,

quæsumus, méritis spíritum nobis tuæ dilectiόνis infúnde; ut in hora éxitus nostri hostem vincere, et ad cæléstem mereámur corónam pervenire : Per Dóminum.

Secreta C

PRÆSTA nobis, quæsumus omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente purificet. Per Dóminum.

Postcommunio C

QUÆSUMUS omnipotens Deus : ut qui cæléstia aliménta percépimus; intercedente beáto Camillo Confessóre tuo, per hæc contra ómnia advérsa muniámur : Per Dóminum.

Die 19 Juliï

S. VINCENTII A PAULO

Confessoris (d.)

Officium Ps. 91

JUSTUS ut palma florébit : sicut cedrus Líbani multiplicábitur : plantátus in domo Dómini, in átriis domus Dei nostri. ✠. Bonum est confitéri Dómino : et psállere nómini tuo Altissime. Glória Patri. Glória in excélsis.

Oratio

DEUS, qui ad evangelizándum paupéribus, et ecclesiástici órdis decórem promovéndum beátum Vincéntium apostólica virtúte roborásti : præsta quæsumus, ut

cujus pia mérita venerámur; virtútum quoque instruámur exémplic : Per Dóminum.

Léctio Epístolæ beáti Pauli
Apóstoli ad Corinthios.

1, c. 4

FRATRES : Spectáculum facti sumus mundo, et Angelis, et hominibus. Nos stulti propter Christum, vos autem prudéntes in Christo : Nos infirmi, vos autem fortes : Vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris : Maledícimur, et benedicimus : Persecutiónem pátimur, et sustinémus : Blasphemámur, et obsecrámus : Tamquam purgaménta hujus mundi facti sumus, ómnium perípsema usque adhuc. Non ut confúndam vos, hæc scribo, sed ut filios meos caríssimos móneo : In Christo Jesu Dómino nostro.

℟. Ps. 36 Os justi meditábitur sapiéntiam, et lingua ejus loquétur judícium. ℣. Lex Dei ejus in corde ipsius : et non supplantabúntur gressus ejus.

Allelúia, allelúia. ℣. Ps. 111 Beátus vir, qui timet Dóminum : in mandátis ejus cupit nimis. Allelúia.

✠ Sequéntia sancti Evangélíi
secúndum Lucam. c. 10

IN illo témpore : Designávit Dóminus et álios septuagínta duos, et misit illos binos ante fáciem suam in omnem

civitátem, et locum, quo erat ipse ventúrus. Et dicébat illis : Messis quidem multa, operárii autem pauci. Rogáte ergo dóminum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sáculum, neque peram, neque calceaménta, et néminem per viam salutavéritis. In quamcúmque domum intravéritis, primum dicite : Pax huic dómui : Et si ibi fúerit filius pacis, requiescet super illum pax vestra : Sin autem, ad vos revertétur. In eádem autem domo manéte, edéntes, et bibéntes quæ apud illos sunt : Dignus est enim operárius mercéde sua. Nolite transire de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis : Et curáte infirmos, qui in illa sunt, et dicite illis : Appropinquávit in vos regnum Dei.

Offertorium Ps. 20 In virtúte tua, Dómine, lætábitur justus, et super salutáre tuum exsultábit veheménter : desidérium animæ ejus tribuísti ei.

Secreta

PRÆSTA nobis, quæsumus omnipotens Deus, ut nostræ humilitátis oblátio, et pro tuórum tibi grata sit honóre Sanctorum, et nos corpore páriter et mente purificet. Per Dóminum.

Communio Matth. 19 Amen dico vobis, quod vos, qui reliquistis ómnia, et secúti estis

me, cēntuplum accipiētis, et vitam ætērnā possidēbitis.

Postcommunio

QUÆSUMUS omnipotens Deus : ut qui cælēstia alimēta percēpimus; intercedēte beāto Vincēntio Confessore tuo, per hęc contra omnia advērsa muniāmur : Per Dōminum.

Die 20 Julii

S. HIERONYMI ÆMILIANI

Confessoris (d.)

Officium Thren. 2

EFFUSUM est in terra jecur meum super contritiōne filiæ pōpuli mei, cum deficeret pārvulus, et lactens in platēis oppidi. *℟. Ps. 112* Laudāte pūeri Dōminum : laudāte nomen Dōmini. *Glória Patri. Glória in excēlsis.*

Oratio

DEUS misericordiārum Pater : per mērita et intercessionē beāti Hierōnymī, quem orphanis adiutōrem et patrem esse voluisti; concēde, ut spīritum adoptionis, quo filii tui nomināmur et sumus, fidēliter custodiāmus : Per Dōminum.

De S. Margarita V. M.

Oratio

INDULGENTIAM nobis, quæsumus Dōmine, beāta Margarita Virgo et Martyr implōret : quæ tibi grata semper exstitit; et mērito castitātis, et tuæ professionē virtūtis. Per Dōminum.

Lectio Isaiaē Prophētae. c. 58

FRANGE esuriēti panem tuum, et egēnum, vagosque induc in domum tuam : Cum videris nudum, operi eum, et carnem tuam ne despēxeris. Tunc erumpet quasi mane lumen tuum, et sánitas tua citius oriētur, et anteibit faciē tuam justitia tua, et glória Dōmini colliget te. Tunc invocabis, et Dōminus exaudiet : clamabis, et dicet, Ecce adsum. Si abstuleris de medio tui catēnam, et desieris extendere digitum, et loqui quod non prodest. Cum effuderis esuriēti animam tuam, et animam afflictam replēveris, oriētur in tēnebris lux tua, et tēnebræ tuæ erunt sicut merīdies. Et réquiem tibi dabit Dōminus semper, et implēbit splendōribus animam tuam, et ossa tua liberābit, et eris quasi hortus irriguus, et sicut fons aquārum, cujus non deficient aquæ.

℟. Prov. 5 Derivēntur fontes tui foras, et in platēis aquas tuas dīvide. *℟. Ps. 111* Jucūndus homo qui miseretur et cōmodat, dispōnet sermōnes suos in judicio : quia in ætērnū non commovēbitur.

Allelúia, allelúia. ℟. Ps. 111 Dispērsit, dedit paupēribus : justitia ejus manet in sǎculum sǎculi. *Allelúia.*

✠ **S**equēntia sancti Evangēlii secūndum Matthæum. c. 19

IN illo tēpore : Oblāti sunt Jesu pārvuli, ut manus eis impōneret, et orāret. Discipuli

autem increpabant eos. Jesus vero ait eis : Sinite parvulos, et nolite eos prohibere ad me venire : talium est enim regnum celorum. Et cum imposuisset eis manus, abiit inde. Et ecce unus accedens, ait illi : Magister bone, quid boni faciam ut habeam vitam aeternam? Qui dixit ei : Quid me interrogas de bono? Unus est bonus, Deus. Si autem vis ad vitam ingredi, serva mandata. Dicit illi : Quae? Jesus autem dixit : Non homicidium facies : Non adulterabis : Non facies furtum : Non falsum testimonium dices : Honora patrem tuum, et matrem tuam, et diliges proximum tuum sicut te ipsum. Dicit illi adolescens : Omnia haec custodivi a juventute mea, quid adhuc mihi deest? Ait illi Jesus : Si vis perfectus esse, vade, vende quae habes, et da pauperibus, et habebis thesaurum in caelo : et veni, sequere me.

Offertorium Tob. 12 Quando orabas cum lacrimis, et sepeliabas mortuos, et derelinquebas prandium tuum, et mortuos abscondebas per diem in domo tua, et nocte sepeliabas eos, ego obtuli orationem tuam Domino.

Secreta

CLEMENTISSIME Deus, qui veteri homine consumpto, novum secundum te in beato Hieronymo creare dignatus es : da per merita ipsius, ut nos pariter renovati hanc plantationis hostiam in odorem

tibi suavissimum offeramus. Per Dominum.

De S. Margarita Secreta

SUSCIPE, Domine, munera, quae in beatae Margaritae Virginis et Martyris tuae sollemnitate deferimus : cujus nos confidimus patrocinio liberari. Per Dominum.

Communio Jac. 1 Religio munda, et immaculata apud Deum et Patrem, haec est : Visitare pupillos, et viduas in tribulatione eorum, et immaculatum se custodire ab hoc saeculo.

Postcommunio

ANGELORUM pane refecti, te Domine suppliciter deprecamur; ut qui annuam beati Hieronymi Confessoris tui memoriam celebrare gaudemus : ejusdem etiam et exemplum imitemur; et amplissimum in regno tuo praemium obtinere valeamus : Per Dominum.

De S. Margarita

Postcommunio

AUXILIENTUR nobis Domine sumpta mysteria; et intercedente beata Margarita Virgine et Martyre tua, semperpiterna protectione confirmet. Per Dominum.

Die 21 Iulii

S. PRAXEDIS Virg. (3 LL.)

Officium Dilexisti, de Comuni Virg. non Mart., pag. 31*

Alleluia semel dicitur ante et post Versum.

Die 22 Julii

S. MARLÆ MAGDALENÆ

*Totum Duplex II cl.***Officium**

GAUDEAMUS omnes in Dómino, diem festum celebrántes sub honóre beátæ Mariæ Magdalénæ, de cujus solemnitate gaudent Angeli, et colláudant Filium Dei. **℟. Ps. 44** Eructávit cor meum verbum bonum : dico ego ópera mea regi. Glória Patri. Glória in excélsis.

Oratio

LARGIRE nobis, clementíssime Pater : ut sicut beáta Maria Magdaléna Dóminum nostrum Jesum Christum super ómnia diligéndo, suórum obtínuit véniam peccatórum; ita nobis apud misericórdiam tuam, sempitérnam ímpetret beatitúdinem : Per eúndem Dóminum.

Léctio Libri Sapiéntiæ.

Cant. 3 et 8

SURGAM, et circuibo civitatem : per vicos et platéas quæram quem diligit ánima mea : Quæsívi illum, et non invéni. Invenérunt me vígiles, qui custódiunt civitatem : Num quem diligit ánima mea, vídistis? Páululum cum pertransíssem eos, invéni quem diligit ánima mea : Ténui eum : nec dimittam donec introducam illum in domum matris meæ, et in cubículum genitricis meæ. Adjúro vos

filia Jerúsalem per cápreas, cervósque campórum, ne suscitétis, neque evigiláre faciátis diléctam donec ipsa velit. *** Pone me ut signáculum super cor tuum, ut signáculum super bráchium tuum : quia fortis est ut mors diléctio : dura sicut inférnus æmulátio, lámpades ejus, lámpades ignis atque flammárum. Aquæ multæ non potuérunt exstinguere caritátem, nec flúmina óbruunt illam : Si déderit homo omnem substántiam domus suæ pro dilectióne, quasi nihil despíciat eam.**

℟. Ps. 44 Propter veritátem, et mansuetúdinem, et justitiam : et dedúcet te mirabiliter dextera tua. **℟. Audi filia, et vide, et inclína aurem tuam : quia concupívit rex spéciem tuam.**

Allelúia, allelúia. ℟. Matth. 28 Surréxit Dóminus, et occurrens muliéribus, ait : Avéte. Tunc accessérunt, et tenuérunt pedes ejus. Allelúia.

✠ Sequéntia sancti Evangélii secúndum Lucam. c. 7

IN illo témpore : Rogábat Jesum quidam de Pharisæis, ut manducáret cum illo. Et ingræssus domum Pharisæi, discúbuit. Et ecce mulier, quæ erat in civitate peccátrix, ut cognóvit quod accubuisset in domo Pharisæi, áttulit alabástrum unguénti : Et stans retro secus pedes ejus, lácrimis cœpit rigáre pedes ejus, et capillis cápitis sui tergébat, et osculabátur pedes ejus, et

unguénto ungébat. Videns autem Pharisæus, qui vocáverat eum, ait intra se dicens : Hic si esset prophéta, sciret úti-que, quæ, et qualis est mûlier, quæ tangit eum : quia peccátrix est. Et respóndens Jesus, dixit ad illum : Simon, hábeo tibi áliquíd dicere. At ille ait : Magister, dic. Duo debitóres erant cuidam feneratori : Unus debébat denários quingéntos, et álius quinquaginta. Non habéntibus illis unde rédderent, donávit utrísque. Quis ergo eum plus diligit? Respóndens Simon, dixit : Æstimo, quia is, cui plus donávit. At ille dixit ei : Recte judicásti. Et convérsus ad mulierem, dixit Simóni : Vides hanc mulierem? Intrávi in domum tuam, aquam pédibus meis non dedísti : Hæc autem lácrimis rigávit pedes meos, et capíllis suis tersit. Osculum mihi non dedísti : hæc autem ex quo intrávit, non cessávit osculári pedes meos. Oleo caput meum non unxísti : hæc autem unguénto unxit pedes meos. Propter quod dico tibi : Remittúntur ei peccáta multa, quóniam diléxit multum. Cui autem minus dimíttitur, minus diligit. Dixit autem ad illam : Remittúntur tibi peccáta. Et cœpérunt qui simul accumbébant, dicere intra se : Quis est hic, qui étiam peccáta dimíttit? Dixit autem ad mulierem : Fides tua te salvam fecit : vade in pace.

Credo.

Offertorium Matth. 28 Angelus Dómini descéndit de cælo,

et dixit muliéribus : Quem quæritis, surréxit sicut dixit, allelúia.

Secreta

HANC nostræ oblatiõnis hóstiam, terríbilis et piíssime Deus, beáta María Magdaléna suárum precum cúmulet incrementis, et ad remédium nobis proveníre depóscat. Per Dóminum.

Communio Ps. 44 Diffúsa est grátia in lábiis tuis : proptérea benedixit te Deus in ætérnum.

Postcommunio

SANCTIFICET nos, quæsumus Dómine, et múniat intercedénte beáta María Magdaléna, divíni múnieris sacra libátio; et cæléstium virtútum coherédes efficiat : Per Dóminum.

Quando per anni circulum celebratur de S. Maria Magdalena ex voto, vel devotione :

Officium Ps. 44 Dilexísti justítiam, et odísti iniquitátem : proptérea unxit te Deus, Deus tuus, óleo lætitiæ præ consórtibus tuis. **T. P.** Allelúia, allelúia. **℟.** Eructávit cor meum verbum bonum : dico ego ópera mea regi. **Gloria Patri.**

Reliqua dicuntur ut supra, excepto Credo.

Tempore Resurrectionis, vel Ascensionis, Allelúia, et infra Septuagesimam, Tract. Veni, ut in Comuni, p. 37*

Die 23 Julii

B. JOANNÆ
URBEVETANÆ Virg.

Ord. Præd. (sd.)

Officium Gaudeamus, ut in Comm.
Virg. non Mart., pag. 30*

Oratio

DEUS, qui beátæ Joánnæ Virginitis tuæ puritatem eximiam, et fervidam caritatem donis cælestibus cumulasti : fac nos ita ejus æmulári virtutes; ut castitate vitæ, ac puris semper tibi placeamus affectibus : Per Dóminum.

De S. Apollinare Ep. et Mart.

Oratio

DEUS, qui nos beáti Apollinárís Mártýris tui atque Pontificis ánnua solemnitate lætificas : concède propitius, ut cujus natalitia cólimus; de ejúsdem étiam protectióne gaudeamus : Per Dóminum.

Secreta C

ACCEPTA tibi sit, Dómine, sacratæ plebis oblátio pro tuórum honóre Sanctorum, quorum se méritis de tribulatione percepisse cognóscit auxilium. Per Dóminum.

De S. Apollinare Secreta

MUNERA tibi Dómine dicata sanctifica : et intercedente beáto Apollináre Mártýre tuo atque Pontífice, per eádem nos placátus inténde. Per Dóminum.

Postcommunio C

SATIASTI Dómine familiam tuam munéribus sacris : ejus, quæsumus, semper in-

terventióne nos réfove; cujus solémnia celebrámus : Per Dóminum.

De S. Apollinare

Postcommunio

HÆC nos commúnio, Dómine, purget a crimine; et intercedente beáto Apollináre Mártýre tuo atque Pontífice, cælestis remédii fáciat esse consórtes : Per Dóminum.

Die 24 Julii

B. AUGUSTINI A BUGELLA

Conf. Ord. Præd. (sd.)

Officium Os justi, de Comuni
Conf. non Pont., pag. 23*

Oratio

DA nobis, quæsumus Dómine Jesu, beáti Augustíni Confessóris tui méritis et imitatioe, ita carnis desidéria per pœniténtiam exstinguere; ut in tua semper grátia et cognitioe crescámus : Qui vivis.

De S. Christina Virg. et Mart.

Oratio

INDULGENTIAM nobis, quæsumus Dómine, beáta Christína Virgo et Martyr implóret : quæ tibi grata semper exstitit; et mérito castitátis, et tuæ professioe virtútis : Per Dóminum.

Secreta

FAC nos omnipotens Deus, immaculatam hóstiam eo tibi accénsæ devotiois affectu sacráre, quo beátus Confessor tuus Augustinus in ea immolánda flagrábat : ut digne majestáti tuæ serviétes,

optáta indulgéntiæ tuæ mún-
nera consequámur. Per Dó-
minum.

De S. Christina Secreta

SUSCIPE Dómine mún-
era, quæ in beátæ Christinæ
Víriginis et Mártýris tuæ sol-
emnitáte deférimus : cujus nos
confidimus patrocínio liberári.
Per Dóminum.

Postcommunio

ANGELORUM pane reféctos,
clementíssime Deus, éx-
citant nos júgiter beáti Augu-
stíni Confessóris tui salutária
exémpla, et pia intercéssio :
ut infinitam bonitátem tuam
usque ad mortem laudáre; ac
perfécta tandem caritáte, per-
enníque cántico in cælis pró-
sequi valeámus : Per Dómi-
num.

De S. Christina

Postcommunio

AUXILIENTUR nobis, Dómi-
ne, sumpta mystéria; et
intercedénte beáta Christína
Vírgine et Mártýre tua, sempi-
térna protectióne confirment :
Per Dóminum.

Die 25 Julii

S. JACOBI Apostoli (II cl.)

Officium

Ps. 138

MHI autem nimis hono-
ráti sunt amíci tui,
Deus : nimis confor-
tátus est principátus eórum.
✠. Dómine probásti me, et
cognovísti me : tu cognovísti
sessiónem meam, et resurre-

ctiónem meam. **Glória Patri.**
Glória in excélsis.

Oratio

ESTO, Dómine, plebi tuæ
sanctificátor et custos : ut
Apóstoli tui Jacóbi munita
præsidiis, et conversatióne tibi
pláceat; et secúra mente de-
sérviat : Per Dóminum.

**De SS. Christophoro et Cucu-
phate Martyribus Oratio**

PRÆSTA, quæsumus omni-
potens Deus : ut qui glo-
riósos Mártýres tuos Christó-
phorum et Cucuphátém fortes
in sua confessióne cognóvi-
mus; pios apud te in nostra
intercessióne sentiámus : Per
Dóminum.

**Léctio Epístolæ beáti Pauli
Apóstoli ad Corinthios.**

I, c. 4

FRATRES : Puto quod Deus
nos Apóstolos novíssimos
osténdit, tamquam morti des-
tinátos : quia spectáculum
facti sumus mundo, et An-
gelis, et homínibus. Nos stulti
propter Christum, vos autem
prudéntes in Christo : Nos
infirmi, vos autem fortes : Vos
nóbiles, nos autem ignóbiles.
Usque in hanc horam et esurí-
mus, et sitímus, et nudi sumus,
et cólaphis cædimur, et instá-
biles sumus, et laborámus
operántes mánibus nostris :
Maledícimur, et benedicimus :
Persecutióne pátimur, et
sustinémus : Blasphemámur,
et obsecrámus : Tamquam
purgaménta hujus mundi facti
sumus, ómnium perípsema
usque adhuc. Non ut confún-

dam vos, hæc scribo, sed ut filios meos carissimos moneo. Nam si decem millia pædagogorum habeatis in Christo : sed non multos patres. Nam in Christo Jesu per Evangelium ego vos genui.

℟. Ps. 44 Constitues eos principes super omnem terram : memores erunt nominis tui Domine. **℣.** Pro patribus tuis nati sunt tibi filii : propterea populi confitebuntur tibi.

Allelúia, allelúia. ℣. Joann. 15 Non vos me elegistis : sed ego elegi vos, et posui vos ut eatis, et fructum afferatis : et fructus vester maneat. Allelúia.

✠ **Sequéntia sancti Evangelii** secundum Matthæum. c. 20

IN illo tempore : Accessit ad Jesum mater filiorum Zebedæi cum filiis suis, adorans et petens aliquid ab eo. Qui dixit ei : Quid vis? Ait illi : Dic ut sedeant hi duo filii mei, unus ad dexteram tuam, et unus ad sinistram in regno tuo. Respondens autem Jesus, dixit : Nescitis quid petatis. Potestis bibere calicem, quem ego bibiturus sum? Dicunt ei : Possumus. Ait illis : Calicem quidem meum bibetis : sedere autem ad dexteram meam vel sinistram non est meum dare vobis, sed quibus paratum est a Patre meo. **Credo.**

Offertorium Ps. 138 Mihi autem nimis honorati sunt amici tui, Deus : nimis confortatus est principatus eorum.

Secreta

OBLATIONES populi tui, quæsumus Domine, beati Jacobi Apóstoli passio beata conciliet : ut quæ nostris non aptæ sunt meritis, fiant tibi placitæ ejus deprecatione. Per Dominum.

De SS. Christophoro et Cucuphate **Secreta**

SACRIFICIIS præsentibus, quæsumus Domine, intendente placatus : et intercedentibus sanctis Martyribus tuis, devotióni nostræ proficiant, et salutí. Per Dominum.

Præfatio de Apostolis.

Communio Matth. 19 Vos, qui secuti estis me, sedebitis super sedes, judicantes duodecim tribus Israël.

Postcommunio

BEATI Apóstoli tui Jacobi, quæsumus Domine, intercessióne nos adjuva; pro cujus solemnitate percépimus tua sancta lætantes : Per Dominum.

De SS. Christophoro et Cucuphate **Postcommunio**

QUÆSUMUS omnipotens Deus : ut intercedentibus sanctis Martyribus tuis Christophoro et Cucuphate, illius salutáris capiamus effectum; cujus per hæc mystéria pignus accépimus : Per Dominum.

Die 26 Julii

SANCTÆ ANNÆ

Matris B. Mariæ V. (II cl.)

Officium Gaudeamus, ut in Comm. nec Virg. nec Mart., pag. 36*

Oratio

DEUS, qui beatam Annam Genitricis tuæ matrem ad cælestis vitæ gaudia extulisti : fac nos, quæsumus, gloriosis ejus méritis ad æternam pertingere beatitudinem; ex cujus salutari puerpério pro salute mundi humanam naturam assumere dignatus es : Qui vivis et regnas.

Secreta

ACCIPE Dómine múnera dignanter oblata : et beatæ Annæ suffragántibus méritis, ad nostræ salutis auxilium provenire concède. Per Dóminum.

Postcommunio

SACRAMENTA salutis nostræ suscipiéntes, concède, quæsumus omnipotens Deus : ut beatæ Annæ matris beatissimæ Virginis Mariæ nos ubique oratio adjuvet; in cujus veneratióne hæc tuæ obtulimus majestáti : Per Dóminum.

Die 28 Iulii

B. ANTONII AB ECCLESIA
Conf. Ord. Præd. (sd.)

Officium Os justi, ut in Comuni
Conf. non Pont., pag. 23*

Oratio

DEUS, qui beatum Antónium Confessórem tuum divíno amóre inflammásti : accende quæsumus, eo intercedente, in córdibus nostris ignem tuæ caritátis; ut te dili-

géntes in terris, gáudiis æternis perfruámur in cælis : Per Dóminum.

De SS. Nazario, Celso, et Pantaleone Martyribus Oratio

DEUS, qui nos concédís sanctórum Mártyrum tuórum Nazárii, Celsi, et Pantaleónis natalítia cólere; da nobis in æterna beatitudine de eórum societáte gaudére : Per Dóminum.

Secreta

PER hæc sacra dona, quæ offérimus, tuére Dómine fámulos tuos : et quos beáti Antónii glória lætíficat, fac tibi mente et cópore devótos. Per Dóminum.

De SS. Nazario etc. Secreta

MUNERA tibi, Dómine, nostræ devotiónis offéri-mus : quæ et pro tuórum tibi grata sint honóre Sanctórum, et nobis salutária, te miseránte, reddántur. Per Dóminum.

Postcommunio

CORPORIS et Sanguinis tui mystério refécti, quæsumus Dómine : ut cum beáto António connumerémur in pátria; *cujus exémpilis ad te pertráhimur in via* : Qui vivis.

De SS. Nazario etc.

Postcommunio

PRÆSTA nobis, quæsumus Dómine, intercedéntibus sanctis Mártyribus tuis Nazário, Celso, et Pantaleóne; ut quæ ore contigimus, pure mente capiámus : Per Dóminum.

Die 29 Iulii

S. MARTHÆ Virginis (sp.)

Officium

GAUDEAMUS omnes in Dómino, diem festum celebrántes sub honóre beátæ Marthæ Virginis, de cuius solemnitate gaudent Angeli, et colláudant Filium Dei.

℟. Ps. 44 Eructávit cor meum verbum bonum : dico ego ópera mea regi. Glória Patri. Glória in excélsis.

Oratio

EXAUDI nos Deus salutáris noster : ut sicut de beátæ Marthæ Virginis tuæ festivitáte gaudémus; ita piæ devotiónis erudiámur afféctu : Per Dóminum.

De SS. Felice, Simplicio, Faustino, et Beatrice Mart.

Oratio

PRÆSTA, quæsumus Dómine : ut sicut pópulus cristiánus Mártyrum tuórum Felícis, Simplicii, Faustini, et Beatricis temporáli solemnitate congáudet, ita perfruátur ætéRNA; et quod votis célebrat, comprehendat efféctu : Per Dóminum.

Lectio Epístolæ beáti Pauli Apóstoli ad Corínthios.

2, c. 10 et 11

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat. * Utinam sustinerétis módicum quid insipiéntiæ meæ, sed et supportáte me : Æmulor enim vos

Dei æmulatióne. Despóndi enim vos uni viro virginem castam exhibére Christo.

℟. Ps. 44 Propter veritátem, et mansuetúdinem, et justitiam : et dedúcet te mirabíliter dextera tua. ℟. Audi filia, et vide, et inclína aurem tuam : quia concupívit rex spéciem tuam.

Allelúia, allelúia. ℟. Veni elécta mea, et ponam in te thronum meum : quia concupívit rex spéciem tuam. Allelúia.

✠ Sequéntia sancti Evangélii secúndum Lucam. c. 10

IN illo témpore : Intrávit Jesus in quoddam castélum : et múlter quædam, Martha nómine, excépit illum in domum suam : Et huic erat soror, nómine Maria, quæ étiam sedens secus pedes Dómini, audiébat verbum illius. Martha autem satagébat circa frequens ministérium : Quæ stetit, et ait : Dómine, non est tibi curæ quod soror mea reliquit me solam ministráre? Dic ergo illi, ut me ádjuvet. Et respóndens, dixit illi Dóminus : Martha, Martha, sollicita es, et turbáris erga plúrima. Porro unum est necessárium. María óptimam partem elégit, quæ non auferétur ab ea.

Offertorium Ps. 44 Filiæ regum in honóre tuo : ástitit regína a dextris tuis in vestítu deauráto, circúmdata varietáte.

Secreta

ACCEPTA tibi sit, Dómine, sacrátæ plebis oblátio pro tuórum honóre Sanctórum,

quorum se méritis de tribulatione percepisse cognóscit auxilium. Per Dóminum.

De SS. Felice etc. Secreta

HOSTIAS tibi, Dómine, pro sanctórum Mártyrum tuórum Felicis, Simplicii, Faustini, et Beatricis commemoratione deférimus, suppliciter deprecántes, ut indulgéntiam nobis páriter cónferant, et salutem. Per Dóminum.

Communio Ps. 44 Diffúsa est grátia in lábiis tuis : proptérea benedixit te Deus in ætérnum.

Postcommunio

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

De SS. Felice etc.

Postcommunio

PRÆSTA, quæsumus omnipotens Deus : ut sanctórum Mártyrum tuórum Felicis, Simplicii, Faustini, et Beatricis cæléstibus mystériis celebráta solémnitas; indulgéntiam nobis tuæ propitiatiónis acquirat : Per Dóminum.

Die 30 Iulii

B. MANNIS

Conf. Ord. Præd. (d.)

Officium Os justi, ut in Comm. Conf. non Pont., pag. 23*

Oratio

DEUS, qui beátum Mannem Confessórem tuum, dispositione mirábili in viam per-

fectiónis traduxísti : eádem misericórdiæ grátia dirige actus nostros; ut possimus quærere quod jubes, et ásequi quod promíttis : Per Dóminum.

De SS. Abdon et Sennen Mm.

Oratio

DEUS, qui sanctis tuis Abdon et Sennen ad hanc glóriam veniéndi copiósum munus grátiae contulísti; dá famulis tuis suórum véniam peccatórum : ut Sanctórum tuórum intercedéntibus méritis; ab ómnibus mereámur adversitatibus liberári : Per Dóminum.

Secreta

DEUS, qui per beátum Mannem immaculatam hóstiam benigne suscipere dignátus es : per mérita ejúsdem hæc, quam tibi hódie offérimus, sit nobis propitiatória ad salutem. Per Dóminum.

De SS. Abdon et Sennen

Secreta

HÆC hóstia, quæsumus Dómine, quam sanctórum Mártyrum tuórum natalítia recenséntes offérimus, et víncula nostræ pravitatís absolvat, et tuæ nobis misericórdiæ dona concíliet. Per Dóminum.

Postcommunio

DEUS, qui beátum Mannem cumuláta glória coronásti : per hujus suscepti sacrificii virtútem tribue nobis ita pie vivere in terris; ut cum eo coronári mereámur in cælis : Per Dóminum.

De SS. Abdon et Sennen

Postcommunio

PER hujus, Dómine, operationem mystérii, et vitia nostra purgéntur; et intercedéntibus sanctis Martýribus tuis Abdon et Sennen, justa desidéria compleántur : Per Dóminum.

Die 31 Iulii

S. IGNATII Confessoris (d.)

Officium

Ps. 36

OS justi meditábitur sapientiam, et lingua ejus loquétur iudícium : lex Dei ejus in corde ipsius. **℟.** Noli æmulári in malignántibus : neque zeláveris faciéntes iniquitátem. **Gloria Patri. Gloria in excélsis.**

Oratio

DEUS, qui ad majórem tui nóminis glóriam propagándam, novo per beátum Ignátium subsidio militántem Ecclesiám roborásti : concéde, ut ejus auxilio et imitatione certántes in terris; coronári cum ipso mereámur in cælis : Per Dóminum.

De S. Germano Episc. et Conf.

Oratio

EXAUDI, quæsumus Dómine, preces nostras, quas in beáti Germáni Confessoris tui atque Pontificis solemnitate deférimus : ut qui tibi digne mérui famulári; ejus intercedéntibus méritis, ab ómnibus nos absólvas peccátis : Per Dóminum.

Lectio Epistolæ beáti Pauli Apóstoli ad Timótheum.

2, c. 2 et 3

CARISSIME : Memor esto Dóminum Jesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans : Sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Jesu, cum glória cælesti. * Tu autem assecútus es meam doctrinam, institutióem, propósitum, fidem, longanimitátem, dilectiόem, paciéntiam, persecutiόes, passiόes : quália mihi facta sunt Antiochiæ, Iconii, et Lystris : quales persecutiόes sustínui, et ex ómnibus erípuit me Dóminus. Et omnes, qui pie volunt vivere in Christo Jesu, persecutiόem patiéntur.

℟. Ps. 20 Dómine prævenísti eum in benedictiόibus dulcedinis : posuísti in cápite ejus coronam de lápide pretiόso. **℟.** Vitam petiit a te : et tribuísti ei longitúdinem diérum in sáculum sáculi.

Allelúia, allelúia. ℟. Osee 14 Justus germinábit sicut lilium, et florébit in ætérnum ante Dóminum. **Allelúia.**

✠ **Sequéntia sancti Evangélii** secúndum Lucam. **c. 10**

IN illo témpore : Designávit Dóminus et álios septuagínta duos, et misit illos binos ante faciém suam in omnem civitátem, et locum, quo erat

ipse venturus. Et dicébat illis : Messis quidem multa, operarii autem pauci. Rogáte ergo dñm messis, ut mittat operarios in messem suam. Ite : ecce ego mitto vos sicut agnos inter lupos. Nolíte portáre sáculum, neque peram, neque calceaménta, et némínem per viam salutavéritis. In quamcúmque domum intravéritis, primum dicite : Pax huic domui : Et si ibi fúerit filius pacis, requiescet super illum pax vestra : Sin autem, ad vos revertétur. In eádem autem domo manéte, edéntes, et bibéntes quæ apud illos sunt : Dignus est enim operarius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis : Et curáte infirmos, qui in illa sunt, et dicite illis : Appropinquávit in vos regnum Dei.

Offertorium Ps. 20 Desiderium ánimæ ejus tribuísti ei Dómine, et voluntáte labiów ejus non fraudásti eum : posuísti in cápíte ejus corónam de lápide pretiósó.

Secreta

PRÆSTA nobis, quæsumus omnipotens Deus, ut nostræ humilitátis oblátio, et pro tuów tibi grata sit honóre Sanctorum, et nos corpore páriter et mente purificet. Per Dñm.

De S. Germano Secreta

ACCEPTA sit in conspéctu tuo Dómine nostra devótio : ut ejus nobis fiat suppli-

catione salutáris, pro cujus solemnitate defértur. Per Dñm.

Communio Matth. 19 Amen dico vobis, quod vos, qui reliquistis ómnia, et secúti estis me, centuplum accipiétis, et vitam ætérnam possidébitis.

Postcommunio

QUÆSUMUS omnipotens Deus : ut qui cæléstia aliménta percépimus; intercedente beáto Ignátio Confessóre tuo, per hæc contra ómnia advérsa muniámur : Per Dñm.

De S. Germano

Postcommunio

DA, quæsumus Dómine, fidélibus tuis, Sanctorum tuów semper veneratióne lætári; et eów perpétua supplicatióne muniri : Per Dñm.

FESTA AUGUSTI

Die 1 Augusti

S. PETRI AD VINCULA

Totum Duplex

Officium

Act. 12

NUNC scio vere quia misit Dñus Angelum suum, et eripuit me de manu Heródis, et de omni exspectatióne plebis Judæorum. **℟. Ps. 138** Dómine probásti me, et cognovisti me : tu cognovisti sessiów meam, et resurrectiów meam. **Glória Patri. Glória in excélsis.**

Oratio

DEUS, qui beátum Petrum Apóstolum, a vínculis absolútum, illæsum abire fecisti : nostrórum, quæsumus, absólve víncula peccatórum; et ómnia mala a nobis propitiátus exclúde : Per Dóminum.

De SS. Machabæis Martyribus

Oratio

FRATERNA nos, Dómine, Mártýrum tuórum coróna lætíficet : quæ et fidei nostræ præbeat increménta virtútum; et multiplici nos suffrágio consolétur : Per Dóminum.

Léctio Actuum Apostolórum.

c. 12

IN diébus illis : Misit Heródes rex manus, ut affligeret quosdam de Ecclésia. Occidit autem Jacóbum fratrem Joánnis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cum apprehendisset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiébat sine intermissióne ab Ecclésia ad Deum pro eo. Cum autem productúrus eum esset Heródes, in ipsa nocte erat Petrus dórmienti inter duos milites, vinctus caténis duábus : Et custódes ante óstium custodiébant cárcerem. Et ecce Angelus Dómini ástitit : et lumen refúlsit in habitáculo : Percussóque látere Pe-

tri, excitávit eum, dicens : Surge velóciter. Et cecidérunt caténæ de mánibus ejus. Dixit autem Angelus ad eum : Præcingere, et cálcea te cáligas tuas. Et fecit sic. Et dixit illi : Circúmda tibi vestiméntum tuum, et séquere me. Et éxiens sequebátur eum, et nesciébát quia verum est, quod fiébat per Angelum : Existimábat autem se visum vidére. Transéúntes autem primam et secundam custódiam, venérunt ad portam férream, quæ ducit ad civitátem : quæ ultro apérta est eis. Et exeúntes processérunt vicum unum : et continuo discéssit Angelus ab eo. Et Petrus ad se revérsus, dixit : Nunc scio vere quia misit Dóminus Angelum suum, et erípuit me de manu Heródis, et de omni exspectatióne plebis Judæórum.

℟. Ps. 44 Constitues eos principes super omnem terram : mémoires erunt nóminis tui Dómine. ℣. Pro pátribus tuis nati sunt tibi filii : proptérea pópuli confitebúntur tibi.

Allelúia, allelúia. ℣. Solve, jubénte Deo, terrárum Petre caténas, qui facis ut páteant cæléstia regna beátis. Allelúia.

✠ Sequéntia sancti Evangélii secundum Matthæum. c. 16

IN illo témpore : Venit Jesus in partes Cæsaráe Philippi : et interrogábat discipulos suos, dicens : Quem dicunt hómines esse Filium hóminis? At illi dixerunt : Alii Joánnem Baptistam, álii autem Eliam,

alii vero Jeremiam, aut unum ex prophétis. Dicit illis Jesus : Vos autem quem me esse dicitis? Respondens Simon Petrus, dixit : Tu es Christus, filius Dei vivi. Respondens autem Jesus, dixit ei : Beátus es Simon Bar Jona : quia caro, et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis : Et quodcúmque sólveris super terram, erit solútum et in cælis. **Credo.**

Offertorium Ps. 44 Constitues eos principes super omnem terram : mémore erunt nóminis tui Dómine, in omni progénie et generatióne.

Secreta

OBLATUM tibi Dómine sacrificium, intercedente beáto Petro Apóstolo tuo, vivíficet nos semper, et múniat. Per Dóminum.

De SS. Machabæis Secreta

VOTIVA nos, Dómine, mystéria pro sanctórum Mártýrum tuórum constántia devóta mente tractánda sanctíficent : quibus et præsidium nobis crescat, et gáudium. Per Dóminum.

Præfatio de Apostolis.

Communio Matth. 16 Tu es Petrus, et super hanc petram ædificábo ecclésiám meam.

Postcommunio

CORPORIS sacri et pretiósí Sanguinis repléti libámine, quæsumus Dómine Deus noster : ut quod pia devotióne gérimus; certa redemptiόne capiámus : Per eúmdem Dóminum.

De SS. Machabæis

Postcommunio

PRÆSTA, quæsumus omnipotens Deus : ut quorum memóriam sacraménti participatiόne recólimus; fidem quoque proficiendo sectémur : Per Dóminum.

Die 2 Augusti

S. ALPHONSI MARIÆ

DE LIGORIO

Ep., Conf. et Eccl. Doct. (d.)

Officium

Luc. 4

SPIRITUS Dómini super me : propter quod unxit me, evangelizáre paupéribus misit me, sanáre contritos corde. **℟. Ps. 77** Atténdite pópule meus legem meam : inclináte aurem vestram in verba oris mei. **Glória Patri. Glória in excélsis.**

Oratio

DEUS, qui per beátum Alphónsum Mariam Confessórem tuum atque Pontíficem, animárum zelo succénsum, Ecclésiám tuam nova prole fecundásti : quæsumus, ut ejus salutáribus mónitis edócti, et exémplic roboráti; ad te pervenire feliciter valeámus : Per Dóminum.

De S. Stephano I Papa et Mart.

Oratio

DEUS, qui nos beáti Stéphaní Mártiris tui atque Pontificis ánnua solemnitate lætificas : concéde propítius, ut cujus natalitia cólimus; de ejúsdem étiam protectióne gaudeámus : Per Dóminum.

Lectio Epistolæ beáti Pauli
Apóstoli ad Timótheum.

2, c. 2

CARISSIME : Confortáre in grátia, quæ est in Christo Jesu : et quæ audisti a me per multos testes, hæc comménda fidélibus hominibus, qui idónei erunt et álios docére. Labóra sicut bonus miles Christi Jesu. Nemo militans Deo implicat se negótiis sæculáribus : ut ei pláceat, cui se probávit. Nam et qui certat in agóne, non coronáitur nisi legítimè certáverit. Laborántem agricolam opórtet primum de fructibus percipere. Intéllige quæ dico : dabit enim tibi Dóminus in ómnibus intelléctum.

℟. Ps. 118 Memor fui iudiciórum tuórum a sæculo Dómine, et consolátus sum : deféctio tenuit me, pro peccatóribus derelinquéntibus legem tuam. V. Ps. 39 Justitiam tuam non abscondi in corde meo : veritátem tuam et salutáre tuum dixi.

Allelúia, allelúia. V. Eccli. 49 Ipse est diréctus divínus in pœniténtiam gentis, et tulit abominatiónes impietátis : et gubernávit ad Dóminum cor ipsius, et in diébus peccató-

rum corroborávit pietátem. Allelúia.

✠ Sequéntia sancti Evangélii
secúndum Lucam. c. 10

IN illo témpore : Designávit Dóminus et álios septuagínta duos, et misit illos binos ante faciém suam in omnem civitátem, et locum, quo erat ipse ventúrus. Et dicébat illis : Messis quidem multa, operárii autem pauci. Rogáte ergo dóminum messis, ut mittat operários in messem suam. Ite : ecce ego mitto vos sicut agnos inter lupos. Nolíte portáre sáculum, neque peram, neque calceaménta, et néminem per viam salutáveritis. In quamcúmque domum intráveritis, primum dicite : Pax huic dómui : Et si ibi fúerit filius pacis, requiescet super illum pax vestra : Sin autem, ad vos revertétur. In eadém autem domo manéte, edéntes, et bibéntes quæ apud illos sunt : Dignus est enim operárius mercéde sua. Nolíte transíre de domo in domum. Et in quamcúmque civitátem intráveritis, et suscepérint vos, manducáte quæ apponúntur vobis : Et curáte infirmos, qui in illa sunt, et dicite illis : Appropinquávit in vos regnum Dei. Credo.

Offertorium Prov. 3 Honóra Dóminum de tua substántia, et de primitiis ómnium frugum tuárum da ei : noli prohibére benefácere eum, qui potest : si vales, et ipse benéfec.

Secreta

CÆLESTI, Dómine Jesu Christe, sacrificii igne corda nostra in odórem suavitátis exúre, qui beáto Alphónso Mariæ tribuísti et hæc mystéria celebráre, et per éadem hóstiam tibi sanctam seípsum exhibére. Qui vivis.

De S. Stephano Secreta

MUNERA tibi Dómine dicáta sanctifica : et intercedente beáto Stéphanó Mártire tuo atque Pontífice, per éadem nos placátus inténde. Per Dóminum.

Communio Eccli. 50 Sacerdos magnus, qui in vita sua suffúlsit domum, et in diébus suis corroborávit templum : quasi ignis effúlgens, et thus ardens in igne.

Postcommunio

DEUS, qui beátum Alphónsum Mariam Confessórem tuum atque Pontíficem, fidélem divini mystérii dispensatórem et præcónem effecísti : ejus méritis precibúsque concéde, ut fidéles tui et fréquénter percípiant; et percipiéndó sine fine colláudent : Per Dóminum.

De S. Stephano

Postcommunio

HÆC nos commúnio, Dómine, purget a crimine; et intercedente beáto Stéphanó Mártire tuo atque Pontífice, cæléstis remédii fáciat esse consórtes : Per Dóminum.

Die 3 Augusti

B. AUGUSTINI LUCERINI
Ep. et Conf. Ord. Præd. (sd.)

Officium Státuit, ut in Comm. Conf. Pont., pag. 18*

Oratio

DEUS, qui Ecclesiæ tuæ in beáto Augustino Confessóre tuo atque Pontífice boni pastóris exémplum providére dignátus es : concéde propítius; ut ejus intercessióne, in loco páscuæ tuæ perpétuo collocári mereámur : Per Dóminum.

De Inventione corporis S. Stephani Protom. Oratio

DA nobis, quæsumus, Dómine, imitári quod cólimus, ut discámus et inimícos diligere : quia ejus córporis Inventiónem celebrámus; qui novit étiam pro persecutóribus exoráre : Dóminum nostrum Jesum Christum Filium tuum. Qui tecum.

Secreta C

ACCEPTA sit in conspéctu tuo Dómine nostra devótio : ut ejus nobis fiat supplicatióne salutáris, pro cujus solemnitate defértur. Per Dóminum.

De Inventione S. Stephani
Secreta

SUSCIPE Dómine múnera pro tuórum commemoratióne Sanctórum : ut sicut illos pássio gloriósa effecit, ita nos devótio reddat innócuos. Per Dóminum.

Postcommunio

DA, quæsumus Dómine, fidélibus tuis, Sanctórum tuórum semper veneratióne lætári; et eórum perpétua supplicatióne muníri : Per Dóminum nostrum Jesum Christum Fílium tuum.

De Inventione S. Stephani

Postcommunio

AUXILIENTUR nobis, Dómine, sumpta mystéria; et intercedente beáto Stéphano Mártire tuo, sempitérna protectiόne confirment : Per Dóminum.

Die 4 Augusti

BEATISSIMI DOMINICI PATRIS NOSTRI

Totum Duplex I classis cum Octava solemni

Officium

Eccli. 15

IN médio Ecclésiæ apéruit os ejus, et implévit eum Dóminus spíritu sapiéntiæ et intelléctus : stolam glóriæ induit eum. *℟.* Jucunditatem, et exsultationem thesaurizávit super eum. Glória Patri. Glória in excelsis.

Oratio

DEUS, qui Ecclésiám tuam beáti Dominici Confessoris tui, Patris nostri, illuminare dignátus es méritis et doctrinis : concéde, ut ejus intercessiόne, temporálibus non destituátur auxiliis; et spirituálibus semper proficiat incrementis : Per Dóminum.

Lectio Epistolæ beáti Pauli
Apóstoli ad Timótheum.

2, c. 4

CARISSIME : Testificor coram Deo, et Jesu Christo, qui judicatúrus est vivos, et

mórtuos, per advéntum ipsíus, et regnum ejus : prædica verbum, insta opportúne, importúne : Argue, óbsecra, increpa in omni paciéntia, et doctrína. Erit enim tempus, cum sanam doctrinam non sustinébunt, sed ad sua desidéria coacerbábunt sibi magistros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutiόnis meæ instat. Bonum certámen certávi, cursum consummávi, fidem servávi. In réliquo repó-sita est mihi coróna justitiæ, quam reddet mihi Dóminus in illa die justus judex : Non solum autem mihi, sed et iis, qui diligunt advéntum ejus.

℟. Ps. 36 Os justi meditabitur sapiéntiam, et lingua

ejus loquétur iudiciū. **℟.** Lex Dei ejus in corde ipsius : et non supplantabúntur gressus ejus.

Allelúia, allelúia. ℟. Pie Pater Domínice, tuórum memor óperum, sta coram summo Júdice pro tuo cœtu páuperum.

Sequentia

IN cælésti hierarchia, nova sonet harmonía, novo ducta cántico.

Cui concórdet in hac via, nostri chori melodía, congáuens Domínico.

Ex **Ægýpto** vastitátis, virum suæ voluntátis vocat Auctor sœculi.

In fiscella paupertátis, flumen transit vanitátis, pro salúte pópuli.

In figúra cátuli, prædicátor sœculi matri præmonstrátur.

Portans ore fáculam, ad amoris régulam pópulos hortátur.

Hic est novus legislátor, hic Elías æmulátor, et detéstans crimina.

Vulpes díssipat Samsónis, et in tuba Gedeónis, hostis fugat ágmina.

A defúntis revocatúm, matri vivum reddit natum, vivens adhuc córpore.

Signo Crucis imber cedit, turba fratrum panem edit, missum Dei múnere.

Felix, per quem gáudia tota jam Ecclésia sumens exaltátur.

Orbem replet sémine : in cælorum ágmine tandem collocátur.

Jacet granum occultátum, sidus latet obumbrátum, sed Plasmátor ómnium

Ossa Joseph pulluláre, sidus jubet radiáre, in salútem géntium.

O quam probat carnis florem, omnem súperans odórem, túmuli fragrántia!

Ægri currunt, et curántur, cæci, claudi reparántur, virtútum frequéntia.

Laudes ergo Domínico personémus mirífico, voce plena.

Clama petens suffrágia, ejus sequens vestígia, plebs egéna.

Sed tu Pater pie, bone, pastor gregis, et patróné, prece semper sédula,

Apud cúriam summi Regis, derelicti vices gregis comménda per sœcula. Amen.

Allelúia.

✠ **Sequentia sancti Evangélii** secúndum Matthæum. **c. 5**

IN illo témpore : Dixit Jesus discíplis suis : Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram

homínibus : ut videant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas : Non veni sólvere, sed adimplére. Amen quippe dico vobis : donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 20 Desiderium ánimæ ejus tribuísti ei Dómine, et voluntáte labiórum ejus non fraudásti eum : posuísti in cápite ejus corónam de lápide pretióso.

Secreta

MUNERA tibi Dómine dicáta sanctífica : ut méritis beáti Dominici Confessóris tui, Patris nostri, nobis proficiant ad medélam. Per Dóminum.

Præfatio de S. Dominico. Et dicatur quotidie per Octavam, etiam in Missis de Sanctis, nisi propriam habuerint.

Communio Luc. 12 Fidélis servus, et prudens, quem constituit dóminus super familiam suam, ut det illis in témpore trítici mensúram.

Postcommunio

CONCEDE, quæsumus omnipotens Deus : ut qui peccatórum nostrórum póndere prémimur; beáti Dominici

Confessóris tui, Patris nostri, patrocínio sublevémur : Per Dóminum.

Per Octavam, et in Octava S. Dominici fiant omnia sicut in die, exceptis Sequentia et Credo.

Missa votiva per annum, pag. 64*

Die 5 Augusti

S. MARIE AD NIVES (t. d.)

Officium Gaudeamus, ut in Festis B. Mariæ Virg., pag. 1*

Die 6 Augusti

IN TRANSFIGURATIONE DOMINI (II cl.)

Officium

Ps. 67

VIDERUNT ingrèssus tuos Deus, ingrèssus Dei mei : regis mei qui est in sancto. **Ps. 76** Illuxérunt coruscationes tuæ orbi terræ : commóta est et contrémuit terra. **Glória Patri. Glória in excélsis.**

Oratio

DEUS, qui fidei sacramenta in Unigéniti tui gloriósa Transfiguratione Patrum testimonio roborásti; et adoptionem filiórum perfectam, voce delápsa in nube lúcida, mirabíliter præsignásti : concede propítius, ut ipsíus Regis glóriæ nos coherédes efficias; et ejúsdem glóriæ tribuas esse consórtes : Per eúndem.

De SS. Xysto II, Felicissimo, et Agapito Mm. Oratio

DEUS, qui nos concédís sanctorum Mártýrum tuórum Xysti, Felicíssimi, et

Agápiti natalítia cólere; da nobis in ætérna beatitúdine de eórum societáte gaudére : Per Dóminum.

Léctio Epístolæ beáti Petri Apóstoli. **2, c. 1**

CARISSIMI : Non doctas fábulas secúti notam fécimus vobis Dómini nostri Jesu Christi virtútem, et præséntiam : sed speculatóres facti illius magnitúdinis. Accípiens enim a Deo Patre honórem, et glóriam, voce delápsa ad eum hujuscémodi a magnífica glória : Hic est Filius meus diléctus, in quo mihi compláculi, ipsum audíte. Et hanc vocem nos audívimus de cælo allátam, cum essémus cum ipso in monte sancto. Et habémus firmiorem prophéticum sermónem : cui bene fácitis attendéntes quasi lucérnæ lucénti in caliginóso loco donec dies elucéscat, et lúclifer oriátur in córdibus vestris.

℟. Ps. 95 Cantáte Dómino, et benedicite nómini ejus : annuntiáte de die in diem salutáre ejus. **℣.** Annuntiáte inter gentes glóriam ejus, in ómnibus pópulis mirabilia ejus.

Allelúia, allelúia. ℣. Sap. 7 Candor est lucis ætérnæ, spéculum sine mácula, et imágo bonitátis illius. **Allelúia.**

✠ **Sequéntia sancti Evangélíi** secúndum Matthæum. **c. 17**

IN illo témpore : Assúmpsit Jesus Petrum, et Jacóbum, et Joánnem fratrem ejus, et

duxit illos in montem excélsu seórsum : et transfiguratús est ante eos. Et resplénduit fácies ejus sicut sol : vestiménta autem ejus facta sunt alba sicut nix. Et ecce apparuérunt illis Móyses, et Eliás, cum eo loquéntes. Respóndens autem Petrus, dixit ad Jesum : Dómine, bonum est nos hic esse : Si vis, faciámus hic tria tabernácula, tibi unum, Móysi unum, et Eliæ unum. Adhuc eo loquén-te, ecce nubes lúcida obumbrávit eos. Et ecce vox de nube, dicens : Hic est Filius meus diléctus, in quo mihi bene compláculi : Ipsum audíte. Et audiéntes discipuli cecidérunt in faciém suam, et timuérunt valde. Et accéssit Jesus, et tétigit eos : dixítque eis : Súrgite, et nolite timére. Levántes autem óculos suos, néminem vidérunt, nisi solum Jesum. Et descendéntibus illis de monte, præcépit eis Jesus, dicens : Némini dixéritis visiónem, donec Fílius hóminis a mórtuis resúrgat.

Credo.

Offertorium Ps. 111 Glória et divítiae in domo ejus : et justítia ejus manet in sáeculum sáeculi, allelúia.

Secreta

OBLATA, quæsumus Dómine, múnera, gloriósa Unigéniti tui Transfiguratióne sanctifica : nosque a peccatórum máculis, splendóribus ipsíus illustratiónis emúnda. Per Dóminum.

De SS. Xysto etc. Secreta

MUNERA tibi, Dómine, nostræ devotiõnis offerimus : quæ et pro tuorum tibi grata sint honóre Sanctórum, et nobis salutária, te miserante, reddántur. Per Dóminum.

Præfatio de Trinitate.

Communio Ps. 97 Vidérunt omnes fines terræ salutáre Dei nostri, allelúia.

Postcommunio

PRÆSTA, quæsumus omnipotens Deus : ut sacrosáncta Fílii tui Transfiguratiõnis mystéria, quæ solémni celebrámus officio; purificatæ mentis intelligéntia consequámur : Per cúmdem.

De SS. Xysto etc.

Postcommunio

PRÆSTA nobis, quæsumus Dómine, intercedéntibus sanctis Martýribus tuis Xysto, Felicissimo, et Agápito; ut quæ ore contígimus, pura mente capiámus : Per Dóminum.

Die 7 Augusti

S. CAJETANI Conf. (d.)

Officium

Ps. 36

OS justi meditábitur sapiéntiam, et lingua ejus loquétur iudícium : lex Dei ejus in corde ipsius. **V.** Noli æmulári in malignántibus : neque zeláveris faciéntes iniquitátem. Glória Patri. Glória in excélsis.

Oratio

DEUS, qui beáto Cajetáno Confessóri tuo Apostólicam vivéendi formam imitári tribuísti : da nobis, ejus intercessiõne et exémplo, in te semper confidere; et sola cæléstia desideráre : Per Dóminum.

De S. Donato Episc. et Mart.

Oratio

DEUS, tuorum glória sacerdotum : præsta quæsumus, ut sancti Mártiris tui et Episcopi Donáti, cujus festa gérimus; sentiámus auxilium : Per Dóminum.

Léctio Libri Sapiéntiæ.

Eccli. 31

BEATUS vir, qui invéntus est sine mácula : et qui post aurum non ábiit, nec sperávit in pecúnia, et thesáuris. Quis est hic, et laudábimus eum? Fecit enim mirabília in vita sua. Qui probátus est in illo, et perfectus est, erit illi glória æténa : Qui pótuit transgredi et non est transgréssus : fácere mala, et non fecit : Ideo stabilita sunt bona illíus in Dómino, et eleemósynas illíus enarrábit omnis Ecclésia sanctórum.

℟. Ps. 20 Dómine prævenísti eum in benedictiõibus dulcédinis : posuísti in cápite ejus corónam de lápide pretiõso. **V.** Vitam pètiit a te : et tribuísti ei longitúdinem diérum in sáculum sáculi.

Allelúia, allelúia. **V.** Ps. 63 Lætábitur justus in Dómino,

et sperábit in eo, et laudabúntur omnes recti corde. Allelúia.

✠ **Sequéntia sancti Evangélíi**
secúndum Matthæum. **c. 6**

IN illo témpore : Dixit Jesus discipulis suis : Nemo potest duóbus dóminis servíre : Aut enim unum ódio habébit, et álterum díliget : aut unum sustinébit, et álterum contémet. Non potéstis Deo servíre, et mammónæ. Ideo dico vobis, ne solliciti sitis ánimæ vestræ quid manducétis, neque cörperi vestro quid induámini. Nonne ánima plus est quam esca : et corpus plus quam vestiméntum? Respícite volatília cæli, quóniam non serunt, neque metunt, neque cóngregant in hórrea : et Pater vester cæléstis pascit illa. Nonne vos magis pluris estis illis? Quis autem vestrum cógitans potest adjícere ad statúram suam cúbitum unum? Et de vestiménto quid solliciti estis? Consideráte lília agri, quómodo crescunt : Non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fœnum agri, quod hódie est, et cras in clíbanum míttitur, Deus sic vestit : quanto magis vos módicæ fidei? Nolíte ergo solliciti esse, dicéntes, Quid manducábimus, aut quid bibémus, aut quo operiémur? Hæc enim ómnia gentes inquirunt. Scit enim Pater vester, quia his ómnibus indigétis. Quærite ergo primum regnum Dei,

et justítiam ejus : et hæc ómnia adjiciéntur vobis.

Offertorium Ps. 91 Justus, ut palma florébit : sicut cedrus, quæ in Libano est, multiplicábitur.

Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præsentibus éxui malis confidimus, et futúris. Per Dóminum.

De sancto Donato Secreta

PRÆSTA, quæsumus Dómine, ut sancti Mártyris tui et Epíscopi Donáti intercessióne, quem ad laudem nóminis tui dicátis munéribus honorámus, piæ nobis fructus devotiónis accrésca. Per Dóminum.

Communio Matth. 19 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio

REFFECTI cibo potúque cælésti, Deus noster, te supplex exorámus : ut in cujus hæc commemoratióne percépimus; ejus muniámur et precibus : Per Dóminum.

De sancto Donato

Postcommunio

OMNIPOTENS et miséricors Deus, qui nos sacramentórum tuórum et participes efficis, et ministros : præsta quæsumus, ut intercedente beáto Donáto Mártyre tuo atque Pontifice; ejúsdem proficiámus et fidei consórtio, et digno servítio : Per Dóminum.

Die 8 Augusti

B. JOANNÆ DE AZA

Matris S. Patriarchæ
Dominici (*d.*)

Officium Gaudeamus, ut in Comm.
nec Virg. nec Mart., pag. 36*

Oratio

DEUS, qui beatæ Joannæ famulæ tuæ grâtiâ supernæ vocatiônis filii sui Domini mirabiliter ostendisti : quæsumus, ut ipsam, præmonstratûmque filium imitantes; pio utriusque intervêntu æternâ præmia consequamur : Per Dôminum.

De SS. Cyriaco, Largo,
et Smarâgdo Mm. Oratio

DEUS, qui nos ânnua beatôrum Mártyrum tuorum Cyriaci, Largi, et Smarâgdi solemnitâte lætificas : concède propitius, ut quorum natalitia cõlimus; virtutem quoque passionis imitemur : Per Dôminum.

Secreta

DEUS, in cujus conspectu hæc, quam offerimus, hostia placabilis semper apparet : largire, ut per beatæ Joannæ meritum, filique Domini, propitiatoria sit nobis ad salutem. Per Dôminum.

De SS. Cyriaco etc. Secreta

SANCTI tui, quæsumus Dômine, nos ubique lætificent : ut dum eorum mérita recõlimus, patrocínia sentiamus. Per Dôminum.

Postcommunio

CÆLESTI pasti dulcédine, ineffabilem tuam Deus exoramus cleméntiam; ut hæc hostia, intercedéntibus méritis beatæ Joannæ, ac sancti filii sui Domini, sit nobis ablútió scélerum, grâtiæ participatió, ac præmii æterni consecútió : Per Dôminum.

De SS. Cyriaco etc.

Postcommunio

REFFECTI participatióne muneris sacri, quæsumus Dômine Deus noster : ut cujus exsequimur cultum; intercedéntibus sanctis Martýribus tuis Cyriaco, Largo, et Smarâgdo, sentiâmus effectum : Per Dôminum.

Die 9 Augusti

B. JOANNIS DE SALERNO

Conf. Ord. Præd. (*sd.*)

Officium Os justi, ut in Communi
Conf. non Pont., pag. 23*, cum
Evangelio Designávit, pag. 25*

Oratio

DEUS, qui in fidei incrementum, beatum Joannem Confessorem verbi tui præcónem eximium effecisti : ejus nobis intercessiône largire, ut quod corde crédimus ad justitiam; ore ad salutem confiteamur : Per Dôminum.

Secreta

C

PRÆSTA nobis, quæsumus Omnipotens Deus, ut nostræ humilitátis oblâtió, et pro tuorum tibi grata sit honóre

Sanctorum, et nos corpore pariter et mente purificet. Per Dominum.

Postcommunio C

QUÆSUMUS omnipotens Deus : ut qui cælestia alimenta percépimus; intercedente beato Joanne Confessore tuo, per hæc contra omnia adversa muniámur : Per Dominum.

Eadem Die

In Vigilia

S. LAURENTII Martyris

Officium Ps. 111

DISPERSIT, dedit pauperibus : justitia ejus manet in sæculum sæculi, cornu ejus exaltabitur in gloria. *℟.* Beatus vir, qui timet Dominum : in mandatis ejus cupit nimis. *Gloria Patri.*

Oratio

ADESTO Domine supplicationibus nostris : et intercessione beati Laurentii Martyris tui, cujus prævenimus festivitatem; perpétuam nobis misericordiam benignus impende : Per Dominum.

Lectio Libri Sapientiae.

Eccli. 51

CONFITEBOR tibi Domine rex, et collaudabo te Deum salvatorem meum. Confitebor nomini tuo : quoniam adjutor et protector factus es mihi, et liberasti corpus meum a perditione, a laqueo lingue iniquæ, et a labiis operantium mendacium, et in conspectu

astantium factus es mihi adjutor. Et liberasti me secundum multitudinem misericordiarum nominis tui a rugientibus, preparatis ad escam, de manibus querentium animam meam, et de portis tribulationum, quæ circumdederunt me : A pressura flammæ, quæ circumdedit me, et in medio ignis non sum aestuatus : De altitudine ventris inferi, et a lingua coinquinata, et a verbo mendacii, a rege iniquo, et a lingua injusta : Laudabit usque ad mortem anima mea Dominum, quoniam eruis sustinentes te, et liberas eos de manibus gentium, Domine Deus noster.

℟. Ps. 111 Dispersion, dedit pauperibus : justitia ejus manet in sæculum sæculi. *℟.* Potens in terra erit semen ejus : generatio rectorum benedicetur.

✠ Sequentia sancti Evangelii secundum Matthæum. c. 16

IN illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucratur, animæ vero suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis :

et tunc reddet unicuique secundum opera ejus.

Offertorium Job 16 Oratio mea munda est, et ideo peto, ut detur locus voci meae in caelo : quia ibi est iudex meus, et conscius meus in excelsis : ascendat ad Dominum deprecatio mea.

Secreta

HOSTIAS, Domine, quas tibi offerimus, propitius suscipe : et intercedente beato Laurentio Martyre tuo, vincula peccatorum nostrorum absolve. Per Dominum.

Communio Matth. 16 Qui vult venire post me, abneget semetipsum, et tollat crucem suam, et sequatur me.

Postcommunio

DA, quaesumus Domine Deus noster : ut sicut beati Laurentii Martyris tui commemoratione, temporali gratulamur officio; ita perpetuo laetemur aspectu : Per Dominum.

Die 10 Augusti

S. LAURENTII Martyris
Totum Duplex II classis
cum Oct. sol. Mem.

Officium

Ps. 95

CONFESSIO, et pulchritudo in conspectu ejus : sanctitas, et magnificentia in sanctificatione ejus. **V.** Cantate Domino canticum novum : cantate Domino omnis terra. **Gloria Patri. Gloria in excelsis.**

Oratio

DA nobis, quaesumus omnipotens Deus, vitiorum nostrorum flammam extinguere; qui beato Laurentio tribuisti tormentorum suorum incendia superare : Per Dominum.

Lectio Epistolae beati Pauli
Apostoli ad Corinthios.

2, c. 9

FRATRES : Qui parce seminat, parce et metet : Et qui seminat in benedictionibus, de benedictionibus et metet. Unusquisque prout destinavit in corde suo, non ex tristitia, aut ex necessitate : Iilarem enim datorem diligit Deus. Potens est autem Deus omnem gratiam abundare facere in vobis : ut in omnibus semper omnem sufficientiam habentes, abundetis in omne opus bonum, sicut scriptum est : Dispersionem, dedit pauperibus : iustitia ejus manet in saeculum saeculi. Qui autem administrat semen seminanti : et panem ad manducandum praestabit, et multiplicabit semen vestrum, et augebit incrementa frugum iustitiae vestrae.

℟. Ps. 16 Probasti, Domine, cor meum, et visitasti nocte. **℣.** Igne me examinasti, et non est inventa in me iniquitas.

Alleluia, alleluia. V. Levita Laurentius bonum opus operatus est : qui per signum crucis caecos illuminavit. **Alleluia.**

✠ **Sequéntia sancti Evangélíi**
secúndum Joánnem. **c. 12**

IN illo témpore : Dixit Jesus discipulis suis : Amen, amen dico vobis, nisi granum fruménti cadens in terram, mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, perdet eam : Et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur : Et ubi sum ego, illic et míster meus erit. Si quis mihi ministráverit, honorificábit eum Pater meus.

Offertorium Ps. 95 Conféssio et pulchritúdo in conspéctu ejus : sánctitas et magnificéntia in sanctificatióne ejus.

Secreta

ACCIPE, quæsumus Dómine, múnera dignánter obláta : et beáti Lauréntii suffragántibus méritis, ad nostræ salútis auxílium proveníre concéde. Per Dóminum.

Communio Joann. 12 Qui mihi ministrat, me sequátur : et ubi ego sum, illic et míster meus erit.

Postcommunio

SACRO múnere satiáti, súplices te Dómine deprecámur : ut quod débitæ servitútis celebrámus officio; intercedénte beáto Lauréntio Mártire tuo, salvatiónis tuæ sentiámus augméntum : Per Dóminum.

Die 11 Augusti

S. TIBURTII Mártiris

Memoria

Oratio

BEATI Tibúrtii Mártiris tui nos, Dómine, fóveant continuáta præsídia : quia non désinis propítius intuéri; quos tálibus auxíliis concésseris adjuvári : Per Dóminum.

Secreta

ADESTO Dómine précibus pópuli tui, adesto munéribus : ut quæ sacris sunt obláta mystériis, tuórum tibi pláceant intercessióne Sanctórum. Per Dóminum.

Postcommunio

SUMPSIMUS, Dómine, pignus redemptionis ætérnæ; quod sit nobis, quæsumus, interveniénte beáto Tibúrtio Mártire tuo, vitæ præséntis auxílium, páriter et futúrá : Per Dóminum.

Die 12 Augusti

S. CLARÆ Virgínis (d.)

Officium Gaudeámus, ut in Comuni Virg. non Mart., pag. 30*

Oratio

FAMULOS tuos, quæsumus Dómine, beátæ Virgínis tuæ Claræ votíva natalítia recenséntes; cæléstium gaudiórum sua fácias interventióne participes, et tui Unigéniti coherédes : Qui tecum vivit.

Secreta

C

ACCEPTA tibi sit, Dómine, sacratæ plebis oblátio pro tuórum honóre Sanctórum, quorum se méritis de tribulatióne percepisse cognóscit auxilium. Per Dóminum.

Postcommunio

C

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Die 13 Augusti

SS. HYPPOLYTI
SOCIORUMQUE *Mm. (3 LL.)*

Officium

Ps. 67

JUSTI epuléntur, et exsúltent in conspéctu Dei : et delecténtur in lætitia.

℟. Exsúrgat Deus, et dissipéntur inimíci ejus, et fúgiant qui odérunt eum, a fácie ejus. Glória Patri.

Oratio

DA, quæsumus omnípotens Deus : ut beáti Hippólyti Mártiris tui, sociorúmque ejus veneránda solémnitas; et devotióne nobis áugeat, et salútem : Per Dóminum.

Léctio Epístolæ beáti Pauli Apóstoli ad Hebræos. *c. 11*

FRATRES : Sancti per fidem vicérunt regna, operáti sunt justitiam, adépti sunt repromissiónes, obturavérunt ora leónum, exstinxérunt impetum ignis, effugérunt áciem

gládii, conváluérunt de infirmitáte, fortes facti sunt in bello, castra vertérunt extérórum : Accepérunt mulieres de resurrectione mórtuos suos : Alii autem disténti sunt, non suscipiéntes redemptiõem, ut meliorem invenírent resurrectionem. Alii vero ludibria, et vérbera expérti, insuper et víncula, et cárceres : lapidáti sunt, secti sunt, tentáti sunt, in occisióne gládii mórtui sunt, circuíérunt in melótis, in péllibus caprinis, egéntes, angustiáti, afflícti : quibus dignus non erat mundus : In solitudínibus errántes, in móntibus, et spelúncis, et in cavérnis terræ. Et hi omnes testimonio fidei probáti invénti sunt : In Christo Jesu Dómino nostro.

℟. *Sap. 3* Justórum animæ in manu Dei sunt, et non tanget illos torméntum malitiæ.

℟. Visi sunt óculis insipiéntium mori : illi autem sunt in pace.

Allelúia. ℟. *Ps. 144* Sancti tui Dómine benedícent te : glóriam regni tui dicent. Allelúia.

✠ Sequéntia sancti Evangélii secúndum Lucam. *c. 12*

IN illo témpore : Dixit Jesus discipulis suis : Atténdite a fermento Pharisæórum, quod est hypócrisis. Nihil autem opértum est, quod non revelétur : neque absconditum, quod non sciátur. Quóniam quæ in ténebris dixístis, in lúmine dicéntur : et quod in

aurem locúti estis in cubículis, prædicábitur in tectis. Dico autem vobis amícis meis : Ne terreámini ab his, qui occidunt corpus, et post hæc non habent ámplius quid fáciant. Osténdam autem vobis, quem timeátis : Timéte eum, qui, postquam occiderit, habet potestátem mittere in gehénnam. Ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capilli cápitis vestri omnes numeráti sunt. Nolite ergo timére : multis passéribus pluris estis vos. Dico autem vobis : Omnis, quicúmque conféssus fúerit me coram homínibus, et Fílius hóminis confitébitur illum coram Angelis Dei.

Offertorium Ps. 123 Anima nostra sicut passer erépta est de láqueo venántium : láqueus contrítus est, et nos liberáti sumus.

Secreta

RESPICE Dómine múnera pópuli tui, Sanctórum festivitáte votiva : et tuæ testificatio veritátis nobis proficiat ad salútem. Per Dóminum.

Communio Luc. 12 Dico autem vobis amícis meis : ne terreámini ab his, qui vos persequúntur.

Postcommunio

SACRAMENTORUM tuórum, Dómine, commúnio sumpta nos salvet; et in tuæ veritátis luce confirmet : Per Dóminum.

Dic 14 Augusti

Si sequens Vigilia Assumptionis anticipetur Sabbato, hodie fiat Memoria S. Eusebii Confessoris ex Missa sequenti.

In Vigilia

ASSUMPTIONIS

B. MARLE VIRG.

Officium

Sedulius

SALVE sancta parens, enixa puérpera Regem : qui cælum terrámque regit in sácula sæculórum. *℟.* Post partum Virgo invioláta permansisti : Dei Génitrix intercede pro nobis. **Glória Patri.**

Oratio

DEUS, qui virginálem aulam beátæ Mariæ, in qua habitáres, eligere dignátus es : da quæsumus, ut sua nos defensione munitos; jucúndos fácias suæ interesse festivitáti : Qui vivis et regnas.

De S. Eusebio Confessore

Oratio

DEUS, qui nos beáti Eusébii Confessóris tui ánnua solemnitáte lætificas : concéde propítius, ut cujus natalitia cólimus; per ejus ad te exémp-la gradiámur : Per Dóminum.

Léctio Libri Sapiéntiæ.

Eccli. 24

EGO quasi vitis fructificávi suavitátem odóris : et flores mei fructus honóris et honestátis. Ego mater pulcræ dilectiónis, et timóris, et agnitiónis, et sanctæ spei. In me

grátia omnis viæ et veritátis, in me omnis spes vitæ et virtútis. Transíte ad me omnes qui concupiscitis me, et a generatióibus meis implémini : Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient : et qui bibunt me, adhuc sitient. Qui audit me, non confundétur : et qui operántur in me, non peccábunt. Qui elúcidant me, vitam ætérnam habébunt.

✠. Benedícta et venerábilis es Virgo María : quæ sine tactu pudóris, invénta es Mater Salvatóris. ✠. *Sedulius* Virgo Dei Génitrix, quem totus non capit orbis, in tua se clausit víscera, factus homo.

✠ *Sequéntia sancti Evangélii* secúndum Lucam. c. 11

IN illo témpore : Loquente Jesu ad turbas, extóllens vocem quædam múlter de turba, dixit illi : Beátus venter, qui te portávit, et úbera, quæ suxísti. At ille dixit : Quinímmo beáti, qui áudiunt verbum Dei, et custódiunt illud.

Offertorium Beáta es Virgo María, quæ ómnium portásti Creatórem : genuísti qui te fecit, et in ætérnum pérmanes virgo.

Secreta

MUNERA nostra, Dómine, apud cleméntiam tuam Dei Genitricis comméndet orátio : quam idcirco de præsentí sæculo transtulísti, ut pro peccátis nostris apud te fiduciáliter intercédát. Per eúmdem Dóminum.

De S. Eusebio

Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præsentibus éxui malis confidimus, et futúris. Per Dóminum.

Præfatio de B. Maria Virg. Et te in veneratióne.

Communio Beáta víscera Mariæ Virginis, quæ portavérunt ætérni Patris Fílium.

Postcommunio

CONCEDE, miséricors Deus, fragilitáti nostræ præsidium : ut qui sanctæ Dei Genitricis festivitátem prævenimus; intercessiόνis ejus auxílio, a nostris iniquitatibus resurgámus : Per eúmdem Dóminum.

De S. Eusebio *Postcommunio*

REFFECTI cibo potúque cælesti, Deus noster, te supplices exorámus : ut in cujus hæc commemoratióne percépimus; ejus muniámur et precibus : Per Dóminum.

IN ASSUMPTIONE B. MARIAE VIRG.

Totum Duplex I classis cum Octava solemni

FINITA Tertia, Prior cum cappa serica, et Diaconus cum Reliquiis, et Subdiaconus cum libello processionali, sericis induti, praecedentibus Ceroferariis in albis, in chorum veniant. Et si Dominica fuerit, aqua benedicta more solito aspergatur. Dum aqua aspergitur, ille, qui delaturus est Crucem, eam a Sacrista paratam accipiat. Finita aspersione aquae, vel si aqua aspergenda non fuerit, postquam in chorum venerint, accepta Cruce a Cruciferario, et Cantoribus incipientibus *℟.* Felix, incipiatur Processio. Finita Processione, Prior et ministri in sacristiam vadant : et deposita cappa serica, assumptaque casula, ad Missam inchoandam procedant more solito ad altare.

AD MISSAM

Officium

GAUDEAMUS omnes in Dómino, diem festum celebrántes sub honóre beátæ Mariæ Virginis, de cujus Assumptione gaudent Angeli, et colláudant Filium Dei. *℣. Ps. 44* Eructávit cor meum verbum bonum : dico ego ópera mea regi. Glória Patri. Glória in excélsis.

Oratio

VENERANDA nobis, Dómine, hujus diéi festivitas opem cónferat salutárem; in qua sancta Dei Génitrix mortem súbiit temporálem : nec tamen mortis nexibus déprimi pó-
tuit; quæ Filium tuum Dóminum nostrum de se génuít incarnátum : Qui tecum.

Lectio Libri Sapiéntiæ.

Eccli. 24

IN ómnibus réquiem quæ-
sivi, et in hereditáte Dómini morábor. Tunc præcépit, et dixit mihi Créátor ómnium : et qui creávit me, requiévít in tabernáculo meo, et dixit mihi : In Jacob inhábita, et in Israël hereditáre, et in eléctis meis mitte radíces. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenítudine sanctórum deténtio mea. Quasi cedrus exaltáta sum in Líbano, et quasi cypréssus in

monte Sion : Quasi palma exaltata sum in Cades, et quasi plantatio rosae in Jericho : Quasi oliva speciosa in campis, et quasi platanus exaltata sum juxta aquam in plateis. Sicut cinnamomum, et balsamum aromatizans odorem dedi : Quasi myrrha electa dedi suavitatem odoris.

℟. **Ps. 44** Propter veritatem, et mansuetudinem, et justitiam : et deducet te mirabiliter dextera tua. ℣. Audi filia, et vide, et inclina aurem tuam : quia concupivit rex speciem tuam.

Allelúia, allelúia. ℣. Hódie Maria Virgo caelos ascendit : gaudete, quia cum Christo regnat in aeternum. Allelúia.

✠ **Sequentia sancti Evangelii** secundum Lucam. **c. 10**

IN illo tempore : Intravit Jesus in quoddam castellum : et mulier quaedam Martha nomine, excepit illum in domum suam : Et huic erat soror, nomine Maria, quae etiam sedens secus pedes Domini, audiebat verbum illius. Martha autem satagebat circa frequens ministerium : Quae stetit, et ait : Domine, non est tibi curae quod soror mea reliquit me solam ministrare? Dic ergo illi, ut me adjuvet. Et respondens, dixit illi Dominus : Martha, Martha, sollicita es, et turbaris erga plurima. Porro unum est necessarium. Maria optimam partem elegit, quae non auferetur ab ea.

Credo.

Offertorium Felix namque es sacra Virgo Maria, et omni laude dignissima : quia ex te ortus est sol justitiae, Christus Deus noster.

Secreta

SUBVENIAT, Domine, plebi tuae Dei Genitricis oratio : quam etsi pro conditione carnis migrasse cognoscimus, in caelesti gloria apud te pro nobis intercedere sentiamus. Per eundem.

Præfatio de B. Maria Virgine Et te in Assumptione. Et dicatur quotidie per Octavam, etiam in Missis de Sanctis.

Communio Beata viscera Mariae Virginis, quae portaverunt aeterni Patris Filium.

Postcommunio

MENSÆ caelestis participes effecti, imploramus clementiam tuam Domine Deus noster : ut qui Assumptionem Dei Genitricis colimus; a cunctis malis imminentibus, ejus intercessionem liberemur : Per eundem.

Per Octavam, et in Octava Assumptionis B. Virginis omnia fiant sicut in festo, excepto Credo.

Die 16 Augusti

S. JOACHIM

Conf., Patris B. M. V. (II cl.)

Officium

Ps. 111

DISPERSIT, dedit pauperibus : justitia ejus manet in saeculum saeculi, cornu ejus exaltabitur in gloria. ℣. Beatus vir, qui timet Dominum : in mandatis ejus

cupit nimis. Glória Patri. Glória in excelsis.

Oratio

DEUS, qui præ omnibus sanctis tuis beátum Jóachim Genitrícis Fílii tui patrem esse voluisti : concède quæsumus, ut cujus festa venerámur; ejus quoque perpétuo patrocínia sentiámus : Per eúmdem.

Lectio Libri Sapiéntiæ.

Eccli. 31

BEATUS vir, qui invéntus est sine mácula : et qui post aurum non ábiit, nec sperávit in pecúnia, et thesáuris. Quis est hic, et laudábimus eum? Fecit enim mirabilia in vita sua. Qui probátus est in illo, et perféctus est, erit illi glória æténa : Qui pótuit tránsgrredi, et non est tránsgréssus : fácere mala, et non fecit : Ideo stabilita sunt bona illius in Dómino, et eleemósynas illius enarrábit omnis Ecclésia sanctórum.

✠ **Ps. 111** Dispérsit, dedit paupéribus : justítia ejus manet in sáculum sáculi. **℣.** Potens in terra erit semen ejus : generátio rectórum benedicétur.

Allelúia, allelúia. ℣. Osee 14 Justus germinábit sicut lílium, et florébit in ætérnum ante Dóminum. Allelúia.

✠ **Initium sancti Evangélii secundum Matthæum. c. I**

LIBER generatiónis Jesu Christi filii David, filii Abraham. Abraham genuit

Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uriæ. Salomon autem genuit Róboam. Róboam autem genuit Abiam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozias autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam et fratres ejus in transmigratíone Babylónis. Et post transmigratíonem Babylónis : Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eléazar. Eléazar autem genuit Mathan. Mathan autem genuit Jacob. Jacob autem genuit Joseph

virum Mariæ, de qua natus est Jesus, qui vocátur Christus.

Extra Dominicam non dicitur Credo.

Offertorium Ps. 8 Glória et honóre coronásti eum : et constituísti eum super ópera mánuum tuárum, Dómine.

Secreta

SUSCIPE clementissime Deus sacrificium in honórem sancti Patriárchæ Jóachim, patris Mariæ Virginis, majestáti tuæ oblátum : ut ipso cum cónjuge sua et beatíssima prole intercedente, perfectam cónsequi mereámur remissionem peccatórum, et glóriam sempitérnam. Per Dóminum.

Communio Luc. 12 Fidélis servus et prudens, quem constituit dóminus super familiam suam, ut det illis in tēpore trítici mensúram.

Postcommunio

QUÆSUMUS omnipotens Deus, ut per hæc sacramēta, quæ sumpsimus : intercedéntibus méritis et précibus beáti Jóachim, patris Genitricis dilécti Filii tui Dómini nostri Jesu Christi; tuæ grátiae in præsénti, et æternæ glóriæ in futúro participes esse mereámur : Per eúndem.

Die 17 Augusti

S. HYACINTHI

Conf. Ord. Præd. (II cl.)

Officium Eccli. 24

IN ecclésiis Altissimi apéruit os suum, et in médio pópuli exaltábitur : in multitúdine electórum habébit

laudem, et inter benedictos benedicétur. **Ps. 33** Oculi Dómini super justos : et aures ejus in preces eórum. **Glória Patri. Glória in excélsis.**

Oratio

DEUS, qui beátum Hyacínthum Confessórem tuum, in diversis natiónum pópulis, óperum sanctitáte, et miraculórum glória fecisti conspiciuum : da nobis, ut ejus in mélius reformémur exémpilis; et in advérsis protegámur auxiliis : Per Dóminum.

In Missis privatis (sine cantu) fiat Memoria de die octava S. Laurentii M.

De S. Laurentio Oratio

DA nobis, quæsumus omnipotens Deus, vitiórum nostrórum flammæ exstinguere; qui beáto Lauréntio tribuísti tormentórum suórum incéndia superáre : Per Dóminum.

Léctio Epístolæ beáti Pauli Apóstoli ad Thessalonicenses.

1, c. 2

FRATRES : Fidúciam habúimus in Deo nostro loqui ad vos Evangélium Dei in multa sollicitúdine. Exhortátio enim nostra non de erróre, neque de immundítia, neque in dolo, sed sicut probáti sumus a Deo ut crederétur nobis Evangélium : ita lóquimur non quasi hominibus placētes, sed Deo, qui probat corda nostra. Neque enim aliquándó fúimus in sermóne adulationis, sicut scitis : neque in occasióne avaritiæ, Deus

testis est : nec quærentes ab hominibus glóriam, neque a vobis, neque ab aliis. Cum possemus vobis óneri esse ut Christi Apóstoli : sed facti sumus párvuli in médio vestrum, tamquam si nutrix fóveat filios suos. Ita desiderantes vos, cúpide volebámus trádere vobis non solum Evangelium Dei, sed étiam ánimas nostras : quóniam caríssimi nobis facti estis.

℟. Eccli. 47 et 46 Eruditus in juventúte sua, implétus est, quasi flumen, sapiéntia : et in fide probátus, cónitus est in verbis suis fidélis. ℣. Ibid. 48 In vita sua fecit monstra, et in morte mirabilia operátus est.

Allelúia, allelúia. ℣. Gaude fili Hyacínthe, quia tuæ a Filio meo exaudiúntur preces : et quidquid peténdum dúxeris, me interveniénte consequéris. Allelúia.

✠ Sequéntia sancti Evangélii secundum Matthæum. c. 10

IN illo témpore : Dixit Jesus discipulis suis : Eúntes prædicáte, dicéntes, Quia appropinquávit regnum cælórum. Infirmos curáte, mórtuos suscitáte, leprósos mundáte, dæmones ejícite : gratis accepistis, gratis date. Nolite possidére aurum, neque argéntum, neque pecúniám in zonis vestris : Non peram in via, neque duas túnicas, neque calceaménta, neque virgam : Dignus enim est operárius cibo suo. **Credo.**

Offertorium Isa. 46 De terra longínqua vocávit Dóminus virum voluntátis suæ : et dedit illi thesáuros absconditos, et arcána secretórum suórum.

Secreta

SACRAS hóstias, Dómine, interventu digníssimæ Matris, intrépídus super aquas ambulátor beátus Hyacínthus ante conspéctum divínæ tuæ majestátis déferat : et ad salutem nostram delátas, benignus acceptáre dignéris. Per Dóminum.

De S. Laurentio Secreta

ACCIPE, quæsumus Dómine, múnera dignánter obláta : et beáti Lauréntii suffragántibus méritis, ad nostræ salutis auxiliúm proveníre concéde. Per Dóminum.

Communio Cant. 5 Diléctus meus cándidus et rubicúndus : manus ejus tornátiles, plenæ hyacínthis.

Postcommunio

QUOS ineffábili suavitate Corporis et Sanguinis tui, Dómine, recreásti : quæsumus, ut beáti Hyacínthi piis préci-bus adjútos; ad ætérnam fácias perveníre lætítiam : Qui vivis.

De S. Laurentio

Postcommunio

SACRO múnere satiáti, súpplices te Dómine deprecámur : ut quod débitæ servitútis celebrámus officio; intercedénte beáto Lauréntio Mártire tuo, salvatiónis tuæ sentiámus augméntum : Per Dóminum.

Quando celebratur de beato Hyacintho ex voto, vel devotione per annum, omnia fiant ut supra, nisi quod infra Septuagesimam, omisso Allelúia, et *℟.* sequenti, dicitur :

Tractus Eccli. 50 Quasi stella matutína in médio nébulæ, et quasi luna plena in diébus suis. *℟.* Et quasi sol refúlgens, sic ille refúlsit in templo Dei. *℟.* Quasi arcus refúlgens inter nébulas glóriæ, et quasi flos rosárum in diébus vernis.

Temp. Pasch. Allelúia, allelúia. *℟.* Gaude fili Hyacínthe, quia tuæ a Fílio meo exaudiúntur preces : et quidquid peténdum dúxeris, me interveniéntem consequéris.

Allelúia. ℟. Luc. 24 Oportébat pati Christum, et resúrgeré a mórtuis : et ita intráre in glóriam suam. Allelúia.

Temp. Ascens. secundum Allelúia. ℟. Ps. 46 Ascéndit Deus in jubilatíone : et Dóminus in voce tubæ. Allelúia.

Cetera ut supra, excepto Credo.

Die 18 Augusti

B. AIMONIS TAPARELLI

Conf. Ord. Præd. (sd.)

Officium Os justi, ut in Communi Conf non Pont., pag. 23*

Oratio

OMNIPOTENS et miséricors Deus, cui servíre regnáre est : per mérita et intercessíonem beáti Aimónis Confessóris tui, quem exímium fidei propugnatórem effecísti, concede; ut mandátis tuis fidéliter serviéntes in terris, ætérno

regno pérfrui cum ipso mereámur in cælis : Per Dóminum.

De S. Agapito Martyre

Oratio

LÆTETUR Ecclésia tua, Deus, beáti Agápiti Mártiris tui confísa suffrágiis : atque ejus précibus gloriósis, et devóta permáneat; et secúra consistat : Per Dóminum.

Secreta

OBLATIS Dómine placáre munéribus, et intercedén-te beáto Aimóne Confessóre tuo, omnipoténtem dexteram ad defensiónem Ecclésiæ tuæ cleménter exténde : ut destrúctis adversitatíbus et erróribus univérsis, optáta fidei unitáte, et pace lætétur. Per Dóminum.

De S. Agapito Secreta

SUSCIPE Dómine múnera, quæ in ejus tibi solemnitáte deférimus, cujus nos confidimus patrocínio liberári. Per Dóminum.

Postcommunio

DOMINE Jesu pastor bone, qui ad unitátem Ecclésiæ tuæ promovéndam, omnes oves tuas unius cæléstis convivii partícipes esse voluísti : præsta quæsumus; ut beáti Aimónis Confessóris tui interveniéntibus méritis, una sit semper in grege tuo fides méntium, et pietas actiónum : Qui vivis et regnas.

De S. Agapito Postcommunio

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus

solémnia celebrámus : Per Dóminum.

Die 19 Augusti

B. ÆMILIÆ BICCHIERI

Virg. Ord. Præd. (*sd.*)

Officium Gaudeámus, ut in Comm.
Virg. non Mart., pag. 30*

Oratio

DEUS, qui beátæ Æmiliæ Virgini tuæ terréna cuncta despícere, et te solum quærere tribuísti : ejus méritis et intercessióne concéde; ut spre-tis peritúris illécebris, te toto corde diligámus : Per Dóminum.

Secreta **C**

ACCEPTA tibi sit, Dómine, sacratæ plebis oblátio pro tuórum honóre Sanctórum, quorum se méritis de tribulatione percepisse cognóscit auxílium. Per Dóminum.

Postcommunio **C**

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Die 20 Augusti

S. BERNARDI

Abb. et Eccl. Doct. (*d.*)

Officium **Eccli. 15**

IN médio Ecclésiæ apérui-t os ejus, et implévit eum Dóminus spíritu sapiéntiæ et intelléctus : stolam

glóriæ induit eum. **℟.** Jucunditatem et exsultationem thesaurizávit super eum. Glória Patri. Glória in excélsis.

Oratio

DEUS, qui pópulo tuo æternæ salutis beátum Bernárdum ministrum tribuísti : præsta quæsumus, ut quem doctórem vitæ habúimus in terris; intercessórem habére mereámur in cælis : Per Dóminum.

Léctio Libri Sapiéntiæ.

Eccli. 39

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altissimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit, spíritu intelligéntiæ replébit illum : Et ipse tamquam imbres mittet elóquia sapiéntiæ suæ, et in oratióne confitébitur Dómino : Et ipse diriget consílium ejus, et disciplinam, et in absconditis suis consiliábitur. Ipse palam fáciat disciplinam doctrínæ suæ, et in lege testaménti Dómini gloriábitur. Colaudábunt multi sapiéntiam ejus, et usque in sáeculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit ecclésiá.

℟. Ps. 36 Os justi meditábitur sapiéntiam, et lingua ejus loquétur judícium. **℟.** Lex Dei

ejus in corde ipsius : et non supplantabúntur gressus ejus.

Allelúia, allelúia. V. Ps. 88
Pósui adjutórium super poténtem : et exaltávi electum de plebe mea. Allelúia.

✠ **Sequéntia sancti Evangélii**
secúndum Matthæum. c. 5

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut luceat ómnibus, qui in domo sunt. Sic luceat lux vestra coram homínibus : ut videant ópera vestra bona, et glorificent Patrem vestrum, qui in cælis est. Nolíte putáre, quóniam veni sólvere legem, aut prophétas : Non veni sólvere, sed adimplére. Amen quippe dico vobis : donec tránseat cælum et terra, iota unum, aut unus apex non præteribit a lege, donec ómnia fiant. Qui ergo solverit unum de mandátis istis mínimis, et docúerit sic homines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

OMNIPOTENS sempitérne Deus, múnera tuæ majestáti obláta, per intercessiónem beáti Bernárdi Confessóris tui atque Doctóris, ad perpétuam nobis fac proveníre salútem. Per Dóminum.

Communio Matth. 25 Dómine, quinque talénta tradidisti mihi, ecce ália quinque superlucrátus sum. Euge serve bone, et fidélis, quia in pauca fuísti fidélis, supra multa te constituam, intra in gáudium dómini tui.

Postcommunio

SACRAMENTA salútis nostræ suscipiéntes, concéde, quæsumus omnipotens Deus : ut beáti Bernárdi Confessóris tui atque Doctóris nos ubique orátio ádjuvet; in cujus veneratióne hæc tuæ obtúlimus majestáti : Per Dóminum.

Die 21 Augusti

S. JOANNÆ FRANCISCÆ
FREMIOT DE CHANTAL

Viduæ (d.)

Officium Gaudeámus, ut in Comm.
S. Mulieris nec Virg. nec Mart.,
pag. 36*

Oratio

OMNIPOTENS et miséricors Deus, qui beátam Joánnam Franciscam tuo amóre succénsam, admirábili spíritus fortitúdine per omnes vitæ sémitas in via perfectiónis donásti; quique per illam illustráre Ecclésiám tuam nova

prole voluisti : ejus méritis et précibus concède, ut qui infirmitatis nostræ conscii de tua virtute confidimus; cælestis gratiæ auxilio cuncta nobis adversántia vincámus : Per Dóminum.

Secreta

ILLO nos amoris igne, quæsumus Dómine, hæc hóstia salutáris inflámmet, quo beátæ Joánnæ Franciscæ cor vehementer incéndit, et flammis adússit æternæ caritátis. Per Dóminum.

Postcommunio

SPIRITUM nobis, Dómine, tuæ caritátis infúnde : ut quos cælestis panis virtute satiásti; beáta Joánnæ Franciscæ intercedente, fácias terréna despícere, et te solum Deum pura mente sectári : Per Dóminum.

Die 22 Augusti

Sanctorum Martyrum

TIMOTHEI
ET SYMPHORIANI

Memoria

Oratio

AUXILIUM tuum nobis, Dómine quæsumus, placátus impénde : et intercedéntibus beátis Martýribus tuis Timótheo atque Symphoriáno; dexteram super nos tuæ propitiatiónis exténde : Per Dóminum.

Secreta

ACCEPTA tibi sit, Dómine, sacrátæ plebis oblátio pro tuórum honóre Sanctorum,

quorum se méritis de tribulatióne percepisse cognóscit auxilium. Per Dóminum.

Postcommunio

DIVINI múnneris largitáte satiáti, quæsumus Dómine Deus noster : ut intercedéntibus sanctis Martýribus tuis Timótheo et Symphoriáno; in ejus semper participatióne vivámus : Per Dóminum.

Die 23 Augusti

B. JACOBI A MEVANIA

Conf. Ord. Præd. (sd.)

Officium Justus ut palma, ut in Comm. Conf. non Pont., pag. 22*

Oratio

DEUS, qui prodigiósa tui Sánguinis aspersióne dignátus es beátum Jacóbum Confessórem secúra æternæ salutis fidúcia roboráre : diláta super nos éadem viscera misericórdiæ tuæ; ut redemptiόνis nostræ imbúti signáculo, inter oves dexteræ tuæ perpétuo computémur : Qui vivis.

Secreta C

LAUDIS tibi Dómine hóstias L immolámus in tuórum commemoratióne Sanctorum : quibus nos et præsentibus exui malis confidimus, et futúris. Per Dóminum.

Postcommunio C

REFECTIONE cibo potúque cælesti, Deus noster, te supplices exorámus : ut in cujus hæc commemoratióne percépimus; ejus muniámur et précibus : Per Dóminum.

Die 24 Augusti

S. BARTHOLOMÆI Ap.

Totum Duplex II cl.

Officium

Ps. 138

M IHI autem nimis honorati sunt amici tui, Deus : nimis confortatus est principatus eorum. *℟.* Dómine probasti me, et cognovisti me : tu cognovisti sessionem meam, et resurrectionem meam. Glória Patri. Glória in excelsis.

Oratio

O MNIPOTENS sempitérne Deus, qui hujus diéi venerandam sanctamque lætítiam in beáti Apóstoli tui Bartholomæi festivitáte tribuisti : da Ecclesiæ tuæ, quæsumus, et amare quod credidit; et prædicare quod dócuit : Per Dóminum.

Lectio Epístolæ beáti Pauli
Apóstoli ad Corínthios.

1, c. 12

F RATRES : Vos estis corpus Christi, et membra de membro. Et quosdam quidem posuit Deus in Ecclesia, primum Apóstolos, secundo Prophétas, tertio Doctóres, deinde virtútes, exinde grátias curatiónum, opitulatiónes, gubernatiónes, génera linguarum, interpretatiónes sermonum. Numquid omnes Apóstoli? Numquid omnes Prophétæ? Numquid omnes Doctóres? Numquid omnes virtútes? Numquid omnes grátiam habent curatiónum? Numquid omnes linguis lo-

quuntur? Numquid omnes interpretantur? *Æmulámini autem charismata melióra.*

℟. Ps. 18 In omnem terram exivit sonus eorum : et in fines orbis terræ verba eorum. *℟.* Cæli enarrant glóriam Dei, et ópera mánuum ejus annuntiat firmamentum.

Allelúia, allelúia. *℟.* Ps. 138 Nimis honorati sunt amici tui, Deus : nimis confortatus est principatus eorum. Allelúia.

✠ Sequéntia sancti Evangélii
secúndum Lucam. c. 6

I N illo témpore : Exiit Jesus in montem orare, et erat pernóctans in oratióne Dei. Et cum dies factus esset, vocávit discipulos suos : et elégit duódecim ex ipsis (quos et Apóstolos nominávit), Simónem, quem cognominávit Petrum, et Andréam fratrem ejus, Jacóbum, et Joánnem, Philíppum, et Bartholomæum, Matthæum, et Thomam, Jacóbum Alphæi, et Simónem, qui vocátur Zelótes, et Judam Jacóbi, et Judam Iscariótem, qui fuit próditor. Et descendens cum illis, stetit in loco campéstri, et turba discipulorum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere : quia virtus de illo exíbat, et sanábat omnes. *Credo.*

Offertorium Ps. 44 Constitues eos principes super omnem terram : mémoires erunt nóminis tui, Dómine, in omni progénie et generatióne.

Secreta

BEATI Apóstoli tui Bartholomæi solémnia recenséntes, quæsumus Dómine, ut ejus auxílio tua beneficia capiámus, pro quo tibi laudis hóstias imolámus. Per Dóminum.

Præfatio de Apostolis.

Communio Matth. 19 Vos, qui secúti estis me, sedébitis super sedes, judicántes duódecim tribus Israël.

Postcommunio

SUMPSIMUS, Dómine, pignus salutis æternæ, celebrántes beáti Apóstoli tui Bartholomæi votíva solémnia; ut perpétua mérita venerántes, ad vitam nutriámur æternam : Per Dóminum.

Die 25 Augusti

S. LUDOVICI

Regis et Conf. (d.)

Officium

Ps. 36

OS justi meditábitur sapiéntiam, et lingua ejus loquétur iudícium : lex Dei ejus in corde ipsíus. **℟.** Noli æmulári in malignántibus : neque zeláveris faciéntes iniquitátem. **Gloria Patri.** **Gloria in excélsis.**

Oratio

DEUS, qui beátum Ludovicum Confessórem tuum de terréno regno ad cæléstis

regni glóriam transtulisti : ejus, quæsumus, méritis et intercessióne; Regis regum Jesu Christi Filii tui fácias nos esse consórtes : Qui tecum vivit.

Léctio Libri Sapiéntiæ. c. 10

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctórum : Honestávit illum in labóribus et complévit labóres illius. In fraude circumveniéntium illum ádfuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi ut vínceret, et sciret quóniam ómnium poténtior est sapiéntia. Hæc vénditum justum non derelíquit, sed a peccatóribus liberávit eum : Descenditque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum depri-mébant : Et mendáces osténdit, qui maculavérunt illum, et dedit illi claritátem æternam, Dóminus Deus noster.

℟. Ps. 20 Dómine præveni-sti eum in benedictiónibus dulcédinis : posuisti in cápite ejus corónam de lápide pretíoso. **℟.** Vitam pétíit a te : et tribuísti ei longitúdinem diérum in sáeculum sáeculi.

Allelúia, allelúia. ℟. Iste Sanctus digne in memóriam vértitur hóminum, qui ad gáudium tránsiit Angelórum. **Allelúia.**

✠ **Sequéntia sancti Evangélii**
secúndum Lucam. **c. 19**

IN illo témpore : Dixit Jesus discipulis suis parábolam hanc : Homo quidam nóbilis ábiit in regiónem longínquam accípere sibi regnum, et revérti. Vocátis autem decem servis suis, dedit eis decem mnas, et ait ad illos : Negotiámini dum vénio. Cives autem ejus óderant eum : et misérunt legatióem post illum, dicéntes : Nólumus hunc regnare super nos. Et factum est ut redíret accépto regno : et jussit vocári servos, quibus dedit pecúniám, ut sciret quantum quisque negotiátus esset. Venit autem primus, dicens : Dómine, mna tua decem mnas acquisívit. Et ait illi : Euge bone serve, quia in módico fuísti fidélis, eris potestátem habens super decem civitátes. Et alter venit, dicens : Dómine, mna tua fecit quinque mnas. Et huic ait : Et tu esto super quinque civitátes. Et alter venit, dicens : Dómine, ecce mna tua, quam hábui repósitam in sudário : Tímui enim te, quia homo austérus es : tollis quod non posuísti, et metis quod non seminásti. Dicit ei : De ore tuo te júdico, serve nequam. Sciébas quod ego homo austérus sum, tollens quod non pósui, et metens quod non seminávi : Et quare non dedísti pecúniám meam ad mensam, ut ego véniens cum usúris útique exegíssem illam? Et astántibus dixit : Auférte ab illo mnam, et date

illi, qui decem mnas habet. Et dixerunt ei : Dómine, habet decem mnas. Dico autem vobis, quia omni habénti dábitur, et abundábit : Ab eo autem, qui non habet, et quod habet, auferétur ab eo.

Offertorium Ps. 20 Desidérium ánimæ ejus tribuísti ei Dómine, et voluntáte labiórú ejus non fraudásti eum : posuísti in cápite ejus corónam de lápide pretiósó.

Secreta

MUNERA, quæsumus Dómine, obláta sanctifica : ut intercessióne beáti Ludovíci Confessóris tui, nobis regni cæléstis præparent mansiónem. Per Dóminum.

Communio Luc. 12 Fidélis servus, et prudens, quem constituit dóminus super familiam suam, ut det illis in témpore tritici mensúram.

Postcommunio

CONCEDE, quæsumus omnípotens Deus : ut quos culpæ miséria fecit hic éxsules; beáti Ludovíci Regis et Confessóris tui intercèssio gloriósa, regni cæléstis fáciat esse coherédes : Per Dóminum.

Die 27 Augusti
S. JOSEPHI CALASANCTII
Confessoris (d.)

Officium

Ps. 33

VENITE filii, audíte me : timórem Dómini docébo vos. ✠. Benedícam Dóminum in omni témpore : sem-

per laus ejus in ore meo. Gló-
ria Patri. Glória in excélsis.

Oratio

DEUS, qui per sanctum
Joséphum Confessórem
tuum, ad erudiéndam spíritu
intelligéntiæ ac pietátis juven-
tútem, novum Ecclésiæ tuæ
subsídium providére dignátus
es : præsta quæsumus, nos
ejus exémplo et intercessióne
ita fácere et docére; ut præmia
consequámur æterna : Per
Dóminum.

De S. Rufo Episcopo et Mart.

Oratio

ADESTO Dómine supplica-
tiónibus nostris : ut qui
ex iniquitáte nostra reos nos
esse cognóscimus; beáti Rufi
Mártiris tui atque Pontificis
intercessióne liberémur : Per
Dóminum.

Lectio Libri Sapiéntiæ. c. 10

JUSTUM dedúxit Dóminus
per vias rectas, et osténdit
illi regnum Dei, et dedit illi
sciéntiam sanctórum : Hone-
stávit illum in labóribus, et
complévit labóres illius. In
fraude circumveniéntium illum
ádfuit illi, et honéstum fecit
illum. Custodívit illum ab ini-
micis, et a seductóribus tutá-
vit illum, et certámen forte
dedit illi ut vínceret, et sciret
quóniam ómnium poténtior
est sapiéntia. Hæc vénditum
justum non dereliquit, sed a
peccatóribus liberávit eum :
Descenditque cum illo in fó-
veam, et in vínculis non dere-
liquit illum, donec afférret illi
sceptrum regni, et poténtiam

advérsus eos, qui eum depri-
mébant : Et mendáces ostén-
dit, qui maculavérunt illum, et
dedit illi claritátem æternam,
Dóminus Deus noster.

℟. Ps. 36 Os justi meditá-
bitur sapiéntiam, et lingua
ejus loquétur judícium. ℣. Lex
Dei ejus in corde ipsíus : et
non supplantabúntur gressus
ejus.

Allelúia, allelúia. ℣. Jac. 1
Beátus vir, qui suffert tenta-
tiónem : quóniam cum pro-
bátus fúerit, accípiet corónam
vitæ. Allelúia.

✠ Sequéntia sancti Evangélii
secúndum Matthæum. c. 18

IN illo témpore : Accessérunt
discípuli ad Jesum, dicen-
tes : Quis putas, major est in
regno cælórum? Et ádvocans
Jesus párvulum, státuit eum
in médio eórum, et dixit :
Amen dico vobis, nisi con-
vérsi fuéritis, et efficiámini
sicut párvuli, non intrábitis
in regnum cælórum. Quicúm-
que ergo humiliáverit se sicut
párvulus iste, hic est major in
regno cælórum. Et qui suscep-
perit unum párvulum talem
in nómine meo, me súscipit.

Offertorium Ps. 9 Desidé-
rium páuperum exaudivit Dó-
minus : præparatióem cordis
eórum audivit auris tua.

Secreta

ALTARE tuum, Dómine,
munéribus cumulámus
oblátis : ut ejus nobis fiant
supplicatióne propítia, cujus
nos donásti patrocínio adju-
vári. Per Dóminum.

De S. Rufo

Secreta

MUNERIBUS nostris, quæsumus Dómine, precibusque susceptis : intercedente beáto Rufo Mártire tuo atque Pontífice, et cælestibus nos munda mystériis, et cleménter exáudi. Per Dóminum.

Communio Marc. 10 Sinite párvulos venire ad me, et ne prohibuéritis eos : tálum est enim regnum Dei.

Postcommunio

SANCTIFICATI, Dómine, salutári mystério; quæsumus, ut intercedente sancto Josépho Confessóre tuo, ad majus semper proficiámus pietátis incrementum : Per Dóminum.

De S. Rufo Postcommunio

QUÆSUMUS omnipotens Deus : ut qui cælestia aliménta percépimus; intercedente beáto Rufo Mártire tuo atque Pontífice, per hæc contra ómnia advérsa muniámur : Per Dóminum.

Die 28 Augusti

SANCTI AUGUSTINI

Ep., Conf. ac Eccl. Doct.

*Totum Duplex II classis
cum Oct. sol. mem.*

Officium

Eccli. 15

IN médio Ecclésiæ apéruiť os ejus, et implévit eum Dóminus spíritu sapiéntiæ et intelléctus : stolam glóriæ induit eum. **℣.** Jucunditátem, et exultatióem thesaurizávit super eum. Glória Patri. Glória in excélsis.

Oratio

ADESTO supplicatióibus nostris omnipotens Deus : et quibus fidúciám sperándæ pietátis indúlges; intercedente beáto Augustíno Confessóre tuo atque Pontífice, consuétæ misericórdiæ tribue benígnus efféctum : Per Dóminum.

Léctio Epístolæ beáti Pauli
Apóstoli ad Timótheum.

2, c. 4

CARISSIME : Testificor coram Deo, et Jesu Christo, qui judicatúrus est vivos, et mórtuos, per advéntum ipsíus, et regnum ejus : prædica verbum, insta opportúne, importúne : Argue, óbseca, increpa in omni patiéntia et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magistros, pruriéntes áuribus, et a veritaté quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutióis meæ instat. Bonum certámen certávi, cursum consummávi, fidem servávi. In réliquo repó-sita est mihi coróna justitiæ, quam reddet mihi Dóminus in illa die justus judex : Non solum autem mihi, sed et iis, qui diligunt advéntum ejus.

℟. Ps. 36 Os justi meditábitur sapiéntiam, et lingua ejus loquétur judicium. **℣.** Lex Dei ejus in corde ipsíus : et

non supplantabúntur gressus ejus.

Allelúia, allelúia. V. Osee 14 Justus germinábit sicut lílium, et florébit in ætérnum ante Dóminum. Allelúia.

✠ **Sequéntia sancti Evangélíi** secúndum Matthæum. **c. 5**

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus : ut vídeant ópera vestra bona, et gloríficent Patrem vestrum, qui in cælis est. Nolite putáre, quóniam veni sólvere legem, aut prophétas : Non veni sólvere, sed adimplére. Amen quippe dico vobis : donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis minimis, et docúerit sic hómines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

SANCTI Confessóris tui atque Pontíficis Augustíni nobis, Dómine, pia non desit orátio : quæ et múnera nostra concíliet, et tuam nobis indulgéntiam semper obtíneat. Per Dóminum.

Communio Luc. 12 Fidélis servus et prudens, quem constituit dóminus super familiam suam, ut det illis in témpore trítici mensúram.

Postcommunio

UT nobis, Dómine, tua sacrificia dent salútem; beátus Conféssor tuus Augustínus, et Póntifex, quæsumus, precátor accédát : Per Dóminum.

Die 29 Augusti

IN DECOLLATIONE
S. JOANNIS BAPTISTÆ

Totum Duplex

Officium

Ps. 91

JUSTUS ut palma florébit : sicut cedrus Libani multiplicábitur : plantátus in domo Dómini, in átriis domus Dei nostri. **V.** Bonum est confitéri Dómino : et psállere nómini tuo Altíssime. **Glória Patri. Glória in excélsis.**

Oratio

SANCTI Joánnis Baptístæ Præcursóris et Mártiris tui, quæsumus Dómine, veneránda festivitas; salutáris auxílii nobis præstet efféctum : Qui vivis.

De S. Sabina Mart. Oratio

DEUS, qui inter cetera potentiae tuae miracula, etiam in sexu fragili victoriam martyrii contulisti : concede propitius, ut qui beatae Sabinae Martyris tuae natalitia colimus; per ejus ad te exempla gradiamur : Per Dominum.

Lectio Jeremiae Prophetae. c. 1

IN diebus illis : Factum est verbum Domini ad me, dicens : Accinge lumbos tuos, et surge, et loquere ad Juda omnia quae ego praecipio tibi. Ne formides a facie eorum : nec enim timere te faciam vultum eorum. Ego quippe dedi te hodie in civitatem munitam, et in columnam ferream, et in murum aereum, super omnem terram, regibus Juda, principibus ejus, et sacerdotibus, et populo terrae. Et belabunt adversum te, et non praevalerunt : quia ego tecum sum, ait Dominus, ut liberem te.

℟. Ps. 20 Posuisti Domine super caput ejus coronam de lapide pretioso. ℣. Desiderium animae ejus tribuisti ei : et voluntate labiorum ejus non fraudasti eum.

Alleluia, alleluia. ℣. Marc. 6 Misso Herodes spiculatore, praecipit amputari caput Joannis Baptistae in carcere. Alleluia.

✠ Sequentia sancti Evangelii secundum Marcum. c. 6

IN illo tempore : Misit Herodes, ac tenuit Joannem, et vinxit eum in carcere propter

Herodiadem uxorem Philippi fratris sui, quia duxerat eam. Dicebat enim Joannes Herodi : Non licet tibi habere uxorem fratris tui. Herodias autem insidiabatur illi : et volebat occidere eum, nec poterat. Herodes enim metuēbat Joannem, sciens eum virum justum et sanctum : et custodiebat eum, et audito eo multa faciebat, et libenter eum audiebat. Et cum dies opportunus accidisset, Herodes natalis sui cenam fecit principibus, et tribunis, et primis Galilaeae. Cumque introisset filia ipsius Herodiadis, et saltasset, et placuisset Herodi, simulque recumbentibus; rex ait puellae : Pete a me quod vis, et dabo tibi : Et juravit illi, Quia quidquid petieris dabo tibi, licet dimidium regni mei. Quae cum exisset, dixit matri suae : Quid petam? At illa dixit : Caput Joannis Baptistae. Cumque introisset statim cum festinatione ad regem, petivit dicens : Volo, ut protinus des mihi in disco caput Joannis Baptistae. Et contristatus est rex : propter jusjurandum, et propter simul discumbentes noluit eam contristare : sed misso spiculatore praecipit afferri caput ejus in disco. Et decollavit eum in carcere, et attulit caput ejus in disco : et dedit illud puellae, et puella dedit matri suae. Quo audito, discipuli ejus venerunt, et tulerunt corpus ejus : et posuerunt illud in monumento.

Offertorium Ps. 20 Desiderium animae ejus tribuisti ei

Dómine, et voluntáte labiórur
ejus non fraudásti eum : po-
suísti in cápíte ejus corónam
de lápide pretiósó.

Secreta

MUNERA tibi Dómine pro
sancti Mártiris tui Joán-
nis Baptistæ passióne defé-
rimus : quæsumus, ut ejus
obténtu nobis proficiant ad
salútem. Per Dóminum.

De S. Sabina Secreta

HOSTIAS tibi, Dómine, beá-
tæ Sabínæ Mártiris tuæ
dicátas méritis, benignus as-
súme : et ad perpétuum nobis
tribue proveníre subsidium.
Per Dóminum.

Communio Ps. 20 Magna est
glória ejus in salutári tuo :
glóriam et magnum decórem
impónes super eum, Dómine.

Postcommunio

CONFERAT nobis, Dómine,
sancti Joánnis Baptistæ
beáta solémnitas : ut et ma-
gnífica sacraménta, quæ súp-
simus, significáta veneré-
mur; et in nobis pótius édita
gaudeámus : Per Dóminum.

De S. Sabina Postcommunio

DIVINI múnemis largitáte sa-
tiáti, quæsumus Dómine
Deus noster : ut intercedénte
beáta Sabína Mártire tua; in
ejus semper participatióne vi-
vámus : Per Dóminum.

Die 30 Augusti

S. ROSÆ A LIMA

Virg. Ord. Præd. (II cl.)

Officium

GAUDEAMUS omnes in
Dómino, diem festum
celebrántes sub honóre
beátæ Rosæ Virginis, de cujus
solemnitáte gaudent Angeli,
et colláudant Fílium Dei.
℟. Ps. 44 Eructávit cor meum
verbum bonum : dico ego
ópera mea regi. Glória Patri.
Glória in excélsis.

Oratio

BONORUM ómnium largítor
omnípotens Deus : qui
beátam Rosam cæléstis grá-
tiæ rore prævéntam, virginitá-
tis et patiéntiæ decóre, Indis
floréscere voluísti; da nobis
fámulis tuis, ut in odórem
suavitátis ejus currétes, Chri-
sti bonus odor éffici mereá-
mur : Qui tecum.

De SS. Mart. Felice et Adaucto

Oratio

MAJESTATEM tuam, Dómi-
ne, súplices exorámus :
ut sicut nos júgiter Sanctórum
tuórum commemoratióne læ-
tíficas; ita semper supplica-
tióne deféndas : Per Dóminum.

Léctio Epístolæ beáti Pauli
Apóstoli ad Corínthios.

2, c. 10 et 11

FRATRES : Qui gloriátur,
in Dómino gloriétur. Non
enim qui seípsum comméndat,
ille probátus est : sed quem
Deus comméndat. * Utinam

sustinerétis módicum quid insipientiæ meæ, sed et supportate me : Æmulor enim vos Dei æmulatione. Despónði enim vos uni viro virginem castam exhibére Christo.

℟. Ps. 45 Adjuvabit eam Deus vultu suo : Deus, in médio ejus, non commovébitur. ℣. Flúminis impetus lætificat civitatem Dei : sanctificávit tabernáculum suum Altissimus.

Allelúia, allelúia. ℣. Eccli. 50 Quasi arcus refúlgens inter nébulas glóriæ, et quasi flos rosárum in diébus vernis. Allelúia.

✠ Sequéntia sancti Evangélii secúndum Matthæum. c. 13

IN illo témpore : Dixit Jesus turbis parábolam hanc : Símile est regnum cælórum grano sinápis, quod accípiens homo seminávit in agro suo : Quod mínimum quidem est ómnibus semínibus : cum autem créverit, majus est ómnibus oléribus, et fit arbor, ita ut vólucres cæli véniant, et hábitent in ramis ejus. Aliam parábolam locútus est eis. Símile est regnum cælórum fermento, quod accéptum múlter abscondit in farinæ satis tribus, donec fermentátum est totum. Hæc ómnia locútus est Jesus in parábolis ad turbas : et sine parábolis non loquebátur eis : ut implerétur quod dictum erat per Prophétam dicéntem : Apériam in parábolis os meum, eructábo abscondita a constitutióne mundi.

Credo.

Offertorium Eccli. 39 Obau-díte me divíni fructus, et quasi rosa plantáta super rivos aquárum fructificáte : quasi Líbanus odórem suavitátis habéte.

Secreta

ACCEPTÆ sint tibi, Dómine, laudis hóstiæ, quas humíliter immolámus, beátæ Rosæ Vírginis fragrántia perfúsas : ut illi cónferant ad honórem, et nobis propitiatoríæ reddántur ad salútem. Per Dóminum.

De SS. Felice et Adaucto

Secreta

HOSTIAS, Dómine, tuæ plebis inténde : et quas in honórem Sanctórum tuórum devóta mente célebrat, proficere sibi séntiat ad salútem. Per Dóminum.

Communio Eccli. 39 Floréte flores, quasi lílium, et date odórem, et frondéte in grátiam, et collaudáte cánticum, et benedicite Dóminum in opéribus suis.

Postcommunio

ASCENDANT ad te Dómine preces nostræ, beátæ Rosæ Vírginis suavitátem redoléntes : ut cælestibus dápi-pibus temporáliter recreáti; ætérni convívii dulcédine perfruámur : Per Dóminum.

De SS. Felice et Adaucto

Postcommunio

REPLETI, Dómine, munéribus sacris; quæsumus, ut intercedéntibus Sanctis tuis,

in gratiárum semper actióne
maneámus : Per Dóminum.

Quando celebratur de beata Rosa
ex voto, vel devotione per annum :

Officium Ps. 44 Dilexísti
justitiam, et odísti iniquitá-
tem : propterea unxit te Deus,
Deus tuus, óleo lætitiæ præ
consórtibus tuis. **T. P.** Alle-
lúia, allelúia. **℟.** Eructávit cor
meum verbum bonum : dico
ego ópera mea regi. **Glória**
Patri.

Omittitur Credo.

Tempore Paschali, cetera ut in die,
addito Allelúia post Officium, Offer-
torium, et Communionem, et loco
℟. dicitur :

Allelúia, allelúia. ℟. Eccli. 50
Quasi arcus refúlgens inter
nébulas glóriæ, et quasi flos
rosárum in diébus vernis.

Temp. Resurr. secundum
Allelúia. ℟. Matt. 28 Surréxit
Dóminus, et occúrrens mulié-
ribus, ait : Avéte. Tunc acces-
serunt, et tenuérunt pedes
ejus. **Allelúia.**

Temp. Ascens. secundum Al-
lelúia. ℟. Eph. 4 Ascéndens
Christus in altum captivam
duxit captivitatem : dedit dona
homínibus. **Allelúia.**

Infra Sept. Tractus Ps. 125
Qui sémant in lácrimis, in
gáudio metent. **℟.** Eúntes
ibant et flebant, mitténtes sé-
mina sua. **℟.** Veniéntes autem
venient cum exsultatióne, por-
tántes manípulos suos.

Die 31 Augusti

S. RAYMUNDI NONNATI

Confessoris (d.)

Officium

Ps. 36

OS justi meditábitur sa-
piéntiam, et lingua ejus
loquétur judicium : lex
Dei ejus in corde ipsíus.
℟. Noli æmulári in malignán-
tibus : neque zeláveris facién-
tes iniquitatem. **Glória Patri.**
Glória in excélsis.

Oratio

DEUS, qui in liberándis fidé-
libus tuis ab impiórum
captivitáte beátum Raymún-
dum Confessórem tuum mirá-
bilem effecísti : ejus nobis
intercessióne concéde, ut a
peccatórum vínculis absolúti;
quæ tibi sunt plácita, liberis
méntibus exsequámur : Per
Dóminum.

Lectio Libri Sapiéntiæ.

Eccli. 31

BEATUS vir, qui invéntus
est sine mácula : et qui
post aurum non ábiit, nec
sperávit in pecúnia, et the-
sáuris. Quis est hic, et lau-
dábimus eum? Fecit enim mi-
rabília in vita sua. Qui pro-
bátus est in illo, et perféctus
est, erit illi glória æténa :
Qui pótuit tránsgrredi, et non
est transgréssus : fácere ma-
la, et non fecit : Ideo stabilita
sunt bona illíus in Dómino,
et eleemósynas illíus enar-
rábit omnis Ecclésia sanctó-
rum.

℟. Ps. 20 Dómine prævenisti eum in benedictionibus dulcédinis : posuisti in cápite ejus corónam de lápide pretioso. ℣. Vitam pétii a te : et tribuisti ei longitúdinem diérum in sáeculum sáeculi.

Allelúia, allelúia. ℣. Osee 14 Justus germinábit sicut lilium, et florébit in ætérnum ante Dóminum. Allelúia.

✠ Sequéntia sancti Evangélii secúndum Lucam. c. 12

IN illo témpore : Dixit Jesus discipulis suis : Sint lumbi vestri præcincti, et lucérnæ ardéntes in mânibus vestris, et vos similes hominibus expectántibus dóminum suum, quando revertátur a nuptiis : ut, cum vénerit et pulsáverit, conféstim apériant ei. Beáti servi illi, quos cum vénerit dóminus, invénerit vigilátes : Amen dico vobis, quod præcínget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, et non síneret pérfodi domum suam. Et vos estóte paráti : quia qua hora non putátis, Fílius hóminis véniet.

Offertorium Ps. 20 Desiderium ánimæ ejus tribuisti ei Dómine, et voluntáte labiórurn ejus non fraudásti eum : posuisti in cápite ejus corónam de lápide pretioso.

Secreta

LAUDIS tibi, Dómine, hostias immolámus in tuórum commemoratióne Sanctórum : quibus nos et præsentibus éxui malis confidimus, et futúris. Per Dóminum.

Communio Matth. 24 Beátus servus, quem cum vénerit dóminus, invénerit vigilátem : amen dico vobis, super ómnia bona sua constituet eum.

Postcommunio

REFFECTI cibo potúque cælesti, Deus noster, te supplices exorámus : ut in cujus hæc commemoratióne percépimus; ejus muniámur et precibus : Per Dóminum.

FESTA SEPTEMBRIS

Die 1 Septembris

S. ÆGIDII Abbatis (3 LL.)

Officium Os justi, ut in Communi Abbatis, pag. 25*

Allelúia semel dicitur ante et post Versum.

Die 2 Septembris

S. STEPHANI HUNGARIÆ

Regis et Conf. (sp.)

Officium

Ps. 36

OS justi meditábitur sapiéntiam, et lingua ejus loquétur judícium : lex Dei ejus in corde ipsius. ℣. Noli æmulári in malignántibus : neque zeláveris faciéntes iniquitátem. Glória Patri. Glória in excélsis.

Oratio

CONCEDE, quæsumus, Ecclésiæ tuæ, omnipotens Deus : ut beátum Stéphānum Confessórem tuum, quem regnāntem in terris propagatōrem hábuit; propugnatōrem habere mereatur gloriósum in cælis : Per Dóminum.

Lectio Libri Sapiéntiæ.

Eccli. 31

BEATUS vir, qui invéntus est sine mácula : et qui post aurum non ábiit, nec sperávit in pecúnia, et thesáuris. Quis est hic, et laudábimus eum? Fecit enim mirabilia in vita sua. Qui probátus est in illo, et perfectus est, erit illi glória æténa : Qui pótuit transgredi, et non est transgréssus : fácere mala, et non fecit : Ideo stabilita sunt bona illius in Dómino, et eleemósynas illius enarrábit omnis Ecclésiā sanctórum.

℟. Ps. 88 Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. ℣. Nihil proficiet inimicus in eo, et filius iniquitátis non nocébit ei.

Allelúia, allelúia. ℣. Ps. 20 Posuisti Dómine super caput ejus corónam de lápide pretióso. Allelúia.

✠ Sequéntia sancti Evangélii secúndum Lucam. c. 19

IN illo témpore : Dixit Jesus discipulis suis parábolam hanc : Homo quidam nóbilis ábiit in regiónem longínquam

accípere sibi regnum, et revérti. Vocátis autem decem servis suis, dedit eis decem mnas, et ait ad illos : Negotiámini dum vénio. Cives autem ejus óderant eum : et misérunt legatiónem post illum, dicétes : Nólumus hunc regnāre super nos. Et factum est ut redíret accépto regno : et jussit vocári servos, quibus dedit pecúniā, ut sciret quantum quisque negotiátus esset. Venit autem primus, dicens : Dómine, mna tua decem mnas acquisívit. Et ait illi : Euge bone serve, quia in módico fuísti fidélis, eris potestátem habens super decem civitátes. Et alter venit, dicens : Dómine, mna tua fecit quinque mnas. Et huic ait : Et tu esto super quinque civitátes. Et alter venit, dicens : Dómine, ecce mna tua, quam hábui repósitam in sudário : Tímui enim te, quia homo austérus es : tollis quod non posuísti, et metis quod non seminásti. Dicit ei : De ore tuo te júdico, serve nequam. Sciébas quod ego homo austérus sum, tollens quod non pósui, et metens quod non seminávi : Et quare non dedísti pecúniā meā ad mensam, ut ego véniens cum usúris útique exegissem illam? Et astántibus dixit : Auferte ab illo mnam, et date illi, qui decem mnas habet. Et dixerunt ei : Dómine, habet decem mnas. Dico autem vobis, quia omni habénti dábitur, et abundábit : Ab eo autem, qui non habet, et quod habet, auferétur ab eo.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

RESPICE quas offerimus hóstias, omnipotens Deus, et præsta, ut qui passiónis Dominicæ mystéria celebrámus, imitémur quod ágimus. Per eúndem.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constituet eum.

Postcommunio

PRÆSTA, quæsumus omnipotens Deus : ut beáti Stéphani Confessóris tui fidem cógrua devotióne sectémur; qui pro ejúsdem fidei dilatatíone, de terréno regno ad cæléstis regni glóriam méruit pervenire : Per Dóminum.

Die 3 Septembris

B. GUALÆ

Ep. Conf. Ord. Præd. (sd.)

Officium Sacerdótes, ut in Comuni Conf. Pont., pag. 17*

Oratio

DEUS, qui ad plebem tuam in pace et pietáte firmándam, beátum Guálam Confessórem ac Pontificem singulári grátia decorásti : ejus nobis intercessióne concéde, ut pacis stúdia operóse sectántes; úberes pietátis fructus percipiámus : Per Dóminum.

Secreta

HUJUS immaculátæ hóstiæ oblatióne, et intercessióne beáti Guálæ Confessóris tui, Dómine, tuæ nobis pacis dona largíre. Per Dóminum.

Postcommunio

PANE vitæ refécti, te Dómine deprecámur : ut intercedénte beáto Guála Pontifice et Confessóre, ita nos fácias júgiter vivere; ut in éxitu nostro ad te ascéndere valeámus : Per Dóminum.

Die 4 Septembris

B. CATHARINÆ

A RACONIXIO

Virg. Ord. Præd. (sd.)

Officium Gaudeámus, ut in Comuni unius Virg. non Mart., p. 30*

Oratio

SPES nostra Dómine, qui beátæ Catharinæ cor te ipso plenum, cæléstium donórum abundántia decorásti : tantæ Vírginis intercessióne concéde, ut totus nobis figátur in corde; qui totus pro nobis fixus fuit in cruce : Dóminus noster Jesus Christus Filius tuus; qui tecum.

De die Oct. S. Augustini Ep.

Oratio

ADESTO supplicatiónibus nostris omnipotens Deus : et quibus fidúciam sperándæ pietátis indúlges; intercedénte beáto Augustino Confessóre tuo atque Pontifice, consuétæ misericórdiæ tribue benígnus efféctum : Per Dóminum.

De S. Marcello Martyre

Oratio

PRÆSTA, quæsumus omnipotens Deus : ut qui beāti Marcélli Mártiris tui natalítia cólimus; ejus intercessióne in tui nóminis amóre roborémur : Per Dóminum.

Secreta

NON ignári, Dómine, vitiórum nostrórum, audémus ad treméndam Agni tui mensam accédere, Catharinæ sponsæ ejus meritórum recordatióne suffúlti : ne repéllas, quæsumus, suspirántium desidéria animárum, sed præsénti oblatiÓne ac solemnitate placátus, tam mirándæ fac nos participes sanctitátis. Per eúmdem Dóminum.

De S. Augustino Secreta

SANCTI Confessóris tui atque Pontíficis Augustíni nobis, Dómine, pia non desit oratio : quæ et múnera nostra concíliet, et tuam nobis indulgéntiam semper obtíneat.

De S. Marcello Secreta

HOSTIAS tibi, Dómine, beāti Marcélli Mártiris tui dicátas méritis, benígnus assúme : et ad perpétuum nobis tribue proveníre subsidium. Per Dóminum.

Postcommunio

DOMINE Jesu, panis vitæ, qui Catharinæ Vírgini tuæ indeficiéntis dulcédinis épulas in hac mensa ministrásti : indúlge nobis miseris; ut de micis e tanta ubertáte cadéntibus saturémur : Qui vivis.

De S. Augustino

Postcommunio

UT nobis, Dómine, tua sacrificia dent salútem; beátus Confessor tuus Augustínus, et Póntifex, quæsumus, precátor accédatur : Per Dóminum.

De S. Marcello Postcommunio

SUMPTIS, Dómine, sacraméntis : quæsumus, ut intercedente beáto Marcélló Mártire tuo; supplicatiÓnes nostras placátus inténdas : Per Dóminum.

Die 6 Septembris

B. BERTRANDI

A GARRIGA

Conf. Ord. Præd. (sd.)

Officium Os justi, ut in Communi
Conf. non Pont., pag. 23*

Oratio

DEUS, qui sancto Patriarchæ Dominico beátum Bertrándum Confessórem tuum, sócium et imitatórem exímium adjunxísti : ejus nobis pio intervéntu concéde, ita ejúsdem sequi vestigia; ut assequámur et præmia : Per Dóminum.

Secreta

SACRIFICIUM nostrum, quæsumus Dómine, beāti Bertrándi Confessóris tui intercessio sancta comméndet : ut quam ipse in eo offerendo noxárum véniam pro peccatóri-
bus júgiter implorábat, facilius nos ejus méritis a tua misericórdia impetrémus. Per Dóminum.

Postcommunio

QUOS cælesti récreas alimónia, clementissime Deus, beáti Bertrándi Confessóris tui extólle præsidio : ut inter ómnia adversántis mundi perícula, et devóti tibi permáneant; et secúri consistant : Per Dóminum.

Die 8 Septembris
IN NATIVITATE
BEATÆ MARIÆ VIRGINIS

*Totum Duplex II classis
cum Oct. sol. mem.*

Officium

GAUDEAMUS omnes in Dómino, diem festum celebrántes sub honóre beátæ Mariæ Virgínis, de cujus Nativitáte gaudent Angeli, et colláudant Filium Dei **℟. Ps. 44.** Eructávit cor meum verbum bonum : dico ego ópera mea regi. **G**lória Patri. **G**lória in excélsis.

Oratio

SUPPLICATIONEM servórum tuórum Deus miserátor exáudi : ut qui in Nativitáte Dei Genitrícis et Virgínis congregámur; ejus intercessiónibus a te de instántibus periculis eruámur : Per eúmdem Dóminum.

Lectio Libri Sapiéntiæ.

Prov. 8

DOMINUS possédit me in initio viárum suárum, ántequam quidquam fáceret a

príncipio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram : Necdum fontes aquárum erúperant : necdum montes gravi mole constítierant : Ante colles ego parturiébar : adhuc terram non fécerat, et flúmina, et cárdines orbis terræ. Quando præparábat cælos, áderam : quando certa lege, et gyro vallábat abyssos : Quando æthéra firmábat sursum, et librábat fontes aquárum : Quando circúmdabat mari términum suum, et legem ponébat aquis, ne transírent fines suos : Quando appendébat fundaménta terræ. Cum eo eram cuncta compónens : Et delectábar per singulos dies, ludens coram eo omni témpore; ludens in orbe terrárum : et delíciæ meæ esse cum filiis hóminum. Nunc ergo filii audíte me : Beáti, qui custódiunt vias meas. Audíte disciplínam, et estóte sapiéntes, et nolíte abjícere eam. Beátus homo qui audit me, et qui vigilat ad fores meas quotidie, et obsérvat ad postes óstii mei : Qui me invénierit, invéniet vitam, et háuriet salútem a Dómino.

℟. Ps. 44 Propter veritátem, et mansuetúdinem, et justitiam : et dedúcet te mirábiliter dextera tua. **℟.** Audi filia, et vide, et inclína aurem tuam : quia concupívit rex spéciem tuam.

Allelúia, allelúia. ℟. Nativitas gloriósæ Virgínis Mariæ

ex sémine Abrahæ, ortæ de tribu Juda, clara ex stirpe David. Allelúia.

✠ **Initium sancti Evangelíi secundum Matthæum.** **c. 1**

LIBER generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uriæ. Sálomon autem genuit Róboam. Róboam autem genuit Abiam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Oziam. Ozías autem genuit Jóatham. Jóatham autem genuit Achaz. Achaz autem genuit Ezechiam. Ezechias autem genuit Manássen. Manásses autem genuit Amon. Amon autem genuit Josiam. Josias autem genuit Jechoniam, et fratres ejus in transmigratióne Babylónis. Et post transmigratióne Babylónis : Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud au-

tem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ de qua natus est Jesus, qui vocátur Christus. **Credo.**

Offertorium Felix namque es sacra Virgo María, et omni laude digníssima : quia ex te ortus est sol justitiæ, Christus Deus noster.

Secreta

UNIGENTI tui, Dómine, nobis succúrrat humanitas : ut qui natus de Vírgine, Matris integritatem non minuit, sed sacrávit, in Nativitátis ejus solémniis, nostris nos piáculis éxuens, oblatiõem nostram tibi fáciat accéptam : Jesus Christus Dóminus noster, qui tecum.

Præfatio de B. M. V. Et te in Nativitáte.

Communio Beáta viscera Mariæ Virginis, quæ portavérunt ætérni Patris Filium.

Postcommunio

SUMPSIMUS, Dómine, celebritátis ánnuæ votiva sacraménta; præsta quæsumus, ut et temporális vitæ nobis remédia præbeant, et ætérnæ : Per Dóminum nostrum Jesum Christum Filium tuum.

De Octava Nativitatis beatæ Mariæ nihil fit.

Die 9 Septembris

S. GORGONII Mart. (3 LL.)

Officium Lætábitur, ut in Comm.
Mart. non Pont., pag. 9*Allelúia dicitur semel ante et post
Versum.

Oratio

SANCTUS Martyr tuus Gorgónius sua nos, Dómine, intercessióne lætíficet; et pia fáciat solemnitate gaudere : Per Dóminum.

Secreta

GRATA tibi sit, Dómine, nostræ servitútis oblátio, pro qua sanctus Gorgónius Martyr intervëntor exsístat. Per Dóminum.

Postcommunio

FAMILIAM tuam, quæsumus Dómine, propítius intuere : et intercedente beáto Gorgónio Mártire tuo; per hæc sancta, quæ sumpsimus, a cunctis éripe benígnus advérsis : Per Dóminum.

Die 10 Septembris

S. NICOLAI A TOLENTINO

Confessoris (d.)

Officium Eccli. 47

DEDIT Dóminus confesiónem sancto suo, et excélso in verbo glóriæ; de omni corde suo laudávit Dóminum, et diléxit Deum, qui fecit illum. **℣. Ps. 91** Bonum est confitéri Dómino : et psállere nómini tuo Altíssime. Glória Patri. Glória in excélsis.

Oratio

CONCEDE, quæsumus omnípotens Deus : ut Ecclesiá tua, quæ beáti Nicolái Confessóris tui virtútum et miraculórum glória corúscat; ejus intercessióne et méritis, perpétua pace atque unitate lætétur : Per Dóminum.

Lectio Epístolæ beáti Pauli
Apóstoli ad Corínthios.

1, c. 4

FRATRES : Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo : Nos infirmi, vos autem fortes : Vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris : Maledícimur, et benedícimus : Persecutiónem pátimur, et sustinémus : Blasphemámur, et obsecrámus : Tamquam purgaménta hujus mundi facti sumus, ómnium perípsema usque adhuc. Non ut confúndam vos, hæc scribo, sed ut filios meos caríssimos móneo : In Christo Jesu Dómino nostro.

℟. Ps. 1 In lege Dómini fuit volúntas ejus die ac nocte.

℟. Ps. 2 Prædicans præceptum Dómini, constitútus est in monte sancto ejus.

Allelúia, allelúia. **℟. Osee 14** Justus germinábit sicut lílium, et florébit in ætérnum ante Dóminum. Allelúia.

✠ Sequéntia sancti Evangélii
secúndum Lucam. c. 12

IN illo témpore : Dixit Jesus
discípulis suis : Nolite tí-
mére pusillus grex, quia com-
plácuít Patri vestro dare vobis
regnum. Véndite quæ possi-
détis, et date eleemósynam.
Fácite vobis sácculos, qui non
veteráscunt, thesáurum non
deficiéntem in cælis : quo fur
non apprópiat, neque tinea
corrúmpit. Ubi enim thesáu-
rus vester est, ibi et cor ve-
strum erit.

Offertorium Ps. 20 Desidé-
rium ánimæ ejus tribuísti ei
Dómine, et voluntáte labiórur
ejus non fraudásti eum : po-
suísti in cápíte ejus corónam
de lápide pretióso.

Secreta

OBLATUM tibi Dómine sa-
crificium, intercedénte
beáto Nicoláo Confessóre tuo,
vivíficet nos semper, et mú-
niat. Per Dóminum.

Communio Matth. 19 Amen
dico vobis, quod vos, qui reli-
quístis ómnia, et secúti estis
me, céntuplum accipiétis, et
vitam ætérnam possidébitis.

Postcommunio

POPULUM tuum Dómine,
quæ sumpsimus, sacra-
ménta custódiat : ut qui
sancti Nicolái Confessóris tui
júgiter implórant auxiliúm;
petitiónum suárum salutárem
consequántur efféctum : Per
Dóminum.

Die 11 Septembris

SS. PROTI ET HYACINTHI

Martyrum (3 LL.)

Officium Salus autem, ut in Com-
muni plurimorum Martyrum, p. 13*

Allelúia semel dicitur ante et post
Versum.

Oratio

BEATORUM Mártýrum tuó-
rum Proti et Hyacínthi
nos, Dómine, fóveat pretiósa
conféssio; et pia júgiter inter-
césio tueátur : Per Dóminum.

Secreta

PRO sanctórum Mártýrum
tuórum Proti et Hyacínthi
commemoratíone, múnera tibi
Dómine, quæ debémus, exsól-
vimus : præsta quæsumus, ut
remédiu[m] nobis perpétuæ sa-
lútis operéntur. Per Dóminum.

Postcommunio

UT percépta nos, Dómine,
tua sancta puríficent;
beatórum Mártýrum tuórum
Proti et Hyacínthi, quæsumus,
implóret orátio : Per Dóminum.

Die 12 Septembris

SANCTISSIMI NOMINIS
BEATÆ MARLÆ VIRGINIS

Totum Duplex

Officium

Ps. 44

VULTUM tuum depreca-
búntur omnes dívites
plebis : adducéntur regi
vírgines post eam : próximæ
ejus adducéntur tibi in lætítia
et exsultatíone. ✠. Eructávit
cor meum verbum bonum :
dico ego ópera mea regi. Gló-
ria Patri. Glória in excélsis.

Oratio

DEUS, qui gloriósam Matrem tuam nominári Mariam voluisti : concéde quæsumus, ut qui dulce Mariæ nomen implórant; perpétuum sentiant suæ benedictiónis auxilium : Qui vivis et regnas.

Lectio Libri Sapiéntiæ.

Eccli. 24

EGO quasi vitis fructificávi suavitatem odóris : et flores mei fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis, in me omnis spes vitæ et virtútis. Transite ad me omnes qui concupiscitis me, et a generatióibus meis implémini : Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient : et qui bibunt me, adhuc sitient. Qui audit me, non confundétur : et qui operántur in me, non peccábunt. Qui elúcidant me, vitam ætérnam habébunt.

✠. Benedicta et venerábilis es Virgo María : quæ sine tactu pudóris, invénta es mater Salvatóris. ✠. *Sedulius.* Virgo Dei Génitrix, quem totus non capit orbis, in tua se clausit víscera, factus homo.

Allelúia, allelúia. ✠. *Judith 15* Tu glória Jerúsalem, tu lætítia Israë!l, tu honorificéntia pópuli nostri. Allelúia.

✠ Sequéntia sancti Evangélii secúndum Lucam. c. 1

IN illo témpore : Missus est Angelus Gábriel a Deo in civitátem Galiléæ, cui nomen Náza-reth, ad vírginem desponsátam viro, cui nomen erat Joseph, de domo David, et nomen vírginis María. Et ingressus Angelus ad eam, dixit : Ave grátia plena : Dóminus tecum : Benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutatio. Et ait Angelus ei : Ne tíneas María, invenisti enim grátiam apud Deum : Ecce concípies in útero, et páries fílium, et vocábis nomen ejus Jesum. Hic erit magnus, et fílius Altíssimi vocábitur, et dabit illi Dóminus Deus sedem David patris ejus : Et regnábít in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam vírum non cognósco? Et respóndens Angelus, dixit ei : Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elisabéth cognáta tua, et ipsa concépit fílium in senectúte sua : Et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem María : Ecce ancílla Dómini, fiat mihi secúndum verbum tuum.

Credo.

Offertorium Luc. 1 Ave María grátia plena : Dóminus tecum : benedicta tu in mulieribus, et benedictus fructus ventris tui.

Secreta

TUA, Dómine, propitiaciónē, et beátæ Mariæ semper Virginis intercessióne, ad perpétuam atque præsentem hæc oblátio nobis proficiat prosperitatem et pacem. Per Dóminum.

Præfatio de B. Maria Virg. Et te in solemnitate.

Communio Beáta viscera Mariæ Virginis, quæ portavérunt æterni Patris Filium.

Postcommunio

SUMPTIS, Dómine, salutis nostræ subsidiis : da, quæsumus, beátæ Mariæ semper Virginis patrociniis nos ubique prótegi; in cuius veneratióne hæc tuæ obtúlimus majestati : Per Dóminum.

Die 14 Septembris
IN EXALTATIONE
S. CRUCIS (t. d.)

Officium

Gal. 6

NOS autem gloriári oportet in Cruce Dómini nostri Jesu Christi : in quo est salus, vita, et resurrectio nostra : per quem salváti, et liberáti sumus. **℟.** Ps. 66 Deus misereátur nostri, et benedicat nobis : illúminet vul-tum suum super nos, et misereátur nostri. **Glória Patri. Glória in excélsis.**

Oratio

DEUS, qui nos hodiérna die Exaltatiónis sanctæ Crucis ánnua solemnitate lætificas : præsta quæsumus, ut cuius mystérium in terra cognóvimus; ejus redemptiόνis in cælo præmia consequámur : Per eúndem Dóminum.

Lectio Epístolæ beáti Pauli Apóstoli ad Philippenses. c. 2

FRATRES : Christus factus est pro nobis obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen : **Hic genu-flectitur** : UT IN NOMINE JESU OMNE GENU FLECTATUR cæléstium, terréstrium, et infernórum, et omnis lingua confiteátur quia Dóminus Jesus Christus in glória est Dei Patris.

℟. Phil. 2 Christus factus est pro nobis obédiens usque ad mortem, mortem autem crucis. **℟.** Propter quod et Deus exaltávit illum, et dedit illi nomen, quod est super omne nomen.

Allelúia, allelúia. ℟. Dulce lignum, dulces clavos, dúlcia ferens póndera : quæ sola fuísti digna sustinére Regem cælórum, et Dóminum. Allelúia.

✠ Sequéntia sancti Evangélíi secúndum Joánnem. c. 12

IN illo témpore : Dixit Jesus turbis Judæórum : Nunc judicium est mundi : nunc

princeps hujus mundi ejicietur foras. Et ego si exaltatus fuero a terra, omnia traham ad me ipsum. (Hoc autem dicebat, significans qua morte esset moriturus.) Respondit ei turba : Nos audivimus ex lege, quia Christus manet in ætérnum : Et quomodo tu dicis, Opórtet exaltári Filium hóminis? quis est iste Filius hóminis? Dixit ergo eis Jesus : Adhuc módicum lumen in vobis est. Ambuláte dum lucem habétis, ut non vos ténebræ comprehéndant : Et qui ámbulat in ténebris, nescit quo vadat. Dum lucem habétis, créдите in lucem, ut filii lucis sitis. **Credo.**

Offertorium Prótege Dómine plebem tuam per signum sanctæ Crucis, ab ómnibus insidiis inimicórum ómnium : ut tibi gratam exhibeámus servitútem, et acceptábile fiat sacrificium nostrum.

Secreta

HÆC oblátio, quæsumus Dómine, ab ómnibus nos purget offénsis : quæ in ara Crucis étiam totius mundi tulit offénsam : Per eúndem Dóminum.

Præfatio de Cruce.

Communio Per signum Crucis de inimicis nostris libera nos, Deus noster.

Postcommunio

REFFECTI cibo, potúque cælesti, quæsumus omnipotens Deus : ut ab hóstium deféndas formídine; quos pretiósó Filii tui Dómini nostri

Jesu Christi Sángvine redemísti : Qui tecum vivit.

Die 15 Septembris SEPTEM DOLORUM

B. M. V. (*II cl.*)

Missa dicitur ut in Compassione B. M. V., Feria VI post Dom. Passionis, pag. 313, præter sequentia :

Oratio

DEUS, in cujus passióne, secúndum Simeónis prophetiam, dulcíssimam ánimam gloriósæ Virginis et Matris Mariæ dolóris gládus pertransívit : concéde propítius, ut qui dolóres ejus venerádo recólimus; passiónis tuæ efféctum felicem consequámur : Qui vivis et regnas.

De S. Nicomede Oratio

ADESTO Dómine pópulo tuo : ut beáti Nicomédís Mártiris tui mérita præclára suscípíens; ad impetrándam misericórdiam tuam semper ejus patrocíniis adjuvétur : Per Dóminum.

De S. Nicomede Secreta

SUSCIPE Dómine múnera propítius obláta, quæ majestáti tuæ beáti Nicomédís Mártiris tui comméndet orátio. Per Dóminum.

De S. Nicomede Postcommunio

PURIFICENT nos, quæsumus Dómine, sacraménta quæ sumpsimus; et intercedénte beáto Nicoméde Mártire tuo, a cunctis effícient vítiis absólutos : Per Dóminum.

In Missis votivis omittitur Sequentia et Credo, et Tempore Paschali dicitur :

Secundum Allelúia. V. Thren.
1, 12 O vos omnes, qui transitis per viam, attendite et videte, si est dolor sicut dolor meus. Allelúia.

Die 16 Septembris

SS. CORNELII
ET CYPRIANI

Episc. et Mart. (*sp.*)

Officium Eccli. 44

SAPIENTIAM sanctorum narrent populi, et laudes eorum nuntiet ecclesia : nomina autem eorum vivent in seculum seculi. V. Ps. 32 Exsultate justi in Domino : rectos decet collaudatio. Glória Patri. Glória in excelsis.

Oratio

INFIRMITATEM nostram, quæsumus Domine, propitius respice : et mala omnia, quæ juste meremur; sanctorum Martyrum tuorum atque Pontificum Cornélii et Cypriani intercessione averte : Per Dominum.

De S. Euphemia Virg. et Mart.

Oratio

OMNIPOTENS sempiternus Deus, qui infirma mundi eligis, ut fortia quæque confundas : concede propitius, ut qui beatæ Euphemiæ Virginis et Martyris tuæ solémnia colimus; ejus apud te patrocinia sentiámus : Per Dominum.

Lectio Libri Sapiéntiæ. c. 3

JUSTORUM animæ in manu Dei sunt, et non tanget illos tormentum mortis. Visi sunt oculis insipientium mori : et æstimata est afflictio exitus illorum : et quod a nobis est iter, exterminium : illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponuntur : quoniam Deus tentavit eos, et invenit illos dignos se. Tamquam aurum in fornace probavit illos, et quasi holocausti hostiam accepit illos, et in tempore erit respectus illorum. Fulgebunt justi, et tamquam scintillæ in arundinato discurrent. Judicabunt nationes, et dominabuntur populis, et regnabit Dominus illorum in perpetuum.

V. Exodi 15 Gloriosus Deus in sanctis suis : mirabilis in maiestate, faciens prodigia. V. Dextera tua Domine glorificata est in virtute : dextera manus tua confrégit inimicos.

Allelúia, allelúia. V. Sap. 3 Fulgebunt justi, et tamquam scintillæ in arundinato discurrent : et regnabunt in æternum. Allelúia.

✠ Sequéntia sancti Evangélii secundum Lucam. c. 21

IN illo tempore : Dixit Jesus discipulis suis : Cum audieritis prælia, et seditiões, nolite terreri : Opórtet primum hæc fieri, sed nondum statim finis. Tunc dicebat

illis : Surget gens contra gentem, et regnum adversus regnum. Et terræmôtus magni erunt per loca, et pestilentiæ, et fames, terrorésque de cælo, et signa magna erunt. Sed ante hæc ómnia injicient vobis manus suas, et persequéntur tradéntes in synagógas, et custódias, trahéntes ad reges, et præsides propter nomen meum : Contínget autem vobis in testimónium. Pónite ergo in córdibus vestris non præmeditári quemádmódum respondeátis. Ego enim dabo vobis os, et sapiéntiam, cui non póterunt resistere, et contradicere omnes adversárii vestri. Tradémini autem a paréntibus, et frátribus, et cognátis, et amícis, et morte afficient ex vobis : Et éritis ódio ómnibus propter nomen meum : Et capillus de cápite vestro non peribit. In patiéntia vestra possidébitis ánimas vestras.

Offertorium Ps. 5 Gloria-búntur in te omnes, qui diligunt nomen tuum, quóniam tu Dómine benedíces justo : Dómine, ut scuto bonæ voluntátis tuæ coronásti nos.

Secreta

PLEBIS tuæ, Dómine, múnera benignus inténde, quæ majestáti tuæ pro sanctorum Mártýrum tuórum atque Pontificum Cornélii et Cypriáni solemnitatibus sunt dicáta. Per Dóminum.

De S. Euphemia Secreta

HOSTIAS, Dómine, quas tibi offérimus, propítius súscipe : et intercedénte beáta

Euphémia Virgine et Mártýre tua, víncula peccatórum nostrórum absólve. Per Dóminum.

Communio Ps. 32 Gaudéte justí in Dómino : rectos decet collaudátio.

Postcommunio

QUÆSUMUS, Dómine, salutaribus repléti mystériis : ut quorum solémnia celebrámus; eórum oratióibus adjuvémur : Per Dóminum.

De S. Euphemia

Postcommunio

REFFECTI cibo, potúque cælesti, Deus noster, te supplices exorámus : ut in cujus hæc commemoratióne percépimus; ejus muniámur et precibus : Per Dóminum.

Die 17 Septembris

IMPRESSIONIS
SACRORUM STIGMATUM
S. FRANCISCI (*d.*)

Officium

Gal. 6

MIHI autem absit gloriári, nisi in Cruce Dómini nostri Jesu Christi : per quem mihi mundus crucifixus est, et ego mundo. **℣. Ps. 141** Voce mea ad Dóminum clamávi : voce mea ad Dóminum deprecátus sum. **Glória Patri. Glória in excélsis.**

Oratio

DOMINE Jesu Christe, qui frigescente mundo, ad inflammánda corda nostra tui amoris igne, in carne beáti

Francisci passiōis tuæ sacra Stigmata renovásti : concède propítius, ut ejus méritis et précibus crucem júgiter ferámus; et dignos fructus poeniténtiæ faciámus : Qui vivis.

De S. Lamberto Episc. et Mart.

Oratio

DA, quæsumus omnipotens Deus : ut qui beáti Lambéрти Mártiris tui atque Pontíficis solémnia cólimus; ejus apud te intercessiōnibus adjuvémur : Per Dóminum.

Léctio Epístolæ beáti Pauli
Apóstoli ad Gálatas. c. 6

FRATRES : Mihi autem absit gloriári, nisi in Cruce Dómini nostri Jesu Christi : per quem mihi mundus crucifixus est, et ego mundo. In Christo enim Jesu neque circumcísio áliquid valet, neque præpútium, sed nova creatúra. Et quicúmque hanc régulam secúti fúerint, pax super illos, et misericórdia, et super Israël Dei. De cétero nemo mihi moléstus sit : Ego enim stigmata Dómini Jesu in corpore meo porto. Grátia Dómini nostri Jesu Christi cum spirítu vestro, fratres. Amen.

℟. **Ps. 36** Os justi meditabitur sapiéntiam, et lingua ejus loquétur judícium. ℣. Lex Dei ejus in corde ipsíus : et non supplantabúntur gressus ejus.

Allelúia, allelúia. ℣. Franciscus pauper et húmilis, cælum dives ingréditur, hymnis cæléstibus honorátur. Allelúia.

✠ **Sequéntia sancti Evangélii**
secúndum Matthæum. c. 16

IN illo témpore : Dixit Jesus discíplis suis : Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detrimentum patiátur? Aut quam dabit homo commutatiōnem pro ánima sua? Fílius enim hóminis ventúrus est in glória Patris sui cum Angelis suis : et tunc reddet unicuique secúndum ópera ejus.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

MUNERA tibi, Dómine, dicáta sanctífica : et intercedénte beáto Francisco, ab omni nos culpárum labe purifica. Per Dóminum.

De S. Lamberto Secreta

HÆC hóstia, quæsumus Dómine, emúndet nostra delicta : et ad sacrificium celebrándum, subditórum tibi corpóra mentésque sanctíficet. Per Dóminum.

Præfatio de S. Francisco.

Communio Luc. 12 Fidélis servus, et prudens, quem constituit dóminus super familiam suam, ut det illis in témpore trítici mensúram.

Postcommunio

DEUS, qui mira Crucis mystéria in beáto Francisco Confessóre tuo multifórmiter demonstrásti : da nobis, quæsumus, devotiõnis suæ semper exémpła sectári; et assídua ejúsdem Crucis meditatióne muniri : Per Dóminum.

De S. Lamberto**Postcommunio**

REFECTI participatióne múneris sacri, quæsumus Dómine Deus noster : ut cujus exséquimur cultum; intercedente beáto Lamberto Mártýre tuo atque Pontifice, sentiámus efféctum : Per Dóminum.

Die 18 Septembris

B. JOANNIS MASSIAS

Conf. Ord. Præd. (d.)

Officium Os justi, ut in Communi Conf. non Pont., pag. 23*, præter sequentes Orationes.

Oratio

DEUS, qui beátum Joánnem Confessórem, grátiae tuæ ubertáte prævéntum in húmili vitæ génere morum candóre floréscere voluísti : da nobis, quæsumus, ita ejus vestigia pérsequi; ut ad te puris méntibus pervenire mereámur : Per Dóminum nostrum Jesum Christum Fílium tuum.

Secreta

LAUDIS tibi Dómine hóstias Offerímus in honórem beáti Joánnis Confessóris, qui pro salute fidélium majestáti

tuæ poeniténtiæ victimam se-
ipsum júgiter immolávit. Per
Dóminum.

Postcommunio

CONCEDE nos, omnipotens Deus, cælésti pane reféctos, beáto Joánni Confessóre intercedente, júgiter in tuo amóre proficere; cui tribuísti morum candórem, et perféctam caritátem : Per Dóminum.

Die 19 Septembris

SS. JANUARI

ET SOCIORUM Mm. (d.)

Officium

Ps. 78

INTRET in conspéctu tuo, Dómine, gémitus compe-
ditórum : redde vicinis
nostris séptuplum in sinu eó-
rum : víndica sánguinem san-
ctórum tuórum, qui effusus
est. ✠. Deus venérunt gentes
in hereditátem tuam, pollué-
runt templum sanctum tuum :
posuérunt Jerúsalem in pomó-
rum custódiam. Glória Patri.
Glória in excélsis.

Oratio

DEUS, qui nos ánnua san-
ctórum Mártýrum tuó-
rum Januárii et sociórum ejus
solemnitáte lætíficas : concéde
propítius, ut quorum gaudé-
mus méritis; accendámur
exémpłis : Per Dóminum.

Léctio Epístolæ beáti Pauli
Apóstoli ad Hebræos. **c. 10**

FRATRES : Rememorámini
prístinos dies, in quibus
illumináti, magnum certámen

sustinuistis passionum : et in áltero quidem oppróbriis, et tribulationibus spectáculum facti : in áltero autem sócii táliter conversántium effecti. Nam et vinctis compássi estis, et rapínam bonórum vestrórum cum gáudio suscepistis, cognoscéntes vos habére meliorem et manéntem substántiam. Nolíte itaque amittere confidéntiam vestram, quæ magnam habet remuneratió-nem. Patiéntia enim vobis necessária est : ut voluntátem Dei faciéntes, reportétis promissió-nem. Adhuc enim módicum aliquántulum, qui ventúrus est, véniet, et non tardábit : Justus autem meus ex fide vivit.

✠. **Exodi 15** Gloriósus Deus in sanctis suis : mirábilis in majestáte, fáciens prodigia.

✠. Dextera tua Dómine glorificáta est in virtúte : dextera manus tua confrégit inimicos.

Allelúia, allelúia. ✠. **Ps. 144** Sancti tui Dómine benedicent te : glóriam regni tui dicent. Allelúia.

✠ **Sequéntia sancti Evangélíi** secúndum Matthæum. **c. 24**

IN illo témpore : Sedénte Jesu super Montem olivéti, accessérunt ad eum discipuli secréto, dicéntes : Dic nobis, quando hæc erunt? et quod signum advéntus tui, et consummatió-nis sáculi? Et respóndens Jesus, dixit eis : Vidéte ne quis vos sedúcat. Multi enim vénient in nómine meo, dicéntes, Ego sum Christus : et multos sedúcent.

Auditóri enim estis prælia, et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terrámótus per loca. Hæc autem ómnia inítia sunt dolórum. Tunc tradent vos in tribulationem, et occident vos : et éritis ódio ómnibus géntibus propter nomen meum. Et tunc scandalizabúntur multi, et invicem tradent et ódio habébunt invicem. Et multi pseudoprophétæ surgent, et sedúcent multos. Et quóniam abundávit iníquitas, refrigescet cáritas multórum. Qui autem perseveráverit usque in finem, hic salvus erit.

Offertorium Ps. 67 Mirábilis Deus in sanctis suis, Deus Israël ipse dabit virtútem, et fortitúdinem plebi suæ, benedíctus Deus.

Secreta

OBLATIS, quæsumus Dómine, placáre munéribus : et intercedéntibus sanctis Martýribus tuis Januário et sóciis ejus, a cunctis nos defénde periculis. Per Dóminum.

Communio Luc. 12 Dico autem vobis amicis meis : ne terreámini ab his, qui vos persequúntur.

Postcommunio

HÆC nos commúnio, Dómine, purget a crimine : et intercedéntibus sanctis Martýribus tuis Januário et sóciis ejus; cæléstis remédii fáciat esse consórtes : Per Dóminum.

Die 20 Septembris

B. FRANCISCI
DE POSSADAS

Conf. Ord. Præd. (*d.*)

Officium Cáritas Dei, ut in festo
S. Philippi Nerii die 26 Maii, p. 452

Oratio

DEUS, qui beátum Franciscum Confessórem tuum, supérnæ caritátis dulcédine perfúsum, verbi tui præcónem exímium effecisti : ejus intercessióne concéde; ut igne tui amóris incénsi, in tua dilectióne semper vivámus : Per Dóminum.

Secreta

DA, quæsumus Dómine, ut sicut beátus Franciscus juge se tibi sacrificium offerens, spiritum suum ad æternitatem áluit : grátiae tuæ nobis semper concíliet ubertatem. Per Dóminum.

Postcommunio

SACRIS refécti aliméntis, te súpplices deprecámur, omnípotens Deus : ut intercedente beáto Francisco, quem, post oblátum tibi sacrificium, ad salutis portum pretiósa morte transire fecisti; nos étiam, in vitæ éxitu cælésti pábulo roborátos, ejúsdem glóriæ fácias esse consórtes : Per Dóminum.

Eadem die

In Vigilia

SANCTI MATTHÆI

Ap. et Ev.

Officium

Ps. 51

EGO autem, sicut olíva fructífera in domo Dómini, sperávi in misericórdia Dei mei : et exspectábo nomen tuum, quóniam bonum est ante conspéctum sanctorum tuórum. *℟.* Quid gloriáris in malítia, qui potens es in iniquitáte? Glória Patri.

Oratio

DA, quæsumus omnípotens Deus : ut beáti Matthæi Apóstoli tui et Evangelistæ, quam prævenimus, veneránda solémnitas; et devotióem nobis áugeat, et salutem : Per Dóminum.

Lectio Libri Sapiéntiæ.

Eccli. 44 et 45

BENEDICTIO Dómini super caput justí. Ideo dedit illi Dóminus hereditátem, et divisit illi partem in tribubus duódecim : et invénit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Et dedit illi coram præcépta, et legem vitæ et disciplínæ : et excélsus fecit illum. Státuit ei testaméntum

æternum, et circumcinxit eum zona justitiæ, et induit eum Dóminus corónam glóriæ.

℟. Ps. 91 Justus, ut palma florébit : sicut cedrus Líbani multiplicábitur in domo Dómini. ℣. Ad annuntiándum mane misericórdiam tuam, et veritátem tuam per noctem.

✠ *Sequéntia sancti Evangélii* secúndum Lucam. c. 5

IN illo témpore : Vidit Jesus publicánum nómine Levi, sedéntem ad telónium, et ait illi : Séquere me. Et relictis ómnibus, surgens secúsus est eum. Et fecit ei convívium magnum Levi in domo sua : Et erat turba multa publicánórum, et aliórum, qui cum illis erant discumbéntes. Et murmurábant Pharisæi, et Scribæ eórum, dicéntes ad discípulos ejus : Quare cum publicánis et peccatóriibus manducatís et bíbitis? Et respóndens Jesus, dixit ad illos : Non egent qui sani sunt médico, sed qui male habent. Non veni vocáre justos, sed peccatóres ad pœniténtiam.

Offertorium Ps. 8 Glória et honóre coronásti eum : et constituísti eum super ópera mánuum tuárum, Dómine.

Secreta

APOSTOLICI reveréntia cúlminis offeréntes tibi sacra mystéria, Dómine quæsumus, ut beáti Matthæi Apóstoli tui et Evangelistæ suffrágiis, cujus natalítia prævenimus, plebs tua semper et sua vota depró-

mat, et desideráta percípiat. Per Dóminum.

Præfatio communis.

Communio Ps. 20 Posuisti Dómine in cápite ejus corónam de lápide pretióso.

Postcommunio

SANCTI Apóstoli tui et Evangelistæ Matthæi, quæsumus Dómine, supplicatióne placátus : et véniam nobis tribue; et remédia sempitérna concéde : Per Dóminum.

Die 21 Septembris

S. MATTHÆI Ap. et Ev.

Totum Duplex II cl.

Officium

Ps. 138

MHI autem nimis honoráti sunt amici tui, Deus : nimis confortátus est principátus eórum. ℣. Dómine probásti me, et cognovísti me : tu cognovísti sessiόνem meam et resurrectiόνem meam. Glória Patri. Glória in excélsis.

Oratio

BEATI Apóstoli et Evangelistæ Matthæi, Dómine, précibus adjuvémur : ut quod possibilitas nostra non óbtenet; ejus nobis intercessiόνem donétur : Per Dóminum.

Léctio Ezechiélis Prophætæ.

c. 1

SIMILITUDO vultus quátuor animálium : fácies hóminis, et fácies leónis a dextris ipsórum quátuor : Fácies autem bovis a sinistris ipsórum

quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper : Duæ pennæ singulórum jungebántur, et duæ tegébant córpora eórum : Et unumquódque eórum coram fácie sua ambulábat : Ubi erat ímpetus spíritus, illuc gradiebántur, nec revertébántur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrrens in médio animálium, splendor ignis, et de igne egrédiens. Et animália ibant, et revertébántur in similitúdinem fúlguris coruscántis.

℟. **Ps. 138** Nimis honoráti sunt amici tui, Deus : nimis confortátus est principátus eórum. ℣. Dinumerábo eos, et super arénam multiplicabúntur.

Allelúia, allelúia. ℣. **Ps. 18** In omnem terram exívit sonus eórum : et in fines orbis terræ verba eórum. Allelúia.

✠ **Sequéntia sancti Evangélíi** secúndum Matthæum. **c. 9**

IN illo témpore : Vidit Jesus hóminem sedéntem in telónio, Matthæum nómine. Et ait illi : Séquere me. Et surgens, secútus est eum. Et factum est discumbénte eo in domo, ecce multi publicáni, et peccatóres veniéntes discumbébant cum Jesu, et discípulis ejus. Et vidéntes Pharisæi, dicébant discípulis ejus : Quare cum publicánis et peccatóribus

mandúcat Magíster vester? At Jesus áudiens, ait : Non est opus valéntibus médicus, sed male habéntibus. Eúntes autem discite quid est, Misericórdiam volo, et non sacrificium. Non enim veni vocáre justos, sed peccatóres.

Credo.

Offertorium Ps. 18 In omnem terram exívit sonus eórum : et in fines orbis terræ verba eórum.

Secreta

SUPPLICATIONIBUS beáti Matthæi Apóstoli et Evangelistæ, quæsumus Dómine, Ecclesiæ tuæ commendétur oblátio, cujus magníficis prædicationibus erudítur. Per Dóminum.

Præfatio de Apostolis.

Communio Joann. 15 Ego vos elégi de mundo, ut eátis, et fructum afferátis : et fructus vester máneat.

Postcommunio

PERCEPTIS, Dómine, sacraméntis, beáto Matthæo Apóstolo tuo et Evangelista interveniéntem, deprecámur : ut quæ pro ejus celebráta sunt glória; nobis proficiant ad medélam : Per Dóminum.

Die 22 Septembris

S. MAURITII et SOCIORUM
Martyrum (3 LL.)

Officium

Ps. 36

SALUS autem justórum a Dómino : et protéctor eórum est in témpore tribulatiónis. ℣. Noli æmulári in

malignántibus : neque zeláveris faciéntes iniquitátem. Gló-
ria Patri.

Oratio

ANNUE, quæsumus omnípo-
tens Deus : ut sanctórum
Mártýrum tuórum Maurítii,
Exsupérii, Cándidi, Vitális,
Innocéntii, ac sociórum eo-
rúmdem nos lætíficet festiva
solémnitas; ut quorum suffrá-
giis nitimur, eórum natalítiis
gloriémur : Per Dóminum.

Léctio Libri Apocalýpsis beáti
Joánnis Apóstoli. c. 7

IN diébus illis : Respóndit
unus de senióribus, et dixit
mihi : Hi, qui amícti sunt
stolis albis, qui sunt? et unde
venérunt? Et dixi illi : Dómine
mi, tu scis. Et dixit mihi : Hi
sunt, qui venérunt de tribu-
latióne magna, et lavérunt sto-
las suas, et dealbavérunt eas
in sáanguine Agni. Ideo sunt
ante thronum Dei, et sérviant
ei die ac nocte in templo ejus :
et qui sedet in throno, habi-
tábit super illos : Non esú-
rient, neque sitient ámplius,
neque cadet super illos sol,
neque ullus æstus : quóniam
Agnus, qui in médio throni
est, reget illos, et dedúcet eos
ad vitæ fontes aquárum, et
abstérget Deus omnem lácry-
mam ab óculis eórum.

℟. Exodi 15 Gloriósus Deus
in sanctis suis : mirábilis in
majestáte, fáciens prodígia.
℣. Dextera tua Dómine glo-
rificáta est in virtúte : dexte-
ra manus tua confrégit ini-
micos.

Allelúia. ℣. Ps. 32 Sancti et
justi in Dómino gaudéte : vos
elégit Deus in hereditátem
sibi. Allelúia.

✠ **Sequéntia sancti Evangélíi**
secúndum Lucam. c. 21

IN illo témpore : Dixit Jesus
discípulis suis : Cum au-
diéritis prælia, et seditiões,
nolíte terréri : Opórtet pri-
mum hæc fieri, sed nondum
statim finis. Tunc dicébat illis :
Surget gens contra gentem,
et regnum advérsus regnum.
Et terræmótus magni erunt
per loca, et pestiléntiæ, et fa-
mes, terrorésque de cælo, et
signa magna erunt. Sed ante
hæc ómnia injícient vobis ma-
nus suas, et persequéntur
tradéntes in synagógas et cu-
stódias, trahéntes ad reges
et præsides propter nomen
meum : Continget autem vobis
in testimónium. Pónite ergo in
córdibus vestris non præme-
ditári quemádmódum respon-
deátis. Ego enim dabo vobis
os et sapiéntiam, cui non póte-
runt resistere, et contradícere
omnes adversárii vestri. Tra-
démíni autem a paréntibus, et
frátribus, et cognátis, et amí-
cis, et morte afficient ex vo-
bis : Et éritis ódio ómnibus
propter nomen meum : Et capíllus de cápíte vestro non
períbit. In patiéntia vestra
possidébitis ánimas vestras.

Offertorium Ps. 67 Mirábilis
Deus in sanctis suis, Deus
Israël ipse dabit virtútem, et
fortitúdinem plebi suæ, bene-
dictus Deus.

Secreta

RESPICE, quæsumus Dómine, múnera, quæ in sanctorum Mártyrum tuorum Maurítii, Exsupérii, Cándidi, Vitális, Innocéntii, ac sociorum eorúndem commemoratióne deférimus : et præsta, ut quorum honóre sunt grata, eórum nobis fiant intercessiône perpétua. Per Dóminum.

Communio Ps. 78 Posuerunt mortália servórum tuorum Dómine, escas volatilibus cæli : carnes sanctorum tuorum béstiis terræ : secúndum magnitúdinem bráchii tui, pós-side filios morte punitórum.

Postcommunio

CÆLESTIBUS refécti sacraméntis et gáudiis, súpplices te rogámus, omnipotens Deus : ut quorum gloriámur triúmphis; protegámur auxiliis : Per Dóminum.

Die 23 Septembris

B. MARCI MUTINENSIS

Conf. Ord. Præd. (sd.)

*Officium Os justi, ut in Communi Conf. non Pont., pag. 23**

Oratio

DEUS, qui per beátum Marcum Confessórem tuum, permultos errántes in viam justitiæ redíre fecisti : concéde, ut ejus intercessiône nos quoque a vítiis absolúti; ad æténa gáudia pervenire feliciter valeámus : Per Dóminum.

Secreta

SUSCIPE, clementíssime Dómine, hanc immaculátam hóstiám : et per mérita beáti Marci Confessóris tui, viscera misericórdiæ tuæ super nos effúndere dignéris. Per Dóminum.

Postcommunio

ANGELORUM pane refécti, concéde quæsumus omnipotens Deus : ut beáti Marci Confessóris tui mónita et exémpa sectémur; ac assídua crucis meditatióne muniámur : Per Dóminum.

Die 24 Septembris

S. MARIE DE MERCEDE

Totum Duplex

*Officium Gaudeámus, ut in Festis beatæ Mariæ Virginis, pag. 1**

Oratio

DEUS, qui per gloriosíssimam Filii tui Matrem, ad liberándos Christi fidéles a potestáte Paganórum, nova Ecclésiám tuam prole amplificáre dignátus es : præsta quæsumus, ut quam pie venerámur tanti óperis institutricem; ejus páriter méritis et intercessiône a peccátis ómnibus, et captivitáte dáemonis liberémur : Per eúndem.

Secreta

C

UNIGENITI tui, Dómine, nobis succúrrat humanitas : ut qui natus de Virgine, Matris integritátem non minuit, sed sacrávit, in solemnitate ejus, nostris nos piáculis

éxuens, oblatiónem nostram tibi fáciat accéptam : Jesus Christus Dóminus noster, qui tecum.

Postcommunio C

SUMPSIMUS, Dómine, celebritátis ánnuæ votíva sacraménta; præsta quæsumus, ut et temporális vitæ nobis remédia præbeant, et ætérnæ : Per Dóminum.

Die 25 Septembris
IN COMMEMORATIONE
S. P. N. DOMINICI
IN SURIANO (*t. d.*)

Omnia ut in Missa ejus, quæ dicitur FERIA IJ, inter votivas posita, pag. 64*. Et dicatur Credo.

Die 26 Septembris
B. DALMATII MONERII
Conf. Ord. Præd. (*sd.*)

Officium Os justi, ut in Communi Conf. non Pont., pag. 23*

Oratio

DEUS, qui húmitem fámulum tuum Dalmátium multis signis atque virtútibus decorásti; ac mirabiliter in tuo amóre, spretis temporálibus, inflammásti : tribue nobis, quæsumus; ut ejus intercessióne, a terrénis afféctibus expediti, et a cunctis adversitátibus liberáti, sola cæléstia appetámus : Per Dóminum.

Secreta C

PRÆSTA nobis, quæsumus omnipotens Deus, ut nostræ humilitátis oblátio, et pro

tuórum tibi grata sit honóre Sanctorum, et nos corpore páriter et mente puríficet. Per Dóminum.

Postcommunio C

QUÆSUMUS omnipotens Deus : ut qui cæléstia aliménta percépimus; intercedente beáto Dalmátio Confessore tuo, per hæc contra ómnia adversa muniámur : Per Dóminum.

Die 27 Septembris
SS. COSMÆ ET DAMIANI
Martyrum (*sp.*)

Officium Eccli. 44

SAPIENTIAM sanctorum narrent pópuli, et laudes eórum nuntiet ecclésia : nómína autem eórum vivent in sáeculum sáeculi. **Ps. 32** Exsultáte justi in Dómino : rectos decet collaudátio. Glória Patri. Glória in excélsis.

Oratio

PRÆSTA, quæsumus omnipotens Deus : ut qui sanctorum Mátyrum tuorum Cosmæ et Damiáni natalítia cólimus; a cunctis malis immínentibus eórum intercessiónibus liberémur : Per Dóminum nostrum Jesum Christum Fílium tuum.

Léctio Libri Sapiéntiæ. c. 5

JUSTI autem in perpétuum vivent, et apud Dóminum est merces eórum, et cogitatio illórum apud Altíssimum. Ideo accipient regnum decóris, et diadéma speciéi de manu

Dómini : quóniam dextera sua teget eos, et bráchio sancto suo deféndet illos. Accipiet armatúram zelus illius, et armábit creatúram ad ulciónem inimicórum. Induet pro thoráce justítiam, et accipiet pro gálea iudícium certum. Sumet scutum inexpugnábile æquitátem.

℟. Ps. 132 Ecce quam bonum, et quam jucúndum habitáre fratres in unum. ℣. Sicut unguéntum in cápite, quod descendit in barbam, barbam Aaron.

Allelúia, allelúia. ℣. Sap. 3 Fulgébunt iusti, et tamquam scintillæ in arundinéto discúrent : et regnábunt in ætérnum. Allelúia.

✠ Sequéntia sancti Evangélíi secúndum Lucam. c. 6

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copíosa plebis ab omni Judæa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spiritibus inmúndis, curabántur. Et omnis turba quærébat eum tángere : quia virtus de illo exíbat, et sanábat omnes. Et ipse elevátis óculis in discipulos suos, dicébat : Beáti páuperes : quia vestrum est regnum Dei. Beáti, qui nunc esuritis : quia saturabímmini. Beáti, qui nunc fletis : quia ridébitis. Beáti éritis cum vos óderint hómines, et cum separáverint vos,

et exprobráverint, et ejécerint nomen vestrum tamquam malum, propter Filium hóminis. Gaudéte in illa die, et exultáte : ecce enim merces vestra multa est in cælo.

Offertorium Ps. 5 Gloria-búntur in te omnes, qui diligunt nomen tuum, quóniam tu Dómine benedíces justo : Dómine, ut scuto bonæ voluntátis tuæ coronásti nos.

Secreta

SANCTORUM tuórum nobis, Dómine, pia non desit orátio : quæ et múnera nostra concíliet, et tuam nobis indulgéntiam semper obtíneat. Per Dóminum.

Communio Ps. 78 Posuérunt mortália servórum tuórum Dómine, escas volatilibus cæli : carnes sanctórum tuórum béstiis terræ : secúndum magnitúdinem bráchii tui, pós-side filios morte punitórum.

Postcommunio

PROTEGAT, quæsumus Dómine, pópulum tuum; et participátio cæléstis indúlta convívii, et deprecátio colláta Sanctórum : Per Dóminum.

Die 28 Septembris

B. LAURENTII

A RIPA FRACTA

Conf. Ord. Præd. (sd.)

Officium Os justi, ut in Comuni
Conf. non Pont., pag. 23*

Oratio

DEUS, qui beátum Lauréntium Confessórem tuum reguláris disciplinæ stúdio, et

caritátis ardóre claréscere fecisti : ejus nobis intercessióne concéde; ut perfectióra semper exsequéntes, æténa gáudia consequámur : Per Dóminum.

Secreta

SUSCIPE Dómine oblatiónem, quam tibi offérimus : et beáti Lauréntii méritis atque imitatione, spirituálium donó-

rum augménta capiámus. Per Dóminum.

Postcommunio

REFFECTI, Dómine, munéribus sacris, te humiliter deprecámur : ut mundi illécebras fastidiéntes; beáto Lauréntio Confessóre tuo intercedénte, cæléstes delicias júgiter appetámus : Per Dóminum.

Die 29 Septembris

S. MICHAËLIS Archangeli

Totum Duplex I classis

Officium

Ps. 102

BENEDICITE Dóminum omnes Angeli ejus : poténtes virtúte, qui fácitis verbum ejus, ad audiéndam vocem sermónum ejus. *℣.* Benedic ánima mea Dómino : et ómnia, quæ intra me sunt, nómini sancto ejus. *Glória Patri. Glória in excélsis.*

Oratio

DEUS, qui miro órđine Angelórum ministéria homínúmque dispénsas; concéde propítius : ut a quibus tibi ministrántibus in cælo semper assístitur; ab his in terra vita nostra muniátur : Per Dóminum.

Léctio Libri Apocalýpsis beáti Joánnis Apóstoli. *c. 1*

IN diébus illis : Significávit Deus, quæ opórtet fieri cito, mittens per Angelum

suum servo suo Joánni, qui testimónium perhibuit verbo Dei, et testimónium Jesu Christi, quacúmque vidit. Beátus, qui legit, et audit verba prophetiæ hujus : et servat ea, quæ in ea scripta sunt. Tempus enim prope est. Joánnes septem Ecclesiis, quæ sunt in Asia. Grátia vobis, et pax ab eo, qui est, et qui erat, et qui ventúrus est : et a septem spirítibus, qui in conspéctu throni ejus sunt : et a Jesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos a peccátis nostris in Sanguine suo.

℟. **Ps. 102** Benedicite Dóminum omnes Angeli ejus : poténtes virtúte, qui fácitis verbum ejus. *℣.* Benedic ánima mea Dóminum : et ómnia interióra mea nomen sanctum ejus.

Allelúia, allelúia. V. Ps. 137
In conspéctu Angelórum psal-
lam tibi, Dómine Deus meus.
Allelúia.

✠ **Sequéntia sancti Evangélíi**
secúndum Matthæum. **c. 18**

IN illo témpore : Accessérunt
discípuli ad Jesum, dicén-
tes : Quis putas, major est in
regno cælórum? Et ádvocans
Jesus párvulum, státuit eum
in médio eórum, et dixit :
Amen dico vobis, nisi convérsi
fuéritis, et efficiámini sicut
párvuli, non intrábitis in re-
gnum cælórum. Quicúmque
ergo humiliáverit se sicut pá-
rvulus iste, hic est major in
regno cælórum. Et qui suscé-
perit unum párvulum talem
in nómine meo, me súscipit.
Qui autem scandalizáverit
unum de pusillis istis, qui in
me credunt, expedit ei ut sus-
pendátur mola asinária in
collo ejus, et demergátur in
profúndum maris. Væ mundo
a scándalis. Necesse est enim,
ut véniant scándala : Verúm-
tamen væ hómini illi, per quem
scándalum venit. Si autem
manus tua, vel pes tuus scan-
dalizat te : abscide eum, et
prójice abs te : Bonum tibi est
ad vitam ingredi débilem, vel
claudum, quam duas manus,
vel duos pedes habéntem mitti
in ignem ætérnum. Et si ócu-
lus tuus scandalizat te, érue
eum, et prójice abs te : Bonum
tibi est cum uno óculo in vitam
intráre, quam duos óculos ha-
béntem mitti in gehénnam
ignis. Vidéte ne contemnátis
unum ex his pusillis : Dico

enim vobis, quia Angeli eórum
in cælis semper vident fáciem
Patris mei, qui in cælis est.

Credo.

Offertorium Apoc. 8 Stetit
Angelus juxta aram templi,
habens thuribulum áureum in
manu sua : et data sunt ei
incénsa multa : et ascéndit
fumus arómatum in conspéctu
Dei.

Secreta

HOSTIAS tibi, Dómine, lau-
dis offérimus, suppliciter
deprecántes : ut eásdem, An-
gélíco pro nobis interveniéntem
suffrágio, et placátus accípias,
et ad salútem nostram prove-
nire concédas. Per Dóminum.

Communio Dan. 3 Benedícite
omnes Angeli Dómini Dómi-
num : hymnum dicite, et su-
perexaltáte eum in sácula.

Postcommunio

BEATI Archángeli tui Mi-
chaélis intercessióne suf-
fúlti, súpplices te, Dómine,
deprecámur : ut quod ore
proséquimur; contingámus et
mente : Per Dóminum.

Die 30 Septembris

S. HIERONYMI Presbyt.,
Conf. ac Eccl. Doct. (d.)

Officium Ecclí. 15

IN médio Ecclésiæ apérui-
t os ejus, et implévit eum
Dóminus spíritu sapién-
tiæ et intelléctus : stolam gló-
riæ induit eum. V. Jucundi-
tátem, et exsultatióem the-

saurizávit super eum. **Glória Patri. Glória in excélsis.**

Oratio

DEUS, qui Ecclesiæ tuæ in exponendis sacris Scriptúris beátum Hierónymum Confessórem tuum, Doctórem máximum providére dignátus es : præsta quæsumus, ut ejus suffragántibus méritis, quod ore simul et ópere dócuit; te adjuvánte, exercére valeámus : Per Dóminum.

Lectio Epístolæ beáti Pauli Apóstoli ad Timótheum.

2, c. 4

CARISSIME : Testificor coram Deo, et Jesu Christo, qui judicatúrus est vivos et mórtuos, per advéntum ipsius et regnum ejus : prædica verbum, insta opportúne, importúne : Argue, óbsecra, increpa in omni patiéntia et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magistros, pruriéntes áuribus, et a veritaté quidem auditum avértent, ad fábulas autem converténtur. Tu vero vigila, in ómnibus labóra, opus fac Evangelistæ, ministerium tuum imple. Sóbrius esto. Ego enim jam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósitá est mihi coróna justitiæ, quam reddet mihi Dóminus in illa die justus judex : Non solum autem mihi, sed et iis, qui diligunt advéntum ejus.

℟. Ps. 36 Os justi meditábitur sapiéntiam, et lingua ejus loquétur judícium. **℣.** Lex Dei ejus in corde ipsius : et non supplantabúntur gressus ejus.

Allelúia, allelúia. ℣. Ps. 88 Pósuí adjutórium super poténtem : et exaltávi eléctum de plebe mea. **Allelúia.**

✠ Sequéntia sancti Evangélii secúndum Matthæum. c. 5

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus : ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas : Non veni sólvere, sed adimplére. Amen quippe dico vobis : donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis minimis, et docúerit sic hómines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 20 Desidérium ánimæ ejus tribuísti ei

Dómine, et voluntáte labiórur
ejus non fraudásti eum : po-
suísti in cápíte ejus corónam
de lápide pretiósó.

Secreta

DONIS cæléstibus da nobis,
quæsumus Dómine, li-
bera tibi mente servíre : ut
múnera, quæ deférimus, in-
terveniénte beáto Hierónymo
Confessóre tuo, et medélam
nobis operéntur, et glóriam.
Per Dóminum.

Communio Luc. 12 Fidélis
servus et prudens, quem con-
stituit dóminus super famí-
liam suam, ut det illis in témpo-
re trítici mensúram.

Postcommunio

REPLETI alimónia cælésti,
quæsumus Dómine : ut
interveniénte beáto Hierónymo
Confessóre tuo; miseri-
córdiæ tuæ grátiam cónsequi
mereámur : Per Dóminum
nostrum.



SS. ROSARII

B. MARIÆ VIRG.

Totum Duplex I classis cum Octava solemni

Dominica I Octobris

Officium

GAUDEAMUS omnes in Dómino, diem festum celebrántes sub honóre beátæ Mariæ Virginis, de cujus sollemnitate gaudent Angeli, et colláudant Fílium Dei. *℟. Ps. 44* Eructávit cor meum verbum bonum : dico ego ópera mea regi. Glória Patri. Glória in excélsis.

Oratio

DEUS, cujus Unigénitus per vitam, mortem, et resurrectionem suam nobis salutis æternæ præmia comparávit : concéde quæsumus ut hæc mystéria sanctíssimo Rosário beátæ Mariæ Virginis recoléntes, et imitémur quod contém; et quod promíttunt assequámur : Per eúndem.

Lectio Libri Sapiéntiæ.

Prov. 8

DOMINUS possédit me in initio viárum suárum, ántequam quidquam fáceret a principio. Ab ætérno ordináta sum, et ex antiquis ántequam

terra fieret. Nondum erant abyssi, et ego jam concépta eram : Necdum fontes aquarum erúperant : necdum montes gravi mole constiterant : Ante colles ego parturiébar : adhuc terram non fécerat, et flúmina, et cárdines orbis terræ. Quando præparábat cælos, áderam : quando certa lege, et gyro vallábat abýssos : Quando æthéra firmábat sursum, et librábat fontes aquarum : Quando circúmdábat mari términum suum, et legem ponébat aquis, ne transírent fines suos : Quando appendébat fundaménta terræ. Cum eo eram cuncta compónens : Et delectábar per singulos dies, ludens coram eo omni témpore; ludens in orbe terrárum : et deliciæ meæ esse cum filiis hóminum. Nunc ergo filii audíte me : Beáti, qui custódiunt vias meas. Audíte disciplínam, et estóte sapiéntes, et nolite abjícere eam. Beátus homo qui audit me, et qui vigilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salutem a Dómino.

℟. Ps. 44 Propter veritatem, et mansuetudinem, et iustitiam : et deducet te mirabiliter dextera tua. ℣. Audi filia, et vide, et inclina aurem tuam : quia concupivit rex speciem tuam.

Allelúia, allelúia. ℣. Solémnitas gloriósæ Virginis Mariæ ex semine Abrahæ, ortæ de tribu Juda, clara ex stirpe David. Allelúia.

✠ Sequéntia sancti Evangélíi secúndum Lucam. c. 1

IN illo témpore : Missus est Angelus Gábriel a Deo in civitatem Galilææ, cui nomen Názareth, ad virginem desponsatam viro, cui nomen erat Joseph, de domo David, et nomen virginis Maria. Et ingressus Angelus ad eam, dixit : Ave grátia plena : Dóminus tecum : Benedicta tu in mulieribus. Quæ cum audisset, turbata est in sermone ejus, et cogitabat qualis esset ista salutatio. Et ait Angelus ei : Ne timeas Maria, invenisti enim grátiam apud Deum : Ecce concipies in útero, et paries filium, et vocabis nomen ejus Jesum. Hic erit magnus, et filius Altissimi vocabitur, et dabit illi Dóminus Deus sedem David patris ejus : Et regnabit in domo Jacob in ætérnum, et regni ejus non erit finis. Dixit autem Maria ad Angelum : Quómodo fiet istud, quóniam virum non cognosco? Et respondens Angelus, dixit ei : Spíritus Sanctus superveniet in te, et virtus Altissimi obumbrabit tibi. Ideoque et quod

nascetur ex te Sanctum, vocabitur Filius Dei. Et ecce Elisabeth cognata tua, et ipsa concepit filium in senectute sua : Et hic mensis sextus est illi, quæ vocatur stérilis : quia non erit impossibile apud Deum omne verbum. Dixit autem Maria : Ecce ancilla Dómini, fiat mihi secúndum verbum tuum. **C**redo.

Offertorium Eccli. 39 Obaudivite me divini fructus, et quasi rosa plantata super rivos aquarum fructificate : quasi Libanus odorem suavitatis habete.

Secreta

FAC nos, quæsumus Dómine, his munéribus offerendis convenienter aptari : et per sanctissimi Rosarii mystéria, sic vitam, passionem, et glóriam Unigéniti tui recólere, ut ejus digni promissionibus efficiámur. Qui tecum vivit et regnat in unitate Spíritus Sancti Deus.

Præfatio de beata Virgine Et te in solemnitate. Et dicatur per totam Octavam, etiam in festis Sanctorum, nisi propriam habuerint.

Communio Eccli. 39 Floréte flores, quasi lilium, et date odorem, et frondéte in grátiam, et collaudáte canticum, et benedicite Dóminum in opéribus suis.

Postcommunio

SANCTISSIMÆ Genitrícis tuæ, cujus Rosárium celebrámus; quæsumus Dómine, precibus adjuvémur : ut et mysteriórum, quæ cólimus, virtus percipiátur; et sacramentó-

rum, quæ sumpsimus, obtineatur effectus : Qui vivis.

Per Octavam, et in Octava Rosarii
B. Mariæ omnia fiant sicut in die,
excepto Credo.

Die 1 Octobris

S. REMIGII

Ep. et Conf. (3 LL.)

Officium Státuit, ut in Communi
Conf. Pont., pag. 18*

Allelúia semel dicitur ante et post
Versum.

Oratio

DA, quæsumus omnipotens
Deus : ut beáti Remigii
Confessóris tui atque Pontí-
ficis veneránda solémnitas; et
devotiónem nobis áugeat, et
salútem : Per Dóminum.

Secreta

SANCTI tui, quæsumus Dó-
mine, nos ubique lætifi-
cent : ut dum eórum mérita
recólimus, patrocínia sentiá-
mus. Per Dóminum.

Postcommunio

PRÆSTA, quæsumus omni-
potens Deus : ut de per-
céptis munéribus grátias exhi-
bentes; intercedénte beáto
Remigio Confessóre tuo atque
Pontífice, beneficia potióra su-
mámus : Per Dóminum.

Die 2 Octobris

SS. ANGELORUM
CUSTODUM (*t. d.*)

Officium

Ps. 90

ANGELIS suis Deus man-
dávít de te : ut custó-
diant te in ómnibus viis
tuis. ✠. Qui hábitat in adju-

tório Altíssimi, in protectióne
Dei cæli commorábitur. Glória
Patri. Glória in excélsis.

Oratio

DEUS, qui ineffábili provi-
déntia sanctos Angelos
tuos ad nostram custódiam
mittere dignáris : largíre sup-
plicibus tuis; et eórum semper
protectióne deféndi, et æténa
societáte gaudére : Per Dómi-
num.

De S. Leodegario Ep. et Mart.

Oratio

LÆTETUR Ecclésia tua,
Deus, beáti Leodegárii
Mártiris tui atque Pontíficis
confisa suffrágiis : atque ejus
précibus gloriósis, et devóta
permáneat; et secúra consi-
stat : Per Dóminum.

Lectio Libri Exodi. c. 23

HÆC dicit Dóminus Deus :
Ecce ego mittam Ange-
lum meum, qui præcedat te,
et custódiat in via, et intro-
ducát in locum quem parávi.
Obsérva eum, et audi vocem
ejus, nec contemnéndum pu-
tes : quia non dimittet cum
peccáveris, et est nomen meum
in illo. Quod si audieris vocem
ejus, et féceris ómnia quæ
loquor, inimicus ero inimicis
tuis, et affligam affligéntes te :
Præcedétque te Angelus meus.

✠. Judith 13 Laudáte Dómi-
num Deum nostrum, qui non
desérui sperántes in se : et
in me adimplévit misericór-
diam suam. ✠. Vivit autem
ipse Dóminus, quóniam custo-
divít me Angelus ejus et hinc

eúntem, et commorántem, et reverténtem, et non permísit me Dóminus coinquinári.

Allelúia, allelúia. V. Ps. 33 Immittet Angelus Dómini in circúitu tíméntium eum, et erípiet eos : gustáte, et vidéte quóniam suávis est Dóminus : beátus vir, qui sperat in eo. Allelúia.

✠ **Sequéntia sancti Evangélíi** secúndum Matthæum. **c. 18**

IN illo témpore : Accessérunt discipuli ad Jesum, dicéntes : Quis putas, major est in regno cælórum? Et ádvocans Jesus párvulum, státuit eum in médio eórum, et dixit : Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est major in regno cælórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusillis istis, qui in me credunt, expedit ei ut suspendátur mola asinária in collo ejus, et demergátur in profúndum maris. Væ mundo a scándalis. Necesse est enim, ut véniant scándala : Verúmtamen væ hómini illi, per quem scándalum venit. Si autem manus tua, vel pes tuus scandalizat te : abscíde eum, et prójice abs te : Bonum tibi est ad vitam ingredi débilem, vel claudum, quam duas manus, vel duos pedes habéntem mitti in ignem ætérnum. Et si óculus tuus scandalizat te, érue

eum, et prójice abs te : Bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusillis : Dico enim vobis, quia Angeli eórum in cælis semper vident fáciem Patris mei, qui in cælis est.

Credo.

Offertorium Hebr. 1 Angeli sunt administratórii spíritus, in ministérium missi propter eos, qui hereditátem cápiunt salútis.

Secreta

SUSCIPE Dómine múnera, quæ pro sanctórum Angelórum tuórum veneratióne deférimus : et concéde propítius, ut perpétuis eórum præsídiis, a præséntibus periculis liberémur, et ad vitam perveniámus ætérnam. Per Dóminum.

De S. Leodegario Secreta

SUSCIPE Dómine múnera, quæ in ejus tibi solemnitate deférimus, cujus nos confidimus patrocínio liberári. Per Dóminum.

Communio Isa. 62 Super muros tuos Jerúsalem constitui custódes, tota die et nocte in perpétuum, dicit Dóminus.

Postcommunio

SUMPSIMUS, Dómine, divína mystéria, sanctórum Angelórum tuórum festivitáte lætántes : quæsumus, ut eórum protectiône ab hóstium júgiter liberémur insídiis; et contra ómnia advérsa muniámur : Per Dóminum.

De S. Leodegario

Postcommunio

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Quando per annum celebratur de Angelis Custodibus ex voto, vel devotione :

Infra Septuag. Tractus Ps. 90

Angelis suis Deus mandávit de te : ut custódiant te in ómnibus viis tuis. *℣.* In mánibus portábunt te : ne forte offéndas ad lápidem pedem tuum. *℣.* Super áspidem, et basili-
scum ambulábis : et conculcábis leónem et draconem.

Temp. Pasch. Allelúia, allelúia. *℣.* Ps. 33 Imittet Angelus Dómini in circúitu timéntium eum, et eripiet eos : gustáte, et vidéte quóniam suávis est Dóminus : beátus vir, qui sperat in eo.

Temp. Resurr. secundum Allelúia. *℣.* Matth. 28 Angelus Dómini descéndit de cælo : et accédens revólvit lápidem, et sedébat super eum. Allelúia.

Temp. Ascens. secundum Allelúia. *℣.* Ps. 46 Ascéndit Deus in jubilatíone : et Dóminus in voce tubæ. Allelúia.

Cetera ut supra, excepto Credo.

Die 3 Octobris

B. DOMINICI SPADAFORA

Conf. Ord. Præd. (sd.)

Officium Os justi, de Communi Confessoris non Pontificis, pag. 23*, cum Evangelio Designávit Dóminus, pag. 25*

Oratio

DEUS, qui in beáto Domínico Confessóre tuo munus apostólicum assíduo orationis stúdio et reguláris disciplinæ observántia mirabiliter fecundásti : concéde propítius, ut ejus vestigia prosequéntes, úberes salutis fructus percipere mereámur : Per Dóminum.

Secreta

SUSCIPE, Deus, hanc Hóstiám immaculátam, ac suffragánte Servo tuo Domínico, da quæsumus, ut casto córpore ac devóta mente nosmetipsos offeréntes, digno servítio munus perficiámus Fílii tui Dómini nostri Jesu Christi, qui tecum.

Postcommunio

GRATIA tua sanctificans, quæsumus Dómine, nos dóciles efficiat : ut Beáti Domínici intercessióne, strénue coram te ambulántes; in tuo semper amóre crescámus : Per Dóminum.

Die 4 Octobris

S. P. N. FRANCISCI

Confessoris, Ordinis Minorum Fundatoris

Totum Duplex I classis

Officium

GAUDEAMUS omnes in Dómino, diem festum celebrántes sub honóre beáti Francisci : de cujus solemnitáte gaudent Angeli, et colláudant Fílium Dei. **℣. Ps. 32** Exsultáte justi in Dómino : rectos decet collaudátio. **Glória Patri. Glória in excélsis.**

Oratio

DEUS, qui Ecclésiám tuam beáti Patris nostri Francisci méritis, fetu novæ prolis amplificas : tribue nobis ex ejus imitatione terréna despicere; et cæléstium donórum semper participatione gaudére : Per Dóminum.

Léctio Epístolæ beáti Pauli Apóstoli ad Gálatas. c. 6

FRATRES : Mihi autem absit gloriári, nisi in Cruce Dómini nostri Jesu Christi : per quem mihi mundus crucifixus est, et ego mundo. In Christo enim Jesu neque circumcisio áliquid valet, neque præpútium, sed nova creatúra. Et quicumque hanc régulam secúti fuerint, pax super illos, et misericórdia, et super Israél Dei. De cétero nemo

mihi moléstus sit : Ego enim stigmata Dómini Jesu in corpore meo porto. Grátia Dómini nostri Jesu Christi cum spiritu vestro, fratres. Amen.

℟. Eccli. 50 Quasi stella matutína in médio nébulæ, et quasi luna plena in diébus suis lucet. **℣.** Et quasi sol refulgens, sic ille effúlsit in templo Dei.

Allelúia, allelúia. ℣. O Patriárcha páuperum, Francisce, tuis précibus auge tuórum número in caritate Christi : quos cancellátis mánibus, cæcútiens, ut móriens Jacob, benedixisti.

Sequentia

SANCTITATIS nova signa
Prodiérunt laude digna,
Mira valde et benígna,
In Francisco crédita.

**Regulátis novi gregis,
Jura dantur novæ legis :
Renovántur jussa Regis,
Per Franciscum trádicta.**

**Novus ordo, nova vita
Mundo surgit inaudíta :
Restaurávit lex sancíta
Statum evangélicum.**

**Legi Christi paris formæ
Reformátur jus confórme :
Tenet ritus datæ normæ
Culmen apostólicum.**

Corda rudis, vestis dura,
Cingit, tegit sine cura :
Panis datur in mensúra,
Cálceus abjicitur.

Paupertátem tantum quærit,
De terrénis nihil gerit :
Hic Franciscus cuncta terit;
Lóculus despícutur.

Quærit loca lacrymárum,
Promit voces cor amárum,
Gemit mœstus tempus carum
Pérditum in sâculo.

Montis antro sequestrátus
Plorat, orat humi stratus :
Tandem mente serenátus
Látitat ergástulo.

Ibi vacat rupe tectus,
Ad divina sursum vectus,
Spernit ima iudex rectus,
Eligit cæléstia.

Carnem frenat sub censúra,
Transformátam in figúra :
Cibum capit de Scriptúra,
Abigit terréstria.

Tunc ab alto vir hierárcha
Venit : ecce rex monárcha :
Pavet iste patriárcha,
Visióne térritus.

Defert ille signa Christi,
Cicatrices confert isti,
Dum mirátur corde tristi
Passiónem táctus.

Sacrum corpus consignátur,
Manu, pede vulnerátur,
Dextrum latus perforátur,
Cruentátur sânguine.

Verba miscens, arcanórum
Multa clarent futurórum :
Videt Sanctus vim dictórum
Mýstico spirámine.

Patent statim miri clavi
Foris nigri, intus flavi :
Pungit dolor, pœna gravi
Crúciant acúlei.

Cessat artis armatúra
In membrórum apertúra :
Non impréssit hos natúra,
Non tortúra mállei.

Signis crucis, quæ portásti,
Per quæ mundum trium-
phásti,
Carnem, hostem superásti
Inclýta victória,

Nos, Francisce, tueámur,
In advérsis protegámur,
Ut mercéde perfruámur
In cælésti glória.

Pater pie, Pater sancte,
Plebs devóta, te juvánte,
Turba Fratrum comitánte,
Mereátur præmia.

Fac consórtes supernórum,
Quos infórmas víta morum :
Consequátur grex Minórum
Sempitérna gáudia. Amen.

Allelúia.

✠ **S**equéntia sancti Evangélii
secúndum Matthæum. **c. 11**

IN illo témpore : Respóndens
Jesus dixit : Confíteor tibi,
Pater, Dómine cæli et terræ,
quia abscondísti hæc a sapién-
tibus et prudéntibus, et reve-
lásti ea párvulis. Ita Pater :
quóniam sic fuit plácitum ante
te. Omnia mihi trádita sunt
a Patre meo. Et nemo novit
Fílium, nisi Patér : neque Pa-
trem quis novit, nisi Fílius, et
cui volúerit Fílius reveláre.
Veníte ad me omnes, qui labo-
rátis, et oneráti estis, et ego
reficiam vos. Tóllite jugum
meum super vos, et discite a
me, quia mitis sum, et húmilis
cordé : et inveniétis réquiem
animábus vestris. Jugum enim
meum suáve est, et onus meum
leve.

Credo.

Offertorium Phil. 1 Magnificabitur Christus in corpore meo, sive per vitam, sive per mortem : mihi enim vivere Christus est, et mori lucrum.

Secreta

MUNERA tibi Dómine dicata sanctifica : et intercedente beato Patre nostro Francíscó, ab omni nos culpárum labe purifica. Per Dóminum.

Præfatio de S. Francisco.

Communio Rom. 8 Non sunt condígnæ passiones hujus temporis ad futúram glóriam, quæ revelabitur in nobis.

Postcommunio

ECCESIAM tuam, quæsumus Dómine, grátia cæléstis amplifícet; quam beáti Patris nostri Francísci Confessóris tui illumináre voluisti gloriósis méritis et exémpis : Per Dóminum.

Die 5 Octobris

B. RAYMUNDI A CAPUA
Conf. Ord. Præd. (d.)

*Officium Os justi, de Communi Confessoris non Pontificis, pag. 23**

Oratio

DEUS, qui beátum Raymúndum Confessórem tuum insignem perfectiónis evangélicæ magístrum, et Apostólicæ auctoritátis fidélem adsertórem esse voluisti : concéde propítius, ut ejus exémplo vivéntes in terris; cum ipso coronári mereámur in cælis : Per Dóminum.

Secreta

PER istam oblatiónem et beáti Raymúndi Confessóris tui intercessiónem da, quæsumus, omnípotens Deus, ut terréna despiciéntes cæléstia semper cogitémus : Per Dóminum.

Postcommunio

SUMPTIS, Dómine, Córporis et Sánguinis tui mystériis, humíliter deprecámur : ut, intercedente fámulo tuo Raymúndo; post hujus vitæ perícula ætéRNA in cælis gáudia consequámur : Qui vivis.

Die 6 Octobris

S. BRUNONIS Conf. (d.)

*Officium Os justi, ut in Communi Confessoris non Pontificis, pag. 23**

Oratio

SANCTI Brunónis Confessóris tui, quæsumus Dómine, intercessiónibus adjuvémur : ut qui majestátem tuam gráviter delinquendo offéndimus; ejus méritis et précibus, nostrórum delictórum véniam consequámur : Per Dóminum.

Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præsentibus éxui malis confidimus, et futúris. Per Dóminum.

Postcommunio

QUÆSUMUS omnípotens Deus : ut qui cæléstia aliménta percépimus; inter-

cedente beato Brunone Confessore tuo, per hæc contra omnia adversa muniamur : Per Dominum.

Die 7 Octobris

B. MATTHÆI CARRERII

Conf. Ord. Præd. (sd.)

Officium Os justi, ut in Communi Confessoris non Pontificis, pag. 23*

Oratio

EXCITA Domine in cordibus nostris crucis et passionis amorem : ut beati Matthæi intercessionem et exemplo; dolorum Christi participes efficiamur, et gloriæ : Qui tecum vivit et regnat.

De S. Marco Papa et Conf.

Oratio

EXAUDI Domine preces nostras : et interveniente beato Marco Confessore tuo atque Pontifice; supplicationes nostras placatus intende : Per Dominum.

De SS. Sergio et sociis Mart.

Oratio

SANCTORUM Martyrum tuorum nos, Domine, Sergii, Bacchi, Marcelli, et Apuleii beata merita prosequantur; et tuo semper faciant amore ferventes : Per Dominum.

Secreta

C

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pá-

riter et mente purificet : Per Dominum.

De S. Marco

Secreta

SANCTI tui, quæsumus Domine, nos ubique lætificent : ut dum eorum merita recolimus, patrocinia sentiamus. Per Dominum.

De SS. Sergio et sociis

Secreta

MAJESTATEM tuam nobis, Domine quæsumus, hæc hostia reddat immolanda placatam, tuorum digna postulatione Sanctorum. Per Dominum.

Postcommunio C

QUÆSUMUS omnipotens Deus : ut qui cælestia alimenta percipimus; intercedente beato Matthæo Confessore tuo, per hæc contra omnia adversa muniamur : Per Dominum.

De S. Marco Postcommunio

PRÆSTA, quæsumus omnipotens Deus : ut de perceptis munibus gratias exhibentes; intercedente beato Marco Confessore tuo atque Pontifice, beneficia potiora sumamus : Per Dominum.

De SS. Sergio et Sociis

Postcommunio

SACRAMENTIS, Domine, muniamur acceptis : et sanctorum Martyrum tuorum intervenientibus meritis; contra omnes nequities irruentes, armis cælestibus protegámur. Per Dominum.

Die 8 Octobris

S. BIRGITTÆ Viduæ (d.)

Officium

GAUDEAMUS omnes in Dómino, diem festum celebrántes sub honóre beátæ Birgittæ, de cujus solemnitáte gaudent Angeli, et coláudant Filium Dei. **℟. Ps. 44** Eructávit cor meum verbum bonum : dico ego ópera mea regi. **Glória Patri. Glória in excélsis.**

Oratio

DOMINE Deus noster, qui beátæ Birgittæ per Filium tuum unigénitum secréta cæléstia revelásti : ipsius pia intercessióne da nobis fámulis tuis; in revelatióne sempitérnæ glóriæ tuæ gaudére lætántes : Per eúmdem.

Léctio Epístolæ beáti Pauli
Apóstoli ad Timótheum.

1, c. 5

CARISSIME : Víduas honóra, quæ vere viduæ sunt. Si qua autem vídua filios, aut nepótes habet : discat primum domum suam régere, et mútuam vicem réddere paréntibus : Hoc enim accéptum est coram Deo. Quæ autem vere vídua est, et desoláta, speret in Deum, et instet obsecrationibus, et orationibus nocte ac die. Nam quæ in deliciis est, vivens mórtua est. Et hoc prácipe, ut irreprehensibiles sint. Si quis autem suórum, et máxime domesticórum curam non habet, fidem negávit, et est infidéli detérior. Vídua

eligátur non minus sexaginta annórum, quæ fúerit unius viri uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulationem patiéntibus subministrávit, si omne opus bonum subsecúta est.

℟. Ps. 44 Propter veritátem, et mansuetúdinem, et justitiam : et dedúcet te mirabíliter délixtera tua. **℟.** Audi filia, et vide, et inclína aurem tuam : quia concupívit rex spéciem tuam.

Allelúia, allelúia. ℟. Ps. 44 Spécie tua et pulchritúdine tua inténde, prósperere procéde, et regna. **Allelúia.**

✠ **Sequéntia sancti Evangélii**
secúndum Matthæum. **c. 13**

In illo témpore : Dixit Jesus discipulis suis parábolam hanc : Símile est regnum cælórum thesaúro abscóndito in agro : quem qui invénit homo, abscóndit, et præ gáudio illius vadit, et vendit univérsa quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretiósá margaríta, ábiit, et véndidit ómnia quæ hábuit, et emit eam. Iterum símile est regnum cælórum sagénæ missæ in mare, et ex omni génere piscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sǎculi :

Exibunt Angeli, et separabunt malos de medio iustorum, et mittent eos in caminum ignis : Ibi erit fletus, et stridor dentium. Intellexistis hæc omnia? Dicunt ei : Etiam. Ait illis : Ideo omnis scribe doctus in regno cælorum, similis est homini patrifamilias, qui profert de thesauro suo nova et vetera.

Offertorium Ps. 44 Filiae regum in honore tuo : astitit regina a dextris tuis in vestitu deaurato, circumdata varietate.

Secreta

ACCEPTA tibi sit, Domine, sacratæ plebis oblatio pro tuorum honore Sanctorum, quorum se meritis de tribulatione percepisse cognoscit auxilium. Per Dominum.

Communio Ps. 44 Diffusa est gratia in labiis tuis : propterea benedixit te Deus in æternum.

Postcommunio

SATIASTI Domine familiam tuam muneribus sacris : ejus, quæsumus, semper interventione nos refove; cujus solèmnia celebramus : Per Dominum.

Die 9 Octobris
SS. DIONYSII
ET SOCIORUM *Mart. (d.)*

Officium Ps. 78

INTRET in conspectu tuo, Domine, gemitus compeditorum : redde vicinis nostris septuplum in sinu eorum : vindica sanguinem san-

ctorum tuorum, qui effusus est. *℟.* Deus venerunt gentes in hereditatem tuam, polluerunt templum sanctum tuum : posuerunt Jerusalem in pomorum custodiam. *Gloria Patri. Gloria in excelsis.*

Oratio

DEUS, qui hodierna die beatum Dionysium Martyrem tuum atque Pontificem virtute constantiæ in passione roborasti; quique illi ad prædicandum gentibus gloriam tuam, Rusticum et Eleutherium sociare dignatus es : tribue nobis, quæsumus, eorum imitatione pro amore tuo prospera mundi despiceret; et nulla ejus adversa formidaret : Per Dominum.

Lectio Actuum Apostolorum.
c. 17

IN diebus illis : Stans Paulus in medio Areopagi, ait : Viri Athenienses, per omnia quasi superstitiones vos video. Præteriens enim, et videns simulacra vestra, inveni et aram, in qua scriptum erat : Ignoto Deo. Quod ergo ignorantes colitis, hoc ego annuntio vobis. Deus, qui fecit mundum, et omnia quæ in eo sunt, hic cæli et terræ cum sit Dominus, non in manufactis templis habitat, nec manibus humanis colitur indigens aliquo, cum ipse det omnibus vitam, et inspirationem, et omnia : fecitque ex uno omne genus hominum inhabitare super universam faciem terræ, definiens statuta tempora, et

términos habitatiónis eórum, quærere Deum si forte attréctent eum, aut invéniant, quamvis non longe sit ab uno-quóque nostrum. In ipso enim vivimus, et movémur, et sumus : sicut et quidam vestrórum poëtárum dixerunt : Ipsíus enim et genus sumus. Genus ergo cum simus Dei, non debémus æstimáre auro, aut argénto, aut lápidi, sculptúræ artis, et cogitatiónis hóminis, Divínium esse símile. Et témpora quidem hujus ignorántiæ despiciens Deus, nunc annúntiat homínibus ut omnes ubíque pœniténtiam agant, eo quod státuit diem, in quo judicatúrus est orbem in æquitáte, in viro, in quo státuit, fidem præbens ómnibus, súscitans eum a mórtuis. Cum audissent autem resurrectionem mortuórum, quidam quidem irridébant, quidam vero dixerunt : Audiémus te de hoc íterum. Sic Paulus exívit de médio eórum. Quidam vero viri adhæréntes ei, credidérunt : in quibus et Dionýsius Areopagíta, et múl-
lier nómine Dámaris, et álíi cum eis.

✠. **Exodi 15** Gloriósus Deus in sanctis suis : mirábilis in majestáte, fáciens prodígia. ✠. Dêxtera tua Dómine glori-
ficáta est in virtúte : dêxtera manus tua confrégit inimícos.

Allelúia, allelúia. ✠. **Sap. 3** Judicábunt sancti natiónes, et dominabúntur pópulis, et regnábít illórum Rex in ætérnum. Allelúia.

✠ **Sequéntia sancti Evangélii**
secúndum Lucam. **c. 12**

IN illo témpore : Dixit Jesus discíplis suis : Atténdite a fermento Pharisæórum, quod est hypócrisis. Nihil autem opértum est, quod non revelétur : neque absconditum, quod non sciátur. Quóniam quæ in ténebris dixistis, in lúmine dicéntur : et quod in aurem locúti estis in cubiculis, prædicábitur in tectis. Dico autem vobis amícis meis : Ne terreámini ab his, qui occidunt corpus, et post hæc non habent ámplius quid fáciant. Osténdam autem vobis, quem timeátis : Timéte eum, qui, postquam occiderit, habet potestátem mittere in gehénnam. Ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capilli cápitis vestri omnes numeráti sunt. Nolíte ergo timére : multis passéribus pluris estis vos. Dico autem vobis : Omnis, quicúmque conféssus fúerit me coram homínibus, et Fílius hóminis confitébitur illum coram Angelis Dei.

Offertorium Ps. 31 Lætámini in Dómino et exsultáte justí, et gloriámini omnes recti corde.

Secreta

HOSTIA, Dómine quæsumus, quam sanctórum Mártyrum tuórum Dionýsii, Rústici, et Eleuthérii natalítia recenséntes offérimus, et vinctula nostræ pravitátis absól-

vat, et tuæ nobis misericórdiæ dona concíliet. Per Dóminum.

Communio Ps. 32 Gaudéte justi in Dómino : rectos decet collaudátio.

Postcommunio

QUÆSUMUS omnipotens Deus : ut qui cæléstia aliménta percépimus; intercedéntibus sanctis Martýribus tuis Dionýsio, Rústico, et Eleuthério, per hæc contra ómnia advérsa muniámur : Per Dóminum.

Die 10 Octobris

S. LUDOVICI BERTRANDI

Conf. Ord. Præd. (II cl.)

Officium Ps. 29

CONVERTISTI planctum meum in gáudium mihi : conscidisti saccum meum, et præcinxisti me lætítia : Dómine Deus meus in ætérnum confitébor tibi. **℟.** Exaltábo te Dómine quóniam suscepisti me : nec delectásti inimícos meos super me. **Glória Patri. Glória in excélsis.**

Oratio

DEUS, qui beátum Ludovicum Confessórem tuum, per córporis mortificatiónem, et fidei præcónium Sanctórum glóriæ coæquásti : præsta, ut quod fide profitémur; pietátis opéribus júgiter impleámus : Per Dóminum.

Léctio Epístolæ beáti Pauli Apóstoli ad Romános. c. 10

FRATRES : Corde enim créditur ad justítiam : ore autem conféssio fit ad salútem.

Dicit enim Scriptúra : Omnis, qui credit in illum, non confundétur. Non enim est distinctio Judæi, et Græci : Nam idem Dóminus ómnium, dives in omnes, qui invocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine prædicánte? Quómodo vero prædicábunt nisi mittántur? Sicut scriptum est : Quam speciósi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit : Dómine quis crédidit auditui nostro? Ergo fides ex auditu, auditus autem per verbum Christi. Sed dico: Numquid non audiérunt? Et quidem in omnem terram exívit sonus eórum, et in fines orbis terræ verba eórum.

℟. Ps. 17 Pópulus, quem non cognóvi, servívit mihi : in auditu auris obedívit mihi. **℟.** Proptérea confitébor tibi in pópulis Dómine : et nómini tuo psalmum dicam.

Allelúia, allelúia. ℟. Ps. 17 Diligam te Dómine virtus mea : Dóminus firmaméntum meum, et refúgium meum, et liberátor meus : Deus meus adjútor meus, sperábo in eum. **Allelúia.**

✠ Sequéntia sancti Evangélii secúndum Marcum. c. 16

IN illo témpore : Dixit Jesus discíplulis suis : Eúntes in mundum univérsum, prædi-

câte Evangélium omni creaturæ. Qui crediderit, et baptizatus fuerit, salvus erit : Qui vero non crediderit, condemnabitur. Signa autem eos, qui crediderint, hæc sequuntur : In nomine meo dæmonia ejicient : linguis loquentur novis : serpentes tollent : Et si mortiferum quid biberint, non eis nocēbit : Super ægros manus impōnent, et bene habebunt.

Credo.

Offertorium Ps. 22 Virga tua, et bāculus tuus, ipsa me consolāta sunt : parāsti in conspēctu meo mensam, adversus eos, qui tribulant me : impinguāsti in oleo caput meum.

Secreta

SACRIFICIUM hujus sacræ mensæ, a Rege regum Jesu Christo pro nobis paratæ, tibi Deus offerimus : et beāti Ludovici suffragantibus meritis, nostrum inde subsidium et solāmen haurire concēde. Per eūdem Dōminum.

Communio Isa. 49 Ecce dedi te in lucem gentium, ut sis salus mea usque ad extrēmum terræ.

Postcommunio

PRÆSTA, quæsumus omnipotens et misēricors Deus, ut qui beāti Ludovici mērita celebrāmus; ejus etiā virtutes imitemur : et imitādo proficiāmus; et proficiēdo ad cælēstia regna cum eo pervenire valeāmus : Per Dōminum.

Quando per annum celebratur de S. Ludovico ex voto, vel devo-

tionē, omnia fiant ut supra, excepto Credo.

Infra Septuag. Tractus Eccli.

50 Quasi stella matutina in medio nēbulæ, et quasi luna plena in diēbus suis. **℟.** Et quasi sol refūlgens, sic ille refūlsit in templo Dei. **℣.** Quasi arcus refūlgens inter nēbulas glóriæ, et quasi flos rosārum in diēbus vernis.

Temp. Pasch. Allelūia, allelūia. ℟. Ps. 17 Diligam te Dōmine virtus mea : Dōminus firmamētum meum, et refūgium meum, et liberātor meus : Deus meus adjutor meus, sperābo in eum.

Temp. Resur. secundum Allelūia. ℟. Luc. 24 Oportēbat pati Christum, et resurgere a mortuis : et ita intrāre in glóriam suam. Allelūia.

Temp. Ascens. secundum Allelūia. ℟. Ps. 46 Ascēdit Deus in jubilationē : et Dōminus in voce tubæ. Allelūia.

Die 11 Octobris

B. JACOBI AB ULMA

Conf. Ord. Præd. (sd.)

Officium Os justi, ut in Comuni Conf. non Pont., pag. 23*

Oratio

DEUS, qui beātum Jacōbum Confessōrem tuum, humilitātis et obediētiæ virtute mirabiliter decorāsti : ejus intercessiōne fac nos terrēna despīcere; et mandātis tuis jūgiter inhærere : Per Dōminum.

Secreta

OBLATIS Dómine placáre munéribus : et beáti Jacóbi Confessóris tui intercessióne concéde, ut cæléstia dona digne suscipiéntes, promissa humílibus præmia cónsequi mereámur. Per Dóminum.

Postcommunio

PANIS Angelórum, quo facis nos esse participes : Dómine, súpplīces exorámus; ut per beáti Jacóbi mérita, sit nobis salútis æternæ indeficiens spes, ac secúra frúitio : Per Dóminum.

Die 13 Octobris

B. MAGDALENÆ
DE PANATERIIS

Virg. Ord. Præd. (*sd.*)

Officium Gaudeámus, ut in Comuni Virg. non Mart., p. 30*

Oratio

DEUS, qui néminem in te sperántem désēris; et pie deprecántem misericórditer exáudis; tribue quæsumus, ut quod nostris méritis non valémus; beátæ Magdalénæ Virgīnis patrocīnio consequámur : Per Dóminum.

Secreta

HÆC hóstia, Dómine, quam ante thronum divīnæ tuæ majestátis offérimus, per beátam Virgīnem Magdalénam propitiátoria nobis reddátur, et ad cæléstia dona júgiter promerénda idóneos nos reddat. Per Dóminum.

Postcommunio

SACRA múnēra suscēpta a futúris nos trahant excēsibus : et beátæ Magdalénæ Virgīnis intercessióne gloriósa; Divīnæ participes natúræ efféctos, tribuant esse in corde férvidos, et in ópere effícaces : Per Dóminum.

Die 14 Octobris

S. CALLISTI

Papæ et Mart. (*d.*)

Officium

Dan. 3

SACERDOTES Dei benedicite Dóminum : sancti et húmiles corde laudáte Deum. ✠. Benedicite ómnia ópera Dómini Dómino : laudáte et superexaltáte eum in sæcula. Glória Patri. Glória in excélsis.

Oratio

DEUS, qui nos cónspicis ex nostra infirmitáte deficere; ad amórem tuum nos misericórditer per Sanctorum tuórum exémp̃la restáura : Per Dóminum.

Léctio Epístolæ beáti Pauli Apóstoli ad Hebræos. c. 5

FRATRES : Omnis póntifex ex homínibus assúptus, pro homínibus constitúitur in iis, quæ sunt ad Deum, ut offerat dona, et sacrificia pro peccátis : Qui condolére possit iis, qui ignórant, et errant : quóniam et ipse circúmdatus est infirmitáte : et proptérea debet, quemádmōdum pro pópulo, ita étiam et pro semet-

ipso offerre pro peccatis. Nec quisquam sumit sibi honorem, sed qui vocatur a Deo, tamquam Aaron.

℟. Ps. 88 Inveni David servum meum, oleo sancto meo unxi eum : manus enim mea auxiliabitur ei, et brachium meum confortabit eum. ℣. Nihil proficiet inimicus in eo, et filius iniquitatis non nocébit ei.

Allelúia, allelúia. ℣. Eccli. 45 Amavit eum Dóminus, et ornávit eum : stolam glóriæ induit eum. Allelúia.

✠ Sequéntia sancti Evangélíi secúndum Matthæum. c. 10

IN illo témpore : Dixit Jesus discípulis suis : Nihil est opértum, quod non revelábitur : et occúltum, quod non sciétur. Quod dico vobis in ténebris, dicite in lúmine : et quod in aure auditis, prædicáte super tecta. Et nolíte timére eos, qui occidunt corpus, ánimam autem non possunt occidere : sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt : et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolíte ergo timére : multis passéribus meliôres estis vos. Omnis ergo, qui confitébitur me coram hominibus, confitébor et ego eum coram Patre meo, qui in cælis est.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

MYSTICA nobis Dómine prosit oblátio : quæ nos et a reátibus nostris expédíat, et perpétua salvatióne confirmet. Per Dóminum.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constituet eum.

Postcommunio

QUÆSUMUS omnipotens Deus : ut reátus nostros múnera sacráta purificent; et recte vivéndi nobis operéntur effectum : Per Dóminum.

Die 15 Octobris

S. TERESIAE A JESU

Virg. (d.)

Officium

3 Reg. 4

DEDIT ei Dóminus sapiéntiam et prudéntiam multam nimis, et latitúdinem cordis quasi arénam, quæ est in líttore maris.

℣. Ps. 97 Cantáte Dómino cánticum novum; quia mirabilia fecit. Glória Patri. Glória in excélsis.

Oratio

EXAUDI nos Deus salutáris noster; ut sicut de beáta Teresíæ Virgínis tuæ festivitáte gaudémus : ita cæléstis ejus doctrínæ pábulo nutriámur; et piæ devotiónis erudiámur afféctu. Per Dóminum.

Léctio Libri Sapiéntiæ. c. 7

OPTAVI, et datus est mihi sensus : et invocávi, et venit in me spíritus sapién-

tiae : Et præposui illam regnis et sedibus, et divitias nihil esse duxi in comparatione illius. Nec comparavi illi lapidem pretiosum : quoniam omne aurum in comparatione illius, arena est exigua, et tamquam lutum aestimabitur argentum in conspectu illius. Super salutem et speciem dilexi illam, et proposui pro luce habere illam : quoniam inextinguibile est lumen illius. Venérunt autem mihi omnia bona pariter cum illa, et innumerabilis honestas per manus illius, et lætatus sum in omnibus : quoniam antecederat me ista sapientia, et ignorabam quoniam horum omnium mater est. Quam sine fictione didici, et sine invidia communico, et honestatem illius non abscondo. Infinitus enim thesaurus est hominibus : quo qui usi sunt, participes facti sunt amicitiae Dei, propter disciplinæ dona commendati.

℟. **Eccli. 51** Danti mihi sapientiam, dabo gloriam : zelata sum bonum, et non confundar. ℣. Colluctata est anima mea in illa, et in faciendo eam confirmata sum.

Allelúia, allelúia. ℣. **Ps. 118** Declaratio sermonum tuorum, Domine, illuminat, et intellectum dat parvulis. Allelúia.

✠ **Sequéntia sancti Evangélíi** secundum Matthæum. **c. 11**

IN illo tempore : Respondens Jesus dixit : Confiteor tibi, Pater, Domine cæli et terræ, quia abscondisti hæc a sapien-

tibus, et prudentibus, et revelasti ea parvulis. Ita Pater : quoniam sic fuit placitum ante te. Omnia mihi tradita sunt a Patre meo. Et nemo novit Filium, nisi Pater : neque Patrem quis novit, nisi Filius, et cui voluerit Filius revelare. Venite ad me omnes, qui laboratis, et onerati estis, et ego reficiam vos. Tollite jugum meum super vos, et discite a me, quia mitis sum, et humilis corde : et inveniétis requiem animabus vestris. Jugum enim meum suave est, et onus meum leve.

Offertorium Jer. 20 Factus est in corde meo quasi ignis exæstuans, claususque in osibus meis : et defeci, ferre non sustinens.

Secreta

MAJESTATI tuæ, quæsumus Domine, beatæ Teresiæ precibus nostra sit accepta devotio : cui medullatum cordis ejus ita placuit holocaustum : Per Dominum.

Communio Ps. 88 Misericordias Domini in ætérnum cantábo.

Postcommunio

SUBDITA tibi familia, quam cælesti pane satiasti; quæsumus Domine Deus noster : ut beatæ Teresiæ intercessionem et exemplo; misericordias tuas valeat in ætérnum cantare : Per Dominum.

Die 18 Octobris

S. LUCÆ Evang. (II cl.)

Officium Eccli. 15

IN médio Ecclésiæ apêruit os ejus, et implêvit eum Dóminus spírítu sapiéntiæ et intelléctus : stolam glóriæ induit eum. *℣.* Jucunditatem et exsultationem thesaurizávit super eum. Glória Patri. Glória in excélsis.

Oratio

INTERVENIAT pro nobis, quæsumus Dómine, sanctus tuus Lucas Evangelista; qui crucis mortificationem júgiter in suo corpore pro tui nóminis amore portávit : Per Dóminum.

Lectio Epístolæ beáti Pauli
Apóstoli ad Corinthios.

2, c. 8

FRATRES : Grátias ago Deo, qui dedit eámdem sollicitúdinem pro vobis in corde Titi, quóniam exhortationem quidem suscepit : sed cum sollicitior esset, sua voluntáte proféctus est ad vos. Mísimus étiam cum illo fratrem, cujus laus est in Evangélio per omnes Ecclésiās : Non solum autem, sed et ordinátus est ab Ecclésiis comes peregrinationis nostræ in hanc grátiam, quæ ministrátur a nobis ad Dómini glóriam, et destinátam voluntátem nostram : Devitantes hoc, ne quis nos vituperet in hac plenitúdine, quæ ministrátur a nobis. Providemus enim bona non solum

coram Deo, sed étiam coram homínibus. Mísimus autem cum illis et fratrem nostrum, quem probávimus in multis sæpe sollicitum esse : nunc autem multo sollicitiorem, confidéntia multa in vos, sive pro Tito, qui est sócius meus, et in vos adjútor, sive fratres nostri, Apóstoli Ecclesiárum, glória Christi. Ostensionem ergo, quæ est caritátis vestræ, et nostræ glóriæ pro vobis, in illos osténdite in faciém Ecclesiárum.

℣. Ps. 36 Os justi meditabitur sapiéntiam, et lingua ejus loquétur judícium. *℣.* Lex Dei ejus in corde ipsius : et non supplantabúntur gressus ejus.

Allelúia, allelúia. *℣.* Isa. 41 Primus ad Sion dicet : Ecce adsum, et Jerúsalem evangelístam dabo. Allelúia.

✠ Sequéntia sancti Evangélii
secúndum Lucam. c. 10

IN illo témpore : Designávit Dóminus et álios septuaginta duos, et misit illos binos ante faciém suam in omnem civitátem et locum, quo erat ipse ventúrus. Et dicébat illis : Messis quidem multa, operárii autem pauci. Rogáte ergo dóminum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sáculum, neque peram, neque calceaménta, et néminem per viam salutavéritis. In quamcúmque domum intravéritis, primum dicite : Pax huic

dómu : Et si ibi fuerit filius pacis, requiescet super illum pax vestra : Sin autem, ad vos revertetur. In eadem autem domo manete, edentes, et bibentes quæ apud illos sunt : Dignus est enim operarius mercède sua. Nolite transire de domo in domum. Et in quamcúmque civitatem intraveritis, et susceperint vos, manducate quæ apponuntur vobis : Et curate infirmos, qui in illa sunt, et dicite illis : Appropinquavit in vos regnum Dei.

Credo.

Offertorium Ps. 20 Posuisti Dómine in capite ejus coronam de lapide pretioso : vitam petiit a te, et tribuisti ei.

Secreta

DONIS cælestibus da nobis, quæsumus Dómine, libera tibi mente servire : ut múnera quæ deférimus, interveniente beato Evangelista tuo Luca, et medelam nobis operentur, et glóriam. Per Dóminum.

Præfatio de Apostolis.

Communio Matth. 25 Dómine, quinque talenta tradidisti mihi, ecce alia quinque superlucratus sum. Euge serve bone, et fidelis, quia in pauca fuisti fidelis, supra multa te constituam, intra in gaudium domini tui.

Postcommunio

REPLETI, Dómine, benedictiône cælesti, suppliciter exoramus : ut quod fragili celebramus officio; beati Lucæ

Evangelistæ tui nobis prodésse sentiámus auxilio : Per Dóminum.

Die 19 Octobris

S. PETRI DE ALCANTARA Confessoris (d.)

Officium Justus, ut in Comm. Conf. non Pont., pag. 22*, cum Evangelio Nolite timere, pag. 23*

Oratio

DEUS, qui beátum Petrum Confessorem tuum admirabilis pœnitentiæ, et altissimæ contemplationis múnere illustrare dignatus es : da nobis, quæsumus; ut ejus suffragantibus méritis, carne mortificati facilius cælestia capiamus : Per Dóminum.

Secreta

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dóminum.

Postcommunio

QUÆSUMUS omnipotens Deus : ut qui cælestia aliménta percépimus; intercedente beato Petro Confessore tuo, per hæc contra omnia adversa muniamur : Per Dóminum.

Die 21 Octobris

B. PETRI A TIFERNO

Conf. Ord. Præd. (*sd.*)Officium Os justi, ut in Communi
Conf. non Pont., pag. 23*

Oratio

DEUS, qui fidèles tuos memorantes novissima, nunquam peccaturos prænuntiasti : fac nos beāti Petri Confessoris tui precibus et exemplis, ita temporalem mortem mente recollere; ut iūgiter admissa peccata flentes, vitemus æternam : Per Dóminum.

De SS. Ursula et Sociabus
VV. et MM. Oratio

DA nobis, quæsumus Dómine Deus noster, sanctarum Virginum et Mátyrum tuarum Ursulæ et sociarum ejus palmas incessabili devotione venerari : ut quas digna mente non possumus celebrare; humilibus saltem frequentemus obsequiis : Per Dóminum.

Secreta C

PRÆSTA nobis, quæsumus omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dóminum.

De SS. Ursula et Soc. Secreta

HOSTIARUM nostrarum tibi, Dómine quæsumus, devotio placeat : et quod in ea pro nostra fragilitate deest, beatæ Ursulæ, sociarumque

ejus intercessio suppleat gloriosa. Per Dóminum.

Postcommunio C

QUÆSUMUS omnipotens Deus : ut qui cælestia alimenta percipimus; intercedente beato Petro Confessore tuo, per hæc contra omnia adversa muniamur : Per Dóminum.

De SS. Ursula et Soc.

Postcommunio

PRÆSTA nobis, quæsumus Dómine, intercedentibus sanctis Virginitibus et Martyribus tuis; ut quod ore contigimus, pura mente capiamus : Per Dóminum.

Die 22 Octobris

IN ANNIVERSARIO
DEDICATIONIS
ECCLESIAE*Totum Duplex I classis
cum Octava simplici*

Officium Terribilis est, pag. 2*

Die 23 Octobris

B. BARTHOLOMÆI
DE BREGANTIAEp. et Conf. Ord. Præd. (*sd.*)

Officium Eccli. 45

STATUIT ei Dóminus testamentum pacis, et principem fecit eum : ut sit illi sacerdotii dignitas in æternum. *℟. Ps. 88* Misericordias Dómini in æternum cantábo. Glória Patri. Glória in excelsis.

Oratio

DEUS, qui in fidei hóstibus ab errórum ténebris ad veritátis lucem adducéndis, et in pópulis ad pacem et concórdiam revocándis, beátum Bartholomáeum Confessórem tuum atque Pontíficem mirábilem effecísti : ejus intercessióne concéde; ut pax tua, quæ exsúperat omnem sensum, custódiat corda nostra et intelligéntias nostras in Christo Jesu Dómino nostro : Qui tecum vivit et regnat in unitáte Spíritus Sancti Deus.

Lectio Libri Sapiéntiæ.

Eccli. 44 et 45

ECCE sacérdos magnus, qui in diébus suis plácuít Deo, et invéntus est justus : Et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictionem ómnium gén-tium dedit illi : et testaméntum suum confirmávit super caput ejus. Agnóvit eum in benedictionibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum : et dedit illi corónam glóriæ. Státuit illi testaméntum ætérnum : et dedit illi sacerdotíum magnum, et beatificávit illum in glória. Fungi sacerdotio, et habére laudem in nómine ipsius : Et offérre illi incénsus dignum in odórem suavitátis.

℟. Ps. 109 Jurávit Dóminus, et non pœnitébit eum : Tu es sacérdos in ætérnum secúndum órđinem Melchisedech. ℣. Dixit Dóminus Dómino meo : Sede a dextris meis.

Allelúia, allelúia. ℣. Ps. 88 Invéni David servum meum : óleo sancto meo unxi eum. Allelúia.

✠ Sequéntia sancti Evangélíi secúndum Matthæum. c. 24

IN illo témpore : Dixit Jesus discípulis suis : Vigiláte, quia nescítis qua hora Dóminus vester ventúrus sit. Illud autem scitóte, quóniam si sciret paterfamilias qua hora fur ventúrus esset, vigiláret úti-que, et non síneret pérfodi domum suam. Ideo et vos estóte parátí : quia qua nescítis hora Filius hóminis ventúrus est. Quis, putas, est fidélis servus, et prudens, quem constituit dóminus suus super familiam suam, ut det illis cibum in témpore? Beátus ille servus, quem cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

Offertorium Ps. 91 Justus ut palma florébit : sicut cedrus, quæ in Líbano est, multiplicábitur.

Secreta

ACCEPTA sit in conspéctu tuo Dómine nostra devótio : ut ejus nobis fiat supplicatióne salutáris, pro cujus solemnitáte defértur. Per Dóminum.

Communio Matth. 24 Beátus servus, quem cum vénerit dóminus, invénerit vigilátem : amen dico vobis, super ómnia bona sua constituet eum.

Postcommunio

DA, quæsumus Dómine, fidélibus tuis, Sanctórum tuórum semper veneratióne lætári; et eórum perpétua supplicatióne muniri : Per Dóminum.

Die 24 Octobris

S. RAPHAELIS Archangeli
Totum Duplex

Officium Ps. 102

BENEDICITE Dóminum omnes Angeli ejus : poténtes virtúte, qui fácitis verbum ejus, ad audiéndam vocem sermónum ejus. *℟.* Benedic ánima mea Dómino : et ómnia, quæ intra me sunt, nómini sancto ejus. **Glória Patri. Glória in excélsis.**

Oratio

DEUS, qui beátum Raphaélem Archángelum Tobíæ fámulo tuo cómitem dedisti in via : concéde nobis fámulis tuis, ut ejúsdem semper protegámur custódia; et muniámur auxílio : Per Dóminum.

Lectio Libri Tobíæ. c. 12

IN diébus illis : Dixit Angelus Ráphaél ad Tobíam : Etenim sacraméntum regis abscondere bonum est : ópera autem Dei reveláre et confitéri honoríficum est. Bona est orá-

tio cum jejúnio, et eleemósyna magis quam thesáuros auri recóndere : Quóniam eleemósyna a morte liberat, et ipsa est, quæ purgat peccáta, et facit inveníre misericórdiam et vitam ætérnam. Qui autem faciunt peccátum, et iniquitátem, hostes sunt ánimæ suæ. Manifésto ergo vobis veritátem, et non abscondam a vobis occúltum sermónem. Quando orábas cum lácrimis, et sepeleíbas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratiónem tuam Dómino. Et quia accéptus eras Deo, necesse fuit ut tentátio probáret te. Et nunc misit me Dóminus ut curárem te, et Saram uxórem filii tui a dæmónio liberárem. Ego enim sum Ráphaél Angelus, unus ex septem, qui astámus ante Dóminum.

℟. **Ps. 148** Laudáte Dóminum de cælis : laudáte eum in excélsis. *℟.* Laudáte eum omnes Angeli ejus : laudáte eum omnes virtútes ejus.

Allelúia, allelúia. ℟. Ps. 137 In conspéctu Angelórum psallam tibi : adorábo ad templum sanctum tuum, et confitébor nómini tuo. Allelúia.

✠ **Sequéntia sancti Evangélíi**
secúndum Joánnem. **c. 5**

IN illo témpore : Erat dies festus Judæórum, et ascéndit Jesus Jerosólymam. Est autem Jerosólymis Probática piscína, quæ cognomináture Hebráice

Bethsáida, quinque pórticus habens. In his jacébat multitúdo magna languéntium, cæcórú, claudórum, aridórum, exspectántium aquæ motum. Angelus autem Dómini descendébat secúndum tempus in piscinam : et movebátur aqua. Et qui prior descendisset in piscinam post motiónem aquæ, sanus fiébat a quacúmque detinebátur infirmitate. **Credo.**

Offertorium Apoc. 8 Stetit Angelus juxta aram templi, habens thuribulum áureum in manu sua : et data sunt ei incénsa multa : et ascéndit fumus arómatum in conspéctu Dei.

Secreta

HOSTIAS tibi, Dómine, laudis offérimus, suppliciter deprecántes : ut eásdem, Angélico pro nobis interveniéntem suffrágio, et placátus accipias, et ad salutem nostram provenire concédas. Per Dóminum.

Communio Angeli, Archángeli, Principátus, et Potestátes, Virtútes cælórum, Dominationés, et Throni, Chérubim, atque Séraphim Dóminum benedicite in ætérnum.

Postcommunio

REPLETI, Dómine, benedictióne cælésti, suppliciter implorámus : ut quod frágili celebrámus officio; sanctórum Angelórum atque Archangelórum nobis prodésse sentiámus auxilio : Per Dóminum.

Die 25 Octobris

**SS. CRISPINI
ET CRISPINIANI Mart.**

Memoria

Oratio

DEUS, qui nos concédís sanctórum Mártyrum tuórum Crispini et Crispiniáni natalitia cólere; da nobis in ætérna beatitúdine de eórum societáte gaudére : Per Dóminum.

Secreta

MUNERA tibi, Dómine, nostræ devotiónis offérimus : quæ et pro tuórum tibi grata sint honóre Sanctórum, et nobis salutária, te miseránte, reddántur. Per Dóminum.

Postcommunio

PRÆSTA nobis, quæsumus Dómine, intercedéntibus sanctis Mártyribus tuis Crispino et Crispiniáno; ut quæ ore contigimus, pura mente capiámus : Per Dóminum.

Die 26 Octobris

B. DAMIANI A FINARIO

Conf. Ord. Præd. (sd.)

Officium Os justi, ut in Comuni Conf. non Pont., pag. 23*

Oratio

DEUS, qui fidélium salúti procurándæ, beátum Damiánum Confessórem tuum, et mira dicéndi vi, et virtútibus decorásti : præsta quæsumus, ut ejus intercessióne et exémplo; veram caritátem verbo et ópere exhibeámus : Per Dóminum.

Secreta

SUSCIPE Dómine hanc hóstiam, quam tibi immolámus : et méritis beáti Damiáni Confessóris tui præsta, ut sicut ipse se tibi in sacrificium obtulit, ita nos ad te omnes afféctus cordis dirigámus. Per Dóminum.

Postcommunio

SACRAMENTUM Córporis et Sánguini tui, Dómine, quod sumpsimus, sit fragilitátis nostræ subsidium : ut beátum Damiánum Confessórem tuum imitánte; viam mandatórum tuórum currámus : Qui vivis et regnas cum Deo Patre; in unitáte.

Die 27 Octobris

In Vigilia

SS. SIMONIS ET JUDÆ
Apostolorum

Officium

Ps. 78

INTRET in conspéctu tuo, Dómine, gémitus compeditórum : redde vicinis nostris séptuplum in sinu eórum : víndica sánguinem sanctórum tuórum, qui effúsus est. *℣.* Deus venérunt gentes in hereditátem tuam, polluérent templum sanctum tuum : posuérunt Jerúsalem in pomórum custódiam. Glória Patri.

Oratio

CONCEDE, quæsumus omnipotens Deus : ut sicut Apostolórum tuórum Simónis et Judæ gloriósa natalítia præ-

venímus; sic ad tua beneficia promerénda, majestátem tuam pro nobis ipsi præveniant : Per Dóminum.

Léctio Epístolæ beáti Pauli
Apóstoli ad Corínthios.

1, c. 4

FRATRES : Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo : Nos infirmi, vos autem fortes : Vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operánte mánuibus nostris : Maledicimur, et benedicimus : Persecutióne pátimur, et sustinémus : Blasphemámur, et obsecrámus : Tamquam purgamenta hujus mundi facti sumus, ómnium perípsema usque adhuc. Non ut confúndam vos, hæc scribo, sed ut filios meos caríssimos móneo : In Christo Jesu Dómino nostro.

℟. Ps. 78 Víndica Dómine sánguinem sanctórum tuórum, qui effúsus est. *℣.* Posuérunt mortália servórum tuórum, escas volatilibus cæli : carnes sanctórum tuórum béstiis terræ.

✠ Sequéntia sancti Evangélii
secúndum Joánnem. c. 15

IN illo témpore : Dixit Jesus discipulis suis : Ego sum vitis vera : et Pater meus agrícola est. Omnem pálmitem in

me non feréntem fructum, tollet eum : et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me : et ego in vobis. Sicut palmes non potest ferre fructum a semetipso, nisi mánserit in vite : sic nec vos, nisi in me manséritis. Ego sum vitis, vos pálmities : Qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit : mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint : quodcúmque voluéritis petétis, et fiet vobis.

Offertorium Ps. 149 Exsultábunt sancti in glória, lætábúntur in cubilibus suis : exaltatiónes Dei in fáucibus eórum.

Secreta

MUNERIBUS nostris, Dómine, sanctórum Apostolórum tuórum Simónis et Judæ festa præcedimus, te suppliciter deprecántes, ut quæ consciéntiæ nostræ præpediúntur obstáculis, illórum méritis grata reddántur. Per Dóminum.

Præfatio communis.

Communio Sap. 3 Justórum ánimæ in manu Dei sunt, et non tanget illos torméntum malitiæ : visi sunt óculis insipiéntium mori : illi autem sunt in pace.

Postcommunio

SUMPTO, Dómine, sacraménto, suppliciter deprecámur : ut intercedéntibus beátis Apóstolis tuis Simóne et Juda; quod temporáliter gérimus, ad vitam capiámus ætérnam : Per Dóminum.

Die 28 Octobris

SS. SIMONIS ET JUDÆ
Apostolorum (II cl.)

Officium

Ps. 138

MHI autem nimis honoráti sunt amici tui, Deus : nimis confortátus est principátus eórum. **℟.** Dómine probásti me, et cognovisti me : tu cognovisti sessiόνem meam, et resurrectiόνem meam. **Glória Patri.** **Glória in excélsis.**

Oratio

DEUS, qui nos per beátos Apóstolos tuos Simónem et Judam, ad agnitióem tui nóminis veníre tribuísti : da nobis eórum glóriam sempitérnam et proficiéndo celebráre; et celebrándo proficere : Per Dóminum.

Lectio Epístolæ beáti Pauli
Apóstoli ad Ephésios. c. 4

FRATRES : Unicuique nostrum data est grátia secundum mensúram donatiónis Christi. Propter quod dicit : Ascéndens in altum captivam duxit captivitátem : dedit dona homínibus. Quod autem ascendit, quid est, nisi quia et descendit primum in inferiôres

partes terræ? Qui descendit, ipse est et qui ascendit super omnes cælos, ut impleret omnia. Et ipse dedit quosdam quidem Apóstolos, quosdam autem Prophétas, álios vero Evangelistas, álios autem pastóres, et doctóres ad consummationem sanctórum in opus ministérii, in ædificationem córporis Christi : donec occurrámus omnes in unitatem fidei, et agnitiónis Filii Dei, in virum perfectum, in mensúram ætátis plenitudinis Christi.

℟. Ps. 138 Nimis honoráti sunt amici tui, Deus : nimis confortátus est principátus eórum. ℣. Dinumerábo eos, et super arénam multiplicabúntur.

Allelúia, allelúia. ℣. Joan. 15 Non vos me elegistis : sed ego elégi vos, et pósui vos ut eátis, et fructum afferátis : et fructus vester máneat. Allelúia.

✠ Sequéntia sancti Evangélii secúndum Joánnem. c. 15

IN illo témpore : Dixit Jesus discípulis suis: Hæc mando vobis, ut diligátis invicem. Si mundus vos odit : scitóte quia me priórem vobis ódio hábuit. Si de mundo fuissétis : mundus quod suum erat diligeret : Quia vero de mundo non estis, sed ego elégi vos de mundo, proptérea odit vos mundus. Mementóte sermónis mei, quem ego dixi vobis, Non est servus major dómno suo. Si me persecúti sunt, et vos persecúntur : Si sermónem

meum servavérunt, et vestrum servábunt. Sed hæc ómnia fácient vobis propter nomen meum : quia nésciunt eum, qui misit me. Si non venissem, et locútus fuissem eis, peccátum non habérent : Nunc autem excusatiónem non habent de peccáto suo. Qui me odit : et Patrem meum odit. Si ópera non fecissem in eis quæ nemo álius fecit, peccátum non habérent : Nunc autem et vidérunt, et odérunt et me et Patrem meum. Sed ut adimpleátur sermo, qui in lege eórum scriptus est, Quia ódio habuérunt me gratis. Credo.

Offertorium Ps. 18 In omnem terram exivit sonus eórum : et in fines orbis terræ verba eórum.

Secreta

GLORIAM, Dómine, sanctórum Apostolórum tuórum Simónis et Judæ perpétuam venerántes, quæsumus, ut eam, sacris mystériis expiáti, dignius celebrémus. Per Dóminum.

Præfatio de Apostolis.

Communio Matth. 19 Vos, qui secúti estis me, sedébitis super sedes, judicántes duódecim tribus Israël.

Postcommunio

PERCEPTIS, Dómine, sacraméntis, súppliques te rogámus : ut intercedéntibus beátiis Apóstolis tuis Simóne et Juda, quæ pro illórum veneránda gérimus passióne; nobis proficiant ad medélam : Per Dóminum.

Die 30 Octobris

B. BENVENUTÆ BOJANI
Virg. Ord. Præd. (sd.)Officium Gaudeamus, ut in Comm.
Virg. non Mart., pag. 30*

Oratio

GRATIAM nobis, Dómine, pœnitentiæ, orationis, et humilitatis infunde : ut beátæ Benvenútæ Virginis imitatione possimus, et carnem mortificantes, spíritu vivere; et cælestia júgiter cogitantes, nosque despicientes, in te solo Deo réquiem et glóriam invenire : Per Dóminum.

Secreta **C**

ACCEPTA tibi sit, Dómine, sacratæ plebis oblatio pro tuórum honóre Sanctórum, quorum se méritis de tribulatione percepisse cognóscit auxilium. Per Dóminum.

Postcommunio **C**

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrámus : Per Dóminum.

Die 31 Octobris

SACRARUM
RELIQUIARUMquæ in ecclesiis nostris
asservantur (t. d.)Officium **Ps. 33**

MULTÆ tribulationes justórum, et de his ómnibus liberávit eos Dóminus : Dóminus custódit

ómnia ossa eórum : unum ex his non conterétur. **℟.** Benedicam Dóminum in omni tēpore : semper laus ejus in ore meo. Glória Patri. Glória in excélsis.

Oratio

DEUS, qui hanc sacrosántam ecclésiā tot voluisti Sanctórum decorári Reliquiis : concède nobis fámulis tuis, ut quorum memóriam venerámur in terris; eórum consórtio perfruámur in cælis : Per Dóminum.

De S. Quintino Martyre

Oratio

ADESTO Dómine supplicationibus nostris : ut qui ex iniquitate nostra reos nos esse cognóscimus : beáti Quintíni Mártiris tui intercessióne liberémur : Per Dóminum.

Léctio Libri Sapiéntiæ.

Eccli. 44

HI viri misericórdiæ sunt, quorum pietates non defuérunt : Cum sémine eórum pérmanent bona, heréditas sancta nepótes eórum : Et in testaméntis stetit semen eórum : et filii eórum propter illos usque in ætérnum manent : Semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum nuntiet ecclésia.

℟. Ps. 149 Exsultábunt sancti in glória : lætabúntur in cubilibus suis. **℟.** Cantáte

Dómino canticum novum :
laus ejus in ecclesia sanctó-
rum.

Allelúia, allelúia. **Ps. 67**
Justi epuléntur, et exsúltent
in conspéctu Dei : et delectén-
tur in lætítia. Allelúia.

✠ **Sequéntia sancti Evangélíi**
secúndum Lucam. **c. 6**

IN illo témpore : Descéndens
Jesus de monte, stetit in
loco campéstri, et turba disci-
pulórum ejus, et multitúdo co-
piósa plebis ab omni Judæa,
et Jerúsalem, et marítima, et
Tyri, et Sidónis, qui vénerant
ut audírent eum, et sanarén-
tur a languóribus suis. Et qui
vexabántur a spirítibus im-
múndis, curabántur. Et omnis
turba quærébat eum tângere :
quia virtus de illo exíbat, et
sanábat omnes. Et ipse ele-
vátis óculis in discipulos suos,
dicébat : Beáti páuperes : quia
vestrum est regnum Dei.
Beáti, qui nunc esurítis : quia
saturabímíní. Beáti, qui nunc
fletis : quia ridébitis. Beáti
éritis cum vos óderint hómi-
nes, et cum separáverint vos,
et exprobráverint, et ejécerint
nomen vestrum tamquam ma-
lum, propter Fílium hóminis.
Gaudéte in illa die, et exsul-
táte : ecce enim merces vestra
multa est in cælo.

Credo. **Dicatur tantum in ecclesiis**
Ordinis.

Offertorium Ps. 67 Mirábilis
Deus in sanctis suis, Deus
Israël ipse dabit virtútem, et
fortitúdinem plebi suæ, bene-
dictus Deus.

Secreta

MUNERA tua, miséricors
Deus, majestáti tuæ
obláta benigno, quæsumus,
súscipe intúitu : ut eórum
nobis précibus fiant salutária,
quorum benedíctas in ecclesia
ista Relíquias venerámur. Per
Dóminum.

De S. Quintino Secreta

MUNERIBUS nostris, quæ-
sumus Dómine, preci-
búsque suscéptis : interce-
dente beáto Quintíno Mártire
tuo, et cæléstibus nos munda
mystériis, et cleménter exáudi.
Per Dóminum.

Communio Ps. 32 Gaudéte
justi in Dómino : rectos decet
collaudátio.

Postcommunio

DIVINA, Dómine, libántes
mystéria, te deprecá-
mur : ut per mérita Sanctó-
rum, quorum venerábiles Re-
líquiæ in ista requiéscunt ec-
clésia, peccatórum nostrórum
véniám mereámur; et cæléstis
grátiae donis reficiámur : Per
Dóminum.

De S. Quintino

Postcommunio

QUÆSUMUS omnipotens
Deus : ut qui cæléstia ali-
ménta percépimus; interce-
dente beáto Quintíno Mártire
tuo, per hæc contra ómnia
adversa muniámur : Per Dó-
minum nostrum Jesum Chri-
stum Fílium tuum : Qui tecum
vivit et regnat.

Eadem die

In Vigilia

OMNIUM SANCTORUM

Officium

Ps. 33

TIMETE Dóminum omnes sancti ejus, quóniam nihil deest timéntibus eum : dívites eguérunt et esuriérunt : inquirentes autem Dóminum non deficient omni bono. *℟.* Benedicam Dóminum in omni témpore : semper laus ejus in ore meo. *Glória Patri.*

Oratio

DOMINE Deus noster, multiplica super nos grátiam tuam : et quorum prævenimus gloriósa solémnia; tríbe subsequi in sancta professione lætítiam. Per Dóminum.

Lectio Libri Apocalýpsis beáti Joánnis Apóstoli.

c. 5

IN diébus illis : Ecce ego Joánnes vidi in médio throni et quátuor animálium, et in médio seniórum, Agnum stantem tamquam occísus, habéntem cónua septem, et óculos septem : qui sunt septem spíritus Dei, missi in omnem terram. Et venit : et accépit de dextera sedéntis in throno librum. Et cum aperuísset librum, quátuor animália, et vigínti quátuor senióres cecidérunt coram Agno, habéntes singuli cítharas, et phíalas áureas plenas odóramentórum, quæ sunt oratiónes sanctórum : Et cantábant cánticum novum, dicéntes : Dignus es Dómine accipere librum, et aperíre signácula ejus : quóniam occísus es, et

redemísti nos Deo in Sáanguine tuo ex omni tribu, et lingua, et pópulo, et natióne : Et fecísti nos Deo nostro regnum, et sacerdótes : et regnábimus super terram. Et vidi, et audívi vocem Angelórum multórum in circúitu throni, et animálium, et seniórum : et erat númerus eórum millia millium, dicéntium voce magna : Dignus est Agnus, qui occísus est, accipere virtútem, et divinitátem, et sapiéntiam, et fortitúdinem, et honórem, et glóriam, et benedictiónem, in sæcula sæculórum. Amen.

℟. Exodi 15 Gloriósus Deus in sanctis suis : mirábilis in majestáte, fáciens prodigia.

℟. Dextera tua Dómine glori ficáta est in virtúte : dextera manus tua confrégit inimicos.

✠ Sequéntia sancti Evangélii secúndum Lucam.

c. 6

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audirent eum, et sanaréntur a languóribus suis. Et qui vexabántur a spiritibus im mún dis, curabántur. Et omnis turba quærébat eum tângere : quia virtus de illo exíbat, et sanábat omnes. Et ipse elevátis óculis in discipulos suos, dicébat : Beáti páuperes : quia vestrum est regnum Dei. Beáti, qui nunc esuritis : quia saturabimini. Beáti, qui nunc fletis : quia

ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exsultáte : ecce enim merces vestra multa est in cælo.

Offertorium Ps. 31 Lætámini in Dómino, et exsultáte justi : et gloriámini omnes recti corde.

Secreta

ALTARE tuum, Dómine, munéribus cumulámus oblátis : da quæsumus, ut ad

salútem nostram ómnium Sanctórum tuórum deprecaciónē proficiant, quorum solémnia ventúra præcúrrimus. Per Dóminum.

Communio Joann. 15 Ego vos elégi de mundo, ut eátis, et fructum afferátis : et fructus vester máneat.

Postcommunio

SACRAMENTIS, Dómine, et gáudiis optátæ celebritátis explétis : quæsumus, ut eórum précibus adjuvémur; quorum recordationibus exhibéntur : Per Dóminum.

Dominica ultima Octobris

IN FESTO

D. N. JESU CHRISTI REGIS

Totum Duplex I classis

Officium Apoc. 5, 12; 1, 6

DIGNUS est Agnus, qui occísus est, accipere virtútem, et divinitátem, et sapiéntiam, et fortitúdinem, et honórem. Ipsi glória et impérium in sæcula sæculórum. **℟. Ps. 71** Deus, iudícium tuum Regi da : et justítiam tuam Filio Regis. **Glória Patri. Glória in excélsis.**

Oratio

OMNIPOTENS sempitérne Deus, qui in dilécto Filio tuo, universórum Rege, ómnia instauráre voluísti : concéde

propítius ut cunctæ familiæ Géntium, peccáti vúlnerē disgregátæ; ejus suavíssimo subdántur império : Qui tecum.

Et fit Memoria Dominicæ occurrentis.

Léctio Epístolæ beáti Pauli Apóstoli ad Colossénses. c. 1

FRATRES : Grátias ágimus Deo Patri, qui dignos nos fecit in partem sortis sanctórum in lúmine, qui erípuit nos de potestáte tenebrárum, et transtulit in regnum Filii dilectiónis suæ, in quo habémus redemptionem per ságuinem

ejus, remissionem peccatorum. Qui est imago Dei invisibilis, primogenitus omnis creaturæ; quoniam in ipso condita sunt universa in cælis et in terra, visibilia, et invisibilia, sive throni, sive dominationes, sive principatus, sive potestates: omnia per ipsum, et in ipso creata sunt: et ipse est ante omnes, et omnia in ipso constant. Et ipse est caput corporis Ecclesiæ, qui est principium, primogenitus ex mortuis, ut sit in omnibus ipse primatum tenens, quia in ipso complacuit omnem plenitudinem inhabitare, et per eum reconciliare omnia in ipsum, pacificans per sanguinem crucis ejus sive quæ in terris, sive quæ in cælis sunt, in Christo Jesu Domino nostro.

℟. **Ps. 71** Dominabitur a mari usque ad mare, et a flumine usque ad terminos orbis terrarum. ℣. Et adorabunt eum omnes reges terræ: omnes Gentes servient ei.

Alleluia, alleluia. ℣. **Dan. 7** Potestas ejus, potestas æterna, quæ non auferetur: et regnum ejus, quod non corrumpetur. Alleluia.

✠ **Sequentia sancti Evangelii** secundum Joannem. c. 18

IN illo tempore: Dixit Pilatus ad Jesum: Tu es Rex Judæorum? Respondit Jesus: A temetipso hoc dicis, an alii dixerunt tibi de me? Respondit Pilatus: Numquid ego Judæus sum? Gens tua et pontifices tradiderunt te mihi; quid fecisti? Respondit Jesus:

Regnum meum non est de hoc mundo. Si ex hoc mundo esset regnum meum, ministri mei utique decertarent, ut non traderer Judæis; nunc autem regnum meum non est hinc. Dixit itaque ei Pilatus: Ergo Rex es tu? Respondit Jesus: Tu dicis quia Rex sum ego. Ego in hoc natus sum, et ad hoc veni in mundum, ut testimonium perhibeam veritati; omnis qui est ex veritate, audit vocem meam. **Credo.**

Offertorium Ps. 2 Postula a me, et dabo tibi Gentes hereditatem tuam, et possessionem tuam terminos terræ.

Secreta

HOSTIAM tibi, Domine, humanæ reconciliationis offerimus: præsta, quæsumus; ut Quem sacrificiis presentibus immolamus, Ipse cunctis Gentibus unitatis et pacis dona concedat, Jesus Christus Filius tuus Dominus noster: Qui tecum.

Et fit Memoria Dominicæ occurrentis.

Præfatio propria, pag. 200

Communio Ps. 28 Sedebit Dominus Rex in æternum: Dominus benedicet populo suo in pace.

Postcommunio

IMMORTALITATIS alimoniam consecuti, quæsumus, Domine: ut, qui sub Christi Regis vexillis militare gloriamur, cum Ipso, in cælesti sede, jûgiter regnare possimus: Qui tecum.

Et fit Memoria Dominicæ occurrentis, cujus Evangelium legitur in fine.

In Missis votivis post Septuagesimam, omissis Allelúia et Versu sequenti, dicitur

Tractus Ps. 88 Ipse invocábit me : Pater meus es tu : Deus meus, et suscéptor salútis meæ. **℟.** Et ego primogénitum ponam illum : excélsus præ régibus terræ. **℟.** Et ponam in sæculum sæculi semen ejus : et thronum ejus sicut dies cæli.

Temp. Pasch. : Allelúia, allelúia. **℟. Dan. 7** Potéstas ejus, potéstas æténa, quæ non auferétur : et regnum ejus quod non corrumpétur.

Allelúia. ℟. Apoc. 19 Habet in vestiménto et in fémore suo scriptum : Rex regum, et Dóminus dominántium. Allelúia.

IN FESTO OMNIUM SANCTORUM

Totum Duplex I classis cum Octava solemni

Officium

GAUDEAMUS omnes in Dómino, diem festum celebrántes sub honóre Sanctórum ómnium, de quorum sollemnitate gaudent Angeli, et colláudant Fílium Dei. **Ps. 32** Exsultáte justi in Dómino : rectos decet collaudátio. **Glória Patri. Glória in excélsis.**

Oratio

OMNIPOTENS sempitérne Deus, qui nos ómnium Sanctórum tuórum mérita sub una tribuísti celebritáte venerári : quæsumus, ut desiderátam nobis tuæ propitiatiónis abundantiam; multiplicátis intercessóribus, largiáris : Per Dóminum.

Léctio Libri Apocalýpsis beáti Joánnis Apóstoli. c. 7

IN diébus illis : Ecce ego Joánnes vidi álterum Angelum ascendéntem ab ortu

solis, habéntem signum Dei vivi : et clamávit voce magna quátuor Angelis, quibus datum est nocére terræ et mari, dicens : Nolíte nocére terræ et mari, neque arbóribus, quoadúsque signémus servos Dei nostri in fróntibus eórum. Et audivi númerum signatórum, centum quadraginta quátuor millia signáti, ex omni tribu filiórum Israël. Ex tribu Juda duódecim millia signáti : Ex tribu Ruben duódecim millia signáti : Ex tribu Gad duódecim millia signáti : Ex tribu Aser duódecim millia signáti : Ex tribu Néphthali duódecim millia signáti : Ex tribu Manásse duódecim millia signáti : Ex tribu Símeon duódecim millia signáti : Ex tribu Levi duódecim millia signáti : Ex tribu Issachar duódecim millia signáti : Ex tribu Zábulon duódecim millia signáti : Ex tribu Joseph duódecim millia signáti : Ex tribu Bénjamin

duódecim millia signáti. Post hæc vidi turbam magnam, quam dinumeráre nemo pót-erat ex ómnibus géntibus, et tribubus, et pópulis, et linguis : stantes ante thronum, et in conspéctu Agni, amícti stolis albis, et palmæ in má-nibus eórum : Et clamábant voce magna dicétes : Salus Deo nostro, qui sedet super thronum, et Agno. Et omnes Angeli stabant in circúitu throni, et seniórum, et quá-tuor animálium : Et cecidé-runt in conspéctu throni in fácies suas, et adoravérunt Deum, dicétes, Amen. Benedictio, et cláritas, et sapiéntia, et gratiárum áctio, honor, et virtus, et fortitúdo Deo nostro in sæcula sæculórum. Amen.

℟. **Ps. 33.** Timéte Dóminum omnes sancti ejus : quóniam nihil deest timéntibus eum.

℣. Inquirétes autem Dómi-num non deficient omni bono.

Allelúia, allelúia. ℣. **Sap. 3** Judicábunt sancti natiónes, et dominabúntur pópulis, et regnábit illórum Rex in ætér-num. Allelúia.

✠ **Sequéntia sancti Evangélli** secúndum Matthæum. **c. 5**

IN illo témpore: Videns Jesus turbas, ascéndit in mon-tem, et cum sedisset, accessé-runt ad eum discipuli ejus, et apériens os suum docébat eos, dicens : Beáti páuperes spí-ritu : quóniam ipsórum est regnum cælórum. Beáti mi-tes : quóniam ipsi possidébunt terram. Beáti, qui lugent : quóniam ipsi consolabúntur.

Beáti, qui esúriunt, et sítiunt justitiam : quóniam ipsi satu-rabúntur. Beáti misericórdes : quóniam ipsi misericórdiam consequéntur. Beáti mundo corde : quóniam ipsi Deum vidébunt. Beáti pacífici : quóniam filii Dei vocabúntur. Beáti, qui persecutiónem pa-tiúntur propter justitiam : quóniam ipsórum est regnum cælórum. Beáti estis cum ma-ledixerint vobis, et persecúti vos fúerint, et dixerint omne malum advérsus vos men-tiéntes, propter me : Gaudéte, et exsultáte, quóniam merces vestra copiósa est in cælis.

Credo.

Offertorium Ps. 67 Mirábilis Deus in sanctis suis, Deus Israël ipse dabit virtútem, et fortitúdinem plebi suæ, benedictus Deus.

Secreta

MUNERA tibi, Dómine, no-stræ devotiónis offéri-mus : quæ et pro cunctórum tibi grata sint honóre Sanctórum, et nobis salutária, te miseránte, reddántur. Per Dóminum.

Communio Ps. 32 Gaudéte justi in Dómino, allelúia : re-ctos decet collaudátio, allelúia.

Postcommunio

DA, quæsumus Dómine, fidélibus pópulis, óm-nium Sanctórum semper ve-neratióne lætári; et eórum perpétua supplicatióne muní-ri : Per Dóminum.

Per Octavam et in Octava omnium Sanctorum fiant omnia sicut in die, excepto Credo.

Die 2 Novembris

IN COMMEMORATIONE OMNIUM FIDELIUM DEFUNCTORUM

Duplex

¶ Hac die quivis Sacerdos tres Missas celebrare potest. Qui unam dumtaxat Missam celebrat, primam legat : eandem adhibeat, qui Missam cum cantu celebrat, facta ei potestate anticipandæ secundæ ac tertiæ.

AD PRIMAM MISSAM

Officium

REQUIEM æternam dona eis, Dómine : et lux perpétua luceat eis. *℟. Ps. 64* Te decet hymnus, Deus, in Sion, et tibi reddétur votum in Jerúsalem : exáudi oratióem meam, ad te omnis caro véniet. *Réquiem æternam.*

Oratio

FIDELIUM, Deus, ómnium cónditor et redemptor : animábus famulórum, famularúmque tuárum remissionem cunctórum tribue peccatórum; ut indulgéntiam, quam semper optavérunt, piis supplicatióibus consequántur : Qui vivis.

Léctio Epistolæ beáti Pauli
Apóstoli ad Corínthios.

1, c. 15

FRATRES : Ecce mystérium vobis dico : Omnes quidem resurgémus, sed non om-

nes immutábimur. In mómento, in ictu óculi, in novíssima tuba : canet enim tuba, et mórtui resúrgent incorrupti : et nos immutábimur. Opórtet enim corruptibile hoc indúere incorruptiõem : et mortále hoc indúere immortalitatem. Cum autem mortále hoc indúerit immortalitatem, tunc fiet sermo, qui scriptus est : Absórpta est mors in victória. Ubi est mors victória tua? ubi est mors stímulus tuus? Stímulus autem mortis peccátum est : virtus vero peccáti lex. Deo autem grátias, qui dedit nobis victóriam per Dóminum nostrum Jesum Christum.

℟. Réquiem æternam dona eis, Dómine : et lux perpétua luceat eis. *℟. Ps. 111* In memória æterna erit justus : ab auditióne mala non timébit.

Tractus Absólve, Dómine, ánimas ómnium fidélium defunctorum ab omni vínculo delictórum. *℟.* Et grátia tua illis succurrénte, mereántur evádere iudiciu ultiónis, et lucis æternæ beatitúdine pérfrui.

Sequentia

DIES iræ, dies illa,
Solvat sæclum in favilla :
Teste David cum Sibylla.

Quantus tremor est futurus,
Quando iudex est venturus,
Cuncta stricte discussurus!

Tuba mirum spargens sonum
Per sepulcra regionum,
Coget omnes ante thronum.

Mors stupébit, et natura,
Cum resurget creatura,
Judicanti responsura.

Liber scriptus proferetur,
In quo totum continetur,
Unde mundus judicetur.

Judex ergo cum sedebit,
Quidquid latet, apparebit;
Nil inultum remanebit.

Quid sum miser tunc dicturus?
Quem patronum rogaturus,
Cum vix justus sit securus?

Rex tremendæ majestatis,
Qui salvandos salvas gratis,
Salva me, fons pietatis.

Recordare, Jesu pie,
Quod sum causa tuæ viæ :
Ne me perdas illa die.

Querens me, sedisti lassus :
Redemisti crucem passus :
Tantus labor non sit cassus.

Juste iudex ultionis,
Donum fac remissionis,
Ante diem rationis.

Ingemisco, tamquam reus :
Culpa rubet vultus meus :
Supplicanti parce Deus.

Qui Mariam absolvisti,
Et latronem exaudisti,
Mihi quoque spem dedisti.

Preces meæ non sunt dignæ :
Sed tu bonus fac benigne,
Ne perenni cremer igne.

Inter oves locum præsta,
Et ab hædis me sequëstra,
Statuens in parte dextra.

Confutatis maledictis,
Flammis æcribus addictis :
Voca me cum benedictis.

Oro supplex, et acclinis,
Cor contritum quasi cinis :
Gere curam mei finis.

Lacrimosa dies illa,
Qua resurget ex favilla,
Judicandus homo reus!

Huic ergo parce Deus :
Pie Jesu Domine,
Dona eis requiem. Amen.

✠ **S**equentia sancti Evangelii
secundum Joannem. **c. 5**

IN illo tempore : Dixit Jesus
turbis Judæorum : Amen,
amen dico vobis, quia venit
hora, et nunc est, quando
mortui audient vocem Filii
Dei : et qui audierint, vivent.
Sicut enim Pater habet vitam
in semetipso, sic dedit et Filio
habere vitam in semetipso :
Et potestatem dedit ei judi-
cium facere, quia Filius ho-
minis est. Nolite mirari hoc,
quia venit hora, in qua omnes,
qui in monumentis sunt, au-
dient vocem Filii Dei : et pro-
cedent, qui bona fecerunt, in
resurrectionem vitæ : qui vero
mala egerunt, in resurrectionem
judicii.

Offertorium Domine Jesu
Christe, Rex gloriæ, libera
animas omnium fidelium de-
functorum de manu inferni, et
de profundo lacu : libera eas
de ore leonis, ne absorbeat
eas tartarus, ne cadant in
obscura : sed signifer sanctus

Michaël repræsentet eas in lucem sanctam : **Q**uam olim Abrahæ promisisti, et sémini ejus. **℟.** Hóstias et preces tibi, Dómine, offérimus; tu súscipe pro animábus illis, quarum hódie memóriam ágimus : fac eas, Dómine, de morte transire ad vitam. **Q**uam olim.

Secreta

HOSTIAS, quæsumus, Dómine, quas tibi pro animábus famulórum, famulárumque tuárum offérimus, propitiátus inténde; ut quibus fidei christiánæ méritum contulisti, dones et præmium. Per Dóminum.

Communio Lux æténa lúceat eis, Dómine, cum Sanctis tuis in ætérnum : quia pius es.

Postcommunio

ANIMABUS, quæsumus, Dómine, famulórum famulárumque tuárum, orátio proficiat supplicántium : ut eas et a peccátis ómnibus éxuas; et tuæ redemptionis fácias esse partícipes : Qui vivis.

Dicto Dóminus vobíscum, **dicitur** Requiescant in pace.

℟. Amen, et non datur **Benedictio** : sed dicto secreto Pláceat, **dicitur** Evangelium S. Joannis In princípio, ut moris est.

AD SECUNDAM MISSAM

Officium

REQUIEM æténa dona eis, Dómine : et lux perpétua lúceat eis. **℟.** Ps. 64 Te decet hymnus, Deus, in Sion, et tibi reddétur votum in Jerúsalem : exáudi

oratióem meam, ad te omnis caro véniet. **Réquiem** æténam.

Oratio

DEUS, indulgentiárum Dómine; da animábus famulórum famularúmque tuárum, refrigerií sedem, quiétis beatitúdinem, et lúminis claritátem : Per Dóminum.

Léctio Libri Machabæórum.

2, c. 12

IN diébus illis : Vir fortissimus Judas, facta collatióne, duódecim millia drachmas argénti misit Jerosólymam, offérri pro peccátis mortuórum sacrificium, bene et religiósè de resurrectione cógitans. (Nisi enim eos, qui ceciderant, resurrectúros speráret, supérfluum viderétur, et vanum oráre pro mórtuis). Et quia considerábat quod hi, qui cum pietáte dormitióem accéperant, óptimam habérent repósitam grátiam. Sancta ergo, et salúbris est cogitatio pro defúctis exoráre, ut a peccátis solvántur.

℟. Réquiem æténa dona eis, Dómine, et lux perpétua lúceat eis. **℟.** Animæ eórum in bonis demoréntur, et semen eórum heréditet terram.

Tractus Absólve, Dómine, ánimas ómnium fidélium defunctorum, ab omni vínculo delictórum. **℟.** Et grátia tua illis succurrénte, mereántur evádere judiciu ultiónis, et lucis æténae beatitúdine pérfrui.

Sequentia Dies iræ, pag. 610

✠ **Sequéntia sancti Evangélíi**
secúndum Joánnem. c. 6

IN illo témpore : Dixit Jesus turbis Judæórum : Omne, quod dat mihi Pater, ad me véniet : et eum, qui venit ad me, non ejíciam foras : quia descéndi de cælo, non ut fáciam voluntátem meam, sed voluntátem ejus qui misit me. Hæc est autem volúntas ejus, qui misit me Patris : ut omne, quod dedit mihi, non perdam ex eo, sed resúscitem illud in novíssimo die. Hæc est autem volúntas Patris mei, qui misit me : ut omnis, qui videt Fílium, et credit in eum, hábeat vitam ætérnam, et ego resuscitábo eum in novíssimo die.

Offertorium Dómine Jesu Christe, Rex glóriæ, libera ánimas ómnium fidélium defunctorum de manu inférni, et de profúndo lacu : libera eas de ore leónis, ne absórbeat eas tártarus, ne cadant in obscura : sed signifer sanctus Michaél repræséntet eas in lucem sanctam : **Q**uam olim Abrahæ promisísti, et sémini ejus. **℟.** Hóstias et preces tibi, Dómine, offérimus; tu súscipe pro animábus illis, quarum hódie memóriam ágimus : fac eas, Dómine, de morte transíre ad vitam. **Q**uam olim.

Secreta

PROPITIARE, Dómine, supplicatióibus nostris, pro animábus famulorum famularúmque tuárum, pro quibus tibi offérimus sacrificium laudis; ut eas Sanctorum tuorum

consórtio sociáre dignéris. Per Dóminum.

Communio Lux ætérna líceat eis, Dómine, cum sanctis tuis in ætérnum : quia pius es.

Postcommunio

PRÆSTA, quæsumus, Dómine, ut ánimæ famulorum famularúmque tuárum, his purgátæ sacrificiis; indulgéntiam páriter, et réquiem cápant sempitérnam : Per Dóminum.

AD TERTIAM MISSAM

Officium

REQUIEM ætérnam dona eis, Dómine : et lux perpétua líceat eis. **℟. Ps. 64** Te decet hymnus, Deus, in Sion, et tibi reddétur votum in Jerúsalem : exáudi oratióem meam, ad te omnis caro véniet. **R**équiem ætérnam.

Oratio

DEUS, vénia largitor, et humanæ salútis auctor, quæsumus cleméntiam tuam : ut ánimas famulorum famularúmque tuárum, quæ ex hoc sáculo transiérunt; beáta María semper Virgine intercedente cum ómnibus Sanctis tuis, ad perpétuæ beatitúdinis consórtium perveníre concédas : Per Dóminum.

Léctio Libri Apocalýpsis beáti Joánnis Apóstoli. c. 14

IN diébus illis : Audívi vocem de cælo, dicéntem mihi : Scribe : Beáti mórtui, qui in

Dómino moriúntur. Amodo jam dicit Spíritus, ut requiescant a labóribus suis : Opera enim illórum sequúntur illos.

℟. Réquiem ætérnam dona eis, Dómine : et lux perpétua lúceat eis. ℣. Animæ eórum in bonis demoréntur, et semen eórum heréditet terram.

Tractus Absólve, Dómine, ánnimas ómnium fidélium defunctórum, ab omni vínculo delictórum. ℣. Et grátia tua illis succurrénte, mereántur evádere iudícium ultiónis, et lucis ætérnæ beatitúdine pérfrui.

Sequentia Dies iræ, pag. 610

✠ **Sequentia sancti Evangélii** secúndum Joánnem. **c. 12**

IN illo témpore : Dixit Jesus turbis Judæórum : Ego sum panis vivus, qui de cælo descéndi. Si quis manducáverit ex hoc pane, vivet in ætérnum : et panis, quem ego dabo, caro mea est pro mundi vita. Litigábant ergo Judæi ad ínvicem, dicéntes : Quómodo potest hic nobis carnem suam dare ad manducándum? Dixit ergo eis Jesus : Amen, amen dico vobis : nisi manducáveritis carnem Filii hóminis, et bibéritis ejus sánguinem, non habébitis vitam in vobis. Qui mandúcat meam carnem, et bibit meum sánguinem, habet vitam ætérnam : et ego resuscitábo eum in novíssimo die.

Offertorium Dómine Jesu Christe, Rex glóriæ, libera ánnimas ómnium fidélium de-

functórum de manu inférni, et de profúndo lacu : libera eas de ore leónis, ne absórbeat eas tártarus, ne cadant in obscúra : sed signifer sanctus Michaél repræséntet eas in lucem sanctam : **Quam** olim Abrahæ promísisti, et sémini ejus. ℣. Hóstias et preces tibi, Dómine, offérimus : tu súscipe pro animábus illis, quarum hódie memóriam ágimus : fac eas, Dómine, de morte transíre ad vitam. **Quam.**

Secreta

DEUS, cujus misericórdiæ non est númerus, súscipe propítius preces humilitátis nostræ : et animábus ómnium fidélium defunctórum, quibus tui nóminis dedísti confessiónem, per hæc sacraménta salútis nostræ, cunctórum remissionem tribue peccatórum. Per Dóminum.

Communio Lux ætérna lúceat eis, Dómine, cum Sanctis tuis in ætérnum : quia pius es.

Postcommunio

PRÆSTA, quæsumus, omnipotens et miséricors Deus : ut ánnimæ famulórum famulárumque tuárum, pro quibus hoc sacrificium laudis tuæ obtúlimus majestáti; per hujus virtútem sacraménti, a peccátis ómnibus expiátæ, lucis perpétuæ, te miseránte, recipiant beatitúdinem : Per Dóminum.

Die 3 Novembris

B. SIMONIS BALLACCHII
Conf. Ord. Præd. (sd.)Officium Os justi, ut in Comm.
Conf. non Pont., pag. 23*, cum
Evangelio Ecce nos reliquimus, ut in
Communi Abbatum, pag. 26*

Oratio

DEUS, qui beátum Simónem Confessórem tuum inter céteras ejus virtútes jugi orándi stúdio, et singulári humilitátis prærogativa decorásti; ipsum nobis imitári concéde : ut spretis ómnibus, quæ sunt mundi, te hic solum quærere; ac tandem promissa in cælis humilibus præmia conséquere valeámus : Per Dóminum.

Secreta

C

PRÆSTA nobis, quæsumus omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente purificet. Per Dóminum.

Postcommunio

C

QUÆSUMUS omnipotens Deus : ut qui cælestia alimentá percépimus; intercedente beáto Simóne Confessóre tuo, per hæc contra ómnia advérsa muniámur : Per Dóminum.

Die 4 Novembris

S. CAROLI Ep. et Conf. (d.)

Officium

Eccli. 45

STATUIT ei Dóminus testamentum pacis, et príncipem fecit eum : ut sit illi sacerdótii dígnitas in ætér-

num. **Ps. 88** Misericórdias Dómini in ætérnum cantábo. Glória Patri. Glória in excélsis.

Oratio

ECCESIAM tuam, Dómine, sancti Cároli Confessóris tui atque Pontíficis continúa protectióne custódi : ut sicut illum pastorális sollicitúdo gloriósum effécit; ita nos ejus intercésio in tuo semper fáciat amóre fervéntes : Per Dóminum.

De SS. Vitale et Agricola Mm.

Oratio

DA, quæsumus omnipotens Deus : ut qui beatórum Mártyrum tuórum Vitális et Agricolæ solémnia cólimus; eórum apud te intercessiónebus adjuvémur : Per Dóminum.

Léctio Libri Sapiéntiæ.

Eccli. 44 et 45

ECCE sacerdos magnus, qui in diébus suis plácuít Deo, et invéntus est justus : Et in témpore iracúndiæ factus est reconciliátio. Non est invéntus similis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiónem ómnium génitium dedit illi : et testaméntum suum confirmávit super caput ejus. Agnóvit eum in benedictiónibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum : et dedit illi corónam glóriæ. Státuit illi testaméntum ætérnum : et dedit illi sacerdótium ma-

gnum, et beatificávit illum in glória. Fungi sacerdótio, et habére laudem in nómine ipsíus : Et offérre illi incénsum dignum in odórem suavitátis.

℟. Ps. 88 Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. ℣. Nihil proficiet inimícus in eo, et fílius iniquitátis non nocébit ei.

Allelúia, allelúia. ℣. Iste Sanctus digne in memóriam vértitur hóminum, qui ad gáudium tránsiit Angelórum. Allelúia.

✠ Sequéntia sancti Evangélii secúndum Matthæum, c. 25

IN illo témpore : Dixit Jesus discipulis suis parábolam hanc : Homo péregre proficiscens, vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuíque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Similiter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, óbtulit ália quinque talénta, dicens : Dómine, quinque talénta tradidísti mihi, ecce ália quinque

superlucrátus sum. Ait illi dóminus ejus : Euge serve bone, et fidélis, quia super pauca fuísti fidélis, super multa te constituam, intra in gáudium dómini tui. Accéssit autem et qui duo talénta accéperat, et ait : Dómine, duo talénta tradidísti mihi, ecce ália duo lucrátus sum. Ait illi dóminus ejus : Euge serve bone, et fidélis, quia super pauca fuísti fidélis, super multa te constituam, intra in gáudium dómini tui.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

DA miséricors Deus, ut hæc salutáris oblátio, intercedente beáto Cárolo Confessore tuo atque Pontífice, et a própriis nos reátibus indesinénter expédíat, et ab ómnibus tueátur advérsis. Per Dóminum.

Si hoc festum evenerit in Dominica XX post Octavam Trinitatis, pro Secreta S. Caroli dicatur :

SANCTI tui, Dómine, nos ubíque lætificent, ut, dum eórum mérita recólimus, patrocínia sentiámus. Per Dóminum.

De SS. Vitale et Agricola Secreta

HOSTIAS tibi, Dómine, beatorum Mártyrum tuórum Vitális et Agricolæ dicátas méritis, benígnus assúme : et ad perpétuum nobis tribue proveníre subsidium. Per Dóminum.

Communio Luc. 12 Fidéls servus, et prudens, quem constituit dñus super familiam suam, ut det illis in tēpore trítici mensúram.

Postcommunio

PRÆSTA, quæsumus Dñe Deus noster : ut quorum festivitáte votiva sunt sacraménta; eórum intercessióne salutária nobis reddántur : Per Dñum.

De SS. Vitale et Agricola

Postcommunio

QUÆSUMUS omnipotens Deus : ut qui cæléstia aliménta percépimus; intercedéntibus sanctis Martýribus tuis Vitále et Agricola, per hæc contra ómnia adversa muniámur : Per Dñum.

Die 5 Novembris

B. MARTINI DE PORRES

Conf. Ord. Præd. (d.)

Officium Justus, ut in Communi Conf. non Pont., pag. 22*

Oratio

DEUS humílium celsitúdo, qui beátum Martínum Confessórem tuum ad cæléstia regna transíre fecísti : ejus méritis et intercessióne concéde, nos ejus humilitátem ita imitári in terris; ut cum ipso exaltári mereámur in cælis : Per Dñum.

Secreta

HANC hóstiam, Dñe, quam tibi in honórem beáti Martíni Confessóris sacrándam offérimus, benignus súscipe : et præsta, ut ejus pia

intercessióne, nobis efféctum tuæ salvatiónis impéndat. Per Dñum.

Postcommunio

CÆLESTIBUS aliméntis enutriti, súpplīces te rogámus, Dñe Deus noster; ut beáto Martíno Confessóre pro nobis intercedénte, tuis semper valeámus obedire mandátis : Per Dñum.

Die 6 Novembris

BB. HIERONYMI,

VALENTINI, FRANCISCI,

HYACINTHI et Sociorum

Mm. Ord. Præd. (d.)

Officium Intret, de Communi plurimorum Martyrum, pag. 14*

Oratio

DEUS, qui Ecclésiám tuam beatórum Mártyrum Hierónymi, Valentini, Francisci, Hyacínthi et Sociórum sánguine fecundáre dignátus es : concéde propítius ut quorum læti recólimus triúmphos; eórum précibus ac méritis adjuvémur : Per Dñum.

Secreta

SACRIFICIIS præsentibus, Dñe quæsumus, inténde placátus : ut intercedéntibus beátis Martýribus tuis devotióni nostræ proficiant et salúti. Per Dñum.

Postcommunio

QUÆSUMUS, omnipotens Deus : ut beatórum Mártyrum tuórum Hierónymi, Valentini, Francisci, Hyacínthi atque Sociórum cæléstibus mystériis celebráta solémni-

tas; indulgéntiam nobis tuæ propitiatiónis acquirat. Per Dóminum.

Die 7 Novembris

B. PETRI DE RUFFIA

Mart. Ord. Præd. (*sd.*)

Officium Lætábitur. ut in Comm. unius Mart. non Pont., pag. 9*

Oratio

DEUS, qui beáto Petro fá-mulo tuo misericórditer tribuísti pro veræ fidei defensióne martýrio coronári : ejus méritis et intercessióne concéde; ut fide, quæ per caritátem operátur, tibi júgiter placére valeámus : Per Dóminum.

Secreta

SACRIFICIUM tibi, Dómine, laudis et gratiárum acti-
onis offeréntes pro victória beáti Petri Mártýris tui, suppliciter deprecámur imménsam bonitátem tuam, ut fídem pópulum in sancta religi-
óne consérves, et hærética fraude dispérsos ad veritátis tuæ révocés unitátem. Per Dóminum.

Postcommunio

DEUS, qui ea ipsa die, qua Unigénitus tuus cum nostræ carnis substántia ab immaculáta Virgine Matre in templo est præsentátus; ánimam beáti Petri Mártýris in cælum suscepísti : ejus nobis intercessióne concéde, ut in vitæ éxitu divinis mystériis expiáti; in templo glóriæ tuæ præsentári mereámur : Per eúmdem Dóminum.

Die 8 Novembris
SS. QUATUOR
CORONATORUM *Mm.*

Memoria

Oratio

PRÆSTA, quæsumus omnipotens Deus : ut qui gloriósos Mártýres fortes in sua confessióne cognóvimus; pios apud te in nostra intercessióne sentiámus : Per Dóminum.

Secreta

BENEDICTIO tua Dómine larga descéndat : quæ et múnera nostra, deprecántibus sanctis Mártýribus tuis, tibi reddat accépta, et nobis sacraméntum redemptionis efficiat. Per Dóminum.

Postcommunio

CÆLESTIBUS refécti sacraméntis et gáudiis, supplices te Dómine deprecámur : ut quorum gloriámur triúmphis; protegámur auxiliis : Per Dóminum.

Die 9 Novembris

In Dedicatione

BASILICÆ

SS. SALVATORIS (*II cl.*)

Officium ut in Communi Dedicationis Ecclesiæ, pag. 2*. Et dicitur Credo.

De S. Theodoro Mart. Oratio

DEUS, qui nos beáti Theodóri Mártýris tui confessióne gloriósa circúmdas et prótegis : præsta nobis ex ejus imitatióne proficere; et oratióne fulcírí : Per Dóminum.

De S. Theodoro Secreta

SUSCIPE Dómine fidélium
preces cum oblationibus
hostiarum : et intercedente
beáto Theodóro Mártire tuo,
per hæc piæ devotiõnis officia,
ad cælestem glóriam transeá-
mus. Per Dóminum.

De S. Theodoro
Postcommunio

PRÆSTA nobis, quæsumus
Dómine, intercedente beá-
to Theodóro Mártire tuo; ut
quod ore contigimus, pura
mente capiamus : Per Dómi-
num.

Die 11 Novembris

S. MARTINI Ep. et Conf.

Totum Duplex

Officium Eccli. 45

STATUIT ei Dóminus testa-
mentum pacis, et princi-
pem fecit eum : ut sit illi
sacerdotii dignitas in ætér-
num. *℣. Ps. 88* Misericórdias
Dómini in ætérnum cantábo.
Glória Patri. Glória in excelsis.

Oratio

DEUS, qui cónspicis quia ex
nulla nostra virtúte sub-
sistimus; concéde propítius,
ut intercessiõne beáti Martini
Confessóris tui atque Pontí-
ficis, contra ómnia advér-
sa muniámur : Per Dóminum.

De S. Menna Martyre Oratio

PRÆSTA, quæsumus omni-
potens Deus : ut qui beáti
Mennæ Mártiris tui natalítia
cólimus; intercessiõne ejus in
tui nóminis amóre roboré-
mur : Per Dóminum.

Lectio Libri Sapiéntiæ.

Eccli. 44 et 45

ECCE sacerdos magnus, qui
in diébus suis plácuít
Deo, et invéntus est justus :
Et in témpore iracúndiæ fa-
ctus est reconciliátio. Non est
invéntus similis illi, qui con-
servávit legem Excélsi. Ideo
jurejurádo fecit illum Dómi-
nus créscere in plebem suam.
Benedictiõnem ómnium gén-
tium dedit illi : et testaméntum
suum confirmávit super caput
ejus. Agnóvit eum in benedi-
ctiõnibus suis : conservávit
illi misericórdiam suam, et
invénit grátiam coram óculis
Dómini. Magnificávit eum in
conspéctu regum : et dedit illi
corónam glóriæ. Státuit illi
testaméntum ætérnum : et de-
dit illi sacerdotium magnum,
et beatificávit illum in glória.
Fungi sacerdotio, et habére
laudem in nómine ipsius : Et
offérre illi incénsus dignum
in odórem suavitátis.

℣. Ps. 88 Invéni David ser-
vum meum, óleo sancto meo
unxi eum : manus enim mea
auxiliábitur ei, et bráchium
meum confortábit eum. *℣.* Ni-
hil proficiet inimicus in eo, et
filius iniquitátis non nocébit ei.

Allelúia, allelúia. ℣. Hic Mar-
tinus, pauper et módicus, cæ-
lum dives ingréditur, hymnis
cælestibus honorátur. *Allelúia.*

✠ Sequéntia sancti Evangélii
secúndum Lucam. c. 11

IN illo témpore : Dixit Jesus
discipulis suis : Nemo lu-
cérnam accéndit, et in abscon-

dito ponit, neque sub módio : sed supra candelábrum, ut qui ingrediúntur, lumen videant. Lucérna córporis tui est óculus tuus. Si óculus tuus fúerit simplex, totum corpus tuum lúcidum erit : Si autem nequam fúerit, étiam corpus tuum tenebrósum erit. Vide ergo ne lumen, quod in te est, ténebræ sint. Si ergo corpus tuum totum lúcidum fúerit, non habens áliquam partem tenebrárum, erit lúcidum totum, et sicut lucérna fulgóris illuminábit te.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

DA miséricors Deus, ut hæc salutáris oblátio, et a propriis nos reátibus indésinenter expédíat, et ab ómnibus tueátur advérsis. Per Dóminum.

Si Dominica XX post Octavam Trinitatis evenerit in hoc festo, pro Secreta S. Martini dicatur

SANCTI tui, quæsumus Dómine, nos ubique lætificent : ut dum córum mérita recólimus, patrocínia sentiámus. Per Dóminum.

De S. Menna **Secreta**

OBLATIS, quæsumus Dómine, placáre munéribus : et intercedénte beáto Menna Mártire tuo, a cunctis nos defénde periculis. Per Dóminum.

Communio Luc. 12 Fidélis servus, et prudens, quem constituit dóminus super fami-

liam suam, ut det illis in témpore tritici mensúram.

Postcommunio

PRÆSTA, quæsumus Dómine Deus noster : ut quorum festivitáte votíva sunt sacraménta; eórum intercessióne salutária nobis reddántur : Per Dóminum.

De S. Menna **Postcommunio**

SIT nobis, Dómine, reparátio mentis et córporis cæléste mystérium : ut cujus exséquimur actiónem; intercedénte beáto Menna Mártire tuo, sentiámus efféctum : Per Dóminum.

Die 12 Novembris

OMNIUM SANCTORUM

Ordinis nostri (II cl.)

Officium

GAUDEAMUS omnes in Dómino, diem festum celebrántes sub honóre Sanctórum ómnium, de quorum solemnitáte gaudent Angeli, et colláudant Filium Dei. **Ps. 32** Exsultáte justi in Dómino : rectos decet collaudátio. **Glória Patri. Glória in excélsis.**

Oratio

DEUS, qui Prædicatórum Ordinem copiósa Sanctórum sóbole fecundáre dignátus es, atque in ipsis heróica ómnium virtútum mérita sublímiter coronásti; da nobis illórum sequi vestígia : ut quos hódie sub una celebritáte venerámur in terris; iis perpétua tandem festivitáte associémur in cælis : Per Dóminum.

Lectio Epistolæ beati Pauli
Apóstoli ad Corínthios.

2, c. 6

FRATRES : Exhibeámus nosmetipsos sicut Dei ministros in multa patiéntia, in tribulatióibus, in necessitatibus, in angústiis, in plagis, in cárceribus, in seditiõibus, in labóribus, in vigiliis, in jejúniis, in castitate, in sciéntia, in longanimitate, in suavitáte, in Spíritu Sancto : In caritate non ficta, in verbo veritátis, in virtúte Dei : Per arma justitiæ a dextris, et a sinistris : Per glóriam, et ignobilitátem : Per infámiam, et bonam famam : Ut seductóres, et veráces : Sicut qui ignóti, et cógnoti : Quasi moriéntes, et ecce vivimus : Ut castigáti, et non mortificáti : Quasi tristes, semper autem gaudéntes : Sicut egéntes, multos autem locupletántes : Tamquam nihil habéntes, et ómnia possidéntes.

℟. Ps. 33 Timéte Dóminum omnes sancti ejus : quóniam nihil deest timéntibus eum.

℣. Inquiréntes autem Dóminum non deficient omni bono.

Allelúia, allelúia. ℣. Sap. 3 Judicábunt sancti natiónes, et dominabúntur pópulis, et regnábit illórum Rex in ætérnum. Allelúia.

✠ Sequéntia sancti Evangélii secúndum Matthæum. c. 19

IN illo témpore : Dixit Petrus ad Jesum : Ecce nos reliquimus ómnia, et secúti su-

mus te : Quid ergo erit nobis? Jesus autem dixit illis : Amen dico vobis, quod vos, qui secúti estis me, in regeneratióne cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accipiet, et vitam ætérnam possidébit.

Credo.

Offertorium Ps. 67 Mirábilis Deus in sanctis suis, Deus Israël ipse dabit virtútem et fortitúdinem plebi suæ, benedictus Deus.

Secreta

MUNERA tibi, Dómine, nostræ devotiõnis offéri-mus : quæ et pro cunctórum tibi grata sint honóre justórum, et nobis salutária, te miseránte, reddántur. Per Dóminum.

Præfatio de S. Dominico, p. 202.

Communio Ps. 32 Gaudéte justi in Dómino, allelúia : rectos decet collaudátio, allelúia.

Postcommunio

DA, quæsumus Dómine, fidélibus pópulis, óm-nium Sanctórum semper veneratióne lætári; et eórum perpétua supplicatióne muníri : Per Dóminum.

Die 13 Novembris

PATROCINII

S. THOMÆ DE AQUINO

Conf. et Eccl. Doct. Ord. Præd.

in Scholas catholicas

Totum Duplex I classis

Missa In médio, ut in Festo præcipuo die 7 Martii, pag. 391

Et dicitur Credo.

Die 14 Novembris

B. JOANNIS LICCI

Conf. Ord. Præd. (sd.)

Officium Os justi, ut in Comuni
Conf. non Pont., pag. 23*

Oratio

DEUS, qui beátum Joánnem
Confessórem tuum plena
sui abnegatióne, atque exímiae
caritátis zelo claréscere vo-
luísti : ejus nobis imitatióne
concéde; ut abdicátis terrénis
affectibus, in tua dilectiόne
vivámus : Per Dóminum.

De S. Britio Ep. et Conf.

Oratio

DA, quæsumus omnipotens
Deus : ut beáti Britii
Confessóris tui atque Ponti-
ficis veneránda solémnitas; et
devotiόnem nobis áugeat, et
salútem : Per Dóminum.

Secreta

C

PRÆSTA nobis, quæsumus
omnipotens Deus, ut no-
stræ humilitátis oblátio, et pro

tuórum tibi grata sit honóre
Sanctórum, et nos córpore
páriter et mente purificet. Per
Dóminum.

De S. Britio

Secreta

SANCTI tui, quæsumus Dó-
mine, nos ubique lætifi-
cent : ut dum eórum mérita
recólimus, patrocínia sentiámus.
Per Dóminum.

Postcommunio C

QUÆSUMUS omnipotens
Deus : ut qui cæléstia ali-
ménta percépimus; interce-
dente beáto Joánnē Confessóre
tuo, per hæc contra ómnia
adversa muniámur : Per Dó-
minum.

De S. Britio Postcommunio

PRÆSTA, quæsumus omni-
potens Deus : ut de percé-
ptis munéribus grátias exhi-
béntes; intercedente beáto
Britio Confessóre tuo atque
Pontifice, beneficia potióra su-
mámus : Per Dóminum.

Die 15 Novembris

S. ALBERTI MAGNI

Conf. et Eccl. Doct. Ord. Præd.

Totum Duplex I classis

Officium

Eccli. 15

IN médio Ecclésiæ apérui-
t os ejus, et implévit eum
Dóminus spíritu sapién-
tiæ et intelléctus : stolam gló-
riæ induit eum. *℟.* Jucunditá-
tem, et exsultatíonem thesau-
rizávit super eum. *Gloria* Pa-
tri. *Gloria* in excélsis.

Oratio

DEUS, qui beátum Albér-
tum, Pontíficem tuum at-
que Doctórem, in humána sa-
piéntia divínæ fidei subjiciénda
magnum effecisti : da nobis,
quæsumus, ita ejus magistérii
inhærére vestigiis; ut luce per-
fécta fruámur in cælis : Per
Dóminum.

Lectio Libri Sapiéntiæ. c. 7

OPTAVI, et datus est mihi
sensus : et invocávi, et
venit in me spíritus sapién-
tiæ : Et præpósui illam regnis
et sédibus, et divítias nihil
esse duxi in comparatióne
illius. Nec comparávi illi lápi-
dem pretiósus : quóniam
omne aurum in comparatióne
illius, aréna est exígua, et
tamquam lutum æstimábitur
argéntum in conspéctu illius.
Super salútem et spéciem di-

léxi illam, et propósui pro
luce habére illam : quóniam
inexstinguibile est lumen il-
lius. Venérunt autem mihi
ómnia bona páriter cum illa,
et innumerábilis honéstas per
manus illius, et lætátus sum in
óm nibus : quóniam antecede-
bat me ista sapiéntia, et igno-
rábam quóniam horum óm-
nium mater est. Quam sine
fictióne didici, et sine invidia
commúnico, et honestátem
illius non abscondo. Infínitus
enim thesáurus est homínibus :
quo qui usi sunt, participes
facti sunt amicitíæ Dei.

℟. Eccli. 44 Ecce Sacerdos
magnus, qui in diébus suis
plácuit Deo. *℟.* Invéntus est
justus et in témpore iracúndiæ
factus est reconciliátio.

Allelúia, allelúia. *℟.* Vere
magnus est in cælis Albértus
ille fidélis, qui fecit quod dó-
cuit. *Allelúia.*

✠ *Sequéntia sancti Evangélii
secúndum Matthæum. c. 5*

IN illo témpore : Dixit Jesus
discípulis suis : Vos estis
sal terræ. Quod si sal eva-
núerit, in quo saliétur? Ad
nihilum valet ultra, nisi ut
mittátur foras, et conculcétur

ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub módio, sed super candelábrum, ut luceat omnibus, qui in domo sunt. Sic luceat lux vestra coram hominibus : ut videant ópera vestra bona, et glorificent Patrem vestrum, qui in cælis est. Nolite putare, quóniam veni solvere legem, aut prophétas : Non veni solvere, sed adimplere. Amen quippe dico vobis : donec transeat cælum et terra, iota unum, aut unus apex non præteribit a lege, donec omnia fiant. Qui ergo solverit unum de mandátis istis minimis, et docuerit sic homines, minimus vocabitur in regno cælórum : Qui autem fecerit et docuerit, hic magnus vocabitur in regno cælórum.

Credo.

Offertorium Ps. 88 Véritas mea, et misericórdia mea cum ipso : et in nómine meo exaltabitur cornu ejus.

Secreta

SACRIFICIIS præsentibus, Dómine, quæsumus, intendé placátus : ut quod Passiónis Filii tui Dómini nostri mystério gérimus, beáti Albérty intercessióne et exémplo, pio consequámur afféctu. Per eúmdem Dóminum.

Communio Matth. 25 Dómine, quinque talénta tradidisti mihi, ecce ália quinque superlucrátus sum. Euge serve bone, et fidélis, quia in pauca

fuisti fidélis, supra multa te constituam, intra in gáudium Dómini tui.

Postcommunio

PER hæc sancta quæ sumpsimus, ab hóstium nos, Dómine, impugnatióne défende; et intercedénte beáto Albérto, Confessóre tuo atque Pontifice, perpétua pace respirare concéde : Per Dóminum.

Quando de S. Alberto Magno celebratur per annum ex voto vel devotione extra Septuagesimam et tempus Paschale, omnia fiant ut supra, excepto Credo.

Infra Septuag. Tractus Eccl. 50 Quasi stella matutína in médio nébulæ, et quasi luna plena in diébus suis. *℣.* Et quasi sol refúlgens, sic ille refúlsit in templo Dei. *℣.* Quasi arcus refúlgens inter nébulas glóriæ, et quasi flos rosárum in diébus vernis. *℣.* Quasi lilia quæ sunt in tránsitu aquæ, et quasi thus rédolens in diébus æstátis. *℣.* Quasi ignis effúlgens, et thus ardens in igne. *℣.* Quasi vas auri sólídum, ornátum omni lápide pretiósó.

Temp. Resur. secundum Allelúia. *℣.* **Matth. 28** Angelus Dómini descendit de cælo, et accédens revólvit lápidem, et sedébat super eum. Allelúia.

Temp. Ascens. secundum Allelúia. *℣.* **Eph. 4** Ascéndens Christus in altum captivam duxit captivitátem : dedit dona hominibus. Allelúia.

Die 16 Novembris

B. LUCIÆ A NARNIA

Virg. Ord. Præd. (sd.)

Officium Gaudeamus, ut in Comuni Virg. non Mart., pag. 30*

Oratio

DEUS, qui beatam Lúciam, passionis Filii tui signaculis mirabiliter decoratam; virginitatis et patientiæ donis, blandientem mundum eludere, et persequentem superare fecisti : da ut ejus intercessiōne et exēplo, nec terrēnis vincāmur illécebris; nec ullis frangāmur advērsis : Per eūdem Dóminum.

Secreta

C

ACCEPTA tibi sit, Dómine, sacratæ plebis oblatio pro tuórum honóre Sanctórum, quorum se méritis de tribulatiōne percepisse cognóscit auxilium. Per Dóminum.

Postcommunio

C

SATIASTI Dómine familiam tuam munéribus sacris : ejus, quæsumus, semper interventióne nos réfove; cujus solémnia celebrāmus : Per Dóminum.

Die 17 Novembris

S. GREGORII

THAUMATURGI

Ep. et Conf. (sp.)

Officium

Eccli. 45

STATUIT ei Dóminus testaméntum pacis, et príncipem fecit eum : ut sit illi sacerdótii dignitas in ætér-

num. **℟. Ps. 88** Misericórdias Dómini in ætérnum cantábo. Glória Patri. Glória in excélsis.

Oratio

DA, quæsumus omnipotens Deus : ut beáti Gregórii Confessóris tui atque Pontificis veneránda solémnitas; et devotiōnem nobis áugeat, et salutem : Per Dóminum.

Lectio Libri Sapiéntiæ.

Eccli. 44 et 45

ECCE sacerdos magnus, qui in diébus suis plácuit Deo, et invéntus est justus : Et in témpore iracúndiæ factus est reconciliatio. Non est invéntus similis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiōnem ómnium géntium dedit illi : et testaméntum suum confirmávit super caput ejus. Agnóvit eum in benedictiōnibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum : et dedit illi corónam glóriæ. Státuit illi testaméntum ætérnum : et dedit illi sacerdótium magnum, et beatificávit illum in glória. Fungi sacerdótio, et habére laudem in nómine ipsius : Et offérre illi incénsus dignum in odórem suavitátis.

℟. Ps. 88 Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. **℟.** Nihil proficiet inimicus in eo,

et filius iniquitatis non nocēbit ei.

Allelúia, allelúia. V. Ps. 20 Posuisti Dómine super caput ejus corónam de lápide pretiósio. **Allelúia.**

✠ **Sequētia sancti Evangēlii** secūndum Marcum. **c. 11**

IN illo témpore : Respóndens Iesus discipulis suis, ait illis : Habéte fidem Dei. Amen dico vobis, quia quicúmque dixerit huic monti, Tóllere, et mittere in mare, et non hæsítaverit in corde suo, sed crediderit, quia quodcúmque dixerit, fiat, fiet ei. Propterea dico vobis, ómnia quaecúmque orántes pétitis, créдите quia accipiétis, et evenient vobis.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus.

Secreta

SANCTI tui, quáesumus Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constituet eum.

Postcommunio

PRÆSTA, quáesumus omnipotens Deus : ut de percéptis munéribus grátias exhibéntes; intercedénte beáto Gregório Confessóre tuo atque Pontífice, beneficia potióra sumámus : Per Dóminum.

Die 18 Novembris IN DEDICATIONE BASILICARUM SS. PETRI ET PAULI *App. (t. d.)*

Officium ut in Communi Dedicationis Ecclesiæ, pag. 2. Et dicitur Credo.*

Die 19 Novembris S. ELISABETH Viduæ (d.)

Officium

GAUDEAMUS omnes in Dómino, diem festum celebrántes sub honóre beátæ Elisabeth, de cujus sollemnitate gaudent Angeli, et coláudant Filium Dei. **V. Ps. 44** Eructávit cor meum verbum bonum : dico ego ópera mea Regi. **Glória Patri. Glória in excélsis.**

Oratio

TUORUM corda fidélium Deus miserátor illústra : et beátæ Elisabeth précibus gloriósis, fac nos próspéra mundi despícere; et cælésti semper consolatióne gaudere : Per Dóminum.

Lectio Libri Sapiéntiæ. Prov. 31

MULIEREM fortem quis invéniet? Procul, et de últimis finibus prætium ejus. Confidit in ea cor viri sui, et spóliis non indigēbit. Reddet ei bonum, et non malum, ómnibus diébus vitæ suæ. Quæsívit lanam et linum, et

operáta est consilio mánuum suárum. Facta est quasi navis institóris, de longe portans panem suum. Et de nocte surrexit, deditque prædam domésticis suis, et cibária ancillis suis. Considerávit agrum, et emit eum : de fructu mánuum suárum plantávit vineam. Accinxit fortitúdine lumbos suos, et roborávit bráchium suum. Gustávit, et vidit quia bona est negotiatio ejus : non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit inopi, et palmas suas exténdit ad páuperem. Non timébit dómui suæ a frigóribus nivis : omnes enim doméstici ejus vestiti sunt duplicibus. Stragulatam vestem fecit sibi : byssus et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cingulum trádedit Chananæo. Fortitúdo et decor indumentum ejus, et ridébit in die novíssimo. Os suum apéruit sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt : vir ejus, et laudávit eam. Multæ filiæ congregavérunt divitias : tu supergréssa es univérsas. Fallax grátia, et vana est pulchritúdo : múlíer timens Dóminum ipsa laudábitur. Date ei de fructu mánuum suárum : et laudent eam in portis ópera ejus.

Ps. 44 Propter veritátem, et mansuetúdinem, et justitiam : et dedúcet te mirabiliter dextera tua. **℟.** Audi filia, et vide, et inclina aurem tuam : quia concupívit rex spéciem tuam.

Allelúia, allelúia. ℟. Veni elécta mea, et ponam in te thronum meum : quia concupívit rex spéciem tuam. **Allelúia.**

✠ **Sequéntia sancti Evangélíi** secúndum Lucam. **c. 21**

IN illo témpore : Respiciens Jesus vidit eos, qui mittébant múnera sua in gazophylácium, dívites. Vidit autem et quamdam víduam paupérculam, mitténtem æra minúta duo. Et dixit : Vere dico vobis, quia vídua hæc pauper, plus quam omnes misit. Nam omnes hī ex abundánti sibi misérunt in múnera Dei : hæc autem ex eo, quod deest illi, omnem victum suum, quem hábuit, misit.

Offertorium Ps. 44 Filiæ regum in honóre tuo : ástitit regína a dextris tuis in vestitu deauráto, circúmdata varietáte.

Secreta

MUNERA, Dómine, nostræ devotiónis offerimus : ut tibi grata, et nobis salutária, beatæ Elisabeth pia supplicatióne reddántur. Per Dóminum.

Communio Ps. 44 Diffúsa est grátia in lábiis tuis : proptérea benedixit te Deus in ætérnum.

Postcommunio

QUÆSUMUS omnipotens Deus : ut quos salutâribus dignâtus es erudire mystériis; beâtæ Elisabeth intercessiône gloriôsa, cæléstibus reficias aliméntis : Per Dóminum.

Die 20 Novembris
S. FELICIS DE VALOIS
Confessoris (d.)

Officium Ps. 91

JUSTUS ut palma florébit : sicut cedrus Libani multiplicábitur : plantâtus in domo Dómini, in átriis domus Dei nostri. ✠. Bonum est confitéri Dómino : et psállere nómini tuo Altissime. Glória Patri. Glória in excélsis.

Oratio

DEUS, qui beátum Felicem Confessórem tuum ex erémo ad munus rediméndi captivos cælitus vocâre dignâtus es : præsta quæsumus, ut per grátiam tuam ex peccatórum nostrórum captivitaté, ejus intercessiône, liberáti; ad cæléstem pátriam perducámur : Per Dóminum.

Léctio Epístolæ beáti Pauli
Apóstoli ad Corinthios.

1, c. 4

FRATRES : Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo : Nos infirmi, vos autem fortes : Vos nóbiles, nos autem ignóbiles.

Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris : maledicimur, et benedicimus : Persecutióne pátimur, et sustinémus : Blasphemámur, et obsecrámus : Tamquam purgaménta hujus mundi facti sumus, ómnium perípsema usque adhuc. Non ut confúndam vos, hæc scribo, sed ut filios meos carissimos móneo : In Christo Jesu Dómino nostro.

✠. Ps. 20 Dómine prævenisti eum in benedictiönibus dulcédinis : posuisti in cápite ejus coronam de lapide pretiôso. ✠. Vitam pétiit a te : et tribuisti ei longitudinem diérum in sáculum sáculi.

Allelúia, allelúia. ✠. Ps. 63 Lætábitur justus in Dómino, et sperábit in eo, et laudábuntur omnes recti corde. Allelúia.

✠. Sequéntia sancti Evangélii
secúndum Lucam. c. 12

IN illo témpore : Dixit Jesus discipulis suis : Nolíte timére pusillus grex, quia complácuít Patri vestro dare vobis regnum. Véndite quæ possidéitis, et date eleemósynam. Fácite vobis sácculos, qui non veteráscunt, thesáurum non deficiéntem in cælis : quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium Ps. 91 Justus ut palma florébit : sicut cedrus,

quæ in Líbano est, multiplicábitur.

Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præséntibus exui malis confidimus, et futúris. Per Dóminum.

Communio Matth. 19 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio

REFFECTI cibo potúque cælésti, Deus noster, te súpplices exorámus : ut in cujus hæc commemoratióne percépimus; ejus muniámur et précibus : Per Dóminum.

Die 21 Novembris

IN PRÆSENTATIONE

B. MARLÆ VIRGINIS (t. d.)

Officium Gaudeámus, ut in Festis beatæ Mariæ Virginis, pag. 1*, mutato nomine Solemnitátis in Præsentatiónis.

Oratio

DEUS, qui beátam Mariam semper Virginem, Spíritus Sancti habitáculum hodiérna die in templo præséntári voluisti; præsta quæsumus, ut ejus intercessióne in templo glóriæ tuæ presentári mereámur : Per Dóminum... in unitáte ejúsdem.

Secreta

UNIGENTI tui, Dómine, nobis succúrrat humanitas : ut qui natus de Virgine, Matris integritátem non minuit,

sed sacrávit, in solemnitate ejus, nostris nos piáculis exuens, oblatiõem nostram tibi fáciat accéptam : Jesus Christus Dóminus noster, qui tecum.

Præfatio de B. Maria Virgine Et te in Præsentatióne.

Postcommunio C

SUMPSIMUS, Dómine, celebritátis ánnuæ votiva sacraménta; præsta quæsumus, ut et temporális vitæ nobis remédia præbeant, et ætérnæ : Per Dóminum.

Die 22 Novembris

S. CÆCILIAE

Virg. et Mart. (d.)

Officium

Ps. 118

LOQUEBAR de testimoniis tuis in conspéctu regum, et non confundébar : et meditábar in mandátis tuis, quæ diléxi nimis. **V.** Beáti immaculáti in via : qui ámbulant in lege Dómini. **Glória Patri. Glória in excélsis.**

Oratio

DEUS, qui nos ánnua beátæ Cæciliæ Virginis et Mártiris tuæ solemnitate lætificas : da, ut quam venerámur officio; étiam piæ conversatiónis sequámur exémplo : Per Dóminum.

Léctio Libri Sapiéntiæ.

Eccli. 51

DOMINE Deus meus exaltásti super terram habitatiõem meam, et pro morte defluente deprecáta sum. Invocávi Dóminum patrem Dó-

mini mei, ut non derelinquat me in die tribulati6nis meæ, et in tēpore superb6rum sine adiutorio. Laudābo nomen tuum assidue, et collaudābo illud in confessi6ne, et exaudita est oratio mea. Et liberasti me de perditione, et eripuisti me de tēpore iniquo. Propterea confitebor, et laudem dicam tibi, D6mine Deus noster.

℟. Ps. 44 Audi filia, et vide, et inclina aurem tuam : quia concupivit rex sp6ciem tuam.

℣. Sp6cie tua et pulchritudine tua intēde, prospere procēde, et regna.

Allel6ia, allel6ia. ℣. Veni el6cta mea, et ponam in te thronum meum : quia concupivit rex sp6ciem tuam. Allel6ia.

✠ Sequētia sancti Evangēlii secūndum Matthæum. c. 25

IN illo tēpore : Dixit Jesus discipulis suis parabolam hanc : Simile erit regnum cæl6rum decem virginibus : quæ accipiētes lāmpades suas, exiērunt obviam sponso et sponsæ. Quinque autem ex eis erant fātuae, et quinque prudentes : Sed quinque fātuae, accēptis lāmpādibus, non sumpserunt 6leo secum : Prudentes vero acceperunt 6leo in vasis suis cum lāpādibus. Moram autem faciente sponso, dormitaverunt omnes, et dormiērunt. Mēdia autem nocte clamor factus est : Ecce sponsus venit, exite obviam ei. Tunc surrexerunt omnes virgines illæ, et ornavērunt lāmpades suas. Fātuae autem sa-

piētibz dixērunt : Date nobis de 6leo vestro : quia lāmpades nostræ exstinguuntur. Respondērunt prudentes, dicētes : Ne forte non sufficiat nobis et vobis, ite p6tius ad vendētes, et 6mite vobis. Dum autem irent 6mere, venit sponsus : Et quæ paratæ erant, intravērunt cum eo ad nūptias, et clausa est jānuā. Novissime vero vēniunt et reliquæ virgines, dicētes : D6mine, D6mine, āperi nobis. At ille respōdens, ait : Amen dico vobis, nescio vos. Vigilate itaque, quia nescitis diem, neque horam.

Offertorium Ps. 44 Afferēntur Regi virgines post eam : pr6ximæ ejus afferēntur tibi in lætitia et exultati6ne : adducēntur in templum Regi D6mino.

Secreta

HÆC h6stia, D6mine, placati6nis et laudis, quæsumus, ut intercedēte beāta Cæcilia Virgine et Mārtire tua, nos propitiati6ne tua dignos semper efficiat. Per D6minum.

Communio Ps. 118 Confundāntur sup6rbi, quia injūste iniquitatem fecerunt in me : ego autem in mandātis tuis exercēbor, in tuis justificati6nibus, ut non confundar.

Postcommunio

SATIASTI D6mine familiam tuam mun6ribz sacris : ejus, quæsumus, semper interventione nos r6fove; cujus sol6mnia celebrāmus : Per D6minum.

Die 23 Novembris

S. CLEMENTIS I

Papæ et Mart. (d.)

Officium

Isa. 59

DICIT Dóminus : Sermónes mei, quos dedi in os tuum, non deficient de ore tuo : et múnera tua accépta erunt super altáre meum. **℟. Ps. 101** Dómine exáudi orationem meam : et clamor meus ad te véniat. Glória Patri. Glória in excélsis.

Oratio

DEUS, qui nos ánnua beáti Cleméntis Mártiris tui atque Pontificis solemnitáte lætificas : concéde propítius, ut cujus natalítia cólimus; virtutem quoque passiónis imitémur : Per Dóminum.

Lectio Epistolæ beáti Pauli
Apóstoli ad Philippenses.

c. 3 et 4

FRATRES : Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimicos Crucis Christi : quorum finis intéritus : quorum Deus venter est : et glória in confusióne ipsórum, qui terréna sápiunt. Nostra autem conversátio in cælis est : Unde étiam Salvatórem exspectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatió-

nem, qua étiam possit subjicere sibi ómnia. * Itaque fratres mei caríssimi et desideratíssimi, gáudium meum, et coróna mea : sic state in Dómino, caríssimi. Evódiam rogo, et Sýntychen déprecor idipsum sápere in Dómino. Etiam rogo et te germáne compar, ádjuva illas, quæ mecum laboravérunt in Evangélio cum Cleménte, et céteris adjutóribus meis, quorum nómina sunt in libro vitæ.

℟. Ps. 109 Jurávit Dóminus, et non pœnitébit eum : Tu es sacérdos in ætérnum secúndum órđinem Melchisedech. **℟.** Dixit Dóminus Dómino meo : Sede a dextris meis.

Allelúia, allelúia. **℟. Ps. 91** Justus ut palma florébit : sicut cedrus Líbani multiplicábitur. Allelúia.

✠ Sequéntia sancti Evangélíi
secúndum Matthæum. c. 24

IN illo témpore : Dixit Jesus discípulis suis : Vigiláte, quia nescitis qua hora Dóminus vester ventúrus sit. Illud autem scitóte, quóniam si sciret paterfamilias qua hora fur ventúrus esset, vigiláret úti-que, et non síneret pérfodi domum suam. Ideo et vos estóte paráti : quia qua nescitis hora Filius hóminis ventúrus est. Quis, putas, est fidélis servus, et prudens, quem constituit dóminus suus super familiam suam, ut det illis cibum in témpore? Beátus ille servus, quem cum vénerit dóminus ejus, invénerit sic facién-

tem. Amen dico vobis, quóniam super ómnia bona sua constituet eum.

Offertorium Ps. 20 Posuisti Dómine in cápite ejus corónam de lápide pretiósó : vitam pétiit a te, et tribuisti ei.

Secreta

MUNERA tibi Dómine obláta sanctifica : et intercedénte beáto Cleménte Mártire tuo atque Pontífice, per hęc nos a peccatórum nostrórum máculis emúnda. Per Dóminum.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constituet eum.

Postcommunio

CORPORIS sacri, et pretiósí Sánguinis repléti libámine, quæsumus Dómine Deus noster : ut quod pia devotióne gérimus; intercedénte beáto Cleménte Mártire tuo atque Pontífice, certa redemptione capiámus : Per eúmdem Dóminum.

Die 24 Novembris

S. JOANNIS A CRUCE

Conf. et Eccl. Doct. (d.)

Officium In médio, ut in Comuni Doctoris, pag. 20*

Oratio

DEUS, qui sanctum Joánnem Confessórem tuum atque Doctórem perféctæ sui abnegatiónis, et crucis amatórem exímium effecisti : con-

céde, ut ejus imitatióni júgiter inhæréntes; glóriam assequámur ætérnam : Per Dóminum.

De S. Chrysogono Mart.

Oratio

ADESTO Dómine supplicatiónibus nostris : ut qui ex iniquitaté nostra reos nos esse cognóscimus; beáti Chrysógoni Mártiris tui intercessióne liberémur : Per Dóminum.

Secreta

C

OMNIPOTENS sempitérne Deus, múnera tuæ majestáti obláta, per intercessiónem beáti Joánnis Confessóris tui atque Doctóris, ad perpétuam nobis fac provenire salutem. Per Dóminum.

De S. Chrysogono Secreta

OBLATIS, quæsumus Dómine, placáre munéribus : et intercedénte beáto Chrysógono Mártire tuo, a cunctis nos defénde periculis. Per Dóminum.

Postcommunio C

SACRAMENTA salutis nostræ suscipiéntes, concéde, quæsumus omnipotens Deus : ut beáti Joánnis Confessóris tui atque Doctóris nos ubique orátio ádjuvet; in cujus veneratione hęc tuæ obtúlimus majestáti : Per Dóminum.

De S. Chrysogono

Postcommunio

TUI, Dómine, perceptióne sacraménti, et a nostris mundémur occúltis; et ab hostium liberémur insídiis : Per Dóminum.

Die 25 Novembris

S. CATHARINÆ

Virg. et Mart. (t. d.)

Officium

Ps. 118

LOQUEBAR de testimoniis tuis in conspectu regum, et non confundabar : et meditabar in mandatis tuis, quæ dilexi nimis. *℟.* Beati immaculati in via : qui ambulantes in lege Domini. *Gloria Patri. Gloria in excelsis.*

Oratio

DEUS, qui dedisti legem Moysi in summitate montis Sinai, et in eodem loco per sanctos Angelos tuos corpus beatæ Catharinæ Virginis et Martyris tuæ mirabiliter collocasti : præsta quæsumus, ut ejus meritis et intercessione; ad montem, qui Christus est, pervenire valeamus : Qui tecum vivit.

Lectio Libri Sapientiæ.

Eccli. 51

CONFITEBOR tibi Domine rex, et collaudabo te Deum salvatorem meum. Confitebor nomini tuo : quoniam adjutor et protector factus es mihi, et liberasti corpus meum a perditione, a laqueo linguæ iniquæ, et a labiis operantium mendacium, et in conspectu astantium factus es mihi adjutor. Et liberasti me secundum multitudinem misericordiæ nominis tui a rugientibus, præparatis ad escam, de manibus querentium animam meam, et de portis tribula-

tionum, quæ circumdederunt me : A pressura flammæ, quæ circumdedit me, et in medio ignis non sum aestuata : De altitudine ventris inferi, et a lingua coinquinata, et a verbo mendacii, a rege iniquo, et a lingua injusta : Laudabit usque ad mortem anima mea Dominum, quoniam eruis sustinentes te, et liberas eos de manibus gentium, Domine Deus noster.

℟. Ps. 44 Spécie tua et pulchritudine tua intende, prospere procede, et regna. *℟.* Propter veritatem, et mansuetudinem, et justitiam : et deducet te mirabiliter dextera tua.

Allelúia, allelúia. ℟. Veni electa mea, et ponam in te thronum meum : quia concupivit rex speciem tuam. *Allelúia.*

✠ *Sequéntia sancti Evangélii secundum Matthæum. c. 25*

IN illo tempore : Dixit Jesus discipulis suis parabolam hanc : Simile erit regnum cælorum decem virginibus : quæ accipientes lampades suas, exierunt obviam sponso et sponsæ. Quinque autem ex eis erant fatuæ, et quinque prudentes : Sed quinque fatuæ, acceptis lampadibus, non sumpserunt oleum secum : Prudentes vero acceperunt oleum in vasis suis cum lampadibus. Moram autem faciente sponso, dormitaverunt omnes, et dormierunt. Média autem nocte clamor factus est : Ecce

sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt : Date nobis de óleo vestro : quia lámpades nostræ exstinguúntur. Respondérunt prudéntes, dicéntes : Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus : Et quæ parátæ erant, intravérunt cum eo ad nuptias, et clausa est jánuá. Novíssime vero véniunt et reliquæ vírgines, dicéntes : Dómine, Dómine, áperi nobis. At ille respóndens, ait : Amen dico vobis, nescio vos. Vigiláte itaque, quia nescitis diem, neque horam.

Offertorium Ps. 44 Filíæ regum in honóre tuo : ástitit regína a dextris tuis in vestítu deauráto, circúmdata varietáte.

Secreta

HOSTIA, quæsumus Dómine, quam tibi sanctæ Catharinæ Virgínis et Mártiris tuæ natalítia recenséntes offérimus, et víncula nostræ pravitátis absólvat, et tuæ nobis misericórdiæ dona conciliet. Per Dóminum.

Communio Ps. 118 Feci júdicium et justítiam, Dómine, non calumniéntur me supérbi : ad ómnia mandáta tua dirigébar : omnem viam iniquitátis ódio hábui.

Postcommunio

QUÆSUMUS Dómine salutáribus repléti mystériis : ut cujus solémnia celebrámus; ejus oratióibus adjuvémur : Per Dóminum.

Die 26 Novembris

B. JACOBI

DE BENEFACTIS

Ep. et Conf. Ord. Præd. (sd.)

Officium Státuit, ut in Comm. Conf. Pont., pag. 18*

Oratio

DEUS, qui beáto Jacóbo Confessóri tuo atque Pontífici ómnia boni pastóris múnia fidéliter explére tribuísti : ejus intercessióne nobis concéde; ut per viam mandatórum tuórum gradiéntes, inter oves pásquæ tuæ perpétuo collocári mereámur : Per Dóminum.

Secreta

OFFERIMUS tibi, Dómine, hóstiám immaculátam, suppliciter deprecántes, ut intercedénte beáto Jacóbo, ab omni labe expurgáti, nos ipsos hóstiám placéntem tibi exhibeámus. Per Dóminum.

Postcommunio

INTERVENIAT pro nobis, quæsumus Dómine, beátus Jacóbus Confessor et Póntifex : ejusque précibus concéde; ut cælésti pábulo enutriti, cuncta terréna respuámus : Per Dóminum.

IN MISSIONIBUS

Die 3 Octobris

S. TERESLÆ A JESU INFANTE

Virginis

Totum Duplex I classis

Officium Cant. 4, 8-9

VENI de Líbano, sponsa mea, veni de Líbano, veni : vulnerásti cor meum, soror mea sponsa, vulnerásti cor meum. *Ps. 112, 1* Laudáte, púeri, Dóminum : laudáte nomen Dómini. Glória Patri. Glória in excélsis.

Oratio

DOMINE, qui dixisti : Nisi efficiámini sicut párvuli, non intrábitis in regnum cælórum : da nobis, quæsumus; ita sanctæ Teresiæ Virginis in humilitáte et simplicitáte cordis vestigia sectári, ut præmia consequámur ætérna : Qui vivis.

In Missis privatis fit Mem. B. Dominici Spadafora Conf. Ord. Præd., die 3 Oct., p. 579

Lectio Isaíæ Prophétæ.

Isai. 66

HÆC dicit Dóminus : Ecce ego declinábo super eam quasi flúvium pacis, et quasi torrénstem inundántem glóriam géntium, quam sugétis : ad úbera portabimini, et super gènuā blandiéntur vobis. Quó-

modo si cui mater blandiátur, ita ego consolábor vos, et in Jerúsalem consolabimini. Vidébitis, et gaudébit cor vestrum, et ossa vestra quasi herba germinábunt, et cognoscétur manus Dómini servis ejus.

Ps. Matth. 11 Confiteor tibi, Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. *Ps. 70* Dómine, spes mea a juventúte mea.

Allelúia, allelúia. *Ps. Eccli. 39* Quasi rosa plantáta super rivus aquárum fructificáte : quasi Líbanus odórem suavitátis habéte : floréte flores quasi lílium, et date odórem, et frondéte in grátiam, et colaudáte cánticum, et benedicite Dóminum in opéribus suis. Allelúia.

Post Septuag. Tractus Cant. 2 Jam hiems tránsiit, imber ábiit, et recéssit. *Ps.* Flores apparuérunt in terra nostra, tempus putatiónis advénit : vox túrturis audíta est in terra nostra. *Jer. 31* In caritáte

perpétua diléxi te : ideo attráxi te, míserans tui.

Temp. Resurr. secundum Allelúia. *℟.* **Matth. 28.** Surrexit Dóminus, et occurrens mulieribus, ait : Avéte. Tunc accesserunt, et tenuerunt pedes ejus. Allelúia.

Temp. Ascens. secundum Allelúia. *℟.* **Eph. 4.** Ascendens Christus in altum captivam duxit captivitatem : dedit dona hominibus. Allelúia.

✠ **Sequéntia sancti Evangélii secundum Matthæum.**

Matth. 18

IN illo témpore : Accesserunt discipuli ad Jesum, dicentes : Quis, putas, major est in regno cælórum? Et ádvocans Jesus párvulum, státuit eum in médio eórum, et dixit : Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est major in regno cælórum.

Offertorium Luc. 1 Magnificat ánima mea Dóminum : et exsultávit spíritus meus in Deo salutári meo : quia respéxit humilitátem ancillæ suæ : fecit mihi magna qui potens est.

Secreta

SACRIFICIUM nostrum tibi, Dómine, quæsumus, sanctæ Teresiæ Virginis tuæ precátio sancta conciliet : ut in cujus honóre solémniter exhibétur, ejus méritis efficiátur accéptum. Per Dóminum.

Communio Deut. 32 Circumdúxit eam, et dócuit : et custodívit quasi pupillam óculi sui. Sicut áquila expándit alas suas, et assúmpsit eam, atque portávit in húmeris suis. Dóminus solus dux ejus fuit.

Postcommunio

ILLO nos, Dómine, amóris igne cæléste mystérium inflámmet : quo sancta Terésia Virgo tua se tibi pro hominibus caritátis víctimam devóvit. Per Dóminum.

ORATIONES

AD SUPPLENDUM NUMERUM TERNARIUM

1 — PER ADVENTUM

Secunda Oratio

DEUS, qui de beátæ Mariæ Virginitis útero, Verbum tuum, Angelo nuntiánte, carnem suscipere voluisti; præsta supplicibus tuis : ut qui vere eam genitricem Dei crédimus; ejus apud te intercessiónibus adjuvémur : Per eúmdem Dóminum.

Tertia Oratio Deus, qui caritátis, ut *infra*.

Secunda Secreta

IN méntibus nostris, quæsumus Dómine, veræ fidei sacraménta confirma : ut qui concéptum de Virgine, Deum verum, et hóminem confitémur; per ejus salutiferæ resurrectionis poténtiam, ad ætérnam mereámur pervenire lætítiam. Per eúmdem Dóminum.

Tertia Secreta Miserére, ut *infra*.

Secunda Postcommunio

GRATIAM tuam, quæsumus Dómine, méntibus nostris infúnde : ut qui Angelo nuntiánte, Christi Filii tui incarnationem cognóvimus; per passiónem ejus, et crucem ad resurrectionis glóriam perducámur : Per eúmdem Dóminum.

Tertia Postcommunio Divína, ut *infra*.

2 — A DOMINICA

SEPTUAGESIMÆ AD PASCHA

Secunda Oratio

DEUS, qui caritátis dona, per grátiam Sancti Spíritus, tuórum córdibus fidélium infudisti; da fámulis et famulábus tuis, pro quibus tuam deprecámur cleméntiam, salútem mentis et córporis : ut te tota virtúte diligant; et quæ tibi plácita sunt, tota dilectióne perficiant : Per Dóminum... in unitáte ejusdem.

Tertia Oratio A cunctis, pag. sequenti.

Secunda Secreta

MISERERE, quæsumus Dómine, fámulis et famulábus tuis, pro quibus hoc sacrificium laudis tuæ offerimus majestáti : ut per hæc sancta, supérnæ benedictiónis grátiam obtineant, et glóriam ætérnæ beatitúdinis acquirant. Per Dóminum.

Tertia Secreta Exáudi nos, pag. sequenti.

Secunda Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitátem et pacem; pro quorum quarúmque dilectióne hæc tuæ obtúlimus majestáti : Per Dóminum.

Tertia Postcomm. Mundet, pag. sequenti.

3 — TEMPORE
RESURRECTIONIS

Secunda Oratio

DEUS, qui pro nobis Filium tuum Crucis patibulum subire voluisti, ut inimici a nobis expelleres potestatem; concede nobis famulis tuis, ut resurrectionis gratiam consequamur : Per eundem Dominum.

Tertia Oratio A cunctis, ut infra.

Secunda Secreta

PURIFICA nos miséricors Deus, ut Ecclesiæ tuæ preces, quæ tibi gratæ sunt, pia mûnera deferentes, fiant expiatis mentibus gratiores. Per Dominum.

Tertia Secreta Exaudi nos, ut infra.

Secunda Postcommunio

LARGIRE sensibus nostris Omnipotens Deus : ut per temporalem Filii tui mortem, quam mysteria veneranda testantur; vitam nobis te dedisse perpetuam confidamus : Per eundem Dominum.

Tertia Postcommunio Mundet, ut infra.

4 — POST OCT. EPIPHANIÆ
AD SEPTUAGESIMAM, ET POST
OCTAVAM SS. CORDIS JESU
AD ADVENTUM

Secunda Oratio

A CUNCTIS nos, quæsumus Domine, mentis et corporis defende periculis : et

intercedente beata et gloriosa semper Virgine Dei Genitrice Maria, cum beato Joseph, beatis Apóstolis tuis Petro et Paulo, atque beato Dominico Patre nostro, et omnibus Sanctis, salutem nobis tribue benignus, et pacem; ut destructis adversitatibus et erroribus universis, Ecclesiæ tuæ secúra tibi sérviat libertate : Per eundem Dominum.

Tertia Oratio ad libitum.

Secunda Secreta

EXAUDI nos Deus salutáris noster : ut per hujus sacraménti virtutem a cunctis nos mentis et corporis hostibus tueáris, gratiam tribuens in præsentí, et glóriam in futuro. Per Dominum.

Tertia Secreta ad libitum.

Secunda Postcommunio

MUNDET et múniat nos, quæsumus Domine, divini sacraménti munus oblátum : et intercedente beata Virgine Dei Genitrice Maria, cum beato Joseph, beatis Apóstolis tuis Petro et Paulo, atque beato Dominico Patre nostro, et omnibus Sanctis; a cunctis nos reddat et perversitatibus expiátos, et adversitatibus expeditos : Per eundem Dominum nostrum Jesum Christum Filium tuum, qui tecum vivit et regnat in unitate Spiritus Sancti Deus : per ómnia sæcula sæculórum.

Tertia Postcommunio ad libitum.

5 — PRO DOMINO PAPA

Oratio

DEUS ómnium fidélium pastor et rector, fámulum tuum **N.** quem pastórem Ecclésiæ tuæ præesse voluisti, propítius réspice : da ei, quæsumus, verbo et exémplo, quibus præest proficere; ut ad vitam, una cum grege sibi crédito, pervéniat sempitérnam : Per Dóminum.

Secreta

OBLATIS, quæsumus Dómine, placáre munéribus : et fámulum tuum **N.** quem

pastórem Ecclésiæ tuæ præesse voluisti, assídua protectione gubérna. Per Dóminum.

Postcommunio

HÆC nos, quæsumus Dómine, divíni sacraménti percéptio protégat; et fámulum tuum **N.** quem pastórem Ecclésiæ tuæ præesse voluisti, una cum commisso sibi grege, salvet semper et múniat : Per Dóminum nostrum Jesum Christum Fílium tuum, qui tecum vivit et regnat in unitate Spíritus Sancti Deus : per ómnia sæcula sæculórum.



- 1 — Si facta jam fuerit aliqua Memoria, tertia Oratio erit in Adventu de B. Maria V., Temp. Pasch de Cruce, reliquo tempore A cunctis.
- 2 — In Missis votivis B. M. V., si nulla Memoria facta fuerit, loco 2 vel 3 Orationis de B. M. V. vel A cunctis, dicitur Oratio Ecclésiæ, num. 7.
- 3 — Sabbatis, quando in Missa Memoria de S. Maria in Sabb. facienda sit, ab Oct Epiphaniæ ad Septuagesimam, et ab Oct. Cordis Jesu ad Adventum tertia Oratio erit ad libitum; a Septuagesima ad Cenam Domini vero Deus qui caritátis.
- 4 — Si Missa, vel in Missa Memoria, dicta fuerit de S. Joseph, vel de SS. App. Petro et Paulo, vel de B. P. N. Dominico, in Oratione A cunctis, et in ejus Postcommunione, omittuntur verba quæ ad eos respiciunt.
- 5 — Die 4 Januarii secunda Oratio erit de B. Maria V., tertia pro Papa.

S. MARGARITÆ AB HUNGARIA

Virg. Ord. Præd. (2 cl.)

Officium

Psalm. 44

Vultum tuum deprecabuntur omnes divites plebis: adducuntur regi virgines post eam: proximæ ejus adducuntur tibi in lætitia et exultatione. **℣.** Eructavit cor meum verbum bonum: dico ego opera mea regi. **Gloria Patri. Gloria in excelsis.**

Oratio

Deus, virginitatis amator et custos: cujus munere famula tua Margarita virginitatis decorem merito bonorum operum sociavit; concede, quaesumus, ut mentis integritatem spiritu salutaris penitentiae restaurare possimus: Per Dominum.

Lectio Epistolæ beati Pauli Apostoli ad Corinthios. 1, c. 7

Fratres: De virginibus præceptum Domini non habeo: consilium autem do, tamquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem, quoniam bonum est ho-

mini sic esse. Alligatus es uxori? noli quaerere solutionem. Solutus es ab uxore? noli quaerere uxorem. Si autem acciperis uxorem, non peccasti. Et si nupserit virgo, non peccavit: tribulationem tamen carnis habebunt hujusmodi. Ego autem vobis parco. Hoc itaque dico, fratres: Tempus breve est: reliquum est, ut et qui habent uxores, tamquam non habentes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes: et qui utuntur hoc mundo, tamquam non utantur: præterit enim figura hujus mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, et divisus est. Et mulier innupta et virgo cogitat quæ Domini sunt, ut sit sancta corpore et spiritu: In Christo Jesu Domino nostro.

R. **Psalm. 26** Unam pétii a Dómino, hanc requíram, ut inhábitem in domo Dómini ómnibus diébus vitæ meæ.

V. Ut vídeam voluptátem Dómini, et visitem templum ejus.

Allelúia, allelúia. V. Phil. 3 Omnia detriméntum feci, ut Christum lucrifáciam. **Allelúia.**

Infra Septuag. Tractus Psalm. 125 Qui sémant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

In Missis votivis Tempore Passali, omisso R., dicitur:

Allelúia, allelúia. V. Phil. 3 Omnia detriméntum feci, ut Christum lucrifáciam.

Temp. Resurr. secundum Allelúia. V. Matth. 28 Surrexít Dóminus, et occúrrens muliéribus ait: Avéte. Tunc accessérunt et tenuérunt pedes ejus. **Allelúia.**

Temp. Ascens. secundum Allelúia. V. Eph. 4 Ascéndens Christus in altum captívam duxit captivitátem, dedit dona homínibus. **Allelúia.**

✠ **Sequéntia sancti Evangé-
lii secúndum Matthæum.**

c. 13

In illo témpore: Dixit Jesus discíplis suis parábolam hanc: Símile est regnum cælórum thesauro abscondito in agro: quem qui invénit homo, abscondit, et præ gáudio illius

vadit, et vendit univérsa quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretiósá margarita, ábiit, et véndidit ómnia quæ hábuit, et emit eam. Iterum símile est regnum cælórum sagénæ missæ in mare, et ex omni génere piscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio justórum, et mittent eos in camínium ignis: ibi erit fletus, et stridor dentium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum, símilis est hómini patrifámiliæ, qui profert de thesauro suo nova et vètera.

Credo.

Offertorium Psalm. 18 Præcépta Dómini desiderabilia super aurum et obrýzum multum, dulcióra melle et liquóre favi.

Secreta

Hæc obláta, quæsumus, Dómine, miserátus inténde et, intercedénte beáta Margarita, quam pæniténtiæ victimam pro salute suæ gentis fieri voluísti, humano géneri pacem in caritaté Christi placátus concéde: Per eúmdem Dóminum.

Communio Matth. 13 Símile est regnum cælórum hómini negotiatóri, quærénti bonas margarítas: invénta autem una pretiósa margaríta, dedit ómnia sua, et comparávit eam.

Postcommunio

Refécti, Dómine, mensa cælésti, te súpplices exorámus: ut, beátæ Margaritæ exémplo prætereúntem hujus mundi contemnéntes figúram; ad ætéRNA mereámur gáudia perveníre: Per Dóminum.

IN FESTO IMMACULATI CORDIS B. M. V.

Totum Duplex 2 classis

Officium

Hebr. 4.

Adeámus cum fidúcia ad thronum grátiae, ut misericórdiam consequámur, et grátiam inveniámus in auxílio opportúno. **V. Ps. 44** Eructávit cor meum verbum bonum: dico ego ópera mea regi. **Glória Patri. Glória** in excélsis.

Oratio

Omnípotens sempitérne Deus, qui in Corde beátæ Mariæ Vírginis dignum Spíritus Sancti habitáculum præparásti: concéde propítius, ut ejúsdem immaculáti Cordis festivitátem devóta mente recoléntes; secúndum cor tuum vívere valeámus: Per Dóminum... in unitáte ejúsdem.

Et, in Missis privatis tantum, fit Memoria Ss. Timothei et Symphoriani Mm.:

Oratio

Auxílium tuum nobis, Dómine, quæsumus, placátus impénde: et intercedéntibus beátis Martýribus tuis Timótheo atque Symphoriáno;

déxteram super nos tuæ propitiatiónis exténde: Per Dóminum.

Lectio Libri Sapiéntiæ. Eccli. 24

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiόνis, et timóris, et agnitiόνis, et sanctæ spei. In me grátia omnis viæ et veritátis: in me omnis spes vitæ, et virtútis. Transíte ad me omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérrnam habébunt.

R. Ps. 12. Exsultábit cor meum in salutári tuo: cantábo Dómino, qui bona tribuit

mihi: et psallam nómini Dómini altissimi. **Ps. 44** Mémoires erunt nóminis tui in omni generatióne et generatióne: propterea pópuli confitebúntur tibi in ætérnum.

Allelúia, allelúia. Ps. Luc. 1 Magnificat ánima mea Dóminus: et exsultávit spíritus meus in Deo salutári meo. Allelúia.

In Missis votivis infra Septuagesimam, omissis Allelúia et Versu sequenti, dicitur:

Tractus Prov. 8 Nunc ergo, filii, audite me: Beáti, qui custodiunt vias meas. **Ps.** Audíte disciplinam et estóte sapiéntes, et nolíte abjicere eam. **Ps.** Beátus homo qui audit me et qui vígilat ad fores meas quotidie, et obsérvat ad postes óstii mei. **Ps.** Qui me invénerit, invéniet vitam, et háuriet salutem a Dómino.

Tempore autem Paschali, omissio R., dicitur:

Allelúia, allelúia. Ps. Luc. 1 Magnificat ánima mea Dóminus: et exsultávit spíritus meus in Deo salutári meo.

Temp. Resurr. secundum Allelúia. Ps. Matth. 28 Surrexit Dóminus, et occurrens muliéribus ait: Avéte. Tunc accessérunt et tenuérunt pedes ejus. Allelúia.

Temp. Ascens. secundum Allelúia. Ps. Eph. 4 Ascéndens Christus in altum captívam duxit captivitátem, dedit dona homínibus. Allelúia.

✠ **Sequéntia sancti Evangé-
lii secúndum Joánnem.**

c. 19.

In illo témpore: Stabant juxta crucem Jesu mater ejus, et soror matris ejus María Cléophæ, et María Magdaléne. Cum vidísset ergo Jesus matrem, et discipulum stantem, quem diligébat, dicit matri suæ: Múlier, ecce filius tuus. Deínde dicit discipulo: Ecce mater tua. Et ex illa hora accépit eam discipulus in sua.

Credo.

Offertorium Luc. 1 Exsultávit spíritus meus in Deo salutári meo; quia fecit mihi magna qui potens est, et sanctum nomen ejus.

Secreta

Majestáti tuæ, Dómine, Agnum immaculátum offeréntes, quæsumus, ut corda nostra ignis ille divínus accéndat, qui Cor beátæ Mariæ Virginis ineffabiliter inflam-mávit: Per eúmdem Dóminum.

**De Ss. Timotheo et
Symphoriano**

Secreta

Accépta tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepisse cognóscit auxílium: Per Dóminum.

Præfatio de B. Maria V. Et te in Solemnitáte.

Communio Joann. 19 Dixit Jesus matri suæ: Múlier, ecce filius tuus: deinde dixit discipulo: Ecce mater tua. Et ex illa hora accépit eam discipulus in sua.

Postcommunio

Divinis refécti munéribus te, Dómine, suppliciter exorámus: ut beátæ Mariæ Vírginis intercessióne, cujus immaculáti Cordis solémnia venerándo égimus; a præsen-

tibus periculis liberáti, æternæ vitæ gáudia consequámur: Per Dóminum.

De Ss. Timotheo et Symphoriano

Postcommunio

Divíni múnere largitáte satiáti, quæsumus, Dómine Deus noster: ut intercedéntibus sanctis Martýribus tuis Timótheo et Symphoriáno; in ejus semper participatióne vivámus: Per Dóminum.

IN FESTO SACRATISSIMI CORDIS JESU

Totum Duplex I classis cum Octava solemnissima

Officium

Ps. 32

Cogitationes Cordis ejus in generatione et generationem: ut éruat a morte ánimas eórum et alat eos in fame. **V.** Exsultáte, justí, in Dómino, rectos decet collaudátio. **Glória Patri. Glória** in excélsis.

Oratio

Deus, qui nobis, in Corde Filii tui, nostris vulneráto peccátis, infinítos dilectionis thesauros misericórditer largiri dignáris: concéde, quæsumus, ut illi devótum pietátis nostræ præstantes obséquium; dignæ quoque satisfactiónis exhibeámus officium: Per eúndem Dóminum.

Lectio Epístolæ beáti Pauli Apóstoli ad Ephésios. c. 3

Fratres: Mihi ómnium sanctorum mínimo data est grátia hæc, in géntibus evangelizáre investigábiles divítias Christi: et illumináre omnes, quæ sit dispensátio sacraménti absconditi a sæculis in Deo qui ómnia creávit: ut innoté-

scat principátibus et potestátibus in cæléstibus per Ecclésiám multifórmis sapiéntia Dei: secúndum præfinitionem sæculórum quam fecit in Christo Jesu Dómino nostro, in quo habémus fidúciam et accéssum in confidéntia per fidem ejus. Hujus rei grátia flecto génua mea ad Patrem Dómini nostri Jesu Christi, ex quo omnis patérnitas in cælis et in terra nomináture: ut det vobis secúndum divítias glóriæ suæ, virtúte corroborári per Spíritum ejus in interiorem hóminem: Christum habitáre per fidem in córdibus vestris: in caritáte radicáti et fundáti: ut possítis comprehéndere, cum ómnibus sanctis, quæ sit latitúdo, et longitúdo, et sublimitas, et profúndum: scire étiam supereminéntem sciéntiæ caritátem Christi, ut impleámini in omnem plenitúdinem Dei.

R7. Ps. 24 Dulcis et rectus Dóminus, propter hoc legem dabit delinquentibus in via. **V.** Diriget mansuétos in iudicio, docébit mites vias suas.

Allelúia, allelúia. V. Matth. 11
Tóllite jugum meum super vos
et discite a me, quia mitis
sum et húmilis Corde, et in-
veniétis réquiem animábus ve-
stris. Allelúia.

**In Missis votivis infra Septuage-
simam, omissis Allelúia et Versu
sequenti, dicitur:**

Tractus Ps. 102 Miséricors
et miserátor Dóminus, lon-
gánimis et multum miséricors.
V. Non in perpétuum irascé-
tur, neque in ætérnum com-
minábitur. V. Non secúndum
peccáta nostra fecit nobis, ne-
que secúndum iniquitátes no-
stras retribuit nobis.

**Tempore autem Paschali, omisso
Rz., dicitur:**

Allelúia, allelúia. V. Matth. 11
Tóllite jugum meum super vos
et discite a me, quia mitis
sum et húmilis Corde, et in-
veniétis réquiem animábus ve-
stris.

**Temp. Resurr. secundum
Allelúia. V. Surréxit Christus**
et illúxit pópulo suo, quem
redémit ipse sáanguine suo. Al-
lelúia.

**Temp. Ascens. secundum
Allelúia. V. Eph. 4** Ascéndens
Christus in altum captivam
duxit captivitátem, dedit dona
homínibus. Allelúia.

✠ **Sequéntia sancti Evangé-
lii secúndum Joánnem.**
c. 19

In illo témpore: Judáei, quó-
niam Parascéve erat, ut

non remanérent in cruce cór-
pora sábbato, erat enim ma-
gnus dies ille sábbati, roga-
vérunt Pilátum ut frangerén-
tur eórum crura et tolleréntur.
Venérunt ergo milites, et pri-
mi quidem fregérunt crura et
alterius qui crucifíxus est cum
eo. Ad Jesum autem cum ve-
níssent, ut vidérunt eum jam
mórtuum, non fregérunt ejus
crura: sed unus mílitum lán-
cea latus ejus apérui, et con-
tínuo exívit sanguis et aqua.
Et qui vidit testimónium per-
híbuit: et verum est testimó-
nium ejus. Et ille scit quia
vera dicit, ut et vos credátis.
Facta sunt enim hæc ut Scri-
ptúra implerétur: Os non com-
minuétis ex eo. Et íterum
ália Scriptúra dicit: Vidébunt
in quem transfixérunt.

Credo.

Offertorium Ps. 68 Impro-
périum exspectávit Cor meum
et misériam, et sustinui qui
simul mecum contristarétur
et non fuit; consolántem me
quæsi et non invéni.

**Tempore vero Paschali, in Missis
votivis, sic mutatur Offertorium:**

Offertorium Ps. 39 Holo-
cáustum et pro peccáto non
postulásti; tunc dixi: Ecce vé-
nio. In cápite libri scriptum
est de me ut fácerem volun-
tátem tuam: Deus meus, vó-
lui et legem tuam in médio
Cordis mei, allelúia.

Secreta

Réspice, quæsumus, Dómine, ad ineffáblem Cordis dilécti Filii tui caritátem: ut quod offérimus sit tibi munus accéptum et nostrórum expiatio delictórum: Per eúndem Dóminum.

Præfatio Qui Unigénitum tuum dicitur per totam Octavam, etiam in festis Sanctorum, nisi propriam habuerint.

Communio Joann. 19 Unus militum lancea latus ejus aperuit, et continuo exivit sanguis et aqua.

Tempore autem Paschali, in Missis votivis, sic mutatur Communio:

Communio Joann. 7 Si quis sitit, véniat ad me et bibat, allelúia, allelúia.

Postcommunio

Præbeant nobis, Dómine Jesu, divinum tua sancta fervórem: quo dulcissimi Cordis tui suavitate percépta, discámus terréna despícere; et amáre cæléstia: Qui vivis.

¶ **Infra Octavam et in Octava** omnia fiant sicut in die.

¶ **Infra Octavam ad Memoriam:**

Oratio

Deus, qui nobis, in Corde Filii tui, nostris vulnerato peccátis, infinitos dilectiónis thesauros misericórditer largíri dignáris: concéde, quæsumus, ut illi devótum pietátis nostræ præstantes obséquium; dignæ quoque satisfactionis exhibeamus officium: (Per eúndem Dóminum.)

Secreta et Postcommunio ut supra.

Imprimi potest.

Romæ, 30 Septembris 1948.

L. ✠ S.

Fr. EMMANUEL SUAREZ, O. P.

Mag. Gen.

Imprimatur: † JOSEPH ANGRISANI, *Ep. Casalen.*

S. JOSEPH OPIFICIS

SPONSI B. MARIAE VIRGINIS, CONFESSORIS

Totum Duplex I classis

Officium

Sap. 10

Sapiéntia réddidit justis
mercédem labórum suó-
rum, et dedúxit illos in
via mirábili, et fuit illis in
velaménto diéi et in luce
stellárum per noctem, allelúia,
allelúia. **Ps. 126** Nisi Dó-
minus ædificáverit domum, in
vanum labórant qui ædificant
eam. **Glória Patri. Glória in**
excélsis.

Oratio

Rerum cónditor, Deus, qui
legem labóris humano
géneri statuísti: concéde propi-
tius ut, sancti Joseph exémplo
et patrocínio, ópera perficiá-
mus quæ præcipis; et præmia
consequámur quæ promíttis:
Per Dóminum.

Léctio Epístolæ beáti Pauli
Apóstoli ad Colossénses. **Col. 3**

Fratres: Caritátem habéte,
quod est vínculum per-
fectionis, et pax Christi exsúl-
tet in córdibus vestris, in qua
et vocáti estis in uno córpore,
et grati estóte. Omne quod-
cúmque fácitis in verbo aut

in ópere, ómnia in nómine
Dómini Jesu Christi, grátias
agéntes Deo et Patri per ipsum.
Quodcúmque fácitis, ex ánimo
operámini sicut Dómino, et
non homínibus, sciéntes quod
a Dómino accipiétis retribu-
tiónem hereditátis. Dómino
Christo servíte.

Allelúia, allelúia. Ps. Fac
nos innócuam, Joseph, decúr-
rere vitam: sitque tuo semper
tuta patrocínio.

Temp. Resurr. secundum
Allelúia. Ps. Matth. 28 Ange-
lus Dómini descéndit de cælo:
et accédens revólvit lápidem,
et sedébat super eum. Alle-
lúia.

Temp. Ascens. secundum
Allelúia. Ps. Eph. 4 Ascéndens
Christus in altum captívam
duxit captivitátem, dedit dona
homínibus. Allelúia.

In Missis votivis extra Tempus
Paschale dicitur:

R. Ps. 127 Beátus qui-
cúmque times Dóminum, qui
ámbulas in viis ejus. **Ps. La-**
bórem mánuum tuárum man-
ducábis et bene tibi erit.

Allelúia, allelúia. **℣.** Fac nos innócuam, Joseph, decúr-
rere vitam: sitque tuo semper
tuta patrocínio. **Allelúia.**

**Infra Septuagesimam, omissis
Allelúia et Versu sequenti, dicitur:**

Tractus Psalm. 20 Desidé-
rium ánimæ ejus tribuísti ei:
et voluntáte labiórurn ejus non
fraudásti eum. **℣.** Quóniam
prævenísti eum in benedictió-
nibus dulcédinis. **℣.** Posuísti
super caput ejus corónam de
lápide pretióso.

✠ **Sequéntia sancti Evangé-
lii secúndum Matthæum.**

c. 13

In illo témpore: Véniens Je-
sus in pátriam suam, do-
cébat eos in synagógis eórum,
ita ut miraréntur et dicerent:
« Unde huic sapiéntia hæc et
virtútes? Nonne hic est fabri
filius? Nonne mater ejus dici-
tur María, et fratres ejus Ja-
cóbus et Joseph et Simon et
Judas? Et soróres ejus nonne
omnes apud nos sunt? Unde
ergo huic ómnia ista? » Et
scandalizabántur in eo. Jesus
autem dixit eis: « Non est pro-
phéta sine honóre nisi in

pátria sua et in domo sua ». Et
non fecit ibi virtútes multas
propter incredulitátem illó-
rum. **Credo.**

Offertorium Ps. 89 Bónitas
Dómini Dei nostri sit super
nos, et opus mánuum nostrá-
rum secúnda nobis, et opus
mánuum nostrárum secúnda,
allelúia.

Secreta

Quas tibi, Dómine, de opé-
ribus mánuum nostrárum
offérimus hóstias, sancti Joseph
interpósito suffrágio, pignus
fácias nobis unitátis et pacis.
Per Dóminum.

Præfatio de S. Joseph Et te in
Solemnitáte.

Communio Matth. 13 Unde
huic sapiéntia hæc et virtú-
tes? Nonne hic est fabri fi-
lius? Nonne mater ejus dicitur
María? **Allelúia.**

Postcommunio

Hæc sancta quæ sumpsi-
mus, Dómine: per inter-
cessiónem beáti Joseph, et
operatióem nostram cóm-
pleant; et præmia confirment:
Per Dóminum.

B. MARIÆ VIRGINIS REGINÆ

Totum Duplex II classis

Officium

Gaudēamus omnes in Dómino, diem festum celebrāntes sub honóre beátæ Mariæ Virginis Reginæ: de cujus solemnitate gaudent Angeli, et collaudant Filium Dei. **T. P.** Allelúia, allelúia. **℣. Ps. 44** Effúndit cor meum verbum bonum: dico ego carmen meum Regi. **Glória Patri. Glória in excélsis.**

Oratio

Concède nobis, quæsumus, Dómine: ut, qui solemnitatem beátæ Mariæ Virginis Reginæ nostræ celebrāmus; ejus muníti præsidio, pacem in præsentí et glóriam in futuro cónsequi mereāmur: Per Dóminum.

Et, in Missis privatis tantum, fit Memoria S. Petronillæ Virginis:

Oratio

Exáudi nos, Deus, salutáris noster: ut, sicut de beátæ Petronillæ Virginis tuæ festivitáte gaudēmus; ita piæ devotiónis erudiāmur afféctu: Per Dóminum.

Léctio libri Sapiéntiæ. Eccli. 24

Ego ex ore Altissimi prodívi, primogénita ante omnem creatúram; ego in altissimis habitávi, et thronus meus in

colúmna nubis. In omni terra steti et in omni pópulo, et in omni gente primátum hábui, et ómnium excelléntium et humílium corda virtúte calcávi. Qui audit me, non confundétur, et qui operántur in me, non peccábunt; qui elúcidant me, vitam ætérnam habébunt.

Allelúia, allelúia. ℣. Salve, Regína misericórdiæ, tu nos ab hoste prótege, et mortis hora súscipe.

Temp. Resurr. secundum Allelúia. ℣. Matth. 28 Surrexit Dóminus, et occúrrens muliéribus, ait: Avéte. Tunc accessérunt, et tenuérunt pedes ejus. Allelúia.

Temp. Ascens. secundum Allelúia. ℣. Eph. 4 Ascéndens Christus in altum captivam duxit captivitátem, dedit dona homínibus. Allelúia.

Extra Temp. Pasch. Rv. Apoc. 19 Ipse habet in vestiménto et in fémore suo scriptum: Rex regum et Dóminus dominántium. **℣. Ps. 44** Regína adstat ad dexteram ejus, ornáta auro ex Ophir.

Allelúia, allelúia. ℣. Salve, Regína misericórdiæ, tu nos ab hoste prótege, et mortis hora súscipe. Allelúia.

✠ **Sequéntia sancti Evangé-
lii secúndum Lucam. c. 1**

In illo témpore: Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David, et nomen Virginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audisset, turbáta est in sermóne ejus: et cogitábat, qualis esset ista salutátio. Et ait Angelus ei: Ne timeas, María, invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábít in domo Jacob in ætérnum, et regni ejus non erit finis. **Credo.**

Offertorium Regáli ex progénie María exórta refúlget: cujus précibus nos adjuvári mente et spírítu devotíssime póscimus. **T. P. Allelúia.**

Secreta

Accipe, quæsumus, Dómine, múnera lætántis Ecclésiæ: et, beátæ Virginis Mariæ Reginæ suffragántibus méri-

tis, ad nostræ salútis auxiliúm proveníre concéde. Per Dóminum.

Pro S. Petronilla Secreta

Accépta tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepisse cognóscit auxiliúm. Per Dóminum.

Præfatio de B. Maria Virg. Et te in Solemnitate.

Communio Regina mundi digníssima, María Virgo perpétua, intercède pro nostra pace et salúte, quæ genuísti Christum Dóminum, Salvatórem ómnium. **T. P. Allelúia.**

Postcommunio

Celebrátis solémniis, Dómine, quæ pro sanctæ Mariæ, Reginæ nostræ, festivitáte perégimus: ejus, quæsumus, nobis intercessióne fiant salutária; in cujus honóre sunt exsultánte impléta: Per Dóminum.

Pro S. Petronilla

Postcommunio

Satiásti, Dómine, famíliam tuam munéribus sacris: ejus, quæsumus, semper interventióne nos réfove; cujus solémnia celebrámus: Per Dóminum.

Concordat cum originali. Imprimi potest.

Die 2 Octobris 1956.

L. † S.

Fr. MICHAEL BROWNE O. P., Mag. Gen.

Die 27 Julii

BB. JOSEPHI, MELCHIORIS
Episcoporum Ord. Præd.
et Sociorum Martyrum

Duplex

Officium

Psalm. 36

Salus autem justorum a Domino: et protector eorum est in tempore tribulationis. **V.** Noli æmulari in malignantibus: neque zelaveris facientes iniquitatem. Glória Patri. Glória in excelsis.

Oratio

Martyrum tuorum nos, Domine, Josephi, Melchioris et sociorum confessio beata communiat; et fragilitati nostræ subsidium dignanter exoret: Per Dominum.

Lectio Libri Sapientiae. c. 10

Reddidit Deus justis mercedem laborum suorum, et deduxit illos in via mirabili: Et fuit illis in velamento diei, et in luce stellarum per noctem: Transtulit illos per Mare Rubrum, et transvexit illos per aquam nimiam. Inimicos autem illorum demersit in mare, et ab altitudine inferorum eduxit illos. Ideo justii tulerunt spolia impiorum, et decantaverunt, Domine, nomen sanctum tuum, et victricem manum tuam laudaverunt pariter, Domine Deus noster.

Rz. Psalm. 78 Vindica, Domine, sanguinem sanctorum tuorum, qui effusus est. **V.** Po-

suérunt mortalia servorum tuorum escas volatilibus cæli, carnes sanctorum tuorum bestiis terræ.

Allelúia, allelúia. **V. Apoc. 7** Isti sunt qui venérunt ex magna tribulatione, et laverunt stolas suas et dealbaverunt eas in sanguine Agni. Allelúia.

✠ Sequéntia sancti Evangelii
secundum Lucam. c. 21

In illo tempore: Dixit Jesus discipulis suis: Cum audieritis praelia et seditiones, nolite terreri: Opórtet primum hæc fieri, sed nondum statim finis. Tunc dicebat illis: Surget gens contra gentem, et regnum adversus regnum. Et terræmotus magni erunt per loca, et pestilentiae et fames, terrorisque de cælo, et signa magna erunt. Sed ante hæc omnia injicient vobis manus suas, et persequentur tradentes in synagogas et custodias, trahentes ad reges et præsides propter nomen meum: Continget autem vobis in testimonium. Pónite ergo in cordibus vestris non præmeditari quemadmodum respondeatis. Ego enim dabo vobis os et sapientiam, cui non poterunt resistere et contradicere omnes adversarii vestri. Tradémini autem a parentibus et fratribus et cognatis et amicis, et morte afficient ex vobis: Et éritis odio omnibus propter nomen meum: Et capillus de capite vestro non peribit. In patientia vestra possidebitis animas vestras.

Offertorium Psalm. 123 Anima nostra sicut passer erepta est de láqueo venántium: láqueus contrítus est, et nos liberáti sumus.

Secreta

Benedictio tua, Dómine, larga descéndat: quæ et múnera nostra, deprecántibus sanctis Martýribus tuis, tibi reddat accépta, et nobis sacraméntum redemptionis effíciat. Per Dóminum.

Communio Psalm. 78 Posuerunt mortália servórum tuórum, Dómine, escas volatilibus cæli, carnes sanctórum tuórum béstiis terræ: secúndum magnitúdinem bráchii tui pósside filios morte punitórum.

Postcommunio

Cæléstibus refécti sacraméntis et gáudiis, súplices te, Dómine, deprecámur: ut, quorum gloriámur triúmphis; protegámur auxiliis: Per Dóminum.

Concordat cum originali.

Imprimi potest.

Die 19 Januarii 1954.

FR. EMMANUEL SUAREZ, O. P.
Magister Generalis.

Printed in Italy.

Stabilimento Grafico Marietti — Via Legnano 23 - Torino

IN FESTIS B. MARLÆ VIRGINIS

Officium

GAUDEAMUS omnes in Dómino, diem festum celebrántes sub honóre beátæ Mariæ Virgínis, de cujus solemnitáte gaudent Angeli, et colláudant Fílium Dei. **℟. Ps. 44** Eructávit cor meum verbum bonum : dico ego ópera mea regi. **G**lória Patri. Glória in excélsis.

Oratio

SUPPLICATIONEM servórum tuórum Deus miserátor exáudi : ut qui in solemnitáte Dei Genitricis et Virgínis congregámur; ejus intercessiónibus a te de instántibus periculis eruámur : Per eúmdem.

Lectio Libri Sapiéntiæ.
Eccli. 24

AB initio, et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea.

℟. Ps. 44 Propter veritátem, et mansuetúdinem, et justítiam : et dedúcet te mirábiliter dextera tua. **℟.** Audi filia, et vide, et inclína aurem tuam : quia concupívit rex spéciem tuam.

Allelúia, allelúia. **℟.** Solémnitas gloriósæ Virgínis Mariæ ex sémine Abrahæ, ortæ de tribu Juda, clara ex stirpe David. Allelúia.

✠ Sequéntia sancti Evangélíi secúndum Lucam. **c. 11**

IN illo témpore : Loquente Jesu ad turbas, extóllens vocem quædam múlíer de turba dixit illi : Beátus venter, qui te portávit, et úbera, quæ suxísti. At ille dixit : Quinímmo beáti, qui áudiunt verbum Dei, et custódiunt illud. **Credo.**

Offertorium Felix namque es sacra Virgo Maria, et omni laude digníssima : quia ex te ortus est sol justítiæ, Christus Deus noster.

Secreta

UNIGENITI tui, Dómine, nobis succúrrat humanitas : ut qui natus de Virgine, Matris integritátem non minuit, sed sacrávit, in solemnitáte ejus, nostris nos piáculis éxuens, oblatiónem nostram tibi fáciat accéptam : Jesus Christus Dóminus noster, qui tecum.

Præfatio de B. Maria Virgine Et te in solemnitáte.

Communio Beáta viscera Mariæ Virgínis, quæ portavérunt ætérni Patris Fílium.

Postcommunio

SUMPSIMUS, Dómine, celebritátis ánnuæ votiva sacraménta; præsta quæsumus, ut et temporális vitæ nobis remédia præbeant, et ætérnæ : Per Dóminum.

IN ANNIVERSARIO DEDICATIONIS ECCLESIAE

Officium

Gen. 28

TERRIBILIS est locus iste! hic domus Dei est, et porta cæli, et vocabitur aula Dei. **Temp. Pasch.** Allelúia, allelúia. **℟. Ps. 83** Quam dilécta tabernacula tua Dómine virtútum : concupiscit, et déficit ánima mea in átria Dómini. **Glória Patri. Glória** in excélsis.

Oratio

DEUS, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes; exáudi preces pópuli tui : et præsta, ut quisquis hoc templum beneficia petiturus ingreditur; cuncta se impetrásse lætétur : Per Dóminum.

Lectio Libri Apocalýpsis beáti Joánnis Apóstoli. c. 21

IN diébus illis : Vidi sanctam civitátem Jerúsalem novam descendéntem de cælo a Deo, parátam, sicut sponsam ornátam viro suo. Et audivi vocem magnam de throno dicéntem : Ecce tabernáculum Dei cum hominibus, et habitábit cum eis. Et ipsi pópulus ejus erunt, et ipse Deus cum eis erit eórum Deus : Et abstérget Deus omnem lácrymam ab óculis eórum : et mors ultra non erit,

neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

℟. Locus iste a Deo factus est, inæstimábile sacraméntum, irreprehensibilis est. **℟.** Deus, cui astat Angelórum chorus, exáudi preces servórum tuórum.

Allelúia, allelúia. ℟. Ps. 137 Adorábo ad templum sanctum tuum, et confitébor nómini tuo. **Allelúia.**

Infra Septuag. omisso Allelúia, et Versu sequenti, dicitur

Tractus Matth. 21 Domus mea domus oratiónis vocabitur, dicit Dóminus. **℟. Luc. 11** In ea omnis, qui petit, áccipit : et qui quærit, invenit : et pulsánti aperiétur. **℟.** Hæc est domus Dómini firmiter ædificáta : bene fundáta est supra firmam petram.

Temp. Pasch. omittitur Responsorium, et ejus loco dicitur

Allelúia, allelúia. ℟. Ps. 137 Adorábo ad templum sanctum tuum, et confitébor nómini tuo.

Allelúia. ℟. Rom. 6 Christus resúrgens ex mórtuis jam non móritur, mors illi ultra non dominábitur. **Allelúia.**

Tempore Ascensionis secundum Allelúia. ℟. Eph. 4 Ascén-

dens Christus in altum captivam duxit captivitatem : dedit dona hominibus. Allelúia.

✠ **Sequéntia sancti Evangélii**
secúndum Lucam. **c. 19**

IN illo témpore : Ingréssus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives : Et quærébat vidére Jesum, quis esset : et non póterat præ turba, quia statúra pusillus erat. Et præcúrrens ascéndit in árborem sycómorum ut vidéret eum : quia inde erat transitúrus. Et cum venisset ad locum, suspiciens Jesus vidit illum, et dixit ad eum : Zachæe festinans descénde : quia hódie in domo tua opórtet me manére. Et festinans descéndit, et excépit illum gaudens. Et cum vidérent omnes, murmurábant, dicéntes quod ad hóminem peccatórem divertisset. Stans autem Zachæus, dixit ad Dóminum : Ecce dimídium bonórum meórum, Dómine, do paupéribus : et si quid áliquem defraudávi, reddo quádruplum. Ait Jesus ad eum : Quia hódie salus dómui huic facta est : eo quod et ipse filius sit Abrahæ. Venit enim Fílius hóminis quærere, et salvum fácere quod perierat.

Credo.

Offertorium 1 Par. 29 Dómine Deus, in simplicitáte cordis mei lætus óbtuli univérsa : et pópulum tuum, qui repértus est, vidi cum ingénti gáudio : Deus Israël, custódi hanc voluntátem. **T. P.** Allelúia.

In ipsa ecclesia dedicata dicatur :

Secreta

ANNUE, quæsumus Dómine, précibus nostris, ut quicumque intra templi hujus, cujus anniversárium dedicationis diem celebrámus, ámbitum continémur, plena tibi atque perfectá córporis et ánimæ devotióne placeámus : ut, dum hæc vota præsentia reddimus, ad æténa præmia, te adjuvante, pervenire mereámur. Per Dóminum.

Extra ecclesiam dedicatam dicatur :

Secreta

ANNUE, quæsumus Dómine, précibus nostris, ut, dum hæc vota præsentia reddimus, ad æténa præmia, te adjuvante, pervenire mereámur. Per Dóminum.

Communio Matth. 21 et Luc. 11 Domus mea domus orationis vocábitur, dicit Dóminus : in ea omnis, qui petit, áccipit : et qui quærít, invenit : et pulsánti aperiétur. **T. P.** Allelúia, allelúia.

Postcommunio

DEUS, qui Ecclésiám tuam sponsam vocáre dignátus es, ut quæ habéret grátiam per fidei devotiónem, habéret étiam ex nómine pietátem ; da, ut omnis hæc plebs nómini tuo sérvians, hujus vocábuli consórtio digna esse mereátur : et Ecclésiá tua in templo, cujus anniversárius dedicationis dies celebrátur, tibi collécta, te timeat, te diligat, te sequátur ; ut dum júgiter per vestigia tua gráditur, ad cæléstia promissa, te ducénte, pervenire mereátur : Qui vivis.

Infra Octavam Anniversarii Dedicationis Ecclesiae, dum dicitur Missa de ipsa, omnia fiant ut supra, excepto Credo, juxta tamen varietatem temporis, in quo celebratur.

In ipsa vero die Consecrationis Ecclesiae, et per totam Octavam, quando de Dedicatione agitur, Missa dicitur etiam ut supra in Anniversario Dedicationis, juxta exigentiam temporis; exceptis Orationibus, quae dicuntur ut sequitur.

Oratio

DEUS, qui invisibiliter omnia continet, et tamen pro salute generis humani signa tuae potentiae visibiliter ostendis; templum hoc potentia tuae inhabitationis illustra: et concede, ut omnes, qui huc deprecaturi conveniunt; ex quacumque tribulatione ad te clamaverint, consolationis tuae beneficia consequantur: Per Dominum.

Secreta

OMNIPOTENS sempiternus Deus, templum hoc nomini tuo dedicatum, caelesti virtute et benedictione sanctifica; et omnibus in te sperantibus auxilii tui munus ostende: ut hic et sacramentorum virtus, et votorum obtineatur effectus. Per Dominum.

Postcommunio

QUAESUMUS omnipotens Deus; ut hoc in loco, quem nomini tuo indigni dedi-

cavimus, cunctis petentibus aures tuae pietatis accommodes: Per Dominum.

In ipsa die Consecrationis Altaris, vel Altarium, dicatur similiter Missa ut supra, praeterquam Orationes, quae dicuntur ut sequitur.

Oratio

DEUS, qui ex omni coaptatione Sanctorum, aeternum tibi condis habitaculum; da aedificationi incrementa caelestia: ut, quorum hic reliquias pio amore complectimur; eorum semper meritis adjuvemur: Per Dominum.

Secreta

DESCENDAT, quaesumus Domine Deus noster, Spiritus tuus Sanctus super hoc Altare (*vel* haec Altaria): qui et populi tui dona sanctificet, et summentium corda dignanter emundet. Per Dominum... in unitate ejusdem.

Postcommunio

OMNIPOTENS sempiternus Deus, Altare hoc (*vel* Altaria haec) nomini tuo dedicatum (*vel* dedicata), caelestis virtutis benedictione sanctifica: et omnibus in te sperantibus auxilii tui munus ostende; ut hic et sacramentorum virtus, et votorum obtineatur effectus: Per Dominum nostrum.

COMMUNE

MISSARUM DE SANCTIS

Si contingat de Sanctis aliquibus celebrari, qui Missam propriam non habent, poterunt recitari Missæ sequentes. Glória in excelsis, et Credo, dicantur secundum festi celebritatem, et temporis conditionem.

In festo unius MARTYRIS PONTIFICIS *extra tempus Paschale*

Officium

Ps. 63

LÆTABITUR justus in Dómino, et sperábit in eo, et laudabúntur omnes recti corde. **℣.** Exáudi Deus oratióem meam cum déprecor : a timóre inimíci éripe ánimam meam. Glória Patri.

Oratio

LÆTETUR Ecclésia tua, Deus, beáti **N.** Mártyris tui atque Pontificis confisa suffrágiis : atque ejus préci-bus gloriósis, et devóta permáneat; et secúra consistat : Per Dóminum.

Lectio Epístolæ beáti Jacóbi Apóstoli.

c. 1

CARISSIMI : Beátus vir, qui suffert tentatióem : quóniam cum probátus fúerit, accípiet corónam vitæ, quam

repromisit Deus diligéntibus se. Nemo cum tentátur, dicat quóniam a Deo tentátur : Deus enim intentátor malórum est : Ipse autem néminem tentat. Unusquisque vero tentátur a concupiscéntia sua abstráctus, et illéctus. Deínde concupiscéntia cum concéperit, parit peccátum : Peccátum vero cum consummátum fúerit, génerat mortem. Nolíte itaque erráre fratres mei dilectíssimi. Omne datum óptimum, et omne donum perfectum desúrsum est, descéndens a Patre lúminum, apud quem non est transmutátió, nec vicissitúdinis obumbrátió. Voluntárie enim génuít nos verbo veritátis, ut simus initium áliquod creatúræ ejus.

℟. Ps. 20 Posuisti Dómine super caput ejus corónam de lápide pretióso. **℣.** Desiderium ánimæ ejus tribuísti ei : et voluntáte labiórurn ejus non fraudásti eum.

Allelúia, allelúia. **℣.** Ps. 63 Lætábitur justus in Dómino,

et sperábit in eo, et laudabúntur omnes recti corde. Alleluia.

Infra Septuag. Tractus Ps. 111
Beátus vir, qui timet Dóminum : in mandátis ejus cupit nimis. *℟.* Potens in terra erit semen ejus : generátio rectórum benedicétur. *℟.* Glória, et divitiæ in domo ejus : et justítia ejus manet in sáculum sáculi.

✠ **Sequéntia sancti Evangélii**
secúndum Lucam. **c. 14**

IN illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non bájulat crucem suam, et venit post me, non potest meus esse discípulus. Quis enim ex vobis volens turrim ædificáre, non prius sedens cóputat sumptus, qui necessarij sunt, si hábeat ad perficiéndum, ne, posteáquam posúerit fundaméntum, et non potúerit perficere, omnes, qui vident, incípiant illúdere ei, dicéntes, Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem millibus occúrrere ei, qui cum viginti millibus venit ad se? Alióquin adhuc illo longe agénte, legatiónem mittens rogat ea, quæ pacis sunt. Sic ergo omnis ex vobis, qui non renúnciat ómnibus, quæ pós-

sidet, non potest meus esse discípulus.

Offertorium Ps. 20 Posuísti Dómine in cápite ejus corónam de lápide pretióso : vitam pétiit a te, et tribuísti ei.

Secreta

SUSCIPE Dómine múnera, quæ in ejus tibi solemnitate deférimus, cujus nos confidimus patrocínio liberári. Per Dóminum.

Communio Ps. 20 Magna est glória ejus in salutári tuo : glóriam et magnum decórem impónes super eum, Dómine.

Postcommunio

SATIASTI Dómine familiam tuam munéribus sacris : ejus, quæsumus, semper intervenciónem nos réfove; cujus solémnia celebrámus : Per Dóminum.

IN EODEM FESTO

alia Missa

Officium

Dan. 3

SACERDOTES Dei benedicite Dóminum : sancti et húmiles corde laudáte Deum. *℟.* Benedicite ómnia ópera Dómini Dómino : laudáte et superexaltáte eum in sácula. Glória Patri.

Oratio

DA, quæsumus omnipotens Deus : ut qui beáti **N.** Mátyris tui atque Pontificis solémnia cólimus; ejus apud te intercessiónibus adjuvémur : Per Dóminum.

Lectio Epistolæ beāti Pauli
Apóstoli ad Corínthios. 2, c. 1

FRATRES : Benedictus Deus
et Pater Dómini nostri
Jesu Christi, Pater misericor-
diarum, et Deus totius conso-
lationis, qui consolatur nos in
omni tribulatione nostra : ut
possimus et ipsi consolari eos,
qui in omni pressura sunt, per
exhortationem, qua exhortá-
mur et ipsi a Deo. Quóniam
sicut abundant passiones Chri-
sti in nobis : ita et per Chri-
stum abundat consolatio no-
stra. Sive autem tribulamur
pro vestra exhortatione et sa-
lute, sive consolamur pro ve-
stra consolatione, sive exhor-
támur pro vestra exhortatione
et salute, quæ operatur tole-
rantiam earúndem passio-
num, quas et nos patimur :
ut spes nostra firma sit pro
vobis : scientes quod sicut
socii passionum estis, sic éritis
et consolationis : In Christo
Jesu Dómino nostro.

℟. Ps. 88 Inveni David ser-
vum meum, oleo sancto meo
unxi eum : manus enim mea
auxiliabitur ei, et brachium
meum confortabit eum. ℣. Ni-
hil proficiet inimicus in eo, et
filius iniquitatis non nocébit ei.

Allelúia, allelúia. ℣. Ps. 20
Posuisti Dómine super caput
ejus coronam de lapide pre-
tioso. Allelúia.

Infra Septuag. Tractus Ps. 20
Desiderium animæ ejus tri-
buisti ei : et voluntate labio-
rum ejus non fraudasti eum.
℣. Quóniam prævenisti eum
in benedictionibus dulcedinis.

℣. Posuisti super caput ejus
coronam de lapide pretioso.

✠ Sequéntia sancti Evangélii
secúndum Matthæum. c. 16

In illo témpore : Dixit Jesus
discipulis suis : Si quis vult
post me venire, abneget semet-
ipsum, et tollat crucem suam,
et sequatur me. Qui enim vo-
luerit animam suam salvam
facere, perdet eam. Qui autem
perdiderit animam suam pro-
pter me, invéniet eam. Quid
enim prodest hómini, si mun-
dum univérsum lucrétur, ani-
mæ vero suæ detriméntum pa-
tiátur? Aut quam dabit homo
commutationem pro anima sua?
Filius enim hóminis venturus
est in glória Patris sui cum An-
gelis suis : et tunc reddet uni-
cuique secúndum ópera ejus.

Offertorium Ps. 8 Glória et
honóre coronasti eum : et con-
stituisti eum super ópera má-
nuum tuarum, Dómine.

Secreta

HÆC hóstia, quæsumus
Dómine, emúndet nostra
delicta : et ad sacrificium cele-
brándum, subditorum tibi cór-
pora mentésque sanctificet.
Per Dóminum.

Communio Matth. 16 Qui
vult venire post me, abneget
semetipsum, et tollat crucem
suam, et sequatur me.

Postcommunio

REFFECTI participatióne mú-
neris sacri, quæsumus
Dómine Deus noster : ut cujus
exséquimur cultum; interce-
dente beáto N. Mártire tuo
atque Pontifice, sentiámus
effectum : Per Dóminum.

IN EODEM FESTO

tempore Paschali

Officium

Ps. 63

PROTEXISTI me, Deus, a convéntu malignántium, allelúia : a multítudine operántium iniquitátem, allelúia, allelúia. *℟.* Exáudi Deus oratiónem meam, cum déprecor : a timóre inimíci éripe ánimam meam. Glória Patri.

Oratio

DA, quæsumus omnipotens Deus : ut qui beáti *N.* Mátyris tui atque Pontificis solémnia cólimus; ejus apud te intercessiónibus adjuvémur : Per Dóminum.

Lectio Libri Sapiéntiæ. *c. 5*

STABUNT justí in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitátione insperátæ salútis, dicéntes intra se, pœniténtiam agéntes, et præ angústia spirítus geméntes : Hi sunt, quos habúimus aliquándo in derisum, et in similitúdinem impropérii. Nos insensáti vitam illórum æstimabámus insániam, et finem illórum sine honóre : Ecce quómodo computáti sunt inter filios Dei, et inter sanctos sors illórum est.

Allelúia, allelúia. *℟.* Ps. 91 Justus ut palma florébit : sicut cedrus Líbani multiplicábitur.

Tempore Resurrectionis Allelúia. *℟.* Surréxit Pastor bonus, qui pósuit ánimam suam

pro óvibus suis, et pro suo grege mori dignátus est. Allelúia.

Temp. Ascensionis Allelúia.

℟. Eph. 4 Ascéndens Christus in altum captívam duxit captivitátem : dedit dona homínibus. Allelúia.

✠ *Sequéntia sancti Evangélii* secúndum Joánnem. *c. 15*

IN illo témpore : Dixit Jesus discípulis suis : Ego sum vitis vera : et Pater meus agrícola est. Omnem pálmitem in me non feréntem fructum, tollet eum : et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me : et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me manséritis. Ego sum vitis, vos pálmities : Qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit : mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint : quodcúmque voluéritis petétis, et fiet vobis.

Offertorium Ps. 8 Glória et honóre coronásti eum : et constituísti eum super ópera mánuum tuárum, Dómine, allelúia.

Secreta

HÆC hóstia, quæsumus Dómine, emúndet nostra delicta : et ad sacrificium cele-

brándum, subditórum tibi córpora mentésque sanctificet. Per Dóminum.

Communio Matth. 16 Qui vult veníre post me, ábneget semetípsum, et tollat crucem suam, et sequátur me, allelúia.

Postcommunio

REFECTI participatióne mún-
neris sacri, quáesumus
Dómine Deus noster : ut cujus
exséquimur cultum; interce-
dente beáto **N.** Mártire tuo
atque Pontífice, sentiámus
efféctum : Per Dóminum.

In festo unius

MARTYRIS NON PONTIFICIS

extra tempus Paschale

Officium

Ps. 63

LÆTABITUR justus in Dó-
mino, et sperábit in eo,
et laudabúntur omnes
recti corde. **℣.** Exáudi Deus
oratióem meam cum dépre-
cor : a timóre inimici éripe
ánimam meam. **Glória Patri.**

Oratio

ADESTO Dómine supplica-
tiónibus nostris : ut qui
ex iniquitáte nostra reos nos
esse cognóscimus; beáti **N.**
Mártiris tui intercessióne libe-
rémur : Per Dóminum.

Lectio Libri Sapiéntiæ.

Eccli. 14 et 15

BEATUS vir, qui in sapién-
tia morábitur, et qui in
justitia sua meditábitur, et in

sensu cogitábit circumspecti-
onem Dei. Cibábit illum pane
vitæ et intelléctus, et aqua
sapiéntiæ salutáris potábit
illum : Et firmábitur in illo, et
non flectétur : et continébit
illum, et non confundétur :
et exaltábit illum apud pró-
ximos suos. Et nómine ætérno
hereditábit illum, Dóminus
Deus noster.

℟. Ps. 20 Posuísti Dómine
super caput ejus corónam de
lápide pretióso. **℣.** Desidé-
rium ánimæ ejus tribuísti ei :
et voluntáte labiórum ejus non
fraudásti eum.

Allelúia, allelúia. ℣. Ps. 63
Lætábitur justus in Dómino,
et sperábit in eo, et lauda-
búntur omnes recti corde.
Allelúia.

Infra Septuag. Tractus Ps. 111
Beátus vir, qui timet Dómi-
num : in mandátis ejus cupit
nimis. **℣.** Potens in terra erit
semen ejus : generátio rectó-
rum benedicétur. **℣.** Glória,
et divítiae in domo ejus : et
justitia ejus manet in sáeculum
sáeculi.

✠ **Sequéntia sancti Evangélíi**
secúndum Joánnem. **c. 12**

IN illo témpore : Dixit Jesus
discípulis suis : Amen,
amen dico vobis, nisi granum
fruménti cadens in terram,
mórtuum fúerit, ipsum solum
manet. Si autem mórtuum
fúerit, multum fructum affert.
Qui amat ánimam suam, per-
det eam : Et qui odit ánimam
suam in hoc mundo, in vitam
ætérnam custódit eam. Si quis

mihi ministrat, me sequatur :
Et ubi sum ego, illic et mi-
nister meus erit. Si quis mihi
ministraverit, honorificabit
eum Pater meus.

Offertorium Ps. 8 Glória et
honóre coronásti eum : et con-
stituísti eum super ópera má-
num tuárum, Dómine.

Secreta

MUNERIBUS nostris, quæ-
sumus Dómine, preci-
búsque susceptis : interce-
dente beáto **N. Mártire** tuo, et
cælestibus nos munda mysté-
riis, et cleménter exáudi. Per
Dóminum.

Communio Matth. 16 Qui
vult veníre post me, ábneget
semetípsum, et tollat crucem
suam, et sequatur me.

Postcommunio

QUÆSUMUS omnipotens
Deus : ut qui cælestia
aliménta percépimus; interce-
dente beáto **N. Mártire** tuo,
per hæc contra ómnia advér-
sa muniámur : Per Dóminum.

IN EODEM FESTO

alia Missa

Officium Ps. 20

IN virtúte tua, Dómine, lætá-
bitur justus, et super salu-
táre tuum exsultábit vehe-
ménter : desidérium ánimæ
ejus tribuísti ei. **℣.** Quóniam
prævenísti eum in benedictió-
nibus dulcédinis : posuísti in
cápite ejus coronam de lápide
pretiósó. **Glória Patri.**

Oratio

PRÆSTA, quæsumus omni-
potens Deus : ut qui beáti
N. Mártiris tui natalítia cóli-
mus; a cunctis malis imminén-
tibus ejus intercessióne libe-
rémur : Per Dóminum.

Lectio Libri Sapientiae. c. 10

JUSTUM dedúxit Dóminus
per vias rectas, et osténdit
illi regnum Dei, et dedit illi
sciéntiam sanctórum : Hone-
stávit illum in labóribus, et
complévit labóres illíus. In
fraude circumveniéntium illum
áfuit illi, et honéstum fecit
illum. Custodívit illum ab ini-
micis, et a seductóribus tutá-
vit illum, et certámen forte
dedit illi ut vinceret, et sciret
quóniam ómnium poténtior
est sapiéntia. Hæc vénditum
justum non dereliquit, sed a
peccatóribus liberávit eum :
Descendítque cum illo in fó-
veam, et in vinctulis non dere-
liquit illum, donec afférret illi
sceptrum regni, et poténtiam
advérsus eos, qui eum depri-
mébant : Et mendáces ostén-
dit, qui maculavérunt illum,
et dedit illi claritátem ætér-
nam, Dóminus Deus noster.

℟. Ps. 20 Posuísti Dómine
super caput ejus coronam de
lápide pretiósó. **℣.** Desidé-
rium ánimæ ejus tribuísti ei :
et voluntáte labiórurn ejus non
fraudásti eum.

Allelúia, allelúia. ℣. Ps. 63
Lætábitur justus in Dómino,
et sperábit in eo, et lauda-
búntur omnes recti corde.
Allelúia.

Tempore Septuag. Tractus Ps. 111 Beátus vir, qui timet Dóminum : in mandátis ejus cupit nimis. *℟.* Potens in terra erit semen ejus : generatio rectórum benedicétur. *℟.* Glória, et divítiæ in domo ejus : et justítia ejus manet in sæculum sæculi.

✠ **Sequéntia sancti Evangélíi** secúndum Matthæum. **c. 10**

IN illo témpore : Dixit Jesus discíplulis suis : Nolíte arbi-trári, quia pacem vénerim mittere in terram : Non veni pacem mittere, sed gládium. Veni enim separáre hóminem advérsus patrem suum, et filiam advérsus matrem suam, et nurum advérsus socrum suam : et inimíci hóminis, doméstici ejus. Qui amat patrem, aut matrem plus quam me, non est me dignus. Et qui amat filium, aut filiam super me, non est me dignus. Et qui non áccipit crucem suam, et séquitur me, non est me dignus. Qui invénit ánimam suam, perdet illam : Et qui perdiderit ánimam suam propter me, invéniet eam. Qui récipit vos, me récipit : Et qui me récipit, récipit eum, qui me misit. Qui récipit prophétam in nómine prophétæ, mercedem prophétæ accípiet : Et qui récipit justum in nómine justí, mercedem justí accípiet. Et quicúmque potum déderit uni ex mínimis istis cálicem aquæ frigidæ tantum in nómine discípluli : amen dico vobis, non perdet mercedem suam.

Offertorium Ps. 20 In virtúte tua, Dómine, lætábitur justus, et super salutáre tuum exsultábit veheménter : desidérium ánimæ ejus tribuísti ei.

Secreta

HOSTIAS tibi, Dómine, beáti **N. Mártiris** tui dicátas méritis, benignus assúme : et ad perpétuum nobis tribue proveníre subsidium. Per Dóminum.

Communio Ps. 20 Magna est glória ejus in salutári tuo : glóriam et magnum decórem impónes super eum, Dómine.

Postcommunio

SUMPTIS, Dómine, sacraméntis : quæsumus, ut intercedente beáto **N. Mártire** tuo; supplicatiónes nostras placátus inténdas : Per Dóminum.

IN EODEM FESTO

tempore Paschali

Officium Ps. 63

PROTEXISTI me, Deus, a convéntu malignántium, allelúia : a multítudine operántium iniquitátem, allelúia, allelúia. *℟.* Exáudi Deus oratiómem meam cum déprecor : a timóre inimíci éripe ánimam meam. **Glória Patri.**

Oratio

PRÆSTA, quæsumus omnipotens Deus : ut qui beáti **N. Mártiris** tui natalítia cólimus; a cunctis malis imminéntibus ejus intercessióne liberémur : Per Dóminum.

Lectio Epistolæ beati Pauli
Apóstoli ad Timótheum.

2, c. 2 et 3

CARISSIME : Memor esto
Dóminum Jesum Chri-
stum resurrexisse a mórtuis
ex sémine David, secúndum
Evangélium meum, in quo la-
bóro usque ad víncula, quasi
male óperans : Sed verbum
Dei non est alligátum. Ideo
ómnia sustíneo propter elé-
ctos, ut et ipsi salútem conse-
quántur, quæ est in Christo
Jesu, cum glória cælésti. Tu
autem assecútus es meam do-
ctrínam, institutióem, propó-
situm, fidem, longanimitátem,
dilectiόem, paciéntiam, per-
secutiόnes, passiόnes : quália
mihi facta sunt Antióchiæ,
Icónii, et Lystris : quales per-
secutiόnes sustinui, et ex óm-
nibus erípuit me Dóminus. Et
omnes, qui pie volunt vivere
in Christo Jesu, persecutiόnem
patiéntur.

Allelúia, allelúia. V. Ps. 91
Justus, ut palma florébit : sicut
cedrus Libani multiplicábitur.

Tempore Resurrectionis Al-
lelúia. **V. Matth. 28** Angelus
Dómini descéndit de cælo : et
accédens revólvit lápidem, et
sedébat super eum. Allelúia.

Temp. Ascensionis. Allelúia.
V. Eph. 4 Ascéndens Chri-
stus in altum captívam duxit
captivitátem : dedit dona ho-
minibus. Allelúia.

✠ **Sequéntia sancti Evangélii**
secúndum Joánnem. **c. 15**

IN illo témpore : Dixit Jesus
discípulis suis : Ego sum
vitis vera : et Pater meus agrí-

cola est. Omnem pálmitem in
me non feréntem fructum, tol-
let eum : et omnem, qui fert
fructum, purgábit eum, ut
fructum plus áfferat. Jam vos
mundi estis propter sermó-
nem, quem locútus sum vobis.
Manéte in me : et ego in vobis.
Sicut palmes non potest ferre
fructum a semetípso, nisi mán-
serit in vite : sic nec vos, nisi
in me manséritis. Ego sum
vitis, vos pálmities : Qui manet
in me, et ego in eo, hic fert
fructum multum : quia sine
me nihil potéstis fácere. Si
quis in me non mánserit :
mittétur foras sicut palmes,
et aréscet, et cólligent eum, et
in ignem mittent, et ardet. Si
manséritis in me, et verba
mea in vobis mánserint : quod-
cúmque voluéritis petétis, et
fiet vobis.

Offertorium Ps. 88 Confite-
búntur cæli mirabilia tua Dó-
mine : et veritátem tuam in
ecclésia sanctórum, allelúia,
allelúia.

Secreta

HOSTIAS tibi, Dómine, beati
N. Mátyris tui dicátas
méritis, benignus assúme : et
ad perpétuum nobis tribue
proveníre subsidium. Per Dó-
minum.

Communio Ps. 63 Lætábitur
justus in Dómino, et sperábit
in eo, et laudabúntur omnes
recti corde, allelúia, allelúia.

Postcommunio

SUMPTIS, Dómine, sacra-
méntis : quæsumus, ut
intercedénte beáto **N.** Mátyre
tuo; supplicatiόnes nostras

placátus inténdas : Per Dóminum.

Missæ unius Martyris non Pontificis dici possunt pro Martyre Pontifice, addito nomine Pontificis. Et quæ de Martyre Pontifice dicuntur, possunt etiam dici de Martyre non Pontifice, subtracto nomine Pontificis.

In festo

PLURIMORUM MARTYRUM

extra tempus Paschale

Officium

Ps. 36

SALUS autem justórum a Dómino : et protéctor eórum est in témpore tribulatiónis. *℣.* Noli æmulári in malignántibus : neque zeláveris faciéntes iniquitátem. Glória Patri.

Oratio

PRÆSTA, quæsumus omnipotens Deus : ut qui gloriosos Mártyres fortes in sua confessióne cognóvimus; pios apud te in nostra intercessióne sentiámus : Per Dóminum.

Lectio Libri Sapientíæ. c. 10

REDDIDIT Deus justis mercedem labórum suórum, et dedúxit illos in via mirábili : Et fuit illis in velaménto diéi, et in luce stellárum per noctem : Tránstulit illos per Mare rubrum, et transvéxit illos per aquam nímiám. Inimicos autem illórum demérsit in mare, et ab altitúdine inferrórum edúxit illos. Ideo justi tulérunt spólia impiórum, et

decantavérunt Dómine nomen sanctum tuum, et victrícem manum tuam laudavérunt páriter, Dómine Deus noster.

℟. Ps. 78 Víndica Dómine sánguinem sanctórum tuórum, qui effúsus est. *℣.* Posuérunt mortália servórum tuórum, escas volatilibus cæli : carnes sanctórum tuórum béstiis terræ.

Allelúia, allelúia. *℣.* Apoc. 7 Isti sunt, qui venérunt ex magna tribulatióne, et lavérunt stolas suas, et dealbavérunt eas in ságuine Agni. Allelúia.

Tempore Septuag. Tractus Ps. 125 Qui sémant in lácrymis, in gáudio metent. *℣.* Eúntes ibant et flebant, mitténtes sémina sua. *℣.* Veniéntes autem vénient cum exsultatióne, portántes manipulos suos.

✠ Sequentia sancti Evangélii secúndum Lucam. c. 21

IN illo témpore : Dixit Jesus discipulis suis : Cum audiéritis prœlia, et seditiónes, nolite terréri : Opórtet primum hæc fieri, sed nondum statim finis. Tunc dicébat illis : Surge gens contra gentem, et regnum advérsus regnum. Et terræmótus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia injicient vobis manus suas, et persequéntur tradéntes in synagógas, et custódias, trahéntes ad reges, et præsides propter nomen meum : Contínget autem vobis in testi-

mónium. Pónite ergo in córdibus vestris non præmeditári quemádmódum respondeátis. Ego enim dabo vobis os, et sapiéntiam, cui non póterunt resistere, et contradícere omnes adversárii vestri. Tradémini autem a paréntibus, et frátribus, et cognátis, et amícis, et morte afficient ex vobis : Et éritis ódio ómnibus propter nomen meum : Et capillus de cápite vestro non peribit. In patiéntia vestra possidébitis ánimas vestras.

Offertorium Ps. 123 Anima nostra sicut passer erépta est de láqueo venántium : láqueus contrítus est, et nos liberátí sumus.

Secreta

BENEDICTIO tua Dómine larga descéndat : quæ et múnera nostra, deprecántibus sanctis Martýribus tuis, tibi reddat accépta, et nobis sacraméntum redemptionis efficiat. Per Dóminum.

Communio Ps. 78 Posuérunt mortália servórum tuórum Dómine, escas volatilibus cæli : carnes sanctórum tuórum béstiis terræ : secúndum magnitúdinem bráchii tui, pösside filios morte punitórum.

Postcommunio

CÆLESTIBUS refécti sacraméntis et gáudiis, súpplices te Dómine deprecámur : ut quorum gloriámur triúmphis; protegámur auxiliis : Per Dóminum.

IN EODEM FESTO

alia Missa

Officium Ps. 78

INTRET in conspéctu tuo, Dómine, gémitus compe-ditórum : redde vicínis nostris séptuplum in sinu eórum : víndica sánguinem sanctórum tuórum, qui effúsus est. **℟.** Deus venérunt gentes in hereditátem tuam, pollué-runt templum sanctum tuum : posuérunt Jerúsalem in pomórum custódiam. **Glória Patri.**

Oratio

DEUS, qui nos concédís sanctórum Mártyrum tuórum **N.** et **N.** natalítia cólere; da nobis in ætérna beatitúdine de eórum societáte gaudére : Per Dóminum.

Léctio Libri Sapiéntiæ. c. 5

JUSTI autem in perpétuum vivent, et apud Dóminum est merces eórum, et cogitatio illórum apud Altíssimum. Ideo accipient regnum decóris, et diadéma speciéi de manu Dómini : quóniam délixtera sua teget eos, et bráchio sancto suo deféndet illos. Accipiet armatúram zelus illius, et armábit creatúram ad ultiónem inimicórum. Induet pro thoráce justítiam, et accipiet pro gálea iudícium certum. Sumet scutum inexpugnábile æquitátem.

℟. Ps. 149 Exsultábunt sancti in glória : lætabúntur in cubilibus suis. **℟.** Cantáte Dómino cánticum novum : laus ejus in ecclésia sanctórum.

Allelúia, allelúia. **℟.** Te Mártyrum candidátus laudat exércitus, Dómine. Allelúia.

Infra Septuag. Tractus Ps. 125
Qui séminant in lácrymis, in gáudio metent. **℟.** Eúntes ibant et flebant, mitténtes sémina sua. **℟.** Veniéntes autem vénient cum exsultatióne, portántes manípulos suos.

✠ **Sequéntia sancti Evangélíi**
secúndum Mattháeum. **c. 5**

IN illo témpore: Videns Jesus turbas, ascéndit in montem, et cum sedisset, accessérunt ad eum discípuli ejus, et apériens os suum docébat eos, dicens: Beáti páuperes spírítu: quóniam ipsórum est regnum cælórum. Beáti mites: quóniam ipsi possidébunt terram. Beáti, qui lugent: quóniam ipsi consolabúntur. Beáti, qui esúriunt, et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti, qui persecutióne patiúntur propter justítiam: quóniam ipsórum est regnum cælórum. Beáti estis cum maledíxerint vobis, et persecúti vos fúerint, et díxerint omne malum advérsus vos mentiéntes, propter me: Gaudéte, et exsultáte, quóniam merces vestra copiósa est in cælis.

Offertorium Ps. 67 Mirábilis Deus in sanctis suis, Deus Israél ipse dabit virtútem, et

fortitúdinem plebi suæ, benedictus Deus.

Secreta

MUNERA tibi, Dómine, nostræ devotiónis offéri-mus: quæ et pro tuórum tibi grata sint honóre Sanctórum, et nobis salutária, te miseránte, reddántur. Per Dóminum.

Communio Ps. 78 Posué-runt mortália servórum tuórum Dómine, escas volatilibus cæli: carnes sanctórum tuórum béstiis terræ: secúndum magnitúdinem bráchii tui, pösside filios morte punitórum.

Postcommunio

PRÆSTA nobis, quæsumus Dómine, intercedéntibus sanctis Martýribus tuis **N.** et **N.**; ut quæ ore contígmus, pura mente capiámus: Per Dóminum.

IN EODEM FESTO

tempore Paschali

Officium

Ps. 144

SANCTI tui Dómine benedícant te: glóriam regni tui dicent, allelúia, allelúia. **℟.** Exaltábo te Deus meus rex: et benedicam nómini tuo in sǎculum, et in sǎculum sǎculi. Glória Patri.

Oratio

DEUS, qui nos concédis sanctórum Mártyrum tuórum **N.** et **N.** natalítia cólere; da nobis in ætérna beatitú-dine de eórum societáte gaudére: Per Dóminum.

Lectio Libri Apocalýpsis beáti
Joánnis Apóstoli. **c. 19**

IN diébus illis : Post hæc ego Joánnes audívi quasi vocem turbárum multárum in cælo dicéntium, Allelúia : Salus, et glória, et virtus Deo nostro est : quia vera, et justa iudícia sunt ejus, qui iudicávit de meretrice magna, quæ corripuit terram in prostitutióne sua, et vindicávit sánguinem servórum suórum de mánibus ejus. Et iterum dixerunt, Allelúia. Et fumus ejus ascéndit in sæcula sæculórum. Et ceciderunt senióres viginti quátuor, et quátuor animália, et adoráverunt Deum sedéntem super thronum, dicéntes, Amen, allelúia. Et vox de throno exívit, dicens : Laudem dicite Deo nostro omnes servi ejus : et qui tímétis eum pusilli, et magni. Et audívi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium, Allelúia : quóniam regnávit Dóminus Deus noster omnípotens. Gaudeámus, et exsultémus : et demus glóriam ei : quia venérunt nuptiæ Agni, et uxor ejus præparávit se. Et datum est illi ut coopériat se býssino splendénti, et cándido. Býssinum enim justificatiónes sunt Sanctórum. Et dixit mihi : Scribe : Beáti, qui ad cenam nuptiárum Agni vocáti sunt.

Allelúia, allelúia. **℣. Ps. 32** Sancti et justi in Dómino gaudente : vos elégit Deus in hereditátem sibi.

Tempore Resurrectionis Allelúia. **℣. Matth. 28** In die resurrectionis meæ, dicit Dóminus, præcedam vos in Galilæam. Allelúia.

Temp. Ascensionis Allelúia. **℣. Eph. 4** Ascéndens Christus in altum captivam duxit captivitátem : dedit dona homínibus. Allelúia.

✠ **Sequéntia sancti Evangélíi**
secúndum Joánnem. **c. 15**

IN illo témpore : Dixit Jesus discípulis suis : Ego sum vitis, vos pálmities : Qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit : mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint : quodcúmque voluéritis petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discípuli. Sicut diléxit me Pater, et ego diléxi vos. Manéte in dilectiône mea. Si præcépta mea servavéritis, manébitis in dilectiône mea, sicut et ego Patris mei præcépta servávi, et máneo in ejus dilectiône. Hæc locútus sum vobis : ut gáudium meum in vobis sit, et gáudium vestrum impleátur.

Offertorium Ps. 67 Mirábilis Deus in sanctis suis, Deus Israël ipse dabit virtútem, et fortitúdinem plebi suæ, benedictus Deus, allelúia.

Secreta

MUNERA tibi, Dómine, nostræ devotiõnis offérimus : quæ et pro tuórum tibi grata sint honóre Sanctórum, et nobis salutária, te miseránte, reddántur. Per Dóminum.

Communio Sap. 3 Justórum animæ in manu Dei sunt, et non tanget illos torméntum malitiæ : visi sunt óculis insipientium mori : illi autem sunt in pace, allelúia, allelúia.

Postcommunio

PRÆSTA nobis, quæsumus Dómine, intercedéntibus sanctis Martýribus tuis **N.** et **N.;** ut quæ ore contigimus, pura mente capiamus : Per Dóminum.

In festo unius
CONFESSORIS
PONTIFICIS

Officium

Ps. 131

SACERDOTES tui, Dómine, induant justítiam, et sancti tui exsúltent : propter David servum tuum, non avértas fáciem Christi tui. **T. P.** Allelúia, allelúia. **℣.** Meménto Dómine David, et omnis mansuetúdinis ejus. **Gloria Patri.**

Oratio

DA, quæsumus omnípotens Deus : ut beáti **N.** Confessoris tui atque Pontificis veneránda solémnitas; et devotiõnem nobis áugeat, et salutem : Per Dóminum.

Léctio Epístolæ beáti Pauli Apóstoli ad Hebræos. **c. 7.**

FRATRES : Plures facti sunt sacerdótes, idcirco quod morte prohiberéntur permanére : Jesus autem eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetipsum ad Deum : semper vivens ad interpellándum pro nobis. Talis enim decébat ut nobis esset pöntifex, sanctus, innocens, impollútus, segregátus a peccatóribus, et excelsior cælis factus : qui non habet necessitátem quotidie, quemádmódum sacerdótes, prius pro suis delictis hóstias offerre, deinde pro pópuli : Hoc enim fecit semel, seípsum offeréndo, Jesus Christus Dóminus noster.

℟. Ps. 88 Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. **℣.** Nihil proficiet inimicus in eo, et fílius iniquitátis non nocébit ei.

Allelúia, allelúia. ℣. Ps. 20 Posuisti Dómine super caput ejus corónam de lápide pretiósó. **Allelúia.**

Infra Septuag. Tractus Ps. 20 Desidérium animæ ejus tribuisti ei : et voluntáte labiórum ejus non fraudásti eum. **℣.** Quóniam prævenisti eum in benedictiõibus dulcédinis. **℣.** Posuisti super caput ejus corónam de lápide pretiósó.

Tempore Resurr. secundum Allelúia. *℟.* Matth. 28 Angelus Dómini descendit de cælo : et accédens revolvit lápidem, et sedébat super eum. Allelúia.

Tempore Ascens. secundum Allelúia. *℟.* Eph. 4 Ascéndens Christus in altum captivam duxit captivitátem : dedit dona homínibus. Allelúia.

✠ **Sequéntia sancti Evangélii** secúndum Matthæum. c. 24

IN illo témpore : Dixit Jesus discipulis suis : Vigiláte, quia nescitis qua hora Dóminus vester ventúrus sit. Illud autem scitóte, quóniam si sciret paterfamílias qua hora fur ventúrus esset, vigiláret úti-que, et non sínereť pérfodi domum suam. Ideo et vos estóte paráti : quia qua nescitis hora Filius hóminis ventúrus est. Quis, putas, est fidélis servus, et prudens, quem constituit dóminus suus super familiam suam, ut det illis cibum in témpore? Beátus ille servus, quem cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus. **T. P.** Allelúia.

Secreta

SANCTI tui, quæsumus Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Communio Matth. 24 Beátus servus, quem cum vénerit dóminus, invénerit vigilántem : amen dico vobis, super ómnia bona sua constituet eum. **T. P.** Allelúia.

Postcommunio

PRÆSTA, quæsumus omnipotens Deus : ut de perceptis munéribus grátias exhibéntes; intercedénte beáto N. Confessóre tuo atque Pontífice, beneficia potióra sumámus : Per Dóminum.

IN EODEM FESTO

alia Missa

Officium Eccli. 45

STATUIT ei Dóminus testaméntum pacis, et príncipem fecit eum : ut sit illi sacerdótii dignitas in ætérnum. **T. P.** Allelúia, allelúia. *℟.* Ps. 88 Misericórdias Dómini in ætérnum cantábo. Glória Patri.

Oratio

EXAUDI, quæsumus Dómine, preces nostras, quas in beáti N. Confessoris tui atque Pontificis solemnitáte deférimus : ut qui tibi digne méruiť famulári; ejus intercedéntibus méritis, ab ómnibus nos absólvas peccátis : Per Dóminum.

Léctio Libri Sapiéntiæ.

Eccli. 44 et 45

ECCE sacérdos magnus, qui in diébus suis plácuít Deo, et invéntus est justus : Et in témpore iracúndiæ factus est reconciliátio. Non est

inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gentium dedit illi : et testamentum suum confirmavit super caput ejus. Agnovit eum in benedictionibus suis : conservavit illi misericordiam suam, et invenit gratiam coram oculis Domini. Magnificavit eum in conspectu regum : et dedit illi coronam gloriæ. Stavit illi testamentum æternum : et dedit illi sacerdotium magnum, et beatificavit illum in gloria. Fungi sacerdotio, et habere laudem in nomine ipsius : et offerre illi incensum dignum in odorem suavitatis.

℟. Ps. 109 Juravit Dominus, et non poenitebit eum : Tu es sacerdos in æternum secundum ordinem Melchisedech. V. Dixit Dominus Domino meo : Sede a dextris meis.

Allelúia, allelúia. V. Ps. 88 Inveni David servum meum : oleo sancto meo unxi eum. Allelúia.

Infra Septuag. Tractus Ps. 111 Beatus vir, qui timet Dominum : in mandatis ejus cupit nimis. V. Potens in terra erit semen ejus : generatio rectorum benedicetur. V. Glória, et divitiæ in domo ejus : et justitia ejus manet in sæculum sæculi.

Tempore Resurr. secundum Allelúia. V. Matth. 28 Angelus Domini descendit de cælo : et accedens revolvit lapidem, et sedebat super eum. Allelúia.

Tempore Ascens. secundum Allelúia. V. Eph. 4 Ascendens Christus in altum captivam duxit captivitatem : dedit dona hominibus. Allelúia.

✠ Sequentia sancti Evangelii secundum Matthæum. c. 25

IN illo tempore : Dixit Jesus discipulis suis parabolam hanc : Homo peregre proficiscens, vocavit servos suos et tradidit illis bona sua. Et uni dedit quinque talenta, alii autem duo, alii vero unum, unicuique secundum propriam virtutem, et profectus est statim. Abiit autem qui quinque talenta acceperat, et operatus est in eis, et lucratus est alia quinque. Similiter et qui duo acceperat, lucratus est alia duo. Qui autem unum acceperat, abiens fodit in terram, et abscondit pecuniam domini sui. Post multum vero temporis venit dominus servorum illorum, et posuit rationem cum eis. Et accedens qui quinque talenta acceperat, obtulit alia quinque talenta, dicens : Domine, quinque talenta tradidisti mihi, ecce alia quinque superlucratus sum. Ait illi dominus ejus : Euge serve bone, et fidelis, quia super pauca fuisti fidelis, super multa te constituam, intra in gaudium domini tui. Accessit autem et qui duo talenta acceperat, et ait : Domine, duo talenta tradidisti mihi, ecce alia duo lucratus sum. Ait illi dominus ejus : Euge serve bone, et fidelis, quia super pauca fuisti fidelis, super multa te consti-

tuam, intra in gáudium dómini tui.

Offertorium Ps. 91 Justus ut palma florébit : sicut cedrus, quæ in Libano est, multiplicábitur. **T. P.** Allelúia.

Secreta

ACCEPTA sit in conspéctu tuo Dómine nostra devótio : ut ejus nobis fiat supplicatióne salutáris, pro cujus solemnitáte defértur. Per Dóminum.

Communio Matth. 24 Beátus servus, quem cum vénerit dóminus, invénierit vigilátem : amen dico vobis, super ómnia bona sua constituet eum. **T. P.** Allelúia.

Postcommunio

DA, quæsumus Dómine, fidélibus tuis, Sanctórum tuórum semper veneratióne lætári; et eórum perpétua supplicatióne muníri : Per Dóminum.

In festo unius

DOCTORIS

Officium Eccli. 15

IN médio Ecclésiæ apérui os ejus, et implévit eum Dóminus spíritu sapiéntiæ et intelléctus : stolam glóriæ induit eum. **T. P.** Allelúia, allelúia. **℣.** Jucunditátem, et exultatióem thesaurizávit super eum. **Gloria Patri.**

Oratio

DEUS, qui pópulo tuo æternæ salutis beátum **N.** ministrum tribuísti : præsta

quæsumus, ut quem doctórem vitæ habuimus in terris; intercessórem habére mereámur in cælis : Per Dóminum.

Lectio Epistolæ beáti Pauli Apóstoli ad Timótheum.

2, c. 4

CARISSIME : Testificor coram Deo, et Jesu Christo, qui judicatúrus est vivos, et mórtuos, per advéntum ipsius, et regnum ejus : prædica verbum, insta opportúne, importúne : Argue, óbseca, increpa in omni patiéntia, et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magistros, pruriéntes áuribus, et a veritate quidem audítum avértent, ad fábulas autem converténtur. Tu vero vigila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiόνis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus judex : Non solum autem mihi, sed et iis, qui diligunt advéntum ejus.

℟. Ps. 36 Os justi meditábitur sapiéntiam, et lingua ejus loquétur judicium. **℣.** Lex Dei ejus in corde ipsius : et non supplantabúntur gressus ejus.

Allelúia, allelúia. ℣. Ps. 88 Pósui adjutórium super poténtem : et exaltávi eléctum de plebe mea. **Allelúia.**

Infra Septuag. Tractus Eccli.

50 Quasi stella matutina in medio nébulæ, et quasi luna plena in diébus suis. **℟.** Et quasi sol refúlgens, sic ille refúlsit in templo Dei. **℟.** Quasi arcus refúlgens inter nébulas glóriæ, et quasi flos rosárum in diébus vernis. **℟.** Quasi lília quæ sunt in tránsito aquæ, et quasi thus rédolens in diébus æstátis. **℟.** Quasi ignis effúlgens, et thus ardens in igne. **℟.** Quasi vas auri sólídum, ornátum omni lápide pretiósó.

Tempore Resurr. secundum Allelúia. **℟. Matth. 28** Angelus Dómini descéndit de cælo : et accédens revólvit lápidem, et sedébat super eum. Allelúia.

Tempore Ascens. secundum Allelúia. **℟. Eph. 4** Ascéndens Christus in altum captívam duxit captivitátem : dedit dona homínibus. Allelúia.

✠ **Sequéntia sancti Evangélii secundum Matthæum. c. 5**

IN illo témpore : Dixit Jesus discípulis suis : Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus : ut vídeant ópera vestra bona, et gloríficent Patrem vestrum, qui in cælis est.

Nolíte putáre, quóniam veni sólvare legem, aut prophétas : Non veni sólvare, sed adimplére. Amen quippe dico vobis : donec tránseat cælum et terra, jota unum, aut unus apex non præteribit a lege, donec ómnia fiant. Qui ergo sólverit unum de mandátis istis mínimis, et docúerit sic homines, mínimus vocábitur in regno cælórum : Qui autem fécerit et docúerit, hic magnus vocábitur in regno cælórum.

Credo.

Offertorium Ps. 88 Véritas mea, et misericórdia mea cum ipso : et in nómine meo exaltábitur cornu ejus. **T. P. Allelúia.**

Secreta

OMNIPOTENS sempitérne Deus, múnera tuæ majestáti obláta, per intercessiónem beáti **N.** Confessóris tui atque Doctóris, ad perpétuam nobis fac proveníre salútem. Per Dóminum.

Communio Matth. 25 Dómine, quinque talénta tradidisti mihi, ecce ália quinque superlucrátus sum. Euge serve bone, et fidélis, quia in pauca fuísti fidélis, supra multa te constitúam, intra in gáudium dómini tui. **T. P. Allelúia.**

Postcommunio

SACRAMENTA salútis nostræ suscipiéntes, concéde, quæsumus omnipotens Deus : ut beáti **N.** Confessóris tui atque Doctóris nos ubíque orátio adjuvet; in cujus veneratióne hæc tuæ obtúlimus majestáti : Per Dóminum.

**In festo unius
CONFESSORIS
NON PONTIFICIS**

Officium

Ps. 91

JUSTUS ut palma florébit : sicut cedrus Libani multiplicábitur : plantátus in domo Dómini, in átriis domus Dei nostri. **T. P.** Allelúia, allelúia. **℣.** Bonum est confitéri Dómino : et psállere nómini tuo Altíssime. **Glória Patri.**

Oratio

DEUS, qui nos beáti **N.** Confessoris tui ánnua solemnitate lætificas : concéde propítius, ut cujus natalítia cólimus; étiam actiónes imitémur : Per Dóminum.

**Lectio Epistolæ beáti Pauli
Apóstoli ad Philippenses.**

c. 3

FRATRES : Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse propter eminéntem sciéntiam Jesu Christi Dómini mei : propter quem ómnia detriméntum feci, et árbitor ut stérora, ut Christum lucrifáciam, et invéniam in illo non habens meam justítiam, quæ ex lege est, sed illam, quæ ex fide est Christi Jesu : Quæ ex Deo est justítia in fide ad cognoscéndum illum, et virtútem resurrectionis ejus, et societátem passiónum illius : Configurátus morti ejus : si quo modo occurrám ad resurrectionem, quæ est ex mórtuis : Non quod

jam accéperim, aut jam perfectus sim : Sequor autem, si quo modo comprehéndam, in quo et comprehénsus sum a Christo Jesu.

℟. Ps. 20 Dómine prævenisti eum in benedictiónibus dulcédinis : posuisti in cápite ejus corónam de lápide pretiósó. **℣.** Vitam pétiiit a te : et tribuisti ei longitudínem diérum in sáculum sáculi.

Allelúia, allelúia. ℣. Ps. 63 Lætábitur justus in Dómino, et sperábit in eo, et laudabúntur omnes recti corde. **Allelúia.**

Infra Septuag. Tractus Ps. 111 Beátus vir, qui timet Dóminum : in mandátis ejus cupit nimis. **℣.** Potens in terra erit semen ejus : generátio rectórum benedicétur. **℣.** Glória, et divítiae in domo ejus : et justítia ejus manet in sáculum sáculi.

Tempore Resurr. secundum Allelúia. ℣. Matth. 28 Angelus Dómini descendit de cælo, et accédens revólvit lápidem, et sedébat super eum. **Allelúia.**

Tempore Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. **Allelúia.**

✠ **Sequéntia sancti Evangélii
secúndum Matthæum. c. 11**

In illo témpore : Respóndens Jesus dixit : Confíteor tibi, Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. Ita Pater : quóniam sic fuit plácitum ante te. Omnia mihi trádicta sunt

a Patre meo. Et nemo novit Filium, nisi Pater : neque Patrem quis novit, nisi Filius, et cui voluerit Filius revelare. Venite ad me omnes, qui laboratis, et onerati estis, et ego reficiam vos. Tollite jugum meum super vos, et discite a me, quia mitis sum, et humilis corde : et inveniatis requiem animabus vestris. Jugum enim meum suave est, et onus meum leve.

Offertorium Ps. 91 Justus ut palma florébit : sicut cedrus, quæ in Libano est, multiplicabitur. **T. P. Allelúia.**

Secreta

LAUDIS tibi Dómine hóstias immolámus in tuórum commemoratióne Sanctórum : quibus nos et præséntibus éxui malis confidimus, et futúris. Per Dóminum.

Communio Matth. 19 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis. **T. P. Allelúia.**

Postcommunio

REFFECTI cibo potúque cælesti, Deus noster, te supplices exorámus : ut in cujus hæc commemoratióne percépimus; ejus muniámur et precibus : Per Dóminum.

Aliud Evangelium

✠ **Sequéntia sancti Evangélíi** secúndum Lucam. **c. 12**

IN illo témpore : Dixit Jesus discipulis suis : Nolíte timére pusillus grex, quia com-

plácuít Patri vestro dare vobis regnum. Véndite quæ possidétis, et date eleemósynam. Fácite vobis sácculos, qui non veteráscunt, thesáurum non deficiéntem in cælis : quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

IN EODEM FESTO

alia Missa

Officium

Ps. 36

OS justi meditábitur sapiéntiam, et lingua ejus loquétur judicium : lex Dei ejus in corde ipsíus. **T. P. Allelúia, allelúia. V.** Noli æmulári in malignántibus : neque zeláveris faciéntes iniquitátem. **Glória Patri.**

Oratio

ADESTO Dómine supplicatióibus nostris, quas in beáti **N.** Confessorís tui solemnitate deférimus : ut qui nostræ justitiæ fidúciám non habémus; ejus, qui tibi plácuít, precibus adjuvémur : Per Dóminum.

Lectio Libri Sapiéntiæ.

Eccli. 31

BEATUS vir, qui invéntus est sine mácula : et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirabília in vita sua. Qui probátus est in illo, et perféctus est, erit illi glória ætérna : Qui pótuit tránsgridi, et non est trans-

gréssus : fácere mala, et non fecit : Ideo stabilita sunt bona illius in Dómino, et eleemósynas illius enarrábit omnis Ecclesiá sanctórum.

℟. Ps. 20 Dómine prævénisti eum in benedictiónibus dulcédinis : posuisti in cápite ejus coronam de lápide pretiósó. ℣. Vitam pétiiit a te : et tribuisti ei longitúdinem diérum in sáculum sáculi.

Allelúia, allelúia. ℣. Osee 14 Justus germinábit sicut lílium, et florébit in ætérnum ante Dóminum. Allelúia.

Infra Septuag. Tractus Ps. 111 Beátus vir, qui timet Dóminum : in mandátis ejus cupit nimis. ℣. Potens in terra erit semen ejus : generátio rectórum benedicétur. ℣. Glória, et divítiae in domo ejus : et justítia ejus manet in sáculum sáculi.

Tempore Resurr. secundum Allelúia. ℣. Matth. 28 Angelus Dómini descéndit de cælo : et accédens revólvit lápidem, et sedébat super eum. Allelúia.

Tempore Ascens. secundum Allelúia. ℣. Ps. 46 Ascéndit Deus in jubilatíone : et Dóminus in voce tubæ. Allelúia.

✠ Sequéntia sancti Evangélíi secúndum Lucam. c. 12

IN illo témpore : Dixit Jesus discipulis suis : Sint lumbi vestri præcincti, et lucérnæ ardéntes in mánibus vestris, et vos símiles hominibus expectántibus dóminum suum, quando revertátur a nuptiis : ut, cum vénerit, et pulsáverit,

conféstim apériant ei. Beáti servi illi, quos cum vénerit dóminus, invénerit vigilántes : Amen dico vobis, quod præcínget se, et fáciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veniret, vigiláret útique, et non síneret pérfodi domum suam. Et vos estóte paráti : quia qua hora non putátis, Fílius hóminis véniet.

Offertorium Ps. 20 Desidérium ánimæ ejus tribuisti ei Dómine, et voluntáte labiórum ejus non fraudásti eum : posuisti in cápite ejus coronam de lápide pretiósó. T. P. Allelúia.

Secreta

PRÆSTA nobis, quæsumus omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente purificet. Per Dóminum.

Communio Matth. 19 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis. T. P. Allelúia.

Postcommunio

QUÆSUMUS omnipotens Deus : ut qui cælestia aliménta percépimus; intercedénte beáto N. Confessóre tuo, per hæc contra ómnia advérsa muniámur : Per Dóminum.

Aliud Evangelium

✠ Sequéntia sancti Evangélii
secúndum Lucam. c. 10

IN illo témpore : Designávit
Dóminus et álios septua-
gínta duos, et misit illos binos
ante fáciem suam in omnem
civitátem, et locum, quo erat
ipse ventúrus. Et dicébat illis :
Messis quidem multa, operárii
autem pauci. Rogáte ergo dó-
minum messis, ut mittat ope-
rários in messem suam. Ité :
ecce ego mitto vos sicut agnos
inter lupos. Nolite portáre sác-
culum, neque peram, neque
calceaménta, et néminem per
viam salutavéritis. In quam-
cúmque domum intravéritis,
primum dícite : Pax huic dó-
mui : Et si ibi fúerit filius
pacis, requiescet super illum
pax vestra : Sin autem, ad vos
revertétur. In eádem autem
domo manéte, edéntes, et bi-
béntes quæ apud illos sunt :
Dignus est enim operárius
mercéde sua. Nolite transíre
de domo in domum. Et in
quamcúmque civitátem intra-
véritis, et suscepérint vos,
manducáte quæ apponúntur
vobis : Et curáte infirmos,
qui in illa sunt, et dícite illis :
Appropinquávit in vos regnum
Dei.

In festo unius

ABBATIS

Officium

Ps. 36

OS justi meditábitur sa-
piéntiam, et lingua ejus
loquétur iudícium : lex
Dei ejus in corde ipsíus. T. P.

Allelúia, allelúia. ✠. Noli
æmulári in malignántibus :
neque zeláveris faciéntes ini-
quitátem. Glória Patri.

Oratio

INTERCESSIO nos, quæsumus
Dómine, beáti N. Abbátis
comméndet : ut quod nostris
méritis non valémus; ejus pa-
trocinio assequámur : Per Dó-
minum.

Léctio Libri Sapiéntiæ.

Eccli. 45

DILECTUS Deo, et homini-
bus : cujus memória in
benedictióne est. Símilem il-
lum fecit in glória sanctórum,
et magnificávit eum in timóre
inimicórum, et in verbis suis
monstra placávit. Glorificávit
illum in conspéctu regum, et
jussit illi coram pópulo suo,
et osténdit illi glóriam suam.
In fide et lenitáte ipsíus san-
ctum fecit illum, et elégit eum
ex omni carne. Audívit enim
eum, et vocem ipsíus, et indú-
xit illum in nubem. Et dedit
illi coram præcépta, et legem
vitæ et disciplinæ.

✠. Ps. 20 Dómine præve-
nísti eum in benedictiónibus
dulcedínis : posuisti in cápite
ejus coronam de lápide pre-
tíoso. ✠. Vitam pétíit a te : et
tribuisti ei longitúdinem dié-
rum in sáculum sáculi.

Allelúia, allelúia. ✠. Eccli. 45
Amávit eum Dóminus, et or-
návit eum : stolam glóriæ
induit eum. Allelúia.

Infra Septuag. Tractus Ps. 111
Beátus vir, qui timet Dómi-

num : in mandátis ejus cupit nimis. **℣.** Potens in terra erit semen ejus : generatio rectórum benedicétur. **℣.** Glória, et divitiæ in domo ejus : et justitia ejus manet in sáculum sáculi.

Tempore Resurr. secundum Allelúia. ℣. Matth. 28 Angelus Dómini descéndit de cælo : et accédens revólvit lápidem, et sedébat super eum. Allelúia.

Tempore Ascens. secundum Allelúia. ℣. Eph. 4 Ascéndens Christus in altum captívam duxit captivitátem : dedit dona hominibus. Allelúia.

✠ **Sequéntia sancti Evangélíi secúndum Matthæum. c. 19**

IN illo témpore : Dixit Petrus ad Jesum : Ecce nos reliquimus ómnia, et secúti sumus te : Quid ergo erit nobis? Jesus autem dixit illis : Amen dico vobis, quod vos, qui secúti estis me, in regeneratióne cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accipiet, et vitam ætérnam possidébit.

Offertorium Ps. 20 Desidé-rium ánimæ ejus tribuisti ei Dómine, et voluntáte labiórurn ejus non fraudásti eum : posuisti in cápíte ejus corónam de lápide pretiósó. **T. P.** Allelúia.

Secreta

SACRIS altáribus, Dómine, hóstias superpósitas sanctus **N.** Abbas, quæsumus, in salútem nobis proveníre depóscat. Per Dóminum.

Communio Matth. 19 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis. **T. P.** Allelúia.

Postcommunio

PROTEGAT nos, Dómine, cum tui perceptiône sacraménti, beátus **N.** Abbas, pro nobis intercedéndo : ut et conversatiónis ejus experiámur insígnia; et intercessiόνis ipsíus percipiámus suffrágia : Per Dóminum.

In festo unius

VIRGINIS ET MARTYRIS

Officium

Ps. 118

LOQUEBAR de testimoniis tuis in conspéctu regum et non confundébar : et meditábar in mandátis tuis, quæ diléxi nimis. **T. P.** Allelúia, allelúia. **℣.** Beáti immaculáti in via : qui ámbulant in lege Dómini. Glória Patri.

Oratio

INDULGENTIAM nobis, quæsumus Dómine, beáta **N.** Virgo et Martyr implóret : quæ tibi grata semper éxstitit; et mérito castitátis, et tuæ professiône virtútis : Per Dóminum.

Lectio Libri Sapiéntiæ.

Eccli. 51

DOMINE Deus meus exaltásti super terram habitationem meam, et pro morte defluente deprecáta sum. Invo-cávi Dóminum patrem Dómini mei, ut non derelinquat me in die tribulationis meæ, et in témpore superbórum sine adjutório. Laudábo nomen tuum assidue, et collaudábo illud in confessione, et exaudíta est oratio mea. Et liberásti me de perditione, et eripuísti me de témpore iníquo. Propterea confitébor, et laudem dicam tibi, Dómine Deus noster.

℟. Ps. 44 Spécie tua et pulchritudine tua inténde, prospere procéde, et regna. ℣. Propter veritatem, et mansuetudinem, et justitiam : et dedúcet te mirabiliter dextera tua.

Allelúia, allelúia. ℣. 2 Cor. 11 Æmulor enim vos Dei æmulatione : despóndi vos uni viro virginem castam exhibére Christo. Allelúia.

Infra Septuag. Tractus Ps. 125 Qui séminant in lácrymis, in gáudio metent. ℣. Eúntes ibant et flebant, mitténtes semina sua. ℣. Veniéntes autem vénient cum exultatione, portántes manípulos suos.

Tempore Resurr. secundum Allelúia. ℣. Matth. 28 Surrexit Dóminus, et occurrens mulieribus, ait : Avéte. Tunc accessérunt, et tenuérunt pedes ejus. Allelúia.

Tempore Ascens. secundum Allelúia. ℣. Ps. 46 Ascéndit

Deus in jubilatione : et Dóminus in voce tubæ. Allelúia.

✠ Sequéntia sancti Evangélii secundum Matthæum, c. 13

IN illo témpore : Dixit Jesus discipulis suis parabolam hanc : Símile est regnum cælórum thesauro abscondito in agro : quem qui invénit homo, abscondit, et præ gáudio illius vadit, et vendit univérsa quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiósa margaríta, ábiit, et véndidit ómnia quæ hábuit, et emit eam. Iterum símile est regnum cælórum sagénæ missæ in mare, et ex omni génere piscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi : Exíbunt Angeli, et separábunt malos de médio justórum, et mittent eos in camínus ignis : Ibi erit fletus, et stridor déntium. Intellexistis hæc ómnia? Dicunt ei : Etiam. Ait illis : Ideo omnis scribe doctus in regno cælórum, similis est hómini patrifámiliis, qui profert de thesauro suo nova et vétera.

Offertorium Ps. 44 Afferéntur regi vírgines post eam : próximæ ejus afferéntur tibi in lætítia et exultatione : adducéntur in templum regi Dómino. T. P. Allelúia.

Secreta

SUSCIPE Dómine múnera, quæ in beátæ **N.** Virginis et Mártiris tuæ solemnitate deférimus : cujus nos confidimus patrocínio liberári. Per Dóminum.

Communio Matth. 13 Símile est regnum cælórum hómini negotiátóri, quærénti bonas margarítas : invénta autem una pretiósa margaríta, dedit ómnia sua, et comparávit eam. **T. P.** Allelúia.

Postcommunio

AUXILIENTUR nobis, Dómine, sumpta mystéria; et intercedénte beáta **N.** Virgine et Mártire tua, sempitérna protectione confirment : Per Dóminum.

IN EODEM FESTO

alia Missa

Officium

Ps. 118

ME expectavérunt peccatóres, ut pérderent me : testimónia tua Dómine intelléxi : omnis consummationis vidi finem : latum mandátum tuum nimis. **T. P.** Allelúia, allelúia. **℣.** Beáti immaculáti in via : qui ámbulant in lege Dómini. **Gloria** Patri.

Oratio

OMNIPOTENS sempitérne Deus, qui infirma mundi éligis, ut fórtia quæque confúndas : concéde propítius, ut qui beátæ **N.** Virginis et Mártiris tuæ solémnia cólimus;

ejus apud te patrocínia sentiámus : Per Dóminum.

Lectio Libri Sapiéntiæ.

Eccli. 51

CONFITEBOR tibi Dómine rex, et collaudábo te Deum salvatórem meum. Confitébor nómini tuo : quóniam adjútor et protéctor factus es mihi, et liberásti corpus meum a perditione, a láqueo linguæ iniquæ, et a lábiis operántium mendácium, et in conspéctu astántium factus es mihi adjútor. Et liberásti me secúndum multitudínem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulationum, quæ circumdedérunt me : A pressúra flammæ, quæ circumdedit me, et in médio ignis non sum æstuáta : De altitúdine ventris inferi, et a lingua coinquináta, et a verbo mendácii, a rege iniquo, et a lingua injústa : Laudábit usque ad mortem ánimam mea Dóminum, quóniam éruis sustinéntes te, et liberas eos de mánibus géntium, Dómine Deus noster.

℟. **Ps. 44** Spécie tua et pulchritúdine tua inténde, prospere procéde, et regna. **℣.** Propter veritátem, et mansuetúdinem, et justitiam : et dedúcet te mirabíliter dextera tua.

Allelúia, allelúia. **℣.** **Ibid.** Adducéntur regi vírgines post eam : próximæ ejus afferéntur tibi in lætítia. Allelúia.

Infra Septuag. Tractus Ps. 125
Qui séminant in lácrymis, in
gáudio metent. **℟.** Eúntes
ibant et flebant, mitténtes sé-
mina sua. **℟.** Veniéntes autem
véniént cum exsultatióne, por-
tántes manipulos suos.

Tempore Resurr. secundum
Allelúia. **℟.** **Matth. 28** Sur-
rêxit Dóminus, et occúrrens
mulieribus, ait : Avéte. Tunc
accessérunt, et tenuérunt pe-
des ejus. Allelúia.

Tempore Ascens. secundum
Allelúia. **℟.** **Ps. 46** Ascéndit
Deus in jubiliatióne : et Dómi-
nus in voce tubæ. Allelúia.

✠ **Sequéntia sancti Evangélii**
secúndum Matthæum. **c. 25**

IN illo témpore : Dixit Jesus
discipulis suis parábolam
hanc : Símile erit regnum cæ-
lórum decem virgínibus : quæ
accipiéntes lámpades suas,
exiérunt óbviám sponso, et
sponsæ. Quinque autem ex
eis erant fátuæ, et quinque
prudéntes : Sed quinque fá-
tuæ, accéptis lampádibus, non
sumpsérunt óleum secum :
Prudéntes vero accepérunt
óleum in vasis suis cum lam-
pádibus. Moram autem fa-
ciénte sponso, dormitavérunt
omnes, et dormiérunt. Média
autem nocte clamor factus est :
Ecce sponsus venit, exíte ób-
viam ei. Tunc surrexérunt
omnes vírgines illæ, et orna-
vérunt lámpades suas. Fátuæ
autem sapiéntibus dixérunt :
Date nobis de óleo vestro :
quia lámpades nostræ extin-
guúntur. Respondérunt pru-

déntes, dicéntes : Ne forte non
sufficiat nobis, et vobis, ite
pótius ad vendéntes, et émite
vobis. Dum autem irent émere,
venit sponsus : Et quæ parátæ
erant, intravérunt cum eo ad
núptias, et clausa est jánuæ.
Novissime vero véniunt et réli-
quæ vírgines, dicéntes : Dó-
mine, Dómine, áperi nobis. At
ille respóndens, ait : Amen
dico vobis, nésccio vos. Vigiláte
ítaque, quia nescitis diem,
neque horam.

Offertorium Ps. 44 Afferén-
tur regi vírgines post eam :
próximæ ejus afferéntur tibi
in lætitia et exsultatióne : ad-
ducéntur in templum regi Dó-
mino. **T. P.** Allelúia.

Secreta

HOSTIAS, Dómine, quas
tibi offérimus, propítius
súscipe : et intercedénte beáta
N. Vírgine et Mártire tua,
víncula peccatórum nostró-
rum absólve. Per Dóminum.

Communio Matth. 25 Quin-
que prudéntes vírgines acce-
pérunt óleum in vasis suis cum
lampádibus : média autem
nocte clamor factus est : Ecce
sponsus venit, exíte óbviám
Christo Dómino. **T. P.** Alle-
lúia.

Postcommunio

REFFECTI cibo, potúque cæ-
lésti, Deus noster, te súp-
plices exorámus : ut in cujus
hæc commemoratióne percé-
pimus; ejus muniámur et pré-
cibus : Per Dóminum.

In festo

UNIUS VIRGINIS
NON MARTYRIS

Officium

GAUDEAMUS omnes in Dómino, diem festum celebrántes sub honóre beátæ **N.** Virginis, de cujus solemnitáte gaudent Angeli, et colláudant Fílium Dei. **T. P.** Allelúia, allelúia. **℣. Ps. 44** Eructávit cor meum verbum bonum : dico ego ópera mea Regi. **Glória Patri.**

Oratio

EXAUDI nos Deus salutáris noster : ut sicut de beátæ **N.** Víriginis tuæ festivitáte gaudémus; ita piæ devotiónis erudiámur afféctu : Per Dóminum.

Léctio Epístolæ beáti Pauli
Apóstoli ad Corinthios.

2, c. 10 et 11

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat. Utinam sustinerétis módicum quid insipiéntiæ meæ, sed et supportáte me : Æmulor enim vos Dei æmulatióne. Despóndi enim vos uni viro vírginem castam exhibére Christo.

℣. Ps. 44 Propter veritátem, et mansuetúdinem, et justítiam : et dedúcet te mirabiliter délixtera tua. **℣.** Audi filia, et vide, et inclína aurem tuam : quia concupívit rex spéciem tuam.

Allelúia, allelúia. **℣.** Veni elécta mea, et ponam in te thronum meum : quia concupívit rex spéciem tuam. Allelúia.

Infra Septuag. Tractus Ps. 125 Qui sémant in lácrymis, in gáudio metent. **℣.** Eúntes ibant et flebant, mitténtes sémina sua. **℣.** Veniéntes autem vénient cum exsultatióne, portántes manípulos suos.

Tempore Resurr. secundum Allelúia. **℣. Matth. 28** Surrexit Dóminus, et occúrrens muliéribus, ait : Avéte. Tunc accessérunt, et tenuérunt pedes ejus. Allelúia.

Tempore Ascens. secundum Allelúia. **℣. Eph. 4** Ascéndens Christus in altum captívam duxit captivitátem : dedit dona homínibus. Allelúia.

✠ **Sequéntia sancti Evangélii**
secúndum Matthæum. **c. 25**

IN illo témpore : Dixit Jesus discipulis suis parábolam hanc : Símile erit regnum cælórum decem vírginibus : quæ accipiéntes lámpades suas, exiérunt óbviám sponso, et sponsæ. Quinque autem ex eis erant fátuæ, et quinque prudéntes : Sed quinque fátuæ, accéptis lampádibus, non sumpserunt óleum secum : Prudéntes vero accepérunt óleum in vasis suis cum lampádibus. Moram autem faciente sponso, dormitavérunt omnes, et dormiérunt. Média autem nocte clamor factus est : Ecce sponsus venit, exite óbviám ei. Tunc surrexérunt omnes vír-

gines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro : quia lámpades nostræ exstinguúntur. Respondérunt prudéntes, dicéntes : Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus : Et quæ parátæ erant, intravérunt cum eo ad núp-tias, et clausa est jánuæ. Novíssime vero véniunt et réliquæ vírgines, dicéntes : Dómine, Dómine, áperi nobis. At ille respóndens, ait : Amen dico vobis, néscio vos. Vigiláte itaque, quia nescítis diem, neque horam.

Offertorium Ps. 44 Filíæ regum in honóre tuo : ástitit regína a dextris tuis in vestítu deauráto, circúmdata varietáte. **T. P. Allelúia.**

Secreta

ACCEPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatione percepisse cognóscit auxiliúm. Per Dóminum.

Communio Ps. 44 Diffúsa est grátia in lábiis tuis : propterea benedixit te Deus in ætérnum. **T. P. Allelúia.**

Postcommunio

SATIASTI Dómine famíliam tuam munéribus sacris : ejus, quæsumus, semper interventióne nos réfove; cujus solémnia celebrámus: Per Dóminum.

IN EODEM FESTO

alia Missa

Officium

Ps. 44

DILEXISTI justítiam, et odisti iniquitátem : propterea unxit te Deus, Deus tuus, óleo lætitiæ præ consórtibus tuis. **T. P. Allelúia, allelúia. V.** Eructávit cor meum verbum bonum : dico ego ópera mea Regi. **Glória Patri.**

Oratio

EXAUDI nos Deus salutáris noster : ut sicut de beátæ **N.** Virginis tuæ festivitáte gaudémus; ita piæ devotiónis erudiámur afféctu : Per Dóminum.

Léctio Epistolæ beáti Pauli Apóstoli ad Corínthios.

1, c. 7

FRATRES : De virgínibus præcéptum Dómini non hábeo : consílium autem do, tamquam misericórdiam consecúsus a Dómino, ut sim fídélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? Noli quærere solutió-nem. Solútus es ab uxóre? Noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatió-nem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : Réliquum est, ut et qui habent uxóres, tamquam non habéntes sint : et

qui flent, tamquam non flentes : et qui gaudent, tamquam non gaudentes : et qui emunt, tamquam non possidentes : et qui utuntur hoc mundo, tamquam non utantur : præterit enim figura hujus mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, et divisus est. Et mulier innupta, et virgo cogitat quæ Domini sunt, ut sit sancta corpore, et spiritu : In Christo Jesu Domino nostro.

℟. Ps. 44 Dilexisti justitiam, et odisti iniquitatem. ℣. Propterea unxit te Deus, Deus tuus, oleo lætitiæ.

Allelúia, allelúia. ℣. Ibid. Diffusa est grátia in lábiis tuis : propterea benedixit te Deus in ætérnum. Allelúia.

InfraSeptuag. Tractus Ps. 125 Qui sémant in lácrymis, in gáudio metent. ℣. Eúntes ibant et flebant, mitténtes sémina sua. ℣. Veniéntes autem vénient cum exsultatióne, portántes manípulos suos.

Tempore Resurr. secundum Allelúia. ℣. Matth. 28 Surrexit Dóminus, et occurrens muliéribus, ait : Avéte. Tunc accessérunt, et tenuérunt pedes ejus. Allelúia.

Tempore Ascens. secundum Allelúia. ℣. Eph. 4 Ascéndens Christus in altum captivam duxit captivitatem : dedit dona homínibus. Allelúia.

✠ Sequéntia sancti Evangélii secúndum Matthæum. c. 13

IN illo témpore : Dixit Jesus discípulis suis parábolam hanc : Símile est regnum cælórum thesáuro abscondito in agro : quem qui invénit homo, abscondit, et præ gáudio illius vadit, et vendit univérsa quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiósá margaríta, ábiit, et véndidit ómnia quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sǎculi : Exibunt Angeli, et separábunt malos de médio justórum, et mittent eos in camínus ignis : Ibi erit fletus, et stridor déntium. Intellexístis hæc ómnia? Dicunt ei : Etiam. Ait illis : Ideo omnis scriba doctus in regno cælórum, símilis est hómini patrifámiliás, qui profert de thesáuro suo nova et vétera.

Offertorium Ps. 44 Diffusa est grátia in lábiis tuis : propterea benedixit te Deus in ætérnum, et in sǎculum sǎculi. T. P. Allelúia.

Secreta

ACCEPTA tibi sit, Dómine, sacrátæ plebis oblátio pro tuórum honóre Sanctórum,

quorum se méritis de tribulatione percepisse cognóscit auxilium. Per Dóminum.

Communio Matth. 25 Quinque prudentes virgines acceperunt óleum in vasis suis cum lampádibus : média autem nocte clamor factus est : Ecce sponsus venit, exíte óbviám Christo Dómino. **T. P.** Allelúia.

Postcommunio

SATIASTI Dómine familiam tuam munéribus sacris : ejus, quæsumus, semper interventiône nos réfove; cujus solémnia celebrámus : Per Dóminum.

In festo unius

MARTYRIS NON VIRGINIS

Officium

Ps. 118

ME expectavérunt peccatóres, ut pérderent me : testimónia tua Dómine intelléxi : omnis consummationis vidi finem : latum mandátum tuum nimis. **T. P.** Allelúia, allelúia. **℟.** Beáti immaculáti in via : qui ámbulant in lege Dómini. **Gloria Patri.**

Oratio

DEUS, qui inter cétera potentíæ tuæ miracula, étiam in sexu frágili victóriam martyrii contulisti : concéde propítius, ut qui beátæ N. Mátyris tuæ natalítia cólimus; per ejus ad te exémpa gradiámur : Per Dóminum.

Léctio Libri Sapiéntiæ.

Eccli. 51

CONFITEBOR tibi, Dómine rex, et collaudábo te Deum salvatórem meum. Confitébor nómini tuo : quóniam adjútor et protéctor factus es mihi, et liberásti corpus meum a perditione, a láqueo linguæ iníquæ, et a lábiis operántium mendácium, et in conspéctu astántium factus es mihi adjútor. Et liberásti me secúndum multitudínem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulationum, quæ circumdedérunt me : A pressúra flammæ, quæ circumdedit me, et in médio ignis non sum æstuáta : De altitúdine ventris inferi, et a lingua coínquináta, et a verbo mendácii, a rege iníquo, et a lingua injústa : Laudábit usque ad mortem ánimá mea Dóminum, quóniam éruis sustinéntes te, et liberas eos de mánibus géntium, Dómine Deus noster.

℟. Ps. 44 Dilexisti justitiam, et odísti iniquitátem. **℟.** Proptérea unxit te Deus, Deus tuus, óleo lætitiæ.

Allelúia, allelúia. ℟. Ibid. Spécie tua et pulchritúdine tua inténde, prospere procéde, et regna. Allelúia.

InfraSeptuag. Tractus Ps. 125 Qui sémant in lácrymis, in gáudio metent. **℟.** Eúntes ibant et flebant, mitténtes sémina sua. **℟.** Veniéntes autem

vénient cum exsultatione, portantes manipulos suos.

Tempore Resurr. secundum Alleluia. *℟. Matth. 28* Surrexit Dominus, et occurrens mulieribus, ait : Avete. Tunc accesserunt, et tenuerunt pedes ejus. Alleluia.

Tempore Ascens. secundum Alleluia. *℟. Eph. 4* Ascendens Christus in altum captivam duxit captivitatem : dedit dona hominibus. Alleluia.

✠ **Sequentia sancti Evangelii secundum Matthæum. c. 13**

IN illo tempore : Dixit Jesus discipulis suis parabolam hanc : Simile est regnum cælorum thesauro abscondito in agro : quem qui invenit homo, abscondit, et præ gaudio illius vadit, et vendit universa quæ habet, et emit agrum illum. Iterum simile est regnum cælorum homini negotiatori, querenti bonas margaritas. Inventa autem una pretiosa margarita, abiit, et vendidit omnia quæ habuit, et emit eam. Iterum simile est regnum cælorum sagænæ missæ in mare, et ex omni genere piscium congreganti. Quam, cum impléta esset, educêtes, et secus litus sedêtes, elegerunt bonos in vasa, malos autem foras miserunt. Sic erit in consummatione sæculi : Exhibunt Angeli, et separabunt malos de medio justorum, et mittent eos in caminum ignis : Ibi erit fletus, et stridor dentium. Intellexistis hæc omnia? Dicunt ei : Etiam. Ait illis :

Ideo omnis scribe doctus in regno cælorum, similis est homini patrifamilias, qui profert de thesauro suo nova, et vetera.

Offertorium Ps. 44 Diffusa est grátia in labiis tuis : propterea benedixit te Deus in ætérnum, et in sæculum sæculi. *T. P.* Alleluia.

Secreta

SUSCIPE, Dómine, múnera, quæ in beatæ *N. Mátyris* tuæ solemnitate deférimus : cujus nos confidimus patrocinio liberári. Per Dóminum.

Communio Ps. 118 Principes persecúti sunt me gratis : et a verbis tuis formidávit cor meum. *T. P.* Alleluia.

Postcommunio

AUXILIENTUR nobis, Dómine, sumpta mystéria; et intercedente beatá *N. Mátyre* tua, sempitérna faciant protectione gaudere : Per Dóminum.

In festo

PLURIMARUM VIRGINUM ET MARTYRUM

Officium

Ps. 118

ME exspectavérunt peccatóres, ut pérderent me : testimónia tua Dómine intelléxi : omnis consummationis vidi finem : latum mandátum tuum nimis. *T. P.* Alleluia, alleluia. *℟.* Beáti immaculáti in via : qui ámbulant in lege Dómini. **Glória Patri.**

Oratio

DA nobis, quæsumus Dómine Deus noster, sanctárum Virgínium et Mátyrum tuárum **N.** et **N.** palmas incessábili devotióne venerári : ut quas digna mente non póssumus celebráre; humilibus saltem frequentémus obséquiiis : Per Dóminum.

Léctio Epistolæ beáti Pauli
Apóstoli ad Corínthios.

I, c. 7

FRATRES : De virgínibus præcéptum Dómini non hábeo : consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? Noli quærere solutió-nem. Solútus es ab uxóre? Noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatió-nem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : Réliquum est, ut et qui habent uxóres, tamquam non habéntes sint : et qui flent, tamquam non flentes : et qui gaudent, tamquam non gaudentes : et qui emunt, tamquam non possidéntes : et qui utúntur hoc mundo, tamquam non utántur : præterit enim figúra hujus mundi. Volo autem vos sine sollicitúdine esse. Qui sine uxóre est, sollicitus est quæ Dómini sunt, quómodo pláceat Deo. Qui

autem cum uxóre est, sollicitus est quæ sunt mundi, quómodo pláceat uxóri, et dívísus est. Et múlter innúpta, et virgo cógitat quæ Dómini sunt, ut sit sancta córpore, et spírítu : In Christo Jesu Dómino nostro.

℟. **Ps. 44** Spécie tua et pulchritúdine tua inténde, prospere procéde, et regna.

℣. Propter veritátem, et mansuetúdinem, et justítiam : et dedúcet te mirabíliter dextera tua.

Allelúia, allelúia. ℣. **2 Cor. 11** Æmulor enim vos Dei æmulatione : despóndi vos uni viro virgí-nem castam exhibére Christo. Allelúia.

Infra Septuag. Tractus Ps. 125 Qui séminant in lácrymis, in gáudio metent. ℣. Eúntes ibant et flebant, mitténtes sémina sua. ℣. Veniéntes autem vénient cum exsultatióne, portántes manipulos suos.

Tempore Resurr. secundum Allelúia. ℣. **Matth. 28** Surrexít Dóminus, et occúrrens muliéríbus, ait : Avéte. Tunc accessérunt, et tenuérunt pedes ejus. Allelúia.

Tempore Ascens. secundum Allelúia. ℣. **Ps. 46** Ascéndit Deus in jubilatione : et Dóminus in voce tubæ. Allelúia.

✠ **Sequéntia sancti Evangélíi secundum Matthæum. c. 25**

IN illo témpore : Dixit Jesus discíplis suis parábolam hanc : Símile erit regnum cæ-lórum decem virgínibus : quæ accipiéntes lámpades suas,

exierunt óbviā sponso, et sponsæ. Quinque autem ex eis erant fátuæ, et quinque prudéntes : Sed quinque fátuæ, accéptis lampádibus, non sumpserunt óleum secum : Prudentes vero acceperunt óleum in vasis suis cum lampádibus. Moram autem faciēte sponso, dormitaverunt omnes, et dormiērunt. Média autem nocte clamor factus est : Ecce sponsus venit, exite óbviā ei. Tunc surrexerunt omnes virgines illæ, et ornavērunt lámpades suas. Fátuæ autem sapientibus dixerunt : Date nobis de óleo vestro : quia lámpades nostræ exstinguúntur. Respondērunt prudéntes, dicéntes : Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus : Et quæ parátæ erant, intravērunt cum eo ad nuptias, et clausa est jánuā. Novíssime vero véniunt et reliquæ virgines, dicéntes : Dómine, Dómine, áperi nobis. At ille respóndens, ait : Amen dico vobis, nescio vos. Vigiláte itaque, quia nescitis diem, neque horam.

Offertorium Ps. 44 Afferéntur Regi virgines post eam : próximæ ejus afferéntur tibi in lætitia et exsultatiōe : adducéntur in templum Regi Dómino. **T. P. Allelúia.**

Secreta

INLENDE, quæsumus Dómine, múnera altáribus tuis pro sanctárum Virginum et Mártyrum tuárum **N. et N.**

festivitáte propósita : ut sicut per hæc beáta mystéria illis glóriam contulisti, ita nobis indulgéntiam largiáris. Per Dóminum.

Communio Matth. 25 Quinque prudéntes virgines acceperunt óleum in vasis suis cum lampádibus : média autem nocte clamor factus est : Ecce sponsus venit, exite óbviā Christo Dómino. **T. P. Allelúia.**

Postcommunio

PRÆSTA nobis, quæsumus Dómine, intercedéntibus sanctis Virgínibus et Mártýribus tuis **N. et N.**; ut quod ore contigimus, pura mente capiámus : Per Dóminum.

In festo unius

S. MULIERIS

NEC VIRG. NEC MART.

Officium

GAUDEAMUS omnes in Dómino, diem festum celebrántes sub honóre beátæ **N.** de cujus solemnitate gaudent Angeli, et colláudant Fílium Dei. **T. P. Allelúia, allelúia. V. Ps. 44** Eructávit cor meum verbum bonum : dico ego ópera mea regi. Glória Patri.

Oratio

TUORUM corda fidélium Deus miserátor illústra : et beátæ **N.** précibus gloriósis, fac nos próspera mundi despícere; et cælésti semper consolatiōe gaudere : Per Dóminum.

Lectio Libri Sapientiae.

Prov. 31

MULIEREM fortem quis inveniet? Procul, et de ultimis finibus pretium ejus. Confidit in ea cor viri sui, et spoliis non indigebit. Reddet ei bonum, et non malum, omnibus diebus vitae suae. Quaesivit lanam et linum, et operata est consilio manuum suarum. Facta est quasi navis institoris, de longe portans panem suum. Et de nocte surrexit, deditque praedam domesticis suis, et cibaria ancillis suis. Consideravit agrum, et emit eum : de fructu manuum suarum plantavit vineam. Accinxit fortitudine lumbos suos, et roboravit brachium suum. Gustavit, et vidit quia bona est negotiatio ejus : non extinguetur in nocte lucerna ejus. Manum suam misit ad fortia, et digiti ejus apprehenderunt fusum. Manum suam aperuit inopi, et palmas suas extendit ad pauperem. Non timebit domui suae a frigoribus nivis : omnes enim domestici ejus vestiti sunt duplicibus. Stragulatam vestem fecit sibi : byssus et purpura indumentum ejus. Nobilis in portis vir ejus, quando sederit cum senatoribus terrae. Sindonem fecit, et vendidit, et cingulum tradidit Chananæo. Fortitudo et decor indumentum ejus, et ridebit in die novissimo. Os suum aperuit sapientiae, et lex clementiae in lingua ejus. Consideravit semitas domus suae, et panem

otiosa non comedit. Surrexerunt filii ejus, et beatissimam praedicaverunt : vir ejus et laudavit eam. Multae filiae congregaverunt divitias : tu supergressa es universas. Fallax gratia, et vana est pulchritudo : mulier timens Dominum ipsa laudabitur. Date ei de fructu manuum suarum : et laudent eam in portis opera ejus.

℟. Ps. 44 Propter veritatem, et mansuetudinem, et justitiam : et deducet te mirabiliter dextera tua. **℣.** Audi filia, et vide, et inclina aurem tuam : quia concupivit rex speciem tuam.

Allelúia, allelúia. ℣. Veni electa mea, et ponam in te thronum meum : quia concupivit rex speciem tuam. **Allelúia.**

Infra Septuag. Tractus Veni sponsa Christi, accipe coronam, quam tibi Dominus praeparavit in aeternum. **℣. Ps. 44** Dilexisti justitiam, et odisti iniquitatem : propterea unxit te Deus, Deus tuus, oleo laetitiae praeparavit tuis. **℣.** Specie tua et pulchritudine tua intende, prospere procede, et regna.

Tempore Resurr. secundum Allelúia. ℣. Matth. 28 Surrexit Dominus, et occurrens mulieribus, ait : Ave. Tunc accesserunt, et tenuerunt pedes ejus. **Allelúia.**

Tempore Ascens. secundum Allelúia. ℣. Eph. 4 Ascendens Christus in altum captivam

duxit captivitatem : dedit dona hominibus. Allelúia.

✠ **Sequéntia sancti Evangélii**
secúndum Matthæum. **c. 13**

IN illo témpore : Dixit Jesus discipulis suis parabolam hanc : Símile est regnum cælórum thesaúro abscondito in agro : quem qui invénit homo, abscondit, et præ gáudio illius vadit, et vendit univérsa quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiósá margaríta, ábiit, et véndidit ómnia quæ hábuit, et emit eam. Iterum símile est regnum cælórum sagénæ missæ in mare, et ex omni génere piscium congregánti. Quam, cum impléta esset, educéntes, et secus litus sedéntes, elegerunt bonos in vasa, malos autem foras misérunt. Sic erit in consummatione sæculi : Exibunt Angeli, et separábunt malos de médio justórum, et mittent eos in camínus ignis :

Ibi erit fletus et stridor déntium. Intellexistis hæc ómnia? Dicunt ei : Etiam. Ait illis : Ideo omnis scriba doctus in regno cælórum, símilis est hómini patrifamílias, qui profert de thesaúro suo nova et vétera.

Offertorium Ps. 44 Fíliæ regum in honóre tuo : ástitit regína a dextris tuis in vestitu deauráto, circúmdata varietáte. **T. P.** Allelúia.

Secreta

MUNERA, Dómine, nostræ devotiónis offérimus : ut tibi grata, et nobis salutária, beátæ **N.** pia supplicatióne reddántur. Per Dóminum.

Communio Ps. 44 Diffúsa est grátia in lábiis tuis : proptérea benedixit te Deus in ætérnum. **T. P.** Allelúia.

Postcommunio

QUÆSUMUS omnipotens Deus : ut quos salutáribus dignátus es erudíre mystériis; beátæ **N.** intercessiône gloriósa, cælestibus reficias aliméntis : Per Dóminum.

MISSÆ VOTIVÆ

¶ Singulis per hebdomadam diebus, quando fit Officium de FERIA (exceptis FERIIS Adventus, Quadragesimæ, Quatuor Temporum, Rogationum et Vigiliarum) et primo resumenda non sit Missa Dominicæ impedita, neque dicenda Missa conventualis Defunctorum, juxta Rubricas : pro Missa conventuali dici potest una ex sequentibus : FERIA III de S. P. N. Dominico, ut infra. FERIA IV de S. Thoma Aquin., die 7 Martii. FERIA V de SS. Sacramento, vel de D. N. Jesu Christo Summo et Æterno Sacerdote, ut infra, et in eis fit Memoria FERIÆ de qua factum est Officium, et additur Oratio pro diversitate Temporum assignata, juxta Rubricas.

¶ Missæ sequentes votivæ (exceptis Missis in die Creationis et Coronationis Papæ et eorum Anniversario) dici poterunt diebus juxta Rubricas non impeditis, secundum ritum diei, de quo fit Officium. Item dici possunt Missæ votivæ de Conceptione immaculata et de Septem Doloribus B. M. V., de Purissimo Corde B. M. V. et de B. M. V. Omnium Gratiarum Mediatrice, necnon de omnibus Sanctis canonizatis, in Martyrologio descriptis, pro quibus sumitur Missa, sive propria, si habeatur, sive de Comuni, mutatis mutandis. Quod si in Calendario non inscribantur, omnia dicuntur de Comuni, ad libitum Sacerdotis. De Beatis non canonizatis non possunt dici Missæ votivæ; de Mysteriis vero Domini nonnisi quæ in sequentibus vel in corpore Missalis indicantur.

DE SS. TRINITATE

Officium

Tob. 12

BENEDICTA sit sancta Trinitas, atque indivisa unitas : confitēbimur ei, quia fecit nobiscum misericordiam suam. **T. P.** Allelúia, allelúia. **℟.** Benedicāmus Patrem, et Filium, cum Sancto Spíritu. **Gloria Patri.**

Gloria in excelsis, si regulariter dicitur.

Oratio

OMNIPOTENS sempitérne Deus, qui dedisti famulis tuis in confessione veræ fidei, æternæ Trinitatis glóriam agnoscere : et in potentia majestatis adorare unitatem; quæsumus, ut ejusdem fidei firmitate, ab omnibus semper muniamur adversis : Per Dóminum.

Léctio Epístolæ beāti Pauli
Apóstoli ad Corinthios.

2, c. 13

FRATRES : Gaudéte, perfecti estóte, exhortámini, idem sápite, pacem habéte, et Deus pacis, et dilectionis erit vobiscum. Grátia Dómini nostri Jesu Christi, et caritas Dei, et comunicatio Sancti Spíritus sit cum omnibus vobis. Amen.

℟. Dan. 3 Benedictus es Dómine, qui intuéris abyssos, et sedes super Chérubim.

℟. Tob. 12 Benedicite Deum cæli, quia fecit nobiscum misericórdiam suam.

Allelúia, allelúia. ℟. Dan. 3 Benedictus es Dómine Deus patrum nostrórum : et laudábilis in sǎcula. **Allelúia.**

Infra Septuag. Tractus Dan. 3 Benedicant te, Dómine, omnes Angeli, et sancti tui. **℟.** Benedicant te cæli, terra, mare, et ómnia quæ in eis sunt. **℟.** Benedictum sit nomen glóriæ tuæ, quod est sanctum, laudábile, et gloriósum.

Tempore Resurr. secundum Allelúia. ℟. Surréxit Dóminus de sepúlcro, qui pro nobis pepéndit in ligno. **Allelúia.**

Tempore Ascens. secundum Allelúia. ℟. Eph. 4 Ascéndens Christus in altum captivam duxit captivitátem : dedit dona hominibus. **Allelúia.**

✠ **Sequéntia sancti Evangélii secundum Joánnem.**

c. 15 et 16

IN illo témpore : Dixit Jesus discipulis suis : Cum vénerit Paráclitus, quem ego mittam vobis a Patre, Spíritum veritátis, qui a Patre procédít, ille testimónium perhibébit de me : Et vos testimónium perhibébitis, quia ab initio mecum estis. Hæc locútus sum vobis, ut non scandalizémini. Absque synagógis fácient vos : sed venit hora, ut omnis, qui interfícit vos, arbitrétur obséquium se præstáre Deo. Et hæc fácient vobis, quia non novérunt Patrem,

neque me. Sed hæc locútus sum vobis : ut cum vénerit hora eórum reminiscámini, quia ego dixi vobis.

Offertorium Tob. 12 Benedictus sit Deus Pater, unigenítusque Dei Filius, Sanctus quoque Spíritus : quia fecit nobiscum misericórdiam suam. **T. P. Allelúia.**

Secreta

SANCTIFICA, quæsumus Dómine Deus noster, per tui sancti nóminis invocatiónem, hujus oblatiόνis hóstiam : et per eam nosmetípsos tibi pérfice munus ætérnum. Per Dóminum.

Præfatio de SS. Trinitate Qui cum unigénito Fílio tuo.

Communio Tob. 12 Benedicimus Deum cæli, et coram ómnibus vivéntibus confitébimur ei, quia fecit nobiscum misericórdiam suam. **T. P. Allelúia.**

Postcommunio

PROFICIAT nobis ad salutem córporis et ánimæ, Dómine Deus noster, hujus sacraménti susceptio; et sempitérnæ sanctæ Trinitátis, ejusdémque individuae unitátis conféssio : Per Dóminum.

DE SS. CORPORE CHRISTI

Officium

Ps. 80

CIBAVIT eos ex ádipe fruménti : et de petra, melle saturávit eos. **T. P. Allelúia, allelúia. ℟.** Exsultáte

Deo adjutori nostro : jubiláte
Deo Jacob. Glória Patri.

Glória in excelsis, si regulariter
dicitur.

Oratio

DEUS, qui nobis sub Sacraménto mirábili, passionis tuæ memóriam reliquisti : tribue, quæsumus, ita nos corporis et sanguinis tui sacra mystéria venerári; ut redemptionis tuæ fructum in nobis júgiter sentiámus : Qui vivis.

Lectio Epístolæ beáti Pauli
Apóstoli ad Corínthios.

1, c. 11

FRATRES : Ego enim accépi a Dómino quod et trádidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accípите, et manducáte : Hoc est corpus meum, quod pro vobis tradétur : hoc fácite in meam commemorationem. Simíliter et cálicem, postquam cenávit, dicens : Hic calix novum testaméntum est in meo sanguine : hoc fácite, quotiescúmque bibétis, in meam commemorationem. Quotiescúmque enim manducábitis panem hunc, et cálicem bibétis : mortem Dómini annuntiábitis donec véniat. Itaque quicúmque manducáverit panem hunc, vel biberit cálicem Dómini indigne : reus erit corporis, et sanguinis Dómini. Probet autem se ípsum homo : et sic de pane illo edat, et de cálice bibat. Qui enim manducat, et bibit indigne, júdicium sibi manducat,

et bibit : non dijúdicans corpus Dómini.

℟. Ps. 144 Oculi ómnium in te sperant Dómine : et tu das illis escam in témpore opportúno. ℣. Aperis tu manum tuam : et imples omne ánimál benedictióne.

Allelúia, allelúia. ℣. Joann. 6 Caro mea vere est cibus : et sanguis meus vere est potus : qui manducat meam carnem, et bibit meum sanguinem, in me manet, et ego in eo. Allelúia.

Infra Septuag. Tractus Ps. 22 Parásti in conspéctu meo mensam, advérsus eos, qui tribulant me. ℣. Impinguásti in óleo caput meum : et calix meus inébrians quam præclárus est! ℣. Et misericórdia tua subsequétur me ómnibus diébus vitæ meæ.

Tempore Resurr. secundum Allelúia. ℣. Surréxit Christus, et illúxit pópulo suo, quem redémit ipse sanguine suo. Allelúia.

Tempore Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. Allelúia.

✠ Sequéntia sancti Evangélii
secúndum Joánnem. c. 6

IN illo témpore : Dixit Jesus turbis Judæórum : Caro mea vere est cibus : et sanguis meus vere est potus. Qui manducat meam carnem, et bibit meum sanguinem, in me manet, et ego in illo. Sicut misit

me vivens Pater, et ego vivo propter Patrem : et qui manducat me, et ipse vivet propter me. Hic est panis, qui de cælo descendit. Non sicut manducaverunt patres vestri manna, et mortui sunt. Qui manducat hunc panem, vivet in ætérnum.

Offertorium Lev. 21 Sacerdotes Dómini incensum et panes offerunt Deo : et ideo sancti erunt Deo suo, et non polluent nomen ejus. **T. P.** Allelúia.

Secreta

ECCLESIAE tuæ, quæsumus Dómine, unitátis et pacis propítius dona concède : quæ sub oblátis munéribus mystice designántur. Per Dóminum.

Præfatio de Nativitate Domini
Quia per incarnáti Verbi.

Communio 1 Cor. 11 Quotiescúmque manducábitis panem hunc, et cálicem bibétis, mortem Dómini annuntiábitis donec véniat : itaque quicúmque manducáverit panem, vel biberit cálicem Dómini indigne, reus erit córporis, et sanguinis Dómini. **T. P.** Allelúia.

Postcommunio

FAC nos, quæsumus Dómine, divinitátis tuæ sempitérna fruitióne repléri; quam pretiósí córporis et sanguinis tui temporális percéptio præfigúrat : Qui vivis.

DE D. N. J. C. SUMMO ET ÆTERNO SACERDOTE

Officium

Ps. 109

JURAVIT Dóminus, et non pœnitébit eum : Tu es sacérdos in ætérnum secundum órđinem Melchisedech. **T. P.** Allelúia, allelúia. **W.** Dixit Dóminus Dómino meo : Sede a dextris meis. **Glória Patri.**

Glória in excélsis, si regulariter dicitur.

Oratio

DEUS, qui ad majestátis tuæ glóriam et géneris humáni salútem, Unigénitum tuum summum atque ætérnum constituísti Sacerdótem : præsta, ut quos ministros et mysteriórum suórum dispensatóres elégit; in accépto ministério adimpléndo fidéles inveniántur : Per eúndem Dóminum.

Lectio Epístolæ beáti Pauli
Apóstoli ad Hebræos. **c. 5**

FRATRES : Omnis Póntifex ex homínibus assúptus, pro homínibus constitúitur in iis, quæ sunt ad Deum, ut offerat dona, et sacrificia pro peccátis : qui condolére possit iis, qui ignórant, et errant : quóniam et ipse circúmdatus est infirmitáte : et propterea debet, quemádmódum pro pópulo, ita étiam et pro semetipso offerre pro peccátis. Nec quisquam sumit sibi honórem, sed qui vocátur a Deo, tam-

quam Aaron. Sic et Christus non semetipsum clarificavit ut pontifex fieret, sed qui locutus est ad eum : Filius meus es tu; ego hodie genui te. Quemadmodum et in alio loco dicit : Tu es Sacerdos in æternum secundum ordinem Melchisedech. Qui in diebus carnis suæ preces supplicationesque ad eum, qui possit illum salvum facere a morte, cum clamore válido et lacrymis offerens, exauditus est pro sua reverentia. Et quidem, cum esset Filius Dei, didicit ex iis, quæ passus est, obedientiam : et consummatus, factus est omnibus obtemperantibus sibi, causa salutis æternæ, appellatus a Deo pontifex juxta ordinem Melchisedech. De quo nobis grandis sermo, et ininterpretabilis ad dicendum.

℟. **Luc. 4** Spiritus Domini super me, propter quod unxit me : ℣. Evangelizare pauperibus misit me, sanare contritos corde.

Allelúia, allelúia. ℣. **Hebr. 7** Jesus eo quod maneat in æternum, sempiternum habet sacerdotium. Allelúia.

Infra Septuag. Tractus Ps. 9 Exsurge, Domine Deus, exaltetur manus tua : ne obliviscaris pauperum. ℣. Vide quoniam tu laborem et dolorem consideras. ℣. Tibi derelictus est pauper : orphanus tu eris adiutor.

Temp. Pasch. secundum Allelúia. ℣. **Luc. 4** Spiritus Domini super me; propter quod unxit me, evangelizare pauper-

ibus misit me, sanare contritos corde. Allelúia.

✠ **Sequentia sancti Evangelii secundum Lucam. c. 22**

IN illo tempore : Discubuit Jesus, et duodecim Apostoli cum eo. Et ait illis : Desiderio desideravi hoc Pascha manducare vobiscum, antequam patiar. Dico enim vobis, quia ex hoc non manducabo illud, donec impleatur in regno Dei. Et accepto calice, gratias egit, et dixit : Accipite, et dividite inter vos. Dico enim vobis quod non bibam de generatione vitis, donec regnum Dei veniat. Et accepto pane, gratias egit, et fregit, et dedit eis, dicens : Hoc est Corpus meum, quod pro vobis datur : hoc facite in meam commemorationem. Similiter et calicem, postquam cenavit, dicens : Hic est calix novum testamentum in sanguine meo, qui pro vobis fundetur.

Offertorium Hebr. 10 Christus unam pro peccatis offerens hostiam, in sempiternum sedet in dextera Dei : una enim oblatione consummavit in æternum sanctificatos. **T.P.** Allelúia.

Secreta

HÆC múnera, Domine, mediátor noster Jesus Christus tibi reddat accepta; et nos, una secum, hostias tibi gratas exhibeat : Qui tecum.

Præfatio de Cruce.

Communio 1 Cor. 11 Hoc Corpus, quod pro vobis tra-

détur : hic calix novi testaménti est in meo sáanguine, dicit Dóminus : hoc fácite, quotiescúmque súmitis, in meam commemoratiónem. **T. P. Allelúia.**

Postcommunio

VIVIFICET nos, quáesumus Dómine, divína quam obtúlimus et sumpsimus hóstia; ut perpétua tibi caritate conjúcti, fructum, qui semper máneat, afferámus : Per Dóminum.

DE SS. CORDE JESU

Ubi (positis ponendis ad mentem Decretorum S. R. C.) cantatur aut etiam legitur Missa Votiva de SS. Corde Jesu, Feria sexta quæ prima in unoquoque mense occurrit, dicatur cum Glória in excelsis Deo, Credo, unica Oratione (juxta Rubricas), et in fine Missæ Evangelio. In principio erat Verbum. Coram Sanctissimo exposito omittatur Memoria de SS. Sacramento.

Officium

Cant. 3

EGREDDIMINI et vidéte filiæ Sion regem Salomónem in diadémate, quo coronávit eum mater sua in die desponsatiónis ejus, et in die lætitiæ cordis ejus. **T. P. Allelúia, allelúia. V. Ps. 44** Eructávit cor meum verbum bonum : dico ego ópera mea Regi. **Glória Patri.**

Oratio

FAC nos, Dómine Jesu, sanctissimi Cordis tui virtutibus indui, et affectibus inflammári : ut et imáginis bonitátis tuæ confórmes; et tuæ

redemptiόνis mereámur esse partícipes : Qui vivis.

Lectio Epístolæ beáti Pauli Apóstoli ad Ephésios. c. 3

FRATRES : Mihi ómnium sanctórum mínimo data est grátia hæc, in Géntibus evangelizáre investigábiles divítias Christi, et illumináre omnes, quæ sit dispensátio sacraménti absconditi a sæculis in Deo, qui ómnia creávit. Hujus rei grátia flecto génu mea ad Patrem Dómini nostri Jesu Christi, ex quo omnis paternitas in cælis et in terra nomináture, ut det vobis secúndum divítias glóriæ suæ virtúte corroborári per Spiritum ejus in interiorem hóminem, Christum habitáre per fidem in córdibus vestris : In caritate radicáti, et fundáti, ut possitis comprehendere cum ómnibus sanctis, quæ sit latitúdo, et longitúdo, et sublimitas, et profúndum : Scire étiam supereminéntem sciéntiæ caritátem Christi, ut impleámini in omnem plenitúdinem Dei.

R. Matth. 21 Dicite filiæ Sion : Ecce rex tuus venit tibi mansuétus : **V. Isa. 42** Non erit tristis, neque turbuléntus : non clamábit nec audiétur vox ejus foris.

Allelúia, allelúia. V. Matth. 11 Discite a me, quia mitis sum, et húmilis corde : et inveniétis réquiem animábus vestris. **Allelúia.**

Infra Septuag. Tractus Ps. 21 Ego autem sum vermis et non

homo : oppróbrium hóminum, et abjéctio plebis. **℟.** Omnes vidéntes me derisérunt me : locúti sunt lábiis, et movérunt caput. **℟.** Sicut aqua effúsus sum, et dispérsa sunt ómnia ossa mea : factum est cor meum tamquam cera liquéscens in médio ventris mei.

Temp. Pasch. Allelúia, allelúia. ℟. Ps. 29 Dómine Deus meus clamávi ad te, et sanásti me : eduxisti ab inférno ánimam meam.

Allelúia. ℟. Convertísti planctum meum in gáudium mihi : conscidísti saccum meum, et circumdedisti me lætítia. Allelúia.

✠ **Sequéntia sancti Evangélíi secúndum Joánnem. c. 15**

IN illo témpore : Dixit Jesus discipulis suis : Sicut diléxit me Pater, et ego diléxi vos. Manéte in dilectione mea. Si præcépta mea servavéritis, manébitis in dilectione mea, sicut et ego Patris mei præcépta servávi, et máneo in ejus dilectione. Hæc locútus sum vobis : ut gáudium meum in vobis sit : et gáudium vestrum impleátur. Hoc est præcéptum meum, ut diligátis invicem, sicut diléxi vos. Majórem hac dilectionem nemo habet, ut ánimam suam ponat quis pro amicis suis. Vos amici mei estis, si fecéritis quæ ego præcípio vobis. Jam non dicam vos servos : quia servus nescit quid fáciat dóninus ejus. Vos autem dixi amícos : quia ómnia quæcúmque audívi a Patre

meo, nota feci vobis. Non vos me elegístis : sed ego elégi vos, et pósui vos ut eátis, et fructum afferátis : et fructus vester máneat : ut quodcúmque petiéritis Patrem in nómine meo, det vobis.

Offertorium 1 Paralip. 29 Dómine Deus, in simplicitate cordis mei lætus obtuli univérsa : et pópulum tuum vidi cum ingénti gáudio tibi offerre donária : Deus Israël, custódi hanc voluntátem cordis eórum. **T. P. Allelúia.**

Secreta

ILLO nos igne, quæsumus Dómine, Spíritus Sanctus inflámmet, quem Dóminus noster Jesus Christus e penetrálibus Cordis sui misit in terram, et vóluit veheménter accénderi : Qui tecum vivit.... in unitate ejúsdem.

Præfatio de Nativitate Domini Quia per incarnáti Verbi, (a Septuagesima ad Vigiliam Pentecostes de Cruce Qui salutem humáni géneris).

Communio Ps. 33 Gustáte et vidéte quóniam suávis est Dóminus : in ætérnum misericórdia ejus. **T. P. Allelúia.**

Postcommunio

PRÆBEANT nobis, Dómine Jesu, divinum tua sancta fervórem : quo dulcíssimi Cordis tui suavitate percépta, discámus terréna despícare; et amáre cæléstia. Qui vivis et regnas.



DE QUINQUE
STIGMATIBUS D. N. J. C.

Officium

Phil. 2

HUMILIAVIT semetipsum
Dóminus Jesus Chri-
stus usque ad mortem,
mortem autem crucis : pro-
pter quod et Deus exaltávit
illum, et donávit illi nomen,
quod est super omne nomen.
T. P. Allelúia, allelúia. *Ps.*
88 Misericórdias Dómini in
æternum cantábo. Glória Patri.

Glória in excélsis, si regulariter
dicitur.

Oratio

DEUS, qui unigéniti Filii tui
passióne, et copiósa per
quinque vúlnera sui sánguinis
effusióne, humánam natúram
peccáto pérditam reparásti :
tribue nobis, quæsumus, ut
qui illíus passiónis glóriam, et
ab eo suscepta vúlnera vene-
rámur in terris; ejúsdem pre-
tiosíssimi sánguinis fructum
cónsequi mereámur in cælis :
Per eúmdem.

Léctio Zachariæ Prophætæ.

Cap. 12 et 13

HÆC dicit Dóminus : Ef-
fúndam super domum
David, et super habitatóres
Jerúsalem spíritum grátiae et
precum : Et aspicient ad me,
quem confixerunt : Et plan-
gent eum planctu quasi super
unigénitum, et dolébunt super
eum, ut doléri solet in morte
primogéniti. In die illa ma-
gnus erit planctus in Jerú-
salem. * Et dicétur ei : Quid
sunt plagæ istæ in médio má-

nuum tuárum? Et dicet : His
plagátus sum in domo eórum,
qui diligébant me. Frámea,
suscitáre super pastórem
meum, et super virum cohæ-
réntem mihi, dicit Dóminus
exercituum : Pércute pastó-
rem, et dispergéntur oves. Ait
Dóminus omnipotens.

Ps. 68 Improperium ex-
spectávit cor meum, et misé-
riam : et sustinui qui simul
mecum contristarétur, et non
fuit : consolántem me quæsi-
vi, et non invéni. *Ps.* Dedérunt in
escam meam fel : et in siti mea
potavérunt me acéto.

Allelúia, allelúia. *Ps.* Ave Rex
noster : tu solus nostros es
miserátus erróres : Patri obé-
diens, ductus es ad crucifigén-
dum, ut agnus mansuétus ad
occisiónem. Allelúia.

Infra Septuag. Tractus Is. 53
Vere languóres nostros ipse
tulit, et dolóres nostros ipse
portávit. *Ps.* Et nos putávimus
eum quasi leprósum, et per-
cússum a Deo et humiliátum.
Ps. Ipse autem vulnerátus est
propter iniquitátes nostras,
attrítus est propter scélera no-
stra. *Ps.* Disciplina pacis no-
stræ super eum, et livóre ejus
sanáti sumus.

Tempore Resurr. secundum
Allelúia. *Ps.* Surréxit Christus,
et illúxit pópulo suo, quem
redémit ipse ságuine suo.
Allelúia.

Tempore Ascens. secundum
Allelúia. *Ps.* Eph. 4 Ascéndens
Christus in altum captivam
duxit captivitátem : dedit dona
hominibus. Allelúia.

✠ **Sequëntia sancti Evangélii**
secúndum Joánnem. **c. 19**

IN illo témpore : Sciens Jesus quia ómnia consummáta sunt, ut consummarétur Scriptúra, dixit : Sítio. Vas ergo erat pósitum acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit : Consummátum est. Et inclináto cápite, trádidit spíritum. Judæi ergo, (quóniam Parascéve erat) ut non remanérent in cruce córpora sábbato, (erat enim magnus dies ille Sábbati) rogavérunt Pilátum ut frangeréntur eórum crura, et tolleréntur. Venérunt ergo mílites : et primi quidem fregérunt crura, et alterius, qui crucifixus est cum eo. Ad Jesum autem cum venissent, ut vidérunt eum jam mórtuum, non fregérunt ejus crura, sed unus mílitum lancea latus ejus apéruit, et continuo exívit sanguis, et aqua. Et qui vidit, testimoniúm perhibuit : et verum est testimoniúm ejus.

Offertorium Insurrexérunt in me viri iníqui : absque misericórdia quæsiérunt me interficere : et non pepercérunt in faciém meam spúere : lanceis suis vulneravérunt me, et concússa sunt ómnia ossa mea. **T. P. Allelúia.**

Secreta

OBLATUM tibi, Dómine, sacrificium, intercedénte unigéniti Filii tui, mediánti-

bus quinque vulnéribus, passióne, vivíficet nos semper, et múniat. Qui tecum vivit et regnat.

Præfatio Qui salútem humáni géneris.

Communio Ps. 21 Foderunt manus meas et pedes meos : dinumeravérunt ómnia ossa mea. **T. P. Allelúia.**

Postcommunio

REFECTI vitálibus alimóniis, quæsumus Dómine Deus noster : ut qui Stigmata Dómini nostri Jesu Christi venerádo cólimus; hæc in nostris córdibus impréssa, móribus et vita teneámus : Per eúndem Dóminum.

DE PŒNIS SEU PASSIONE D. N. J. C.

Officium

Isa. 53

ECCE vidimus Dóminum Jesum non habéntem spéciem, neque decórem : aspéctus ejus in eo non est : hic peccáta nostra portávit, et pro nobis ómnibus dolens : ipse autem vulnerátus est propter iniquitátes nostras, attrítus est propter scélera nostra : cujus livóre sanáti sumus. **T. P. Allelúia, allelúia. ✕. Ps. 2** Astitérunt reges terræ, et príncipes convenérunt in unum advérsus Dóminum, et advérsus Christum ejus. **Glória Patri.**

Glória in excélsis Deo, si **regulariter dicitur.**

Oratio

OMNIPOTENS sempitærne Deus, qui passiónem Fílii tui Dómini nostri Jesu Christi in prétium redemptiónis humanæ misericórditer suscepisti : concède propítius, ut sicut hódie pœnarum et dolórum passiónis ejus memóriam celebrámus; ita eorúmdem fructus mereámur esse partícipes : Per eúmdem Dóminum.

Léctio Isaíæ Prophétæ. c. 53

IN diébus illis : Dixit Isaías : Dómine, quis crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti : Non est spécies ei, neque decor : Et vídimus eum, et non erat aspéctus, et desiderávimus eum : despéctum, et novíssimum virórum, virum dolórum, et sciéntem infirmitátem : Et quasi absconditus vultus ejus et despéctus, unde nec reputávimus eum. Vere languóres nostros ipse tulit, et dolóres nostros ipse portávit : Et nos putávimus eum quasi leprósum, et percússum a Deo et humiliátum. Ipse autem vulnerátus est propter iniquitátes nostras, attritus est propter scélera nostra : Disciplina pacis nostræ super eum, et livóre ejus sanáti sumus. Omnes nos quasi oves errávimus, unusquisque in viam suam declinávit : et pösuit Dóminus in eo iniquitátem ómnium nostrum. Oblátus est quia ipse vóluit, et non

apérui os suum : Sicut ovis ad occisiónem ducétur, et quasi agnus coram tondénte se obmutéscet, et non apériet os suum.

℟. Isa. 53 Sicut ovis ad occisiónem ductus est, et dum male tractarétur, non apérui os suum : tráditus est ad mortem, ut vivificáret pópulum suum. ℣. Ipse vulnerátus est propter iniquitátes nostras, attritus est propter scélera nostra : et nos reputávimus eum quasi leprósum, percússum a Deo et humiliátum.

Allelúia, allelúia. ℣. Thr. 1 O vos omnes, qui transitis per viam, atténdite, et vidéte si est dolor sicut dolor meus. Allelúia.

Infra Septuag. Tractus Isa. 53 Vere languóres nostros ipse tulit, et dolóres nostros ipse portávit. ℣. Et nos putávimus eum quasi leprósum, et percússum a Deo et humiliátum. ℣. Ipse autem vulnerátus est propter iniquitátes nostras, attritus est propter scélera nostra. ℣. Disciplina pacis nostræ super eum, et livóre ejus sanáti sumus.

Tempore Resurr. secundum Allelúia. ℣. Surréxit Christus, et illúxit pópulo suo, quem redémit ipse ságuine suo. Allelúia.

Tempore Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. Allelúia.

✠ **Sequentia sancti Evangelii**
secundum Joannem. **c. 19**

IN illo tempore: Apprehendit Pilatus Jesum, et flagellavit. Et milites plectentes coronam de spinis, imposuerunt capiti ejus: et veste purpurea circumdederunt eum. Et veniebant ad eum, et dicebant: Ave Rex Judæorum: Et dabant ei alapas. Exiit ergo iterum Pilatus foras, et dicit eis: Ecce adduco vobis eum foras, ut cognoscatis quia nullam invenio in eo causam. (Exiit ergo Jesus portans coronam spineam, et purpureum vestimentum): Et dicit eis: Ecce homo. Cum ergo vidissent eum Pontifices, et ministri, clamabant, dicentes: Crucifige, crucifige eum. Dicit eis Pilatus: Accipite eum vos, et crucifigite: Ego enim non invenio in eo causam. Responderunt ei Judæi: Nos legem habemus, et secundum legem debet mori, quia Filium Dei se fecit. Cum ergo audisset Pilatus hunc sermonem, magis timuit. Et ingressus est prætorium iterum: et dixit ad Jesum: Unde es tu? Jesus autem responsum non dedit ei. Dicit ergo ei Pilatus: Mihi non loqueris? Nescis quia potestatem habeo crucifigere te, et potestatem habeo dimittere te? Respondit Jesus: Non haberes potestatem adversum me ullam, nisi tibi datum esset desuper. Propterea qui me tradidit tibi, majus peccatum habet. Et exinde quærebat Pilatus dimittere eum. Judæi au-

tem clamabant dicentes: Si hunc dimittis, non es amicus Cæsaris. Omnis enim, qui se regem facit, contradicit Cæsari. Pilatus autem cum audisset hos sermones, adduxit foras Jesum: et sedit pro tribunali, in loco, qui dicitur Lithóstroto, Hebræice autem Gábbatha. Erat autem parasceve Paschæ, hora quasi sexta, et dicit Judæis: Ecce rex vester. Illi autem clamabant: Tolle, tolle, crucifige eum. Dicit eis Pilatus: Regem vestrum crucifigam? Responderunt pontifices: Non habemus regem, nisi Cæsarem. Tunc ergo tradidit eis illum, ut crucifigeretur. Susceperunt autem Jesum, et eduxerunt. Et bajulans sibi crucem exiit in eum, qui dicitur Calvariæ, locum, Hebræice autem Gólgotha: ubi crucifixerunt eum, et cum eo alios duos, hinc et hinc, medium autem Jesum.

Offertorium Ps. 68 Improperium exspectavit cor meum, et miseriam: et sustinui qui simul contristaretur, et non fuit: consolantem me quæsi, et non inveni: et dederunt in escam meam fel, et in siti mea potaverunt me aceto. **T. P.** Alleluia.

Secreta

OMNIPOTENS sempiternus Deus, qui Christi Filii tui beata passione nos reparas, conserva in nobis opera misericordiæ tuæ: ut in hujus celebritate mystèrii, perpétua devotione vivamus. Per eundem.

Præfatio Qui salutem humani.

Communio Ps. 21 Foderunt manus meas et pedes meos : et dinumeraverunt omnia ossa mea. **T. P.** Allelúia.

Postcommunio

REFFECTI vitálibus aliméntis, omnipotens Deus, te suppliciter exorámus; ut sicut pœnas et dolôres, quos Filius tuus Dóminus noster in sua passióne sustinuit, devóto celebrámus afféctu : ita benígno semper nos prótegas auxílio; et continua pietáte ab omni malo præserve : Per eúmdem Dóminum.

DE SS. NOMINE JESU

Officium

Phil. 2

IN nómine Jesu omne genu flectátur cæléstium, terréstrium, et infernórum, et omnis lingua confiteátur, quia Dóminus Jesus Christus in glória est Dei Patris. **T. P.** Allelúia, allelúia. **℣. Ps. 134** Laudáte Dóminum, quóniam bonus est Dóminus : psállite nómini ejus, quóniam suáve. **Glória Patri.**

Glória in excélsis, si regulariter dicitur.

Oratio

DEUS, qui unigénitum Fílium tuum constituisti húmáni géneris Salvatórem, et Jesum vocári jussisti : concede propítius, ut cujus sanctum Nomen venerámur in terris; ejus quoque aspéctu perfruámur in cælis : Per eúmdem Dóminum.

Lectio Actuum Apostolorum.

c. 4

IN diébus illis : Petrus replétus Spíritu Sancto dixit : Príncipes pópuli, et seniôres audite : Si nos hódie dijudicámur in benefácto hóminis infirmí, in quo iste salvus factus est, notum sit ómnibus vobis, et omni plebi Israël : quia in nómine Dómini nostri Jesu Christi Nazaréni, quem vos crucifixistis, quem Deus suscitávit a mórtuis, in hoc iste astat coram vobis sanus. Hic est lapis, qui reprobátus est a vobis ædificántibus, qui factus est in caput ánguli : et non est in álio áliquo salus. Nec enim áliud nomen est sub cælo datum homínibus, in quo opórteat nos salvos fieri.

℣. Ps. 112 Laudáte púeri Dóminum : laudáte nomen Dómini. **℣.** Sit nomen Dómini benedictum, ex hoc nunc, et usque in sáculum.

Allelúia, allelúia. ℣. Prov. 18 Turris fortissima, nomen Dómini : ad ipsum currit justus, et exaltábitur. **Allelúia.**

Infra Septuag. Tractus Ps. 68 Laudábo nomen Dei cum cántico : et magnificábo eum in laude. **℣. Ps. 144** Laudatió-nem Dómini loquétur os meum : et benedicat omnis caro nomen sanctum ejus. **℣. Ps. 78** *Hic genuflectitur :* ADJUVA NOS DEUS SALUTARIS NOSTER : et propter glóriam nóminis tui libera nos. **℣.** Propítius esto peccátis nostris, Dómine, propter nomen tuum.

Tempore Pasch. secundum Allelúia. *℟. Joann. 16* Usque modo non petistis quidquam in nómine meo : pétite, et accipiétis. Allelúia.

✠ **Sequéntia sancti Evangélii**
secúndum Lucam. **c. 2**

IN illo témpore : Postquam consummáti sunt dies octo ut circumciderétur puer : vocátum est nomen ejus Jesus, quod vocátum est ab Angelo, priúsqvam in útero conciperétur.

Offertorium Mal. 1 Ab ortu solis usque ad occásum, magnum est nomen meum in géntibus, et in omni loco sacrificátur, et offértur nómini meo oblátio munda : quia magnum est, dicit Dóminus exercítuum. **T. P. Allelúia.**

Secreta

IN veneratióne Nóminis dilectissimi Filii Dómini nostri, misericordiárum Pater, devótis méntibus hóstias immolámus, suppliciter deprecántes, ut corda nostra ejus Nóminis dulcédine impinguári, et in nullo nisi in te Deo vero delectári fácias. Per eúmdem Dóminum.

Præfatio de Nativitate Domini
Quia per incarnáti Verbi.

Communio Ps. 102 Bénedic ánima mea Dómino : et ómnia, quæ intra me sunt, nómini sancto ejus. **T. P. Allelúia.**

Postcommunio

SACROSANCTA mystéria, quæ sumpsimus, Dómine, in honórem amabilissimi Nóminis Filii tui Dómini nostri Jesu

Christi, concéde quæsumus : ut afféctum nostrum ad hoc salutíferum Nomen Jesu diligéndum inflámmet; et ad jubilándum in Deo salutári nostro feliciter promóveant : Per eúmdem Dóminum.

DE SANCTA CRUCE

Officium

Gal. 6

NOS autem gloriári oportet in cruce Dómini nostri Jesu Christi : in quo est salus, vita, et resurrectio nostra : per quem salváti, et liberáti sumus. **T. P. Allelúia, allelúia.** *℟. Ps. 66* Deus misereátur nostri, et benedícat nobis : illúminet vul-tum suum super nos, et misereátur nostri. Glória Patri.

Glória in excélsis, si regulariter dicitur.

Extra Tempus Paschale

Oratio

DEUS, qui unigéniti Filii tui pretiósó sáanguine, vivíficæ Crucis vexillum sanctificáre voluísti : concéde quæsumus, eos, qui ejúsdem sanctæ Crucis gaudent honóre; tua quoque ubique protectióne gaudére : Per eúmdem Dóminum.

Tempore Paschali

Oratio

DEUS, qui pro nobis Filium tuum Crucis patibulum subire voluísti, ut inimici a nobis expélleres potestátem; concéde nobis fámulis tuis, ut resurrectiόνis grátiam consequámur : Per eúmdem Dóminum.

Lectio Epistolæ beāti Pauli
Apóstoli ad Philippenses. c. 2

FRATRES : Christus factus
est pro nobis obédiens
usque ad mortem, mortem au-
tem crucis. Propter quod et
Deus exaltávit illum, et do-
návít illi nomen, quod est su-
per omne nomen : *Hic genu-
flectitur* : UT IN NOMINE JESU
OMNE GENU FLECTATUR cælé-
stium, terréstrium, et infer-
nórum, et omnis lingua con-
fiteátur quia Dóminus Jesus
Christus in glória est Dei
Patris.

℟. Phil. 2 Christus factus est
pro nobis obédiens usque ad
mortem, mortem autem cru-
cis. *℣.* Propter quod et Deus
exaltávit illum, et dedit illi
nomen, quod est super omne
nomen.

Allelúia, allelúia. *℣.* Dulce
lignum, dulces clavos, dúlcia
ferens póndera : quæ sola fuisti
digna sustinére Regem cæló-
rum, et Dóminum. Allelúia.

Infra Septuag. Tractus Tuam
Crucem adorámus Dómine,
tuam gloriósam recólimus
passiónem. *℣.* Miserére nostri
Jesu benígne, qui passus es cle-
ménter pro nobis. *℣.* O Crux
benedicta, quæ sola fuisti di-
gna portáre Regem cælórum,
et Dóminum.

Tempore Resurr. secundum
Allelúia. *℣.* Surréxit Dómi-
nus de sepúlcro, qui pro nobis
pepéndit in ligno. Allelúia.

Tempore Ascens. secundum
Allelúia. *℣. Eph. 4* Ascéndens
Christus in altum captívam

duxit captivitátem : dedit dona
homínibus. Allelúia.

✠ *Sequéntia sancti Evangélíi*
secúndum Matthæum. c. 20

IN illo témpore : Assúmpsit
Jesus duódecim discípulos
secréto, et ait illis : Ecce ascén-
dimus Jerosólymam, et Filius
hóminis tradétur princípibus
sacerdótum, et Scribis, et con-
demnábunt eum morte, et tra-
dent eum Géntibus ad illu-
déndum, et flagellándum, et
crucifigéndum, et tértia die
resúrget.

Offertorium Prótege Dómine
plebem tuam per signum san-
ctæ Crucis, ab ómnibus insí-
diis inimicórum ómnium : ut
tibi gratam exhibeámus servi-
tútem, et acceptábile fiat sa-
crificium nostrum. *T. P.* Alle-
lúia.

Extra Tempus Paschale

Secreta

HÆC oblátio, Dómine quæ-
sumus, ab ómnibus nos
purget offénsis : quæ in ara
Crucis étiam totíus mundi tulit
offénsam. Per eúndem Dó-
minum.

Tempore Paschali

Secreta

PURIFICA nos miséricors
Deus, ut Ecclesiæ tuæ
preces, quæ tibi gratæ sunt,
pia múnera deferéntes, fiant
expiátis méntibus gratióres.
Per Dóminum.

Præfatío Qui salútem humáni gé-
neris.

Communio Per lignum servi
facti sumus, et per sanctam

Crucem liberáti sumus : fructus árboris sedúxit nos, Filius Dei redémit nos. **T. P.** Allelúia.

Extra Tempus Paschale

Postcommunio

ADESTO nobis Dómine Deus noster : et quos sanctæ Crucis lætári facis honóre; ejus quoque perpétuis defénde subsidiis : Per Dóminum.

Tempore Paschali

Postcommunio

LARGIRE sénsibus nostris Omnipotens Deus : ut per temporálem Filii tui mortem, quam mystéria veneránda testántur; vitam nobis te dedisse perpétuam confidámus : Per eúmdem Dóminum.

DE SPIRITU SANCTO

extra Septuagesimam

Officium

Sap. 1

SPIRITUS Dómini replévit orbem terrárum, allelúia : et hoc, quod cóntinet ómnia, sciéntiam habet vocis, allelúia, allelúia. **℣. Ps. 67** Confirma hoc Deus, quod operátus es in nobis : a templo tuo, quod est in Jerúsalem. Glória Patri.

Glória in excélsis Deo, si regulariter dicitur.

Oratio

DEUS, qui corda fidélium Sancti Spíritus illustratióne docuísti : da nobis in eódem Spíritu recta sápere; et de ejus semper consolatióne gaudére : Per Dóminum... in unitáte ejúsdem.

Léctio Actuum Apostolorum.

c. 8

IN diébus illis : Cum audissent Apóstoli, qui erant Jerosólymis, quod recepisset Samaria verbum Dei, misérunt ad eos Petrum et Joánnem. Qui cum venissent, oravérunt pro ipsis ut acciperent Spíritum Sanctum : Nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum Sanctum.

℣. Ps. 32 Beáta gens, cujus est Dóminus, Deus eórum : pópulus, quem elégit Dóminus in hereditátem sibi. **℣.** Verbo Dómini cæli firmáti sunt : et spíritu oris ejus omnis virtus eórum.

Allelúia, allelúia. **℣. Hic genuflectitur** : VENI SANCTE SPIRITUS : reple tuórum corda fidélium, et tui amóris in eis ignem accénde. Allelúia.

Tempore Paschali Allelúia, allelúia. **℣. Ps. 103** Emitte Spíritum tuum, et creabúntur : et renovábis fáciem terræ.

Allelúia. **℣. Hic genuflectitur** : VENI SANCTE SPIRITUS : reple tuórum corda fidélium, et tui amóris in eis ignem accénde. Allelúia.

✠ **Sequéntia sancti Evangélii** secúndum Joánnem. **c. 14**

IN illo témpore : Dixit Jesus discípulis suis : Si quis diligit me, sermónem meum

servábit, et Pater meus diligit eum, et ad eum veniémus, et mansiónem apud eum faciémus : Qui non diligit me, sermónes meos non servat. Et sermónem, quem audístis, non est meus : sed ejus, qui misit me, Patris. Hæc locútus sum vobis apud vos manens. Paráclitus autem Spíritus Sanctus, quem mittet Pater in nómine meo, ille vos docébit ómnia, et sùggeret vobis ómnia, quæcúmque dixeró vobis. Pacem relinquo vobis, pacem meam do vobis : Non quómodo mundus dat, ego do vobis. Non turbétur cor vestrum, neque formidet. Audístis quia ego dixi vobis : Vado, et vénio ad vos. Si diligerétis me, gauderétis útique, quia vado ad Patrem : quia Pater major me est. Et nunc dixi vobis priúsqvam fiat : ut cum factum fúerit, credátis. Jam non multa loquar vobíscum. Venit enim princeps mundi hujus, et in me non habet quidquam. Sed ut cognóscat mundus quia diligo Patrem, et sicut mandátum dedit mihi Pater, sic fácio.

Offertorium Ps. 67 Confirma hoc Deus, quod operátus es in nobis : a templo tuo, quod est in Jerúsalem, tibi ófferent reges múnera, allelúia.

Secreta

MUNERA, quæsumus Dómine, oblata sanctífica : et corda nostra Sancti Spíritus illustratióne emúnda. Per Dóminum... in unitáte ejúsdem.

Præfatio de Spiritu Sancto Qui ascéndens super omnes, *omissis verbis* hodiérna die.

Communio Act. 2 Factus est repénite de cælo sonus adveniéntis spíritus veheméntis, ubi erant sedéntes, allelúia : et repléti sunt omnes Spíritu Sancto, loquéntes magnália Dei, allelúia, allelúia.

Postcommunio

SANCTI Spíritus, Dómine, corda nostra mundet infúsió; et sui roris íntima aspersiósione fecúndet : Per Dóminum... in unitáte ejúsdem.

DE SPIRITU SANCTO

infra Septuagesimam

Officium

Ezech. 36

CUM sanctificátus fúero in vobis, congregábo vos de univérsis terris : et effúndam super vos aquam mundam, et mundabímmini ab ómnibus inquinaméntis vestris : et dabo vobis spíritum novum. **℣. Ps. 33** Benedicam Dóminum in omni témpore : semper laus ejus in ore meo. **Glória Patri.**

Tractus Ps. 67 Cæli distillavérunt a fácie Dei Sínai, a fácie Dei Israël. **℣.** Dóminus dabit verbum evangelizántibus, virtúte multa. **℣. Hic genuflectitur :** VENI SANCTE SPIRITUS : reple tuórum corda fidélium, et tui amóris in eis ignem accénde.

Cetera ut supra, excepto quod nullum allelúia dicitur.

MISSÆ DE SANCTA MARIA IN SABBATO

quæ dici etiam possunt aliis diebus
ut votivæ de B. Maria V.

I

Per Adventum

Officium

Isa. 45

RORATE cæli désuper, et
nubes pluant justum :
aperiatur terra, et gér-
minet salvatorem. *℣.* Et ju-
stítia oriatur simul : ego Dó-
minus creávi eum. *Glória*
Patri.

*Glória in excélsis, si regulariter
dicitur.*

Oratio

DEUS, qui de beátæ Mariæ
Virginis útero, Verbum
tuum, Angelo nuntiánte, car-
nem suscipere voluisti; præsta
supplicibus tuis : ut qui vere
eam genitricem Dei crédimus;
ejus apud te intercessiónibus
adjuvémur : Per eúndem.

Lectio Isaïæ Prophætæ. c. 7

IN diébus illis : Locútus est
Dóminus ad Achaz, di-
cens : Pete tibi signum a Dó-
mino Deo tuo in profúndum
inférni, sive in excélsus supra.
Et dixit Achaz : Non
petam, et non tentábo Dómi-
num. Et dixit : Audíte ergo
domus David : Numquid pa-
rum vobis est, moléstos esse
hominibus, quia molésti estis
et Deo meo? Propter hoc dabit
Dóminus ipse vobis signum.
Ecce virgo concipiet, et páriet
filius, et vocábitur nomen
ejus Emmánuel. Bútyrum et

mel cómedet, ut sciat repro-
báre malum, et eligere bonum.

℟. Ps. 18 In sole pósuit
tabernáculum suum : et ipse
tamquam sponsus procédens
de thálamo suo. *℣.* A summo
cælo egréssio ejus : et occúr-
sus ejus usque ad summum
ejus.

Allelúia, allelúia. ℣. Num. 17
Virga Jesse flóruit, Virgo
Deum et hóminem génuít :
pacem Deus réddidit, in se
reconcilians ima summis. *Al-
lelúia.*

✠ *Sequéntia sancti Evangélii
secúndum Lucam. c. 1*

IN illo témpore : Missus est
Angelus Gábriel a Deo in
civitátem Galilææ, cui nomen
Názareth, ad vírginem de-
sponsátam viro, cui nomen
erat Joseph, de domo David,
et nomen vírginis María. Et
ingréssus Angelus ad eam,
dixit : Ave grátia plena : Dó-
minus tecum : Benedícta tu in
mulieribus. Quæ cum audís-
set, turbáta est in sermóne
ejus, et cogitábat qualis esset
ista salutátio. Et ait Angelus
ei : Ne tíneas María, invenísti
enim grátiam apud Deum :
Ecce concipies in útero, et pá-
ries filium, et vocábis nomen
ejus Jesum. Hic erit magnus,
et filius Altíssimi vocábitur, et
dabit illi Dóminus Deus scdem
David patris ejus : Et regnábit
in domo Jacob in ætérnum, et
regni ejus non erit finis. Dixit
autem María ad Angelum :
Quómodo fiet istud, quóniam
virum non cognósco? Et re-
spóndens Angelus, dixit ei :

Spiritus Sanctus supervéniet in te, et virtus Altissimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit filium in senectúte sua : Et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secúndum verbum tuum.

Offertorium Luc. 1 Ave María grátia plena : Dóminus tecum : benedicta tu in mulieribus, et benedictus fructus ventris tui.

Secreta

IN méntibus nostris, quæsumus Dómine, veræ fidei sacraménta confírma : ut qui concéptum de Virgine, Deum verum et hóminem confitémur; per ejus salutiferæ resurrectionis poténtiam, ad ætérnam mereámur pervenire lætítiam. Per eúmdem.

Præfatio de B. M. V. Et te in veneratióne.

Communio Isa. 7 Ecce virgo concípíet, et páriet filium, et vocábitur nomen ejus Emánuel.

Postcommunio

GRATIAM tuam, quæsumus Dómine, méntibus nostris infúnde : ut qui, Angelo nuntiánte, Christi Fílii tui incarnationem cognóvimus : per passióem ejus, et crucem ad resurrectionis glóriam perducámur : Per eúmdem.

II

A Nativitate Domini usque ad Purificationem

Officium

Sedulius

SALVE sancta parens, eníxa puérpera Regem : qui cælum terrámque regit in sæcula sæculórum. **℟.** Post partum virgo invioláta permansisti : Dei génitrix intercede pro nobis. **Glória Patri.**

Glória in excélsis, si regulariter dicitur.

Oratio

DEUS qui salutis ætérnæ, beatæ Mariæ virginitáte fecúnda, humáno géneri præmia præstitisti : tribue quæsumus, ut ipsam pro nobis intercédere sentiámus; per quam merúimus auctórem vitæ suscipere : Dóminum nostrum Jesum Christum Fílium tuum; qui tecum vivit.

Léctio Epístolæ beáti Pauli Apóstoli ad Titum. c. 3

CARISSIME : Appáruit benígnitas, et humánitas Salvatóris nostri Dei : Non ex opéribus justítiæ, quæ fecimus nos, sed secúndum suam misericórdiam salvos nos fecit per lavácrum regeneratiónis, et renovatiónis Spíritus Sancti, quem effúdit in nos abúnde per Jesum Christum Salvátorem nostrum : ut justificáti grátia ipsíus, herédes simus secúndum spem vitæ ætérnæ : In Christo Jesu Dómino nostro.

℟. Benedicta et venerábilis es Virgo María : quæ sine

tactu pudóris, invénta es mater Salvatóris. *℟. Sedulius* Virgo Dei génitrix, quem totus non capit orbis, in tua se clausit viscera, factus homo.

Allelúia, allelúia. ℟. Num. 17 Virga Jesse flóruit, Virgo Deum et hóminem genuit : pacem Deus réddidit, in se reconcilians ima summis. *Allelúia.*

Infra Septuag. Tractus Gaude María Virgo, cunctas háereses sola interemísti. *℟. Quæ* Gabriélis Archángeli dictis credidísti. *℟. Dum* virgo Deum et hóminem genuísti : et post partum virgo invioláta permansísti. *℟. Dei* génitrix intercède pro nobis.

✠ *Sequéntia sancti Evangélíi* secúndum Lucam. *c. 2*

IN illo témpore : Pastóres loquebántur ad invicem : Transeámus usque Béthlehem, et videámus hoc verbum, quod factum est, quod Dóminus osténdit nobis. Et venérunt festinántes : et invenérunt Mariám, et Joseph, et infántem pósitum in præsepío. Vidéntes autem, cognovérunt de verbo, quod dictum erat illis de púero hoc. Et omnes, qui audiérunt, miráti sunt : et de his, quæ dicta erant a pastóribus ad ipsos. María autem conservábat ómnia verba hæc, cónferens in corde suo. Et reversi sunt pastóres glori ficántes, et laudántes Deum in ómnibus, quæ audierant, et viderant, sicut dictum est ad illos.

Offertorium Felix namque es sacra Virgo María, et omni laude digníssima : quia ex te ortus est sol justítiæ, Christus Deus noster.

Secreta

MUNERIBUS nostris, quæsumus Dómine, precibúsque susceptis, intercedente beáta Dei genitrice María, et cæléstibus nos munda mystériis, et cleménte exáudi. Per eúndem.

Præfatio de Nativitate Quia per incarnáti.

Communio Beáta viscera Mariæ Virginis, quæ portavérunt æténi Patris Filium.

Postcommunio

HÆC nos commúnio, Dómine, purget a crimine; et intercedente beáta Vírgine Dei genitrice María, cæléstis remédii fáciat esse consórtes : Per eúndem.

III

A Purificatione usque ad Adventum

Officium *Sedulius*

SALVE sancta parens, eníxa puérpera Regem : qui cælum terrámque regit in sæcula sæculórum. *T. P. Allelúia, allelúia. ℟. Post* partum virgo invioláta permansísti : Dei génitrix intercède pro nobis. *Glória Patri.*

Glória in excélsis, si regulariter dicitur.

Oratio

CONCEDE nos fámulos tuos, quæsumus Dómine Deus, perpétua mentis et córporis salúte gaudére : et gloriósa beátæ Mariæ semper vírginis intercessióne, a præsentí liberári tristítia; et æténa pérfrui lætítia : Per Dóminum.

Léctio Libri Sapiéntiæ.

Eccli. 24

AB initio, et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea.

℟. Benedícta et venerábilis es Virgo María : quæ sine tactu pudóris, invénta es mater Salvatóris. **℣.** *Sedulius* Virgo Dei génitrix, quem totus non capit orbis, in tua se clausit viscera, factus homo.

Allelúia, allelúia. ℣. Num. 17 Virga Jesse flóruit, Virgo Deum et hóminem génuít : pacem Deus réddidit, in se reconcilians ima summis. **Allelúia.**

Infra Septuag. Tractus Gaude María Virgo, cunctas háereses sola interemísti. **℣.** Quæ Gabriélis Archángeli dictis credidísti. **℣.** Dum virgo Deum et hóminem genuísti : et post

partum virgo invioláta permansísti. **℣.** Dei génitrix intercède pro nobis.

Tempore Resurr. secundum Allelúia. ℣. Matth. 28 Surrexít Dóminus, et occúrrens muliéribus, ait : Avéte. Tunc accessérunt, et tenuérunt pedes ejus. **Allelúia.**

Tempore Ascens. secundum Allelúia. ℣. Eph. 4 Ascéndens Christus in altum captivam duxit captivitátem : dedit dona homínibus. **Allelúia.**

✠ **Sequéntia sancti Evangélii** secúndum Lucam. **c. 11**

IN illo témpore : Loquente Jesu ad turbas, extóllens vocem quædam mulier de turba, dixit illi : Beátus venter, qui te portávit, et úbera, quæ suxisti. At ille dixit : Quinímmo beáti, qui áudiunt verbum Dei, et custódiunt illud.

A Pascha vero usque ad Pentecosten dicitur sequens Evangelium.

✠ **Sequéntia sancti Evangélii** secúndum Joánnem. **c. 19**

IN illo témpore : Stabant iuxta crucem Jesu mater ejus, et soror matris ejus, María Cléophæ, et María Magdaléne. Cum vidisset ergo Jesus matrem, et discipulum stantem, quem diligébat, dicit matri suæ : Múlier, ecce fílius tuus. Deínde dicit discipulo : Ecce mater tua. Et ex illa hora accépit eam discipulus in sua.

Offertorium Recordáre Virgo mater, dum stéteris in con-

spéctu Dei, ut loquáris pro nobis bona, et ut avértas indignationem suam a nobis. **T. P. Allelúia.**

Secreta

TUA, Dómine, propitiatióne, et beátæ Mariæ sēper virginis intercessióne, ad perpétuam atque præsentem hæc oblátio nobis proficiat prosperitatem et pacem. Per Dóminum.

Præfatio de B. M. V. Et te in veneratióne.

Communio Ave Regína cælórum, mater Regis Angelórum : o María flos virginum, velut rosa, vel lílium : funde preces ad Filium pro salute fidélium. **T. P. Allelúia.**

Postcommunio

SUMPTIS, Dómine, salutis nostræ subsidiis : da, quæsumus, beátæ Mariæ sēper virginis patrociniis nos ubique prótegi; in cujus veneratióne hæc tuæ obtúlimus majestáti : Per Dóminum.

Missa privilegiata votiva

SS. ROSARII B. MARIÆ V.

Officium

SALVE radix sancta, salve mundi glória : o María flos virginum, velut rosa, vel lílium : tuum pro nobis deprecáre Filium. **T. P. Allelúia, allelúia. V. Eccli. 26** Grátia super grátiam múlter sancta, et pudoráta. Glória Patri.

Glória in excélsis, si regulariter dicitur.

Oratio

OMNIPOTENS et miséricors Deus, qui ab ætérno unigénitum tibi coæquálem, atque consubstantiálem Filium secúndum carnem prædestinásti in Spíritu sanctificatiónis Dóminum nostrum Jesum Christum; et sanctíssimam Virginem Mariam tibi acceptíssimam in matrem eidem a sáculo præelegísti : præsta quæsumus, ut ambórum méritis, per sacra quíndecim mystéria sacratíssimi Rosárii complétis, ita in præsénti simus illis addícti; quátenus étiam in cæléstis vitæ glória fructus eórum in nobis júgiter sentiámus : Per eúmdem... in unitáte ejúsdem.

Lectio Libri Sapiéntiæ.

Cant. 2 et 4 Eccli. 24

EGO flos campi, et lílium convállium. Sicut lílium inter spinas, sic amíca mea inter filias. Favus distíllans lábia tua sponsa, mel et lac sub lingua tua : et odor vestimentórum tuórum sicut odor thuris. Hortus conclúsus, soror mea sponsa, hortus conclúsus, fons signátus. Emisiónes tuæ, paradísus malórum punicórum cum pomórum frúctibus. Ego quasi vitis fructificávi suavitatem odóris : et flores mei fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis, in me omnis spes vitæ et virtútis. Transíte ad me omnes qui concupíscitis me, et

a generatióibus meis implémini : Spíritus enim meus super mel dulcis, et heréditas mea super mel et favum.

℟. **Cant. 2** Diléctus meus mihi, et ego illi, qui páscitur inter lilia, donec aspíret dies, et inclinéntur umbræ.

℣. **Eccli. 50** Sicut dies verni circúmdabant eam flores rosárum, et lilia convállium.

Allelúia, allelúia. ℣. **Num. 17** Virga Jesse flóruit, Virgo Deum et hóminem genuit : pacem Deus réddidit, in se reconcílians ima summis. Allelúia.

Infra Septuag. Tractus Gaude María Virgo, cunctas háereses sola interemísti. ℣. Quæ Gabriélis Archángeli dictis credidísti. ℣. Dum virgo Deum et hóminem genuísti : et post partum virgo invioláta permansísti. ℣. Dei génitrix intercéde pro nobis.

Tempore Resurr. secundum Allelúia. ℣. **Matth. 28** Surrexít Dóminus, et occúrrens muliéríbus, ait : Avéte. Tunc accessérunt, et tenuérunt pedes ejus. Allelúia.

Tempore Ascens. secundum Allelúia. ℣. **Eph. 4** Ascéndens Christus in altum captivam duxit captivitátem : dedit dona homínibus. Allelúia.

✠ **Sequéntia sancti Evangélii** secundum Lucam. **c. 8**

IN illo témpore : Iter faciébat Iesus per civitátes et castélla prædicans, et evangelizans regnum Dei : et duódecim cum illo, et mulieres

áliquæ, quæ erant curátæ a spirítibus malignis et infirmítatibus : María, quæ vocátur Magdaléne, de qua septem dæmónia exierant, et Joáнна uxor Chusæ procuratóris Heródís, et Susánna, et álizæ multæ, quæ ministrábant ei de facultátibus suis. Cum autem turba plúrima convenírent, et de civitátibus properárent ad eum, dixit per similitúdinem : Exiit qui séminat, semináre semen suum : Et dum séminat, áliud cécidit secus viam : et conculcátum est, et vólucres cæli comedérunt illud. Et áliud cécidit supra petram : et natum áruit, quia non habébat humórem. Et áliud cécidit inter spinas, et simul exórtæ spinæ suffocavérunt illud. Et áliud cécidit in terram bonam : et ortum fecit fructum céntuplum. Hæc dicens, clamábat : Qui habet aures audiéndi, áudiat. Interrogábant autem eum discípuli ejus, quæ esset hæc parábola. Quibus ipse dixit : Vobis datum est nosse mystérium regni Dei, céteris autem in parábolis : ut vidéntes non vídeant, et audiéntes non intélligant.

Offertorium Ave Regina cælorum, mater Regis Angelórum : o María flos virginum, velut rosa, vel lílium : funde preces ad Filium pro salúte fidélium. **T. P.** Allelúia, allelúia.

Secreta

ANNUE, quæsumus miséricors Deus, précibus nostris : ut quicúmque intra

Rosárii Dei genitrícis Mariæ, ejus soli Filio dicáti, ámbitum virtútis continémur, plena tibi atque perfécta córporis et ánimæ devotióne placeámus : ut dum hæc præsentia vota red-dimus, ad æténa præmia, te adjuvante, venire mereámur. Per eúmdem Dóminum.

Præfatio Et te in veneratióne sanctissimi Rosárii.

Communio O quam speciósá facta es, et suávis in deliciis virginitátis, sancta Dei Génitrix : quam vidéntes filiæ Sion vernántem in flóribus rosárum, et líliis convállium, beatíssimam prædicavérunt, et reginæ laudavérunt eam. **T. P.** Allelúia, allelúia, allelúia.

Postcommunio

VENERANDA sacratissimi Rosárii mystéria in honórem Dei genitrícis semper virginis Mariæ ab Ecclesiá tua fidéli dicáta celebrántes, omnipotens Deus, benígno favóre proséquere : ut ómnibus in te sperántibus auxilii tui munus osténdas; et mysteriórum virtus, et votórum obtineátur efféctus : Per eúmdem Dóminum.

DE ANGELIS

Officium

Ps. 102

BENEDICITE Dóminum omnes Angeli ejus : poténtes virtúte, qui fácitis verbum ejus, ad audiéndam vocem sermónum ejus. **T. P.** Allelúia, allelúia. **℣.** Benedic ánima mea Dómino : et ómnia,

quæ intra me sunt, nómini sancto ejus. Glória Patri.

Glória in excélsis, si regulariter dicitur.

Oratio

DEUS, qui miro órdine Angelórum ministéria, hominúmque dispénsas : concéde propítius ut a quibus tibi ministrántibus in cælo semper assístitur: ab his in terra vita nostra muniátur : Per Dóminum.

Léctio Libri Apocalýpsis beáti Joánnis Apóstoli. **c. 5**

IN diébus illis : Audívi vocem Angelórum multórum in circúitu throni, et animálium, et seniórum : Et erat númerus eórum millia millium, dicéntium voce magna : Dignus est Agnus, qui occisus est, accíperere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. Et omnem creatúram, quæ in cælo est, et super terram, et sub terra, et quæ sunt in mari, et quæ in eo : omnes audívi dicéntes : Sedénti in throno, et Agno : benedictio, et honor, et glória, et potéstas in sácula sæculórum. Et quátuor animália dicébant, Amen. Et viginti quátuor senióres cecidérunt in fácies suas : et adoravérunt vivéntem in sácula sæculórum.

℟. Ps. 148 Laudáte Dóminum de cælis : laudáte eum in excélsis. **℣.** Laudáte eum omnes Angeli ejus : laudáte eum omnes virtútes ejus.

Allelúia, allelúia. V. Ps. 137
In conspéctu Angelórum psallam tibi : adorábo ad templum sanctum tuum, et confitébor nómini tuo. Allelúia.

Infra Septuag. Tractus Ps. 90
Angelis suis Deus mandávit de te : ut custódiant te in ómnibus viis tuis. V. In mánibus portábunt te : ne forte offéndas ad lápidem pedem tuum. V. Super áspidem et basiliscum ambulábis : et conculcábis leónem et draconem.

Tempore Resurr. secundum Allelúia. V. Matth. 28 Angelus Dómini descendit de cælo : et accédens revólvit lápidem, et sedébat super eum. Allelúia.

Tempore Ascens. secundum Allelúia. V. Ps. 46 Ascéndit Deus in jubilatione : et Dóminus in voce tubæ. Allelúia.

✠ **Sequéntia sancti Evangélii secundum Joánnem. c. 1**

IN illo témpore : Vidit Jesus Nathánaël veniéntem ad se, et dicit de eo : Ecce vere Israélita, in quo dolus non est. Dicit ei Nathánaël : Unde me nosti? Respóndit Jesus, et dixit ei : Priúsqvam te Philíppus vocáret, cum esses sub ficu, vidi te. Respóndit ei Nathánaël, et ait : Rabbi, tu es Fílius Dei, tu es Rex Israél. Respóndit Jesus, et dixit ei : Quia dixi tibi, Vidi te sub ficu, credis : majus his vidébis. Et dicit ei : Amen, amen dico vobis, vidébitis cælum apértum, et Angelos Dei ascendéntes, et descendéntes supra Fílium hóminis.

Offertorium Apoc. 8 Stetit Angelus juxta aram templi, habens thuríbulum áureum in manu sua : et data sunt ei incénsa multa : et ascéndit fumus arómatum in conspéctu Dei. T. P. Allelúia.

Secreta

HOSTIAS tibi, Dómine, laudis offerimus, suppliciter deprecántes : ut eásdem, Angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Communio Dan. 3 Benedícite omnes Angeli Dómini Dóminum : hymnum dicite, et superexaltáte eum in sácula. T. P. Allelúia.

Postcommunio

REPLETI, Dómine, benedictióne cælesti, suppliciter implorámus : ut quod frágili celebrámus officio; sanctorum Angelórum atque Archangelórum nobis prodésse sentiamus auxílio : Per Dóminum.

DE ANGELIS CUSTODIBUS

Officium Angelis suis Deus mandávit, ut **supra in festo proprio, die secunda Octobris, cum iis, quæ notantur in fine ejusdem Missæ.**

DE S. JOSEPH

Officium Adjutor et protéctor, ut in Solemnitate ejusdem, FERIA IV infra Hebdomadam II post Oct. Paschæ, pag. 315, cum iis, quæ pro Missis votivis ibidem notantur. Præfatio de S. Joseph, Et te in veneratióne.

DE SS. PETRO
ET PAULO *Apostolis*
extra tempus Paschale

Officium

Ps. 138

MIII autem nimis honorati sunt amici tui, Deus : nimis confortatus est principatus eorum. *℟.* Dómine probasti me, et cognovisti me : et tu cognovisti sessionem meam et resurrectionem meam. Glória Patri.

Glória in excelsis, *si regulariter dicitur.*

Oratio

DEUS, cujus dextera beatum Petrum ambulátem in fluctibus, ne mergeretur, erexit : et Coapóstolum ejus Paulum tertio naufragátem de profundo pelagi liberávit; exáudi nos propítius, et concede, ut ambórum méritis æternitátis glóriam consequámur : Qui vivis.

Lectio Actuum Apostolorum.

c. 5

IN diébus illis : Per manus autem Apostolorum fiébant signa et prodigia multa in plebe. Et erant unanimiter omnes in pórticu Salomónis. Ceterórum autem nemo audébat se conjungere illis : sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejicerent infirmos, et pónerent in lectulis ac grabátis, ut veniente Petro, saltem umbra illius obumbráret quemquam illórum, et libera-

réntur ab infirmitátibus suis. Concurrébat autem et multitúdo vicinárum civitátum Jérusalem, afferéntes ægros, et vexátos a spirítibus immúndis : qui curabántur omnes.

℟. Ps. 44 Constitues eos principes super omnem terram : mémores erunt nóminis tui Dómine. *℟.* Pro pátribus tuis nati sunt tibi filii : proptérea pópuli confitebúntur tibi.

Allelúia, allelúia. *℟.* Ps. 138 Nimis honorati sunt amici tui, Deus : nimis confortatus est principatus eorum. Allelúia.

Infra Septuag. Tractus Ps. 125 Qui sémant in lácrymis, in gáudio metent. *℟.* Eúntes ibant et flebant, mitténtes semina sua. *℟.* Veniéntes autem vénient cum exultatióne portántes manipulos suos.

✠ *Sequéntia sancti Evangélii* secúndum Matthæum. c. 19

IN illo témpore : Dixit Petrus ad Jesum : Ecce nos reliquimus ómnia, et secúti sumus te : Quid ergo erit nobis? Jesus autem dixit illis : Amen dico vobis, quod vos, qui secúti estis me, in regeneratióne cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit.

Offertorium Ps. 18 In omnem terram exiit sonus eorum : et in fines orbis terrae verba eorum.

Secreta

OFFERIMUS tibi Dómine preces et múnera, quæ ut tuo sint digna conspéctu, Apostolorum tuorum Petri et Pauli precibus adjuvémur. Per Dóminum.

Præfatio de Apostolis.

Communio Matth. 19 Vos, qui secúti estis me, sedébitis super sedes, iudicántes duodecim tribus Israël.

Postcommunio

PROTEGE Dómine pópulum tuum : et Apostolorum tuorum Petri et Pauli patrocinio confidéntem; perpétua defénsione consérva : Per Dóminum.

DE SS. PETRO ET PAULO Apostolis

tempore Paschali

Officium Ps. 63

PROTEXISTI me, Deus, a convéntu malignántium, allelúia : a multítudine operántium iniquitátem, allelúia. **℟.** Exáudi Deus oratió-nem meam cum déprecor : a timóre inimíci éripe ánimam meam. **Glória Patri.**

Glória in excélsis Deo, si regulariter dicitur.

Allelúia, allelúia. ℟. Ps. 138 Nimis honoráti sunt amíci tui, Deus : nimis confortátus est principátus eorum.

Tempore Resurr. secundum Allelúia. ℟. Matth. 26 In die resurrectiónis meæ, dicit Dóminus, præcédam vos in Galiléam. Allelúia.

Tempore Ascens. secundum Allelúia. ℟. Eph. 4 Ascéndens Christus in altum captivam duxit captivitátem, dedit dona homínibus. Allelúia.

Offertorium Ps. 89 Repléti sumus mane misericórdia tua : et exsultávimus, et delectáti sumus, allelúia.

Communio Joann. 15 Ego sum vitis vera, et vos pálmities : qui manet in me, et ego in eo, hic fert fructum multum, allelúia.

Oratio, cum reliquis omnibus, ut supra.

DE S. DOMINICO P. N.

in tertiis Feriis, vel quando de eo per annum celebratur

Officium Eccli. 15

IN médio Ecclésiæ apérui-t os ejus, et implévit eum Dóminus spíritu sapiéntiæ et intelléctus : stolam glóriæ induit eum. **T. P.** Allelúia, allelúia, allelúia. **℟.** Jucunditátem et exsultatió-nem thesaurizávit super eum. **Glória Patri.**

Glória in excélsis Deo, si regulariter dicitur.

Oratio

DEUS, qui Ecclésiám tuám beáti Dominici Confessóris tui, Patris nostri, illumináre dignátus es méritis et doctrínis : concéde, ut ejus

intercessióne, temporálibus non destituátur auxiliis; et spirituálibus semper proficiat incrementis : Per Dóminum.

Léctio Epistolæ beáti Pauli Apóstoli ad Timótheum.

2, c. 4

CARISSIME : Testificor coram Deo, et Jesu Christo, qui judicatúrus est vivos, et mórtuos, per advéntum ipsíus, et regnum ejus : prædica verbum, insta opportúne, importúne : Argue, óbseca, increpa in omni patiéntia et doctrína. Erit enim tempus, cum sanam doctrinam non sustinébunt, sed ad sua desidéria coacerbábunt sibi magistros, pruriéntes áuribus, et a veritáte quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repó-sita est mihi coróna justitiæ, quam reddet mihi Dóminus in illa die justus judex : Non solum autem mihi, sed et iis, qui diligunt advéntum ejus.

℟. Ps. 36 Os justi meditábitur sapiéntiam, et lingua ejus loquétur judícium. ℣. Lex Dei ejus in corde ipsíus : et non supplantabúntur gressus ejus.

Allelúia, allelúia. ℣. Pie Pater Dominice, tuórum memor óperum, sta coram summo Júdice pro tuo coetu páuperum.

Sequentia

LAUDES ergo Dóminico per-sonémus mirífico, voce plena.

Clama petens suffrágia, ejus sequens vestigia, plebs egéna.

Sed tu Pater pie, bone, pastor gregis, et patróné, prece semper sédula,

Apud cúriam summi Regis, derelicti vices gregis com-ménda per sácula. Amen. Allelúia.

Infra Septuagesimam, sine Allelúia, et sine Sequentia, dicatur :

Tractus Eccli. 50 Quasi stella matutina in médio nébulæ, et quasi luna plena in diébus suis. ℣. Et quasi sol refúl-gens, sic ille refúlsit in templo Dei. ℣. Quasi arcus refúlgens inter nébulas glóriæ, et quasi flos rosárum in diébus vernis. ℣. Quasi lília quæ sunt in tránsitu aquæ, et quasi thus rédolens in diébus æstátis. ℣. Quasi ignis effúlgens, et thus ardens in igne. ℣. Quasi vas auri sólídum, ornátum omni lápide pretiósó.

Temp. Pasch. Allelúia, allelúia. ℣. Pie Pater, ut supra.

Tempore Resurr. secundum Allelúia. ℣. Rom. 6 Christus resúrgens ex mórtuis jam non móritur, mors illi ultra non dominábitur.

Sequentia Laudes ergo, ut supra.

Tempore Ascens. secundum Allelúia. ℣. Eph. 4 Ascén-dens Christus in altum capti-

vam duxit captivitatem : dedit dona hominibus.

Sequentia Laudes ergo, *ut supra*.

✠ *Sequentia* sancti Evangelii secundum Matthæum. **c. 3**

IN illo tempore : Dixit Jesus discipulis suis : Vos estis sal terræ. Quod si sal evanuerit, in quo salietur? Ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub módio, sed super candelabrum, ut luceat omnibus, qui in domo sunt. Sic luceat lux vestra coram hominibus : ut videant opera vestra bona, et glorificent Patrem vestrum, qui in cælis est. Nolite putare, quoniam veni solvere legem, aut prophetas : Non veni solvere sed adimplere. Amen quippe dico vobis : donec transeat cælum et terra, jota unum, aut unus apex non præteribit a lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno cælorum : Qui autem fecerit et docuerit, hic magnus vocabitur in regno cælorum.

Offertorium Ps. 20 Desiderium animæ ejus tribuisti ei Dómine, et voluntate labiorum ejus non fraudasti eum : posuisti in capite ejus coronam de lapide pretioso. **T. P.** Allelúia.

Secreta

MUNERA tibi Dómine dictata sanctifica : ut méritis beáti Dominici Confessoris tui, Patris nostri, nobis proficiant ad medelam. Per Dóminum.

Præfatio de S. Dominico.

Communio Luc. 12 Fidéls servus, et prudens, quem constituit dóminus super familiam suam, ut det illis in tempore tritici mensuram. **T. P.** Allelúia, allelúia.

Postcommunio

CONCEDE, quæsumus omnipotens Deus : ut qui peccatorum nostrorum pondere premimur; beáti Dominici Confessoris tui, Patris nostri, patrocinio sublevemur : Per Dóminum.

AD TOLLENDUM SCHISMA

Officium

Ps. 105

SALVOS nos fac Dómine Deus noster, et congrega nos de nationibus : ut confiteamur nómini sancto tuo, et gloriemur in laude tua. **T. P.** Allelúia, allelúia. ✠. Confitemini Dómino quoniam bonus : quoniam in sæculum misericórdia ejus. Glória Patri.

Glória in excelsis, si regulariter dicitur.

Oratio

DEUS, qui errata corrigis, et dispersa congregas, et congregata conservas : quæsumus, super pópulum christiánum tuæ uniónis grátiam

cleménter infúnde; ut divisíone rejécta, vero Pastóri Ecclésiæ tuæ se úniens, tibi digne váleat famulári : Per Dóminum.

Léctio Epístolæ beáti Pauli Apóstoli ad Ephésios. **c. 4**

FRATRES : Obsecro vos, ut digne ambulétis vocatióne, qua vocáti estis, cum omni humilitáte, et mansuetú-dine, cum paciéntia, supportántes invicem in caritáte, solliciti serváre unitátem Spíritus in vínculo pacis. Unum corpus, et unus Spíritus, sicut vocáti estis in una spe vocatiónis vestræ. Unus Dóminus, una fides, unum baptisma. Unus Deus et Pater ómnium, qui est super omnes, et per ómnia, et in ómnibus nobis. Unicuique autem nostrum data est grátia secúndum mensúram donatiónis Christi : donec occurrámus omnes in unitátem fidei, et agnitiónis Filii Dei, in virum perféctum, in mensúram ætátis plenitúdinis Christi : ut jam non simus párvuli fluctuántes, et circumferámur omni vento doctrinæ in nequítia hóminum, in astú-tia ad circumventiόνem erróris. Veritátem autem faciéntes in caritáte, crescámus in illo per ómnia, qui est caput Christus : ex quo totum corpus compáctum, et connéxum per omnem junctúram submini-stratiónis, secúndum operatió-nem in mensúram unius-cujúsque membri, augméntum córporis facit in ædificatió-nem sui in caritáte. Hoc igitur dico, et testificor in Dómino, ut jam

non ambulétis, sicut et gentes ámbulant in vanitáte sensus sui, ténebris obscurátum habéntes intelléctum, alienáti a vita Dei per ignorántiam, quæ est in illis, propter cæcitatém cordis ipsórum, qui desperántes, semetipsos tradidérunt impudici-tiæ, in operatió-nem immundítiæ omnis, in avaritiam. Vos autem non ita didicistis Christum, si tamen illum audistis, et in ipso edócti estis, sicut est véritas in Christo Jesu Dómino nostro.

℟. Ps. 132 Ecce quam bonum, et quam jucúndum habitáre fratres in unum. **℣.** Quóniam illic mandávit Dóminus benedictiόνem, et vitam usque in sæculum.

Allelúia, allelúia. ℣. Ps. 146 Ædificans Jerúsalem Dóminus : dispersiões Israélis congregábit. **Allelúia.**

Infra Septuag. Tractus Ps. 75 Notus in Judæa Deus : in Israél magnum nomen ejus. **℣.** Et factus est in pace locus ejus : et habitatio ejus in Sion. **℣.** Ibi confrégit poténtias árcuum, scutum, gládium, et bellum.

Temp. Pasch. secundum Allelúia. ℣. Joan. 10 Ego sum pastor bonus : et cognósc-o oves meas, et cognóscunt me meæ. **Allelúia.**

✠ Sequéntia sancti Evangélíi secúndum Joánnem. c. 17

IN illo témpore : Sublevátis Jesus óculis in cælum, dixit : Pater sancte, conserva eos in nómine tuo, quos dedisti mihi : ut sint unum, sicut et nos.

Cum essem cum eis, ego servábam eos in nómine tuo. Quos dedisti mihi, custodívi : et nemo ex eis périit, nisi filius perditionis, ut Scriptúra impleátur. Nunc autem ad te vénio : Et hæc loquor in mundo, ut hábeant gáudium meum implétum in semetipsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo ut tollas eos de mundo, sed ut serves eos a malo. De mundo non sunt, sicut et ego non sum de mundo. Sanctifica eos in veritáte. Sermo tuus véritas est. Sicut tu me misisti in mundum, et ego misi eos in mundum. Et pro eis ego sanctifico meípsum : ut sint et ipsi sanctificáti in veritáte. Non pro eis autem rogo tantum, sed et pro eis, qui creditúri sunt per verbum eórum in me : ut omnes unum sint, sicut tu Pater in me, et ego in te, ut et ipsi in nobis unum sint : ut credat mundus, quia tu me misisti. Et ego claritátem, quam dedisti mihi, dedi eis : ut sint unum, sicut et nos unum sumus. Ego in eis, et tu in me : ut sint consummáti in unum.

Offertorium Rom. 15 Det vobis Deus idípsum sápere in altérutrum : ut unánimes, uno ore honorificétis Deum nostrum. **T. P. Allelúia.**

Secreta

MUNERA hæc pro unióne pópuli christiáni tibi, Dómine, oblata sanctifica : per

quæ unitátis et pacis in Ecclésia tua nobis dona concédas. Per Dóminum.

Communio 1 Cor. 10 Unus panis, et unum corpus multi sumus, omnes, qui de uno pane, et de uno cálice participámus. **T. P. Allelúia.**

Postcommunio

HÆC tua, Dómine, sumpta sacra commúnio : sicut fidélium in te uniónem præsignat; sic in tua Ecclésia unitátis, quæsumus, operétur effectum : Per Dóminum.

PRO ELIGENDO SUMMO PONTIFICE

Officium

1 Reg. 2

SUSCITABO mihi sacerdotem fidélem, qui juxta cor meum, et ánimam meam faciet : et ædificábo ei domum fidélem, et ambulábit coram Christo meo cunctis diébus. **T. P. Allelúia, allelúia.**
℟. Ps. 131 Meménto Dómine David, et omnis mansuetúdinis ejus. **Glória Patri.**

Glória in excélsis, **si regulariter dicitur.**

Oratio

SUPPLICI, Dómine, humilitáte depóscimus; ut sacrosáctæ Románæ Ecclesiæ concédatur Pontificem illum tua imménsa pietas : qui et pio in nos stúdio semper tibi plácitus; et tuo pópulo pro salúbri regímine sit assidue ad glóriam tui nóminis reveréndus : Per Dóminum.

Lectio Epistolæ beāti Pauli
Apóstoli ad Hebræos.

c. 4 et 5

FRATRES : Adeāmus cum fidúcia ad thronum grátia : ut misericórdiam consequámur, et grátiam inveniāmus in auxilio opportúno. Omnis namque pónťefex ex homínibus assúptus, pro homínibus constitúitur in iis, quæ sunt ad Deum, ut offerat dona et sacrificia pro peccátis : Qui condolére possit iis, qui ignorant, et errant : quóniam et ipse circúmdatus est infirmitáte : et proptérea debet, quemádmódum pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetipsum clarificávit ut pónťefex fieret : sed qui locútus est ad eum : Filius meus es tu, ego hódie genui te. Quemádmódum et in álío loco dicit : Tu es sacérdos in ætérnum, secúndum órđinem Melchisedech. Qui in diébus carnis suæ preces supplicationésque ad eum, qui possit illum saluum fácere a morte, cum clamóre válido, et lácrymis offerens, exauditus est pro sua reveréntia.

℟. *Lev. 21* Pónťefex, sacérdos magnus inter fratres suos, super cujus caput fusum est unctionis óleum, et cujus manus in sacerdotío consecrátae sunt, vestitúsque est sanctis véstibus, débuit per ómnia frátribus similári. ℣. *Heb. 2*

Ut miséricors fieret, et fidélis pónťefex ad Deum, ut repropitiáret delicta pópuli.

Allelúia, allelúia. ℣. *Lev. 21* Sacérdos sit sanctus, sicut et ego sanctus sum, Dóminus, qui sanctífico vos. Allelúia.

Infra Septuag. Tractus Ps. 131 Surge Dómine in réquiem tuam, tu et arca sanctificatiónis tuæ. ℣. Sacerdótes tui induántur justítiam : et sancti tui exsúltent. ℣. Propter David servum tuum, non avértas fáciem Christi tui.

Temp. Pasch. secundum Allelúia. ℣. *Joan. 10* Ego sum pastor bonus : et cognóscō oves meas, et cognóscunt me meæ. Allelúia.

✠ *Sequéntia sancti Evangélíi secúndum Joánnem. c. 14*

IN illo témpore : Dixit Jesus discípulis suis : Si dilígitis me : mandáta mea serváte. Et ego rogábo Patrem, et álíum Paráclitum dabit vobis, ut máneat vobiscum in ætérnum, Spíritum veritátis, quem mundus non potest accipere, quia non videt eum, nec scit eum. Vos autem cognoscétis eum : quia apud vos manébit, et in vobis erit. Non relínquam vos órphanos : véniam ad vos. Adhuc módicum : et mundus me jam non videt. Vos autem vidétis me : quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea, et servat ea : ille est, qui diligit me. Qui autem

diligit me, diligétur a Patre meo : Et ego diligam eum, et manifestábo ei meípsum.

Offertorium 3 Esd. 5 Non participéntur sancta, donec exsúrgat póntifex in ostensíonem et veritátem. **T. P.** Allelúia.

Secreta

TUAE nobis, Dómine, abundantia pietátis indúlgeat, ut per sacra múnera, quæ tibi reverénter offérimus, gratum majestáti tuæ Pontíficem sanctæ matris Ecclesiæ regímíni præesse gaudeámus. Per Dóminum.

Communio Exodi 29 Veste sancta utétur póntifex, qui fúerit constitútus : et ingreditétur tabernáculum testimónii, ut ministret in sanctuário. **T. P.** Allelúia.

Postcommunio

PRETIOSI córporis et sanguinis tui nos, Dómine, sacraménto reféctos, mirífica tuæ majestátis grátia de illius summi Pontíficis concessíone lætifícet : qui et plebem tuam virtútibus ínstruat; et fidélium mentes spirituálium arómatum odóre perfúndat : Qui vivis.

IN DIE CREATIONIS

et Coronationis Papæ, et ejusdem diei Anniversario, dicitur Missa ut in Cathedra S. Petri die 18 Januarii, pag. 356, cum Orationibus sequentibus.

Temp. Pasch. post Offic.. Offert. et Comm. addatur Allelúia; et semper dicitur Credo.

Oratio

DEUS ómnium fidélium pastor et rector; fámulum tuum **N.** quem pastórem Ecclesiæ tuæ præesse voluisti, propítius réspice : da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam : Per Dóminum.

Secreta

OBLATIS, quæsumus, Dómine, placáre munéribus : et fámulum tuum **N.** quem pastórem Ecclesiæ tuæ præesse voluisti, assídua protectióne gubérna. Per Dóminum.

Postcommunio

HÆC nos, quæsumus Dómine, divíni sacraménti percéptio próteget; et fámulum tuum **N.** quem pastórem Ecclesiæ tuæ præesse voluisti, una cum commisso sibi grege, salvet semper, et múniat : Per Dóminum.

PRO FIDEI PROPAGATIONE

Officium

Ps. 66

DEUS misereátur nostri, et benedícat nobis : illúminet vultum suum super nos, et misereátur nostri : ut cognoscámus in terra viam tuam, in ómnibus géntibus salutáre tuum. **℟.** Confíteántur tibi pópuli, Deus : confíteántur tibi pópuli omnes. **Gloria Patri.**

Oratio

DEUS, qui omnes hómines vis salvos fieri, et ad agnitióem veritátis venire : mitte, quæsumus, operários in messem tuam, et da eis cum omni fidúcia loqui verbum tuum; ut sermo tuus currat et clarificétur, et omnes gentes cognóscant te solum Deum verum, et quem misisti Jesum Christum Fílium tuum, Dóminum nostrum : Qui tecum vivit.

Lectio Libri Sapientíæ.

Eccli. 36

MISERERE nostri, Deus ómnium, et réspice nos, et osténde nobis lucem miseratiónum tuárum : et immitte timórem tuum super gentes, quæ non exquisiérunt te, ut cognóscant quia non est Deus nisi tu, et enárrent magnália tua. Alleva manum tuam super gentes aliénas, ut videant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus, quóniam non est Deus præter te, Dómine. Innova signa, et immúta mirabilia. Glorifica manum, et bráchium dextrum. Excita furórem, et effúnde iram. Tolle adversárium, et afflige inimicum. Festina tempus, et memento finis, ut enárrent mirabilia tua. Da testimónium his, qui ab initio creatúræ tuæ sunt, et súscita prædicatiónes, quas locúti sunt in nómine tuo

prophétæ prióres. Da mercédem sustinentibus te, ut prophétæ tui fidéles inveniántur : et exáudi oratiónes servórum tuórum, secúndum benedictiónem Aaron de pópulo tuo, et dirige nos in viam justitiæ, et sciant omnes, qui hábitant terram, quia tu es Deus conspéctor sæculórum.

℟. Ps. 66 Confiteántur tibi pópuli, Deus : confiteántur tibi pópuli omnes : terra dedit fructum suum. **℣.** Benedicat nos Deus, Deus noster, benedicat nos Deus : et ménuant eum omnes fines terræ.

Allelúia, allelúia. ℣. Ps. 99 Jubiláte Deo, omnis terra : servíte Dómino in lætitiá : introíte in conspéctu ejus, in exsultatióne. Allelúia.

Post Septuagesimam, omissis Allelúia, et Versu sequenti, dicitur

Tractus Ps. 95 Annuntiáte inter gentes glóriam Dómini, in ómnibus pópulis mirabilia ejus. **℣.** Quóniam magnus Dóminus, et laudábilis nimis : terribilis est super omnes deos. **℣.** Quóniam omnes dii géntium dæmónia : Dóminus autem cælos fecit.

Tempore autem Paschali omittitur Graduale, et ejus loco dicitur :

Allelúia, allelúia. ℣. Ps. 99 Jubiláte Deo, omnis terra : servíte Dómino in lætitiá : introíte in conspéctu ejus, in exsultatióne.

Allelúia. ℣. Scitóte quóniam Dóminus ipse est Deus : ipse fecit nos, et non ipsi nos. Allelúia.

✠ **Sequéntia sancti Evangélii**
secúndum Matthæum. **c. 9**

IN illo témpore : Circuibat Jesus omnes civitates, et castélla, docens in synagógis eórum, et prædicans Evangélium regni, et curans omnem languórem, et omnem infirmitátem. Videns autem turbas, misértus est eis : quia erant vexáti, et jacéntes sicut oves non habéntes pastórem. Tunc dicit discipulis suis : Messis quidem multa, operárii autem pauci. Rogáte ergo Dóminum messis, ut mittat operários in messem suam.

Offertorium Ps. 95 Afférte Dómino, pátriæ géntium, afférte Dómino glóriam et honórem, afférte Dómino glóriam nómini ejus : tollite hóstias, et introíte in átria ejus : adoráte Dóminum in átrio sancto ejus.

Secreta

PROTECTOR noster áspice Deus, et réspice in fáciem Christi tui, qui dedit redemptionem semetípsum pro ómnibus : et fac, ut ab ortu solis usque ad occásu magnificétur nomen tuum in géntibus, ac in omni loco sacrificétur et offerátur nómini tuo oblátio munda. Per eúmdem Dóminum.

Communio Ps. 116 Laudáte Dóminum, omnes gentes : laudáte eum, omnes pópuli : quóniam confirmáta est super nos misericórdia ejus, et véritas Dómini manet in ætérnum.

Postcommunio

REDEMPTIONIS nostræ múnere vegetáti : quæsumus, Dómine; ut hoc perpétuæ salútis auxilio, fides semper vera proficiat. Per Dóminum.

¶ Item alia Epistola

Léctio Epístolæ beáti Pauli
Apóstoli ad Timótheum.

1, c. 2

OBSEURO primum ómnium fieri obsecrationes, orationes, postulationes, gratiarum actiones, pro ómnibus hominibus : pro régibus et ómnibus qui in sublimitate sunt, ut quiétam et tranquillam vitam agámus, in omni pietate, et castitate; hoc enim bonum est, et accéptum coram Salvátore nostro Deo, qui omnes hómines vult salvos fieri, et ad agnitióem veritátis venire. Unus enim Deus, unus et mediátor Dei et hóminum, homo Christus Jesus : qui dedit redemptionem semetípsum pro ómnibus, testimónium temporibus suis : in quo pósitus sum ego prædicátor et apóstolus (veritatem dico, non méntior), doctor géntium in fide et veritate.

CONTRA PAGANOS

Officium

Ps. 43

EXSURGE, quare obdormis Dómine? exsúrge, et ne repéllas in finem : quare fáciem tuam avértis, obliuisceris tribulationem nostram? Adháesit in terra venter no-

ster : exsúrge Dómine, ádjuva nos, et libera nos. **T. P.** Allelúia, allelúia. **℟.** Deus áuribus nostris audívimus : patres nostri annuntiavérunt nobis. **Glória Patri.**

Glória in excélsis, **si regulariter dicitur.**

Oratio

OMNIPOTENS sempitérne Deus, in cujus manu sunt ómnium potestátes, et ómnium jura regnórum : réspice in auxílium Christianórum; ut gentes paganórum quæ in sua feritáte confidunt, dexteræ tuæ poténtia conterántur : Per Dóminum.

Léctio Libri Esther. c. 10

IN diébus illis : Orávit Mardocheús ad Dóminum, dicens : Dómine, Dómine rex omnípotens, in ditióne enim tua cuncta sunt pósito, et non est qui possit tuæ resistere voluntáti, si decreveris salváre Israël. Tu fecisti cælum et terram, et quidquid cæli ámbitu continétur. Dóminus ómnium es, nec est qui resistat majestáti tuæ. Et nunc Dómine rex, Deus Abraham miserére pópuli tui, quia volunt nos inimíci nostri pérdere, et hereditátem tuam delére. Ne despicias partem tuam, quam redemisti tibi de Ægýpto. Exáudi deprecationem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum Dómine, et ne claudas ora te canéntium, Dómine Deus noster.

℟. Ps. 82 Sciant gentes quóniam nomen tibi Deus : tu solus Altíssimus super omnem terram. **℟.** Deus meus pone illos ut rotam : et sicut stípulam ante faciém venti.

Allelúia, allelúia. **℟. Ps. 79** Excita Dómine poténtiam tuam, et veni, ut salvos fácias nos. Allelúia.

Infra Septuag. Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. **℟. Ps. 78** Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℟. Hic genuflectitur** : ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

Temp. Pasch. secundum Allelúia. ℟. Ps. 82 Sciant gentes quóniam nomen tibi Deus : tu solus Altíssimus super omnem terram. Allelúia.

✠ **Sequéntia sancti Evangélli** secúndum Lucam. **c. 11**

IN illo témpore : Dixit Jesus discípulis suis : Quis vestrum habébit amicum, et ibit ad illum média nocte, et dicet illi, Amíce, cómmoda mihi tres panes, quóniam amicus meus venit de via ad me, et non hábeo quod ponam ante illum : et ille de intus respóndens dicat, Noli mihi moléstus esse, jam óstium clausum est, et

púeri mei mecum sunt in cubili, non possum súrgere, et dare tibi. Et si ille perseveráverit pulsans : dico vobis, et si non dabit illi surgens, eo quod amicus ejus sit, propter improbitátem tamen ejus surget, et dabit illi quotquot habet necessários. Et ego dico vobis : Péтите, et dábitur vobis : Quærite, et inveniétis : Pulsáте, et aperiétur vobis. Omnis enim, qui petit, áccipit : et qui quærit, invenit : et pulsánti aperiétur. Quis autem ex vobis patrem petit panem, numquid lápidem dabit illi? Aut piscem : numquid pro pisce serpéntem dabit illi? Aut si petierit ovum : numquid pórriget illi scoriónem? Si ergo vos cum sitis mali, nostis bona data dare filiis vestris : quanto magis Pater vester de cælo dabit spíritum bonum peténtibus se?

Offertorium Ps. 79 Réspice Dómine de cælo, et vide, et visita vineam istam : et pérfice eam, quam plantávit dextera tua. **T. P. Allelúia.**

Secreta

SACRIFICIUM, Dómine, quod immolámus, inténde : ut propugnatóres tuos ab omni éruas paganórum nequítia, et in tuæ protectionis securitáte constituas. Per Dóminum.

Communio Ps. 58 et 78 Dispérge inimicos nostros in virtúte tua, et depóne eos prótector noster Dómine : et effúnde iram tuam in gentes, quæ te non novérunt, et in

regna, quæ nomen tuum non invocavérunt. **T. P. Allelúia.**

Postcommunio

PROTECTOR noster áspice Deus : et propugnatóres tuos a paganórum defénde perículis; ut omni perturbatione submóta, liberis tibi méntibus desérvant : Per Dóminum.

PRO PACE

Officium

Eccli. 36

DA pacem Dómine sustinentibus te, ut prophétæ tui fidéles inveniántur : exáudi preces servi tui, et plebis tuæ Israël. **T. P. Allelúia, allelúia. V. Ps. 121** Lætátus sum in his, quæ dicta sunt mihi : In domum Dómini ibimus. **Glória Patri.**

Glória in excélsis, si regulariter dicitur.

Oratio

DEUS, a quo sancta desideria, recta consília, et justa sunt ópera; da servis tuis illam, quam mundus dare non potest, pacem : ut et corda nostra mandátis tuis dedita; et hóstium subláta formidine, témpora sint tua protectione tranquilla : Per Dóminum.

Léctio Libri Machabæórum.

2, c. 1

FRATRIBUS, qui sunt per Ægýptum, Judæis, salutem dicunt fratres, qui sunt in Jerosólymis, Judæi, et qui in regione Judææ, et pacem bonam. Benefáciat vobis Deus,

et meminerit testaménti sui, quod locútus est ad Abraham et Isaac et Jacob servórum suórum fidélium : et det vobis cor ómnibus, ut colátis eum, et faciátis ejus voluntátem corde magno, et ánimo volénti. Adapériat cor vestrum in lege sua, et in præcéptis suis, et fáciat pacem. Exáudiat oratiónes vestras, et reconciliétur vobis, nec vos déserat in témpore malo, Dóminus Deus vester.

℟. Ps. 121 Lætátus sum in his, quæ dicta sunt mihi : In domum Dómini íbimus. **℣.** Fiat pax in virtúte tua : et abundantia in túrribus tuis.

Allelúia, allelúia. ℣. Ps. 147 Qui pósuit fines tuos pacem : et ádipe fruménti sátiat te. **Allelúia.**

Infra Septuag. Tractus Ps. 75 Notus in Judæa Deus : in Israél magnum nomen ejus. **℣.** Et factus est in pace locus ejus : et habitatio ejus in Sion. **℣.** Ibi confrégit poténtias árcuum, scutum, gládium, et bellum.

Temp. Pasch. secundum Allelúia. ℣. Ps. 121 Fiat pax in virtúte tua : et abundantia in túrribus tuis. **Allelúia.**

✠ **Sequéntia sancti Evangélii** secúndum Joánnem. **c. 20**

IN illo témpore : Cum sero esset die illo, una sabbatórum, et fores essent clausæ, ubi erant discipuli congregáti propter metum Judæórum : venit Jesus, et stetit in médio, et dixit eis : Pax vobis. Et

cum hoc dixisset, osténdit eis manus, et latus. Gavísi sunt ergo discipuli, viso Dómino. Dixit ergo eis íterum : Pax vobis. Sicut misit me Pater, et ego mitto vos. Hæc cum dixisset, insufflavit : et dixit eis : Accipite Spíritum Sanctum : Quorum remisérítis peccáta, remittúntur eis : et quorum retinuérítis, reténta sunt.

Offertorium Ps. 134 Laudáte Dóminum, quia benignus est : psállite nómini ejus, quóniam suávis est : ómnia quæcúmque vóluit, fecit in cælo et in terra. **T. P. Allelúia.**

Secreta

DEUS, qui credéntes in te pópulos nullis sinis cón-cuti terróribus : dignáre preces et hóstias dicátæ tibi plebis suscipere; ut pax, a tua pietáte concéssa, Christianórum fines ab omni hoste fáciat esse secúros. Per Dóminum.

Communio Joan. 14 Pacem meam do vobis : pacem relínquo vobis. **T. P. Allelúia, allelúia.**

Postcommunio

DEUS auctor pacis et amá-tor, quem nosse, vivere, cui servíre, regnáre est, pró-tege ab ómnibus impugnatió-nibus súpplíces tuos : ut qui in defensióne tua confidimus; nullíus hostilitátis arma timeá-mus : Per Dóminum.



TEMPORE BELLII

Officium

Ps. 24

REMINISCERE miseratiónum tuárum Dómine, et misericórdiæ tuæ, quæ a sæculo sunt : ne umquam dominéntur nobis inimíci nostri : libera nos Deus Israël ex ómnibus angústíis nostris. **T. P.** Allelúia, allelúia. **℟.** Ad te Dómine levávi ánimam meam : Deus meus in te confido, non erubescam. **Glória Patri.**

Glória in excélsis, si regulariter dicitur.

Oratio

DEUS, qui cónteris bella, et impugnatóres in te sperántium poténtia tuæ defensiónis expúgnas : auxiliáre fámulis tuis implorántibus misericórdiam tuam; ut inimicórum suórum feritáte depréssa, incessábili te gratiárum actióne laudémus : Per Dóminum.

Lectio Jeremíæ Prophétæ.

c. 42

IN diébus illis : Accessérunt omnes príncipes bellatórum, dixerúntque ad Jeremíam Prophétam : Ora pro nobis ad Dóminum Deum tuum. Et factum est verbum Dómini ad Jeremíam. Vocavitque Jóhanan filium Carée, et omnes príncipes bellatórum, qui erant cum eo, et univérsum pópulum a mínimo usque ad magnum. Et dixit ad eos : Hæc dicit Dóminus Deus Israël, ad quem misístis me, ut prostérnerem preces vestras in conspéctu ejus : Si

quiescéntes mansérítis in terra hac, ædificábo vos, et non destruiam; plantábo, et non evellam : jam enim placátus sum super malo, quod feci vobis. Nolíte timére a fácie regis Babilónis, quem vos pávidi formidátis : nolíte metúere eum, dicit Dóminus : quia vobiscum sum ego, ut salvos vos faciam, et éruam de manu ejus. Et dabo vobis misericórdias, et miserébor vestri, et habitáre vos faciam in terra vestra. Dicit Dóminus omnípotens.

℟. Ps. 76 Tu es Deus, qui facis mirabilia solus : notam fecisti in géntibus virtutem tuam. **℟.** Liberásti in bráchio tuo pópulum tuum, filios Israël et Joseph.

Allelúia, allelúia. ℟. Ps. 58 Eripe me de inimicis meis Deus meus : et ab insurgéntibus in me libera me. **Allelúia.**

Infra Septuag. Tractus Ps. 102 Dómine non secúndum peccáta nostra facias nobis : neque secúndum iniquitátes nostras retribuas nobis. **℟. Ps. 78** Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℟. Hic genuflectitur** : ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

Temp. Pasch. secundum Allelúia. ℟. Ps. 76 Liberásti in bráchio tuo pópulum tuum, filios Israël et Joseph. **Allelúia.**

✠ **Sequéntia sancti Evangélii**
secúndum Matthæum. **c. 24**

IN illo témpore : Accessérunt ad Jesum discipuli secréto, dicéntes : Dic nobis, quando hæc erunt? Et quod signum advéntus tui, et consummationis sáculi? Et respóndens Jesus, dixit eis : Vidéte ne quis vos sedúcat. Multi enim vénient in nómine meo, dicéntes, Ego sum Christus : et multos sedúcent. Auditúri enim estis prælia, et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestilentíæ, et fames, et terræmótus per loca. Hæc autem ómnia iníitia sunt dolórum.

Offertorium Ps. 17 Pópulum húmilem saluum fácies Dómine, et óculos superbórum humiliábis : quóniam quis Deus, præter te Dómine? **T. P.** Allelúia.

Secreta

SACRIFICIUM, Dómine, quod immolámus, inténde placátus : ut ab omni nos éruat bellórum nequítia, et in tuæ protectionis securitáte constituat. Per Dóminum.

Communio Ps. 30 Inclína aurem tuam, accélera, ut erípias nos. **T. P.** Allelúia.

Postcommunio

DEUS, regnórum ómnium, regúmque dominátor, qui nos et percutiéndò sanas, et ignoscéndò consérvas : præ-

ténde nobis misericórdiam tuam; ut tranquillitáte pacis, tua potestáte serváta, ad remédia correctionis utámur : Per Dóminum.

PRO AVERTENDA QUACUMQUE NECESSITATE, ET TRIBULATIONE

Officium

Ps. 24

REMINISCERE miseratiónum tuárum Dómine, et misericórdiæ tuæ, quæ a sáculo sunt : libera nos Deus Israël ex ómnibus angústiiis nostris. **T. P.** Allelúia, allelúia. **℟.** Ad te Dómine levávi ánimam meam : Deus meus in te confido, non erubescam. **Glória Patri.**

Glória in excélsis, si regulariter dicitur.

Oratio

INEFFABILEM misericórdiam tuam, Dómine, nobis cleménter osténde : ut simul nos et a peccátis ómnibus éxuas; et a pœnis, quas pro his merémur, erípias : Per Dóminum.

Léctio Jeremíæ Prophétæ.

c. 14

Si iniquitátes nostræ respónderint nobis : Dómine fac propter nomen tuum, quóniam multæ sunt aversiões nostræ, tibi peccávimus. Exspectátió Israël, salvátor ejus in témpore tribulationis. Tu autem in nobis es Dómine, et nomen tuum invocátum est super nos, ne derelinquas nos, Dómine Deus noster.

℟. Ps. 43 Exsúrge, quare obdórmis, Dómine? quare fáciem tuam avértis, et oblívísceris tribulatiónis nostræ?

℣. Ps. 84 Convérte nos Deus salutáris noster : et avérte iram tuam a nobis.

Allelúia, allelúia. ℣. Ps. 36 Miserére mei Deus, miserére mei : quóniam in te confidit ánima mea. **Allelúia.**

Infra Septuag. Tractus Ps. 102 Dómine non secúndum peccáta nostra fácias nobis : neque secúndum iniquitátes nostras retribuas nobis. **℣. Ps. 78** Dómine ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. **℣. Hic genuflectitur** : ADJUVA NOS DEUS SALUTARIS NOSTER : et propter glóriam nóminis tui Dómine libera nos : et propítius esto peccátis nostris propter nomen tuum.

Temp. Pasch. secundum Allelúia. ℣. Ps. 84 Convérte nos Deus salutáris noster : et avérte iram tuam a nobis. **Allelúia.**

✠ **Sequéntia sancti Evangélíi** secúndum Marcum. **c. 11**

IN illo témpore : Dixit Jesus discípulis suis : Habéte fidem Dei. Amen dico vobis, quia quicúmque dixerit huic monti, Tóllere, et mittere in mare, et non hæsitáverit in corde suo, sed crediderit, quia quodcúmque dixerit, fiat, fiet ei. Proptérea dico vobis : Omnia quæcúmque orántes péti-

tis, créдите quia accipiétis, et evénient vobis.

Offertorium Ps. 24 Réspice in me, et miserére mei : quia tribulatiónes cordis mei multiplicátæ sunt : de necessitatibus meis érue me Dómine : et vide humilitátem meam, et labórem meum. **T. P. Allelúia.**

Secreta

DEUS, qui tribulátos corde sanas, et mæstos ánimo lætíficas : ad hanc propítius hóstiam, quam tibi pro nostra liberatióne offerimus, dignánter atténde, et angustiarum nostrárum ámove pressúram : ut exúti ab ómnibus, quæ pátimur, malis, in tuis semper mereámur exsultáre præsiðiis. Per Dóminum.

Communio Miserére mei Dómine, et noli continére in ira misericórdias tuas : quia afflictus sum, et humiliátus sum nimis : Dómine, vim pátiór, ádjuva me. **T. P. Allelúia.**

Postcommunio

DIMITTE Dómine Deus peccáta nostra : et tribue nobis misericórdiam tuam, quam sacraménti cæléstis participatióne exquirimus; effectúmque petitiónis nostræ cleménter largíre : Per Dóminum.

PRO PLUVIA

Officium Ps. 89

CONVERTERE Dómine aliquántulum : et deprecáre super servos tuos. **T. P. Allelúia, allelúia. ℣. Dómine, refúgium factus es no-**

bis : a generatióne et progénie.
Glória Patri.

Glória in excélsis, si regulariter
dicitur.

Oratio

DEUS, in quo vivimus, movémur, et sumus; plúviam nobis tribue congruéntem : ut præséntibus subsidiis sufficiénter adjúti; sempitérna fiduciálius appetámus : Per Dóminum.

Léctio Libri Paralipómenon.
2, c. 6

IN diébus illis : Sálomon ait : Si clauso cælo plúvia non flúxerit propter peccáta pópuli, et deprecáti te fúerint in loco isto, et conféssi nómini tuo, et convérsi a peccátis suis, cum eos afflíxeris, exáudi de cælo Dómine, et dímittle peccáta servis tuis, et pópuli tui Israël, et doce eos viam bonam, per quam ingrediántur : Et da plúviam terræ, quam dedísti pópulo tuo ad possidéndum.

℟. Ps. 146 Præcínite Dómino in confessióne : psállite Deo nostro in cíthara. ℣. Qui óperit cælum núbibus : et parat terræ plúviam.

Allelúia, allelúia. ℣. Metuámus Dóminum, qui dat nobis plúviam temporáneam, et serótinam in témpore suo. Allelúia.

Infra Septuag. Tractus Ezech. 34 Dedúcam imbrem in témpore suo : plúviæ benedictiónis erunt. ℣. Et dabit lignum agri fructum suum. ℣. Et non erunt imminúti fame in terra.

Temp. Pasch. secundum Allelúia. ℣. Ps. 146 Qui óperit cælum núbibus : et parat terræ plúviam. Allelúia.

✠ Sequéntia sancti Evangélii secundum Matthæum. c. 5

IN illo témpore : Dixit Jesus discipulis suis : Diligite inimicos vestros, benefácite his, qui odérunt vos : et oráte pro persequéntibus, et calumniántibus vos : ut sitis filii Patris vestri, qui in cælis est, qui solem suum oríri facit super bonos et malos, et pluit super justos et injústos.

Offertorium Job 5 Deprecábor Dóminum, et ad Deum ponam elóquium meum : qui dat plúviam super fáciem terræ, et irrigat aquis univérsa. T. P. Allelúia.

Secreta

OBLATIS Dómine placáre munéribus, et opportúnum nobis tribue plúviæ sufficiéntis auxiliúm. Per Dóminum.

Communio Cæli non possunt dare imbrem, nisi tu volúeris Dómine. T. P. Allelúia.

Postcommunio

DA nobis, quæsumus Dómine, plúviam salutárem; et áridam terræ fáciem fluéntis cælestibus dignánter infúnde : Per Dóminum.

PRO SERENITATE

Officium

Ps. 28

VOX Dómini super aquas,
Deus majestátis intónuit : Dóminus super aquas multas. **T. P.** Allelúia, allelúia. **℣.** Afférte Dómino filii Dei : afférte Dómino glóriam et honórem. **Glória Patri.**
Glória in excélsis, si regulariter dicitur.

Oratio

AD te, Dómine, clamántes
exáudi; et áëris serenitátem nobis tribue supplicántibus : ut qui juste pro peccátis nostris affligimur; misericórdia tua præveniēte, tuam cleméntiam sentiámus : Per Dóminum.

Lectio Jeremiæ Prophætæ.

Thren. 3

IN diébus illis : Dixit Jeremías : Oculus meus afflictus est, nec tácuit, eo quod non esset réquies, donec respiceret et vidéret Dóminus de cælis. Oculus meus deprædátus est ánimam meam. Lapsa est in lacum vita mea. Inundavérunt aquæ super caput meum : dixi, Périi. Invocávi nomen tuum Dómine de lacu novíssimo. Vocem meam audísti : ne avértas aurem tuam a singúltu meo, et clamóribus. Appropinquásti in die, quando invocávi te, Dómine Deus meus.

℣. Ps. 19 Exáudiat nos Dóminus in témpore tribulatiónis : próteget nos Deus Jacob.
℣. Mittat nobis auxiliū de sancto : et de Sion tueátur nos.

Allelúia, allelúia. **℣. Ps. 76**
Vidérunt te aquæ Deus, vidérunt te aquæ : et timuérunt. Allelúia.

Infra Septuag. Tractus Gen. 9
Non erit deinceps dilúvium dissipans terram. **℣.** Et non erunt ultra aquæ dilúvii ad deléndum univérsam carnem. **℣.** Erit arcus in núbibus, et recordábor fœderis sempitérni.

Temp. Pasch. secundum Allelúia. **℣. Ps. 19** Mittat nobis auxiliū de sancto : et de Sion tueátur nos. Allelúia.

✠ **Sequéntia sancti Evangélii**
secúndum Matthæum. **c. 16**

IN illo témpore : Accessérunt
ad Jesum Pharisæi et Sadducæi tentántes : et rogavérunt eum ut signum de cælo osténderet eis. At ille respóndens, ait illis : Facto vespere dicitis, Serénū erit, rubicúndum est enim cælum. Et mane, Hódie tempéstas, rútilat enim triste cælum. Fáciem ergo cæli dijudicáre nostis : signa autem témporum non potéstis scire?

Offertorium Ps. 68 Salvum me fac Deus : quóniam intravérunt aquæ usque ad ánimam meam. **T. P.** Allelúia.

Secreta

PRÆVENIAT nos, quæsumus
Dómine, grátia tua semper, et subsequátur; et has oblatiões, quas pro peccátis nostris nómini tuo consecrándas deférimus, benígnus asúme : ut per intercessiões sanctórum tuórum cunctis no-

bis proficiant ad salutem. Per Dóminum.

Communio 2 Mach. 1 Exaudi Dóminus orationes nostras, et reconciliétur nobis, nec nos déserat in témpore malo. **T. P.** Allelúia.

Postcommunio

QUÆSUMUS omnipotens Deus cleméntiam tuam : ut inundántiam coérceas ímbrium; et hilaritátem vultus tui nobis impertíri dignéris : Per Dóminum.

PRO CONSERVANDIS FRUCTIBUS TERRÆ

Officium

Ps. 64

VISITA terram tuam Dómine, et inébria eam aquis : multiplíca locupletáre eam. **T. P.** Allelúia, allelúia. **℣. Gen. 1** Gérminet terra herbam viréntem juxta genus suum. **Glória Patri.**

Glória in excélsis, si regulariter dicitur.

Oratio

CONCEDE nobis Dómine omnes fructus terræ : et abundántia misericórdiæ tuæ de cælo visita fruges nostras; et ad maturitátem eas perducéndo, conserváre dignéris : Per Dóminum.

Lectio Libri Deuteronomii.

c. 28

IN diébus illis : Locútus est Móyses ad pópulum Israël, dicens : Si custodieris mandáta Dómini Dei tui, et ambu-

láveris in viis ejus, abundáre te fáciat Dóminus ómnibus bonis, fructu úteri tui, et fructu jumentórum tuórum, fructu terræ tuæ, quam jurávit Dóminus pátribus tuis ut daret tibi. Apériet Dóminus thesáurum suum óptimum, cælum, ut tríbuat plúviam terræ tuæ in témpore suo : benedicétque cunctis opéribus mánuum tuárum.

℣. Am. 9 Plantábunt véneas, et bibent vinum eárum. **℣.** Et fácient hortos, et cómedent fructus eórum.

Allelúia, allelúia. ℣. Deut. 16 Benedicet tibi Dóminus Deus tuus in cunctis frúgibus tuis, et omni ópere mánuum tuárum. **Allelúia.**

Infra Septuag. Tractus Ps. 103 Exhibit homo ad opus suum : et ad operatióem suam usque ad vésperum. **℣.** Dante te illis, colligent : aperiénte te manum tuam, ómnia implebúntur bonitáte.

Temp. Pasch. secundum Allelúia. ℣. Am. 9 Et fácient hortos, et cómedent fructus eórum. **Allelúia.**

✠ **Sequéntia sancti Evangélíi** secúndum Matthæum. **c. 13**

IN illo témpore : Dixit Jesus turbis parábolam hanc : Simile factum est regnum cælórum hómini, qui seminávit bonum semen in agro suo. Cum autem dormírent hómines, venit inimícus ejus, et superseminávit zizánia in médio trítici, et ábiit. Cum autem

crevisset herba, et fructum fecisset, tunc apparuerunt et zizânia. Accedentes autem servi patrifamilias, dixerunt ei : Dómine, nonne bonum semen seminásti in agro tuo? Unde ergo habet zizânia? Et ait illis : Inimicus homo hoc fecit. Servi autem dixerunt ei : Vis, imus, et colligimus ea? Et ait : Non : Ne forte colligentes zizânia, eradicetis simul cum eis et triticum. Sinite útraque crêscere usque ad messem, et in têmpore messis dicam messóribus : Colligite primum zizânia, et alligáte ea in fascículos ad comburéndum, triticum autem congregáte in hórreum meum.

Offertorium Joël 2 Lætámini in Dómino Deo vestro : quia descêdere fáciet ad vos imbrem matutínium et serótinum sicut in principio : et comedetis vescêntes, et saturabimini. **T. P. Allelúia.**

Secreta

DOMINE sancte, Pater omnipotens, ætérne Deus, sub cujus império cuncta sunt pósita, súpplīces te rogámus : ut omnes fructus terræ ab omni adversitatē per hæc múnēra, quæ tibi offérimus, custodíre digneris, et in tēmpore maturitatís nos eos colligere permittas. Per Dóminum.

Communio Joël 2 Implebuntur áræa fruménto, et redundábunt torculária vino, et óleo : et reddam vobis annos, quos comédit locústa, ait Dóminus omnipotens. **T. P. Allelúia.**

Postcommunio

SUMPTA, quæsumus Dómine, sacra libátio cæléstis mystérii, ad prosperitatē ómnium bonórum, quæ ad servórum tuórum subsidium condúcunt, proficiat; et eos ab omni crimine exútos ad cæléstem beatitúdinem perdúcat : Per Dóminum.

PRO ITER AGENTIBUS

Officium

Ps. 30

ESTO mihi in Deum protectórem, et in locum refúgii, ut salvum me fácias : quóniam firmaméntum meum, et refúgium meum es tu : et propter nomen tuum dux mihi eris, et enútries me. **T. P. Allelúia, allelúia. V.** In te Dómine sperávi, non confundar in ætérnum. **Glória Patri.**

Glória in excélsis, si regulariter dicitur.

Oratio

ADESTO Dómine supplicatiónibus nostris : et viam famulórum tuórum in salutis tuæ prosperitatē dispóne; ut inter omnes viæ et vitæ hujus varietates, tuo semper protegántur auxilio : Per Dóminum.

De tribus Magis Oratio

DEUS, qui tres Magos Orientales ad Filii tui cunábula, ut eum mysticis adorarent munéribus, sine impediménto duxisti et reduxisti : concède famulis tuis in hoc itinere, quod peractúri sunt, per ipsórum pias intercessió-

nes et mérita, prosperitatem ac sanitatem; quatenus ipsi, vera stella ducente, ad loca optata sine offensione perveniant : Per eundem.

Lectio Libri Génesis. c. 46

IN diébus illis : Profectus Israël cum omnibus quæ habebat, venit ad Puteum juramenti. Et mactatis ibi victimis Deo patris sui Isaac, audivit eum per visionem noctis vocantem se, et dicentem sibi : Jacob, Jacob. Cui respondit : Ecce adsum. Ait illi Deus : Ego sum fortissimus Deus patris tui : Noli timere, descende in Ægyptum, quia in gentem magnam faciam te ibi. Ego descendam tecum illuc, et ego inde adducam te revertentem.

℟. Ps. 90 Angelis suis Deus mandavit de te : ut custodiant te in omnibus viis tuis. **℣.** In manibus portabunt te : ne umquam offendas ad lapidem pedem tuum.

Allelúia, allelúia. ℣. Ps. 84 Ostende nobis Dómine misericordiam tuam : et salutare tuum da nobis. **Allelúia.**

Infra Septuag. Tractus Ps. 67 Benedictus Dóminus die quotidie : prosperum iter faciat nobis Deus salutarium nostrorum. **℣.** Deus noster, Deus salvos faciendi : et Dómini Dómini exitus mortis. **℣.** Viderunt ingressus tuos Deus, ingressus Dei mei, qui est in sancto.

Temp. Pasch. secundum Allelúia. ℣. Ps. 90 Angelis suis

Deus mandavit de te : ut custodiant te in omnibus viis tuis. **Allelúia.**

✠ Sequéntia sancti Evangélíi secúndum Lucam. c. 4

IN illo tempore : Dixit Jesus Pharisæis : Utique dicetis mihi hanc similitudinem : Médice cura teipsum : Quanta audivimus facta in Capharnaum, fac et hic in pátria tua. Ait autem : Amen dico vobis, quia nemo prophéta accéptus est in pátria sua. In veritate dico vobis, multæ viduæ erant in diébus Eliæ in Israël, quando clausum est cælum annis tribus, et mēsisibus sex : cum facta esset fames magna in omni terra : et ad nullam illarum missus est Elias, nisi in Saréпта Sidóniæ, ad mulierem viduam. Et multi leprosi erant in Israël sub Eliséo prophéta : et nemo eorum mundatus est nisi Náaman Syrus. Et repléti sunt omnes in synagoga ira, hæc audientes. Et surrexerunt, et ejecerunt illum extra civitatem : et duxerunt illum usque ad supercilium montis, super quem civitas illorum erat ædificata, ut præcipitarent eum. Ipse autem transiens per médium illorum, ibat.

Offertorium Ps. 16 Pérfice gressus meos in sémitis tuis, ut non moveántur vestigia mea : inclina aurem tuam, et exaudi verba mea : mirifica misericórdias tuas, qui salvos facis sperantes in te Dómine. **T. P. Allelúia.**

Secreta

PROPITIARE Dómine supplicationibus nostris, et has oblationes, quas tibi offerimus pro fámulis tuis, benígnus assúme : ut viam illórum, et præcedente grátia tua dirigas, et subsequente comitári dignéris; ut de actu atque incolumitáte eórum, secúndum misericórdiæ tuæ præsidia, gaudeámus. Per Dóminum.

De tribus Magis Secreta

DEUS, qui es glória Sanctorum, et dirigis viam justórum, intercedéntibus tribus Magis, dirige Angelum pacis cum fámulis tuis, qui eos ad locum, quo pergunt, sine impediménto animæ et corpóris ducat et redúcat, et comes eórum dignétur esse Spíritus Sanctus. Per Dóminum... in unitáte ejúsdem.

Communio Ps. 118 Tu mandásti mandáta tua custodíri nimis : útinam dirigántur viæ meæ ad custodiéndas justificatiónes tuas. **T. P. Allelúia.**

Postcommunio

DEUS infinitæ misericórdiæ; quem nec spátia locórum, nec interválloa téporum ab iis, quos tuéris, disjúngunt : adésto fámulis tuis in te ubique confidéntibus; et per omnem, quam itúri sunt, viam, dux eis et comes esse dignéris : Per Dóminum.

De tribus Magis

Postcommunio

OMNIPOTENS sempitérne Deus, deprecámur majestátem tuam per illórum trium

Regum Orientálium intervéntum; ut dignéris Angelos tuos mittere : qui sint circa fámulos tuos die ac nocte; et in corpore et ánima, ac rebus ómnibus præstent esse secúros : Per Dóminum.

PRO NAVIGANTIBUS

Officium

Ps. 106

SACRIFICENT Dómino sacrificium laudis, et annúntient ópera ejus in exsultatióne : qui descéndunt mare in návibus, faciéntes operatióem in aquis multis. **T. P. Allelúia, allelúia. V.** Confitémini Dómino, quóniam bonus : quóniam in sáculum misericórdia ejus. **Glória Patri.**

Glória in excélsis, *si regulariter dicitur.*

Oratio

OMNIPOTENS sempitérne Deus, qui beátum Petrum Apóstolum super mare ambulántem ad te veníre jussisti : intercedente beáta et gloriósa semper vírgine tua genitrice María cum ómnibus Sanctis tuis, adésto fámulis tuis super mare navigántibus, et in tua misericórdia confidéntibus; ut ope misericórdiæ tuæ adjúti, ad loca destináta, et ad salútis portum, sine impediménto, sani et incólumes váleant pervenire : Qui vivis et regnas.

Lectio Jonæ Prophætæ. c. 2

IN diébus illis : Orávit Jonas ad Dóminum Deum suum de ventre piscis. Et dixit : Clamávi de tribulatióne mea

ad Dóminum, et exaudivit me : de ventre inferi clamávi, et exaudivisti vocem meam. Et projecisti me in profúndum in corde maris, et flumen circumdedit me : omnes gúrgites tui, et fluctus tui super me transiérunt. Et ego dixi : Abjéctus sum a conspéctu oculórum tuórum : verúmtamen rursus vidébo templum sanctum tuum. Circumdederunt me aquæ usque ad ánimam : abyssus vallávit me, pélagus opéruit caput meum. Ad extréma móntium descéndi : terræ vectes conclusérunt me in ætérnum : et sublevábis de corruptióne vitam meam, Dómine Deus meus. Cum angustiarétur in me ánima mea, Dómini recordátus sum : ut véniat ad te orátio mea ad templum sanctum tuum. Qui custódiunt vanitátes frustra, misericórdiam suam derelínquunt. Ego autem in voce laudis immolábo tibi : quæcúmque vovi, reddam pro salute Dómino.

℟. Ps. 68 Exáudi me Dómine, quóniam benigna est misericórdia tua : secúndum multitudínem miseratiónum tuárum respice in me. ℣. Ut non me demérgat tempésta aquæ, neque absórbeat me profúndum : neque úrgeat super me púteus os suum.

Allelúia, allelúia. ℣. Ps. 106 Státuit Dóminus procéllam ejus in auram, et siluérunt fluctus ejus : et lætáti sunt quia siluérunt, et dedúxit eos in portum voluntátis eórum. Allelúia.

Infra Septuag. Tractus Ps. 76
Vidérunt te aquæ Deus, vidérunt te aquæ : et timuérunt, et turbátæ sunt abyssi. ℣. Multitúdo sónitus aquárum : vocem dedérunt nubes. ℣. Et enim sagittæ tuæ tránseunt : vox tonitrui tui in rota. ℣. Illuxérunt coruscatiónes tuæ orbi terræ : commóta est et contrémuit terra. ℣. In mari via tua, et sémitæ tuæ in aquis multis : et vestigia tua non cognoscéntur.

Tempore Resurr. secundum Allelúia. ℣. Surréxit Christus, et illúxit pópulo suo, quem redémit ipse sángine suo. Allelúia.

Tempore Ascens. secundum Allelúia. ℣. Eph. 4 Ascéndens Christus in altum captívam duxit captivitátem : dedit dona homínibus. Allelúia.

✠ **Sequéntia sancti Evangélii secúndum Marcum.** c. 4

IN illo témpore : Dixit Jesus discipulis suis una die, cum sero esset factum : Transeámus contra. Et dimitténtes turbam, assúmnt eum ita ut erat in navi : et áliæ naves erant cum illo. Et facta est procélla magna venti, et fluctus mittébat in navim, ita ut implerétur navis. Et erat ipse in puppi super cervical dórmienti : et éxcitant eum, et dicunt illi : Magister, non ad te pértinet, quia perimus? Et exsúrgens comminátus est vento, et dixit mari : Tace, obmutésce. Et cessávit ventus : et facta est tranquillitas magna. Et ait illis : Quid

tímidi estis? Necdum habétis fidem? Et timuérunt timóre magno, et dicébant ad altérutrum : Quis, putas, est iste, quia et ventus et mare obédiunt ei?

Offertorium Ps. 106 Dixit Dóminus, et stetit spíritus procéllæ : et clamavérunt ad Dóminum cum tribularéntur, et de necessitatibus eórum edúxit eos. **T. P.** Allelúia.

Secreta

SUSCIPE Dómine preces, et oblatiões, quas tibi offérimus pro fámulis tuis supra mare navigántibus : et præsta, ut Angelus tuus sanctus per omnem viam eis occúrrat, qui in eúndo, et redeúndo dux eis, et comes mitíssimus efficiátur. Per Dóminum.

Communio Ps. 68 et 88 Laudent Dóminum cæli et terra, mare, et ómnia reptilia in eis : quóniam tu domináris potestáti maris, motum autem flúctuum ejus tu mítigas. **T. P.** Allelúia.

Postcommunio

PER hujus, Dómine, sacraménti perceptiõnem, fámulos tuos navigántes, et in tua misericórdia sperántes ab omni periculo liberáre dignéris : adsit Spíritus Sanctus, qui cos sanos et incólumes custódiat; atque ad locum destinátum, et ad salutis portum cum gáudio et prosperitáte fáciat pervenire : Per Dóminum... in unitáte ejúsdem.

PRO INFIRMIS

Officium

Ps. 24

DE necessitatibus meis éripe me Dómine : vide humilitátem meam, et labórem meum : et dímittle ómnia peccáta mea, Deus meus. **T. P.** Allelúia, allelúia. **℟.** Ad te Dómine levávi ánimam meam : Deus meus in te confído, non erubéscam. **Glória Patri.**

Glória in excélsis, si regulariter dicitur.

Oratio

OMNIPOTENS sempitérne Deus, salus ætérna credéntium; exáudi nos pro fámulis tuis infirmis, pro quibus misericórdiæ tuæ implorámus auxiliũ : ut réddita sibi sanitáte; gratiárum tibi in Ecclésia tua réferant actiões : Per Dóminum.

Si fuerit pro uno tantum, dicatur in singulari.

Lectio Epistolæ beáti Jacóbi Apóstoli. **c. 5**

CARISSIMI : Tristátur aliquis vestrum? Oret : Æquo ánimo est? Psallat. Infirmátur quis in vobis? Indúcat presbýteros Ecclésiæ, et orent super eum, ungéntes eum óleo in nómine Dómini : Et orátio fidei salvábit infirmum, et alleviábit eum Dóminus : et si in peccátis sit, remitténtur ei. Confitémini ergo altérutrum peccáta vestra, et oráte pro invicem, ut salvémini.

℟. Ps. 6 Miserére mihi Dómine, quóniam infirmus sum :

sana me Dómine. **℟.** Conturbáta sunt ómnia ossa mea : et ánima mea turbáta est valde.

Allelúia, allelúia. ℟. Ps. 146 Qui sanat contritos corde : et álligat contritiónes eórum. Allelúia.

Infra Septuag. Tractus Ps. 40 Beátus qui intélligit super egénium, et páuperem : in die mala liberábit eum Dóminus. **℟.** Dóminus consérvet eum, et vivíficet eum, et beátum fáciat eum in terra. **℟.** Dóminus non tradat eum in ánimam inimicórum ejus.

Temp. Pasch. secundum Allelúia. ℟. Ps. 6 Miserére mihi Dómine, quóniam infirmus sum : sana me Dómine. Allelúia.

✠ **Sequéntia sancti Evangélíi** secúndum Matthæum. **c. 8**

IN illo témpore: Cum introísset Jesus Caphárnaum, accéssit ad eum centúrio, rogans eum, et dicens : Dómine, puer meus jacet in domo paralyticus, et male torquétur. Et ait illi Jesus : Ego véniam, et curábo eum. Et respóndens centúrio, ait : Dómine, non sum dignus ut intres sub tectum meum : sed tantum dic verbo, et sanábitur puer meus. Nam et ego homo sum sub potestáte constitútus, habens sub me milites, et dico huic, Vade, et vadit : et álii, Veni, et venit : et servo meo, Fac hoc, et facit. Audiens autem Jesus mirátus est, et sequéntibus se dixit : Amen dico vobis, non invéni tantam fidem in Israél. Dico autem vobis,

quod multi ab Oriénte et Occidénte vénient, et recúmbent cum Abraham et Isaac et Jacob in regno cælórum : Filii autem regni ejiciéntur in ténebras exterióres : Ibi erit fletus et stridor déntium. Et dixit Jesus centurióni : Vade, et sicut credidisti, fiat tibi. Et sanátus est puer in illa hora.

Offertorium Ps. 40 Dóminus opem ferat illi super lectum dolóris ejus : univérsum stratum ejus versásti in infirmitáte ejus, Dómine. **T. P. Allelúia.**

Secreta

DEUS, cujus nútibus vitæ nostræ moménta decúrunt, súscipe preces et hóstias famulórum tuórum, pro quibus ægrotántibus misericórdiam tuam implorámus : ut de quorum periculo metúimus, de eórum salúte lætémur. Per Dóminum.

Si fuerit pro uno tantum, dicatur in singulari.

Communio Ps. 68 Salvum me fac Deus, quóniam intravérunt aquæ usque ad ánimam meam : secúndum multitudinem miserationum tuárum réspice in me. **T. P. Allelúia.**

Postcommunio

DEUS, infirmitátis humánæ singuláre præsidium; auxilii tui super infirmos fámulos tuos osténde virtútem : ut ope misericórdiæ tuæ adjúti; Ecclesiæ tuæ sanctæ incólumes repræsentári mereántur : Per Dóminum.

Si fuerit pro uno tantum, dicatur in singulari.

Pro infirmo, qui proximus est morti, dicuntur sequentes Orationes :

Oratio

CONSERVATOR animarum Deus, qui quos diligis, corripis : te invocamus, ut medelam tuam conferre digneris in animam famuli tui, qui in corpore suo patitur stimulos infirmitatum; et da ei, ut in hora exitus sui tibi Creatori per manus sanctorum Angelorum representari mereatur : Per Dominum.

Secreta

SUSCIPE hostiam, Domine, quam tibi offerimus pro famulo tuo graviter decumbente, et dona illi suorum peccatorum veniam : ut per hac, quae sustinet, flagella, mereatur pervenire ad regnum gloriae tuae. Per Dominum.

Postcommunio

SATIATI, Domine, munerebus sacris, et de tua pietate confisi, te humiliter deprecamur; ut misereri digneris animae famuli tui : ne praevaleat adversus eam inimicus in hora mortis suae; sed transitum mereatur ad vitam perpetuam : Per Dominum.

PRO MORIENTIBUS

Officium

Ps. 54

EXAUDI, Deus, orationem meam, et ne despexeris deprecationem meam : intende in me, et exaudi me. **℟.** Contristatus sum in exercitatione mea : et conturbatus

sum a voce inimici, et a tribulatione peccatoris. Gloria Patri.

Gloria in excelsis, si regulariter dicitur.

Oratio

DOMINE Jesu Christe, qui humano generi et salutis remedia et vitae aeternae munera contulisti : respice propitius famulum tuum *vel* (famulam tuam), *vel* (famulos tuos) infirmitate corporis laborantem, et animam refove quam creasti *vel* (laborantes, et animas refove quas creasti); ut, intercedente beato Joseph, sanctissimae Genitricis tuae Sponso, in hora exitus illius *vel* (illarum) absque peccati macula tibi Creatori suo per manus sanctorum Angelorum representari mereatur *vel* (mereantur) : Qui vivis.

Lectio Epistolae beati Jacobi Apostoli. c. 5

CARISSIMI : Tristatur aliquis vestrum? oret. Aequo animo est? psallat. Infirmatur quis in vobis? inducat presbyteros Ecclesiae, et orent super eum, ungentes eum oleo in nomine Domini : et oratio fidei salvabit infirmum, et alleviabit eum Dominus : et si in peccatis sit, remittentur ei. Confitemini ergo alterutrum peccata vestra, et orate pro invicem, ut salvemini.

℟. Ps. 6 Miseremini mihi, Domine, quoniam infirmus sum : sana me, Domine. **℟.** Conturbata sunt omnia ossa mea : et anima mea turbata est valde.

Allelúia, allelúia. V. Ps. 101
Dómine, exáudi oratióem
meam : et clamor meus ad te
pervéniat. Allelúia.

Post Septuagesimam, omissis Allelúia, et versu sequenti, dicitur :

Tractus Ps. 30 Misericórdie mei
Dómine, quóniam tribulor :
conturbátus est in ira óculus
meus, ánima mea, et venter
meus. V. Quóniam defécit
in dolóre vita mea, et anni
mei in gemitibus. V. Infir-
máta est in paupertáte virtus
mea : et ossa mea conturbáta
sunt.

Tempore Paschali omittitur R. et
ejus loco dicitur :

Allelúia, allelúia. V. Ps. 101
Dómine exáudi oratióem
meam : et clamor meus ad te
pervéniat.

Secundum Allelúia. V. Ps. 27
In Deo sperávit cor meum, et
adjútus sum : et reflóruit caro
mea, et ex voluntáte mea con-
fitebor ei. Allelúia.

✠ **Sequéntia sancti Evangélíi**
secúndum Matthæum. **c. 8**

IN illo témpore: Cum introís-
set Jesus Caphárnaum, ac-
césit ad eum Centúrio, ro-
gans eum, et dicens : Dómine,
puer meus jacet in domo para-
lýticus, et male torquétur. Et
ait illi Jesus : Ego véniam, et
curábo eum. Et respóndens
Centúrio, ait : Dómine, non
sum dignus ut intres sub te-
ctum meum : sed tantum dic
verbo, et sanábitur puer meus.
Nam et ego homo sum sub
potestáte constitútus, habens
sub me milites, et dico huic :

Vade, et vadit; et álíi : Veni, et
venit; et servo meo : Fac hoc,
et facit. Audiens autem Jesus
mirátus est, et sequéntibus se
dixit : Amen dico vobis, non
invéni tantam fidem in Israël.
Dico autem vobis, quod multi
ab Oriénte et Occidénte vé-
nient, et recúmbent cum Abra-
ham et Isaac et Jacob in regno
cælórum : filii autem regni
ejiciéntur in ténebras exterió-
res : ibi erit fletus et stridor
déntium. Et dixit Jesus Cen-
turióni : Vade, et sicut credi-
disti, fiat tibi. Et sanátus est
puer in illa hora.

Offertorium Ps. 54 Exáudi
Deus oratióem meam, et
ne despéxeris deprecationem
meam : inténde me, et exáudi
me.

Secreta

SUSCIPE, quáesumus Dómi-
ne, hóstiam quam tibi offé-
rimus pro fámulo tuo **vel** (fá-
mula tua), **vel** (fámulis tuis)
in extrémó vitæ constitúto **vel**
(constitúta), **vel** (constitútis);
et intercedénte Sancto Joseph,
beátæ Vírginis Mariæ Sponso,
concéde; ut per eam univérsa
illius **vel** (illórum) purgéntur
delicta; ut, qui tuæ disposi-
tiónis flagéllis in hac vita atté-
ritur **vel** (atterúntur), in fu-
túra réquiem consequátur **vel**
(consequántur) ætérrnam. Per
Dóminum.

Communio Ps. 30 Illúmina
fáciem tuam super servum
tuum, et salvum me fac in
tua misericórdia : Dómine,
non confúndar, quóniam invo-
cávi te.

Postcommunio

QUÆSUMUS cleméntiam tuam, Dómine, ut per huius virtútem sacraménti fámulum tuum *vel* (fámulam tuam), *vel* (fámulos tuos) grátia tua confirmáre dignéris : ut, intercedente beáto Joseph, sanctíssimæ Genitrícis tuæ Sponso, in hora mortis ejus *vel* (illórum) non præváleat contra eum *vel* (eam) *vel* (eos) adversárius, sed cum ángelis tuis tránsitum habére mereátur *vel* (mereántur) ad vitam : Qui vivis.

PRO
VITANDA MORTALITATE
vel
TEMPORE PESTILENTIÆ

Officium 2 Reg. 24

RECORDARE Dómine testaménti tui, et dic Angelo percutiénti : Cesset jam manus tua, et non desolétur terra, et ne perdas omnem ánimam vivéntem. **T. P.** Allelúia, allelúia. **℟. Ps. 79** Qui regis Israël, inténde : qui dedúcis velut ovem Joseph. Glória Patri.

Glória in excélsis, si regulariter dicitur.

Oratio

DEUS, qui non mortem, sed pœniténtiam desideras peccatórum; pópulum tuum, quæsumus, ad te convérte propítius : ut dum tibi devótus exsistit; iracúndiæ tuæ ab eo flagélla amóveas : Per Dóminum.

Lectio Libri Regum. 2, c. 24

IN diébus illis : Immisit Dóminus pestiléntiam in Israël, de mane usque ad tempus constitútum, et mórtui sunt ex pópulo a Dan usque ad Bersabée septuaginta milia virórum. Cumque extendisset manum suam Angelus Dómini super Jerúsalem, ut dispéderet eam, misértus est Dóminus super afflictiónē, et ait Angelo percutiénti pópulum : Súfficit : nunc cónfine manum tuam. Erat autem Angelus Dómini juxta áream Aréuna Jebusæi. Dixitque David ad Dóminum, cum vidisset Angelum cædéntem pópulum : Ego sum qui peccávi, ego inique egi : Isti, qui oves sunt, quid fecérunt? Vertátur, óbsecro, manus tua contra me, et contra domum patris mei. Venit autem Gad ad David in die illa, et dixit ei : Ascénde, et constitue altáre Dómino in área Aréuna Jebusæi. Et ascéndit David juxta sermónem Gad, quem præcéperat ei Dóminus : Et ædificávit altáre Dómino, et obtulit holocáusta et pacífica : et propitiátus est Dóminus terræ, et cohíbita est plaga ab Israël.

℟. Ps. 106 Misit Dóminus verbum suum, et sanávit eos : et erípuit eos de morte eórum. **℟.** Confiteántur Dómino misericórdiæ ejus : et mirabilia ejus filiis hóminum.

Allelúia, allelúia. **℟. Zach. 8** Salvábo pópulum meum Israël in die malo : et ero eis in Deum

in veritatem et in iustitiam.
Allelúia.

Infra Septuag. Tractus Ps. 102
Dómine non secúndum pec-
cáta nostra fácias nobis : ne-
que secúndum iniquitátes no-
stras retribuas nobis. **℟. Ps. 78**
Dómine ne memíneris iniqui-
tátum nostrárum antiquá-
rum : cito anticipent nos mise-
ricórdiæ tuæ, quia páuperes
facti sumus nimis. **℟. Hic**
genuflectitur : ADJUVA NOS
DEUS SALUTARIS NOSTER : et
propter glóriam nóminis tui
Dómine libera nos : et propí-
tius esto peccátis nostris pro-
pter nomen tuum.

Temp. Pasch. secundum Al-
lelúia. ℟. Ps. 106 Confiteántur
Dómino misericórdiæ ejus : et
mirabilia ejus filiis hóminum.
Allelúia.

✠ **Sequéntia sancti Evangélii**
secúndum Lucam. **c. 4**

IN illo témpore : Surgens
Jesus de synagóga, introi-
vit in domum Simónis. Socrus
autem Simónis tenebátur ma-
gnis fébribus : Et rogavérunt
illum pro ea. Et stans super
illam imperávit feбри : et di-
misit illam. Et continuo sur-
gens, ministrábat illis. Cum
autem sol occidisset : omnes,
qui habébant infirmos váriis
languóribus, ducébant illos ad
eum. At ille singulis manus
impónens, curábat eos. Exi-
bant autem dæmónia a multis
clamántia, et dicéntia, Quia
tu es Filius Dei : Et increpans
non sinébat ea loquí : quia
sciébant ipsum esse Christum.

Facta autem die egréssus ibat
in desértum locum, et turbæ
requirébant eum, et venérunt
usque ad ipsum : Et detiné-
bant illum, ne discéderet ab
eis. Quibus ille ait : Quia et
áliis civitátibus opórtet me
evangelizáre regnum Dei :
quia ideo missus sum. Et
erat prædicans in synagógis
Galilææ.

Offertorium Num. 16 Stetit
póntifex inter mórtuos et vi-
vos, habens thuríbulum áu-
reum in manu sua : et ófferens
incénsi sacrificium, placávit
iram Dei, et cessávit quassátio
a Dómino. **T. P. Allelúia.**

Secreta

SUBVENIAT nobis, quæsu-
mus Dómine, sacrificii
præséntis oblátio : quæ nos
et ab erróribus univérsis po-
ténter absolvat, et a totius
eripiat perditiónis incúrsu.
Per Dóminum.

Communio Luc. 6 Multitúdo
languéntium, et qui vexabán-
tur a spirítibus immúndis, ve-
niébant ad eum : quia virtus
de illo exibat, et sanábat om-
nes. **T. P. Allelúia.**

Postcommunio

EXAUDI nos Deus salutáris
noster : et intercedénte
beáta María semper vírgine
cum ómnibus Sanctis; póp-
ulum tuum ab iracúndiæ tuæ
terróribus liberum, et miseri-
córdiæ tuæ fac benignitáte se-
cúrum : Per Dóminum.

PRO REMISSIONE PECCATORUM

Officium

Sap. 11

MISERERIS ómnium, Dómine, et nihil odísti eórum, quæ fecísti : dissimulans peccáta hóminum propter pœniténtiam, et parcens illis : quia tu es Dóminus Deus noster. **T. P. Allelúia, allelúia. V. Ps. 56** Miserere mei Deus, miserere mei : quóniam in te confidit ánima mea. **Glória Patri.**

Glória in excélsis, si regulariter dicitur.

Oratio

EXAUDI, quæsumus Dómine, súpplicum preces : et confiténtium tibi parce peccátis; ut páriter nobis indulgéntiam tribuas benígnus, et pacem : Per Dóminum.

Léctio Epístolæ beáti Pauli Apóstoli ad Romános. c. 7

FRATRES : Condeléctor legi Dei secúndum interiorem hóminem : video autem áliam legem in membris meis, repugnántem legi mentis meæ, et captivántem me in lege peccáti, quæ est in membris meis. Infélix ego homo, quis me liberábit de córpore mortis hujus? Grátia Dei per Jesum Christum Dóminum nostrum.

V. Ps. 78 Propítius esto Dómine peccátis nostris : ne quando dicant gentes : Ubi est Deus eórum? **V. Hic genuflectitur** : ADJUVA NOS DEUS SALUTARIS NOSTER : et propter honórem nóminis tui Dómine libera nos.

Allelúia, allelúia. V. Ps. 50 et 37 Avérte fáciem tuam a peccátis meis, et omnes iniquitátes meas dele : quia afflictus et humiliátus sum nimis : et cor meum conturbátum est in me. **Allelúia.**

InfraSeptuag. Tractus Ps. 129 De profúndis clamávi ad te Dómine : Dómine exáudi vocem meam. **V. Fiant aures tuæ intendéntes, in oratióem servi tui. Si iniquitátes observáveris Dómine : Dómine quis sustinébit?**

Temp. Pasch. secundum Allelúia. V. Ps. 78 Hic genuflectitur : ADJUVA NOS DEUS SALUTARIS NOSTER : et propter honórem nóminis tui Dómine libera nos. **Allelúia.**

✠ **Sequéntia sancti Evangélii secúndum Lucam. c. 11**

IN illo témpore : Dixit Jesus discípulis suis : Pétite, et dábitur vobis : Quærite, et inveniétis : Pulsáte, et aperiétur vobis. Omnis enim, qui petit, áccipit : et qui quærit, invenit : et pulsánti aperiétur. Quis autem ex vobis patrem petit panem, numquid lápidem dabit illi? Aut piscem : numquid pro pisce serpéntem dabit illi? Aut si petierit ovum : numquid pórriget illi scorióp-nem? Si ergo vos cum sitis mali, nostis bona data dare filiis vestris : quanto magis Pater vester de cælo dabit spíritum bonum peténtibus se?

Offertorium Multiplicáta sunt peccáta mea, et non sum dignus vidére altitúdinem cæli

præ multitudīne iniquitātis meæ : Deus meus ne projicias me a faciē tua : sed reminiscere, quia spem non habui, nisi in te Dómine; et quod tu es salvátor meus ab initio. **T. P. Allelúia.**

Secreta

HOSTIAS tibi, Dómine, placatiónis offerimus : ut et delicta nostra miserátus absolvas, et nutántia corda tu dirigas. Per Dóminum.

Communio Ezech. 33 Memor esto, Dómine, verbi tui, quod dixisti : Nolo mortem peccatóris, sed ut convertátur, et vivat : Et quia non est voléntis, sed tui miseréntis : Converte me ad te, et convertar : salvum me fac, et salvus ero Dómine. **T. P. Allelúia.**

Postcommunio

PRÆSTA nobis ætérne Salvátor : ut percipiéntes hoc múnere véniam peccatórum; deinceps peccáta vitémus : Qui vivis.

PRO GRATIIS DEO REDDENDIS DE BENEFICIIS ACCEPTIS

Officium

Tob. 12

BENEDICTA sit sancta Trinitas, atque indivisa únitas : confitébimur ei, quia fecit nobiscum misericórdiam suam. **T. P. Allelúia, allelúia. V. Benedicámus Patrem et Fílium, cum Sancto Spíritu. Glória Patri.**

Glória in excélsis, si regulariter dicitur.

Oratio

DEUS, cujus misericórdiæ non est númerus, et bonitátis infinitus est thesáurus; tuæ piíssimæ majestáti pro collátis nobis donis grátias ágimus, tuam semper cleméntiam exorántes : ut qui peténtibus postuláta concédís; eódem non déserens ad præmia futúra dispónas : Per Dóminum.

Léctio Epístolæ beáti Pauli Apóstoli ad Corinthios.

2, c. 13

FRATRES : Gaudéte, perfecti estóte, exhortámini, ídem sápite, pacem habéte, et Deus pacis, et dilectiónis erit vobiscum. Grátia Dómini nostri Jesu Christi, et caritas Dei, et comunicátio Sancti Spíritus sit cum ómnibus vobis. Amen.

℟. Dan. 3 Benedictus es Dómine, qui intuéris abyssos, et sedes super Chérubim.

℟. Tob. 12 Benedicite Deum cæli, quia fecit nobiscum misericórdiam suam.

Allelúia, allelúia. V. Dan. 3 Benedictus es Dómine Deus patrum nostrórum : et laudábilis in sæcula. Allelúia.

Infra Septuag. Tractus Dan. 3 Benedicant te, Dómine, omnes Angeli et sancti tui. **V. Benedicant te cæli, terra, mare, et ómnia quæ in eis sunt. V. Benedictum sit nomen glóriæ tuæ, quod est sanctum, laudábile, et gloriósum.**

Temp. Pasch. secundum Allelúia. V. Tob. 12 Benedicite

Deum cæli, quia fecit nobiscum misericórdiam suam. Allelúia.

✠ **Sequéntia sancti Evangélii**
secúndum Joánnem.

c. 15 et 16

IN illo témpore : Dixit Jesus discipulis suis : Cum vénerit Paráclitus, quem ego mit-tam vobis a Patre, Spíritum veritátis, qui a Patre procedit, ille testimónium perhibébit de me : Et vos testimónium perhibébitis, quia ab initio mecum estis. * Hæc locútus sum vobis, ut non scandalizémini. Absque synagógis fácient vos : Sed venit hora, ut omnis, qui intérficit vos, arbitrétur obséqium se præstare Deo. Et hæc fácient vobis, quia non novérunt Patrem, neque me. Sed hæc locútus sum vobis : ut cum vénerit hora, eórum reminiscámini, quia ego dixi vobis.

Offertorium Tob. 12 Benedictus sit Deus Pater, unigenitúsque Dei Fílius, Sanctus quoque Spíritus : quia fecit nobiscum misericórdiam suam. **T. P.** Allelúia.

Secreta

ODOREM suavitátis sacrificii hujus cum gratiárum actiónibus súscipe, quæsumus Dómine, et præsta : ut quos exaudíre, et incólumes serváre dignátus es, ab omni in pósterum ánimæ et córporis adversitáte custódias; ut in tuo servítio et amóre concreúcant. Per Dóminum.

Communio Tob. 12 Benedicimus Deum cæli, et coram

ómnibus vivéntibus confitébimur ei, quia fecit nobiscum misericórdiam suam. **T. P.** Allelúia.

Postcommunio

FLEXIS génibus cordis nostri, grátias tibi ágimus, Dómine, pro collátis nobis beneficiis : te humíliter deprecántes; ut sacrosáncta, quæ sumpsimus, ad beneficia tua júgiter capessénda nos dignos efficiant : Per Dóminum.

PRO SPONSO ET SPONSA

Officium

Tob. 7 et 8

DEUS Israël conjúngat vos : et ipse sit vobiscum, qui misértus est duóbus únícis : et nunc Dómine fac eos plénius benedicere te. **T. P.** Allelúia, allelúia. **℟. Ps. 127** Beáti omnes, qui timent Dóminum, qui ámbulant in viis ejus. **Glória Patri.**

Glória in excélsis, si regulariter dicitur.

Oratio

DEUS, qui tam excellénti mystério conjugálem cópulam consecrásti, ut Christi et Ecclésiæ sacraméntum præsignáres in fœdere nuptiárum : præsta quæsumus, ut quod nostro ministrátur officio; tua benedictióne pótius impleátur : Per Dóminum.

Léctio Epístolæ beáti Pauli
Apóstoli ad Ephésios. **c. 5**

FRATRES : Mulieres viris suis súbditæ sint, sicut Dómino : quóniam vir caput est mulieris : sicut Christus

caput est Ecclesiæ : Ipse, salvator corporis ejus. Sed sicut Ecclesia subiecta est Christo, ita et mulieres viris suis in omnibus. Viri diligite uxores vestras, sicut et Christus dilexit Ecclesiam, et seipsum tradidit pro ea, ut illam sanctificaret, mundans lavacro aquæ in verbo vitæ, ut exhiberet ipse sibi gloriosam Ecclesiam, non habentem maculam, aut rugam, aut aliquid hujusmodi, sed ut sit sancta et immaculata. Ita et viri debent diligere uxores suas ut corpora sua. Qui suam uxorem diligit, seipsum diligit. Nemo enim unquam carnem suam odio habuit : sed nutrit, et fovet eam, sicut et Christus Ecclesiam : quia membra sumus corporis ejus, de carne ejus, et de ossibus ejus. Propter hoc relinquet homo patrem et matrem suam, et adherēbit uxori suæ : et erunt duo in carne una. Sacramentum hoc magnum est, ego autem dico in Christo et in Ecclesia. Verūtmamen et vos singuli, unusquisque uxorem suam sicut seipsum diligat : uxor autem timeat virum suum.

℟. Ps. 127 Uxor tua sicut vitis abundans, in lateribus domus tuæ. **℣.** Filii tui sicut novellæ olivārum, in circūitu mensæ tuæ.

Allelúia, allelúia. ℣. Ps. 19 Mittat vobis Dóminus auxilium de sancto : et de Sion tueātur vos. **Allelúia.**

InfraSeptuag. Tractus Ps. 127 Ecce sic benedicetur homo,

qui timet Dóminum. **℣.** Benedicat tibi Dóminus ex Sion : et videas bona Jerúsalem omnibus diēbus vitæ tuæ. **℣.** Et videas filios filiorum tuorum, pax super Israël.

Temp. Pasch. secundum Allelúia. ℣. Ps. 133 Benedicat vobis Dóminus ex Sion, qui fecit cælum et terram. **Allelúia.**

✠ **Sequētia sancti Evangēlii secundum Matthæum. c. 19**

IN illo tēpore : Accesserunt ad Jesum Pharisei tentantes eum, et dicētes : Si licet homini dimittere uxorem suam, quacūque ex causa? Qui respondens, ait eis : Non legistis, quia qui fecit hominem ab initio, masculum et feminam fecit eos? Et dixit : Propter hoc dimittet homo patrem et matrem, et adherēbit uxori suæ, et erunt duo in carne una. Itaque jam non sunt duo, sed una caro. Quod ergo Deus conjunxit, homo non séparet.

Offertorium Ps. 30 In te speravi, Dómine : dixi : Tu es Deus meus : in manibus tuis tēpora mea. **T. P. Allelúia.**

Secreta

SUSCIPE, quæsumus, Dómine, pro sacra connubii lege munus oblātum : et cujus largitor es muneris, óperis esto dispósitor. Per Dóminum.

Dicto Pater noster, Sacerdos, antequam dicat : Libera nos, quæsumus Dómine, stans in cornu Epistolæ versus Sponsum et Sponsam ante

altare genuflexos, dicat super eos
sequentes Orationes.

Orémus

PROPITIARE, Dómine, supplicationibus nostris, et institútis tuis, quibus propagationem humáni géneris ordinásti, benignus assiste; ut quod te auctóre júngitur, te auxiliánte servétur. Per Dóminum.

Orémus

DEUS, qui potestáte virtútis tuæ de nihilo cuncta fecisti : qui, dispósitis universitátis exórdiis, hómini ad imáginem Dei facto, ideo inseparábile mulieris adjutórium condidisti, ut femíneo córpori de virili dares carne principium, docens quod ex uno placuísset instituí, numquam licére disjúngi : Deus, qui tam excellénti mystério conjugálem cópulam consecrásti, ut Christi et Ecclesiæ sacraméntum præsignáres in fódere nuptiarum : Deus, per quem múlter júngitur viro, et societas principáliter ordináta, ea benedictióne donáta, quæ sola nec per originális peccáti poenam, nec per dilúvii est abláta senténtiam : respice propítius super hanc fámulam tuam, quæ maritáli jungénda consórtio, tua se expetit protectióne muniri : sit in ea jugum dilectiónis et pacis : fidélis et casta nubat in Christo, imitatrixque sanctárum permáneat feminárum : sit amábilis viro suo, ut Rachel : sápiens, ut Rebécca : longæva et fidélis, ut Sara : nihil in ea

ex áctibus suis ille auctor prævaricatiónis usúrpet : nexa fidei, mandatisque permáneat : uni toro juncta, contáctus illicitos fúgiat : múniat infirmitátem suam róbre disciplinæ : sit verecúndia gravis, pudóre venerábilis, doctrinis cæléstibus erudita : sit fecúnda in sóbole, sit probáta et innocens : et ad Beatórum réquiem, atque ad cæléstia regna pervéniat : et videant ambo filios filiórum suórum usque in tértiam, et quartam generatióem : et ad optátam pervéniant senectútem. Per eúndem Dóminum.

Tunc Sacerdos reversus ad medium altaris dicat Libera nos, et reliqua more solito; et postquam sumpserit Sanguinem, communicet Sponsos, et prosequatur Missam.

Communio Ps. 127 Ecce sic benedicétur homo, qui timet Dóminum : et videas filios filiórum tuórum, pacem super Israël. **T. P. Allelúia.**

Postcommunio

QUÆSUMUS omnipotens Deus, institúta providentiæ tuæ pio favóre comitáre : et quos legítima societáte connéctis; longæva pietáte custódi : Per Dóminum.

Sacerdos, dicto Benedicámus Dómino, vel, si Missæ illius diei conveniat, *Ite missa est, antequam det benedictionem, conversus ad Sponsum et Sponsam, dicat :*

DEUS Abraham, Deus Isaac, et Deus Jacob sit vobiscum : et ipse adimpleat benedictiónem suam in vobis; ut videátis filios filiórum vestró-

rum usque ad tértiam et quartam generatióem et póstea vitam ætérrnam habeátis sine fine, adjuvánte Dómino nostro Jesu Christo; qui cum Patre, et Spíritu Sancto vivit et regnat Deus : per ómnia sácula sáculórum. *℟.* Amen.

Moneat eos Sacerdos sermone gravi, ut sibi invicem servant fidem : orationis tempore, et præsertim jejuniorum, ac solemnitaturn, casti maneant : et vir uxorem, atque

uxor virum diligit : et in timore Dei permaneant. Postea eos aspergat aqua benedicta, et dicto Pláceat tibi sancta Trínitas, det benedictionem, et dicat, ut soliturn est, Evangelium S. Joannis In princípío erat Verbum.

Si benedictio nuptiarum faciendá sit die Dominica, vel alio die festo, dicatur Missa de Dominica, vel festo cum Glória in excélsis, et Credo, si illa Missa id requirit, et cum commemoratione præcedentis Missæ pro Sponso et Sponsa, et reliquis, quæ pro communione, et complemento benedictionis in ea habentur.

ORATIONES

AD SUPPLENDUM NUMERUM TERNARIUM

1 — PER ADVENTUM

Secunda Oratio

DEUS, qui de beátæ Mariæ Virgínis útero, Verbum tuum, Angelo nuntiánte, carnem suscipere voluísti; præsta supplicibus tuis : ut qui vere eam genitricem Dei crédimus; ejus apud te intercessiónibus adjuvémur : Per eúmdem Dóminum nostrum.

Tertia Oratio

DEUS, qui caritátis dona, per grátiam Sancti Spíritus, tuórum córdibus fidélium infudísti; da fámulis et famulábus tuis, pro quibus tuam deprecámur cleméntiam, salutem mentis et córporis : ut te tota virtúte diligant; et quæ tibi plácita sunt, tota dile-

ctióne perficiant : Per Dóminum... in unitáte ejúsdem.

Secunda Secreta

IN méntibus nostris, quæsumus Dómine, veræ fidei sacraménta confirma : ut qui concéptum de Virgine, Deum verum, et hóminem confitémur; per ejus salutíferæ resurrectionis poténtiam, ad ætérrnam mereámur pervenire lætítiam. Per eúmdem Dóminum.

Tertia Secreta

MISERERE, quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta, supérnæ benedictiónis grátiam obtineant, et glóriam ætérrnæ beatitúdinis acquirant. Per Dóminum.

Secunda Postcommunio

GRATIAM tuam, quæsumus Dómine, méntibus nostris infúnde : ut qui Angelo nuntiánte, Christi Fílii tui incarnationem cognóvimus; per passiónem ejus, et crucem ad resurrectionis glóriam perducámur : Per eúmdem.

Tertia Postcomm. Divína, ut infra.

2 — A DOMINICA
SEPTUAGESIMÆ AD PASCHA

Secunda Oratio

DEUS, qui caritátis dona, per grátiam Sancti Spíritus, tuórum córdibus fidélium infudísti; da fámulis et famulábus tuis, pro quibus tuam deprecámur cleméntiam, salutem mentis et córporis : ut te tota virtúte diligant; et quæ tibi plácita sunt, tota dilectione perficiant : Per Dóminum... in unitáte ejusdem.

Tertia Oratio A cunctis, ut infra.

Secunda Secreta

MISERERE, quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta, supérnæ benedictionis grátiam obtineant, et glóriam æternæ beatitúdinis acquirant. Per Dóminum.

Tertia Secreta Exáudi nos, pag. sequenti.

Secunda Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitátem et pacem; pro quorum quarúm-

que dilectione hæc tuæ obtúlimus majestáti : Per Dóminum.

Tertia Postcomm. Mundet, pag. sequenti.

3 — TEMPORE
RESURRECTIONIS

Secunda Oratio

DEUS, qui pro nobis Fílium tuum Crucis patibulum subíre voluísti, ut inimíci a nobis expélleres potestátem; concéde nobis fámulis tuis, ut resurrectionis grátiam consequámur : Per eúmdem.

Tertia Oratio A cunctis, ut infra.

Secunda Secreta

PURIFICA nos miséricors Deus, ut Ecclesiæ tuæ preces, quæ tibi gratæ sunt, pia múnera deferéntes, fiant expiátis méntibus gratióres. Per Dóminum.

Tertia Secreta Exáudi nos, pag. sequenti.

Secunda Postcommunio

LARGIRE sénsibus nostris Omnípotens Deus : ut per temporálem Fílii tui mortem, quam mystéria veneránda testántur; vitam nobis te dedisse perpétuam confidámus : Per eúmdem.

Tertia Postcomm. Mundet, pag. sequenti.

4 — POST OCT. EPIPHANIÆ
AD SEPTUAGESIMAM, ET POST
OCTAVAM SS. CORDIS JESU
AD ADVENTUM

Secunda Oratio

ACUNCTIS nos, quæsumus Dómine, mentis et córporis defénde perículis : et

intercedente beata et gloriosa semper Virgine Dei Genitrice Maria, cum beato Joseph, beatis Apostolis tuis Petro et Paulo, atque beato Dominico Patre nostro, et omnibus Sanctis, salutem nobis tribue benignus, et pacem; ut destructis adversitatibus et erroribus universis, Ecclesia tua secura tibi serviat libertate : Per eundem.

Tertia Oratio ad libitum.

Secunda Secreta

EXAUDI nos Deus salutaris noster : ut per hujus sacramenti virtutem a cunctis nos mentis et corporis hostibus tuearis, gratiam tribuens in presenti, et gloriam in futuro. Per Dominum.

Tertia Secreta ad libitum.

Secunda Postcommunio

MUNDET et muniat nos, quæsumus Domine, divini sacramenti munus oblatum: et intercedente beata Virgine Dei Genitrice Maria, cum beato Joseph, beatis Apostolis tuis Petro et Paulo, atque beato Dominico Patre nostro, et omnibus Sanctis; a cunctis nos reddat et perversitatibus

expiatos, et adversitatibus expeditos : Per eundem.

Tertia Postcommunio ad libitum.

5 — PRO DOMINO PAPA

Oratio

DEUS omnium fidelium pastor et rector, famulum tuum **N.** quem pastorem Ecclesiae tuae praesse voluisti, propitius respice : da ei, quæsumus, verbo et exemplo, quibus praest proficere; ut ad vitam, una cum grege sibi credito, perveniat sempiternam : Per Dominum.

Secreta

OBLATIS, quæsumus Domine, placare muneribus : et famulum tuum **N.** quem pastorem Ecclesiae tuae praesse voluisti, assidua protectione gubernare. Per Dominum.

Postcommunio

HÆC nos, quæsumus Domine, divini sacramenti perceptio protegat; et famulum tuum **N.** quem pastorem Ecclesiae tuae praesse voluisti, una cum commisso sibi grege, salvet semper et muniat : Per Dominum.

1 — Si facta jam fuerit aliqua Memoria, tertia Oratio erit in Adventu de B. Maria V., Temp. Pasch. de Cruce, reliquo tempore A cunctis.

2 — In Missis votivis B. M. V., si nulla Memoria facta fuerit, loco 2 vel 3 Orationis de B. M. V. vel A cunctis, dicitur Oratio Ecclesiae, num. 7.

3 — Sabbatis, quando in Missa Memoria de S. Maria in Sabb. facienda sit, ab Oct. Epiphaniae ad Septuagesimam, et ab Oct. Cordis Jesu ad Adventum tertia Oratio erit ad libitum; a Septuagesima ad Cenam Domini vero Deus qui caritatis.

4 — Si Missa, vel in Missa Memoria, dicta fuerit de S. Joseph, vel de SS. App. Petro et Paulo, vel de B. P. N. Dominico, in Oratione A cunctis, et in ejus Postcommunione, omittuntur verba quæ ad eos respiciunt.

5 — Die 4 Januarii secunda Oratio erit de B. Maria V., tertia pro Papa.

ORATIONES AD DIVERSA

dicendæ in Missa juxta Rubricas
secundum varias necessitates,
et ad libitum Celebrantis

1. Ad poscenda suffragia omnium Sanctorum

Oratio

CONCEDE, quæsumus omnipotens Deus : ut intercessio sanctæ Dei Genitricis semper Virginis Mariæ, sanctarumque omnium cælestium Virtutum, et beatorum Patriarcharum, Prophetarum, Apostolorum, Martyrum, Confessorum, atque Virginum, et omnium electorum tuorum, nos ubique lætificent; ut dum eorum mérita recólimus, patrocinia sentiámus : Per eúmdem Dóminum.

Secreta

OBLATIS Dómine placáre munéribus : et intercedente beáta Dei Genitrice semper Virgine María cum omnibus Sanctis, a cunctis nos defénde periculis. Per eúmdem Dóminum.

Postcommunio

SUMPSIMUS, Dómine, beátæ Mariæ semper Virginis, et omnium Sanctorum tuorum memóriam recoléntes, sacraménta cælestia : præsta quæsumus, ut quod temporáliter

gérimus; eórum précibus adjúti, ætérnis gáudiis consequámur : Per Dóminum.

2. Alia Oratio ut supra

ACUNCTIS nos, quæsumus Dómine, mentis et corporis defénde periculis : et intercedente beáta et gloriósa semper Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto Dominico Patre nostro, et omnibus Sanctis, salutem nobis tribue benígnus, et pacem; ut destructis adversitatibus et erróribus univérsis, Ecclésia tua secúra tibi sérviat libertáte : Per eúmdem Dóminum.

Secreta

EXAUDI nos Deus salutáris noster : ut per hujus sacraménti virtútem a cunctis nos mentis et corporis hóstibus tueáris, grátiam tribuens in præsénti, et glóriam in futuro. Per Dóminum.

Postcommunio

MUNDET et múniat nos, quæsumus Dómine, divini sacraménti munus oblátum : et intercedente beáta Virgine Dei Genitrice María,

cum beáto Joseph, beátis Apóstolis tuis Petro et Paulo, atque beáto Domínico Patre nostro, et ómnibus Sanctis; a cunctis nos reddat et perversitátibus expiátos, et adversitátibus expeditos : Per eúmdem Dóminum.

3. De Sanctis Ordinis nostri

Oratio

CONCEDE, quæsumus omnipotens Deus : ut ad meliorem vitam Sanctórum tuórum Ordinis nostri exéempla nos próvocent; quátenus quorum memóriam ágimus, étiam actus imitémur : Per Dóminum.

Secreta

MUNERA tibi, Dómine, nostræ devotiónis offérimus : quæ et pro tuórum tibi grata sint honóre Sanctórum Ordinis nostri; et nobis salutária, te miseránte, reddántur. Per Dóminum.

Postcommunio

PRÆSTA nobis, quæsumus Dómine, intercedéntibus Sanctis tuis Ordinis nostri; ut quæ ore contigimus, pura mente capiámus : Per Dóminum.

4. De Sanctis, quorum reliquiæ sunt in ecclesia

Oratio

CONCEDE, quæsumus omnipotens Deus : ut sancta Dei Génitrix, atque omnes Sancti, quorum reliquiæ in ista recondúntur ecclésia, suis patrocíniis ubique nos ádju-

vent; quátenus, illórum præsénti suffrágio, tranquilla pace in tua laude lætémur : Per eúmdem Dóminum.

Secreta

MUNERA tua, miséricors Deus, majestáti tuæ obláta benigno, quæsumus, súscipe intúitu : ut eórum nobis précibus fiant salutária, quorum benedictas in ecclésia ista reliquias venerámur. Per Dóminum.

Postcommunio

DIVINA, Dómine, libántes mystéria, te deprecámur : ut per mérita Sanctórum, quorum venerábiles reliquiæ in ista requiészunt ecclésia, peccatórum nostrórum véniam mereámur; et cæléstis grátiae donis reficiámur : Per Dóminum.

5. Pro omni gradu Ecclesiæ

Oratio

OMNIPOTENS sempitérne Deus, cujus Spíritu totum corpus Ecclésiæ sanctificátur, et régitur : exáudi nos pro univérsis ordinibus supplicántes; ut grátiae tuæ múnere ab ómnibus tibi grádibus fidéliter serviátur : Per Dóminum... in unitáte ejúsdem.

Secreta

DA fámulis tuis, Dómine, indulgéntiam peccatórum, consolatióem vitæ, gubernatióem perpétuam : ut tibi serviétes, ad tuam júgiter misericórdiam pervenire mereántur. Per Dóminum.

Postcommunio

LIBERA, quæsumus Dómine, a peccátis et hóstibus fámulos tuos tibi supplicántes : ut in sancta conversatióne vivéntes; nullis afficiántur advérsis : Per Dóminum.

6. Pro Papa vel Episcopo

Oratio

DEUS ómnium fidélium pastor et rector, fámulum tuum **N.** quem pastórem Ecclesiæ tuæ præesse voluísti, propítius réspice : da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam. Per Dóminum.

Secreta

OBLATIS, quæsumus Dómine, placáre munéribus; et fámulum tuum **N.** quem pastórem Ecclesiæ tuæ præesse voluísti, assídua protectiône gubérna. Per Dóminum.

Postcommunio

HÆC nos, quæsumus Dómine, divíni sacraménti percéptio próteget; et fámulum tuum **N.** quem pastórem Ecclesiæ tuæ præesse voluísti, una cum commísso sibi grege, salvet semper et múniat : Per Dóminum.

Si pro Episcopo dicuntur istæ orationes, post Ecclesiæ pronuntiatur nomen diœcesis.

Si eadem die dici debent pro Papa et pro Episcopo, assumantur pro Papa Orationes sequentes.

7. Contra persecutores Ecclesiæ

Oratio

ECCLESIAE tuæ, quæsumus Dómine, preces placátus admítte : ut destrúctis adversitatibus et erróribus univérsis; secúra tibi sérviat libertáte : Per Dóminum.

Secreta

PROTEGE nos, Dómine, tuis mystériis serviéntes : ut divínis rebus inhæréntes, et corpore tibi famulémur, et mente. Per Dóminum.

Postcommunio

QUÆSUMUS Dómine Deus noster : ut quos divína tribuis participatióne gaudére; humánis non sinas subiacére periculis : Per Dóminum.

8. Pro Imperatore

Oratio

DEUS regnórum ómnium, et christiáni máxime protectór Impéríi : da servo tuo *si non est coronatus* (elécto) Imperatóri nostro **N.** triúmphum virtútis tuæ sciénter excólere; ut qui tua institutióne est princeps, tuo sit semper múnere potens : Per Dóminum.

Secreta

SUSCIPE, Dómine, preces et hóstias Ecclesiæ tuæ pro salute fámuli tui supplicántis : et in protectiône fidélium populórum, antiqua bráchii tui operáre mirácula; ut superátis pacis inimicis, secúra tibi sér-

viat christiána libértas. Per Dóminum.

Postcommunio

DEUS, qui ad prædicándum ætérni Regis Evangélium, Románum impérium præparásti : præténde fámulo tuo Imperatóri nostro **N.** arma cæléstia; ut pax Ecclesiárum nulla turbétur tempestáte bel-lórum : Per Dóminum.

9. Pro Rege

Oratio

QUÆSUMUS omnipotens Deus : ut fámulus tuus **N.** Rex noster, qui tua miseratione suscepit regni gubernácula; virtútum étiam ómnium percípiat incrementa : quibus decénter ornátus, et vitiórum monstra devitáre; et ad te, qui via, véritas et vita es, gratiósius váleat pervenire : Per Dóminum.

Secreta

MUNERA, quæsumus Dómine, obláta sanctifica : ut et nobis Unigéniti tui corpus et sanguis fiant; et Regi nostro ad obtinéndam ánimæ corporisque salútem, et ad peragéndum injúctum officium, te largiénte usquequáque proficiant. Per eúmdem.

Postcommunio

HÆC, Dómine, oblátio salutáris fámulum tuum **N.** Regem nostrum ab ómnibus tueátur advérsis : quátenus et ecclesiásticæ pacis obtíneat tranquillitátem; et post hujus témporis decúrsum, ad ætérnam pervéniat hereditátem : Per Dóminum.

10. Pro Prælatís, et Congregationibus eis commissis

Oratio

OMNIPOTENS sempitérne Deus, qui facis mirabilia magna solus; præténde super fámulos tuos, et super congregationes illis commissas spíritum grátiae salutáris : et ut in veritáte tibi compláceant; perpétuum eis rorem tuæ benedictionis infúnde : Per Dóminum.

Secreta

HOSTIAS, Dómine, famulórum tuórum placátus inténde : et quas in honórem nóminis tui devóta mente pro eis celebrámus, proficere sibi sentiant ad medélam. Per Dóminum.

Postcommunio

QUOS cælésti récreas múnere, perpétuo, Dómine, comitáre præsidio : et quos fovére non désinis; dignos fieri sempitérna redemptione concéde : Per Dóminum.

11. Pro Prædicatoribus

Oratio

CORDA famulórum tuórum, Dómine, illúmina Spíritus Sancti grátia : ignitum eis elóquium dona; et ús, qui tuum prædicant verbum, largire virtútis augméntum : Per Dóminum... in unitáte ejúsdem.

Secreta

FAMULIS tuis, Dómine, verbum tribue gratiósum : et múnera obláta sanctificans, corda eórum in salutári tuo, quæsumus, visita. Per Dóminum.

Postcommunio

CONSERVA Dómine fámulos tuos, Unigéniti tui corpore et sángine suscépto; et tuum nuntiántibus verbum, largitatem tribue gratiarum : Per eúmdem Dóminum.

12. Pro Religiosis**Oratio**

DEUS, qui nos a sáculi vanitate convérsos ad braviúm supérnae vocatiónis accéndis : grátiam nobis, qua in te perseverémus, infúnde; ut nostræ professiόνis executóres effécti, quod te donánte promísimus, júgiter impleámus : Per Dóminum.

Secreta

TIBI, Dómine Deus noster, devotiόνis hóstiam immolántes, humíliter pétimus : ut nos sacrificium tuum, mortificatióne vitæ carnális, accípias; ac móribus, quibus professióni nostræ congruámus, instítuas. Per Dóminum.

Postcommunio

DEUS, qui renuntiántibus sáculo mansiόνes præparas in cælo; diláta corda nostra cælestibus bonis : ut concórdet nostra víta cum nómine; et professio sentiátur in opère : Per Dóminum.

13. Pro seipso Sacerdote**Oratio**

OMNIPOTENS et miséricors Deus, humilitátis meæ preces benígnus inténde : et me fámulum tuum, quem nul-

lis suffragántibus méritis, sed imménsa cleméntiæ tuæ largitate, cælestibus mystériis servíre tribuísti, dignum sacris altáribus fac místrum; ut quod mea voce deprómitur, tua sanctificatióne firmétur : Per Dóminum.

Secreta

HUJUS, Dómine, virtúte sacraménti, peccatórum meórum máculas abstérge : et præsta, ut ad exsequéndum injúcti officii ministérium, me tua grátia dignum efficiat. Per Dóminum.

Postcommunio

OMNIPOTENS sempitérne Deus, qui me peccatórem sacris altáribus astáre voluísti; et sancti nóminis tui laudáre poténtiam : concéde propítius, per hujus sacraménti mystérium, meórum mihi véniam peccatórum; ut tuæ majestáti digne mérear famulári : Per Dóminum.

**14. Tempore Capituli,
vel Concilii****Oratio**

INFUNDE, quæsumus, fámulis tuis, Dómine, spíritum veritátis et pacis : ut quæ tibi plácita sunt, toto corde cognóscant; et ágnita tota virtúte secténtur : Per Dóminum.

Secreta

RESPICIAT cleméntia tua, Dómine, múnera servórum tuórum, et grátiam tuæ miseratiónis illis impénde : ut quæ recta sint in óculis

tuis, veraciter intélligant, et fiduciáliter exsequántur : Per Dóminum.

Postcommunio

DA, quæsumus miséricors Deus : ut sancta tua, quæ sumpsimus, fámulos tuos in voluntáte tua confirment; et honórem tui nóminis illos exquirere fácient : Per Dóminum.

15. Pro familiaribus et amicis

Oratio

DEUS, qui caritátis dona per grátiam Sancti Spíritus tuórum fidélium córdibus infudísti; da fámulis et famulábus tuis, pro quibus tuam deprecámur cleméntiam, salútem mentis et córporis : ut te tota virtúte diligant; et quæ tibi plácita sunt, tota dilectióne perficiant : Per Dóminum... in unitáte ejúsdem.

Secreta

MISERERE, quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti : ut per hæc sancta, supérnæ benedictiónis grátiam obtíneant, et glóriam ætérnæ beatitúdinis acquirant. Per Dóminum.

Postcommunio

DIVINA libántes mystéria, quæsumus Dómine, ut hæc salutária sacraménta illis proficiant ad prosperitátem et pacem; pro quorum quarúmque dilectióne hæc tuæ obtú-

limus majestáti. Per Dóminum.

16. Pro familiaribus et amicis, alia

Oratio

PRÆTENDE Dómine fidélibus tuis dexteram cælestis auxilii : ut te toto corde perquirant; et quæ digne póstulant, assequántur : Per Dóminum.

Secreta

PROPITIARE Dómine supplicatióibus nostris; et has oblatiões fidélium tuórum, quas tibi pro incolumitáte eórum offérimus, benignus assúme : et ut nullius sit irritum votum, nullius vácuá postulatio, præsta quæsumus, ut quod fidéliter pétimus, effícaciter consequámur. Per Dóminum.

Postcommunio

DA fidélibus tuis, quæsumus Dómine, in tua fide et sinceritáte constántiam : ut in caritate divína firmáti; nullis tentatióibus ab ejus integritáte evellántur : Per Dóminum.

17. Pro benefactoribus

Oratio

INCLINA Dómine, quæsumus, nobis aures tuæ pietátis : et benefactoribus nostris da peccatórum véniam, in bonis opéribus perseverántiam, ac in regno tuo magna pro parvis; et pro temporálibus præmia sempitérna concéde : Per Dóminum.

Secreta

SUSCIPE, quæsumus Dómine, munus tibi oblátum pro fámulis tuis, nobis bona faciéntibus; et concéde, ut quos tibi fecisti devótos, fácias in regno tuo tecum esse beátos. Per Dóminum.

Postcommunio

PER hæc sancta sacraménta, quæ sumpsimus, Dómine, réspice super fámulos tuos benefactóres nostros : et præsta, ut sicut eórum devótio nobis est necessária; ita sit tibi semper accépta : Per Dóminum.

18. Pro Congregatione et Familia

Oratio

DEFENDE, quæsumus Dómine, beáta María semper vírgine intercedénte, istam ab omni adversitaté familiam; et toto corde tibi prostrátam, ab hóstium propítius tuére cleménter insidiis : Per Dóminum.

Secreta

SUSCIPE, quæsumus omnipotens Deus, oblatiónem nostræ devotiónis : et per virtútem hujus sacraménti, fámulos tuos a cunctis adversitatibus prótege. Per Dóminum.

Postcommunio

SUMPTIS redemptionis nostræ munéribus; præsta, quæsumus miséricors Deus, eórum nobis celebratióne, tuæ protectionis contra omnes ad-

versitatés subsidium : Per Dóminum.

19. Pro concordia in Congregatione servanda

Oratio

DEUS largítor pacis, et amátor caritátis : da fámulis tuis veram cum tua voluntáte concórdiam; ut ab ómnibus, quæ nos pulsan, tentatióibus liberémur : Per Dóminum.

Secreta

HIS sacrificiis, Dómine quæsumus, concéde placátus : ut qui a propriis orámus absólvi delictis, non gravémur extérnis. Per Dóminum.

Postcommunio

SPIRITUM nobis, Dómine, tuæ caritátis infúnde : ut quos uno pane cælésti satiásti; tua fácias pietáte concórdes : Per Dóminum.

20. Contra persecutores, et male agentes

Oratio

HOSTIUM nostrórum, quæsumus Dómine, elíde superbiam; et eórum contumáciam dexteræ tuæ virtúte prostérne : Per Dóminum.

Secreta

HUJUS, Dómine, virtúte mystérii, et a propriis mundémur occúltis, et ab inimicórum liberémur insidiis. Per Dóminum.

Postcommunio

PROTECTOR noster aspice Deus : et ab inimicorum nos defēde periculis; ut omni perturbatiōne submōta, liberis tibi mētibz serviāmus : Per Dōminum.

**21. Pro constituto
in captivitate, vel in carcere**

Oratio

DEUS, qui beātum Petrum Apōstolum, a vīculis absolutum, illāsum abire fecisti : fāmuli tui in captivitāte pōsiti vīcula absolve; eūque, ipsius mēritis, illāsum abire concēde : Per Dōminum.

Secreta

SUPER has, quāsumus Dōmine, hōstias benedictio copiosa descēdat : quæ captivi hujus vīcula solvat, et de ejus liberatiōne nos cito lætificet. Per Dōminum.

Postcommunio

PRECES nostras, quāsumus Dōmine, clemēter exaudi; et per hæc sacramēta, quæ sumpsimus, fāmulum tuum a vīculis suæ captivitātis absolve : Per Dōminum.

22. Pro inimicis**Oratio**

DEUS pacis, caritatisque amātor et custos; da omnibus inimicis nostris pacem, caritatēque veram : et cunctorum eis remissionem tribue peccatorum; nosque ab eorum insidiis potēter ēripe : Per Dōminum.

Secreta

OBLATIS, quāsumus Dōmine, placāre munēribz : et nos ab inimicis nostris clemēter ēripe; eisque indulgentiam tribue delictorum. Per Dōminum.

Postcommunio

PROTECTOR noster aspice, Deus : et ab inimicorum nos defēde periculis; ut omni perturbatiōne submōta, liberis tibi mētibz serviāmus : Per Dōminum.

23. Pro tentatis et tribulatis**Oratio**

DEUS, qui justificas impium, et non vis mortem peccatoris; majestatem tuam suppliciter deprecāmur : ut fāmulos tuos, de tua misericordia confidentes, cælesti prōtegas benignus auxilio, et assidua protectione conserves; ut tibi jūgiter famulēntur, et nullis tentationibus a te separēntur : Per Dōminum.

Secreta

HUJUS, quāsumus Dōmine, virtūte mystērii, et a propriis nos munda delictis, et fāmulos tuos ab omnibus absolve peccatis. Per Dōminum.

Postcommunio

PURIFICENT nos, quāsumus Dōmine, sacramēta quæ sumpsimus; et fāmulos tuos ab omni culpa liberos esse concēde : ut qui conscientiae reātu constringuntur; cælestis remēdii plenitudine gloriēntur : Per Dōminum.

24. Ad repellendas malas cogitationes

Oratio

OMNIPOTENS et mitissime Deus, respice propitius ad preces nostras : et libera corda nostra de malárum tentationibus cogitationum; ut Sancti Spíritus dignum fieri habitáculum mereámur : Per Dóminum...in unitáte ejúsdem.

Secreta

HAS tibi, Dómine, offérimus oblationes pro salute nostra : quátenus ánimas nostras ab immúndis cogitationibus purges, illæsásque custódias, et Sancti Spíritus grátia illumináre dignéris. Per Dóminum...in unitáte ejúsdem.

Postcommunio

DEUS, qui illúminas omnem hóminem veniéntem in hunc mundum; illúmina, quæsumus, corda nostra grátia tuæ splendóre : ut digne majestáti tuæ ministráre; teque ætérna caritáte diligere valeámus : Per Dóminum.

25. Ad postulandam continentiam

Oratio

URE igne Sancti Spíritus renes nostros et cor nostrum, Dómine : ut tibi casto corpore serviámus; et mundo corde placeámus : Per Dóminum... in unitáte ejúsdem.

Secreta

DIRUMPE, Dómine, vincula peccatórum nostrórum : et ut sacrificáre tibi hóstiam

laudis absolúta libertáte ac munda mente possimus, retribue quæ ante tribuísti; et salva nos per indulgéntiam, quos dignátus es salváre per grátiam. Per Dóminum.

Postcommunio

DOMINE adjutor et protector noster, ádjuva nos : ut reflóreat cor et caro nostra vigóre pudicitiae, et castimóniae novitáte; eréptaque de manu tártari, in resurrectiónis gáudium præsentétur : Per Dóminum.

26. Ad postulandam patientiam

Oratio

DEUS, qui Unigéniti tui patientia, antiqui hostis contrivísti supérbiam : da nobis, quæsumus, quæ idem pie pro nobis pértulit, digne recólere; sicque exémplo ejus, nobis adversántia æquanímiter toleráre : Per eúmdem.

Secreta

MUNERA nostræ oblationis, quæsumus Dómine, súscipe placátus : quæ, ut nobis patientiæ donum largíri dignéris, majestáti tuæ devóta offérimus actióne. Per Dóminum.

Postcommunio

SACROSANCTA, Dómine, súsméntes mystéria : amíssam nobis, quæsumus, reconcilient grátiam; atque munus patientiæ in illátis ómnibus, semper et ubique protegéndo, impértiant : Per Dóminum.

27. Pro petitione lacrymarum

Oratio

OMNIPOTENS et mitissime Deus, qui sitiénti pópulo fontem vivéntis aquæ de petra produxisti; educ de cordis nostri durítia compunctiónis lácrymas : ut peccáta nostra plángere valeámus; remissiónemque eórum, te miseránte, mereámur accipere : Per Dóminum.

Secreta

HANC oblatiónem, quæsumus Dómine Deus, quam tuæ majestáti pro peccátis nostris offérimus, propítius respice : et produc de óculis nostris lacrymárum flúmina, quibus débíta flammárum incéndia exstinguere valeámus. Per Dóminum.

Postcommunio

GRATIAM Spíritus Sancti, Dómine Deus, córdibus nostris cleménter infúnde : quæ nos gemítibus lacrymárum efficiat máculas nostrórum dilúere peccatórum; atque optátæ nobis, te largiénte, indulgéntiæ præstet efféctum : Per Dóminum... in unitáte ejúsdem.

28. Ad postulandam caritatem

Oratio

DEUS, qui diligéntibus te facis cuncta prodésse : da córdibus nostris inviolábilem tuæ caritátis afféctum; ut desidéria, de tua inspiratióne concepta, nulla possint tentatióne mutári : Per Dóminum.

Secreta

DEUS, qui nos ad imáginem tuam sacraméntis rénovas et præcéptis, pérfice gressus nostros in sémitis tuis : ut caritátis donum, quod fecisti a nobis sperári, per hæc, quæ offérimus, sacrificia, fácias veráciter apprehénderi. Per Dóminum.

Postcommunio

SANCTI Spíritus grátia, quæsumus Dómine, corda nostra illúminet; et perfectæ caritátis dulcedine abundanter reficiat : Per Dóminum... in unitáte ejúsdem.

29. Ad impetrandam humilitatem

Oratio

DEUS, qui supérbis resistis, et grátiam præstas humilibus; concéde nobis veræ humilitátis virtútem, cujus in se formam fidélibus Unigénitus tuus exhibuit : ut numquam indignatióem tuam provocemus eláti; sed pótius grátiae tuæ capiamus dona subjécti : Per eúmdem Dóminum.

Secreta

HÆC oblátio, Dómine Deus, nobis remissiónem ómnium peccatórum, et veræ humilitátis obtíneat grátiam, simúlque a córdibus nostris concupiscéntiam carnis et ocúlórum, atque ambióinem sæculi áuferat : quátenus sóbrie, juste, piéque vivéntes, præmia consequámur æténa. Per Dóminum.

Postcommunio

HUJUS, Dómine, sacraménti percéptio peccatórum nostrórum máculas abstérget; et nos per humilitátis exhibitió-nem ad cæléstia regna per-dúcat : Per Dóminum.

30. Tempore famis

Oratio

DA nobis, quæsumus Dómine, piæ supplicatiónis effectum; et famem propitiátus avérte : ut mortálium corda cognóscant, et te indignánte, tália flagélla prodire; et te miseránte, cessáre : Per Dóminum.

Secreta

DEUS, qui humáni géneris utrámque substántiam præsentium múnere et ali-ménto végetas, et rénovas sa-craménto : tribue quæsumus, ut eórum et corpóribus nostris subsidium non desit, et mén-tibus. Per Dóminum.

Postcommunio

GUBERNA, quæsumus Dómine, temporálibus ali-méntis; quos dignáris ætér-nis informáre mystériis : Per Dóminum.

31. Ad tempestates
repellendas

Oratio

ADOMO tua, quæsumus Dómine, spirítales nequí-tiæ repellántur; et aëreárum discédant malignitas tempestá-tum : Per Dóminum.

Secreta

OFFERIMUS tibi, Dómine, laudes et múnere, pro concéssis beneficiis grátias referéntes, et pro concedéndis semper suppliciter deprecán-tes. Per Dóminum.

Postcommunio

OMNIPOTENS sempitérne Deus, qui nos et casti-gándo sanas, et ignoscéndo consérvas : præsta supplici-bus tuis, ut tranquillitátibus hujus optátæ consolatiónis læ-témur; et dono tuæ pietátis semper utámur : Per Dómi-num.

32. Contra pestem animalium

Oratio

DEUS, qui labóribus hómi-num, étiam de mutis ani-málibus, solátia subrogásti; súpplikes te rogámus : ut sine quibus non álitur humana conditio; nostris fácias úsibus non períre : Per Dóminum.

Secreta

SACRIFICIIS, Dómine, placá-tus oblátis, opem tuam nostris tempóribus cleménter impénde. Per Dóminum.

Postcommunio

BENEDICTIONEM tuam, Dómine, pópulus fidélis ac-cípiat, qua corpore salvétur, et mente : et animálium, quo-rum nostris deméritis sævit intéritus; tua nobis parcéndo cleméntia, eum cessáre jú-beas : Per Dóminum.

33. Tempore terræmotus

Oratio

OMNIPOTENS sempitærne Deus, qui rêspicis terram, et facis eam trémere; parce metuéntibus, propitiâre supplicibus : ut cujus iram, terræ fundaménta concutiéntem, expávimus; cleméntiam, contritiónes ejus sanántem, júgiter sentiámus : Per Dóminum.

Secreta

DEUS, qui fundásti terram super stabilitátem suam, súscipe oblatiões et preces pópuli tui; ac treméntis terræ periculis pénitus amótiis, divínæ tuæ iracúndiæ terróres in humánæ salútis remédia convérte : ut qui de terra sunt, et in terram reverténtur, gáudeant se fieri sancta conversatiõe cæléstes. Per Dóminum.

Postcommunio

TUERE nos, Dómine quæsumus, tua sancta suméntes; et terram, quam vidimus nostris iniquitatibus treméntem, supérno múnere firma : ut mortálium corda cognóscant, et te indignánte, tália flagélla prodire; et te miseránte, cessáre : Per Dóminum.

34. Pro quacumque re obtinenda

Oratio

DEUS refúgium nostrum, et virtus; adésto piis Ecclésiæ tuæ précibus, auctor ipse pietátis : et præsta, ut quod fidéliter pétimus; effícaciter consequámur : Per Dóminum.

Secreta

DA miséricors Deus, ut hæc salutáris oblátio, et a própriis nos reátibus indésinénter expédiat, et ad postuláta obtinéndam, tibi nos reddat accéptos. Per Dóminum.

Si in Dominica XX. post Octavam Trinitatis, vel in festo S. Martini, dicenda fuerit Secreta Da miséricors, substituaturs Secreta subsequents Missæ Súscipe, Dómine.

Postcommunio

AD te Dómine clamámus, humíliter deprecántes : ut sicut dixisti, Pétite, et accipiétis; ita per sacri dona mystérii, quæ súmpsimus, exauditiónis tuæ abundántiam petitióibus nostris concédere dignéris : Qui vivis.

35. Pro quacumque tribulatione

Oratio

NE despicias, omnípotens Deus, pópulum tuum in afflictiónem clamántem; sed propter glóriam nóminis tui, tribulátis succúrre placátus : Per Dóminum.

Secreta

SUSCIPE, Dómine, propítius hóstias, quibus et te placári voluísti, et nobis salútem poténti pietáte restitui. Per Dóminum.

Postcommunio

TRIBULATIONEM nostram, quæsumus Dómine, propítius rêspice; et iram tuæ indignatiónis, quam juste merémur, avérte : Per Dóminum.

36. Pro publice pœnitentibus

Oratio

OMNIPOTENS sempitérne Deus, confiténtibus tibi fámulis tuis pro tua pietáte reláxa peccáta : ut non plus eis nóceat consciéntiæ reátus ad pœnam; quam indulgéntia tuæ propitiatiónis prosit ad véniam : Per Dóminum.

Secreta

PRÆSTA, quæsumus, omnipotens et miséricors Deus : ut hæc salutáris oblátio fámulos tuos, et a própriis reátibus indesinénter expédíat, et ab ómnibus tueátur advérsis. Per Dóminum.

Postcommunio

OMNIPOTENS et miséricors Deus, qui omnem ánimam pœniténtem, et confiténtem tibi, magis vis emendári, quam pérdere; réspice super hos fámulos tuos : et per hæc sancta sacraménta, quæ sumpsimus, avérte ab eis iram indignatiónis tuæ; et ómnia eórum peccáta dímítte : Per Dóminum.

37. Pro vivis et defunctis communis

Oratio

PIETATE tua, quæsumus Dómine, nostrórum solve vincula peccatórum : et intercedénte beáta María semper Vírgine cum ómnibus Sanctis tuis, nos fámulos tuos in omni sanctitáte custódi; omnésque nobis conjúctos a vítiis purga, virtútibus illústra : pacem

et salútem nobis tríbue, hostes rémove, carnália desidéria depélle, áëris tempériem indúlge, fruges terræ concéde, inimicis nostris caritátem largíre; et ómnibus fidélibus vivis et defúntis vitam páriter et réquiem ætérnam concéde : Per Dóminum.

Secreta

DEUS, qui singulári corpóris tui hóstia totíus mundi solvistí delicta : hac oblatióne placátus, máculas scélerum nostrórum abstérge, et ómnium Christianórum vivórum ac defunctorum peccáta dímítte, eisque præmia ætérna concéde. Qui vivis et regnas.

Postcommunio

SUMPTA sacraménta, quæsumus Dómine, ómnia crimina nostra detérgant : omnémque pravitátem, et hostilem impugnatiónem, méritis sanctæ Dei Genitrícis Mariæ, et ómnium Sanctórum, procul repéllant; et ómnibus fidélibus vivis et defúntis prosint ad véniam, pro quorum tibi sunt obláta salúte : Per eúndem.

38. Pro vivis et defunctis alia

Oratio

OMNIPOTENS sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse prænúscis; te súpplíces exorámus : ut pro quibus effúndere preces decrevimus, quosque vel præsens sáculum adhuc in carne rétinet, vel futúrum jam exútos corpore suscepit;

intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur : Per Dóminum.

Secreta

DEUS, cui soli cógnitus est númerus electórum in supérna felicitáte locándus : tribue quæsumus, ut intercedéntibus ómnibus Sanctis tuis, universórum, quos in oratióne commendátos suscepimus, et ómnium fidélium nómina beátæ prædestinatiónis liber adscripta retineat. Per Dóminum.

Postcommunio

PURIFICENT nos, Dómine quæsumus, sacraménta, quæ sumpsimus : et intercedéntibus ómnibus Sanctis tuis, præsta, ut hoc tuum sacraméntum non sit nobis reátus ad pœnam; sed intercésio salutáris ad véniam : sit ablútio scélerum, sit fortitúdo fragílium, sit contra ómnia mundi perícula firmaméntum; sit vivórum atque mortuórum fidélium remissio ómnium peccatórum : Per Dóminum.

Observandum, quod in Missis supradictis, sive in Conventu, sive extra, non debent dici particulares Orationes pro Defunctis, sed tantum possunt dici communes pro

vivis et defunctis : nisi præsens cadaver defuncti fuerit. Similiter in Missis pro Defunctis non debent dici aliquæ Orationes nisi pro Defunctis; vel communes pro vivis et defunctis.

Dici possunt etiam sequentes Orationes ex Missis votivis assumptæ, sc. :

39. Pro unione Ecclesiæ : Deus, qui erráta. pag. 66*

40. Pro eligendo Summo Pontifice : Súpplíci. pag. 68*

41. Contra paganos : Omnípotens. pag. 73*

42. Pro Pace : Deus a quo sancta. pag. 74*

43. Tempore belli : Deus qui cónteris. pag. 76*

44. Pro avertenda quacumque necessitate : Ineffáblem misericórdiam. pag. 77*

45. Pro pluvia : Deus in quo vívimus. pag. 79*

46. Pro serenitate : Ad te, Dómine. pag. 80*

47. Pro conservandis fructibus terræ : Concéde nobis Dómine. pag. 81*

48. Pro iter agentibus : Adésto Dómine. pag. 82*

49. Pro navigantibus : Omnípotens. pag. 84*

50. Pro infirmis : Omnípotens. pag. 86*

51. Pro vitanda mortalitate : Deus qui non. pag. 90*

52. Pro remissione peccatorum : Exáudi. pag. 92*

53. Pro gratiis Deo reddendis : Deus cujus. pag. 93*

MISSÆ

PRO DEFUNCTIS

IN DIE OBITUS,
SEU DEPOSITIONIS
DEFUNCTI

Officium

REQUIEM ætérnam dona
eis Dómine : et lux
perpétua lúceat eis.
℟. Ps. 64 Te decet
hymnus Deus in Sion, et tibi
reddétur votum in Jerúsalem :
exáudi oratiónem meam, ad
te omnis caro véniet. Réquiem
ætérnam.

Oratio

DEUS, cui próprium est mi-
seréri semper, et párcere,
te súpplices exorámus pro
ánima fámuli tui **N.** quam
hódie de hoc sáculo migráre
jussisti : ut non tradas eam in
manus inimíci, neque oblivis-
cáris in finem; sed júbeas eam
a sanctis Angelis súscipi, et ad
pátriam paradísi perdúci : ut
quia in te sperávit, et crédidit,
non pœnas ætérnas sustíneat;
sed gáudia sempitérna possi-
deat : Per Dóminum.

Léctio Epístolæ beáti Pauli
Apóstoli ad Thessalonicénses.

1, c. 4

FRATRES : Nólumus vos
ignoráre de dormiénti-
bus, ut non contristémmini sicut

et céteri, qui spem non ha-
bent. Si enim crédimus quod
Jesus mórtuus est, et resur-
réxit : ita et Deus eos, qui dor-
miérunt per Jesum, addúcet
cum eo. Hoc enim vobis dici-
mus in verbo Dómini, quia
nos, qui vívimus, qui resídui
sumus in advéntum Dómini,
non præveniémus eos, qui dor-
miérunt. Quóniam ipse Dó-
minus in jussu, et in voce
Archángeli, et in tuba Dei de-
scéndet de cælo : et mórtui, qui
in Christo sunt, resúrgent pri-
mi. Deínde nos, qui vívimus,
qui relínquimur, simul rapié-
mur cum illis in núbibus ób-
viam Christo in áëra, et sic
semper cum Dómino érimus.
Itaque consolámini ínvicem in
verbis istis.

℟. Ps. 22 Si ámbulem in
medio umbræ mortis, non ti-
mébo mala : quóniam tu me-
cum es Dómine. ℟. Virga
tua, et báculo tuus : ipsa me
consoláta sunt.

Tractus Ps. 41 Sicut cervus
desíderat ad fontes aquárum :
ita desíderat ánima mea ad te
Deus. ℟. Sitivit ánima mea ad
Deum vivum : quando véniam
et apparébo ante fáciem Dei
mei? ℟. Fuérunt mihi lácri-
mæ meæ panes die ac nocte :

dum dicitur mihi per singulos
dies : Ubi est Deus tuus?

Sequentia

DIES iræ, dies illa
Solvat sæclum in favilla
Teste David cum Sibylla.

Quantus tremor est futurus,
Quando iudex est venturus,
Cuncta stricte discussurus!

Tuba mirum spargens sonum
Per sepulcra regionum,
Coget omnes ante thronum.

Mors stupébit, et natura,
Cum resurget creatura,
Judicanti responsura.

Liber scriptus proferetur,
In quo totum continetur,
Unde mundus iudicetur.

Judex ergo cum sedébit,
Quidquid latet apparebit,
Nil inultum remanebit.

Quid sum miser tunc dicturus?
Quem patronum rogaturus?
Cum vix justus sit securus.

Rex tremendæ majestatis,
Qui salvandos salvas gratis,
Salva me fons pietatis.

Recordare Jesu pie,
Quod sum causa tuæ viæ :
Ne me perdas illa die.

Querens me, sedisti lassus :
Redemisti, crucem passus :
Tantus labor non sit cassus.

Juste iudex ultionis,
Donum fac remissionis,
Ante diem rationis.

Ingemisco tamquam reus :
Culpa rubet vultus meus :
Supplicanti parce Deus.

Qui Mariam absolvisti,
Et latronem exaudisti :
Mihi quoque spem dedisti.

Preces meæ non sunt dignæ :
Sed tu bonus fac benigne,
Ne perenni cremer igne.

Inter oves locum præsta,
Et ab hædis me sequëstra,
Statuens in parte dextra.

Confutatis maledictis,
Flammis æcribus addictis,
Voca me cum benedictis.

Oro supplex, et acclinis,
Cor contritum quasi cinis :
Gere curam mei finis.

Lacrimosa dies illa,
Qua resurget ex favilla

Judicandus homo reus :
Huic ergo parce Deus.

Pie Jesu Domine,
Dona eis requiem. Amen.

✠ **S**equentia sancti Evangelii
secundum Joannem. c. 11

In illo tempore : Dixit Martha
ad Jesum : Domine, si fuisset
hic, frater meus non fuisset
mortuus : Sed et nunc scio,
quia quæcumque poposceris
a Deo, dabit tibi Deus. Dicit
illi Jesus : Resurget frater
tuus. Dicit ei Martha : Scio
quia resurget in resurrectione
in novissimo die. Dicit ei Je-
sus : Ego sum resurrectio et
vita : Qui credit in me, etiamsi
mortuus fuerit, vivet : Et om-
nis, qui vivit, et credit in me,
non morietur in æternum.
Credis hoc? Ait illi : Utique
Domine, ego credidi, quia tu
es Christus Filius Dei vivi, qui
in hunc mundum venisti.

Offertorium Domine Jesu
Christe, Rex gloriæ, libera
animas omnium fidelium de-
functorum de manu inferni, et

de profúndo lacu : libera eas de ore leónis, ne absorbéat eas tártarus, ne cadant in obsúra : sed signifer sanctus Michaél repræséntet eas in lucem sanctam : **Q**uam olim Abrahæ promísisti, et sémini ejus. **℟.** Hóstias et preces tibi, Dómine, offérimus : tu súscipe pro animábus illis, quarum hódie memóriam ágimus : fac eas Dómine de morte transíre ad vitam. **Q**uam olim.

Secreta

PROPITIARE, quæsumus Dómine, ánimæ fámuli tui **N.** pro qua hóstiam laudis tibi immolámus, majestátem tuam suppliciter deprecánte : ut per hæc piæ placatiónis officia, pervenire mereátur ad réquiem sempitérnam. Per Dóminum.

Communio Lux æténa lúceat eis, Dómine, cum Sanctis tuis in ætérnum : quia pius es.

Postcommunio

PRÆSTA, quæsumus omnipotens Deus : ut ánimæ fámuli tui **N.** quæ hódie de hoc sáculo migrávit; his sacrificiis purgáta, et a peccátis expedita, indulgéntiam páriter, et réquiem cápiat sempitérnam : Per Dóminum.

In die tertio, septimo, et trigesimo depositionis defuncti dicitur Missa præcedens, exceptis Orationibus, quæ dicuntur ut sequitur.

Oratio

QUÆSUMUS, Dómine, ut ánimæ fámuli tui **N.** cujus depositiódinem diem tértium, **vel** (séptimum, **vel** trigésimum)

commemorámus : Sanctórum atque electórum tuórum largíri dignéris consórtium; et rorem misericórdiæ tuæ perénem infúndas : Per Dóminum.

Secreta

MUNERA, quæsumus Dómine, quæ tibi pro ánimæ fámuli tui **N.** offérimus, placátus inténde : ut remédiis purgáta cæléstibus, in tua pietáte requiáscat. Per Dóminum.

Postcommunio

SUSCIPE Dómine preces nostras pro ánimæ fámuli tui **N.** : ut si quæ ei máculæ de terrénis contágiis adhæserunt; remissiódinis tuæ misericórdia deleántur : Per Dóminum.

IN ANNIVERSARIO DEFUNCTORUM

Officium

REQUIEM æténam dona eis Dómine : et lux perpétua lúceat eis. **℟.** **Ps. 64** Te decet hymnus Deus in Sion, et tibi reddétur votum in Jerúsalem : exáudi oratiódinem meam, ad te omnis caro véniet. **Réquiem.**

Pro uno, vel una tantum

Oratio

DEUS indulgentiárum Dómine, da ánimæ fámuli tui **vel** (fámulæ tuæ), cujus anniversárium depositiódinem diem commemorámus; refrigeríi sedem, quiétis beatitúdinem, et lúminis claritátem : Per Dóminum.

Pro pluribus Oratio

DEUS indulgentiarum Dómine, da animábus famulórum, famularúmque tuárum, quorum anniversárium depositiónis diem commemorámus; refrigerii sedem, quiétis beatitúdinem, et lúminis claritátem : Per Dóminum.

Lectio Libri Machabæorum.

2, c. 12

IN diébus illis : Vir fortissimus Judas, facta collatióne, duódecim millia drachmas argénti misit Jerosólymam offérri pro peccátis mortuórum sacrificium, bene et religiósè de resurrectione cógitans. (Nisi enim eos, qui ceciderant, resurrectúros speráret, superfluum viderétur, et vanum oráre pro mórtuis). Et quia considerábat quod hi, qui cum pietáte dormitiónem accéperant, óptimam habérent repósitam grátiam. Sancta ergo, et salúbris est cogitatio pro defúctis exoráre, ut a peccátis solvántur.

Si pro uno tantum celebretur

℟. Ps. 22 Si ámbulem in médio umbræ mortis, non timébo mala : quóniam tu mecum es, Dómine. **℣.** Virga tua, et báculo tuus, ipsa me consoláta sunt.

Tractus Ps. 41 Sicut cervus desiderat ad fontes aquárum : ita desiderat ánima mea ad te Deus. **℣.** Sitivit ánima mea ad Deum vivum : quando véniam et apparébo ante fáciem Dei mei? **℣.** Fuérunt mihi

lácrimæ meæ panes die ac nocte : dum dicitur mihi per singulos dies : Ubi est Deus tuus?

Si celebratur pro pluribus

℟. Réquiem ætérnam dona eis Dómine : et lux perpétua lúceat eis. **℣.** Animæ eórum in bonis demoréntur : et semen eórum heréditet terram.

Tractus Absólve Dómine ánnimas ómnium fidélium defunctorum ab omni vínculo delictórum. **℣.** Et grátia tua illis succurrénte, mereántur evádere iudiciu ultiónis, et lucis ætérnæ beatitúdine pérfrui.

Sequentia Dies iræ, pag. 115*

✠ **Sequentia sancti Evangélii** secúndum Joánnem. **c. 6**

IN illo témpore : Dixit Jesus turbis Judæórum : Omne, quod dat mihi Pater, ad me véniet : et eum, qui venit ad me, non ejiciam foras : quia descénderi de cælo, non ut fáciam voluntátem meam, sed voluntátem ejus, qui misit me. Hæc est autem volúntas ejus, qui misit me, Patris : ut omne, quod dedit mihi, non perdam ex eo, sed resúscitem illud in novíssimo die. Hæc est autem volúntas Patris mei, qui misit me : ut omnis, qui videt Fílium, et credit in eum, hábeat vitam ætérnam, et ego resuscitábo eum in novíssimo die.

Offertorium Dómine Jesu Christe, Rex glóriæ, libera ánimas ómnium fidélium defunctorum de manu inférni, et de profúndo lacu : libera eas

de ore leónis, ne absorbéat eas tártarus, ne cadant in obscura : sed signifer sanctus Michaél repræséntet eas in lucem sanctam : **Q**uam olim Abrahæ promisisti, et sémini ejus. **℟.** Hóstias et preces tibi, Dómine, offérimus : tu súscipe pro animábus illis, quarum hódie memóriam ágimus : fac eas Dómine de morte transire ad vitam. **Q**uam olim.

Pro uno, vel una tantum

Secreta

PROPITIARE Dómine supplicatiónibus nostris pro ánima fámuli tui **vel** (fámulæ tuæ), cujus hódie ánnua dies ágitur, pro qua tibi offérimus sacrificium laudis : ut eam Sanctórum tuórum consórtio sociáre dignéris. Per Dóminum.

Pro pluribus

Secreta

PROPITIARE Dómine supplicatiónibus nostris pro animábus famulórum, famularúmque tuárum, quorum hódie ánnua dies ágitur, pro quibus tibi offérimus sacrificium laudis ut eas Sanctórum tuórum consórtio sociáre dignéris. Per Dóminum.

Communio Lux æténa lúceat eis, Dómine, cum Sanctis tuis in ætérnum : quia pius es.

Pro uno, vel una tantum

Postcommunio

PRÆSTA, quæsumus Dómine, ut ánima fámuli tui **vel** (fámulæ tuæ), cujus anniversárium depositiónis diem

commemorámus; his purgáta sacrificiis, indulgéntiam páriter, et réquiem cápiat sempitérnam : Per Dóminum.

Pro pluribus Postcommunio

PRÆSTA, quæsumus Dómine, ut ánima famulórum famularúmque tuárum, quorum anniversárium depositiónis diem commemorámus; his purgáta sacrificiis, indulgéntiam páriter, et réquiem cápiant sempitérnam : Per Dóminum.

IN MISSIS QUOTIDIANIS DEFUNCTORUM

Officium

REQUIEM ætérnam dona eis Dómine : et lux perpétua lúceat eis. **℟.** Ps. 64
Te decet hymnus Deus in Sion, et tibi reddétur votum in Jerúsalem : exáudi oratiónem meam, ad te omnis caro véniet. **R**équiem.

Pro defunctis Episcopis, seu Sacerdotibus

Oratio

DEUS, qui inter apostólicos Sacerdótes, fámulos tuos Pontificáli vel Sacerdotáli fecisti dignitáte vigére; præsta, quæsumus, ut eórum quoque perpétuo aggregéntur consórtio : Per Dóminum.

Eadem dicatur prima Oratio si ignoretur pro quo vel pro quibus celebrandum sit.

Si autem pro uno, vel pluribus, vel omnibus, eligatur prima Oratio inter diversas, pag. 121* et seq.

Secunda Oratio

Pro defunctis fratribus, propinquis, et benefactoribus

DEUS, vénia largitor, et humanæ salutis auctor, quæsumus cleméntiam tuam : ut nostræ congregatiónis fratres, soróres, familiáres, et benefactóres, qui ex hoc sæculo transiérunt; beáta María semper Virgine intercedénte cum ómnibus Sanctis tuis, ad perpétuæ beatitúdinis consórtium pervenire concédas : Per Dóminum.

Si hæc Oratio prima dicatur, secunda Oratio erit pro Patre et Matre inter diversas 8, pag. 124*. Deus qui nos patrem et matrem...

Tertia Oratio

Pro vivis et defunctis

OMNIPOTENS sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse prænoscis; te supplices exorámus : ut pro quibus effúndere preces decrévimus, quosque vel præsens sæculum adhuc in carne rétinet, vel futúrum jam exútos corpore suscepit; intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur : Per Dóminum.

Léctio Libri Apocalýpsis beáti Joánnis Apóstoli. c. 14

IN diébus illis : Audívi vocem de cælo, dicéntem mihi : Scribe : Beáti mórtui, qui in Dómino moriúntur. Amodo

jam dicit Spiritus, ut requiescant a labóribus suis : Opera enim illórum sequúntur illos.

Si pro pluribus celebretur

R. Réquiem ætérnam dona eis Dómine : et lux perpétua lúceat eis. **V.** Animæ eórum in bonis demoréntur : et semen eórum heréditet terram.

Tractus Absólve Dómine ánnimas ómnium fidélium defunctorum ab omni vínculo delictórum. **V.** Et grátia tua illis succurrénte, mereántur evádere iudiciu ultiónis, et lucis ætérnæ beatitúdine pérfrui.

Si pro uno tantum celebretur

R. Ps. 22 Si ámbulem in médio umbræ mortis, non timebo mala : quóniam tu mecum es Dómine. **V.** Virga tua, et báculus tuus : ipsa me consoláta sunt.

Tractus Ps. 41 Sicut cervus desiderat ad fontes aquárum : ita desiderat ánima mea ad te Deus. **V.** Sitívit ánima mea ad Deum vivum : quando véniam et apparebo ante faciém Dei mei? **V.** Fuérunt mihi lácrimæ meæ panes die ac nocte : dum dicitur mihi per singulos dies : Ubi est Deus tuus?

Sequentia Dies iræ, in Missis lectis pro arbitrio Sacerdotis, pag. 115*

✠ Sequentia sancti Evangélii secúndum Joánnem. c. 6

IN illo témpore : Dixit Jesus turbis Judæórum : Ego sum panis vivus, qui de cælo descéndi. Si quis manducáverit ex hoc pane, vivet in

ætérnum : et panis, quem ego dabo, caro mea est pro mundi vita. Litigábant ergo Judæi ad invicem, dicéntes : Quómodo potest hic nobis carnem suam dare ad manducándum? Dixit ergo eis Jesus : Amen, amen dico vobis : nisi manducavéritis carnem Filiū hóminis, et bibéritis ejus sánguinem, non habébitis vitam in vobis. Qui manducat meam carnem, et bibit meum sánguinem, habet vitam ætérnam : Et ego resuscitábo eum in novíssimo die.

Offertorium Dómine Jesu Christe, Rex glóriæ, libera ánimas ómnium fidélium defunctorum de manu inférni, et de profúndo lacu : libera eas de ore leónis, ne absórbeat eas tártarus, ne cadant in obscura : sed signifer sanctus Michaél repræséntet eas in lucem sanctam : **Quam** olim Abrahæ promisisti, et sémini ejus. **℟.** Hóstias et preces tibi, Dómine, offérimus : tu súscipe pro animábus illis, quarum hódie memóriam ágimus : fac eas Dómine de morte transire ad vitam. **Quam** olim.

**Pro defunctis Episcopis,
seu Sacerdotibus
Secreta**

SUSCIPE Dómine, quæsumus, pro animábus famulorum tuorum Pontíficum vel Sacerdotum, quas offérimus, hóstias : ut quibus in hoc sáculo Pontificále seu Sacerdotále donásti méritum, in cælésti regno Sanctorum tuorum júbeas jungi consórtio. Per Dóminum.

Hæc Secreta prima dicatur, vel alia eligatur, prout supra dictum est de prima Oratione.

Secunda Secreta

**Pro defunctis fratribus,
propinquis, et benefactoribus**

DEUS, cujus misericórdiæ non est número, súscipe propítius preces humilitátis nostræ : et animábus fratrum, sororum, familiarium, et benefactorum nostrorum, quibus tui nóminis dedísti confessiónem, per hæc sacraménta salutis nostræ, cunctorum remissionem tribue peccatorum. Per Dóminum.

Si hæc Secreta prima dicatur, secunda Secreta erit pro Patre et Matre inter diversas 8, pag. 124*. Súscipe sacrificium...

Tertia Secreta

Pro vivis et defunctis

DEUS, cui soli cónitus est número electorum in supérna felicitáte locándus : tribue quæsumus, ut intercedéntibus ómnibus Sanctis tuis, universorum, quos in oratione commendátos suscepimus, et ómnium fidélium nómina beátæ prædestinatiónis liber adscripta retineat. Per Dóminum.

Communio Lux ætérna lúceat eis, Dómine, cum Sanctis tuis in ætérnum : quia pius es.

**Pro defunctis Episcopis,
seu Sacerdotibus**

Postcommunio

PROSIT, quæsumus Dómine, animábus famulorum tuorum Pontíficum seu Sacer-

dótum misericórdiæ tuæ imploráta cleméntia; ut ejus, in quo speravérunt, et credidérunt, ætérnum cápian, te miseránte, consórtium : Per Dóminum.

Hæc Postcommunio prima dicatur, vel alia eligatur, prout supra dictum est de prima Oratione.

Secunda Postcommunio

Pro defunctis fratribus, propinquis, et benefactoribus

PRÆSTA, quæsumus, omnípotens et miséricors Deus : ut ánimæ fratrum, sorórum, familiárium, et benefactorum nostrórum, pro quibus hoc sacrificium laudis tuæ obtúlimus majestáti; per hujus virtútem sacraménti a peccátis ómnibus expiátæ, lucis perpétuæ, te miseránte, recipiant beatitúdinem : Per Dóminum.

Si hæc Postcommunio prima dicatur, secunda Postcommunio erit pro Patre et Matre, inter diversas 8, pag. 124*. Cæléstis participatio...

Tertia Postcommunio

Pro vivis et defunctis

PURIFICENT nos, Dómine quæsumus, sacraménta, quæ sumpsimus : et intercedéntibus ómnibus Sanctis tuis, præsta, ut hoc tuum sacraméntum non sit nobis reátus ad pœnam; sed intercessio salutáris ad véniam : sit ablútio scélerum, sit fortitúdo fragílium, sit contra ómnia mundi pericula firmaméntum; sit vivórum atque mortuórum fidé-

lium remissio ómnium peccatórum : Per Dóminum.

Epistolæ et Evangelia superius posita in una Missa pro Defunctis, dici possunt etiam in alia Missa similiter pro Defunctis.

ORATIONES DIVERSÆ PRO DEFUNCTIS

1. In die depositionis, et anniversario summi Pontificis dicitur prima Missa die 2 Nov., præter Orationes sequentes.

Oratio

DEUS, qui inter summos Sacerdótes fámulum tuum **N.** ineffábili tua dispositióne connumerári voluisti : præsta quæsumus, ut qui unigéniti Fílii tui vices in terris gerébat; sanctorum tuórum Pontíficum consórtio perpétuo aggregé-
tur : Per eúmdem.

Secreta

SUSCIPE Dómine, quæsumus, pro ánimá fámuli tui **N.** summi Pontificis, quas offérimus, hóstias : ut cui in hoc sáculo Pontificále donásti méritum, in cælésti regno Sanctorum tuórum júbeas jungi consórtio. Per Dóminum.

Postcommunio

PROSIT, quæsumus Dómine, ánimá fámuli tui **N.** summi Pontificis misericórdiæ tuæ imploráta cleméntia; ut ejus, in quo sperávit et credidit, ætérnum cápíat, te miseránte, consórtium : Per Dóminum.

2. In die depositionis, et anniversario Episcopi, prima Missa ut supra, pag. 114*, et Orationes sequentes.

Oratio

DEUS, qui inter apostolicos Sacerdotes famulum tuum **N.** Pontificali fecisti dignitate vigere; præsta, quæsumus, ut eorum quoque perpetuo aggregetur consortio : Per Dominum.

Secreta

SUSCIPE Domine, quæsumus, pro anima famuli tui **N.** Pontificis, quas offerimus, hostias : ut cui in hoc sæculo Pontificale donasti meritum, in cælesti regno Sanctorum tuorum jubeasungi consortio. Per Dominum.

Postcommunio

PROSIT, quæsumus Domine, animæ famuli tui **N.** Pontificis misericordiæ tuæ implorata clementia; ut ejus, in quo speravit, et credidit, æternum capiat, te miserante, consortium : Per Dominum.

In die depositionis, et anniversario alicujus Sacerdotis, dici etiam potest prima Missa ut supra, pag. 114*, cum Orationibus Deus, qui inter apostolicos, etc. ut pro Episcopo; sed ubi dicitur Pontificali, dicatur Sacerdotali : ubi dicitur Pontificis, dicatur Sacerdotis.

Si fuerint plures, dicatur ut supra in tertia Missa.

Pro Episc. Cardinali defuncto, dicatur famulum tuum **N.** Episcopum Cardinalem Pontificali fecisti, etc.

Pro Presbytero Cardinali, dicatur famulum tuum **N.** Presbyterum Cardinalem Sacerdotali fecisti, etc.

Pro Diacono autem Cardinali, dicatur Oratio : Inclina Domine, ut

infra, ut animam famuli tui **N.** Diaconi Cardinalis, quam de hoc, etc.

3. Pro defuncto Episcopo alia

Oratio

DA nobis Domine, ut animam famuli tui **N.** Episcopi, quam de hujus sæculi eduxisti laborioso certamine; Sanctorum tuorum tribuas esse consortem : Per Dominum.

Secreta

ANNUE nobis, quæsumus Domine, ut animæ famuli tui **N.** Episcopi hæc prosit oblatio, quam immolando, totius mundi tribuisti relaxari delicta. Per Dominum.

Postcommunio

HIS sacrificiis, quæsumus omnipotens Deus, purgata anima famuli tui **N.** Episcopi; ad indulgentiam, et refrigerium sempiternum pervenire mereatur : Per Dominum.

4. Pro defuncto Sacerdote alia

Oratio

PRÆSTA, quæsumus Domine, ut anima famuli tui **N.** Sacerdotis, quem in hoc sæculo commorantem, sacris munèribus decorasti; in cælesti sede, gloriôsa semper exsultet : Per Dominum.

Secreta

SUSCIPE, quæsumus Domine pro anima famuli tui **N.** Sacerdotis, quas offerimus, hostias : ut cui Sacerdotale donasti meritum, dones et præmium. Per Dominum.

Postcommunio

PRÆSTA, quæsumus omnípotens Deus; ut ánimam fámuli tui **N.** Sacerdótis in congregatióne justórum æternæ beatitúdinis júbeas esse consórtem : Per Dóminum.

Si pro pluribus, dicantur in plurali.

5. Pro uno defuncto

Oratio

INCLINA Dómine aurem tuam ad preces nostras, quibus misericórdiam tuam súpplices deprecámur : ut ánimam fámuli tui, quam de hoc sáculo migráre jussisti, in pacis ac lucis regiône constituas; et Sanctórum tuórum júbeas esse consórtem : Per Dóminum.

Secreta

ANNUE nobis, quæsumus Dómine, ut ánimæ fámuli tui hæc prosit oblátio, quam immolándo, totíus mundi tribuisti relaxári delicta. Per Dóminum.

Postcommunio

ABSOLVE, quæsumus Dómine, ánimam fámuli tui ab omni vínculo delictórum; ut in resurrectionis glória, inter Sanctos et eléctos tuos resuscitátus respíret : Per Dóminum.

6. Pro una defuncta

Oratio

QUÆSUMUS Dómine, pro tua pietáte miserére ánimæ fámulæ tuæ : et a contágiis mortalitátis exútam; in æternæ salvatiónis partem restitue : Per Dóminum.

Secreta

HIS sacrificiis, quæsumus Dómine, ánimæ fámulæ tuæ a peccátis omnibus exuátur, sine quibus a culpa nemo liber éxstitit : ut per hæc piæ placatiónis officia, perpétuam misericórdiam consequátur. Per Dóminum.

Postcommunio

INVENIAT, quæsumus Dómine, ánimæ fámulæ tuæ lucis æternæ consórtium; cujus perpétuæ misericórdiæ consecúta est sacraméntum : Per Dóminum.

7. Pro patre, vel matre tantum

Oratio

DEUS, qui nos patrem et matrem honoráre præcepísti; miserére cleménter ánimæ patris mei : *vel* (matris meæ) : ejúsque peccáta dímítte; meque eum *vel* (eam) in æternæ claritátis gáudio fac vidére : Per Dóminum.

Secreta

SUSCIPE sacrificium Dómine, quod tibi pro ánimá patris mei *vel* (matris meæ) offero : eique gáudium sempiternum in regiône vivórum concéde; meque cum illo *vel* (illa) felicitáti Sanctórum conjúnge. Per Dóminum.

Postcommunio

CÆLESTIS participátio sacraménti, quæsumus Dómine, ánimæ patris mei *vel* (matris meæ) réquiem et lucem obtíneat perpétuam; meque cum illo *vel* (illa) grátia tua corónet æterna : Per Dóminum.

8. Pro patre et matre simul

Oratio

DEUS, qui nos patrem et matrem honorare præcepisti; miserere clementer animabus paréntum nostrórum *vel* (meórum) : eorúmque peccáta dimitte; nosque *vel* (meque) eos in æternæ claritátis gáudio fac vidére : Per Dóminum.

Secreta

SUSCIPE sacrificium Dómine, quod tibi pro animabus paréntum nostrórum offérimus *vel* (meórum óffero) : eisque gáudium sempiternum in regione vivórum concéde; nosque *vel* (meque) cum illis felicitáti Sanctórum conjúge. Per Dóminum.

Postcommunio

CÆLESTIS participátio sacraménti, quæsumus Dómine, animabus paréntum nostrórum *vel* (meórum) réquiem et lucem obtineat perpétuam; nosque *vel* (meque) cum illis grátia tua coronet æterna : Per Dóminum.

9. Pro his, qui in cœmeterio requiescunt

Oratio

DEUS, cujus miseratione animæ fidélium requiescunt : famulis et famulábus tuis ómnibus, hic et ubique in Christo quiescéntibus, da propítius véniam peccatórum; ut a cunctis reátibus absoluti, tecum sine fine læténtur : Per eúmdem Dóminum.

Secreta

PRO animábus famulórum famularúmque tuárum, et ómnium catholicórum hic et ubique in Christo dormiéntium, hóstiam Dómine súscipe benignus oblátam : ut hoc sacrificio singulári, vínculis horréndæ mortis exútæ, vitam mereántur æternam. Per eúmdem Dóminum.

Postcommunio

DEUS, fidélium lumen animárum, adésto supplicatióibus nostris : et da famulis et famulábus tuis, quorum cörpera hic et ubique in Christo requiescunt; refrigerii sedem, quiétis beatitúdinem, et lúminis claritatem : Per eúmdem Dóminum.

10. Pro pluribus defunctis

Oratio

DEUS, cui próprium est misereri semper et párcere : propitiare animabus famulórum famularúmque tuárum, et ómnia eórum peccáta dimitte; ut mortalitátis vínculis absolutæ, transire mereántur ad vitam : Per Dóminum.

Secreta

ANNUE nobis Dómine, ut animabus famulórum famularúmque tuárum hæc prosit oblátio, quam immolándo, totíus mundi tribuísti relaxári delicta. Per Dóminum.

Postcommunio

DEUS, cui soli còmpetit medicinam præstare post mortem; præsta quæsumus,

ut ánimæ famulorum famularúmque tuárum, terrénis exútæ contágiis, in tua redemptionis parte numeréntur : Qui vivis.

11. Alia pro pluribus defunctis

Oratio

ANIMABUS, quæsumus Dómine, famulorum famularúmque tuárum misericórdiam concéde perpétuam; ut eis proficiat in ætérnum, quod in te speravérunt, et credidérunt : Per Dóminum.

Secreta

HIS, Dómine quæsumus, placátus inténde munéribus : et quod ad laudem tui nóminis supplicántes offérimus, ad indulgéntiam proficiat defunctorum. Per Dóminum.

Postcommunio

SUPPLICES, Dómine, pro animábus famulorum famularúmque tuárum preces effúdimus : obsecrántes, ut quidquid conversatióne contraxérunt humána, et cleménter indúlgeas; et in tuorum sede lætántium constitúas redemptórum : Per Dóminum.

12. Alia pro pluribus defunctis

Oratio

PROPITIARE, quæsumus Dómine, animábus famulorum famularúmque tuárum misericórdia sempitérna; ut mortalitátis nexibus expeditas, beáta María semper Virgine intercedénte cum ómni-

bus Sanctis, lux ætérna possídeat : Per Dóminum.

Secreta

HOSTIAS tibi Dómine húmili deprecatione deférimus : ut ánimæ famulorum famularúmque tuárum, per hæc piæ placatiónis officia, tuam misericórdiam consequántur. Per Dóminum.

Postcommunio

DEUS, vita vivéntium, spes moriéntium, salus ómnium in te sperántium : præsta propítius, ut ánimæ famulorum famularúmque tuárum, a nostræ mortalitátis nexibus absolutæ; beáta María semper Virgine intercedénte, in perpétua cum Sanctis tuis luce læténtur : Per Dóminum.

Orationes pro omnibus defunctis simul, vide in Commemoratione Omnium Fidelium Defunctorum, die 2 Novembris.

RITUS INDUENDI

puerum, vel puellam, ex devotione, vel voto, habitu Ordinis nostri

Benedictio Vestimentorum

Sacerdos cum stola, accedens ad altare, astante puero, (vel puella), benedicat vestimenta hoc modo.

✠. Adjutórium nostrum in nómine Dómini. ✠. Qui fecit cælum et terram.

✠. Dómine exáudi oratióne meam. ✠. Et clamor meus ad te véniat.

℟. Dóminus vobiscum.

℞. Et cum spíritu tuo.

Orémus

Oratio

DOMINE Jesu Christe, qui pro salute nostra humanam naturam suscipiens, te vestiménto carnis induere dignátus es, benedictióne tua sancta béne **✠**dic induménta ista, quæ pro grátiis tibi exsolvendis, cum devotiōne, sanctoque voto, ac veneratiōne beatissimæ Mariæ semper Virginis, et beáti Domínici Patris nostri, párvulus iste **vel** (puella ista) super se susceptúrus **vel** (susceptúra) est : infúnde in eum **vel** (in eam), quæsumus, tuam benedictiōnem, ut cum primum induerit hoc vestiméntum Religióni simile, intercedente beáto Domínico Patre nostro, descéndat super eum **vel** (eam) grátia tua, quæ illum **vel** (illam) prótegat ab omni malo mentis et córporis. Qui vivis et regnas.

Deinde aspergat Sacerdos vestimenta et puerum (vel puellam) aqua benedicta.

Postea eum (vel eam) exuens vestimentis sæcularibus, dicat :

Eripiat Deus de corde tuo sæculi pompas, quibus abrenuntiásti, dum baptísmum suscíperes.

Postea induat eum (vel eam) tunica, et dicat :

Immíttat in te Dóminus sanctum religiōnis amórem, sanctoque fervóre succendáris, et árdeas cæléstium bonórum desidério.

Postmodum cingat eum (vel eam) dicendo :

Præcingat te Dóminus zona justitiæ, ut immaculáta cónserves ómnia mandáta ejus.

Postea ponat ei scapulare, et dicat :

Induat te Dóminus vestiméntis salutis, quæ per grátiam suam munda et immaculáta custódi : ut iis dignus **vel** (digna) exsístas, qui secum ambulábunt in albis in regno cælórum.

Deinde vestiens eum (vel eam) cappa, dicat :

Induat te Dóminus Jesus Christus vestiménto salutis; et induménto justitiæ circúmdet te.

Postea det ei candelam accensam in manibus, et dicat Ps. Laudáte púeri Dóminum.

℟. Osténde nobis Dómine misericórdiam tuam. ℞. Et salutáre tuum da nobis.

℟. Dóminus vobiscum.

Orémus

Oratio

DOMINE Jesu Christe, Fili Dei vivi, qui tégimen nostræ mortalitátis induere dignátus es : obsecrámus imménsæ largitátis tuæ abundantiam quátenus puerum istum, **vel** (puellam istam,) quem **vel** (quam) hábitu sanctæ Religiónis ad honórem tuum, et beatissimæ Virginis Mariæ, et beáti Patris nostri Domínici vestivimus, ita tua grátia et benignitáte illustráre dignéris, quátenus te induere mereáture : Qui cum Patre et Spíritu Sancto vivis.

Hac Oratione finita, puerum (vel puellam) ad altare offerat, et dicat :

Confirma hoc Deus in púero isto, *vel* (puélla ista,) quod in eo *vel* (in ea) operári cœpisti a templo sancto tuo. Dedúcat eum *vel* (eam) Spíritus Sanctus in viam rectam, et benedictio tua sit super eum *vel* (eam) semper.

Poterit deinde dicere Orationem de beata Virgine : Prôtege Dómine fámulum tuum *vel* (fámulam tuam,) et Orationem de sancto Patre nostro Dominico.

Postea benedicat circumstantes, dicendo :

Benedictio Dei omnipoténtis, ✠ Patris et Filii et Spíritus Sancti, descéndat super vos, et máneat semper. *℟*. Amen.

ORDO AD EXUENDUM PUERUM,

(vel puellam) cum per annum, vel plus portaverit habitum præfatum ex voto, vel devotione.

Sacerdos cum stola veniens ad altare, præsentatum sibi puerum (vel puellam) a parentibus accipiens, eum (vel eam) exuendo habitu Ordinis, dicat :

Réddite vota vestra Deo cum gratiárum actiónibus. Vovéte, et réddite Dómino Deo vestro, omnes qui in circúitu ejus affértis múnera. *Ps. 116* Laudáte Dóminum omnes gentes, *integer*.

Postea deponat habitum super altare, vel donet parentibus, si voluerit, et dicat :

℟. Adjutórium nostrum in nómine Dómini.

℟. Dómine exáudi oratiónem meam.

℟. Dóminus vobíscum.

Orémus

Oratio

DOMINE sancte, Pater omnipotens, ætérne Deus, a quo omne bonum descéndit, tibi grátias reférimus, et expléta vota réddimus : súscipe vota nostra cum gratiárum actiónibus, et intercedénte beatíssima Filii tui Dómini nostri Jesu Christi Genitríce María, et beáto Dominico Patre nostro, huic púero *vel* (puéllæ) de cétero mentis et córporis præsta salútem, ut te Creatórem recta fide colat, in te Redemptóre spem suam confirmet, te bonum super ómnia diligat, atque sanctis mandátis tuis semper obédiat. Per eúmdem.

Deinde omnibus benedicat, dicens :

Benedictio Dei omnipoténtis, ✠ Patris et Filii et Spíritus Sancti, descéndat super vos, et máneat semper. *℟*. Amen.

Postea aspergat eos aqua benedicta, et eant in pace.

BENEDICTIONES VARIÆ,

in quibus Sacerdos stolam pro ratione temporis deferat, nisi aliter notetur

MODUS BENEDICENDI AQUAM

qua fideles asperguntur

Utatur stola violacea

℟. Adjutórium nostrum in nómine Dómini. *℟*. Qui fecit cælum et terram.

Exorcismus salis

EXORCIZO te, creatúra salis, per Deum ✠ vivum, per Deum ✠ verum, per Deum ✠ sanctum : per Deum, qui te per Eliséum Prophétam in aquam mitti jussit, ut sanarétur sterilitas aquæ : ut efficiáris sal exorcizátum in salutem credéntium : et sis ómnibus suméntibus te sánitas ánimæ et córporis : et effúgiat, atque discédât a loco, in quo aspérsum fúeris, omnis phantásia, et nequítia, vel versútia diabólicæ fraudis, omnisque spíritus immúndus, adjurátus per eum, qui ventúrus est judicáre vivos et mórtuos, et sáeculum per ignem. ℟. Amen.

Orémus

Oratio

IMMENSAM cleméntiam tuam, Omnipotens ætérne Deus, humíliter implorámus : ut hanc creatúram salis, quam in usum géneris humáni tribuísti, bene ✠ dicere et sancti ✠ ficáre tua pietáte dignéris : ut sit ómnibus suméntibus salus mentis et córporis : et quidquid ex eo tactum, vel respérsum fúerit, cáreat omni immundítia, omnique impugnatione spiritalis nequitiæ. Per Dóminum. ℟. Amen.

Exorcismus aquæ

EXORCIZO te, creatúra aquæ, in nómine Dei ✠ Patris omnipoténtis, et in nómine Jesu ✠ Christi Filii ejus Dómini nostri, et in virtúte Spíritus ✠ Sancti : ut fias aqua exorcizáta ad effugándam om-

nem potestátem inimici, et ipsum inimicum eradicáre et explantáre váleas cum ángelis suis apostáticis, per virtútem ejúsdem Dómini nostri Jesu Christi : qui ventúrus est judicáre vivos et mórtuos, et sáeculum per ignem. ℟. Amen.

Orémus

Oratio

DEUS, qui ad salutem humáni géneris máxima quæque sacraménta in aquárum substántia condidísti : adesto propítius invocatióibus nostris, et eleménto huic, multimodis purificatióibus præparáto, virtútem tuæ bene ✠ dictiúnis infúnde : ut creatúra tua, mystériis tuis sérvians, ad abigéndos dæmones, morbósque pelléndos, divínæ grátia sumat efféctum : ut quidquid in dómibus, vel in locis fidélium hæc unda respérserit, cáreat omni immundítia, liberétur a noxa : non illic resideat spíritus péstilens, non aura corrúmpens : discédant omnes insidiæ laténtis inimici : et si quid est, quod aut incolumitáti habitántium invidet, aut quiéti, aspersione hujus aquæ effúgiat : ut salúbritas, per invocatióem sancti nóminis tui expetíta, ab ómnibus sit impugnationibus defénsa. Per Dóminum. ℟. Amen.

Hic ter mittat sal in aquam in modum ✠ dicendo semel :

COMMIXTIO salis et aquæ páriter fiat in nómine Pa ✠ tris et Fi ✠ lii et Spíritus ✠ Sancti. ℟. Amen.

℣. Dóminus vobíscum.

℟. Et cum spíritu tuo.

Orémus

DEUS invictæ virtútis auctor, et insuperabilis impérii rex, ac semper magníficus triumphátor : qui adversæ dominationis vires réprimis; qui inimíci rugiéntis sævitiam súperas; qui hostiles nequítias poténter expúgnas : te Dómine treméntes et súpplices deprecámur ac pétimus, ut hanc creatúram salis et aquæ dignánter aspicias, benignus illústres, pietátis tuæ rore sancti ✠ fices : ut ubicúmque fúerit aspérsa, per invocatióem sancti tui nóminis, omnis infestatio immúndi spíritus abigátur, terrórque venenósi serpéntis procul pellátur, et præsentia Sancti Spíritus nobis misericórdiam tuam poscéntibus ubique adéssé dignétur. Per Dóminum... in unitáte ejúsdem. ℟. Amen.

BENEDICTIO ROSARIORUM

℣. Adjutórium nostrum in nómine Dómini. ℟. Qui fecit cælum et terram.

℣. Dómine exáudi oratióem meam. ℟. Et clamor meus ad te véniat.

℣. Dóminus vobíscum.

℟. Et cum spíritu tuo.

Orémus

OMNIPOTENS et miséricors Deus, qui propter eximiam caritátem tuam, qua

dilexisti nos, Filium tuum unigénitum, Dóminum nostrum Jesum Christum, de cælis in terram descéndere, et de beatíssimæ Vírginis Mariæ, Dóminæ nostræ, útero sacratíssimo, Angelo nuntiánte, carnem suscipere, crucémque ac mortem subíre, et tértia die glorióse a mórtuis resúrgere voluísti, ut nos eríperes de potestáte diáboli : obsecrámus imménsam cleméntiam tuam, ut hæc signa Rosárii, in honórem et laudem ejúsdem Genitrícis Fílii tui ab Ecclésia tua fidéli dicáta, bene ✠ dicas, et sancti ✠ fices, eisque tantam infúndas virtútem Spíritus Sancti : ut quicúmque horum quódlibet secum portáverit, atque in domo sua reverénter tenúerit, et in eis ad te, secúndum ejúsdem sanctæ Societátis institúta, divina contemplándo mystéria, devóte oráverit, salúbri et perseveránti devotióne abúndet, sitque consors et párticeps ómnium gratiárum, privilegiórum, et indulgentiárum, quæ eidem Societáti per sanctam sedem Apostólicam concéssa fuérunt; ab omni hoste visíbili, et invisíbili semper et ubique in hoc sáculo liberétur; et in éxitu suo ab ipsa beatíssima Vírgine Maria Dei Genitrice tibi plenus bonis opéribus præsentári mereátur. Per eúmdem Dóminum nostrum Jesum Christum Fílium tuum, qui tecum vivit et regnat in unitáte ejúsdem.

℟. Amen.

Aspergantur aqua benedicta.

FORMULA BREVIOR

AD laudem et glóriam Def-
paræ Virginitatis Mariæ, in
memóriam mysteriôrum vitæ,
mortis et resurrectionis ejús-
dem Dómini nostri Jesu Chri-
sti, bene ✠ dicátur et sancti ✠
ficétur hæc sacratissimi
Rosárii coróna : in nómine
Patris ✠ et Filii et Spíritus
Sancti. ✠. Amen.

Si plura sint Rosaria benedicenda
Formula pronuntiatur in plurali.

Stola et aqua benedicta ad libitum.

BENEDICTIO ROSARUM

✠. Adjutórium nostrum in
nómine Dómini.

✠. Dóminus vobíscum.

Orémus

DEUS creátor et conservá-
tor géneris humáni, da-
tor grátiae spirituális, et lar-
gitor æternæ salutis, benedi-
ctióne tua sancta bene ✠ dic
has rosas, quas pro grátiis
tibi exsolvendis, cum devo-
tione ac veneratióne beátæ
sempérque Virginitatis Mariæ
Rosárii, hódie tibi præsentá-
mus, et pétimus benedicí; et
infunde in eis per virtutem
sanctæ Cru ✠ cis benedicti-
onem cælestem : ut qui eas ad
odóris suavitatem, et repellén-
das infirmitates humano úsui
tribuísti, talem signáculo san-
ctæ Cru ✠ cis benedicti-
onem accípiant, ut quibuscúmque in
infirmitatibus appósitæ fúe-
rint, seu qui eas in dómibus
suis portáverint, ab infirmi-

tate sanéntur; discédant diá-
boli; contremíscant, et fúgiant
pávidi, cum suis ministris, de
habitationibus illis, nec ám-
plius tibi serviéntes inquietáre
præsúmant. Per Christum Dó-
minum nostrum. ✠. Amen.

Aspergantur aqua benedicta.

BENEDICTIO
CANDELARUM

Societatis sanctissimi Rosarii

✠. Adjutórium nostrum in
nómine Dómini.

✠. Dóminus vobíscum.

Orémus

DOMINE Jesu Christe, lux
vera, qui illúminas om-
nem hóminem veniéntem in
hunc mundum, effúnde per
intercessi-
onem Virginitatis Mariæ
matris tuæ, et per quíndecim
ejus Rosárii mystéria bene ✠
dicti-
onem tuam super hos cé-
reos, et candélas, et sanctifica
eas lúmine tuæ grátiae : et
concéde propítius, ut sicut
hæc luminária, igne visibili
accénsa, noctúrnas depéllunt
ténébras, ita corda nostra, in-
visibili igne, ac Spíritus ✠
Sancti splendóre illustráta,
ómnium vitiórum cæcitate cá-
reant : ut puro mentis óculo
cérnere semper possimus, quæ
tibi plácita sunt, et nostræ sa-
lúti utilia : quátenus post hujus
sæculi caliginósa discrimina,
ad lucem indeficiéntem perve-
nire mereámur. Qui vivis et
regnas per ómnia sæcula sæ-
culórum. ✠. Amen.

Aspergantur aqua benedicta.

BENEDICTIO AQUÆ
cum Reliquiis sancti Petri
Martyris Ordinis nostri

℟. Adjutórium nostrum in
nómine Dómini.

℟. Dómine exáudi oratióem
meam.

℟. Dóminus vobíscum.

Orémus

DEUS, qui ad salútem hu-
máni géneris, máxima
quæque sacraménta in aquá-
rum substántia condidisti, adé-
sto propítius invocatióibus
nostris, et eleménto huic
aquæ, quod beáti Petri Már-
tyris tui virtúte consignámus,
virtútem tuæ bene ✠ dictiónis
infúnde : ut per intervéntum
ejúsdem Mártyris tui sit fidé-
libus tuis in remédium salu-
táre, dæmones ab eis ejiciens,
morbos ac infirmitátes corpo-
ris et ánimæ repéllens : et
præsta, ut quicúmque eam
súmpserint, vel ea aspérsi fúe-
rint, ab omni adversitaté áni-
mæ et córporis liberéntur, et
utriúsque hóminis recipiant
sanitátem. Per Christum Dó-
minum nostrum. ℟. Amen.

Orémus

IMMENSAM cleméntiam tuam,
omnipotens ætérne Deus,
humiliter implorámus : ut hos
fidéles tuos, ad reliquias beáti
Petri Mártyris devóte acce-
déntes, et ejus suffrágia po-
stulántes, tua ineffábili vir-
túte bene ✠ dicere dignéris :
ut per intervéntum ejúsdem
Mártyris tui ab omni ægritú-

dine mentis et córporis libe-
ráti, tuáque hic et ubique mi-
sericórdia custodíti, et grátia
salváti, post hujus quoque viæ
ac vitæ cursum, ad ætérna
mereántur gáudia perveníre.
Per Christum Dóminum no-
strum. ℟. Amen.

BENEDICTIO OLIVARUM
in festo sancti Petri Martyris
Ordinis nostri

℟. Adjutórium nostrum in
nómine Dómini.

℟. Dóminus vobíscum.

Orémus

DOMINE Jesu Christe, Fili
Dei vivi, béne ✠ dic oli-
vas istas supplicatióibus no-
stris : et infúnde eis Dómine
per virtútem sanctæ Cru- ✠
cis, et per intercessiόem beá-
ti Petri Mártyris, benedictiό-
nem cæléstem, qui eas ad
repelléndas ténebras humano
géneri tribuísti : talémque be-
nedictiόem signáculo sanctæ
Cru ✠ cis accípiant, ut in qui-
buscúmque locis pósitæ fúe-
rint, discédant príncipes tene-
brárum, et contremiscant, et
fúgiant pávidi, cum ómnibus
ministris suis, de locis, vel
habitatióibus illis : non ibi
nóceant fúlmina, et tempestá-
tes; non fructus terræ con-
súmat, aut depérdat ulla in-
tempéries eleménti; nihilque
inquiétet, aut moléstet ser-
viéntes tibi omnipoténti Deo :
Qui vivis et regnas per ómnia
sæcula sæculórum. ℟. Amen.

Aspergantur aqua benedicta.

BENEDICTIO

Palmarum, vel aliorum
Ramorum in eodem festo

℣. Adjutórium nostrum in
nómine Dómini. ℟. Qui fecit
cælum et terram.

℣. Dóminus vobiscum.
℟. Et cum spiritu tuo.

Orémus

DOMINE Jesu Christe, Fili
Dei vivi, béne ✠ dic hos
árborum ramos supplicatió-
nibus nostris : et infúnde eis
Dómine per virtútem sanctæ
Cru ✠ cis, et per intercessi-
onem beáti Petri Mártiris, be-
nedictiónem cæléstem, qui
triumphatúrus de hoste géne-
ris humáni, per manus pue-
rórurum palmas, et árborum
ramos in honórem tuum adhi-
béri voluisti : talémque bene-
dictiónem signáculo sanctæ
Cru ✠ cis accipiant, ut in qui-
buscúmque locis áliquíd ex
eis pósitum fúerit, discédant
príncipes tenebrárum, et con-
tremíscant, ac fúgiant pávidi,
cum ómnibus ministris suis,
de locis, vel habitatióibus
illis : non ibi nóceant fúlmina,
et tempestátes; non fructus
terræ consúmat, aut depérdat
ulla intempéries eleménti; ni-
hílque inquietet, aut moléstet
serviéntes tibi omnipoténti
Deo : Qui vivis et regnas per
ómnia sæcula sæculórum.

℟. Amen.

Aspergantur aqua benedicta.

BENEDICTIO AQUÆ

S. Vincentii Ferrerii
pro infirmis

Sacerdos stolam deferens dicat :

℣. Adjutórium nostrum in
nómine Dómini. ℟. Qui fecit
cælum et terram.

℣. Sit nomen Dómini bene-
dictum. ℟. Ex hoc nunc et
usque in sæculum.

℣. Dómine exáudi oratióem
meam. ℟. Et clamor meus ad
te véniat.

℣. Dóminus vobiscum.
℟. Et cum spiritu tuo.

Orémus

Oratio

MAJESTATEM tuam Dómine
súpplices exorámus ut
qui in desérto erémi petram
benedixisti, ut bis a virga
Móysi percússa, aquæ ex ea
largíssime egrederéntur, et
gémnam illam percussiónem
sacraméntum Passiós et duo
ligna Crucis significáre volui-
sti, tua quoque benignitáte et
cleméntia per ejúdem sanctæ
Crucis mystérium, aquam
istam larga benedictióe san-
cti ✠ fices, ut omnis infirmus,
qui de ea biberit, vel ex ea
aspérsus fúerit, sentiat statim
salutárem tuæ benedictiós
efféctum. Per Christum Dómi-
num nostrum. ℟. Amen.

BENEDICO hanc aquam in
nómine Dei Pa ✠ tris om-
nipoténtis, qui hoc ad usum
humánurum grátur creávit ele-
méntur, ut sit sórdiur lavá-
crur córporis et ánimæ, mira
omnipoténtia elevátur; potur
sitiéntibus tribuat, refrigé-
riur sit æstuántibus, via et

sémita navigántibus; et qui in aqua et per aquam in mundi univérsi submersióne sacraméntum novæ Legis præsignávit, cum octo ánimas salvávit in arca super eam ambulánte, et apértis cataráctis cæli plúere fecit eam quadragínta diébus, et quadragínta nóctibus super terram, hanc aquam bene ✠ dicat et sancti ✠ ficet, ut ad sui sancti nóminis et sancti Vincéntii invocatiónem ægrórum sanet, consólidet infirmum, dejéctum érigat, im-múndum puríficet, ac peténti ab eo salútem poténter restituat. In nómine Patris, et Filii, ✠ et Spíritus Sancti. *℟.* Amen.

Tangens Sacerdos vas aquæ Reliquia vel Imáagine S. Vincentii dicat :

Orémus

Oratio

ADESTO, Dómine, supplicatióibus nostris et eleménto huic aquæ méritis sancti Vincéntii, cujus Reliquia *vel* (Imáagine) tángitur, virtútem tuæ iterátæ bene ✠ dictiónis infúnde, ut bibénti fiat potus ad salútem. In nómine Patris, et Filii, ✠ et Spíritus Sancti. *℟.* Amen.

Duæ Cruces in hac Oratione præsignatæ fieri debent cum Reliquia vel Imáagine.

Sacerdos dicat Ant. :

Adsit nobis propítius in hujus vitæ vespere, ad Christum nos Vincéntius tuto ferens itínere.

℟. Ora pro nobis beáte Vincénti. *℟.* Ut digni efficiámur promissiónibus Christi.

Orémus

Oratio

DEUS, qui géntium multitúdinem, mira beáti Vincéntii Confessóris tui prædi-

catióne, ad agnitióem tui nóminis veníre tribuísti : præsta quæsumus ut quem ventúrum Júdicem nuntiávit in terris, præmiatórem habére mereámur in cælis Christum Dóminum nostrum.

℟. Amen.

BENEDICTIO CINGULI ET NUMISMATIS

S. Thomæ Aquinatis O. N.

Utatur stola alba

℟. Adjutórium nostrum in nómine Dómini.

℟. Dóminus vobiscum.

Orémus

Oratio

DOMINE Jesu Christe, Fili Dei vivi, puritátis amátor et custos, obsecrámus imménsam cleméntiam tuam : ut sicut ministério Angelórum sanctum Thomam Aquinátem cingulo castitátis cingere, et a labe córporis ac animæ præserváre fecisti : ita ad honórem et glóriam ejus bene ✠ dicere, et sancti ✠ ficare dignéris Cingula *vel* (Numismata) ista : ut quicúmque ipsa circa renes reverénter portáverit, ac tenúerit, *vel* (ipsa secum reverénter gestáverit ac tenúerit), ab omni immunditia mentis et córporis purificétur, atque in éxitu suo, per manus sanctórum Angelórum tibi digne præsentári mereáur : Qui cum Patre et Spíritu Sancto vivis et regnas per ómnia sácula sæculórum. *℟.* Amen.

Aspergantur aqua benedicta.

BENEDICTIO LOCI

℟. Adjutorium nostrum in
nómine Dómini.

℟. Dóminus vobiscum.

Orémus

BENE✠DIC Dómine Deus
omnipotens locum istum,
ut sit in eo sánitas, cástitas,
victória, virtus, humílitas, bó-
nitas, et mansuetúdo, pleni-
túdo legis, et gratiárum áctio
Deo Patri et Filio et Spirítui
Sancto : et hæc benedictio má-
neat super hunc locum, et
super habitántes in eo, nunc,
et in ómnia sácula sæculó-
rum. ℟. Amen.

Aspergatur aqua benedicta.

BENEDICTIO
DOMUS NOVÆ

℟. Adjutorium nostrum in
nómine Dómini.

℟. Dóminus vobiscum.

Orémus

TE Deum Patrem omnipo-
téntem suppliciter exorá-
mus pro hac domo, et pro
habitatóribus ejus, ac rebus :
ut eam bene✠dicere, et san-
cti✠ficáre, ac bonis ómnibus
ampliáre dignéris : tríbue eis
Dómine de rore cæli abundán-
tiam, et de pinguédine terræ
vitæ substántiam, et desidéria
voti eórum ad efféctum tuæ
miseratiónis perdúcas. Ad in-
tróitum ergo nostrum be-
ne✠dicere, et sancti✠fi-

cáre dignéris hanc domum,
sicut benedicere dignátus es
domum Abraham, et Isaac, et
Jacob : et intra parietes domus
istiús Angeli tuæ lucis inhá-
bitent, eámque et ejus habita-
tóres custódiant. Per Chri-
stum Dóminum nostrum.

℟. Amen.

Aspergatur aqua benedicta.

BENEDICTIO THALAMI

℟. Adjutorium nostrum in
nómine Dómini.

℟. Dóminus vobiscum.

Orémus

BENE✠DIC Dómine thála-
mum hunc : ut omnes
habitántes in eo in tua pace
consistant, et in tua voluntáte
permáneant : et senéscant, et
multiplicéntur in longitúdi-
nem diérum, et ad regna cæ-
lórum pervéniant. Per Chri-
stum Dóminum nostrum.

℟. Amen.

Postea aspergatur aqua benedicta.

BENEDICTIO
CANDELARUM

℟. Adjutorium nostrum in
nómine Dómini.

℟. Dóminus vobiscum.

Orémus

DOMINE Jesu Christe, Fili
Dei vivi, béne✠dic can-
délas istas supplicatióibus
nostris : infúnde eis Dómine,

per virtutem sanctæ Cru-✠
cis, benedictionem cælestem,
qui eas ad repellendas tene-
bras humano generi tribuisti :
talémque bene ✠ dictionem si-
gnaculo sanctæ Cru ✠ cis acci-
pian, ut in quibuscúmque
locis accensæ, sive pòsitæ fue-
rint, discédant principes tene-
brarum, et contremiscant, et
fugiant pávidi, cum ómnibus
ministris suis, de habitatióni-
bus illis : nec præsumant ám-
plius inquietare, aut molestare
servientes tibi omnipoténti
Deo : Qui vivis et regnas per
omnia sæcula sæculórum.

℟. Amen.

Postmodum aspergantur aqua be-
nedicta.

BENEDICTIO

novæ Cymbæ, seu Navigii

℣. Adjutorium nostrum in
nómine Dómini.

℣. Dóminus vobiscum.

Orémus

PROPITIARE Dómine sup-
plicationibus nostris, et
béne ✠ dic navem istam dex-
tera tua sancta, et omnes, qui
in ea vehéntur, sicut dignátus
es benedicere arcam Noë am-
bulántem in dilúvio : pórrige
eis Dómine dexteram tuam,
sicut porrexisti beáto Petro
ambulánti supra mare : et
mitte sanctum Angelum tuum
de cælis, qui liberet et custó-
diat semper eam ab univér-
sis periculis, cum ómnibus, quæ
in ea erunt : et fámulos tuos,

repúlsis adversitatibus, portu
semper optábili, cursúque
tranquillo tueáris; transactis-
que recte ritéque perféctis
negótiis ómnibus, iteráto témp-
ore ad própria cum gáudio
revocare dignéris : Qui vivis
et regnas per ómnia sæcula
sæculórum.

℟. Amen.

Aspergat navem aqua benedicta.

BENEDICTIO ICONIS

℣. Adjutorium nostrum in
nómine Dómini.

℣. Dóminus vobiscum.

Orémus

OMNIPOTENS sempitérne
Deus, majestatem tuam
suppliciter exorámus, ut icó-
nem hanc, in qua gloriosís-
simæ imágines, tua, et Filii
tui Dómini nostri Jesu Christi,
gloriosæque Vírginis Mariæ,
aliorúmque Sanctórum N. et
N. depictæ sunt, bene ✠ dí-
cere et sancti ✠ ficare digné-
ris : ante quam quicúmque,
ob devotióem, se ad ipsam
devóte adorándam inclináve-
rint, salútem mentis et cór-
poris consequántur, et a cun-
ctis periculis liberéntur, et
quidquid juste petierint, obti-
nere mereántur. Per eúmdem
Christum Dóminum nostrum.

℟. Amen.

Postea aspergatur aqua benedicta.

BENEDICTIO AGNI IN PASCHA

℟. Adjutórium nostrum in
nómine Dómini.

℟. Dóminus vobíscum.

Orémus

JESU Christe, Fili Dei vivi,
qui es verus et immacu-
latus Agnus, quique immo-
latus in ara crucis peccáta
mundi delevísti, et nos ad ovíle
própriis húmeris reportásti :
has carnes agni, quas ad usus
hóminum creásti, bene ✠ di-
cere et sancti ✠ ficáre tua
pietáte dignéris : ut omnes
ex eis suméntes, se séntiant
tuis beneficiis replétos, et cór-
poris et ánimæ sanitátem, te
annuénte, se percepísse læ-
téntur, Salvátor mundi : Qui
vivis et regnas per ómnia sæ-
cula sæculórum.

℟. Amen.

Aspergatur aqua benedicta.

BENEDICTIO PANIS

℟. Adjutórium nostrum in
nómine Dómini.

℟. Dóminus vobíscum.

Orémus

DOMINE Jesu Christe, panis
Angelórum, panis vivus
ætérnæ vitæ, bene ✠ dicere
dignáre panem istum, sicut
benedixísti quinque panes in
desérto, ut omnes ex eo gu-
stántes, inde córporis et áni-
mæ percipiant sanitátem : Qui

vivis et regnas per ómnia sæ-
cula sæculórum. ℟. Amen.

Aspergatur aqua benedicta.

ALIA BENEDICTIO PANIS

℟. Adjutórium nostrum in
nómine Dómini.

℟. Dóminus vobíscum.

Orémus

OMNIPOTENS ætérne Deus,
bene ✠ dicere dignéris
hunc panem tua sancta bene-
dictióne : ut sit ómnibus su-
méntibus salus mentis et cór-
poris, atque contra omnes
morbos, et univérsas inimi-
córum insídias tutámen. Per
Dóminum nostrum Jesum
Christum Filium tuum, pa-
nem vivum, qui de cælo de-
scéndit, et dat vitam et salú-
tem mundo, et tecum vivit et
regnat in unitáte Spíritus
Sancti Deus, per ómnia sæ-
cula sæculórum. ℟. Amen.

Aspergatur aqua benedicta.

BENEDICTIO OVORUM

℟. Adjutórium nostrum in
nómine Dómini.

℟. Dóminus vobíscum.

Orémus

SUBVENIAT, quæsumus Dó-
mine, tuæ bene ✠ dictió-
nis grátia huic ovórum crea-
túræ, qua pullos gallinárum
procreáre dignátus es : ut
cibus salúbris fiat fidélibus
tuis, in tuárum gratiárum

actiōne suméntibus. Per Christum Dóminum nostrum.

℟. Amen.

Aspergantur aqua benedicta.

BENEDICTIO NOVORUM FRUCTUUM

℟. Adjutórium nostrum in nómine Dómini.

℟. Dóminus vobiscum.

Orémus

BENE✠DIC Dómine hos novos fructus **N.** et præsta, ut qui ex eis in tuo sancto nómine vescéntur, córporis et ánimæ salúte potiántur : Per Christum Dóminum nostrum.

℟. Amen.

Aspergantur aqua benedicta.

BENEDICTIO AD QUÆCUMQUE VOLUERIS COMESTIBILIA

℟. Adjutórium nostrum in nómine Dómini.

℟. Dóminus vobiscum.

Orémus

BENE✠DIC Dómine creatúram istam **N.** et **N.** ut sit remédium salutáre géneri humano : et præsta per invocatióem tui sanctíssimi nóminis, ut quicumque ex ea sumpserint, vel gustáverint, córporis sanitátem, et ánimæ tutelam percípiant. Per Christum Dóminum nostrum.

℟. Amen.

Aspergantur aqua benedicta.

BENEDICTIONES

AB EPISCOPIS, VEL ALIIS FACULTATEM HABENTIBUS FACIENDÆ

BENEDICTIO VESTIMENTORUM FRATRUM, ET SORORUM

℟. Adjutórium nostrum in nómine Dómini.

℟. Dóminus vobiscum.

Orémus

DOMINE Jesu Christe, qui tégimen nostræ mortalitátis indúere dignátus es :

obsecrámus imménsæ largitátis tuæ abundántiam, ut hoc genus vestimentórum, quod sancti Patres ad innocéntiæ et humilitátis indícium ferre sanxérunt, ita bene✠dicere dignéris, ut, qui hoc usus fúerit, te indúere mereátur, Christum Dóminum nostrum.

℟. Amen.

Postea aspergantur aqua benedicta.

BENEDICTIO
VESTIMENTORUM
SACERDOTALIIUM

in genere

℟. Adjutórium nostrum in
nómine Dómini.

℟. Dóminus vobíscum.

Orémus

OMNIPOTENS sempitérne
Deus, qui per Móysen
fámulum tuum pontificália, et
sacerdotália, seu levítica vesti-
ménta, ad expléndum in con-
spéctu tuo ministérium eórum,
ad honórem et decórem tui
nóminis fieri decrevísti : adé-
sto propítius invocatióibus
nostris, ut hæc induménta sa-
cerdotália, seu levítica, désu-
per irrigánte grátia tua, in-
génti benedictióne, per nostræ
humilitátis servitútem, pu-
ri ✠ficáre, bene ✠dicere, et
conse ✠cráre dignéris : ut
divínis cúltibus, sacrísque my-
stériis apta et benedicta exsí-
stant : his quoque sacris vésti-
bus Pontífices, et Sacerdótes,
et Levítæ tui indúti, ab ómni-
bus impulsiónibus seu tenta-
tióibus malignórum spiri-
tuum muniti et defénsi esse
mereántur : túsque mystériis
apte et condigne servíre et
inhærere, atque in his plácide
et devóte perseveráre concéde.
Per Christum Dóminum no-
strum. ℟. Amen.

Orémus

DEUS invíctæ virtútis au-
ctor, et ómnium rerum
creátor ac sanctificátor, in-

ténde propítius preces no-
stras : et hæc induménta
levíticæ et sacerdotális glóriæ
ministris tuis fruéndâ, tuo ore
próprio bene ✠dicere, san-
cti ✠ficáre, et conse ✠cráre
dignéris : omnesque eis utén-
tes, tuis mystériis aptos, et
tibi in eis devóte et laudabí-
liter serviéntes, gratos efficere
dignéris. Per Dóminum.

℟. Amen.

Orémus

DOMINE Deus omnipotens,
qui vestiménta, Pontifi-
cibus, Sacerdótibus, et Levítis
in usum tabernáculi fœderis
necessária, Móysen fámulum
tuum fácere jussísti, eúmque
spíritu sapiéntiæ ad id per-
agéndum replevísti : hæc ve-
stiménta in usum et cultum
mystérii tui bene ✠dicere,
sancti ✠ficáre, et conse ✠
cráre dignéris; atque mini-
stros altáris tui, qui ea indue-
rint, septifórmis Spíritus grá-
tia dignánter repléri, atque
castitátis stola, beáta fácias,
cum bonórum fructu óperum,
ministérii congruéntis immor-
talitáte vestíri. Per Christum
Dóminum nostrum.

℟. Amen.

Deinde aspergat ea aqua benedi-
cta : et facto signo Crucis, dicat :

Benedictio Dei omnipoténtis,
Pa ✠tris et Fi ✠lii et Spíri-
tus ✠Sancti, descéndat super
has vestes, et máneat semper.

℟. Amen.

BENEDICTIO MAPPARUM, SEU TOBALEARUM ALTARIS

℣. Adjutórium nostrum in
nómine Dómini.

℣. Dóminus vobiscum.

Orémus

DOMINE Deus omnipotens,
qui ornámenta et lintheá-
mina fácere, Móysen fámulum
tuum per quadraginta dies
docuisti; quæ étiam María
téxuit, et fecit in usum mini-
stérii tabernáculi fœderis :
sancti ✠ ficáre, bene ✠ dicere,
et conse ✠ cráre dignéris hæc
lintheámina, ad tegéndum in-
volvendúmque altáre glorio-
síssimi Filii tui, Dómini nostri,
Jesu Christi : Qui tecum vivit
et regnat in unitáte Spíritus
Sancti Deus, per ómina sæcula
sæculórum. ℟. Amen.

Deinde aspergantur aqua bene-
dicta.

BENEDICTIO PALLÆ ET CORPORALIS

Palla benedicetur simul cum Cor-
porale.

Quando vero Corporale est jam
benedictum, tunc cum eadem for-
mula benedicetur et palla, vel pallæ.

℣. Adjutórium nostrum in
nómine Dómini.

℣. Dóminus vobiscum.

Orémus

CLEMENTISSIME Dómine,
cujus inenarrábilis est
virtus, cujus mystéria arcá-

nis mirábilibus celebrántur :
tribue quæsumus, ut hoc
lintheámen tuæ propitiatiónis
ubertáte bene ✠ dicere et san-
ctifi ✠ cáre dignéris, ad con-
secrándum super illud corpus
et sánguinem Dómini nostri
Jesu Christi : Qui tecum vivit
et regnat in unitáte Spíritus
Sancti Deus, per ómnia sæ-
cula sæculórum.

℟. Amen.

Orémus

OMNIPOTENS sempitérne
Deus, bene ✠ dicere, san-
ctifi ✠ cáre, et conse ✠ cráre
dignéris lintheámen istud, ad
tegéndum et involvéndum cor-
pus et sánguinem Dómini
nostri Jesu Christi Filii tui :
Qui tecum vivit et regnat in
unitáte Spíritus Sancti Deus,
per ómnia sæcula sæculórum.

℟. Amen.

Orémus

OMNIPOTENS Deus, máni-
bus nostris opem tuæ
benedictiόnis infúnde : ut
per nostram bene ✠ dictionem
hoc lintheámen sanctificétur et
Córporis et Sanguinis Redem-
ptóris nostri novum sudá-
rium, Spíritus Sancti grátia,
efficiátur. Per eúmdem Dó-
minum... ejúsdem Spíritus
Sancti. ℟. Amen.

Aspergantur aqua benedicta.

BENEDICTIO
TABERNACULI,
SEU VASculi

pro sacrosancta Eucharistia
conservanda

℟. Adjutórium nostrum in
nómine Dómini.

℟. Dóminus vobíscum.

Orémus

OMNIPOTENS sempitérne
Deus, majestátem tuam
súpplices deprecámur : ut vá-
sculum hoc, pro córpore Filii
tui Dómini nostri Jesu Christi
in eo condéndo fabricátum,
bene ✠ dictionis tuæ grátia
dicáre dignéris. Per eúmdem
Dóminum nostrum. ℟. Amen.

Et aspergatur aqua benedicta.

BENEDICTIO OSTENSORII

pro SS. Sacramento fidelium
venerationi exponendo

℟. Adjutórium nostrum in
nómine Dómini.

℟. Dóminus vobíscum.

Orémus

OMNIPOTENS sempitérne
Deus, vásculum istud pro
Filii tui Dómini nostri Jesu
Christi Córpore fidélium vene-
rationi exponéndo fabrefá-
ctum, bene ✠ dicere et san-
cti ✠ ficáre dignáre : ut om-
nes qui eúmdem Unigénitum
in hoc sáculo pio afféctu vene-
rántur, et in futúro perpétuam
pietátis suæ mercédem acci-
píant. Per eúmdem Christum
Dóminum nostrum. ℟. Amen.

Aspergatur aqua benedicta.

FERIA V
IN CENA DOMINI

De Sermone Dominico

INTERIM dum Mandatum peragi-
tur, Diaconus, qui sermonem
Dominicum est lecturus, cum Sub-
diacono, et Ceroferariis, et Thurife-
rario, postquam pedes eorum abluti
fuerint, et manus, vadant ad sacri-
stiam, ibique sacris vestibus in-
duantur, prout in magnis solemni-
tatibus fieri solet. Finito Mandato,
et regresso Priore cum fratribus ad
capitulum, veniat Diaconus cum
aliis ministris pariter ad capitulum,
eo modo, quo itur ad legendum
Evangelium in solemnitatibus, sine
cruce tamen. Cumque in capitulum
venerint, Thuriferarius thus offerat
Priori ad benedicendum, et bene-
dictum ab ipso in thuribulum ponat.
Deinde Diaconus, accepta bene-
dictione a Priore, stans verso vultu
ad Aquilonem, si capitulum fuerit
ad Orientem vel ad Occidentem
situm, alias verso vultu ad Cruci-
fixum capituli, dicat tono cantus
Evangelii : Dóminus vobíscum. Et
stantibus fratribus, ac responden-
tibus : Et cum spíritu tuo, et ad
Glória tibi Dómine, se signantibus,
legat solemniter sequens Evange-
lium Ante diem, Subdiacono, et
Ceroferariis, et Thuriferario ordina-
tis, sicut ad alia Evangelia ordinari
solent.

✠ Sequéntia sancti Evangélíi
secúndum Joánnem. c. 13

ANTE diem festum Paschæ,
sciens Jesus quia venit
hora ejus ut tránseat ex hoc
mundo ad Patrem : cum dile-
xisset suos, qui erant in mun-
do, in finem diléxit eos. Et
cena facta, cum diábolus jam
misisset in cor ut tráderet
eum Judas Simónis Iscariótæ :

sciens quia ómnia dedit ei Pater in manus, et quia a Deo exívit, et ad Deum vadit : surgit a cena, et ponit vestiménta sua : Et cum accepisset línteum, præcínxit se. Deínde mittit aquam in pelvim, et cœpit lavare pedes discipulórum, et extérgere línteo, quo erat præcínctus. Venit ergo ad Simónem Petrum. Et dicit ei Petrus : Dómine, tu mihi lavas pedes? Respóndit Jesus, et dixit ei : Quod ego fácio, tu nescis modo, scies autem póstea. Dicit ei Petrus : Non lavábis mihi pedes in ætérnum. Respóndit ei Jesus : Si non lávero te, non habébis partem mecum. Dicit ei Simon Petrus : Dómine, non tantum pedes meos, sed et manus et caput. Dicit ei Jesus : Qui lotus est, non indiget nisi ut pedes lavet, sed est mundus totus. Et vos mundi estis, sed non omnes. Sciébat enim quisnam esset qui tráderet eum : proptérea dixit, Non estis mundi omnes. Postquam ergo lavit pedes eórum, et accépit vestiménta sua : cum recubíisset íterum, dixit eis : Scitis quid fécerim vobis? Vos vocátis me Magister et Dómine : et bene dícitis : Sum étenim. Si ergo ego lavi pedes vestros, Dóminus et Magister : et vos debétis alter alterius lavare pedes. Exémplum enim dedi vobis, ut quemádmódum ego feci vobis, ita et vos faciátis.

Reliqua (remoto pulvinari a Sacrista) dicantur in tono Lectionis a Diacono, stante versus Crucifixum,

quamdiu fuerit in capitulo, ceteris fratribus sedentibus ordine suo. Subdiaconus autem, et Ceroferarii, ac Thuriferarius, depositis candelabris ante pulpitem, in quo legitur, hinc et inde, et thuribulo in medio post Diaconum, sedeant in aliqua sede, vel scamno a Sacrista præparato, et panno decenti cooperto.

Amen, amen dico vobis : non est servus major dómīno suo : neque apóstolus major est eo, qui misit illum. Si hæc scitis, beáti éritis si fecéritis ea. Non de ómnibus vobis dico : Ego scio quos elégerim : Sed ut adimpleátur Scriptúra, Qui mandúcat mecum panem, levábit contra me calcáneum suum. Amodo dico vobis, priúsq̃am fiat : ut cum factum fúerit, credátis, quia ego sum. Amen, amen dico vobis : qui áccipit si quem misero, me áccipit : Qui autem me áccipit, áccipit eum, qui me misit. Cum hæc dixisset Jesus, turbátus est spírītu : et protestátus est, et dixit : Amen, amen dico vobis : quia unus ex vobis tradet me. Aspiciébant ergo ad ínvicem discipuli, hæsitántes de quo diceret. Erat ergo recumbens unus ex discipulis ejus in sinu Jesu, quem diligébat Jesus. Innuít ergo huic Simon Petrus : et dixit ei : Quis est, de quo dicit? Itaque cum recubíisset ille supra pectus Jesu, dicit ei : Dómine quis est? Respóndit Jesus : Ille est, cui ego intíntum panem porréxero. Et cum intinxisset panem, dedit Judæ Simónis Iscariótæ. Et post buccéllam, introívit in eum sátanās. Et dixit ei

Jesus : Quod facis, fac citius. Hoc autem nemo scivit discumbéntium, ad quid dixerit ei. Quidam enim putábant, quia lóculos habébat Judas, quod dixisset ei Jesus, Eme ea, quæ opus sunt nobis ad diem festum : aut egénis ut áliquid daret. Cum ergo accepisset ille buccéllam, exivit continuo. Erat autem nox. Cum ergo exisset, dixit Jesus : Nunc clarificátus est Fílius hóminis : et Deus clarificátus est in eo. Si Deus clarificátus est in eo, et Deus clarificábit eum in semetípso : et continuo clarificábit eum. Filioli, adhuc módicum vobíscum sum. Quærétis me : et sicut dixi Judæis, Quo ego vado, vos non potéstis venire : Et vobis dico modo. Mandátum novum do vobis : ut diligátis invicem, sicut diléxi vos, ut et vos diligátis invicem. In hoc cognóscant omnes quia discipuli mei estis, si dilecciónem habueritis ad invicem. Dicit ei Simon Petrus : Dómine, quo vadis? Respóndit Jesus : Quo ego vado, non potes me modo sequi : sequéris autem póstea. Dicit ei Petrus : Quare non possum te sequi modo? Animam meam pro te ponam. Respóndit ei Jesus : Animam tuam pro me pones? Amen, amen dico tibi : non cantábit gallus, donec ter me neget.

Cap. 14 Et ait discipulis suis : Non turbétur cor vestrum. Créditis in Deum, et in me créдите. In domo Patris mei mansiónes multæ sunt. Si quo

minus, dixissem vobis : quia vado paráre vobis locum. Et si abiero, et præparávero vobis locum : íterum vénio, et accípíam vos ad meípsum, ut ubi sum ego, et vos sitis. Et quo vado scitis, et viam scitis. Dicit ei Thomas : Dómine, nescimus quo vadis : Et quómodo póssumus viam scire? Dicit ei Jesus : Ego sum via, et véritas, et vita. Nemo venit ad Patrem, nisi per me. Si cognovissétis me, et Patrem meum útique cognovissétis : Et ámodo cognoscétis eum, et vidistis eum. Dicit ei Philip-pus : Dómine, osténde nobis Patrem, et súfficit nobis. Dicit ei Jesus : Tanto témpore vobíscum sum : et non cognovistis me? Philippe, qui videt me, videt et Patrem. Quómodo tu dicis, Osténde nobis Patrem? Non créditis quia ego in Patre, et Pater in me est? Verba, quæ ego loquor vobis, a me ípso non loquor. Pater autem in me manens, ipse facit ópera. Non créditis quia ego in Patre, et Pater in me est? Alióquin propter ópera ipsa créдите. Amen, amen dico vobis, qui credit in me, ópera, quæ ego fácio, et ipse fáciat, et majóra horum fáciat : quia ego ad Patrem vado. Et quodcúmque petiéritis Patrem in nómine meo, hoc fáciam : ut glorificétur Pater in Filio. Si quid petiéritis me in nómine meo, hoc fáciam. Si diligitis me : mandáta mea serváte. Et ego rogábo Patrem, et álium paráclitum dabit vobis, ut máneat vobíscum in ætér-

num, Spíritum veritátis, quem mundus non potest accípere, quia non videt eum, nec scit eum. Vos autem cognoscétis eum : quia apud vos manébit, et in vobis erit. Non relinquam vos órphanos : véniam ad vos. Adhuc módicum : et mundus me jam non videt. Vos autem vidétis me : quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea, et servat ea : ille est, qui diligit me. Qui autem diligit me, diligétur a Patre meo : Et ego diligam eum, et manifestábo ei meípsum. Dicit ei Judas, non ille Iscariótes : Dómine, quid factum est, quia manifestatúrus es nobis teípsum, et non mundo? Respóndit Jesus, et dixit ei : Si quis diligit me, sermónem meum servábit, et Pater meus diligit eum, et ad eum veniémus, et mansiónem apud eum faciémus : Qui non diligit me, sermónes meos non servat. Et sermónem, quem audístis, non est meus : sed ejus, qui misit me, Patris. Hæc locútus sum vobis apud vos manens. Paráclitus autem Spíritus Sanctus, quem mittet Pater in nómine meo, ille vos docébit ómnia, et sùggeret vobis ómnia, quæcúmque dixero vobis. Pacem relinquo vobis, pacem meam do vobis : Non quómodo mundus dat, ego do vobis. Non turbétur cor vestrum, neque formídet. Audístis quia ego dixi vobis, Vado, et vénio ad vos. Si diligerétis me, gaude-

rétis útique, quia vado ad Patrem : quia Pater major me est. Et nunc dixi vobis priúquam fiat : ut cum factum fúerit, credátis. Jam non multa loquar vobíscum. Venit enim princeps mundi hujus, et in me non habet quidquam. Sed ut cognóscat mundus quia diligo Patrem, et sicut mandátum dedit mihi Pater, sic fácio. Súrgite, eámus hinc.

Dicto Súrgite, eámus hinc, surgant omnes, et præcedentibus Diacono et ministris ordine supradicto, vadat post eos Conventus ad chorum, junioribus præcedentibus. Ubi collocatis ante pulpitem (a Sacrista præparatum) candelabris, et thuribulo, sicut in capitulo fuerant, sedente Subdiacono cum ministris post Diaconum, in aliqua sede præparata a Sacrista, Diaconus stans ad pulpitem, ceteris fratribus sedentibus in locis suis, prosequatur ut prius, quæ de sermone Dominico restant.

Cap. 15 Ego sum vitis vera : et Pater meus agricola est. Omnem pálmitem in me non feréntem fructum, tollet eum : Et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me : et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me manséritis. Ego sum vitis, vos pálmities : Qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit : mittétur foras sicut palmes, et

aréschet, et cólligent eum, et in ignem mittent, et ardet. Si manséritis in me, et verba mea in vobis mánserint : quodcumque voluéritis petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discipuli. Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea, sicut et ego Patris mei præcépta servávi, et máneo in ejus dilectióne. Hæc locútus sum vobis : ut gáudium meum in vobis sit, et gáudium vestrum impleátur. Hoc est præcéptum meum, ut diligátis invicem, sicut diléxi vos. Majórem hac dilectiónem nemo habet, ut ánimam suam ponat quis pro amicis suis. Vos amíci mei estis, si fecéritis quæ ego præcipio vobis. Jam non dicam vos servos : quia servus nescit quid fáciat dóminus ejus. Vos autem dixi amícos : quia ómnia quæcúmque audivi a Patre meo, nota feci vobis. Non vos me elegístis : sed ego elégi vos, et pósui vos ut eátis, et fructum afferátis : et fructus vester máneat : ut quodcúmque petiéritis Patrem in nómine meo, det vobis. Hæc mando vobis, ut diligátis invicem. Si mundus vos odit : scitóte quia me priórem vobis ódio hábuit. Si de mundo fuissétis : mundus quod suum erat diligeret : Quia vero de mundo non estis, sed ego elégi vos de mundo, proptérea odit vos mundus. Mementóte ser-

mónis mei, quem ego dixi vobis, Non est servus major dómino suo. Si me persecúti sunt, et vos persequéntur : Si sermónem meum servavérunt, et vestrum servábunt. Sed hæc ómnia fácient vobis propter nomen meum : quia nésciunt eum, qui misit me. Si non venissem, et locútus fuisset eis, peccátum non habérent : Nunc autem excusatióne non habent de peccáto suo. Qui me odit : et Patrem meum odit. Si ópera non fecissem in eis, quæ nemo álius fecit, peccátum non habérent : Nunc autem et vidérunt, et odérunt et me, et Patrem meum. Sed ut adimpleátur sermo, qui in lege eórum scriptus est, Quia ódio habuérunt me gratis. Cum autem vénerit Paráclitus, quem ego mittam vobis a Patre, Spiritum veritátis, qui a Patre procédit, ille testimónium perhibébit de me : Et vos testimónium perhibébitis, quia ab initio mecum estis.

Cap. 16 Hæc locútus sum vobis, ut non scandalizémini. Absque synagógis fácient vos : sed venit hora, ut omnis, qui intérficit vos, arbitrétur obséquium se præstare Deo. Et hæc fácient vobis, quia non novérunt Patrem, neque me. Sed hæc locútus sum vobis : ut cum vénerit hora eórum reminiscámini, quia ego dixi vobis. Hæc autem vobis ab initio non dixi, quia vobiscum eram : Et nunc vado ad eum, qui misit me; et nemo ex vobis intérrogat me, Quo vadis? Sed

quia hæc locútus sum vobis, tristítia implévit cor vestrum. Sed ego veritátem dico vobis : expedit vobis ut ego vadam : Si enim non abiero, Paráclitus non véniet ad vos : Si autem abiero, mittam eum ad vos. Et cum vénerit ille, árguet mundum de peccáto, et de justítia, et de iudicio. De peccáto quidem : quia non credidérunt in me : De justítia vero : quia ad Patrem vado : et jam non vidébitis me : De iudicio autem : quia princeps hujus mundi jam iudicátus est. Adhuc multa hábeo vobis dicere : sed non potéstis portáre modo. Cum autem vénerit ille Spíritus veritátis, docébit vos omnem veritátem. Non enim loquétur a semetípso : sed quæcúmque áudiet loquétur, et quæ ventúra sunt annuntiábit vobis. Ille me clarificábit : quia de meo accípiet, et annuntiábit vobis. Omnia quæcúmque habet Pater, mea sunt. Proptérea dixi : quia de meo accípiet, et annuntiábit vobis. Módicum, et jam non vidébitis me : et iterum módicum, et vidébitis me : quia vado ad Patrem. Dixérunt ergo ex discipulis ejus ad ínvicem : Quid est hoc, quod dicit nobis, Módicum, et non vidébitis me : et iterum módicum, et vidébitis me, et quia vado ad Patrem? Dicébant ergo : Quid est hoc, quod dicit, Módicum? Nescímus quid lóquitur. Cognóvit autem Jesus, quia volébant eum interrogáre, et dixit eis : De hoc quæritis inter vos quia dixi, Módicum, et non

vidébitis me : et iterum módicum, et vidébitis me. Amen, amen dico vobis : quia plorábitis, et flébitis vos, mundus autem gaudébit : Vos autem contristabímmini, sed tristítia vestra vertétur in gáudium. Múlier cum parit, tristítiam habet, quia venit hora ejus : Cum autem pepéperit púerum, jam non méminit pressúræ propter gáudium : quia natus est homo in mundum. Et vos igitur nunc quidem tristítiam habétis, iterum autem vidébo vos, et gaudébit cor vestrum : et gáudium vestrum nemo tollet a vobis. Et in illo die me non rogábitis quidquam. Amen, amen dico vobis : si quid petiéritis Patrem in nómine meo, dabit vobis. Usque modo non petistis quidquam in nómine meo : Pétite, et accipiétis, ut gáudium vestrum sit plenum. Hæc in provérbiis locútus sum vobis. Venit hora, cum jam non in provérbiis loquar vobis, sed palam de Patre annuntiábo vobis. In illo die in nómine meo petétis : Et non dico vobis quia ego rogábo Patrem de vobis : Ipse enim Pater amat vos, quia vos me amástis, et credidístis, quia ego a Deo exívi. Exívi a Patre, et veni in mundum : Iterum relinquo mundum, et vado ad Patrem. Dicunt ei discipuli ejus : Ecce nunc palam lóqueris, et provérbium nullum dicis. Nunc scimus quia scis ómnia, et non opus est tibi ut quis te intéroget : In hoc crédimus, quia a Deo existi. Respóndit eis Jesus :

Modo créditis? Ecce venit hora, et jam venit, ut dispergámini unusquisque in própria, et me solum relinquátis : Et non sum solus, quia Pater mecum est. Hæc locútus sum vobis, ut in me pacem habeátis. In mundo pressúram habébitis : Sed confidite, ego vici mundum.

Cap. 17 Hæc locútus est Jesus : et sublevátis óculis in cælum, dixit : Pater venit hora, clarifica filium tuum, ut filius tuus clarificet te : Sicut dedisti ei potestátem omnis carnis, ut omne, quod dedisti ei, det eis vitam ætérnam. Hæc est autem vita ætérna : ut cognóscant te, solum Deum verum, et quem misisti Jesum Christum. Ego te clarificávi super terram : opus consummávi, quod dedisti mihi ut fáciam : Et nunc clarifica me tu Pater apud temetipsum, claritáte, quam hábui, prius quam mundus esset, apud te. Manifestávi nomen tuum hominibus, quos dedisti mihi de mundo : Tui erant, et mihi eos dedisti : et sermónem tuum servavérunt. Nunc cognovérunt quia ómnia, quæ dedisti mihi, abs te sunt : quia verba, quæ dedisti mihi, dedi eis : Et ipsi acceperunt, et cognovérunt vere quia a te exívi, et credidérunt quia tu me misisti. Ego pro eis rogo : Non pro mundo rogo, sed pro his, quos dedisti mihi : quia tui sunt : Et mea ómnia tua sunt, et tua mea sunt : et clarificátus sum in eis : Et jam non sum in mundo, et hi in

mundo sunt, et ego ad te vénio. Pater sancte, serva eos in nómine tuo, quos dedisti mihi : ut sint unum, sicut et nos. Cum essem cum eis, ego servábam eos in nómine tuo. Quos dedisti mihi, custodivi : et nemo ex eis périit, nisi filius perditionis, ut Scriptúra impleátur. Nunc autem ad te vénio : Et hæc loquor in mundo, ut hábeant gáudium meum implétum in semetipsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo ut tollas eos de mundo, sed ut serves eos a malo. De mundo non sunt, sicut et ego non sum de mundo. Sanctifica eos in veritaté. Sermo tuus veritas est. Sicut tu me misisti in mundum, et ego misi eos in mundum. Et pro eis ego sanctifico meípsum : ut sint et ipsi sanctificáti in veritaté. Non pro eis autem rogo tantum, sed et pro eis, qui creditúri sunt per verbum eórum in me : ut omnes unum sint, sicut tu Pater in me, et ego in te, ut et ipsi in nobis unum sint : ut credat mundus, quia tu me misisti. Et ego claritátem, quam dedisti mihi, dedi eis : ut sint unum, sicut et nos unum sumus. Ego in eis, et tu in me : ut sint consummáti in unum : et cognóscat mundus quia tu me misisti, et dilexisti eos, sicut et me dilexisti. Pater quos dedisti mihi, volo ut ubi sum ego, et illi sint mecum : ut vídeant claritátem meam, quam dedisti mihi : quia dile-

xísti me ante constitutiómem mundi. Pater juste, mundus te non cognóvit : ego autem te cognóvi : Et hi cognóverunt, quia tu me misísti. Et notum feci eis nomen tuum, et notum fáciám : ut diléctio, qua dilexísti me, in ipsis sit, et ego in ipsis.

Finito sermone sine Tu autem, Prælató signum faciente, surgant omnes, et ipso dicente *℟*. Adjutórium nostrum in nómine Dómini, et Conventu respondente : Qui fecit cælum et terram, tunc Diaconus, et ministri, acceptis iis, quæ ad ipsos pertinent, eo ordine, quo venerunt, ad sacristiam revertantur.

BENEDICTIO FONTIS BAPTISMALIS Sabbato Sancto et in Vigilia Pentecostes

Si Ecclesia nostra habuerit Fontem baptismalem, dicta post quartam Lectionem Oratione, Sacerdos accipiat pluviale et dum incipitur Tractus Sicut cervus, pag. 185, fiat Processio ad Fontem hoc ordine : Primo præcedat aliquis Frater gestans Cereum Paschalem accensum; post eum Ceroferarii, deinde Cruciferarius, postea reliqui Fratres in ordine suo, junioribus præcedentibus, ultimo Sacerdos cum Diacono a dextris et Subdiacono a sinistris.

Finito Tractu, Sabbato Sancto dicat Sacerdos absque Dóminus vobíscum :

Orémus

CONCEDE, quæsumus, omnípotens Deus : ut qui festa Paschália ágimus, cælé-

stibus desidériis accénsi Fontem vitæ sitiámus : Dóminum nostrum Jesum Christum Fílium... *℟*. Amen.

In Vigilia Pentecostes dicat :

Orémus

CONCEDE, quæsumus, omnípotens Deus : ut qui solemnitétem doni Sancti Spíritus cólimus, cæléstibus desidériis accénsi, Fontem vitæ sitiámus : Per Dóminum nostrum Jesum Christum Fílium tuum. Qui tecum vivit et regnat in unitáte ejúdem Spíritus Sancti, Deus : per ómnia sæcula sæculórum.

℟. Amen.

Deinde Sacerdos antequam intret ad benedictionem fontis, dicat hanc Orationem juxta fontem.

℟. Dóminus vobíscum.

℟. Et cum spíritu tuo.

Orémus

OMNIPOTENS sempitérne Deus, respice propítius ad devotiómem pópuli renascéntis, qui sicut cervus aquárum tuárum expetit fontem, et concéde propítius ut fidei ipsíus sitis, baptismatis mystério, ánimam corpúsque sanctíficet : Per Dóminum nostrum Jesum Christum Fílium tuum. Qui tecum vivit et regnat in unitáte Spíritus Sancti, Deus : per ómnia sæcula sæculórum.

℟. Amen.

Postea procedit ad benedictionem Fontis, dicens :

℟. Dóminus vobíscum.

℟. Et cum spíritu tuo.

Orémus

Oratio

OMNIPOTENS sempitérne Deus, adésto magnæ pietátis tuæ mystériis, adésto sacraméntis, et ad recreándos novos pópulos, quos tibi fons baptismatis párturit, spíritum adoptiónis emítte : ut quod nostræ humilitátis geréndum est ministério, virtútis tuæ impleátur efféctu : Per Dóminum nostrum... in unitáte Spíritus Sancti Deus :

Prosequitur junctis manibus :

PER ómnia sæcula sæculórum. *℟.* Amen. Dóminus vobiscum. *℟.* Et cum spiritu tuo. Sursum corda. *℟.* Habémus ad Dóminum. Grátias agámus Dómino Deo nostro. *℟.* Dignum et justum est. Vere dignum et justum est, æquum et salutáre, nos tibi semper et ubique grátias ágere, Dómine sancte, Pater omnipotens, ætérne Deus. Qui invisíbili poténtia sacramentórum tuórum mirabíliter operáris efféctum : Et licet nos tantis mystériis exsequéndis simus indigni : Tu tamen grátiae tuæ dona non déserens, étiam ad nostras preces aures tuæ pietátis inclinas. Deus cujus Spíritus super aquas, inter ipsa mundi primórdia ferebátur : ut jam tunc virtutem sanctificatiónis, aquárum natúra conciperet. Deus qui nocéntis mundi crimína per aquas ábluens, regeneratiónis spéciem in ipsa dilúvii effusióne signásti : ut unius ejusdemque eleménti mystério, et finis esset vítiis, et origo virtú-

tibus. Réspice, Dómine, in faciém Ecclesiæ tuæ, et multiplica in ea regeneratiónes tuas, qui grátiae tuæ affluéntis impetu lætificas civitátem tuam, fontémque baptismatis áperis toto orbe terrárum géntibus innovándis : ut tuæ majestátis império sumat Unigéniti tui grátiam de Spíritu Sancto.

Hic Sacerdos manu extensa dividit aquam in modum crucis et eam statim linteo extergit, dicens :

Qui hanc aquam regenerándis homínibus præparátam, arcána sui Núminis admistióne fecúndet : ut sanctificatióne concépta, ab immaculáto divini fontis útero, in novam renáta creatúram, progénies cæléstis emérgat : Et quos aut sexus in corpore, aut ætas discérnit in témpore, omnes in unam páriat grátia mater infántiam. Procul ergo hinc, jubénte te, Dómine, omnis spíritus immúndus abscédát : procul tota nequítia diabólicæ fraudis absístat. Nihil hic loci hábeat contráriæ virtútis admístio : non insidiádo circúmvolet : non laténdo subrépat : non inficiéndo corrúmpat.

Aquam manu tangit.

Sit hæc sancta et innocens creatúra libera ab omni impugnatóris incúrsu et totius nequítiae purgáta discéssu. Sit fons vivus, aqua regénerans, unda purificans : ut omnes hoc lavacro salutífero diluéndi, operánte in eis Spíritu Sancto, perfectæ purgatiónis indulgéntiam consequántur.

Facit tres cruces super fontem, dicens :

Unde benedico te, creatúra aquæ, per Deum ✠ vivum, per Deum ✠ verum, per Deum ✠ sanctum : per Deum qui te in principio, verbo separávit ab árida : cujus Spíritus super te ferebátur.

Hic manu aquam dividit et effundit eam versus quatuor mundi partes, dicens :

Qui te de Paradísi fonte manáre fecit, et in quátuor fluminibus totam terram rigáre præcépit. Qui te in desérto amáram, suavitate índita fecit esse potábilem, et sitiénti pópulo de petra prodúxit. Bene ✠ dico te et per Jesum Christum, Fílium ejus únicum, Dóminum nostrum : qui te in Cana Galilææ, signo admirábili, sua poténtia convertit in vinum : Qui pédibus super te ambulávit : et a Joánnē in Jordáne in te baptizátus est. Qui te una cum ságuine de látere suo prodúxit : et discipulis suis jussit ut credéntes baptizaréntur in te, dicens : Ite, docéte omnes gentes, baptizántes eos in nómine Patris, et Fílii, et Spíritus Sancti.

Mutat vocem et legendo dicit :

Hæc nobis præcépta servántibus tu Deus omnípotens clemens adésto : tu benígnus aspira.

Halat ter in aquam in modum crucis, dicens :

Tu has simplices aquas tuo ore benedicito : ut præter naturálem emundatiónem, quam

lavándis possunt adhibére corpóribus, sint étiam purificándis méntibus efficáces.

Hic Sacerdos paululum demittit Cereum in aquam, et dicit :

Descéndat in hanc plenitudinem fontis virtus Spíritus Sancti.

Deinde extractum Cereum de aqua iterum profundius mergit, aliquanto altius repetens : Descéndat in hanc... Postea Cereum rursus de aqua extractum, tertio immergens usque ad fundum, altiori adhuc voce repetit : Descéndat in hanc, ut supra. Et deinde sufflans ter in aquam secundum hanc figuram Ψ , prosequitur :

Totámque hujus aquæ substantiam regenerándi fecúndet effectú. *Hic tollitur Cereus de aqua, et prosequitur :* Hic ómnium peccatórum máculæ deleántur : hic natúra ad imáginem tuam cóndita, et ad honórem sui reformáta principii, cunctis vetustátis squáloribus emundétur : ut omnis homo sacraméntum hoc regenerationis ingræssus, in veræ innocentiae novam infántiam renascátur.

Sequentia dicit legendo :

Per Dóminum nostrum Jesum Christum Fílium tuum : qui ventúrus est judicáre vivos et mórtuos et sâculum per ignem. \mathcal{R} . Amen.

Deinde per assistentes Sacerdotes spargitur de ipsa Aqua benedicta super populum. Et interim unus ex ministris Ecclesiæ accipit in vase aliquo de eadem Aqua ad aspergendum in domibus et aliis locis.

His peractis, Sacerdos qui benedicit Fontem infundit de oleo Cate-

chumenorum in Aquam in modum crucis, intelligibili voce dicens :

Sanctificétur et fecundétur Fons iste óleo salutis renascéntibus ex eo, in vitam ætérnam. **℟.** Amen.

Deinde infundit de Chrismate, modo quo supra, dicens :

Infúsio Chrísmatis Dómini nostri Jesu Christi et Spíritus Sancti Parácliti fiat in nómine sanctæ Trinitátis. **℟.** Amen.

Postea accipiat ambas ampullas dicti Olei sancti et Chrismatis et de utroque simul in modum crucis infundendo dicit :

Commístio Chrismatis sanctificatiónis et Olei unctiόnis

et Aquæ baptismatis páriter fiat in nómine Pa[†]tris, et Fi[†]lii, et Spíritus [†] Sancti. **℟.** Amen.

Tunc miscet ipsum Oleum cum Aqua, et spargit manu sua per omnem Fontem. Si aderunt baptizandi, eos baptizet modo consueto.

Deinde duo Fratres in superpelliceis cantent Litanias, pag. 185 conventu respondente et omnes revertantur in Chorum ordine quo venerunt. Prior vero, deposita Capa serica et assumpta Casula, sedeat in Presbyterio cum Ministris. Finitis autem Litiis ad Altare accedens incipiat Missam ut in Missali positum est.

Cetera fiant ut pag. 188, et sequentibus.



INDICES

I — Index

Missarum Communis Sanctorum

	PAG.
Commune B. Mariæ V.	1*
Commune Dedicationis Ecclesiæ	2*
Unius Martyris et Pontificis extra tempus Paschale	5*
In eodem festo alia Missa	6*
In eodem festo alia Missa tempore Paschali Martyris non Pontificis extra tempus Paschale	8*
In eodem festo alia Missa	9*
In eodem festo alia Missa tempore Paschali Plurimorum Martyrum extra tempus Paschale	10*
In eodem festo alia Missa	11*
In eodem festo alia Missa tempore Paschali Unius Confessoris Pontificis	13*
In eodem festo alia Missa	14*
In eodem festo alia Missa tempore Paschali Unius Confessoris Pontificis	15*
In eodem festo alia Missa	17*
In eodem festo alia Missa	18*
Unius Doctoris	20*
Unius Confessoris non Pontificis	22*
In eodem festo alia Missa	23*
Unius Abbatis	25*
Unius Virginis et Martyris	26*
In eodem festo alia Missa	28*
Unius Virginis non Martyris	30*
In eodem festo alia Missa	31*
Unius Martyris non Virginis	33*
Plurium Virginum et Martyrum	34*
Unius Mulieris nec Virginis nec Martyris	36*

II — Index Missarum Votivarum

De sancta Trinitate	39*
De sanctissimo Corpore Christi	40*
De D. N. J. C. Sacerdote	42*
De sanctissimo Corde Jesu	44*
De Quinque Stigmatibus	46*
In honorem penarum, seu Passionis D. N. Jesu Christi	47*
De sanctissimo Nomine Jesu	50*
De sancta Cruce	51*
De sancto Spiritu	53*
De S. Maria in Sabbato, per Adventum	55*
De eadem a Nativitate Domini usque ad Purificationem	56*
De eadem a Purificatione usque ad Adventum	57*
De sanctissimo Rosario privilegiata	59*
De Angelis	61*
De Angelis Custodibus	62*
De S. Joseph	62*
De SS. Apostolis Petro et Paulo	63*
In eodem festo alia Missa tempore Paschali	64*
De S. Dominico P. N. in tertiis Feriis	64*
Ad tollendum schisma : Pro unione Ecclesiæ	66*
Pro eligendo summo Pontifice	68*
In die Creationis et Coronationis Papæ	70*
Pro Fidei propagatione	70*
Contra paganos	72*
Pro pace	74*
Tempore belli	76*

Pro avertenda quacumque necessitate	77*
Pro pluvia	78*
Pro serenitate	80*
Pro conservandis fructibus terræ	81*
Pro iter agentibus	82*
Pro navigantibus	84*
Pro infirmis	86*
Pro morientibus	88*
Pro vitanda mortalitate, vel tempore pestilentiae	90*
Pro remissione peccatorum	92*
Pro gratiis Deo reddendis de beneficiis acceptis	93*
Pro Sponso et Sponsa	94*

III — Index Orationum

Ad poscenda suffragia omnium Sanctorum	100*
De Sanctis Ordinibus nostris	101*
De Sanctis, quorum Reliquiæ sunt in ecclesia	101*
Pro omni gradu Ecclesiæ	101*
Pro Papa vel Episcopo	102*
Contra persecutores Ecclesiæ	102*
Pro Imperatore	102*
Pro Rege	103*
Pro Prælatibus et Congregationibus	103*
Pro Prædicatoribus	103*
Pro Religiosis	104*
Pro se ipso Sacerdote	104*
Tempore Capituli, vel Concilii	104*
Pro familiaribus et amicis	105*
Pro benefactoribus	105*
Pro Congregatione et Familia	106*
Pro concordia in Congregatione servanda	106*
Contra persecutores et male agentes	106*
Pro constituto in captivitate, vel in carcere	107*
Pro inimicis	107*
Pro tentatis et tribulatis	107*
Ad repellendas malas cogitationes	108*
Ad postulandam continentiam	108*
Ad postulandam patientiam	108*
Pro petitione lacrymarum	109*
Ad postulandam caritatem	109*
Ad impetrandam humilitatem	109*
Tempore famis	110*
Ad tempestates repellendas	110*
Contra pestem animalium	110*
Tempore terræmotus	111*
Pro quacumque re obtinenda	111*
Pro quacumque tribulatione	111*
Pro publice poenitentibus	112*
Pro vivis et defunctis commemoratio	112*
Cœtera ut in Missis votivis	113*

IV — Missæ pro Defunctis

In Commemoratione omnium fidelium Defunctorum	609
In die obitus, seu depositionis Defuncti	114*
In Anniversario Defunctorum	116*
In Missis quotidianis Defunctorum	118*
Orationes diversæ pro Defunctis	121* et seqq.

V — Index Benedictionum

	PAG.
Ritus induendi puerum, et puellam habitu nostri Ordinis	125*
Benedictio Aquæ benedictæ	127*
Benedictio Rosariorum	129*
Benedictio Rosarum	130*
Benedictio Candelarum Societatis SS. Rosarii	130*
Benedictio Aquæ cum Reliquis S. Petri Martyris	131*
Benedictio Olivarum in festo S. Petri Martyris	131*
Benedictio Palmarum, vel aliorum Ramorum in eodem festo	132*
Benedictio Cinguli S. Thomæ Aquinatis	133*
Benedictio Loci	134*
Benedictio Domus novæ	134*
Benedictio Thalami	134*

	PAG.
Benedictio Candelarum	134*
Benedictio novæ Cymbæ, seu Navigli	135*
Benedictio Iconis	135*
Benedictio Agni in Pascha	135*
Benedictio Panis	136*
Benedictio Ovorum	136*
Benedictio novorum Fructuum	137*
Benedictio ad quæcumque volueris comestibilia	137*
Benedictio Vestimentorum Fratrum, et Sororum	137*
Benedictio Vestimentorum sacerdotalium in genere	137*
Benedictio Mapparum, seu Lintheaminum	138*
Benedictio Pallæ et Corporalis	139*
Benedictio Tabernaculi, seu vasculi pro SS. Eucharistia conservanda	139*
Benedictio Ostensorii	140*
Sermo Dominicus	140*
Benedictio Fontis Baptismalis	147*

INDEX ALPHABETICUS FESTORUM

A

	DIES	PAG.
Abdon et Sennen MM.	30 Julii	509
Ægidii C. O. P.	14 Maii	443
Ægidii Abbatis	1 Sept.	548
Æmilie Bicchieri V. O. P.	19 Aug.	535
Agapiti M.	18 Aug.	534
Agathæ V. M.	5 Febr.	376
Agnæ V. M.	21 Jan.	360
Agnæ V. M. secundo	28 Jan.	366
Agnæ de Monte Politiano V. O. P.	20 April.	413
Aimonis Taparelli C. O. P.	18 Aug.	534
Alberti a Bergamo C. O. P.	11 Maii	441
Alberti Magni E. C. E. D. O. P.	15 Nov.	622
Albini E. C.	1 Mart.	389
Alexandri, Eventii et Theoduli MM.	3 Maii	428
Alphonsi Maria de Lig. E. C. D.	2 Aug.	513
Alphonsi Navarrete O. P. et Soc. MM.	1 Junii	457
Alvari C. O. P.	19 Febr.	386
Ambrosii E. C. E. D.	7 Dec.	329
Ambrosii Sansedonii C. O. P.	20 Mart.	399
Andræ Apostoli	30 Nov.	323
Andræ Abelloni C. O. P.	17 Maii	445
Andræ Corsini E. C.	4 Febr.	376
Andræ Franchi C. O. P.	30 Maii	455
Andræ a Piscaria C. O. P.	19 Jan.	358
Angelæ Mericiæ V.	31 Maii	455
Angelorum Custodum	2 Oct.	577
Annæ Matris B. M. V.	26 Julii	506
Annuntiatio B. M. V.	25 Mart.	403
Anselmi E. C. E. D.	21 April.	415
Antonii Abbatis	17 Jan.	355
Antonii ab Ecclesia C. O. P.	28 Julii	507
Antonii M. Zaccaria C.	5 Julii	487
Antonii Neyrot M. O. P.	10 April.	410
Antonii a Padua C.	13 Junii	466
Antonii Pavonii M. O. P.	9 April.	410
Antonini E. C. O. P.	10 Maii	439

	DIES	PAG.
Apollinaris E. M.	23 Julii	504
Apparitio B. M. V. Immaculatæ	11 Febr.	379
Apparitio S. Michaelis Archangeli	8 Maii	436
Ascensio Domini		236
Assumptio B. M. V.	15 Aug.	529
Athanasii E. C. E. D.	2 Maii	426
Augustini E. C. E. D.	28 Aug.	542
Augustini a Bugella C. O. P.	24 Julii	504
Augustini Lucerini E. C. O. P.	3 Aug.	515

B

Barbaræ V. M.	4 Dec.	327
Barnabæ Apostoli	11 Junii	464
Bartholomæi Apostoli	24 Aug.	538
Bartholomæi de Bregantia E. C. O. P.	23 Oct.	594
Bartholomæi de Cerveriis M. O. P.	22 April.	415
Basilidis, Cyrini, Naboris et Nazarii MM.	12 Junii	465
Basilii E. C. E. D.	14 Junii	466
Bedæ Ven. C. E. D.	27 Maii	453
Benedicti Abbatis	21 Mart.	400
Benedicti XI PP. C. O. P.	7 Julii	490
Benvenutæ Bojani V. O. P.	30 Oct.	601
Bernardi Abb. E. D.	20 Aug.	535
Bernardi Scammacca C. O. P.	16 Febr.	385
Bertrandi de Garriga C. O. P.	6 Sept.	551
Bibianæ V. M.	2 Dec.	324
Birgittæ Viduæ	8 Oct.	584
Blasii E. M.	3 Febr.	374
Bonaventuræ E. C. E. D.	14 Julii	495
Britli E. C.	14 Nov.	621
Brunonis C.	6 Oct.	582

C

Cæcilie V. M.	22 Nov.	628
Cajetani C.	7 Aug.	520
Callisti PP. M.	14 Oct.	589
Camilli de Lellis C.	18 Julii	498

	DIES	PAG.
Caroli E. C.	4 Nov.	614
Casimiri C.	4 Mart.	390
Catharinæ V. M.	25 Nov.	632
Catharinæ a Raconixio V. O. P.	4 Sept.	550
Catharinæ de Ricciis V. O. P.	13 Febr.	382
Catharinæ Senensis V. O. P.	30 April.	423
Cathedra S. Petri Antiochena	22 Febr.	386
Cathedra S. Petri Romæ	18 Jan.	356
Ceslai C. O. P.	17 Julii	497
Christinæ V. M.	24 Julii	504
Christophori et Cucuphatis MM.	25 Julii	505
Christophori a Mediolano C. O. P.	1 Mart.	389
Chrysogoni M.	24 Nov.	631
Circumcisio Domini		29
Claræ V.	12 Aug.	525
Claræ Gambacurtæ Vid. O. P.	17 April.	413
Clementis I PP. M.	23 Nov.	630
Columbæ V. O. P.	20 Maii	449
Commemoratio B. M. V. de Monte Carmelo	16 Julii	497
Commemoratio S. P. N. D. in Suriano	25 Sept.	569
Commemoratio Omnium Fidelium Defunctorum	2 Nov.	609
Commemoratio S. Pauli	30 Junii	481
Compassio B. M. V.		313
Conceptio Imm. B. M. V.	8 Dec.	333
Constantii a Fabriano C. O. P.	25 Febr.	388
Conversio S. Pauli Ap.	25 Jan.	363
Cordis Jesu		263
Cordis Pur. B. M. V.		316
Corneii PP. et Cypriani E. MM.	16 Sept.	559
Coronæ Spineæ Domini	24 April.	416
Corporis Christi		259
Cosmæ et Damiani MM.	27 Sept.	569
Crispini et Crispiniani MM.	25 Oct.	597
Cyriaci, Largi et Smaragdi MM.	8 Aug.	522
Cyrilli Alexand. C. E. D.	9 Febr.	378
Cyrilli Hierosol. C. E. D.	18 Mart.	396

D

Dalmatii C. O. P.	26 Sept.	569
Damasi I PP. C.	11 Dec.	336
Damiani C. O. P.	26 Oct.	597
Decollatio S. Joann. Bapt.	29 Aug.	543
Dedicatio Basilicarum SS. Petri et Pauli	18 Nov.	625
Dedicatio Basilicæ sanctissimi Salvatoris	9 Nov.	617
Dedicationis Eccl. Anniv.	22 Oct.	594
Dianæ, Cæcilie et Amatæ VV. O. P.	9 Junii	462
Dionysii, Rustici et Eleutherii MM.	9 Oct.	585
Domnici C. P. N.	4 Aug.	516
Dominici et Gregorii C. O. P.	26 April.	419
Dominici Spadafora C. O. P.	3 Oct.	579
Dominici Sylensis Abb.	20 Dec.	338
Donati E. M.	7 Aug.	520

E

Elisabeth Viduæ	19 Nov.	625
Emerentianæ V. M.	23 Jan.	366
Ephræm Syri C. E. D.	18 Junii	469
Epiphania Domini	6 Jan.	34
Euphemie V. M.	16 Sept.	559
Eusebii Presbyteri C.	14 Aug.	527
Exaltatio S. Crucis	14 Sept.	557

F

	DIES	PAG.
Fabiani PP. et Sebastiani MM.	20 Jan.	358
Familiæ S.		36
Felices Presbyteri M.	14 Jan.	353
Felices et Adaucti MM.	30 Aug.	545
Felices, Simplicii, Faustini et Beatrix MM.	29 Julii	508
Fellicis de Valois C.	20 Nov.	627
Franciscæ Romanæ Vid.	9 Mart.	394
Francisci C. P. N.	4 Oct.	580
Francisci Caracciolo C.	4 Junii	460
Francisci de Capillas M. O. P.	15 Jan.	353
Francisci a Paula C.	2 April.	406
Francisci de Possadas C. O. P.	20 Sept.	564
Francisci Salesii E. C. E. D.	29 Jan.	368
Francisci Xaverii C.	3 Dec.	326

G

Gabrielis Archangeli	24 Mart.	401
Georgii M.	23 April.	416
Germani E. C.	31 Julii	510
Gervasii et Protasii MM.	19 Junii	470
Gordiani et Epimachi MM.	10 Maii	439
Gorgonii M.	9 Sept.	554
Gregorii I PP. C. E. D.	12 Mart.	395
Gregorii Nazianzeni E. C. E. D.	9 Maii	437
Gregorii Thaumaturgi E. C.	17 Nov.	624
Gualæ E. C. O. P.	3 Sept.	550
Guillelmi O. P. et Soc. MM.	29 Maii	454
Gundisalvi C. O. P.	16 Jan.	354

H

Henrici Imperatoris C.	15 Julii	497
Henrici Susonis C. O. P.	2 Mart.	390
Hieronymi Presbyteri C. E. D.	30 Sept.	572
Hieronymi Æmiliani C.	20 Julii	500
Hieronymi, Valentini et Soc. MM. O. P.	6 Nov.	616
Hilarii E. C. E. D.	14 Jan.	353
Hippolyti et Soc. MM.	13 Aug.	526
Hosannæ de Catharo V. O. P.	27 April.	420
Hosannæ Mantuanæ V. O. P.	20 Junii	471
Hyacinthi C. O. P.	17 Aug.	532

I

Ignatii E. M.	1 Febr.	370
Ignatii Delgado, Dominici Henares EE. O. P. et Soc. MM.	11 Julii	493
Ignatii a Loyola C.	31 Julii	510
Imeldæ V. O. P.	13 Maii	442
Innocentii V. PP. C. O. P.	22 Junii	471
Innocentium MM.	28 Dec.	344
Irenæi E. M.	28 Junii	476
Inventio S. Crucis	3 Maii	428
Inventio S. Stephani Protomartyris	3 Aug.	515
Isidori E. C. E. D.	4 April.	408
Isardi de Chiampo C. O. P.	22 Mart.	400

J

Jacobi Apost.	25 Julii	505
Jacobi de Benefactis C. O. P.	26 Nov.	633
Jacobi a Mevania C. O. P.	23 Aug.	537
Jacobi Salomonii C. O. P.	5 Junii	460
Jacobi ab Ulma C. O. P.	11 Oct.	588

	DIES	PAG.
Jacobi a Voragine E. C. O. P.	13 Julii	495
Januarii E. et Soc. MM.	19 Sept.	562
Joachim C. Patris B. M. V.	16 Aug.	530
Joannæ de Aza Matris S. D.	8 Aug.	522
Joannæ Franciscæ Fremiot de Chantal Vid.	21 Aug.	536
Joannæ a Lusitania V. O. P.	12 Maii	441
Joannæ Urbevetanæ V. O. P.	23 Julii	504
Joannis Apost. et Evang.	27 Dec.	342
Joannis ante Portam Latinam	6 Maii	433
Joannis Bapt. de la Salle C.	15 Maii	444
Joannis Bosco C.	31 Jan.	369
Joannis O. P. et Soc. MM. Gorchomiensium	9 Julii	490
Joannis Chrysostomi E. C. E. D.	27 Jan.	366
Joannis a Cruce C. E. D.	24 Nov.	631
Joannis Damasceni C. E. D.	27 Mart.	405
Joannis de Deo C.	8 Mart.	393
Joannis Dominici E. C. O. P.	10 Junii	463
Joannis Gualberti Abb.	12 Julii	494
Joannis Liccii C. O. P.	14 Nov.	621
Joannis Massias C. O. P.	18 Sept.	562
Joannis de Matha C.	8 Febr.	378
Joannis Nepomuceni M.	16 Maii	444
Joannis et Pauli MM.	26 Junii	475
Joannis a Salerno C. O. P.	9 Aug.	522
Joannis a Vercellis C. O. P.	1 Dec.	324
Jordani a Pisis, C. O. P.	6 Mart.	390
Jordani Saxonis C. O. P.	15 Febr.	384
Joseph C. Sponsi B. M. V.	19 Mart.	398
Joseph Calasactii C.	27 Aug.	540
Juliani E. C.	27 Jan.	366

L

Lamberti E. M.	17 Sept.	561
Laurentii M.	10 Aug.	524
Laurentii a Ripafracta C. O. P.	28 Sept.	570
Leodegarii E. M.	2 Oct.	577
Leonis I PP. C. E. D.	11 April.	410
Leonis II PP. C.	3 Julii	486
Luca Evangelistæ	18 Oct.	592
Luciæ V. M.	13 Dec.	336
Luciæ a Narnia V. O. P.	16 Nov.	624
Ludovici Regis C.	25 Aug.	539
Ludovici Bertrandi C. O. P.	10 Oct.	587
Ludovici Mariæ Grignon de Montfort C. O. P.	28 April.	420

M

Machabæorum MM.	1 Aug.	512
Magdalænæ de Panateriis V. O. P.	13 Oct.	589
Mannis C. O. P.	30 Julii	509
Marcelli I PP. M.	16 Jan.	354
Marcelli M.	4 Sept.	551
Marcellini Presbyteri et Petri Exorcistæ MM.	2 Junii	459
Marci Evangelistæ	25 April.	418
Marci PP. C.	7 Oct.	583
Marci et Marcelliani MM.	18 Junii	469
Marci Mutinensis C. O. P.	23 Sept.	568
Marcolini C. O. P.	24 Jan.	362
Margaritæ V. M.	20 Julii	500
Margaritæ de Castello V. O. P.	13 April.	411
Margaritæ ab Hungaria V. O. P.	26 Jan.	365
Margaritæ de Sabaudia V. O. P.	23 Dec.	340
Mariæ V. de Mercede	24 Sept.	568
Mariæ V. de Monte Carmelo	16 Julii	497
Mariæ V. ad Nives	5 Aug.	518

	DIES	PAG.
Mariæ V. Mediatrix	31 Maii	455
Mariæ Bartholomææ V. O. P.	28 Maii	454
Mariæ Magdalænæ	22 Julii	502
Mariæ Mancini Vid. O. P.	30 Jan.	368
Marthæ V.	29 Julii	508
Martinæ V. M.	30 Jan.	368
Martini E. C.	11 Nov.	618
Martini de Porres C. O. P.	5 Nov.	616
Matthæi Apost. et Ev.	21 Sept.	565
Matthæi Carrerii C. O. P.	7 Oct.	583
Matthiæ Apostoli	24 Febr.	387
Mauri Abbatis	15 Jan.	354
Mauritii, Exsuperii, Candidi, Vitalis, Innocentii et Soc. MM.	22 Sept.	566
Medardi E. C.	8 Junii	462
Mennæ M.	11 Nov.	618
Michælis Archangeli	29 Sept.	571
Monicæ Viduæ	4 Maii	430

N

Nativitas Domini	25 Dec.	18
Nativitas S. Joann. Bapt.	24 Junii	473
Nativitas B. M. V.	8 Sept.	552
Nazarii, Celsi et Pantaleonis MM.	28 Julii	507
Nerei, Achillei et Pancratii MM.	12 Maii	441
Nicolai E. C.	6 Dec.	328
Nicolai Palea C. O. P.	14 Febr.	384
Nicolai a Tolentino C.	10 Sept.	554
Nicomedis M.	15 Sept.	558
Nominis Jesu		30
Nominis Mariæ	12 Sept.	555
Norberti E. C.	6 Junii	462

O

Omnium Sanctorum	1 Nov.	607
Omnium Sanctorum O. P.	12 Nov.	619

P

Pascha Resurrectionis		211
Patricii E. C.	17 Mart.	396
Patrocinium B. M. V.	22 Dec.	339
Patrocinium S. Thomæ Aquinatis	13 Nov.	621
Pauli C. Eremitæ	15 Jan.	354
Pauli a Cruce C.	28 April.	420
Pentecostes		245
Petri et Pauli App.	29 Junii	479
Petri ad Vincula	1 Aug.	511
Petri Martyris O. P.	29 April.	421
Petri ab Alcantara C.	19 Oct.	593
Petri Cælestini PP. C.	19 Maii	447
Petri Chrysol. E. C. E. D.	4 Dec.	327
Petri Damiani E. C. E. D.	23 Febr.	386
Petri Gonzalez C. O. P.	14 April.	411
Petri de Jeremia C. O. P.	10 Mart.	394
Petri Nolasco C.	28 Jan.	366
Petri de Ruffia M. O. P.	7 Nov.	617
Petri M. Sanz E. et Soc. MM. O. P.	3 Junii	459
Petri a Tiferno C. O. P.	21 Oct.	594
Petronillæ V.	31 Maii	456
Philippi et Jacobi App.	1 Maii	425
Philippi Nerei C.	26 Maii	452
Pii V PP. C. O. P.	5 Maii	431
Polycarpi E. M.	26 Jan.	365
Præsentatio B. M. V.	21 Nov.	628
Praxedis V.	21 Julii	501
Primi et Feliciani MM.	9 Junii	463
Priscæ V. M.	18 Jan.	356

	DIES	PAG.
Processi et Martiniani MM.	2 Julii	485
Proti et Hyacinthi MM.	11 Sept.	555
Pudentianæ V.	19 Maii	447
Purificatio B. M. V.	2 Febr.	372

Q

Quatuor Coronatorum MM.	8 Nov.	617
Quintini M.	31 Oct.	601
Quirici et Iulittæ MM.	16 Junii	469

R

Raphaëlis Archangeli	24 Oct.	596
Raymundi a Capua C. O. P.	5 Oct.	582
Raymundi Nonnati C.	31 Aug.	547
Raymundi de Pennafort C. O. P.	23 Jan.	360
Reginaldi C. O. P.	17 Febr.	385
Regis D. N. J. C.		604
Reliquiarum	31 Oct.	601
Remigii E. C.	1 Oct.	577
Romualdi Abbatis	7 Febr.	378
Rosæ a Lima V. O. P.	30 Aug.	545
Rosarii B. M. V.		575
Rufi E. M.	27 Aug.	541

S

Sabinæ Mart.	29 Aug.	544
Sadoc et Soc. MM. O. P.	2 Junii	459
Sanguinis D. N. J. C.	1 Julii	483
Saturnini E. M.	29 Nov.	321
Scholasticæ V.	10 Febr.	379
Sebastiani Maggi C. O. P.	16 Dec.	337
Septem Dolorum B. M. V.	15 Sept.	558
Septem Fratrum MM.	10 Julii	492
Septem Fundatorum Ordinis Servorum B. M. V. CC.	12 Febr.	380
Sergii, Bachi, Marcelli et Apulei MM.	7 Oct.	553
Servatii E. C.	22 Maii	449
Sibyllinæ V. O. P.	23 Mart.	400
Silvestri I PP. C.	31 Dec.	348
Simonis et Judæ App.	28 Oct.	599
Simonis Ballachii C. O. P.	3 Nov.	614
Solemnitas S. Joseph		315
Stanislai E. M.	7 Maii	434
Stephanæ de Quinzanis V. O. P.	2 Jan.	350
Stephani Protomartyris	26 Dec.	340
Stephani I PP. M.	2 Aug.	514

	DIES	PAG.
Stephani Regis C.	2 Sept.	548
Stephani Bandelli C. O. P.	12 Junii	465
Stigmatum S. Catharinæ Senensis V. O. P.	1 April.	406
Stigmatum S. Francisci C.	17 Sept.	560

T

Teresiæ V.	15 Oct.	590
Theodori M.	9 Nov.	617
Thomæ Apostoli	21 Dec.	338
Thomæ Aquinatis E. C. D. O. P.	7 Mart.	391
Thomæ Cantuariensis E. M.	29 Dec.	346
Tiburtii, Valeriani et Maximi MM.	14 April.	411
Tiburtii M.	11 Aug.	525
Timothei E. M.	24 Jan.	362
Timothei et Symphoriani MM.	22 Aug.	537
Transfiguratio Domini	6 Aug.	518
Translatio S. Catharinæ Senensis V. O. P.		313
Translatio S. P. N. D.	24 Maii	450
Translatio Almæ Domus Lauretanæ	10 Dec.	334
Trinitatis		257

U

Urbani I PP. M.	25 Maii	451
Ursulæ et Soc. VV. MM.	21 Oct.	594

V

Valentini M.	14 Febr.	384
Vedasti et Amandi EE. CC.	6 Febr.	377
Venantii M.	18 Maii	446
Villanæ Vid. O. P.	28 Febr.	389
Vincentii Martyris	22 Jan.	360
Vincentii Ferrerii C. O. P.	5 April.	408
Vincentii a Paulo C.	19 Julii	498
Visitatio B. M. V.	2 Julii	485
Vitalis Martyris	28 April.	421
Vitalis et Agricolæ MM.	4 Nov.	614
Viti, Modesti et Crescentiæ MM.	15 Junii	468

X

Xysti, Felicissimi et Agapiti MM.	6 Aug.	518
-----------------------------------	--------	-----


Z

Zedislavæ Matronæ O. P.	3 Jan.	351
-------------------------	--------	-----

APPENDIX


TONI GLORIA IN EXCELSIS DEO

In Festis solemnibus




In Totis Duplicibus communibus et Dominicis majoribus


Etiam diebus Octavis solemnibus et supra, necnon Dominicis, in quibus Memoria Totius Duplicis vel Octavæ solemniss et supra facta fuerit.




In Duplicibus et Dominicis minoribus, et infra Octavas solemnissimas et solemnes.



Sabbatis, Festis et Octavis B. Mariæ V.



In Semiduplicibus et Simplicibus, et infra Octavas simplices



TONUS CREDO



PRÆFATIO SOLEMNIS DE NATIVITATE

Sequens Præfatio dicatur in Nativitate Domini, et quotidie usque ad Epiphaniam, etiam in Missis de Sanctis, et de eorum Octavis (præterquam in die octava S. Joannis Apostoli); item in festo SS. Nominis Jesu; item in omnibus Missis de beata Maria Virgine, a Nativitate Domini usque ad Purificationem, et in ipso festo Purificationis; item in festo Corporis Christi, et quotidie per Octavam, nisi occurrat festum habens propriam Præfationem; item in festo et per Octavam SS. Cordis Jesu, necnon in Missis votivis de SS. Sacramento, de SS. Nomine Jesu, et de ipsius SS. Corde extra Septuagesimam.



PER ómni- a sæcu- la sæcu- ló- rum. Amen. Dóminus vo-



bíscum. Et cum spí- ri- tu tu- o. Sursum corda. Habémus



ad Dóminum. Grá- ti- as agámus Dómino De- o nostro.



Dignum et justum est. Vere dignum et justum est, æquum



et sa- lu- táre : Nos ti- bi semper et ubique grá- ti- as




áge- re, Dómine sancte, Pa- ter omnípot- ens, ætérne



De- us. Qui- a per incarná- ti Verbi mysté- ri- um, nova



mentis nostræ ócu- lis lux tu- æ cla- ri- tá- tis infúlsit : Ut



dum vi-si-bí-li-ter De-um cognóscimus, per hunc in invi-
 si-bí-li-um amó-rem rapi-ámur. Et íde-o cum Ange-lis
 et Archánge-lis, cum Thronis et Domi-na-ti-ó-nibus :
 Cumque omni mi-lí-ti-a cæ-léstis ex-érci-tus, hymnum
 gló-ri-æ tu-æ cánimus, sine fi-ne di-céntes.

PRÆFATIO SOLEMNIS DE EPIPHANIA

Sequens Præfatio dicatur in die Epiphaniæ, et quotidie per totam Octavam etiam in Missis Sanctorum, et in festo S. Familiæ.




PER ómni-a sæcu-la sæcu-ló-rum. Amen. Dóminus vo-
 bíscum. Et cum spí-ri-tu tu-o. Sursum corda. Habémus
 ad Dóminum. Grá-ti-as agámus Dómino De-o nostro.
 Dignum et justum est. Vere dignum et justum est, æquum
 et sa-lu-táre : Nos ti-bi semper et ubique grá-ti-as



áge-re, Dómine sancte, Pa-ter omnípot-ens, ætérne
 De-us. Qui-a cum Unigéni-tus tu-us in substánti-a no-
 stræ morta-li-tá-tis appáru-it, nova nos immorta-li-tá-tis
 su-æ lu-ce reparávit. Et íde-o cum Ange-lis et Archán-
 ge-lis, cum Thronis et Domi-na-ti-ónibus, cumque omni
 mi-li-ti-a cæléstis ex-érci-tus, hymnum gló-ri-æ tu-æ cáni-
 mus, sine fi-ne di-céntes.

PRÆFATIO SOLEMNIS DE QUADRAGESIMA

Sequens Præfatio cum cantu solemni dicatur in Dominicis Quadragesimæ usque ad Dominicam Passionis exclusive, etiam in festis Sanctorum infra dictum tempus occurrentibus, nisi propria assignetur.



PER ómni-a sácu-la sæcu-ló-rum. Amen. Dóminus vo-
 bîscum. Et cum spí-ri-tu tu-o. Sursum corda. Habémus
 ad Dóminum. Grá-ti-as agámus Dómino De-o nostro.



Dignum et justum est. Vere dignum et justum est, æquum



et sa-lu-täre : Nos ti-bi semper et ubique grá-ti-as



áge-re, Dómine sancte, Pa-ter omnipot-ens, ætérne



De-us. Qui corporá-li je-júni-o ví-ti-a cómpimis,



mentem é-levas, virtú-tem largi-ris et præmi-a, per Chri-



stum Dóminum nostrum. Per quem ma-jestá-tem tu-am



laudent Ange-li, adórant Domina-ti-ónes, tremunt Pot-e-



stá-tes. Cæ-li, cælorúmque Virtú-tes, ac be-á-ta Séraphim,



só-ci-a exsulta-ti-ó-ne concé-lebrant. Cum quibus et



nostras voces, ut admitti júbe-as depre-cámur, súpli-ci



confessi-ó-ne di-céntes.

PRÆFATIO FERIALIS DE QUADRAGESIMA

Sequens Præfatio cum cantu feriali dicatur in capite Jejunii, et deinceps usque ad Dominicam Passionis exclusive, in profestis diebus.



PER ómni- a sæcu-la sæcu-ló-rum. **A**men. **D**óminus vo-



bíscum. **E**t cum spí-ri-tu tu-o. **S**ursum corda. **H**abémus



ad Dóminum. **G**rá-ti-as agámus Dómino De-o nostro.



Dignum et justum est. **V**ere dignum et justum est, æquum



et sa-lu-tá-re : **N**os ti-bi semper et ubique grá-ti-as



áge-re, Dómine sancte, Pa-ter omnipot-ens, ætérne



De-us. **Q**ui corporá-li je-júni-o ví-ti-a cómprimis,




mentem é-levas, virtú-tem largí-ris et præmi-a, per Chri-



stum Dóminum nostrum. **P**er quem ma-jestá-tem tu-am



laudant Ange-li, adórant Domina-ti-ónes, tremunt Pot-e-




stá-tes: Cæ-li cælórúmque Virtú-tes, ac be-á-ta Séraphim,
 só-ci- a exsulta-ti- óne concé-lebrant: Cum quibus et
 nostras voces ut admít-ti júbe-as deprecámur, súppli-ci
 confessi- óne di-céntes.

PRÆFATIO SOLEMNIS DE CRUCE.

Sequens Præfatio cum cantu sollemni dicatur in Dominicis Passionis et Palmarum, in Cena Domini, et in festis Sanctorum infra id tempus occurrentibus, nisi propriam habuerint; item in festo Pretiosissimi Sanguinis, in utroque festo S. Crucis, et in Missis votivis de Cruce, de Passione, et SS. Cordis Jesu a Septuagesima ad Vigiliam Pentecostes.




PER ómni- a sáecu-la sæcu-ló-rum. **A**men. **D**óminus vo-
 bíscum. **E**t cum spí-ri-tu tu-o. **S**ursum corda. **H**abémus
 ad Dóminum. **G**rá-ti- as agámus Dómino De-o nostro.
Dignum et justum est. **V**ere dignum et justum est, æquum
 et sa-lu-táre: Nos ti-bi semper et ubíque grá-ti- as
 áge-re, Dómine sancte, Pa-ter omnípot-ens, ætérne



De-us. Qui sa-lútem húmáni géne-ris in ligno Crucis consti-
tu-isti : ut unde mors o-ri- e-bátur, inde vi-ta resúrgeret :
et qui in ligno vincébat, in ligno quoque vince-ré-tur, per
Christum Dóminum nostrum. Per quem ma-jestá-tem tu-am
laudent Ange-li, adórant Domina-ti- ónes, tremunt Pot-e-
stá-tes: Cæ-li, cælorúmque Virtú-tes, ac be-á-ta Séraphim,
só-ci- a exsulta-ti- ó-ne concé-lebrant : Cum quibus et
nostras vo-ces ut admítti júbe-as depre-cámur, súppli-ci
confessi- ó-ne di-céntes.

PRÆFATIO FERIALIS DE CRUCE.

Sequens Præfatio cum cantu feriali dicatur in profestis diebus a Dominica Passionis usque ad Cenam Domini exclusive.



PER ómni- a sæcu-la sæcu-ló-rum. **A**men. **D**óminus vo-



biscum. **Et** cum spí-ri-tu tu-o. Sursum corda. **Habémus**




ad Dóminum. **Grá-ti-as** agámus Dómino De-o nostro.



Dignum et justum est. Vere dignum et justum est, æquum



et sa-lu-tá-re : Nos ti-bi semper et ubique grá-ti-as



áge-re, Dómine sancte, Pa-ter omnípot-ens, ætérne



De-us. Qui sa-lútem humáni géne-ris in ligno Crucis consti-



tu-ísti ut unde mors o-ri-ebátur, inde vi-ta resúrgeret :



et qui in ligno vincébat, in ligno quoque vinceré-tur, per




Christum Dóminum nostrum. Per quem ma-jestá-tem tu-am



laudent Ange-li, adórant Domina-ti-ónes, tremunt Pot-e-




stá-tes : Cæ-li cælorúmque Virtú-tes, ac be-á-ta Séraphim,



só-ci- a exsulta-ti- óne concé-lebrant. Cum quibus et
 nostras voces ut admít-ti jú-be-as deprecámur, súppli-ci
 confessi- óne di-céntes.

PRÆFATIO SOLEMNIS IN DIE PASCHÆ

Sequens Præfatio cum cantu solemni dicatur in Vigilia et in die Paschæ, et per totam Octavam, et deinceps in Dominicis usque ad festum Ascensionis; et in festis Simplicibus et supra, eo tempore occurrentibus, nisi propriam habuerint. In Missa tamen Sabbati sancti dicitur in hac potissimum nocte, in die Paschæ usque ad Dominicam in Albis inclusive, in hac potissimum die, et deinceps in hoc potissimum.



PER ómni- a sǽcu-la sǽcu-ló-rum. **A**men. **D**óminus vo-
 bíscum. **E**t cum spí-ri-tu tu- o. Sursum corda. **H**abémus
 ad Dóminum. **G**rá-ti- as agámus Dómino De-o nostro.
 Dignum et justum est. **V**ere dignum et justum est, æquum
 et sa-lu-táre : Te quidem Dómine omni témpore, sed in
 hac (*vel* hoc) po-tíssimum (nocte *vel* di- e) glo-ri- ó-si- us



prædi-câre, cum Pascha nostrum immo-lá-tus est Christus.



Ipse enim verus est Agnus, qui ábstu-lit peccá-ta mundi :



qui mortem nostram mo-ri-éndo destrúxit, et vi-tam resur-



géndo reparávit. Et ide-o cum Ange-lis et Archánge-lis,



cum Thronis et Domi-na-ti-ónibus : Cumque omni mi-li-



ti-a cæléstis exérci-tus, hymnum gló-ri-æ tu-æ cánimus,



sine fi-ne di-céntes.

PRÆFATIO FERIALIS TEMPORE PASCHALI.

Sequens Præfatio cum cantu feriali dicatur tempore Paschali in diebus ferialibus, et festis trium Lectionum.



PER ómni- a sæcu-la sæcu-ló-rum. Amen. Dóminus vo-



bíscum. Et cum spí-ri-tu tu-o. Sursum corda. Habémus



ad Dóminum. Grá-ti-as agámus Dómino De-o nostro.



Dignum et justum est. Vere dignum et justum est, æquum



et sa-lu-täre : Te quidem Dómine omni témpore, sed in



hoc po-tíssimum glo-ri-ó-si-us prædi-cäre, cum Pascha



nostrum immo-lá-tus est Christus. Ipse enim verus est



Agnus, qui ábstu-lit peccáta mundi : qui mortem nostram



mo-ri-éndo destrúxit, et vi-tam resurgéndo reparávit.



Et íde-o cum Ange-lis et Archánge-lis, cum Thronis et



Domina-ti-ónibus : Cumque omni mi-lí-ti-a cæléstis exér-




ci-tus, hymnum gló-ri-æ tu-æ cánimus, sine fine di-céntes.

PRÆFATIO SOLEMNIS DE ASCENSIONE

Sequens Præfatio dicatur in die Ascensionis, et per totam Octavam et FERIA VI post Oct. in omnibus Missis, etiam in festis Sanctorum occurrentibus, nisi propriam habuerint.



PER ómni-a sæcu-la sæcu-ló-rum. Amen. Dóminus vo-



biscum. Et cum spí-ri-tu tu-o. Sursum corda. Habémus



ad Dóminum. Grá-ti-as agámus Dómino De-o nostro.



Dignum et justum est. Vere dignum et justum est, æquum



et sa-lu-tá-re : Nos ti-bi semper et ubique grá-ti-as




áge-re, Dómine sancte, Pa-ter omni-po-tens, ætérne



De-us, per Christum Dóminum nostrum. Qui post resurre-



cti-ónem su-am ómnibus discípu-lis su-is mani-féstus ap-



páru-it, et ipsis cernéntibus est e-levá-tus in cælum, ut




nos di-vi-ni-tá-tis su-æ tribú-eret esse parti-cipes. Et id-



e-o cum Ange-lis et Archánge-lis, cum Thronis et Do-



mi-na-ti-ónibus : Cumque omni mi-li-ti-a cæ-léstis ex-ér-



ci-tus, hymnum glóri-æ tu-æ cānimus, sine fi-ne di-céntes.

PRÆFATIO SOLEMNIS DE SPIRITU SANCTO.

Sequens Præfatio dicatur in Vigilia et in die Pentecostes, et quotidie per Hebdomadam, usque ad Sabbatum inclusive; item in Missis votivis de Spiritu Sancto, (in quibus omittantur verba hodiérna die.)



PER ómni- a sæcu-la sæcu-ló-rum. **Amen.** Dóminus vo-



bíscum. Et cum spí-ri-tu tu- o. Sursum corda. **Habémus**




ad Dóminum. **Grá-ti-** as agámus Dómino De- o nostro.



Dignum et justum est. Vere dignum et justum est, æquum



et sa-lu-táre : Nos ti-bi semper et ubique grá-ti- as



áge-re, Dómine sancte, Pa-ter omnípot-ens, ætérne



De-us, per Christum Dóminum nostrum : Qui ascéndens



super omnes cælos, sedénsque ad dèxte-ram tu-am, pro-



missum Spí-ri-tum Sanctum (hodi-érna di-e) in fi-li-os




adopti-ó-nis effúdit. Quaprópter pro-fú-sis gáudi-is to-
tus in orbe terrárum mundus exsúltat : Sed et supérnæ
Virtú-tes, atque angé-licæ Po-testá-tes hymnum gló-ri-æ
tu-æ cóncinunt, sine fi-ne di-céntes.

PRÆFATIO SOLEMNIS DE SS. TRINITATE

Sequens Præfatio dicatur in festo SS. Trinitatis, et per Octavam usque ad quintam Feriam exclusive, etiam in festis Sanctorum, (nisi propriam habuerint) et in Missis votivis de Trinitate; item in festo Transfigurationis Domini; et in Dominicis per Annum, nisi alia particularis occurrerit.



PER ómni- a sæcu-la sæcu-ló-rum. Amen. Dóminus vo-
biscum. Et cum spí-ri-tu tu-o. Sursum corda. Habémus
ad Dóminum. Grá-ti- as agámus Dómino De-o nostro.
Dignum et justum est. Vere dignum et justum est, æquum
et sa-lu-tá-re : Nos ti-bi semper et ubique grá-ti- as
áge-re, Dómine sancte, Pa-ter omnipot-ens, ætérne



De-us. Qui cum unigéni-to Fi-li-o tu-o, et Spí-ri-tu

Sancto, unus es De-us, unus es Dóminus : Non in uní-us

singu-la-ri-tá-te persónæ, sed in uní-us Trini-tá-te substán-

ti-æ. Quod enim de tu-a gló-ri-a, reve-lánte te, crédimus,

hoc de Fi-li-o tu-o, hoc de Spí-ri-tu Sancto, sine diffe-

rénti-a discre-ti-ó-nis sentimus. Ut in confessi-óne veræ

sempi-ternæque De-i-tá-tis, et in persónis propri-e-tas,

et in essénti-a úni-tas, et in ma-jestáte ado-ré-tur

æquá-li-tas. Quam laudant Ange-li, atque Archánge-li,

Chérubim quoque ac Sé-raphim, qui non cessant clamáre

quo-tí-di-e, una vo-ce di-céntes.

PRÆFATIO SOLEMNIS D. N. JESU CHRISTI REGIS


Sequens Præfatio dicatur in Festo D. N. Jesu Christi Regis.



PER ómni- a sæcu-la sæcu-ló-rum. Amen. Dóminus vo-



biscum. Et cum spí-ri-tu tu- o. Sursum corda. Habémus




ad Dóminum. Grá-ti- as agámus Dómino De-o nostro.



Dignum et justum est. Vere dignum et justum est, æquum



et sa-lu-tá-re : Nos ti-bi semper et ubique grá-ti- as



áge-re, Dómine sancte, Pa-ter omnípot-ens, ætérne



De-us : Qui unigéni-tum Fí-li-um tu-um Dóminum nostrum




Je-sum Christum, Sacerdó-tem ætérnum et universó-rum



Regem, ó-le-o exsulta-ti- ó-nis unxisti : ut se- ípsum in



ara crucis, hósti-am immacu-lá-tam et paci-fi-cam ófferens,




redempti-ónis humánæ sacraménta perágeret : et su-o
 subiectis impé-ri-o ómnibus cre-a-tú-ris, ætérnum et
 universá-le regnum imménsæ tu-æ tráde-ret Ma-jestá-ti :
 regnum ve-ri-tá-tis et vi-tæ; regnum sancti-tá-tis et grá-
 ti-æ; regnum justí-ti-æ, amó-ris et pa-cis. Et íde-o
 cum Ange-lis et Archánge-lis, cum Thronis et Domi-na-
 ti-ónibus : Cumque omni mi-lí-ti-a cæ-léstis ex-érci-tus,
 hymnum gló-ri-æ tu-æ cánimus, sine fi-ne di-céntes.

PRÆFATIO SOLEMNIS DE B. MARIA VIRGINE.

Sequens Præfatio dicatur in festis B. Mariæ Virg. (præterquam in festo Purificationis) et per eorum Octavas, etiam in festis Sanctorum infra eas occurrentium, nisi propriam habuerint. Item in Vigiliis et Missis votivis, nisi aliter notetur. Dicatur autem secundum denominationem festi Et te in Conceptione immaculata, vel Compassione, vel Annuntiatione, vel Visitatione, vel Assumptione, vel Nativitate, vel Præsentatione, vel reliquis festivitibus B. Mariæ Virg., Solemnitate, vel in Vigiliis et in Missis votivis, Veneratione, nisi aliter notetur.



PER ómni-a sæcu-la sæcu-ló-rum. Amen. Dóminus vo-



biscum. Et cum spí-ri-tu tu- o. Sursum corda. Habémus



ad Dóminum. Grá-ti- as agámus Dómino De-o nostro.



Dignum et justum est. Vere dignum et justum est, æquum



et sa-lu-tá-re : Nos ti-bi semper et ubique grá-ti- as



áge-re, Dómine sancte, Pa-ter omnípot-ens, ætérne



De-us. Et te in * * * * be-átæ Ma-ri-æ semper Virgi-



nis, exsultántibus ánimis laudá-re, benedi-cere, et præ-



di-cá-re. Quæ et Unigéni-tum tu-um Sancti Spí-ri-tus




obumbra-ti-ó-ne concépit, et virgi-ni-tá-tis gló-ri- a per-



manénte, mundo lumen ætérnum ef-fúdit, Jesum Christum



Dóminum nostrum. Per quem ma-jestá-tem tu-am laudant




Ange-li, adórant Domina-ti-ónes, tremunt Pot-está-
tes : Cæ-li, cælorúmque Virtú-tes, ac be-á-ta Séraphim,
só-ci-a exsulta-ti-óne concé-lebrant : Cum quibus et no-
stras voces ut admitti júbe-as depre-cámur, súppli-ci con-
fessi-ó-ne di-céntes.

PRÆFATIO SOLEMNIS DE S. JOSEPH

Sequens Præfatio dicatur in omnibus Missis de S. Joseph, et per ejus Octavam solemnem, etiam in festis Sanctorum, nisi propriam habuerint. In Missis votivis dicitur Et te in Veneratióne.



PER ómni-a sácu-la sácu-ló-rum. **Amen. Dóminus vo-**
bíscum. Et cum spi-ri-tu tu-o. Sursum corda. Habémus
ad Dóminum. Grá-ti-as agámus Dómino De-o nostro.
Dignum et justum est. Vere dignum et justum est, æquum
et sa-lu-táre : Nos ti-bi semper et ubique grá-ti-as



áge-re, Dómine sancte, Pa-ter omnípot-ens, ætérne
 De-us. Et te in Festi-vi-tá-te be-á-ti Joseph dé-bi-tis ma-
 gni-ficáre præ-có-ni-is, benedí-cere et prædi-cáre. Qui
 et vir justus, a te De-íparæ Vírgi-ni Sponsus est datus :
 et fidé-lis servus ac prudens, super Famí-li-am tu-am est
 consti-tútus : ut U-nigé-ni-tum tu-um, Sancti Spi-ri-tus
 obumbra-ti-óne concéptum, pa-térna vi-ce custo-dí-ret,
 Jesum Christum Dóminum nostrum. Per quem ma-jestá-
 tem tu-am laudant Ange-li, adó-rant Domina-ti-ónes,
 tremunt Pot-está-tes : Cæ-li, cæ-lorúmque Virtú-tes, ac
 be-á-ta Séraphim, só-ci-a exsulta-ti-ó-ne concé-lebrant :



Cum quibus et nostras voces, ut admitti jube-as, depre-



cámur, súpli-ci confessi- ó-ne di-céntes.

PRÆFATIO SOLEMNIS DE APOSTOLIS

Sequens Præfatio dicatur in festis Apostolorum, et Evangelistarum, (excepto die festo S. Joannis Apostoli) et per Octavas eorum: et in festis Sanctorum infra eas occurrentium, si propriam non habuerint.



PER ómni- a sæcu-la sæcu-ló-rum. Amen. Dóminus vo-



bíscum. Et cum spí-ri-tu tu- o. Sursum corda. Habémus



ad Dóminum. Grá-ti- as agámus Dómino De-o nostro.



Dignum et justum est. Vere dignum et justum est, æquum



et sa-lu-táre : Te Dómine suppli-ci-ter exo-ráre, ut gre-



gem tu-um Pastor ætérne non déseras : sed per be-á-tos



Apósto-los tu-os contínu-a pro-tecti- ó-ne custódi- as : Ut



i- isdem rectó-ribus guberné-tur, quos ópe-ris tu-i vi-cá-




ri-os e-ídem contu-listi præ-esse pastóres. Et íde-o
cum Ange-lis et Archánge-lis, cum Thronis et Domi-na-
ti-ónibus : Cumque omni mi-lí-ti-a cæléstis ex-érci-tus,
hymnum gló-ri-æ tu-æ cánimus, sine fi-ne di-céntes.

PRÆFATIO SOLEMNIS DE S. DOMINICO

Sequens Præfatio dicatur in omnibus Missis de S. P. N. Dominico et infra ejus Octavam solemnem, etiam in festis Sanctorum, nisi propriam habuerint. Dicenda est etiam in festo Omnium Sanctorum Ord. Præd.



PER ómni- a sæcu-la sæcu-ló-rum. Amen. Dóminus vo-
bíscum. Et cum spí-ri-tu tu- o. Sursum corda. Habémus
ad Dóminum. Grá-ti- as agámus Dómino De-o nostro.
Dignum et justum est. Vere dignum et justum est, æquum
et sa-lu-táre : Nos ti-bi semper et ubique grá-ti- as
áge-re, Dómine sancte, Pa-ter omnípot-ens, ætérne



De-us. Qui in tu-æ sanctæ Ecclé-si-æ decórem ac tu-tá-
men apostó-li-cam vivéndi formam per be-a-tíssimum
Patri-árcham Domí-nicum renová-re vo-lu-ísti : Ipse
enim, Genitrí-cis Fí-li-i tu-i semper ope suffúltus,
prædi-ca-ti-óne su-a compéscu-it háereses, fide-i púgi-les
génti-um in sa-lú-tem instí-tu-it, et innúmeras ánimas
Christo luci-fé-cit. Sapi-énti-am e-jus narrant pópu-li,
e-júsque laudes núnti-at Ecclé-si-a. Et íde-o cum
Ange-lis et Archánge-lis, cum Thronis et Domi-na-ti-ó-
nibus : Cumque omni mi-lí-ti-a cæléstis ex-érci-tus
hymnum gló-ri-æ tu-æ cánimus, sine fi-ne di-céntes.

PRÆFATIO SOLEMNIS DE S. P. N. FRANCISCO

Sequens Præfatio dicatur in omnibus Missis de S. P. N. Francisco.



PER ómni- a sæcu-la sæcu-ló-rum. **A**men. **D**óminus vo-



bíscum. **E**t cum spí-ri-tu tu-o. **S**ursum corda. **H**abémus



ad Dóminum. **G**rá-ti- as agámus Dómino De-o nostro.



Dignum et justum est. **V**ere dignum et justum est, æquum



et sa-lu-tá-re : Nos ti-bi semper et ubique grá-ti- as



áge-re, Dómine sancte, Pa-ter omnípot-ens, ætérne



De- us. Qui venerándum Confessórem, fámulum tu-um,



be-átum Francíscum, tu- a, De- us, altíssima boni-tá-te



et cleménti-a, Sanctórum tu-órum mé-ri-tis et virtú-



ti-bus sublimásti. Mentémque ipsi-us, Sancti Spí-ri-tus



ope-ra-ti-óne, amor ille seráphicus ardentissime



incéndit inté-ri-us; cujúsque corpus sacris Stigmá-tibus



insigni-vit exté-ri-us, signo Cru-ci-fi-xi Jesu Christi



Dómi-ni nostri. Per quem ma-jestá-tem tu-am laudant



Ange-li, adórant Dómina-ti-ónes, tremunt Pot-está-



tes : Cæ-li, cælorúmque Virtú-tes, ac be-á-ta Séraphim,



só-ci-a exsulta-ti-óne concé-lebrant : Cum quibus et no-




stras voces, ut admít-ti jú-be-as, depre-cámur, súppli-ci con-



fessi-ó-ne di-céntes.

PRÆFATIO COMMUNIS IN CANTU SOLEMNI

Sequens Præfatio cum cantu solemni dicatur in omnibus festis Simplicibus, et supra, et per Octavas eorum, nisi propriam habuerint.



PER ómni- a sæcu-la sæcu-ló-rum. **A**men. **D**óminus vo-
bíscum. Et cum spí-ri-tu tu-o. **S**ursum corda. **H**abémus
ad Dóminum. **G**rá-ti-as agámus Dómino De-o nostro.
Dignum et justum est. **V**ere dignum et justum est, æquum
et sa-lu-tá-re : Nos ti-bi semper et ubíque grá-ti-as
áge-re, Dómine sancte, Pa-ter omnípot-ens, ætérne
De-us, per Christum Dóminum nostrum. Per quem ma-je-
stá-tem tu-am laudant Ange-li, adórant Domina-ti-ónes,
tremunt Po-testá-tes : Cæ-li, cæ-lorúmque Virtú-tes, ac
be-á-ta Séraphim, só-ci-a exsulta-ti-ó-ne concé-lebrant :



Cum quibus et nostras voces ut admitti júbe-as depre-



cámur, súpli-ci confessi- ó-ne di-céntes.

PRÆFATIO COMMUNIS IN CANTU FERALI

Sequens Præfatio cum cantu feriali dicatur in festis trium Lectionum et diebus ferialibus ubi propria non assignatur.



PER ómni- a sácu-la sácu-ló-rum. Amen. Dóminus vo-



bíscum. Et cum spí-ri-tu tu-o. Sursum corda. Habémus



ad Dóminum. Grá-ti-as agámus Dómino De-o nostro.



Dignum et justum est. Vere dignum et justum est, æquum



et sa-lu-tá-re : Nos ti-bi semper et ubíque grá-ti-as áge-



re, Dómine sancte, Pa-ter omní-po-tens, ætérne De-us,



per Christum Dóminum nostrum. Per quem ma-jestá-tem




tu-am laudant Ange-li, adórant Domina-ti-ónes, tremunt




Pot-está-tes : Cæ-li, cælorúmque Virtú-tes, ac be-á-ta Sé-
raphim, só-ci-a exsulta-ti-óne concé-lebrant : Cum qui-
bus et nostras voces ut admitti júbe-as deprecámur, súp-
pli-ci confessi-óne di-céntes.

PRÆFATIO PRO DEFUNCTIS

Sequens Præfatio cum suo cantu dicitur in omnibus Missis Defunctorum.



PER ómni-a sæcu-la sæcu-ló-rum. Amen. **D**óminus vo-
bíscum. Et cum spí-ri-tu tu-o. **S**ursum corda. **H**abémus
ad Dóminum. **G**rá-ti-as agámus Dómino De-o nostro.
Dignum et justum est. Vere dignum et justum est, æquum
et sa-lu-tá-re : Nos ti-bi semper et ubíque grá-ti-as áge-
re, Dómine sancte, Pa-ter omnípot-ens, ætérne De-us :



per Christum Dóminum nostrum. In quo nobis spes be-á-
 tæ resurrecti-ónis effúlsit, ut quos contrístat certa mo-
 ri-énderi condí-ti-o, e-ósdem conso-lé-tur futú-ræ immor-
 ta-li-tá-tis promissi-o. Tu-is enim fidé-libus, Dómine,
 vi-ta mu-tá-tur, non tólli-tur, et disso-lúta terréstris hujus
 inco-látus domo, ætérra in cæ-lis habi-tá-ti-o compa-
 rá-tur. Et íde-o cum Ange-lis et Archánge-lis, cum Thro-
 nis et Domina-ti-ónibus : Cumque omni mi-lí-ti-a cælé-
 stis exérci-tus, hymnum gló-ri-æ tu-æ cánimus, sine fine
 di-céntes.

AD PATER NOSTER

CANTUS SOLEMNIS



PER ómni- a sæcu-la sæcu-ló-rum. Amen. Orémus.



Præcéptis sa-lutá-ribus móni-ti, et di-vína insti-tu-ti-óne



formá-ti, audémus dí-cere.



PATER noster, qui es in cæ-lis : sancti-ficé-tur nomen tu-um.



Advéni-at regnum tu-um. Fi-at vo-lúntas tu-a, sicut in



cæ-lo, et in terra. Panem nostrum quo-tidi-ánum da nobis



hódi-e. Et dimitte nobis dé-bi-ta nostra, sicut et nos



dimíttimus debi-tó-ribus nostris. Et ne nos indúcas in



tenta-ti-ó-nem. Sed lí-bera nos a ma-lo. Amen.

CANTUS FERALIS




PER ómni- a sæcu-la sæcu-ló-rum. Amen. Orémus.




Cantus ferialis dicitur in festis trium Lectionum et in diebus ferialibus,
et in Missis Defunctorum.

ANTE AGNUS DEI



TONI ITE, MISSA EST, ETC.

In Sabbato Paschæ usque ad Dominicam in Albis exclusive.



I-te missa est, alle-lú-ia, alle- lú-ia.

In Festis solemnibus.



I-te missa est.

In Totis Duplicibus communibus et Dominicis majoribus.

(Etiam diebus Octavis solemnibus et supra; necnon Dominicis, in quibus Memoria Totius Duplicis vel Octavæ solennis et supra facta fuerit.)



I-te mis-sa est.

In Duplicibus et Dominicis minoribus, et infra Octavas solennissimas et solemnes.



I-te mis-sa est.

Sabbatis, Festis et Octavis B. Mariæ V.



I-te missa est.

In Semiduplicibus et Simplicibus, et infra Octavas simplices.



I-te mis-sa est.

Sequens Benedicamus cantetur in Dominicis diebus Adventus, et in Vigilia Nativitatis Domini, et in Dominicis a Septuagesima usque ad Cenam Domini, necnon in festo SS. Innocentium Martyrum extra Dominicam.



Be-nedi-camus Dó-mino.

Sabbatis de beata Virgine infra Septuagesimam, et in Missa privilegiata votiva SS. Rosarii, si Benedicámus dicendum sit.



Bene-dicámus Dó- mino.

In Semiduplicibus et Simplicibus infra Septuagesimam, et in Missis votivis.



Bene-di-cámus Dó-mino.

In profestis diebus, et festis trium Lectionum.



Bene-dicámus Dómino.

In Missis pro Defunctis.




Requi- éscant in pa-ce.

In Quadragesima.



Flectámus génu-a. Levá-te.

In Quadragesima.



Humi-li-á-te cápi-ta vestra De-o.

Quando Episcopus celebrat.



Humi-li-á-te vos ad benedicti-ónem.